




四川大學古籍整理研究所編

# 儒藏

史部 第二冊


四川大學出版社







儒藏





四川大學古籍整理研究所 編

儒藏·史部

# 孔孟史志

第二冊

四川大學出版社 二〇〇五年



# 目錄

闕里廣誌	王智勇校點	郭齊審稿	.....	一
闕里文獻考一(卷一至卷四〇)	吳洪澤校點	李文澤審稿	.....	四一七





# 關里廣誌

清康熙刻本

清·宋際 宋慶長 撰



《闕里廣誌》二十卷，清宋際、宋慶長同撰，清康熙十三年刻本。

際字峨修，慶長字簡臣，俱爲松江人。

闕里有志，自明陳鏞《闕里誌》始。陳志大抵以記累朝表章之盛、報祀之隆、禮樂之賜、田宅之錫、封爵之貴、綸誥之寵。至於孔子之遺迹，後裔之賢達，諸賢之配享，也并載於書。其後自弘治至清初，屢有修輯，但多有紕繆。康熙十二年，宋際爲孔廟司樂，宋慶長爲典籍，有感於舊志之無文，於是相與搜求典故，考核文籍，芟其不經，擇其言尤雅訓者，輯成二十卷，名《闕里廣誌》。其書因舊志而增損之，分《圖像》、《世家》、《禮樂》、《林廟》、《山川》、《古迹》、《恩典》、《弟子》、《職官》、《聖裔》、《賢裔》、《藝文》十二門。書前有龔鼎孳、王光承、沈荃、劉芳躅《闕里廣誌序》各一首，并附明李東陽、孔胤植舊志序。王光承序對《廣誌》篇目順序有所解釋，云：首列圖像，志龔墻也。圖像者尊聖人之身，尊聖人之身必尊其所自出，故次之以世家。孔子布衣，而用天子禮樂，故次之以禮樂。行禮奏樂，心嚴其地，故次之以林廟。林廟踞岡陵名勝之區，高山大川環之，故次之以山川。凡山川皆孔子平生所遊息，後世識之，至今不忘，故次之以古迹。迹雖求舊，典則維新，二千餘年來，帝王尊禮代有異數，故次之以恩典。恩典崇於至聖，而并及其門人，故次之以弟子。親奉聖人之遺書而愍其祭祀者，執事之群有司，故次之以職官。職官異姓四人，餘皆孔氏子孫仕於家者。若乃出仕王朝，爲公卿侍從者尤多，皆列名正史，故次之以名裔。聖人之祚胤流慶無疆，而四氏大賢亦施於子孫，故次之以賢裔。至於帝王卿相詔誥碑銘，以及四方文士拜瞻林廟者各有詩歌贊頌，天下文章莫大於是，故最後次之以藝文。

是編所載，於聖門故實較詳，薈萃資料，取材較舊志精嚴。後來居上，實非過譽。對於研究孔子生平、孔氏家族、孔學流傳以及孔廟典禮、崇祀沿革有一定參考價值。



# 闕里廣誌序

闕里者、吾夫子之舊宅也。按世家孔子卒、諸儒講禮于孔子故所居堂。魯哀公因立爲廟。後世卽其殿、藏孔子衣冠琴瑟車書、歷數百年。至漢武帝時、孔氏傳十餘世矣。而太史公曰、余適魯、觀仲尼廟堂車服禮器、諸生以時習禮其家、余低回留之、不能去云。當列國戰爭之餘、暴秦虐

焰之後、而所爲闕里者、風流可觀、則聖人教澤之深、孔氏子孫之賢、卽當時已足徵矣。自漢以來、聖人之道益著、尊聖人者、其禮益隆、崇祀封錫之典、有增勿減。闕里之稱、遂與天地並垂、不朽。殆泰山不足擬其高、大河不足喻其遠也。闕里故無誌、蓋以聖人之道、如天無不父、地無不母、其精神無處不流通、其禮樂



文章無在不散見、亦安能獨指曲阜之山川林廟、以爲是聖人之居、譜孔氏之族姓官閥、以爲是聖人之子孫哉。其有誌也、自明弘治間、學憲陳鎬爲之、而大學士李文正公爲之序也。其誌也、大抵以記累朝表章之盛、報祀之隆、禮樂之賜、田宅之錫、封爵之貴、綸誥之寵。至于先聖之遺蹟、昭諸史乘、後裔之賢達、詳

在譜牒、諸賢之配享垂諸祀典者、亦竝載焉。昔漢章帝幸魯祠孔子于闕里、作六代之樂、大會孔氏、賜賚甚厚。謂郎中孔僖曰、今日之會、於卿宗有光乎。僖對曰、臣聞明王聖主、莫不尊師重道。今陛下親屈萬乘、辱臨敝里、此乃崇禮先師、增輝聖德、臣宗之榮、非所敢承。帝大悅曰、非聖者子孫、焉有此語乎。由是言之、





帝王之尊奉聖人。加恩孔氏。非以爲孔氏爲斯道也。則闕里之有誌書。非以誌孔氏爲帝王之爲斯道者誌也。且誌曷可以已也。李文正曰。士大夫入聖人之鄉。觀聖人所居。接其子孫族姓。見其禮。聞其樂。因以想像其形容。未有不惕然感之于心。而益尊聖人之道者。孟子曰。去聖人之居。若此其近。蓋幸詞也。而今

草茅孤賤之士。不幸生於遐陋。僻壤。不得見所爲宮墻宗廟之美。而一見之于誌。雖數千百里而外。如登金絲之堂。親聆絲竹之音也。如身入孔林。見荆棘之自除。而禽鳥之不棲也。其以興感學人之誠敬。而作其羨墻之見功。豈淺渺哉。自弘治迄今。且二百年。繼有修者。皆紕繆蕪淺。不足觀覽。會今聖公以冲齡茂

質篤學禮賢。典籍宋君慶長稽  
古士也。痛舊誌之無文。蒐求故  
府。攷覈憲典。芟其不經。擇其言  
尤雅馴者。輯成二十卷。而屬序  
於予。予觀之。詳而核。博而要。實  
實乎亦既質有其文矣。傳曰。言  
之無文。行之不遠。詩云。高山仰  
止。景行行止。雖不能至。心嚮往  
之。夫以行遠之文。生天下不能  
至者。嚮往之心。斯誌有焉。予不

佞。弁陋不文。謬繼文正之後。而  
爲之序。蓋滋愧矣。

康熙十二年癸丑孟夏月中浣  
之吉。光祿大夫禮部尚書淮  
南龔鼎孳謹撰。





# 關里廣誌序

聖人之道如日。關里其扶桑暘谷也。弘治中。山東學使者陳君鎬始為之。志又二百年。無續修者。間有記述。其言不雅馴。雲間宋君際為司樂。宋君慶為典籍。慨然嘆曰。余兩人服官於此。詩書禮樂。實有攸司。而記載不備。是余之責也。夫乃因舊文而附以近事。凡為書如千卷。書將強。漫走三千里。自魯如齊。出入幽冀。是正於大人先生。考詳其登下。而稍訂其繁簡。越二年而始成。首列圖像。誌美滿也。

歷代所傳夫子像。冠服不一。皆輯而繪之。儼然如有見乎其位。肅然如有聞乎其容。教以此思敬。敬可知矣。圖像者。尊聖人之身也。尊聖人之身。必尊其所自出。故次之以世家。世家所載。自軒轅至希聖。以迄成湯。凡三受命為天子。治定制禮。功成作樂。固其所也。孔子布衣。而用天子之禮樂。冕而朱紱。朱干玉戚。以舞八佾。視受命之祖。為尤盛。故次之以禮樂。行禮奏樂。必嚴其地。故次之以林廟。林廟踞岡陵名勝之區。高山大川環之。故次



之以山川。凡厥山川皆孔子平生所  
遊息也。後世識之。至今不忘。故次  
之以古蹟。蹟雖衆舊典則維新二千  
餘年以來帝王尊禮代有異數。故次  
之以恩典。恩典崇於至聖而并及其  
門人。故次之以弟子。親奉聖人之道  
而大其傳者弟子也。藏聖人之遺書  
而誌其祭祀者執事之羣有司也。故  
次之以職官。職官異姓四人。餘皆孔  
氏子孫仕於家者也。若乃出仕王朝  
為公卿侍從者尤多。皆著名列史。故  
次之以名裔。聖人之祚胤流慶無疆。

而四氏大賢亦施於孫子。故次之以  
賢裔。裔之數者於闕里之事備矣。若夫  
帝王卿相詔誥碑銘以及四方文士  
拜瞻林廟者各有詩歌贊頌。天下文  
章莫大乎是。故次之以藝文。終焉嘆  
乎世之著書立言以自名家者往往  
而有。高則沈洋跼蹐卑者雕蟲自喜  
求一言之幾乎道而不可得也。今而  
宋君具雄邁之才負博通之學而專  
以表章聖道為事。所述者必先聖之  
法言。所載者必先聖之法行。知足以  
擇之仁足以廣之勤足以成之。夫豈

有所求而為歟。信道篤而服習深也。  
昔鍾離惠脩孔子車、拭几席、劍履、一  
手足之為烈耳。孔子備識其名以示  
後人。况兩宋名賢百代之典制、垂文  
獻、柱無窮、豈止護車拭屨之功而已  
哉。高高在上、日監在兹、孔子其知之  
笑。

康熙甲寅孟夏望日、瑯琊王光承  
拜撰。





關里廣志敘

夫以一家之充絀。覩天下之治忽者。其惟孔氏乎。秦之富彊。遠過三代。而未及三紀。無炊火焉。不尊孔氏也。泗上亭長。不基尺土。而綿歷四百。尊孔氏也。自漢以來。代有加禮。爵崇於唐。禮樂備于宋。子孫之尊崇。土田之便蕃。極於明。而我

國家因之。踵事增華。自

列祖迄我

皇上。尊師重道。崇儒右文。超越上古。而恩加關里。以前代爲準。蓋斟酌百王。

而得不可過。不可不及之中道焉。夫唐之尊孔子也。至於王。西夏之尊孔子。至於帝。可謂隆矣。然唐之藩鎮多封王。至於都虞侯。兵馬使。亦封王。是不足以重孔子也。孔子賢於堯舜。稱帝亦宜。然尊稱出於其君。周文武之上。出於其祖。成湯之上。恐非聖人所安。不若稱師之名。實相符也。此我國家之善因也。孟子言。君十卿祿。則大國不過三百六十頃耳。前朝給關里田二千大頃。視古十倍。譬諸三代理侯壤及百里者。不必更益矣。獨是衍

聖公之爵、明初止于二品、恩禮視一品、我

國家直以五等之公爵待之、豈非迥出前古哉。故六服八荒、罔不承德、殷教所迄、軼于漢唐、人皆知

本朝武功之盛、而不知文德之隆、崇聖之極、至此也。孔氏家世典故、自司馬子長、班孟堅以後、凡為國史、莫不載述、顧散在諸書、未能合而為一。明大學士李文正公撰闕里誌、有典有則、稱為良史。後人輕為改易、訛謬蕪蔓、無以跂美先正。而我里二宋君樂丞

際、典籍慶長、脩葺考訂、粲然有章、非惟志聖門之典物、亦以彰

朝廷之懿美。書成、來請弁言。余以庸才、忝侍從華墨之後、不敢辭也。謹拜手而為之序。

康熙十二年四月朔

賜進士及第翰林院侍讀華亭沈荃拜撰。



# 闕里廣誌序

天下有一家之書而薄四海內外  
上下數千百年者其惟闕里誌乎。  
夫帝王之姓有時而易定鼎之區  
有時而改獨孔子之闕里則與天  
地而長存。是誌雖出入於二十二  
史之中而實足以并包乎二十二  
史可謂大而無外者矣。昔人有言  
其國可滅其史不可廢况乎不滅  
之素王而可無誌乎。余奉

簡命巡撫山東釋菜至聖廟庭見其  
禮器樂舞宮牆之嵯峨我檜栢之蔭

翳展拜聖林遵輦路涉洙水三板  
之封端木之廬著草叢生禽鳥屏  
跡低回留之不能去遂欲搜討典  
故攢述舊聞以鞅掌未遑旋以憂  
歸讀禮之餘有傳樂丞宋君際典  
藉宋君慶長公餘之暇已取舊誌  
而踵事焉。癸丑春適典籍君入  
都門以所訂本質余余讀而嘆曰  
夫事有創者有修者而修之之功  
與創者同何以言之夫創始之初  
網羅放失文重思煩豈能無得十  
而遺一後起者為之刪蕪補略如



攻荆玉、文以蒲穀、如治竹箭、傳以  
苦羽、燿縑采而達犀革、不踰貴歟。  
是誌也、自有明李文正公迄今二  
百餘載、其間不無綴續、然而就簡  
仍訛、方今

皇上御宇、右儒重道、視乎前代、恩禮  
有加、况當百廢具興之後、而闕里  
一誌不加整輯、豈所以揚

聖主之尊師彰

興朝之鉅麗哉、故宋君修之庶幾于  
述者之謂明、而亦有所不得已也。  
康熙十二年四月初吉、

賜進士第、巡撫山東等處地方督理  
營田、工部右侍郎、兼都察院右副  
都御史、加一級、前內秘書院學士、  
內弘文院侍講、內翰林院編修、庶  
吉士充

經筵

日講官、庚子福建主考、丁未會試總  
裁纂修

世祖實錄副總裁濱宛劉芳躅拜撰。



闕里誌舊序

闕里誌、誌闕里也。闕里者、吾孔子所居之地、道德政教之所從出、文獻之所在、其誌之也固宜。古者有列國之史、而又有四方之志、九丘之籍、至周猶存、爲外史所掌。孔子述職、方以除之者、大抵皆是物也。封建既廢、史惟朝廷有之、至漢而備。其法有帝紀、有世家、年表、有傳、有志、事分而代輯。及東漢南陽撰作風俗之後、郡縣始各自爲志、則兼地理、人物、文章、制度、而有之、而史之法略具。蓋雖窮陬僻壤、或不能無、况吾孔子、以教爲政、司馬遷之史、特著世家、齒于有國、歷代帝王、褒崇封諡、愈久益隆、其鍾靈毓聖之地、非一郡一縣比也。宋元間、族人宗翰輩、間有紀述、久而弗傳。國朝成化末、今山東布政使張君泰、知鄒縣、常輯孔顏孟三氏誌、其傳未廣也。弘治甲子、重建闕里孔廟成、東陽奉敕代告、周覽遐慕、欲爲一書、巡撫都御史徐公源、及衍聖公聞韶、力贊其議。比歸至德州、巡按御史陸君偁、盧君翼、及布政使曹君元等、合書以請、適聞提學副使陳君鎬有事于此、因舉以屬之。取所定凡例、稍加潤飾、且以孔氏實錄、孔庭纂要、素王事紀、世家補缺、本致之、以脩采擇。陳君乃參閱孔氏所藏祖庭廣記、與凡遺碑斷刻諸書、所載踰年而

後成。其法以闕里爲主、附顏孟諸弟子之名氏、事行而體統尊、萃先聖肖貌及地形廟制而圖像著、述世家宗派特爲世表、而譜系明、叙禮樂制度之沿革損益而典式具。若詔誥敕祝之頒布、章牘箋表之敷陳、罔不備載、而闕疑訂舛、芟繁剔偽、惟其所當。凡爲卷十有三、爲目十有四、爲文累若干萬言。于是我國朝之尊師重道、度越前古者、粲然大明于世、亦孔氏之家史也。蓋有此地、必有此書、闕于二千年而成于一旦、不可謂不難矣。天下之學聖人者、讀其書、法其道、想像其容儀而不可得、見至其宅里林廟、必惕然感之乎心。然殊方而產、限地以遊、固有終老而莫自遂者。葵塋見堯、河洛思禹、得是書而觀之、景行希聖之念、不油然而興乎。嗟夫、金石雖堅、不免磨滅、斷裂之患、板鐫楮印、遞相禪續、則可以至于無窮。由今日以至于無窮者、必自是書始、故以徐公之意爲序。適僉事黃君縉歸自京師、因畀之、俾刻于闕里、置于所謂奎文閣者。御史金君洪繼按其地、於是書有力焉、故并書之。而徐黃修建之績、具在誌中、茲不復列云。

弘治乙丑九月朔日、光祿大夫、柱國、少傅、兼太子太傅、戶部尚書、謹身殿大學士、知制誥長沙李東陽撰。

關里誌舊序

余不佞、文質無所底、少從諸生、治章句之學、非其好也。顧獨類印今古、慨然世德之封越、非蓬、乃留、實、罔、念厥紹、每一懷想、耿耿若負。萬曆庚申春、先公世父無祿、卽世、余承乏、叨沐國恩、奉先聖宗祏、歲時享祀、訪、步、莫愆、恒兢兢據吐之、莫卜是懼。顧瞻廟貌、歲久日圯、議欲修葺。歲乙丑、會先帝臨雍、承召赴都分獻、陪侍講筵、恩錫茶坐、覩聖容之粹穆、近闔天子、尺五、禮竣、復蒙衣帶、上尊之賜、渥矣。隨具疏請修祖廟、上以時乏軍興、謙讓未遑也。今幾十年所矣、遼海未靖、秦寇復熾、普酋賜張于黔南、叛將驟伏于鯨海、竊念爲國世臣、不能借寸籌以仰佐廟謨、少効敵愾之益、敢藉口于武備、必有文事乎。日夕卽有堂構之處、亦以義自裁、姑置之矣。里居間讀家乘、因感于大定間、郡修鄆國夫人殿、監修小吏侵沒其直、破廣爲狹、刻崇爲卑。五十世先正奉公、慨然曰：吾獨以奉祀事守林廟爲職、誠不得以專建。雖然、亦豈敢不力歟。乃躬率廟丁、載斧斤、走東蒙、深入數百里、歷險巇、冒風雨、得松柏之中、橡櫟者以千數。時節度劉公璋判官趙君天倪、廉貞而幹、協衷合贊、役克有成。噫、正奉公所值者、大定之時耳。當南北兵革之餘、山中材木

繁殖、禁網疎濶、而又得劉、趙兩賢以共濟、故宮牆鼎新、煥然改觀。今時際承平、山林隸于虞衡、不則土民自占一莖一株、咸有攸司、安所得橡櫟之材而伐之、以爲繕助者、爲之掩卷而喟。又視五十四世先文肅公時、尼山廟毀、碑存、居民冒耕祭田、且百年矣。公稽諸典故、言于部使、命鄒、沐兩令往覈之、復田百五十畝、收其租以供齋嘗、因請置尼山書院、暨三氏學田三千畝、在徐州沛縣之刁陽、爲豪民所據、徽州與縣歸侵疆、州將受賂、敗其事。公往復辨議、再歲乃定。公之重奉世業、銳意恢復、可謂勤矣。由公至今、三百餘載、嘗遣使疆理、前所復之侵疆、其間佃戶與豪強互爲奸利、所侵沒者什百于前、惟是賢長吏、瞻念根本、侵疆可復、先祀不置、有如秦越視之、而若敖任之、或利其租入、以自奉、獨且奈何哉。風會澆下、聖澤漸湮、蚩蚩四民、舞肘膜拜、惟福田利益之是覲、甚且詮非聖之書、以誣人、惑世、人人意中有一西方聖人、元始天尊也。嘗試思之、聖賢之道、其精可以治身、理性、而忠孝廉節之總著焉。固不言福利、卽以福利言、士明一經、取青紫如拾芥、而延世之賞、鉅者帶礪千年、細者任子一命、自求多福、亦何常不利、若之何其軒彼而輕此也。余因繕關里舊誌、附以新典、補其未備、



亦惟先正奉文肅之志是繼是承、不敢忘祖德而隱君  
賜云爾。如曰正人心以閑聖道、則余豈敢。  
闕里六十五代太子太傅襲封衍聖公孔胤植沐手撰  
書。

校記

①綱：據文意，當作「網」。

②子：疑當作「之」。



藏書

闕里廣誌

目錄

闕里廣誌目錄

卷之一 圖像

袞冕像

司寇像

行教像

凭几像

乘輅像

魯國圖

聖廟圖

曲阜縣城圖

尼山圖

防山圖

孔林圖

聖廟位次圖

陳設圖

禮器圖

樂器圖

奏樂位次圖

樂舞圖

卷之二 世家

世表

世譜

年譜

史記世家

宗子

卷之三 禮樂

祀典

謚號章服

禮器

樂器

樂章

書籍

卷之四 林廟

至聖廟

尼山書院

洙泗書院

至聖林

啓聖林

卷之五 山川

尼山

顏母山

昌平山

防山

洙河

泗河

沂河

卷之六 古蹟

闕里

杏壇

魯壁

手植樹

兩觀臺

嬰相圖

五父衢

端門

講堂

魯親里

安樂里

昌平鄉

顏母井

孔漬

昌平亭

群鵠培城

廢井

夫子甕

春秋臺

石硯

孔子履

孔林石龕



子貢手植楷	孔里	儀封聖廟世襲國子監學正
石壇	唐墓室	至聖廟管勾
白兔溝	冢壁	奎文閣典籍
駐蹕亭	舞雩臺	司樂
觀井臺		孔庭家長
卷之七恩典		舉事
側廡	賜田	卷之十名裔
學田	免役	二代以下開達子孫
樂舞生	禮生	卷之十一賢裔
廟戶佃戶		復聖顏子宗系
卷之八弟子		宗聖曾子宗系
四配	十哲	先賢仲子宗系
兩廡先賢	先儒	卷之十二藝文
啓聖祠配享先賢	從祀先儒	詔
改祀	罷祀	勅
卷之九職官		聖裔制誥
曲阜縣世職知縣	世襲翰林院五經博士	聖廟祭告文
世襲太常寺博士	衢州府世襲五經博士	論祭聖裔
孔顏曾孟四氏學教授	四氏學學錄	卷之十三藝文
尼山書院學錄	洙泗書院學錄	碑記
		卷之十四藝文
		碑記
		卷之十五藝文
		奏疏
		表
		卷之十六藝文



贊

頌

銘

誄

卷之十七藝文

賦

辭

祭告文

辯

議

解

說

卷之十八藝文

論

記

書

序

卷之十九藝文

詩

卷之二十藝文

墓誌銘

墓表

神道碑

關里廣誌卷之一

圖象誌

叙曰、圖畫默旋、則星緯昭象、方輿密運、則流峙呈形。何者、玄造非形、像不顯也。矧夫子德儼兩儀、範垂萬禩、故鄉黨寫當年之照、而祖庭傳劫世之神。倘遺容不載、何以令見漢之君、肅低徊于宮牆、軒邈之胤、嚴存著于笑語乎。至于肇基啓祥、則山川瀉其精、萃渙神棲、則林廟宅其墟。設几鋪筵、歌德舞功、則禮樂煥其文。總之、非繪事天機、解衣磅礴、烏能使瞻仰者展帙而較若列眉、嚮往者居家而鏡若指掌哉。作圖像誌。

漢靈帝光和二年、置鴻都門學、畫先聖及七十二弟子像。此畫像之始也。梁元帝初在荊州時、自畫先聖像、爲之贊而書之、時人稱爲三絕、猶未聞設像也。唐開元八年、司業李元瓘上言、孔宣父廟顏淵配、其像立侍、准禮宜坐侍、乃詔顏子十哲俱爲坐像、則設像自唐已有之。及考魏興和元年、兗州刺史李仲挺修廟碑云、乃命工人修建客像、雕素十子、奉進儒冠。于諸徒亦青衿青領、聖容肅穆、丹素陸離。其設像之始乎。宋建隆元年、詔修祠宇、塑繪聖賢像。明天順元年、置先聖像一龕于文淵閣、像乃銅範鑄金。自是閣臣每晨入、必先行四拜禮云。

四十六代孫宗壽曰、家藏唐吳道子畫先夫子、按几而坐、從以十弟子者、謂之小影。其立而顏淵侍者、謂之行教。四十七代孫傳曰、家廟所藏、衣燕居服、顏子從行、謂之小影。于像最真。唐劉禹錫新州廟碑謂堯頭禹耳、華冠象佩、取之自鄒魯者、卽小影也。廣陵馬大年爲夏縣令、寄居司馬朴家、見所藏先聖畫像、乃唐王維筆、眼中神彩殊不類常像、上長下短、背微偻。元鄉縣尹司居敬曰、蜀有文翁石室、設孔子坐像、其坐斂蹠向後、屈膝當前。蓋古人席地而坐、此像之最古者。顧愷之有關里行教像、吳道子有杏壇小影像、及近年司冠像、皆漢晉衣冠耳。若夫文宣王像、則自唐以來、加見服之制者也。



儒藏

關里廣誌

卷一


行敬像




凭几圖



乘輅圖





魯國圖









廣 濟







光緒二十九年

芳賢仲 子由

先賢端木子賜

先賢丹  
子雍

先賢問子損

## 逆聖子思子夜

復聖顏子固

至聖先師孔子

先賢韻孫子師

先賢言 子偃

先賢冉 子求

先賢宰子子

先賢冉 子耕

轉子 亞垂亞

曾聖宗 參于

東廡先賢

[illegible]

西廡光賢

[illegible]

東廡先儒

左 毅 子 丘 明  
 毅 梁 子 赤  
 高 堂 子 生  
 毛 杜 子 春  
 王 陽 子 通  
 周 敦 子 頤  
 程 子 頤  
 張 子 載  
 楊 子 時  
 朱 子 熹  
 陸 子 淵  
 蔡 子 衡  
 許 子 衡  
 陳 子 獻  
 王 子 仁

西廡先儒


高 勝 子 安  
 子 安  
 子 仲  
 子 蒼  
 子 愈  
 子 瑗  
 子 雍  
 子 光  
 子 國  
 子 祖  
 子 欽  
 子 秀  
 子 瑄  
 子 仁  
 公 伏  
 羊 子

啓聖公


先賢顏 氏  
 先賢曾 氏  
 先賢孔 氏  
 先賢孟孫氏

先儒程氏 珦  
 先儒蔡氏 元定  
 先儒朱氏 松  
 先儒周氏 輔成

正壇陳設



四配陳設






關里廣誌

卷一


十哲陳設

每位一壇



兩廡陳設

每位一壇



每位一壇

















啟聖祠正壇祭品視先師減太羹一牛一

配位視十哲添豕首一

從祀位同上減豕肉一

宋際曰謹按先師神位明初舊制蓮豆各八至憲宗成化十二年國子監祭酒周洪謨奏准蓮豆各十二及世宗嘉靖九年從大學士張孚敬之議遂減蓮豆為各十於是蓮實之煑餌粉絨豆實之筵食糝食俱不復用顏曾思孟四配舊制羊豕各一分作四分每位一分至景泰時每位各一羊豕舊制登一而蓮豆各六及嘉靖時去太羹之登而增蓮豆為各十愚竊以為去像而易木主也為像之未必類也復古也去王而稱先師也為王之尊不及師也重道也若去蓮豆十二而殺之以去併之八而裁之以六是人主自尊而卑大聖人矣以師道之尊典禮之重之二者所當亟復者也




<p>尊 雲雷</p> 	<p>犧尊</p> 	<p>簋</p> 	<p>簠</p> 
<p>大尊</p> 	<p>象尊</p> 	<p>豆</p> 	<p>簋</p> 
<p>圜</p> 	<p>洗</p> 	<p>著尊</p> 	<p>壺尊</p> 
<p>勺</p> 	<p>爵</p> 	<p>罍</p> 	<p>山尊</p> 




儒藏

關里廣誌 卷一


尊彝




蓮巾




俎



登




架盥盤



龍鼎




篚




銅



祝版



膚




盥盤



燭臺



悅巾



樂器圖


升龍



降龍



鼓應




鼓鼓




笛



簫




搏拊



歌




編鐘



鳳簫




祝




編磬






笙



琴





奏樂位次圖

應。

歌歌歌歌  
工工工工  
琴琴琴琴



祝 博

龍 鳳 洞 生

填施



舞舞舞舞舞舞舞  
舞舞舞舞舞舞舞  
舞舞舞舞舞舞舞  
舞舞舞舞舞舞舞

歌 歌 歌 歌  
工 工 工 工  
琴 琴 琴 琴



搏 敵

龍鳳洞笙

鹿 類

啓

**舞舞舞舞舞舞舞舞**


樂舞圖

三

生

民

來







儒藏

闕里廣誌

卷一









儒藏

關里廣誌 卷一

神



薦




孔



嘉



明



羞



碩



牲



宗




百



昭



庶



師



王




格



類








儒藏

闕里廣誌 卷一

惟



登




且



維




三



獻



言



清




成



於



禮



嘻







三九

始皇初召光武帝尹 為魯國文大司馬 通君拜少建武十四年東晉襲封陸縣公襲封衍聖公與夫襲封衍 三十四年成侯卒諡恭事仲郎後周太祖一 泰焚書達元成子一 藏書于屋損 山子隨四明帝永平宋文帝元御史卒贈金屈宗皇要公子一 傳至吉十五年襲嘉十九年兵部尚書統二年襲 生何亦皆封襲威侯襲封奉聖號中興祖封衍聖公 承股後為章帝元和亭侯改封子四自管勾祀事公鑑 三公嗣絕二年東巡崇聖侯子孔子至仁本無嗣以洪武三十 白勝樹助祭 和帝永元 孔子至附四年封侯乘 計九代	曜侯子大夫子一 靈珍授秘 完襲封襄孝文帝太 辛無子母仍封崇聖 弟讚子美侯子一 葉自 孔子至完 計二十代	渠襲封崇 北齊文宣 帝天保元 年改封恭 聖侯 後周靜帝 大泉二年 收封鄒國 公子一	後唐時口高宗紹興洪武元年 曲阜下洪武二十四年授衍聖公 襲封衍聖公與夫襲封衍 公于衢子聖公一 廣順二年 授曲阜縣丞 今兼監察御史 年襲封衍 洪武十七 年襲封衍 聖公一 總 金世宗大彥縉 定三年襲 封衍聖公永樂八年 官勾祀事襲封衍聖 卒贈光祿公子一 拂璇子承慶未襲 文遠子贈衍聖公 衍聖公弘緒承慶 衡子一弘緒長子 元措總長景泰六年 企章宗明公子二 月二年襲 封衍聖公弘泰承慶 晉勾祀事弘泰次子 元光元年成化六年 後知集賢繼兄襲封 院奉太常衍聖公子 承 哀宗天興間詔弘緒 元年遺授長子
長孫襲封 公二 英悉封奉 侯無子自 孔子至英 慈計三十 三代 貞寧聞韶 世嗣絕 操至六 事廢自端衍聖公子 貞孝以孫胤植 元孝拂長以孫胤植 元用元孝聖公 襲封衍聖 尚賢貞幹 萬春文遠嘉靖三十 封衍聖公衍聖公 于衛子一胤依未襲 之厚元孝幸以從姪 亞中大夫人尚坦貞 濟寧路總尚坦子 晉驛車都子胤植襲 尉卿郡侯爵贈衍聖 子一 之全元胤胤椿尚賢 封衍聖公贈衍聖公 自 孔子至之胤植 全計五十 二代 天啓二年 襲封衍聖 公 崇禎元年	美 嗣悉英悉 初元帝黃文帝時應 議郎封宗濟州司兵 聖侯子一參軍還太 自 孔子至美 計二十一 國公 楊帝大業 四年改封 紹聖侯子 一	三國 隋 漢魏吳起至高祖辛 幸未至甲丑至恭帝 申丁丑 三代 英悉 侯無子自 孔子至英 慈計三十 三代 貞寧聞韶 世嗣絕 操至六 事廢自端衍聖公子 貞孝以孫胤植 元孝拂長以孫胤植 元用元孝聖公 襲封衍聖 尚賢貞幹 萬春文遠嘉靖三十 封衍聖公衍聖公 于衛子一胤依未襲 之厚元孝幸以從姪 亞中大夫人尚坦貞 濟寧路總尚坦子 晉驛車都子胤植襲 尉卿郡侯爵贈衍聖 子一 之全元胤胤椿尚賢 封衍聖公贈衍聖公 自 孔子至之胤植 全計五十 二代 天啓二年 襲封衍聖 公 崇禎元年	奉定軍節弘治十六 度使年襲封衍 二年遷光聖公子二 祿大夫尋 改授太常 卿無子以貞幹聞韶 姪之別子嘉靖二十 貞繼襲生五年襲封 事廢自端衍聖公子 操至六 世嗣絕 貞寧聞韶 元孝拂長以孫胤植 元用元孝聖公 襲封衍聖 尚賢貞幹 萬春文遠嘉靖三十 封衍聖公衍聖公 于衛子一胤依未襲 之厚元孝幸以從姪 亞中大夫人尚坦貞 濟寧路總尚坦子 晉驛車都子胤植襲 尉卿郡侯爵贈衍聖 子一 之全元胤胤椿尚賢 封衍聖公贈衍聖公 自 孔子至之胤植 全計五十 二代 天啓二年 襲封衍聖 公 崇禎元年



[illegible]

世道

先聖孔子黃帝之後也。黃帝生玄囂、玄囂生蟠極、蟠極生帝嚳。帝嚳生契、唐堯之臣。佐禹治水有功。始封于商。賜姓子。是爲子姓之祖。契生昭明、昭明生相土、相土生昌若、昌若生曹圉、曹圉生冥、冥生振、振生微、微生報丁、報丁生報乙、報乙生報丙、報丙生壬壬、壬壬生壬祭、壬祭生天乙。是爲成湯。華夏而有天下。天乙生太丁、太丁生太甲、太甲生太庚、太庚生太戊、太戊生河亶甲、河亶甲生祖乙、祖乙生祖辛、祖辛生祖丁、祖丁生小乙、小乙生武丁、武丁生祖甲、祖甲生庚丁、庚丁生武乙、武乙生太丁、太丁生帝乙。當周武王克商時。封帝乙之子微子啓國于宋。以奉湯祀。啓卒。傳弟思衍。號曰微仲。微仲生宋公稽。稽生丁公申。申生湑公熙。熙生弗父何。遜國于弟厲公。弗父何世爲宋卿。生宋父周。宋父周生世子勝。世子勝生正考父。三命益恭。又得商頌于周太師。歸以祀其先。正考父生孔嘉父。五世親盡。別爲公族。始以孔爲氏焉。孔嘉父生木金父。木金父生畢夷。畢夷生防叔。避華督之難。奔魯。防叔生伯夏。伯夏生叔梁紇。仕爲陬大夫。宋真宗大中祥符元年。追封齊國公。元成宗大德十一年。追封啓聖王。明世宗嘉靖九年。改稱啓聖公。

年譜

周歷王二十一年庚戌魯哀公二年冬十月庚子日甲申時

孔子生。十月庚子即今之八月二十七日。

陬大夫叔梁紇初娶魯施氏有九女而無子。其妾生孟皮字伯皮。家語云。有足疾不任祀事乃求婚於顏氏。

顏氏有三女其父問曰。陬大夫父祖爲卿士實先聖王之裔。今其人身長十尺。武力絕倫。吾甚貪之。雖年高性

嚴不足爲疑。三子孰能爲之妻。二子莫對。其幼微在進曰。從父所制。將何問焉。父曰。卽爾能矣。遂以妻之。顏

氏騎于尼丘。升之谷。草木之葉皆上起。降之谷。草木之葉皆下垂。及懷妊十一月而生。是夕有二龍繞室。五老

降庭。五老者五星之精也。顏氏之房聞鈞天之樂。空中有聲云。天感生聖子。故降以和樂之音。孔子未生時

有麒麟吐玉書于闕里。其文曰。水精之子。纔褻周而爲素王。顏氏異之。以繡紱繫麟之角。信宿而去。孔子生

有異質。凡四十九衣。反首注面。月角日準。河目海口。龍額斗唇。昌顏均頤。輔喉駢齒。龍形龜脊。虎掌肱脇。修肱

參膺。圻頂山臙。林肯翼。注頭阜狀。堤肩地足。谷竅。雷聲。澤腹。修上趨下。木僕後耳。面如蒙俱。手垂過膝。耳垂

珠庭。肩一十二彩。目六十四理。立如鳳峙。坐如龍蹲。手

握天文。足履度字。望之如仆。就之如升。視若營四海。躬履謙讓。胸有文曰。制作定世符。身長九尺六寸。腰大十圍。

三歲。父叔梁紇卒。葬于魯東防山。

六歲。爲兒嬉戲。嘗陳俎豆。設禮容。

七歲。周靈王崩。景王立。

十歲。魯襄公薨。昭公立。

十五歲。孟丙仲壬殺豎牛于塞闢之外。孔子曰。叔孫昭子之不勞。不可能也。周任有言曰。爲政者不賞私勞。不罰私怨。

十七歲。魯大夫孟懿子與南宮敬叔往學禮焉。

十九歲。娶宋亓官氏。

二十歲。仕于魯。爲委吏。子鯉生。

二十一歲。爲乘田吏。

二十二歲。始教于闕里。顏路之徒皆受學焉。

二十四歲。母顏氏卒。合葬于防。曰。吾聞之。古者墓而不墳。今丘也。東西南北之人也。不可以弗識也。於是封之。崇

四尺。孔子先反。門人後。雨甚。至。孔子問焉。曰。爾來何遲也。曰。防墓崩。孔子不應。三。孔子泫然流涕曰。我聞之。古

不修墓。



二十六歲。切夢既祥、五日彈琴而不成聲、十日而成笙歌。  
 二十七歲。鄭子來朝、公與之宴。叔孫昭子問曰、少吳氏以  
 島名官、何也。對曰、吾祖也、吾知之。孔子聞之、見鄭子而  
 學焉。既而告人曰、天子失官、學在四筭、猶信。

二十九歲。聞師襄善琴、適晉學之。

三十歲。齊景公適魯、使晏嬰迎孔子問政。

三十一歲。齊景公遣使來聘、遂適齊。

三十二歲。周景王崩、敬王立。孔子在齊、景公欲以廩丘之  
 邑爲養、辭不受。謂弟子曰、吾聞之、君子當有功受賞。今  
 吾言而君不行、乃先賜邑、其不知丘亦甚矣。

三十三歲。景公舍于外館、周使至、言先王廟災。公曰、何王  
 之廟。孔子曰、其釐王之廟乎。公曰、何以知之。孔子曰、釐  
 王變文武之制、作玄黃華麗之飾、宮室崇峻、與馬奢侈、  
 天災所宜加也。既而使者報釐王廟災、公驚曰、善乎、聖  
 人之智過人遠矣。

三十四歲。訪樂于莒、弘、弘謂劉文公曰、吾觀仲尼有聖人  
 之表、河目而龍顏、黃帝之形貌也。修肱而龜背、長九尺  
 六寸、成湯之形體也。言稱先王、躬履謙讓、洽聞強記、博  
 物不窮、抑亦聖人之興者乎。周使伯常騫問道、孔子  
 曰、剛者必折、勁者數傷、倨者不親、利者必弊。此四者、君

子之所戒也。孔子觀乎明堂、視四門、睹有鳧舜桀紂  
 之象、又有周公抱成王負黼服朝諸侯之圖、謂從者曰、  
 夫明鏡所以察形、往古所以知今。又入后稷廟、有金人  
 三緘其口、而銘其背曰、古之慎言人也。誠之哉。無多言、  
 多言多敗。無多事、多事多患。安樂必誠、無行所悔。勿謂  
 何傷、其禍將長。勿謂何害、其禍將大。勿謂不聞、神將伺  
 人。焰焰不滅、炎炎若何。涓涓不壅、終爲江河。綿綿不絕、  
 或成網羅。毫末不札、將尋斧柯。誠能慎之、福之根也。口  
 是何傷、禍之門也。強梁者不得其死、好勝者必遇其敵。  
 盜憎主人、民怨其上。君子知天下之不可上也、故下之。  
 知衆人之不可先也、故後之。溫恭慎德、使人慕之。執雌  
 持下、人莫踰之。人皆趨彼、我獨守此。人皆惑之、我獨不  
 徙。內藏我智、不示人技。我雖尊高、人弗我害。江海雖左、  
 長于百川、以其卑也。天道無親、常與善人。誠之哉。願謂  
 弟子曰、小子識之、此言實而中、情而信。

三十五歲。與南宮敬叔適周、見老聃而問禮焉。老聃曰、子  
 所言者、其人與骨皆已朽矣、獨其言在耳。且君子得其  
 時則駕、不得其時則蓬累而行。吾聞之、良賈深藏若虛、  
 君子盛德容貌若愚。去子之驕氣與多欲、態色與淫志、  
 皆無益于子之身。吾所以告之者、若是而已。

三十六歲。適齊與齊太師語樂。聞韶音。學之三月不知肉味。齊人稱之。

三十七歲。自齊歸魯。見延陵季子。聘于上國。於其反也。長子歿于道。葬于麻博之間。孔子往觀其葬。曰。延陵季子其合禮矣。

四十二歲。魯昭公薨。定公立。孔子在齊。

四十三歲。季氏強僻。陽虎專政。孔子不仕。退修詩書禮樂。四十六歲。觀于魯桓公之廟。有敬器焉。問于守廟者曰。此謂何器。對曰。此宥坐之器。孔子曰。吾聞宥坐之器。虛則欹。中則正。滿則覆。明君以爲至戒。故常寘之于坐側。顏淵曰。試注水焉。乃注之水中。則正。滿則覆。夫子喟然嘆曰。嗚呼。夫物惡有滿而不覆者哉。子路進曰。敢問持滿有道乎。子曰。聰明睿智。守之以愚。功被天下。守之以讓。勇力振世。守之以怯。富有四海。守之以謙。此所謂損之又損之之道也。

四十七歲。魯定公以孔子爲中都宰。制爲養生送死之節。長幼異食。強弱異任。男女別途。路無拾遺。器不雕偽。爲四寸之棺。五寸之槨。因丘陵爲墳。不封不樹。行之一年。而四方諸侯則焉。定公曰。學子此法。以治魯國。何如。對曰。雖天下可也。何但魯國而已哉。

四十八歲。遷司空。別五土之性。而物各得其所生之宜。五十歲。遷司寇。設法而不用。無奸民。

五十一歲。以司寇攝行相事。七日而誅亂政大夫少正卯于兩觀之下。子貢進曰。夫少正卯。魯之聞人也。今夫子爲政而始誅之。或者爲失乎。子曰。天下有大惡五。而竊盜不與焉。心達而險。行僻而堅。言僞而辯。記醜而博。順非而澤。五者有一于此。則不免君子之誅。少正卯皆兼有之。此乃人之奸雄。不可以不除。

五十二歲。魯定公與齊侯會于夾谷。將盟。齊人加載書曰。齊師出境。而不以兵車三百乘從我者。有如此盟。孔子使茲無還對曰。而不返我汶陽之田。吾以供命者。亦如之。齊侯將設享禮。孔子謂梁丘據曰。齊魯之故。吾子何不聞焉。事既成矣。而又享之。是勤執事也。且犧象不出門。嘉樂不墊合。享而既具。是棄禮也。若其不具。是用秕稗也。用秕稗君辱。棄禮名惡。子盍圖之。夫享所以昭德也。不昭。不如其已。乃不果享。

五十三歲。初。國人謗之曰。靡裘而鞞。投之無戾。鞞之靡裘。投之無郵。旣而政化盛行。魯有販羊者沈猶氏。常朝飲羊。以詐市人。公慎氏妻淫不制。慎潰氏斧後踰法。溺六畜者飾僞以儲價。及是。則沈猶氏不敢飲羊。公慎氏出

其妻、慎氏、越境而從。國人謂之曰：「衮衣章甫，實獲我所。」章甫，衮衣，惠我無私。

五十四歲。言于定公曰：「臣聞家不藏甲，大夫無百雉之城。今三家過制，請損之。」使仲由爲季氏宰，將墮三都。

五十五歲。季桓子受齊女樂，三日不聽政。郊又不致膳俎於大夫。孔子作雋、醢、烹、醢之操，習習谷風，以陰以雨。之子于歸，遠送于野。何彼蒼天，不得其所。逍遙九州，無有定處。世人闇蔽，不知賢者。年紀逝邁，一身將老。遂適衛。

五十六歲。自衛至曹，自曹至宋。

五十七歲。定公薨，哀公立。孔子自宋適陳，過匡，匡人圍之。五日，甲者進曰：「吾初以爲陽虎也。」遂解圍而去。

五十八歲。在陳，惠公賓于上館。

五十九歲。自陳反衛。自衛如晉，至河，聞趙簡子殺竇鳴犢及舜華，乃還。息于陬，作陬操以哀之。曰：「周道衰微，禮樂凌遲。文武既墜，吾將焉師？周游天下，靡邦可依。羣鳥不識，珍寶梟鴟。眷焉顧之，慘焉心悲。升車命駕，將適晉都。黃河洋洋，悠悠之魚。臨津不濟，還轅息陬。傷予道窮，哀彼無辜。翱翔于衛，復我舊廬。從吾所好，其樂只且。」

六十歲。在陳，陳侯起陵陽之臺，未畢，殺數人。問孔子曰：「周作靈臺，亦殺人乎？」對曰：「靈臺以子道來，何殺人之有？遂罷。」

罷。

六十一歲。自陳適蔡。

六十二歲。自蔡如葉。

六十三歲。宰予在楚，楚昭王欲以安車象飾遣孔子。宰予曰：「夫子無以此爲也。自臣從夫子以來，夫子言不離道，動不遺仁，貴義尚德，清而好儉，仕而不祿，所以無積。不合則去，退無吝心。妻不服采，妾不衣帛，車器不雕，馬不食粟。道行則樂其治，不行則樂其身。此所以爲夫子也。若夫觀目之麗靡，窈窕之淫音，夫子過之弗視，遇之弗聽。故臣知夫子無用此車也。」王曰：「今而後知夫子之德也。」齊有一足鳥，飛集于公朝，舒翅而跳。齊侯怪之，使使問孔子。孔子曰：「此鳥名商羊，水祥也。昔童兒屈脚振肩而跳，且謠曰：『天將大雨，商羊鼓舞。』今齊有之，其應至矣。頃之，大霖雨，水溢泛。」楚昭王渡江，有一物觸王舟，使使問孔子。孔子曰：「此萍實也，其甘如蜜。」使曰：「何以知之？」子曰：「吾昔之鄭，過乎陳之埜，聞小兒謠曰：『楚王渡江，得萍實，大如斗，赤如日，剖而食之，甘如蜜。』得無是乎？」楚昭王使人聘孔子，陳蔡圍之。孔子曰：「芝蘭生于深林，不以無人而不芳。君子脩道立德，不以窮困而改節。爲之者人也，生歟者命也。」昭王與師迎孔子，然後得免。昭



王將以書社地封孔子。令尹子西阻之。孔子反衛。  
六十四歲在衛。

六十六歲。夫人亓官氏卒。

六十七歲。伯魚母歿。期年而猶哭。夫子聞之。曰。誰歟。門人  
曰。鯉也。孔子曰。嘻。其甚。伯魚聞之。遂除之。

六十八歲。在衛。季康子迎孔子。孔子乃歸魯。作丘陵之歌。  
曰。登彼丘陵。岌岌其阪。仁道在邇。求之若遠。遂迷不復。  
自嬰屯蹇。喟然四顧。題彼泰山。鬱確其高。梁甫迴連。枳  
棘充路。陟之無緣。將伐無柯。患滋蔓延。惟以永嘆。涕洟  
潺湲。蓋孔子去魯。凡十四年而返。哀公館焉。公自阼階。  
孔子賓階。升堂侍立。公曰。夫子之服。其儒服與。孔子對  
曰。丘少居魯。衣縫掖之衣。長居宋。冠章甫之冠。丘聞之  
也。君子之學也博。其服以鄉。丘未知其爲儒服也。公曰。  
敢問儒行。孔子曰。畧言之。則不能終。悉言之。則留更僕。  
未可以對。哀公命席。孔子侍坐。悉陳儒行。哀公曰。終沒  
吾世。不敢復以儒爲戲矣。哀公問曰。寡人生于深宮  
之中。長于婦人之手。未嘗知哀。未嘗知憂。未嘗知勞。未  
嘗知懼。未嘗知危。子曰。公入廟門而右。登自阼階。仰觀  
榱桷。俯視几筵。其器皆存。而不親其人。以此思哀。則哀  
可知矣。昧爽夙興。正其衣冠。平旦視朝。慮其危難。一物

失理。亂亡之端。以此思憂。則憂可知矣。日出聽政。至手  
日中。是諸侯子孫往來如賓。行禮揖讓。慎其威儀。以此  
思勞。則勞可知矣。緬然長思。出于四門。張目望遠。觀亡  
國之墟。必將有數焉。以此思懼。則懼可知矣。夫君者舟  
也。民者水也。水能載舟。亦能覆舟。以此思危。則危可知  
矣。君明此五者。於從治何有。孔子適季孫。季孫之宰  
通曰。君使人假馬。與之平。季孫未言。孔子曰。吾聞之。君  
取于臣。謂之取。與于臣。謂之賜。臣取于君。謂之假。予於  
君。謂之獻。季孫悟。命其宰曰。自今以往。君有取謂之取。  
無曰假。故孔子一正假馬之言。而君臣之義定。然魯終  
不能用孔子。孔子亦不求仕。

六十九歲。子伯魚卒。夏五月。昭夫人孟子卒。夫子往弔  
焉。適季氏不經。夫子投絰而不拜。子游曰。禮與。夫子曰。  
主未成服。則弔者不經。禮也。

七十一歲。魯叔孫氏之車士曰鉏商。采薪于大塗。獲麟焉。  
折其前左足。載以歸。叔孫以爲不祥。棄之郭外。使人告  
孔子曰。有麕而角者。何也。孔子往觀之。曰。麟也。胡爲乎  
來哉。胡爲乎來哉。反袂拭面。涕泣沾衿。叔孫聞之。然後  
取之。子貢曰。夫子何泣爾。孔子曰。麟之至。爲明王也。出  
非其時而見害。吾是以傷之。乃歌曰。唐虞世兮麟兮遊。

今非其時來何求。麟兮麟兮我心憂。乃因史記作春秋絕筆于獲麟。

七十二歲在魯。子路死于衛難。

七十三歲。周敬王四十三年壬戌。魯哀公十六年。夏四月己丑。孔

子卒。四月己丑。即今之二月十八日。

孔子將終。謂子貢曰。端木將有血書。子貢往候。果有血書。云。趨作法。孔子歿。周姬亡。彗星出。秦人滅。胡亥衛。書既散。孔子滅。子貢以告。孔子趨往觀之。化爲赤烏飛去。

孔子之喪。公西赤掌殯。塋焉。哈以疏。兗三貝。襲衣十有一稱。加朝服一。冠章甫之冠。珮象環。徑五寸而緝組綬。桐棺四寸。柏槨五寸。飾膚置鬻。設披。周也。設崇。殷也。綢練設施。夏也。兼用三王禮。所以尊師。且備古也。塋于魯城北泗水上。藏入地不及泉。而封爲偃斧之形。高四尺。樹松柏爲志焉。弟子皆家于墓。行心喪之禮。既塋。有自燕來觀者。舍于子夏氏。子貢謂之曰。吾亦人之塋聖人。非聖人之塋人。子奚觀焉。昔夫子言曰。吾見封若夏屋者。見若斧矣。從若斧者也。馬鬣封之謂也。今徒一日三斬板而已封。尚行夫子之志而已。何觀乎哉。

史記

漢司馬遷

孔子生魯昌平鄉陬邑。其先宋人也。曰孔防叔。防叔生伯夏。伯夏生叔梁紇。紇與顏氏禱於尼丘。得孔子。魯襄公二十二年而孔子生。生而首上圩頂。故因名曰丘云。字仲尼。姓孔氏。丘生而叔梁紇卒。葬於防山。防山在魯東。由是孔子疑其父墓處。毋諱之也。孔子爲兒嬉戲。常陳俎豆。設禮容。孔子母歿。乃殯五父之衢。蓋其慎也。邾人輓父之母誨孔子父墓。然後往合塋於防焉。孔子年十七。魯大夫孟釐子病且歿。誡其嗣懿子曰。孔丘。聖人之後。滅於宋。其祖弗父何始有宋。而嗣讓厲公。及正考父佐戴武宣公。三命茲益恭。故鼎銘云。一命而僇。再命而偃。三命而俯。循牆而走。亦莫敢侮。僇於是。弼於是。以輔余。其恭如是。吾聞聖人之後。雖不當世。必有達者。今孔丘年少好禮。其達者歟。吾卽歿。若必師之。及釐子卒。懿子與南宮敬叔往學禮焉。是歲。季武子卒。平子代立。孔子貧且賤。及長。嘗爲季氏史。料量平。嘗爲司職吏。而畜蕃息。由是爲司空。已而去魯。斥乎齊。逐乎宋衛。困於陳蔡之間。於是反魯。孔子長九尺有大寸。人皆謂之長人而異之。魯復善待。由是反魯。魯南宮敬叔言魯君曰。請與孔子適周。魯君與之一乘車。兩馬。一豎子。俱適





周問禮。蓋見老子云。辭去。而老子送之曰。吾聞富貴者送人以財。仁人者送人以言。吾不能富貴。竊仁人之說。送子以言。曰。聰明深察而近於死者。好議人者也。博辯廣大危其身者。發人之惡者也。爲人子者。毋以有己。爲人臣者。毋以有己。孔子自周反於魯。弟子稍益進焉。昭公之二十年。而孔子蓋年三十矣。齊景公晏嬰來適魯。景公問孔子曰。昔秦穆公國小處僻。其霸何也。對曰。秦國雖小。其志大。處雖僻。行中正。身舉五穀。爵之大夫。起黜繼之中。與語三日。授之以政。以此取之。雖王可也。其霸小矣。景公說。孔子年三十五。而昭公遜於乾侯。頃之魯亂。孔子適齊。爲高昭子家臣。欲以通乎景公。與齊太師語樂。聞韶音。學之。三月不知肉味。齊人稱之。景公問政孔子。景公說。將欲以尼谿田封孔子。晏嬰進曰。夫儒者。滑稽而不可軌法。倨傲自順。不可以爲下。崇喪遂哀。破產厚葬。不可以爲俗。遊說乞貸。不可以爲國。自大賢之息。周室既衰。禮樂缺有間。今孔子盛容飾。繁登降之禮。趨詳之節。累世不能殫其學。當年不能究其禮。君欲用之。以移齊俗。非所以先細民也。後景公微見孔子。不問其禮。異日景公止孔子曰。奉子以季氏。吾不能。以季孟之間待之。齊大夫欲害孔子。孔子聞之。景公曰。吾老

矣。弗能用也。孔子遂行。反乎魯。孔子年四十二。魯昭公卒於乾侯。定公立。五年夏。季平子卒。桓子嗣立。季桓子穿井得土缶。中若羊。問仲尼。云得狗。仲尼曰。以丘所聞。羊也。丘聞之。木石之怪。夔罔閭。水之怪。龍罔象。土之怪。墳羊。吳伐越。墮會稽。得骨節專車。吳使使問仲尼。骨何者最大。仲尼曰。禹致羣神於會稽山。防風氏後至。禹殺而戮之。其節專車。此爲大矣。吳客曰。誰爲神。仲尼曰。山川之神。足以綱紀天下。其守爲神。社稷爲公侯。皆屬於王者。客曰。防風氏何守。仲尼曰。汪罔氏之君。守封禺之山。爲蒼姓。在虞夏商。爲汪罔。於周爲長翟。今謂之大人。客曰。人長幾何。仲尼曰。僬僥氏三尺。短之至也。長者不過十之數。之極也。於是吳客曰。善哉聖人。桓子嬖臣曰仲梁懷。與陽虎有隙。陽虎欲逐懷。公山不狃止之。其秋懷益驕。陽虎執懷。桓子怒。陽虎因囚桓子。與盟而辭之。陽虎由此益輕季氏。季氏亦僭於公室。陪臣執國政。是以魯自大夫以下。皆僭離於正道。故孔子不仕。退而修詩書禮樂。弟子彌衆。至自遠方。莫不受業焉。定公八年。公山不狃不得意於季氏。囚陽虎爲亂。欲廢三桓之適。更立庶孽。遂執桓子。桓子詐之得脫。定公九年。陽虎不勝。奔于齊。是時孔子年五十。公山不狃以費畔季氏。使



人召孔子。孔子術道彌久，溫溫無所試，莫能已。既曰：「若周文武起豐鎬而王，今費雖小，儼庶幾乎欲往，然亦卒不行。」其後定公以孔子爲中都宰，一年，四方皆則之。由中都宰爲司空，由司空爲大司寇。定公十年春，及齊平。夏，齊大夫犁鉏言於景公曰：「魯欲用孔丘，其勢危齊。」乃使使告魯爲好會，會於夾谷。將定公且以乘車好往。孔子攝相事，曰：「臣聞有文事者必有武備，有武事者必有文備。古者諸侯出疆，必具官以從，請具左右司馬。」定公曰：「諾。」具左右司馬。會齊侯夾谷，爲壇位，土階三等，以會。遇之禮相見，揖讓而登，酬獻之禮畢，齊有司趨而進曰：「請奏四方之樂。」景公曰：「諾。」於是旄旌羽葆矛戟劍撥鼓譟而至。孔子趨而進，歷階而登，不盡一等，舉袂而言曰：「吾兩君爲好會，羣狄之樂何爲於此？請命有司。」有司却之不去，則左右視晏嬰與景公。景公心忤，麾而去之。有頃，齊有司趨而進曰：「請奏宮中之樂。」景公曰：「諾。」優倡侏儒爲戲而前。孔子趨而進，歷階而登，不盡一等，曰：「匹夫而獎惑諸侯者，罪當誅。」請命有司。有司加法焉，手足異處。景公懼而動，知義不若，歸而大恐，告其羣臣曰：「魯以君子之道輔其君，而子獨以羣狄之道教寡人，使得罪於魯君，爲之奈何？」有司進對曰：「君子有過則謝以質，小

人有過則謝以文。君若悼之，則謝以質。」於是齊侯乃歸所侵魯之鄆、汶陽、龜陰之田以謝過。定公十三年夏，孔子言於定公曰：「臣無藏甲，大夫無百雉之城，使仲由爲季氏宰，將墮三都。於是叔孫氏先墮郕，季氏將墮費，公山不狃、叔孫輒率費人襲魯，公與三子入於季氏之宮，登武子之臺。費人攻之，弗克，入及公側。孔子命申句須、樂頤下伐之，費人北。國人追之，敗諸姑蔑。三子奔齊，遂墮費。將墮成，公斂處父謂孟孫曰：「墮成，齊人必至于北門。」且成、孟氏之保鄆，無成是無孟氏也。我將弗墮。」十二月，公圍成，弗克。定公十四年，孔子年五十六，由大司寇行攝相事，有喜色。門人曰：「聞君子禍至不懼，福至不喜。」孔子曰：「有是言也。不曰樂，其以貴下人乎？於是誅魯大夫亂政者少正卯。與聞國政三月，剽羊豚者弗飾價，男女行者別於塗，塗不拾遺。四方之客至乎邑者，不求有司，皆予之以歸。齊人聞而懼曰：「孔子爲政必霸，霸則吾地近焉，我之爲先并矣。」盡毀地焉。犁鉏曰：「請先嘗沮之。」沮之而不可，則致地庸遲乎？於是選齊國中女子好者八十人，皆衣文衣而舞康樂，文馬三十駟，遺魯君。陳女樂文馬於魯城南高門外。季桓子微服往觀，再三將受，乃語魯君爲周道游，往觀終日，怠於政事。子路曰：「夫子

可以行矣。孔子曰：「得今日如，如致勝乎大夫，則吾猶可止。」桓子卒受女樂，三日不聽政，郊又不致勝，桓於大夫。孔子遂行，宿乎屯。而師已送曰：「夫子則非罪。」孔子曰：「吾歌可夫。」歌曰：「彼婦之口，可以出走；彼婦之謁，可以敗。蓋優哉游哉，維以卒歲。」師已反，桓子曰：「孔子亦何言。」師已以實告。桓子喟然嘆曰：「夫子罪我以羣婢故也夫。」孔子遂適衛，主於子路妻兄顏濁鄒家。衛靈公問孔子，居魯得祿幾何。對曰：「奉粟六萬。」衛人亦致粟六萬。居頃之，或譖孔子於衛靈公。靈公使公孫余假一出一入，孔子恐獲罪焉，居十月，去衛，將適陳。過匡，顏刻爲僕，以其策指之曰：「昔我入此，由彼缺也。」匡人問之，以爲魯之陽虎。陽虎嘗暴匡人，匡人於是遂止孔子。孔子使從者爲甯武子臣於衛，然後得去。去卽過蒲，月餘，反乎衛，主蘧伯玉家。蘧公夫人有南子者，使人謂孔子曰：「四方之君子不辱，欲與寡君爲兄弟者，必見寡小君。寡小君願見。」孔子辭謝，不得已而見之。夫人在絺帷中，孔子入門，北面稽首。夫人自帷中再拜，環珮玉聲璦然。孔子曰：「吾鄉爲弗見，見之禮答焉。」子路不說，孔子矢之。居衛月餘，靈公與夫人同車，宦者雍渠參乘，出使孔子爲次乘，招搖市過之。孔子醜之，去衛，過曹。是歲，魯定公卒，孔子去曹。

適宋，與弟子習禮于大樹下。宋司馬桓魋欲殺孔子，拔其樹。孔子去適鄭，與弟子相失，孔子獨立郭東門。鄭人或謂子貢曰：「東門有人，其頰似堯，其項類皋陶，其肩類子產，然自要以下不及禹三寸，繫纆若喪家之狗。子貢以實告孔子，孔子欣然笑曰：「形狀末也，而似喪家之狗，然哉，然哉。」孔子遂至陳，主於司城貞子家。歲餘，吳王夫差伐陳，取三邑而去。趙鞅伐朝歌，楚圍蔡，蔡遷於吳。吳敗越王勾踐會稽，有隼集於陳廷而死，隼矢貫之，石砮矢長尺有咫。陳潛公使使問仲尼。仲尼曰：「隼來遠矣，此肅慎之矢也。昔武王克商，通道九彛百蠻，使各以其方賄來貢，使無忘職業。於是肅慎貢楷矢石砮，長尺有咫。先王欲昭其令德，以肅慎矢分大姬，配虞胡公而封諸陳。分同姓以珍玉，展親。分異姓以遠方職貢，使無忘服。故分陳以肅慎矢。試求之故府，果得之。」孔子居陳三歲，會晉楚爭疆，更伐陳，及吳侵陳，陳常被災。於是孔子去陳過蒲。會公叔氏以蒲畔，蒲人止孔子。弟子有公良孺者，以私車五乘從孔子。其爲人長賢，有勇力，謂曰：「吾昔從夫子遇難於匡，今又遇難於此，命也已。吾與夫子再罹難，寧關而外，闕其疾。」蒲人懼，謂孔子曰：「苟毋適衛，吾出子。」與之盟，出孔子東門。孔子遂適衛。子貢曰：「盟可負。」

耶。孔子曰：要盟也，神不聽。衛靈公聞孔子來，喜，郊迎。問曰：蒲可伐乎？對曰：可。靈公曰：吾大夫以為不可。今蒲衛之所以待晉楚也，以衛伐之，無乃不可乎？孔子曰：其男子有死之志，婦人有保西河之志，吾所伐者，不過四五人。靈公曰：善。然不伐蒲。孔子學鼓琴師襄子，十日不進。師襄子曰：可以益矣。孔子曰：丘已習其曲矣，未得其數也。有間，曰：已習其數，可以益矣。孔子曰：丘未得其志也。有間，曰：已習其志，可以益矣。孔子曰：丘未得其爲人也。有間，曰：有所穆然深思焉，有所怡然高望而遠志焉。曰：丘得其爲人，黯然而黑，幾然而長，眼如望羊，心如王四國，非文王其誰能爲此也。師襄子避席再拜曰：師蓋云文王操也。孔子既不得用於衛，將西見趙簡子。至於河，而聞竇鳴犢、舜華之歎也。臨河而嘆曰：美哉，水洋洋乎。丘之不濟，此命也夫。子貢趨而進曰：敢問何謂也？孔子曰：竇鳴犢、舜華，晉國之賢大夫也。趙簡子未得志之時，須此兩人而後從政。及其已得志，殺之乃從政。丘聞之也，刳胎殺夭，則麒麟不至郊；竭澤涸魚，則蛟龍不合陰陽；覆巢毀卵，則鳳凰不翔。何則？君子諱傷其類也。夫鳥獸之於不義也，尚知辟之，而況乎丘哉？乃還息乎陬鄉，作爲陬操以哀之。而反乎衛，入主蘧伯玉家。靈公問陳。

孔子行，復如陳。是歲，魯哀公三年，而孔子年六十矣。夏，魯桓釐廟燬，南宮敬叔救火。孔子在陳，聞之，曰：災必於桓釐廟乎？已而果然。秋季桓子病，輦而見魯城，喟然嘆曰：昔此國幾興矣，以吾獲罪於孔子，故不興也。顧謂其嗣康子曰：我卽死，若必相魯，相魯必召仲尼。後數日，桓子卒，康子代立。已葬，欲召仲尼。公之魚曰：昔我先君用之不終，終爲諸侯笑。今又用之，不能終，是再爲諸侯笑。康子曰：則誰召而可？曰：必召冉求。於是使使召冉求。冉求將行，孔子曰：魯人召求，非小用之，將大用之也。是日，孔子曰：歸與歸與。吾黨之小子狂簡，斐然成章，吾不知所以裁之。子貢知孔子思歸，送冉求，因誡曰：卽用，以孔子爲招云。冉求既去，明年，孔子自陳遷於蔡。自蔡如葉，去葉及於蔡。吳伐陳，楚救陳，軍於城父。聞孔子在陳蔡之間，楚使人聘孔子。孔子將往拜禮，陳蔡大夫謀曰：孔子賢者，所刺譏皆中諸侯之疾。今者久留陳蔡之間，諸大夫所設行皆非仲尼之意。今楚，大國也，來聘孔子，孔子用於楚，則陳蔡用事大夫危矣。於是乃相與謀徒役，圍孔子於埜，不得行，絕糧。從者病，莫能興。孔子講誦弦歌不衰。知弟子有愠心，乃召子路而問曰：詩云，匪兕匪虎，率彼曠埜。吾道非耶？吾何爲於此？子路曰：意者吾未



仁耶。人之不吾信也。意者吾未知耶。人之不吾行也。孔子曰。有是乎。由。譬使仁者而必信。安有伯夷。叔齊。使智者而必行。安有王子比干。子路出。子貢入見。孔子曰。賜。詩云。匪兕匪虎。率彼曠野。吾道非耶。吾何爲於此。子貢曰。夫子之道至大也。故天下莫能容夫子。夫子蓋少貶焉。孔子曰。賜。良農能稼而不能穡。良工能巧而不能順。君子能修其道。綱而紀之。統而理之。而不能爲容。今爾不脩爾道而求爲容。賜。而志不遠矣。子貢出。顏回入見。孔子曰。回。詩云。匪兕匪虎。率彼曠野。吾道非耶。吾何爲於此。顏回曰。夫子之道至大。故天下莫能容。雖然。夫子推而行之。不容何病。不容然後見君子。夫道之不修也。是吾醜也。夫道既已大修而不用。是有國者之醜也。不容何病。不容然後見君子。孔子欣然而笑曰。有是哉。顏氏之子。使爾多財。吾爲爾宰。於是使子貢至楚。楚昭王興師迎孔子。然後得免。昭王將以書社地七百里封孔子。楚令尹子西曰。王之使使諸侯有如子貢者乎。曰。無有。王之輔相有如顏回者乎。曰。無有。王之將率有如子路者乎。曰。無有。王之官尹有如宰予者乎。曰。無有。且楚之祖封於周。號爲子男五十里。今孔丘述三王之法。明周召之業。王若用之。則楚安得世世堂堂方數千里乎。

夫文王在豐。武王在鎬。百里之君。率王天下。今孔丘得據土壤。賢弟子爲佐。非楚之福也。昭王乃止。其秋。楚昭王卒於城父。孔子自楚反乎衛。是歲也。孔子年六十三。而魯哀公六年也。其明年。吳與魯會。微百牢。太宰嚭召季康子。康子使子貢往。然後得已。其明年。冉有爲季氏將師。與齊戰於郎。克之。康子曰。子之於軍旅。學之乎。性之乎。冉有曰。學之於孔子。季康子曰。孔子何如人哉。對曰。用之有名。播之百姓。質諸鬼神而無憾。求之至於此道。雖累千社。夫子不利也。康子曰。我欲召之。可乎。對曰。欲召之。則毋以小人間之。則可矣。而衛孔文子將攻太叔。問策於仲尼。仲尼辭不知。退而命載而行。曰。鳥能擇木。木豈能擇鳥乎。文子固止。會季康子逐公華。公賓公林。以幣迎孔子。孔子歸魯。孔子之去魯。凡十四歲。而反乎魯。時周室微。而禮樂廢。詩書缺。追述三代之禮。序書傳。上紀唐虞之際。下至秦繆。編次其事。故書傳禮記。自孔氏。古者詩三千餘篇。及至孔子。去其重。取可施於禮義。上采契。后稷。中述殷周之盛。至幽厲之缺。始於衽席。故曰。關雎之亂。以爲風始。鹿鳴爲小雅始。文王爲大雅始。清廟爲頌始。三百五篇。孔子皆弦歌之。以求合韶武雅頌之音。禮樂自此可得而述。以備王道。成六藝。孔



子瞻而喜易、序彖、繫象、說卦、文言。讀易韋編三絕。曰：假我數年，若是，則我於易彬彬矣。孔子以詩書禮樂教弟子，蓋三千焉，身通六藝者七十有二人。如顏淵、鄒之徒，頗受業者甚衆。魯哀公十四年春，狩大塗，叔孫氏車子組商獲獸，以爲不祥，仲尼視之，曰：麟也。取之，曰：河不出圖，洛不出書，吾已矣夫。顏淵歿，孔子曰：天喪予。及西狩，見麟，曰：吾道窮矣。乃因史記作春秋，上至隱公，下訖哀公十四年，十二公。據魯，親周，故殷，運之三代，約其文辭，而指博。故吳楚之君自稱王，而春秋貶之曰子。踐土之會，實召周天子，而春秋諱之曰天王狩於河陽。推此類以繩當世，貶損之義，後有王者舉而開之。春秋之義行，則天下亂臣賊子懼焉。孔子在位聽訟，文辭有可與人共者，弗獨有也。至於爲春秋，筆則筆，削則削，子夏之徒不能贊一辭。弟子受春秋，孔子曰：後世知丘者以春秋，而罪丘者亦以春秋。明歲，子路歿於衛。孔子病，子貢請見。孔子方負杖逍遙於門，曰：賜，汝來何晚也。孔子因嘆歌曰：泰山壞乎？梁柱摧乎？哲人萎乎？因以涕下。謂子貢曰：天下無道久矣，莫能宗予。夏人殯於東階，周人於西階，殷人兩柱間。昨暮，予夢坐奠於兩柱之間，予殆殷人也。後七日卒。孔子年七十二，以魯哀公十六年四月已

丑卒。哀公諱之曰：旻天不弔，不慙遺一老，俾屏余一人以在位，贊贊余在疚。嗚呼哀哉！尼父母自律。子貢曰：君其不沒於魯乎？夫子之言曰：禮失則昏，名失則慙，失志爲昏，失所爲慙。生不能用，死而諱之，非禮也。稱余一人，非名也。孔子塋魯城北泗上，弟子皆服三年。三年心喪畢，相訣而去，則哭，各復盡哀，或復留。唯子貢廬于冢上，凡六年，然後去。弟子及魯人往從冢而家者百有餘室，因命曰孔里。魯世世相傳，以歲時奉祠孔子冢，而諸儒亦講禮鄉飲大射於孔子冢。孔子冢大一頃，故所居堂弟子內，後世因廟藏孔子衣冠琴車書，至於漢二百餘年不絕。高皇帝過魯，以太牢祠焉。諸侯卿相至，常先謁然後從政。孔子生鯉，字伯魚。伯魚年五十，先孔子歿。伯魚生伋，字子思，年六十二，嘗困於宋，子思作中庸。子思生白，字子上，年四十七，子上生求，字子家，年四十五。子家生箕，字子京，年四十六。子京生穿，字子高，年五十一。子高生子慎，年五十七，嘗爲魏相。子慎生鮒，年五十七，爲陳王涉博士，歿于陳下。鮒弟子襄，年五十七，嘗爲孝惠皇帝博士，遷爲長沙太守，長九尺六寸。子襄生忠，年五十七，忠生武，武生延年及安國。安國爲今皇帝博士，至臨淮太守，蚤卒。安國生邛，邛生驩。



太史公曰詩有之高山仰止景行行止雖不能至然心鄉往之余讀孔氏書想見其爲人適魯觀仲尼廟堂車服禮器諸生以時習禮其家余低回嚮之不能去云天下君王至於賢人衆矣當時則榮沒則已焉孔子布衣傳十餘世學者宗之自天子王侯中國言六藝者折衷於夫子可謂至聖矣

宗子

二代鯉字伯魚生于周景王十三年己巳適魯昭公賜鯉孔子榮君之賜因以名之年五十先孔子卒子伋

三代伋字子思逮事孔子而受業于曾子嘗著書四十九篇今存者惟中庸魯繆公欲以爲相不受適衛值懸子

問禮曾申問曰何以不仕子思曰道伸我願也今天下諸侯其孰能哉與其屈己以富貴不如抗志而貧賤在

衛緇袍無裏三旬九食田子方遺以狐白裘不受已而反于魯教授其徒數百人年及百餘歲卒史記作子白六十二

四代白字子上請所習于子思子思曰先人有訓焉學必由聖所以致其才也屬必由祗所以致其力也故夫子

之教必始于詩書而終于禮樂雜說不與焉齊威王召白爲國相不受年四十九卒史記作子求四十七

五代求字子家楚召不受年四十五卒子箕

六代箕字子京爲魏相年四十六卒子穿

七代穿字子高楚魏趙交聘不就著儒家之語十二篇名曰諠言年五十一卒子謙

八代謙史記作慎一名城字子慎仕魏爲安釐王相改嬖寵之官以事賢才奪無任之祿以賜有功諸喪職秩者不悅相

魏九月以病致仕遂寢于家嘗歎曰疾病無良醫不出

二十年天下其盡為秦乎。秦莊襄王召不行。魏以孔子後嗣封魯文信君。年五十七卒。子三、鮒、騰、樹。鮒、子三、鮒、騰、樹、家之族胤。

一子相承。以至九世始有三子。

九代鮒字子魚。秦始皇召為魯國文通君。拜少傅。三十四年丞相李斯始議焚書。鮒與弟騰藏其家語、論語、尚書、孝經等于祖堂舊壁中。自隱于嵩山。教弟子百餘人。後陳涉為楚王。聘為太傅。凡仕六月。訖疾而退。卒于陳下。年五十七。著書二十餘篇。名曰孔叢子。子隨。按隨四傳。何齊、何齊生安、皆承殷後為宋公。東晉武帝封其後。續之為奉聖亭侯。弟隱之嗣傳惠長及子英哲。陳亡。爵絕。騰字子襄。謙次子。長九尺六寸。漢高帝過魯。封為奉嗣君。改為惠帝博士。遷長沙太守。年五十七卒。子忠。

十代忠字子貞。為博士。封褒成侯。年五十七卒。子二武、安國。

十一代武字子威。文帝時為博士。至臨淮太守。卒。子延年。

十二代延年。武帝時為博士。轉少傅。遷大將軍。年七十一卒。子霸。王世貞曰。當是太子少傅耳。當時大將軍僅衛青。

十三代霸字次孺。昭帝時為博士。宣帝時以大中大夫授皇太子經。遷詹事。出為高密相。元帝即位。拜太師。賜爵關內侯。食邑八百戶。號褒成君。給事中。賜黃金二百斤。宅一區。徙名數于長安。為人謙退。常稱位祿太過。何德

以堪之。帝欲致之相位。讓至三四。帝知其誠。乃止。上書求奉先聖祭。詔令以所食邑祀孔子。年七十二。卒。子第。帝素服臨弔者再。賜東園秘器并錢帛。策贈列侯。謚曰烈。子四、福、捷、喜、光。王世貞曰。漢自孔光以前不設太師。

十四代福襲封關內侯。年六十二卒。子房。

十五代房。漢哀帝時襲封關內侯。食邑八百戶。子均。

十六代均字長平。初名莽。繼王莽改名。徵拜尚書郎。襲封關內侯。平帝元始元年。更封褒成侯。食邑二千戶。五年。王莽篡位。拜太尉。不就。三辭疾。乃得還。年八十一卒。子志。王世貞曰。莽時無太尉。

十七代志。後漢光武帝拜大司馬。武十四年襲封褒成侯。食邑二千戶。卒。謚元成。子損。王世貞曰。是時大司馬僅吳漢。

十八代損字君益。明帝永平十五年襲封褒成侯。章帝元和二年。東巡狩。褒成侯助祭。和帝永元四年。改封褒亭侯。食邑一千戶。子曜。

十九代曜字君曜。襲封褒亭侯。子二完、讚。

二十代完襲封褒亭侯。蚤卒。無子。以弟讚之子美襲封。

二十一代美字子餘。魏文帝黃初元年。拜議郎。改封宗聖侯。以魯縣百戶奉祀。子震。

二十二代震字伯起。晉武帝泰始二年。改封奉聖亭侯。拜





太常卿、黃門侍郎、食邑二千戶。年七十五卒。子凝。

二十三代凝，字功成。襲封奉聖亭侯，食邑二千戶。年五十七卒。子撫。

二十四代撫，舉孝廉，辟太尉掾。襲封奉聖亭侯，爲豫章太守，實封一千戶。子懿。

二十五代懿，東晉襲封奉聖亭侯，從事中郎，食邑一千戶。年六十一卒。子鮮。王世貞曰：按懿故宣帝諱，今不避不可解。

二十六代鮮，字鮮之。宋文帝元嘉十九年，襲封奉聖亭侯，改封崇聖侯。子乘。

二十七代乘，字敬山。後魏舉孝廉。文帝延興三年，封崇聖大夫，食邑五百戶。子靈珍。

二十八代靈珍，授秘書郎。孝文帝太和十九年，仍封崇聖侯，食邑一千戶。子文泰。

二十九代文泰，襲封崇聖侯，食邑一千戶。年五十八卒。子渠。

三十代渠，襲封崇聖侯。北齊文宣帝天保元年，改封恭聖侯。後周靜帝大象二年，改封鄒國公，食邑一千戶。子長孫。

三十一代長孫，周武帝宣政元年，襲封鄒國公，食一千戶。年六十四卒。子英，英，嗣英。

三十二代英，陳光大元年，改封奉聖侯。無子。

嗣英，隋文帝時，應制登科，授涇州司兵參軍，遷太子通事舍人，仍封鄒國公。煬帝大業四年，改封紹聖侯，食邑一千戶。十二年，授吳郡王簿。帝崩揚州，由是歸魯。年七十卒。子德倫。王世貞曰：諸言文帝時登科，誤也。煬帝始設科。

三十三代德倫，唐高祖武德九年，改封褒聖侯。太宗貞觀十一年，詔朝會位同三品，食邑一千戶。大授元年，賜敕書及時服。年七十七卒。子二，崇基、子歆。此後世召孔氏子孫朝會之始。

二十四代崇基，中宗嗣聖十二年，襲封褒聖侯。神龍元年，制授朝散大夫，陪祭朝會。年五十六卒。子璲之。

三十五代璲之，字藏暉。玄宗開元五年，襲封褒聖侯，特授四門博士，鄒王府文學，蔡州長史。二十七年，改封文宣公，除兗州長史，遷都水使者，食邑一千戶。子萱。

三十六代萱，襲封文宣公，兼兗州泗水令。子齊卿。

三十七代齊卿，德宗建中三年，襲封文宣公，兼除兗州功曹參軍。子三，惟旺、惟昉、惟時。

三十八代惟旺，憲宗元和十三年，授兗州參軍，襲封文宣公。年六十五卒。子策。

三十九代策，明經及第，歷少府監主簿，國子監丞，襲封文宣公，遷國子尚書博士。年五十七卒。子振。

四十代振字國文。懿宗咸通四年狀元及第。除秘書省校書郎。歷運判。監察御史。左補闕。水部員外郎。襲封文宣公。賜百緡。年七十四卒。子昭儉。

四十一代昭儉。任南陵尉。授廣文館博士。兗州司馬。賜緡。除秘書郎。襲封文宣公。累宰曲阜。年六十卒。子光嗣。

四十二代光嗣。齊郎出身。哀帝天祐二年。授泗水令。陵廟主。五季之亂。失其世爵。故授是官。年四十二。爲灑掃戶孔末所害。子仁玉。

四十三代仁玉。字溫如。初。孔末既害光嗣。自爲曲阜令。時仁玉生。始九月。母張氏抱歸。育于外家。後魯人見其長。訴于官。事聞于朝。乃罷末。以仁玉爲先聖嗣。身長七尺。姿貌異常。善六藝。尤精春秋。爲人嚴整。臨事有斷。時年十九歲。任曲阜主簿。兩考滿。陞縣令。襲封文宣公。後周太祖廣順二年。幸廟林。召對數刻。賜五品服。銀器雜綵。復口授曲阜縣令。兼監察御史。年四十五卒。贈兵部尚書。今孔氏推爲中興祖云。子四。宜。憲。冕。昂。

四十四代宜。字不疑。自幼聰悟。十歲能屬文。宋太祖乾德四年。詣闕上書。述其家世。詔爲曲阜主簿。調黃州軍事。推官。時方平吳越。悉預兵機。宜力實多。代歸。太宗召見。遷司農寺丞。領闕市于星子鎮。江左始平。庶務不綱。星

子實江湖之會要。貨殖之都聚。宜度其利害。請營之爲軍。朝議以戶口少。且陞爲縣令。就宰之。政成。考績有稱。轉運使王明奏其言忠行篤。守法奉公。乞擢居朝列。委以事權。尋入覲。因獻所著文賦。太宗嘉焉。顧問孔氏歷世之數。具以實對。太宗謂左右曰。家世之遠有如此者乎。特遷太子右贊善大夫。襲封文宣公。未幾。通判高密。還朝。遷殿中丞。雍熙二年。太宗北征。受詔督軍餉。溺巨馬河卒。年四十六。子三。延世。延澤。延渥。

四十五代延世。字茂先。以父沒邊境。特賜同學究出身。授曲阜主簿。秩滿。授福州閩縣令。調許州長葛令。真宗卽位。宣諭侍臣。令咨訪先聖有何子孫。呂端奏有嫡孫延世。見任許州長葛令。召見。詢以家門故事。授曲阜令。襲封文宣公。卒于官。年三十八。子聖祐。

四十六代聖祐。年九歲。授同學究出身。大中祥符元年。真宗東封。詔賜衣緡。次京官陪位。駕幸林廟。授太常寺奉禮郎。四年。爲大理評事。天禧五年。以光祿寺丞襲封文宣公。知仙源縣事。遷贊善大夫。終于太子中舍。卒。年三十五。無嗣。以堂弟宗愿承襲。

宗愿。字子莊。延澤子。仁宗天聖中。以叔父道輔蔭補太廟齋郎。寶元二年。授守國子監主簿。襲封文宣公。知仙



源縣事。至和二年，改封衍聖公。累遷尚書比部員外郎，通判濰州。卒于官，年六十三。子四：若蒙、若虛、若愚、若拙。四十七代若蒙，字公明。神宗熙寧元年，襲封衍聖公。哲宗元祐元年，改封奉聖公，坐事廢。以弟若虛承襲。子二：端友、端操。

若虛，字公實。哲宗元符元年，襲封奉聖公。卒，朝廷復以若蒙子端友嗣爵。熙豐間，詔令專主祀事，不任他職。大觀間，復以奉聖公爲衍聖公，每遇大禮，許赴闕陪位。後世視學，遣官行取衍聖公觀禮始此。

若愚，宗愿第三子。生端立，今襲封始祖。

四十八代端友，字子交。徽宗崇寧三年，襲封衍聖公。宣和三年，轉通直郎，除直秘閣，賜緋，仍許就任關陞。建炎四年，偕叔父傳隨高宗南渡，寓三衢。紹興二年，知郴州。姪玠襲。玠生振，振生文達，文達生萬春，萬春生洙，俱襲封衍聖公于衢州。元世祖時，辭爵罷封。

端操，端友弟。金權襲封衍聖公於魯。子四：瑄、璫、璵、玠。

四十九代璫，字文老，端操第二子。金天眷三年，嗣封衍聖公于魯，贈榮祿大夫。皇統二年卒，年三十八。子二：拯、總。五十代拯，字元濟。年七歲，金熙宗皇統二年，除文林郎，襲封衍聖公，管勾祀事，終通直郎。世宗大定元年卒，年二十六。無嗣，以弟總繼。

總，字元會。大定三年，襲封衍聖公，管勾祀事。二十一年，世宗召赴闕下，欲留任用。力辭，請專祀事，特授曲阜令。嚴潔祭祀，敦睦親族，親率佃戶之東蒙山採伐材木，增廣林廟及尼山防山殿堂廊廡五十餘楹。終奉直大夫，年五十三，贈光祿大夫。子二：元措、元紘。

五十一代元措，字夢得。年十一歲，金章宗明昌二年，襲封衍聖公，管勾祀事。三年，超授中議大夫。承安二年，敕令衍聖公年及十七，兼曲阜令，仍許世襲，不得別行差占。宣宗貞祐二年，幸汴京，趨赴行在。適丁母憂，遙授東平府判。三年起復，與隨朝職事，遂授太常博士。興定四年，改行太常丞。元光元年，授同知集賢院兼前職。哀宗天興元年，遙授泰定軍節度使、兗州管內觀察使，兼行太常少卿。二年，遷光祿大夫，尋改太常卿。癸巳年，元陷汴梁，特取元措還東平，襲封衍聖公，主奉祀事。無子，以姪孫洵嗣爵。洵，元紘孫也。父曰之固，元憲宗元年，襲封衍聖公。八年，坐罪奪爵，爲維州尹。以元措從弟元用繼襲封焉。

元用，字俊卿。初貞祐二年，元措從宣宗遷汴，擬元用攝祀事。及宋克平山東，寶慶元年，授通直郎，權襲封衍聖公。仙源令。二年，改濟州通判，兼京東西道安撫司主管機宜文字。元太師水軍屯統諸道兵至，承制封拜，襲封

衍聖公世襲曲阜令給降衍聖公印。子之全。

五十二代之全字工升。乙酉年父元川從征益都之全遂權襲封衍聖公曲阜令。癸巳年元措自汴梁還東平仍襲封衍聖公之全止克曲阜令。壬子年宣差東平路行軍萬戶總管權授襲封衍聖公降到印信兼曲阜令。年五十一卒。子三治澄濟。

五十三代治字世安之全長子。壬子年克曲阜管民長官。中統元年改曲阜令。四年權王祀事。至元十三年授承事郎曲阜令兼管諸軍與魯仍權祀事。二十二年授奉訓大夫單州防禦使。二十九年遷奉直大夫密州知州。元貞元年赴闕朝見特授中議大夫襲封衍聖公。子思誠罷封。

五十四代思晦字明道。初宗愿生若愚若愚生端立端立生琥琥生拂拂生元孝元孝生之厚贈亞中大夫濟寧路總管輕車都尉魯郡侯之厚生浣字日新贈通議大夫禮部尚書上輕車都尉魯郡侯浣生思晦天資穎秀受業嶺江張先生穎讀書即識大義。元武宗至大甲舉孝廉授范縣寧陽兩縣教諭。仁宗即位訪問孔子後儒臣元明善等曰思晦嫡長應嗣。時延祐三年授中議大夫襲封衍聖公給月俸自百緡加至五百緡給四品印。

泰定四年進嘉議大夫至順三年改鑄三品銀印。卒年六十七贈通奉大夫河南江北等處行中書省叅知政事護軍追封魯郡公諡文肅。子克堅。

五十五代克堅字璟夫。至元元年授嘉議大夫襲封衍聖公。至正八年朝廷謂公爵與階不稱制授中奉大夫賜以銀章。十五年徵爲同知太常禮儀院事攝太常卿遂拜治書侍御史辭歸追拜山東廉訪使受詔復辭歸。會山東亂北行抵萊城召入爲集賢直學士。十九年遷禮部尚書改西臺侍御史。二十二年除國子祭酒。二十六年明兵取中原太祖手詔趣入覲待以賓禮而不名。洪武三年以疾告遣中使存問日再至疾篤詔驛傳還家賜白金百兩雜緣十端行次邳之新安驛卒于舟中。諸子扶柩歸葬年五十五。子九希學希說希範希進希麟希鳳希順希尹希贊按孔氏分九門自此始。五十六代希學字士行。年二十一順帝至正五年授中奉大夫襲封衍聖公。明太祖洪武元年朝京師問以歷代治理條對甚悉上嘉之賜雜彩大端命同守祖庭。是年授資善大夫襲封衍聖公。卒年四十七朝廷遣官論祭子二訥諧。

五十七代訥字言伯。洪武十六年丁父憂以國哀赴京將



俾聚爵以居喪乃止。十七年朝京師，拜襲封之命。受誥大廷，百僚班列，仍敕禮官以教坊樂導至太學，學官率諸生二千餘人迎于成賢街，觀者莫不贊嘆。明日入謝，復賜襲衣，宴于禮部。初，誥詞吏部奏用資善階，上諭曰：「既爵公，勿事散官，但誥以織文玉軸爲異耳。」遂爲故事。每歲入覲，得給符乘傳，班序文臣首，厚其餼廩，下及侍從，古未有也。三十三年卒，年四十三。子四：公鑑、公鐸、公鈞、公鏗。

五十八代公鑑，字昭文。洪武三十三年襲封衍聖公。年二十三卒。成祖遣官諭祭。子彥紹。

五十九代彥紹，字朝紳，其名與字皆仁宗所命也。蚤孤，母胡夫人教育之。永樂八年襲封衍聖公。成祖謂侍臣曰：「真聖人之裔也。」館之太學，禮待甚厚。洪熙元年，賜第于東安門北。景泰二年，上幸太學，特召率三氏子孫觀禮，賜冠帶錦衣。越三年，朝會，復賜三臺銀印、玉帶、織錦麒麟衣，文視一品。卒，年五十五。命禮部治窆，工部治墳。子四：承慶、承吉、承澤、承源。

六十代承慶，字永祚。年六歲遭母夏夫人喪，既長，從三氏學。錄孔克寧學所著有禮庭吟稿行世。未襲爵而卒。景泰六年，贈襲封衍聖公。子二：弘緒、弘泰。

六十一代弘緒，字以敬。景泰六年襲封衍聖公，時年八歲，延入內宮，特賜金鈕麒麟圖書，御篆謹禮崇德四字，異數也。成化六年，坐事奪爵。弘治中，復冠帶。卒，年五十七。賜祭墓。子二：聞韶、聞禮。

弘泰，字以和。成化六年，繼兄襲封衍聖公。卒，年五十四。子聞詩。

六十二代聞韶，字知德。弘緒長子。弘治十六年襲封衍聖公。卒，年六十五。賜祭墓。子二：貞幹、貞寧。

六十三代貞幹，字用濟。嘉靖二十五年襲封衍聖公，賜敕約束其宗人。卒于賜第，年三十八。諭祭九壇。子尚賢。

六十四代尚賢，字象之，別號龍宇。嘉靖三十五年襲封衍聖公，年十四歲。世宗敕該部傳與撫按官知道。孔尚賢年幼，你撫按官不時存問他，敢有族人恃長欺凌他的，指名來治罪。歷侍四朝，神宗禮遇尤篤。天啓元年卒，于賜第，年七十九。遣禮部尚書孫慎行致祭，工部造墳，行人盧時泰護喪歸。子胤椿、胤桂，俱早卒，無嗣。姪胤植襲封。崇禎元年，贈太子太保。

六十五代胤植，字懋甲，貞寧之孫也。父曰尚坦。天啓二年五月，襲封衍聖公。崇禎元年，加太子太保。三年，加太子太傅。國朝初年入朝，封爵如故。順治四年卒，年五十。



藏書

六。奏聞、遣山東左布政致祭、工部造墳、予興災。

六十六代興災、字超呂。順治五年三月、襲封衍聖公。七年、

加太子少保。八年、加少保兼太子太保。康熙六年十二

月卒、年三十二。奏聞、遣山東布政司致祭、工部造墳、子

三、毓圻、毓均、毓埏。

六十七代毓圻、字翊宸。康熙七年二月、襲封衍聖公。十七

年、加太子少師。

校記

①據《史記·孔子世家》、「侮」上當有「余」字。

②心：當衍，見右引。

③「食」下當脫「邑」字。

④此句據庫本《抑庵文集》卷二四彥縉碑，當作「衣織金麒麟文」。

關里廣誌卷之三

禮樂誌

叙曰先王制禮作樂所以通神明正情性合和邦國而祖洽黎黎者也。自姚姒子姬之降尚或朴而不文或文而不慙非夫子折衷而定之易由今經曲律洋洋纔纔萬世率由而無弊乎。以故上肇炎漢下暨勝國禮備四代樂川八佾斯亦祀事之偉觀報稱之極則也。至皇朝恪遵舊章有隆靡替崇儒重道猗與休哉昭天地而超今古矣。用是標祀典于首重玉帛祝嘏之遺告也而謚號章服皆禮之大者故分類而記之至于禮器樂章懼其散佚也爰稽其故制撫其顛末俾俎豆之司鼓鼗之吏有所尋而守焉作禮樂誌。

祀典

漢高帝十二年過魯以太牢祀孔子。丘濬曰此漢以來祀孔子之始。

元帝初元元年詔褒成君孔霸以所食邑八百戶祀孔子。

光武建武五年幸魯使大司空以太牢祀孔子。

明帝永平十五年東巡狩幸孔子宅祠仲尼及七十二弟子親御講堂命皇太子說經。漢春秋曰帝時升廟立孔子親御講堂命皇太子說經臣中庭北面皆再拜帝進爵後坐張朝瑞曰此後世祀孔子弟子之始。

章帝元和二年幸魯祀孔子于闕里及七十二弟子賜褒

成侯及諸孔男女。按孔傳傳曰作六代之樂大會孔氏弟子二十以上者六十三人命儒者講論信因自陳謝帝曰今日之會事于卿宗有光榮乎對曰臣聞明王聖主莫不尊師貴道今陛下親屈萬乘辱臨闕里此乃崇禮先師增輝聖德至于光榮非所敢承帝大笑曰非聖者子孫焉有斯言乎遂拜信郎中從還京師。

安帝延光三年幸魯祀孔子及七十二弟子于闕里自魯相令丞尉及孔氏親屬婦女諸生悉會賜褒成侯以下帛各有差。

桓帝元嘉三年詔孔子廟實百石卒史一人掌領禮器春秋享禮出王家錢給大酒直河南尹給牛羊豕各一大司農給米。宋慶長曰此孔氏設官之始。

靈帝建寧二年詔祀孔子依社稷出王家穀春秋行禮光初元年置鴻都門學生書孔子及七十二弟子像。

魏文帝黃初二年詔魯郡修起孔子舊廟實百石吏卒以守衛之。

少帝正始二年帝講論語通五年講尚書通七年講禮記通並使太常釋奠以太牢祀孔子于辟雍以顏回配。丘濬曰漢以來釋奠之禮始見于此前此祀孔子者皆于闕里至是始行于太學。

晉武帝泰始三年詔太學及魯國四時備三牲祀孔子七年皇太子講孝經通咸寧三年講詩通太康三年講禮記通太子竝親釋奠以太牢祠孔子。丘濬曰此太學釋奠之始。



惠帝元康三年，皇太子講論語，親釋奠孔子。

元帝太興二年，皇太子講論語，通親釋奠孔子。

明帝太寧三年，詔奉聖亭侯孔晃四時祀孔子，如泰始故事。

成帝咸康元年，帝講詩通，釋奠孔子。

穆帝升平元年，帝講孝經通，釋奠孔子，權以中堂為太學。

孝武帝寧康三年，帝講孝經通，釋奠于中堂。

南宋文帝元嘉二十二年，太子釋奠孔子，牲牢祭器悉依上公之禮，舞六佾，設軒懸之樂。丘濬曰：釋奠用六佾，軒懸之樂，始此。

北魏太武始光三年，起太學于城東，祀孔子。

太平真君十一年，車駕南伐，至鄒山，以太牢祀孔子。

顯祖皇興二年，遣中書令高允以太牢祀孔子。以青徐平故也。

孝文帝延興二年，詔孔子廟有婦女合離巫覡淫祀者，禁之。

太和十六年，詔宣尼廟別勅有司行享薦之禮。丘濬曰：有司，謂禮部也。宣尼廟，謂太學也。

太和十九年，幸魯城，祠孔子廟，命兗州為孔子起園柏，修飾墳隴，更建碑銘，褒揚聖德。

梁武帝天監八年，皇太子釋奠先師。有司，謂禮部也。宣尼廟，謂太學也。

登祚階以明從師之義。

北齊文宣帝天保元年，詔郡縣以時修治廟宇，遣使致祭。

又制，每春秋二仲行禮，每月旦祭酒，領博士已下及國子諸生已上，太學四門博士升堂，助教以下，太學諸生階下拜，孔揖頽，郡學則于坊內立孔頽廟，博士已下亦每月朝云。丘濬曰：此後世。

是年，詔將講于天子，先定經于孔父廟，講畢釋奠，行三獻禮。

陳宣帝大建三年，皇太子親釋奠于太學，祭酒以下齊用有差。

後主至德三年，釋奠于先師，禮畢，設金石之樂，會宴王公卿士。

隋文帝初，詔國子寺，每歲以四仲月上丁，釋奠先聖先師。

州縣學以春秋仲月。丘濬曰：此郡縣二仲釋奠之始。前此元魏雖命有司，然未名爲釋奠，亦無定時也。

唐高祖武德二年，詔國子學立周公、孔子廟各一所。丘濬曰：自曹魏釋奠孔子于辟雍後，至元魏始有廟，然不知其何時立也。至是高祖始詔國子立廟，然周公孔子各自爲廟。

七年，帝詣國子學，釋奠于先聖先師。唐書云：以周公爲先師。

太宗貞觀四年，詔州縣皆立孔子廟。張制瑞曰：此後世。

州縣立文廟之始。

六三

闕里廣誌 卷三

六三

六三

六三

六三

六三

六三

六三

六三

六三

六三

六三



十四年帝親釋奠于國子學。昭祭酒孔訓達講孝經。

二十年詔皇太子于國學釋奠于先聖先師皇太子為

初獻國子祭酒為亞獻司業為終獻。舊禮釋奠學官自

侍郎許敬宗等奏祭先聖先師泰漢無文魏則以太常

行事晉宋以學官主祭諸自今國學釋奠令祭酒為初

獻祝詞稱皇帝遣某官司業為亞獻博士為終獻此後世國家道官釋奠之始而守令主祭亦始于此。

高宗乾封元年封禪還京師過曲阜親祭祠廟以太牢。

又遣司祿正卿秩餘隆以少牢詣闕里祭告。

肅宗太極元年皇太子開講筵親釋奠。

玄宗開元七年皇太子齒門于學謁先聖詔三獻皆用胄

子。

十三年封禪迴詣孔子宅親設奠祭又遣使以太牢祀

墓。

二十七年詔祀先聖樂用宮縣舞用六佾。陳陽樂書云

始用宮架之樂即宮縣也。

二十八年詔春秋二仲月上丁祭文宣王以三公攝事。

肅宗上元元年歲早罷諸祀惟太學仍祀文宣王。

德宗貞元二年釋奠詔自宰臣以下畢集于國學每年春

秋釋奠祝板御署訖北面而揖。

宣帝大中元年宰臣白敏中請賜百緣克享祀。

後唐明宗長興二年復文宣王廟祀。時朱梁毀廟

後周太祖廣順二年親征至交詣廟再拜登基復拜。或言

不當拜異代陪臣帝曰夫子聖人也百王以則安得不

拜。祖庭廣記曰周太祖親征慕容彥超至兗州城將

破夜夢一人狀其魁異被王者服城陷取公卷入通夫

子廟在帝寤然曰昨夢殆夫子乎不然何路與廟會因

拜奠開堂瞻像一如夢中所見感喜下拜遂躬詣闕里

所廟拜祠所奠銀酒器及燭于廟中又詣聖林拜墓教

宋太祖建隆三年詔廟門立戟十六幸國子監祭文宣

王用一品禮樂用永安之曲。

太宗端拱元年幸國子學謁文宣王。時博士李覺方聚徒

御講曰陛下六飛在御臣何敢輒陞高座上因降轡命

有司張帝幕設別座詔覺講周易之泰卦從臣皆列坐

覺乃連天地感通君臣相應之旨上甚喜乃賜帛百疋。

淳化四年從監軍使臣請先聖廟六衙朔望焚香。

真宗大中祥符元年東封禮畢如曲阜縣謁文宣王廟。內

設黃麾仗上服釋袍詣廟行酌獻禮初有司定儀止肅

拱上特再拜又詣叔梁紇堂遂如孔林乘馬至墓奠拜

祥符七年王旦言請用先天節禮畢詣文宣王廟行禮。

天禧元年詔崇文館雕印釋奠儀注及祭器圖頒行下諸

路。

仁宗初即位幸國子監奠謁先聖。退閱七十二賢贊

天聖二年幸國子監謁先聖。舊儀肅拱

景祐元年詔釋奠用登歌。按開元中已用登

武至宋則復用之。

慶曆四年幸國子學謁先聖再拜。

嘉祐六年遣兗州通判田洵詣闕里祭告。

哲宗元祐六年幸國子監謁先聖行釋奠禮一獻再拜。

徽宗大觀四年文宣王改執鎮圭廟門增立二十四戟並

如王者之制。按周禮小行人成六職王川鎮圭。

政和元年詔門人封爵及郡縣犯先聖諱者悉改正。

六年賜堂上正聲大樂一副禮器一副于闕里。

宣和四年幸太學奠謁先聖。

高宗紹興十年詔文宣祭與社稷并為大祀。

十四年帝謁孔子遂臨太學。止駕于大成門外登降階

成樂成詔頒降肄習仍內降玉圭。

孝宗淳熙四年幸太學謁奠孔子。

寧宗慶元間定祀令文宣王為中祀。

理宗淳祐元年帝謁孔子遂臨太學。

度宗咸淳三年帝詣太學謁孔子行釋菜禮。

遼太祖神冊三年建孔子廟次年落成躬謁釋奠。

金熙宗皇統元年親祀孔子。退謂侍臣曰朕幼年不知志

雖無位其道萬世景仰凡人為善不可不勉。

世宗大定十四年釋奠先聖。謂朱禮官議依開元禮合行

祀奏登歌雅樂。

章宗明昌四年釋奠先聖。諭旨宣徽院曰朕以宣聖為世

拜焉。謂朕將

泰定二十二年皇帝名遣兗州節度使孫康祭告。

承安二年春丁親祀孔子。以親王攝亞終獻皇族

元世祖至元十年詔春秋二丁執事官員各依品序穿著

公服陪位諸儒衣襴衫戴唐巾行禮。中書省判選御史

呈至聖文宣王用王者禮樂御王若衣冠南面當坐天子

也切見外路官員提學教授并遇春秋二丁不變常服

以供執事于禮未宜及照得漢唐以來祭文廟享社稷

無非具公服執手板且御人雖孔子猶朝服

而立于階先聖先師安得不備禮儀故詔

成宗大德初敕到任先詣先聖廟拜謁方許以次詣神廟

若為令。

武宗至大元年遣集賢院學士王德淵欽齋祭文至孔林

與兗州知州馬祐孔氏家長撫行三獻。

至大四年遣資政大夫國子監祭酒劉廣祭告。

仁宗延祐七年詔以白金一百五十兩錦綺雜練表裏各

一十三段遣說書王存義詣魯以太牢祀孔子。仁宗手

以授之。綱鑑云仁宗初即位遣宦者李邦寧釋奠于

孔子邦寧既受命行禮方就位忽大風起殿上及兩廡

燭盡滅燭臺底鐵鐃入地尺許無不投者邦寧息慄伏

地諸執事者皆伏良久風息乃成禮邦寧因慚悔累日

明太祖洪武元年詔孔子曲阜廟庭遣使致祭每歲二丁

遣官祭于國學每月朔望遣內臣降香朔日祭酒行釋



菜醢。

是年、上幸國學、行釋奠禮。

二年、遣國子祭酒孔克堅代祀宣聖。

四年、更定祭器禮物、各置高案、其筮豆簠簋登饗悉用

磁器、牲用熟、樂舞生、及文武大臣子弟在學者

預教習之。丘游曰、宋、蘇、軾、謂古者坐于席、故筮豆之長、短適與人肉、今上木之像、既已、端然于上、而

列器置于地、使鬼神不享、則不可知、若其享之、則足俯伏、俯而飲食也、由是觀之、則孔子廟自唐設塑像以來、已如此、歷宋、元、未之有改、至是、皇祖始正之云。

十五年、國學成、孔子以下去塑像、設木主、遣官以太牢

祭。上親學、釋菜、服皮弁、詣位、再拜、獻爵、復再拜。詔天

下、備學通祀孔子、頒釋奠儀。

十七年、敕、每月朔望、太學祭酒以下行釋菜禮、郡縣長

吏以下詣學行香。丘游曰、朔、望、行香之禮、古未有也、北

郡縣朔、望、是時、未蒸、今所謂香也、至宋、淳化、四年、始朔望焚香、宋、徽、曰、謂宜焚香、不是古禮、至明、始定為今、朔、望、謂奠之、禮、過海、內矣。

惠宗建文元年、上幸太學、釋奠孔子。

成祖永樂元年、登極、遣官詣闕里祭告。

四年、上幸太學、釋奠孔子。將親學、命禮部詳議、禮儀尚

書、鄭、賜、言、宋、制、謂孔子服、雖袍、再拜、上曰、見先師、禮不

可、簡、必服皮弁、行四拜禮。

十四年、遣官祭告闕里。

十九年、北京國子監既定、其南監春秋丁祭、命祭酒行禮、解皇帝謙道。

宣宗宣德元年、登極、遣太常寺寺丞孔克準詣闕里祭告。自先師而下、四配十哲、兩廡凡九壇、俱用太牢。

英宗正統元年、登極、遣國子監司業趙境詣闕里祭告。

三年、禁祀孔子于釋老宮。

九年、上幸太學、釋奠孔子。

代宗景泰元年、登極、遣翰林院侍講吳節以香帛詣闕里祭告。

二年、上幸太學、釋奠孔子。召衍聖公彥綬及族人入京、親禮賜、步、給、金、纓、犀、帶、大、紅

袍。

英宗天順元年、復位、遣工科左給事中孫昱詣闕里祭告。

憲宗成化元年、登極、遣吏部右侍郎尹旻詣闕里祭告。

是年、上幸太學、釋奠孔子。遣官取衍聖公弘緒并三氏子孫赴京、親禮、命衍聖公分獻。

十三年、增孔子廟筮豆各十二、樂舞為八份、遣翰林院

學士王獻詣闕里祭告。卓文懿曰、國學之祭、舊用十筮、

八簠、八豆、增為十、從祭酒周洪謨之請也。

孝宗弘治元年、登極、遣太常寺少卿田景賢詣闕里祭告。

是年、上幸太學、釋奠孔子。以吏部尚書王恕言、詔先師位加幣、用太牢、改分獻為分

真宗官取行聖公并三氏子并觀禮命行聖公并三氏子孫  
國公禮畢賜坐緒及觀禮族人各符絲衣一套又賜宴  
于禮部。

十二年廟災遣侍讀學士李傑詣闕里祭告。

十七年重建廟成遣大學士李東陽以香帛并御製碑

文詣闕里祭告。

武宗正德元年上視太學謁孔子。遣禮部主事張潛取行

赴京觀禮命行聖公并三氏子孫聖公開韶并三氏子孫  
離命吏部右侍郎梁儲代欽賞賜宴俱照前例。

八年因流賊犯闕里遣山東巡撫都御史趙璜祭告。

世宗嘉靖元年登極遣吏部尚書石瑄詣闕里祭告。

是年上幸太學謁廟至櫺星門外即降輦步入禮畢仍

步出櫺星門外升輦。遣許事呂祚取行聖公開韶并三

赴京觀禮命有乞恩觀禮三氏學生員氏子孫希瑄公舉彦佐弘仁開義  
隆承榮永緒等欽賞賜宴俱照前例。

十二年隆正祀典復幸太學。遣官取行聖公開韶并族

達親禮欽賞賜人孔謙公顏永顏弘照開  
宴俱照前例。

穆宗隆慶元年登極遣尚寶司卿劉齊庸詣闕里祭告。

是年上幸太學釋奠先師。遣禮部主事劉繼文取行聖

讀承元承宇弘立觀禮欽賞賜宴俱照公尚賢并三氏子孫孔謙承  
前例又以分奠大臣特賜行聖公羊酒。

神宗萬曆元年登極遣尚寶司司丞張孟男詣闕里祭告。

四年上幸太學釋奠先師。遣禮部主事張程取行聖公

承偶弘景貞榜觀禮尚賢并三氏子孫公舉公源  
欽賞賜宴俱照前例。

熹宗天啓元年登極遣順天府府丞姚士慎詣闕里祭告。

五年上幸太學釋奠先師。遣中書舍人楊中樞取行聖

真弘顯弘毅周慶生員開範開謙貞祥觀禮公胤植并四氏子孫族人  
真貞祥恩貢入監仍命該部優選中書舍人開詩行人  
開謙并乞恩觀禮賜

宴賜衣俱照前例宴賜衣俱照前例。

懷宗崇禎元年登極遣太僕寺卿管太常寺少卿事郭興

言詣闕里祭告。

二年上幸太學釋奠先師。遣中書舍人梁招孟行取行

彥胤彥鳳弘毅生員開俊貞芳尚純尚選聖公胤植并四氏子孫族人  
觀禮照例送監讀書賜宴賜衣俱照前例。

十四年上幸太學釋奠先師。遣行人魯近運取行聖

其族人舉事貞祥生員與謙與訓弘化貞公胤植并四氏子孫博士  
恒貞來赴京觀禮賜宴賜衣俱照前例。

國朝

世祖章皇帝順治八年親政遣都察院右都御史仍管工

部左侍郎劉昌詣闕里祭告。

九年駕幸太學釋奠先師。先是八年遣行人王天養

曾孟仲博士赴京陪祀未及舉行至九年復遣行人張行取行聖公胤發并孔顏

九微行取行聖公胤發及族人生員尚然與義尚選  
洪尚鴻胤胤自吉等陪祀觀禮刑部員外郎胤樞主事

自沐學正胤胤自乞恩觀禮照例賜宴賜衣并下程等項刑部員外郎胤樞主事  
觀禮生員俱

今上皇帝康熙七年親政遣光祿寺卿加一級楊永寧詣

闕里祭告。

八年駕幸太學釋奠先師。遣行人司正陳調元行取

行聖公胤發并孔顏曾行聖公胤發并孔顏曾



仲博士及族人牛具與海商諸典與  
範等陪祀觀禮原任寧國府知府  
縣丞尚義例監成十五口具禮服升  
上四月十四日齋戒十五日具禮服  
外降祭由中門大成門入中門階進  
正中立諸王貝勒等入兩廂門階進  
立各官臺下排立引禮官引上階進  
諸王貝勒等并各官亦二次跪六次  
帛獻酒畢送神駕出常服在儒學門  
堂陞座行聖公祭酒司業學官五經  
諸監生在堂下三跪九叩頭立上論  
坐都統大學士尚書等官在堂外及  
聖人葵倫堂叩頭坐侍郎等官在堂  
酒就東講書案司業就西講書案叩  
司業講書案四品以下及諸監生俱  
諸王等以下各官茶上陞簾祭酒司  
送次日行聖公進未謝賜宴賜水并  
程等項俱照前例觀禮生員送監讀

謚號章服

周敬王四十二年魯哀公誅孔子曰尼父。丘謚曰此後世

漢平帝元始元年追謚孔子曰褒成宣尼公。

東漢和帝永元四年封孔子為褒尊侯。

北魏孝文帝太和十六年改謚孔子為文聖尼父。魏書帝

堂引儀曹尚書劉昶等授策文聖

後周靜帝大業二年封孔子為鄒國公。

隋文帝贈孔子為先師尼父。

唐太宗貞觀二年尊孔子為先聖。房玄齡等議武德中詔

先聖孔子配享。臣以爲周公尼父俱稱聖人庠序置奠

本釋夫子故習宋梁及隋皆以孔子為先聖顏回為先

師。請停周公升孔子為

先聖以顏回配從之。

十一年尊孔子為宣父

高宗顯慶二年復尊孔子為先聖。永徽中復聖周公師孔

竊以來取舍各異孔子顓子丘作先師周公尼父迭為

先聖貞觀之初親降綸音依禮記之明文酌成康之典

說正夫子為先聖。今當從之。乃詔以周公配武王以

孔子為先聖。張朝瑞曰至是始定孔子為先聖。

乾封元年追贈孔子為太師。

天后天授元年封孔子為隆道公。

玄宗開元二十七年追謚孔子為文宣王南向坐仍內出

王者袞冕之服以衣之。先時廟庭以周公南面而夫子

夫子位未改至是國子監天下州縣夫子皆南

面。丘海曰文宣之謚始此亦孔子封王之始。



儒藏

宋真宗大中祥符元年、帝禪泰山、至曲阜縣、謁文宣王林廟、加謚孔子爲至聖文宣王、加冕服、桓圭、一從上公之禮、冕九旒、服九章。帝曰、唐明皇、襲先聖爲王、朕欲追謚、宜父周之陪臣、周止稱王、不當加以帝號、遂謚爲至聖文宣王。宋際曰、按宋史、西夏尊宣聖爲帝、雖小國之意、亦可嘉也。

追封叔梁紇爲齊國公、顏氏爲魯國太夫人、元官氏爲鄆國夫人。

五年、改封孔子爲至聖文宣王。

徽宗崇寧四年、詔太常寺考正文宣王廟像冠服制度、用王者冕十二旒、服九章。頒降天下州縣學、咸依圖、改正從國子司業蔣靖之請也。

漢曰、此先聖用天子冕旒之始。

金世宗大定十四年、國子監請孔子像見十二旒、服十二章。充國公、鄆國公像九旒、九章。

元成宗大德十一年、詔加封孔子爲大成至聖文宣王。

文宗至順二年、加封齊國公爲啓聖王、母顏氏爲啓聖王夫人、妻元官氏爲大成至聖文宣王夫人。

明太祖洪武元年、詔孔子封爵仍舊。

世宗嘉靖九年、改稱至聖先師孔子、詔天下文廟去像易

木主。從大學士張璁之請也。

國朝

世祖章皇帝順治二年、加稱大成至聖文宣先師孔子。從國子監祭酒李若琳、禮科給事中龔鼎孳之請也。

禮記

按祀先聖備四代禮樂記曰泰有虞氏之尊也山尊夏后氏之尊也若殷尊也犧象周尊也今廟中四尊皆備他可知矣朱文公嘉曰舊禮器圖樣並依舊崇義之製不如政和皆考三代遺法鑄造制度精密氣象淳古知渾州日遂申省部乞行下依准用銅製造今祭器皆銅鑄其文公之遺與

簠簋皆盛黍稷之器有虞氏曰敦夏曰瑚商曰琏周曰簠簠方簠圓刻木爲之古用陶器後世範金爲之簠數一百一十五通蓋重一十三斤高七寸深二寸濶八寸一分腹徑長一尺一分簠數一百一十五通蓋重九斤高六寸七分深二寸八分濶五寸腹徑長七寸九分

筩豆筩古今皆竹製惟豆製不同夏楬豆殷玉豆周獻豆又稱玉豆雕簋爾雅及鄭氏說以木禮旄人說以瓦呂氏考古圖說及政和近製以銅郊特牲曰特俎奇而筩豆偶陰陽之義也筩豆之貴水土之品也筩數二百四十八口徑四寸九分通足高五寸九分足徑濶五寸一分上深一寸四分豆數二百四十八并蓋重四斤一十兩高廣如筩

犧尊按周官有司尊彝之職而犧尊取其犧牲享食之義

犧牛形範金爲之穴背受酒于腹上覆以蓋用貯終獻酒數六重九斤一十兩通足高六寸一分徑二寸四分頭去足高八寸二分耳高二寸一分五釐深二寸七分濶八分五釐

象尊取形于象以明乎夏德夏者假也萬物之所由而化也範金爲之穴背受酒上覆以蓋用貯亞獻酒數十重一十斤通足高六寸八分口徑一寸八分耳濶一寸二分長一寸九分深四寸九分

雲雷尊紐以鳴首腹畫雲雷回旋之狀雷取其奮豫雲取其需澤範金爲之用貯初獻酒

大尊大從泰有虞之泰尊瓦尊也貴本尚質數二通足高八寸一分口徑五寸七分腹徑六寸一分足徑三寸八分深六寸五分

壺尊其尊作壺形其脰飾鸞鬃腹著風雲不獨示有節止而又明其施澤之及時也數六重四斤一兩二錢高八寸四分口徑四寸五分腹徑六寸深七寸一分

山尊夏后氏之尊也郭璞云形似壺受五斗刻畫爲山雲狀數二重六斤四兩高九寸八分五釐口徑六寸七分五釐深七寸五分

著尊按明堂位商尊曰著著地而無足也數二重四斤十



兩高八寸四分五釐、口徑四寸三分、腹徑六寸二分、深八寸二分。

盥洗皆所以盥也。臨事而盥、致肅恭之意。盥盛水、洗受水、水惡穢地也。舊圖、盥書雲龍、洗書水文菱花。今博古圖、盥爲饗饗雷文、洗爲龜龍。盥數二重十二斤、高一尺、口徑八寸四分、深七寸二分、足口徑七寸九分。洗數二重八斤八兩、高五寸七分、口徑一尺三寸六分、深二寸九分。

爵、明堂位曰、夏以饒商以尊、周以爵。按爾雅、鍾小者爲饒、饒卑而淺、故饒象淺、而爵象雀、而尊有耳焉。按禮書、禽小者名爵、火細者名饒。其義取小爲貴、因若飲戒云、洪氏曰、太常爵制、兩柱三足、雙耳侈口。今郡縣或以木刻雀置孟于背以承酒、殊非也。數一百一十八重一斤八兩、通柱八寸三分、深三寸三分、口徑長六寸二分、潤二寸九分。兩柱三足、有流有蓋。

坫、以置爵、亦承尊。陸氏曰、古者爵有承盤、坫與豆是已。坫于燕射曰圖。賈氏曰、諸經承爵器皆易本圖字從豆、爲豐年之豐、謂時和年豐、黍稷豐備、神飲其祀、人受其福也。鄭注云、豐似豆而卑。木製漆赤、中畫赤雲氣。數二十八重二斤九兩、縱廣九寸二分、指諸地而平正。

勺、夏龍勺、殷疏勺、周蒲勺。龍藏淵、蒲生水、疏有引導意。今刻首爲龍、夏制也。數二十八重一斤、口潤二寸一分、深一寸一分、柄長一尺二寸九分。

登、瓦器、數六、高一尺四寸、用薦太羹。銅範金爲之、三足、口有兩耳、覆以蓋、施三紐、用薦和羹。組、明堂位曰、周以房組。鄭注云、房謂足下枅也。孔疏云、組頭各有兩足、足下各別爲枅。其間有橫、橫似堂壁、橫下二枅似堂東西各有房也。詩魯頌曰、迨豆大房。箋云、玉飾組也。兩端赤漆、中央黑。數一百三十三、長一尺八寸、潤八寸、高八寸五分。

篚、竹爲之。鄭氏謂如車等、如竹篋。古用篚不一、以奠爵、以承食膳、以置玉幣、具載禮記。今單以承幣。蓋詩鹿鳴序、賓幣帛篚篚之遺意也。數二十、高五寸、長二尺八分、潤五寸二分、深四寸、蓋深二寸八分。

筵巾、以繡爲之、圓幅玄被繡裏。數二百四十八。

龍簋、以絳帛方幅爲之、中畫雲龍、兩旁畫文彩、四角各綴以金錢、用以覆尊。若兩廡、則不可畫雲龍、止用青。

尊、用布爲之。數二十八、縱橫二尺二寸。

盥盤、架以木爲之、繪以彩色、漆以漆。

盥盤、範金爲之、盛水盥手。





幌巾、白布爲之、長短隨宜。獻官盥卒拭手。

明爐也、範金爲之、高一尺八寸、縱一尺六寸、橫一尺二寸。

兩耳四足、用以焚香。

燭臺、範金爲之、高一尺八寸、重盤四足。

祝版、以木爲之、高九寸、濶一尺二寸、用白紙寫祝文、貼版

上、祭畢、揭而焚之。

樂器

按八音之器、聖人法八風而爲之、其聲出于五行之氣。其制器之法、則以十有二律爲之度數、以十有二聲爲之齊量、有具一聲者、有具十二聲者、清濁高下、八音克諧。故奏之可以格神祇、和上下、修己治人、變化氣質、轉移風俗、以至于風氣禽獸皆可以感召。蓋天地間、皆陰陽二氣所爲、故其氣相爲感通有如此。

應鼓、以絳繒爲之、長七尺、濶一尺一寸。上板繪雲、下板繪山、以相連首尾。前面繪升龍、後面繪降龍、各塗以金及五彩彩雲。朱竿長八尺五寸、末施銅龍首、塗金、啣其麾下垂。樂中、應生執之。升龍向外、降龍向內、舉之則升龍見、樂作、假之則降龍見、樂止。以木爲架、朱絲附則植其上。

應鼓、以革爲之、去故意也、爲羣音首。其卦坎、其方北、其時冬、其風廣莫、其律黃鐘、其聲一、其音謹、冬至之氣也。每奏樂一句、以槌擊者三、使節奏從容也。以木爲身、高三尺五寸、面濶二尺二寸。兩旁四銅環、中以柱穿頂。方蓋緣以黃羅、銷金雲花繒雙條。四角爲龍首、啣九旒、蘇下綴絳結。刻狻猊四於趺、各向外。

鼗、其制如鼓、司此者、掛于項上、兩手拊之、以應鼓節奏。面

謂四寸四分、高一尺三寸。面繪雲彩、身繪花、上有二環、繫以紅絨、縹朱漆架架之。

笛以竹爲之、其直節而有制、其心虛而能通、而利制之音所由出也。其封則震、其方則東、其時則春、其聲尚謙、其律姑洗、其風明庶、其音溫、春分之氣也。長一尺四寸七孔、上一大孔徑三分、吹竅也、橫而吹之。下六孔各徑二分、以金飾龍首、末垂以紅絨、縹結。

簫截竹爲之、以紅絨縹繫之。吹者宜緩取其音、斯悠揚不迫。長一尺九寸五分、前五孔、後一孔、各徑二分、口開半竅、各山口、直而吹之。

搏拊、鼓中實糠、擊以節樂。舊說以韋爲之、中實以糠、形如小鼓。

祝、所以合樂。狀方如漆桶、中有槌柄、連底撞之、擊以起樂。深一尺八寸、方二尺四寸。

敔、狀如伏虎、背刻二十七齣、木戛之而成聲、所以止樂也。虎西方陰獸、其形伏、故用以止樂。

編磬以石爲之、其爲物也、堅實而不動、其封則乳、其時則秋冬之交、其方則西北之維、其風不周、其聲尚角、其音則辨、立冬之氣也。以堅木爲槌、竹爲柄、司磬者擊之、其音律則與鐘同。凡擊、則先擊鐘、以宣一字之音、既闌、則

擊磬以收之、所謂金聲而玉振之也。數十六、八音而倍之也。橫簋植上、刻如齒形、曰崇牙、足爲鳥形。

編鐘、範金爲之、金生于土而別于土、其封則兌、其方則西、其時則秋、其風闐闐、其聲尚羽、其音鑿、立秋之氣也。以堅木爲槌、竹爲柄、司鐘者擊之、則有六律六呂、以應十二月之候、又有清聲以配之。數十六、形如筒、其裏製同編磬、足刻獸形。

笙、其母用匏、匏之爲物、其性輕而浮、其中虛而通。笙則以匏爲母、植管匏中、象植物之生、故名曰笙。大者十九簧、小者十三簧。曰巢笙者、象管在匏有巢象。

排簫、又名鳳簫、排竹如鳳翼、故以鳳名也。大者二十四管、無底。小者十六管、有底。

瑟、絲絳物而成聲、其封則離、其方則南、其時則夏、其聲尚宮、其律蕤賓、其風景、其音哀。白虎通曰、琴者禁也、禁止于邪、以正人心也。長三尺六寸六分、象春之日。廣六寸、象六合。初五絃、象五行。文武增二絃、故七。宋鑒曰、七絃謂變宮變徵也。非文武所增也。

瑟、伏羲氏作。黃帝使素女鼓五十絃瑟而悲、故頌瑟止爲二十五絃、長七尺二寸。雅瑟三十三絃、長八尺一寸、廣一尺八寸。



壘之爲音。以土爲質。以水火相合而成器。故具水火土之  
三形。中底上銳。火之形也。平底水之形也。圓體土之形  
也。狀如秤錘。大成樂書云。壘篴皆六孔。以五取聲。其聲  
相應。

篴以竹爲之。長一尺四寸。圓五寸三分。上一大孔。徑三分。  
橫而左吹。輕吹之。其聲乃和。以合衆樂。

管。截竹爲之。爲十二孔。以應十二月之音。長尺有二寸。六  
孔。并兩而飲之。

翟。雉羽也。以木爲之。柄長一尺四寸。朱採柄端塗以金彩。  
每翟用雉尾三根。插於柄端。數六十四。舞生右手執之  
以舞。

箛。以竹爲之。長一尺四寸。如笛而六孔。或曰三孔。朱飾數  
六十四。舞生左手執之以舞。

旌。以紅絨爲之。纓上加塗金銅雲璽於其上。數九。長七尺。  
以紅絨繡繫之下。綴以結。竿長八尺五寸。朱採朱施塗  
金龍首。啣其節。設于東西兩階。舞生執之以導舞者。

樂章

按樂章。卽人之詩歌也。以其被之于樂。故曰樂章。通典  
曰。周之樂章。以夏爲名。宋以永爲名。梁以雅爲名。隋亦  
以夏爲名。唐以和爲名。唐書樂志。貞觀二年。祖孝孫造  
十二和樂。至開元中。國子博士范穎又撰三和樂。一曰  
祿和。二曰豐和。三曰宣和。顯慶三年。詔祀文宣王廟。用  
宣和之舞。宋以安爲名。有凝安。同安。明安。成安。緩安五  
曲。金以寧爲名。有永寧。靜寧。肅寧。和寧。安寧五曲。章宗  
又改四曲。曰來寧。淨寧。博寧。德寧。惟肅寧一曲仍舊。又  
遣太常教孔氏子孫。各習其藝。以備祭祀。元則因宋之  
舊。亦以安爲名。武宗又添徹饌奏娛安。送神奏寧安二  
曲。明洪武二十六年。頒大成樂章。國朝因之。前代樂  
章。備存于後。

迎神曲無舞

大太哉南宣尺林聖仲道太德仲尊尺林崇仲維南持尺林王  
仲化太斯尺林民仲是合黃宗太典合祀尺林有上仲常尺林精南  
純尺並四尺林神尺其南來尺格尺仲於尺昭上仲聖合容

贊幣

贊幣。率和之。  
自四生上民尺來上仲誰太底合其仲盛太維南師神



初獻安和之舞。

亞獻曲和有舞。

終獻曲同亞獻有舞。

驍  
上  
象  
四  
太  
太

上附

送神曲或稱之

望極神無舞。

隋釋奠先聖先師減夏歌

唐享孔子廟樂章

迎神

送解

醴溢饌象嘉陳。乳豆得璧類間。潤用如觀。呈校覃福。豐

唐皇太子孫真樂歌

迎神用永和亦曰宣和

聖道日川神幾不測金石以陳絃歌載隊爰釋其菜匪  
藉于稷來饋來享是宗是祿

皇太子行用永和

萬國以貞光上嗣三善茂德表重輪視膳寢門遵要道  
高閣崇賢引正人

登歌真幣用肅和

粵惟上聖有縱自天旁周萬物俯應千年舊章允著嘉  
贊孔虔王化茲首備風是宣

迎俎用肅和

堂獻將饌庭敷粢糗禮備其容樂和其變肅肅親享  
肅執奠明禮惟馨蘋蘩可薦

送文舞出迎武舞入用舒和

集集繚開昭聖列龍跼鳳時肅神儀肅備敬業宏闡闡  
緯武經文盛德施

武舞作用凱安

昔在炎運終中華亂無象野郊赤山見山山黑雲上大  
齊下周車禁暴開殷網明明同叶贊勝神齊大業

送神用永和辭同迎神

宋穆政樂歌

迎神用凝安

黃鐘爲宮比明威和曲

大呂爲角

生而知之有教無私成均之祀威儀孔時維茲初丁  
我盛樂永適其道萬世之師

太簇爲徵

巍巍堂堂其道如天清明之象應物而然時維上下  
物薦誠維新禮典樂諧中聲

應鐘爲羽

聖王生知闢乃儒規詩書文教萬世昭垂良日惟丁  
承不爽揭此精虔神其來享

初獻豐洗用同安

右文興化意古師今明祀有典吉日維丁豐儀在俎雅  
奏在庭周旋陟降福祉是膺

升降用同安

誕興斯文經天緯地功加于民實千秋世笙鏞和鳴  
盛豐備肅肅降登歆茲秩祀

奠幣用明安

於論鼓鐘于茲四維樂盛維瓊有顯其容其容洋洋威

瞻像設幣以達誠敬我明宗。

奉俎用豐安

道同于天人倫之至。有享無窮其典萬世。既潔斯牲。案明庶肯。不懈以忱。神之來暨。

酌獻用成安

見明初獻安和曲

亞終獻用文安

見明亞獻安和曲

飲福用綏安

見明報饌安和曲

送神川凝安

見明送神安和曲

金釋奠宣聖樂章

迎神奏姑洗宮來寧之曲。

上郡降化。廟堂作新。神之來格。威儀具陳。穆穆凝瀛。巍然聖真。斯文伊始。羣方所覩。

初獻盥洗姑洗宮靜寧之曲

偉矣素王。風猷至粹。垂二千年。斯文不墜。消辰惟良。爰修祀事。沃盥于庭。嚴麗禮備。

升階南呂宮肅寧之曲

巍乎聖師。道全德隆。修明五常。垂教無窮。增崇儒宮。遙追遺風。嚴祀中庑。登降有容。

奠幣姑洗宮和寧之曲

天生聖人。賢于堯舜。仰之彌高。磨而不磷。新廟告成。宮

墻影切。遠使陳詞。斯文復振。

降階姑洗宮安寧之曲

稟靈尼山。垂芳闕里。生民以來。孰如夫子。新祠歸然。四方所覩。酌觴告成。祇循典禮。

亞終獻姑洗宮咸寧之曲

於昭聖能。與天立極。有承其流。皇仁帝德。豈伊立言。訓經王國。渙我文明。典祀千億。

送神姑洗宮來寧之曲

吉蠲為饗。孔惠孔時。正辭嘉言。神之格思。是享是宜。神保聿歸。惟時盛祀。太平極致。

元振釋奠樂章

迎神奏文明之曲

天縱之聖。集厥大成。立言垂教。萬世準程。廟庭孔碩。尊祖既盈。神之格思。景福來并。

盥洗奏昭明之曲

神既寧止。有孚嘖若。鼎洗在庭。載盥載濯。匪惟潔修。亦新厥德。對越在茲。敬恭惟則。

升殿奏景明之曲

大哉聖功。溥海內外。禮隆秩宗。光垂昭代。降降在庭。攝齊委佩。莫不肅離。洋洋如在。



儒藏

莫幣奏德明之曲

圭衮尊崇。佩紳列侑。遵豆有楚。樂具和奏。式陳景幣。瞻  
奔左右。天聰斯文。繫神之祐。

酌獻奏誠明之曲

惟聖監格。享于克誠。有樂在縣。有碩斯牲。奉醴以告。  
薦惟馨。綴以多福。永底隆平。

亞獻奏靈明之曲

廟成奕奕。祭祀孔時。三爵具舉。是享是宜。於昭聖訓。示  
我民彝。紀德報功。配于兩儀。

送神奏慶明之曲

禮成樂備。靈馭其旋。濟濟多士。不懈益虔。文教茲首。備  
風是宣。佑我<sup>國</sup>。

書籍

宋太宗至道三年。賜孔氏御書六經。

其宗大中祥符二年四月。中書門下牒立聖文宣王廟。入  
內內侍省內侍殿頭張文質奉聖旨。于御書院交割到  
裝褱太宗皇帝御製御書文字一部。共五十七件。計一  
百五十七卷。軸策并內降金渡銀器物色等。并九經書  
及疏釋文。并三史書。管押赴兗州曲阜聖文宣王廟  
收掌。太宗皇帝御製御書御製十二願一卷。御製心輪  
偈頌一部計一十一卷。御製逍遙詠一部計一十一卷。  
御製秘藏詮一部計三十卷。御製緣識一部計五卷。御  
製金剛經宣演一部計六卷。<sup>以上紫大綾絹夾襪子。五  
色經帶子。朱紅兩頭木軸子。</sup>  
御草書孝經一卷。御製御書秘閣贊一卷。御草書千  
字文一卷。御八分書千字文一卷。御書大字孤城詩一  
卷。御書法帖一部計一十二卷。御製九絃琴阮歌一卷。  
御製喻言一卷。御草書急就章一卷。御八分書真定王  
碑一卷。御書三般大字詩三卷。御草書筆法一卷。御題  
草書一卷。御製聖教序雙鈎書一卷。御書四體五體書  
二卷。御製無名說一卷。御製日行誡一軸。御八分書故  
實一卷。御製筆法歌一卷。<sup>以上紫大綾絹夾襪子。五色  
經帶子。黑漆兩頭木軸子。</sup>  
御草書諸維詩箋子二十軸。御飛帛書帝佛字二軸。御



飛帛書有証無証簾子二軸、御飛帛書遠有不假詩三軸、御製心輪圖一軸、御草書故實七軸、御製有益無益銘一軸、御製惠化行一軸、御篆書孝經碑陰額一軸、御八分書秘閣寶碑額一軸。以上紫大綾絹大標子、黃絹帶子、黑漆兩頭木標子、御仿鍾繇書一卷、御書小字法帖一卷、御草書詩一卷、御札百官曆頭一卷、御草書自述一卷、御書大言賦一卷、御製聖教序一卷、御製怡懷詩一卷、御製今體律言詩一卷、御製古調十韻詩一卷、御製七言詩一卷、御製喻言一卷、御製五言詩一卷、御製御書五言詩一卷、御製基譜一卷、御製基勢譜一卷、御製基勢一卷、御製迴文心輪圖一卷、御製御書秘閣寶碑一片、御草書孝經碑一片、以上紫大綾絹大標子、五色絹帶子、黑漆兩頭木標子、御製動懷篇一策、御製迴文詩一策。以上紫大綾絹帶子、昨降赴玄聖文宣王廟、克供養器物等、渾金渡銀香爐一座、實重一百兩、渾金渡銀香盒一具、實重五十兩、并揀香一盒、渾金渡銀香匙一柄、實重三兩、渾金渡銀棧樣子二十隻、諸般香藥共二十袋子、封印全、黑漆香藥匣子一隻、鎖鑰全、緋羅銷金帕子一條、黃卷袱一條、牒奉敕、國家尊崇師道、啓迪化源、眷惟鄒魯之邦、是曰詩書之國、尼山在望、靈宇增嚴、朕以登岱告成、遍鑒欽馭、期清風之益振、舉縉紳

以有加。式資潤誘之文、更盡闡揚之旨、宜以所賜太宗皇帝御製御書與九經書并正義釋文及器用等、並照于廟中書樓上收掌、委本州長史職官與本縣令佐等同其檢校、在廟如有講說釋義、並須以時出納、勿令損污、此敕文仍仰刊之于石、昭示無窮、牒至、准敕、故牒。仁宗慶曆八年、賜孔氏全監書。哲宗元祐元年、賜監書各一部。明成祖欽頒五經、四書、性理大全、通鑑綱目、爲善陰陽等書各一部。武宗正德辛未、流賊入關里、以上書籍焚燬無幾、上命禮部復照目頒賜各一部。已卯、山東巡按御史熊相會同巡撫都御史王珣、檄兗州府學教授林彝、市于四方、子史百家之書畢備。



校記

①秩：當作「扶」，見新、舊《唐書》。下同。

②據《續資治通鑑長編》卷八二，「節」下當有「設道場」三字。

③朱：疑當作「末」。

④「師」下缺字，當爲「林尺」，見《類宮禮樂疏》卷四，《太常續攷》卷五。

⑤庶：當作「醕」，見《瑟譜》卷五。

⑥闕字，據《元史》卷六九，當作「皇家億載萬年」。

⑦「卷」上缺字當爲「一」，見《玉海》卷二八。

關里廣誌卷之四

林廟誌

叙曰、粵自兩極夢奠百代尸祝杏壇屈九重之尊、馬羣駐六龍之駕、至今一畝之宮麗于天府、三板之土廕于岱宗、豈非並乾坤、亘今古而常存者乎、乃若祥儲坤靈、秀毓中和、故次尼山之祠、振響木鐸、授業函丈、故次洙泗之堂、藏珠埋玉、木本水源、故次防陰之玄宮、此皆蒸嘗之區、松楸之地、子孫歲時所奔走而嚴祀者也、嗟嗟、丁崇儒重道之朝、荆棘無故自除、值戎馬倥傯之日、手槍有時而燬、是林廟之興廢、實氣運否泰之一大機括也、烏可以弗議哉、作林廟誌。

至聖先師廟、即關里故宅也。大成殿九間、高七丈八尺、闊十三丈五尺、深八丈四尺。先聖南面、四配十哲分侍左右。後爲寢殿七間、高六丈四尺、闊九丈五尺、深五丈。祀夫人卞官氏。又後爲聖蹟殿、壁上皆石刻也。止殿前爲杏壇、即講堂遺址。漢明帝曾御此說經。壇左右爲兩廡、東廡五十間、祀潛臺滅明以下五十四位。西廡五十間、祀宓不齊以下五十五位。杏壇前、宋真宗御贊石碑十有二。又前爲大成門五間、高二丈八尺、闊六丈五尺、深三丈五尺。旁有掖門、左曰金聲、右曰玉振。大成門之外、

唐、宋、金、元、明有碑、各覆以亭。東爲毓粹門、西爲觀德門。碑亭前、爲奎文閣七間、高七丈四尺、闊九丈、深五丈五尺。閣兩旁各建便門三間。閣前門五間、漢魏古碑在焉。大中門五間、二門五間、兩旁小門各一間。石橋三座、大門五間。大門內東西門各三間。東曰快觀、西曰仰高。大成殿西爲啓聖殿五間、祀啓聖公。寢殿三間、祀夫人顏氏。金然堂五間、相傳卽夫子故宅、魯恭王聞樂處也。宋時建五賢堂于此、明改建、易以今名。前爲啓聖門。大成殿東爲家廟五間、祀先聖伯魚、子思及中興祖仁玉、俱考妣一楹、如家禮制。孔氏子孫私祠也。詩禮堂五間、宗子糾族宣訓者、卽宋真宗駐蹕之所。前爲燕申門、神厨二十四間、后土祠三間、庫房九間、衍聖公齋居一十一間、各官齋居一十一間。焚帛所一處。大門外東西坊各三間。東曰德侔天地、西曰道冠古今。前有石坊、曰太和元氣坊。前爲櫺星門、東西大道也。左右各墜下馬碑、金章宗明昌二年立。門南石坊、鐫金聲玉振四字。坊與南城門相直。城門上鐫萬仞宮牆、胡纘宗書。自廟門以內、檜柏千章、皆數百年物矣。廟左爲襲封衍聖公第、第前關里坊、古關里也。廟創于魯哀公十七年、漢魏唐宋代有修飾、至金皇統大定間、規制大備。元、正、三修、明初亦



關里廣誌

卷四

二修弘治十二年災奉敕重建費帑金十五萬有餘而宏麗至矣。

舊至聖文宣王廟外二門楊宋仁宗皇帝御篆也三門之後曰書樓藏賜書之樓也樓後御路東西有二亭其東宋朝修廟碑其西唐碑次儀門門內御輦殿次後曰杏壇杏壇之後卽正殿殿榜乃仁宗御制飛白也徽宗崇寧元年詔殿名大成其後鄆國夫人殿殿東廡泗水侯殿西廡沂水侯殿祖殿廊西門外齊國公殿其後魯國太夫人殿殿後五賢堂祖殿廊東門外曰齋廳卽宋真宗東封回幸儒廟駐蹕之殿奠謁待次之所也回鑾次兗州詔去其殿制賜本家爲廳族人遇祭致齋于此遂名曰齋廳廳廊之東門外其南客館其北客位齋廳之後宅堂孔氏接見賓客之所由客位東一門直北曰襲封視事廳廳後恩慶堂乃孔中丞與鄉郡時會內外親族之所堂之西曰家廟堂之東北隅曰雙桂堂舜亮宗翰嘗讀書于此皇祐元年同賜第故以名之祖廟殿庭廊廡等共三百一十六間金明昌元年有異人履玄白鳥瞻拜先聖于廟門外佇立石上其有異色旣去其石跡存焉有文曰仙人脚次年有旨修廟金皇統大定間修正殿廊廡大中門大成門鄆國夫人殿至明

日初增後位掖殿廡皆以碧瓦爲緣外柱以石刻龍爲文藻棋塗以青碧又創二代三代祖殿毓聖侯五賢堂奎文閣之屬凡四百餘楹金真祐二年正月二十四日北兵犯本廟殿堂廡廊灰燼什伍植槍三株亦遭厄數適有四十九世孫廟學正塘泊族人避于其間俄有五色雲覆其上雲中羣鶴翔鳴良久而去田大堃老無不見之。

尼山書院在尼山中峯之麓周顯德中魯守趙勗建先聖廟宋慶曆癸未文宣公宗憲廣之元至順三年衍聖公思晦請命重建賜額尼山書院立學舍祭田設山長一員奉祀其制大成殿五間以祀先聖寢殿三間以祀夫人東廡三間以祀伯魚西廡三間以祀子思廟之後爲書院廟之西北爲啓聖廟廟後寢殿以祀聖母顏氏廟垣外西南有毓聖侯廟以祀山神毓聖侯宋仁宗皇祐二年所封也有御製碑記明正德二年衍聖公聞韶奏改山長爲學錄。

洙泗書院舊名先聖講堂在林之東二里許泗水帶其北洙水經其南皇覽云諸弟子房舍并井甃猶存魯記所載孔子講堂卽此漢光武東巡過魯坐孔子講堂是也元曲阜尹克欽建廟請額爲洙泗書院設山長一員奉



祀其制正殿三間中祀先聖四配十哲東西相向東西兩廡各三間祀羣弟子書院在廟之後外有重門門外有石坊曰洙泗書院又石碣鐫洙泗書院四字元山長銘識達書明正德二年衍聖公聞詔奏改山長爲學錄至聖林枕舊縣城圭門與縣北門相值夾路松檜圍徑數里綠以周垣明永樂時知縣克中創建之垣也林木多不知名其中楷木縱橫有文無荆棘無鳥巢豈朱紫陽所謂將吾道終不可沒蕪而鳳鳥有時而至者歟秦始皇伐墓得虛墓五間皆石爲之堅不可動有白兔出其中逐之而沒遂不敢發金粘沒喝入襲慶府軍士欲發孔子墓喝問通事高慶裔曰孔子何人曰古之大聖人也喝曰大聖人墓安可發誅軍士金天會七年大元帥駐兗州登杏壇奠拜復詣聖林適軍士有發泗水侯墓者方深尺餘命執至廟南十里外誅之先聖墓在林中央墓前有碑史記孔子塋魯城北泗上王克論衡曰孔子當泗水而葬泗水爲之却流春秋演孔圖曰鳥化爲書孔子奉以告天赤爵啣書上化爲黃玉刻曰孔提命作應法爲赤制孔子卒以所受黃玉塋魯城北墓高丈餘前爲石壇其厚二尺方亦如之壇石縱橫各七其數四十有九墓前一室東向相傳子貢廬墓

處也外有墻垣環之墓之東南爲享殿三間殿前爲仲一左執笏右帶劍石麟石虎四華表二漢永樂元年相韓叔節建殿之前有門三間門之左爲思堂殿上石列唐宋時物也有宋真宗駐蹕亭門之前爲洙水水上有橋橋東有輦路路南有觀樓樓在周垣之上得故北城也樓南爲林坊曰宣聖林坊之前爲大石坊曰萬古長春明萬曆二十二年山東巡撫都御史鄭汝璽巡按御史連標建伯魚墓在先聖墓東少南相去僅數步墓前有碑鐫泗水侯墓先聖商人蓋尚右也子思子墓在先聖墓南相去數十步墓前有碑鐫沂國述聖公墓泗水令墓在墻垣之外西北墓四十二代光嗣中興祖墓在墻垣之外墓四十三代仁玉封隴西郡太君李氏墓中興祖夫人也殿中丞墓墓四十四代宜工部侍郎墓墓四十四代勛諫議大夫墓墓四十五代延澤御史中丞墓墓四十五代道輔尚書比部員外郎墓墓四十六代宗憲

文肅公墓、墓五十四代衍聖公思聯。

祭酒公墓、墓五十五代克堅。

其西北皆歷代宗子墓、不備載。

啓聖林在縣東二十里、叔梁大夫與顏氏合墓、墓南負防山、北臨泗水、禮所謂合墓于防者是也。墓前有齊國公廟、金明昌甲辰、衍聖公元楷立石、表其神道、監津高翻將墓之東南三丈許、伯皮墓在焉。明永樂間、知縣希範立石、每歲春清明、冬十月三日、衍聖公往祭。

校記

①沒蕪：當乙，見《還山遺稿》卷上《東游記》。

關里廣誌卷之五

山川誌

叙曰吾夫子之生也。苞兩儀之間氣。應五百之昌期。寧待顏府司命。牛渚效職。而後神降尼丘哉。然蓬萊東來。脉注于筆床之峯。零沂西去。源發于五老之麓。洙泗之流。環合迴伏。如結禱帶。風氣所都。實岱山之陸海神臯矣。則夫鍾靈毓秀。濟哲發祥。豈一無所借資而然耶。謹按圖經。表而出之。闡篤生之自也。其視太乙高近天都。徒滋華士之偽隱。昆明空虛夜月。間增騷人之悲歌者。未可同類而共稱矣。無關聖蹟者。不書。作山川誌。

尼山在縣東南六十里。卽顏母所禱處也。其東有顏母山。其西有昌平山。山脉皆自泰山來。其外衆山連絡環拱。不可勝數。若尼山之翼云。祖庭廣記曰。顏氏禱于尼丘。升之谷。草木之葉皆上起。降之谷。草木之葉皆下垂。其山五峯連峙。謂之五老峯。中峯卽尼丘。迺出霄漢間。所謂圻其頂者。此也。中峯之麓有先聖廟。廟北爲中和壑。壑上有觀川亭。卽子在川上處。壑下沂水出焉。水經註曰。沂水出魯城東南尼丘山西北是也。流而下注爲智源溪。溪流而南。其上爲坤靈洞。洞有三門。中爲一室。廣可兩楹。內有石床。石枕。石几。皆天成也。元皇慶間。廟戶

管用吉成入而見之。鄒尹司居敬因刻夫子石像于中。其後爲兵所損。子孫奉之。葬于山巔。過溪而東有文德林。宋仁宗皇祐二年。以孔子誕生之地。封山神爲毓聖侯。有御製碑記。宋真宗東封。王欽若言。祭尼丘山。上有紫雲氣。長八九丈。詔遣入內殿頭楊懷玉祭謝。金泰和八年八月二十七日。以先聖誕辰前期一日。宗子率合族詣尼山廟祭奠。日方午。俄聞空中有樂作。皆金石絲竹之聲。凡在一舍間。皆聞之。

顏母山在尼山東三里。兩山相對。中隔沂水。上有顏母井及祠堂遺址。魏地形志云。魯縣有顏母祠堂。迄今尚存焉。

昌平山在尼山之西五里。史記孔子生魯昌平鄉卽此。今名魯原村。

防山在廟東三十里。周圍八里。高二里。直山之北三里餘。乃齊國公墓。先聖母殯。鄉人挽父之母告先聖父墓。子曰。古者不祔塋焉。爲不忍先死者之復見也。詩云。死則同穴。自周公以來。祔塋矣。吾從魯。遂合塋于防。封之崇四尺。今墓前有齊國公廟。廊廡祭亭。凡二十餘間。每歲時子孫享祭焉。在縣東二十里。高三里。峯如筆牀。記云。孔子父母合塋于防。此也。



洙河在縣北二里。卽泗水分流也。水經出泰山、蓋縣西南、至卞縣、受盜泉水。盜泉出卞城東北卞山之陰、又西南流于卞城西合于泗水。至魯縣東北、分爲二水、北爲洙、南爲泗。春秋莊公九年冬浚洙是也。按今洙水與泗水不通。洙似古魯城之墮也。穿聖林而橫流、趨先聖墓前、出林後西南流入于沂。其故道不可考矣。

泗河在縣北八里、先聖林之後。國語宣公夏濫于泗淵里、革斷晷棄之。韋昭云、在魯城北是也。由泗水縣陪尾山發源來入境、逕齊國公墓後、又逕先聖林之後、西南流至兗州府城東。沂水來入之、達于濟寧天井關入漕。

沂河在縣南門外。曾點浴乎沂。夫子曰、吾與點也。發源尼山之麓、西北流逕縣城南、又西流至兗州府城東、入于泗水。水經所謂魯等門也。河南岸有舞雩臺。按以上三亦國家有用之水也。

關里廣誌卷之六

古蹟誌

叙曰關里列在職方雖葭爾如斗乎爰自黃帝定鼎姬公分茅迨至春秋玉書璽瑞水精降神夫子生而爲萬世教主焉固帝王之舊墟實賢聖之奧區也故覆載昭臨之下戴髮含齒之倫有不仰尼防若金湯泝洙泗若銀漢者乎紅杏之壇緇帷之林有不瞻之若玉京而望之若仙都者乎孤矢粉榆之鄉一事一物凡經吾夫子所履有不驚觀天球夜光愛而慕之者乎寧與廢苑荒城故宮斷碣令人墮峴山之淚增離黍之悲者同日語哉後之君子入門牆而遺蹟可求觀遺蹟而景行是思矣作古蹟誌

關里漢晉春秋曰關里者夫子之故宅在魯城中又云魯縣有二石關曰關里蓋里門也後漢鮑永爲魯郡太守孔子關里無故荆棘自除從諸堂至里門

杏壇在先聖殿前卽先聖與弟子授受之遺址也杏壇碑金堂懷英書

得壁夫子舊宅也今爲韓國夫人殿按世家孔子卒諸儒講鄉射于夫子所居堂魯哀公因立爲廟後世卽其殿藏先聖衣冠琴瑟車書至漢太史公過魯觀先聖廟堂

車服禮樂諸生習禮于其家低徊不忍舍去漢得其子好治宮室壞孔子舊宅以廣其居開金石絲竹之聲乃不敢壞于其壁中得古文經書此也

手植榆兩株在贊德殿前高六丈餘圍一丈四尺其文左者左紐右者右紐一株在杏壇東南隅高五丈餘圍一丈三尺其枝蟠屈如龍形世謂之再生榆晉永嘉二年枯歟隋義寧元年復生唐乾封二年又枯歟宋康定元年復生金貞祐甲戌北人犯祖廟焚及三榆適四十九世孫廟學正塘泊族人避兵于廟俄有五色雲覆其上雲中羣鶴翔鳴良久而散幸收煨燼之餘攜至廟下至大甲申內省知事除開封府李世能命工刻爲先聖容暨從祀賢像召衍聖公元楷瞻仰因紀其事後八十年歲在癸巳是爲元世宗至元三十年導江張頌來爲教授甲午春東廡頽址號隙間苗焉其芽躬徙復于故處矢之曰此榆日茂則孔氏日興明年春翠色蔥然又明年丙申秩滿去喜其言之有徵也因識以銘明弘治己未聖廟災復燬至今二百餘年雖無枝葉而植幹挺然狀如鋼鐵皮生苔蘚生意隱然不見朽腐他日復榮諒可必也夫

兩觀在古魯城雉門之外周圍各四十步高二丈東西相





去一百步。杜預注：雉門、公宮之南門。神觀圖也。春秋定公二年，先聖爲魯司寇，攝行相事，誅少正卯于兩觀之下。是也。

覆相圖在廟西南一百二十步。周圖二里。昔先聖射于覆相之圃，觀者如堵。晉太康志曰：覆相圃在魯城內縣西南，近孔子宅是也。今圃中猶存舊井，皆石爲之。秦和四年，衍聖公元措築臺于中，今改爲儒學。

五父衢在廟東南五里。昔聖母殯于五父之衢，此也。

端門在聖廟東南。

講堂即今泮泗書院，舊名孔子講堂，內有硯臺井。

魯親里聖母顏氏所居。

安樂里聖配元官氏之所居。漢永壽二年，魯相韓叔節以聖族之親，禮所宜異，復其邑中縣發有碑記，惜歷年久遠，二里之名雖在，而其地不可考矣。

昌平鄉在昌平山下，夫子所生之地也。今名魯原村。

顏母井在顏母山中，遺址猶存。春秋祭尼山之日，遺族人祭其井云。

孔漬干寶搜神記云：孔子生于空桑之地，今名孔賢在魯南山之穴。其言雖誕而不可信，或者以延濱爲孔寶，歟。今其地不可考。想相去顏母井不遠。按魯州史：展教遺井，復氏備治祠車。

馬子貢上。據守并舍，今四人。月與佐除，時漢建寧二年也。

昌平亭。漢建寧二年，魯相史晨碑記：伏念孔漬顏母井，去市道遠，酤買不能得香酒美肉。今于昌平亭立會市。按名昌平，是以昌平山下得名也。故址在昌平山下。

羣鵠培城。昔魯人泛海漂泊而失津，至于涇洲，遇先聖七十子遊于海上，指以歸途，使告魯公，築城以備寇。魯人歸以告魯侯，侯以爲誕，俄有羣鵠數萬，啣土培城，侯始信，乃城曲阜。訖而齊寇果至。事載十六國春秋。

廢井在聖廟東三里，闊五丈三尺，深八十尺，石爲之，相傳季桓子穿井得年，中若羊，問先聖者也。

夫子甕。漢鍾離意爲魯相，出私錢萬三千，付尹曹孔訢修夫子車，入廟拭几席劍履，時有男子張伯除堂下草，中得玉璧七枚，伯懷其一，以六枚白意。意令主簿安置几前，其堂下床首有懸甕，意召訢問，答曰：夫子甕也。背有丹書，人莫敢發。意曰：夫子所以遺甕，欲以垂示後人，因發之，得素書。文曰：後世修吾書，董仲舒護吾車，拭吾履，發吾簡，會稽鍾離意。壁有七張，伯懷其一，意即召問，伯果服焉。

孔子春秋臺在曲阜縣南十里。郭景純注：連異記。

孔子石硯。夫子故宅廟屋三間，床前有石硯一枚，制甚古。



儒藏

朴蓋夫子平生時物也。一水經注一顏師古附遺錄

孔子履晉武庫火張華恐趙王倫爲變列兵固守然後救之故歷代之寶及孔子履悉焚焉。晉書

孔林石龕子思墓前二龕徑三寸深半寸前漢居攝元年二月造有日上谷府卿者有曰祝其卿者字甚古據錄字剝落。

子貢手植楷在至聖林享殿後高四丈五尺圍一丈枯而不朽。國朝總河都御史楊茂勛建亭于旁。

孔里譙周曰孔子沒魯人就冢次而居者百有餘室因名曰孔里。

石壇昔先聖沒弟子于冢前以僦僦爲壇方六尺至後漢永壽元年魯相韓叔節始易之以石方三尺厚如之縱橫各七其數四十有九四面皆歷代題名歲久漫滅字不可讀。

廡墓堂在夫子墓西東面後人因子貢廡墓建堂三間扁曰子貢廡墓處。

白兔溝先聖墓北有虛墓五間皆石爲之秦始皇發塚有白兔出其中始皇逐之至曲阜西八里溝而沒得因名其溝曰白兔。

冢壁秦始皇既焚書坑儒乃發孔子墓欲取經傳墓既啓

見冢壁上刻文云秦始皇何強梁開我戶據我床飲我漿唾我堂餐我飯以爲糧張我弓射東牆前至沙丘當滅亡始皇甚惡之憤欲發墓開墓內琴瑟遂不敢動乃東遊還沙丘而循別路見羣小兒掘沙爲阜問此何爲答曰此沙丘也從此得病而亡。

駑蹕亭在先聖墓道東宋真宗東封駕詣闕里顧問宜聖境何在子孫引導鑾輿至林奠謁畢坐于亭上宣兩府及兩制賜茶亭有古碑字多殘闕帝命詞臣拂蘇辨認盤桓久之今輦路與亭俱存。

舞雩臺在縣南三里。

觀井臺在縣東北周敬王三十六年孔子繫易于此。

校記

①乎：疑誤。

②歸：當作「飭」，見《幸魯盛典》卷九、《六藝之一

錄》卷三六。

關里廣誌卷之七

恩典誌

叙曰：昔謂盛德必祀百代不絕，自古聖賢，孰有吾夫子食報于萬世者？豈不以開蒙覺夜功在萬世乎？故凡受其賜者，無論夏衣博帶之士，自效一瓣十香，官即乘簪握符之主，恒飛十行于關里，爲之優其賜予，而支庶通金門之籍，復其租庸，而子姓超版圖之外。他若泮宮有田，筦庫有司，祭享有伯，羽箭有司，卒史供掃拚之役，而祠宇常潔，膏夫終賦畝之功，而旅皆不暇。特恩異數，煇耀竹帛，二代之封，固難殫其尊崇，三恪之胤，亦遠遜其優渥矣。是雖累朝相沿之舊，至皇朝恭隆大備，超軼往牒，偉哉煥乎！萬世不刊之鴻規在焉。君恩祖澤，烏可泯而無述也。作恩典誌。

例證

漢高帝元年，賜孔聚爵驛侯。子臧、孫琳、曾孫黃俱嗣侯。

武帝元朔二年，拜孔臧爲太常，賜加三公。

章帝元和二年，幸關里，大會孔氏男子六十三人，賜以衣

巾。又賜孔氏男女錢帛。宋康曰：此族人衣巾之始。

安帝延光三年，過魯，祀夫子孔氏親屬，婦女悉會，賜帛有差。

桓帝初，詔以孔氏一人爲從事，終漢世十有一人。

北魏獻文帝皇興三年，詔孔氏四人爲官。

太和十六年，帝祀孔子，拜孔氏四人官。

南宋文帝元嘉三年，詔十八代孫孔緜爲百戶，主掌禮器。

唐太宗貞觀十一年，命褒聖侯家祭服，玄冕朝會，位同三品。

玄宗開元十三年，詔文宣王家每代長子一人承襲，兼賜一子官。

二十七年，詔文宣公位于文官二品之下。

肅宗上元二年，詔凡大祀，其褒聖公朝位在文官二品之下。

憲宗元和十五年，詔文宣王後與一子官。

武宗會昌五年，詔文宣王後與一子官。

宣宗大中元年，詔文宣王後與一子官。

僖宗乾符二年，詔文宣王後與一子官。

宋太宗太平興國二年，孔世基以鄉貢進士，賜同本科出身。

真宗咸平初，即位，召見孔延世，賜以祭器、經書、金帛，遣之。

景德三年，資政殿大學士王欽若奏，令諸道州府軍監文

宣王廟，推毀處，量破倉庫，頭子錢修葺，仍令曉示，今後



不得占射克廟勸司推勘院及不得令使臣官員等在廟內居住。

大中祥符元年駕至曲阜廟詔文宣公伯叔兄弟子姪併許陪位又賜孔延溫等五人同學究出身又宣賜孔氏銀三百兩帛三百疋使賜諸房又以進士孔洵賜同三傳出身。

天禧二年賜文宣公家祭服又賜行宮材修葺廟宇又勅兗州差兵士四十人具寮一人于本廟巡宿守護官物仍委轉運司于轄下有衣甲軍器處約度支與本廟仁宗嘉祐六年賜飛帛書殿榜并金字篆廟碑差劉溫良等押送初寫碑時上巾櫛而書。

哲宗元祐元年勅白身合襲封人與除承奉郎專以王先聖祠事爲職添支給給隨本資次每三年理爲一任用本路及按察官薦舉依吏部格關陞責任如朝廷非次擢用許依舊帶管公爵出令以次合襲封人權主祀事每遇親祠大禮冬正朔會許赴闕陪位本年准孔宗翰奏襲封之人不許兼領他官使終身在鄉里專主祀事。

徽宗崇寧二年詔文宣王家選親族一名判司簿尉事政和四年命後苑作製造御前生活所造牌御書大成殿

頒降本廟從四十七代孫文林郎舒州司戶曹事若谷之請也宣和四年幸學特賜孔朝端上舍出身。

六年幸學特賜孔端本進士第永爲舊規。

孝宗乾道二年孔玘以白身最長恩授迪功郎遂爲定例以後有八人詳見家長。

理宗嘉熙二年孔應得補入太學淳祐元年賜同進士出身。

度宗咸淳三年幸學用五十一代應得例恩賜孔景行進士出身。

金世宗大定間召孔總赴闕欲留隨朝任用力以祀事辭歸特恩授兼曲阜縣令。

章宗明昌初上訪耆德恩賜孔端修進義校尉。

四年以襲封年幼恩賜孔瑛權管勾祀事。

七年行郊禮召元措赴闕侍祀位在終獻之次。

元初錄孔子後恩授萬壽湖州儒學提舉。

成宗大德四年翰林國史院准翰林學士閻中奉牒送戶部擬得孔治乃先聖之後欽授宣命議大夫襲封衍

聖公行使正四品印信既有爵例應有祿准依太史

院同知俸例月支中統鈔二錠于濟寧路支給。

仁宗延祐三年詔安宣使劉振民頒降衍聖公銅印祿四

品同朝官例。專主奉祀。

英宗至治二年。詔有司卹孔氏子孫貧乏者。

泰定帝三年。山東廉訪副使王鵬南言。襲封上公而秩四品。于格弗稱。明年。陞嘉議大夫。詔給三品印。

宗帝至順二年。衍聖公思晦請設尼山書院山長。

順帝至元三年。世尹克欽創修洙泗書院。請設山長。

至正八年。進衍聖公克堅中奉大夫。秩二品。改授二品銀章。

明太祖洪武元年。衍聖公希學首朝南京。賜以錦綵六端。命回守祖庭。未幾受封。特命班亞上相。降給二品銀印。

二年正月。詔定襲封衍聖公屬官。管勾一員。典籍一員。

司樂一員。尼山書院。洙泗書院。各山長一員。三氏學教

授一員。學錄一員。又設掌書一名。知印一名。書寫一名。

奏差一名。從衍聖公保舉堪用人數。移咨吏部除授。

三年五月。左丞相宣國公等官奉。上諭。孔祭酒在前曾

說。多有同姓的。指着先聖宗派。都來曲阜四散居住。中

間多有不知禮義。相聚日久。恐相連累。今後除襲封這

一宗派。休教他當差。其餘不係聖派子孫。分揀出來。與

百姓一體當差。

十一年。希學入賀萬壽。勅中書下禮部。用心禮待。又勅

下禮部。察所在以安之。是歲。希學卒。遣行人照祭。著爲例。

十七年。孔訥入覲。上顧謂廷臣曰。孔訥真聖人子孫也。館之太學。拜封之日。受誥大庭。百寮班列。仍命禮官以教坊樂導引。送之太學。師生二千餘人。迎于成賢街而入。明日入謝。復賜襲衣。宴於禮部。誥詞吏部奏用資善階。上諭曰。既爵公。勿事散官。但誥以織文玉軸爲異耳。遂爲故事。每歲入覲。得給符乘傳。班序文臣首。厚其廩餼。下及隨從。

仁宗洪熙元年。賜衍聖公彥紹居第於東安門北。本年。上幸太學。特詔率三氏子孫觀禮。陛見後。遣內侍金英傳旨。衍聖公來朝。與正一品衣服一套。鈔二千貫。其下程精膳司行。順天府用手本呈送。羊一隻。鷄二隻。酒二十瓶。麵四十觔。茶酒鹽醬各二觔。白蠟燭十枝。若爲例。

代宗景泰三年。衍聖公彥紹入朝。賜三臺銀印。織金麒麟服。白玉束帶。

六年。衍聖公弘緒時八歲。以襲爵謝恩。延入內宮。上賜玉帶二束。正一品衣服一套。金紐圖書一顆。御篆謹禮崇德四字。

英宗天順元年。上復祚。念衍聖公賜第。派監以太僕寺街



西大第易之。萬曆壬辰，遣工部主事沈敏介重修。

神宗萬曆十七年，御制朕昨御門聽政，文武百官原爲承旨奏事，銜聖公孔尚賢不在文武職官之列，朕以賓禮待之。今後不必常朝，只以萬壽人賀事畢辭回，永爲定例。二十二年，銜聖公尚賢奏准，應襲長子胤幹，照勳衛例，襲他屏帶。

崇宗天啓五年，幸學。詔觀禮生員聞範、聞諶、貞祚送監讀書，吏部優選。

依宗崇禎二年，幸學。詔觀禮生員聞俊、貞芳、尚皓、尚遜送監讀書，吏部優選。

國朝 世祖順治元年十二月，銜聖公胤植朝賀，賜宴。命禮部堂上官待復，賜下程一分，著爲例。

二年正月，胤步聖公三系銀印。

四年十二月，胤植卒，賜祭葬，著爲例。

九年，幸學。詔觀禮生員尚然、興義、尚經、胤洪、尚瑀、胤邵、貞育送監讀書，吏部優選。

今上皇帝康熙八年，幸學。詔觀禮生員興詢、尚結、興祺、尚給、胤珍、興瑞、興範送監讀書，吏部優選。

賜田

宋真宗大中祥符元年，賜田百頃。

哲宗元祐元年，賜田一百大頃。八年三月，奉敕將舊賜田一百頃均給族人。新賜田一百頃，撥二十頃贍廟學生，二十頃充歲時祭祀，十頃置殿庭，嚴幙其五十頃，歲收出糶修葺祠宇。本年又添賜田一百頃，使其家依鄉原例，自召人耕種，更不用職田制糧之法。

高宗紹興八年，詔衢州于係官田內撥五頃賜銜聖公孔玠，主奉祀事。

金天會八年，仙源縣主簿孔若鑑奏免賜田稅課。

明昌元年，本廟言舊賜田二百大頃，因值兵革，除見在外四十八大頃八十六畝，不知下落，已申上司。後承戶部符於豐縣區村、張村、新村、潘村、李村、慕義六處貼撥足數，計准今時官畝一百二十三頃二畝一分五釐七毫。五年，續給地六十餘頃，房屋四百間。

泰和元年，再撥廟東南田六十四畝一分一釐，助釋奠費。元成宗大德五年，修廟成，銜聖公治道其子曲阜令思誠請碑，遂留爲國子監丞。敕中書賜尚珍署田五十頃。明太祖洪武元年，賜孔廟祭田五屯地。阿屯、平陽屯、東屯、共計二千大頃。原開荒七百二十畝成畝，撥給佃戶。

承辦、收打籽粒、以充本廟祭祀正項支用外、四氏學教官俸祿、生員科貢盤費并賜官俸、各役工食、盡在屯糧內支用、餘銀聖公府自行支銷。

七年二月、上諭禮部、你寫出漢唐宋待孔氏子孫典故來、我就定奪將去。本月、禮部將漢唐宋待孔氏子孫典故奏准、凡歷代撥賜膳廟學田土、議得上項田土既稱歲久荒閑、宜從山東省行移、填封衍聖公從常設法募佃開墾、相應撥給佃戶承種、收打籽粒、以充本廟祭祀等項支費。

永樂五年二月、撥賜膳田四段、蒙家庄一段、計地五十大頃、坐落兗州西、卽今滋陽縣杏林庄一段、計地二十大頃、坐落任城縣東北、卽今濟寧州顏村店一段、計地二大頃、故縣村一段、計地一大頃、俱坐落滋陽縣西。

學田

元至正三十一年、撥到學田、曲阜縣小薛村西一段四十畝、馬村地一段九十畝、大屯一段二十畝、原村北地二大頃、春亭村西南泗河灣內地一段一大頃、泗濱村南山岡叟嶺一段五大頃、沛縣秦家莊地一段一十大頃、以上地、碑文、沛縣刁陽里三氏學田三千畝、明仍元之舊、今各三界灣、界于沛縣、魚台、滕縣三縣之間、租生。

元統元年、江西僉事任世古台以聖坐、沒入鄆城縣私田八頃九十畝、屋二十七間、奉旨、付孔氏子孫爲業。

至順間、衍聖公思晦言于部、命鄆縣長沐陽、同往尼山、覈復學田一百五十畝、歲入粟四十八石。

明續聖尼山岡田二十餘頃、以贍貧生。  
萬曆中、御史吳達可、兗守陳良材、增置學田共五頃。





免役

漢桓帝永壽二年、將相韓勰碑文聖母顏氏、聖配元官氏、念聖族之親、禮所宜異、復其邑中課發。按漢時以夫子役、則孔氏子孫從來無差法、蓋可知矣。

唐太宗貞觀元年、詔孔氏子孫並免賦役。

高宗乾封元年、勅褒聖侯德倫既承胤嗣、有異常流、其子孫並免賦役。

玄宗開元十三年、駕幸闕里、詔孔氏子孫並免賦役。

宋太宗太平興國三年、詔曲阜縣文宣王家、歷代以聖人之後、不與庸調。周顯德中、遣使均田、抑同編戶。今可特

免。按五季亂世、君不君、臣不臣、則孔氏之抑同編戶、何怪也。至有宋文明之世、自復漢唐之舊矣。

金熙宗皇統二年、敕免孔氏子孫賦役。

章宗明昌元年、敕免孔氏子孫賦役。

元太宗九年、詔奉上絲綿顏色稅石、軍役大小差發並行獨免。

成宗大德二年、復免孔氏子孫合納稅粟三十三石四斗二升。

明太祖洪武元年、詔孔氏子孫皆免差撥、稅糧有司依例科徵。

七年、詔衍聖公與免本戶稅糧三十頃、餘田起科。族人

田土、依舊納糧免差。

憲宗成化元年、據五十六代孫克昫奏准、孔氏名下積置民間徵糧地一百一十六頃五十六畝四分、獨免稅糧三分之一。

孝宗弘治十八年、族長希瑾等呈免續買民地二百五十三頃一十二畝三分七釐八毫三絲站銀。

武宗正德二年、詔孔氏稅糧盡行蠲免、以示朕崇重先師之意。

樂舞生

明洪武七年十一月禮部咨為釋奠事內開宣聖廟四時祭祀合用樂舞生于府州縣儒學學員內遴選或於民間俊秀子弟內選用備行准取樂舞生張壽等一百二十餘名內將二十名起送太常寺協律郎處習演樂舞欽賜寶鈔回還常川在廟俱照原膳生員事例除本身優免外供給人二丁。

成化十二年國子監祭酒周洪謨奏增樂舞生李整等八十名。

弘治九年太常寺卿崔志端奏增樂舞生二十六名。

正德十三年九月樂舞生楊嵩等奏為陳情懇乞天恩遵

照舊例優免雜差事奉聖旨是准照舊優免

嘉靖五年九月樂舞生仲樞等奏為陳情再乞天恩遵比舊例優免供給人丁事禮部尚書席書覆奏奉聖旨是

禮生

明洪武七年禮部咨開禮生於曲阜縣十六社內選用隨選取禮生陳慶等六十名其優免供丁事例俱同樂舞生。

嘉靖三十年奎文閣典籍錢汝芝具奏申明舊規其間名缺者選補足數。

崇禎二年衍聖公胤植行曲阜縣添設禮生四十名專司陳設。



廟戶制

韓哀公十七年立廟于舊宅與守楚廟百戶。

漢桓帝元嘉三年三月詔孔子廟置百石卒史一人掌領禮器。

靈帝建寧中給守廟百戶。

魏文帝黃初元年詔令魯郡修起舊廟置百石卒史以守衛之。

南宋文帝元嘉十九年十二月詔蠲墓側數戶以掌洒掃。

魯郡土民孔景等五戶居近孔子墓側可蠲其役以供洒掃。

北魏孝文帝泰和十九年給邑一百戶。

唐太宗貞觀十一年給先聖廟戶二十以奉享祀。

睿宗太極元年正月詔本州取側近三十戶以供洒掃。

玄宗開元十三年復給近孔墓五戶。

二十七年詔賜百戶洒掃。

憲宗元和十三年復實洒掃五十戶。

懿宗咸通四年給洒掃林廟五十戶。

後周太祖廣順二年給復廟側十戶爲洒掃戶。

宋真宗景德四年詔兗州舊以七戶守孔子墳宜增至五十戶。

大中祥符元年給近便十戶以奉楚城是年十一月修葺祠宇復給近便十戶奉祭廟。

仁宗慶曆四年敕本縣中等人戶內差廟戶五十人充本廟洒掃。

慶曆中梁適知兗州乞以廟兵代廟戶又裁減人數時宰相章得象欲如其請參知政事范仲淹獨曰此事與尋常利害不同自是朝廷崇奉聖師美事仁義可息則此人數可減吾輩雖行他人必復之朝廷遂已。

神宗熙寧中新法行裁減洒掃戶存二十人看林戶存三人。

哲宗元祐元年敕依舊法差洒掃戶五十人看林戶五人並依役人法。按城之者王安石復舊者司馬溫公也。

本年賜田許白召人耕種。按此有佃戶之始。

金孔廟戶食直官爲應付。

元太宗九年奉旨洒掃廟戶依舊一百戶奉上差法并行蠲免不係州縣所管。

至元二年罷洒掃戶至成宗大德五年復給洒掃二十八戶。從衍聖公孔治之請也。

明太祖洪武元年賜聖廟洒掃戶一百戶并尼山舊役洒掃戶一十五戶俱于曲阜等州縣選到民間俊秀身家無過子弟陳玉等一百戶供應聖廟洒掃方巾圓領儒幣具呈臺省下戶部給勘詞內開全丁在廟丁不養馬。

地不入站、雜泛差役、一槩蠲免。再不許里老攀扯當差違者、甘當重罪。

欽賜祭田、許招募佃戶、依前代例。

宣德間、戶部踏勘地土、五屯佃戶共五百戶、計二千丁。

正統四年八月、戶部奏准佃戶五百戶、共添人二千丁、見

丁百畝、初係開荒田土、俱照舊例、以七百二十步作爲

一畝、准定佃戶、專一耕種、辦納籽粒、以供本廟祭祀等

項支用、其民間一應雜泛差役、俱行蠲免。

國朝 世祖順治元年九月、巡撫都御史方大猷奏免廟

戶佃戶雜差。

校記

①「有」下疑脫「若」字。

②傳：當作「傳」。

③川：疑當作「用」。《幸魯盛典》卷三此段作「發回在廟，應充前役，俱照」云云。

闕里廣誌卷之八

弟子誌

叙曰昔吾夫子學開三堂訓盡九國七十子者固當時所稱受唾門墻匠成銘鑄而羽翼聖真者也生聚一堂沒享一庭萬世無異議矣然蒐輯聖經者有傳道之功則漢儒有祀註疏聖經者有衛道之功則唐儒有祀闡明聖經者有體道之功則宋儒有祀誦法私淑者上綜六籍下繼諸子有載道之功則明儒有祀至若子雖齊聖不先父食堂上堂下恐昭穆之失序而非體也則又有別祠以祀聖賢之所自出此皆炳耀圖史光華俎豆歷代欽崇聖人而推本聖人之先波及聖人之徒者也其改祀于鄉及罷而不祀者附之末簡備參攷云作弟子誌

四配

復聖顏子名回字子淵魯人少孔子三十歲年二十九髮盡白三十二而卒漢高帝十二年東巡狩過魯以太牢祀孔子以顏子配饗歷代因之唐太宗貞觀二年詔稱先師配饗先聖孔子高宗總章元年贈太子少師唐睿宗太極元年贈太子太師玄宗開元二十七年追贈兗公宋真宗大中祥符二年進封兗國公元文宗至順元年

贈兗國復聖公明世宗嘉靖九年改稱復聖顏子代祭景泰二年以裔孫世襲翰林院五經博士奉祀

復聖墓在曲阜縣城東防山之陽有石刻曰先師克國公之墓其墓前一石鐫南甲士背負而生一執斧一執金吾復聖廟在曲阜縣先聖廟東北三百餘步即廟巷故宅也墓北有井名曰顏氏宋神宗熙寧間太守孔宗翰構亭其地命曰顏廟蘇軾為記歲久亭圯元成宗元貞間衍聖公孔治復命顏族購于故基緣以周垣設亭為門文宗至順元年歐陽玄奉敕為記明洪武正統成化弘治間相繼重修英宗武宗各御製碑記廟制正殿復聖南向後為寢殿以祀夫人藏氏兩廡左祀二代顏歆三十四代顏黃門侍郎顏之推四代唐平原太守顏真卿常山太守顏杲卿右祀三代顏儉三十三代北齊御史中丞顏延之三十七代唐崇文館學士顏師古中為顏樂亭亭前為仰聖門門前御製碑亭二座又前為歸仁門左掖為克己門右掖為復禮門又前為復聖門門之外為復聖廟坊又外東西二坊東曰卓冠墓西曰優入聖域又外聖門有坊曰陋巷復聖門之內東為廟文門西為約禮門由左掖而入有齋宿房稍北有祭器庫俱西向又北為見進門門內為退省堂堂後為家廟復聖二世歆三世儉神憤藏焉廟後為神廟山右掖而入為祀國公廟祀復聖父無繇復聖廟在兗州府寧陽縣西宗子博士第在廟左

宗聖曾子名參字子輿南武城人少孔子四十六歲唐高宗總章元年贈太子少保從祀廟庭唐宗太極元年加贈太子太保玄宗開元二十七年追封郕伯宋真宗大中祥符二年加封瑕丘侯徽宗政和六年避先聖諱改封武城侯度宗咸淳三年加封郕國公升配饗元文宗至順元年加贈郕國宗聖公明世宗嘉靖九年改稱宗聖曾子十八年以嫡裔賢梓世襲翰林院五經博士奉



祀。

宗聖廟明成化初年山東守臣上官嘉祥縣南武山西  
南玄寨山之東麓有遺者入一穴中得懸棺其前有  
石碣鐫曾參之墓。宗聖廟在嘉祥縣南武山之陽  
明正統弘治間相繼重修其制正殿宗聖廟前向東  
配子思子西配孟子兩廡左祀陽明公明儀公明高公  
明宣孟儀右祀樂正子春沈猶行單居謙公孟子高子  
事後為毀其正殿前為戟門門前有御製碑亭一座  
又前為宗聖門門之外石坊三座中曰宗聖廟東曰三  
省自治西曰一貫心傳其西萊蕪侯殿祀宗聖父思  
庶東祀二代曾元二代曾申西祀二代曾華三代曾西  
郊城縣西磨山。曾子書院在嘉祥縣南武山之陽  
述聖子思子名伋宋徽宗崇寧元年封為沂水侯大觀二  
年從祀先聖理宗端平二年升祀堂上列于十哲之間  
度宗咸淳三年加封沂國公升配享元文宗至順元年  
加贈沂國述聖公明世宗嘉靖九年改稱述聖子思子  
孝宗弘治十六年衍聖公聞詔奏准世以衍聖公次子  
襲翰林院五經博士奉祀。

述聖墓在孔林先聖墓南相去數十步墓前有碑鐫沂  
國述聖公墓。子思書院在兗州府鄒縣南門外舊有  
子思講堂相傳思子授受處元成宗元貞間縣尹司居  
敬以縣東南隅縣書院東建祠曰中庸精舍匾堂曰  
淵源實為書院之始大德六年縣尹宋彰建講堂于淵  
源堂之後隔曰率性堂又為學官居室于其左請于朝  
改名中庸書院仁宗延祐二年復改為子思書院明成  
祖永樂七年縣令朱珪徙書院于曝書臺東與斷機祠  
相直每歲春秋上下兩  
士主祭以孟子配享。

亞聖孟子名軻字子輿漢書註鄒人宋神宗元豐六年封  
鄒國公七年詔配享孔子廟庭位次顏子元文宗至順

元年贈鄒國亞聖公明太祖洪武五年罷配享踰年復  
之世宗嘉靖九年改稱亞聖孟子代宗景泰三年以嫡  
裔希文為翰林院五經博士世襲奉祀。

亞聖墓在鄒縣東北四基山之西麓宋仁宗景祐四年  
龍圖學士孔道輔知兗州訪而得之為立廟于墓之西  
南其後移廟于城墓廟改為墓祠明宣宗宣德九年縣  
忠王重建亞聖廟在鄒縣城南道左初孔道輔建廟  
下四基山墓傍後以距城遠徙建東門之外徽宗宣  
和四年縣令朱任復徙南門之外景朝奉敕重修其制  
正殿亞聖南向以利國侯樂正克配享後為毀祀亞  
聖夫人兩廡東祀壽光伯公孫仕東阿伯浩生不害蓬  
萊伯陳臻奉符伯屋廬子沂水伯陳代平陰伯公都子  
泗水伯高子來陽伯益城伯孟仲子昌樂伯克與仙源  
愈而祀博興伯萬章新泰伯孟仲子昌樂伯克與仙源  
伯徐辟雷澤伯彭更須成伯成伯孟仲子昌樂伯克與  
伯季孫宋司空孔道輔前為永聖門又前為儀門又前  
為儒星門門左右為二坊左曰繼往聖右曰開來學廟  
左為啓賢門門內為鄒國公殿殿後為宣獻夫人殿右  
為致敬門門內為致嚴堂堂後為孟氏家廟孟子廟  
在東昌府府平縣東北孟家莊。宗子問  
士第在鄒縣通衢之西與亞聖廟門相對。

十哲

先賢閔子名損字子騫魯人少孔子十五歲唐玄宗開元  
八年從祀孔廟二十七年追贈費侯宋真宗大中祥符  
二年加封瑯琊公度宗咸淳三年改封費公明世宗嘉  
靖九年改稱先賢閔子按先賢封贈年月俱同改稱  
閔子墓有四一在鳳陽府宿州北一在徐州蕭縣東南  
一在濟南府歷城縣東墓前書院元設山長一在東昌  
府范縣南閔子祠在青州府沂水縣西北閔公山下  
即避季氏之虞後以祠旁有子路讀書臺因并祠之改  
名二賢祠。

先賢冉子名耕字伯牛魯人少孔子七歲唐玄宗時從祀封鄆侯宋封東平公改封鄆公

冉伯牛墓有三一在兗州府汶上縣西門德化橋側當時攝中都宰卒因墓為宋改葬東平州西北一在廣平府永年縣西北一在河南府孟津縣西舊清河城南冉伯牛廟在開封府杞縣北冉伯牛祠在兗州府東平州西北

先賢冉子名雍字仲弓伯牛之宗族少孔子二十九歲唐

玄宗時從祀封薛侯宋封下邳公加封薛公

仲弓墓有二一在曹縣東南俗呼為冉祠墓前有祠一在冠縣北墓前有祠

先賢宰子名予字子我魯人唐玄宗時從祀封齊侯宋封

臨淄公加封齊公

宰我墓在曲阜縣西南

先賢端木子名賜字子貢衛人少孔子三十一歲唐玄宗

時從祀封黎侯宋封黎陽公加封黎公

子貢故里在大名府清縣倪河驛

先賢冉子名求字子有仲弓之宗族少孔子二十九歲唐

玄宗時從祀贈徐侯宋封彭城公改封徐公

冉求墓在兗州府滕縣南相塚社

先賢仲子名由字子路卞人少孔子九歲唐玄宗時從祀

贈衛侯宋封河內公進封衛公明懷宗崇禎十六年以

嫡裔子陞世襲翰林院五經博士奉祀

子路墓有三一在大名府開州北墓前有石羊石虎石門石表享堂一在清豐縣東南趙讓村一在長垣縣東北仲子父母墓在下橋仲村仲子傳廟有二一在濟寧州南鎮坊村即今之仲家渡隔一在東平州西力梁山新廟在泗水縣東關明萬曆十九年知縣譚好善捐建四十六年巡按御史畢懋康奏請重建仲氏墓堂在魯橋洲上

先賢言子名鯀字子游吳人少孔子四十五歲唐玄

宗時從祀贈吳侯宋封丹陽公進封吳公

言鯀墓在常熟縣虞山言鯀宅在蘇州府常熟縣西北子游巷文學棧自井有焉子游廟在東昌府武城縣西吳公祠在常熟縣學子游祠在兗州府費縣西南武城東關陽川法政書院在武城縣舊在縣西元泰定徙此學道書院在蘇州府長洲縣學南文學書院在常熟縣西後遷縣東北元設山長

先賢卜子名商字子夏衛人溫國人少孔子四十四歲唐

太宗貞觀二年從祀玄宗時封魏侯宋封河東公進封

魏公

子夏墓有二一在兗州府曹州西卜咽都一在平陽府河津縣西新豐村子夏廟在太原府文水縣西南卜咽祠在汾州府城北謁泉山下

先賢顓孫子名師字子張陳人少孔子四十八歲唐玄宗

時從祀封陳伯宋真宗時封宛丘侯徽宗政和元年改

封穎川侯度宗時加封陳國公升十哲位尋冊陳公

子張墓在徐州府蕭縣南廟坊村子張祠在鄒縣南門外

兩廡

先賢澹臺子名滅明字子羽武城人少孔子三十九

家語十九

歲。唐玄宗開元二十七年封江伯。宋真宗咸平三年封金鄉侯。

德蓋滅明墓有四。一在費縣東北。一在南昌府城內東湖上。總持院後。一在開封府陳留縣北。一在兗州府鄒縣西北。一在兗州府東阿縣東北。一在兗州府東阿縣西北。一在兗州府東阿縣西北。一在兗州府東阿縣西北。

先賢宓子名不齊字子賤魯人少孔子四十九歲著宓子十六篇唐封單父伯宋封單父侯。

子賤墓在鳳陽府壽州南城隍廟。

先賢原子名憲字子思宋人鄭玄曰少孔子三十

六歲唐封原伯宋封任城侯。

原憲墓在兗州府費縣西北其旁有原憲城俗呼為原憲屯。

先賢公冶子名長家語作其史記作字子長齊人唐封

莒伯宋封高密侯。

公冶長墓有二一在青州府諸城縣西一在淮安府境。

先賢南宮子名适史記作括家語字子容魯孟僖子之子

居南宮因姓焉又曰南宮敬叔唐封邾伯宋封襲丘侯

改封汝陽侯。

先賢公皙子公皙名哀案隱曰公析克字季沉史記

齊人唐封邾伯宋封北海侯。

先賢商子名瞿字子木魯人少孔子二十九歲好易孔子傳之唐封蒙伯宋封須昌侯。

先賢高子名柴字子羔齊人鄭玄曰少孔子三十歲唐封共城伯宋封共城侯。

高柴墓有四一在兗州府沂州西南故蘭陵城北一在開封府太康縣西北一在兗州府東阿縣清水河寺西一在陽

先賢漆雕子名開先聖大字子若史記作蔡人鄭玄曰少孔子十一歲唐封滕伯宋封平輿侯。

先賢司馬子名耕家語作字子牛宋人向魴之弟唐封向伯宋封楚丘侯改封綏陽侯。

司馬牛墓在兗州府費縣西南南成山魯哀公十四年卒于魯郭門之外阮氏墓諸丘與此。

先賢樊子名須字子遲魯人鄭玄曰少孔子三歲十六

歲唐封樊伯宋封益都侯。

先賢有子名若字子有一云魯人少孔子四歲十三歲

唐封汴伯宋封平陰侯。

先賢公西子名赤字子華魯人少孔子四十二歲唐封邾

伯宋封鉅野侯。

鄭隱曰述世多議從祀諸儒而不及十哲十哲直取陳蔡一時與難之賢非孔門定論自開元迄今無敢議者夫有若之才其為言論政事不優于季夷冉求乎我求言行不必徵諸史傳論語中多有之觀二子優劣何如宜進祀二子于殿上改求我于庶中。

先賢巫馬子名施家語字子期史記作陳人史記曰少孔子三十歲唐封邾伯宋封東阿侯。





先賢梁子名鯈史記作鯈。字叔魚。齊人。少孔子二十九歲。

唐封梁伯。宋封下乘侯。

先賢顏子名辛史記作幸。字子柳。魯人。少孔子四十六歲。唐封

蕭伯。宋封陽穀侯。

先賢冉子名孺家語作子。字子魯。魯人。少孔子五十歲。

唐封紀伯。宋封臨沂侯。

先賢冉子名鄒字子循。蔡人。少孔子五十歲。唐封曹伯。宋

封上蔡侯。

先賢伯子名庚史記作。字子析。魯人。少孔子五十歲。唐封聊伯。宋封沐陽侯。

孔子五十歲。唐封聊伯。宋封沐陽侯。

先賢公孫子名龍家語作。字子石。衛人。鄭玄曰楚人。少孔子五十三歲。唐封黃伯。宋封枝江侯。

五十三歲。唐封黃伯。宋封枝江侯。

先賢冉子名季字子產。魯人。唐封東平伯。宋封諸城侯。

先賢秦子名祖字子南。秦人。唐封少梁伯。宋封郛城侯。

先賢漆雕子名哆家語作。字子飲。魯人。唐封武城伯。宋封濮陽侯。

陽侯。

先賢顏子名高家語作。字子騭。魯人。少孔子五十歲。唐封聊

聊伯。宋封雷澤侯。

先賢漆雕子名徒父家語作。字子有。魯人。少孔子五十歲。唐封

唐封須句伯。宋封高苑侯。

先賢壤子家語作。名騭。赤。字子徒。魯人。唐封北微伯。

宋封上邽侯。按通志。騭。宋氏。復姓。

先賢商子名澤字子秀。魯人。唐封睢陽伯。宋封鄆平

侯。

先賢石子名作蜀家語作。字子明。秦之成紀人。唐封郿邑

伯。宋封成紀侯。按氏。復姓。

先賢任子名不齊字子選。楚人。唐封任城伯。宋封

當陽侯。

先賢公夏子名首家語作。字子桑。魯人。唐封元父伯。宋

封鉅平侯。

先賢公良子名孺家語作。字子正。張智贊。陳人。唐封東牟伯。

宋封牟平侯。

先賢后子名處家語作。字子里。齊人。唐封營丘伯。

宋封膠東侯。家語作。字子里。

先賢奚子名容藏家語作。字子哲。魯人。唐封下邳伯。宋封濟陽侯。

魯人。正義曰。唐封下邳伯。宋封濟陽侯。

先賢公子名肩定家語作。字子中。魯人。唐封新田伯。宋封梁父侯。

唐封新田伯。宋封梁父侯。

先賢顏子名祖家語作。字子襄。魯人。唐封臨邑伯。宋

封富陽侯。



先賢鄭子名單鄭子名單。字子家。魯人。唐封銅鞮伯。宋封聊

城侯。按家語有鄭單而無鄭單。史記有鄭單而無鄭單。疑即一人以姓名相近而誤耳。且其字與鄭字誤耳。

而罷。鄭單似為近之。蓋與其從史記不若從家語也。

先賢甸子家語。名井疆。字子疆。國里志作子孟。衛人。唐封

淇陽伯。宋封濫陽侯。井為復姓。

先賢罕父子家語。名黑。字子索。家語作。魯人。唐封乘丘

伯。宋封祁鄉侯。罕父氏止有罕父氏。

先賢秦子名商。字子丕。左傳作丕茲。魯人。鄭玄曰。少孔子

四十歲。唐封上洛伯。宋封郟城侯。

先賢榮子名旂。家語。字子祺。魯人。唐封零陵伯。宋封厭次

侯。

先賢公祖子名句茲。家語無。字子之。魯人。唐封期思伯。宋

封卽墨侯。

先賢左子名人郢。家語作。字行。家語云。魯人。唐封臨淄伯。

宋封南華侯。按通志畧左人以官為姓也。如封人蔣人之類。

先賢縣子家語。名成。字子橫。史記作。魯人。唐封鉅野伯。宋

封武城侯。

先賢鄭子名國。家語云薛邦古史云鄭邦。史記作鄭。字子

徒。家語無子字。魯人。唐封榮陽伯。宋封荆山侯。

先賢燕子名伋。家語。字思。家語作。魯人。石室圖。唐封濫陽

伯。宋封沂源侯。

先賢原子名亢。字籍。史記作原亢。籍家語作原桃。字子籍。魯人。唐封萊蕪伯。

宋封樂平侯。

先賢顏子名之僕。字叔。家語作。魯人。唐封東武伯。宋封宛

句侯。

先賢康子名潔。字子曾。史記作康。一云子庸。衛人。古史云。唐封莒父

伯。宋封胙城侯。

先賢樂子名欸。家語。字子聲。正義曰。唐封昌平伯。宋封建

成侯。

先賢叔仲子名瞻。家語。字子期。魯人。鄭玄曰。少孔子五十

一本作。十四歲。與孔瑗年相比。二孺子俱執筆記事。送侍于

夫子。唐封瑕丘伯。宋封博平侯。

先賢却子名吳。家語作却。史記作却。吳石。字子欽。家語

欽。魯人。唐封平陸伯。宋封高唐侯。

先賢狄子名黑。字皙之。家語作皙之。史記作皙之。無之字。一日子皙。衛人。唐封臨瀛

伯。宋封林慮侯。

先賢公西子名與如。古史作。字子上。魯人。唐封重丘伯。宋

封臨胸侯。

先賢孔子名忠。家語。字子蔑。孔子兄孟皮之子。家語作孔

唐封汶陽伯。宋封郟城侯。宋際曰。唐宋以封爵為重。則





爲博士、獨壁藏之。其後兵起流亡。漢定天下、求其書、亡數十篇、獨得二十九篇、卽以教子、齊魯之間。文帝時、求能治尚書者、聞伏生、欲召之。時年九十餘、老不能行。晁錯往受之。伏生使其女傳言教錯。今文尚書是也。唐時從祀、宋封乘氏伯。

伏生墓在濟南府鄒平縣東北。伏生書院在鄒平東北伏生鄉。

先儒高堂子名生、漢魯人、傳儀禮、漢興、爲博士、傳士禮十七篇。唐時從祀、宋封萊蕪伯。按通志、高堂、齊公族也。風俗通、齊卿高敬仲食采于高堂。因氏焉。

先儒孔子名安國、字子國、孔子十一世孫也。少學詩于申公、受尚書于伏生。漢魯共王壞孔子舊宅、以廣其居、于壁中得所藏古文、虞夏商周之書、及傳論語、孝經、皆科斗文字、悉以書還孔氏。安國乃考論古今文字、撰衆師之義、凡五十九篇、爲四十六卷、悉上送官。承詔作傳、引序各冠其篇首、定五十八篇、以授都尉朝。而司馬遷亦從安國問故、遷書多古文說。仕至臨淮太守。唐時從祀、宋封曲阜伯。

崇聖書院在鳳陽府府治東第一山。

先儒毛子名萇、趙人。善說詩。漢初有齊、韓三家、並立、萇自謂子夏所傳。初、子夏作詩序、授傳中。申授李克、克授

孟仲子、仲子授根牟子、根牟子授荀卿、荀卿授魯人毛萇、爲詩訓詁。河間獻王得詩傳而獻之朝。時毛萇受享詩、爲獻王博士、每說詩、獻王悅之。取詩傳加毛字、以別齊、魯、韓三詩也。故世謂享爲大毛公、萇爲小毛公。萇所著有毛詩故訓二十卷、詩傳十卷。唐時從祀、宋封樂壽伯。毛公墓在河間府河間縣尊福鄉、旁有書院、元設山長。

先儒董子名仲舒、廣川人。治春秋。孝景時、爲博士、下帷講誦、三年不窺園。學士皆師尊之。武帝卽位、仲舒以賢良對策、爲江東王相、復相膠西。凡所著述、皆推明孔氏立學校之官。州郡舉茂才孝廉、皆自仲舒發之。年老、以壽終于家。元文宗至順元年、從祀。明太祖洪武二十九年、封江都伯。憲宗成化三年、改封廣川伯。

董仲舒墓在西安府城南下馬陵。董子書院在景州西南廣川鎮、元設山長。

先儒杜子名子春、河南緱氏人。通周官。周官蓋周公所制、官政之法、始皇深惡之、禁絕不傳。漢時、有李氏得周官、上千河間獻王。獨闕冬官一篇、購以千金不得。遂取考工記補成六篇、奏之。至成帝時、黃門郎劉歆表而出之。子春受業劉歆、因以教授鄉里。後漢明帝永平初年、已九十、猶能誦識。唐時從祀、宋封緱氏伯。

先儒后子名蒼、東海郯人。從孟卿受禮、在曲禮校書、號曰

后氏問崇記。後有小戴記與周官六篇。古經十七篇。並  
著皆之。宣帝時。爲博士。官至少府。明世宗嘉靖九年。考  
求古禮。以爲爲禮之宗。詔令從祀。

先儒王子名通。字仲淹。龍門人。隋文帝開皇初。爲國子博  
士。受業于東海李育。學詩于會稽夏瑱。問禮于河東關  
子明。正樂于北平霍汲。考易于族父仲華。六年。乃續詩  
書。正禮樂。修元經。議易道。九年。而六經大就。教于河汾。  
大業末。卒于家。門人謚曰文中子。明世宗嘉靖九年。從  
祀。

先儒韓子名愈。字退之。修武人。盡通六經百家學。舉進士。  
歷官吏部侍郎。卒。贈禮部尚書。謚曰文。有原道。原性等  
篇。宋神宗元豐七年。封昌黎伯。從祀。

韓文公墓在懷慶府孟縣北。韓文公廟有二。一在湖  
州府治東。韓山。一在廣州府陽山縣。韓昌黎祠在京  
州府學右。尊韓書院在廣州府連州陽  
山縣。韓山書院在潮州府治西南隅。

先儒歐陽子名修。字永叔。廬陵人。舉進士。除西京推官。入  
爲館閣校勘。慶曆三年。知諫院。帝獎其敢言。歷知滁州。  
揚州。穎州。遷翰林學士。修唐書。嘉祐二年。知貢舉。加龍  
圖閣學士。五年。拜樞密副使。六年。參知政事。熙寧四年。  
以太子少師致仕。自號六一居士。卒。贈太子太師。謚文  
忠。明世宗嘉靖九年。從祀。

歐陽修墓在開封府鄭縣西。  
湖書院在鳳陽府懷遠州西湖之北。

先儒胡子名瑗。字翼之。海陵人。年十三。通五經。門人稱爲  
安定先生。以布衣對崇政殿。除湖州教授。以經義治事。  
名其齋曰經義者。所以經乎仁義禮樂。終倫之義。明  
其體也。曰治事者。所以治乎水利兵農。筭數之事。適其  
用也。擢侍講。留主太學。士出其門者數千。卒。謚文昭。明  
世宗嘉靖九年。從祀。

初瑗墓有二。一在湖州府城南。一在如皋縣安定鄉。  
安定書院有二。一在湖州府治西。一在泰州城西。

先儒周子名敦頤。字茂叔。世居道州營道縣濂溪之上。著  
太極圖。又著通書四十篇。爲南安司理時。通判程珦使  
二子頤。頤往受業焉。宋寧宗嘉定十三年。賜謚曰元。理  
宗淳祐元年。封汝南伯。從祀。元文宗至順二年。封道國  
公。明景泰六年。以裔孫周冕爲翰林院五經博士。世襲。  
周敦頤墓在九江府城南清泉社。周濂溪祠有兩。一  
在南昌府府治南陽山麓。一在九江府城南廬山麓。一  
在永州府道州學內。一在寶慶府學。宗濂書院在南  
昌府。太極書院在順天府。道源書院在南安府學。  
東山書院在寶慶府城東。濂泉書院在廣州府。  
元公書院在潮州府學西。湘江書院在韶州府城北。  
明子崇南麓。三洲書院在肇慶府德慶州三洲巖畔。  
濂溪書院有七。一在肇慶府四會縣北金崗山麓。一  
在肇慶府陽江縣學東。一在鎮江府丹徒縣東南舊在  
黃鶴山下。明正統間移此。一在鎮江府鎮江縣東。一在永  
州府道州學西。一在武昌府。  
學南。一在重慶府合州學南。  
先儒程子名頤。字伯淳。河南人。珦之子也。宋嘉祐進士。歷

官宗正寺丞。卒年五十四。文彦博題其墓曰明道先生。  
寧宗嘉定十三年。賜諡曰純。理宗淳祐元年。封河南伯。  
從祀。元文宗至順二年。封豫國公。國朝康熙十年。詔  
以嫡裔宗昌襲翰林院五經博士。

程明道墓在河南府城南。明道祠有二。一在開封府  
扶溝縣。一在澤州城。二程書院在黃州府黃陂縣舊  
臺山麓。

先儒程子名頤。字正叔。明道之弟。游太學。胡瑗與之。舉進  
士。廷試報罷。遂不復試。英宗神宗朝。大臣屢薦。皆不起。  
哲宗即位。司馬光呂公著共疏其行義。詔以為西京國  
子監教授。力辭。元祐元年。召對。權崇政殿說書。崇寧五  
年。致仕。時易傳成書已久。寢疾。始以授尹焞。張繹。卒。  
七十五。世稱為伊川先生。寧宗嘉定十三年。賜諡曰正  
理。宗淳祐元年。封伊陽伯。從祀。元文宗至順二年。封洛  
國公。明代宗景泰六年。以十七世孫克仁為翰林院五  
經博士。世襲奉祀。國朝康熙十年。詔其裔孫延祀復  
襲博士。

程伊川墓在河南府城南。北嶽書院在東。  
慶府涪州北。伊川書院在河南府嵩縣北。

先儒邵子名雍。字堯夫。河南人。北海李之才聞其好學。嘗  
造其廬。授以河圖洛書。虛幾八卦。六十四卦圖。雍探賈  
索隱。妙悟神契。多所自得。著皇極經世一書。司馬光呂公著

諸賢相從遊。程頤初侍其父識。堯夫退而嘆曰。堯夫  
內聖外王之學也。所著書曰皇極經世。觀於內外篇。淵  
樞問對。擊壤集。贈秘書省著作郎。哲宗元祐中。賜諡康  
節。度宗咸淳三年。從祀。封新安伯。明神宗萬曆四十五  
年。巡按河南御史張至發奏。照程氏例。以父邵古擬配  
啓聖公。二十六世孫邵南擬授博士。

邵雍墓在河  
南府嵩縣北。

先儒張子名載。字子厚。世居大梁。父迪。知涪州。卒。諸孤幼。  
不克歸。僑寓于郿縣橫渠鎮。南。因家焉。宋嘉祐進士。蒞  
官。以敦本善俗為先。熙寧九年。出所撰正蒙示門人。又  
作西銘。呂大防薦之。乃詔知太常禮院。與有司議禮不  
合。復以疾歸。行次臨潼。卒。年五十有八。世稱橫渠先生。  
寧宗嘉定十三年。謚曰明。理宗淳祐元年。封郿伯。從祀。  
張橫渠墓在郿縣東南。南軒祠在長  
沙府湘鄉縣。橫渠書院在郿縣東。

先儒司馬子名光。字君實。夏縣涇水鄉人。以進士累官尚  
書左僕射。兼門下侍郎。薨。贈太師。封溫國公。謚曰文正。  
嘗自言。我無過人者。但平生所為。未嘗有不可對人言  
者耳。陝洛間。皆化其德。有文集八十卷。資治通鑑三百  
二十四卷。考異三十卷。歷年圖七卷。通曆八十卷。稽古  
錄二十卷。本朝百官公卿表六卷。翰林詞章三卷。註古



文孝經一卷、易說三卷、註繫辭二卷、註老子道德論二卷、集註太元經八卷、大學中庸義一卷、集註揚子十三卷、文中子傳一卷、河外諸日三卷、書儀八卷、家範四卷、續詩話一卷、遊山行記十二卷、醫問七篇、度宗咸淳三年從祀。

司馬光墓在夏縣西北鳴條岡。溫公書院在夏縣學東。涑水書院在汝寧府光山縣西。

先儒楊子名時、字中立、將樂人。宋熙寧進士。時河南程顥與弟頤講孔孟絕學于熙豐之際、時調官不赴、以師禮見顥于穎昌、相得甚歡、其歸也、顥送之曰、吾道南矣。顥卒、又見程頤于洛、時頤偶臥坐、時與游酢侍立不去。既覺、則門外雪深一尺矣。杜門不仕者十年、後歷知湖陽、餘杭、蕭山三縣、遷荊州教授、除秘書郎、著作郎、右諫議大夫、兼侍講、國子祭酒、工部侍郎、龍圖閣直學士。凡所論列、皆切于世道。而其大者、則關王氏排和議、論三帥不可棄云。學者號曰龜山先生。卒、謚文靖。明孝宗弘治九年、封將樂伯、從祀。

楊時墓在將樂縣西山。文靖書院在長沙府瀏陽縣南。龜山書院有二、一在餘姚縣治南、一在常州府城東南。元設山長、一在將樂縣北龍池都封山麓。

先儒胡子名安國、字康侯、崇安人。宋紹聖進士、廷試、推明大學、以漸復三代為對。哲宗命再讀之、汪應龍善者數

四、親權為第三。授太學博士。五年、除徽猷閣待制。初、王安石廢春秋、不列于學官、安國謂先聖筆削之書、乃使人主不得聞講義、學士不得相傳習、亂倫滅理、殆由乎此。于是潛心刻意游泳、沉酣者三十年、及得伊川所作傳、益以自信。年六十一、而書始就、凡三十卷。高宗謂深得聖人之旨、進寶文閣直學士。紹興八年、卒、謚曰文定。有文集十五卷、資治通鑑舉要補遺一百卷。明英宗正統元年、從祀。憲宗成化三年、封建寧伯。

胡安國墓有二、一在安陸州富陽縣北、其父淵墓亦在縣北漳濱鄉。一在長沙府湘潭縣陰山。文定書院在崇安縣西。碧泉書院在湘潭縣西。

先儒朱子名熹、字元晦、松之子也。世為徽之婺源人。舉進士、自筮仕以至屬績、五十年間、歷事四朝、仕于外者僅九考、立于朝者四十日。所著書有易本義、起蒙、書卦考誤、詩集傳、大學中庸章句、或問、論語孟子集註、太極圖通書、西銘解、楚辭集註、辨証、韓文考異。所編次有論孟集義、孟子指要、中庸輯畧、孝經刊誤、小學書、通鑑綱目、宋名臣言行錄、家禮、近思錄、河南程氏遺書、伊洛淵源錄。皆行于世。熹沒、朝廷以其大學、中庸、語、孟訓說立于學官。又有儀禮經傳通解、未脫稿、亦在學官。平生為文凡一百卷、生徒問答凡八十卷、別錄十卷。嘉泰初、除華



文淵付制。嘉定中，謚曰文。寶慶二年，贈太師，封信國公。紹定三年，改封徽國公。淳佑元年，從祀。元順宗至正二十二年，改封齊國公。明景泰六年，以建安縣九世孫朱挺爲翰林院五經博士，世襲奉祀。

朱文公墓在建寧府建陽縣西北嘉禾里九峯山下大林谷。朱文公祠有二：一在建安縣紫霞洲上一，在徽州府婺源縣紫陽書院在徽州府治東。考亭書院在建陽縣西三桂里。同文書院在建陽縣崇化里。武夷書院在建寧府崇安縣武夷山宋設山長。湛虛書院在建寧府松溪縣西。南溪書院在延平府尤溪縣南。石井書院在泉州府晉江縣石井鎮。龍江書院在漳州府晉江縣。潭山書院在漳州府龍溪縣。長。嶺山書院在紹興府臥龍山之陽。桐江書院在台州府仙居縣西。石門書院在處州府青田縣石門洞。美化書院在處州府縉雲縣東。獨史書院在縉雲縣東。白鹿洞書院在南康府贛山五老峯下。臨汝書院在撫州府西南。東山書院在饒州府餘干縣冠山左。汾州書院在建陽縣西。寒泉精舍在建陽縣將天湖之陽。駒庵在建陽縣臨溪之嶺。

先儒呂子名祖謙，字伯恭，宋人。其先萊人，祖好問，隨高宗南渡，始居婺州。祖謙自四世祖希哲從程頤游，以儒行名于世。舉宋興隆進士，除太學博士，累官著作郎，兼國史院編修。以疾請祠歸卒。朱熹書其墓曰：東萊先生之墓。有考定古周易書說、關範、官箴、懋志錄、歐陽公本末，皆行于世。寧宗嘉泰八年，賜謚成。理宗嘉熙三年，改謚忠亮。景定二年，封開封伯，從祀。

呂祖謙墓在金華府武義縣東。呂成公祠在金華府錢塘。麗澤書院在金華府東北。東萊書院有二：一

在萊州府西南，一在長沙府醴陵縣北。

先儒陸子名九淵，字子靜，金谿人。宋乾道進士，累官知荆門軍，嘗與王順伯論儒釋書曰：儒者皆主于經世，釋氏皆主于出世。或勸子靜著書，曰：六經著我，我著六經。又曰：學苟知道，六經皆我註脚。卒，謚文安。有詩文語錄傳世。明世宗嘉靖九年，從祀。

陸九淵墓在處州府龍泉縣朱渡之下。陸象山祠在廣信府貴溪縣三峯山，明增祀其兄九韶。九韶爲三先生祠。陸文安公祠在荆門州西。象山書院在貴溪縣西南。

先儒張子名栻，字敬夫，綿竹人。忠獻公浚之子也。師五峯胡宏，以古聖賢自期，作希顏錄，以陸補承務郎。紹興間，忠獻出督奏，栻克機宜，以軍事入見，上異之，除直秘閣。五年，除秘閣修撰，荆湖北路轉運副使，改知江陵府，安撫本路。栻自以不得其職，求去，詔以右文殿修撰提舉武夷山冲祐觀，病且死，猶手疏勸上親君子，遠小人，信任防一己之偏，好惡公天下之理。天下傳誦之。所著論語孟子說、太極圖說、洙泗言仁、諸葛武侯傳、經世紀年行世。學者稱爲南軒先生。寧宗嘉泰八年，賜謚宣。理宗景定二年，從祀，封華陽伯。

張南軒墓在長沙府寧鄉縣西。城南書院在長沙府城南臨湘門外。南軒書院有二：一在萊州府東湖上，一在衡州府。





先儒蔡子名沆，字仲然，建陽人。西山元定之子也。少從朱元晦游。元晦晚欲著書傳，未及為，遂以屬沆。洪範之數，學者久失其傳，西山獨心得之，然未及論著，曰：「成吾書者，沆也。」沆受父師之托，成書傳及洪範皇極內篇，世稱九峯先生。明英宗正統元年，從祀。諡文正。憲宗成化三年，封崇安伯。

遺字書院在建陽縣西北九峯下。

先儒真子名德秀，字景元，浦城人。宋慶元進士，累官戶部尚書。以大學衍義進，復陳所天永命之說，改翰林學士，知制誥。逾年，拜參知政事，進資政學士，提舉萬壽觀兼侍讀。卒，贈銀青光祿大夫，諡文忠。世稱西山先生。所著西山甲乙稿、對越甲乙集、經筵講義、端平廟議、獻忠集、江東救荒錄、清源雜誌、星沙集志、文章正宗、唐書考疑、心經政經等書行世。明英宗正統元年，從祀。憲宗成化三年，封浦城伯。

真德秀墓在浦城縣南孝梯里。其德秀祠在長沙府。西山精舍在浦城縣東。

先儒許子名衡，字仲平，河內人。聞姚樞以道學自任，乃詣蘇門見之。樞授以伊川易傳、晦菴四書集註，或問及小學書，衡讀之，遂手寫而還。謂學者曰：「昔所授受，殊孟浪也。」元憲宗四年，世宗出王泰中，召為京兆提學。至元八

年，召為集賢大學士，兼國子祭酒。史臣謂其設教之力，千古一見云。卒，年七十二。成宗大德二年，贈司徒，諡文正。武宗至大二年，追封魏國公。仁宗皇慶二年，從祀。

許衡墓在懷慶府修武縣西北。其祠在開封府新鄭縣學。魯齋書院在西安府咸寧縣治東北。

先儒薛子名瑄，字德溫，河津人。明永樂進士，累官禮部左侍郎，兼學士，入內閣，致仕。居家八年，從學者日益眾。每以聖賢為師，復性為教。所著有讀書錄、續讀書錄、河汾詩集、文集行世。卒，世稱敬軒先生。贈禮部尚書，諡文清。穆宗隆慶五年，從祀。

薛瑄墓在河津縣西。薛文清祠在濟南府城內古明河之上。

先儒陳子名獻章，字公甫，新會人。舉廣東鄉試，聞江右吳康齋講伊洛之學，往從之游，遂棄其學而學焉。憲宗成化二年，游太學，刑祭酒讓試和楊龜山此日不再得詩，大驚服。五年，復上禮部，不第，遂歸隱白沙。特授翰林檢討，學者稱為白沙先生。神宗萬曆十二年，從祀。

先儒胡子名居仁，字叔心，餘干人。幼受春秋為舉子業，厭去之。聞吳康齋講學于崇仁里，徒步往從之游。其學以王忠信為本，求放心為要。謂聖學始終在敬，因以敬名齋。所著有居業錄、敬齋集。神宗萬曆十二年，從祀。

先儒王子名守仁，字伯安，餘姚人。吏部尚書華之子也。明



儒藏

弘治進士、累官巡撫、都御史。世宗嘉靖改元、詔錄平寇  
 濠功、封新建伯、兼南京兵部尚書。六年、征岑猛黨、因平  
 八寨、臥病、乞致仕、行至南安卒、歸葬橫溪、世稱陽明先  
 生。平生以致良知爲主、所著述有傳習錄、文錄行世。穆  
 宗隆慶中、贈侯、謚文成。神宗萬曆十二年、從祀。  
 陽明先生祠在餘姚縣龍泉山。王文成公祠在南昌府大忠祠右。陽明書院有三：一在池州府化成寺西、一在贛州府贛縣濠溪書院後、一在辰州府東。

啓聖祠配享從祀

按自唐以來、以顏、曾、思、孟配享、坐堂上、而顏子之父無  
 繇、曾子之父黜、子思之父鯉、皆坐廡下、其失在尊崇子  
 而抑父。明孝宗弘治元年、吏部尚書王恕請立廟配啓  
 聖王、以杞國公無繇、萊蕪侯黜、泗水侯鯉、邦國公孟孫  
 氏配享。永年伯程珌獻靖公朱松從祀。禮官議不合、遂  
 已。十四年、侍郎魯鐸復請如前、亦不合。已。世宗嘉靖九  
 年、從輔臣張璁議、詔兩京國子監并天下學校各建啓  
 聖公祠、祀啓聖公、以顏無繇、曾黜、孔鯉、孟孫氏配享。程  
 珌、朱松、蔡元定從祀。神宗萬曆二十二年、禮部覆准郭  
 惟賢等疏、添入周輔成從祀。

先賢顏氏名無繇、字路。家語作顏。少孔子六歲。唐玄宗開

元二十年、封杞伯、從祀。宋真宗大中祥符二年、封曲阜

侯。元順帝元統三年、封杞國公、謚文裕。妻姜氏杞國夫

人、謚端獻。明世宗嘉靖九年、配享啓聖祠、改稱先賢顏

氏。以後三賢改

祀國公墓在曲阜縣城東二十里復聖墓西北。

先賢曾氏名黜、字子皙。史記無。少孔子六歲。唐玄宗

開元二十七年、封宿伯、從祀。宋真宗大中祥符二年、封

萊蕪侯。

曾替墓在兗州府費縣西南南成山。

先賢孔氏名鯉字伯魚。宋徽宗崇寧元年封泗水侯。度宗

咸淳三年從祀。

先賢孟孫氏三遷志名激字公宜。元仁宗延祐三年封邾

國公。妻仇氏爲邾國宣獻夫人。宋際日孟子之父名與

祀典曰孟孫氏魯之以孟孫

稱者多矣似宜改而正之。

孟父毋墓在邾縣馬鞍山之陽。孟母祠在邾縣城南。

孟母廟在兗州府陽穀縣東北四十里。孟母故宅

有二一在邾縣馬鞍山之西今名付村一在太

原府榆次縣相傳孟母井人也其地有三從鄉。

先儒程氏名珦字伯溫二程子顥願之父也。宋仁宗錄舊

臣後授官知冀州累轉大中大夫封永年伯。明嘉靖從

祀。

河東書院在黃州府治東。

先儒朱氏名松字喬年朱子熹之父也。歷司勳吏部郎出

知饒州請祠家居。元順宗至正二十一年謚獻靖。二十

二年封齊國公。明嘉靖從祀。

朱松墓在崇安縣西塔山後遷縣東南寂歷一山。夫人墓在建陽縣崇泰里後山天湖之陽。

先儒蔡氏名元定字季通蔡子沉之父也。宋隱士。寧宗嘉

定三年贈迪功郎謚文節。學者尊之曰西山先生。所著

有大衍詳說律呂新書燕樂原辯皇極經世太玄潛虛

指要洪範解八陣圖說。明嘉靖從祀。

先儒周氏名輔成周子敦願之父也。宋進士終桂嶺縣令。贈諡議大夫。明萬曆從祀。

改祀於鄉

林放字子丘，魯人。唐封清河伯，宋封長山侯。明世宗以家語史記俱不載弟子列，改祀。九思曰：林放問禮之本，德修焉，辨惑子曰：善哉！問語氣相似，且曾謂泰山不如林放乎？指其名而稱之意，林放或是門人。今徒以家語史記弟子列傳無林放姓名，遂改其祀，似亦未確。

蘧瑗字伯玉，衛人。唐封衛伯，宋封內黃侯。明世宗以孔子之所嚴事者，不當在弟子列，改祀。

蘧伯玉墓在大名府開州長垣縣南，墓傍有祠。

鄭玄字康成，東漢北海高密人。所註禮記六十三卷，周禮四十二卷，儀禮十七卷。唐從祀，宋封高密伯。明世宗改祀。

呂元善曰：傳經功大，復鮮其祀。且稱懿行君子，宜復其祀。

鄭衆字仲師，東漢開封人。有功諸經，聞杜子春能讀周禮，往受業焉。為周官傳。唐從祀，宋封中牟伯。明世宗改祀。

盧植字子幹，東漢涿州人。受學于馬融，有功諸經。唐從祀。

宋封良鄉伯。明世宗改祀。

服虔字子慎，東漢河南滎陽人。註春秋左氏傳。前漢書。唐從祀，宋封滎陽伯。明世宗改祀。

范甯字武子，晉鄆陵人。註春秋穀梁傳。唐從祀，宋封新蔡伯。明世宗改祀。

罷祀

公伯寮字子周，魯人。唐封任伯，宋封壽張侯。明世宗以烈子路沮孔子，罷祀。

秦冉字開蔡，人。唐封彭衙伯，宋封新息侯。明世宗以家語不載，疑史記誤書，罷祀。

顏何字冉，魯人。唐封開陽伯，宋封堂邑侯。明世宗以家語不載，疑史記誤書，罷祀。

呂元善曰：按顏子世家云：顏氏祖述者七十二人，顏居其八。顏無繇，顏回，顏幸，顏高，顏門徒升堂者七十有二。顏氏居八，又顏真卿，亦稱仲尼。孔門達者，顏氏有八。名同世家。明嘉靖九年，張聰引程敏政之議曰：秦冉，顏何不載于家語，而史記載之，疑亦為字畫相近之誤。遂奏罷其祀。今冉雖別無可考，以索隱世家之推，真卿說考之，則何為子淵之族，其不當罷祀也明矣。以未定之說，黜已祀之賢，舉而祀之，尚有差來。

荀况字卿，周末趙人。作荀子三十篇。宋封蘭陵伯。明世宗以言性惡，罷祀。

楊雄字子雲，漢蜀郡成都人。作法言。宋封成都伯。明太祖以事王莽，罷祀。

戴聖字次君，漢梁人。唐從祀，宋封楚丘伯。改封考成伯。明世宗以職吏，罷祀。

九思曰：今學宮所列禮記，乃戴聖戴禮亦駁雜，皆不載中庸大學中庸大學皆載之，戴聖禮記班固漢書何武傳所載聖賢狀，恐非聖事。以前志乘考之，聖未嘗為九江太守，九江太守乃其兄戴德。今大戴禮中明載漢九江太守戴德撰其說，德為聖明。



儒藏

矣。最聖傳禮之功。觀諸生於大宜口。加考核。仍復其祀。不然亦當祀于鄉。

劉向字子政。漢之宗室。作說苑。新序。唐從祀。宋封彭城伯。明世宗以誦神仙方術。罷祀。

賈逵字景伯。東漢扶風平陵人。父周。禮子注。子春。有禮解。又著經傳義詁論難。唐從祀。宋封岐陽伯。明世宗以附會圖讖。罷祀。

馬融字季長。東漢扶風茂陵人。註詩。易。三禮。尚書。唐從祀。宋封扶風伯。明世宗以黨附勢家。罷祀。

何休字邵公。東漢任城樊人。註春秋公羊傳。唐從祀。宋封任城伯。明世宗以註風角等書。罷祀。

王肅字子雍。魏東海郟人。善賈馬之學。爲尚書。詩。論。語。三禮。左氏解。及撰定父朗所作易傳。唐從祀。宋贈司空。明世宗以爲司馬師畫策篡位。罷祀。

王弼字輔嗣。魏山陽人。注易九卷。唐從祀。宋封偃師伯。明世宗以宗旨老莊。罷祀。

杜預字元愷。晉京兆杜陵人。註春秋左氏傳。唐從祀。宋贈司徒。明世宗以建短喪。罷祀。

王安石字介甫。宋臨川人。徽宗崇寧三年。謫寧波。政和三年。追封舒王。欽宗靖康元年。以其學術之誤。議國害民。罷祀。降居從祀之列。明宗淳祐四年。續從祀。按安石子

配享降居從祀之列。明宗淳祐四年。續從祀。按安石子

年封臨川伯。從祀。詳熙寧四年。去劣書像。

吳澄字幼清。元江西撫州崇仁人。有孝經章句。易春秋。禮記纂言。學基。學統等集。行世。明英宗正統八年。封臨川郡公。世宗以忘宋事。元。罷祀。

校記

①懷：當作「思」。

②國：當作「圖」。

③起：當作「啓」。

④議：當作「義」。

⑤興隆：當乙。

⑥著：當作「注」，下同。

⑦廬：當作「蘆」。

⑧一：當衍，見朱熹《遷葬記》。



關里廣誌卷之九

職官誌

叙曰、敬喬木者愛其枝葉、美侯度者頌其美直、報德懷無已之心、而象賢有備官之典、澤及支庶、慎簡乃條、此誠近世之宏規、聖門之盛事也。古者列侯必親治民、故唐以衍聖公兼泗水令、或交州長史。然遷轉改調、不恒厥職。至金章宗有世襲曲阜令之詔、然令印公也。元末始或分職、明室定制、以上公專奉宗廟、不親細務、備薦宗英、典司百里、久任有效、坐致崇階。又以翰博王沂國之壘、學錄端緒堂之模、尼山洙泗、近接宮牆、太末儀封、遠分光耀、家長舉事、冠帶駿奔、此同姓之職官也。四氏學教授以教賢裔、管勾職賦、典籍職書、司樂職樂、此異姓之職官也。均爲江漢之派、別號沱潛、凡茲是繹之峯、俱拱秦岱、煌煌巨典、不可湮已、作職官誌。

曲阜縣世職知縣

按史、漢以前、曲阜爲魯國、故有從事督郵之官。隋改爲曲阜縣、以後則有令。至宋、以京朝官知縣事、故有以殿中丞知縣事者、有以光祿丞知縣事者。真宗祥符二年、改曲阜爲仙源。仁宗皇祐三年、詔今自仙源縣官、復于孔氏子孫中選用。徽宗崇寧間、又詔文宣王後當聽一

人注兗州仙源縣官。故有丞、有簿、有尉、大抵皆世官也。金天會七年、改仙源仍爲曲阜。金末、及元時、常以衍聖公兼知縣事、故有世襲縣尹。至明洪武七年、改爲世職、俱應衍聖公保舉族人之賢者各部選授。國朝因之。

漢

謝字君德、元帝永元間爲縣從事。

浮、延熹中任東魯督郵。

綱、延熹中任東魯督郵。

承、延熹中任東魯督郵。

唐

昭儉、累宰曲阜。詳具宗子。

緒、溫裕子、任曲阜令。

後唐

仁玉、任曲阜主簿。兩考滿陞縣令。詳具宗子。

後周

仁玉復任曲阜令、兼監察御史。

宋

宜、乾德四年、任曲阜主簿。詳具宗子。

延世、至道三年、任曲阜主簿。真宗初、召端奏管見、改授

曲阜令。詳具宗子。

昂字自牧仁玉少子。雍熙二年進士。以殿中丞通判廣州。累遷秘書監。祥符二年以太常博士知仙源縣事。後以尚書工部侍郎致仕。卒年八十九。贈吏部尚書。

道輔初名延範字原鼎。幼長子。宋咸平元年進士。為寧州軍事推官。數與州將爭事。有蛇出天慶觀真武殿中。一郡以為神。州將率官屬往奠拜之。欲上其事。道輔徑前以笏擊其首。祥符九年遷大理寺丞。知仙源縣。主管祠廟事。再遷太常博士。章獻太后臨朝。召為左正言。未幾除右司諫。龍圖閣待制。奉使契丹。歷知青州。徐州。御史中丞。後出知泰州。徙徐州。又徙兗州。進龍圖閣學士。遷給事中。復為御史中丞。寶元二年出知邠州。行至韋城。病卒。年五十四。仁宗思其忠。特贈尚書工部侍郎。累贈司空。太尉。開府儀同三司。

良輔字師範。幼次子。仙源主簿。歷大理丞。太子中舍。宗愿寶元二年知仙源縣。詳具

聖祐天禧五年以光祿丞知仙源縣事。詳具

宗亮字君亮道輔長子。嘉祐四年進士。慶曆五年以匠作監丞知仙源縣事。累官中散大夫。上柱國。開國伯。食邑七百戶。賜紫金魚袋。致仕。特進少師。皆祥符。彥輔字德甫。昂少子。年十八任仙源縣主簿。遷將作監

主簿。嘉祐十五年服闋。知仙源縣。累官國子博士。宗禎慶曆五年以將作監丞知仙源縣。

宗翰字周翰。道輔次子。以父任為將作簿。復登進士。嘉祐元年知仙源縣。通判陵州。陞夔峽轉運通判。提點京東刑獄。知虔州。遷司農少卿。鴻臚少卿。進刑部侍郎。洵嘉祐四年以屯田員外郎知仙源縣。詳具宗壽良輔子。治平四年任仙源主簿。紹聖元年知縣事。承議郎致仕。

宗質從事郎。仙源縣丞。

若蒙熙寧元年任仙源主簿。詳具

若升字公漸。舜亮長子。元豐元年任仙源主簿。歷沂州新泰令。嘗修祖廟。贈朝奉大夫。

若古一名字世文。舜亮第三子。宋元祐四年任仙源縣主簿。十八年改仙源縣尉。建炎四年同端友處從高宗南渡。寓居衢州。率族人拜疏闕下。叙家門故事。知邠州。錫強扶弱。吏民畏服。知陝州。平賊寇。以功進秩。又知撫州。適建昌卒。開單車往諭。至則帖然。進續白氏六帖三十卷。文樞要紀。詔送秘書省。又著孔子編年三卷。東家雜記二卷。杉谿集。官至中散大夫。贈中奉大夫。年七十五卒。葬衢州府城北孝悌里。





若谷字公應、舜次子。大觀二年、文林郎、仙源縣丞。以右朝散郎致仕。

宗哲一名若哲字公智。崇寧三年、補進功郎。大觀三年、從事郎、交州觀察推官。政和三年、仙源縣丞。

堉、沈子。宣和五年、以通直郎任仙源縣丞。

端問字子誠。若古子。宣和七年、以進功郎任仙源縣丞。

歷從仕郎、洪州奉新縣丞。普州集。

元用、寶慶元年、宋平山東、以通直郎任仙源縣令。詳其宗子。

金

若鑑、字公謹。金天會八年、以進功郎任曲阜主簿。奏免

賜田稅課。

瑀、字湯光。皇統二年、以登仕郎任曲阜主簿。

瓊、皇統五年、以將仕郎任曲阜主簿。

玖、天德二年、以忠勇校尉任曲阜尉。

思遠字進道。金世宗大定初、任曲阜令。歷曹州教授、左

三部照磨、大樂署丞、轉署今太常禮儀院判、進階奉直

大夫。奏祖廟雅樂不備、許乘傳浙西、造登歌雅樂三獻

法服送祖廟。常著大元樂書若干卷。

總、大定二十二年、兼曲阜令。詳其宗子。

克昌、字若夫。太常寺禮儀院照磨、武備寺知事。承安二

年、任曲阜令。

元

元用、太祖十五年、木華黎平山東、承制以故宋縣令世襲曲阜令。

之全、乙酉年、兼曲阜令。詳其宗子。

治、中統元年、以曲阜管民長官改曲阜令。詳其宗子。

思誠、字治道。治子。至元二十二年、襲曲阜縣尹、歷官國

子監丞、安慶推官、知恩州、湖北憲司僉事、朝列大夫、濮

州尹。

濟、字世美。之全第三子。延祐二年、以承仕郎任曲阜縣

尹。

思凱、字恒道。國子生。至治二年、襲縣尹。

克欽、字敬夫。至元四年、襲縣尹。

希大字士功。至正十二年、以從仕郎襲縣尹。十八年、改

秘書郎、中書省祿承直郎、翰林院都事、調承德郎、大都

正府都事。

希章、字士惡。至正二十三年、以從仕郎襲縣尹。

明

希大、洪武元年、以故元縣尹起、改承事郎、仍授曲阜縣

知縣。七年、坐罪廢。



克仲字剛夫。洪武七年，衍聖公希學同族人思矩等赴京，保舉克仲堪任知縣。太祖召見，命賦將山詩。須臾詩成，曰：「歷盡羣山素有名，巍巍雄峙峙崑崙。數峯碧玉朝天闕，一帶螺屏映帝京。雲竇雨晴龍虎見，月巖風暖鳳凰鳴。應知聖主無疆福，日聽崑崙萬歲聲。」太祖大喜，笑曰：「莫說你別才調，只這首詩也該與你個知縣做。」遂領敕赴任。

克幣字耕夫。洪武十五年，領敕赴任。

希文字士周。元教授。洪武十七年，領敕赴任。

希範字士則。洪武二十八年，領敕赴任。

克中字正夫。永樂九年，領敕赴任。宣德元年，敕封文林郎。

公鏞字聲聞。宣德九年，保舉除授，敕封承事郎。

讓字蘊伯。景泰元年，保舉除授，敕封文林郎。

公鑑字賜文。景泰庚午，舉人。天順五年，保舉除授，敕封文林郎。加銜兗州府通判。

贊字理伯。成化八年，保舉除授，敕封文林郎。加銜兗州府通判。

希永字士毅。國子生。成化二十三年，保舉除授。

彥士字朝臣。成化丁酉舉人。弘治二年，保舉除授，敕封

文林郎。

承潤字永道。正德元年，保舉除授。

承夏字永功。國子生。幼喪父彥允，事母至孝，奉旨旌表。正德五年，保舉除授。

公統字一文。正德十一年，保舉除授。

承震字永器。弘治戊午舉人。嘉靖元年，保舉除授，敕封文林郎。

公珏字聚文。國子生。嘉靖十一年，保舉除授，敕封文林郎。

公澤字仁文。嘉靖二十一年，保舉除授。

承業字永基。嘉靖二十五年，保舉除授，敕封文林郎。

弘節字以仕。歲貢。嘉靖四十二年，保舉除授。

承厚字永載。彥衡子。原膳生員。隆慶三年，山東撫按薦舉孝行除授。

弘復字以誠。原膳生員。萬曆元年，撫按考選，送部除授。五年，考滿陞濟寧州知州。九年，誥封奉直大夫。十四年，陞東昌府同知。二十二年，陞山東都轉鹽運使司同知。

俱仍管縣事。

貞教字（圖）。原膳生員。萬曆二十二年，撫按考選，送部除授。二十八年，改常州府儒學教授。三十二年，陞京南

武學教授。三十五年，仍陞曲阜縣知縣候缺，尋致仕。

貞叢字茂所，廩膳生員。萬曆二十七年，撫按考選，送部

除授。三十一年，敕封文林郎。三十四年，陞沂州知州。四

十年，陞東昌府同知。四十三年，陞山東都轉鹽運使司

同知，俱仍管縣事。四十七年，致仕，加銜運使。

聞簡字臨寰，廩膳生員。天啓元年，撫按考選，除授，加銜

東昌府通判。

弘毅字遠泉，廩膳生員。崇禎二年，撫按考選，除授。

貞堪字月生，廩膳生員。崇禎 年，撫按考選，除授。

國朝

胤淳字震澤，廩膳生員。順治元年，衍聖公保舉，各部除

授。四年，加銜東昌府通判。十四年，加一級。康熙元年，加

一級。六年，加一級。

世襲翰林院五經博士

述聖子思子書院在兗州府鄒縣南門外，傳名中庸精

舍，相傳即孟子受業處也。元設山長一員。明弘治十六

年，衍聖公聞部奏准，世以衍聖公次子襲翰林院五經

博士，奉子思子書院祀事，每歲春秋一祭。博士赴鄒縣

主祭。國朝因之。

元山長

渙。

思賢。

明博士

聞詩字知言，弘泰長子。弘治十六年襲。

聞禮字知節，弘緒次子。正德元年襲。

貞寧字致用，聞韶次子。嘉靖二十五年襲，贈衍聖公。

胤桂字 尚賢次子。萬曆二十二年襲。

胤隆字懋德。天啓四年借襲。

尚達字 崇禎元年借襲。

胤相字 崇禎 年借襲。

胤錫字 崇禎十四年借襲。

胤鉅字泗寰。崇禎十六年借襲。順治九年，改太常寺博

士。

國朝

魏麟字

順治七年借學。

魏瑛字壽石康熙年借學。

世襲太常寺博士

先聖宰治中都中都今汶上縣也。向建聖澤書院設山長一員。明弘治十六年題准世以衍聖公第三子襲太常寺博士主祀事。國朝因之。

元山長

思範。

明博士

國朝

胤銓字泗寰前五經博士。順治九年衍聖公興發題改。



儒藏

衢州世襲翰林院五經博士

先聖四十八代孫端友字子文宋徽宗崇寧三年襲封衍聖公建炎四年同叔父傳一名忠從高宗南渡寓居浙江衢州府西安縣遂家焉紹興二年權知湖州卒于任以姪玠嗣玠字錫老紹興二年授承仕郎襲封衍聖公六年詔權以衢州學爲孔氏家廟賜祭田五頃專主廟祀事子楮楮字季紳紹興二十四年襲封衍聖公孝宗淳熙間權知建昌軍浙東安撫使奏議子文遠文遠字紹先光宗熙寧四年襲封衍聖公遷判吉州子萬春萬春字耆年理宗寶慶間襲封衍聖公歷判衢州泉州內外宗正丞子洙洙字思魯景號存齋理宗淳祐中襲封衍聖公歷判衢州吉州平江信州元世祖至元十九年召赴闕欲令歸魯洙以廟墓在衢不忍舍去世祖曰寧違榮而不違親真聖人後也授國子祭酒提舉浙東道學校事子思許按自端友罷封自洙始思許字與道不仕子克忠克忠字信夫明太祖授福清州學正子希路希路字士正福州岳山書院山長子議議字文伯子公誠公誠字貴文鄉飲正貢子彥繩

五十九代彥繩字朝武孝宗弘治十八年衢州府知府沈

燕以衢州孔子家廟自孔洙讓爵之後衣冠祭酒泚同流俗奏准查勘孔端友嫡裔孔彥繩世授翰林院五經博士主奉祀事武宗正德元年吏部覆奏上從之子承美

六十代承美字永實正德十四年襲博士初宋理宗寶祐間衛守孫子秀請建孔子家廟于郡東菱湖之上元季燬于兵火明成祖永樂間禮部尚書胡公奏遷郡城南隅崇文坊武宗正德間廟圯且隘承美請遷于西安縣儒學舊址并建博士公署大學士謝遷爲文記之子弘章

六十一代弘章字以達嘉靖二十六年襲博士子開音

六十二代開音字知政萬曆五年襲博士子貞運

六十三代貞運字用行萬曆四十三年襲博士子尚軌

六十四代尚軌字

六十五代胤植字維周國朝

孔顏曾孟四氏學

按學魏黃初二年崇聖侯美創建。宋大中祥符二年殿中丞坊知縣事奏就廟側建學以訓孔氏子孫。軋興元年孫宣公守充請以楊光輔爲講書轉奉禮郎。元祐元年設教授學錄各一員。元中統三年詔立曲阜廟學設教授學正學錄各一員。明洪武元年設孔顏孟三氏子孫教授一員用異姓學錄一員用聖裔俱聽衍聖公咨部題用。萬曆十五年益以曾氏遂爲四氏學云。國朝因之。

宋教授

尹復秦元祐四年文潞公薦舉。

金

王元佐太原府錄事司人明昌時任。

聶天覺兗州錄事司人明昌時任。

郝無咎兗州錄事司人承安時任。

李詡淄州郎平縣人承安時任。

管之彥夏津人泰和時任。

元

楊庸進士中統時任。

王席珍平陰人中統時任。

張鎮導江人至元時任。

王不矜奉先莊平人延祐時任。

趙本立泰定時任。

陳東淄州長山人泰定時任。

張翰至順時任。

張惟賢至順時任。

蔡祐歷城人至元時任。

胡復性鉅野人進士至元時任。

肇字莘夫終場及第從仕郎以下五人俱聖裔世代未詳

汾由肥城教諭陞任。思賁字元道。

思遵字從道累陞嘉祥縣尹。

希聖字士賢陞都漕運司知事。

明

顏池字德裕洪武時任。

蔡平錢塘人永樂時任。

文時中四川人永樂時任。

張敏廣平人永樂時任。

裴侃清江人宣德時任。

江湜歙縣人正統時任。

江永清徽州人景泰時任。



田良、清苑人。天順時任。

鄧建、南城人。成化時任。

王琪、稷山人。舉人。成化時任。

毛憲、絳州人。舉人。弘治時任。

白敬、靜樂人。舉人。正德時任。

孫步武、曲阜人。舉人。正德時任。

李若愚、濟寧人。舉人。嘉靖時任。

郝組、餘姚人。貢生。嘉靖時任。

孫經、曲阜人。歲貢。嘉靖時任。

王克儉、寧陽人。歲貢。萬曆時任。

譚時、山海衛人。國子生。萬曆時任。

張珂、鄒縣人。歲貢。萬曆時任。

劉敬業、平陰人。生員。周卜世、膠州人。歲貢。萬曆時任。

王庭、潞化人。萬曆時任。

李可大、青郡人。萬曆時任。

馬希曾、餘姚人。舉人。萬曆時任。

馮嘉賓、栢鄉人。歲貢。天啓時任。

楊其善、永年人。歲貢。天啓時任。

吳應元、烏程人。歲貢。崇禎時任。

孫應登、泰安人。歲貢。崇禎時任。

陳佐舜、寶豐人。歲貢。崇禎時任。

國朝

王世祿、兗州人。生員。順治時任。

崔霞生、字赤城、淮安人。生員。康熙時任。

徐鵬驥、字遠公、泰安人。生員。康熙時任。

沙濱、字永清、蓬萊人。生員。康熙時任。

金元學正 俱聖裔

塘字德純。金貞祐進士。廟學正。陞萊州招遠縣主簿。  
之成字溫甫。山單父教諭。轉廟學正。陞費鄉二縣尹。  
撫字伯順。廟學正。

思永字常道。廟學正。陞河南省理問。東平路同知。

克仁字志夫。廟學正。

洵。廟學正。轉東平路儒學教授。

元量。廟學正。管勾祀事。

元順。字存之。廟學錄。

明學錄

克晏字堯夫。儒士。宣德時任。景泰庚午。陪祀太學。後兼  
孔庭族長。所著有巢愚稿行世。

論字經伯。儒士。景泰時任。

克晏字舜夫。儒士。天順時任。後兼孔庭族長。

克响字東夫。儒士。成化時任。後兼孔庭族長。

公璜字輔文。號北窓。迂叟。儒士。成化時任。修理祖廟。築

寢。考正家門典故。有文集行于世。

公杰字佐文。歲貢。正德時任。以子彥碩貴。贈武城中衛

經歷。

公鉉字舉文。歲貢。嘉靖時任。

彥衡字朝享。歲貢。嘉靖時任。

彥佩字朝鳴。歲貢。嘉靖時任。

承鎮字永周。首貢。嘉靖時任。

承作字永則。首貢。萬曆時任。

承似字。生員。萬曆時任。

聞諫字。首貢。萬曆時任。

聞評字。生員。泰昌時任。

弘養字。生員。崇禎時任。

國朝

聞然字。生員。順治時任。

尚璠字月懷。生員。順治時任。

貞燦字垣三。生員。康熙時任。陪祀觀禮。加一級。

貞絃字濟明。生員。康熙時任。





尼山書院學錄

元至順三年、襲封衍聖公思晦請復尼山書院。至元二年、左丞王懋德議設山長一員、以彭璠爲之。璠卒、益都路馬猶子繼任。後改用孔氏子孫。明洪武部議、仍元之舊。正德二年、衍聖公聞韶奏改山長爲學錄、秩視國子監。國朝因之。

元山長

思本、字正道。轉盤陽路學教授。

克信、字善夫。由泗水縣學教諭。

明山長

克綱、字弘夫。由豐縣學教諭陞任。

明學錄

彥章、字朝顯。正德時任。

弘鑑、字以珍。嘉靖時任。

胤和

興榮

弘謙、廩膳生員。崇禎時任。

胤統、廩膳生員。崇禎時任。

聞然、增廣生員。崇禎時任。

國朝

貞綱、字。生員。順治時任。  
興榮、字。生員。康熙時任。

洙泗書院學錄

元至元戊寅曲阜尹克欽請建洙泗書院設山長一員以緒識達爲之後改用孔氏子孫明洪武年間部議衍聖公保舉選授正德二年衍聖公周韶奏改山長爲學錄國朝因之。

元山長

濱。

思迅。

克昌陞曲阜縣尹。

希孟。

明學錄

彥選字朝元正德時任。

弘述字以傳嘉靖時任。

弘墳字

弘顯字以印萬曆二十七年除授國子監學錄兼攝林

廟舉事。

尚澄字崇禎時任。

國朝

尚阡字德俊生員康熙時任。

國子監學正

先師三十三代孫孔德倫唐封褒聖侯子河南寧陵縣敕建祖廟賜祭田十四頃有奇明正統九年詔遷廟于儀封嘉靖十四年題設國子監學正從衍聖公保舉族人之賢者各部題用專主祀事國朝因之。

明

承寅嘉靖時任。

尚林生員崇禎時任。

國朝

胤齊字殿寰生員順治時任康熙時陪祀加一級。

興發字肯垣生員康熙時任。



儒藏

管勾典籍司樂

初衍聖公府止設掌書一人。元延祐間，衍聖公思晦以書籍音樂無司之者，金穀無任出入者，請設管勾、典籍、司樂各一員，秩視國子監，且給管勾印。明洪武元年，禮部奏准，從衍聖公保舉，咨部銓用。國朝因之。

元管勾  
簡寶理。

明

秦聘，單縣人。官生，正德時任。  
徐雲鳳，曲阜人。生員，正德時任。  
馬相，費縣人。儒士，嘉靖時任。  
任應達，東阿人。儒士，萬曆時任。  
孫友穀，豐縣人。生員，天啓時任。  
吳大有，嶧縣人。生員，崇禎時任。

國朝

胡統辰，字象山，曲阜人。生員，康熙時任。  
王國光，字燦玉，歷城人。生員，康熙時任。

元典籍

明

王遵。

王壻，字景高，完縣人。官生，洪武時任，轉三氏學學錄。  
賈綱，字文紀，寧陽人。舉人，正統時任，陞國子監助教。  
許越，字節之，寧陽人。官生，成化時任。  
孫世忠，字良臣，濟寧人。生員，弘治時任。  
柴可棟，陽穀人。儒士，嘉靖時任。  
丁從，益縣人。儒士，嘉靖時任。  
錢汝芝，字瑞夫，山陰人。儒士，嘉靖時任。  
汪大通，永嘉人。生員，嘉靖時任。  
申養正，濟寧人。生員，萬曆時任。

國朝

桂存正，字蓮菴，曲阜人。儒士，順治時任。  
石琚，字佩明，曲阜人。生員，康熙時任。  
桂枝蕃，字康侯，曲阜人。生員，康熙時任。  
宋慶長，字簡臣，松江人。生員，康熙時任。

元司樂

思禮。聖裔。

明

鍼禮。濟寧人。儒士。弘治時任。

王言。國子生。弘治時任。

韓昇。濟寧人。生員。弘治時任。

李耕。濟寧人。生員。弘治時任。

楊泰。曲阜人。儒士。嘉靖時任。

閻巷仁。太安人。生員。嘉靖時任。

王登。曲阜人。儒士。嘉靖時任。

王端。濟寧人。生員。萬曆時任。

秦柏。東阿人。生員。萬曆時任。

國朝

梁時任。字。魚。音人。生員。康熙時任。

宋際。字。幾修。松江人。國子生。康熙時任。候補典簿。晉階

儒林郎。

家長舉事

宋崇寧二年。詔文宣王家選親族一名。刊。司簿尉事。此家長之名所由來也。至于舉事。則佐家長督理林廟。繼愆子孫者。

宋元家長

瓚。字。純長。四十九代。以白身最長。授迪功郎。

璣。迪功郎。

璣。迪功郎。池州石埭主簿。

珉。迪功郎。

琬。迪功郎。

璋。迪功郎。奉南嶽祠。

琯。從事郎。

璞。改名。迪功郎。奉南嶽祠。贈太子少傅。

撫。元武宗至大時。克三。歸官。

元祇。

元祿。前恩州教授。將仕郎。濟陽主簿。

明

涇。原名。字。世清。元興化路學正。累官翰林院檢討。官。洪

武時。衍聖公克堅。奏為族長。太祖召見。應對稱旨。賜藤

拐一枝。面諭主領家務。教訓子孫。



思楷。請修祖廟。同衍聖公曲阜尹士表謝恩。賜賚有加。

克賓。兼三氏學錄。

克胸。兼三氏學錄。

克勳。

克展。

希晟。

希琛。兼舉事。

希迪。

希瑄。兼舉事。

希瑾。

希場。

譚。世宗幸學觀禮。

詔。

譚。穆宗幸學觀禮。

公寵。

公寧。

公舒。

公源。兼舉事。神宗幸學觀禮。

彥軫。光宗思宗兩次幸學觀禮。

國朝

承賓子

弘存。字道立。歲貢。新城縣學訓導。



明象聖

希齡

公錄

公性

公璋

承流

承茂一日

弘超

貞璘。懷宗幸學觀禮。

弘順。洙泗書院學錄。

國朝

龐權。字仲衡。生員。

校記

①今自：據《欽定歷代職官表》卷六六，當作「自今」。

②「承議郎」前當脫「以」字。

③十八年：按元祐無十八年，此當有誤。

④此句疑誤。

⑤熙寧：當作「紹熙」。

⑥洮：當作「姚」。

⑦「諭」下當脫「任」字。

關里廣濟卷之十

名流誌

叙曰吾夫子肇濬靈源俯垂神緒當其時繼服于過庭繩武于負薪者尚已三千年來昭穆之胤雲耳之孫振振麟螭要皆梧桐之新枝蓂屨之似續也時中之軌固翹首莫企矣然被服祖訓淵摩家學得其一體列于四珍者代不乏人或班聯清貫白領爲能亢宗或器華明堂青箱足以秀世孰非聲華譜牒冠冕宗門者乎倘不指迷而臚列之將令寶貴齊伍于田儼鴻臚混迹于樸樾非所以昭先德而示遐裔矣詩云無念爾祖聿修厥德奕世濟美是又所望于後之幹蠱者云作名裔誌。

九代樹字子文鮒幼弟兄弟自爲師友

十代隨字元路鮒子承殷後爲宋公

聚一名字子產樹子爲漢高帝都尉以破項羽功封蓼

侯史所謂孔將軍居左是也謚曰嬰舊詩作惠

十一代臧聚子嗣蓼侯歷位九卿武帝時遷御史大夫著

書十篇賦二十篇

讓字子士爲孝惠帝博士遷長沙王太傅

安國字子國忠子年四十爲諫議大夫遷中博士臨

淮太守詳具先篇

十二代卬字子卬安國子傳家學尤善詩禮

琳臧子嗣蓼侯

十三代驩字子仲卬子善春秋三傳爲博士終弘農太守

黃琳子嗣蓼侯後坐事失侯

茂琳子大司徒光以其祖有功德而邑土廢絕乃分食

邑三百戶封爲關內侯

十四代立字子立驩子善詩書少遊京師與劉歆友善教

授數百人

宣聚之玄孫爲長安公仕宣帝元康四年詔復家

捷霸次子與弟喜並列校尉諸曹

衍漢成帝時爲博士終光祿大夫

光字子夏霸少子少舉議郎歷仕成哀平三朝凡爲御

史大夫丞相各再又爲大司徒太傅太師居公輔位前

後一十七年凡食邑萬一千戶封博山侯王莽權盛辭

位有孝經註一卷年七十薨謚曰簡昭列侯

吉隨玄孫成帝綏和元年詔求殷後分散爲十餘氏推

求其適不能得匡衡梅福皆以爲宜封孔氏爲湯後從

之封吉爲殷紹嘉侯三月與周後承休侯皆進爲公采

地百里

十五代元字子元立子校書郎

永光兄子。爲大司馬封寧鄉侯食邑千戶。

壽封合意侯。

放光子。歷侍郎。嗣博山侯。

何齊吉子。平帝元始四年封宋公。位在三公之上。食邑

一千七百六十戶。哀帝建平二年復益九百三十二戶。

十六代建字子建。元子。少遊長安。與崔篆友善。及篆仕莽。

因勸建仕。對曰。我有布衣之心。子有袞冕之志。各從所

好。不亦善乎。遂歸終於家。

奮字君魚。霸曾孫。後漢爲武都丞。遷太守。賜爵關內侯。

以清儉聞。

奇字子異。奮之弟。遊學洛陽。博通經典。尤善春秋。作左

氏刪。

尚鉅鹿太守。

安何齊子。光武建武五年。以殷後封紹嘉公。十三年。改

爲宋公。

十七代仁。建子。以文學爲議郎。遷博士。南海太守。

嘉奮子。官至城門校尉。作春秋左氏說。

方字廣平。豫州從事。

嘯字元矩。爲陳國相。

十八代豐。仁子。以學行聞。三府公贊司空。高第御史。章帝

建初元年。拜黃門侍郎。典東觀事。

蘇嘉子。南宋文帝元嘉三年。詔選爲百戶。掌禮器。以奉

先聖祀。

靖之東晉孝武帝太元十一年。封奉聖亭侯。奉宣尼祀。

書。

隱之封奉聖侯。

十九代儀字仲和。章帝初。拜郎中。令史。元和二年。帝東狩。

幸關里。祀夫子。大會孔氏男子六十三人。儀因自陳謝。

遂拜郎中。詔從還京師。令校書東觀。出爲臨晉令。

祖字延壽。魯相史。

詡字定伯。魯戶曹。

彪字元上。舉孝廉。除郎中。拜尚書侍郎。治書侍御史。博

陵太守。遷下邳相。終河東太守。

誦字仲助。魯相史。

扶字仲淵。漢陽嘉二年。拜博士。由太守爲司空。

翊字元世。舉孝廉。拜御史。遷中牟樂陽令。

術字子佑。魯相史。

宙字季將。後漢書作。舉孝廉。遷郎中令。泰山都尉。子七

二十代長彥。倍子。與弟季彥自爲師友。研精文典。十餘年

間。會生徒數百人。





季彥永初二年夏河南四縣雨雹大如斗上召見于德陽殿問故對曰此皆陰乘陽之微也今貴臣擅權母后黨熾陛下增修聖德慮此二者而已帝嘿然左右皆惡之季彥曰我豈容媚勢臣而欺天子乎歸老于家晨字伯時宙長子河南尹

融字文舉宙第六子辟舉高第爲侍御史嘗爲北海相立學校表顯儒術薦舉賢良獻帝時論者多欲復肉刑融建議寢之拜大中大夫曹操欲移漢鼎憚融不敢終爲所害年五十六魏文帝深好融文辭歎曰楊班儔也募天下有上融文章者輒賞以金帛所著詩頌碑文議論六言策文表檄教令書記凡二十五篇

淮爲功曹吏

讚字元賓樂道不仕

文魏大鴻臚

又字元儒魏諫議大夫

昱字元世少習家學盛帝卽位徵拜議郎補洛陽令以師喪棄官卒于家

謙字德讓宙子爲郡諸曹吏

伯序魯都督

二十一代暢建寧中爲科林

飯晉征南軍司馬

郁後漢冀州刺史

恂晉東平將軍衛尉

二十二代衍字舒元飯子晉元帝引爲安東參軍專掌記

室中典初補中書郎明帝在東宮領太子中庶子時庶

事草創衍經學深博又練識舊典朝儀軌制多取定焉

帝與太子竝親愛之王敦惡之出爲廣陵郡守以元帝

太興三年卒于官年五十三有春秋公羊集解十四卷

春秋穀梁集解十四卷漢尚書十卷後漢尚書六卷魏

尚書八卷漢春秋十卷後漢春秋六卷春秋國語二十

卷國志歷五卷石勒常騎至山陽敕其黨曰孔公儒雅

之士不得妄入郡境

猛從王肅學

潛字景微先居梁國爲後漢太子少傅避地會稽遂爲

山陰人

揚郁子爲博亭侯

二十三代啓衍子晉廬陵太守

竺字元慎潛子吳豫章太守

二十四代恬字公默竺長子吳侍中遷暫尚書晉湘東太

守

劉竺次子。吳尚書令。晉丹陽太守。

奕竺少子。全椒令。有惠政。

侯宋尚書祠部郎中。

二十五代倫。字敬康。恬子。愍帝建興初。始出應召。爲丞相

掾。時年五十。以辛秩功封餘干亭侯。贈車騎將軍。開府

儀同三司。謚曰貞。

黎侯子。秘書監。徵不就。

侃冲子。大司農。

倫奕長子。晉黃門侍郎。注儀禮。

羣字敬林。奕少子。晉御史中丞。

二十六代闕字須言。倫子。建安太守。散騎常侍。

汪字德澤。倫子。假節都督交廣二州諸軍從事。征虜將

軍。廣州刺史。

祇字承祖。爲晉郡功曹吏。

闕字安國。以字行。倫第六子。歷侍中。太常尚書。遷左僕

射。卒。贈左光祿大夫。

坦字君平。侃子。晉咸和爲尚書左丞。遷侍中。封晉安男。

加散騎常侍。贈光祿勳。謚曰簡。有集五卷。

嚴字彭祖。倫子。累遷尚書左丞。又以侯領尚書。有集五

卷。

惠雲。封奉聖侯。聖門

淳之。字彥深。黎子。居會稽剡縣。除著作佐郎。太尉。泰軍

竝不受。元嘉初。復徵爲散騎侍郎。乃逃于上虞界中。家

人莫知所之。

默之。黎子。注穀梁春秋。任廣州刺史。

沈字德度。有美名。辟丞相司徒掾。瑯琊王文學。並不就。

二十七代。闕子。博尚書令。

靖字季恭。闕子。晉察孝廉。累遷尚書左僕射。加後將軍。

宋臺初建。拜侍中。特進。左光祿大夫。辭東歸。帝餞之戲

馬臺。武帝受命。加開府儀同三司。不受。薨。以爲贈。

邁。封奉聖亭侯。聖門

侯汪子。江夏太守。

混坦子。嗣散騎常侍。

道民。嚴子。宜城內史。

福民。嚴子。太子洗馬。

靜民。嚴子。散騎常侍。

道隆。位侍中。

嚴沈子。吳興太守。廷尉。光祿大夫。

二十八代。祐。晉子。隱于四明山。太守王僧虔引爲主簿。不

就。



長公、北齊文宣帝改封爲恭聖侯。聖門志

璽符、丹陽人、會稽太守。

璽運、宋著作郎。

璽產、道隆子、光祿大夫。

景緯、國之孫、齊散騎常侍。

景進、魏功曹掾。

琳之、字彥琳、厥子、好文藝、累遷尚書左丞。宋室初建、除

宋國侍中。永初二年、爲御史中丞。卒、贈太常。有文集十

卷。

璩之、厥子、爲揚州中從事。

二十九代道徽、祐子、隱居南山、豫章王辟之、不至。

群珪、字德璋、璽產子、南齊高帝爲驛騎、舉爲記室參軍、

歷尚書左丞、御史中丞、都官尚書、散騎常侍、贈金紫光

祿大夫。嘗上律文二十卷。

深之、璽符子、宋大明中爲比部郎。

秀之、璽運子、南齊寧朔將軍、江夏內史。

白鳥、魏興和三年爲鄒縣丞。

璽龜、後魏國子博士。

滔、景緯子、梁海鹽令。

遙之、宋吏部尚書左丞。

士璽、琳之子、揚州中從事。

三十代璩、秀之子、太子舍人、尚書三公郎。

佩、遙之子、廬陵王記室參軍。

暉、遙之子、中書侍郎。

總、道徽兄子、有操行、除竟陵侍郎、不至。

碩、璽龜子、後魏治書侍御史。

觀、字思遠、士璽子、宋御史中丞、累遷侍中、後爲尋陽王

右軍長史、行會稽郡事。

道存、士璽子、黃門、吏部侍郎、南海太守。

三十一代休源、字慶緒、珉子、齊舉秀才、爲梁晉安王府長

史。帝勅王曰、孔休源人倫之表、汝年尚幼、當師事之。常

于殿中別設一榻、人不敢坐。其敬禮如此。歷中書舍人、

尚書左丞、金紫光祿大夫。謚曰貞。手校書七千卷、有集

十五卷。

幼孫、璩子、梁寧遠、枝江二縣主簿。

虔、孫、無錫令。

範、江夏王長史、後爲都官尚書。

安、齊頃子、北齊青州法曹參軍。

四十六代、孫宗倫、嘗嘆家譜疎畧、宗族世有俊賢、苟非見于史冊、卽張然不聞、是可痛也。魏晉而下、逮于隋唐、見紀者止百餘人。按譜卽傳云、自晉至昱、七世之內、諸位相繼、相牧守五十三人、列侯七人。五十一世孫



宗範休源少子。歷尚書都官郎。司徒左西掾中書郎。與字休文。幼孫子。晉陵太守。文帝徵爲御史中丞。累遷

中書舍人。復爲中丞。尋爲五部尚書。加侍中。金紫光祿大夫。有文集十五卷。彈文四卷。

穎達字冲遠。唐書本傳作仲遠。于志寧撰碑作冲遠。于與公同時。今以爲正。安齊子隋。

大業初、明經高第、授河南內郡博士、徵赴東都令補太

學助教。唐太宗時爲秦府文學館學士。武德中授國子

博士貞觀初封曲阜縣男轉給事中除國子司業遷太

子右庶子兼司業。與魏徵撰成隋史。加散騎常侍。又修

定五禮書成進爵爲子拜國子祭酒仍侍講東宮太宗

幸國學釋奠命講孝經因上釋奠頒手詔褒美又受詔

撰定易經正義十四卷尚書正義二十卷毛詩正義四

三十三代伯魯宗範子。陳散騎常侍。

紹安、真子。少與兄紹新俱以文辭名世。隋大業末爲監

察御史唐初拜內史舍人賜宅一區詔撰梁史未成而卒有集五十卷。

紹忠字孝揚、負子。太子洗馬、鄱陽王東曹掾。

志終穎達子。唐國子司業。

志約、穎達子。朝請大夫、太子洗馬、禮部郎中。

志亮穎達少子中書舍人

思政德仁孫端州刺史。

三十四代德紹伯魯子。附秘書省正字。景城縣丞。

植紹安次子唐進士爲監察御史蘇州長史累遷絳州

刺史封武昌縣子。謚曰溫。其裔在松江府華亭縣。

構紹安少子。蒲州刺史。

惠元志終子國子司業太子諭德

琮志約子洪州都督

三十五代昌寓字廣成。德紹子。唐貞觀十三年對策高第。爲膳部郎中。

季訓字季和。唐永昌元年，登制科，授校書郎，終左補闕。

若思，紹安孫。早孤，母褚氏躬教訓，遂以學行知名。累遷給事中，轉禮部侍郎，出爲衛州刺史，加銀青光祿大夫，歷汝州刺史、太子右諭德，累封梁郡公。諡曰惠。

仲思，給事中。

立言，惠元子，祠部郎中。

慎言，黃州刺史。

務本，滄州東光令。

三十六代孫字奉先，昌寓子，監察御史。

至，字惟微，若思子，歷著作郎。明氏族學，撰百家類例。

如珪，務本子，海州司戶參軍，贈工部郎中。

三十七代齊參，舜子，爲寶鼎令。

岑父，如珪子，秘書省著作郎，贈尚書左僕射。六子：藏、錢、

藏、錢、藏、威。

榮唐，武宗會昌二年，以國子監丞授文宣公。

巢父，字弱翁，如珪子。少時與李白、韓淮、裴政、張叔明、陶

沔、隱、但、徠、山、時號竹溪六逸。代宗廣德中，爲左衛兵曹

參軍，授監察御史，刺歸沙二州。入爲諫議大夫，出爲潭

州刺史，湖南觀察使，遷給事中。尋兼御史大夫，克魏博。

宣慰使。興元元年，復宣慰河中，爲亂軍所害。上聞震悼，贈尚書左僕射，諡曰忠。詔收河中，備禮祭，仍授一子正員官。

三十八代文瑾，齊卿子，兗州都督府功曹。

克符，齊參次子，與兄克讓等事親至孝，俱隱嵩山。

述，齊參少子，劉晏薦于代宗，歷尚書司勳員外郎，德

宗召拜諫議大夫，以太子賓客致仕，贈工部尚書。

載，岑父長子，貞元二十年進士。

錢，字君嚴，岑父次子。德宗時登進士第，爲侍御史，轉尚

書郎，改諫議大夫，累官尚書右丞。改華州刺史，潼關防

禦使，入爲大理卿，遷國子祭酒，授廣州刺史，嶺南節度

使。敬宗卽位，召爲吏部侍郎。穆宗初，改右散騎常侍，復

爲尚書左丞。數請老，諡曰貞。子四：溫、質、遵、僖。溫，裕

裔，在南雄府保昌縣。

藏，字勝始，岑父三子。德宗時進士，由金吾錄事遷大理

評事。盧從史鎮澤潞，辟爲書記。時從史寢驕，與王承宗、

田緒陰相結，欲效河朔事。藏諫不合，謝病歸洛陽。會宰

相李吉甫鎮揚州，起爲賓佐。從史聞之，怒，請行貶逐。意

宗不得已，授衛尉丞，分司洛陽。詔出，給事中呂元膺不

可。上曰：朕豈不知哉！行將用之矣。未幾卒，贈司勳員外

郎子溫資。

惟助、齊卿子。唐元和四年、充州將軍。

跋字方舉、父父子。明經登第、爲校書郎、累拜監察御史。

遷京兆尹、出刺汝州、又刺潭州、湖南觀察使。時兄僖爲

嶺南、皆居節鎮、朝望榮之。入爲右散騎常侍、復尹京兆。

歲旱、文宗憂甚、最白禱曲池一夕、大雨、帝悅、詔兼御史

大夫、卒、贈工部尚書、子二、溫業、溫諒。

三十九代敏行字至之、進士子。元和元年及第、歷拾遺補

闕起居郎、諫議大夫、集賢學士、贈尚書工部侍郎。

溫質、錢子。四門博士。

溫儒、錢子。憲宗時進士、終華陰縣丞。

溫裕、錢子。懿宗時進士、位左丞、太平軍節度使、鄆曹濮

等州觀察使。咸通十年、奏捐已貲修葺祖廟。

溫資、錢子。懿宗時進士、仕至太子少保。

溫業、字遜志、錢子。長慶元年進士。宣宗大中時爲吏部

侍郎、後爲太子賓客。

四十代拯字弘濟、策子。中和三年狀元及第、歷侍郎。

柳字弘周、策子。太子舍人。

柳字咸休、溫質子。咸通元年及第。僖宗乾符三年、調丹

陽令。其裔在江

綸字昌言。咸通元年及第、歷殿中侍御史、戶部郎中。

綸字徽夫。咸通元年狀元及第。

緯字化文、溫儒子。大中十二年狀元及第、使書郎、歷觀

察判官、翰林學士、中書舍人、御史中丞、歷吏、戶、兵三部

侍郎。從僖宗幸蜀、改刑部尚書、判戶部事。還京、遷御史

大夫。又從幸梁、拜中書門下平章事。駕還、進位左僕射、

賜號持危啓運保義功臣、食邑四千戶、賜鐵券、恕十八

國公兼太保。乾寧中、復拜司空、兼門下侍郎、同平章事。

卒于第、贈太尉。

符、溫裕子。咸通進士。

閔、錢之孫。景福進士、袁州刺史。

絳字受文。明經及第。

晦字文爲。一名溫業子。咸通十四年明經及第、歷吏部

侍郎。

吳字濟美。後避宋諱、咸通七年進士、終萊州刺史。

續溫諒子。唐僖宗文德元年、調吉州推官、遂家新淦。其

在臨江府

四十一代昌明字昭儀、續子。光化三年進士。

昌熙字幾聖、吳子。乾寧元年狀元及第、吏部郎中。



昌黎史作崇字佐化。進士及第。終散騎常侍。

昌序字昭舉。進士及第。終散騎常侍。

題字準之。進士。五年進士。終諫議大夫。

遷於州。就符令。贈兵部員外郎。

仲良。唐情田令。卒于官。今尚有世譜及唐詩刻石于縣。

齊。朱文公嘉書爲訂其譜。宋淳祐中。官初滿光書院。建

先聖殿。又爲立聖賢祠。以教養孔氏子孫。五十代孫元

龍書跋其譜云。其裔在興化府莆田縣。

述字彰聖。郁子。

四十二代。莊字文思。昌庶子。後晉太常少卿。

愉。進士。同光元年。避地平陽。吳越王累聘不受。其裔在

平陽縣。

四十三代。承恭字光祖。莊子。授秘書省正字。歷溫安豐二

縣主簿。攝節度推官。入爲大理寺丞。出監西京酒總。增

增課六十萬。遷大理正。擢庫部員外郎。判大理少卿。遷

屯田兵部二郎中。同考校京朝官課第。端拱三年。以爲

太常少卿。俄以疾求解官。授將作監致仕。

四十四代。題仁玉次子。宋太平興國二年。進士及第。任尚

書工部員外郎。知浚儀縣。河東轉運使。

最字白牧。仁玉少子。累官尚書工部侍郎。詳具前

世基。太平興國三年。以鄉貢進士。賜同本村出身。

見大中祥符元年。以兗州參軍爲安州應城縣主簿。

見仁玉三子。景德間。兗州參軍。

珍。承恭子。同學究出身。爲登封縣尉。

渭。大中祥符元年。同進士出身。

四十五代。延澤。宜次子。進士及第。贈諫議大夫。

延渥。宜少子。宋真宗東封。駕幸儒廟。賜同學究出身。終

臨州清化令。

延祐。大中祥符元年。賜同學究出身。

延齡。大中祥符元年。賜同學究出身。

延之。進士。贈殿中丞。

延魯。改名字原魯。最長子。累贈開府儀同三司。詳具前

四十六代。宗簡。太子中舍。

漢英。彥輔長子。

宗毅。彥輔子。

宗旦。皇祐中。爲邕州司戶參軍。贈太子中允。

政。字寧極。隱居河南龍興縣之龍山。強陽城。宋慶曆七

年。詔賜粟帛。且復其家。授秘書省校書郎。致仕。乃爲國

子監直講。辭不赴。遷光祿寺丞。頃之。起知龍興縣。復辭。

卒。贈太常丞。其裔在汝州魯山縣。

合。五世孫。左從事郎。處州遂水縣丞。

師旦。宋熙寧三年登科。迪功郎。泗州司戶參軍。終宣然郎。

延之。續六世孫。慶曆二年登進士第。司封郎中。與周敦

頤友善。卒。葬廬山。南豐曾鞏誌其墓。贈殿中丞。金紫光

祿大夫。此系于清江。適與四十

四十七代傳。一名。字世文。舜亮第三子。官至中散大夫。詳

曲阜。子五端。問端已。端植。端隱。端位。其裔在商州府西安縣。

若拙。字公知。宗愿少子。進士出身。金州司理。奉軍。

若鼎。字器之。壽張令。

若架。清陰主簿。

若采。迪功郎。

恢。宗翰子。終奉直大夫。

惇。宗翰子。終朝散大夫。

忱。宗翰子。文林郎。

恂。宗翰子。奉議郎。

若初。字公慎。宗發子。進士及第。

文仲。字經父。延之子。嘉祐進士。又舉賢良方正。范蜀公

鎮薦于朝。召試對策。極言新法之害。忤王安石見黜。哲

宗朝累遷起居舍人。拜左諫議大夫。上疏論青苗。免役

等法不便。遷中書舍人。年五十卒。有文集。

武仲。字常父。延之子。嘉祐進士。禮部第一。為秘書省正

字。累遷司業。侍講。遷英殿。除起居舍人。數月拜中書舍

人。直學士院。擢給事中。遷禮部侍郎。出知洪州。移宣州。

坐元祐黨奪職。居池州。卒。年五十七。所著詩書論語說

金華講義。內外制雜文。共百餘卷。

平仲。字毅父。延之子。元祐進士。入史館。遷京西提刑。坐

黨謫知韶州。又謫惠州別駕。徽宗卽位。召遷戶部郎中。

尤精史學。著續世說。天下號為三孔。

四十八代端節。字子奇。若升子。以宣教郎任京東轉運司

中散大夫。直秘閣。提舉東嶽廟。賜紫金魚袋。致仕。

端木。字子工。初名若升子。為若谷後。宣和四年。徽宗幸

太學。御敦化堂。詔大臣曰。先聖後有在學者。賜上舍出

身。建炎四年。差徽州黥縣令。紹興二年。召試館職。歷秘

書郎。著作佐郎。司封員外郎。終朝散郎。知臨江軍。家于

徽。

端稟。金皇統二年。權襲封奉祀事。請修祖廟。

端修。進義校尉。

端已。字子正。傳子。侍父渡江。歷官五十年。終奉議郎。四

少保。





端信字子若信子。常德府錄事參軍。

端植字子同傳子。宰鄂之通城。民至今思之。終通直郎。

湖州武康縣丞家于鄂。

端隱字子宣傳子。紹興進士。江陵府觀察推官。卒于官。

子萱。其裔在江寧府句容縣之福祿鄉。

端甫字肅之。金明昌四年翰林侍講。蒙懷英薦于朝。召

赴闕賜進士及第。補將仕郎。

松、飯子。建炎二年。以宣教郎僉書泰寧軍節度判官。

淵、傳子。元天德二年。以承直郎任兗州府法曹參軍。

四十九代瓚字純老。端節子。朝議郎。知和州。

瓚字伯秩。端木子。從政郎。婺州蘭谿縣主簿。

瓚。端木子。金明昌四年。以襲封年幼。被命權管勾祀事。

續祖庭廣記。

瓚字仲石。端木子。承直郎。終通直郎。

瓚字伯堅。端問子。終從政郎。漳州錄事參軍。著吏事總

龜。

瓚。授迪功郎。終從仕郎。

琰字粹老。金初從事太師梁王麾下。以功補忻州同知。

中順大夫。

琰。迪功郎。奉南嶽祠。

萃夫迪功郎。

卓會之曾孫。福州閩清縣令。

琚字仲玉。建炎二年。侍父端慎渡江。居鎮江。乾道五年。

錄孔子後。授迪功郎。

彥况。平仲孫。宋監南康稅院。遂居吉州吉水縣。

琚字仕平。進士及第。授江夏尉。巴陵丞。長沙令。繼知崇

陽通判。江夏郡。除知制誥。改江南西路茶馬官。後知興

國州軍事。

五十代持字季貞。舊名植。襲封公玠之子。迪功郎。監温州天

富鹽場。

擬字諱之。瓚子。登仕郎。

折迪功郎。

擬字相之。瓚子。將仕郎。

擬字季蘊。授迪功郎。聖門志。擬字克之。修武縣尉。

擬字用之。金大定進士。萊州掖縣令。章宗以聖人後。授

太學助教。爲都省掾。三部司正。終刑部都事。

元龍字季龍。舊名折。行可子。從西山先生真德秀遊。授迪

功郎。饒州餘干縣主簿。後爲何山精舍山長。以宣教郎

致仕。贈太子少師。有柯山講義。論語集說。魯雋斐。素

議叢壁。卒之日。門弟子三百哭之。私謚曰文介。

扶迪功郎。

攝權林廟、製衍聖公事。聖門志

檢功郎。

扎保義校尉。

指蘭陵都監。

攝字季紳。蘭陵都監。遷忠武。

齊字器之。為開封令。濟交單宜謀提領。

拱字執謙。隸子。少孤好學。篤意義方。鄉黨賢之。有習經。

讀史各三卷。錫山草堂集五卷。村居雜興三卷。

習周紹興十七年。教授洪州文學。

師古。處州司戶參軍。

履矩。福州羅源縣尉。

履常。紹興十二年。以上書言事。賜官。終知建州蒲城縣。

事。四十八代。孫端問。跋東家。古本族譜云。先君有言。祖

壁之遺言。闕里之陳蹟。尚可追尋。于傳聞之近。獨族

黨離散。首其踪跡。不可得而尋。余每憶此語。紹興祭亥

族姪履常。調尉常山。子因訪之。出譜牒。乃東家古本。與

余根系本同。派流未遠。且知族祖自唐季。遷地東嘉。今

八世矣。不冠未墜。詩禮未歇。而東家之氣。脈尚未斬也。

余遂率子弟。來叙叙。少長。講拜于庭。曰。追惟先



應發。字機仲。舊名文豹。處州遂昌縣尉。終隆興府武寧令。

元頌。提領監修。

元長。權主祀事。提領監修。

元石。監修祖廟。

元正。封濟寧路知交州事。

應得。字德夫。舊名文在。元龍子。嘉熙二年。入太學。淳祐元年。

駕幸太學。賜同進士出身。初任吉州太和縣主簿。終端

明殿學士。食書樞密院。福建江浙宣諭使。

文樸。字伯厚。拱子。淳祐元年及第。以先聖後。特授修職

郎。復州玉沙縣簿尉。終奉議郎。知潭州湘潭縣。

煥。宋從事郎。饒州餘干縣丞。

煒。慶元二年及第。終太常丞。兵部郎中。知瑞州。

文達。監溫州平陽酒稅。

文善。進士及第。

應祥。宋從政郎。刑工部架閣。

應禮。一名大中。元授登仕郎。忠翊衛忠義部統制。

元裕。恩州路學教授。濟陽主簿。

元敬。字忠卿。裔子。青陽令。遷興化路經歷。有素王世紀

行世。

元伸。字信卿。萊州德州二教授。須城縣主簿。

元謙、權王祀事、提領監修。

文敏、寶祐二年鄉貢進士。

五十二代萬齡、字松年、袁州路分宜縣尹。

元善、宋寶慶二年進士及第、泰州學教授。

元孚、字信甫、宋開禧元年武舉及第、終武節大夫。

元圭、字君錫、宋淳祐元年武舉及第、歷閩門舍人、高

州肇慶府。又知瓊州、兼瓊莞安撫使、終武翼大夫。

貴修、吉州永豐縣丞。

夢斗、字元極、舊名梓、景定三年進士及第、臨安府教授、召

試館職、除秘書省正字、史館校勘、終承議郎、通判慶元

府、有尚書解、愚齋文集。

定國、權和州含山主簿。

貴明、字切聞、承信郎、於潛稅使。

殿見、信州教授、紹興路知事、池州經歷、技江尹。

之祥、字吉甫、大寧路教授、蒲臺簿。

之深、王奉祀事。

言、贈承事郎、同知兗州事。

純、贈承事郎、濟寧路同知兗州事。

萬憲、元初以孔子後、授湖州儒學提舉。

之文、權王祀事、營修祖廟、贈嘉議大夫、禮部尚書。

之容、提領兼修祖廟、贈文林郎、汶上尹。

之進、林廟提領、兼修祖廟。

之載、建寧路教授、將仕郎、福州路知事。

之孚、字顯伯、濟南路教授。

昭孫、字鳴遠、袁州路知事。

之柔、字毅甫、歷翰林國史編修。

之明、濮州教授、荆山長清簿、懷慶尹。

之明、聊城簿。

之強、郟縣簿、臨淮尹。

之熙、杭州教授、如皋簿、雲夢尹。

之敏、青陽稅使。

之健、深澤縣教諭。

之果、南臺御史。

之嚴、盤陽路學正、濟南路教授、泗水尹、泰安州判。

貴慶、字切勉、知福州福清縣。

之肅、大寧路學正。

五十三代道生、字宗一、承節郎、監廣東鹽倉。

鉉、文林郎、常州錄事參軍。

運發、字君選、咸淳四年及第、文林郎、處州軍事推官。

景行、字宗成、咸淳三年、度宗臨幸太學、賜進士出身、授

修職郎、慶元府學教授。

循從政郎、兵部架閣。

淑、字世儀、國子助教、秘書省著作郎、纂修元朝一統誌。

陞承事郎、秘書省承務郎、朝城尹、贈河南江北行中書

省叅知政事。

楷、字魯林、言子、常州路學教授。

潯、字滄州、教授、栖霞簿、濱州尹。

澄、字委林、明監修、贈翰林待制、奉議大夫、驍騎尉、追封

曲阜縣子。

演、字德泉、嘉興教授、臨海簿、安化尹、鹽官州同知。

汴、提控監修。

廉、字景蘇、嘉定教授。

洙、字世魯、聊城簿、新塋尹。

滋、盤陽教授、漢川簿。

湜、順德路學錄。

浩、字世德、渤海教諭、遼陽教授、鉅野尹。

淋、鄒縣教諭。

濂、冠州學正。

潯、興安教諭。

潯、曲沃教諭、解州學正、瀋山簿。

洽、台州路教授。

沛、字世川、紹興路知事、山陰尹、江西儒學提舉、福建司經歷、監察御史、起江浙陝西行臺都事、遷江南行臺都事、皆不赴。

淮、字世揚、福州學正、寧海教授、湖州知事、江山尹。

灝、廣寧學正、寧海教授、遂安簿。

資、饒信二路學正。

湘、慈谿書院山長。

洪、字世瞻、廣德主簿、順昌尹。

涓、建德路學正。

瀛、字世表、昌國州學正、湖陽尹。

沛、徽州學正、茅山書院山長、常州教授。

灝、東平路教授、膠西主簿。

澈、永平教授。

漳、滋陽教諭、兗州教授。

注、隱居不仕。

沂、進士。

潯、字世平、金大定元年進士、授深陽州教授、辟浙省祿

承仕郎、吳江判。

五十四代恩友、字益道、平陰主簿、固城尹、



思進、祖廟樞奉祀事。

思義、祖廟提領。

思政、虞城教諭。以子克中貴、贈曲阜知縣。

思古、葛城新泰膠水教諭。

思本、盤陽路學教授。

思恭、安德主簿、天長尹、濟寧路同知。

思履、兗州學正、益都路學教授、東阿簿。

思善、濟寧路學教授、太常寺太祝。

思德、汴梁路學教授、文登簿。

思膺、虎賁衛學教授、泗水主簿。

思通、恩州教授、鄆城簿、臨潁尹、陝西儒學提舉、河中府判。

思迪、字凝道、膠西簿、安慶錄事、光山尹。除西臺監察御史、復拜內臺御史。抗章奏事稱旨、賜金織紋綺、轉河廣都事。以疾辭。起爲太常禮儀院判、尋陞同知本院事。

思立、西河尹、拜御史、累官正奉大夫、中書參政、知經筵事。

思矩、濟寧路學教授。

思綿、深澤教諭。

思明、阿速右衛學教授。

思訥、太平教諭。

思用、沁水教諭、威州學正。

思賓、曲阜教諭、濟寧學正。

思則、餘姚學正、武平尹。

思舉、延平路學正。

思言、松江教授。

思宣、容城教諭。

思衍、盤陽路學教授。

思貞、膠西教諭。

思泰、登仕郎、福建憲司書吏。

思復、海北道憲司書吏。

思構、陸安教授。

五十五代克寬、濟寧學正。

克勉、字嘉夫、鹽山教諭。

克忠、字恕夫、福建宣尉衛照磨。

克信、泗水教諭。

克常、興濟教諭。

克綱、豐縣教諭。

克敬、字恭夫、鄆城教諭。

克達、聊城宣德兩縣教諭。

克表、流寓浙江、溫州平陽縣。

克清、字廉夫、東昌路錄事判。

克義、河陽教諭、砲手衛教授、安陸知事、肥城主簿、滋陽尹。

克禮、寧海學正。

克諒、字京夫、治州路學教授。

克允、元氏縣教諭。

克溫、濟寧路學教授、高密主簿。

克全、淮安路學教授。

克學、東昌路學正。

克紹、字勉夫、河間路學教授、揚子主簿、無棣尹、秘書院著作佐郎、大都路學提舉、翰林國史待制、朝列大夫。

克修、長蘆學正、樂陵主簿。

克剛、晉寧路學教授。

克廣、衛輝路學教授、邠州判、無棣尹。

克邁、莘縣主簿。

克光、曲阜教諭、蒙古衛教授、翰林國史院典籍。

克莊、永平路學教授。

克康、翰林國史院典籍、太常寺太祝。

宗仁、翰林國史院典籍。

克純、國子生。

克敦、國子生。

五十六代希敏、植州學正、權奉祀事。

希麟、以子調貴、贈文林郎、監察御史。

希緒、陪幸太學、觀禮、賜晏賜幣。

希誼、恩賜冠帶。

希敬、以子變貴、贈曲阜知縣。

希從、恩賜冠帶。

希祖、字士嚴、遵化簿、泗水尹。

希英、字士彥、濟寧路教授。

希先、蒙古衛教授、翰林國史院典籍、新河尹。

希賢、壽張教諭、陵州學正。

希顏、曲阜教諭。

希曾、夏邑主簿、衛輝路知事。

希義、鄆縣教諭、米脂知縣。

希武、以子讓貴、贈曲阜知縣。

希恭、魯府儀賓、中奉大夫、有章庵詩、云、念贊古等書。

希遠、兗州判。

希說、國子生。

希進、國子生。



五十七代譚字以伯永樂戊子舉人己丑會試副榜。仁宗  
特授左春坊左中允遷大理寺左評事改雲南道監察  
御史巡按江西遼東終河南按察司僉事。常於中庸補  
註三篇進呈上嘉之賜四書五經各一部有舞雪春咏  
集二十卷。

信字忠伯永樂丁酉舉人以子公恂肯封禮科給事中  
加大理寺左少卿。

諡景泰癸酉舉人宿州訓導。

譚景泰丙子舉人呼縣訓導國子監學正潘府長史。

貶成化丁酉舉人河間知縣。

許字文伯魯府儀賓中奉大夫。

諡以子公禮貴贈詹事府主簿。

詮以子公錫貴贈曲阜知縣。

河恩賜冠帶。

許字融伯英山縣丞。

諡恩賜冠帶。

故恩賜冠帶。

許景泰應詔觀禮賜幣。

諡恩授南城兵馬副指揮。

諡恩賜冠帶。

諡恩賜冠帶賜禮幣。

諡恩賜冠帶賜衣。

諡恩賜冠帶。

五十八代公諱字節文宣德乙卯舉人徐州訓導國子監  
學正詹事府主簿。

公備永樂辛卯舉人。

公怡字友文天順己卯舉人。

公恂字宗文景泰甲戌進士禮科給事中陞詹事府少

詹事改大理寺左少卿復少詹事兼左諭德出知漢陽

府復南京少詹事進階中憲大夫卒于官賜祭。

公才成化癸卯舉人江都知縣兵部主事調大名通判

和州知州陞山西按察司僉事。

公森成化歲貢延津知縣。

公潤成化歲貢桐鄉縣丞。

公華字寶文成化歲貢苑馬寺丞。

公仲成化歲貢建昌縣丞。

公玘弘治歲貢南陵知縣湖州同知。

公猷嘉靖歲貢吳江訓導。

公綬以子彥貴封曲阜知縣。

公善景泰成化二次陪祀賜宴賜衣。



儒藏

關里廣誌

卷一〇

公郁成在陪祀賜宴賜衣。本年淮南大校公郁載麥千斛往輸於官當道義之奏授承仕郎七品散官歲給與早肉米。

公尹弘治陪祀冠帶賜宴賜衣。

公璆恩賜冠帶。

公緯恩賜冠帶。

公悅恩賜冠帶。

公山正德六年田妻顧氏被流賊執不屈而死遺子彥厥尚幼或勸田繼娶田曰有妻就義以全名有子繼身以承祀足矣遂終身不娶。

公業恩賜冠帶。

公亨恩賜冠帶。

公珍恩賜冠帶。

公舉嘉靖陪祀賜宴賜衣。

公貞嘉靖陪祀賜宴賜衣。

公珣山陰縣丞。

公軻卜居泗許徜徉自適所著詩文累若干言。

公晉有女年十七爲流賊所執義不受辱賊支解之奏聞旌表。

公燕妻呂氏嘉靖四十二年旌表。

公係妻顏氏十八歲夫歿事翁姑四十餘年教子義方奉詔旌表。

五十九代彥麒景泰丙子順天舉人歷桐城靈璧兩縣知

縣。彥麒一作彥麟。

彥祿字朝庸成化戊子舉人裕州知州。

彥梯國子生。

彥禧公郁次子國子生蚤卒妻楊氏年二十有六自縊于室女僕救之得不死清節愈勵正德間奏聞旌表。

彥述國子生澤州判。

彥禮弘治恩貢阜城縣丞。

彥鵬弘治歲貢崇慶吏目。

彥儲字朝祐成化歲貢。

彥組成化歲貢吳江縣丞。

彥雲弘治歲貢開鄉訓導。

彥珣弘治歲貢莊浪衛教授。

彥健正德歲貢舞陽訓導。

彥珩正德歲貢羅山教諭。

彥珩嘉靖歲貢。

彥倬字朝德嘉靖歲貢定海訓導高陽教諭。

彥厚嘉靖歲貢建德訓導。



彦訓嘉靖歲貢臨洮衛教授。

彦確嘉靖歲貢繁峙知縣。

彦碩嘉靖歲貢榮澤知縣陞懷慶通判。

彦嗣嘉靖歲貢。

彦生字朝仁歲貢。

彦章嘉靖歲貢。

彦隆嘉靖歲貢周府教授。

彦鳳崇禎陪祀冠帶。

彦汾隆慶歲貢。

彦津萬曆選貢陝州訓導德府教授。

彦學以子承業貢贈曲阜知縣。

彦道以子承個貢贈保定知縣。

彦敕以子承先貢贈高陽知縣。

彦迪恩賜冠帶。

彦綸成化陪祀賜宴賜衣。

彦紳弘治陪祀賜宴賜衣。

彦佑恩授西城兵馬副指揮嘉靖陪祀。

彦祿恩賜冠帶。

彦洲生員恩授冠帶。

彦敏字以功隆慶主簿。

彥範字朝則魯府儀賓。

彥誥妻王氏年二十五歲誥卒守節七十七年訓子承英孫弘復各成名壽百有二歲。

六十代承節恩賜冠帶。

承懋恩賜冠帶。

承渙國子生。

承漢國子生。

承山國子生。

承復字永靜國子生安陸衛經歷。

承朴字永厚成化歲貢石樓知縣。

承審生員恩賜冠帶。

承寧恩授西城兵馬副指揮。

承緒字永紹弘治歲貢湯陰主簿。

承紹字永恩正德歲貢。

承浦正德六年流氓犯關里浦抗義拒之與妻王氏皆被害奉詔旌表。

承瑀字永珮嘉靖歲貢平鄉知縣。

承際嘉靖陪祀賜宴賜衣。

承諭字永聰嘉靖歲貢盧龍訓導。

承亮字永寅嘉靖歲貢開封教授。

承錫字永從嘉靖歲貢。

承深嘉靖歲貢隴州學正。

承貞嘉靖陪祀賜宴賜衣。

承禮字永和嘉靖歲貢舞陽主簿。

承學字永聚嘉靖歲貢沛縣主簿。

承尹嘉靖歲貢。

承滿字永瑞嘉靖歲貢應天訓導。

承前字永進嘉靖歲貢靈海訓導。

承元隆慶陪祀賜宴賜衣。

承賴隆慶陪祀恩賜冠帶。

承字隆慶陪祀賜宴賜衣。

承禮隆慶陪祀冠帶。

承先字永商隆慶歲貢高陽知縣。

承個字永冠隆慶選貢保定知縣荆府長史。

承如字永來隆慶歲貢江華教諭府府紀善。

承埜萬曆歲貢大名教授。

承季萬曆歲貢章丘訓導。

承仍萬曆歲貢蒙陰訓導。

承熊萬曆歲貢大寧都司教授。

承紀萬曆歲貢河間府教授。

承錫萬曆歲貢。

承祚恩賜冠帶。

承月恩賜冠帶。

承冉宜興主簿。

承需字永孚魯府儀賓亞中大夫。

承渠字永浚魯府儀賓。

承烟魯府儀賓。

承正字永貞魯府儀賓。

承筠以子弘毅貴封曲阜知縣。崇禎年二十一歲夫

歿守節五十餘年奉詔旌表。

承慈字永叔自幼好學著闕里文獻錄四卷橋梓聯編

承人以子弘復貴贈曲阜知縣。



儒藏

六十一代弘知國子生。

弘幹承懿子國子生魯府審理進階奉議大夫。著弘幹金藏八卷淳熙風味談柄聖蹟圖聖賢圖併等書。

弘仁嘉靖陪祀賜宴賜衣。

弘瑞嘉靖陪祀賜宴賜衣。

弘鐸字以稱嘉靖歲貢廣信推官。

弘川字以東嘉靖歲貢衡水教授封直隸。

弘毅字以遠嘉靖歲貢南皮訓導制應教授。

弘中字以性嘉靖歲貢。

弘盛字以德嘉靖歲貢如皋知縣。

弘申字以重嘉靖歲貢應天教授襄陽通判。

弘綿字以延嘉靖歲貢交河主簿。

弘立隆慶陪祀冠帶。

弘禮武進縣丞。

弘豆字以學魯府儀賓。

弘琬字以聲魯府儀賓奉訓大夫。

弘湯字以新魯府儀賓。

弘燁字以彰魯府儀賓中奉大夫。

弘實貧而孝父卒廬墓三年毋卒亦如之。

弘煦隆慶歲貢。

弘和萬曆歲貢崑山縣丞。

弘昇萬曆歲貢觀城教諭。

弘開萬曆歲貢長清訓導。

弘典萬曆歲貢博平教諭以子聞定貴封承德郎大名通判。

弘衍萬曆選貢建平知縣。

弘猷萬曆歲貢招遠訓導以子聞簡貴封曲阜知縣又以聞籍貴贈吏部考功主事。

弘賓萬曆歲貢榮澤教諭。

弘森萬曆歲貢丘縣訓導。

弘頤萬曆歲貢太平教授。

弘轉承厚子萬曆歲貢。

弘山以子聞詩貴封吏科給事中妻陳氏年二十一歲

夫歿守節五十餘年奏開旌表。

弘侃以子聞諱貴贈行人。

弘順天啓選貢高陽知縣。

弘素萬曆歲貢衡府教授。

弘毅崇禎陪祀冠帶。

弘化生員崇禎陪祀。

六十二代聞義、嘉靖陪祀、賜宴賜衣。

聞誥、嘉靖己酉舉人。

聞達、嘉靖陪祀、賜宴賜衣。

聞詩、字知言、天啓壬戌進士、中書舍人、吏部給事中、禮科右給事中。

聞諱、字玄侯、天啓壬戌進士、行人、禮部主事。

聞籍、字義繩、天啓乙丑進士、行人、陞南京吏部主事、陝西布政司參議。

聞植、萬曆戊午舉人。

聞黨、天啓丁卯舉人。

聞發、國子生、婺源主簿、永大經歷。

聞慶、天啓陪祀、冠帶。

聞範、天啓陪祀、恩貢。

聞謨、天啓陪祀、恩貢、新鄭訓導。

聞炳、隆慶歲貢。

聞德、萬曆歲貢、壽陽知縣。

聞駿、萬曆歲貢、宣城教諭。

聞仕、萬曆歲貢。

聞秀、萬曆歲貢、萬泉教諭。

聞定、萬曆歲貢、大名府判、陞四川提舉。

聞上、萬曆歲貢、建州判官。

聞舉、萬曆歲貢、平原教諭。

聞古、萬曆歲貢、寬奠衛教授。

聞謹、萬曆歲貢、利津教諭、陞太原左衛經歷。

聞沛、萬曆歲貢、法縣知縣。

聞武、萬曆歲貢、武城訓導。

聞悅、萬曆歲貢、恩縣訓導。

聞宥、萬曆歲貢。

聞祉、萬曆歲貢。

聞俊、崇禎陪祀、恩貢。

聞壽、崇禎恩貢、武邑訓導。

聞諒、萬曆歲貢、新城教諭。

聞燿、以子貞教貢、封京衛武學教授。

聞翰、字知書、府儀賓、朝列大夫。

聞聘、字知川、府儀賓、奉訓大夫。

聞儒、字知學、府儀賓、朝列大夫。

聞憲、字知章、府儀賓、中大夫。

聞倫、字知教、事父弘文至孝、嘉靖六年旌表。

聞訓、妻顏氏年十七未字、夫歿、自縊、萬曆四十年旌表。

聞聖、以子貞教貢、贈沂州知州。



聞典字。舉人。

六十三代員時字中甫萬曆癸丑進士。

貞運字玉積萬曆己未榜眼及第累官太子太保禮部尚書文淵閣大學士。

貞綬萬曆戊午舉人青縣教諭。

貞祚天啓陪祀恩貢漢陰知縣。

貞芳崇禎陪祀恩貢浙川知縣。

貞榜萬曆歲貢海州知州。

貞棟萬曆歲貢禹城教諭。

貞明萬曆歲貢西和知縣。

貞志萬曆歲貢臨清學正。

貞璞萬曆歲貢陳州訓導。

貞俊萬曆歲貢真定訓導。

貞敬萬曆歲貢。

貞成萬曆歲貢。

貞斯萬曆歲貢。

貞稔父母歿各廬墓三載。

貞恒生員崇禎陪祀。

貞來字元起恩監福建水口運同湖州府。

貞軋女許聘鄒平王府奉國將軍觀燦未字夫歿守志終身奉詔旌表。



貞璿、崇禎於西舉人。

貞珩、崇禎癸酉舉人。

貞範、康熙歲貢。

貞耿、康熙歲貢。

貞埈、康熙歲貢。

貞來、監貢。

貞育、字[ ]舉人。

貞璿、字[ ]舉人。

貞璿、字[ ]舉人。

貞育、順治陪祀恩監。

貞裕、康熙歲貢。

六十四代尚錢、天啓甲子舉人、淮安同知。

尚則、字準之、崇禎庚辰進士、全椒知縣。

尚孝、萬曆歲貢、博平教諭。

尚晴、崇禎陪祀恩貢、撫州通判。

尚遜、崇禎陪祀恩貢、潞安通判。

尚燁、萬曆歲貢。

尚文、萬曆歲貢、蘭陽教諭。

尚炳、萬曆歲貢、青州訓導。

尚象、萬曆歲貢。

尚理、萬曆歲貢。

尚標、崇禎副榜恩貢、膠州訓導。

尚錦、以子胤淳貴、贈曲阜知縣、加銜東昌通判。

尚倫、字俞心、監貢。

尚燃、順治陪祀恩監。

尚瑀、順治陪祀恩監。

尚經、順治陪祀恩監。

尚義、國子生、候選縣丞、康熙陪祀。

尚詰、字吉人、康熙陪祀恩監。

尚鈴、字[ ]、康熙陪祀恩監。

尚鉉、字[ ]、康熙壬子舉人。

尚書監貢。  
尚書監貢。  
尚書監貢。

六十五代胤圭、崇禎丁丑進士、曲州如縣。

胤樞、字心一、順治丙戌進士、巡按蘇松御史、終修大名道按察司僉事。

胤洪、字海若、順治陪祀恩監。

胤勛、順治陪祀恩監。

胤璠、字廷珍、國子生、康熙陪祀。

胤舒、監貢。

胤鉉、監貢。

胤炳、字、舉人。

六十六代興訓字貴所拔貢歷官頓州守。

興誨生員崇祿陪祀。

興義順治陪祀恩監。

興洪字涵萬。[ ] 商州知州江鎮道僉事。

興詢字綸宜康熙陪祀恩監。

興漢字丕顯康熙陪祀恩監。

興璟字[ ]康熙陪祀恩監。

興範字[ ]康熙陪祀恩監。

興言字景昌康熙已酉舉人。

興鈺字壽庵康熙庚戌進士翰林院庶吉士。

興詔字綸錫康熙恩監歷官刑部郎中。

六十七代毓喬字[ ]舉人。

毓珍字[ ]康熙陪祀恩監。





校記

①從：當衍，見《嘉泰會稽志》卷一四《孔汪傳》。

②蒲：當作「浦」。

③治：疑誤。

④「冠」上疑脫「恩賜」二字。

⑤州：疑當作「阜」。

關里廣誌卷之十一

賢裔誌

叙曰、日月經天、五星留其躔度、漢高受命、蕭曹紀其世家、實以存羽翼之功、豈止推屋烏之愛、素王挺生、顏曾具體、道亞生知、照鄰殆庶、同時有禦侮之傑、後起有私淑之英、此無異燧人之明由、軒皇之力牧也、顏氏配享肇自漢代、曾仲從祀、實惟唐時、孟子亞聖、見推宋室、後嗣在魯、咸爲素臣、明時詔四配之裔、並以五經博士奉祀、崇禎時、衍聖公泰以仲氏子孫比擬三氏、列爲四家、前有名賢、固關里之高弟、後有世祿、亦上公之附庸也、家牒具在、敢用備書、至若冉、閔、端木、言、卜諸賢、或歸吳返衛、隔遠聖居、或緒裔式微、世次莫紀、財古軫懷、徒滋悵望、幸有存者、其恐忘之、作賢裔誌。

復聖顏子宗系

二代歆、字子林、魯大夫、子儉、墓顏子墓東十餘步、元泰定三年從祀復聖廟。  
三代儉、魯大夫、子威、元泰定三年從祀復聖廟。  
四代威、魯下大夫、子茂。  
五代茂、魯下大夫、子億。  
六代億、魯下大夫、子咭。

七代咭、魯下大夫、子卸。

八代卸、字伯仙、秦大夫、子譽。

九代譽、秦舍人、子產。

十代產、項羽聞其名、聘之、不受、子異。

十一代異、字世仁、漢大夫、子愚。

十二代愚、漢卿士、子達。

十三代達、漢大夫、子稔。

十四代稔、一作稔、書傳作稔、字季達、漢武帝時尚書郎、會稽都尉。

子衷。

十五代衷、一作忠、郡工曹從事、犂令、子凱。

十六代凱、字季卿、張禹薦于朝、爲安成太守、子憲。

十七代憲、字景深、郡上計吏、子俞。

十八代俞、字茂宗、州舉茂才、子綽。

十九代綽、字參道、爲太守、子準。

二十代準、始仕爲從事、復高尚不仕、子阮。

二十一代阮、字懷珍、舉有道、爲著作郎、子亮。

二十二代亮、字世明、爲郡督郵、子敷。

二十三代敷、字士榮、州舉茂才、至御史大夫、子二、斐、盛。

二十四代斐、京兆尹、有善政、子二、魯、歆俱無後。

盛字叔臺、一字叔安、漢尚書郎、魏歷、青徐二州刺史、關內侯。



子欽。

二十五代欽字公若。歷東中郎將司馬、大中大夫、東莞廣陵太守、給事中、封葛繹縣子。子二、然、閑。

二十六代然字靜伯。汝陰太守、護軍將軍、給事中、襲葛繹縣子。子三、幾、輦、合。幾、輦俱無後。

二十七代合字弘都。呼光祿大夫。子三、髦、謙、約。

二十八代髦字君道。晉侍中、光祿勳。子三、緄、綸、暢。

二十九代緄字文和。州西散騎都尉、西平縣侯。子靖之。

三十代靖之一作靖字茂宗。西中郎行參軍、宣城太守、司徒諮議御史中丞。子騰之。

三十一代騰之字弘道。善草隸書、有風格。歷州西曹主簿、度支校尉、治書御史、巴陵太守。子五、興之、炳之。

三十二代興之、安寧太守。子登。

炳之字叔豹。以能書稱。歷韓國江夏王參軍、奉朝請、員外散騎常侍。子見遠。

三十三代登字康之。梁鄱陽王府郎中令。無後。

見遠字見遠。歷安城王侍郎、征西參軍、治書御史、兼中丞。子協。

三十四代協字子和。湘東王右常侍、領西記室。子四、之儀、之推。

三十五代之儀字子升。周麟趾學士、御史大夫、平陽縣公。子二、冠、和。無後。

之推字子介。隋太子文學。子思魯。

三十六代思魯字孔歸。唐儀同、秦府記室。子師古。

三十七代師古。唐秘書監、銀青光祿大夫、弘文崇文兩館大學士。子趨庭。

三十八代趨庭字茂實。文皇帝挽郎、朝散大夫、職方郎、吉州刺史。子尚賓。

三十九代尚賓。右率府親衛、鄜州司功、監州錄事、下邳令。子鼎。

四十代鼎。子迥。

四十一代迥。子傳贊。

四十二代傳贊。子旻。

四十三代旻。子五、長。無後。次君佐、君雅。

四十四代君佐、金鄉丞。子文威。

君雅。子二、文蘊、文鐸。

四十五代文威。五代時隱魯之嶧山。號虛中先生。文集傳於世。子承祐。

文蘊。鄉貢進士。子涉。

文鐸。贈太常卿、平原郡節度副使。子衍。

四十六代承祐。子二。長崇德。無後。次仲昌。

涉。鄉貢進士。子四。匡朗。匡密。匡美。匡贊。俱無後。

衍。字祖德。戶部尚書。子權。

四十七代仲昌。淳化二年。講五經。賜第。仕終南京判官。以曾孫岐任執政。贈太子少保。子太初。

權。父任爲巡官。子端。

四十八代太初。字醇之。南京國子說書。子復。

端。祥符元年。帝行幸曲阜。以充國公。後特授郊社齋郎。終桂陽司理。子繼。

四十九代復。字長道。國子祭酒。子六。曉。岐。喻。喙。昭。唯。岐。字夷仲。官至門下侍郎。兼資正殿大學士。正奉大夫。善鄆侯。自曉以下。子孫俱扈從。高宗南渡。

繼。進士。世居順巷故宅。子昌。

五十代昌。子肇。

五十一代肇。子价。

五十二代价。子順。

五十三代順。子寶。

五十四代寶。子椿。

五十五代椿。中書工部劄付監修祖廟提領。子之美。

五十六代之美。字宗德。天成縣教諭。益都學正。廬州路教

授。歷山陽縣主簿。文林郎。東明縣尹。子池。

五十七代池。字德裕。真德府教授。明洪武十五年。以三氏學教授。王奉祀事。子二。奉幹。

五十八代奉。字克膺。王奉祀事。子希仁。

五十九代希仁。字士元。號景哲。正統十一年。欽定王奉祀事。子三。義。贊。論。

希忠。景泰二年。行取復聖公子孫。特授翰林院五經博士。後以不係嫡派。罷職。

六十代誠。字定伯。以希仁長子。天順壬午。授翰林院五經博士。世襲王奉祀事。成化元年。明第於東安門外。入覲。馳驛。定爲常例。子三公。鉉。公銅。公鉞。

六十一代公鉉。字宗雷。襲博士。子五。重德。重禮。重道。重賢。重式。

六十二代重德。字尚本。號西莊。襲博士。子從祖。

六十三代從祖。字守嗣。襲博士。無後。

肇先。字啓源。號克復。重禮長子。襲博士。子嗣慎。

六十四代嗣慎。字用脩。號敬亭。襲博士。子三。胤宗。胤祚。胤祿。

六十五代胤宗。號養蒙。未襲卒。子二。伯貞。伯康。

胤祚。字永錫。號新吾。襲博士。及伯貞長。讓職致仕。



六十六代伯貞字叔節號建中。襲博士。子光魯。

伯廉字叔清。以兄伯貞子幼代襲博士。

六十七代光魯字。襲博士。子二紹統紹緒。

六十八代紹統字。襲博士。無嗣。

紹緒字。襲博士。國朝順治元年襲職如故。子懋衡。

六十九代懋衡字向九。襲博士。康熙八年陪祀觀禮加一級。

宗聖曾子宗系

二代元與其弟華申俱從祀萊蕪侯廟。子西。

三代西從祀萊蕪侯廟。子欽。

四代欽。子昇。

五代昇。子美。

六代美。子選。

七代選。子二偉盈。

八代偉。漢尚書令。子樂。

九代樂。漢山陰縣都鄉侯。子浹。

十代浹。子二旃光。

十一代旃。子嘉。

十二代嘉。子二寶頊。

十三代寶。漢武威太守車騎侍郎。子琰。

十四代琰。子據。

十五代據。西漢末避王莽之亂挈族南遷散居江西永豐

廬陵諸郡。子二闡瑒。

十六代闡。子植。

十七代植。子耀。

十八代耀。諫議大夫。子培。

十九代培。子德。

二十代德。子珣。

二十一代珣。子渙。

二十二代渙。景陽侯。子粹。

二十三代粹。子總。

二十四代總。鎮南軍司馬。子端。

二十五代端。子二。鉉。道始。

二十六代鉉。子海。

二十七代海。子二。橫。琦。

二十八代橫。子興。

二十九代興。子隆。

三十代隆。子鈞。

三十一代鈞。子謀。

三十二代謀。子承。

三十三代承。子三。珪。舊畧。

三十四代珪。子寬。

三十五代寬。子莊。

三十六代莊。唐侍御史。江州都押衙。子慶。

三十七代慶。唐御史大夫。子二。偉。駢。

三十八代偉。御史大夫。吉州都押衙。子輝。

三十九代輝。吳散騎常侍。鎮南節度。銀青光祿大夫。四子。

祭酒。兼御史中丞。上柱國。十五世孫榮發。永樂甲申狀元。弟鼎中。永樂辛卯江西鄉進士。

雄駢子。拜真州刺史。子崇範。

四十代崇範。南唐郡侯。賈匡皓薦為太子洗馬。東宮使。子延廣。

四十一代延廣。廢授部驛使。兼資庫使。太宗陞左班殿直。

果州兵馬都監。子五。碩。頌。頌。頌。

四十二代碩。淳化三年登第。黃州從事。南雄州軍事判官。

榮州觀察判官。朝奉郎。大理丞。子承昌。

四十三代承昌。子萬敵。

四十四代萬敵。子公整。

四十五代公整。子九思。

四十六代九思。子文傑。

四十七代文傑。子好古。

四十八代好古。子尚忠。

四十九代尚忠。子敬父。

五十代敬父。子元德。

五十一代元德。子价翁。

五十二代价翁。子汝霖。

五十三代汝霖。子崇文。



五十四代崇文子利賓。

五十五代利賓子輔志。

五十六代輔志子德昌。

五十七代德昌子齊川。

五十八代齊川子質粹。

五十九代質粹生長於江西吉安府永豐縣。明嘉靖十二

年。詹事府掌府事。吏部左侍郎。兼翰林院學士。領門臣

奏准。以曾子孔門大賢。不可無後。禮部咨行江西撫按

官督同布。按二司保勘質粹。起送回籍。徙居山東兗州

府嘉祥縣。以衣巾主奉曾子祠墓祀事。嘉靖十八年。授

翰林院五經博士。世襲子吳。

六十代吳。未襲卒。子繼祖。

六十一代繼祖。字繩之。少病口。兼以父祖連喪。未請襲職。

時江西貢生曾袞奏下禮部。恭格不行。後歷湖廣攸縣

知縣。以賊敗。遂謀襲職。繼祖具奏。該吏科都給事中劉

不息。湖廣道御史劉光國等。恭勘得嘉靖十二年間。江

西提學副使徐階。而審曾袞與弟曾袞俱稱生長南方。

不願北徙。或在江西布政司回春。惟曾質粹欣然請行。

乃得給勘。起送到部。以衣巾奉祀。數年。始得蒙特恩授

以世官。是曾子千數百年以來。無後而有後。自質粹始

也。曾子之後。千數百年以來。無官而有官。亦自質粹始也。承祧已定。事奚可疑。又查得吏科給事中李夢春。原論曾袞不可襲爵。五議乞行勘定。改正。詔歸曾質粹之後。將曾袞削奪官爵。命回原籍。於是繼祖得仍舊主奉祀事。子二。承業。承祐。

六十二代承業。字洪福。號振吾。襲博士。子弘毅。

六十三代弘毅。字泰東。襲博士。子三。聞達。聞迪。聞道。

六十四代聞達。字象輿。襲博士。國朝順治元年。世襲如

故。子四。貞豫。貞泰。貞震。貞圖。

六十五代貞豫。字應楚。襲博士。

亞聖孟子宗系

二代仲子、嘗從學於公孫丑。趙岐以爲孟子之從昆弟、未深考也。

三代罍。

四代寓。

五代舒、漢高祖時爲雲中太守。

六代之後。

七代昭、漢博士。

八代但、漢武帝時爲太子門大夫。漢書作史、廣川人。

九代卿、漢武帝時爲太傅。漢書作東、海陵人。

十代喜、字長卿、父卿以禮經春秋煩雜、乃使喜從田王孫

受易。漢宣帝舉孝廉、拜爲郎、遷曲臺署長。所著周易章

句十卷。

十一代鉞。

十二代興、仕漢爲尚書。

十三代審、字伯周、漢章帝時、策孝廉、舉茂才、拜徐令、遷合

浦太守。後漢書曰、會稽上虞人。其先三代爲郡、重仕、節死難。

十四代展、字君誠。

十五代機、漢桓帝時爲濟陰太守。靈帝中、進太常。熹平六

年、轉太尉。漢書作年、河南人。

十六代敏、字叔達、三公俱降、並不就。漢書作年、鹿陽氏人。

十七代光、字孝裕、漢靈帝末、爲講部吏。昭烈定蜀、拜爲議郎、與許慈等並掌制度。後主踐祚、爲符節令、屯騎校尉、長樂少府、遷大司農。蜀志作河、南陽人。

十八代康、字公休、魏明帝時爲散騎侍郎。正始中、出爲弘農太守。嘉平末、徙渤海太守、徵入爲給事中、散騎常侍、遷中書令。後轉爲監、封廣陵亭侯。著漢書音義九卷。魏書作安、平人。

十九代宗、字恭武、嘉禾中、爲監池司馬、遷吳令、奉母至孝。永寧中、遷光祿勳、御史大夫。寶鼎三年、進爲司空。吳錄作江、人。

二十代桓、晉惠帝時爲廬陵太守。

二十一代觀、字叔時、晉惠帝時爲殿中郎、後爲黃門侍郎。晉書作勃、海東平人。

二十二代嘉、字萬年、舉秀才、爲安西大將軍庾翼府功曹。

再爲江州別駕、巴丘令、征西大將軍譙國桓溫奏軍。奉

使京師、除尚書刪定郎、不拜。陶淵明傳作武昌新陽人。宗之曾孫與晉書同。

二十三代懷玉、居京口。晉末、孫恩叛、宋高祖劉裕伐之、以

懷玉爲建武司馬、功封都陽縣侯、食邑千戶。南朝鎮京

口、懷玉爲鎮軍將軍、下邳太守。義熙三年、出、守寧鄉將

軍、西陽太守、又封陽豐縣男、食邑二百五十戶。復爲太





尉咨議參軍、征虜將軍。八年、遷江州刺史。卒、追贈平南將軍。宋書作平昌安丘人。

二十四代表、字武達、仕南齊、爲馬頭太守。元魏太和十八年、歸魏、孝文帝除輔國將軍、南兗州刺史、領馬頭太守、賜爵譙縣侯、鎮渦陽、封汝陽縣開國伯、食邑五百戶。遷征虜將軍、濟州刺史、爲散騎常侍、光祿大夫、進號平西將軍。世宗末、降平東將軍、濟州刺史。卒、贈安東將軍、兗州刺史、謚曰恭。北史作濟北蛇丘人。

二十五代斌、事元魏、孝文帝爲右丞。

二十六代威、字能重、永平中、爲龍驤將軍、出使高昌還、遷城門校尉、直閣將軍、進散騎常侍、加平北將軍、光祿大夫、復加撫軍將軍。普泰中、除大鴻臚卿、尋加驃騎大將軍、左光祿大夫、卒、贈使持節、侍中、本將軍、都督冀瀛滄三州諸軍事、司空公、冀州刺史。魏書作河南洛陽人。

二十七代恂。

二十八代儒。

二十九代景、隋煬帝時爲鷹揚郎將。

三十代善誼、隋恭帝時爲河內通守。

三十一代詵、唐高宗朝擢進士第、累遷鳳閣舍人、武后時、出爲台州司馬、遷春官侍郎、相王召爲侍讀、拜同州刺史。

史、神龍初致仕、居伊陽山、其居爲子平里。唐書作汝州梁人。

三十二代大願、唐玄宗時屢召不就、隱王屋山。

三十三代浩然、隱鹿門山、年四十、乃游京師、嘗于太學賦詩、一座嘆服、無有能抗、張九齡、王維雅稱道之。唐書作襄州襄陽人。

三十四代雲卿、唐肅宗朝爲較書郎。

三十五代華、唐德宗朝爲檢校兵部郎中、兼侍御史。按三以正卿爲世系、味誤、今依家譜及石刻正之。

三十六代常謙、唐德宗朝爲義成軍中軍兵馬使、憲宗加朝議大夫、安州刺史、仍加侍御史、安州防遏兵馬使、監柳州司馬。

三十七代遵慶。

三十八代瑄、唐元和末、屢薦不仕。

三十九代方立、唐僖宗朝爲昭義節度留守。

四十代承誨、後晉少帝時爲太府卿。

四十一代漢卿、一作漢瓊。後周世宗時爲左羽林大將軍。

四十二代貫。

四十三代昶。

四十四代公齊、避亂東山。

按于文定公聖里志論曰、自孔中丞守竟、求得孟氏之後、不聞顯者、以今宗系所列、盡引漢魏以來名人、比其

世次類後人附會爲之。有而闕其文亦傳疑之義云耳。而考之諸史本傳亦多係籍他方似可疑者。領世代綿遠。或變遷或板蕩倉皇而輟。與遠志或并州成。故而述復宗國。如近代孟之訓。且流離于雲朔之間。以此推往。榮可知已。且浩然詩有惟先是柳魯之句。常謙孫銘柳子原首系之以魯仲孫氏。又曰柳儒紹聖。則籍雖非柳。其爲孟子之後何疑焉。是故傳諸所存。卽世次傳承不無舛錯。亦未可盡皆以附會也。自此之後。則表章歷歷無容置喙矣。

四十五代寧。宋仁宗景祐四年。孔道輔薦授鄒縣主簿。後人謂之中子二堅存。

四十六代堅。徐州知州。

四十七代寬。

四十八代欽。

四十九代津。

五十代德義。登進士第。授魚臺縣尹。不就。

五十一代允祖。

五十二代惟恭。字彥通。王祀事。元大定五年。中書撥付祭田以頃計者三十。官錢以緡計者三千有奇。收貯買粒。具籩豆。盥洗。備春秋奠。以其嚴行貸計。其子母所入。次第興創。正殿。塑亞聖像。建兩廡。作櫺星門。重三門。構講堂。西齋。神厨。庫房。緣以周垣。約百餘丈。築斷機堂于中。庸書院之西北。梵曝書臺。又刻加封亞聖制碑及宗枝圖。林廟碑。大小凡三十餘焉。

五十三代之謙。字曾山。元至正間。爲單父教諭。陞莒州學正。薨。葬州。

五十四代思諒。字友道。明洪武元年。詔授鄒縣主簿。辦正祀典。修理祠墓。

五十五代克仁。字信夫。以子希文授翰林院五經博士。贈如其官。

五十六代希文。字士煥。景泰三年。詔授翰林院五經博士。世襲。子二元亨。

五十七代元。字長伯。襲博士。子公縈。

五十八代公縈。字先文。亨之子也。以從弟公縈幼。代襲博士。子二彥縈。彥縈。

公縈。字縈文。襲博士。子彥縈。

五十九代彥縈。字朝暉。襲博士。子承光。

六十代承光。字永觀。襲博士。大啓二年。值妖賊之變。不屈。歿之。贈太僕寺少卿。母孔氏。贈恭人。次子世襲錦衣衛千戶。子二弘畧。弘畧。

六十一代弘畧。字。同父。承光次子。贈光祿寺寺丞。子開玉。

弘畧。字。以兄子開玉幼。代襲博士。

六十二代開玉。襲博士。國朝順治元年。世襲知



故子貞仁。

六十三代貞仁字靜若。侯博士。

先賢仲子宗系

一代子崔因狐貍詐墮父折股。其傷欲報父仇。告於孔子。孔子曰。行矣。遂與狐貍戰而死。無嗣。

啓子崔弟也。年十三。奉母奔齊。號泣。莊公憫焉。賜飯給資。葬于濶淵之北。既畢。還下。後八年。母顏氏卒。奉棺詣濶淵合葬。復歸下。生子序。

三代序子稱乾。

四代稱乾子發志發意。

五代發志子承祖。

六代承祖子繼立。

七代繼立子發墻。

八代發墻子陸。

九代陸習儒業。時秦焚書坑儒。於崑山。陸年還下。子三勃勃繼。

十代繼子二光述。

十一代光字公亮。漢爲右扶風。子二洪禮洪仁。

十二代洪禮子經。

十三代經子仲禮。

十四代仲禮子二玄間。

十五代玄妻氏守節。朝廷旌表其門。子謀。

十六代謀。子二。世德。世昌。

十七代世德。漢赤斜亂。世昌。子胥。及子難。世德與妻黃氏逃於延就亭。後改名橫坊村。即今之仲家渡。此仲氏始遷之祖。子馳。

十八代馳。子須。

十九代須。號雙鶴。子鑑臺。

二十代鑑臺。子二。時興。時鳴。

二十一代時鳴。漢舉孝廉。子強。

二十二代強。子二。淇。泉。

二十三代泉。聖門誌作泉。東晉爲尚書。子慨。

二十四代慨。子慶。

二十五代慶。子二。鑑。釗。

二十六代鑑。子海。

二十七代濟。隱晦山石鼓洞。子晉昭。

二十八代晉昭。子浩。

二十九代浩。子海。

三十代海。子遠。

三十一代遠。性剛直。時謂之小子路。子二。恩。思。

三十二代恩。子二。孝游。孝俊。

三十三代孝俊。隋爲汝南郡主簿。子二。在。有。

三十四代在。子二。倬。陵。

三十五代陵。唐舉賢良。擢爲常侍。子文。

三十六代文。唐賀知章。令任城。見而異之。詢其家世。遂爲建廟於橫坊村。俾奉祀事。此任城廟祀之始。後人號爲中興祖。子關。

三十七代關。子駕。

三十八代駕。子二。侯。候。

三十九代侯。子贖。

四十代贖。子久。

四十一代久。重修祖廟。子運。

四十二代運。子二。國。使。國。聘。

四十三代國聘。子永宗。

四十四代永宗。子簡。

四十五代簡。宋真宗時舉進士。累官刑部郎。子勵。

四十六代勵。子憑。

四十七代憑。子二。爽。潔。

四十八代潔。子虔。

四十九代虔。北兵南下。虔與族人避難于南陽湖。金主有詔求聖賢後。虔歸守廟宇。子衍。

五十代衍。子惕。

五十一代惕。子二。集。鹿。

五十二代集。子福。



五十二代。子六、莊、義、禮、德、七兒、九兒。

五十四代。以永樂二年重修祖廟。子四、伯安、伯能、伯敬、伯亨。

五十五代。伯安。子四也。聚、桂、椿。

五十六代也。子三。俊、爽、孜。

五十七代。俊。子五。貫、傲、龍、本、朋。

五十八代。貫。字微之。子四。蘭、萍、蕙、芳。

五十九代。蕙。字旭谷。萬曆十九年。泗水令。諱好善。建廟于

泗。子四。九衢、九卿、九州、九城。

六十代。九卿。字一和。號西圃。奉祀生員。贈翰林院五經博

士。子二。于陞、于廷。

六十一代。于陞。字玉鉉。崇禎十六年。太子太傅。襲封衍聖

公。孔胤植。太子太保。吏部尚書。李遇知。奏授翰林院五

經博士。國朝順治元年。隨衍聖公入朝。世襲如故。

子二。秉貞、秉敬。

六十二代。秉貞。字合可。襲博士。

校記

①比：當作「此」。

②正：當作「政」。

③凌：當作「陵」。

關里廣誌卷之十二

藝文誌

叙曰班固著志藝文以仲尼升其端豈不謂六經之昭垂爲萬古文章之祖乎。晚世末學縱欲抽芬芳于講壇振金石于宮牆是燭火爭明于陽鳥蹄跡馳躡于海若矣。然奎宿主文章之府洙泗實風雅之基而曰文不在茲豈其然乎。是故玉音遺告聖書褒旌則九重之綸綍所當寶也。貞珉所鐫皂囊所封則紀載敷奏之章所當錄也。頌功美德考實定名與夫揚靈弔古則詩賦贊銘之類不可遺也。大都思緒雲霧詞鋒景煥允矣六經之鼓吹千秋之事業也。若夫摘藻繪于壇場競品題于縑素非所語于關里之庭矣。作藝文誌。

詔

魏文帝黃初二年詔曰昔仲尼稟大聖之才懷帝王之器當衰周之末而無受命之運在魯衛之朝教化乎洙泗聖棲棲焉皇皇焉欲屈已以存道貶身以救世於是王公終莫能用乃退考五代之禮修素王之事因魯史而制春秋就太師而正雅頌。俾千載之後莫不崇其文以述作仰其聖以成謀。茲可謂命世大聖億載之師表者已。邇天下大亂百祀墮壞舊居之廟毀而不修褒成之

後絕而莫紀。關里不聞講誦之聲四時不視齋書之位。斯豈所謂崇禮報功盛德百世必祀者乎。嗟乎朕甚憫焉。其以奉議郎孔溪爲宗聖侯邑百戶奉孔子之祀。令魯郡修起舊廟實百石卒史以守衛之。又于其外廣爲屋宇以居學者。

北魏高祖孝文皇帝延興二年春二月乙巳詔曰尼父稟達聖之資體生知之量窮理盡性道光四海頃者徐淮未賓廟隔非所致令祀典頓廢禮章殄滅遂使女巫妖覲淫進非禮殺生鼓舞倡優媒狎豈所以尊明師敬聖道者也。自今以後有祭孔子廟制用酒脯而已不聽婦女合雜以祈非望之福犯者以違制論其公家有事如常犧牲黍盛務盡豐潔臨事致敬肅如也。

宋文帝元嘉十九年十二月丙申詔曰孔子始集學業方興自微言泯絕逝將千載感事思人意有慨然奉聖之風可速議製於先廟地特爲營建依舊給祠立令四時享祀。關里往經寇亂毀學殘毀并下魯郡復修學舍採召生徒昔之賢哲及一介之善猶或衛其上曉禁其芻牧况尼父德表生民功被百代而墳塋荒蕪荆棘勿剪可獨墓側數尺以掌酒掃魯郡上民孔景等五戶居近孔子墓側獨其課役以給酒掃并栽種松柏六百株。



關里廣誌

卷一二

武帝建元元年詔曰仲尼體天降德繼周興漢經緯三極冠冕百王爰自前代咸加崇述興司失人因致宗祀先朝遠存遺範有詔繕立世故妨道事未克就國難頻深忠勇奮勵實憑聖義大教所致永惟兼懷無忘待旦可開建廟制同諸侯之禮詳擇典禮厚給祭秩

齊武帝永明七年詔曰宣尼誕敷文德時應自天發揮七代鈞陶萬品英風獨舉素王誰匹功隱千當年道深于日月感麟賦世繼述千祀川竭谷虛陵夷淵塞非但洙泗湮淪至乃立堂之主前王敬仰崇修聖廟歲月垂流鞠爲茂草今學校興立實崇洪規撫事懷人爾增欽屬可改築宗祊務在爽塏厚給祭秩禮同諸侯奉聖之爵以時繼紹

明帝永泰元年三月詔曰仲尼明聖在躬光上哲弘激雅道大訓生民師範百王軌儀千載世人斯仰忠孝攸出立功潛被至德淵闢雖反袂超曠而儀萬邦缺時祭舊品秩比諸侯頃歲以來祀典陵替且豆寂寥性真草舉豈所以克昭大烈永隆風教者哉可式循舊典詳復祭秩使牢饗備祀欽享

梁敬帝太平二年詔曰夫子降靈體結經仁緯義允克素王載闡玄功仰之者彌高誨之者不倦立忠立孝德被

承製制禮作樂道冠羣后雖泰山極峻一簣不遺而泗水餘淵千載猶存自國圖屯阻既薦不修奉聖之門胤嗣藏城敬神之寢重篲寂寥永言聲烈實垂懷愴可搜舉輿國之族以爲奉聖之後并修繕廟堂祇備祀典四時舊秩一片遵傳

周宣帝大業二年詔曰大德之後足稱不絕功施于民義昭祀典孔子德垂邁往道實生知以大聖之才屬千古之運載弘儒業式次藝倫至如參贊天人之理裁成禮樂之務作範百王垂風萬葉朕欽承寶曆服膺教義眷言洙泗懷道滋深而衰成修號雖彰故實旌崇聖績猶有闕如可追封爲鄒國公邑數准舊并立後承襲列于京師置廟以時祭享

陳後主至德三年詔曰宣尼誕膺上哲體資至道祖述憲章之典並天地而合德樂正雅頌之興與日月而偕明垂後昆之制範開生民之耳目梁季湮微靈寢忘處鞠爲茂草三十餘年敬仰如在永惟慨息今雅道和煦由庚得所斷琴故壘零落不圯閱筭開書無因修復可詳之禮典改築舊廟葺房檼棟咸使維新芳馨潔滌以時享奠

隋煬帝大業四年詔曰先師尼父聖德在躬誕發天縱之

表。意章文武之道。命世膺期。繼茲素王。而烈山之嘆。忽  
貽于千祀。自德之美。不存于百代。永維懿範。宜有褒崇。  
可立孔子後爲紹聖侯。有司求其前裔。錄以申上。

唐高祖武德二年。詔曰。大德必祀。義在方冊。達人命世。流  
慶後昆。爰始姬旦。匡翊周邦。創設禮經。大明憲典。戡生  
民之耳目。窮法度之本原。粵若宣尼。天姿唐哲。四科之  
教。歷代不刊。三千之徒。風流無斁。惟茲二聖。道濟生人。  
尊禮不修。孰明褒尚。宜命有司。立周公孔子廟各一所。  
四時致祭。

武德九年十二月。太宗皇帝詔曰。宣尼以大聖之德。天縱  
多能。王道精以裁成。人倫資其教義。故孟軻稱生民以  
來。一人而已。自漢氏取曆。魏室分區。爰及晉朝。降下隋  
代。咸相崇尚。用存祀享。朕欽若前王。憲章故實。親師宗  
聖。是所庶幾。存亡繼絕。仰惟通典。可立孔子後爲褒聖  
侯。以隋故紹聖侯孔嗣哲嫡子德倫爲嗣。

高宗乾封元年正月。車駕發泰山。至曲阜。親幸祠廟。詔曰。  
朕聞德粹機神。盛烈光于後代。化成天地。玄功被于庶  
物。魯大司寇宜尼父孔。資大聖之材。屬衰周之末。思  
欲屈已濟俗。弘道作時。歷聘周流。莫能見用。想乘桴以  
永嘆。因獲譏而興感。於是垂素王之雅則。正魯史之繁

文。播沙棠于一時。昭景化于千祀。朕嗣膺寶曆。祇奉唐  
嗣。意章前王。規矩先聖。崇至公于游內。行大道于天下。  
遂得八表又安。兩儀交泰。功成化洽。禮備樂和。展采東  
巡。回輿西土。途經茲境。撫事典墳。聖哲並臨。願爲師友。  
瞻望幽墓。思承格言。雖寢荒蕪。餘基尚在。靈廟空寂。  
徽烈猶存。孟軻曰。自生民以來。未有若孔子者也。微禹  
之嘆。既深。褒崇之道。宜峻。可追贈太師。庶年代雖遠。式  
範令圖。景業維新。儀刑茂實。其廟宇制度。卑陋非宜。更  
加修造。仍令三品一人。以少牢致祭。褒聖侯德倫既承  
胤嗣。有異常流。其子孫並宜免賦役。

玄宗開元二十七年八月。追謚孔子爲文宣王。詔曰。弘我  
王化。在乎儒術。發揮此道。啓迪含靈。自生民以來。未有  
如孔子者也。所謂自天攸縱。將聖多能。德配乾坤。身揭  
日月。故能立天下之大本。成天下之大經。美政教。移風  
俗。君君臣臣。父父子子。民到于今。受其賜。不其偉歟。嗚  
呼。楚王莫封。魯公不用。俾夫大聖。才列陪臣。棲遲旅人。  
固可知矣。年祀寢遠。光靈益彰。雖代有褒稱。未爲崇峻。  
不副于實。人其謂何。夫子既稱先聖。可追謚爲文宣王。  
令三公持節冊命。其後嗣褒聖侯。改封嗣文宣公。  
封十哲制曰。門人三千。見稱十哲。包大衆美。實超等夷。





暢步聖之風規、發人倫之耳目。竝宜褒贈、以龍賢明。其顏子既云亞聖、須優其秩、追贈兗國公。子鶯費侯、伯牛邠侯、仲弓薛侯、子有徐侯、子路衛侯、子我齊侯、子貢黎侯、子游吳侯、子夏衛侯。

封羣弟子制曰、道可褒崇、豈限今古、追贈之典、旌德存焉。夫子十哲之外、曾參等六十七人、同升孔門、博習儒術、子之四教、爾實行之。親授教言、式揚大義、是稱達者、不其盛歟。欽若古風、載崇立聖、至于十哲、亦被寵章。而曾子之倫、未有稱謂、宜亞四科之士、以疏五等之封、俾與先師、咸膺盛禮、皆封伯。

宋真宗大中祥符元年十一月、詔曰、朕以紀號岱宗、觀風廣魯、允懷先聖、實主斯文。矧尼山毓粹之區、光靈可挹、而曲阜奉祀之地、廟貌猶存。將仲欽渴之儀、用表欽崇之志。宜取十一月朔日、幸曲阜縣、備禮躬謁、仍付所司詳定、車駕至曲阜縣、謁文宣王廟、內外置設、黃麾仗、雙文宣公親伯叔兄弟、並許陪位。

加謚立聖文宣王制曰、王者順考古道、懋建大猷、崇四術以化民、昭宣教本、總百王而致治、不變人文、方戡迪于素風、思丕揚于鴻烈。先聖文宣王、道膺上聖、體自生知、以天縱之多能、實人倫之先覺。立功侔乎簡易、景鑒

配乎貞明。惟列辟以尊崇、爲億載之師表。肆朕以寡昧、欽承命曆、曷嘗不遵守彝訓、保乂中區。屬以祇若元符、告成喬岳、觀風廣魯之地、飭篇數仞之墻。躬詣遠祠、緬懷遐躅。仰明靈之如在、肅奠獻以惟寅。是用稽簡冊之文、昭聰獻之德。聿舉追崇之禮、庶申嚴奉之心。備物典章、垂之不朽。誕告多士、昭示朕意。宜追謚曰立聖文宣王。

封文宣王父叔梁紇爲齊國公、母顏氏爲魯國太夫人。詔曰、朕以祇祓岱宗、親巡魯甸、永懷宣聖之德、躬造闕里之庭。奠獻周旋、欽崇備至。惟降靈之所自、亦錫美之有初。像設具存、名稱斯闕。宜加追命、以煥典章。叔梁紇宜追封齊國公、顏氏宜追封魯國太夫人。遣都官員外郎王勵精虔祭告。

追封伯魚母亓官氏爲鄆國夫人。詔曰、朕時巡魯郡、躬詣孔堂、顧風教之所尊、舉典章而旣渥。眷惟令淑、作合聖靈、載稽簡冊之文、尚闕封崇之數。屬茲咸秩、特示追崇。垂厥方來、式昭遺範。亓官氏宜追封鄆國夫人、仍令兗州遣官詣曲阜廟祭告。

大中祥符二年、詔曰、朕乃者封禪禪社、昭列聖之鴻休、崇德報功、廣百王之彝制。洎言旋于闕里、遂躬謁于魯堂。

瞻河海之姿、眸容穆若、出泗水之上、高風凜然、舉茂典之有加、期斯文之益振、由是推恩世世、併錫寵章、祇事祠庭、廣增其奉邑、復念性與天、德冠生民、議茲立聖之名、冀廣嚴師之禮、兼朕親為製贊、以表崇儒、至于四科鉅賢、並超五等、七十達者、俱贈列侯、仍命案察、分紀遺烈、式盡褒揚之旨、庶資善誘之方、宜令中書門下、樞密院、三司使、兩制丞郎、待制、閣直館、校理、分撰贊以聞、

仁宗皇祐二年、封範聖侯、敕曰、元聖肇興、誕自東魯、雖天之生德、蓋云默定、而岳之降神、實應精禱、兗州泗水縣尼丘山崇岡秀阜、雲雨所出、儲丕祐于商後、孕全氣于孔族、挺靈膚哲、為萬代師、當崇五等之封、俾均四瀆之秩、列于祀典、以來神像、攸司奉書、往申昭告、宜特封範聖侯。

崇寧元年、追封伯魚為泗水侯、制曰、孔子之道、萬世所尊、鯉實嗣之、親聞詩禮、魯堂從祀、厥有舊章、疏以爵封、以示褒顯。

度宗咸淳三年、詔曰、泗水侯以先聖為之父、以子思為之子、而聞詩聞禮、周南召南之學、其在魯論、著明如此、鄆城侯忠、其昆也、亦在從祀之列、伯魚可列于鄆城侯之次。

陞曾子、子思配享、詔曰、惟孔子獨稱顏回好學、固非三千之徒所同也、而其學不傳、得聖傳者、獨曾子、傳子思、子思傳孟子、忠恕兩語、深契一貫之旨、中庸一篇、丕闡前世之蘊、而孔子之道益著、向非顏曾思孟相繼演繹、著書垂訓、中更管商、楊墨、佛老、幾何其不遂泯哉、今大成惟顏孟侑食、曾思不預、尚為缺典、先皇帝述道統之傳、自伏羲以來、著十三贊、孔子而下、顏曾思孟昭然具在、其非以遺我後人乎、其令禮官、學官議可陞曾思侑食、并議可陞十哲者以聞。

元世祖至元三十一年七月、詔論中外百官吏人等、孔子之道、垂憲萬世、有國家者所當崇奉、曲阜林廟、上都大都、諸路府州縣邑、應設學校書院、照依世祖皇帝聖旨、禁約諸官員使臣軍馬、毋得于內安下、或聚集講理詞訟、喪費飲食、工役造作、收貯官物、其瞻學地土產業及貢士庄、諸人毋得侵奪、所出錢糧、以供春秋二丁、朔望祭祀及師生廩膳、貧寒老病之士為眾所尊敬者、月支米糧、優恤養贍、廟宇損壞、隨即修完、作養後進、嚴加訓誨、講習道藝、務要成材、若德行文學超出時輩者、有司保舉、肅政廉訪司體覆相同、以備選用、據合行儒人事理、照依已降聖旨。



成宗大德十一年十二月詔曰、蓋聞先孔子而聖者、非孔子無以明、後孔子而聖者、非孔子無以法、所以祖述堯舜、憲章文武、儀範百王、師表萬世、朕慕承丕緒、敬仰休風、循治古之良規、舉追封之盛典、加號大成至聖文宣王、遣使闕里、祀以太牢、於戲、父子之親、君臣之義、永惟聖教之尊、天地之大、日月之明、奚罄名言之妙、尚資神化、祚我皇元。

文宗至順二年九月、加封啓聖王詔曰、闕里有家、系出神明之胄、尼山請禱、天啓聖人之生、非觀人文、敦求往哲、維孔氏之有作、集羣聖之大成、原道統、則堯授舜、傳至周文王、論世家、則舜至湯、下逮正考父、其明德也遠矣、故生知者出焉、有開必先、克昌厥後、如太極之生天地、如鉅海之有水源、雲初既集、于上公之封、考妣宜視夫素王之爵、於戲、君子之道、考而不誤、建而不悖、予以教典而叙倫、宗廟之禮、愛其所親、敬其所尊、予以報功而崇德、尚篤其慶、以相斯文、齊國公叔梁紇、加封啓聖王、魯國太夫人顏氏、加封啓聖王夫人。

加封大成至聖文宣王夫人詔曰、我國家尊典禮以彌文、本闔門而成教、乃瞻素王之廟、尚虛元極之封、有其舉之、斯爲盛矣、大成至聖文宣王夫人官氏來嬪聖室、

垂裕世家、簋豆出房、自流風于殷禮、瑟瑟在御、存燕樂于魯堂、功言邈若于遺聞、儀範儼乎其合德、作爾禕衣之袂、稱其命與之名、噫、秩秩彛倫、吾欲廣開雉鵲巢之化、皇皇文治、天其興河圖鳳島之祥、可特封大成至聖文宣王夫人。

加封子思爲沂國述聖公制曰、昔曾子得聖人之傳、而子思克承厥統、稽夫中庸之一書、實開聖學于千載、朕自臨御以來、每以嘉惠斯文爲念、萬機之暇、覽觀載籍、至于致中和而天地位、萬物育、惟留意焉、夫爵職之崇、旣降于升配、景行之意、可後于褒嘉、嗚呼、有仲尼作于前、孰儼世家之盛、得孟子振其後、益昌斯道之傳、渥命其承、茂隆丕緒、可加封沂國述聖公、王者施行。

明成祖永樂四年、敕禮部曰、朕惟孔子帝王之師、帝王爲生民之主、孔子立生民之道、三綱五常之理、治天下之大經大法、皆孔子明之、以教萬世、朕皇考太祖高皇帝膺君師億兆之任、正春夏文明之統、復衣冠禮樂之舊、渡江之初、首建學校、親祀孔子、御筵講書、守帝王之心、法繼聖賢之道、學集其大成、以臻至治、朕承鴻業、惟成憲是遵、今當躬詣太學、釋奠先師、以興崇儒重道之意、其合行禮儀、禮部詳議以聞。



世宗正孔子祀典曰朕惟孔子之道王者之道也德王者之德也功王者之功也事王者之事也特其位非王者之位焉昨輔臣少傅張璠再疏請正其號稱服章等事已命禮部集翰林諸臣議正外惟號與服章二事所關者重不得不爲言之孔子當周家衰時知其不能行王者之道乃切切以王道望于魯衛二國二國之君竟不能明孔子之道孔子既逝後世至唐玄宗乃薦謚曰文宣加以王號至元又益其謚爲大成夫孔子之于當時諸侯有僭王者皆筆削而心誅之故曰孔子作春秋而亂臣賊子懼孔子生如是其死乃不體聖人之心漫加其號雖曰尊崇其實目爲亂臣賊子之徒是何心哉又我聖祖當首定天下之時命天下崇祀孔子于學不許祀于釋老之宮又除去塑像止令設王樂舞用六佾簋豆以十可謂尊崇孔子極其至矣無以加矣特存其號豈無望于後人哉或當時草創未暇與至我皇祖文皇帝始建北京國學因元人之舊塑像猶存益不忍毀之也又至我皇祖考用禮官之議增樂舞用八佾簋豆用十二牲用熟而上擬乎事天之禮也夫孔子設或在今肯安享之乎肯不觀魯僭王之禮寧肯自僭事天之禮乎果能體聖人之心決當正之也至于稱王賊害孔子

之甚孔子昔曰名不正則言不順言不順則事不成何其不幸身遭之哉夫既以王者之名而橫加于孔子故使顏回曾參孔伋以子而並配于堂上顏路曾皙孔鯉以父從列于下安有子坐堂上而父食于下乎此所謂名不正者焉皆由綱領一紊而百目因之以瞽耳今也不正滋來世之非道將見子不父其父臣不君其君內離外叛可勝言哉

世宗正祀典申說朕惟爲人臣盡臣道盡之云者終始生歟以之非有所私也孔子曰三年無改于父之道朱子釋之曰祖父所行之事不但三年雖萬世亦不可改也少可有變豈可待之三年夫成法固不可改其于一切事務不可不急于正之也朕又惟天子不可與匹夫相爭辨斯世斯時却不得不辨也昨所議正孔子之祀典朕不知典籍且以易明者言之孔子之謚王號自唐玄宗李林甫之君臣始夫孔子已逝在秦漢之前此間豈無賢明之君如漢高祖唐太宗皆創業垂統者何不加王號于孔子則不敢擁虛名以示尊崇之意可知矣林甫之請玄宗之加意必有爲林甫之爲臣何等臣也其意或假尊崇師道以欺玄宗歟玄宗之所加也何其巧乎自秦而後王天下者稱皇帝漢方以王號封臣下立

宗之封謚孔子、何不以皇帝加之。是不欲與之齊也。特一王號、猶封拜臣下耳。尊崇之意何在哉。蓋此王字、非王天下之王、實後世王公之王也。由是藝君武宗假托之而加謚、宋徽宗薦十二章服、徽宗之加、欲掩其好道教而設此以尊崇耳。况以諸侯王而薦天子之服章、誣之甚也。至于雕塑之像、不知孔門弟子、即孔子歿時而造之、且如一人自是一人貌色、不知可增損乎。抑不可乎。以一聖人而信工肆意雕塑、曰此是孔子像也。殊不知其實是土木之靈耳。孔子肯依之享之。推已之心、則知孔子之心也。又至于八份之舞、十二俎豆、又借禮之甚也。決所當正。

聖裔制謚

唐玄宗開元二十七年、封三十五代孫孔璣之爲文宣公。制曰、永惟聖道、思剛儒風。故尊崇先王、所以弘至教。褒獎後嗣、所以美前烈。褒聖侯孔璣之纂承、庶振克履中庸、三命益欽。教素憑于相業、百代必嗣。光寵極于朝恩。積慶之餘、既開土宇。至德不朽、宜傳帶礪。可封文宣公。兼除兗州長史、遷都水使者食邑一千戶。

宋太宗太平興國三年、四十四代孫孔宜遷贊善大夫、襲封文宣公。制曰、朕以夫子之聖、其道猶天、聰彼裔孫、宜其嗣襲。况聞爾服勤素業、砥礪官常、乃喻善于東宮、俾增榮于闕里。勉遵家法、以荷國恩。

又詔曰、素王之道、百代所宗。傳祚襲封、抑存舊典。文宣王四十四代孫孔宜、服勤有素、砥礪廉隅、亟歷官聯、洽聞政績。聖人之後、世德不衰。俾登朝倫、以光儒胄。可授太子右贊善大夫、襲封文宣公。

太宗太平興國八年、答孔宜謝修廟進方物詔曰、素王之教、歷代所宗。當予治定之初、特葺修崇之典。汝襲封闕里、就列周行、虔備貢輸、虔茲輪負。省聞嘉嘆、不忘于懷。仁宗至道三年、孔延世襲封文宣公。制曰、叔放陰德、尚繼絕于楚邦。臧孫立言、猶有後于魯國。豈聖人之後、可

遠于陵廟乎。許州長葛縣令孔延世、鍾商孫之慶、任文理之朝。能敦素風、其有政術、宜任榮梓之地、以奉蒸嘗之儀。可特授曲阜縣令、襲封文宣公、賜經書、仍賜銀五十兩、帛五十匹。

仁宗至和二年、改封文宣公宗愿爲衍聖公。制曰：孔子之後、以爵號襲顯、世世不絕、其來遠矣。自漢元帝封爲褒成君、以奉其祀、至平帝時改爲褒成侯、始追謚孔子爲褒成宣尼公。褒成、其國也。宣尼、其謚也。公侯、其爵也。後之子孫、雖更改不一、而不失其義。至唐開元中、始追謚孔子爲文宣、而尊以王爵。其嗣襲聖侯爲嗣文宣公。孔子子孫、去國名而襲謚號、禮之失也。蓋由于此。比朕稽考前訓、博采羣議、皆謂宜去漢之舊、革唐之失、稽古正名、于義爲得。朕念先帝崇尚儒術、親祠闕里、而始加至聖之號、務極尊顯之意。肆朕纂臨、繼奉先志、不敢失隆、而正其後裔嗣襲之號、不其重與。宜改至聖文宣王四十六代孫宗愿爲衍聖公。從太常博士祖無擇之議也。徽宗崇寧三年、復封四十八代孫孔端友爲衍聖公。皆勾祀事。詔曰：自書契以還、爵之于朝者多矣、未有傳世四十有八而不絕者也。惟文宣之後、次當承襲、宜錫文階、并示寵渥、往加慎恪、務保厥榮。

宣和三年、敕宣議郎襲封衍聖公孔端友曰：先聖、古今之師也。由百世之後、等百世之王、始未有能違之者。朕既法其言、尊其道、舉以爲治、猶以爲未也。又錄其後裔褒大之。爾宣聖之裔、效官東魯、積有年矣。通籍金闕、陞華芸閣、以示崇獎、汝其勉哉。

高宗紹興二年、四十九代孫孔玠襲封衍聖公。誥曰：夫子踰于堯舜、澤及萬世、靡有所窮。欽崇顧報、邦有彝典、肆予命爾、紹于世封。惟欽惟恭、則無墜命。

授四十九代孫孔莘夫迪功郎。誥曰：盛德必百世祀。歷觀自古聖賢之世、惟夫子之後、千餘歲不絕。所謂賢子堯舜者邪。六經之道、帝王世守之、君臣父子所以不胥爲彝者、皆夫子之賜也。讀其書、享其學、而可不錄其苗裔乎。今襲封者、言汝最長、有司其如故事官之、試以民事、以稱朕尊崇先聖之意焉。

授孔行可迪功郎。誥曰：夫子之道與天地並、有國家者必紹厥封、所以昭盛德之有後、而示無窮之報。我朝旣推其嫡以襲封、又官其族屬以廣其繼。今有司以爾來上、則爾名最長焉。錫汝一官、勉乃世業、光昭令德、以無負朕崇儒重道之意。

授孔璨迪功郎。誥曰：朕于當代儒先、有補斯文、不廢其



後。矧先聖之裔、尤當錄用者乎。爾以的傳、有司言狀、宜有補授、祿食仕途。雖身之榮、亦國之華也。

紹興二十四年、授五十一代孫孔元龍迪功郎、詔曰、爾著書立言、諸老所推、許以其賢、亦可官矣。况世次之所常得與。

封五十代孫孔楷爲衍聖公、誥曰、仲尼之道、垂休萬世、自生民以來、未有盛於此者。襲封奉祀、宜及後昆。以爾重厚深醇、世系可考、選其乃事、是遵典常。命以京秩、畀以公圭、非特爲爾身榮、實所以尊先聖也。往其懋哉。可授承奉郎、襲封衍聖公。

光宗紹熙四年、授五十一代孫孔文遠襲封衍聖公、誥曰、孔子之後、自漢以來、世俾襲爵。國家崇儒重道、又過前代。於是有衍聖公之封。爾于世次、實當紹續、其務恪恭、以承祭祀。

授五十二代孫孔萬春襲封衍聖公、誥曰、朕開盛德、必百世祀。而况詩書仁義之澤、涵浸生民、炳然至今者乎。爾承休聖門、端有傳序、屬當次補、仍緒世封。恪共烝祭、當勉家業。東魯文獻、于此有考焉。不亦善乎。

金章宗明昌二年、以五十一代孫孔元楷襲封衍聖公、誥曰、聖謨之大、儀範百王。所傳垂光千祀。益立道以

經世、宜承家之有人。文宣王五十一代孫孔元楷、秀阜衍祥、清洙流潤。芝蘭異稟、蔚爲宗黨之英。詩禮舊聞、垂服父兄之訓。語年雖幼、論德已成。肆疏世爵之封、乃煥身章之數。非獨增華于爾族、固將振耀于斯文。勉爾前修、用光新命。

又超授中議大夫、仍賜四品封、誥曰、夫子既沒、千八百年後人相承、五十一世。自近古已公其爵、傾散階如彼其卑、必也正名、難于仍舊。是以興百王之職典、峻五品之華資。茲以爾有成人之風、繼將聖之後、當余定格、會爾疏封、噫、廟貌存焉、克謹歲時之祀。家聲久矣、無忘詩禮之傳。學有餘師、善將終譽。

元世祖中統三年、詔曰、據孔氏顏孟之家、皆聖賢之後也。自兵亂以來、往往失學、甘爲庸鄙。朕其憫焉。可令楊唐教授、務要嚴加訓誨、精通經術、以繼聖賢之業。

明太祖洪武元年三月初四日、諭五十五代孫祭酒孔克堅、吾聞爾有風疾在身、未知實否。然彼孔氏、非常人也。彼祖宗垂教于世、歷經數十代、每有職王家、非元君運去、獨爲今日之異也。吾率中土之士、奉天運元、以安中夏。雖曰庶民、古人由民而稱帝者、漢之高祖也。爾若無疾稱疾、以慢吾國、不可也。諭至思之。



洪武元年十一月十四日、孔克堅于謹身殿內奉諭、老秀才近前來、你多少年幾也。對曰、臣五十三歲。上曰、我看你是有福快活的人、不委付你勾當。你常常寫書與你的孩兒。我看你資質也溫厚、是成家的人。你祖宗留下三綱五常、垂誨萬世的好法度、你家裏不讀書、是不守你祖宗法度、如何中。你老也常寫書教訓着、休息情了。於我朝代裏、你家再出一個好人、呵不好。二十日、於謹身殿西頭廊房下奏、臣將皇上十四日的戒諭、備細寫將去了。上喜曰、道與他、少吃酒、多讀書。

洪武元年十二月、封孔子五十六代孫孔希學襲封衍聖公。制曰、古之聖人、自羲農至于文武、法天治民、明並日月、德化之盛、莫有加焉。然皆隨時制宜、世有因革。至于孔子、雖不得位、會前聖之道而通之、以垂教萬世爲帝者師。其孫子思又能傳述而明言之、以極其盛。有國家者求其統緒、尊其爵號、蓋所以崇德而報功也。歷代以來、膺襲封號者、或不能繼其祖武、朕甚憫焉。當臨御之初、訪其世襲者、得其五十六代孫孔希學、大宗是紹、爰行典禮、以致褒崇。爾其勤敏以進學、恭儉以成德、庶幾領袖世儒、益展聖道之用于當時、以副朕之至望、豈不偉歟。可封資善大夫、襲封衍聖公。

洪武三年五月初四日、左丞相宣國公等官于正宮門西耳房奉旨、孔祭酒在前曾說、多有同姓的、指着先聖宗派、都來曲阜、四散居住。中間多有不知禮義、相聚日久、恐相連累。今後除先聖這一宗派休教他當差、其餘假託孔子子孫、分揀出來、與百姓一體當差。欽此。

洪武六年八月二十九日、上御端門、文武百官早朝、召衍聖公孔希學、問曰、爾年幾何。對曰、臣三十有九。上曰、今去爾祖孔子歷年幾何。對曰、近二千年。上曰、年代雖遠、而尊敬如一日、何也。爲爾祖明綱常、興禮樂、正彝倫、所以爲帝者師、爲常人教、傳至萬世、其道不可廢也。且爾祖無所不學、無所不通、故得爲聖人。如問禮于老聃、學琴于師襄之類、此謂學無常師。非特如此、楚王渡江、得一物、其大如斗、其赤如日、其甜如蜜。衆皆不知、遣使問于爾祖。曰、此萍實也。問何以知之。爾祖曰、昔聞諸童謠云、童子之言、爾祖尚記之、不忘。況道德之與者乎。今爾爲襲封爵至上公、不爲不榮矣。此非爾祖之遺蔭與。朕以爾孔子之裔、不欲于流內銓注、以政事煩爾、正爲保全爾也。爾若不讀書、孤朕意矣。且人年自八歲至弱冠、多昏蒙未開、不肯向學。至壯年、有室、血氣正盛、百爲營營、亦無暇好學。爾年過四十、志慮漸凝定、見識漸老成、





正好讀聖人之書、親近明師良友、晝夜講明道義、必期有成。學成之後、四方之人、知爾之能、但來執經問難。且曰、此無媿聖人子孫者。豈不美與。然四體之勤、乃德之符、步履進退、亦必用安詳。不可欲斜飛舞、久久習熟、遂爲端人正士。朕今婉曲教爾、爾其自擇、還家亦以此教子孫、可也。勉之哉、勉之哉。

洪武七年七月、勅五十五代孫孔克仲曰、昔若天下者、官以五爵、自漢以下、職分九第、凡斯之職、非德功者勿登。可見昔君慎名爵而重志能者。朕值元運、天更布衣而起草萊、天命歸而羣英附、不五七年間、偃兵息民、一舉夏、主兆民、紀年洪武。當建國之初、已定神人之分、故天地位其位、黔黎附焉。其于先聖先師、朕不敢外、稽諸歷代、載在祀典者、則仲尼有血食、後嗣有襲封。於是法前代、仍舊章。孔希學受封、世爲縣令者、希大職如前。何期希六不依祖訓、屢干國憲、自蹈罪戾、以失世官。今特選本族、以克仲授從仕郎、知濟寧府兗州曲阜縣事。爾尚夙夜忠勤、承流宣化、宜鑒前車之失、求無忝于聖裔、則予汝嘉爾勉哉。

洪武十一年十二月十七日、中書省內史林英、承敕郎曹儀齋至、敕符、先師孔子孫襲封衍聖公、至京朝覲。爾中

書下禮部、用心禮待。所有隨行者、要皆歡心、勿使有缺。故敕。速行無怠。

敕襲封衍聖公孔希學、卿家昭名、歷代不朽、富貴永彰。天地間、乃由陰陽之重。云何、以其明彝倫、攸敘之精微、表萬世綱常之不泯也。故若如卿、當思祖道、可動人天。朕聞卿來朝、已敕中書下禮部、使所用如意。未知給否。雖從行者、務要歡心。故茲敕諭。

敕中書下禮部、賜先師孔子孫襲封衍聖公孔希學、日用如舊、餘皆照例。衆所在以安之、毋怠。如勅奉行。

敕襲封衍聖公孔希學、昔卿之祖、能明綱常、以植世教。其功大矣哉。故其後世、子孫相承、凡有天下者、莫不優禮。今卿每歲來朝、不避嚴凍、可謂篤君臣之大義、而不拂于祖之訓者矣。已敕中書下禮部、賜卿日用。故茲敕諭。

洪武十五年三月、敕五十五代孫孔克魯、朕聞古人有必報而不忘者、先師也。蓋謂明德傳道、終身不受禍患、故報之。朕與臣民同世、于斯時、方知大成至聖文宣王當世之先師。時人去古既遠、有失報禮、稽諸古典、報則有光。其光之顯揚、師徒共之。若果誠能報之、則益而無損。洪武十四年、吏部奏、爲襲封衍聖公長逝、生前因曲阜

知縣孔克仲卒其官係孔氏子孫世職昔衍聖公已薦族人孔克魯爲知縣朕思衍聖公近後方奏慮恐不實以爾族中長者悉至京師論賢排嫡族人既至宗派分明以爾克魯爲賢特命爲曲阜知縣以報先師爾當敬事以在公而信以來庶民儉使人效勤問民艱用力以時以揚先師盛德於戲陰陽流芳萬世不泯英靈長存子孫承之爾宜懋哉。

洪武十七年二月初二日敕五十七代孫孔訥三皇五帝之道明陳攸叙大展藝倫協天地陰陽定民居者爲此也至周文繫于三墳道迷于五典兼八索九丘之泛而諸家之說並生是致道縱塗橫雖欲馳之莫知所向獨先師孔子明哲心樞睿知定真折僞以成詩書其修道之謂教可謂至矣率性之謂道可謂堅矣由是天鑑善德血食之祀萬世子孫弘衍于今耿光而弗磨者因幽明之誠無間感通天下故若是也前衍聖公孔希學嬰疾長往嫡長子訥服闋來朝令襲其爵以奉先師爾吏曹如敕無怠欽哉。

洪武二十八年二月敕五十六代孫孔希範古昔盛時仕者不出其國生于其鄉而治其同鄉之民故能察其好惡知其土俗拯其疾苦政教行而民從之也易後世或

私于其鄉於是此道不復也久矣惟爾孔氏以先師裔孫之故前代特遣治其鄉邑庶幾古昔之意焉茲命孔希範爲承仕郎知曲阜縣事爾尚杜爾私室爾欲無以勢陵下無以親撓公爾祖不云乎不能正其身如正人何其務正身以宣政化使鄉邑之民蒙爾之惠謂聖者之子孫果異于衆人不亦善乎。

洪武二十九年上謂工部右侍郎秦達曰春秋之時人紀廢壞孔子以至聖之資刪述六經使先王之道晦而復明萬世永賴功莫大焉夫食粟則思樹藝之先衣帛則思蠶織之始皆重其所從出也孔子之功與天地並立故朕命天下通祀以致崇報之意而闕里又啓聖降神之地廟宇廢而不修將何以妥神靈詔來世爾工部其卽爲修理以副朕懷。

永樂八年十二月十九日封五十九代孫孔彥縉爲衍聖公制曰孔子之道配乎天地師表萬世咸在尊崇欽仰素王傳襲後裔今五十九代孫彥縉允爲世嫡雅有令資俾紹顯榮用光儒胃可襲封衍聖公惟克懋勤服茲寵命勉修聖學承藉家聲。

永樂九年賜知縣孔克中敕曰國家崇先聖之道既封孔氏之嫡爲衍聖公承于世世又簡求其裔之良者爲令



于鄉邑治教其民著在令典皆所以褒隆先聖之道也。爾孔克中乃孔子五十五代孫今特命爲山東兗州府曲阜縣知縣爾其懋勤忠孝承流宣化敬慎不渝以光膺朕命無忝于爾祖欽哉。

洪熙元年正月十三日封衍聖公孔彥縉妻夏氏爲夫人制曰朕致敬先師施及厥後至其家室亦有褒榮者所以廣崇儒重道之恩也先聖五十九代孫孔彥縉受命先帝襲封衍聖公歲時來朝雍容進退朕用嘉之厚其禮遇其妻夏氏內助克賢而未有封命今從其夫之貴封爲夫人凡天下後世有事于修齊治平者皆誦法孔子矧配孔子之孫可不慎哉可不敬哉益懋率履毋忝于家。

宣德元年二月十二日追賜孔子五十八代孫衍聖公孔公鑑制曰孔子明堯舜禹湯文武之道三綱五常之理示法萬世我國家遵用以安天下故推恩及子孫者所以隆崇報之禮焉故襲封衍聖公孔公鑑乃宣聖五十八代孫早紹封爵而弗永年然克謹禮度不忝先世茲特推恩追賜誥命以著嘉念不忘之意九原有知庶其歆服。

封衍聖公孔公鑑妻胡氏爲太夫人制曰朕惟人子之

賢雖本于父而資于母德亦深矣故國家之于羣臣皆有推恩之典焉爾胡氏乃故襲封衍聖公孔公鑑之妻今彥縉之母婦道母則不忝于聖人之後茲特封爾爲太夫人益茂訓慈以裕爾嗣欽哉。

贈衍聖公孔公鑑母王氏爲夫人制曰國家于羣臣皆推恩以及其親所以勸孝也況我聖人之冑之所自出乎爾王氏故襲封衍聖公孔公鑑之母德善夙著于閭門今既追錫爾子誥命揆厥原本特贈爾爲夫人服此榮恩永膺幽壤。

宣德十年十月二十一日封五十七代孫孔諤爲監察御史敕曰朝廷設監察御史欲其振紀綱辨邪正以弼成國家之治厥任匪輕文林郎行在雲南道監察御史孔諤先聖之後以儒發身擢官春坊再遷御史歷年既久克效勞勩是用錫之敕命以示褒嘉夫官以察爲名以言爲職在明大體而畧細故在愛君子而戒小人其益端爾志堅爾守毋私于法毋撓于勢毋許以爲直毋奇以爲能明以燭之公以行之懋修而不懈尚有顯爵以待爾成欽哉。

景泰元年正月初五日敕孔顏孟三氏子孫襲封衍聖公孔彥縉等朕以今年二月初吉躬臨太學祀先聖先賢

爾三氏子孫各以賢而長者三四人來。限正月二十五日至京師。有司一體應付口糧。毋或稽遲。如勅奉行。

景泰六年九月初四日。進詹事府主簿孔公禮徵仕郎。敕曰。朕于官僚。皆簡任文學之臣。而其大小衆務。則屬之詹事。乃若典簿書。亦必得人。斯爲稱焉。爾詹事府主簿孔公禮。系自關里。領薦鄉闈。擢任教官。進陞國學。追還今職。克效其勤。是用進爾階。徵仕郎。錫之敕命。爾尚益盡乃心。懋修不懈。無忝厥職。欽哉。

景泰六年十二月二十三日。封六十一代孫孔弘緒爲衍聖公。制曰。帝王之道。待孔子而後明。尊崇之典。顯其世而後至。此有國者之常禮。而我祖宗以來之盛心也。先師孔子六十一代孫孔弘緒。既稟令資。而爲世嫡。宜膺封爵。以紹儒宗。特命襲封衍聖公。惟德可以承先。惟學可以希聖。往惟懋志。光寵是承。欽哉。

封衍聖公妻李氏爲夫人。制曰。朕惟先聖之後。顯榮于時。名位既榮于其身。而必推恩及其伉儷者。所以廣異數而厚養倫也。爾襲封衍聖公孔弘緒妻李氏。賦性端莊。稟資淑靜。習閑禮教。早鍾秀于名門。式著懿儀。宜作配于華胄。承家相祀。婦道惟修。爰錫殊恩。以示褒顯。茲特封爲衍聖公夫人。尚其益勤內助。永綏嘉命。欽哉。

贈六十一代孫孔承慶襲封衍聖公。制曰。朕惟積善在躬。餘慶必垂于後。顯榮于國。寵命必及其先。況爲先聖之後人。其禮尤宜于加等。爾孔承慶。乃襲封衍聖公孔弘緒之父。潛德弗耀。爲時善人。胡不永年。幸生賢嗣。子既襲於封爵。爾亦宜有褒崇。是用追贈爾爲衍聖公。嗚呼。生有善譽。歿有榮名。尚克歆承。永光胤祚。

景泰六年十二月二十六日。敕諭六十一代孫孔弘緒襲封衍聖公。朕惟自古聖帝明王之道。覆幬天下。然行之于當時。明之于萬世。如布帛菽粟。不可一日而無者。則惟先師孔子。肆歷代帝王至于我祖宗。尊崇之典。靡不至焉。朕承大統。究惟斯道。尊崇之心。有隆無替。而爾祖襲封衍聖公孔彥縉。以先師之嫡嗣。朕方優於禮待。詎意溘先朝露。然豈可使一日而緩其繼。肆特命爾襲封衍聖公。爵以奉先師祀事。爾尚欽承祖德。丰體朕懷。修身謹行。以孝弟爲先。力學親賢。以詩禮爲本。和敬以睦族姻。仁厚以處鄉黨。毋驕毋傲。惟儉惟良。庶無忝於宗親。且有光於朕命。欽哉。

封衍聖公孔彥縉側室江氏爲夫人。制曰。人臣于其所本。莫不欲貴之。斯皆本于天性。故朝廷因所欲而推恩焉。所以體其心而勸孝也。爾江氏乃故衍聖公孔彥縉



之側室、今襲封衍聖公弘緒之庶祖母、率修婦德、既宜于家、復撫幼孫、克承宗祀、眷茲賢淑、可無褒嘉、特封爾爲夫人、尚其祇承、永綏壽祉。

天順四年九月初四日、進禮科給事中孔公恂階徵仕郎、敕曰、國家設六科給事中、欲其審奏牘、駁違失、任言責、而糾官邪、其職可謂要矣、必得端慎明敏之士、始克稱焉、爾禮科給事中孔公恂、系出宣聖、早拔賢科、擢授今官、聲猷茂著、是用進爾階徵仕郎、錫之敕命、以爲爾榮、夫居近侍者、貴達大體、而畧細故、扶正道而進嘉謨、爾尚益秉忠誠、懋修厥職、以稱擇賢任官之意、欽哉。

成化七年五月二十六日、進南京詹事府少詹事孔公恂階中憲大夫制曰、國家設詹事府以輔道、春宮其長貳皆以儒臣處之、必得學行端謹之士、乃克稱焉、爾南京詹事府少詹事孔公恂、發身科第、給事殿庭、既陞職于春宮、復平刑于大理、貞詹再濫、論德由兼、出提郡章、進遷茲任、厥歷既久、嘉績良多、宜有褒恩、用昭國典、茲特進爾階中憲大夫、錫之誥命、以爲爾榮、爾其益端乃心、益勵乃行、以副朕委任之意、欽哉。

弘治十六年九月初六日、封六十二代孫孔聞韶爲衍聖公制曰、國家稽古右文、建中弘化、實惟先師孔子之道

是憑是式、故錫爵啓封、俾奉世祀、崇德聚賢之典、自祖宗列聖至于朕躬、有隆無替、爾聞韶儒宗世嫡、嗣膺封命、而茂年美質、足紹前休、爾尚克勸進修、永終令譽、以副四方之觀禮、以光百代之宗祀、夫忠信乃行乎州里、孝弟可通于神明、爾惟欽哉、學在溫故而知新、德貴擇善而固執、此先師之明訓、而家學所世守者也、爾其懋哉、毋忝朕命。

正德四年十一月初十日、襲封衍聖公孔聞韶敕曰、我太祖高皇帝崇重爾祖先聖之道、卽位之初、首命訪求大宗之裔、襲封衍聖公、既又擇其支裔之良者、授曲阜縣知縣、世守其職、著在令典、累朝遵行、茲惟我國家之盛事、非獨爾一家之榮也、近者曲阜缺知縣、爾及族長舉事人等遵故事、共舉一人、而族人孔承章、承周乃懷挾私讐、越關赴京、連名奏訐、該吏部叅酌覆奏、別用一人、以承章等所奏多虛、薄示罪責、爾潛任京師、復謀奏擾、緝事衙門發其事、遂命錦衣衛鎮撫司究問、本當照依榜例處治、但念先聖子孫、免枷號決打、俱發戍廣西邊衛、夫先聖之道、垂憲萬世、朝廷用之、以爲治天下之法、在爾輩守之、則爲治家之法、承章等首開訟端、毀謗宗子、以朝廷名爵爲私家爭奪之具、是先聖不肖子孫也。

遷發邊方、小懲大戒、正用先聖家法爲之、教不肖子孫耳。先聖嘗言、其身止、不令而行。爾聞韶尚佩服家訓、進學修德、與族長舉事、管理族人、讀書循理、以稱朝廷崇重至意。今後再有恃強挾長、朋謀脅制、不守家法、爲聖門之玷者、爾卽指名具奏、國典具存、必不輕恕。爾其欽承之故教。

正德五年十月二十日、封衍聖公孔聞韶繼嫡母袁氏爲太夫人制曰、婦從夫貴、乃天地之常經。母以子榮、亦古今之通義。爰循舊典、渙布新恩。爾袁氏乃襲封衍聖公孔聞韶之繼嫡母、出自名門、于歸聖裔、恪修婦道、茂著母儀。致有嗣人、克光前烈。爾茲懿行、可法褒章。茲特封爲太夫人、錫之誥命。於戲、自天渙號、式彰慈教之賢、宜爾子孫、益衍家庭之慶。

嘉靖十九年六月十二日、賜衍聖公孔聞韶制曰、朕惟朝廷崇德報功、乃帝王之先務。矧孔子功高德厚、代天地以成能、切人倫日用之常、修大中至正之道。天下古今之所共由、猶布帛菽粟不可斯須而離者也。歷代憲章、百王儀範。我朝尊師重道之典、有隆無替。則其後裔、傳世承祭祀、以事崇報之寶。爾六十二代孫襲封衍聖公孔聞韶、善繼祖德、克振文風。忠孝謙恭、增華世冑。歷

年之時、觀維百條之具、聰茲以恩詔之頒、特舉褒嘉之渥。錫之誥命、以爲爾榮。於戲、聖神功化、愈遠愈彰。爾宜服膺詩禮之訓、恪共宗廟之儀。體朕至懷、堅爾素志、允爲吾道之光。爾亦有無窮之譽、其懋之哉。

贈衍聖公孔聞韶妻李氏爲夫人制曰、朝廷錫命文臣、而必及其伉儷者、益重有家之義、而嘉內助之賢也。倫理所關、存亡奚間。爾襲封衍聖公孔聞韶妻李氏、毓秀儒門、于歸聖冑。柔嘉維則、早閑書史之箴、敬戒不違、式協閨門之範。淪沒既久、秩號未頒、可無寵章、以示褒卹乎。茲特贈爲衍聖公夫人。服此榮恩、永光泉壤。

封衍聖公孔聞韶繼室衛氏爲夫人制曰、妻必有繼、恩貴平均。所以隆饋祀之儀、而重風化之本也。爾茲聖裔、可吝褒恩。爾襲封衍聖公孔聞韶繼室衛氏、秀鍾勳閥、繼美儒門。早習姆儀、允修婦道。柔順孝敬、多有裨于內助焉。茲特封爲衍聖公夫人。家傳簪履、益增閨闈之光。禮重蘋蘩、恪謹烝嘗之助。祇承休命、永保繁禧。

嘉靖十九年六月十二日、封衍聖公孔聞韶生母江氏爲夫人制曰、子以母賢、積慶當原其所自。母因子貴、推恩必逮其所生。此倫理之攸關、爲國家之令典也。爾江氏乃襲封衍聖公孔聞韶之生母、出自宦族、適于儒門、淑





慎恭勤之懿。既嘗善相厥夫矣。生有令子。克紹聖門。可無褒章。以旌慈行。茲特贈爲衍聖公夫人。幽靈有知。欽承無斁。

嘉靖三十年八月十二日。賜六十三代孫孔貞幹爲衍聖公制曰。朕聞孔子以萬世爲士。蓋其道德高厚。教化無窮。故所以報于其後者。建以上公子孫承繼。永作賓于王家。不獨享祀之隆而已也。爾襲封衍聖公孔貞幹。乃孔子六十三代孫。性姿溫粹。器宇端凝。考古好文。無忝聖人之胄。秉賢崇德。宜疏世爵之封。爰示褒章。用昭寵數。於戲。闕里之裔。以爾爲嫡。則爾乃禮義之所宗也。惟秉心寅慎。乃可以對先靈。惟制行光明。乃可以表姻族。惟禮物恪修。乃可以繫四方之望。惟文獻不墜。乃可以爲百世之徵。爾惟懋哉。斯承朕之無斁。

封衍聖公孔貞幹妻張氏爲夫人制曰。國家賜命于臣。必及其配者。所以重風化之源也。豈以德配我先師之後者。顧可以不褒哉。襲封衍聖公孔貞幹妻張氏。觀自德門。歸于聖冑。珩璜德茂。簪纓禮恭。宜推從貴之恩。以示齊體之義。茲封爲衍聖公夫人。爾其恪遵。豈則無愆。無愆。以永承中饋。則惟爾休。

嘉靖三十二年。敕衍聖公孔貞幹曰。惟我祖宗列聖。清古

右文崇儒重道。於先師孔子。特隆象賢之典。其大宗之裔。錫爵嗣封。承奉祀事。統攝宗人。其支庶之衆。亦加優遇。肆朕率循舊章。恩禮益至。爾族屬既繁。哲愚非一。往往干犯國憲。有玷聖門。茲特敕諭。令爾貞幹督率族長。舉事。皆束族衆。俾各遵守禮法。以稱朝廷嘉念至意。爾宜修德謹行。以身先之。如有恃強挾長。朋謀爲非。不守家法者。聽爾同族長查照家範。發落。重則指名具奏。依法治罪。爾其欽承之。故諭。

嘉靖三十五年八月二十二日。敕吏部。孔尚賢着襲封衍聖公。族人等敢有恃強欺害他的。許孔尚賢奏來治罪。你部裏還行文與撫按官知道。

嘉靖三十八年九月三十日。賜六十四代孫襲封衍聖公孔尚賢制曰。我國家稽古攷治。一惟孔子之道。是循是式。粵自祖宗列聖。以逮于朕。尊崇之典。愈隆弗替。尤必寵其後人。紹封奉祀。所以致無窮之報也。爾孔子六十四代孫襲封衍聖公孔尚賢。賦資明敏。早承詩禮之傳。秉志恪恭。不忝神明之胄。瞻惟國典。宜有褒嘉。是用錫之誥命。以爲爾榮。夫崇德賙恩。朕乃率循乎彝典。象賢濟美。爾宜光紹乎前休。尚其益懋厥修。庶以振祖風而延令譽。欽哉。

封衍聖公孔尚賢妻嚴氏爲夫人制曰朕惟化始人倫禮重宗婦肆朝廷錫命世臣而必及其流範者蓋以示從貴之恩中齊體之義也爾襲封衍聖公孔尚賢妻嚴氏出自名族歸于聖門婉婉靜閑雍雍循于女史孝敬勤儉翼翼著于閭儀瞻淑德之聿修宜渥典之游被茲特封爲衍聖公夫人光增命服夙敦儆戒之風寵賁宸章益迓駢繁之祉

嘉靖四十一年九月三十日諭襲封衍聖公孔尚賢敕與前嘉靖三十二年孔貞幹敕同

隆慶三年三月初八日諭襲封衍聖公孔尚賢敕曰惟我祖宗列聖稽古右文崇儒重道于先師孔子特隆象賢之典其大宗之裔錫爵嗣封承奉祀事而支庶之衆亦加優遇又慮其族屬繁衍哲思不一恐于國憲有玷聖門降敕令其統攝宗人督率訓勵朕今嗣統爾復具奏族屬愈繁善惡宜別特允所請再降敕一道令爾回府中飭訓規嚴明約束凡爾族人如有爲善出羣無忝先德者許爾疏開特示旌勵如有輕犯國典不守家法及恃強挾長背違教令者輕則聽爾查照家範務落重則指名參奏依法治罪爾尤宜正己率人砥德勵行以身先之庶不負朝廷隆嘉盛典爾其欽承之故諭

隆慶六年十月初一日加封衍聖公孔尚賢祖母衛氏爲太夫人制曰朝廷褒答鉅臣而休恩顯號上逮重闈者所以嘉其啓佑之勤以勸孝而作忠也矧宣聖之裔尤爲恩數所當先者乎爾封衍聖公夫人衛氏乃襲封衍聖公孔尚賢之祖母繼貞世內體美儒宗淑慎躬德中珩璜之節儉勤佐內動遵國史之規懿範光昭芳猷允著遐齡愈茂家慶彌昌茲以爾孫疏請特加封爾爲衍聖公太夫人寵綸載錫益增瑚副之輝福履方新永介岡陵之壽

天啓二年諭襲封衍聖公孔胤植敕與前隆慶三年三月孔尚賢敕同

天啓五年二月初六日封六十五代孫衍聖公孔胤植制曰景皇興之教化聖緒千秋冊盟府之典章公遵一位覽熙明暢運猶日昭月朗而莫踰矧曆數在躬維內聖外王之務急不顯揚其世祿將焉振夫人文適渙綵繪載輝樽俎爾衍聖公孔胤植承休聖澤列爵朝簪詩禮舊聞蚤服父兄之訓芝蘭異稟挺爲帶礪之英山雲雨于秀阜崇岡寧美鵬輪擊水滋泉源于清河瑞嶽宛瞻麟角在庭翼翼公主綴江潢秋陽之烈洋洋列陽生舞雩洙泗之風貫朝倫之可嘉海至德之不朽煥茲卓數





肆獎爵封。顯表儒觀。辭徵文獻。茲用封爾爲衍聖公。於戲。金聲玉振。儀範百王。叩食鍾鳴。輝煌千祀。蓋立道以經世。維承家之有人。非樹德滋。亦猶虛費。朕方執牲原廟。視餼儒宮。橋門生泗水之淵。膠序見尼山之峻。文章儀世。簞簞屬卿。仰生民以來之一人。紹承休而後之萬葉。爵之輕重。道之休明。爾職是資。聖緒斯在。惟念朝恩之既渥。益德業之崇修。學有餘師。善將終舉。惟欽惟慈。務保厥榮。如綵如綸。往加恪慎。

封張封衍聖公孔胤植妻侯氏爲夫人制曰。葵倫敦化。雅篇首誦。平關睢。仁義浸潤。大道造端。平夫婦。瞻茲合德。忽邈遺聞。風維俎豆之筵。綸卹蘋蘩之侶。斷桂舍側。婉曾從榮。爾衍聖公孔胤植妻侯氏。秀毓侯門。吉歸聖裔。詩書禮樂。贊教國于宜家。鍾鼓瑟琴。願相夫而作聖。祛華脂于公閨。不妍維肖之粧。若樂素于儒風。必敬齊眉之案。綰綦實儉。永偕白首之歡。琅珞壽年。竟杳青閨之夢。茲贈爾爲夫人。昭顯貞與。弗加籍之檢。長春懿德。考終雨露。池松肩不夜。

封衍聖公孔胤植繼室全氏爲夫人制曰。茂典有加。聖祀振人文之盛。葵章渙沔。闔門爲風化之原。頌思媚于載芟。宜齊榮而姬錫。爾衍聖公孔胤植繼妻全氏。祥蛇

將闕。奠彫聖門。桑嘉克踵前徽。敬戒力箴內則。撫鵬絃而嗣御。靜好其音。捧鶴竿以登堂。龜甘其旨。賢敷如煙。聲彌鏗夫珎璜。貴克舊德。業務廣乎鐘鼎。茂閨幃之鸞。傲光燬陞之蟬聯。習詩教禮之庭。稱華女士。和瑟調琴之化。鼓藻聖宗。茲封爾爲衍聖公夫人。窈窕承榮。克允鳩河之咏。螽斯叶吉。聿興以鳥之祥。

天啓五年二月十四日。封衍聖公孔胤植繼庶母張氏爲夫人制曰。緣慶有源。劬育悵慈。暉而天嗣。推恩無間。顯揚逮冢子之所生。故倫理之攸關。稽諸典法。然朝廷之加錫。豈遠人情。爾張氏乃衍聖公孔胤植之繼庶母。巽順爲儀。坤章合德。桑嘉維則。持筐宮于詩禮之庭。敬戒不違。約珮環于琴瑟之側。厥惟正脉。克紹聖門。德尊圖史之箴。爵麗鼎鐘之貴。綬祥愈茂。衍慶彌昌。茲特封爾爲衍聖公夫人。福履方新。永河山之令度。寵綸茲賁。揚珈蒂之恩輝。

封衍聖公孔胤植本生父母制曰。渙綸紆以恤明恩。在陛嘉賢。在庭嚴訓。敦詩書而弘至教。于朝未爵。于廟疏榮。實作聖之有基。何不年之可惻。匪弓裘之食享。踈籩豆以來歡。爾孔尚坦乃衍聖公孔胤植之父。孝友天成。聰明聖降。侯六經而笥腹。學有本源。律一謹以禔躬。行

無枝葉。含葩噤聲。發揮三百之精華。觀妙凝玄。蘊蓄五千之道德。資秘書于金匱。紅藥承吟。張獻賦于玉樓。青春解脫。德音閑寂。開後漸之羽儀。道統得傳。續中興之脉派。乃徵聖人之後。世德不衰。益知君子之貽。臣忠必顯。茲贈爾爲衍聖公。洪濤雨露。佳城鬱鬱。滋華。顯蔚雲霞。彤闕香芝沁壤。

制曰。冊府疏榮。列爵漢上公之典。重閭合制。餘暉懷慈母之恩。矧聖教之攸崇。必先子孝。勸臣忠而加顯。寧後母劬。通煥慈綸。用彰錫美。爾吳氏乃衍聖公孔胤植之母。瑤華遜質。瓊蕊標貞。居園金拖紫之恒。秀出大家風範。歸說禮敦詩之吉。淑增尼室輝光。寶儉德于葛覃。祛萃妝而曳綰。將勤操于茶苦。凝幽則于靜琴。痛絕所天。羽勵柏舟之節。訓繩厥嗣。惟嚴畫荻之功。致有後人。克光前烈。願茲懿行。寧悵褒章。茲贈爾爲衍聖公夫人。爰惟風水之思。已逮家傳之簪翟。需此蓼蕭之澤。來歆國典之蒸嘗。

封衍聖公孔胤植兄孔胤椿制曰。公爵嗣封。冢子必登乎祀典。仙風遠逝。聖宗益耀夫謙光。雖墳嶺之流淒。挹金聲而自振。地恩無間。渙綽同榮。爾孔胤椿乃衍聖公胤植之兄。寧靜標姿。端溫萃雅。躬履實慎。盡禮義之澤。

華孝克孚。誠表藝倫于嫺族。模型支庶。勢必身先。揖讓家庭。榮惟已後。應疏封于冊府。遠逸響于泉臺。紹金友而象賢。維宗有祀。傷玉昆之鴈斷。報德無窮。茲贈爾爲衍聖公。賁芝檢于松楸。優嘉盛典。迴雲旗于河漢。篤祐後程。

封衍聖公孔胤植嫂殷氏制曰。聖教之化。始乎人倫。禮義之隆。重乎宗婦。矧夫歸于其家。而不辱其教。喪其所天。而轉似可矜。推從貴之恩。申齊體之義。亟施弘慶。以慰未亡。爾殷氏乃衍聖公孔胤植之嫂。咏雪于鸛鷖之扉。委禽于禮樂之戶。勸賢約珮。式彰鸚鵡之勤。律已祛脂。不歸鳳翹之耀。夫爵登朝。未逮絕鏡。悲鸞聖功。從祀不渝。聯珠綴玉。孤燈月牖。雙婺並泣。機絲一檢。霞封萬石。齊榮綸綍。茲封爾爲衍聖公夫人。侈龍章于四德。千葉旌貞。承鶴髮于百年。五辛飴養。

天啓六年正月十六日。封衍聖公孔胤植本生祖父母制曰。昔正考父佐戴武宣。三命滋恭。明德啓聖。而安國。穎達。皆由經學。顯庸漢唐。蓋世有達人。綿其瓜瓞矣。爾原任翰林院五經博士孔貞寧。乃襲封衍聖公胤植之本生祖父。沐源演慶。岳秀分奇。韻遠神清。追高標于季詒。經深學博。駁難步于何元。續緒金閨。聯芳璧府。爾孫肅



支而本俾祖拾級而堂。尊以上公昭其肯構。茲特贈爾爲衍聖公。錫之誥命。於戲。衮衣橫玉。授申九命之榮。寶鼎著銘。遠紹萬年之祿。責于馬。服此龍章。

制曰。朕旣思啓震。迫于儀坤。矧作配聖裔。鍾祥振世者乎。爾李氏乃襲封衍聖公孔胤植之本生祖母。淑慎有聞。端凝爲則。而夫聖宗俊乂。文苑菁英。克敦琴瑟之和。致有螽斯之瑞。茲用贈爾爲衍聖公夫人。象賢崇德。既晉錫于端師。承沐分榮。遄加綸于懿圖。特書天縡。玄壤雲鮮。

制曰。詩不云乎。瑟彼玉瓊。黃流在中。福祿之異。譬諸鬱鬯。不置瓦缶。婦能承夫。以佑厥孫。福所降也。爾王氏乃襲封衍聖公孔胤植之本生繼祖母。蘭藉斯芬。玉理其美。蘋藻潔于廟饋。瓊璫孚于同聲。茲以孫恩。揚而祖翼。贈爾爲衍聖公夫人。女師之訓。方克振于徽音。象服之宜。尚於昭于宸賚。

制曰。珠孕必資于明月。黍繁爰藉于冷風。昌後承家。榮宜分迨。爾張氏乃襲封衍聖公孔胤植之本生祖母。江汜並流。嚙心承序。篤生結胤。紹爾儲原。常斯湯濡之麻。式茂同升之秩。毋由于貴。澤以世綿。特贈爾爲衍聖公夫人。於戲。彤管有輝。鳳侍蓬山之仙。璫椒莢。寶克承。

尼丘之元宗。懌爾幽靈。章斯孝德。

崇禎元年三月。三殿告成。覃恩加封衍聖公孔胤植爲太子太保。制曰。聖德配天。道脉範乾坤以有永。儒教炳日。詒謨並日月以同光。鄒魯之道。慶無疆。嗣孫之世。休濟美。學旣襲乎國運。典宜晉乎夫崇階。茲爾先聖六十五代孫。襲封衍聖公孔胤植。賦性英奇。操行弘毅。派濬聖系。繼麟振以鍾祥。道延祖傳。光鳳德而表烈。邇尼山之世澤。非徒殘簡之傳聞。承沐泗之餘波。儼若趨庭之佩服。爰施芳于往哲。遂襲爵于熙朝。而爾兢兢懷臨淵之思。皇皇隆木鐸之望。儀乎物譽。於祖有光。際此堂構之告成。何新絲綸之晉錫。是用覃恩。授爾爲太子太保。錫之誥命。於戲。道通天地。淵源殊切于憲章。德貫古今。雲仍追休于祖述。尚開六經之統。以垂萬世之瞻。

加封衍聖公孔胤植妻侯氏。繼室全氏爲太子太保夫人。制曰。禮重元配。以協德而相成。國有發章。宜覃恩而並錫。矧淑聞丕顯于聖門。而中道蘭摧。悠綸可獨後乎。爾太子太保衍聖公孔胤植前妻侯氏。名門毓德。聖胄作述。匪勉機緣。效珥簪之儼。敬共篚筐。叶蘭芷之芬。玉鏡中分。德胡不壽。梁符留恤。懿範堪悲。茲以覃恩。贈爾爲太子太保衍聖公夫人。徽彤彤管。既式表于絲綸。榮

被玄虛、永增輝于松楸。

制曰：王化起於房中，人綱先內德。況主饋聖門，克襄道德之傳，比德前徽，懋佐詩禮之業。不有淮典，乃酬淑賢。爾太子太保衍聖公孔胤植繼室全氏，性淑蘭芳，質涵玉潤。秉閨肅穆，顯若之範，潔如宜室，雍和之御之音，靜好言規國史，勛協珩璜。茲以覃恩，封爾爲太子太保衍聖公夫人。於戲！列九棘而歷層階，茂昭敬助，中初錫以揚內則，式述龐休。祇承龍紵之恩，益勵鸞鳴之儼。

加封衍聖公孔胤植本生祖父母爲太子太保制曰：先聖世爵之臣，羣靈長于社稷。聞孫繼述之緒，昭祖德于箕裘。矧祥鍾泗水，脉衍尼山，而堂構相承，有不追思祖德者乎。爾衍聖公孔貞寧，乃太子太保胤植之祖，封膺先爵，裔出聖宗，道德兼優，可作儒林之範，才猷夙茂，世增章甫之光。衍江漢而揚波，姬秋陽以並潔。名高三事，品重四科，爰鍾邁種之孫，作朕輔佐之寄。遠追世德，宜渥尊崇。茲以覃恩，贈爾爲太子太保衍聖公，錫之誥命。孤卿峻秩，綵綸崇耀于松楸，世爵延休，奕葉永光于堂構。克膺新命，祇賁玄靈。

制曰：異命宣猷，煥明章于奕世，重闢敷慶，昭陰教于璇源。追崇大母之稱，用篤孝孫之祉。爾李氏乃太子太保

衍聖公孔胤植之嫡祖母，厚德能載，基命克承，令譽風章。竊慕內則，咸昭蘋藻。爰嘉聖裔之偉範，式昭王母之新綸。是用覃恩，贈爾爲太子太保衍聖公夫人。顯命再承，華袞賁日邊之色，幽竄如在，環珮留月下之聲。

制曰：世爵光於先世，發明攸隆，報典邇於祖妣，烝嘗並茂。追賢淑之遠澤，慰閨孫之永思。爾王氏乃太子太保衍聖公孔胤植之繼祖母，世德鍾華，聖門濟美。緝篚舉案，其推詩禮之宗，儼且規星，允協肅雍之則。肇基式弘，裕後允宗。克啓閨孫，茲以覃恩，贈爾爲太子太保衍聖公夫人。蕭雲掩夢，越累葉以增芳，花露騰葩，垂千秋而永賁。

制曰：褒善慶于聖宗，祖妣崇袞台之命，邇芳徽于鞠育，重闢敷從貴之榮。爾張氏乃太子太保衍聖公孔胤植之生祖母，稟性聖族，儼德鴻儒，儼辟彼之小星，啓綿長之令緒。猷勛詩禮，穆追江漢之風，慶胤章縫，勛儼河山之度。是用覃恩，贈爾爲太子太保衍聖公夫人。蘭孫芳遠，疊儼五色之龍綸，椒紵恩新，再映千秋之風德。

加封衍聖公孔胤植繼父母制曰：隆榮世爵，聖公爲社稷之光，邇德椿庭，燕翼衍箕裘之慶。爰褒式穀，曷靳旌綸。爾衍聖公孔尚賢，乃太子太保衍聖公胤植之父，茂



承聖爵、挺傑熙朝、潛心洙泗之淵源、克繼尼山之志事。訓詩訓禮、弘祖述之高風、賓帝賓王、暢憲章之大烈。啓爾繼芳之嗣、作朕師世之臣。遺澤彌長、先謀益懋。茲以覃恩、贈爾爲太子太保、錫之誥命。於戲、官秩再增、用表聖系之茂、綸音孔煥、式彰永世之光。祇服紫綸、翔輝玄室。

制曰、內秩從夫、蚤被經緯之命、崇階從子、游申鳳珮之榮。矧儀則表于聖宗、慈訓垂于裕後、而疏恩錫之、可容緩乎。爾嚴氏乃太子太保衍聖公孔胤植之嫡母、毓秀名閨、作價聖胄、承尊聲氣俱下、秀敬可師、待物慈惠、徧孚室家、肯綮尼山化雨、驚傳贈珮之功、洙泗春風、實賴和九之力。懿範已遠、徽音如存。茲以覃恩、贈爾爲太子太保衍聖公夫人。絳旌雲表、難招鶴馭之靈、紫誥天邊、益衍麟振之慶。

加封衍聖公孔胤植生母張氏制曰、天生名世、必繇賢母、故人子之躬膺世爵、皆思邀朝廷恩寵、以酬罔極。然板輿之奉、與執倦之悲情、則異矣。固有慈綸、所以追鞠育也。爾張氏乃太子太保衍聖公孔胤植之生母、性秉貞淑、天賦靜莊、義以正家、嚴範凜秋霜之肅、仁以惠下、慈顏藹春日之和。逸不忘勞、豐而能儉、祥徵熊夢、敦裕

燕胎。追麟嗣流芳、翟服方新聖澤、而婺星掩曜、音容久杳慈幃。茲以覃恩、贈爾爲太子太保衍聖公夫人。爾承嘉、誰報寸草于三春、芝簡重新、聊慰護花于九地。崇禎十三年、封已故五經博士孔胤桂妻王氏爲孺人。制曰、國家褒揚之典、首重女貞、若夫志勵柏舟、克光聖緒、胞榮所以風世也。爾太子太傅襲封衍聖公孔胤植嫂王氏、德門毓秀、儒閨作儀、孝事姑嫜、願代有額天之感、守堅伉儷、靡他切從地之思。闕政肅清、冰心映徹、無忝文宣令範、標穎水高風。是用封爾爲孺人、錫之敕命。綸章生介石之輝、闕里增婺星之燦。

國朝順治八年八月二十一日、封少保兼太子太保衍聖公孔興燮并妻馮氏爲夫人。制曰、國家思創業之隆、當崇報功之典、人臣建輔運之績、宜施錫爵之恩。此激勸之宏規、誠古今之通義。爾少保兼太子太保衍聖公孔興燮、爾以至聖世裔、衍聖公爵、歷代襲封、斯文嫡系、承於奕葉、大道正宗、傳于鄉魯。興朝右文、臨雍崇祀、嘉爾來廷、倣古制而頒爵祿。爾其勤恪修秩、益祇國恩、永綿聖澤。茲以覃恩、特授爾階光祿大夫、錫之誥命。於戲、推恩申命、爰弘獎于忠貞、樹德懋勳、而益勗于篤恭。祇服朕命、勉盡乃心。



制曰。作朕股肱。良臣所以矢夙夜。釐爾女士。內則亦以  
 効勛勩。休命用申。壹儀維懋。爾少保兼太子太保衍聖  
 公孔興燧妻馮氏。相夫克諧。宜家著範。爾夫恪勤盡職。  
 藉爾龜勉同心。內則既嫺。褒綸宜錫。茲以覃恩。封爾爲  
 衍聖公夫人。於戲。聽此勛勞之佐。久藉同心。嘉爾貞順  
 之賢。載頒異數。益修內德。以答殊恩。

祭告

唐乾封元年遣司稼正卿秩餘陸祭告文

惟神玉鈞陳睨。靈開四時之源。金甌流禎。慶傳三命之  
 範。神資越誕。授山岳以騰英。天縱攸高。蘊河海而標狀。  
 折衷六藝。宣創九流。睿乃生知。靈非外獎。于是考三古  
 夏一言。刊典謨。定風什。莊敬之容畢備。鐘鼓之音載和。  
 父子爰親。君臣以穆。蕩乎煥乎。樂正雅頌。各得其所。可  
 不謂至聖矣乎。朕以涼德。嗣膺神器。式崇祇配。展義云  
 亨。感周禮之尚存。悲素王之獨往。杼軸洙泗。如挹清瀾。  
 留連舞雩。似聞金奏。昌門曳練。徒有生芻之疑。漢曲移  
 舟。非復祥萍之寶。慨然不已。爰贈太師。堂宇卑陋。仍命  
 修造。褒聖子孫。合門勿事。庶能不遺百代。助損益之可  
 知。永鑑千年。同北肩而爲友。聿陳菲奠。用旌無朽。梅曙  
 霞梁。松春月牖。德音暢而無數。形神忽其將久。倘弗殊  
 於生前。亦知榮于身後。

宋大中祥符元年遣推誠保德功臣光祿大夫行禮部尚  
 書上柱國清河郡開國公張齊賢祭告文

朕以有事岱宗。畢告成之盛禮。緬懷闕里。欽設教之素  
 風。躬謁奠于嚴祠。特褒崇于懿號。仍令舊相。再達精誠。  
 昭薦吉蠲。用遵典禮。以交國公顏子配。



嘉祐六年遣兗州府判田洵祭告文

惟王淵聖難名、誠明易學、敷厥雅道、大闢斯文。生民以來、至德莫二。教行萬世、儀比三王。闕里之居、廟宇惟煥。遐瞻堵仞、迭仰門屏。奮于飛聖之蹤、新茲標榜之制。命工比事、推策消辰。敢議形容、盡中崇奉。仰惟降格、遙奠鑒觀。

崇寧五年頒降祝文

某年月日、皇帝御名謹遣某官敢昭告於至聖文宣王。惟王固天攸縱、誕降生知。經緯禮樂、闡揚文教。餘烈遺風、千載是仰。俾茲末學、依仁游藝。謹以制帛牲齊、粢盛庶品、祇奉舊章、式陳明薦。以克國公、鄒國公配。

咸淳三年遣官祭告文

惟王金聲玉振、集厥大成。有道立教、垂憲萬世。茲率舊章、謹以制幣牲齊、粢盛庶品、式陳明薦。以先師克國公、鄒國公、沂國公、邾國公配。

全大定三十二年遣兗州節度使孫康祭告文

國家禮崇儒術、道尊聖師。闕里廟貌、于以新之。雅樂具舉、法服章之。庶幾鑒格、永集繁禧。

元至大元年遣集賢學士嘉議大夫王德淵祭告文

惟王秉德生知、垂教不朽。聖之時者、天何言哉。由百世

之後莫能違、自生民以來未之有。特加封號、大展祭儀。仍命臣僚、往祀林廟。

至正二年遣集賢學士郭孝基祭告文

惟王宗王名教、表正藝倫。竝日月明、同天地仁。晝萬古之夜、又四海之民。惟中國之爲中國、實有賴于斯文。欽惟皇上念闕里爲毓聖之地、故特祭遣一介之臣、香承手錫、酒分上尊。惟中書欽若休命、用敬助相禮之錢緡。牲牢既設、簠簋斯陳。神之格思、歆此明禋。

至大四年遣資政大夫國子監祭酒劉庚祭告文

天以神器、畀付朕躬。受命維新、若稽舊典。肇修禋類、徧于羣神。仰惟聖人、模範百世。功隆德盛、宜極欽崇。爰命儒臣、恭詣闕里。侑茲儀物、牲用太牢。昭薦厥誠、尚祈鑒格。

延祐七年遣說書王存義祭告文

惟王天縱聖、集厥大成。儀範百王、賢于堯舜。嗣服伊始、恭祀告虔。尚冀格思、永昌文治。

至元五年遣奉順大夫監察御史孔思立祭告文

列聖右文、宮廟既尊。立言成績、貞石著辭。裔孫承休、作我司憲。俾致嘉告、以祚無疆。謹以香酒太牢、粢盛制帛、式陳明薦。

明洪武元年順春秋二丁通祭文

惟王德配天地、道冠古今。刪述六經、垂憲萬世。惟茲仲春、謹以牲帛醴齊、粢盛庶品、式陳明薦、以復聖顏、子宗聖曾子、述聖子思子、亞聖孟子配。

洪武二年遣使致祭文

惟神昔生周天王之國、實尊邦、聖德天成、述紀前王治世之法。雖當時列國、時其道未行、垂教千後、以至于今。凡有國家、大有得焉。自漢之後、以神通祀海內。朕代前王、統率庶民、日書檢點、忽視神之訓言、非其鬼而祭之、諂也。敬鬼神而遠之、祭之以禮。此非聖賢明言、他何能道。故不敢通祀、暴殄天物、以累神之聖德。茲以香幣牲齊、粢盛庶品、式陳明薦、惟神鑒焉。

永樂元年御祭文同洪武元年

宣德元年遣太常寺寺丞孔克準祭告文

仰惟先師丕隆道德、表正綱常、集萃聖之大成、爲百王之儀範。茲余嗣位之初、謹用祭告、永資聖化、翼我治平。

景泰元年遣翰林院侍講吳節祭告文

仰惟先師丕明古昔帝王之道、以正綱常、垂憲萬世、功德高厚、與天地同。予嗣承大統、祇嚴祀事、用祈神化、祐我治平。

成化元年遣吏部右侍郎尹冕祭告文

仰維先師以天縱之聖、爲文教之宗、萬世之下、綱常正而世道隆、實有賴焉。茲余嗣位之初、景仰惟深、特申祭告、永覽聖化、翊我皇猷。

成化十三年遣翰林院學士王獻祭告文

惟王生知之資、天縱之聖、道德配于二儀、教法昭于萬世。緬懷功烈、宜極褒揚。願見服之章數雖隆、而享祀之儀物弗稱。爰考彝章、參合輿論、增樂舞爲八佾、加籩豆爲十二。蓋用祭天享地之禮樂、庶副尊師重道之本意也。特遣儒臣、遠詣闕里、用伸祭告、王其鑒知。

弘治元年遣太常寺少卿田景賢祭告文同宣德元年

弘治十二年遣太常寺少卿兼翰林院侍讀學士李傑祭告文

惟王道德高厚、教化無窮、廟貌尊崇、古今崇奉。比遭回祿、煨燼靡遺、斯文在茲、胡天不弔。肆維統緒、承傳在予。修復舊規、所不敢後。特申祭告、奉慰聖靈。洋洋在天、尚其歆鑒。

弘治十七年遣太子太保戶部尚書兼謹身殿大學士李

東陽祭告文

惟我先師、代天立教、禮嚴報祀、四海攸同。猗降在茲、





貌自古。頃罹災變。實警予衷。爰敕有司。命工重建。越既五載。厥功告成。棟宇畢新。器物咸備。光昭儒道。用妥聖靈。特遣輔臣。遠將祭告。尚祈愍鑒。永享明禋。

正德八年遣巡撫山東都察院右僉都御史趙瑄祭告文。比歲盜起北方。肆行東郡。屢經闕里。侵犯廟址。蓋嘗申命將官。分兵守護。聖靈昭布。竟保安全。逆節既平。儀文斯舉。率嚴祀事。兼飭有司。灑掃汙萊。修葺損壞。式還舊觀。仰慰明神。尚祈鑒歆。永佑邦國。

嘉靖元年遣詹事府掌府事吏部尚書兼翰林院學士石珪祭告。文同成化元年。

嘉靖九年世宗御製安先師孔子告文

自昔混沌之初。天命義農軒聖。創世開物。以至堯舜禹湯。文武周公。以及先師。列聖相繼。奉天行道。立教誨人。肆我聖祖崇禮于先師。御製有文。典冊俱在。予惟寡昧之人。仰遵祖憲。去故元褻慢之偶像。如祖製崇禮之聖謨。稱號核實。俎豆究本。以遵禮典。兼體先師至意。予實不聰。賴先師默鑒。及良輔洪儒所贊之也。爰擇令辰。特命大臣奉安先師神位。以及配從之位于此。先師鑒知。永依陟降。大運神化。教我君民。俾予性理早開。而無負皇天付托之眷命。暨士庶學業咸正。而無違先師傳道。

之至情。予實有賴焉。惟先師覺之。以復聖顏子。宗聖曾子。進聖子思子。亞聖孟子配。

本年御製告啓聖公孔氏文

惟公誕生至聖。爲萬世王者之師。功德顯著。故茲妥奉公位于此。以先賢顏氏。曾氏。孔氏。孟孫氏。先儒程珦。蔡元定。朱熹。配。

隆慶元年遣尚寶司卿劉奮庸祭告文

追惟先師道兼羣聖。教備六經。歷代帝王。是宗是式。茲予踐祚之始。良深景慕之懷。特遣廷臣。用申祭告。伏冀昭垂訓迪。永祚皇猷。

萬曆元年遣尚寶司司丞張孟男祭告。文同隆慶元年。

大啓元年遣順天府府丞姚士慎祭告文

惟我先師。生民未有。百代莫前。凡在斯文。實均仰戴。茲予肇位。景慕良深。特遣廷臣。虔申祭告。尚資神化。永祚皇明。

崇禎元年遣太僕寺卿晉太常寺少卿郭興言祭告。文同隆慶元年。

祭告文

國朝順治八年遣都察院右都御史兼工部左侍郎劉昌祭告文

朕惟治統緣道統而益隆。作君與作師而並重。先師孔



儒藏

子無其位而有其德。開來繼往。歷代帝王。未有不率由之而能治安天下者也。朕奉天明命。紹繼丕基。高山景行。每思彰明師道。以光敷至教。而祀典未修。曷以表敬事之誠。登嘉平之理。茲遣尙官。虔祀關里。儀惟備物。誠乃居歆。伏惟格思。尚冀鑒享。

康熙七年遣光祿寺卿加一級楊永寧祭告

文同順治八年

諭祭聖裔

明洪武十四年。遣行人張濟民。諭祭襲封衍聖公孔希學。三綱五常之道。始上古。列聖相承。率修明以育民生。至于中古。將欲墜焉。非先師孔子。孰能修明之。今生民多福。惟三綱五常之道。備耳。蓋世之大德者。天地不淪沒。人民無惡聲。所以爲帝者師。血食千萬世。不泯。子孫存焉。朕以爾孔希學。繼世焚修。永張斯教。以顯爾祖。何期訃音一至。云及長往。於戲。襲封榮貴。克保令終。可無憾矣。特遣使以牲醴致祭。爾其享之。

洪武三十五年。遣行人亢誠。諭祭襲封衍聖公孔公鑑。嗚呼。惟卿生于神明之胄。傳先聖之道。天下之所具瞻。朝廷之所崇敬。奈何天不假年。弗克永世。朕聞訃驚悼。唯飭乃子弟。以守先聖之宗祀。庶不墜前人之耿光。爰以牲醴往奠。卿如有知。鑒茲諭祭。

正統元年。遣行人李春。諭祭襲封衍聖公母太夫人胡氏。爾爲婦於孔門。有子襲封顯爵。惟爾克盡母儀。允資慈訓。祇承宣聖之祀。弗忝厥後。常受褒封之命。以享安榮。今以壽終。夫復何憾。尚其有知。服此諭祭。

正統十四年。遣行人邊永。諭祭襲封衍聖公祖母太夫人王氏。

爾克慎母儀。楷範宗族。佐君子而成內助之美。撫子孫而有慈順之勤。宜其榮受褒封。永享祿養。茲以高年。倏爾遐棄。亦無憾于地下矣。爾如不昧。尚諦聽之。

成化五年。遣官諭祭衍聖公孔弘緒妻夫人李氏。

爾毓秀輔臣之中閨。作配素王之正系。以承聖祀。既受榮封。矧有嗣以足嘉。遽無年而堪憫。特賜祭葬。式克歆承。

成化十七年。遣行人司行人汪舜民諭祭衍聖公夫人王氏。

惟爾生有淑資。早嬪聖裔。篤生令子。克紹宗祖。嘗受恩封。宜享榮貴。胡爲一疾。遽爾云亡。計音來聞。特賜葬祭。爾其有知。尚克歆服。

弘治十七年。遣山東布政司左叅政呂政諭祭衍聖公孔弘緒。

於昭聖師。爾惟世嫡。爰自蚤歲。嗣膺顯封。生貴爲苗。遠罹險難。不遠能復。更著賢聲。慶源所鍾。篤生令子。宗祏有托。光紹前休。方期永齡。茂綏榮養。夫何一疾。溘焉長終。計音來聞。良深嗟悼。儒宗在念。宜異卹章。特命有司。爲營塋事。復茲諭祭。尚克歆承。

嘉靖九年。遣山東布政使司右叅議何璽諭祭衍聖公孔

聞韶生母江氏。

惟爾出自華閭。歸于聖門。篤生賢子。宗祀克承。壽考令終。哀榮俱備。茲頒恤典。諭祭爾靈。仍命所司。爲營塋域。九原不昧。尚克承之。

嘉靖二十二年。遣山東布政使司右叅議張鵬翰。諭祭衍聖公孔聞韶繼母太夫人袁氏。

惟爾裔出名族。繼配聖門。婦道恪修。母儀昭著。性惟端靜。行本慈仁。化洽閭閻。養隆鼎釜。宜綏福履。安享貴榮。胡遽長終。計音忽報。良深悼惻。遣祭爾靈。肅示渥恩。用酬世德。懿靈如在。尚其鑒歆。

嘉靖二十五年。遣行人司行人劉祿諭祭衍聖公孔聞韶卿爵座上公。寵逾三紀。累朝榮遇。班領儒臣。頃聞計音。已加哀卹。倏臨首七。悼惜益增。肅示殊恩。載錫以祭。幽靈未泯。庶克承之。

惟卿德器老成。資性醇朴。系出宣聖。蔚爲儒宗。顯受榮封。秉禮遵道。孝隆奉祀。克繼克承。典重來朝。可儀可範。眷惟英哲。實乃象賢。宜衍遐齡。以延聖澤。頃聞嬰疾。遽至長終。爰推卹恩。如制營塋。遣官諭祭。以慰卿靈。九原有知。尚其歆服。

嘉靖三十一年。遣行人司行人方正脩諭祭衍聖公孔貞

幹夫人張氏。

嘉靖三十五年，遣禮部右侍郎兼翰林院侍講學士袁燾

諭祭衍聖公孔貞幹。

卿先聖之後裔，天挺英流，器宇恢弘，性資明敏，嗣膺公爵，益懋操修。文獻有徵，家聲玉振。頃方抱疾，長賀進京，忠誠可嘉，胡遽長逝。訃音來上，良切悼傷。爰示卹恩，賜祭開殯。遣官護送，府表優崇。卿靈如存，尚其歆服。

本年，又遣行人司行人何達諭祭。

卿德風成，早受封典。禮勤時觀，班首文階。允矣象賢，徽音茂著。慨茲英哲，胡弗永年。月日不居，俄臨首七。感今憶昔，諭祭載頒。卿靈有知，歆茲異渥。

其祭九壇

萬曆四年，遣山東布政使司左叅議周舜岳諭祭衍聖公孔聞韶繼妻封太夫人衛氏。

爾作嬪聖賢，翼厥文孫。婦順克脩，坤儀茂著。清焉長逝，奄及窆期。爰按藝章，載頒諭祭。靈其不昧，服此殊恩。

天啓二年，遣禮部尚書孫慎行諭祭衍聖公孔尚賢。

惟爾守禮名儒，亢家哲嗣。飭宗教以攸叙，其臣紀而無隕。奉聖明者五朝，陪廟祀于兩世。藉爾黃髮，翼予冲人。正首儀平鴻達，胡遽傳乎鶴表。遣簪軫痛，加豆疏榮。庶慰幽魂，永綏後福。

本年，諭祭衍聖公孔尚賢夫人嚴氏。

惟爾鍾自巨室，嬪于禮門。蚤叶鳳占，克備河山之德。允宜象服，虔脩蘋藻之聲。先君子而長終，未遂偕老，念棘人之追請，特予同。歆此茲芬，慰爾冥漠。

崇禎四年，遣山東布政司分守東莞道右叅政蔣如奇，諭祭衍聖公孔尚賢。

惟爾德稟先程，行遵懿矩。依毗方切，凋謝堪傷。奄奄臨載，頒諭祭。瞻茲寵渥，式克歆承。

本年，諭祭衍聖公夫人嚴氏合塋。

惟爾克荷前休，允光世德。爰資鸞鳴之儼，用襄鴻碩之猷。埋玉堪嗟，鬱金可醕。遺琬偕藏，夏屋幽光。永慰夜臺。崇禎十五年，遣山東布政司分巡兗西道僉事李恪，諭祭太子太傅襲封衍聖公孔胤植妻贈夫人侯氏。

惟爾毓自德門，嬪于聖族。穆穆家政，懋踐圖儀。奉蘋藻以寅處，樂琴瑟之靜好。從夫齊魯，荷國殊恩。宜福祿之永綏，胡年壽之勿永。載錫宅兆，寵以几筵。靈魂有知，尚其祇服。

諭祭太子太傅襲封衍聖公孔胤植繼室封夫人全氏。

惟爾德備柔嘉，性鍾慈淑。叶鳳占于聖門，服燕喜以宜家。克繼前徽，宜膺難老。胡天不弔，遽爾長終。諭祭特頒。



用昭異數。靈寔如在。尚克款承。

國朝順治五年。遣山東布政司諭祭衍聖公孔照植。

惟卿休承聖緒。秩列朝班。詩書問。並服其裘之訓。絲綸新渙。爰應圭爵之榮。方冀遐齡。茂綏禍胤。夫何一疾。遽報奄終。朕聞訃音。深用悲悼。遣官賜祭。營塋。悉如前制。嗚呼。儒宗在念。爰沛靈章。卿靈有知。尚其歆此。

諭祭下塋。

惟卿岱嶽副英。泗濱衍秀。方膺顯秩。遽嘆奄終。日月不居。俄臨首七。載頒諭祭。用示殊恩。慰爾幽靈。歆茲異渥。諭祭下塋。

惟卿淵源祖德。佩服先型。期永松喬。遽傷凋謝。遣官祭塋。用慰九原。靈如有知。尚其歆格。

康熙七年。遣山東承宣布政使司施天爵。諭祭襲封衍聖公孔興燮。

惟卿躬承家學。望係儒宗。世守箕裘。克承詩禮之訓。秩隆國爵。爰膺綸綍之榮。遽爾奄終。良深悲悼。遣官賜祭。塋如前例。嗚呼。芳踪已渺。世澤彌長。典禮所崇。尚其歆格。

校記

①列：當作「別」，見《北史》卷一〇。

②「閣」上當脫「館」字，見《東家雜記》卷五、《幸

魯盛典》卷七。

③「典」下當脫「說」字，見《五禮通考》卷一二〇、

《類宮禮樂疏》卷一。

④藏：當作「展」，見《孔氏祖庭廣記》卷一。

⑤溢：疑誤。

⑥「益」下疑脫一字。

⑦崧：當作「松」，乃朱熹之父。

闕里廣誌卷之十三

碑記

後漢守廟百石孔繇碑

司徒臣雄司空臣戒稽首言魯前相瑛書言詔書崇聖道勉<sup>①</sup>藝孔子作春秋制孝經<sup>②</sup>五經演易繫辭經緯天地幽贊神明故特立廟褒成侯四時來祠事已卽主廟有禮器無常人掌領請置百石卒史一人典主守廟春秋享禮財出王家錢給大酒直須報謹問太常祠曹掾馮牟史郭玄辭對故事辟雍禮未行祠先聖師侍祠者孔子子孫太宰太祝令各一人皆備爵太常丞監祠河南尹給牛羊豕鷄<sup>③</sup>各一大司農給米祠臣愚以爲宜如瑛言孔子大聖則象乾坤爲漢制作先世所尊祠用衆牲長吏備<sup>④</sup>欲加寵子孫敬恭明祀傳于罔極可許臣請魯相爲孔子廟置百石卒史一人掌領禮器出王家錢給大酒直他如故事臣雄臣戒愚誠惶誠恐頓首頓首伏罪死罪臣偕首以聞制曰可元嘉三年三月丙子朔廿七日壬寅奏雒陽宮司徒雄司空戒下魯相承書從事下當用者選其年卅以上經通一藝雜試通利能奉弘先聖之禮爲宗所歸者如詔書書到言永興元年六月甲辰朔十八日辛酉魯相平行長

史事下守長擅叩頭伏罪敢言之司徒司空府王寅詔書爲孔子廟置百石卒史一人掌主禮器選年卅以上經通一藝雜試能奉弘先聖之禮爲宗所歸者平叩頭叩頭伏罪伏罪謹按文書守文學掾魯孔繇誦孔憲戶曹司孔覽等雜試繇修春秋嚴氏經通高第事親至孝能奉先聖之禮爲宗所歸除繇補各狀如牒平惶恐叩頭伏罪伏罪上司空府讀曰巍巍大聖赫赫彌章相乙瑛字少卿平原高唐人令鮑登字文公上黨屯留人政教稽古名重規<sup>⑤</sup>乙君察舉守宅除吏孔子十九世孫麟廉請置百石卒史一人鮑君造作百石吏舍功垂無窮於是始<sup>⑥</sup>

魯相韓敕造孔廟禮器碑

惟永壽二年青龍在涖灘霜月之靈皇極之日魯相河南京韓君追惟太古華胥生皇雄顏<sup>⑦</sup>育<sup>⑧</sup>寶俱制元道百王不改孔子近聖爲漢定道自天王以下至于初學莫不馳思嘆仰師鏡顏氏聖舅家居魯親里<sup>⑨</sup>官官聖妃在安樂里聖族之親禮所宜異復顏氏<sup>⑩</sup>官官氏邑中繇發以尊孔心念聖歷世禮樂陵遲<sup>⑪</sup>項作亂不遵圖書倍道畔德離敗聖與食糧亡于沙丘君于是造立禮器樂之音符鐘磬瑟鼓鼎洗觴觶爵鹿相桓<sup>⑫</sup>遠<sup>⑬</sup>之休



闕里廣誌

脩歸宅廟更作二輿。朝車威熹。宜梓玄汗。以注水流。法  
舊不煩備而不奢。上合紫臺。稽之中和。下合聖制。事得  
禮儀。于是四方士人聞君風耀。敬咏其德。尊琦大人之  
意。連彌之思。乃共立表石。紀傳億載。其文曰。皇統華  
胥。承天畫卦。顏育空桑。孔<sup>關</sup>元孝。俱祖紫宮。太乙所授。  
前閭九頭。以什言教。後<sup>關</sup>百王。獲麟求吐。制不空作。承  
天之語。乾元以來。三九之載。八皇三代。至孔乃備。聖人  
不世。期五百載。三陽吐圖。二陰出讖。制作之義。以俟知  
與。於穆韓君。獨見天意。復聖之旅。卓越紀思。修造禮樂。  
珣璣器用。存古舊宇。殷勤宅廟。朝車威熹。出誠造<sup>關</sup>漆  
不水解。工不爭賈。深除玄汗。水通<sup>關</sup>注。禮器升堂。天雨  
降澍。百姓訥和。舉國蒙慶。神靈祐誠。竭敬之報。天與厥  
福。永享年壽。上極華紫。旁仗皇代。刊石表銘。與軌輝耀。  
長期蕩滌。於盛復授。赫赫罔窮。聲垂億載。

韓勅修孔廟後碑

皇漢帝元永壽三年。青龍建酉。孟秋之旬。升布天德。帝  
拜大臣。曾曾玄玄。魯相河南。京韓君。追惟孔聖。素王。受  
象乾坤。生于周<sup>關</sup>。匡政天文。德參燿<sup>關</sup>。作應星神。稽易  
制孝。升出大人。徵符洞虛。論要道根。赤書黃字。裁于倉  
天。北落復下。大帝闔門。龍<sup>關</sup>三。精歷星官。雷動玄紫。正

隱<sup>關</sup>震。春秋既成。效以獲麟。功宜道立。封禪<sup>關</sup>三。玄<sup>關</sup>  
字。魯天地窮冥。精皇炳辟。何維摘靈。散六制。二百生師。  
經。元德浸潭。孝道滋榮。為漢制作。萬世<sup>關</sup>。功志謁受命。  
以授煌煌帝<sup>關</sup>。載天意流通弟<sup>關</sup>。四。生徒三年。素王  
以下。至于兆生。聞名傾耳。視若見形。天挺三五。三九之  
<sup>關</sup>德<sup>關</sup>。二子。度終獲麟。天為移柩。曰<sup>關</sup>。七。賢俊以傳。君  
以順顯。臣以無術。韓君子氏。憤憤之思。惟古之嘆。念<sup>關</sup>  
面<sup>關</sup>。為世寶具。受符相魯。敷舒<sup>關</sup>。十。謂廟拜墓。感有曾  
玄。修飭舊宅。俟神廟堂。月<sup>關</sup>。墻域庫室。中郎立先王禮  
樂。器<sup>關</sup>。十二。輿。朝車威熹。曆日久長。承法而制。以遵古  
常。崇聖帷坐。薦席十重。改畫聖象。如古<sup>關</sup>。十。章規矩  
玄汗。唯深且方。宅廟悉修。敬將藥房<sup>關</sup>。五。道路<sup>關</sup>。二。關  
周衛行<sup>關</sup>。五。十。恭肅。春秋蒸嘗。欣樂之情。和見于顏。惟墓  
以<sup>關</sup>。三。歷素<sup>關</sup>。高<sup>關</sup>。業文<sup>關</sup>。二。十。君於<sup>關</sup>。五。龍<sup>關</sup>。二。玄禮  
有制度。國疑少。碑壇法不仰<sup>關</sup>。五。碑<sup>關</sup>。二。造石壇<sup>關</sup>。六。十。  
遣上公。名卿奉表。牢祠來<sup>關</sup>。四。作大<sup>關</sup>。二。方<sup>關</sup>。二。之  
用<sup>關</sup>。二。韓君<sup>關</sup>。九。政以<sup>關</sup>。二。四。方。土梁異人。同心共  
術。韓君德政<sup>關</sup>。八。鈴約<sup>關</sup>。四。日其安<sup>關</sup>。九。以臨東海。功  
<sup>關</sup>伊望。洮歌。欽烈蘭芳。青雲自<sup>關</sup>。二。郡<sup>關</sup>。十。務民<sup>關</sup>。關  
之日<sup>關</sup>。二。盛隆。恩及孤弱。惠閔<sup>關</sup>。窮。民失<sup>關</sup>。關。魯饑寒得



克業以土屋。闕小敬康存舊。闕德夫。闕所行。闕足用  
梁英徐。闕楊。闕望者成行。願彼豫。闕獨尊。闕且立表  
石勒銘之功。君輔漢室。聖帝。闕躬。子子孫孫。封。闕三石  
表墓。垂名八皇。

### 魯相史晨祠孔廟奏銘

建寧二年三月癸卯朔七日巳酉。魯相臣晨。長史臣謙。  
頓首。夙罪上尚書。臣晨頓首頓首。夙罪夙罪。臣蒙厚恩。  
受任符守。得在奎婁。周孔舊宮。不能開弘德政。恢崇一  
變。夙夜憂怖。累息屏營。臣晨頓首頓首。夙罪夙罪。臣以  
建寧元年到官。行秋享。飲酒泮宮。畢。復禮孔子宅。拜謁  
神座。仰瞻棊栢。俯視几筵。靈所憑依。肅肅猶存。而無公  
出酒脯之祠。臣即自以俸錢。修上案食。醑具。以叙小節。  
不敢空謁。臣伏念孔子。乾坤所挺。西狩獲麟。爲漢制作。  
故孝經援神契曰。玄扈制命。帝卯行。又尚書考靈曜曰。  
丘生蒼際。屬期稽度。爲赤制。故作春秋。以明文命。綴紀  
撰書。修定禮義。臣以爲素王。脩古德。亞皇代。雖有褒成  
世享之封。四時來祭。畢即歸國。臣伏見臨辟雍日。祠孔  
子以太牢。長吏備爵。所以尊先師。重教化也。夫封土爲  
社。立稷而祀。皆爲百姓興利除害。以祈豐穰。月令祀百  
辟卿士。有益子民。矧乃孔子。玄德煥炳。光于上下。而本

國舊居。復禮之日。闕而不祀。誠朝廷聖恩所宜特加。臣  
寢息耿耿。情所思維。臣輒依社稷。出王家穀。春秋行禮。  
以供祀祀。餘胙賜先生執事。臣晨盡力思維。庶政報稱。  
爲效增異。輒上臣晨頓首頓首。夙罪夙罪。上尚書。時副  
言太傅太尉司徒司空大司農府治所部從事府昔在  
仲尼叶光之精。大帝所挺。顏母甄靈。承弊遭衰。黑不代  
倉。闕流應聘。嘆鳳不臻。自衛反魯。養徒三千。獲麟輟作。  
端門見徵。血書著紀。黃玉響應。主爲漢制。道審可行。乃  
作春秋。復演孝經。刪定六藝。象與天談。鈞河適洛。却揆  
未然。巍巍蕩蕩。與軌比崇。

### 史晨享孔廟後碑

相河南史君諱晨。字伯時。從越騎校尉拜建寧元年四  
月十一日戊子到官。乃以今日拜。闕孔子。望見闕觀。式  
路更晚。既至升堂。屏氣拜手。祇肅肩優。髣髴若在。依依  
舊宅。神之所安。春秋復禮。稽度玄靈。而無公出享獻之  
薦。欽因春享。尊物嘉會。述修辟雍社稷品制。即上尚書。  
參以符驗。乃敢承祀。餘胙賦賜。刊石勒銘。并列本奏。大  
漢延期。彌歷億萬。時長史廬江舒李謙。徵讓。五官掾  
孔陽。功曹史孔淮。戶曹掾薛東。門策。史文陽。馬琮。守廟  
百戶孔讚。副掾孔綱。故尚書孔立。元世河東太守孔彪。





元上處士孔褒文禮皆會廟堂國縣員外吏無大小空  
府竭寺咸俾來觀并泮宮文學先生執事諸弟子合九  
百七人雅歌吹笙考之六律八音克諧蕩邪反正奉爵  
稱壽相樂終日於穆肅雍上下蒙福長享利貞與天無  
極史君享後部史仇誦縣吏劉耽等補完里中道之周  
左墻垣壞火作屋塗色修通大溝西流里外南注城池  
恐縣吏飲民侵擾百姓自以城池道湍表給令還所飲  
民錢材史君念孔漬顏母井去市遠遠百姓酤買不能  
得香酒美肉於昌平亭下立會市因彼左右咸所願樂  
又飭漬井復民飾治桐車馬於漬上東行道表南北各  
種一行梓傲夫子冢顏母井舍及魯公冢守吏凡四人  
月與佐除

魯相謁孔廟殘碑

上許關帝命英授俾相于魯吉月令辰欽謁下兆龜關  
藏寶覽鴻基之曠蕩觀林木之竊下揚美風而動物和  
陰陽以興雨遐邇攸仰下訪之儒彥稽之典謨聖德設  
章先民有下左賢樸春秋悉管幾以獲福昔在周人下  
成共立碑石因而銘之咸自紀藉下史字叔德東  
海況基人下儒字仲雅東海鄉  
宋慶長曰漢碑之渾者多矣茲殘碑見于宋洪盧齋諱  
釋闕里曲阜二誌俱所未載持爲採錄以公諸好古者

魯孔子廟碑

漢禰衡撰

受天至精純廣粹哲崇高足以長世寬容足以廣包幽  
明足以測神文藻足以辨物然而敏學以求之下問以  
諏之虚心以受之深思以詠之愍周道之回遹悼九疇  
之乖悖故發憤忘食應聘四方魯以大夫之位任以國  
政之權譬若飛鴻鸞于中庭騁騁騁于閭巷也是以恭  
月之頃五教克諧移風易俗邦國肅焉無思不服懿文  
德以紆餘綴三五之紀綱流洪耀之休赫曠萬世而揚  
光夫大明以動天則也廣大無疆地德也六經混成洪  
式也備此三者聖極也合吉凶于鬼神遂殂落于蓂莢  
是以風烈流行無所不通故立石銘勲以示昭明辭曰  
煌煌上天篤降若人邈矣悠哉千祀一邇明德弘監成  
性存存奕奕純嘏稽憲乾坤躍彼靈祇以訓黎元終日  
乾乾配天之行在險而正在困而亨窮達之運委諸寧  
蒼日月則陰天地不光聖叔殂崩大猷不綱

魏制命二十一世孫羨爲宗聖侯奉家祠碑

陳思王曹植詞 梁鵠書

維黃初元年大魏受命胤軒轅之高蹤紹虞氏之遐統  
應曆數以改物揚仁風以作教於是輯五瑞班宗彝鈞

衡石同度。舛秩羣祀于無文。順天時以布化。既乃緝熙聖緒。昭顯上世。追存三代之禮。兼紹宣尼之後。以魯縣百戶命孔子二十一世孫議郎孔羨爲宗聖侯。以奉孔子之祀。制詔三公曰。昔仲尼負大聖之才。懷帝王之器。當衰周之末。而無受命之運。關生乎魯衛之朝。教化乎洙泗之上。棲棲焉皇皇焉。欲屈已以存道。貶身以救世。當時王公終莫能用。乃追考五代之禮。修素王之事。因魯史而制春秋。就太師而正雅頌。俾千載之後。莫不宗其文以述作。仰其聖以謀咨。可謂命世大聖。億載之師表者已。遭天下大亂。百祀墮壞。舊居之廟毀而不修。褒成之後絕而莫繼。闕里不聞講誦之聲。四時不睹烝嘗之位。斯豈所謂崇化報功。盛德百世必祀者哉。嗟乎。朕甚憫焉。其以議郎孔羨爲宗聖侯。邑百戶。奉孔子之祀。令魯郡修起舊廟。置百石吏卒以守衛之。又于其外廣爲屋宇。以居學者。於是魯之父老諸生遊士。賙堂廟之始復。觀俎豆之初設。嘉聖靈于彷彿。想禎祥之來集。乃慨然而嘆曰。大道衰廢。禮樂絕滅。世餘年。皇上懷仁聖之懿德。兼二儀之化育。廣大苞于無方。恩淪于不測。故自受命以來。天人咸和。神氣毓毓。嘉瑞踵武。休徵屢臻。殊俗解編髮而慕義。遐裔越險阻而來賓。雖太皞遊

龍以君世。虞氏儀鳳以臨民。伯禹命玄宮而爲夏后。西伯由岐社而爲周文。尚何足稱于大魏哉。若乃紹繼微絕。興修廢官。瞻咨稽古。崇配乾坤。此神明之所福祚。宇內之所翫欣也。豈徒魯邦而已哉。爾乃感殷人路寢之義。嘉先民泮宮之事。以爲高宗。倍公。蓋嗣世之王。諸侯之國耳。猶著德于名頌。騰聲于千載。況今聖王肇造區夏。創業垂統。受命之日。曾未下輿而褒崇大聖。隆化如此。能無頌乎。乃作頌曰。煌煌大魏。受命溥將。并體黃虞。含夏苞商。降釐下土。上清三光。羣祀咸秩。靡事不綱。嘉彼玄聖。有邇其靈。遭世霧亂。莫顯其榮。褒成既絕。寢廟斯傾。闕里蕭條。靡歆靡馨。我皇悼之。尋其世武。乃建宗聖。以紹厥後。修復舊堂。豐其薨宇。莘莘學徒。爰居爰處。王教既新。羣小遄阻。魯道以興。永作憲矩。洪聲豈假。神祇來和。休徵難遷。瑞我邦家。內光域區。外被荒遐。殊方重譯。搏拊揚歌。於赫四聖。運世應期。仲尼既沒。文亦在茲。彬彬我后。越而五之。垂于億載。如山之基。

東魏興和三年交州刺史李瑒修孔子廟碑

粵若稽古虞后。欽明文思。衡宰邁德。丕顯九功。咸事故能庸勳。親賢官方式叙。惟大魏徙鄴之五載。皇帝興和之元年。天<sub>關二</sub>字。各寅寅出日。實惟濟俗。宣風敷化。義屬



英良以君理思優餼實維舊德昇朝牧民物望斯允必  
能絃歌鄒魯尅振斯關制字冊拜我公使持節都  
督兗州諸軍事車騎大將軍當州大都督兗州刺史君  
姓李字仲璇趙國柏仁人也其先帝高陽之關二柱史  
之胤左車之綿緒瑤光休彩赫奕于上齡若水嘉祥疾  
疎于季葉君以資解褐奉朝請俄除定州平北府法曹  
叅軍仍歷兗郡功曹諮議叅軍事定相離三州長史東  
郡汲郡恒農三郡太守司徒左長史中散大中大夫營  
構都將離兗二州刺史所在恩關庭訓在民關二娃易  
地而貞履不移君鳳舉雲翔風朗如一斯實天懷直置  
妙與神同惔然不樂思仁未深刑平惠和關為淳關三  
階關二寵關之榮奕葉重光之貴氣韻優峻之奇政績  
緝熙之美既備于史傳與清頌故不復詳載焉君神懷  
疎爽風度絕人學業與淵源竝深趣操共寒松俱秀故  
其隸交部也當未浹旬言觀孔廟肅恭致敬破神如在  
遂朝車曲阜飲馬沂流周遊眺覽尚想伊人關三然有  
功關二之意關命工人脩建容像孔子曰從我于陳  
蔡者皆不及門也因歷叙其才以爲四科之目生既見  
從沒若之何故顏氏庶幾著繫于易辭起予者商紛紛  
于文誥是則聖人之道須輔佐而成故曰吾有由也惡

言不入于耳所以雕素十子侍于其側今于設像聖容  
奉進儒冠於諸徒亦青衿青領雖逝者如斯風霜驟謝  
而淪委舊訓暖以還新至如廟宇凝靜靈姿嚴麗世代  
之隔然以踰七百之關不能出夫道繫于人人亡則道  
隱斯大義以之而乖微言以之而絕今聖容肅穆二五  
成行丹素陸離關七微笑而關言左右若承顏而受業  
是以睹之者莫不忻忻焉有入室登堂之想斯亦化關  
字一隅也天誕聖哲作民師表關風關里播關二洙  
泗至于歎鳳鳥之寂寥傷河圖之莫出屢應聘而不遇  
知道德之不行乃正雅頌脩春秋刊理六經懸諸日月  
字關二載之關莫不遵其義以述作服其訓以成身茲可  
謂開闢之儒聖無窮之文宗者矣此地古號曲阜是惟  
魯都雖宮觀荒廢臺池蕪沒然其廟庭也蔚叢林于九  
冬皁脩柯于百仞類神枯之侵漢同梧宮之巨圍至夫  
鴻隨秋下則月秀霜枝燕逐春來亦風開翠葉關五  
亦足以安樂聖靈是以無代不加脩繕譙德載以寧神  
君清明在躬精思入微功被人神德貫幽顯豈唯營飾  
宣質經關六如度脩尚像崇奉玄宗敦素剪華典存  
廢絕視民如傷躋之仁壽繼亡懷以幽詢任萬物以爲  
心關直靈津孤瀝虛光關散者關夫一月之明可彰百



川一人之鑒。縱橫萬劫。爰自刺舉。未或斯同。然丹青所以圖盛迹。金石所以刊不朽。關二不鐫。現瑞焉。述府州

佐關四令士民等畧序義日。樹碑廟庭。俾後來君子知

功業之若斯焉。乃作頌曰。二儀肇判。人倫攸舉。邇邇玄

王。誕茲聖緒。祖述堯舜。憲章文武。聲溢九天。化覃八宇。

祖習關二窮神盡妙。化澤伊何。關二存關二同麗景。搏

天孤昭。無異岱宗。巖巖特峭。重山隱寶。深霞秘暉。在哀

之葉。白衛言歸。德生于予。文實在茲。彝倫禮樂。冠叙詩

書。後麟驚異。灰管流氣。梁木其摧。緬喻于祀。以存恕亡。

允諸靈意。不有伊人。孰云脩置。惟君體道。布政優優。白

鳩巢室。赤雀栖樓。禮罔不備。知無不周。器冠後哲。風邁

前脩。既繕孔像。復立十賢。誠兼岱宇。勸盡重玄。仰聖儀

之煥爛。嘉鴻業之蟬聯。長無絕兮終古。永萬億兮斯年。

隋大業七年曲阜縣令陳叔毅修廟碑

汝南郡王簿仲孝俊撰

若夫唯道唯德。或仁或義。既漸散于英華。遂崩摧于禮

樂。天生大聖。是曰宣尼。雖有制作之才。而無帝王之位。

膺期命世。塞厄補空。述萬代之典謨。爲百王之師表。始

于漢魏。爰逮周齊。歷代追封。秉圭不絕。我大隋炎靈啓

運。翼下降生。繼大庭之高蹤。紹唐帝之遺統。源章古計

禮樂惟新。偃武修文。尊儒重學。以孔子三十二世孫前

太子舍人吳郡王簿嗣哲封紹聖侯。皇上萬機在慮。兆

庶貽憂。妙簡才能。委之邑宰。於此周公餘化。惟待一變

之期。夫子遺風。自爲百王之則。禮樂舊俗。餘何足云。用

能奉天旨。敬先師。勸孔宗。修靈廟。卽曲阜陳明府其人

也。明府名叔毅。字子嚴。潁川許昌人。昔堯之禪舜。實釐

女于有虞。周室封陳。亦配姬于媯汭。漢石丞相建六奇

之深謀。魏大司空開九品之清議。明府卽陳氏高祖武

帝之孫。高宗宣帝之子。至如永嘉分國。代歷五朝。郭璞

有言。年終三百。皇朝大統。天下一家。爲咸陽之布衣。實

南國之王子。于是遊情庭宇。削跡市朝。砥礪身心。揣摩

道義。策府蘭臺之秘籍。雕蟲刻鵠之文章。莫不成誦。在

心。借書于手。金科玉條之刑法。桐囚木吏之奸情。一見

乃知。片言能折。所謂江珠匿耀。時虧滿月之明。越劍潛

光。每動衝星之氣。爰降詔書。乃除曲阜縣令。風威遠至。

禮教大行。政術始臨。奸豪屏息。抑強扶弱。分富卹貧。部

內清和。民無疾苦。重以德之所感。霜電無災化之所行。

牛馬不繫。鰥魚夜放。早彰溉釜之篇。乳雉朝馴。自入鳴

琴之曲。遠嗶麗統。不任百里之才。俯笑陶潛。忽輕五斗

之俸。於是官曹無事。囹圄常空。接士迎賓。登臨遊賞。賄

泮水而思歌。尋靈光而想賦。加以祇虔聖道。敬致神明。粉壁椒塗。丹楹刻桷。可謂誠之所至。無所不爲。振百代之家聲。作千城之稱首。敬鐫金石之文。永同天地之固。其詞曰。皇非常道。帝實無爲。時澆俗薄。朴散淳漓。世道交喪。仁義爭馳。書亡詩逸。禮壞樂虧。降生大聖。再修墳史。積善餘德。追崇不已。於穆大隋。明命天子。新開紹聖。重光闕里。伊我陳君。清德遠聞。溫溫玉潤。苾苾蘭芬。淵才亮美。拔類超羣。時逢上聖。以我爲令。懷之以德。導之以政。用此一心。能和百姓。子還名賈。兄多字鄭。奸雄竄伏。賦役平均。心居儉素。志守清貧。魚生入釜。雀瑞來臻。寢廟孔碩。靈祠赫奕。圓淵方井。綺窓畫壁。因頌成功。遂歌美績。共敞穹壤。永固金石。

唐武德九年修孔子廟堂碑

太子中書舍人行著作郎虞世南奉敕撰

微臣屬書東觀。預聞前史。若乃知幾其神。惟庸作聖。玄妙之境。希夷不測。然則三五迭典。典墳斯著。神功聖跡。可得言焉。自肇立書契。初分爻象。委裘垂拱之風。革夏剪商之教。質文殊致。進讓罕同。靡不拜洛觀河。膺符受命。名居域中之大。手握天下之圖。象雷電以布威。訓法陽春而流惠澤。然後化漸八方。令行四海。未有偃息鄉

邑。柄皇道路。不預帝王之錄。遠跡胥史之儔。而德侔覆載。明兼日月。道藝微而復顯。禮樂弛而更張。窮理盡性。光前絕後。垂範百王。遺風萬代。猗歟偉歟。若斯之盛者也。夫子膺五緯之精。踵千年之聖。同天縱以挺質。稟生德以降靈。載誕空桑。自標河海之狀。纓勝縫掖。克秀堯禹之資。知微知彰。可久可大。爲而不宰。今天道于無言。感而遂通。顯至仁于藏用。祖述先聖。憲章往哲。夫其道也。固以孕育陶鈞。包含造化。豈直席捲八索。并吞九丘而已哉。雖亞聖鄰幾之智。仰之而彌遠。亡吳霸越之辨。談之而不及。于時天曆浸微。地維將絕。周室大壞。魯道日衰。永嘆時艱。實思濡足。遂乃降跡中都。俯臨司寇。道超三代。止乎季孟之間。蓋論五霸。終從大夫之後。固知栖皇弗已。志在于求仁。危孫從時。義存于拯溺。方且重反淳風。一匡末運。是以載贊以適諸侯。懷寶而遊列國。玄覽不極。應物如響。辨飛龜于石函。驗集隼于金縢。觸舟既曉。專車能對。識罔象之存川。明商羊之興雨。知來藏往。一以貫之。但否泰有期。達人所以知命。卷舒惟道。明哲所以周身。美里幽憂。方顯周文之德。夏臺羈縲。弗累商王之武。陳蔡爲幸。斯之謂歟。于是自衛反魯。刪書定樂。贊易道以測精微。脩春秋以正褒貶。故能使紫微



降光丹書表瑞濟濟焉洋洋焉克宇宙而治幽明動風雲而潤江海斯皆記乎竹素懸諸日月既而仁獸非時鳴鳥弗至哲人云逝峻岳已隕尚使泗水却流波瀾不息魯堂餘響絲竹猶傳非夫體道窮神至靈知化其孰能與于此乎自時厥後遺芳無絕法被區中道濟天下及金冊斯誤玉帛載驚孔教已焚秦宗亦墜漢之元始永言前烈褒成爰建用光祀典魏之黃初式遵故訓宗聖疏爵允緝舊章金行水德亦存斯義而晦明匪一屯亨通有筐筥蘋蘩以時升降靈宇虛廟隨道廢興炎精失御蜂飛蠅起羽檄交馳經籍道息屋壁無藏書之所階基絕兩丈之容五禮六樂剪焉燬燼重弘至教允屬聖期大唐運膺九五基超七百赫矣皇猷烝哉景命鴻名盛烈無得稱焉皇帝欽明辟哲參天兩地乃聖乃神允文允武經綸云始時惟龍戰爰整戎衣用扶興<sup>③</sup>神謀不測妙筭無遺弘濟艱難平一區宇納蒼生于仁壽致君道于堯舜職兼三相位總六戎玄珪乘石之尊朱戶渠門之錫禮優往代事踰恒典於是在三臚命兆姓樂推克隆帝道丕承鴻業明玉鏡以式九圍席蘿圖而御六辨寅奉上玄肅恭清廟宵衣旻食視膳之禮無方一日萬幾問安之誠翊駕孝治要道于斯爲大故能使

地平天成風淳俗厚日月所照無思不服懷彼獯戎爲患自古周道再興僅得中筭漢國方遠纔聞下策徒勤六月之戰侵軼無厭空盡貳師之兵悲陵滋甚皇威所被若崩厥角空山盡潰歸命闕庭克初葉街填委外廐開闢以來未之有也靈臺似伯玉闕虎候江海無波烽燧息<sup>④</sup>非烟浮漢榮光莫河枯矢東歸白環西入猶且號懷馭朽軫念納隍卑宮菲食輕徭薄賦蠲凋反朴抵璧藏金革鳥垂風綈衣表化歷選列辟勿求遠古克已思治曾何等級于是眇屬聖謨凝心大道以爲括羽成器必在辟雍<sup>⑤</sup>德潤身皆資學校矧乃入神妙義析理微言列以四科明其七教懿德高風垂裕斯遠而棟宇弗修宗祧莫嗣用紆聰覽爰發絲綸武德九年十二月廿九日有詔封隋故紹聖侯孔嗣哲子德倫爲褒聖侯乃命經營惟新舊趾萬維斯建百堵皆興揆日占星式規大壯鳳蕙翥其特起龍椅儼以臨空霞入綺寮日暉丹檻宵宵崇邃悠悠虎白模真寫狀妙絕人功象設已陳肅焉如在握文履度復見儀形鳳時龍蹲猶臨咫尺莞爾微笑若聽武城之絃怡然動色似聞蕭韶之響禮禋盛服旣覩仲由侃侃禮容仍觀衛賜不疾而速神其何遠至于仲春令序時和景淑皎潔璧池回流若鏡青



蔥槐市、總舉成帷。清滌玄酒、致敬于茲。日合舞釋、某無  
絕于終古。皇上以幾覽餘暇、遍該羣籍、乃製金鏡述一  
篇、永垂鑒戒。極聖人之用心、弘大訓之微旨、妙道天文、  
煩乎畢備。副君膺上嗣之尊、體元良之德、降情儒術、遊  
心經藝、楚詩盛于六義、沛易明于九師。多士服膺、名儒  
接武、四海之內、斐然成俗。懷經鼓篋、攝齊趨與、並鏡雲  
披、俱餐泉湧。素絲既染、白玉已雕。資覆篋以成山、導涓  
流而爲海。大矣哉、然後知達學之爲貴、而弘道之由人  
也。國子祭酒楊師道等、偃玄風于聖世、聞至道于先師、  
仰彼高山、願宣盛德。昔者楚國先賢、尚傳風範、荊州文  
學、猶鐫歌頌。况帝京赤縣之中、天街黃道之側、率興壯  
觀、用崇明祀。宣文教于六學、闡王風于千載、安可不贊  
述徽猷、被之雕篆。仍抗表陳奏、請勒貞碑。爰命庸虛、式  
揚茂實、敢陳舞詠、乃作銘云。景緯垂象、川岳成形。挺生  
聖德、寶稟英靈。神凝氣秀、月角珠庭。探賸索隱、窮機洞  
冥。述作爰備、丘墳咸紀。表正十倫、章明四始。繫纘義易、  
書因魯史。懿此素王、邈焉高軌。三川削弱、六國從橫。賴  
首兵利、龍文鼎輕。天垂伏龍、海躍長鯨。解蔽去佩、書蠹  
儒坑。纂堯中葉、追尊大聖。乃建褒成、膺茲顯命。當塗創  
業、亦崇師敬。昨土錫圭、禮容斯盛。有晉崩離、維傾枉折。

禮亡樂廢、風頹雅缺。戎夏交馳、星分地裂。蘋藻莫奠、山  
河已絕。隋風不競、越王淪亡。樽俎弗習、干戈載揚。露沾  
闕里、麥秀鄒鄉。修文繼絕、期之會昌。大唐撫運、率由王  
道。赫赫玄功、茫茫天造。奄有神器、光臨大寶。比蹤連陸、  
追風炎昊。於鑠元后、膺圖撥亂。天地合德、神人攸贊。麟  
鳳爲寶、光華在旦。繼聖崇儒、載修輪奐。義堂弘敞、經肆  
紆繁。重巖霧宿、洞戶風清。雲開春暉、日隱南榮。鏘鏘鏘  
律、獨潔靈明。容範既備、德音無斁。肅肅升堂、兢兢讓席。  
獵纓訪道、橫經請益。帝德儒風、永垂金石。

吳兢曰、永興此碑、懸腕正鋒、規矩肅然、而雍容自適、信  
是晚年神筆。第前有相王旦書碑額一行、殊爲可恨。相  
王以皇嗣改封、本名旭輪、改名旦、授太子衛率、司徒、并  
州牧、去武德時八十餘年矣、不知當時碑額何故遲留  
至此。且司徒并州牧二十五字、筆帶行楷、與  
碑迥異、大似薛稷書、深于鑒古者必能辨之。

唐貞觀元年贈太師魯國孔宣公碑

秘書少監通事舍人內供奉崔行功奉敕撰

臣聞形氣肇分、宗匠之途、遂廣性情、已著名教之理、攸  
與。是故雕刻爲妙物之先、粉澤成宰真之用。若其聘語  
棄智、則聖非撥磨之端、莊寄齊諸、則體必因心之範。雖  
九流爭長、百家競逐、而宗旨所歸、典墳攸係。夫軒轅已  
謝、子姒迭微、步驟殊方、質文異轍。及流簾起課、箕服傳  
詠、惡章板蕩、風雅淪喪。然而千齡接聖、崇朝可明、五百

見賢伐利未遠。粵惟上哲降生。圯運理接化元。德克造物。裁成教義。彌綸之跡已周。組織心靈。範圍之功且峻。利仁以濟。陶鑄垂訓。以濡動植。自嘆起臨川。道窮反袂。西峯琰玉。幾望蒼山。東望桑桑。多塵碧海。屬混元再造。休明一期。雅頌之音復聞。郊禋之禮還緝。跨梁胥之逸軌。邁龍鳥之遐風。瞻白雲而升介丘。翼蒼螭而過沂上。而今千祀之外。典冊遂隆。九泉之下。哀榮方緝。斯乃命爲罕說。道不與謀。豈如箕山之竟空。成寂寞。信陵之墓徒復經過。將知龍蛇之蟄。潛契于大壤。聖知所遊。高懸于日月。言之不可極。其唯孔太師乎。太師諱丘。字仲尼。魯國鄆人。有殷之苗裔也。分于宋。則孔父嘉爲大司馬。弗父何以國諱。其弟厲公。正考父佐戴武宣而受三命。居於魯。則有防叔。伯夏叔梁紇。紇生太師。若夫天命玄鳥。玉篚降其濬哲。瑞起白狼。瑞臺繁其錫類。武王覆夏。仍遷象物之命。有客在周。復奏桑林之樂。滋恭喻尸臣之興。高讓挹延吳之風。令緒昌源。煥乎已遠。至如象緯凝質。則傳說巫咸。嵩嶽降神。而申伯吉甫。在於郊臨。巨跡鬱符中禁之祥。水帶丘阿。遙均反宇之慶。溫軋坤之精粹。陶陰陽之淑靈。度九閩十河。目海口。放勳文命。有喻於儀刑。子產臯陶。微詳于具體。孟孫言其將聖。太宰

辯其多能。神關繫表。性與道合。時初撰履。已訓魯卿。年未裘裘。先窺周室。猶且學期上達。業尊下問。龍如藏史。或訪禮經。碧准其弘。言詢易象。曲臺相訓。廣陳批議之容。師掌師襄。屢辨興亡之極。網羅六藝。經緯十倫。加以思入無方。情該至贖。陳庭矢隼。懸念遠飛。季井泉開。冥占幽怪。新萍泛日。能對于楚賓。舊骨輪風。旋酬于越使。藏往知來之際。微妙玄通之旨。不可以龜策求。不可以筮蹄得。及其譽聞曲阜。南宮展師資之敬。應務中都。西鄰化諸侯之法。冬官效職。五土得其攸宜。秋令克宣。兩觀展其刑政。游苑藝道。且仰季桓。田歸汶陽。遂凌齊景。尊君卑臣之訓。自家刑國之術。每惆悵于興周。亦流連于韶管。然而高曼不惠。彼日浸微。起哀怨于王風。絕歸飛于鳴鳥。是邦可化。斯道欲行。暖席興髮。問津匪倦。俎豆嘗說。空及三軍之客。季孟有言。不接雙鷄之膳。晏平推士。尚或相排。子西讓王。終成見拒。亦有宋朝司馬。喬木難休。衛國匡人。逆旅焚次。荷蕢微者。翺嗟擊磬之心。儀封細人。潛明木鐸之意。既而在斯。興感用輟。栖惶狂簡。斐然彌嗟。穿鑿旋駢。舊館掃筵。闕里杏壇。居寂繡林。地幽知十幾微。得二承妙。蝌蚪所載。方閱舊文。雕雉在篇。遍詳雅什。河漢鼓鼓。鏗鏘之響復傳。宗廟衣裳。升降





之儀還序。博約無倦。誘喻多方。后稷躬耕。近關廟物。伯夷餒死。猶可激貪。周公其人。則神交于夢寐。管仲器小。則嘆微于征伐。立德立言。太上謂之不朽。曰仁曰義。前哲以之周旋。覆篑爲山。喻天階而不陟。讀易無過。假日蝕以鳴謙。茨嶺桐山。寄言于獨善。岐情風御。未陟于通莊。妙璠數板。作伴易簡。是知縫掖乃兼濟之途。華袞非爲政之要。及其恩智齊泯。椿菌如一。南楚狂狷。舊辨鳳衰。東魯陪臣。奄成麟斃。晨興負杖。知命發于話言。夕寐奠楹。將萎傷其溘慮。崇山化谷。小天下而無山。隕石沉星。架大梁而何有。門人議服。俱纏至極之哀。國史制詞。永錫慈遺之誄。及埏深夏屋。樹列遠方。五勝迭還。六籍無准。席間初聞。已舛微言。入室且分。過垂大義。秦人蛙沸。遺燼翳燃。漢代龍驤。挾書未剪。元封有述。殘缺再陳。甘露嗣蹤。搜揚復起。春陵受命。先訪于膠庠。燕郡應符。多招于文學。迨江馬南渡。泉務北飛。躬入環林。鯨衡聖海。有隋交喪。中原剪覆。東序南雍。鞠爲茂草。六樂五禮。皆從燬室。欽若阜唐。靡膺明命。祖武宗文之業。天成地平之勳。圖書因樂推重。干戈由亂輯寧。刻舟劍浮。芹藻之詩先逮。戎衣初捲。羽籥之節旋興。皇上以聖敬而撫璇圖。以文明而膺寶曆。夏啓提其光兆。姬誦讓其惟清。

化入龍沙。風移鯢海。金丘展喪。瓊田薦琛。潛馬飾黃芝之封。浮龜吐綠文之繡。虞庠殷塾。廣賓荒史。遂領石渠。朋延教訓。垂衣裳而凝想。虎見廬以永懷。至于大道寢微。小康遂往。羣譏紫色。謬踐玄阿。劉風白企。徒遵高里。黃初正始。時多間然。建武永平。業非盡善。而乃作樂崇德。殷薦之禮畢陳。有孚再顯。觀下之訓隨設。肆類羣望。孝享之義益隆。歸功三后。尊祖之誠愈切。詔寰中而徵萬國。譚荒外而召百靈。一茅分茹。雙鶴共羽。翠華遠昇。藉席虎位。上帝儲祉。太乙有暉。山祇傳祥。海神會氣。九臯之沉榮可嗣。三代之闕典還屬。乃使朱鳥翔日。蒼威戒路。七萃騰景。八鸞鏘風。過大庭以省方。掩洙上而觀藝。晏居莫辨。祠堂緜然。見馬鬣于荒墳。識機檀于古隧。歎重泉之可作。聞盛德而必祀。言敷訓典。廣命梓材。贈以太師。式旌幽壤。改制神宇。是光令德。于是皇唐之御天下四十有九載。卽乾封之元年也。攝提處歲。勾芒獻節。兗州都督霍王元軌。大啓藩維。肅承綸誥。比徒掇日。疏閑雍遠。接泮林之舊造。削靈光之前殿。徂徠新甫。伐喬木而韻流鶯。岱畎泗濱。採怪石而喧浮磬。頡紫施綃。黝黛飛文。齊拱重櫺。春窓秋幌。陰闕積霽。複閣懷烟。几仍度室。席遵函丈。壽宮潯然。昨客有移。至如襄城有訪。



七聖接其驂。汾水言遊。四子冥其衡輓。將謂布衣黃  
星名器則殊。卷領素王。感召宜一。顏子侍側。似發農山  
之談。季路乘閒。如興浮海之說。西華束帶。尚以要賓。言  
偃楊裘。猶爲得禮。遊席延其不斂。拾瑟懸其幽情。其列  
升堂。齊參賭與。歲時蘋藻。復雜菖蒲。平日絃歌。還聞絲  
竹。皇儲一德。聿隆三善。博望遊裾。肅成講義。發揮銘造  
幽贊事業。而以周穆之賜王母。尚勒西弁。漢帝之展稷  
丘。因書東嶽。遂乃思建隆碣。上開天泉。言由國本。理會  
冲情。副震宮之德聲。命芸閣以細頌。玄堂闢兮神靈優  
揚。教思兮兩儀配。炳皇綱兮融帝載。堯可履兮舜爲佩。  
晝而明兮夜而晦。吁嗟業兮麗萬代。其詞曰。赫赫上帝。  
悠悠天造。神集鴻名。聖居大寶。循善柯教。率性爲道。政  
若鎔金。化伴偃草。爰晝先起。律呂創陳。禮節天地。樂和  
人神。成期用簡。業尚日新。帝無聲臭。陶有葵倫。水火朝  
變。憲章時華。周廟傷禾。殷墟悲麥。袞旆紕雅。虞荷淪臚。  
散亂記言。支離方冊。自天生德。由縱成能。賈逵恪嗣。銘  
陶家承。蹲龍運舛。振鐸宜膺。關典攸紘。斯文再興。廣訓  
三千。徧于七十。歷階東會。藏書西入。楚將分社。齊聞與  
邑。接輿自狂。長沮空執。在智伊沙。惟神乃幾。羊因魯觸。  
鳥向陳飛。聘傳頌管。編照書章。卜商承緒。顏子參微。堯

則不迫。目跡遂往。名教潛發。心靈泛瑱。德配乾坤。業暉  
辰象。麟粹遙流。山隴莫仰。三統昌日。千齡聖期。經宗有  
吳。展禮崇基。親宣時道。神緘孝思。絳縹承輓。翠鳳翻旗。  
上浮龜蒙。遙集鄒魯。翹勤真跡。惆悵今古。舊壁述字。荒  
墳翳斧。綸責宗師。詔緝靈宇。虹梁聳構。常翼林舒。雕龍  
繡構。圓井方疏。沂童浴早。汴鳥鳴初。咀豆蠲潔。丹青藹  
如。墨檢前蹤。莊放遺轍。於昭遐訓。允歸聖烈。肅穆仁祠。  
陰沉像設。隨四序以潛運。懸三光而不跌。

唐開元七年重修孔子廟碑

朝散大夫持使節渝州諸軍事守渝州刺史李崑撰  
張庭珪書

背觀元化陰藏。上帝玄造。雖道遠不際。而運行有符。揚  
摧大抵。宣考神用。建人統之可復。補天秩之將頽。其揆  
一也。昔蚩尤怙賊。厥弟驕兵。巨力多徒。合緒連禍。則黃  
帝興聖。首出羣龍。推下濟以君人。儆勤畧以戡亂。逮至  
橫流方割。包山其容。轉死爲魚。鮮食不粒。則堯禹竝跡。  
扶振隱憂。道百川。康四國。粵若殷禮。猷周德。微宋公用。  
鄩楚子問。則夫子卓立。燦然成章。闢邦家之正門。播  
今昔之發憲。此天所以不言而成化。聖所以有開而必  
先其若是也。故夫子之道。消息于兩儀。夫子之德。經營

乎三代。豈徒小說。蓋有異聞。夫亭之者莫如大。藉之者莫如地。教之者莫如夫子。且沐其亭而不識其道。則不如勿生。荷其藉而不山其德。則不如勿運。故曰消息乎兩儀者也。夫博之者莫如文。約之者莫如禮。行之者莫如夫子。且會其文而不揚其業。則不如勿傳。經其禮而不啓其致。則不如勿學。上代有以尊序。中代有以宗師。後代有以不訓。故曰經營乎三代者也。噫。唐虞之美。不必至是。贊而大者。進聖君也。夏桀之惡。不必至是。擠而毀者。激庸主也。伊尹之忠。不必至是。演而數者。勉誠節也。趙盾之逆。不必至是。抑而書者。誅賊臣也。至若論慈廣孝輔仁。寵義職此之由。於是君臣之位序。父子之道。明朋友之事。與夫婦之倫。得雖朗日開。覺膏雨潤澤。和風清廟。安足喻哉。借如九皇繼統而政醇。七聖同年而道合。雖事業廣運。併理濟一時。未有薄遊大夫。僻居下國。德教既往。言滿方來。廟食列邦。不假手于後。續君長萬乘。必歸心于素王。若此之盛。是以騰跨百辟。孤絕一人。身成名可稱。取與爲大者也。我國家儒教渙寓。文思啓天。仲史曹以追尊。建禮官而崇祀。侯褒聖于人爵。尸奠享于國庠。是用大啓學流。錫類孝行。懌悅施于方國。光耀顯于胤宗。三十五代孫嗣褒聖侯。建之字藏。渾泊

族賢元亨等。或專門碩儒。罔墜于緒。或餘波明準。克揚厥聲。乃相與合而謀曰。夫墟墓之地。禮曰自哀。聽訟之樹。詩云勿剪。一則遇事遺愛。一則感物永懷。矧乎大聖烈風。吾祖鴻美。故國封井。舊居川岳。曷宜其悚神馳。鬼膝行膜拜。陳齋祭。首嚴祀。樹漆垣以設防。刊豐石以爲表。兗州收京兆。韋君元圭。王國周親。人才懿德。明啓風績。休有名教。長史河南源晉賓。字光國。賢操孤典。清節相遠。納人以禮。成俗于師。司馬天水狄光昭。字子亮。相門開祥。雅道踵武。聞義必立。從事可行。錄事參軍東海徐仲連。工曹成陽蓋察。疑倉曹太原王道厚。弘農楊萬石。戶曹博陵崔少連。弘農楊纘。玄。兵曹太原王光超。范陽張博望。法曹安定皇甫佺。東海于光彥。王曹榮陽鄭章。參軍事博陵崔調。扶風寶光訓。河東裴瑋。隴西李紹烈。鴈門田公儀。博士南陽樊利貞。曲阜縣令鴈門田思昭。縣丞河間劉思廉。主簿吳興施文蔚。清河晏弘楷等。宦序通德。儒林秀主。升堂睹奧。遊聖欽風。會同演成。乃廓經始。其詞曰。元天陰臨。大明虎鏡。神不利淫。物將與正。凡曰投艱。在此逢聖。吞沙薦雪。軒黃底定。襄陵兆災。夏禹文命。周道失序。夫子應聘。剛詩述史。成禮張樂。雅頌穆清。詞訓昭灼。片言一字。勸美懲惡。誘進後人。啓明

先覺六順勃興四維偕作。元功濟古。至道納來。首出列聖。席恭奉才。大明震曜。廣學天開。烝嘗而萬。誦習窮該。帝念居室。以光壽宮。建侯于嗣。環封厥中。孫謀不泯。祖德斯崇。乃刊聖烈。克廣休風。

### 麟臺碑

#### 韋表微撰

聖人作然後王道明。王道明然後瑞應至。靈昭感通。理合冥數。昔殷道剝喪。民罔攸歸。于是文王以有位之聖。嗣成湯之德。神人咸乂。故鳳鳴于岐。洎周德陵遲。道廢所屬。由是仲尼以無位之聖。述文武之法。憲章聿修。故麟見于魯。于是王室無主。禮法盡去。天子之尊存乎位。號稱周公之所封。用四代之禮樂。繼而未發。仲尼以大縱之德。生于其中。居周公之邦。志文武之道。觀興廢之運。知作者在已。位不得以庇生民。權不得以司刑賞。是天將喪斯民也。而未喪斯文也。乃綴絕緒。中舊章。變其禮文。酌爲典憲。聖五常之龜鑑。正三綱之軌轍。帝王之道迷而復明。盛德大業于是乎在。天錫嘉瑞。光昭厥功。故周敬穆哀。不得而有也。由此觀之。蓋春秋爲王法之器。魯國爲王法所寄。在其所寄。以舉其器。鼓仁義爲舟航。權褒貶爲篙楫。乘憤流之波。濟天下之溺。上無列國

之輔。下無陪臣之助。故道不信于天下。而信于智者。法不著于當時。而著于後代。向使仲尼有滕薛之土。得三家之衆。興我王澤。沛及蒸民。則麟出其郊。得其所矣。豈復厄于虞人哉。故麟不見。則孔子之道不彰。麟不死。則周室之亂不極。嗚呼。聖人之生也。得其時則化行于江漢。不得其時則道屈于季孟。靈瑞之出也。得其時則名薦于郊廟。不得其時則身罹于賤夫。是以聖人能順時以濟人。不能反時以自聖。靈瑞能因時以感應。不能反時以自靈。被厄于陳蔡。見獲于八桂。影響之應。其符著矣。春秋傳曰。有以告者曰。麟而角者何。孔子曰。孰爲來哉。夫豈不知乎。蓋遜之而不敢有。示人以疑也。元和五年冬十一月。表微以滑之從事。使于鄆陽。停驂訪古。得獲麟之舊壤。且曰。後之人築臺于此。以旌厥德。感先聖之不過。悼麟出之非時。徘徊周道。乃作銘曰。二儀既闢。三象乃垂。聖道湮鬱。人心不開。上無文武。下有定哀。于嗟麟兮。孰爲來哉。周雖不綱。孔實嗣聖。詩書載訓。禮樂大定。懲惡勸善。反邪歸正。于嗟麟兮。克昭符命。聖與時合。化行道尊。苟或乖戾。身窮道存。於昭豐邑。栖遯孔門。于嗟麟兮。孰知其昏。運極數殞。道至時否。楚國竊廣。秦封益侈。墳圯迫阨。崎嶇關里。于嗟麟兮。靡有攸止。世治



則麟世亂則磨。出非其時。麋鹿同羣。孔不自聖。麟不自神。于嗟麟兮。夫復何云。

唐咸通十年脩文宣王廟記

攝鄆曹漢等州館驛巡官鄉貢進士賈防撰

皇帝御寓之十年。歲在己丑。夫子三十九世孫魯國公節鎮汶陽之三載。秋霜共凜。冬日均和。里閭無桴鼓之聲。耆艾有襦袴之詠。道已清矣。政已成矣。於是瞻故鄉以徘徊。想廟貌而惆悵。乃謂僚佐曰。伊予聖祖。實號儒宗。英靈始謝于衰周。德教方隆于大漢。爰因舊宅。是構靈祠。粵自國朝。屢加崇飾。文棧繡栢。雖留藻繪之功。日往月來。頗有傾頽之勢。故老動懷涼之思。諸生興嗟嘆之音。今忝鎮東平。幸邇鄉里。雖無由展敬。而敢忘修營。既而飛章上陳。請以私俸葺飾。由是命工庀事。飾舊如新。泮甸之間。其功乃就。門連歸德。先分數仞之形。殿接靈光。重見獨存之狀。辟容穆若。更表溫恭。列侍儼然。如將請益。丹楹對聳。還疑葺奠之時。素壁高標。宛若藏書之所。槐影疎而市晚。杏枝暗而壇孤。不假大夫。幽蘭自滿。無煩太守。刺草全除。稷門之舊業俄興。闕里之清風再起。既可以傳芳萬古。亦可以作範一時。且開闢以來。王霸之道。言其德也。莫踰于湯武。語其功也。無尚于桓

文。墳土未乾而丘隴已平。子孫縱存而蒸嘗悉絕。夫子無尺寸之地。徵一旅之衆。脩仁義者取爲規矩。肆強梁者莫不飲樂。生有厄于棲遲。沒居尊于南面。而然蘇莫探。廟貌長存。道德相承。簪裾不絕。則夫子之道。既可彰于積善。魯公之德。實無愧于聿修。防目眴靈蹤。躬尋盛績。仰聖姿而如在。歎休烈而難名。承命紀功。讓不獲已。刻諸貞石。深愧菲才。

宋太平興國八年重修文宣王廟碑記

翰林學士朝散大夫尚書都官郎中知制誥柱國賜

紫金魚袋臣呂蒙正奉敕撰

聖人之興也。能成天下之務。能通天下之志。然亦不能免窮通否泰之數。是故有其位。則聖人之道泰。無其位。則聖人之道否。大哉堯舜禹湯。其有位之聖人歟。我先師夫子。其無位之聖人歟。昔者大道既隱。真風漸漓。有爲之跡雖彰。禪代之風未替。雖是堯舜禹湯。包至聖之德。有其位。故德澤及于兆民。逮乎周室衰微。諸侯強盛。干戈靡戢。黔首瞻依。雖是仲尼有至聖之德。無其位。所以道屈于季孟。嗚呼。夫子以天生之聖。智足以周乎萬物。道足以濟于天下。而棲遲列國。卒不見用。得非其道至大。而天下莫能容乎。復乃當時之生民不幸乎。向使

有其位、用其道、又何止于夾谷之會、沮彼齊侯、兩觀之下、誅斯正卯、積羊排土木之妖、精矢驗蠻貊之貢、必將恢聖人之道、功濟乎宇宙、澤及于黎庶矣、奚一中都宰大司寇、可伸其聖道哉、嗟夫、文王沒而斯文未喪、時命屯而吾道不行、可爲長太息矣、泊乎河圖不出、鳳德云衰、爰因蔡以厄陳、遂自衛而反魯、于時刪詩書、贊易象、因史記、作春秋、大抵尊王者而黜霸道、滅亂臣而誅賊子、然後損益三代之禮樂、褒貶百王之善惡、蕪穢者刪、蕪之、素亂者綱紀之、建末俗之邪邪、垂萬世之楷則、遂使君臣父子咸知揖讓之儀、貴賤親疎皆識等差之數、功均造化、德被生民、昭昭焉、蕩蕩焉、與日月高懸、天壤不朽者、夫子之道乎、故曰、自生民以來、未有如夫子者也、非夫道尊德貴、惟幾不測、就能與于此乎、故天下奉其教、尊其像、祠廟相望者、豈徒然哉、自唐季而下、晉漢以還、中原假擾、寓縣分裂、四郊多壘、鞠爲戰鬪之場、五岳飛塵、竟以干戈爲務、周歲經營、四方日不暇給、故我素王之道、將墜于地、光闡儒風、屬在昌運、我宋應運、統天曆、文英武大聖、至明廣孝皇帝之續寶位也、以御齊之德、兼辟哲之明、總攬英雄之心、包括蕪夏之地、皇明有赫、聖政日新、解網流毒、示至仁于天下、俯亡以亂、清

大憝于域中、復浙右之土疆、與王匍匐而聽命、伐并汾之堅壘、兇西創戈而係頸、戎車一駕、掃千里之妖氛、秦壇載陳、展三代之緝禮、拯亂則吊伐、非所以佳兵也、懲惡則止殺、蓋所以遵法也、然後修禮以檢民跡、播樂以和民心、禮修樂舉、刑清俗阜、尚猶日慎一日、躬決萬機、近甸絕禽荒之娛、後庭無遊宴之溺、遂得羣生疊疊、但樂于天時、萬彙熙熙、不知乎帝力、信可以高視千古、躋轍百王、謂皇道既以平、華葵又以寧、爾乃凝神太素、端拱穆清、闡希葵之風、詮真儒之理、問則披皇墳而稽帝典、奮睿藻以抒宸章、哲王之能事備矣、太平之鴻業成矣、居一日、乃御便殿、謂侍臣曰、朕嗣位以來、咸秩無文、徧脩羣祀、金田之列、利崇矣、神仙之靈、宇脩矣、惟魯之夫子、廟堂未加營葺、闕孰甚焉、况像設卑而不度、堂廡陋而毀頽、觸日荒涼、荆榛勿剪、階序有妨、于函丈屋壁、不可以藏書、既非大壯之規、但有歸然之勢、傾圯廢久、民何所觀、乃賜新規、革舊制、遣使而蒞事、募梓匠以辟功、經之營之、厥功告就、觀夫綵垣雲蓋、飛簷翼張、重門呀其洞開、層闕鬱其特起、綺疏瞰空、朱檻凌虛、眈眈之邃宇、來風、嶽嶽之雕甍、拂漢、廻廊複殿、一變惟新、升其堂、則藻火黼黻、昭其度也、登其庭、則豆蓬簞簞、儼其





器也。春秋二仲上丁佳辰，牢醴在庭，金石在列，僉僉衆賢以配以侑，凜然生氣，瞻之如在。時或龜山雨霽，岱岳雲歛，則重簾疊嶂，丹青晃日月之光，龍栢雲栢，金碧幌烟霞之色，輪奐之制，振古莫儔，營繕之功，於今爲盛。由是公卿庶尹，鴻儒碩生，相與言曰：凡明君之作事，也不爲無益，害有益，必乃除千古之患，興萬世之利，然後納華葵于軌物，致黔首于仁壽。夫子無位立教，化人以文，行忠信，敦俗以冠昏喪祭，爲民立防，與世垂範，是以上達君，下致民，用之則昌，不用則亡。我后膺千年而出震奄六合以爲家。一之日，二之日，訪丞黎之疾苦。三之日，四之日，辨官材之淑慝。爾乃修武備，崇文教，輕徭薄賦，興廢繼絕。于時，瞻我先師，嚴其廟像，棟宇宏壯，近罕比倫。遂使槐市杏壇之子，競鼓篋以知歸，哀衣博帶之儒，識橫經之有所。矧乃不蠹民財，不耗民力，時以農隙，人以悅使，向謂興萬世之利者，斯之謂歟。夫秦修阿房，惟矜土木之麗，楚築章華，但營耳目之玩，何可同年而語耶。將勒貞珉，盡資鴻筆，臣詞慚體要，學謝大成，彤庭猗厠，于英翹內署，繆司于綸誥，頌聖君之德業，雖效游揚，仰夫子之文章，誠慚狂簡。恭承膺旨，謹抒銘曰：周室衰微，兮諸侯擅權，魯道有蕩兮，禮樂缺然，神降尼丘兮，誕重于天，挺生夫子兮，喪亂之年，秀帝堯之姿兮，類于產之肩，包聖人之德兮，累生知之賢，刪詩定禮兮，糾繆繩愆，智宜造化兮，功被陶甄，下學上達兮，仁命罕言，將聖多能兮，名必正焉，道比四清兮，日月高懸，仰之彌高兮，鑽之彌堅，歷聘諸國兮，陳蔡之間，時不見用兮，吾道迤邐，麟見非應兮，反袂連連，梁木其壞兮，嘆彼逝川，王爵疏封兮，褒見聯翩，百世嗣襲兮，慶及賞延，明明我后兮，化泮無邊，崇彼廟貌兮，其功曲全，高門有閤兮，虛堂八埏，吉日釋菜兮，陳彼豆籩，雕甍畫戟兮，旦暮含烟，海日一照兮，金碧相鮮，帝將東封兮，求福上玄，千乘萬騎兮，轟轟闐闐，謁我新廟兮，周覽翩跹，肆觀羣后兮，岱宗之前。

五賢堂記

孔道輔撰

五星所以緯天，五嶽所以鎮地，五賢所以輔聖。萬象雖列，非五星之運，不能成歲功。衆山雖廣，非五嶽之大，不能成厚德。諸子雖博，非五賢之文，不能成正道。繇是三才之理具，萬物之情得，故聖人與天地並，高卑設位，道在其中矣。所以尊君德，安國紀，治天物，立人極，皆斯道也。然天地有否閉，日月有薄蝕，聖人之道有屯塞。若天



地否則聖人建大中之道以開泰之。荷聖人之道歷五賢迭起而輔導之。先聖生當戰伐世法令機祥巫覡之弊亨楊墨之迂誕莊列之恢詭窮聖出常三騶孫田柯勝于時則我聖人大道爲異端破之不吝于世也而孟荀繼作乃述唐虞之業序仁義道德之源俾諸子變怪不軌之勢息聖人之教復振其功甚大矣。後至漢室圯缺揚子惡諸子知舛詆訾聖人獨能懷二聖三王之迹譏時著書以尊大聖使古道昭昭不泯者揚之力也。西漢之後皇綱弛紊六代喪亂文章散靡妖狂之風蕩然無華。文中子澄其源光興王之運韓文公治其末廣尊道之旨致聖化益光顯華夏歸正道雖諸子譏議或欲攘其法戕其教榛其塗蕪其說弗可得已。然賢者違世矯俗能去難者蓋寡矣。孟不免齊梁之困臧倉之毀荀不免齊人之譏楚國之廢揚不免劉歆之侮投閣之患王不免隋氏之抑羣公之沮韓不免潮陽之竄皇甫之譖其間或譏其作經或短其修史彼徒能毀之弗顧已之弗逮也。達者以爵位爲虎器大過者人猶嫉之況抱道德富仁義立終古之名寧無惡乎。天地雖否無傷于體日月雖蝕無傷于明聖賢雖困無傷于道得其時則堯舜禹湯之爲君是夔伊呂之爲臣功濟于當世也。

非其時則孔聖之無位五賢之不過道行于後世矣。亦猶歲旱則澤之益甘夕暗則燭之益明世亂則賢者益固歷代以斯爲難也。孔聖之道否則五賢振起之今五賢墮敝振之者無聞焉。道輔學不及前哲而以中正干帝皇幸不見黜而與進冀以賢者必輔于時躋于古以茲爲盛矣。方市親守故國爲儒者榮嘗謂伏生之徒以訓詁功象設于祖堂西序而五賢立言排邪說明大道非諸子能及反不及配缺孰甚焉。因建堂收五賢所著書圖其儀殺先儒之時庶庶幾識者登斯堂親是像覽是書肅然華容知聖賢之道盡在是矣。

金明昌六年重修至聖文宣王廟碑

翰林學士知制誥同修國史堂懷英奉敕撰

皇朝誕受天命累聖相繼平遠舉宋合天下爲一家深仁厚澤以福斯民。粵自太祖暨于世宗撫養生息八十有餘年庶且富矣。又將教化而粹美之。主上紹休祖宗以潤色洪業爲務即位以來留神機政華其所當華興其所當興飭官厲俗建學養士詳刑法議禮樂舉遺修舊新美百爲期與萬方同歸文明之治以爲興化致理必本于尊師重道于是奠謁先聖以身先之常謂侍臣曰昔者夫子立教于洙泗之上有天下者所當取法乃



今遺祠久不加葺。且其隘陋。不足以稱聖師之居。其有以大作新之。有司承詔度材。凡工計所當費。爲錢七萬六千四百餘緡。詔並賜之。仍命選擇幹臣。典領其役。役取于軍。匠傭于民。不責急成。而責以可久。不期示侈。而期於有制。凡爲殿堂廊廡門亭齋厨。費舍合三百六十餘楹。位序有次。像設有儀表。以傑閣周以崇垣。至于欄座欄橋。簾櫳<sup>⑥</sup>梁<sup>⑦</sup>。思之屬。隨所宜設。莫不嚴具。三分其役。因舊以完葺者。十居其一。而增創者倍之。蓋經始于明昌二年之春。踰年而土木其構。成。越明年而採漆彩繪成。先是羣弟子及先儒像。畫于兩廡。既又以捏塑易之。又明年而衆功皆畢。罔有遺制焉。上既加恩闕里。則又澤及嗣人。以其雖襲公爵。而官職未稱。與夫祭祀之儀不備。特命自五十一代孫元措首階中議大夫。職視四品。兼世宰曲阜縣。六年。又以祭服祭樂爲賜。遣賜策祝。并以崇成之意告之。方役之興也。有芝生于林域及尼山廟與孔氏家園。凡九本。典役者采圖以聞。且言瑞芝之生。所以表聖德之致。廟成之日。宜有刊紀。敢請並書于石。又廟有層閣。以備殘書。願得賜名。揭諸其上。以觀示四方。詔以奎文名之。而命臣懷英紀其事。臣魯人也。杏壇傳宅。猶能想見其處。今幸以諸生備職。獲范其可。

歸國陋之詞。挈極計工。謹識歲月而已乎。敢竊叙上所。以褒崇之實。備論而書之。而後係之以銘。臣嘗謂唐虞三代致治之君。皆相授以道。至周末世。不得其傳。而夫子載諸六經。以俟後聖。降周迄漢。異端並起。儒墨道德名法陰陽。分而各家。而以六藝爲經傳章句之學。歸之儒流。不知六藝者。夫子所以傳唐虞三代之道。衆流之所從出。而儒爲之源也。後世偏尚曲聽。沿其流而莫達其本。用其偏而不得其醇。自是歷代治績。皆與時政高下。洪惟聖上。以天縱之能。典學稽古。遊心于唐虞三代之隆。故凡立功建事。必本六經爲正。而取信于夫子之言。夫惟信之者篤。則其尊奉之禮宜。其厚歟。臣觀漢魏以來。雖奉祀有封。洒掃有戶。給賜有田。禮則修矣。未有如今日之備也。初廟。僞得魯廢池。發取石甃。以爲柱礎。塔砌之用。浚井得銅。以爲鋪首浮漚諸飾。由是省所費。錢以千計者。萬四千有奇。方復規畫。爲他日繕治無窮之利。然則非獨今日之新。蓋將愈久而無弊也。銘曰。惟古治時。以道相繼。不得其傳。粵自周季。天生將聖。遭世不綱。垂統六經。以俟後王。六經維何。爲世立道。有王者興。是惟治要。於鑠我皇。聖性自天。銳意稽古。傳所不傳。建學弘文。崇明儒雅。躬禮聖師。率先天下。乃騰闕里。祠。

宇勿治。矧其舊制。既隘且庫。乃詔有司。乃疏泉府。撥材庀工。衆役具舉。梓人獻技。役夫效工。監者以閤庫者以崇。崇焉有制。閤焉惟法。卽舊以新增。其十八。殖殖其正。翼翼其嚴。魯人來思。歎息仰瞻。魯人有言。惟今匪昔。豈伊魯人。四方是式。瞻彼尼山。及其林園。有芝煌煌。表我聖恩。聖恩之隆。施于世嗣。顯秩峻階。視舊皆異。廟樂有雅。祭服有章。錫爾奉祠。名教有光。有貞斯石。有銘斯勒。揚厲鴻休。以詔無極。

金大定三十一年重建鄆國夫人殿記

翰林院學士知制誥同修國史党懷英撰

先聖之夫人曰元官氏。子孫祀于寢宮舊矣。宋祥符初。旣封鄆國。始增大其殿像。季末燬焉。國家皇統九年。始以公錢復修正殿。後八年。又營兩廊。而積羨錢二百萬。將以爲鄆國殿之用。而未給也。大定間。上留意儒術。建學養士。以風四方。舉遺禮。修廢墜。曠然欲以文治太平。葉封公總躍然喜曰。祖庭之復。此其時乎。乃以殿之規模。白有司。而有司吝于出納。乃更破廣爲狹。刻崇爲卑。由是別得故時羨錢爲殿費。葉封公蹙然曰。是規模者。豈能稱前殿爲王寢乎。吾獨以奉祀事。守林廟爲職。故不得以專建。雖然。我豈敢不力歟。乃與族祖端脩親率

廟丁。載斧斤。走東蒙。深入數百里。歷巖險。冒風雨。與役者同其勞。得其松中椽椽者以千數。又與族兄購市材于費。凡夢楹拱桷之屬。皆取足焉。會祖林大槐數十。一旦皆樗死。適可爲楹棟之材。而二百萬者。止足以充尾甍。壁甍與夫梓匠備直而已。時劉公璋爲節度副使。實董其役。趙公天倪爲判官。二公廉直而幹。吏不敢擾以私。而葉封公得以盡其力。粵十九年冬。殿成。安奉之日。士庶咸會。顧首聚觀。邦人族戚更贊迭助。父老嘆嗟。至或感泣。以爲復見太平之舉也。于是葉封公以書走京師。屬懷英爲之記。懷英嫻精多故。未暇作也。居逾年。葉封公被召至京。未幾得以舊爵宰鄉邑。將歸。固索鄙文。則叙其修殿本末。而爲之說曰。嗚呼。聖人道極中和。而與天地並。有天地而夫婦之道立。道立而君臣父子之教達于天下。古先哲王。所以御家邦。風動教化。皆由此始。吾夫子出。著之六經。實綱而紀之。以垂憲百代。故後世推尊。以爲人倫之首。而闕里舊宅。四方于是觀禮。然則所謂作合聖靈。其奉祀之禮。安可以不稱。今夫浮屠無夫婦。絕父子。廢人倫。其空言勾惑。且不足以爲教。然貪得而畏死者。奔走敬事。至傾其家貲。非有命令賦之也。而其雄樓傑閣。窮極侈靡。僭越制度。耗蠹齊民。有司



者不以禁。而吾夫子之宮。教化所從出。有司乃以爲不急。一殿之建。至于身履勤苦。然猶積年而僅成。何其難也。嗟乎。夫子萬世之師也。今休明之代。不患其不崇。吾獨惡夫恃人倫者。方起而害名教。故因是殿之役。有以發是言也。君歸其并刻之。庶幾貪畏而惑于異端者。知所儆焉。

元大德五年重建至聖文宣王廟碑

翰林院學士承旨正奉大夫知制誥兼脩國史臣闡  
復奉敕撰

聖上嗣服之初。祗遵祖考之成訓。興學養士。嚴祀先聖。自曲阜始。制詔若曰。孔子之道。垂憲萬世。有國家者。所當崇奉。中外聞之。咸曰。大哉王言。拭目太平文明之治。粵明年元貞改元。先聖五十三代孫密州尹治入朝。璽書錫命中議大夫。襲封衍聖公。月俸百千。秩視四品。孔氏世爵弗傳者久。至是乃復。中命有司。制考辟雍。作廟于京師。由是四方嚮風。崇建廟學。惟恐居後。闕里祠宇。燬于金季之亂。闕里奎文。若大中門闕。存者無幾。右轄嚴公忠濟保魯。苦假青臺。頒厝錢。佐營繕之費。歲戊申。始復鄆國後寢。以寓先聖顏孟十哲像。至元丁卯。衍聖公治尹曲阜。主祀事。將圖起廢。奎文杏壇。齋廳。黌舍。卽

其舊而新之。禮殿則未遑也。國初。封建宗室。書濟兗單三州爲魯國大長公主駙馬濟寧王分地。真濟寧總管府。屬縣十六。曲阜其一也。濟寧守臣按檀不花恭承詔旨。會府尹條佐。鄉長者謀曰。方今聖天子守成尚文。此鄉風化之源。禮義之所從出。爲守臣者。敢不對揚休命。以廟役爲任。首出帛幣萬緡。衆翕然助之。備功顧力。市木于河。輦石于山。掄材于埜。采棟榑桷。礎之屬。悉具。又得泗水渠堦積石數百。石壘欄足。露階銘砌。咸足用焉。郡政之暇。躬爲督視。甄陶鍛冶。丹雘綠漆。以至工師廩積。各有司存。經始于大德二年之春。屬歲殷中止。蕪事于五年之秋。不期月而告成。殿廡重簷。亢以層基。繚以修廊。大成有門。配備諸賢有所泗沂。二公有位。黼座既遷。更塑鄆國像于後寢。締構堅貞。規模壯麗。大小以楹計者百二十有六。費用以緡計者十萬有奇。落成之日。遠近助祭者衣冠輻輳。衆庶瞻頤。千禩祖庭。頓還舊觀。于是衍聖公治遣其子曲阜令思誠奉表以聞。且以廟碑爲請。會博選胄子入學。擢思誠國子監丞。特敕中書賜田五千畝。以供桑盛。復戶二十八。以應洒掃。仍下翰林書其事于石。臣復承命踴躍。既述興造始末。竊惟聖人之道與天地同。聖人之祀與天地無極。堯舜湯文



之君不作而道在。洙泗立言垂教。推明堯舜湯文致治之由。模範百王。仁及天下。後世願治之主。莫不宗之。廟貌相望。達于四海。聖人之道。固無係于祀禮之隆殺。夫尊其道而步其祀。蓋治古之恒規。王政之所先也。洪惟聖元神武。造邦天兵。傳汴戎事。方殷不忘存敬。先聖之祀。詔求五十一代。衍聖公元措。歸魯哀集太常禮樂。于兵燹之餘。燕翼之謀。肇于此矣。世祖聖德神功文武皇帝。仁沾義洽。九域混同。文物煥然可觀。內立國學。外賓郡邑學官。而于先聖之後。尤所注意。遴選師儒。訓迪作成。需賢以嗣封爵。茲志未究。皇上繼而成之。故自紹膺景命。以敦化勵俗爲先務。至于博施濟衆。敷文來遠。哀矜庶獄。惠鮮鰥寡。由天縱之聖。見于設施。皆堯舜湯文之舉。揆諸聖經之言。若合符契。用能張皇教本。光昭先業。以致魯國臣民。思樂泮水。如附靈臺。子來之衆。至矣哉。觀文化下。必世後仁之效。豈特振耀一時。實宗社無疆之福也。銘曰。道之大原。實出于天。天何言哉。乃以聖傳。傳道維何。唐虞三代。儀範百王。萬世永賴。聖人之功。與天比隆。聖人之祀。垂之無窮。聖元肇基。撥亂右武。天兵趨汴。周禮在魯。恭哉世皇。載整軋綱。始定終綏。遂臣萬方。肅肅魯庭。嗣封有典。德音孔昭。聖謨丕顯。王者之

作。必世後仁。繼序不忘。成于孝孫。適觀厥成。是訓是則。思樂泮水。作廟翼翼。如矢斯棘。如玆斯飛。適豆靜嘉。陟降有儀。祀事孔嚴。世爵以延。酒掃有尸。衆盛有田。聖政聿新。希蹤治古。僉曰。皇明登三。咸五。泰山巖巖。聖祀綿綿。與國無疆。於萬斯年。

大德十一年關里宅廟落成後碑

李謙撰

玄聖之德。大如天地。昭如日月。蕩蕩乎無能名焉。嗚呼。乎不可尚已。歷代有國之君。崇尚其教。廟而祀之。幾徧天下。關里聖人鄉邑。自漢祖過魯。祀以太牢。由是以降。其廟制因仍損益。見于圖志可考者。在宋金爲最盛。貞祐一燬。久而未復。我元列聖尊道勸學之心。未嘗不切。特以志在混一。徃于金華。有所未暇。逮大德守成。始克成二祖三宗之盛意。般而庶之。位而像之。沈沈翼翼。有恒有嚴。數百年闕規偉觀。一旦而復。視舊益加隆焉。而又紹衍聖世享之封。王四仲家庭之祀。無以供粢盛也。則胙之土。無以給涓潔也。則復其戶。塋林則樵採有禁。子孫則教道有師。詔旨諄復。訓諭切至。且命翰林書之石。猗歟偉哉。初。大中大夫監蒞濟寧路總管府事。按檣不華。以魯居治境。乃懿戚封邑。祇承朝廷德意。開諭僚

屬勉助士庶先已而爲之倡。前役而爲之備。國無費財。民不知勞。卒成一代之盛事。總管馬嘉議昭實左右之。既畢役。狀其本末。道經歷張格。知兗州馬奉訓禮。請記其成。竊嘗一拜林廟。伏讀漢隸數碑。見其請立百戶卒史。典領禮器。及用辟雍禮。出王家錢。給大酒直。則乙瑛也。選試孔鮒補卒史。則後相平也。韓敕則脩飾宅廟。造立禮器。孔晨則乞依社稷。出土家穀。以供春秋禋祀。是數人者。皆東都前後魯相。以所請上之三公府。公府以聞。乃可其請。事皆魯相發之。數人者。名不著見于史。徒以上章爲聖廟有所陳請。勒名貞石。閱世千數百年。至于今不朽。矧大中生當盛代。遵奉明詔。振舉盛典。潤色太平。茲特隆化美俗。勇于爲善之一端耳。若其表率一道。廉勤奉公。恒隱除害。善政及民者。尚多。自當載名信史。傳休無窮。豈東都魯相所可竝日而談哉。

延祐七年祭孔子廟碑

朝散大夫尚書省右司員外郎曹元用撰

延祐庚申之春。聖天子初登大寶。肇修經類。遣說書王存義詣魯。以太牢祀孔子。手香加額。以授之。命中書齎白金百五十兩。錦綺雜綵表裏五十二端。翰林撰祝文三事。禮部徹濟寧路如式供具。以大中大夫濟寧總管

白珍率其屬。偕有司羅儀衛。清道肅迓。諸儒禮服前導。士民觀者溢郭塞衢。五月甲申。至曲阜。越三日丁亥。存義若濟寧路總管珍。孔子五十四世孫襲封衍聖公思晦。恪行祀事。禮成三獻。儀物交至。神人以和。翼日丕集孔顏孟子孫。以享神饌。羞艾衍如也。前是方以亢旱爲憂。迨俎豆甫陳。甘雨沛作。識者謂王上誠敬所致。欽惟聖天子嗣體守文。于齊政之初。爰稽祀典。以孔子爲天下先。于是中外忻忻。以爲繼今以往。我國家聲教之敷。文物之興。可想見其愈盛矣。猗歟偉哉。古帝王之祀孔子者。自漢高祖始。然當時禮意未必若今日之備也。今朝廷優禮孔族。亦至矣。復之世世無所與公。其宗子以奉祀事。官其族之賢者尹曲阜以治之。推其尊者爲家長。以領家務。敕名儒以教授其子孫。擢其秀異者不次而爵祿之。嗚呼。孔族之蒙厚恩如此。可不思所以圖報哉。存義字之宜。純謹文雅。於將敬爲尤稱。珍字寶臣。愷悌君子也。問者數爲元用言孔子廟之祀。亦昭代令典也。請文諸珉。以垂不朽。元用辭弗獲。命遂爲紀其實。而系之以詩曰。於穆天皇。恩隆至治。孔道是崇。首嚴祀事。發使來享。恭敬之將。金帛交錯。有饌其芳。儀備而恪。耿其煌煌。誠格神佑。風動四方。大哉夫子。億代所尊。屈于

衰周伸于我元。列聖相承，益修文德。穆穆當天，明明在職。聲教誕敷，惟道是則。於萬斯年，會其有極。

### 天曆二年遣官祭闕里孔廟碑

翰林學士朝散大夫尚書省右司員外郎曹元用撰  
皇帝嗣大曆服命翰林臣元用捧白金百五十兩幣帛二十有六純祭闕里孔子廟。祀畢，嘉議大夫襲封衍聖公思晦奉直大夫濟寧路判官董昭請文諸貞珉以紀昭代盛事。元用竊謂孔子之教非帝王之政不能及遠，帝王之政非孔子之教不能善俗。教不能及遠，無損於道政不能善俗，必危其國。由漢以來，有天下者消禍亂于未萌，寧邦家于悠久，以孔子仁義綱常之訓浹于人心，忠孝迭發，默有以相之也。是故歷代所以崇奉其教者，至漢魏爲孔子廟，置百石卒史掌禮器，出王家錢以祭。既又給戶賜田，公侯其宗子，以主祀事。至唐開元則袞冕而王之，今天下州縣皆立學。漢高帝、明帝、章帝、宋真宗皆親至其廟，極誠敬以行薦禋禮，真知所本哉。若始皇非先聖，燔詩書，恣行暴虐，適足以速其滅亡而已。皇元以馬上定天下，國初卽誕敷文教，遣使函香詣曲阜祀孔子，給酒掃戶百，令襲封衍聖公，仍其舊歲，割山東諸郡曆日銀以葺廟宇，詔天下取法孔子，興學作人。

武宗皇帝登極，肇建詞臣函香，如國初故事，仍齎銀幣以將其意。厥後列聖相承，踵以爲則。欽惟皇上以聰明文武之資，中興大業，闡人文以化天下。今者闕里之祀亦所以丕承先志也。元用以天曆二年三月甲申，將命至兗，衍聖公率孔顏孟三氏若諸生郊迎。董濟寧暨厥僚屬具儀衛前導至祀所。越三日丁亥，齋沐，備三獻禮，薦裸如儀，祝史致告，諸執事各揚其職，牲醑酒冽，神人胥懌。既乃大享與祭者于廟之東廳，需澤汪濊，恩意普洽，咸極歡而罷。嗚呼！自昔帝王致崇極于孔子者多矣，然皆未若我朝之盛。天子卽位之初，輒遣官致祭，儀物交臻，粵與他祠異。皇乎休哉！此亘古所未有也。所尚如是，其能化行俗美，措四海于隆平，延弘祚于萬斯年也宜矣。元用遂從衍聖公之請，謹系以詩曰：惟皇斯赫，聖德中興，易亂以正，丕祚是承。文命誕舉，咸秩百神，首及尼父，金幣輝輝。粵自天至，多士駿奔，竭虔以祀，庶羞惟精。有苾其馨，樂舞克庭，允和且寧。神以洋洋，嚴在其上，具曰來享，輿情交暢。孔道在人，惟萬世則，克式克遵，實康家國。是皆是棄，禍迺逮躬，吉凶之捷，影響惟從。聖哉天皇，克從其教，風動多方，胥勸胥效。文治蜚興，羌由茲始。請勒臣詩，永昭德美。





元統元年敕賜孔廟田宅記

僉太常禮儀院事歐陽玄撰

元統元年十二月二十五日御史中丞臣亦憐真班臣祖常治書侍御史臣普化言于上曰臣等及御史大夫臣脫別台臣唐其勢議江南行臺按問江西僉事任忙古台以墨坐沒入其私田八頃八十九畝屋二十有七間家奴若干人在鄆境者實過曲阜孔子林廟方今聖天子師法孔子設經筵崇儒術我御史臺以興

事孔廟歲入視前代猶儉春秋釋奠

以公沒入產俾孔氏襲封世業之其家奴俾孺子有司居所沒入居田所沒入田世服役孔氏爲洒掃戶而輸其租制可明日臣唐其勢又自率其同列臣亦憐真班臣祖常臣普化等導意于內侍臣禿滿迭爾以啓皇太后于宮中出命旨曰善一如皇帝制行之于是所司以產歸孔氏明年孔氏具牘來屬玄文諸石仰惟皇元初得宋金郡邑校官田產無筭悉以供其祭祀食其師生繕修其廟學其校官無田則以縣官緡錢克其用無禁有司不奉命則御史部使者察之其爲尊崇孔聖之道非獨今日蓋嘗考之郢人書社七百里之事有無不必知尼谿之田齊遂以封一變而至魯哉此

于世道有關聖人無與也今上富于春秋政事悉決於朝居今之臣能言附益孔氏者皆引君當道之事也臺臣首陳經筵次表儒術豈有他哉兩宮俞旨聖志一揆兆足行矣漢初六經甫脫羸難高祖過魯之祀天下駭然望斯文之治史乃稱文景不右儒術以寶后故咎豈在是哉灌絳東陽侯之屬有一人者如今臺臣謀豈必金石絲竹之音作而後不壞孔子宅以書還孔氏耶漢之諸臣功烈卑矣玄故著之使來者知臺臣之意在是矣

至元二年創建洙泗書院記

鄧元隆撰

至元後戊寅八月益都路宣慰東楚潛社稷署令蔡思中簿鄧昌壽偕五十三代孫文學孔澈具篋幣詣元隆曰世尹聖裔也以斯道之故聘子從游也久謂洙泗故基爲民所有化爲禾黍過者興嘆出費市田買材經營量度禮殿講堂門廡齋庖閱時告成將勒諸石以紀歲月特徵文于子子毋多讓元隆筆力孱弱辭不獲命遂記之夫天地之運有通復日月之明有晝夜聖人之道有否泰非聖天子則聖人之道不行微吾夫子則帝王之道不明欽惟世祖皇帝平定區宇列聖祖武斯道之

大明以行焉。乃詔天下郡縣廟祀夫子。備王者禮樂。惟祖庭爲盛。洙泗遺址。斯文所基。歷代未復。荒頓幾二千載矣。一旦舉之。實我皇元闢文運。隆治化之盛典也。昔聖祖之講誨于是也。刪詩訂書。贊易道。修春秋。道統之傳以祖述憲章。上律下襲。皆鈞覆載之體。寒暑之時。服食之功。三綱五常。賴以不墜。而禮樂教化以之而可度。典章文物以之而可興。修己治人之德以之而可成。拱織高下。各遂其性。形容夫性與天道之妙。以相授受。成就後學。施諸永世。傳諸方冊。爲天地立心。爲生民立命。爲萬世開太平。奚止土木之功爲哉。然尹之區區者。豈特其繼述之孝。將以資國家典禮之至尊。崇斯道之極。誠臣子之至願也。庸思其先自有國之初。其祖元用率孔族招庶姓以降。尋以軍功。歿于王事之全。暨治。解功祖庭。其父思誠拜師命于成均。四君子者。奕世秉賢。皆不暇及。今能之匪尹之所能爲也。天也。天朝文明聖治之化。被四表格上下。洽之無窮。故千古廢墜。一時告新。我朝所以冠五帝。冕三王之盛者。于是乎在。尹名克欽。字敬夫。考之世譜。宣聖五十五代孫也。

至元三年代祀闕里孔子廟碑

翰林院修撰承直郎同知制誥兼國史院編修官臣

王思誠撰

聖天子嗣登大寶。當至元乙亥之初。令翰林臣王思誠奉祝文函香詣曲阜。以太牢代祀孔子廟。從集賢講。遵舊典也。思誠將命。以閏十二月壬辰抵兗州。預敕有司。蠲日庀事。丁未。濟寧路守土臣張仲仁。兗州判劉彬。暨曲阜縣尹宜聖。五十五代孫克欽。孔顏孟三氏子孫。教授趙惟賢。率聖族清道肅儀。朝服郊御。魯諸生儒服前導。齊于祀所。翼日質明。恪行祀事。思誠若仲仁若彬咸服法服。攝三獻官。克欽若惟賢等咸服朝服。司分奠。諸生駿奔走各虔乃職。牲醑酒冽。禮備樂和。祝史致詞。洋洋乎神明之格而歆也。竣事之旦。大享神饒于燕申堂。聖族陪位與祭者咸在。少長齒坐。迭起行酒。其叙秩如庖翟均隸。亦既醉飽。其樂衍如燕畢。仲仁等請曰。代祀有記。所以紀耶代之盛典。不可闕也。竊惟自漢以來。崇奉先聖。至我朝而極盛。加號大成。改封聖考。爲啓聖王。聖妣若聖妻並爲王夫人。遣使奉送制命于闕里。祭以太牢。其禮隆矣。太皇太后尋亦遣使奉香幣致祭。竝刻諸石。矧茲盛禮。可無紀乎。思誠謹述其事之本末。系以詩。其詩曰。有聖皇元。奄有萬方。列聖相承。文教誕揚。皇明嗣服。繼叙不忘。眷言曲阜。素王之鄉。爰命詞臣。冊祝





兩蔭載臨闕里燭其煌煌。獨辰藏事惟吉惟良牲牢肥膾黍稷芬芳禮備樂和神人悅康於赫尼父軌範百王允迪允剛宗社隆昌或異或背九有以亡穆穆天子茲率厥常盛禮斯舉敬誠是將既欽既敷惠澤其滂矢詩頌美德載休光

至元五年御賜尚醞釋奠記

朝散大夫濟南路棣州尹兼管本州諸軍專魯勸農事臣梁宜撰

至元五年後已卯正月皇帝田于柳林以上丁在邇允御史臺奏因宣聖五十四代孫監察御史臣思立出尚尊酒釋奠于闕里遣御史從事臣高元肅畢致之禮竟曲阜縣尹權祀事臣孔克欽言于宗党曰茲誠希有之盛典不識諸石罔以昭後于是其宗人前湖廣行中書省都事臣思迪等屬臣宜記之宜延祐初科進士且嘗助教國子掄揚聖德職也遂不敢辭而諾之曰吾夫子在魯哀公雖諫之而未極其尊漢高帝雖祀之而未盡其禮後代褒崇封爵之而未悉其道詎若皇元累頒明詔既于至聖文宣王上加封以大成復于二丁永享以太牢重以香帛白金之錫帝心再三寅奉尊隆禮意淵博邁越古昔遠矣今恩臺擴弘綈典霽光諒之天釀以

備前庭禮酌豈惟孔氏子孫有光實天下儒服之士舉有光也乃拜手稽首樂爲之書

至元五年重建尼山書院碑

國子監助教陳繹曾撰

周靈王二十年邠人顏氏禱于尼丘山二十有一年孔子生五代周顯德中魯守趙侯作新廟宋慶曆中嗣文宣公宗愿大建廟學有元至順三年衍聖公思晦請復尼山廟禮部尚書康里公囑白于中書至元二年左丞王公懋德議設尼山書院以彭璠爲山長三年冬十月一月廉訪僉事楊公文書訥分司至于兗州以璠言用前濟寧總管張公仁舉使同知滕州事郝君寶寶閣董其役十有二月分司至于鄒楊公及郝君相役于尼山滕鄒大夫士來致賞賻故得武惠公宅于東平四年春正月璠如東平二月東平總管王公主敬致材于白馬河三月壬子比工作大成殿大成門神厨作明倫堂東齋西齋東塾西塾作毓聖侯廟作觀川亭秋八月告成宣慰使蒙古公羅括懸政治之書于門五年春二月廉訪僉事趙公天綱懸教法之書于堂夏四月郝君如沛以湖北廉訪使任公擇善書命繹曾文于碑其辭曰嗣聖至元皇帝欽天崇聖左武右文百廢畢舉衍聖公曰

惟鄒東六十里、五峯攸峙、中惟尼山、其神曰毓聖侯、顏母之所由禱也。東崖曰坤靈之洞、聖人之石像在其中。東有文德之林、蓋曰顏回之墓。又東爲顏母之山、有谷焉、其棘惟喬、顏母之所由陞也。有谷焉、其棘惟樛、顏母之所由降也。前惟智源之溪、後惟中和之壑、其在宋氏、我先人文宣公爰作新宮、既燬于兵、惟今泰寧禮宜復之。康里公曰：惟天啓迪我人、大明中德萬世無疆、惟休篤生聖人、陞于尼山、奈何弗敬、崇厥攸居、時則有關里之廟、奠厥攸宗、時則有泗上之林、報本反始、曷弗祠于尼山。君君臣臣、胎于尼山、於念哉。左丞公曰：俞、張公曰：我昔尹茲東魯、乃大闢里清廟、我乃新曲阜泮宮、我乃飾泗上林、聊疆于齊、我弗克事茲尼山、滕大夫郝子材、公其任之。楊公曰：俞、楊公曰：嗟、我憲史翟迪、趙士恒、郭敏、其道予言曰：俾爾膝侯李彥博、汝惟長左而獻之。大夫寶寶閭、汝惟貳咸曰：汝材、作而行之。楊公曰：嗟、爾大夫寶寶閭、剪荆棘、除埃壤、以底厥舊、惟汝功。選吏士、庀工徒、固基宇、嚴廟貌、惟汝任。弗疲民、弗淹時、弗糜財、惟汝能。我聞曰：材惟舊、易于新、力于舟、易于車、惟汝其念之。郝君曰：郝、郝君曰：嗟、爾鄒尹張士謙、悉乃心、以致役事、以峙餼糧、以集車牛、以利器用、鄒尹呂克中、爾惟克

勤、其相鳩材。鄒士馬亨、李儼、李元彬、考制度以底法。鄒士王從義、其司人、州史石居仁、其司出、鄒史吳守中、胡德秀、其司程、必謹必節、毋致怠忽。東平公曰：昔在魯、其王壞聖人宅、用廣厥宮、乃今以魯公宅爰作聖宇、於乎休哉。惟茲宇在宋于汴、惟鄭恩宅在元于鄆、惟嚴實宅、今茲歲在戊寅、予其撤、有文在祝曰：戊年破、於乎徵哉。今予致汝材、毋撓材、毋黷民、敬之哉。羅括公曰：惟天生聖、惟皇崇聖、孰敢不欽。若官若吏、若士敢有不祇厥事、國則有常刑。敢有朋醢酒、致鄭聲、博奕、笑呼、以黷清廟、時則有大罰。敢有譏使介、舍羈旅、國則有常罰。敢有踰垣牆、毀宮廟、牧牛羊、竊薪芻、時則有常刑。趙公曰：惟天生聖、惟聖垂憲、惟師典教、惟士祇學、報本于茲、有翼有嚴。若師若士、非經何教、非德何學。一乃心、敕乃身、以明天倫、以究人治、報天道、聖以衍無疆之休、或敢不恭、則有常憲。任公曰：粵惟尼山、在防鄒之間、孔氏自宋之魯、防叔居防、厥墓營焉。叔梁宰鄉、五父爰殯、防惟西北、鄒惟西南、稽諸太史、尼丘之禱、用名若字、于是爲信。昔在宋氏、宏厥宇、以婉闕里、洪惟有元、式新大之、惟有無疆之休、必有無疆之問。託之金石、伯敷甫其作銘、陳繹曾拜手稽首同辭、乃言曰：惟天惟地、惟載神氣、神氣之



令其大無外、其小無內、混沌旁薄、會于岱宗、南融息山、太昊開天、東迤尼山、聖集大成、支流于嶧、是生亞聖、終始道統、咸疆于周、於乎盛哉、粵昔聖人作法一代、惟吾夫子、垂憲萬世、亘宇綿宙、罔不尊親於乎大哉、其在祀典、惟有道德祭于瞽宗、惟山川出雲雨、爰潤萬物、時則旅之矧、惟聖人澤被萬世、毓茲尼山、新大厥宮、於平時哉、乃作銘詩六章、章八句、辭曰、昔在高辛、有城方將、爰禱高禪、立身致祥、立我商人、篤生玄王、乃明人倫、敷教虞唐、降茲有周、顏字鄉人、尼山是祈、夢維綬麟、篤生素王、乃聖乃神、敷教萬世、誕明天倫、岱宗綿延、尼山之範、坤靈是廢、有圩其顛、降神毓聖、厥功竟天、何千萬年、不崩不騫、乃剔故蹤、乃作新宮、桴材自鄒、磬石于東、庶士子來、不日其攻、聿飛斯翬、聿見斯龍、新宮既作、尼山嶽嶽、闕里泗林、鴻光昭灼、子矜青青、于何其樂、于何其樂、爾效爾學、尼山有祀、鄒田有芑、胡不作人、樂只君子、樂只君子、爲天子使、於萬斯年、錫爾純祉。

至元五年祀曲阜宣聖廟記

中議大夫御史臺都事王守誠撰

至元五年三月監察御史言曲阜縣宣聖廟繕完訖功國家宜錫楮幣樹碑石勅儒臣制文辭紀欽崇之蹟於

久遠具疏以聞制可賜中統二萬五千緡爲立碑之費七月又言宣聖五十四代孫思立今任監察御史請特賜香酒翰林撰祝文命思立馳驛致祭以成其事斯文幸甚時天子北幸上京移文分臺章奏復可其請遂置檄下山東道以曲阜縣爲廉訪司所按臨分司所巡歷居則總督至則共祭庶體敬共之意八月二十三日思立行祭禮山東廉訪副使伯嘉闕亞之同知濟寧路事衆家奴終之猶歎休哉實熙朝之盛典也惟吾夫子以天縱之聖出神明之胄雖不位乎君師脩道立教如天地日月然詔後世而垂無窮者大矣或以謂則象乾坤爲漢制作不亦陋乎况鄉邑其所生子孫其所承敬慕之者宜何如哉我國家將以振厲風教扶植綱常立人道之極表文治之盛孰不觀感于茲謹識其事如右俾來者有徵

至元六年釋奠宣聖廟記

翰林院脩撰承務郎同知制誥兼國史院編修官周

伯琦撰

皇帝總宏綱新文治任賢使能發政施仁率由成憲乃至元六年青龍庚辰夏五月幸上都百官分署以從七月庚申太師中書右丞相監修國史知經筵事臣馬扎

兄台中書平章政事知經筵事臣李羅、臣汪家奴、臣沙  
喇班、中書參知政事知經筵事臣阿魯、參議中書省事  
兼經筵參贊官臣李羅、臣何廷蘭、中書左司員外郎兼  
經筵贊官臣倍良、哈哈台左司都事兼經筵參贊官臣  
蠻子、臣孔思立、右司都事兼經筵參贊官臣蠻子等奏  
言曲阜林廟、宣聖所生之地、非他廟學比。今議遣翰林  
修撰臣周伯琦馳驛奉香酒、釋奠仲秋上丁、甚稱崇報  
之意。臣謹以聞。制曰可。越四日癸亥、上御龍光殿、太府  
進香、上手致敬、大官出上尊四、伯琦欽承以行。八月乙  
酉、至曲阜縣。明日奉香酒至宣聖殿。又明日丁亥、祝用  
太牢、奏大成樂、行三獻禮。伯琦初獻、同知濟寧路事眾  
家奴亞獻、兗州知州馬從義終獻、皆冠進賢冠、被法服。  
時宣聖五十五代孫曲阜縣尹孔克欽主祀事。適秋亢  
旱、省牲之夕、陰雲四合、甘澤沛若。將事之晨、天氣清朗、  
月星明暉、俎豆列、禮備樂和。祝官致告、執事具虔、薦  
裸興、頌悉中儀式。竣事、合孔顏孟三氏宗族師弟子員  
暨郡邑官僚、燕于東室。咸北向戟拜、序飲上尊酒、盡歡  
而罷。竊惟吾夫子之道悠久無疆、與天地同大、日月並  
明、故覆載無所不至、照臨無所不及、雖生不達、辰用不  
得位、然明六經、作春秋、以傳道統、以建人極、使葵藿

品物亨、政教明、千萬世如一日者、蓋生民以來、未有能  
尚之者矣。是故有國有家者、必以建學立師為先、大用  
其道則大治、小用其道則小康。其在方策、粲然可考、惟  
闕里為聖人鄉國、光岳之靈、中和攸萃、廟貌林墓在焉。  
宗姓支裔守焉、歷代報德報功之慎且重也宜矣。皇元  
受命以來、廣黌舍、重教育、世封其大宗為衍聖公、以奉  
祀事。世任其小宗為曲阜縣尹、以治其地。實守廟戶、復  
其家。世祖成宗重創宮廟、武宗加號大成、仁廟以來、即  
位必遣使祭告、厚有賜頒。今上皇帝踐祚八年之中、凡  
四遣使、始命文臣以卽位告、又命五十四代孫監察御  
史思立致祭、以樹碑告、且頒中統鈔二萬五千貫為樹  
碑之貲。而去年春及今年秋、又兩致香酒、釋奠上下。其  
欽崇美報之典、於斯為盛。洎泗之間、歲承天寵、薄海內  
外、咸知所向。夫子之道、將大用於今日。聖君賢相、都俞  
吁咈、登三邁五、黎民於變時雍、顧不在茲乎。猗歟隆哉。  
伯琦弱冠嘗侍先君謁拜、二十有三年矣。乃今獲奉德  
音、誕舉盛典、何幸如之。謹識其歲月、以刻諸廟門之石。  
至元七年敕修至聖文宣王廟碑

翰林侍講學士通奉大夫知制誥同修國史兼國子  
祭酒掌太常禮儀院事臣歐陽玄奉敕撰



今上皇帝臨御之七年歲在己卯春三月戊辰御史大夫臣別里怯不花臣脫脫等言天曆二年十月文宗皇帝在御奎章閣學士院臣沙臘班等列奏曲阜宣聖廟自漢唐金凡有廢廢必奉敕繕修功成則勒之石衍聖公以舊廟將壞飭書奉圖屬學士院以聞時文宗覽圖諭旨省臣趨修之事竣則立碑以詔方來今新廟既完而成績未紀懼無以稱塞先詔御史章上臣等會議請敕翰林侍講學士臣玄爲文奎章閣學士院大學士臣變巖爲書前侍御史臣起巖爲篆以臺儲中統楮幣二萬五千緡爲立石之貲制皆允乃命宣聖五十四代孫御史思立傳敕臣玄俾書其事玄拜手稽首言曰天佑下民作之君作之師昔者伏羲神農黃帝堯舜禹湯文武數聖人者作君師之道備于一人用能左右上帝克綏厥猷吾夫子出天獨畀以師道凡天叙天秩天命天討之事夫子明禮樂刪詩訂書贊易道修春秋而品節之以爲百王法于後世儀封人曰天將以夫子爲木鐸子貢曰固天縱之將聖夫子自論斯文之任上以屬于天下以屬于已使得位設教卽前數聖人所爲繼天立極者是故天欲興一代之治則吾夫子之道必大昭明于時歷千萬世如出一轍皇元龍興朔方太祖皇帝

聖智大授經營四方太宗皇帝平金初年歲在丁酉首詔孔元措襲封衍聖公復孔頴孟三氏子孫世世無所與增給廩戶皆復其家是歲曆日銀諸路以其半益都東平以其全給修葺聖廟尋詔元措括金人禮樂官師及前代典冊辭章鐘磬等器以數來上仍命于曲阜閱習禮樂以備時用又詔諸路設學遣官分道程試儒業世祖皇帝初在藩邸多士景從及其卽位大召名儒開廣庠序命御史臺以勉勵校官國子監學以訓誨胄子大司農以興舉社學興文署以板行天下書籍提舉教授以主領外路儒生宿衛子弟咸遣入學輔導大臣居多俊乂內庭獻納能明夫子之道者言必稱旨在位三十五年之間取士之法興學之條日討論之規模益弘遠矣裕宗皇帝時在東宮贊成崇儒之美成宗皇帝克繩祖武銳意文治踐祚之初詔曰孔子之道垂憲萬世有國家者所當崇奉旣而作新國學增廣舍數百區胄子教養之法始備武宗皇帝焞興制作加號孔子爲大成至聖文宣王遣使闕里配以太牢仁宗皇帝逮世祖之事弘列聖之規尊五經黜百家登崇俊良以張治具我朝用儒于斯爲盛英宗皇帝鋪張鉅典廓開闡文明宗皇帝凝情經史愛禮儒士文宗皇帝緝熙聖學加



號宣聖皇考爲啓聖王、皇妣爲啓聖王夫人。收鑄衍聖公三品印章、賜山東鹽運司歲課及江西浙江兩省學田歲入中統幣幣三十一萬四千四百緡、昇濟寧路、俾脩曲阜廟庭。文宗貞天、太皇太后有旨、董其成功。今上皇帝大續丕圖、儒學之詔方頒、關里之役則盛。山東憲司洎濟寧總管張仲仁、曲阜縣尹孔克欽、蒞事共恪以元統二年四月十一日鳩工、至元二年十月初吉落成。宮室之壯以寧神棲、樓閣之崇以度資訓、周垣綠廡、重門層觀、丹碧黝堊、制侔王居。中命詞臣揚厲丕績、于是內聖外王之道、君治師教之誼、大備于今時、猗歟盛哉！皇元有國百餘年以來、繕修宣聖廟者再。丁酉之初、以開同文之運、天曆之際、以彰承平之風、東冒日出、西踰崑崙、南盡火維、北際冰天、聖道王化、廣大悠久、相爲無窮、端本實在茲矣。臣玄奉命撰述、有詔御史思立奉祝幣、牲齊馳驛往祭、告厥成功。臣玄既序願末、請系以詩。詞曰：厥初生民、倥傯顛蒙、三五繼作、大道爲公。風氣日開、民習日漓、道統絕續、孰綱孰維。少昊之墟、東魯之土、挺生聖人、以淑萬古。聖人既生、代天以言、立我民極、與天並存。惟皇建極、尊用其道、百王軌範、于以順考。三光以全、寒暑以平、後民用章、時乃遯衡。天子垂拱、大臣承

躬體信達順、以麟時出。皇元之興、厚集大命、太宗興文、首法元聖、世祖龍飛、髦士屬心、恢弘文治、游藝德音。世及三紀、仁漸義摩、建學立師、善人用多。溫文裕宗、祗荷詒燕、成廟崇儒、迺若天顯。武皇英毅、入繼離明、載崇徽號、玉振金聲。游哲仁皇、文德繼世、誕揚祖訓、額俊尊帝。爰及英宗、禮樂孔殷、穆穆明考、美德懿聞。文宗續緒、聖聖克肖、迺開奎府、迺飭孔廟。今上嗣世、丕式大猷、勸石新廟、宏責鴻休。新廟奕奕、泰山具瞻、衡統絃繼、衮衣稽禱。維宋維金、遺刻具在、於赫我元、冠冕百代。我元聲教、極彼堪輿、暨舍萬里、誦詩讀書。惟茲曲阜、斯道之壺、如水有源、如木有本。皇監在上、執我道樞、相我熙朝、躋民唐虞。瞻言臺臣、職是風紀、昭宣獻謨、是用歸美。聖道王化、如日麗天、儒臣詠歌、億載萬年。

至元十九年修關里廟垣記

濟寧路儒學教授楊桓撰

關里廟制周三里而弱、崇垣四護、皆圯以粉塗、庇以瓦木、與夫殿閣門廊等餘五百架、皆金明昌役也。游經喪亂、表裏剝敝、中更洒掃百戶、暫停主祀、財單力薄、扶傾綴朽、聯缺續堊、所成者不償其所壞。朝廷頻年議加修復、屢符本路、察度工費、以軍國庶務方殷、而事未及措。



也。裝者山東東道憲司諸公自陳節齋以下、近及金司與屯公皆嘗督諭本部爲救廢之舉。迨夫奉議大夫同知濟寧路總督府事劉侯用至元壬午秋七月繼謁祠下、奠拜既畢、周覽嗟惜而言曰：夫州縣長佐之吏、考績于三載、必曰文廟有無增葺。況予爲方面之倅、祖庭在境、而曾未過省、何以處承流宣化之任乎？今朝廷方當布文教、善風俗、以爲致治之本、而于吾聖人祠宇、切于垂意、葺石伐木、築基定礎、期在旦夕矣。今廟貌雖殘、所餘者往往猶夏宇傑觀、而周垣圯圯、外連于荒莽、脫有焚燒緣逸于其中、不亦愈重朝廷之經費乎？此事我脩不得不任其責。以今竊計、莫若規撫舊跡、先起垣于四周、庶或可以扞蔽他虞也。凡茲所舉、有涉公帑之費者、予固不得以擅爲。以吾聖人之故、妨其農事、重其民役、而俾之嗟怨、予尤不敢爲也。秋冬之交、農事畢入、蠲減他調而爲之、不亦美乎？及歸、更與同僚謀之。時總府判官李侯、書生也、聞之、樂與協其謀。劉侯之志、得以不沮。遂命孔氏五十三代孫權主祀事。曲阜縣尹親蒞其役、仍以兗州檢校之。乃于戶大丁衆之家、從民意而借其力。民皆曰：此非公役、維我鄉中之盛事、復何辭焉？于是相與執版幹、揅削之具、而至者幾千人。于是唯均之

以廣袤、而不限其程。勉之以堅整、而不責其緩。繹繹繩、繩、陬陬登登、不亟不遲。百堵皆興、縮基于季秋之將杪、斬木于陽月之既盈。率牲醴酒、勞其衆而歸之。仍期于來春之首、變高壘深、平蕪易壤、益植松檜一千本。于時衣冠行路、莫不稱嘆、以爲殿閣倍增于他日、巖巖乎可謂夫子之墻也。孔氏合辭爲言曰：自東平嚴公致政之後、而能加顏于祖庭者、蓋鮮矣。今侯體朝廷之意、以繼是美、是不可以不錄。恒時親觀其事、義不當讓、乃撫其本初、而題之于壁間。

至正二年遣官祭孔子廟碑

集賢直學士郭孝基撰

有元至正二年十月壬戌、皇帝御咸寧殿、敕中書具奏、蒔朋酒、命集賢直學士臣郭孝基、乘驛致奠于曲阜先聖大成至聖文宣王之廟。中書助祭元寶二千五百緡。嗣衍聖公臣克堅、爰擇十二月丁巳之吉、釋奠如章。禮成、臣孝基等拜手稽首、謹言：皇帝欽崇聖教、建宣文之閣、崇文之監、日御經筵、講德唐虞、辨章三代、日夕軋軋、遜志時敏、式惟先聖孔子昭垂六籍、丕覺萬世、惟聖知聖、是用啓自天衷、特致殊禮、希世盛德、其可泯而弗育、刻之金石、光示永久、禮實宜之。臣孝基聞聖人之道、洵

一常御萬變。君君臣臣、父父子子、大綱一正、萬目畢舉。故曰：王者中心無爲，以守至正，人心服于下，天理應于上。樹之風聲，東以體義，不動聲色，靡然於變。陽風時雨，諸福之物，罔不畢至。漢祖致祀天下歸心，唐宗升祀永錫胤祚，用此道也。皇帝天縱玄德，加以聖學，垂衣論道，天下泰寧，心悅神孚，獨得淵衷，有非臣下所能窺測者。小臣載筆，敬用作銘。銘曰：皇帝若曰：惟天惟聖，揭日月而行，握坤以正。惟禮惟樂，惟刑惟政，文以經緯，武以勦定。立我邦家，功斯爲盛。皇帝若曰：宗文在中，乃緒辟雍，乃流泮宮，有庠有序，八表攸同。龜鼉素王，筮豆鼓鍾，於論曲阜，不加隆。皇帝若曰：有典有則，春秋上下，庚子之吉。肆享厥家，常祀不忒。誕昭予敬，致奠惟特。予錫予酒，于聖之宅。皇帝若曰：予嗣歷服，端慙小心，如臨于谷。若君臣臣，惟聖予賴。于時處處，敢忘嘉告。聖經是式，我祀匪續。皇帝若曰：予聖時欽，惟汝臣鄰，惟汝士林。汝子汝孫，士庶時忱，服聖之言，精白爾心，勵相國家，爾玉爾金。至正二年尼山書院記。

奎章閣侍讀學士虞集撰

尼山書院山長臨川余縉彭瑒歸自魯，以興復書院始末爲言。乃爲之次第其事。尼山去曲阜東南六十里。

今屬滕州鄒縣。在滕西百里，鄒東六十里。其山五峯並峙，中峯則所謂尼山。啓聖王夫人顏氏所禱而生聖人者也。山皆石，其巔多蒼柏，諸小木皆巨葉，霜露既降，絢如渥丹。升降各途，升之谷，草木之葉皆上起，降之谷，草木之葉皆下垂，無或交戾反刺者。其東崖有石洞，曰坤靈之洞，中有聖人石像，臨水與顏母山對。其北則防山，卽聖人合葬其父母處也。今書院在其中，前有智源之溪，後有中和之壑。往者奉尼山之神而祀曰毓聖侯，其左有夫子之宮焉。故宋慶曆癸未，孔子四十六代孫襲文宣公知兗州仙源縣，宗愿作新宮廟，有夫子之殿，有夫人之位，有講堂，有學舍，有祭田。自是歷宋金至于今，蓋三百餘年矣。宮不知何年廢。我國家奄有中夏，尚崇孔子之道，歲月寢久，典禮斯備。至順三年歲壬申，五四代孫襲封衍聖公思聰，用林廟管勾簡實理言，請復尼山祠廟，置官師奉祠，因薦瑒可用，事聞中書，送禮部議。奎章閣大學士康理公曉時爲尚書，力言其事當行。議上。至元二年丙子，中書左丞王公懋德率同列執政者白丞相置尼山書院，以瑒爲山長。三年六月，至官，祓舍山中，磬竭私橐，繼以假貸，具羊豕爲酒，告山之神，召近鄉父老受神賜，告以興廢之故。明日，鄉父老各以其





人至、遂除荆棘、散瓦礫、得殿及門之故基、諸舍之所在、次第而見、將告諸郡縣而經營之、山東東西道肅政所訪分司寧夏楊公文言、詢行部率其吏翟趙郭趨茲山、留番舍。一日、顧瞻徘徊、以其事爲已任、命同知滕州事郝寶寶閱領之、首山係以爲之先、而監州李彥博、鄒縣令張士謙與郡邑之官屬暨大宗子孔克堅、襲曲阜令克欽宗族子孫、凡齊魯之境賢卿大夫士民之好事者、大山錢而勸成之、擇木于山、陶甃于塾、備儲致遠、牽車牛服力役、連畛載途、飲餉相望、役大而民不知勞、又得古殿遺構之成材於魯之故家、尤稱巨麗、不數月、而大成殿成、殿門成、毓聖侯之祠成、學宮在廟之西、做國子監制也。作觀川亭于坤靈洞之上、相傳夫子在川上、蓋在此云。繼以塑繪聖賢之像、成樂器祭器以次第成。置弟子員、以凡民之子弟俊秀者克之、皆復其身役、乃以明年之上丁、用太牢致祠告成、噫、其功可謂敏矣。夫朝廷定議于上、部使者有司宣力于下、以克有成、聖明在上、文運宣通、於斯可徵焉。嗚呼、古初開物、天作尼山、太和網緼、元氣融結、流形降神、篤生大聖、以立二極、位天地育萬物、與日月四時貫通于無窮。若夫徂徠邇蒙、至于岱宗、雨露風霆、往作來復、前詹後際、邈然高深、詎可

測哉。雖舍有時、非奠新宇、不日而成、豈偶然歟。播思得以學官從事于茲日、可謂榮矣。集老且病、舊學荒落、僅克識其梗槩如此。若夫播爲舜詩、歌頌功德、式薦明享、勒之金石、則有待于當今儒林之君子也哉。

至正八年代祀聖廟記

宣文閣授經郎董立撰

至正八年秋七月二十日、上御深京之水晶殿、右丞相臣朶兒只、左丞相臣太平、平章臣教化、參政臣孔思立、奏宜遣宣文閣授經郎臣董立、以香酒乾羊致祭于曲阜孔子廟。制曰可。乃手香加額、致敬久之、以授思立。出宣旨、命臣立涓日而行。爰以二十八日發程、次月二十二日至止關里、二十三日展敬林墓、二十四日具儀、二十五日、臣立爲初獻、衍聖公孔克堅爲亞獻、守臣濟寧路總管呂魯爲終獻、知兗州臣劉思誠等備分奠。升初將事、寅末而畢。遂會孔氏族黨、享胙于齋宮。與坐者五十餘人、衣冠威儀、抑抑濟濟、足以感懌人心。禮成、衍聖公言、使者奉天子明命、禮于先聖、宜有紀以示後。臣立伏惟夫子之道高明博厚、與天地偕、世之三綱正而九法叙、皆其功德之福斯民也。凡有天下國家者、不容後其報。冀朝列聖相承、右文興化、尊崇夫子、度越前代、殊

思優典、固已載于信史、壽之金石。迨于皇上躬行仁義、以爲民極、日御經筵、緝熙聖學、宰相文臣又能啓沃以斯道之正、其發命遣使、夫豈徒然、蓋亦答神之貺、所神之祐、底世運于唐虞三代之隆也。然則凡爲孔氏之後、與夫與祭執事于廟者、可不體承聖君賢相之美意、以沐浴聖化哉。

至正八年加封啓聖王碑

集賢院中書左丞相呂思誠撰

維至正八年四月、上在興聖宮、御宣文閣、中書右丞相臣朶兒只等入奏曰、孔子父叔梁紇加封啓聖王、未有刊述、昭示久遠、請以中書左丞相臣呂思誠爲文、出中統鈔五千貫下襲封府、具攻石之用。制曰、可。臣思誠承命惶悚、大恐弗任、乃拜手颺言曰、惟我國家崇重聖德、宣昭聖道、與王化合并、太祖皇帝肇基洪業、太宗皇帝在潛、行釋奠禮、祀孔子於日月山、世祖龍飛、車書混一、自上都大都及天下郡邑、立廟學、曲阜林廟尤加修崇、于是定襲封之嗣、除孔氏一人尹曲阜縣、恩至渥也。成宗皇帝廟于國子監、武宗皇帝加謚大成、于至聖文宣王上、仁宗皇帝詔立碑、天曆初、制加封啓聖王、顏氏曰啓聖王夫人、曠典也。今襲封衍聖公克堅既進言、中奉

大夫階二品、換印章爲銀、爲啓聖王碑、得請、聖眷隆厚、曷以報稱。臣謹按春秋公羊氏穀梁氏、依經書孔子生左氏、隨經書孔子卒。史記作殷本紀、帝嚳妃簡狄生契、十三遷而至天乙、始有天下、是爲成湯。書契者、原其初也。微子開國、亦曰帝乙之長子、明其本也。孔子世家曰、其先宋人、曰防叔、生伯夏、言有承也。又書經以下直至漢時、復列傳諸弟子七十二人、宋儒邵雍曰、天子以四海爲家、孔子以萬世爲家。始以是、大惟文公朱熹刪定世家序論語前曰、魯襄公二十二年冬十一月庚子、父叔梁紇、母顏氏生孔子于魯昌平鄉陬邑。又曰、孔子生鯉、字伯魚。鯉生伋、字子思、作中庸。厥有古哉。夫惟玄鳥之降、玉筐之覆、金行啓運、斗光垂精、爲五百年之昌期、千萬世之嘉會者、實由天生。顏淵曰、仰之彌高、鑽之彌堅、瞻之在前、忽焉在後。子貢曰、立之斯立、道之斯行、綏之斯來、動之斯和。其生也榮、其死也哀。子思曰、仲尼祖述堯舜、憲章文武、上律天時、下襲水土。孟軻曰、自生民以來、未有盛于孔子者也。賢于堯舜遠矣。太史公曰、自天子王侯、言大藝者、折中于夫子、可謂至聖矣。揚雄曰、天之道、不在仲尼乎。王文中子曰、大哉乎、君君臣臣、父子子、兄兄弟弟、夫夫婦婦、夫子之力也。其與太極合



德神道竝行乎。韓愈曰：社稷以功，夫子以德。程子謂賢于堯舜者以事功，蓋金聲玉振集羣聖之大成，實由天縱。若夫尼山請禱，精誠昭揭，而其表相殊異，曰似堯，曰似湯，曰似禹，曰似子產，曰河目海口，黃帝之形貌也。曰修肱龜背，成湯之體容也。惟此身體髮膚之所從，毓靈誕聖之所自，不在茲乎。漢時聖舅顏氏居魯親里，聖妃元官氏居安樂里，復其孫發。宋時有齊國公之封，又有魯國太夫人、聊國夫人之號，其爵邑又若不自其子者。今茲峻其徽章，各與情稱，百世不能改也。嗚呼盛哉！伏惟聖人人倫之至也。繫周易刪詩書定禮樂垂憲萬世師表百王者，蔑有加矣。獨于春秋曰：志在焉。孝經曰：行在焉。春秋，天子之事也。三綱九法，望于周也。故曰：如有用我者，吾其爲東周乎。孝經，開五孝之用，自天子至于庶人，各有終始。其曰至德要道，其曰天經地義，其尊親之心顯親之念，曾子所謂一貫，孟子所謂一本也。不然，是謂悖德悖禮矣。洪惟今上皇帝，接太祖皇帝、世祖皇帝之聖緒，嗣守列聖以來之成規，聖治之敷，孝治之洽，所謂通于神明，光于四海者，於春秋孝經有嘉焉。碑之闕里，光昭休烈于無窮。若江漢之濯，秋陽之暴，皦皦乎不可尚也。臣思誠頓首，誠惶誠恐，復獻頌曰：於鑠皇元。

赫赫明明，翕闢乾坤，資始資生。太祖肇基，風霆流行，世祖混一，覆載生成。列聖嗣服，時靡有爭。今上繼緒，品式法程。聖治不顯，孝治不平。嘉崇孔子，緝典鴻名。尼山有禱，斗光垂精。表相之異，至道之凝。曰：惟天縱，玉振金聲。孰與道生，本立枝承。王爵之崇，啓聖之榮。義符于情，名與實徵。五父之殯，綏乎其行。防墓之崩，泣然涕零。志在春秋，行在孝經。愛親敬長，春秋權衡。尊親顯親，五孝重經。今茲有茲，誕聖毓靈。子孫有衍，是服是膺。尼山呼嘯，泗水不盈。蔚彼孔林，卓彼魯庭。有豐斯碑，光昭日星。同我夫子，無忝所生。闕我皇風，四海永清。

至正十四年建尼山四配記

國子監丞危素撰

今皇帝至元三年，重建尼山書院。奎章閣侍書大學士虞公集實記之。未及大完，而山長彭瑄卒。後十有七年，鄒縣達魯花赤馬哈麻君增塑顏、曾、思、孟四公，配享殿中。邑士趙守寬、李之質，因其同里，陝西等處行中書省左右司郎中張君思政來京師，屬素爲之述。按顏子之脩坐，肇于唐太宗貞觀二年冬，尚書左僕射房玄齡、國子博士朱子奢之所建議也。宋神宗元豐七年夏，復增孟子脩坐。禮部郎中林希之所奏請也。度宗咸淳三年。

春增升曾子、子思。述我朝混一四海且四十年，延祐三年，仁宗皇帝在位，崇學右文，御史中丞趙公世延始言：

南北祭禮不宜有異，當升曾思如典故，制曰可。先是四公列坐兩旁，禮部以爲翼承道統，述明聖經，作用萬世以立人極，論德定名列次，配侑東坐西鄉，于禮爲稱。至順二年，進封顏爲復聖公，曾爲宗聖公，思爲述聖公，孟爲亞聖公，仍命詞臣爲制書。一代之典，可謂備矣。馬哈麻君作邑于聖賢之邦，欽承上意，克修盛典，其爲政知所先後，從可知矣。禮曰：有其舉之，莫敢廢也。君其知禮者哉。雖然，君之爲是舉，蓋有難者。方盜據徐方，力抗皇師，鄒之爲縣，密邇斯境，朝廷憂其供給之繁，增設邑長，以君才敏而擢用之。軍旅繹屢，君應各靡有凝滯，將士感悅。及徐平，撫安疲氓，飛芻輓粟，徭役平允。當此之時，又能汲汲焉以興學明教爲務，是以謂之難也。今年春，君以仲丁藏祀致齋之夕，夢升禮殿，瞻仰聖師，行事之際，乃賄配享，未備惘然久之。首出俸錢爲之倡，僚吏士民相率來助。邑士張微祖主其出納，曾未數月而工告畢。四公德容粹溫，觀者肅敬。蓋啓聖王與夫人顏氏禱于是山神秀所鍾，篤生聖哲，繼天測靈，萬世永賴，所以紹斯道之傳，發微言之秘，四公之功，終古如一日矣。昔

院之諸生尚耒于方策，非四公之學，不敢舉也。邑大夫之望於諸生者，庶其在此，可不勉哉。

至正二十五年代祀關里記

承德郎樞密院經歷魏元禮撰

皇上卽位之三十二年秋七月，命皇太子撫軍冀寧，以少保中書平章擴廓帖木兒總諸軍，照舊務，依前便宜行事。威懷遠洽，羣夏晏寧。明年二月，以皇太子吉，遣官特祭先聖關里。中書檄濟寧省預卜純薦牛一羊二豕二越六日，青宮手札登筵久之，授元禮出，涓日而行。以二十四日至魯城。祀前一日，省牲器，視滌濯，翼日癸丑，初，肅事于廟，禮備三獻，牲醑酒列，登降有數，質明竣事，以神餼享孔氏族人于燕中堂。衍聖公謂禮有可徵者，祭祀之謂也，宜具歲月于石。元禮謹惟聖人之道與天地並行，有天下國家者所當崇重。春秋修事祖庭，累朝之盛事也。今我儲皇仁孝之誠，昭格上下，雖金幣行在六師，駢嚴而脩明典禮，不廢俎豆之事，其尊崇聖教，增輝昭代，示人心以爲治之本，宏規遠畧，猗歟盛哉。是可書也。若曰底定我家，仰祈鴻休，某圖永命，祚于無窮，神之相之，厥惟圖矣。是重可書也。拜手稽首，謹爲之記。



關里廣誌

卷一三

校記

- ① 缺字，《五禮通考》卷一二二作「六」。
- ② 缺字，右引作「刪述」。
- ③ 缺字，右引作「爵今」。
- ④ 擅：雍正《山東通志》卷一一之七作「擅」。
- ⑤ 缺字，《孔氏祖庭廣記》卷一〇作「矩」。
- ⑥ 「皇」字以下，雍正《山東通志》卷一一之七、《文選補遺》卷四〇作「惟顏誕育至寶」。
- ⑦ 琦：《孔氏祖庭廣記》作「其」。
- ⑧ 缺字，《山東通志》作「制」。
- ⑨ 什：《山東通志》、《祖庭廣記》作「升」。
- ⑩ 缺字，《山東通志》作「制」，《金薤琳琅》卷三作「封」。
- ⑪ 未：《山東通志》、《幸魯盛典》卷九作「來」。
- ⑫ 缺字，《山東通志》作「作」。
- ⑬ 缺字，《山東通志》作「流」。

- ⑭ 缺字，《隸釋》卷一、《六藝之一錄》卷三六、《東漢文紀》卷二八作「衡」。本文殘缺甚多，無法一一校補，可參考以上各書。
- ⑮ 缺字，《幸魯盛典》卷九作「謁」。
- ⑯ 表：《隸釋》卷一、《幸魯盛典》卷九、《六藝之一錄》卷三六等均作「麥」。
- ⑰ 缺字及「恩」字，《漢魏六朝百三家集》卷二六《曹植集》、《幸魯盛典》卷九、《御選古文淵鑒》卷二一均作「淵深」。
- ⑱ 缺字，《山東通志》作「官次」。
- ⑲ 缺字，《山東通志》作「苗裔」。
- ⑳ 然：《山東通志》無。
- ㉑ 缺字，《山東通志》作「行乎」。
- ㉒ 「表」字至「闕」字上，《山東通志》作「故休風流」。
- ㉓ 缺字，《山東通志》作「冊籍」。
- ㉔ 缺字，《山東通志》作「足以不壯觀瞻」。



無藏

②5 缺字，《山東通志》作「賢容」。

②6 缺字，《山東通志》作「獨」。

②7 缺字，《山東通志》作「文章」。

②8 缺字，《山東通志》作「儒光」。

②9 潭：《山東通志》作「覃」。

③0 缺字，《山東通志》作「業」，《式古堂書畫彙考》卷七作「系」。

③1 缺字，《山東通志》、《式古堂書畫彙考》、《六藝之一錄》卷一一七等皆作「道」。

③2 抵：當作「抵」，見《李北海集》卷三，《文苑英華》卷八四六。

③3 偕：當作「而」，見《李北海集》、《歷代名賢確論》卷二四。

③4 主：當作「士」，見《李北海集》、《唐文粹》卷五一。又下「榮」字，當據《山東通志》卷一一之七作「榮」。

③5 竟：當作「競」。

③6 廣：《山東通志》作「幌」。

③7 王：《山東通志》卷一一之七作「皇」。

③8 天至：疑誤。

③9 此句上疑脫四字。

④0 藏：當作「蔽」，見《山東通志》卷一一之七。

臨里廣誌卷之十四

碑記

明洪武十年重修宣聖廟碑記

五十六代孫襲封衍聖公孔希學撰

聖天子龍飛之初、武功未戢、已事祖豆、亟遣使祀宣聖於闕里。風動四方、聞者皆以爲太平佳集、海內咸服聖化。宣聖五十六代孫襲封衍聖公希學、以修理事請于上。卽賜允俞曰：朕方行先師之教、淑海內、洽人心、崇德報功、理所當爲。廟貌褻廢、處先爲營葺、見存房宇壞損處、徐當完之。洪武甲寅春、命下。至十年丁巳秋、歲大熟、山東等處承宣布政使司以其事隸濟寧府、委交州判袁良督所屬州邑鳩工蒞事。輦石掄材、棄棟榱桷、瓦甃鍛冶、採漆之費畢備。逾三月而後成。正殿左右回廊及東廡三氏學生員房舍、合七十餘楹。規造一新。衍聖公會勸宗族衆大夫士之有祿者、鳩金補聖聖賢像、仍免本官提督之服。見有章、金碧相輝、儼然若生。落成之日、衍聖公會族人于齋廳、以尊酒勞曰：崇奉先聖先師、誕敷文教、九重聖席、許謨賢哲、臣降輿贊、凡廟貌闕處、皆以宏尊祭祀有田、澠掃有戶、禮樂服見有章、薦享有器、設學選師、以教吾族。獨其徭役、歲入朝會、班亞上相、賜

與優隆若此、何以報稱。相與議曰：不若勒之堅珉、以圖不朽、足以見聖天子行吾祖設教立道、爲致治太平之本、與國同休、悠久無疆、豈不偉歟。奉修謹恪、克休天心、民不知勞、倏然就緒。若袁公伯金者、可謂賢矣。是宜記之。

永樂十五年御製孔廟碑

道原於天、而界於聖人。聖人者、繼天立極、而統承乎斯道者也。若伏羲、神農、黃帝、堯舜、禹湯、文武、周公、歷聖相傳、一道而已。周公沒、又五百餘年、而生孔子、所以繼往聖、開來學、其功賢于堯舜。故曰：自生民以來、未有盛於孔子者也。夫四時流行、化生萬物、而高下散殊、咸遂其性者、天之道也。孔子參天地、贊化育、明王道、正彝倫、使君君臣臣、父父子子、夫夫婦婦、各得以盡其分、與天道誠無間焉爾。故其徒曰：夫子之不可及也、猶天之不可階而升也。又曰：仲尼、日月也、無得而踰焉。在當時之論如此、百萬世無敢有異辭焉。於乎、此孔子之道、所以爲盛也。天下後世之蒙其澤者、寔與天地同其久遠也。自孔子于今千八百餘年、其間道之隆替、與時陟降、遇大有爲之君、克表章之、則其政治有足稱者。若漢唐宋致治之君、可見矣。朕皇考太祖高皇帝、天命聖智、爲天下



君武功告成、卽興文教、大明孔子之道、自京師以達天下、並建廟學、徧賜經籍、作養士額、儀文之修、超乎往昔、封孔氏子孫襲衍聖公秩、視二品、世擇一人爲曲阜令、立學官以教孔、顏、孟三氏子孫、常奉太學、釋奠孔子、竭其嚴敬、尊崇孔子之道、未有如斯之盛者也、朕繼承大統、不法成憲、尙惟孔子之道、皇考之所以表章之者若此、其可忽乎、乃曲阜闕里在焉、道統之系、實出于茲、而廟宇歷久、漸見嚳敝、弗稱瞻仰、往命有司、撤其舊而新之、今年夏畢工、宏遠壯觀、庶稱朕敬仰之意、俾凡觀于斯者、有所興起、致力於聖賢之學、敦其本而去其末、將見天下之士、皆有可用之材、以贊夫太平悠久之治、以震耀孔子之道、朕於是深有所望焉、遂書勒碑、樹之於廟、并采以詩曰、巍巍玄聖、古今之師、垂世立言、生民是資、天將木鐸、以教是界、謂欲無言、示之者至、惟天爲高、惟道與參、惟地爲厚、惟德與合、生民以來、實曰未有、出類拔萃、難乎先後、示則不遠、日用攸趨、敦敏行義、遵于聖模、仰惟皇考、聖道定崇、禮樂治平、身底厥功、曰予祗述、詎敢或懈、聖緒丕永、儀憲永賴、巖巖泰山、將邦所瞻、新廟奕奕、飭祀有嚴、鼓鐘煌煌、穆穆聲聲、八音相宣、聖情怡懌、作我士類、世有才賢、佐我大明、於萬斯年。

永樂十六年重修尼山新廟碑記

三氏教授張敏撰

洙泗涵道體之本源、尼山毓天地之間氣、聖人者、又所以鍾天地山川之間氣以生者也、其知先知、其覺先覺、出乎類、拔乎萃、自生民以來、寔未有也、然天之所以厚于聖人者、夫豈無其故哉、蓋自周室衰微、諸侯放恣、三綱淪、九法斁、中國將入于[ ]、生民漸倚乎物類、使天或不生聖人、則天下貿貿焉莫知所之、人欲肆而天理滅矣、天於是而生聖人焉、聖人者、繼天立極、拯溺亨屯、爲天地立心、爲生民立命、爲萬世開太平者也、所謂其生也有自來、其逝也有所爲、宰我曰、以予觀於夫子、賢於堯舜遠矣、且堯舜之道、尙賴夫子而明、是天以是道而畀之聖人、必欲聖人以是道而傳諸後世、此聖人所以有功于天地也、惟聖人有功于天地、故天下通祀乎聖人、矧茲尼山、尤爲所生之地、廟貌尊崇、歷代所尙、奈何元運旣去、毀於兵燹、故址頽基、鞠爲茂草、春秋祭祀、掃地而行、觸目荒涼、誠爲可歎、五十九代孫襲封衍聖公彥縉、五十五代孫曲阜世尹克中、五十四代孫族長思楷、舉事希詔、會闕門族屬論之曰、闕里廟貌、我太宗文皇帝撤舊更新、旣以美矣、惟茲尼山、乃聖祖誕毓之





地荒涼若是而不爲究心。吾子孫寧不有媿焉。由是衆發一心。聘新重建。正殿三間。高廣如制。其西則爲毓聖侯殿。其西北則爲啓聖王殿。又其北則爲啓聖王夫人殿也。神門三間。齋廳五間。庖湫有廡。祭器有庫。繚垣雲蓋如矢。斯棘鳴呼休哉。首事于永樂丁酉之春。落成于戊戌之夏。輪奐之美。視昔有加。構治之規。于今爲盛。仰瞻俯視。生氣若存。時或嶧山雨霽。顏母雲收。丹青晃日月之光。金碧焜爛霞之色。重疊疊拱。簷牙高啄。坤靈五老。環繞上下。其壯觀爲可知矣。茲者刻石。以勵其後。謂余常筆。不敢以蕪陋辭。謹述始末。并系以言曰。周室衰微。諸侯擅權。下陵上替。綱紀頽然。風氣日偷。倫理日墜。往聖既遠。其孰能繼。尼山降神。毓秀含真。靈應既啓。生我聖人。惟聖有作。天將木鐸。以繼往聖。以開來學。綱常既正。倫理日昭。尊卑上下。井井有條。惟聖斯蹟。光明烜赫。其報伊何。萬代血食。絢維尼山。古廟巍巍。毀于兵燹。蕩然無遺。觸目荒涼。見者歎息。聖公起念。世尹贊畫。經之營之。乃定其規。新廟既成。金碧相輝。神其戾止。既安且喜。報以介福。施于孫子。

永樂二十一年創建林園牆碑記

監察御史孔諤撰

周公變夏商之禮。而崇九廟之祀。文帝重原陵之法。而加赤族之誅者。何也。蓋仁人孝子之於祖宗。惟其慕之也切。故其報之也厚。惟其尊之也重。故其怒之也深。苟爲不然。則喜戚無與於已。而成敗不足以動其中矣。尙何陵廟之用心乎。五十五代孫曲阜世尹克中者。忠孝人也。其爲人也。風神秀楚。玉瑩珠輝。自幼以孝謹聞。既長。以才敏稱。由是闔族推讓。薦膺是職。自受任以來。倦倦祖宗。一念不忘。慨尼山之未覆。傷書院之凋敝。隘家廟之陋小。膠心固意。務□其情。誓日盟神。弗成弗已。既而卒如其言。宗族內外。罔不服其用心之確。獨有祖林一區。周迫民居。烟爨千家。樵青採綠。薪乾樵腐者。日不絕跡。雖申之以聖公之禁。戒之家長之嚴。然幅幘浩大。難以防虞。南巡則北至。東僭則西來。間亦獲其一二輩者。然非親則故。非戚則民。依公道則傷惠。盡私情則遺祖。榮心貯念。難于施設者久之。世尹復喟然歎曰。夫物置而無備。而鄉民以罪。弭之無法。而肆其鞭撻。非政之善也。乃捐已貲萬緡。厚俸酒饌。集耆老而謂之曰。夫自周漢以來。秦兵楚變。東西流離。而父子不相保者。處處然也。此而不。革鐵者。能之。耳。曰。若亦思報乎。曰。



聖覆如天。克以。倘有指揮。願悉從命。公曰。弊無君子者。斯焉取斯。昔牛山之木。膏美矣。以其迫於郊而不毛。今吾祖林周迫居民。烟爨之家。不下千數。旦暮薪。豈勝剪伐。吾欲乘此農隙。借汝以力。以墻其園。可乎。衆咸喜躍。願悉從事。公乃約以孟冬朔旦起工。至其日。邑之父老各率子弟。約千餘計。悉荷板鐮。無後者。聖公亦以廟丁百餘人來會。公乃編以什伍。甲以才能。復以族之英敏者督之。刻以板築之數。限以厚薄之額。豐其廩餼。以給其食。旨其酒。散以勞其苦。復加以省視勸度。勸賞諄切。由是冬。日假和。人心悅豫。作之日。採之。陬陬。度之。薨薨。長切奮躍。咸效其能。日不彌旬。千堵皆興。何其快哉。自非感之也。誠動之也。義。吾未見其成功之速。若此之易也。又慮夫役僮之徒。穴洙梁而窺門闥也。則石堅甃以密其楹。壘瓶門宇以嚴其鎖鑰。恐其。廼夫之。僮于宿衛也。則建巡鋪以便往來。復其身以專典守。由是樵採絕迹。而松梓遶丁丁之聲。神魂安棲。而林鳥無夜驚之擾。其視往昔禁戒彌煩而屢犯不止者。豈徒千百十一於其間哉。誠可謂明于治體。善于防虞。而孝於祖考者矣。聖公家長深與其績。日以再往。且賞且勞。因謂之曰。今汝之心。良亦盡矣。埤木之給。吾當與聖公戮力焉。母汝煩也。于是檢族屬。驗佃力。復得堅。除車。併工聚力。刻日以完。然後大美斯具。功無玷悔。嗚呼。邑有賢宰。家有賢宗。爰有家長克相其成。雖欲弗美。其孰以能。於戲。佳哉。斯亦曠世一時之奇遇也。吁。家廟也。書院也。斯撤其舊而宏者也。尼山也。林闢也。斯經始而創者也。計其功。則不勝其大。較其財。則不啻其多。他人觀之。鮮有不駭心而驚恒者也。公乃視之。輕如鴻毛。易如拾芥。如此。非其才美俱全。孝心純至者。能如是乎。方之古人。亦何負哉。宜乎勒之金石。昭之後世。而爲人子人孫人後者之龜鑑也。倘吾門之子孫。異世之後人。能述其心而繼述之。則斯功之美。將歷千萬世而不毀矣。林廟其亦有慶乎。

宣德十年重建金絲堂記

三氏教授裴侃撰

經誌。瓶于大金世。重修廟庭。始有其制。略無明文可考。堂在齋廳之北。家廟之南。廟庭之東。歷世更變。歲久傾圯。僅存遺址。宣德甲寅冬。工部亞卿江右吉之文江周公忱。以公務道經東魯。躬謁林廟。每事懇懇。致問禮也。因斯堂之未立。歎然爲缺典。遂召匠計之。捐已俸。資貨

財於江南得大木而喜使人相地廣袤是斷是度是尋是尺修之治之水運以舟陸輓以車時議克合力相成之者蘇州知府况侯鍾通判邵侯謀也材木既具越明年季夏壬寅日宣聖五十九代孫襲封衍聖公孔彥緒召役事興工經營圖爲安排布置舉合以法落成是年秋八月庚子朔也堂高二尋有二八由是制度宏雅廉隅峻整輪奐一新卓越舊觀會議復于櫺星門外西南隅構屋三間計有十二楹爲祇謁更衣所名曰更衣亭其用心可謂勤矣嗟乎遵軌而修事謂之址美修事而有成謂之合功古之道也今能址美矣合功矣是宜誌之愚嘗閱載籍嘗歎景帝時魯共王好治宮室毀孔子舊宅而欲廣之升堂聞金石絲竹之音遂不敢壞意今之家廟卽其舊宅歟斯堂卽共王聞金石絲竹之所歎舉金絲而言則八音在其中可知矣且天地假風霆以彰厥威聖人托音樂以著其靈天地變態無常而四時成其序聖人神明不測而萬世蒙其教天地風雨霜露之類無非教也聖人禮樂刑政之屬得非教乎矧樂者又所以移風易俗比物飾節崇和順而親附於民所以蕩滌邪穢消融渣滓莫善于是故聖人雖沒而有不沒之神存焉何也道德也禮樂也與天地相爲終始爲萬

世生民之所仰賴焉名堂之義意有在也後之登斯堂者不金石而金石不絲竹而絲竹想聖人之靈而景仰于千萬載之下斯堂亦與有助焉

景泰元年御祭碑

翰林院侍講吳節撰

皇帝卽位改元景泰正月上日朝臨羣臣越十日丙戌大祀天地於南郊卽慶成命有司擇吉遣官行祀天下有司以閏望庚申聞先期上御宿齋宮親書祝冊味爽上服通天冠被降龍袍文武百官朝服侍班傳制命官以香帛致綵輿中鼓樂導引出奉天門外上注目送之臣節備員詞林得分祀先師孔子卽日齎香帛升舟中道陸行二月十日始達曲阜衍聖公臣彥緒世職知縣臣孔諱三氏教授臣江永清率三氏子孫郊迎至宿廟次滌牲致齋百執事駿奔益慎益虔又二日丁亥乃祀將祀之夕天地開明星月朗耀牲醴香潔遵豆飭修薦裸興俯咸中禮節宛若聖神在坐羣賢陟降左右洋洋濯濯來歆來享祭畢達旦猶聞金石絲竹之音衆咸以爲皇上至誠感格之所致有非偶然者異日衍聖公拜手言國恩汗渙沾被林廟請刻祝詞以表榮貺臣節聞國之大事以祀爲先而卽位遣祀卽有虞偏于羣神意

也。群神如漢唐以來崇祀古昔帝王先師孔子岳鎮河海之類。蓋古昔帝王嘗主宰天下孔子爲萬世綱常祖。岳鎮河海能興雲布雨潤澤民物。禮曰功被生民則祀。此卽位遣祀之禮所以不容或後也。然我朝自太祖高皇帝奄有四海創立制度爲萬世子孫法。凡建祀所遣香帛如古昔帝王岳鎮河海其名數皆一獨孔子與諸弟子其名數凡九儀物稱是非厚於孔子也。誠以古昔帝王功止當時岳鎮河海澤及一方而孔子祖述憲章刪定作述之功被於無窮與天地並故不得不致崇極之意也。傳曰自生民以來未有盛於孔子良以是歟。然孔子之在當時有德無位特大聖中之以言垂範者耳。其所以行孔子之言以建皇極以收治平之効者則在于後聖焉。洪惟皇上睿知英明超自內藩紹承大統卽位之初卽去邪黜佞崇獎忠良拒遏外憂靖安中夏凡言行政事皆師法先聖群臣奏牘語合經典卽賜錄用是孔子之道不行于昔者大行于今日矣。書曰黍稷非馨明德惟馨。後聖之德既不違乎前聖愚想以聖佑聖以神助神假靈資弼協贊洪猷是蓋有不疾而速不言而喻之幾矣。豈凡庸之所能與者哉。臣節旣恭承行職當秉翰雖遊聖門措詞匪易而事有典故不容或失。

陳香帛之數以見我朝重獎先聖之禮踰于前古且諭吾道大行于今不特爲聖哲子孫榮實爲天下生民福。天順五年重修啓聖王寢殿碑記

翰林院大學士許彬撰

予昔長太常寺事一凡天子有事南郊則天地並于正殿日月分列于東西若太廟之制則前爲殿後爲寢重陰陽奇偶之義夫婦人倫之始也。前乎千萬世之既往後乎千萬世之方來莫不皆然孔子萬世帝王之師也廟祀于魯也非一世而子孫奉祭則推原其始祖啓聖王夫婦焉王之殿去大成殿西十步許而啓聖王夫人顏氏則居于後寢有廊以通歷歲滋久寢殿圯壞六十一年代孫今襲封衍聖公弘緒乃撤而新之殿爲間者五爲楹者七歇山轉角規模壯麗一倣前殿之制高一丈七尺深視高殺二尺廣袤稱是。經始于天順庚辰十月之朔落成于辛巳九月之望是役也財不廢于公帑工不奪于民力經營之勞役于林廟在官之人皆弘緒所自區畫者也其尊祖敬宗之心何其至哉。功旣告成山東按察使黎陽王越世昌謁于廟適觀新構棟宇聳飛金碧輝映嘉大宗之誠孝謂不可無文以彰盛美。猥以予有從遊之舊禮請文記之。預屬曲阜知縣孔公錫



工藝石記其歲月。惟昔柳子厚作道州宣王廟碑。謂夫子極於化初。冥於道先。荷贊其道。若舉天地之大。褒日月之明。非愚則惑。不可犯也。況王與夫人。毓粹之德。啓聖之功。不可名言。又敢輕易贊之哉。特以尊祖敬宗。誠大宗之所當爲。而崇儒重道。好尚斯文。又憲長之所宜用心也。憲長提刑一方。公務紛紜。而能景賢仰聖。若此。況爲先聖之子孫哉。書其事。勒諸貞珉。以告來者。

成化四年重修聖廟碑記

詹事府少詹事經筵講官孔公恂撰

今上在春宮時。臣孔公恂受知英廟。與太子贊善司馬恂。皆以聖賢後家。簡置春宮左右。日侍經筵。講明二帝三王。周孔爲治之道。文華殿左春坊。設先聖先几圖畫像。御經筵時。先執弟子之禮。文淵閣亦設先聖杏壇圖畫像。顏曾以下諸弟子侍立。香燭之儀。供自內格。及登寶位。首舉幸學之典。詔有司修天下孔子廟宇。而于闕里尤加重焉。蓋崇文右儒之意。已見於居潛養正之初。猗歟盛哉。吾道之幸也。仰惟帝王致治。法乎堯舜禹湯文武。然堯舜禹湯文武之道。非我聖祖。後世無以明。所以有天下國家者。欲求至治之隆。莫不尊崇我聖祖之教。按孔子世家。聖祖卒于魯哀公十六年。哀公卽聖祖

故宅以立廟。廟在歸德門裏魯城西南隅。祀典之設。實肇于此。漢高祖過魯。以太牢致祭。自漢而唐。自唐而宋。而金而元。廟祀增崇。有隆無替。稱功頌德。號封至極。韓子有云。自天子至郡邑守長。通得祀。而徧天下者。惟社稷與孔子爲然。其祀事不如孔子之盛。於今觀之。信然。我太祖高皇帝龍飛淮甸。以武功定天下。以文德致太平。太宗文皇帝繼體守文。大振綱常。專用儒術。聖聖相承。咸臻至治。亦惟以聖祖之道是崇。是重。所以二帝三王之盛治。復見于今日也。逮我今上皇帝文武聖神。純用聖祖之道。以紹列聖之統。迺特詔巡撫山東都察院左副都御史賈公銓。重修闕里先聖廟。去故易新。用稱瞻仰。經營周章者。則有兩司。藩臬重臣。親蒞督工者。則有按察司知事楊昇。兗州府知府郭鑑。護衛指揮鮑詢。兗州府通判掌曲阜縣世職知縣事孔公錫等。經始於天順八年九月。落成於成化元年十一月。既而有司又請修完先聖廟宇。誠一代盛典。不可無文以紀成功。欲遵文祖故實。親麗宸翰。大章天休。巡撫山東都察院右副都御史原公傑奉詔。躬詣闕里廟庭。相地于大成門之南。洪武永樂碑之東。建立重修廟碑。以執事楊昇勸敏。仍委督局庀工掄材。高廣宏麗。視前有加。經始於成

化三年四月落成於次年之六月。豐碑穹隆、龍章煥爛、三聖聯輝、祖孫繼美、此又前代之所未有焉。天語諄諄、一以聖祖之道如天地日月、布帛菽粟、民生日用、有不可缺。大哉王言乎、實千萬世不刊之典也。六十一代襲封衍聖公孔弘緒、五十五代族長兼孔顏孟三氏教授司學錄孔克明、五十八代舉事孔公璋等、重以朝廷尊崇聖祖、二都憲祇承德意、及群有司相維之力、爲吾子孫者、當何如哉。公恂曰、無忝於祖、聿修厥德、以圖報稱。我皇明崇儒重道、萬萬年之鴻休也。衆曰、敢不各以此自勉。謹拜稽首、次第其實、用以昭示永久云。

### 成化四年御製重修孔廟碑

朕惟孔子之道、天下一日不可無焉、何也有孔子之道、則綱常正而倫理明、萬物各得其所矣。不然、則異端橫起、邪說紛作、綱常何自而正、倫理何自而明、天下萬物又豈能各得其所哉。是以生民之休戚係焉、國家之治亂關焉。有天下者、誠不可一日無孔子之道也。蓋孔子之道、卽堯舜禹湯文武之道、載於六經者是已。孔子則從而明之、以昭後世。故曰、天將以夫子爲木鐸、使天不生孔子、則堯舜禹湯文武之道、後世何從而知之。將必昏昏冥冥、無異於夢中、所謂萬古如長夜也。由此觀之、

則天生孔子、實所以爲天地立心、爲生民立命、爲往聖繼絕學、爲萬世開太平者也。其功用之大、不但同乎天地而已。噫、盛矣哉、誠生民以來之所未有者。宜乎弟子形容其聖、不一而足。至於中庸一書、而發明之無餘蘊矣。自孔子以後、有天下者無慮十餘代、其君雖有賢否、智愚之不同、孰不賴孔子之道以爲治。其尊崇之禮、愈久而愈彰、愈遠而愈盛。觀于漢魏以來、褒贈加封、可見矣。迨我祖宗、益興學校、益隆祀典、自京師以達于天下、郡邑無處無之、而在闕里者尤加之意焉。故太祖高皇帝登極之初、卽遣官致祭、爲文以著其盛而立碑焉。太宗文皇帝重修廟宇而一新之、亦爲文以紀其實而立碑焉。朕嗣位之日、躬詣太學、釋奠孔子、復因闕里之廟、歲久漸敝、而重修之。至是畢工、有司以聞、深慰朕懷。嗚呼、孔子之道之在天下、如布帛菽粟、民生日用、不可暫闕。其深仁厚澤、所以流被于天下後世者、信無窮也。爲生民之主者、將何以報之哉。故新其廟貌而尊崇之、尊崇之者、豈徒然哉。與其道之存焉爾。使孔子之道、常存而不泯、則綱常無不正、倫理無不明、而萬物亦無有不得其所者。行將措斯世於雍熙太和之域、而無異於唐虞三代之盛也。久安長治之術、端在於斯。用是爲文勒





石樹于廟庭以昭我朝崇信聖道之意焉。系以詩曰：天生孔子，縱之爲聖，生知安行，仁義中正，帥道興起，從遊三千，往聖是繼，道統流傳。六經既明，以詔後世，三綱五常，昭然不替。道德高厚，教化無窮，人極斯立，天地同功。生民以來，卓乎獨盛，允集大成，實天所命。有天下者，莫尊是崇，曰：惟聖道，曷敢弗宗？顧予眇躬，承此大業，惟聖之謨於心，乃慨用之爲治，以康兆民，聖澤流被，萬世聿新。報典之隆，尤在闕里，廟宇巍巍，于茲重美。文諸貞石，以光於前，木鐸遺響，餘千萬年。

成化十三年褒崇孔廟禮樂碑

翰林院學士王獻撰

皇帝嗣登大寶之十有二年冬，詔天下孔子廟祀加六份爲八，蓬豆十二，爰用遣官恭行天下。於是太子少保吏部尚書兼文淵閣大學士臣商輅以春祀前一日，詣文廟行釋菜禮。告翰林院學士王獻，乘傳詣闕里，行釋奠禮。告使命必簡文學之臣，重其事也。祀禮雖有隆殺之殊，一乎誠也。祝辭出自聖製，香幣頒之內帑，儼乎天顏之俯臨也。樂舞之增，器數之加，未嘗弗敢先，既告弗敢後，肅乎帝心之對越也。禋將之夕，星月澄霽，纖雲不興，昭乎神明之歆格也。禮既告成，襲封衍聖公臣弘

率諸族人少長趨列，稽首言曰：聖天子褒崇先聖，禮樂等之祀天享地，誠曠古之罕聞，斯文之大慶，豈特臣一家之私榮而已哉？宜有紀述，以垂永世。時山東按察使副使臣陳相、臣張珩、僉事臣畢瑜、布政司參議臣杜鈺、都司都指揮僉事臣金榮、聞命駿奔，恪共祀事，亦懇申前請，不可辭。臣獻竊惟吾夫子之道，如天之高，無不覆幬，如地之厚，無不持載，如日月之代明，如四時之錯行，禮樂春秋，所以立生民之極，開太平之。人主賴之，咸致尊崇，然未有禮明樂備如今日者也。嗚呼盛哉！或曰：堯舜禹湯文武皆聖人也，祀享之禮，不得視郊社。孔子有德無位，寵用斯禮，得無過乎？且成王以周公有大勛勞，特用天子禮樂，君子譏之。以孔子之聖，豈復有加于周公者哉？嗟夫，此我國家其盛之舉，固非庸于聞見者所能測識之也。當周之衰，王政陵夷，莫倫攸教，使天不生孔子，則天下貿貿焉莫知所適，孰知所以爲堯舜禹湯文武之道者耶？夫惟不知，故不行，不行則不流，不流則不盛。所以維持斯道永久而弗墜者，果誰之力歟？周公之功，人臣之分也。孔子之聖，萬世帝王之師也。師其教而圖其所以爲報，雖極天下之尊，禮之宜

也。傳曰：夫子之道，不啻天地也。又曰：其功反有賢於堯舜者，豈不信哉？仰惟皇上德位隆大，克當制作禮樂之任。自祖宗列聖以人文化成天下，于茲百年，又當率興禮樂之時，而講正修明，自孔子始，可謂知所本矣。臣獻竊祿于朝，於禮樂大端，漫不之省，謾膺燕命，夙夜儆惕，思所以副皇上尊師重道之盛心。尙當博稽古典，入對黼座，俾我明廷大制作前無所遺，後無所議，以昭一代文明之治，顧不偉歟！嗚呼！臣愚何足以知之。謹記。

成化十八年重修聖廟記

大學士劉珝撰

厥初天不地，地不人，人物不物矣。非斯道大明，則混沌罔攸判。君不君，臣不臣，父不父，子不子矣。非斯道懋昭，則人極罔以立。伏羲神農黃帝堯舜禹湯文武倡明斯道於前，孔子申明斯道於後，倡明之功大矣。申明之功亦豈小哉？譬之泉焉，有鑿其源者，苟不濬而引之，則堙矣。此孔子所以有功于前，數聖人，有功于天地萬物，有功于萬世也。故曰：自生民以來，未有盛于孔子也。天惟不畀以君師之位，是以周易之贊、詩書之刪、禮樂之定、春秋之修，不得成於自衛反魯之後也。絕學有以繼綱常，因以明，不止于夾谷之會，兩觀之誅，猶羊斟

土木之妖，楷矢驗蠻貊之貢，小試而已。使天畀夫子以位，則亦如前數聖人，天下後世賢賢焉莫知所之，萬世何所賴耶？降周迄漢以來，匪直中原之主知尊其教，雖蠻貊之君無不是式是行焉。迨我祖宗君師宇內，益尊其道，自京師以達于海隅，遺裔皆廟祀孔子，冕服南面，一視王者。春秋有事，則器數樂舞有加無已，可謂盛矣。况闕里廟祀，非他處可擬也。乃成化癸卯，六十一代孫襲封衍聖公孔弘泰，以廟貌弗堪，言於朝，詔特允之，命有司作新。凡殿堂、廊廡、門庭、齋廚、賢舍等三百五十八楹，規模一新。其間有不可易者，仍舊，不敢輕襲。位于正殿者，皆礪石斷木爲龕，位于兩廡者，亦皆如制。以迄周垣層路，皆甃以甌石，瞻之者如在天上。或時龜山雨霽，泰岳雲開，則重檐疊拱，丹青耀日月之光，短椽修櫺，金碧焜烟霞之色。輪奐之制，大超前代。丁未春落成，克守趙公蘭仁來徵言。珝惟夫子之道，如贊天地之大，褒日月之明，非愚則惑，不可犯也。至于漢魏而後，廟貌有隆有替，治道亦隨之弛張焉。咸莫若我朝重儒，事事咸備，雖萬世無以復加也。凡有事于茲役者，官銜姓氏具列于碑陰。謹系以詩曰：泰山之陽，素王宮殿，宇巍巍霄漢中。古來天開此勝地，木鐸聲音連九重。天佑斯文隆弗



藏



替道垂萬世無終窮。歷代君人當北面。千秋儒士宗文風。四維以張世道美。彝倫攸序教化弘。尊卑卑卑有定分。萬事萬物咸幷幃。嚮非斯道明于上。今來古往俱顯蒙。大哉聖道大無外。澤均宇內天無功。厚坤彰德出獨異。林木不棘昭靈蹤。森森楸木高千尺。灼灼杏壇花開紅。復惟楸木手所植。人得尺寸尊無同。三千七十真何幸。一趨函丈姓名崇。有孫有子茲斯盛。有則有儀欣相逢。從茲千世與萬世。四方仰賴魯邦東。

弘治十七年御製重建闕里孔子廟碑

朕惟古之聖賢功德及人。天下後世立廟以祀者多矣。然內而京師。外而郡邑。及其故鄉。靡不有廟。自天子至于郡邑長吏。通得祀之。而致其嚴且敬。則惟孔子爲然。蓋孔子天縱之聖。生當周季聖賢道否之日。而不得其位以行。乃歷考上古以來聖人之君天下者。曰堯曰舜曰禹湯文武已行之迹。并其至言要論。定爲六經。以垂法後世。自是凡有天下之君。遵之則治。違之則否。蓋有不能易者。真萬世帝王之師也。故自漢祖過魯祀之後。多爲之立廟。沿及唐宋。英明願治之君。屢作益尊而信之。孔子之廟遂徧天下。爵號王公。禮視諸侯。而加隆焉。雖金元入主中國。綱常掃地之時。亦未嘗或廢。蓋天理

民彝之在人。有不能自泯也。我聖祖高皇帝以至神大聖。迅掃故元。植綱常於淪敷之餘。武功方戢。卽遣官詣闕里祀孔子。風示天下。規度可謂宏遠矣。列聖相承。益嚴祀事。先後一軌。洎我皇考憲宗純皇帝。詔增廟之舞。佾爲八。簋豆十二。禮樂盡同於天子。褒崇之典。至是蓋無以加矣。我國家百有餘年之太平。端有自哉。闕里有廟。建自前代。規制尤盛。弘治己未六月。燬于火。朕聞之惕然。特勅山東巡撫。巡按泊布政按察司官。聚財庀工。爲之重建。越五年甲子正月工畢。巡撫右副都御史徐源。巡按監察御史陳璘。以其狀來上。宏深壯麗。視舊規有加。朕懷乃慰。既遣內閣輔臣太子太保戶部尚書兼謹身殿大學士李東陽。往告復其顛末。爲文俾勒之廟碑。用昭我祖宗以來尊師重道之意。并系之詩曰。聖人之生。天豈偶然。命之大君。俾贊化權。二帝三王。君焉克聖。繼天立極。道形於政。大化既洽。至治斯成。巍巍蕩蕩。渾乎難名。周政不綱。道隨時墜。孔子聖人。而不得位。乃稽群聖。乃定六經。萬世之師。於焉是徵。自漢而下。數千餘歲。褒典代加。有隆無替。於皇我祖。居正體元。六經是師。卓爾化原。列聖相承。先後一揆。逮及朕躬。思弘前軌。廟貌敦崇。祀事孔禋。經言典訓。彌謹彌敦。俗化治成。日

升川至斯道之光允垂萬世。

弘治十七年重修孔子廟記

謹身殿大學士李東陽撰

弘治甲子春正月、重建闕里孔子廟成。蓋自己未夏六月、以災告、上既遣學士臣李傑行祭告禮、卽命工部下山東巡撫巡按暨布政按察諸臣議重建焉。都御史臣何鑑始會材物、僉事臣李宗泗規畫略定、僉事臣黃繡綜理周畢、而都御史臣徐源實總之。輪奐闕偉、綵繪輝赫、皆加于舊。而告成事者、臣源及監察御史臣陳璘也。事下禮部、尙書臣張昇等以爲是數百年之曠典、請加崇重、以示天下。皇上親製碑文祝辭、命太常具香帛、有司備品物、卜日御正殿傳制、特遣臣東陽自內閣來申祭告。會有孝肅太皇太后之喪、比釋服卒哭、上未忍悉從吉禮、乃避殿賜敕以行。臣東陽奉命惟謹、以閏四月丁卯陛辭、癸未至於廟。時臣源實迂于境、衍聖公臣孔聞韶方在父喪、聞命踴躍、易服率族人迂于郊。曲阜知縣臣孔彥仕扶疾迂于驛。甲申、遂致齊。越三日丁亥、乃祭。中書舍人臣喬宗亦奉命有事于廟。右通政臣韓鈔以督河至、御史臣陸佃以巡按至、臣盧許以清軍至、左布政使臣曹元按察使臣戈瑄、署都指揮僉事臣巾

寧以三司長至、左參政臣冒政以分守至、僉事臣袁經以分巡至、副使臣陳鎬以提學至、而臣繡固皆在陪位。分獻東哲則臣宗、西哲則臣元、東西廡則五經博士臣顏公鉉、臣孟元、啓聖王殿則三氏學錄臣孔公璜、孔氏之旅、無遠近大小來會者以數百計。前三日、時雨連降、及期雨霽。禮成之後、星月朗耀、神人歡暢、歌工舞佾、奉器執事之臣、下逮胥吏僕從、皆忻忻然如雲之從風、水之赴壑、有不令而集者。臣東陽乃退而歎曰、於戲、人性之善、豈不信哉。夫自情蕩性繁之後、雖積歲累月、嚴刑法以驅之、使入於聖賢之域、而不可得也。及乎入聖人之鄉、觀聖人之所居、接其子孫族姓、見其禮聞其樂、而因以想像其形容、卒然之間、敬心興、躁心釋、而不自覺。蓋凡卑且賤者皆然、而大夫士之貴而賢者、不待論也。然則天理之在人心者、曷嘗一日而亡哉。聖人之教、固因其所明而導之、使復其性、而吾孔子之刪述六經、垂法萬世、其功所以爲大、不可一日而忘者也。且褒崇之典、雖于聖人無所加損、而與治道常相爲重輕。故太牢之祀、肇開漢業、展拜之禮、宋道興焉。我國朝太祖高皇帝封爵奉祀、建學置官、逮我憲宗純皇帝增樂舞八佾、還豆十二、天子之禮、至是始備。重熙累洽、蓋有由然。聖



儒藏

天子登極視學以來。益加崇重。是役也。至集天下之財。積數年之力。告成之祭。又輟論思輔導之職。詔旨諄切。禮意深厚。出乎常格。所以示天下德意。指其嚮方。一轉移振作間。而應者固若是速也。夫明乎祭之義。則可以治國。使天下知孔子之當祭。則知其道之當行。爲臣必忠。爲子必孝。無不復其性者。擴其端而克之。將不白今日始乎。臣不佞。敢紀成事。用告于來世。若闡揚道德。以彰教化。則奎章宸翰。昭如日星。有目者所共睹。臣何敢贊一辭哉。

嘉靖三年重修洙泗講壇記

翰林院修撰呂柟撰

洙泗講壇在孔里東一里。乃夫子與其徒講道之地也。自夫子沒。子貢葦築塲之。後人專事孔林。此地鞠爲茂草二千餘年。至元戊寅。曲阜縣尹孔克欽嘗修復焉。明興猶新。正德中。盜火其門。殿廡亦敝。嘉靖改元。巡按山東李御史獻洎吳副使山孟。奏議洋。乃議增治而未成。呂參政經督完其事。使使問記修撰呂柟曰。嗟乎。昔夫子永不及時。食不及口。與其徒栖栖皇皇。思以救天下。教萬世者。此地正其本根。乃後之人忽不知事。雖廣建墓石。繁植林木。豈夫子所欲者乎。或曰。夫子之道固

難格于後世。周以來。稱盛時者。非漢魏卽唐宋元耶。斯其代不盡講。而見用者則爲蕭曹房杜。不見用而能講者則爲董王程朱。且講且川而行其私者。則爲禹。雄。林甫。安石。曰。嗟乎。是謂講者未必用。用者未必講。且講且用者。未必于夫子之道益也。且夫子之道。何道也。伏羲之卦爻。炎帝之耒耜。軒轅氏之衣裳。堯之中。舜禹之精之一者也。可以生人。可以秀人。可以阜人。可以壽人。是故能反回之仁。能屈賜之敏。能怯由之勇。能實師之莊。斯道之講於學者也。取時于夏。取幣于殷。取冕于周。取部于虞。斯道之講於政者也。子思子曰。萬物並育而不相害。道並行而不相悖。小德川流。大德敦化。此其實乎。後世見用于時者。或後立而先權。是故道敝於權矣。能講於下者。或後權而先立。是故道細於立矣。且講且用而爲之害者。旣非共學。猶難適道。故權立俱喪矣。今天子之道猶大路也。途亦可通。巷亦可通。有能爲方駕之軌者。亦可通。夫子之道猶大海也。墨亦可取。瓶亦可取。有能爲萬石之甕者。亦可取。是故以容教子桑則可以容教子張則不可以。言教子竊則可以。言教子我則不可。何者。主靜非不善也。施于陸氏之門。蓋其禪。務博非不善也。施于王氏之門。豐其部。故夫子所講之道鮮矣。

故佛氏或得而議我也。故老氏或得而笑我也。故治常少亂日常多也。然則洙泗講壇之修。將斯道可出是而明乎。將夫子之靈其真在于斯乎。將諸君子之舉其亦有志也乎。是役也。總理者同知姚文瑞。督理者訓導呂應祥。將亦與有聞乎。

### 嘉靖四年城闕里記

謹身殿大學士費宏撰

新築闕里城成。衍聖公知德謂茲舉爲國家盛事。不可使無聞於後也。以書來屬宏爲記。闕里與曲阜相去十里。故皆無城。而闕里尤爲孤曠。守望無所恃焉。正德辛未。盜入交。以正月廿七日破曲阜。焚官寺民居數百。虐酷所及。不崇朝。縣治爲墟。是夕。移營犯闕里。秣馬于庭。汗書于池。雖廟宇林墓幸而無虞。然族屬散走。神人震恐。岌岌乎危亦甚矣。監司議遣兵四百來戍。賊衆我寡。又望風輒潰。于防禦固無濟也。維時今按察使潘君珣方以僉事按行東交。謂縣廟必相須以守。盍卽廟爲城。而移縣附之。旬兩決。遂疏於朝。會科道紀功茲土者。亦以爲請。下之司徒。司徒曰。是舉一而兩得。一之下之撫按。撫按各一。境內之事。孰有重于是者。其何可緩。群議既協。詔從之。爰命司空庀工。而令役焉。其

基周八里三十六步。而益以貢郭之田。其版築用丁夫萬人。而取諸農務之隙。其材用爲銀三萬五千八百兩有奇。多出于諸司調餼。而復募高貲好義者助之。經始於癸酉之秋七月。訖工于嘉靖壬午之春三月。視其外。則高牆深溝。與泰山洙泗映帶而榮。視其內。則廟貌公府屹然中居。而縣治儒校行臺分司以及市廛門巷。鄧布環列。雅足以增宮牆之重。而此千百年之缺典。乃今始克舉之。後此千百年。而或有外侮焉。於是乎庶幾無患矣。夫恃而不備。君子以爲莠罪。故勇夫重閉。王公設險。概有不容已焉者也。而春秋書城築數十。傳乃謂凡志皆譏。蓋養民在愛其力。非時與制而輕用之。聖人於此。誠不能無慮焉。然事有至重且急。而關於天下之故。不可以勞民而但已者。故虎牢之城。以曩夏之防所當嚴也。則許之。成周之城。以君臣之分所當正也。則善之。至若闕宮之復。泮宮之修。以宗廟學校爲有國者所當先務。則又錄而不棄。是可以測聖人之深意矣。萬世而下。三綱叙正。而諸夏又安。寔惟夫子之道焉。是賴。顧茲闕里。以廟則通祀之宗也。以學則立教之首也。因盜警而慎未然之防。卽城築以致尊崇之意。在今日惡得而緩。此諸臣之議。天子之詔。所以無忤于聖人之訓。而



遂成千百年創見之功也。宏不佞、無能爲役、幸執筆從史氏後、于國之大事得述焉、故不辭而記之。當是時、與其議者、司徒則孫君交、司空則季君鏐、紀功則給事中柴君奇、御史吳君堂、巡撫都御史則今司空趙君璜、巡按御史則李君璣、在藩臬爲布政使則今司徒秦君金、及按察使吳君學、參政孫君禎、副使王君金、參議閔君楷、僉事盛君儀、蔡君芝、董其役者、則知府童旭、同知李鉞、知縣孔承夏、於法皆率聯得書者也。

隆慶三年重修闕里先師孔子廟碑

吏部尚書建極殿大學士李春芳撰

隆慶三年、闕里重修先師孔子廟成、於時有事、茲役者、以書幣走京師、請記于麗牲之碑。先是嘉靖己未、衍聖公貞幹以廟圯告、撫臺張公鑑業行相度、以財訥而止。旣巡撫姜公廷願、梁公夢龍、河道巡撫翁公大立、潘公季馴、巡按羅君鳳翔、周君詠、盛君時選、謝君廷傑、傅君孟春、蘇君士潤、與藩臬諸君協謀、捐岳祠之香稅、與司之贖、銀得一千六百金、其人役則用州縣過更之卒、而以兗州府通判許君際可董其役、知府張君文淵時督視之。經始己巳仲夏、歲盡而訖工、輪奐規模、視昔若增。左布政使君一元、右布政徐君斌、按察使周君世遠、

君清、左參政吳君承燾、楊君祿、右參政吳君文華、副使潘君允端、鄒君善、周君鑑、黃君澄、孫君一元、徐君用檢、劉君庠、劉君有誠、參議顏君鯨、馮君謙、僉事蹇君達、郭君天祿、葉君憲、高君克謙、甄君敬、皆協贊其成者也。維先師生于尼山、講學于泗上、歿而塋于此。先聖之歿、弟子廬其塚上而不忍去、魯人從而家者百餘室。而魯世相傳、以歲時奉祀、諸儒講禮鄉飲、大射于其間。漢高祖自淮南還、過魯、以太牢祀。其後人主登封、巡狩、無不過而拜祀。我太祖高皇帝龍興、海內干戈未戢、亟命遣祭、詔封子孫、修葺其祠宇。列聖承統、世世增修。今天子踐祚之元年、傳制遣官告祭、車駕臨幸太學、親釋奠。命儒臣講坐、賜衍聖公及三氏子孫衣幣有差。海內慕學之士、喁喁嚮風、孔子之道益以光大、則今之舉、故所以虔奉先師、亦以宣明聖天子之德意、誠不可以無紀。夫今孔子之學遍天下、而深山窮徼皆知誦習其書、其在天之靈、無所不之也。然孟子曰、近聖人之居若此、其甚荀子曰、學莫便乎近其人。蓋孔子歿于有餘年矣、學者至觀其廟宇、車服禮器、諸生習禮其家、有低回而不能去者。故以想像于遠、不若景慕于近之爲切也。諸君子宦于其鄉、知飾其廟、虔奉之矣、其尚知所以學其道乎。

夫孔子之道、非有違于人也、故其教人、恒稱庸言庸德、而性與天道、予貢亦不可得而聞。今之學者、乃高談性命、開畧躬行、務虛名而鮮實際、臨民立朝、動多疵累、遂致排議叢興、斥逐相繼。甚之學士大夫、且以學爲諱焉。夫學也者、所以爲天地立心、爲生民立命、爲往聖繼絕學、爲萬世開太平者也。人不知學、則施于喜怒哀樂、必有不得其正、而天地寒、生民否、絕學無由繼、太平不可致矣。可使之壞亂而不修哉。邠魯之士、固習聞先聖之訓、而吾黨莫不重而誦其詩、讀其書、乃或忽而不察、游心高遠、索之幽眇、虛玄反之于身、或背而馳、此豈待官墻外望、不幾操戈入室乎。士誠不可不亟反之也。予不佞、請以是復諸君、而因以告四方學者云。

隆慶三年重修孔子廟碑

禮部尚書武英殿大學士殷士儋撰

隆慶己巳春、山東巡撫都御史姜公廷、願親詣闕里、覩孔廟頽敝、形議營葺。維時河道都御史翁公大立、巡按御史周公詠、咸相成之。因斥金若干、檄下所司、鳩工庀材、以繕厥事。經始于閏六月二十二日、至十一月告成。諸殿寢門、廡堂閣齋、亭欄、然改觀、其杏壇舊制、則撤而更新、增置石榴重簷、櫺星門之外、稍拓地、紆迴其道、以

遠衢。蓋廟之制、壯麗博敞、稱完美矣。衆謂宜有詞勒石、以紀成功、而屬之於余。謹拜手稽首言曰、粵自鴻蒙肇判、聖喆挺生、義軒而降、洎乎姬公、作者非一人矣。迺孔子獨歸然爲帝者師、萬世無改、豈直以其道德仁義、包舉群聖、金聲而玉振之哉。蓋群聖遜于四海、能以身建太平之烈、然欲令萬世太平、猶一日、則不能也。孔子雖屈於素王之位、而六經刪定、炳炳燦燦、凡群聖相繼治天下之大經、大法咸舉、而筆之于書、使後聖有作、皆可尊用其言、以康乂宇內。蓋自獲麟迄今二千年、而三綱常明、九法常叙、華不沉溺于異、人不淪墜于物、是孔子澤流後裔、亡窮極也。故孔子者、萬世斯道之宗主也。自皇哉、立言闡教之功、與日月俱懸、天壤共敝矣。漢興以後、世主咸知秩祀孔子、而遵用其言、以爲治者、少。故孔子之道、其行于時、有顯有晦、而王化相與爲升降焉。國家稽古立極、于崇奉孔子之典、綦隆大備。爰自九重之尊、下逮里巷、無不師事之。又近而京都、遠而蠻陬、海徼、無不有廟以隆其祀、南面儼然、埒于王者。春秋有事、則遵簠樽俎之儀、象勺枌簋之器、秩秩焉、雖離焉、光耀無前。是自昔事師之盛、未有禮具樂和如斯者也。抑非徒尊之而已、我祖宗開基繼運、咸表章聖經、褒獎儒雅、



儒藏



以文太平。凡廟堂所以經緯大猷、公卿大夫所以襄贊宏議、以至閭閻族師之所教訓、蕃糞武卒之所投習、一唯聖人之言是崇是重。當此之時、上無統制、下無私學、斌斌焉中正之軌立、純白之化流、翦習夔風、不得而雜乎其間。是孔子之道行于時、亦未有昭融朗徹如斯者也。故在前代、治僅小康、而一再傳後、亂葉輒生。今我朝聖聖相承、休德宣暢、純熙沕穆、彌久彌敦。二百年來、君有垂衣致理之逸、臣有奉公守法之誼、士有崇賢尚善之美、民有含哺鼓腹之歡。緇黃之談微于螢燭、蕤夏之限嚴于冠履、玄風丕洽、雅頌聿興、和氣醞釀、瑞福交應。偉哉煥乎、萬世不刊之鴻業在焉、三代以還、莫得而彷彿矣。微夫崇道右儒爲世儀則、以登大化、不亦難乎。恭惟我皇上嗣膺寶曆、首幸辟雍、士林生色、而又帷幄聽講、大廷敷治、游心儲思、一以孔子爲極。其精神意氣、風動景馳、雖在遐方僻壤、亦皆敬應不暇。况乎闕里爲孔子誕毓之鄉、禮義教化所自出也。而廟貌弗臨、觀望闕然、其曷以祇若主上之明德、且非所爲天下倡始也。今諸公有事東土、乃認認焉以作新爲任、工不閤歲、而輪奐增資、神靈攸妥。士儒衣儒冠、揖讓其中、升其階序、恍忽如聞金石絲竹之音。雖縉紳先生之徒、來自遠方者、

亦就其家而覽觀禮器、至於低徊不能去、信乎盛世之榮觀、鴻士之令績也。繼今聖教日廣、帝載日融、揆厥所元、實自魯國開之。則今日孔廟之修、豈惟推行主上文明之治、以率先海內、其于國家崇道右儒之盛、將益光顯、而太平駿烈、永永不替矣。於戲休哉、余不佞、謹記之以俟方來云。是役也、山東巡撫都御史梁公夢龍、巡按御史羅公鳳翔、張公士佩、布政使姚一元、王宗沐、陳璘、陳絳、參政吳承勳、劉孝、龍光、參議潘允端、宋守約、按察使周世遠、吳文華、副使羅良、鄭善、黃埜、周鑑、李汝僉、事襄達、郭天祿、徐炳、葉憲、高允謙、謝東陽、兗州府知府張文淵、朱泰、同知何其賢、通判許際可、包大燿、推官景嵩、滋陽知縣王旋、寧陽知縣秦吉士、汶上知縣趙可懷、皆與有勞于法、得並書。爰系以詩曰：昊穹生民、厥有聖神、體陰法陽、宗主群倫。於鑠宣尼、道隆德博、金玉其成、時惟木鐸。六經刪定、典訓燁然、譬彼日月、朗而行天。流澤鴻龐、以覺來裔、萬祀宗之、血食勿替。巍巍詰王、勃其有與、迪茲令模、大猷允升。皇明御寓、繼聖是式、溥海之內、廟貌有翼。聖道欽只、皇風載昌、文恬武嬉、休有烈光。瞻彼闕里、孔子之宮、崇嘯廣合、靈氣鬱葱。歷年滋多、材朽巧蝕、撫臣曰嗟、惡可弗飾。爰度爰咨、爰興締構、泮工

畢藝不日而就。肆其筵、奕奕其楹、丹雘黼黻、既穆且貞。爰入其門、爰躋其堂、百官具陳、金絲琅琅、厥奠維何、遂以饋饗、神之來臨、既安且喜。章甫戢戢、逢掖翩翩、威儀有楚、載歌載絃。人亦至止、顧瞻徘徊、於帝報功、焯乎大哉。玄靈永輝、萬年有造、人文丕熾、贊我皇道。岱宗靈龜、泗水湯湯、咏詞貞珉、並垂無疆。

萬曆八年重修孔子廟碑

翰林院侍講于慎行撰

粵萬曆改元、天子嗣大歷服、遣使奉圭幣祝詞告于闕里。越四年丙子、天子乃御皮弁、釋奠太學、以率天下、遍聞述聽、彬彬嚮風矣。又越二年戊寅、巡撫山東都御史趙公賢、以行部至曲阜、展謁廟庭、見其堂序齋室多所隳敝、因與監司守長計之、以爲朝廷崇禮先師、尊無與亢、而聖蹟所興、廟貌弗飾、非所以奉揚休德、而昭示永遠也。乃謀于巡按御史錢公岱、共圖營葺、而前巡按御史王公藻、亦嘗登謀於先。至是、兩臺議定、乃下計所司、樅材計程、庀徒揆日、群吏稟式、小大率從。經始於本年九月十五日、凡四月而竣云。夫管窺乾象、無以究其崇卑、圭測坤維、不足明其近遠、何者、氣冒于形、則形之所不遁、道周于器、則器之所難名也。况乎德冠生民、智包

群品、立三才之樞紐、垂萬世之儀形者哉。故子貢以爲終身戴天、不知天之高也、終身踐地、不知地之厚也。至矣哉、擬議不得其形容、隨迎不盡其終始、上智之所難晰、能言之所罕譬矣。夫所謂聖而不可知者、其在是哉。雖然、天不可窺、而日月懸其象、故仰觀者有則、地不可度、而河山麗其體、故俯察者有儀。聖不可見、而六經傳其緒、故彰往而來者有準也。蓋求聖人之緒、則於其燦然者矣。夫其所謂可得而聞者歟。是故二帝三王用六經之實、以陶埴天下、而夫子著六經之文、以垂憲方來。三千餘年之間、上而英君、誼辟以之總理人群、下而哲佐、貞臣以之彌綸丕造、近而經生、法士談誦于聲名文物之場、遠而葵裔、要荒遊行于禮樂衣冠之俗、其顯而可聞者、如日月山河、輝朗昭耀、靡不宣鑒、而其隱而不可知者、如一元之氣、布濩周浹、而無行涯涘。故曰、夫子之道大矣。然諦觀三代以降、其大經大法固粹然列于六藝、而華言小辯猶雜然出于百家、妄意儒者之學、以爲博而寡要、勞而少功、至于道德名法陰陽列而爲六、故其耳目心志不能陶于醇一之源、而其政教風俗無以鏡于粹情之理、此三王靡企、而五帝罔幾也。然則六經之效、其有所未盡白、而夫子之道、其有所未盡用歟。





我祖宗紹天立極、握符御宇、以規萬億于天下。郡邑廣建學宮、頒布經籍爲士程訓、要以統一聖真、屏斥異說。抱冊而遊覺序、則不敢讀非聖之書、操觚而謁有司、則不敢奏違方之語。論學則士直九流、談記則糠粃霸略、是以政教熙明、風俗粹美、湛恩鴻麗、浸潭上下。史緣儒術、民樂絃誦、方內一軌、殊域回面。爰逮我皇上、儲精垂神、執經講藝、以宰制六合、埤堦萬類。於鑠哉、至治之徵、蓋將與二帝三王之盛、合符而較烈矣。是何也、以其純用六經之教、而百家之說不存也。夫德侔太上、則謝施之義雖微、而潤洽群生、則返始之禮有在。夫子之道、其昭融流行、莫有盛于今日、則尊崇之禮宜其綦隆大備、而超軼往牒矣。况水木本源之地、又惡可弗重乎。且是邦也、左則滄溟浩翰、百谷之所朝宗、後則泰岱穹崇、群山之所環拱、而闕宮巍闕、從而雄峙其中、與帝者之居比隆而埒麗、固宇內之盛觀也。今又從而鼎新之、丹雘炯晃、棟宇煒煌、車器畢陳、金絲可聽、士而揖讓其中、不有低回靈跡、慕懷道蘊、思以接聖神之令緒、而宣昭代之洪輝者哉。乃若中丞公保釐綏靖、文教覃敷、侍郎公振飭激揚、風聲丕樹、固將與是舉同不朽矣。至其贊襄于內、則有若左右布政使王公宮用、張公士佩、楊公一

魁、參政余公立、闕公大順、按察使楊公正、副使郭公天祿、周公之屏、以規畫于始、則有若分守叅議查公志立、分巡僉事栗公在庭、沂州兵備僉事劉公應元、而兗州知府周公標、責任之、以督課于終、則有若分守叅議南公軒、分巡僉事詹公沂、而兗州知府朱公文科、實成之、其會計財力、則有若沂州知州李夢、鄒縣知縣馮中州、泗水縣主簿王誥、而專董工程者、則兗州府同知尹言、濟寧州知州掌曲阜縣事孔弘復、及曲阜縣縣丞馮慎動、勞勩雖有大小、總之効力于盛典者云。事成、衍聖公孔尚賢受之以春秋共祀、而郡侯朱公命史于生記之。夫崇文章軌、部使之績也、言時稱伐、史氏之職也、敢叙其始末、以丕揚鴻烈、著之有永。邇系之詩曰、厥初生民、混元載闢、亦有神聖、承天立極、皇風遐邇、帝典弘敷、道隨代遠、化與世徂、大哉素王、降而應運、用集厥成、以彰丕訓。丕訓伊何、曰惟六經、昭晰宇宙、如彼日星、功高列辟、澤流中古、配乾象坤、實維化主、烝嘗九寓、誦習窮埏、師之宗之、於千萬年、於赫我明、紹圖闡繹、崇禮聖師、有加在昔、我皇纘曆、實克繩武、鋪衍文明、肆于下土、百家屏黜、聖統昭明、道之未墜、于是大行、矧時闕里、實鍾光嶽、厥有寢廟、神靈所托、有偉中丞、觀風下邑、翹勤宏宇、

載懷興葺。昭哉柱史。詢謀攸同。則有司存。作于闕宮。鳩材庀徒。工成不日。美與美輪。匪雕匪飾。玉卮彤庭。丹楹畫棟。壁似藏書。堂疑聞樂。不改厥制。而煥厥文。煌煌圭組。于焉駿奔。東控海門。北倚泰岳。與此而三。爲域中大。道于天地。與國無疆。維此諸公。休有烈光。况我魯人有不彙擇。敢勒鴻名。播之無斁。

萬曆二十二年重修林廟碑

禮部尙書于慎行撰

皇上膺錄御天二十有二祀。歲在甲午。山東巡按御史顏川連公標奉命省方。至于闕里。祇謁孔廟。拜于杏壇之輝。仰視者三。繼謁孔林。拜于洙水之陽。環視者三。乃揖諸大夫而諷曰。惟天子祇若典訓。經緯八埏。用茲祀於先師孔子。我二三執事。胥受簡書以來。敷化于東土。茲惟聖作之邑。亦越廟庭林域。自弘治鼎新。以迄于今。歷載滋久。無乃有所頽敝。以褻大觀。若在元聖周公。弘啓國宇。以開厥緒。若在復聖顏子。潛心道奧。以衍厥傳。咸有烝嘗于茲。亦其何可弗飭。時惟我二三執事之責。乃白于巡撫都御史括蒼鄭公汝璧。鄭公曰。咨。時惟予賁中丞奉上明命。撫有大東。罔不惟肅。若聖靈翼襄。文化是圖。曷敢曰執事之不閑。以須異日。乃相與下記所

司使相厥工。計當用金三千。以兩臺之贖銀當三之一。以獄祠之香稅與將作之餘當三之一。以筦庫之美金當三之一。於是策日揆景。庀徒鳩材。以其十之三營于孔廟。乃新殿閣。乃飾廊廡。乃立重城阜門。以象朝闕。楹桷甍櫳之有朽者易之。丹雘髹漆之有墜者塗之。煌煌如也。兢兢如也。以其十之五營于孔林。乃恢享祠。乃泮齋室。乃立石闕六楹。以廣神路。綠垣十里。甃垣千步。有版築焉。兢兢如也。鬱鬱如也。則以其一營于周廟。坊諸其間。勝曰元聖。則以其一營于顏廟。坊諸其間。勝曰陋巷。轍轍如也。翼翼如也。經始于四月二十六日。至十一月三日。厥功告成。霞駁雲蔚。鼎立星羅。埒如鈞天之宮。帝者之宇。於都哉。是繹之岑。若增而峻。洙泗之流。若濬而深矣。宗子上公三姓之裔。以春秋執豆籩于斯。魯之父老諸生瞻仰絃歌于斯。四方之學士大夫躡屣停軌。展禮于斯。咸曰偉哉。聖里之榮觀。以流耀四方。是惟二公之績。亦曰鑠哉。熙朝之盛典。以昭垂萬禩。亦惟二公之績。二公不自居也。曰。不腆司工之役。賴諸大夫之成。何勞之與有。諸大夫乃镌石闕里。使魯人于慎行爲記。辭不獲命。爰拜手稽首而稱曰。粵自昊穹之初。肇立人紀。聖神代作。咸克左右上帝。綏猷兆人。以逮後先師孔



子乘百王之通關六藝之述用能集厥大成而歸萬世與天無極厥後英君詠辟罔不尊用其道以建化原亦罔不恪修厥祀以報本始皇綱帝統之不墜至于今是賴於戲盛哉洪惟聖朝受命尊師重道圖臻上理褒崇之典有加在昔川致重熙累洽之休以及我聖上儲精三五潤色大業亦惟先師之道是訓是行罔敢軼于成憲矧茲聖作之邑風教所先廟貌寢園肅焉如在而使棲禱之屬一有或闕以弗稱昭代精神之禮安所曰執事之不聞以須異日也二公祇承大命照臨魯國既已綏輯萌隸防遏疆圉庶政畢康爰文咸秩又儼然景仰聖哲以崇大此役也允可謂帝臣之上績人文之景運矣於戲懋哉蓋孔子之道得統于周公而顏氏之子能發其蘊以教萬世惟魯之國終始聖賢之迹以有遺烈於自先聖孔子爲先師亦或奉孔子爲先聖顏子爲先師匪不遵厥源流以昭統緒而揆之叙亦少數焉我朝參稽前代更正典禮既薦聖師之號以尊孔子首配享之位以宗顏氏復以二帝三王並稱先聖周公孔子並稱先師而別祀于文華之左室於是道統益明倫教不紊而聖師之所從授與所由傳可考而陳矣今是役也新廟

貌以致嚴飭寢園以妥祀因而擴廟宇之麗拓紹聖之懿使天下後世明于斯道之授受而求諸六經之蘊以永太平之烈所以恢弘聖迹而對揚天子之不赫命實萬世無疆之庥於戲遠哉役之興也度支經費則左布政使中山王公藻右布政使晉陽田公嘯總理工程則分守參政四明楊公德政攝守參議貴陽邵公以仁分巡副使汝南趙公壽祖而河道參政梅公淳分巡僉事李公天植兵備僉事戴公鼎咸樂觀其成而立石焉至于贊襄謀畫則兗州府知府盧侯學禮專董工役則兗州府通判王侯彛吉而署曲阜縣事運司同知孔弘復泗水知縣尤應魯會計於先鄉縣縣丞張東陽滋陽縣典史儲明善分督于下法皆得書既紀其歲月因系之詞曰泰山巖巖群嶽所宗沔彼流水亦朝于東海岱之壤會爲魯國通降玄聖此惟與宅運乘五百道衍三千江河行地日月麗天列辟是師萬世爲士有廟有林於焉終古我明御天興化崇文昭假聖祀跨越前聞廟有祖筵林有雉觀熙洽相承式增輪奐胡成弗虧胡久弗渝不有鼎構以奠神居惟殿中丞保釐東夏侍御省方亦宣文化乃協素志乃稽僉謨經之營之畀諸大夫費不及官力不及役五材雲會群工霧集乃作于廟百

堵干楹、重闢洞啓、屹彼高墉。乃作於林、爲堂爲室、樹之華表、石闕是闕。遐哉元聖、實國于東、爲楹爲桷、有仰闕宮。卓爾大賢、靈宇相望、匪雕匪飾、華彼陋巷。敝者以新、階者以宏、或翼或拱、有師有宗。金絲既稱、簋簠孔饒、靈之格思、終安且懌。神明之裔、小大駿奔、迷迴庶士、罔或不欣。既闕儒風、亦揚帝烈、肅肅二公、德聲有輝。泰山若礪、滄海成田、皇闕聖迹、於千萬年。不取勒貞石、所以爲觀、亦爾極。

萬曆三十一年重修孔廟碑

大中丞晉江黃公克纘撫茲東土、百廢俱舉、諸無暇論。先是、藩屏我東、仰體國家重道之心、俯念後世斯文之統、竊思焉以表章聖道爲已任。闕里之聖廟、寢爲風雨所敝、公作色曰、是斯道之淵源、天下萬世之所係也、可泰越視之乎。於是會議兩臺、忻然捐金二千、檄有司修葺。各有司亦體公之心、敬共乃事。經始于辛丑七月、落成于壬寅八月。重城殿閣、廟應皋門、一如朝制弘敞。至碧甍華棧、瑤階玉祀、丹雘藻漆、視曩昔而有加。猗歟休哉、煌煌乎真足以肅若聖靈、闡揚文化、豈特爲天下一大奇觀也。春秋有事于斯廟、上公宗子三姓雲來、明禋

益虔、祿獻苾肅、祝嘏駿奔、雖離乎禮樂之盛、揆厥所由、中丞之功偉矣哉。乃謙讓未遑、謂諸大夫執事之勞也、不佞其何功之與有。二三大夫相與樂成是役、謀勒之石、以圖不朽、適走幣微記于余。余惟先師夫子之功若德、弗容贅言也。因再拜稽首言曰、粵自鴻濛既闢、聖哲代興、要皆尊居九五、爲社稷蒼生之寄。爰及先師孔子身承六藝、統冠百王、集群聖之大成、以垂憲于萬世。一有聖作物觀、君臨億兆、敢不遵守素王之遺、以資治理者乎。既釐正祀典、黜諸不經、敢不祗修闕里之庭、以肅禮薦者乎。猗歟卓哉、斯道大明、如日中天矣。國朝繼天立極、不顯文明、嚴事先師、卓越前代、重熙累洽、逮及世宗、議禮更化、去人爵之榮觀、昭無文之至敬、表章特隆、崇祀愈盛。以至我皇上恢弘帝業、潤色王猷、用建無疆之祚、莫不尊讓先師孔子之道、克臻上理、猗歟烈哉。予惟中丞公庶政用康、藝文顯秩、維新廟貌、肇造鴻庥、真國家之巨臣、各世之上績矣。予生長是鄉、沐浴聖澤、躬逢盛舉、敢不掄揚。是役也、巡按楊公光訓、嚴公一鵬、後先協議、與公達可捐金共濟、而左布政沈公季文、綜核物力、守道陳公簡、兵道李公士登、兗州府知府石公九葵、通觀厥成、若鳩工勸閔、則曲阜世職知縣孔貞叢躬



臣等竊以張擔典史李騰龍也。例得並書。乃爲之  
錄於錄先師莫之與京百王讓德千古一人厥道維  
何如日中天厥靈維何接楠几筵彼其之子來造于東  
功施洙泗光被鬼蒙聖澤在人萬世無斬砥柱中流賴  
公彌遠。

校記

- ①有十：疑倒。
- ②即：疑當作「既」。
- ③降：當作「絳」。
- ④愚想：疑誤。
- ⑤此句疑有誤。
- ⑥之：疑衍。
- ⑦講坐：疑倒。
- ⑧缺字，雍正《山東通志》卷三五之九作「此也」。
- ⑨缺字，《山東通志》作「漢永平以來，典制代更，或奉周公爲」。
- ⑩缺字，《山東通志》作「秩」。
- ⑪缺字，《山東通志》作「惟」。
- ⑫此句《山東通志》作「魯生不敏」。
- ⑬□亦：《山東通志》作「永示」。

關里廣誌卷之十五

奏疏

漢梅福上封孔子後疏

仲尼之廟不出關里孔氏子孫不免編戶以聖人而歆匹夫之祀非皇天之意也。今陛下誠能據仲尼之素功以封其子孫則國家必獲其福。又陛下之名與天亡極何者以聖人素功封其子孫未有法也。後世必以爲則不滅之名可不勉哉。

唐咸通十年九月二十八日右卿曹漢等州觀察使孔溫

裕請修孔廟奏狀

伏以禮樂儒學教化根本百王取則千古傳風國朝弘闡文明尊尙祀典不違古制大振皇猷今曲阜縣乃魯國故都文宣王廟卽素王舊宅興儒之地孕聖之邦所宜廟宇精嚴禮物具舉。近者以兗州頻年災歉都廢修營徒瞻數仞之牆纔識兩楹之位雖春秋無缺于釋奠而揖讓頗紊于彝章遂使金石之音靡聞于盼蠻俎豆之設常列于荒蕪聖域儒門豈宜堙墜臣忝爲遠裔叨領重藩咫尺家鄉拘限戎鎮望闕里而無由展敬瞻廟貌而有願興功。臣今差人齎持料錢就兗州據廟宇傾毀處悉令修葺皆自支費不擾州縣所需獲遂幽懇克

中私誠伏緣兗州非臣本界須有申奏伏乞天恩允臣所請無任惓惓屏營之至謹具如前。中書門下牒鄆曹漢觀察使牒奉敕鄆曹故鄉俎豆遺教文武之道未墜于地溫裕雖持戎律宛有家風屬兵車之方殷飭聖門以弘教增新數仞廟設兩楹盡出私財不煩公用綽有餘裕益見器能已賜詔嘉獎餘宜依仍付所司牒至准敕故牒。

宋景德三年二月十六日東京轉運使資政殿大學士尙書兵部侍郎知通政銀臺司兼門下封駁事王欽若請勅修孔廟奏狀

諸道州府軍監文宣王廟多是摧塌及其中修蓋完葺者被勾當事官員使臣指射作磨勘司推勘院伏以化俗之方儒術爲本訓民之道庠序居先况傑出生人垂範經籍百王取法歷代攸宗苟廟貌之不嚴卽典章而何貴恭以睿明繼統禮樂方興成秩無文徧走群望豈可泮宮遺烈敬父靈祠頗缺修崇久成廢業仍令講誦之地或爲置對之司泥楮撻于絃歌亂桎梏于遵豆殊非尙德有類戲儒方大振于素風望俯頒于明制欲乞特降敕命指揮令諸道州府軍監文宣王廟摧毀處量破倉庫頭子錢修葺仍令曉示今後不得占射充磨勘



儒藏

司推勘院及不得令使臣官員等在廟內居止。所貴斯文載耀學校。彌光克彰鼓篋之風。川洽舞雩之理。中書門下牒宜令逐路轉運司遍指揮轄下州府軍監。依王欽若所奏施行。牒至准敕。故牒。

宋元祐元年十月十五日中散大夫鴻臚卿孔宗翰請襲封祀廟奏狀

今有管見。雖于臣本家之事。上繫朝廷典禮。臣伏見先臣孔子之後。世襲封爵一人。自西漢以來。有褒成侯之國。魏晉以降。又有奉聖。崇聖。恭聖之號。其名不一。皆有實封。咸以百縑奉祀。聖朝祖宗以來。益加崇封。真宗東封禮畢。親謁儒廟。眷遇隆厚。恩禮備至。貴道之美。冠映古今。然名有未立。必待聖朝而正之。蓋襲封疏爵。本爲侍祠。今乃兼領他官。不在故郡。且承襲之人。皆取嫡長。父死子封。不必有德。朝廷既許居外。何能更戀祖堂。以至于法度不修。庭宇頽敝。恬不爲怪。魯人傷之。欲乞特下有司。講求古今典禮。議其所宜。今後不使襲封之人兼領他職。仍乞別立請俸。終身使在鄉里。如此。則知其不可輕去。必能嚴整祭祀。敦睦親族。上以裨聖朝風化之美。下以爲衰宗家世之幸。

臣寮請世襲給田奏狀

臣寮上言。切以魯中孔子廟貌。國之所常敬。然而錫田之數。不足以昭族人。襲封雖存。未免有事奔走。甚非所以尊崇之意也。方朝廷日新盛德。惟獎名教。仰惟先聖宜極尊崇。伏望聖慈。明詔有司。講求典禮。增錫土田之數。別異世襲之人。使天下四方知朝廷尊崇之意。而于聖化豈小補哉。伏候勅旨。令禮部太常寺同共詳定。聞奏。付禮部施行。本部看詳前代典故。自漢魏以來。莫不封孔子之後。優錫田邑。然未嘗明立制度。故承賜之禮。有時而盛衰。國家褒崇先聖之典。隆厚真宗常賜經史。于其家。使兗州擇儒生講授。有以見祖宗尊奉聖祀。度越前代。今衆寮議。合依所請。釐定典禮。命官以司其用。度立學以訓其子孫。則朝廷崇儒貴道之本意。聞

元祐元年十月程頤修立孔子條制奏狀

一、添賜田并舊賜爲五百頃。設講封爲奉聖鄉。世襲奉聖公爵。以奉祭祀。不使更爲他官。位在中大夫之下。如有高才重德。朝廷必賴其用。卽令嗣子奉祀事。

一、所賜田蠲免稅賦。依鄉川厚薄。召人種佃。其佃戶並免差徭夫役。

一、奉聖公表章凌賁。進奉聖節。並依兗州例。朝廷頒曆賜衣等恩數。並依兗州知州每遇大禮。許入覲陪位。



一、奉聖公差當直兵士三十人。

一、奉聖公宅教授一人、主道製襲封之人、及教導其嗣子。吏部于舉到學官內選差。

一、置官一員、主其家事。或只令仙源縣簿尉兼管。

元祐五年十月四十六代孫孔宗幹請增林戶奏狀

夫子墳林今一千六百餘年、子孫皆葬其間、周圍十餘里、喬木參天。近年以來、多爲盜賊斫伐、州縣既不留意、看林戶又以減省、涿潤之上、藏者傷嗟。方當朝廷全盛之時、天下被其惠澤、鄉仰聖師之地、哀敬如此。臣昔在慶曆中、曾記一事。梁適知兗州日、乞以廂兵代廟戶、又裁減人數。方是時、宰相章得象欲如其請、參知政事范仲淹獨曰、此事與尋常利害不同。自是朝廷崇奉聖師美事、仁義可息、則此人數可減。吾輩雖行、他人必復之。朝論遂已。當時天下以此賢仲淹而鄙得象。疏入、哲宗遂詔如舊。

元王惲請立襲封衍聖公事狀

伏見歷代尊禮孔聖、世有襲封、以奉祀事。會驗國朝自壬辰年間、欽奉聖旨、于南京取到五十一代孫孔元措赴闕、令襲封于魯。自元措之後、嗣襲遂闕。歲時主祀止令曲阜令治承權祀事、甚非大宗主祭之義。我國家尊

師重道、規懼百代、三教九流、莫不崇奉。豈惜一人爵祿、而不議封建。蓋未有舉行者、合無奏開、明考族譜、令宗親推其賢而有德者襲其封爵、仰奉祀事、以明天下風俗之本、實聖代殊常之盛典也。

王惲請敕孔顏孟子孫事狀

伏見國朝尊師重道、德及後裔。其孔顏孟子孫故往者、特設教官使之養育。比年以來、不聞一人有學業聞望者。雖親炙祖庭、其淵源聞見終是寡陋。今後有無選三家德性頗明俊者、使入京師國學、令學士等官教育、庶幾有成、以昭先世之德。

大德四年翰林學士閻中奉請增襲封品秩奏狀

竊惟先聖文宣王之後、自漢以來、襲封公侯之爵、俱有食邑。歷代相仍、至唐宋金、視舊有加。各依品秩、頒支俸給。國朝有天下、累聖崇奉。至元三十一年、今上皇帝卽位、首授五十三代孫密州知州孔治中議大夫、襲封衍聖公、爵一品、散官四品。合得俸祿、未蒙給賜。古者任官然後爵之、位定然後祿之上。自一品下至司縣小吏、俱有俸給。况朝廷崇尚聖人之後、既已頒降宣命、獨領虛名、未霑實祿。豈稱爵祿相須之義。照得前代襲封各兼他職、視其兼職、以爲俸廩之差。今既無兼職、若止視散



官品秩照依隨朝正四品例、每月封支俸鈔、俾之有爵有祿、以奉祭祀、益見明時尊崇聖道之意。

明成化十二年禮部尚書鄒幹等覆疏

臣查得先該國子監祭酒周洪謨題臣聞近日有人建言、或欲加孔子封號、或欲封孔子爲帝、要見聖朝尊重先聖之意、以備一代之制。臣按宋元加大成至聖云者、不過言集群聖之大成耳、初不見聖人化澤流于後世之意。若欲形容聖人道德之妙、化澤之遠、必須以聖神廣運爲詞。蓋大而能化則謂之聖、聖不可測則謂之神、聖神之體配天地而無外、則謂之廣、聖神之用行萬世而不息、則謂之運。此四者惟孔子足以當之。如堯之德非不廣運也、而止于百年、舜之德非不廣運也、而止于一世。惟孔子聖功神化流被萬代、此所以賢于堯舜也。故五代周太祖曰、孔子百世帝王之師。宋真宗曰、人倫之表、帝道之綱。高宗曰、帝王之式、古今之師。元武宗曰、儀範百王、師表萬世。是皆謂孔子之教化無窮、在所當報。而唐儒韓愈亦言、孔子用王者事、巍然當座、自天子而下、北面跪祭、進退誠敬、禮如親弟子者、信哉聖人化澤之不可忘也。至于欲封帝者、宋真宗亦嘗欲封孔子爲帝、下有司議、或言孔子周之陪臣、周止稱王、不當

加以帝號。殊不知夏商周之稱王、猶唐虞之稱帝、因時制宜、非有降殺。是前代之王、天子而稱王者也。後世之王、藩國而稱王者也。若謂孔子周人、當用周制、止宜稱王、不必稱帝、猶之可也。若謂孔子陪臣、不當稱帝、則非崇德報功之意矣。善乎先儒羅從彥論之曰、唐既封先聖爲王、襲其舊號、可也。加之帝號而褒崇之、亦可也。夫禮惟其稱而已、而或者不諭、乃以周之陪臣爲言、豈知禮者哉。臣又按唐玄宗既正孔子南面之位、服其衮冕。宋徽宗考正孔子冠服、加十二旒。金世宗加孔子冠十二旒、服十二章。今聖朝孔子冕十二旒、衣十二章。其冕服既用天子之禮、而遵豆則非天子之制。六佾亦非天子之樂也。如蒙准言、乞敕禮部會同多官計議、或加美諡、或封帝號、皆無不可。如不加封、合無將大成至聖四字、易爲聖神廣運之類。如不封帝、合無表明孔子周人、當依周制。其所封乃當時天王之土、非後世國王之王。况今既有天子冠冕章服、則亦當用天子遵豆、佾舞合無將十遵十豆、增爲十二遵十二豆、六佾之舞、增爲八佾之舞、使天下後世知聖朝尊崇先聖而報其功者、既正以天王位號、復祀以天子禮樂、與唐宋元之所封位號不同、而禮樂亦無不稱也。又樂舞之制、古者鳴球琴瑟

堂上之樂、笙鏞祝嘏、堂下之樂、而于羽舞于兩階。今舞羽反居乎上、樂器反居乎下、殊失古制。仍乞敕禮部、若落典禮樂者、將諸樂居上、舞佾居下、爲當。緣係文廟禮樂事理、未敢擅便。本監官于奉天門題奉聖旨、禮部看了來說。欽此。欽遵。抄出到部。爲照先該國子監學正梁端奏、要加封孔子。本部會同內閣及各部、卻察院、通政司、大理寺、六科、十三道、少保吏部、尙書、兼華蓋殿大學士李賢等、查得洪武三年六月初三日、節該欽奉太祖高皇帝詔曰、夫禮所以明神人、正名分、不可以僭差。今命依古定制、凡嶽鎮海濱、並去其前代所封之號、止以山川本名稱其神。郡縣城隍神號、一體改正。歷代忠臣烈士、亦以當時所封爲實號。後世溢美之稱、皆與革去。其孔子善明先王之要道、爲天下師、以濟後世、非有功于一方一時者可比。所有封爵、宜仍其舊。庶幾神人之際、各正言順。于禮爲常用。稱朕以禮祀神之意。欽此。欽遵。及查得正統十二年三月二十一日、巡按直隸監察御史李奎奏、要加封孔子。本部會同官議擬覆奏。奉英宗睿皇帝聖旨、孔子萬世帝王所尊、已有大成至聖之號。祖宗以來、旣仍其舊、不必增益。欽此。欽遵。天順八年十一月初九日、各官于奉天門題奏、奉聖旨是。欽此。除欽

遵外、今祭酒周洪謨又奏、要將大成至聖易爲聖神廣運四字。臣等切惟聖神廣運四字、出于伯益贊堯之詞。昔宰予謂孔子賢于堯舜、則非贊堯之辭。可盡孔子之美。不若大成至聖四字、出于孟子、中庸、猶僅可以擬議者也。至于所言今聖朝孔子見十二旒、衣十二章、旣用天子之禮、則亦宜用天子之冠。豆、佾舞之數、二節、伏惟太祖高皇帝建都南京、始創國子監、止用神主、不設聖像。故當時祭酒宋訥奉敕撰文、有像不上繪、祀以神主。歷數百年、襲習乃革之。語今國子監所有塑像、皆因前元之舊、不忍撤毀耳。以此觀之、孔子見十二旒、衣十二章、蓋因塑像之舊、亦非本朝之制。而遺豆、舞佾之數、則祖宗斟酌、已有定式。若論孔子之功、當極其褒崇、則雖盤海陸之珍奇、全天子之名器、亦未足以盡報本之誠。所以我朝列聖有見于此、舉因其舊、無所增改、爲此故也。今周洪謨所言、固尊崇孔子之美意、但果有奏准、仍舊事理、况謚號之易否、器數之加否、舉不足爲輕重。所貴于孔子之道、身體而力行之、擴克而推極之、以惠綏元元、保乂邦家、使舉世蒙至治之澤、享太平之福、是乃尊崇孔子之實。聖君賢臣所宜留意者也。所據封號、遺豆、佾舞、俱合仍舊。其要將舞佾居下、合無行移太常寺、詳



考南京洪武永樂年間丁祭舊制定奪奉聖旨是。成化十二年國子監祭酒周洪謨請加禮樂疏

臣近者言孔子封號冕服遵豆佾舞等事禮部尙書鄒幹等奏稱洪武年間新創南京太學止用神主不設塑像今國子監有塑像者不過因前元之舊不忍毀擲以此觀之孔子冕十二旒衣十二章蓋因前元亦非聖朝之制臣以爲不然自古帝王之有天下莫不因所當因革所當革太祖高皇帝正祀典百神封號凡前代所封者盡行革去惟孔子封號仍存其舊天下郡縣皆有元時三皇廟像以民間不可褻瀆亦皆革去惟孔子塑像除南京太學用神主外天下府州縣學元時塑像悉存其舊所因所革皆以定一代之規垂萬世之法豈可謂所革者爲聖朝之制而所因者非聖朝之制乎又謂謚號器數之加否不足爲孔子之重輕所貴乎孔子之道者在身體力行乃爲尊崇之實臣以爲孔子之道不外乎禮樂今欲體孔子之道亦莫先乎禮樂若不備其禮樂則無以將其誠敬報本之義既疎體道之功安在臣今查得唐開元中始封孔子爲文宣王衣被衮冕樂用宮縣當時衮冕之名通乎上下天子之衮冕十二旒十二章一品之衮冕九旒九章宮縣者天子之樂也樂既

用天子之宮縣服必用天子之衮冕是唐之奉孔子者已用天子之禮樂矣宋承五代衰敝之制至徽宗朝始加孔子冕爲十二旒元時孔子廟貌徧于天下皆冕十二旒衣十二章聖朝孔子冕服遵豆樂章悉因元制然而冕服既用天子之禮而佾舞則用諸侯之樂以禮論樂則樂不備以樂論禮則禮爲僭禮既不明樂又不稱孔子在天之靈必所不享夫禮樂之因于前元者既有缺略則法制之明于聖朝者當爲釐正若事因循不加釐正後世君子必見非笑如蒙准言乞敕內閣大臣并六部三法司六科十三道等官計議首則正其封號合無表明孔子周人當用周制其所封乃當時天王之王非後世國王之王故從前代以來皆用天子冕服封號既正則冕服與封號相稱而禮不爲僭矣次則增其器數合無將十遵十豆增爲十二遵十二豆六佾之舞增爲八佾之舞器數既加則舞佾與冕服相稱而樂不爲缺矣禮明樂備則可以格神靈可以厚風化可以補前代缺略之典可以備聖朝尊崇之制奉聖旨尊崇孔子是朝廷盛典准他奏遵豆增爲十二六佾增爲八佾通行天下該衙門知道

弘治元年太子太保吏部尙書王恕請奠幣三獻疏



昨見禮部行來皇上幸太學儀注內開釋奠先師孔子迎神皇上兩拜陪祀官亦兩拜分獻官却各詣大成殿陛東西階下向北立不拜送神皇上兩拜陪祀官亦兩拜分獻官却出殿門外東西向立亦不拜臣以爲皇上拜陪祀官亦拜獨分獻官不拜恐非禮也臣又見禮記有曰凡始立學者必釋奠于先聖先師及行事必以幣註云行事謂行釋奠之事必以幣必奠幣爲禮也言始立學而行釋奠之禮則用幣四時常奠不用幣也今釋奠儀注止開獻一爵而不奠幣故臣以爲釋奠當奠幣爵亦當三獻乞下禮官會議該禮部議奏奉聖旨分獻官拜禮准行其餘只照舊欽此且臣言用幣者是據禮經而言非無稽之言也或以爲天子視學不爲祀先師孔子只可行釋奠禮不必用幣爵亦不必三獻臣又以爲我朝列聖卽位各止耕籍田一次幸太學一次釋奠之禮既用牲用樂而獨不用幣既行分獻禮而于先師孔子前止獻一爵豈非缺典又且差官取孔顏孟三氏子孫前來使之觀禮賜紵絲衣每人一套又賜宴又賜國子監祭酒司業紵絲羅衣各一套學官三十餘員每人紵絲衣一套又賜在廷大臣宴于奉天門所費頗多何獨于先師孔子而吝幣哉若謂此舉只爲幸學不

爲祀先師孔子且如耕籍田亦只是爲耕籍田非爲祀先農也如何祀先農奠幣行三獻禮而獨于幸太學釋奠之禮不然况祀先農行各衙門齋戒太常寺光祿寺又奏省牲而釋奠之禮既不齋戒又不奏省牲何詳略之不一如此蓋未之思也臣竊惟皇上卽位勸農勸學之禮止行一次其禮皆當從厚昔太宗皇帝將幸太學命禮部詳議禮儀尚書鄭賜言宋制謁孔子服靴袍再拜太宗皇帝曰見先師禮不可簡必服皮弁行四拜禮其事在諸五倫書人以爲太宗皇帝尊師重道之意超越宋之諸君遠矣今陛下釋奠先師體此祀先農之禮而行之似不爲過異日載諸史冊傳之千萬世豈不爲盛美之事哉伏乞敕禮部集議明白奏請定奪而行之以成萬世不刊之典不勝幸甚奉聖旨尊先師當以禮既成化初年有所舉只孔子前加幣用太牢改分獻爲分奠其餘儀物照永樂年例行

弘治九年太常寺卿崔志端請加樂疏

天子之樂該用樂器人數七十二名先師孔子原舊樂生四十六名同天子之樂該添樂生二十六名等因到司案呈到部看得禮備樂全誠爲盛世之典况舞佾既增樂亦須稱合行太常寺將先師孔子祭祀合用樂器

人數照數增益。其樂器如有缺少，合行該衙門置造，及通行天下照例施行。禮部尚書倪岳等題覆奉聖旨是。弘治十二年山東巡撫都御史何鑑報火災疏

據兗州府僑曲阜縣申弘治十二年六月十六日夜子時雷雨交作，火從宣聖家廟東北角上起，延燒家廟五間、齋廳五間、東廡二十八間及寢殿七間、二世祖伯魚廟三間、三世祖子思廟三間、西廡二十八間、大成門五間、植檜一株、太祖高皇帝詔旨碑文并樓、太宗文皇帝御製碑文并樓，遂延燒大成殿七間、東便門六間、西便門六間、大成殿東小便門三間、西小便門三間、寢殿東西兩便門共六間、啓聖殿五間、毓聖侯廟三間。風消雨止，火方救息。通計燒毀殿廡等房一百二十三間。

弘治十二年太子少保禮部尚書徐瓊等覆修廟疏

臣等切惟孔子之廟，闕斯文之運。今孔廟之災，當雷雨大作之時，實天道之變也。聖人在天之靈，必有所不安。宜當從容修造。况燒毀房屋間座數多，山東地方連年工役不息，衙府甫完，涇府又在用工之際。若欲即便蓋造，則非惟材力不及，亦非所以警天災之意。本部欲行巡撫山東都察院右副都御史何鑑親詣被災處所，相計該造殿宇、廊廡、碑亭等項房屋，定擬間庭規模，將合

用木植、甃石灰瓦等件，并匠役人夫，通行計算明白具奏。候材料措置將有次第，然後奏請擇日興工，則事不至于欲速，工亦易于就緒。仍行孔氏子孫痛加修省，以警天戒，以回天意。奉聖旨是。

弘治十七年山東巡撫都御史徐源建廟落成疏

山東修建闕里廟庭僉事黃綱提督修建親詣工所，督匠作，照依原擬規制間數，大成殿九間、寢殿七間、俱兩簷、大成門、家廟、啓聖殿、金絲堂、詩禮堂各五間、兩廡連廊共一百間、啓聖寢殿三間、神廚二十四間、庫房九間、碑亭二座、衍聖公齋宿房十二間。逐一修建完備，財用有餘，物料充足，官私竭力，工藝盡巧，堅美雄壯，視昔有加。及照奎文舊閣梁柱短小，規模不稱，呈明本院，亦已造完七間三簷，堅固闔敞，堪以儲蓄經籍。再照廟傍原有毓粹觀德二門，以通出入，緣逼近廟臺，街路短促，不稱趨謁。今于前門少北各建東西門一座三間，扁曰快觀仰高，謂廟入門者，仰觀深遠。又前門并二門，原止三間，今改建大門、大中門各五間，與廟宇前後掩映，相稱。橋梁皆級煥然鼎新，杏壇碑額亦加彩繪俱完。通計約用料價、工食等項銀兩共該一十五萬二千六百餘兩。臣等親詣闕里，看得規模壯麗，工藝精緻，比昔迥異。



足稱瞻仰。會同巡按山東監察御史陳璘議得先師孔子道冠古今。垂憲萬世。廟宇之災雖一時之屯厄。恭逢皇上御極。崇儒重道。褒修報功。鼎新修建。起萬世之觀瞻。今工既落成。伏乞御製宸章。勒之堅珉。以紀一代成功之盛。更命館閣儒臣。捧敕祭告。以妥一聖眾賢之靈。奉聖旨。該部知道。

弘治十七年。太子太保戶部尚書兼謹身殿大學士李東陽請書刻御製碑疏。

該巡撫山東都察院左副都御史徐源等奏。闕里孔子廟修建落成。續該禮部題請御製碑文。遣臣祭告。臣竊惟修建孔廟。朝廷重事。而御製碑文及遣祭祝文。尤陛下隆師重道之盛心。是宜刻之金石。以昭示萬世。但本廟僻在一方。恐無善爲楷書之人。不能揚厲宸章。有孤恩典。臣奉將使命。事體相關。乞令制敕中書舍人喬宗齋捧前項御製文字。往彼書寫上石。仍乞帶領工部文思院副使閻傑。就彼鐫刻。事畢之日。卽令回京。該部通行照例。應付庫給脚力。奉聖旨。都准他。該衙門知道。

正德七年。巡撫山東都御史趙璜請移縣築城疏。  
分巡東兗道龔事潘珍呈。正德七年正月初七日。響黑強賊約有一千餘騎。自鄒縣地方流來兗州府東關外。

割營。繞攻東門。臣督率府衛兵快市民人等。極力防守。追捕間。前賊突至曲阜縣。將公廨并四街官民房屋燒燬三百餘間。殺傷民人。擄掠婦女。當夜到于孔廟駐劄。次日。往東北泗水縣去訖。臣照得宣聖廟在兗州府東北二十里之外。地方曠野。原無城郭節次。流賊往來。在彼作踐。所幸廟貌無虞。近雖撥有靖海衛存標官兵四百員各看守。但賊勢衆大。官軍數少。賊至則聞風奔散。賊退則在彼偷安。徒爾糜費月糧。于事分毫無益。况曲阜縣去廟不滿十里。今該縣廳堂并城中居民房屋。又皆被賊燒毀。十無一二。合無請乞敕部議處。起此縣治殘毀之餘。廟貌猶存之際。將曲阜縣治移徙廟傍。周圍量築城池。以備防守。庶廟貌縣治俱可以遠保無憂矣。奉聖旨。該部看了來說。戶部尚書孫交等。工部尚書李璉等各覆題。既經勘議明白。合依所議。將曲阜縣治移就闕里廟庭一處。

嘉靖五年。少保兼太子太保禮部尚書席書題。優免樂舞生疏。

山東兗州府濟寧等州曲阜等縣南城崇聖等籍仲穆等奏。稱臣等充宣聖廟樂舞生。自洪武七年十一月。奉禮部咨。填內府湯字三十二號勘合。爲釋奠事。內開宣





聖廟四時祭祀合用樂舞生。于府州縣儒學生員內遴選。或于民間俊秀子弟內選用。取到濟寧、曲阜等州縣樂舞生張濤、陳慶等一百二十餘名。內將二十名起送太常寺協律郎處習演樂舞。蒙欽賜寶鈔回還。常川在廟俱照廩膳生員事例。除本身優免。供給人丁二丁。專一習演樂舞。聽候四時致祭。成化十二年間。該國子監祭酒周洪謨奏。為增加文廟禮樂事。奉聖旨。尊崇孔子是朝廷盛典。准他奏增樂舞為八份。加遼豆為十二。增添樂舞生李整等八十名。通行天下。欽此。弘治九年間。該太常寺卿崔志端奏。為陳言時政事。奉聖旨。是。准。令。添樂舞生二十六名。俱照前例優免。其間老故。准令各生弟男代替。如無相應。照例取補原額之數。以備應祭。欽此。正德六年間。各該州縣里書求索不遂。將樂舞生供給人丁革去。一槩科派。重差累極。正德十三年。該樂舞生楊嵩等奏。為陳情懇乞天恩。遵照舊例。優免雜差事。奉聖旨。是。准。照。舊。優。免。欽。此。至嘉靖三年。遇例審編。均從該里書圖利不遂。將冊內樂舞生供給人丁一槩編派大戶馬頭等項。重差。見今負累不前。臣等因無供給。每遇大祭。艱難萬狀。不能應役。以致宣聖廟祭大成樂章不能全設。伏望皇上。垂念累朝頒降盛典。乞敕禮部

轉行撫按衙門。將臣等原設供給人丁。照舊優免。庶不孤聖朝崇重之盛典。奉聖旨。禮部知道。欽此。看得樂舞生優免供給。既有前項舊例。相應遵照舉行。候命下之日。移咨都察院。轉行撫按衙門。行令司府州縣遵行。奉聖旨。是。

嘉靖九年大學士張璁題正祀典疏略

先師孔子有功德于天下萬世。天下祀之。萬世祀之。其祀典尚有未安者。不可不正。臣謹采今昔儒臣所議。上請聖明垂覽。仍行禮部集議。一洗前代相習之陋。永為百世可遵之典。奉聖旨。孔子祀典未正。久關朕心。將欲命議。覽卿此奏。考論精詳。駁實名分。崇師尊道。足見至意。禮部便會同翰林詹事府。春坊。并國子監。禮科。議擬來說。時翰林院編修張家一本。慎祀典以隆盛德事。翰林編修徐階一本。慎祀典以彰盛德事。河南道掌道事御史黎貫等一本。陳愚忠以祀典禮事。禮科都給事中王汝梅等一本。獻末議以祀典事。俱辯論孔子不當去王號。禮樂不當減數云。

嘉靖九年行人司司正薛侃奏請重文廟正祀典以敦化理疏

孔子之道。垂範百王。故文廟極尊崇之典。而曲阜又謂里之地。臣奉使魯。目擊其弊。故考祀典。謹陳七事。伏惟俯賜採納施行。一。闕里孔林所在。天下臣工行過。充



州府者、便道拜謁、夫馬送迎、類有疾首蹙頞之容。訝而問之、咸曰、曲阜十六里耳、半爲孔氏、以免其役、則是以八里之民、而當天下之士夫、奈何不困瘁而弗堪乎。議者謂曲阜尚有二夫二馬十五驢出、站他縣驛之差、可以取回、或行撫按官員從常議處、協濟務使士夫得展其誠、邑民不受其累、則先師之靈慰而尊崇之意盡矣。一、曲阜文廟前築高垣、但從傍門出入、問其故、爲大中門開、則過者未免下馬、故築塞以便之、夫便士夫之與馬、而塞文廟之正門、其可乎。請亟行改正爲宜。一、從祀兩廡、禮皆左右列坐、惟兗州府有北面朝坐者。臣竊見國子監東廡自劉向而下、西廡自孔安國而下、亦皆北面朝坐、則禮失不但一處。請通行釐正、自國子監始。一、從祀如公伯寮、家語不載、弟子又恕子路于季孫、是聖門之賊也。及秦冉、顏何、皆不見家語、均去之可也。如漢馬融、自設絳帳、前授生徒、後列女樂、如融不行罷祀、害道傷教甚矣。一、顏曾、思、孟配享于堂上、而顏子之父無繇、曾子之父黜、子思之父鯉、皆坐堂下、揆之人情、大非所安。愚請別爲一室、以祀三子之父、庶不失理一分殊之義矣。一、宋儒陸九淵生而清明、學術純正、自孟子歿而心學晦、至宋周敦頤、程頤、追尋其緒、九淵繼之心學

復明。今諸儒皆已從祀、而九淵獨未從祀、蓋以蚤歲嘗與朱熹論說不合、故其徒遂擠之爲禪。如九淵者、乞賜贈從祀。一、翰林院檢討陳獻章、博而能約、不離人倫日用、而見心飛魚躍之機、雖無著述、其答人論學教書已啓聖賢之秘鑰。伏乞將獻章賜從祀、以彰我皇朝之盛。奉聖旨、這本所言、禮部便照前旨、一併會議更正。本朝儒臣待公論定後再議。

嘉靖十一年禮部尚書夏言題議幸學以興教化以全文治疏

先該本部題奉欽依嘉靖十二年三月十三日聖駕臨幸太學、釋奠先師、所有孔、顏、孟子孫、例該行取赴京、至期迎接聖駕、陪祀行禮、照得衍聖公孔開詔及翰林院五經博士顏從祖、孟公肇、合無本部差官馳驛前行、取及另取孔氏老成族人五人、顏、孟族人各二人、仍照例一同馳驛前來供事。奉聖旨是。歷朝幸學俱行取襲封衍聖公孔開詔題請修理賜第疏

伏念臣自父祖以來、荷蒙累朝厚恩、賜宅一事、初在東城、後改中城地方、俱因狹小、又改賜今宅、坐落小時雍坊之北。臣恭遇萬壽聖節、赴京慶賀、即在本宅住居。但歷年既久、木植牆壁俱各損壞、以致房屋滲漏、風雨不

蔽去歲臣嘗自行修葺中房三間所有門房餘房一應  
墻壁之類臣實力不能給若不及時修理誠恐礙以廢  
隆將無以昭盛世重道之鴻庥亦且有孤列聖崇德之  
大典伏望皇上敕下工部量加修理使臣赴京有所依  
庇則如天之恩加重于先朝向日之誠益切于沒齒矣  
奉聖旨工部看了來說該工部題覆依擬修理

嘉靖三十一年襲封衍聖公孔貞幹奏請祭墓疏

臣妻張氏已蒙授封夫人近于嘉靖三十年七月二十  
六日在家病故竊念臣草茅賤士仰承先廕世受國恩  
感戴鴻慈慚無補報仰惟皇上至仁如天澤及槁骨臣  
祖父及祖母前母李氏病故俱蒙累朝卹典一體遣官  
諭祭塋墓臣妻病故伏望皇上一視同仁敕下禮部查  
例奏請准賜祭墓奉聖旨禮部知道欽此本部查有前  
例與祭二壇翰林院撰文仍照例差行人一員前去致  
祭及行工部照例差官造墳塋墓等因題奉聖旨准照  
例與祭墓

每代俱奉卹祭  
墓文不備錄

嘉靖三十五年至聖廟奎文閣典籍錢汝芝題敦舊典優  
禮樂以光聖道疏

臣竊念先師孔子道德隆盛祖述憲章功垂百世自漢  
唐宋以來尊崇代有懿典迨我聖祖起而修文光構詔

天下建立文廟王祀春秋仍頒賜大成樂章設官典司  
用敷奏于登歌之日以成先師之享者豈徒爲闕里之  
榮哉實所以報德報功之懇懇也爰及皇上再開道學  
更名正位一新制度則超越百王發先聖所未發於孔  
子益有光矣奈何有司罔體聖心蔑視規制于樂舞禮  
生雜泛差得事例一概裁革復編重役致各逃流他郡  
使至聖廟庭無人供役禮壞樂崩如此豈盛世之所宜  
有哉查得洪武成化等年該禮部簡尚書國子監周祭  
酒太常寺崔卿等官題奉欽依孔廟樂舞禮生于山東  
隣近州縣生員及民間俊秀子弟遴選備行濟寧曲阜  
等州縣選取樂舞生連英等禮生陳慶等起送太常寺  
演習樂舞禮度熟閑復蒙欽賜寶鈔發回孔廟供祭俱  
照廩膳生員事例優免本身仍恤供丁二丁以資供贍  
著以爲例至正德十三年吏書因索不遂朦朧混編民  
差該樂舞禮生楊嵩仲穩等奏蒙禮部毛尚書查例覆  
題奉聖旨准照舊例優免欽此欽遵外至嘉靖十八等  
年吏書仍違明例作弊科差又該樂舞禮生連繼文陳  
思齊等奏蒙禮部方尚書等議得崇重先師乃國家盛  
典况查有前例相應遵照舉行覆題奉聖旨是欽此欽  
遵備行山東撫按衙門遵照優免本身并供丁二丁雜



泛差徭、造冊繳納、各給帖文執照外。不期近年有司挾侮聖之心、縱吏胥之奸、將樂舞禮生均編派以馬頭大戶、快手、庫夫、門皂等項重差、負累過重、樂舞禮生止存二十餘名、使大成樂章棄廢不講、有辜列聖佑文之盛心多矣。且以累朝遵行之典、一旦創述于斯人之手、何爲也哉。卽欲殺禮節用、臣固知皇上之心必不肯以天下儉也。臣竊謂天下不可一日無斯道、不可一日無孔子。彼有司何人、乃輒違明例、廢棄禮樂、獨敢負萬世之義耶。伏望皇上軫念先師扶持世道之功、用培植生民之命脉、申明舊例、敕下禮部、轉行山東撫按衙門、照舊例一體優免、俾得專意講習禮樂、以供至聖廟祀。則斯道幸甚、天下萬世幸甚。奉聖旨、禮部知道。

萬曆四年山東撫按會題遵例朝覲以一法紀以勵職守疏

曲阜知縣舊係孔氏世職、不與黜陟、以故不在應朝之例。然官守因是收壞、而縣治幾廢、惟其無所懲勸之故耳。邇幸聖明、允吏部之議、行令前撫按官暨提學道遴選孔族生員之才者、得孔弘復始授之任、而又欲聚其治行、嚴其黜陟、如流官事例。蓋于厚聖裔之中、又有飭吏治之意、以故弘復上畏國法、下守家學、日以奉公修

職、潔已愛民爲事。以是曲阜之民莫不傾心愛戴、稱頌其賢、而逃移遂多復業、賦稅悉完。是誠無忝于先師之裔、而尤副夏收之選者也。除俟任久政成、兩院奏薦陞用外、所據乞要遵例入覲一節、司府會議咸謂其宜者。蓋以本官既應在黜陟之例、縣治又設有佐貳之官、則述職大典、誠不容以獨廢。相應題請、以便遵守。伏乞敕下吏部、再加議覆。奉聖旨、吏部知道。該吏部題覆、依期應朝、聽候考察。以後永爲遵守。奉聖旨、是。

南京刑部尙書王世貞請復孔廟舊典訂定從祀疏  
臣自束髮而從諸生後、誦法孔子、髮今已盡白矣。竊觀聖道炳如日月、愈久愈新。卽自漢唐宋以迄故元、而隆崇之典亦愈久愈盛。我高皇帝因仍無改、且式廓之。至憲孝二朝、採賢臣王恕、周拱誨等議、舞佾則益而爲八、遵豆則益而爲十二、盛矣極矣。蔑以加矣。世宗皇帝下明詔、易像爲主、易王稱師。此萬古獨信之真、足破迂儒淺陋之見。然其意未常不欲致其隆崇、而一時輔臣禮官以言禮驟貴、曲加迎傅、遂至舞佾遵豆之數皆有所裁損、下僅同諸侯王、而大成殿名更爲先師廟、上不得與釋道並、紳衿之士入與駿奔、色沮而不敢言者六十餘年矣。天下後世不免有所窺見、以聖主隆師重道之盛

心附末世尊君卑臣之微指。臣竊以爲奉行若之過也。今幸觀禮樂將興之會。當議論無諱之朝。若不以時改正。後復何與。爲此冒昧上請。乞下禮官及館閣大臣會議。除本主師號外。其餘一切光復。其于聖化。不爲無補。臣又考得廟祀所謂四科十哲者。蓋孔子偶追陳蔡之厄。思不及門之士。而記者追列其人耳。不然何傳道若曾子者而不與也。顧使宰予冉求濫竽其間。竊所未曉。夫宰予相齊。身中田常之難。史傳所紀。雖不盡覈。而朽木粪土之請見鄒聖門。短喪自便之私得罪名教。冉求爲季氏陪臣。聚斂以益其富。鳴鼓之攻。非徒之責。禦平霜斂。陛下方以孝治天下。故追咎權相之奪情。以廉勵百僚。屢斥有司之掊克。而予求于臣子之倫。何如萬世之論何如。乃使之偃然于大聖一堂之上。與顏閔比肩。何其謬鑿不倫至此也。臣以爲降置兩廡。必欲補十哲之缺。則有有若南宮适二子。其言行蓋爲純淑。庶可從顏孫師之例。進補臣又考得嘉靖九年。於從祀諸儒有所進斥。固極精當。然所進歐陽修者。文章士也。其行誼政術亦在中上。獨常議摘易繫。非聖無法。而驟貴之臣。祇以其所著漢議徵合新禮。遽登從祀。臣以爲登歐陽修不如登范仲淹。力振綱常。首扶神氣。又能于戎馬倥

傖之際。以中庸誨引張戢。俾成大儒。仲淹之賢。視歐陽修何啻倍蓰。合無併將臣前後所言進斥四科十哲及兩廡諸儒。命禮官館閣大臣會議。定奪。庶幾聖道益隆。聖德益顯。臣本腐儒。竊觀追隆孔子之典。屢益于累代。而驟損于盛朝。不無有慨于中。及抵南京。嘗以春秋丁祭。顧瞻廟貌。徘徊堂廡。私心遙遙。忤忤。如有所失。敬披肝膽。一得之愚。遂忘尸祝越俎之戒。陛下采之公議。歸之獨斷。臣不勝幸甚。斯道不勝幸甚。

天啓元年禮部題覆天潢之俊。宜賓至聖之後。須達疏。該雲南道御史李日宣題前事。奉聖旨。該部酌議具覆。欽此。隨該禮科抄出到部。送司案呈到部。看得天潢日衍。宗祿日誦。通四民之業。開宗學之科。諸臣議之不啻諄且久矣。而奉行不力。臺臣有慨于中。首議宗學。以爲資格難破。宗學漸輕。夫資格之當破也。第無以宗生之新收。占寒士之舊額。應于填榜之時。總查各經房取中宗生若干名。卽于原額外增若干。偶遇乏才。亦必擇其文理稍通者。中式一名。以示亢宗盛意。而宗學不令而自重矣。若一登賢書。卽止歲祿。及其出仕。止任外官。則臣部先經具題。再一申明可也。其東魯後裔。向來原無禁令。而登進未嘗數見。蓋不知明經歲薦之有定額耳。

今天下奉先師之遺教者雲蒸霧縠、師濟盈庭、而衍先師之世裔者威鳳祥麟、一二僅見、水源木本之謂何。臺臣所謂扼腕而亟請者也。應于與榜之時、總查各經房有無孔氏中式、如其無人、通取該學之卷、當堂公開、亦必擇其文理稍優者中式一名、以加于東省原額之外。如是則三年所優、不過一人而止、而可以明報功之典、新右文之治、豈有虧焉。夫此二議、非臺臣一人之言、乃天下人之公言、願皇上之亟俞之也。第宜申飭各宗學、及曲阜縣四氏學諸生、既與寒士並列賢書、應與寒士共遵法守、毋倚天潢、勿侈世祿、勉爲明經修行之儒、不貽蕩檢踰閑之誚。庶幾作人之中、不失衡文之意、而較藝之場、兼收敦行之實。此臺省與臣部各效其區區、並乞皇上宵覽、臣等幸甚。奉聖旨、宗生并聖裔中式名數、准加于額外、但不必拘定一人、致滋多碍。

天啓元年六十五代孫翰林院世襲五經博士孔胤植題請准襲公爵疏

臣五十六代祖孔希學、蒙太祖高皇帝特恩、襲封衍聖公、歷代沿襲、不聞外傳。至六十一代高祖孔弘緒、于景泰六年十二月襲爵、至弘治十六年、有病未故、臣曾祖孔聞韶卽先于本年襲爵。至嘉靖三十五年二月內病

故、臣祖孔貞幹隨卽于本年襲爵。三十五年七月入賀、至八月在京病故。欽命禮部右侍郎袁緯論祭、復遣行人何燧護喪歸墓。臣繼父孔尚賢亦卽于本月內襲爵。生有二子、長胤植、欽依冠服、長子。次胤桂、襲授翰林院五經博士、俱無嗣蚤故。臣係嫡次枝嫡長親姪、承繼前來咨送吏部、襲授翰林院五經博士、聽襲公爵。今臣繼父尚賢不祿、于本年十一月二十五日病故。臣隨報喪、奏請暫管府事、護守印信外、所有公爵、例應承襲。查得臣高祖曾祖父有未故先襲者、有病故卽襲者、蓋以慶賀大典、職守奉祀爲重、故先襲爵、後守制、已成舊規。况聖駕明年幸學、臣若不及時奏襲、臨期陪祀乏人、殊爲闕典。伏乞敕下吏部查例覆請、俯准臣襲封公爵。奉聖旨、吏部知道。

天啓五年太子太保禮部尚書兼翰林院學士林堯俞題覆聖裔觀禮疏

准襲封衍聖公咨據族行人司行人孔聞譟、吏部辦事進士孔聞詩呈稱、累朝視學大典、除欽取族人之外、凡屬名士籍者、皆得乞恩觀禮。今聞譟見任京官、聞詩見觀部政、懇乞咨部題請、隨班觀禮。緣由到部。案查萬曆四年貢生孔弘祖、顏弘乾、廷試到京、各告稱陪祀、准





令行禮。蓋視學盛典。凡在廷臣子。無不矯首橋門。欣瞻勝事。况二臣衍派聖源。際風雲而依日月。觀光之念。豈獨後于他人。宜令孔聞謨。孔聞詩。列于五經博士之末。一體行禮。所有欽賜紵絲衣各一套。一并頒給。恭候命下施行。奉聖旨是。

崇禎元年。太子太師吏部尚書房壯麗題授學正疏。

唯太子太保襲封衍聖公。咨開孔子三十三代孫德倫。唐封襲聖侯于河南寧陵縣。敕建祖廟。頒賜祭田。正統九年。詔遷儀封。嘉靖十四年。奏授六十代孫孔承實世襲國子監學正。主守廟祀。會典憲章。縣志家誌。可據。承寅病故日久。廟祀不可缺人。今據儀封族長孔弘望。闔族生員孔尚行等公舉。并該縣申結到府。查得大明會典一款。凡襲封衍聖公府官屬人員。宜從衍聖公保舉來用。欽此。看得六十四代孫儀封縣學生員孔尚林。謹持家訓。學行俱優。查係嫡派。相應承襲。合咨題授等因到部。既經衍聖公照例咨會前來。相應題請。合無將孔尚林襲授國子監學正。管理祀典。恭候命下。臣部給憑行令到任管事。奉聖旨是。

國朝

順治元年。巡撫山東等處地方督理營田提督軍務都察院右僉都御史方大猷。崇聖學以培人材。啓

臣奉

令旨。隨撫出都時。恭陳平定山東十二要策。內第七款。爲先聖孔子。萬世道統之宗。本朝開國之初。禮應敕官崇祀。復衍聖公之封。可卜國祚靈長。人文蔚起。迄今未見舉行。謹詳列歷朝恩例。以備

殿下採攷而行。此天下仰爲盛典。後世傳爲美治。萬不可

再遲也。伏候 聖裁。

一、公爵。孔子嫡孫自秦始皇封孔鮒爲文通君。歷代封爵不一。史冊可考。至宋仁宗始封爲衍聖公。歷金元至明洪武二年。仍封爲衍聖公。賜正一品服色。麟袍玉帶。三臺銀印一顆。列文武班首。歷傳不改。天啓二年。衍聖公孔胤植加太子太傅。

一、衍聖公長子至十五歲。照勳衛例。欽依二品服色。

一、博士。衍聖公長子既襲公爵。其次子至十五歲。則襲翰林院五經博士。以主子思子祀事。第三子則襲太常寺博士。主汶上縣聖澤書院祀事。每隨一代公爵遞爲更授。





一、知縣。天下州縣皆用流官。獨曲阜用孔氏世職者。蓋以大聖之子孫。不使他人統攝之也。其官由本爵保舉。生員德行兼優者。授職五年任滿。照例升轉。

一、學錄。天下學官皆用教諭。獨四氏學用學錄者。蓋以比隆國學。而聖賢之子孫。不與他學同也。其官亦自孔氏生員中德行兼優者。由本爵咨部除授。

一、尼山書院。乃孔子發祥之地。亦設學錄一員主祀。其官本爵咨部除授。

一、洙泗書院。乃孔子闡教之地。亦設學錄一員主祀。其官本爵咨部除授。

一、管勾典籍司樂。明洪武元年。欽設管勾一員。管五屯錢糧。典籍一員。管書籍禮生。司樂一員。管樂舞生。俱秩視國子監。另設知印。掌書書寫。奏差各一名。管印務文移繕寫差遣之事。以上皆由本爵保舉。咨部銓用。

一、屯田。孔廟祀田。歷代各有欽賜。至明洪武二年。欽賜祭田二千大頃。坐落交屬二十七處。其界段號數。誌册可考。近則土地荒蕪。佃丁逃亡。幸際聖朝。伏興新恩。一、樂舞生。孔廟每年四時祭祀。樂用宮縣。雜用八佾。額設樂舞生二百四十名。于充屬二十七州縣。遴選俊秀子弟充之。其本生差徭。與原膳生員一體優免。仍蠲本

戶人二丁。以供本生往返盤費。

一、禮生。孔廟每月朔望及四時祭祀。禮生引讚禮儀。額設六十名。于曲阜縣選用俊秀子弟充之。其優免例與樂舞生同。

一、佃戶。孔廟鄆城鉅野平陽東阿獨山五屯佃戶。係洪武二年。欽撥民間俊秀五百戶。奏二千丁。佃種五屯祭田。辦納籽粒。以供本廟祭祀。一應有司雜差。俱行蠲免。今年荒兵亂。丁逃地蕪。祭祀匱乏。甚為可慮。伏乞裁酌。一、廟戶。孔廟戶丁。歷代撥給不一。自明洪武二年。欽撥民間俊秀一百一十五戶。以供本廟灑掃。今死荒死盜。十存一二。又不可不加意者也。本年九月初四日。奉令旨。先聖為萬世道統之宗。禮當崇祀。昭朝廷尊師重道至意。這本內所開各款。俱應相沿。期于優渥。以成盛典。着該部查照一體飭行。

順治二年。翰林院侍讀學士。管國子監祭酒事李若琳題。先師之牌位。宜肅謚號。宜崇疏。臣聞之記曰。凡始立學。必釋奠于先聖先師。自漢以來。代以孔子為先師。蓋以孔子刪述六經。垂憲萬世。人倫之所以常明。道統之所以不墜。孔子之力也。是以後世帝王莫不尊崇謚號。嚴重祀典。

聖朝承帝王正統垂意文教。攝政王殿下駐駕神京。卽遣輔臣釋奠先師。重道崇儒。中外悅服。春秋二仲丁祭。率由舊典。視昔加茲。于本月二十日。太常寺奉禮部傳新製孔子牌位。兼書滿漢字。臣竊有請焉。夫孔子牌位奉安文廟。孔子在天之靈所憑依者。臣愚以爲宜令禮工二部委官匠于本監製造新牌。俟新牌告竣。令臣等恭安文廟。然後撤舊牌。焚之座所。庶舊制革隆。禮儀有序。于以妥先師之靈。愜奉事之忱。爲攸當矣。臣愚又有說者。今文廟見奉牌位。稱至聖先師孔子之位。此明嘉靖九年大學士張璁建議所改置者也。質之前代。追尊謚號。竊有未當。查自漢以來。謚號不一。至唐玄宗始追謚爲文宣王。宋真宗加謚至聖文宣王。元成宗復加謚大成至聖文宣王。明朝自洪武至正德。所稱先師謚號。一如元成宗舊制。未之有改。臣聞備古今之至德者。宜享古今之隆稱。昔孔子之贊乾坤。曰大哉乾元。至哉坤元。曰大成。曰至聖。間非孔子之德配乾坤者。莫能當之。今稱至聖。而遺大成。得無乾坤之義未備乎。主曰文。曰宣。按之謚法。經緯天地曰文。聖善周聞曰宣。又洵非孔子之德兼君師者。莫能當之。今止稱先師。而遺謚號。然則古之英君。追辟可止曰某君某王。而去神聖文武。

之謚可乎。張璁欲去封爵而并除謚號。仍稱大成至聖文宣先師孔子之位。庶至德鴻名。昭代倍爲闡揚。祀典于焉有光矣。臣忝列儒臣。職司教典。事關學宮。直將所見。其有當與否。未敢必也。伏乞

皇上勅下禮工二部速議施行。本年正月二十三日奉聖旨。先師謚號信宜尊崇。着詳稽往例。確議具奏。新牌就該監製造如議。行禮工二部知道。

順治二年禮科都給事中葉鼎學敬陳孔廟事宜疏

近該國子監祭酒臣李若琳奏爲先師之牌位宜肅等。聖旨先師謚號信宜尊崇。着詳稽往例。確議具奏。新牌就本監製造如議。行禮工二部知道。此仰見

聖明崇儒重道。詳慎周至如此也。臣僉員禮部職掌攸繫。安敢無說而處此。謹按孔子刪定六經。垂教千古。德侔天地。功並日月。學者宗之。比于國極。生民以來。復乎未有。惟德盛則享名宜隆。惟功高則食報宜厚。自古聖帝明王。教育海內。未常不以崇祀先聖爲兢兢也。考周敬王四十二年。魯哀公諱孔子曰尼父。漢平帝元始元年。追謚孔子曰褒成宣尼公。東漢和帝永元四年。封孔子爲褒尊侯。北魏孝文帝太和十六年。改謚孔子爲文聖。

尼父。後周靜帝大象二年，封孔子爲鄒國公。隋文帝贈孔子爲先師尼父。唐太宗貞觀二年，尊孔子爲宣尼父。高宗顯慶二年，復尊孔子爲先聖。乾封二年，追贈孔子爲太師。天授元年，封孔子爲隆道公。玄宗開元二十七年，追謚孔子爲文宣王。宋真宗大中祥符元年，加謚孔子爲至聖文宣王。五年，改封爲至聖文宣王。元武宗大德十一年，加封孔子爲大成至聖文宣王。明洪武初年，爵謚一仍元舊。至嘉靖九年，始從大學士張璁之請，改稱至聖先師孔子。夫無位而奉以王號，異況已有懼得罪聖人之文。塑像而被以冕章，丘泚亦謂非神而明之之義。璁之議改，不爲無見。但易王而師可矣。因稱師而遂削其大成文宣之號，可乎？易塑像而木主可矣。因大主而并殺其什舞，違豆之數，可乎？此先臣王世貞所以致歎於輔臣。禮官曲加迎傳，天下後世不免有所竊口而愾然倡光復之論也。今者

聖明御宇，一道同風，禮樂咸興，文謨丕振，不亟乘此時有所釐正，以示萬代之法程，毋論大典有所未允，是亦臣等誦法孔子者之罪矣。謹就祭酒臣若琳等所請，而稍抒一得，以備參稽，可乎？其謂先師牌位宜仍定爲大成至聖文宣先師孔子，此誠至當不易之論，無俟臣言。按

諸法經天緯地曰文，聖善周文曰宣。而當日張璁持議，則謂宣之一字，於謚爲輕，不足盡聖人之德。夫謚之爲言，舉一端而全體備，既聖善已著，大凡何至概抹前人目爲荒誕，故謂宣輕而思有增益焉可也。因議宣而概爲削斥焉不可也。此所當確議者也。什舞益而八，遵豆益而十二，雖曰天子禮樂乎，然既素王奉之矣，德足配天，則不可以位限。況聖功大于堯舜者哉？且成均者，天子釋菜尊師之地也，以天子自尊其師，而用天子之禮樂，誰曰不宜？先朝憲孝二宗，與賢臣王恕、周洪謨等考據增補，有錄來矣。當時議減者，誠近偏畸。及今追復焉，何疑僭謚？此所當確議者也。大成殿額更爲先師廟，意存簡朴，實匪舊章。幾令峻極之宮，墻不得與梵寺琳宮並稱比美。紳衿之士，入駭奔而出，瞻仰能無色沮心慙乎？矧廟者，統詞也。殿則栖神之所也，譬之堂爲室焉，各有其處。殿之不可稱廟，猶室之不可稱堂也。烏得而淆之？故大成殿各之，不可不復。蓋舊章也。此所當確議者也。從祀諸賢，遠不具論。若宋元以來，人品醇疵了然在人耳目，稍辨黑白者能知之。嘉靖中，登殿陽修而遺范仲淹、先臣王世貞以爲餘憾。其謂仲淹力振綱常，首扶神氣，兼于戎馬倥傯之際，以中庸誨引張載，俾成大



儒彬彬乎殿陽子之右矣。夫生爲名臣、表章聖道、而後乃寂焉、不得分芹、趙之末光、事理不平、孰甚于此。他如元之劉因、守道淑人、終身不忒、祀典未載、臣亦不能無疑。此所當確議者也。又漢儒劉向、以旁通方術蒙譏、元儒吳澄、以宋士仕元見黜、深文苛摘、識者傷之。一則上封極諫、孤忠獨砥、而經術鬱爲文章。一則著書立言、道統紹明、而體用幾于醇備。皆足鼓吹聖典、啓迪後賢、大節無玷于生平、公論益彰于久遠。豈得與附會圖識之賈逵、美新大夫之楊雄同日語哉。平心觀之、其人斯在此、所當確議者也。抑臣附有請焉。先朝二百餘年、名賢輩出、其得與于從祀者、薛瑄、王守仁、陳獻章、胡居仁、四人而已。誠憂憂乎難之。以臣愚所見聞、如故憲臣鄒元標、性秉忠孝、學本聖賢、當輔臣張居正奪情時、抗疏批鱗、天下想聞風采。繼起諸戊、敷歷數十年、直道彌章、要歸和粹、日與諸儒研究大道、至老不衰。其所著書、咸謂得濂、洛、關、閩之正、以立朝之風節、合諸居鄉之品行、言動皎然、內外無間、誠卓乎大儒也。講學一事、或以迹涉標榜、歸咎宗盟、不知此皆佞附門牆之濫觴、而非主持名教者初意。至如元標理學、實無可議、以之從祀、賢官允與四人媲美、伏乞

皇上下臣章、令諸臣博議。如芻蕘可採、一并覆議施行。蓋今日教習于虎闕、羽籥管絃、率新同橋之聽睹、異時拔名卿于髦士、衣冠文物、共襄一代之治平、皆先聖先賢之所憑依、而亦聖子神孫之所取法者也。臣雖閭陋、竊幸其區區之愚、主如衍聖公來朝京師、宜加優禮、以示隆重。闕里之廟庭禮器、宜敕諭所司、以時修飭、用肅觀型、是則

聖明自有曠恩、而非微臣所敢贅矣。本年二月初五日、奉聖旨、孔廟謚號加稱大成至聖文宣先師孔子、既監科考、訂會同、惟如議行。一應禮儀、還照明朝舊例、不必更改。該部知道。

順治二年、太子太傅襲封衍聖公孔胤植題授四氏學教授疏

臣欽奉

新旨、凡襲封衍聖公官屬、宜從衍聖公保舉。案查四氏學教授、自宋乾興元年、以楊光輔克講書。元祐元年、置教授一員。元世祖中統初、詔立曲阜縣廟學、選師儒克教授、正錄各一。明洪武元年、設孔、顏、孟三氏教授一員、以異姓用。學錄一員、以聖裔任。俱聽衍聖公保舉。各部銓除。萬曆十五年、該山東巡按毛御史題准、入考察。萬曆

年間臣之官屬每每多缺。間有以故諭陞授者。此數年之權便實非相沿舊例也。今故授缺員臣訪得兗州府儒學生員王世祿二東名士。學博今古。相應補用。臣敢循例陳請。伏乞 敕下吏部。即將生員王世祿遵照舊例。速行題授。庶舊例允符。而聖賢裔孫仰賴。未必無補云奉

聖旨該部知道。題授官勾典籍司樂俱有奏疏不備錄。

順治九年。少保兼太子太保襲封衍聖公孔興燮題祀典久缺。遵 詔保奏以廣 皇仁。以綿聖澤。疏

臣祖宰治中都。教化大行。後人因建聖澤書院。歷朝設世襲太常寺博士一員。以主祀事。例應臣第三子承襲。順治元年十二月。山東巡撫方大猷題請在案。但臣冲年。子嗣未廣。故主祀無人。今有原任五經博士孔胤鉉前因違例請印奉

旨革職。當日請印。原為求榮。非有贖私大過。徹錮終身。况我

皇上躬親大政。欽奉 恩綸。一切廢官詳開緣由錄用。一時起用諸臣。咸沾 浩蕩之恩矣。俯查博士等官。係臣屬官。例應保奏。伏乞

皇上憐念聖裔。赦其小過。敕下吏部。將孔胤鉉補授太

常博士。代理聖澤書院祀事。俟臣有子之日。仍歸臣子。庶祀典不致廢缺。而 皇恩可以永佩矣。本年十月初四日奉

聖旨吏部察議具奏

順治九年禮部題覆 臨雍創舉典禮維新。懇恩查例送監以優聖裔。疏

該禮科抄出襲封衍聖公孔興燮奏前事。奉

聖旨着察例議奏。該部知道。欽此。欽遵。抄出到部。查順治八年。該衍聖公奏請生員未及陪祀入監。該臣先題查得天啓四年。崇禎二年。崇禎十四年。生員陪祀。俱准送監讀書。今衍聖公援例奏請。應候

聖駕幸學。早日再議等因。具題。奉

旨是。欽遵在案。今該臣等看得。臨雍盛典。凡孔氏族人。生員顏曾孟後裔陪祀者。俱 准入監。此舊例也。惟仲氏入監。舊案無載。隨經臣部移查。據衍聖公回稱。仲氏子孫在崇禎幸學之後。方授博士。故無入監舊例。今應將生員孔尚然。孔胤洪。孔尚瑀。孔胤勛。孔貞吉。孔興義。孔尚經。顏伯潤。顏光秀。曾聞道。曾弘仕。孟開真。孟聞芳。照例送監。其仲應敏。仲應甲。既經衍聖公咨明在案。相應一併移送。同沾



聖恩者也。奉

聖旨是依議行。

宗人府府丞宋徵與恭陳孔廟祀典仰請 睿裁敕議復  
舊疏

切惟

皇上肇舉經筵大典禮成之日大小臣工無不歡欣鼓舞  
仰見盛朝輯熙聖學足以昭垂萬世微臣伏思經筵所  
講者孔子之道也

皇上尊敬孔子有加無已因科臣張文光之請 敕部改  
定神位人心悅服惟是孔廟佾舞遺豆及廟殿各號尙  
有當議者臣官太常時常考歷代祀典唐玄宗開元二  
十七年詔二京國子監祭孔子牲用太牢舞八佾明憲  
宗成化十三年從祭酒周洪謨言釋奠于先師樂用八  
佾遺豆各十二當時考據典禮俱是歷代舊章乃至世  
宗嘉靖九年詔易像爲主易王稱師本是推崇之意而  
一時用事之臣迎合傳會議將佾舞遺豆之數槩行減  
損大成殿名改爲先師廟相沿至今臣按禮經傳祭用  
生者之祿孔廟之祭乃天子祭其先師也故用天子禮  
樂始于唐之開元定于明之成化已爲典例嘉靖時輕  
議改損似屬非宜今幸遇

表

唐太子弘請修宣尼廟表

臣聞周師東邁商閭延降軾之榮漢蹕西旋夷門致抱  
關之想况泣麟曾獨歌鳳遠芬被緝禮于昌辰飾尊榮  
于窮壤者伏惟皇帝陛下資靈統極稟粹登樞乃聖乃  
神體陰陽而不宰無爲無事均雨露之莫私六符薦而  
泰階平百寶臻而天祚永靈臺所以偃伯延閣繇其增  
絢尙齒尊賢邁鴻名于萬古興亡繼絕騰峻軌于千齡  
大矣哉茂實英聲固無得而稱矣日者封金岱獻會玉  
梁陰路指沂川途經關里迴鑾駐蹕式監唐禹之安關  
續旋旒載想溫良之德於是特紆宸渙贈以太師爰命  
重臣申其奠醴廟堂卑陋重遣修營褒聖侯德倫子孫  
咸蠲賦役臣恩均扈從迹濫撫軍舊烈遺塵躬陪瞻眺  
雪壇相圃欣覩前聞又昔歲承恩尚肖膠墊歷觀軒屏  
具列門徒想仁孝于顏曾彌深景慕採風猷于竹帛興  
啓頌蒙所以敢輕陳聞庶加褒贈天慈下濟無隔異時  
咸登師保式光泉夜敢以前恩重茲干請臣竊謂宣尼  
之廟重闢規模桂奠蘭羞永傳終古崇班峻禮式貴幽  
延而翠琰莫題言猷靡暢訪諸故實有所未周且將聖  
自天惟幾應物拯人倫于已隆甄禮樂于既傾祖述數



華三千廟其鑽仰、憲章文武億兆遵其藏用。豈可使汾川遺燭、獨擅于無慚、視岫餘文、孤標于墮淚。伏見前件孔廟營構畢功、峻業增輝、事資刊勒、敢希鴻澤、令樹一碑。但遠海清藁、兵無致發、山東豐稔、時踰常歲、况郭魯舊邦、儒教所起、刊勒之費、未足爲多。許其子來、不日便就乞特矜照、遂此愚誠。臣議昧常規、言慚通理、塵勞總覽、追增竦戰。

### 任氏辨正孔漬表

臣妾任氏聞、菽自菽、麥自麥、雖后稷之聖、不能化穗以成芒、渭自渭、涇自涇、雖大禹之神、不能變清而爲濁。蓋天理有不移之義、豈聖門容異姓之人、伏念臣妾之子孔漬、乃五十一代襲封衍聖公孔元措之耳孫、五十二代襲封衍聖公孔之固之家嗣。生長從于稚齒、提挈至于成人、有美維馨、遺印在耳。雖云庶出、實係長房。爲經板蕩以來、遂失過庭之訓、以致宗族閑議、詞訟無休。吾道於是乎不光、祠事以之而大缺。肝心殞裂、泣涕無從。但以名諫寡妻、身當圯族、抱閨門之戚戚、望天闕之悠悠。所積瀾漫、何由控懇、必遇清明之世、能平精衛之冤。茲者伏遇上天眷命、皇帝陛下龍飛九五、運應一千始爲儒教大宗師、今作中原聖天子。乾坤浩蕩、一新汙俗

之餘、日月輝煌、照被履盆之下。無滯不振、有廢皆興。願惟孔氏之家、實係生民之望。千七百歲、欣聞愈彰、五十三年、其直如矢。自相沿千百代、曾莫紊于一朝。至于賢與不賢、在人品高低之不一、嫡復仍嫡、見天心付與之分明。方當朝廷甫定之秋、適屬士論向公之日。伏惟陛下俯垂昭鑒、大廓聖源、因之以禮義之方、加之以師傅之職。有教固無類也、見賢然後用之、上可以立皇朝繼絕之良規、下可以導聖祀無窮之正派。雖文昭武穆、不幸有幽厲之衰、奈丹朱商均、未害爲堯舜之後。自惟蟻蟻、誠犯雷霆、臣妾不勝惶懼戰慄之極、匍匐待死、關下泣血奉表以聞。

明景泰二年襲封衍聖公孔彥緒謝賜三臺銀印玉帶一品金織衣表

伏以建中立極、本治教于六經、派流求源、特推恩于宗子。天心鑒悅、寒族增光。恭惟皇帝陛下聰明睿智、文武聖神、祖述唐虞、道已隆于天下。憲章周孔、心猶歷于魯東。太學爲昭代之賢關、既承臨幸、大宗爲素王之嫡長、特見褒崇。鉅白金而印銀三臺、琢美玉而腰圍一帶。盛以丹漆之函、束以雲章之服。服以拜賜、而廷陛光輝、藏以傳家、而子孫慶幸。賜韉轡而先之以烏紗、錫酒宰而





加之以白粲。恩施溥博。俾同宅俊之賢。禮待優隆。不鄙  
草茅之賤。是皆因本厚末。肆獨念祖以及孫。符雨露之  
沾濡。同乾坤之履載。自三代以來。未有盛于今日者也。  
臣等贊本凡庸。素繼先師之緒。學無裨益。濫承顯爵之  
封。象賢深愧于前人。崇德欣逢于盛世。頌揚莫既。感激  
惟深。伏願國有學。藝有庠。衍有序。益隆聖道于無窮。車  
同軌。書同文。行同倫。永固皇圖于悠久。

成化十三年襲封衍聖公孔弘泰謝加樂舞遵豆表

伏以皇朝稽古右文。隆海宇升平之治。聖主尊師重道。  
增廟庭享祀之儀。詔旨播傳。儒林欣忭。茲蓋伏遇皇帝  
陛下欽明文思。齊聖廣淵。日御經筵。妙契平易書詩禮  
春秋之奧。天付神器。遠宗乎堯舜禹湯文武之傳。治已  
臻而猶若未臻。道已至而猶若未至。緬懷先師之功烈。  
詔同享帝之儀文。綸音渙發于彤庭。告先文廟。香幣遠  
頒于闕里。輝映儒林。濯濯太平。尊禮實符于漢祖。煌煌  
御製。褒揚遠過于唐宗。服袞冕而用宮縣。夫子儀容如  
在。加遵豆而增舞佾。聖朝禮樂維新。玉振金聲。儼冠裳  
之肅肅。神歡人悅。降福祿之穰穰。亘古莫加。于今爲盛。  
臣弘泰叨承明命。主祀祖庭。仰瞻天使之黃臨。光延遺  
胤。恭率族人而趨謝。端拜嚴宸。伏願允執厥中。益究帝

王之學。協于克一。聿臻理道之純。得天命。得人心。表四  
方而建極。如岡陵如山阜。祝萬壽以齊天。

弘治十七年襲封衍聖公孔開韶謝重建祖廟表

伏以禮必積百年而後興。事有瞻百世而始建。是蓋政  
關治體。爵本民彝。凡在斯文。式均慶貳。若乃餘波賸澤。  
沾被子孫。其視恒情。何啻百倍。竊惟闕里祖廟肇自前  
朝。列聖以來。累加修葺。比歲鬱攸示戒。煨燼無遺。伏遇  
皇帝陛下天啓聖衷。道符先揆。顧宮牆之舊地。實海宇  
之具瞻。爰敕有司。重加修建。集四方之公帑。閱五載之  
程期。材幹堅良。工製精密。廟貌嚴整。輪奐偉然。既不替  
于前規。復恢張乎新制。足以妥靈昭佑。崇德報功。極天  
下之大觀。亘古今而不再者也。又有奎章睿藻。降自重  
霄。石刻金書。垂之萬代。出容臺之香幣。備郡邑之案牘。  
特遣重臣。遠徂殷禮。衣冠畢集。宅里增輝。臣開韶甫襲  
官封。方嬰服制。念君命重于家事。而祖廟尊于父喪。易  
服以迎。拜天顏而敢後。趨朝而謝。率族姓以偕行。伏願  
聖學緝熙。儒風丕振。家詩書而戶禮樂。益弘世道之光。  
天日月而地山川。永資人文之化。徒深祝頌。曷罄名言。  
嘉靖三十五年衍聖公孔尚賢襲封謝表

伏以道重真儒。懋錫表章之典。賞延奕世。載叨綸綍之



榮殊恩光被于私門。崇報聿隆于曠代。簪紳共慶。祖豆生輝。茲蓋伏遇皇帝陛下天縱聖神。紹百王而撫運。日新立德。履五福以康民。闡洙泗之微言。箴番噉一懋唐虞之盛治。極建中邦。追六經刪述之功。隆萬世師崇之典。憲章祖述。念臣祖以何禪。崇德象賢。荷聖恩之海及。并書規矚。竊衡績服之能。赤組清華。深抱循牆之懼。臣敢不勉承祖武。用副國恩。學禮學詩。祇服趨庭之訓。惟忠惟孝。永輸報主之忱。伏願敷穀延禧。紘熙凝命。得其名。得其壽。萬年單文。教以申休。作之君。作之師。四海沐寵光而篤祐。每代裝封俱有謝表。文不備錄。

萬曆四年衍聖公孔尚賢陪祀觀禮謝表

伏以聖人作而物覩萬方。荷德教之敷。師禮樂而道尊。千載廣文明之會。盛典式彰。平帝治。洪恩普逮于儒宗。觀國有光。承家何幸。恭惟皇帝陛下神聖當天。聰明首物。咨師臣而闡德。涵百王道法之精。御講幄以橫經。總六籍圖書之秘。功兼述作。治邁古今。茲當風清俗美之時。益懋稽古右文之化。爰循故典。載舉鴻儀。躬萬乘以臨雍。偉矣壯宮牆之勝。儼再拜而釋奠。賁然增俎豆之輝。禮既備于尊崇。澤復流于苗裔。駸奔而子孫咸在。驛召而顏孟是偕。講易講書。冠帶預橋門之聽。賜茶賜坐。

絲綸承黼座之溫。振代偉觀。一時盛事。臣等竝裝祖紹。詩禮未聞。荷列聖之表章。絃歌在魯。本九重之新命。祇將于京。幸陪入廟之咨詢。敢替循牆之俯俛。伏願緝熙聖學。丕振儒風。作君作師。篤祐寵綏于萬世。同文同軌。聲名覃被于八荒。歷朝幸學俱有謝表。文不備錄。

校記

①有：《秋澗集》卷八五《爲教孔顏孟子孫事狀》作「合」，當是。

②隨：據文意當作「隋」。

③毀擲：據前載鄒幹奏，當作「撤毀」。

④在：《王端毅奏議》卷八作「載」，是。

⑤川：疑當作「用」。

⑥常：疑當作「長」。

⑦王：疑當作「主」。

⑧據《弇州四部稿續稿》卷一四三、「力振」前脫「仲淹」二字。又下文「神氣」作「神器」。

⑨間：當作「洵」，見《欽定國子監志》卷五三。

⑩誼：《欽定國子監志》卷五三作「明」。

⑪據右引，此下尚有「非確論也。臣愚以爲當今更新之會，宜追復舊謚」十九字。

⑫文：當作「聞」，見前頁。

⑬氣：當作「器」，見《弇州四部稿續稿》卷一四三。

⑭故：當作「顧」。「臣」：當作「成」。

⑮幸：疑誤。

⑯此下原稿有脫頁。

⑰以上二句，《幸魯盛典》卷一四、雍正《山東通志》卷一一之七作「但遠海清平，久無徵發」。

閩里廣誌卷之十六

贊

正考父贊

魏王 祭

恂恂正父。應德孔盛。身為國卿。族則公姓。年在耆童。三葉聞政。誰能不息。申茲約敬。飽粥于口。僂僂受命。名書金鼎。祚及後聖。

孔子贊

晉陸 機

孔子叔聖。配天弘道。風扇玄流。思探神寶。明發懷周。典言謨老。靈魄有行。言觀蒼昊。清歌先誠。丹青有造。

華 虞

仲尼大聖。遭時昏荒。河圖沈翳。鳳鳥幽藏。爰整禮樂。以綜三綱。因史立法。是為素王。

湛方生

文王既沒。微言將墜。遇哉孔子。龍見九二。闡化繁衆。素王洙泗。發揮中葉。道映周季。

孔子世家贊

司馬貞

孔子之先。肇于商國。弗父能讓。正考銘勅。防叔來奔。陳人倚立。尼丘誕聖。閩里生德。七十升堂。四方取則。行誅兩觀。攝相夾谷。歎鳳遽衰。泣麟何足。九流仰鏡。萬古欽獨。

孔子贊

唐睿宗皇帝

猗歟夫子。實有聖德。其道可遵。其儀不忒。刪詩定禮。百王取則。吾豈匏瓜。東西南北。

宋太祖皇帝

王澤下衰。文武將墜。尼父挺生。河海標異。祖述堯舜。行德無位。哲人其萎。鳳鳥不至。

顏子贊

生值衰周。爵不及魯。一簞藜藿。陋巷環堵。德冠四科。名垂千古。沒表萬年。遂荒東土。

宣聖贊

真宗皇帝

立言不朽。垂教無疆。昭然今德。偉哉素王。人倫之表。帝道之綱。厥功茂實。其用允臧。升中既畢。盛典載揚。洪名有赫。懿範彌彰。

顏回贊

集賢殿大學士王旦

賢哉子淵。惟仁是好。如愚履空。鄰幾親與。用行舍藏。與聖同道。封岱丁辰。益此榮號。

閔損贊

子騫達者。閔閔成性。德冠四科。孝先百行。人無間言。道亦希聖。公衮增封。均乃天慶。

冉耕贊

禮部尚書王欽若



閩里廣誌

卷一六

聖門達者。德行爲先。洙泗來學。顏閔差肩。天封展禮。公  
衮襲賢。生則命寡。沒而道宣。

卞進贊

不佞之仁。具體之賢。登彼高輿。川之山川。代逢偃革。禮  
畢升禮。錫以三壤。賁茲九泉。

宰子贊

尙書左丞馮 拯

倬彼宰子。服膺宣父。學洞堂奧。名揚鄒魯。再期設問。五  
常垂矩。遇我慶成。增封茅土。

端木賜贊

賜之望回。獨云知二。器稱瑚璉。在禮斯貴。服道稱師。名  
垂萬世。公爵追崇。時追肆類。

冉求贊

尙書左丞陳堯叟

謙謙令德。少著嘉聞。敏于從政。治以斯文。垂鴻報本。道  
遇明君。永錫徽稱。載揚清芬。

仲由贊

猗歟魯哲。義勇無儔。獨立不懼。從政惟優。欽屬仁聖。勅  
封介丘。褒賢進號。載顯英猷。

言偃贊

工部侍郎趙安仁

魯堂登科。親與將聖。武城之小。可以觀政。澹臺之舉。行  
不由徑。追建上公。素風逾盛。

卜商贊

詩動天地。起予者商。溫柔立教。文學升堂。雅頌得所。治  
亂攸彰。慶成嘉贈。其道彌芳。

曾參贊

尙書左僕射張齊賢

孝孚惟孝。曾子稱焉。唐虞比德。洙泗推賢。服膺授旨。終  
身拳拳。封樹飭贈。永耀青編。

顏孫師贊

堂堂張也。商德與隣。尊賢容衆。崇德依仁。入趨函丈。退  
而書紳。升中優贈。道與名新。

澹臺滅明贊

戶部尙書溫仲舒

不由徑行。其直可貴。不見私人。其公可畏。擊蛟旣勇。毀  
壁且義。絕號益封。旌厥賢士。

宓不齊贊

天生良材。爲魯君子。堂上舉作。邑中民治。伍人致逸。受  
教成美。展禮崇賢。疏封有祿。

原憲贊

行尙書左丞向敏中

賢哉子思。介然清淨。貧惟固學。道乃非病。衣冠忘敝。草  
澤遂性。升中進秩。垂芳尤盛。

公冶長贊

德行貞純。公冶孰倫。本非其罪。枉拘厥身。魯堂推善。孔

門配姻。俾侯之貴。久而彌新。

南宮綰贊

刑部尚書寇準

南宮君子。尚德聖門。有道不廢。危行避言。白圭三復。執

慎思存。慶成旌善。昨撰作德。

公將哀贊

賢哉季父。履潔居貞。卷懷不仕。家臣赴輕。素王攸歎。式

昭令名。封樹均慶。侯祚疏榮。

曾點贊

給事中丁謂

侍坐魯堂。各言其志。含瑟而作。超乎冉季。洛沂舞雩。咏

歌道義。遇我慶成。錫壤進位。

顏無繇贊

素王將聖。實爲我師。顏子殆庶。趨庭學詩。請車無媿。陋

巷安卑。追榮侯服。遂此上儀。

商瞿贊

翰林學士晃迥

易之爲書。窮理盡性。聖也親受。抗心希聖。韋編犀經。素

風允競。展禮封侯。千載輝映。

高柴贊

衛獻子羔。孝心篤矣。慎終銜恤。未嘗見齒。難能而能。君

子知己。考古褒崇。于斯爲美。

漆雕開贊

翰林學士李宗諤

闕里之堂。邈矣難造。荷與子若。實觀其奧。學優當仕。非

司馬耕贊

兵部員外郎楊億

仁遠乎哉。其言也訥。虛德實歸。航思勞凱。遠難迷邦。奚

虞悔吝。疏爵丁辰。寵名以峻。

樊須贊

學優乃仕。齒于家陪。戒車爲右。暫衆靡回。質疑辨問。仁

智既該。建侯追榮。再裕方來。

公西赤贊

行御史中丞王嗣宗

真聖賢者。徂徠之英。謙言小相。終成大名。立朝儒雅。出

使光榮。左右禮法。諸侯作程。

有若贊

人聚秀德。氣貌或同。而子儼然。溫溫其容。兩端發問。未

啓機鋒。以禮節和。斯言可宗。

巫馬施贊

吏部侍郎趙昌言

英英子施。父天和氣。名登魯堂。位沉周季。猶勤戴星。庇

民爲治。讓德進封。世芳永世。

陳亢贊

於美子禽。服膺仲尼。問一得三。垂訓千古。名由德實。德

以位序。運屬封樹。爵崇介士。



儒藏

崇祖贊

戶部員外郎周起

立聖舊邦。森然精爽。於惟子魚。式瞻遺像。紀號傳鑒。侯封錫壤。備道有光。百王所仰。

顏幸贊

增封雲嶺。詔躋魯堂。顯允君子。令儀有章。英靈如挹。德音不忘。橫亘千古。淳風載揚。

冉孺贊

戶部郎中李維

聖人之道。一以貫之。允矣子魯。堂與斯寢。惟帝登岱。克陳上儀。追封侯社。沂水之湄。

冉季贊

冉子挺生。鍾是純粹。游聖之門。切磨道義。時邁升中。禮成肆類。錫壤諸城。式昭遺懿。

伯虔贊

比部員外郎王曾

肅肅魯堂。先先闕里。伯氏達者。克付夫子。運偶慶成。禮崇追美。後學式瞻。高山仰止。

公孫龍贊

子石鉅賢。探微博古。稟粹荆衡。從師周魯。令聞不已。儀刑斯視。展義疏封。還荒故土。

漆雕哆贊

戶部郎中戚綸

闕里稱賢。哆也其一。學以適道。各參入室。昔爲達者。今

達聖日。俾侯漢陽。膺茲寵秩。

顏高贊

魯國諸生。顏氏爲盛。達者升堂。是以希聖。龍章載加。侯服輝映。名著遺編。人師往行。

漆雕徒父贊

工部郎中陳彭年

受教聖人。服勤墳籍。如彼時術。故能日益。元封慶成。介圭追錫。圓形繪素。鏤美金石。

壤駟赤贊

倚與壤駟。信而好古。驅駕咸秦。振衣郛魯。言必成文。動不踰規。成禮介丘。追榮社土。

商澤贊

主客郎中刁衍

子季從師。服膺儒雅。闕里再名。同于達者。昔罷睢陽。今旌鄆野。運偶登封。薦臻純嘏。

石作蜀贊

陳克

宣尼日月。無得而踰。粵有哲士。嘗爲學徒。登封偶聖。至德崇儒。以地進爵。斯文乃殊。

任不齊贊

荆衡誕粹。賢生其中。服膺數仞。誠明感通。地邇長坂。爵嘉素風。虔遵祀典。列在儒宮。

申振贊

行右司諫張知白



洙泗之秀、橫經魯堂。名亞十哲、道尊五常。時巡駐蹕、闕里增光。封侯錫命、永代流芳。

公良孺贊

子幼真賢、從師宣父。服膺大猷、配享終古。運屬聖神、時巡鄉魯。五等疏封、三綱式叙。

奚容蒧贊

兵部員外郎楊紳

雍容子皙、服勤儒墨。闕里橫經、魯堂師德。昔從遊聘、今逢檢勒。皇錫信圭、洙泗改色。

曹卹贊

三千孔徒、七十賢者。子循服道、聖門之下。笙簧經籍、輔翼儒雅。爵爲蔡侯、名器匪假。

句井疆贊

刑部員外郎查道

衛之君子、達者比肩。服勤鼓篋、學慕韋編。升中單慶、儒術攸先。微侯疏爵、闕里之賢。

冉黨贊

猗與子周、龜蒙垂裕。昔泰八九、今逢三暮。淄川錫壤、儒風載路。檢玉旌賢、昭我王度。

公祖甸茲贊

祠部員外郎梅詢

子之生魯、從師尼父。恂恂闕里、戔戔莒甫。非聖弗言、惟道是與。千古而下、俾侯齊土。

樂旂贊

聖人之門、學者伋伋。彼美子祺、行修志淳。異端滋害、微言服勤。格于宋代、侯封是新。

縣成贊

祠部員外郎石中立

異能之士、孔徒實繁。悅服至德、祖述微言。富稟天爵、遊乎聖門。追崇之典、昨以侯簪。

左人郢贊

伯彼臨淄、左行稱賢。希踪十哲、秀穎三千。心悅誠服、家至戶傳。樂只君子、文聲益宣。

燕叔贊

行太常博士陳知微

八九之徒、俱傳大義。賢哉子思、道本無愧。鍾靈咸錫、浴德洙泗。增封汧源、皇澤斯被。

鄭國贊

簪彼子徒、挺生闕里。日遊聖門、躬授微旨。德音孔昭、令聞不已。疏爵胸山、式旌遺美。

蔡非贊

太常博士王隨

七十之賢、皆傳聖道。彼美之子、學臻堂奧。珍席圭璋、儒宮黼藻。列爵華亭、令名長保。

施子常贊

麟彼施常、學深儒雅。魯國上賢、孔堂達者。跡晦名彰、德



高言寡。侯封是邦。昭錫純嘏。

孔忠贊

賢哉先王。聖師夫子。道貴希聖。聞斯行已。闕里服膺。國庠從祀。載享侯封。式昭德美。

顏時贊

太常博士張象中

回也庶幾。諸顏近之。沐浴受業。汶上從師。輔翼儒道。經管德基。俾侯于濟。君子攸宜。

步叔乘贊

聖人之門。子車服勤。學以時習。道宜日新。數仞爰處。函丈是親。追封遺烈。旌美儒臣。

顏之僕贊

行太常博士崔遵度

洙水悠悠。子叔優優。及肩等賜。升堂並由。元后時邁。禮成介丘。旌此達者。得爲列侯。

叔仲會贊

太常博士劉 鋹

斯文有宗。吾道不窮。執筆迭侍。惟賢比崇。少成習貫。函丈順風。東楚駐蹕。沛澤儒宮。

顏何贊

木鐸興教。英賢輔翼。猶與子冉。恢張文德。孝悌承風。詩禮是則。千載丁辰。始開侯國。

狄黑贊

行太常博士姜 嶼

煥燭子管。來學有方。依仁遊藝。攝齊升堂。羽儀先聖。色上庠。林慮錫壤。百世之光。

封與贊

展矣子欽。孔門高弟。模範將聖。博約六藝。斯謂達者。顯於當世。追封列侯。流芳永祀。

秦冉贊

行右諫議大夫錢惟演

惟聖享天。陟于神房。惟帝遵道。升茲魯堂。允矣君子。宛今清揚。式賁先烈。錫諸衮章。

秦祖贊

泰有子南。贊<sup>①</sup>述作。守道之淵。成德之博。範若鑄金。契猶發藥。歷世明祀。少梁寵爵。

公西與贊

集賢騎都尉范 雱

鍾美齊輿。從師魯國。展矣斯人。道臻聖域。禮<sup>②</sup>金龜慶敷文德。薦享侯封。永光廟食。

公西臧贊

太常寺丞劉 筠

稱多學者。服勤遊聖。祝禱惟肖。藏也成性。綽有餘裕。是亦爲政。追侯于徐。用均天慶。

琴牢贊

太常寺丞宋 綬

反魯之始。從師去里。不試故藝。善言攸紀。非義罷爭。崇仁爲美。銘岳益封。用旌君子。

遷獲贊

行太常博士崔遵度

達哉君子。外寬內正。好禮直躬。術風斯競。瑞命昭錫。元符報慶。俾執千齡遇聖。

林放贊

主客郎中刁 衡

子丘明哲。道洽素風。問禮之太。爲儒所宗。東嶽稱英。長山表封。云亭告畢。慶澤薦隆。

左丘明贊

給事中丁 謂

術與左氏。聞道素王。依經作傳。微旨用彰。詞有餘韻。人希末光。慶封錫壤。廣贊之疆。

公羊高贊

翰林學士晁 迥<sup>②</sup>

高也解經。辨惑咸服。學官所傳。齊名左穀。追獎華封。虔心允屬。闕典彌縫。斯文載郁。

穀梁赤贊

翰林學士李宗鈞

仲尼修經。感麟絕筆。赤也發揮。與義斯出。立學名家。道隆盛日。列爵疏封。式崇儒術。

伏勝贊<sup>③</sup>

兵部員外郎楊 億

伏生明經。爲秦博士。祖習微言。流離耄齒。壁藏其文。口授厥旨。建號旌儒。錫封仁里。

高堂生贊

戶部員外郎周 起

秦曆告窮。災靈啓祚。篤生令人。允貞王度。名教斯宗。禮

文有素。勒封告成。式昭餘裕。

毛萇贊

比部員外郎王 曾

孔徒受業。商也言詩。研精訓詁。雖其嗣之。毛公典學。永代師資。疏封錫命。禮治頌期。

孔安國贊

行右諫議大夫錢惟演

顯顯臨淮。聖人之系。訓傳遺文。克示永世。繪像廟庭。聿彰善繼。東郊受封。是爲褒異。

杜子春贊

刑部員外郎查 道

三川二室。英靈所鍾。學窮周制。譽薦儒宗。杏壇闕里。差有比踪。一命作伯。慶我天封。

孔子小影贊

尹復泰

夫子之像。其初孰傳。得于其家。幾二千年。仰聖人之容色。瞻古人之衣冠。信所謂溫而厲。威而不猛。恭而安。若夫其道如神。其德如天。則自生民以來。未有如夫子。無得而名言。

孔子贊

米 芾

孔子孔子。大哉孔子。孔子以前。既無孔子。孔子以後。更無孔子。孔子孔子。大哉孔子。

孔子手植樹贊

緯東皇。養白日。御元氣。昭道一。動化機。此樹植。燭龍怪。



儒藏

擬雄質二千年。戴金石。紉治亂如一久。百代下。陸主璧。  
宜聖贊

徽宗皇帝

厥初生民。自天有造。百世之師。立人之道。有美有倫。番  
世立教。爰集大成。千古光昭。乃嚴斯所。乃瞻斯宮。瞻彼  
德容。云孰不崇。

高宗皇帝

大哉宣王。斯文在茲。帝王之式。古今之師。志則春秋。道  
由忠恕。賢于堯舜。日月共喻。惟時載雍。敷此武功。肅昭  
盛儀。海宇聿崇。

顏子贊

德行首科。顯冠學徒。不遷不二。樂道以居。飲食甚惡。在  
陋自如。宜稱賢哉。豈止不愚。

宣聖贊

理宗皇帝

聖哉尼父。秉德在躬。歷聘列國。道大莫容。六藝既作。文  
教聿崇。古今日月。萬代所宗。

顏回贊

學冠孔門。德行科首。聞一知十。若虛實有。樂道簞瓢。不  
易所守。步趨聖人。瞻若其後。

曾參贊

大孝要道。用訓群生。以綱百行。以通神明。因子侍師。答

問成經。事親之實。代爲傳刑。

孔伋贊

閑居請脩。世業克昌。可離非道。孜孜立行。發振中庸。體  
固有常。入德樞要。治道權衡。

孟軻贊

道術分裂。諸子爲書。既極而合。篤生真儒。詆訶楊墨。只  
極是扶。收功論德。三聖之徒。

閔損贊

天經地義。孝哉閔騫。父母昆弟。莫問其言。汗君不仕。志  
氣軒軒。復我汶上。出處休焉。

卜商贊

文學之目。名重一時。爲君子儒。作魏侯師。不可後禮。始  
可言詩。假蓋小嫌。聖亦不疵。

顏孫師贊

念昔顏孫。商德爲隣。學以千祿。問以書紳。參前倚衡。忠  
信是遵。色取行違。作成後人。

顏無繇贊

人誰無子。爾嗣標奇。行爲世範。學爲人師。請車誠非。顯  
非其私。千載之下。足以示慈。

曾點贊

惟時義方有子誠孝。怡怡聖域。俱膺是道。以春無辜。詠歌至教。師故與之和悅宜召。

冉耕贊

德以克性。行以潔身。二事在躬。日躋而新。並驅野科。德顏與隣。不幸斯疾。命也莫伸。

冉雍贊

懿德賢行。有一則尊。子也履之。成性存存。駢角有用。犁牛莫論。刑政之言。惠施元元。

宰予贊

辨以飾詐。言以致文。荷弗執禮。宜莫釋紛。朽木糞牆。置不足云。言語之科。嶮然有聞。

端木賜贊

謙德知二。器實瑚璉。動心幾先。孰並其辯。一使存養。五國有變。終相其主。與處攸遠。

冉求贊

循良之要。在於有政。可使爲宰。十室百乘。師門育材。治心扶性。退則進之。琢磨之柄。

言偃贊

道義正己。文學擅科。爲宰武城。聊以絃歌。割雞之試。牛刀謂何。前言戲耳。博約則多。

仲由贊

升堂推先。千乘惟權。陵暴知非。委質可賢。折獄言簡。結纓禮全。惡言不耳。仲尼賴焉。

澹臺滅明贊

惟子有道。天與異容。狀雖云惡。德則其豐。南止江沱。學者雲從。取士自茲。貌或非公。

宓不齊贊

君子若人。單父之政。引肘宿君。放魚稟令。傳郭勿獲。遂能制命。百代理邑。用規觀政。

燕伋贊

師度高振。大成是集。至道克傳。賢達斯執。善牧云褒。儒風可立。燕陽之士。得賤而立。

原憲贊

賦彼窮閭。達士所賓。邦無道穀。進退孰倫。敝衣非病。無財乃貧。賜雖不釋。清節照人。

公冶長贊

子長宏度。高出倫輩。雖在縲紲。知非其罪。純德脩行。夫子所采。以子妻之。尤知英傑。

南宮适贊

先覺既位。簪履並馳。尙德君子。爾乃養之。拜辭可斯。厲



藏書

覆可師。三復此道。載觀白圭。

公幹哀贊

周衰偽隆。政在群公。廉耻道微。家臣聿崇。不爲屈節。焉默自容。子於是時。凛然清風。

叔仲會贊

瑕丘祁已。子期是爲。親訓有日。廣衆千時。四教允隆。五常以持。此肩俊傑。闡聖斯番。

商瞿贊

易之爲書。彌綸天地。五十乃畢。師則有是。子能受授。洗心傳世。知幾其神。宜被厥祀。

高柴贊

婉彼子羔。受業先聖。宗廟之間。一出乎正。克篤于孝。非愚乃令。師知其生。有輝賢行。

漆雕開贊

仕進之道。要在究習。具臣而居。咎欲誰執。斯未能信。謀以自立。闕里說之。多士莫及。

司馬耕贊

手足甚親。志異出處。懸將爲亂。子遁脫去。在汚能潔。危而有慮。內省若斯。何憂何懼。

樊須贊

養才以道。聖人兼濟。始謂非仁。問辨良莠。寓志於圃。似暇仁義。學稼之辭。豈姑舍是。

有若贊

公西赤贊

學者行道。敝緼亦稱。使齊光華。偶爲肥輕。周急之言。君子所令。答問允嚴。理皆先經。

巫馬施贊

天清日明。密雲曷有。師命特蓋。子亦善扣。惟夫子博。三才允究。學者之樂。所得遂茂。

梁鯨贊

室家壯年。無子則逐。見於信史。全齊之俗。原本厥初。師言可復。以學則知。揆之宜篤。

顏辛贊

郭封于蕭。實惟子柳。夙候格言。克遵善誘。明德斯馨。賢業所就。以侑於儒。傳芳逾茂。

冉儒贊

紀伯于魯。聖學是務。厲已斯約。好問乃裕。周旋中規。容止可度。允矣昔賢。後世所慕。

曹卹贊

肅肅曹伯。王室之裔。積習樂道。切磋明義。惟善則主。爾德是類。史筆有煥。令名永紀。

伯虔贊

有懷子析。全魯之彥。儒行既名。卿伯乃建。兢兢受道。奕奕興弁。終選嘉封。世享嘉薦。

公孫龍贊

黃伯著祀。公孫是云。彌縫中道。協輔斯文。藏修方異。漸漬其勤。史詞不忘。播爲清芬。

奚容蒧贊

雍容子皙。已望堂堂。幼則有造。成則祖述。文采日化。儒效力弱。永觀厥成。德音秩秩。

冉季贊

東平子產。姓著盛時。承師於盛。講道之後。答問成教。端妙以思。升降廉陛。尙想英姿。

秦祖贊

漆雕哆贊

子欽受封。爰居武城。暨暨其聞。翩翩其英。樞衣時習。願

顏高贊

學日明。誕敷孔教。爵里疏榮。瑯琊之伯。其惟子驕。微言既彰。德音孔昭。已詠舞雩。同聽齊韶。歷千百年。跋思高標。

漆雕徒父贊

遐想子期。挾策聖帷。涉道是嗜。微爵可糜。在德既賢。在名乃垂。洋洋之風。逮今四馳。

壤駟赤贊

式是壤伯。昭乎聖徒。執經請益。載道若無。詩書規矩。問學楷模。得時而駕。領袖諸儒。

商澤贊

邈矣子季。睢陽是伯。屏息受業。延教登席。未踐四科。固涉六籍。祀典載之。好是正直。

石作蜀贊

在昔石邑。能知所尊。懋依有德。克述無言。鼓篋槐市。揚名理門。此道久視。彼美長存。

任不齊贊

任城建伯。其表曰遐。淑聞雅馳。才華清遠。競辰力行。愛日匪勉。孔教崇崇。令緒顯顯。

公夏首贊





堂堂子乘洙泗之英。振衣推喙。致力知行。淵源其學。統  
奕其名。慶封錫壤。侯于鉅平。

公良獨贊

陳有子正。爲世所重。制行維賢。義理之勇。學不自滿。才  
堪大用。牟平其封。式彰光寵。

后處贊

溫溫子里。入闕至聖。視道之華。秉德之柄。深造闢域。不  
爭言行。全齊之封。竹素榮盛。

公肩定贊

公氏子忠。聖門之俊。修行文學。恒存忠信。道究一中。牆  
佞數仞。梁父受封。榮名益振。

顏祖贊

闕里始教。群弟聖聖。好學不倦。時維子襄。疏封錫命。侯  
于富陽。於萬斯年。名譽益彰。

郭單贊

杏壇受教。子家其英。振衣侍立。善訓思明。學業益進。德  
譽斯馨。宜崇厥祀。寵爵卽城。

宰父黑贊

循循子素。從游闕里。分席杏壇。飲波泗水。四教克遵。百  
行均美。錫壤祈鄉。式崇厥祀。

秦商贊

孔父秦父。相尚以德。俱生賢嗣。相與維則。是父是子。致  
詰嗜克。會弁儒林。令名無極。

句井疆贊

孔徒三千。升堂七十。子於其間。行業學習。駿造聖功。巋  
然獨立。茂陟嘉封。鴻名緝緝。

施之常贊

開國秉氏。有德斯彰。泰積百行。贊理三綱。自拔行間。策  
名桂光。在史藹藹。歷久彌芳。

公祖句茲贊

惟彼子之。錫伯期思。與賢並進。得聖而師。彬彬雅道。聖  
翼令儀。正目至言。廟食不隳。

左人郢贊

左人郢贊

絲成贊

至聖立教。子祺玄雅。擅譽魯邦。啓祚鉅野。煒矣風猷。時  
哉用捨。出倫離類。後學是假。

榮旂贊

伯茲魯貴。務學實著。三千之徒。七十是預。匪善莫行。惟

德乃據。紀于前書。式彰厥崇。  
鄭國贊

伯夫榮陽。實惟令德。優入聖門。遺不留迹。道以目傳。妙則心識。倚歟偉歟。後代之式。

原亢贊

原氏子籍。從尼父遊。潛心墳典。其業允修。出言可式。入聖則優。樂平寵襲。克振儒流。

顏之僕贊

賢行顏叔。親承尼父。志銳所期。道尊是輔。泥在鈞陶。木就規矩。終縻好爵。揚名東武。

廉潔贊

兄弟之邦。士有廉庸。涵泳素教。表揭儒宗。杏壇探賸。洙泗從容。作典一時。苴父其封。

樂欽贊

樂氏子聶。錫爵昌平。信道之篤。見善乃明。引領高節。載維思誠。先賢聿崇。山爲時英。

邦翼贊

彼美邦子。先聖是承。墻仞已及。堂陛將升。良玉斯琢。寒水必冰。錫壤平陸。茂實昭騰。

狄黑贊

仰止狄哲。抱負淵通。游泳德化。揚厲素風。偉猷既興。持教乃隆。厥志茂焉。步祀無窮。

公西與如贊

杏壇啓教。高弟如雲。賢哉子夏。敬業樂群。居仁由義。崇禮修文。臨胸錫爵。永播清芬。

孔忠贊

惟子挺生。道德之門。佩服至論。鯉則弟昆。三得三已。所問殊溫。君子歸心。義不掩恩。

公西獻贊

倚爾子尚。魯邦之望。以德則貴。惟道是唱。師聽師明。友直友諒。伯於祝阿。儒風斯暢。

陳亢贊

惟禽之間。過庭其鯉。求以異聞。詩禮云爾。請一得三。誠退而喜。且知時聖。不私其子。

秦非贊

樂善哲士。伯于沂陽。傳道克正。垂名允臧。執德以弘。用心必剛。表廣業履。式贊紫王。

琴張贊

多能鄙事。聖人曲意。惟其知之。是以不試。宗魯雖友。弔必以義。尚師嘉言。祀亦罔替。



申棧贊

剛毅近仁志操莫渝。性匪祝鮀。而豈子都。有一於此。則名可圖。云然則柔蓋生之徒。

步叔乘贊

勉勉子車。封邑淳于。親炙避席。唯諾趨隅。行微既博。雅道是扶。抑可尚也。不亦美乎。

顏喻贊

發錫朱虛。在器輪輿。儒室振領。聖門曳裾。賢業素蘊。美才以摠。百世不刊。載觀成書。

蓮瑗贊

有衛伯玉。夫子與居。寡過未能。薦贊使乎。以屍諫君友。則史魚果得進賢。爛然簡書。

林放贊

禮之有本。子能啓問。大哉斯言。光昭明訓。德輝泰山。誣祭能奮。崇茲祀典。盡永令聞。

手植檜聖像贊

序

元元明善

乙丑冬十二月。拜林廟還。得手植檜把握許。就刻之爲宣聖顏孟十哲像。且以文楷爲龕。像出于手植爲難。其得于煨燼之餘。又爲難。合是二難。宜爲儒家世寶。乃百拜而爲贊云。

體則微理則全。望之儼然。就之溫然。見其參于前。手所植焉。形所寓焉。歛之管窺。浩其天。是倚以爲甘棠之賢耶。抑與夏鼎殷盤而傳也。

謁廟贊

甄彙佳台

於戲。天地吾知其至大也。料數莫逃乎管主。江河吾知其至廣也。泳游不過乎航葦。吾夫子之德。出乎其類。拔乎其萃。自生民以來。未之有也。不江不河。濶則有餘。非日非月。光無不及。微夫子。則不知其所以始。微夫子。則不知其所以終。儀範百王。憲章後世。祀典常奉。歷代有之。林木茂密。子孫保之。釋奠廟貌。神其歆之。

尼山贊

明湘王

尼山巖巖。魯邦是瞻。降靈自母。孕聖歸男。既驗以形。遂徵以名。一誠風格。萬古文明。

夫子贊

李夢陽

鳳鳥不至。人莫我知。行廢嗟命。獲麟竟悲。已訕道信。萬世攸師。願學謂何。小子敬思。

胡纘宗

一以貫之。金聲玉振。是謂大成。賢于堯舜。敎在六經。道該群聖。生民以來。未有其盛。

顏母山贊

孔公璜



厥初類氏。飽天地春。毓鍾至聖。卓冠群倫。有光前烈。垂裕後昆。惟木與水。探本尋源。并別寒泉。廟開白雲。千秋萬禩。永格明禋。

孔子贊

陳鳳梧

道冠古今。德配天地。刪述六經。再憲萬世。統承彞聖。源啓洙泗。報功報德。百王崇祀。

頌

尼父頌

漢張超

巖巖孔聖。異世稱傑。量合乾坤。明參日月。德被八荒。名克遐外。終于獲麟。遺歌魯衛。

孔子廟頌

魏曹植

修復舊廟。豐其甕宇。莘莘學徒。爰居爰處。王敎既備。群小遘沮。魯道以興。永作憲矩。洪聲登遐。神祇來祐。休徵維杳。瑞我邦家。內光區域。外被荒遐。

學宮頌

自五帝典絕。三皇禮廢。應期命世。齊賢等聖者。莫高于孔子也。故有若曰。出乎類。拔乎萃。誠所謂性與天道。不可得而聞矣。

由也務學。名在前志。宰予晝寢。糞土作誠。過庭子弟。詩禮明記。歌以詠言。文以聘志。予今不述。後賢曷識。於鑠尼父。生民之傑。性與天成。該聖備藝。德倫三五。配皇作烈。玄鏡獨鑑。神明昭晰。仁塞宇宙。志凌雲霓。學者三千。莫不俊乂。唯仁是憑。惟道是恃。鑽仰彌高。請益不已。

尼父頌

晉孫楚

皇矣尼父。聖哲之傑。德比天地。明齊日月。周室衰遲。大道蕪穢。禮樂崩阻。奸雄罔世。乃養門徒。廣延俊乂。垂訓

列國、頌聲魯衛。威震炎谷、義厭陳蔡。德之休明、幽而彌泰。超矣三代、風馳雲邁。

駕幸辟雍頌

明孔公侑

（天開皇明、奄有萬方。禹斯百年、中葉翺昌。太祖太宗、仁廟宣考。四聖同功、以傳以紹。天祐國家、俾熾而昌。全以所統、付之我皇。我皇御極、清明在躬。仁漸義摩、道洽德融。東蕤西戎、南荒北漠。曾不踰年、式歌且樂。皇不以斯、承以謙冲。惟儒是重、惟道是崇。以身立教、事此臨雍。乃命太常、毛焦牛羊。銅羹太載、有滋其芳。乃命宿人、法駕以陳。玉輅龍孫、繹繹循循。龍旂陽陽、和鸞雍雍。我皇戾止、順叩斯容。玉帛煌煌、鼓鐘鏘鏘。我皇淵塞、以將祀享。諸侯皇皇、大夫濟濟。我皇於穆、載宣載理。荷敷休哉、地闢天開。神人觀悅、前古莫偕。龍興而雲、虎嘯而風。億萬斯人、於樂辟雍。璧水洋洋、聖謨孔彰。臣佩德音、沒世不忘。再拜稽首、敢作頌辭。予以祈嘏、予以祝釐。祚我皇明、如日方升。我皇攸寧、百千萬齡。

銘

魯壁銘

宋王禹偁

據山高兮爲秦城、鑿池深兮爲秦坑。城之高兮胡先壞、池之深兮胡先平。伊斯壁兮藏家書、歷秦亂兮猶不傾。壞之者共王、誦之者伏生。發典謨訓誥之義、擬金石絲竹之聲。如天地兮否而復泰、如日月兮晦而復明。秦之焚兮未盡、我不爲燼。秦之坑兮未得、爾滅其國。江海涸竭、乾坤傾側。唯斯文兮用之不息。

孔道輔擊蛇笏銘

石介

至正之氣、天地之有。人惟靈物、笏乃能受。笏之爲物、純剛正直。公唯正人、公乃能得。笏之在公、能破淫妖。公之在朝、譏人乃消。靈氣未竭、斯笏不折。正道未忘、斯笏不藏。惟公寶之、烈烈其光。

杏壇銘

金高德裔

周室下衰、王綱解紐。非大聖人、狂瀾莫救。天挺夫子、生民未有。立言範世、木舌金口。三千之徒、義由此受。我瞻遺壘、實爲教首。萬代護持、天長地久。

聖櫓銘

元張頌

茲櫓之幹、高參于天。茲櫓之根、深及于泉。是爲千楨、自古有傳。去聖伊何、日歲二千。氣芬而遠、色殷而堅。誰謂

崑岡良玉以瑋。誰謂斧斤美茹以述。嘉種載衍。有芽其  
卷。出乎雙間。東廡之偏。乃徒故處。全其天然。孔氏以興。  
矢言有焉。粵若三祀。慈慈莘莘。聖道以續。聖澤以全。胞  
胞其仁。淵淵其淵。自今以始。千億萬年。

詩禮堂銘

明李東陽

惟孔有庭。聖訓攸在。父立子過。其徒是賴。其訓維何。維  
詩及禮。手所刪定。教自家始。聖不可作。庭名固存。萬世  
是師。矧惟子孫。有禱延賓。金所駐蹕。彼莢則然。矧我中  
國。新廟既闢。新堂亦遷。有來繩繩。世守勿愆。

金絲堂銘

惟孔有宅。曰惟聖門。魯共何人。欲壞更存。維壁有書。四  
代之文。維堂有聲。八音是聞。此事茫昧。書則真有。有堂  
再新。宅固其舊。聞樂知德。斯言已久。金絲在焉。名不可  
朽。昔堂在東。今堂在西。欲究厥初。視我銘詩。

〔陳〕

孔子誅

晉阮籍

養徒三千。升堂七十。潛神演思。因史作書。考混元於無  
形。本造化於太初。



儒藏

校記

①贊□：當作「贊贊」，見《少墟集·關學編》首卷。

②迴：當作「迴」。

③質：當作「贊」。



闕里廣誌卷之十七

賦

魯都賦

魏劉楨

昔大庭氏肇建厥居。少昊受命。亦都茲焉。山則連岡。屬嶺。瞻岵峽北。紫金揚輝于鴻崖。水精潛光乎雲穴。岱宗邈其層秀。千氣霧以高越。其木則赤槐青松。文莖蕙棠。洪幹百圍。高徑穹皇。竹則填被山垠。駭彌阪域。夏蕩橫包。勁條並殖。翠實離離。鳳凰攸食。水產衆賅。各有藝倫。頽首莘尾。豐顛重斷。戴兵挾刃。盤甲曲鱗。且觀其時。謝節移和。族綏宗。招歡合好。肅戒友朋。蛾眉清眸。顏若雪霜。插曜日之珍筭。珥明月之珠璫。舞人就列。整飾容華。和顏揚眸。盼風長歌。颺乎焱發。身如轉波。尋虛騁迹。頽與節和。縱修袖以終曲。若奔星之赴河。及其素秋三七。天漢指隅。民胥被袂。國于水游。緹帷彌津。丹帳覆洲。蓋如飛鶴。馬如游魚。應門巖巖。朱扉含光。路殷歸其隆崇。文陛獻其高驥。聽迅雷于長徐。若有聞而復亡。其園囿苑沼。駢田接連。淶池分浪。以帶石垠。文隅瓊岸。華玉依津。判乃大狩。振揚炎威。教民卽戎。講習典詩。落幕包括。連結營園。毛群殞殪。羽族殲剝。填崎塞賦。不可勝錄。

宣尼宅間金石賦

唐王起

魯共王益宮于孔氏。壞宅于闕里。開金石絲竹之聲。有六律五音之美。清泠始奏。異洞庭之悲張。寂寞而來。非釣天之可視。或管或磬。以禮以祀。徒在廟而見聽。豈升堂而足擬。當其稱齊而進。拾級而前。遠近猶惑。鏗鏘始傳。式感王心。聘國無勞乎七十。克諧聖域。振示若化乎三千。信不擊而不考。實玄之而又玄。惟金也振春容而無關。惟竹也像吹噓而未歇。悄悄擊石。如荷蕢之初聞。杳杳揮絲。疑孺悲之來謁。所以表正聲之感。所以同古樂之發。遐想乎反魯之年。追思乎在齊之月。迴環棟宇。繚繞庭除。惟恍惟惚。噉如繹如。心方啓乃。樂可依於。固將極天而蟠地。豈徒舞獸而躍魚。疾徐有則。清濁不忒。非審以知政。非作以崇德。藏書之壁。時繹繹而難分。夢奠之楹。乍洋洋而未測。響雜乎鴻鶴。韻調乎宮羽。絲管不形。簫簴無覩。固可掩歌鐘于二四。配莖英于三五。及夫銷爾樂闋。油然思深。觀與且驚。夫盈耳。廣居由是而華心。豈不以感上聖之旨。聞至德之音哉。而皇家始崇儒禮。莫先褒聖。尊素王之號。廣舊宅之敬。儒逸韻之再聞。揭乎樂府之盛。

孔子石硯賦

王尚書

昔夫子有石硯焉。邈視器用。宛無雕鐫。古石猶在。今人



儒藏

尚傳。從歎歟。分何世。至獲麟。分幾年。世歷近王近朝。年  
幾。徂幾。遷。任。往。邇。于。几。席。垂。翰。墨。于。韋。編。時。亦。遠。矣。  
物。仍。在。焉。非。聖。人。之。休。祐。安。得。茲。而。不。捐。洎。乎。俗。遠。聖。  
賢。教。道。齊。終。列。廟。以。居。先。師。攸。主。上。煢。煢。以。光。啟。下。無。  
羅。以。色。固。介。爾。貞。堅。確。乎。規。矩。昔。諸。侯。立。政。周。道。無。聞。  
嗟。禮。樂。之。仍。缺。歎。詩。書。而。未。分。聖。人。乃。啓。以。褒。貶。垂。以。  
典。墳。必。藉。茲。器。用。成。斯。文。蓋。石。固。而。人。往。亦。事。存。乎。硯。  
云。至。乃。方。質。圓。形。鋼。模。龜。首。雕。節。爲。用。陶。甌。可。久。橫。彩。  
烟。而。不。絕。添。綠。水。而。常。有。豈。如。石。焉。斯。爲。不。朽。昔。偶。宣。  
父。厥。客。伊。何。旁。積。垂。露。中。含。假。波。時。代。遷。移。去。游。夏。而。  
彌。遠。日。月。逾。邁。變。炎。涼。之。已。多。別。有。縫。掖。書。生。歎。策。東。  
京。抑。垂。先。哲。攻。文。後。成。叨。秉。筆。以。信。問。愧。含。毫。而。頌。聲。  
塋。宅。得。書。賦

蔣 凝

孔氏之居、中藏古書、當朝魯壞壞之日、見亡秦焚滅之  
餘、卜數仍爲綠垣、時之替矣、定四科于竹簡、世以傳諸  
當其漢修兵戈、魯修宮掖、將窮下國之後、遂去前賢之  
藉、并吞一畝、方取地以崇居、摧折兩楹、遂得書于暗壁。  
悲夫、其宅也、人亡道窮、削跡于中、瓦礫而作階、缺裂、塵  
飛而環堵空濛、鯉也必趨之庭、將爲輦路、仲由未入之  
室、欲削離宮、其書也、故、廢久、坑儒之後、蟲侵而鳥跡

微虧、土蝕而韋編微朽。虞夏不刊之典、出彼巧壤、殷周  
將喪之文、存于培塿。于是升彼堂兮、棄諸簡編、信遺宅  
今必取、率古文、今何傳。將上樓臺、刻棟樑而屹若。俄聞  
金石、扣寂寞以鏗然。王乃凝思潛聽、追踪輟作、存其宅  
今不壞、知其書、今可學。悔襲古而榮今、庶立禮而盛樂。  
門庭猶在、存聖者之規模。蟲篆難詳、是古人之質朴。倚  
伏相推、于焉有之。不廣其宅、則斯文永墮、不聞其音、則  
往跡全棄。信乎君子所居、亦廢興而有數。聖人大道、常  
用舍而隨時。今皇家修典墳、崇闕闕、開儒館以待士、設  
文教以濟國。千秋萬歲、知此道之無窮、四海九州、信將  
來之有得。

奎文閣賦

序

明李東陽

闕里宣聖廟、舊有奎文閣、以貯古今圖籍、在大成殿之  
前、杏壇之南、金章宗重建、規制頗精。國朝置衍聖公府、  
其屬有奎文閣典籍一人、凡朝廷有事于廟、則禮送香  
幣、虔于閣中、以俟行事。弘治己未、廟災而閣朽、工既就  
緒、殿廡闕麗、皆加于舊。按察僉事黃君緒謂閣獨弗稱、  
欲撤而新之。衆議譁然、以爲故物不可廢。黃執之益左、  
巡撫都御史徐公源實主之。閣成、高八丈、有前、辟與殿  
等、棟宇相埒、金碧交映、向之譁者、始翕然歸之。稱全功

焉。東陽奉敕祭告，乃登于茲閣，欲賦其事，未暇也。徐公既購書數百卷，付衍聖公，問韶令典籍，孫世忠守之，四方藩郡聞而致者日益富。徐公使告于余曰：閣不可負也，乃爲賦之。黃君與布政使張君奉刻石京師，今巡撫都御史朱公欽、巡按御史曹君來旬立于閣中，時闕里誌已梓成，提學副使陳君鎮列而附之卷末。

偉新廟兮既宮，突高閣兮麗空。海之右兮山之東，極瀕滄兮爭龍從。納沆瀣兮超鴻濛，表日觀兮來天風。忽秋令兮始肅，見奎星兮正中。初徙倚兮欄前，暫徘徊兮戶外。殿庭兮鬼祟，與茲閣兮相對。亭碑盡兮林立，壇屋隳兮如蓋。昔金元兮始構，幾歲序兮更代。歎軒楹兮未燼，紛瓦礫兮浮塋。及輪奐兮鼎成，藹冠裳兮咸萃。覽舊跡兮無餘，撫孤根兮一楹。吁嗟乎，靡麗兮娉婷，彼齊雲兮落星。悵望兮怔忡，或籌邊兮見京。夫豈若親羹墻兮故宅，誦典則兮遺經。宛蜉蝣兮孔壁，恍金絲兮魯聲。感春秋兮絕筆，憶詩禮兮趨庭。存奇文兮縮史，脫虎爛兮秦坑。藉神鬼兮詞護，闕山川兮精英。乃有韋編兮竹簡，石墨兮溪藤。汗牛充棟兮不可以數計，又奚問兮何名。幽并兮青兗，渺官墻兮在眼。鼎行兮高山，每爲憾兮不淺。金書兮玉節，幸吾生兮未晚。適秋宵兮愈次，恨夏日兮猶短。

仰聖道今彌高，思古風兮漸遠。閱千載兮一時，曾一慨兮不滿。瞻遺駕兮可攀，尚頽波兮在挽。噫，靈有地兮傑有人，賢有象兮固有寶。下后土兮上高昊，軼倒景兮離塵紛。博典冊兮窮皇墳，厲夕惕兮求朝聞。豈徒析蟲魚兮隱義，辨亥豕兮疑真。訝雨粟兮今天半，降青藜兮夜分。蓋方舞千羽兮七旬，徧絃歌兮八垠。占聚緯兮周髀，聽圓橋兮成均。殆將興兮吾道，庶不朽兮斯文。巍乎高哉，勢不可以極，茲閣之名兮並列宿而俱存。

述災賦序

李兆先

歲己未，天降厄于斯文，于是宣聖廟災，燼焚所及，有不忍言者。乃庚申八月，雲陽李生兆先歸其妹于闕里，遂獲瞻拜遺址，捧心顰額，酸楚者久之。既而自慰，以爲先聖在天之靈，直以道崇爲貴，而聖天子方步踵聖教，以化天下，是亦足矣。不虞之變，蓋亦天心仁愛之所寓，而聖心之所同也。若但以土木刻視宣聖，是亦未矣。雖然，服聖教者，寧能恣然于此乎。乃述深悲，製成短賦，因以述災名之。其詞曰：

粵自遠古之世兮，兩儀混其鴻荒。納元氣于橐籥兮，杳莫究其行藏。天軸下犁以不浮兮，地樞折而不抑。以揚乃構元精之秘兮，鍾至質于三皇。及大塊之始闢兮，群



聖立乎人極。世漸啓而禮樂作兮。羣縷紛而懸析。至姬周而大脩兮。麗繁星于白日。用指迷以道盲兮。各物煥其可識。方尋繹之可守兮。既又燬于秦燬。后皇慘其紛亂兮。乃震命乎尼靈。駕降聖于遺周兮。恍群醉而獨醒。突若起而繼絕兮。闢大道于周行。作彼青衿之學士兮。方攀轅以遐征。望前聖之滅跡兮。獨吾孔謂之大成。俟後聖之深期兮。渺莫知其來之所從。如窮谷之春兮。如晦月之明。如車之弊兮。梁木以爲衡。如洪濤之滔天兮。尺箠驅之以東。悲逍遙之歌既作兮。哲人云萎。昭治法于群經兮。不傾以頽。歷帝系而莫之敢違兮。咸取則而就矩。身沒世而道自存兮。燭汗暗以停晷。茲逢皇明之繼統兮。乃上囑于奎光。新遺金之華構兮。竭意匠于宮牆。方傑製以雄瞻兮。庶有所啟企而不忘。雖道如水之無不在兮。蓋亦求之止息之故常。何回祿之不仁兮。敢妄肆其荼毒。豈彼蒼之罔聞兮。抑指顧而降酷。遇銀潢而不注兮。豈灌沃之可撲。肆衝突以上征兮。爍紅雲而旁燭。驅長風以扇煖兮。蕩千金于倏忽。悲栖神之肖像兮。嗟復質于陶瓦。絕神鬼之攝訶兮。欲肆力而莫假。豈聖靈之不欲。謂至樂兮。非廣廈。或末學之多淮兮。抑私淑者之昧寡。將遐舉以超往兮。渺何如其爲心。遊旁求

之未得兮。何鑽仰之可尋。哭兩公于三日兮。清涕黯其盈襟。撤冠裳而無所於設兮。慨俎豆之莫陳。挺修楸之亭碧兮。寶手澤之所存。何虐隲之熏蒸兮。與玉石而俱焚。歷魏晉之枯荄兮。曾幾幾而復新。茲命脉之所鍾兮。理無有乎終屯。撫焦爛之故地兮。灑予淚之沾臆。變婁風以興歎兮。動予心之怵惕。望若嶺而不極兮。行若有待而却立。屹予行之無故兮。胡不及乎未災。徒遊鶩于疇昔兮。豈無人乎往來。獨辨香之不予遂兮。而茲行適際其哀。俯斷堦而假寐兮。若有夢乎其側。觀光霽于彷彿兮。庶美牆之有挹。聆天中之啓歎兮。惘螻蟻之誠謝。被九重之綸綍兮。感玉音而增激。信修復之不可以後兮。答輿情之慰悅。返予魄而莫留兮。曾不隔乎瞬息。沾繁霜而拂緇兮。悵行岐之莫仰。龍長跪而脫悟兮。覺悲風其吹日。求竊食于遺經兮。庶幾乎顏面之可識。

辭

告孔子廟辭

宋鮮于侁

曲阜今遺墟。先師今闕里。神彷彿兮如在。涕潺湲兮不已。窮天地兮一人。揭日月而照臨。生無萬乘之位兮。三千之徒心服而四來。嗟愚陋之不明兮。乃商賜之爲疑。羌紛紛其妄作兮。悖道違義而弗自知。顧六藝之折衷。今取舍縱橫而協于道。後世苟輕肆于胸臆兮。必遽貽于詬病。三綱立而五教明兮。實治世之宏矩。履厚地而戴高天兮。胡一日之可捨。宜萬齡之廟貌兮。春秋不乏其時祀。合仁義以爲冠兮。結忠信而爲佩。集道德以爲裳兮。服文章而爲帶。列遷豆爲左右兮。積繁牲牢而漿肥。酌玉醴以爲酒兮。錯瑤瑤而爲粢。升堂而北面兮。望冕旒之巍巍。惟神明之降鑒兮。洞精神其來歎。

弔夫子手植樹辭

明李 傑

弘治己未歲六月十六日。闕里孔子廟災。先聖手植樹燬焉。京師士大夫聞之。罔不驚惋。且曰。廟貌修復。我皇上崇儒右文。諒不容緩。但茲樹不可復得。惜哉。予考之志書。手植樹枯于晉。復榮于隋。又枯于唐。復榮于宋元。初。柴陽楊與東遊記中云。金貞祐兵火焚燬。無復子遺。好事者或爲聖像。或爲簪笏。而香氣特異。是則宋時復

榮之樹。至是不復存矣。後八十一歲。爲至元三十一年。復生于故處。教授張頌爲銘以識之。今所燬者。卽此樹也。然則他日之復生。其可必也夫。爲辭以弔之。

維茲之樹兮。鬱乎參天。蒼色屹立兮。廟門之前。右枝扶坤兮。左幹策乾。膚文隱起兮。一如糾纏。剋柯偃蹇兮。蛟龍相盤。蔽虧日月兮。凌厲風煙。嘉種特異兮。材良孔堅。根盤厚土兮。下入九泉。尼山培根兮。泗水滋源。鍾靈孕秀兮。餘二千年。是惟先聖之所手植兮。大豈常木之可比肩。載枯載榮兮。凡幾生意常存兮。不死。日月光食兮。重明。甲子數窮兮。復起。嗟茲樹之被燬兮。元氣鬱而繚精。迨靈雨之旣零兮。萌蘖勃乎其奮興。惟聖道之光大兮。與天地而同久。冀茲樹之復生兮。歷萬年而不朽。

孔林辭

喬 宇

正德庚午歲。宇以戶部左侍郎奉命禱雨于山東境內山川。道經曲阜。瞻拜聖林。感而賦此。

鬱鬱喬林。上徹空兮。環抱數里。靈秀叢兮。於惟先聖。歸故宮兮。千秋萬歲。神遊其中兮。蔭庇後人。澤無窮兮。扶世立教。伊誰之功兮。

辭

李 格

道之大兮。卽一木而特奇。鍊幹石皴兮。振古如茲。



符乾象今左幹、合坤德今右枝、挺拔而干雲日、輪囷而盤龍龜、豈山靈之孕毓、抑仙源之培植、夫何以倏榮倏枯、兮、涵元氣而不知其所爲、惟聖人之手澤、兮、歷萬劫而不衰。

祭文

祭告孔子文

唐李觀

於皇夫子之道之德、與天地周旋、與日月合明、乃聖乃神、柝乎典謨、惟王者得之以事神、使民庶人得之以不失其死生、諸侯得之以事天子、卿大夫得之以保祿位、怨災不及其身、四時得之而序行、天下得之而大同、然則天地神人之事、昭乎夫子之道之德也、至矣、何小子之所竊歎焉、斯歎也、其惟來學乎、其惟乞靈乎、曰、某不敢然也、且夫禮樂浹於明、夫子之善道也、斯可謂以學矣、鬼神賁於幽、夫子之明靈也、斯可謂以敬矣、孰敢捨道而來學、黷敬而乞靈者乎、於是再拜而起、徊翔而觀、章施足徵、像設無喧、我廟俎豆、我王衣冠、夫子得之、亦無愧言、七十之徒、亦公亦侯、外如君臣、內實討論、烝烝小子、思得其門、夫子聖人、天錫元精、其未生也、若超然神遊、與兩氣俱存、其既生也、遇三季之會、飄飄湮淪、絃歌之音、拊而不和、仁義之圖、卷而靡陳、及相魯而有喜色、去宋而曰桓魋其如予何、聖人之窮、乃有如是邪、噫、俾夫子生於堯之代、堯必後舜而先夫子、生於舜之代、舜必先夫子而後禹、聖人得時、化可知也、如舜禹生於夫子之年、則不過守於田畝、安有夫子之教、垂於無窮、



若今日之瀟漫者乎。惟夫子生實陪臣。後乃王爵。有聖德也。惟紂生實殷辟。死曰獨夫。有逆德也。惟得謚在德。惟德有聖。有逆。惟聖逆在人。不在於尊。嗚呼。夫子聖人之極。賊。以鳥不至。無其時也。秦人焚書。文之衰也。帝嚳得土。德之興也。惟夫子之德。洎唐之德。永而能安。古而更新。降康下民。更有烈光。訖無間然。小子仲仲。慄慄。拜奠而出。匪作匪述。

宋四十四代孫勛

惟王德體上聖。道尊太古。歷帝師。資群倫。宗主。天。四濟橫寓。爰念最軀。叨承世譜。刻意弱齡。服膺遺矩。筮仕聖朝。策名藝圃。無德以居。惟聖是情。昔蒞縣封。躬持修脯。自解銅章。建座金組。涉歲滋深。之官旁午。雖有子孫。嗣守邦土。恨違義華。徒瞻首類。既涉郎臺。更直帝宇。親荷隆構。少寧丹府。紹慶門閭。授之道輔。土上緝臨。官崇遺補。言路是開。德音斯普。召講諫垣。日親殿廡。操履且嚴。發揮有似。上贊皇猷。下幹父蠱。忠孝克孚。鄉校不侮。內開進班。端闕布武。待滿大成。試才汶汭。惟妨抗章。再臨單父。同別操琴。俱分銅虎。雖離鴻都。歸還故所。林近五衢。春融九鴈。景物熙熙。原田黉黉。式仰威靈。奚當鼓舞。集是慶業。蓋承訓詁。乃竭精誠。用潔蠲齋。虔然

吉辰。丕昭多祐。惕之中心。弗窮覲綬。

四十五代孫道輔

道輔早持邦憲。黜典淮城。方豈月間。遷守徐城。大君之惠。榮諫旌忠。亦以祖聖遺德。能守直道。不真於法。儒者進則事君。退則事親。忠孝之道。祖教之本。後嗣弗克守。其孰能行之。昔曾子耕山無祿。能事父母。今道輔位爲大夫。權任方面。嚴父慈母。不能歸養。豈聖意乎。因西鄉拜章。天從其欲。詔守故綬。對賜休命。且厚於親者。薄於位。深於道者。淺於利。修其身者。尊其祖。明於禮者。先乎祀。道輔不佞。敢不事親守道。恭祖致祀。將無忝祖聖之慶。夫日月之運。天地之久。不言之化也。贊日月之明。合天地之功。言成其化者。祖聖之教也。明天子北面事之。如親弟子禮。罔不假後昆辭。而尊之。然後爲貴也。今魯授之政。至治之初。麗掃祠壇。蠲潔牲幣。粢盛庶品。祈享厥誠。惟福流於親。益永其齡。

蘇軾

嗟嗟元王。三代之英。言不鈞川于一君。而爲無窮之遺教。身不籠利于一時。而有不朽之餘榮。嗟嗟元王。以道而鳴。肆筆成書。吐辭爲經。炳然不渝。言若丹青。久而愈盈。聲非雷霆。譬者可以使別目以核視。瞶者可以使扶





耳而奔驚。奈何轍環天下，卒老于行。載空言于典籍，示後世之儀刑。回狂瀾于既倒，支大厦于將傾。揭日月之昭昭，破陰氛之冥冥。嗟乎！一氣之委和，與萬物之至精，或爲淮蕪之蟬珠，或爲雲漢之華星。雖光輝之成彩，未離乎聚散以流形。豈若王之道德愈久而彌明，曄曄而華，涵涵而停。融而在天者爲雲漢之文章，結而在地者爲山岳之元靈。詭然龍翔而鳳躍，純乎玉振而金聲。嗟嗟元王，德博難名。賦奉王命，俯臨邊城。故有滯穗境無交兵，鳴玉載道，分袍在庭。有踐遵豆，有豐粢盛。敢用昭薦，享于克誠。

劉文

惟王爰出乎類，自生而知，德配乾坤，道光日月。總無極於覆載，破未悟以通明。爲古今師，懷帝王器。全集成成之教，決開榮進之源。希用報章，式陳明薦。

元察罕帖木兒

粵自聖德，巍巍難名。儀範百王，而師表萬世者也。欽我皇元，雅尚斯文。屢嘗遣使，禮祀於廟庭。其崇重之道，度越千古。頃緣妖寇，鴟張梗我王化。垂及五稔，祀享之典，遂成曠弛。茲者躬承上命，爰討不庭。大振天聲，而東土克寧。齊邦戾止，遐瞻墻仞。軍旅事殷，未遑與祭。敬遣輔

行，敢申昭薦。

明林榮

天地至大也，然西北或傾，東南或缺，則大者有時而窮。日月至明也，然既中必昃，既盈必食，則明者有時而晦。山嶽至高也，然高斯爲谷，深谷爲陵，則高者有時而卑。河海至深也，然孰提之決，桑田之變，則深者有時而竭。若夫至大而無窮，至明而無晦，高矣而不可卑，深矣而不可竭，其惟我夫子之道乎。夫子之道何，人倫日用之當行者是耳。前乎千萬世之既往，後乎千萬世之方來，爲君臣父子長幼夫婦朋友者，而不悖乎是焉，則君仁臣忠，父慈子孝，長幼有序，夫婦有別，朋友有信。人而謂之人，國而謂之國。一或悖焉，則君不君，臣不臣，父不父，子不子，長幼無序，夫婦無別，朋友無信。人將近於禽獸，中國淪胥於蠻貊矣。然則夫子之道，可得而窮，可得而晦，可得而卑，可得而竭也哉。今距夫子之生已二千年，歷代之君追王而師尊之，通祀徧于天下，封後人以上公之爵，立官以教其子孫。凡天下之人，能誦夫子之言，而明其道者，咸委用之。大者論道經邦，小者分理庶務，布列于中外。我朝因之，有加無已。其崇德象賢，尊儒重道之意，可謂至矣。然非以是足報稱於夫子也。蓋將以

闡明世教而壽國脉也。榮自有識，莊誦夫子之言，其於夫子之道，譬猶以甕窺天，未能見其萬一。然未足以叨清秩而竊祿於朝，碌碌無補於人國，恒以孤夫子之澤是懼。茲者謬承上命，來按山東道夫子之故鄉，值歲暮云暮，是用吉蠲祀事，祇謁廟庭，且敬陳斯道功用之大，凡使相禮者聞而告之人人，庶幾風教之一助。

五十八代孫塔胡 榮

惟吾夫子體道設教，立言垂範，俾後世學者講明力行，可以復吾性之固有，而盡天職之所當爲也。然傳聞之的，每出乎家庭風化之原，尤謹乎親戚，故在當時，詩禮有聞，中庸有作者，皆道之真傳，而素行可妻，復詩謹言者，斯擇之爲子壻。自是厥後，嗣世多賢，繼承家學，以副歷代尊顯之意者，固難悉數。迨我皇明，不崇聖教，廣建學以育才，重賢科以取士，而文孫公恂與榮同第進士，官近侍，因復爲之妹壻。絲蘿托好，席蔭良多。邇者同膺寵擢，公忝位輔青宮，日侍講讀，有行道之兆。榮祇奉聖責，督學東廣，有明道之責，實家庭親戚無疆之休。願榮愚昧，於道未聞，曷克荷聖天子委任，而振吾夫子之遺教耶。謹躬詣闕里，特申虔告。尚冀相協，陰誘予衷，俾榮小子克舉教事，勸學而學政日興，造士而士風日厚。期

無忝於國命，而有光於斯道。性醴薄陳，庶幾昭格。

畢 瑜

於戲，天地綱常，斯文元氣，王實主之。瑜奉命東來，布宣聖天子文教於王之鄉邦，敬再拜稽首於闕里之下，就王而質焉。竊惟王嘗有意變齊至魯，變魯至道，惜當時一變之功，僅小試於魯，而不用於齊。今天下一家，謂王之六經者，莫不尊王之道，以爲治爲教。瑜不德，無以塞明詔，尚資神化，以裁狂簡。俾齊魯多士，咸知向道，庶不辱王過化之鄉。

徐 源

惟王至德，不可以名贊，大道無待乎掄揚，而獨千載之上，不幸不得遊吾聖人之門。千載之下，何幸而得遊聖人之鄉。雖曰孰仰乎學宮之廟貌，曷若躬覩乎闕里之門牆。燭燼固不足以窺望日月之明，而實慶幸學者之輝光也。謹以牲帛，式陳明薦。

錢 溥

於惟宣聖，德配天地，妙參贊于一心。道述帝王，貫古今而一揆，此其所以如天不可階而升，如日月不可踰其明，集群聖之大成，而賢於堯舜者也。薄風服聖教，崇歷天朝，勅賜歸老，敬趨闕里，少陳洞酌，以告厥成。



徐源

惟此闕廟、近燬於災。殆天厭敝、大道何虧。奉命重修、群材悉庀。衆手紛作、以堅締締。梁木既起、椳栳飛甍。宮墻數仞、美與美輪。巍巍素王、功高堯舜。植我綱常、廟貌今稱。工既告成、神靈亦宅。祭祀萬年、吟壺斯集。

五十八代孫公易

惟王道高德厚、遺澤綿長。派分南北、千載流芳。曩自有宋、南渡浙江。宗親扈從、僑寓衢邦。去魯已久、景仰弗忘。茲蒙恩庇、分教鄰庠。得瞻林廟、曷表衷腸。謹備牲醴、承筐是將。聖祖在上、冀祐洋洋。

陳鳳梧

文武之道、傳之周公。封于魯邦、禮樂昭融。奕奕尼山、源源洙泗。靈秀所鍾、貞元間氣。五百昌期、生吾夫子。繼天立極、上承姚姒。道高德厚、教化無窮。六經炳耀、如日方中。瞻茲闕里、宮殿有翼。百王所尊、與天無極。譬則泰嶽、萬山攸宗。譬則東海、萬水攸同。藐惟小子、質愚而鈍。方其登稚、已知敬信。朝夕在齊、百拜稽顙。如見聖容、洋洋在上。適設繪像、配以四賢。春秋釋菜、必恭必虔。講習之餘、瞻容慕德。夢寐或見、恍然侍側。及叨一第、歷官中外。奉像以隨、致嚴無怠。幸典文教、晉楚兩邦。推明正學、以

淑俊良。家有精舍、極其崇祀。朝夕展肅、傳之世世。顧惟聖鄉、未遂瞻拜。積此愆忱、二十餘載。敬趨杏壇、沐浴濟莊。陟降左右、追德之光。如登泰山、天下小矣。如觀於海、難乎爲水。觀於聖門、實難爲言。仰鑽瞻忽、若後若前。四時行焉、百物生焉。天何言哉、聖道則然。尚冀聖靈、佑啓小子。不墜其傳、深探本始。祇謁之初、薦此蘋蘩。斯文萬古、天壤俱存。

羅鳳

惟闕里寔造化之攸始、廟庭聳天下之具瞻。報祀孔殷、禮樂肅備。曩因流寇披攘、毒延東土。致將祭器燬、有司因循、未之修舉。積有歲年。鳳承乏守郡、諭此隆典、實瞻于懷。適稽按載籍、發汶上之藏錢、市群材以從事。實以儀譜、各從品式。今者百物咸具、八音亦完。謹涓吉日奉安。敢以牲醴、用申虔告。惟王其鑒之。

沈謐

嗚呼、聖師道參天地、後世蒙其覆載、而不知其恩。聖師明並日月、後世被其照臨、而不知其功。聖師之文章如星斗江河、從心所發、後世效之、而不知其本。聖師之學如精金玉、渾然天成、後世習之、而不知其真。夷考當時及門之士、號稱傳得其宗者、不過顏曾思孟四公而

已嗣後寥寥餘二千載。雖有英賢特達後先倡明。此學賴以不墜。亦未見光顯透徹。如聖師之精切神明化變無方者也。聖師在天之靈。能無悄悄不安矣乎。近得蒙傑君子履危當險。深體聖師之心。闡揚致知之學。恍若聖師復生。耳提面命。簡易直截。後之有志者。可以佩服終身。免其不著不察之患也矣。末學小子幸巡聖師之鄉。復沾闕里之化。誠千載一時。佳期難得。徒巡人而不自察。見聖而不克繇。其得罪愈覺大且深矣。敢忘愚陋。卒業杏壇。凡有世情習態。消之未盡。克之未能者。聖師默佑扶翼。陰加悔悟。免爲聖門棄人。此小子日夜惓惓之心。死而後已焉者也。宮牆拜謁。不勝慨歎。無言之教。相信之誠。蓋有脉脉感通之機矣。聖師其鑒察之物。薄心真冀其欲格。

毛鵬

仰惟慕先聖之道。希見美牆。謁先師之居。眷言此邦。茲其托洙泗而結壇者。舊轍還而棲止。連闕里而聚處者。曾仰恂而頡頏。夫子之道。無處不有。無時不然。於鄉黨而恍恍其謙光。簪纓奕業。發校傳芳。所謂賢於堯舜者。中固不可名。而迄今愈顯揚。鵬等問俗山東。造里升堂。儀刑雖切。瞻邇茫茫。舉酒釋奠。神其來嘗。

吳惟楨

師道天然。莫之所擬。得門而入。美富在是。幼讀詩書。夢寐闕里。乃獲來瞻。云胡不喜。六經四書。師訓炳傳。約而言之。不越政學。四教無隱。冀後有覺。滔滔皆是。今更。孫學罔爲已。忠信弗率。志毅恥繼。始務佔俾。聞見未。疑殆自必。勇或亂義。文皆勝實。徒事攻人。私是用匿。有號識者。日繁講論。索隱何述。口給非仁。庸德庸言。師嘗誨人。所求乎子。所求乎臣。五者達道。曾不出家。未踐其實。願撫其華。蔬食飲水。樂豈在遐。迢迢聲利。曰思無邪。何如從政。在帥以正。兵食可足。無信爲病。學道愛人。禮樂斯競。百姓不安。何以修敬。弗均乃貧。有欲乃竊。四惡五美。創行決裂。使不以時。用其云節。苛猛于虎。衆且結舌。君維使臣。民欲令聚。兇出玉毀。伊誰之故。枉直攸分。在慎舉錯。不果不達。胡容尸素。以今政學。回視春秋。末流愈下。大道是譬。維師振鐸。爲絕學謀。維師泣麟。爲窮民憂。俾見今日。始有甚者。席不暇煖。每在中夏。師靈在天。鑒觀于下。何時易之。還諸大雅。小子踽涼。攝教東方。志欲起衰。媿不成章。古有問天。亦有望洋。小子似茲。誠在潤芳。

王藻



儒藏

於惟先師萬古是瞻。道集大成。德配昊天。六經胎訓。堯舜能賢。一哉心法。啓示真傳。天憫群蒙。長夜綿延。俾扶周統。二百餘年。一字一香。華衮龍泉。秉桴擊磬。歷聘周旋。乃思吾黨。成章斐然。時行物生。至教昭焉。千載道脉。歷世敷宣。麗天日月。在地山川。迄我昭代。精一是式。惟金惟玉。條理昭晰。微言與義。再訓作則。啓佑斯文。追追古昔。以極天常。以立人極。剴迥性真。民用無惑。直道大行。無反無側。咸惟聖訓。啓我懿德。泰予不敏。簡書是將。肅察貞度。赫奕發章。聆教趨庭。淑慝周行。岱嶽巖巖。泗源湯湯。杏林闕里。垂世衣裳。絃誦盈耳。禮樂彬彬。仰瞻在上。神爽洋洋。一七之俎。一豆一臠。對越孔嚴。瘞玉獻璋。千古淑艾。願言門墻。

趙賢

惟師上律下襲。祖述憲章。六經垂教。萬世無疆。蓋賢深懼不能學焉。而東巡乃幸遊於聖人之鄉。至魯至道。嘉言孔彰。將必有所以爲注措之方。杏壇故迹。瞻戀徬徨。無亦惻然念賢以及桑梓之邦。爲之陰佑而默相。俾賢慰生平仰止之私。而亦庶幾無玷於宮墻。

陸樹德

惟師東周之念。夢寐不忘。雖千萬世之下。猶思見其真。

皇樹德等叨吏茲土。何以奉揚。尊美屏惡。聖謨洋洋。舉直錯枉。嘉言孔彰。節用而愛。救時尤良。彼其爲操戈者。則鳴鼓之分張。時維繹思。厥有周行。聖明陟降。游衍出王。祇修禮祀。肅伏恐懼。

鍾化民

惟師至德難名。曰維太極。太極生兩儀。四象八卦。先師生上下四方萬世。生生於一時者。王道備。生生於萬世者。師道尊。化民備員。西臺代賈。東省材居。下秉志仰高山。敢不體生生之心。以佐皇皇之治。牲牲既潔。醴酒既清。敬采溪毛。用申虔祭。

王在晉

生民以來。未有夫子。刪述六經。統宗百氏。玉振金聲。始終條理。道大莫容。迴環輟軌。寂周秦王。世不吾以。子曰歸與。斯文在此。日月中天。揭明宗旨。清任惠和。孰相媲美。江漢秋陽。不可尙已。惟茲齊魯。聖人之里。代置封疆。宮墻如咫。泰山在望。梁木未圯。美牆繡綵。千古仰止。詎曰凡民。待文興起。聞而知之。亦有乎爾。

李日宣

惟日宣幼學夫子之學。壯行夫子之志。窮守夫子之固。達不變夫子之塞。日就月將。夙興夜寐。惟求無忝所生。

以不爲官牆戾而宜也。憤憤悠悠，莫知卒歲。幽獨自循，追悔靡及。回首六旬，小心翼翼。三十功名，亦義亦禮。乃進罔裨于清時，退無補於大事。子臣弟朋，多少缺失。性道文章，扣盤測日。方秉燭之未遑，而分陰之是急。危乎危乎，如焚斯溺。邇以獲罪于天，奉譴過濟，咫尺聖門，安敢自逸。觀茲文物，衣冠殊慰仰止。廟貌方新，躬具木石。祇以王程，弗容喘息。敬汲洙源，以告靈几。生平瞻仰，何幸此際。自茲以還，有過勿吝，無念不飭。庶幾朝聞，乃可夕死。惟我聖師，終焉啓迪。

王永吉

維吾夫子，道高德盛。貫古鑠今，開天一聖。再教萬世，性命各正。堯舜以來，罕覩其盛。維茲齊魯，夫子故鄉。漸磨仁義，俗善而良。昊天不弔，登遘兵荒。死徙凋喪，散之四方。雖曰天時，上失其道。狐鼠縱橫，民無所告。大蘇高牙，以暴禦暴。孰念民艱，撫綏慰勞。急賦繁刑，驅之爲盜。瞻彼殘黎，能不惻然。生者死者，慘痛堪憐。市無完壁，野斷炊烟。救民水火，惟賴群賢。望吾夫子，訴之上帝。淨掃乖沴，導迎和氣。華髮晏然，憺怡息慧。雨暘若時，民無天厲。望吾夫子，啓祐官牆。有官君子，視民如傷。忠信廉潔，寬裕齋莊。若保赤子，毋養虎狼。吉生也魯，賦性頗僻。寡過

未能，愆尤日積。誓茲血誠，共極蒼赤。如負此心，幽有鬼責。內省自訟，知非已遲。正心誠意，篤志近思。治平天下，道在于斯。小子不敏，敢不勉之。

國朝施閏章

於惟夫子，訓萬世而冠百王。至德莫罄其揄揚。夫子之學宮盈天下，遐陬僻壤，靡不瞻廟貌而歲烝嘗。而學者必嚮往乎闕里之堂。譬日月之著明，照及幽荒。邇靈曜所自出，必觀乎暘谷與扶桑。山海崇深，功德及物，必履泰岱之趾，觀滄溟之濱。後知爲五嶽之長，百谷之王。維章小子，祇承王命，敬敷文教，再歷於夫子之鄉。雖未獲遊聖人之門，猶幸觀車服禮器之煌煌。思齊魯之一變，弗稍職其悚惶。願多士之無泰於四科七十，而共聞乎夫子之文章。





辯

孔子師老聃辨

宋羅璧

孔子師老聃之說，雖于莊子。莊子師老子，故其著書，護侮古今聖賢，獨推老子甚至，假設孔子言語舉之。後宋漢儒輯禮記，承其言曰：聞諸老聃。司馬遷史記老子傳，復增許多老子訓誨孔子言語。孔鮒作家語，著孔子事實，因據以爲證。由是堅後學之信。不知莊子一書，多鴛空寓言。時去孔子未遠，知天下不崇信其學，故托時所最重者尊其師，庶幾聃之道益隆。此莊子抑孔子，尊老子之迹也。後儒不察禮記家語史記出莊子後，見孔子萬世師表，不應禮樂無所自來，而問禮老子一語，又僞見諸書，不知其始自莊子。夫老子之教主于清淨無爲，其著書厭薄禮學，曰：禮者，忠信之薄，亂之首也。莊子傳其後，從而有剖斗折衡，矩提仁義，焚符破璽，絕聖棄智等論，則聃又何禮之可問耶。太史公謂道家以虛無爲本，因循爲用，有法無法，有度無度。故後之尊老莊者，蕩棄禮法，蓬頭垢面，喪酒弔肉，晉人可證也。豈有以禮訓孔子，而最其徒容異是耶。孔子于人一善者，若管仲之仁，子產之惠，皆亟稱不暇，豈有聃其師而故沒之耶。此爲莊子寓言無疑。余嘗謂孔子師表，蓋推夫周公，彼其

夢想猶冀見之。孟子去孔子甚近，且曾思之傳最的，詞孔子派接，不過文武周公。使孔子果師聃，曾思何不言之。老子之道，莊子述而傳之足矣，何必假孔子之言明之。此其借孔子爲重可見也。後之衛道者，多爲孔子分說，未以寓言及尊師之意照破莊子之妄耳。若孔子師聃之事，莊子外篇著聃爲周藏史，藏皮書所，或者聃所職多書，孔子因問聃焉，容或有此理。不然，魯論何無一語及聃，而聃之禮何不盡傳其徒，而甘爲棄名檢，蕩禮教之罪人耶。東坡嘗謂莊子雖譏孔子，實尊孔子。書末叙百家之學，與曰：譬如耳目口鼻，各有所司，而不能相通。故墨翟、朱鉏、禽滑釐、尹文、彭蒙、田駢、慎到、關尹、老聃，以至莊周，皆列叙名之。至鄒魯之士，縉紳先生，其在詩書禮樂多能明之，則推而不敢斥。此又可見莊子前之推老聃者，借孔子也。

有若辨

洪邁

史記有若傳云：孔子沒，弟子以有若狀似孔子，立以爲師。他日，進問曰：昔夫子當行，使弟子持雨具，已而果雨。弟子問：何以知之。夫子曰：詩不云乎，月離于畢，俾滂沱矣。昨暮，月不宿畢乎。他日，月宿畢，竟不雨。商瞿年長無子，孔子曰：瞿年四十，後當有五丈夫子。已而果然。敢問





何以知之、有若無以應。弟子起曰、有子避之、此非子之座也。予謂此兩事殆近于星曆卜祝之學、何足以爲聖人、而謂孔子言之乎。有若不能知、何所加損、而弟子遽以斥退之乎。孟子稱子夏、子張、子游以有若似聖人、欲以所事孔子事之。曾子不可、但言江漢秋陽不可尙而已、未嘗深詆也。論語記諸善言、以有子之言爲第二章、在曾子之前、使有避席之事、弟子肯如是乎。桓子載有子聞曾子喪、欲速貸、死欲速朽兩語、以爲非君子之言。又以爲夫子有爲言之。子游曰、甚哉、有子之言似夫子也。則其爲門弟子所敬久矣。太史公之書、于是爲失矣。且門人所傳者、道也、豈應以狀貌之似而師之也。世所圖七十二賢畫像、其畫有若、遂與孔子略等。此又可笑也。

窮桑辨

元羅 泌

空桑在東、窮桑在西。歸藏啓事云、空桑之蒼蒼、八極之既張、乃有羲和、是主日月、職出入以爲晦明。蓋指崦嵫之地、故記孔子生于空桑。春秋演孔圖云、徵在遊于太家之陂、夢黑帝謂已、汝產必于窮桑。而干寶所記、徵在生于空桑之地、今名孔寶、在魯南山之穴。孔廟禮器碑云、顏育空桑。空桑、魯北。孔子魯人、故說者指空桑、紫

而言之魯南山穴之說、正自戾矣。乃若共工氏之振滔洪水、以薄空桑、則爲華陝之間。伊尹、莘人、故呂氏春秋古史攷等、俱言尹產空桑、故城在今陳留。空桑固非魯也。故地記言空桑、南祀而北陳留、各三十里、有伊尹村。而所謂窮桑、則非是矣。拾遺記言窮桑者、西海之濱也。地有孤桑千尋、蓋在西垂少昊之居、梁雖之域。故周書嘗麥云、帝命申尤、于小顓。而遠遊章句、西皇所居、西海之津。西皇者、少昊之稱、而小顓者、少昊之正字也。宜爲咸陽。故咸陽曰雲陽、而少昊一日雲陽氏。雲陽縣今隸耀州、甘泉宮卽武帝之太時。顓頊繼少昊也、故世統顓頊亦自窮桑遷商丘、事可知矣。而杜預遽以窮桑爲在魯北、至釋例地名、乃云地闕。故顏達云、言魯北者、相傳言耳。蓋以定四年傳封伯禽于少昊之墟、逆之而樂史之所記、乃在曲阜、此又因預而妄之也。太昊在東、少昊在西、予旣言之。拾遺遠遊窮桑、旣在西極、則魯曲阜之說、得非太昊之墟乎。郡國志云、少昊自窮桑登帝位、非空桑也。

孔子生卒年月辨

明宋 濂

或有問于濂者曰、孔子之生、傳記所載歲月不同。公羊氏云、魯襄公二十一年冬十有一月庚子、孔子生。穀梁

氏之說年之與日同于公羊、而謂冬十月孔子生、則與公羊實差一月。月固差矣、至賈逵註二十一年經云、此年仲尼生。昭公二十四年、服虔載賈逵語云、仲尼時年三十五、則皆以孔子爲二十一年生也。司馬遷著孔子世家云、孔子生于襄公二十二年、則與公羊、穀梁實差一歲。日則雖與公羊同、而月復與穀梁異。杜預主司馬遷、以註左氏傳、謂二十二年生。司馬貞主公羊、穀梁、以證史記謂二十一年生、遷誤爲二十二年者、蓋以周正十一月屬之明年也。孔若古主公羊、穀梁、謂爲不易之論。胡舜陟主司馬遷、謂如穀梁、公羊所書、則孔子出處之年、與經史諸子皆不合。孔宗翰亦主司馬遷、羅泌之議略與宗翰同。洪興祖主穀梁、而謂周家改月、十月二十一日庚子、卽夏之八月二十一日。馮去疾見傳記異詞、則造爲調人之言曰、襄公二十一年、實已酉之歲也。是歲八月置閏、以曆法積之、則大雪節當在十月十七日或十八日、是爲十一月朔氣。又三四日、方爲庚子。是孔子之生、已在十一月之節矣。旣在十一月、則是二十二年庚戌歲首無疑。公羊書爲十一月、似誤而非誤也。司馬遷書爲二十二年、而又謂孔子之年七十三以卒、亦未嘗誤也。穀梁于年于月皆據實而書、公羊于年亦

據實而書、于月則以節書、謂有日可以表見也。司馬遷于年則以節書、總而論之、三者皆非誤也。若是衆言之不齊、果各有見乎。濂應之曰、公羊、穀梁二氏、集傳經之家也。夫傳經之家、必不苟且草率、以徒文具。當有講師以次相授、且公羊、穀梁、其世代去孔子時又爲甚近、以故考圖按跡、其言必有所據依。司馬遷固古今良史、則其時又後于穀梁、公羊二百有餘歲矣、故其圖缺跡遠、言則無徵乎爾。卽是而知孔子所生之年、吾當從公羊氏、穀梁氏爲的。然以春秋長曆考之、二十一年已酉十一月、無庚子、庚子乃在十月之二十一日。二十一日時交十一月節、孔子所生之月、吾正當從穀梁氏也。且註家謂已酉爲已卯、卯酉之文相近、意或誤書、未可知也。曰、孔子周流諸國之年、世家所紀多可考據、宋之大儒傳文該識者多或取之。若如子言、無不遲一歲者、遷尙不足信乎。曰、衛靈公之時、孔子適衛、又適陳、匡人以爲陽虎而拘之。世家謂孔子使從者爲甯武臣于衛、然後得解圍而去。按武子仕于成公之朝、至穆公末、武子之子相已與孫良夫將兵侵齊、當是時、則武子年已耄矣。復歷定、獻二公、凡三十七年、至靈公三十八年、其數七十有五年、而孔子至衛、使武子猶在、其年將一百五十



有餘歲矣。武子之事然也。孔子之年乃獨可信乎。非惟此也。孔子去魯世家謂定公十四年。年表則又謂十二年。以年表爲是。則世家爲非。以世家爲是。則年表爲非。一書之中。自相矛盾若此。他蓋不足深論。皇王太紀曰。遷載孔子言行。不得其真者尤多。夫言行且不得真者。居多。而况于年乎。曰。洪興祖謂周之十月卽夏之八月者。然乎。曰。非也。三代雖異建。而月則未嘗改也。殷嘗建丑矣。書則曰。惟元祀十有二月。漢嘗建亥矣。史則曰。元年冬十月。舉前後以例之。則周制可知。孔子作春秋。行夏之時。爲萬世法。不過載子丑二月于前歲之終耳。月固不足改也。否則。春入于夏。夏入于秋。錯亂而不成歲矣。曰。馮去疾謂十月庚子在大雪後。卽爲十一月者。可乎。曰。亦非也。世之星史曆生。以六物占人休祥。當氣會之交。固有生于巳酉。而以庚戌歲推之者。孰云吾儒乃有是耶。此野人之語。舍之勿以之。汗齒牙可也。曰。孔子之生。予既聞命矣。其卒之時。亦有一定說乎。曰。左氏云。魯哀公十六年夏四月巳丑。孔丘卒。司馬遷遵之。諸儒又從而遵之。理之所在。孰得而違之。故孔子所卒之年。吾當從左氏。然十六年乃壬戌之歲也。是歲四月戊申朔。有乙丑。而無巳丑。巳丑乃在五月之十二日。巳與乙

文亦相近。故誤書也。所謂乙丑則四月十八日。謂當夏正二月十八日者。非也。謂十六年爲辛酉。巳丑日爲歲成者。亦非也。自壬戌歲上溯巳酉。孔子之年乃七十四。謂七十三尤非也。曰。近代王應麟博極群書者也。頗致疑于是。而謂今不可考矣。予乃贊言之。何耶。曰。衆言紛淆者。當折衷以經。經無明載。當索之于傳。索之于傳。不猶愈于史乎。謂今不可考者。過矣。曰。子之言。辨則辨矣。夏周二正。千古難決之疑也。何言之若易易耶。曰。是非爾所知也。雖盤桓徠之松。以爲煤。盡剡溪之藤。以爲楮。未能竭我喙也。他日當爲受春秋者詳焉。

孔子封王辨

吳沉

後世之禮。有似是而實非者。不可不察也。且以追謚夫子爲王言之。夫子。聖人也。生不得位。沒而以南面之禮尊之。其說似矣。然王君之號也。夫子人臣。生非王爵。死而謚之。可乎哉。昔者夫子嘗有言曰。必也正名乎。又曰。名不正則言不順。臣而王之。于名正乎。于言順乎。春秋之時。有僭稱王者矣。麟經之筆削而黜之。蓋名者實之實也。無其實有其名。謂之淫名。夫子之生也。不獲有尺土之土。而以有天下之號歸之。在天之靈。其肯歆之哉。嗟夫。有德者必有位。理之常也。有其德而無其位。此則

夫子之不幸也。曾謂以無實之稱而足以爲聖人榮乎哉。或曰：夫子之道，王者之道也。謂仲尼素王，其來久矣。至今封之而不可哉。曰：謂夫子有王者之道則可，謂夫子有王者之號則不可。昔者夫子病，子路使門人爲臣。夫子資之曰：久矣哉，由之行詐也。無臣而爲有臣，夫無臣不可以爲有臣，非王而可以稱王乎。聖人不敢欺天也，其可以欺聖人乎。然則當若之何。曰：夫子之澤不被于當時，而其教實垂于萬世，褒之以王者之貴，孰若事之以師之尊乎。書曰：天降下民，作之君，作之師。古者治政之資不分，君卽師也，師卽君也。二帝三王，蓋君師之責者也。若夫子，則不得爲君而爲師者也。師也者，君之所不得而臣也。故曰：雖詔于天子，無北面，所以尊師也。彼以王爵之貴爲隆于稱師者，習俗之見也。考之經載，當時聖人高弟子稱其師，有曰孔子，有曰夫子，其孫子思前字曰仲尼。蓋夫子既無爵諡，則稱之者不曰仲尼，必曰夫子。觀其門人弟子之不敢過號其師，則知以無實之謚加于聖人，必非聖人之意也。天下之論，每病于徇同惡異，而不本乎至公至當之理。談夫子之封王，則必相于和之，以爲誇大矣。謂夫子不當封王，則必相與牴之，以爲狂悖矣。吁！此所以行之數百年之久而未敢

議其非者。彼之不敢議，必曰：我畏聖人也。此非畏聖人也，畏天下之罪已也。若余之說，則雖得罪于天下，不憾也。懼得罪于聖人而已。曰：請問今將何以尊聖人。曰：在明其道，不在乎王不王。

議

孔子廟堂議

明宋 濂

世之言禮者咸取法于孔子然則爲廟以祀之其可不稽于古之禮乎。不以古之禮祀孔子是褻祀也。褻祀不敬不敬則無福奈何今之人與古異也。古者將祭主人朝服卽位于阼階東西面祝告利成主人立于阼階且西面尸入門主人降立于阼階東西而此皆主人之正位也。卒爵祝盥于洗升自西階主人盥升自阼階祝先入南面主人從尸內西面祝酌奠主人西面再拜稽首皆爲几筵之在西也。尸升筵主人西面立于尸內拜安尸。尸酢主人主人西面奠爵拜皆爲尸之在西也。漢晉春秋所載章帝元和二年幸魯祠孔子帝升廟西面再拜開元禮亦謂先聖東向先師南向三獻官皆西向是猶未失古之意也。今襲開元二十七年之制遷神于南面而行禮者北面則非神道尙右之義矣。古者造木主以栖神天子諸侯之廟皆有主卿大夫士雖無之大夫東帛以依神士結茅爲菑無有像設之事。開元禮亦謂設先聖神座于堂上西楹間設先師神座于先聖神座東北席皆以莞則尙掃地而祭也。今因開元八年之制搏土而肖像焉則失神而明之之義矣。古者瀝用鬯臭

鬱合鬯臭陰達于淵泉既灌然後迎牲致陰氣也。蕭合黍稷臭陽達于墻屋故既奠然後炳蕭燿蕭蓋求神于陰氣也。今用熏薪代之庸非簡乎。古者朝覲會同與凡郊廟祭享之事皆設庭燎司烜共之火司監之其數則天子百公五十餘三十以爲不若是則不嚴且敬也。今以秉炬當之庸非賁乎。古之有道有德者使教焉死則以爲樂祖祭于禘宗此之謂先師若漢禮有高堂生樂有制氏詩有毛公書有伏生之類也大凡始立學者必釋奠于先聖先師釋奠必有合有國故則否。謂國無先聖先師則所釋奠者當與鄰國合。若虞夏有夔伯夷周有周公魯有孔子則各自奠之不合也。當是時學者各自祭其先師非其師勿學也非其學勿祭也。學校既廢天下莫之知所師孔子集群聖之大成顏回曾參孔伋孟軻實傳孔子之道尊之以爲先聖先師而通祀于天下固宜其餘當各及其邦之先賢雖七十二子之祀亦當罷去而于國學設之庶幾弗悖禮意。今也雜糅而妄列甚至荀况之言惡揚雄之事王莽王弼之宗莊老賈逵之忽細行杜預之建短喪馬融之黨附勢家亦廁其中吾不知其爲何說也。古者立學專以明人倫子雖齊聖不先父食久矣故禹不先鯀湯不先桀文武不先不



儒藏

竊。宋祖帝乙、鄭祖厲王，猶上祖也。今一切真而不講，顏回、曾參、孔伋、子也，配享堂上。顏路、曾點、孔鯉、父也，列祀廡間。張載則二程之表叔也，乃坐其下，顛倒義倫，莫此爲甚。吾又不知其爲何說也。古者士之見師，以菜爲贄，故始入學者必釋菜，以禮其先師。其學宮四時之祭，乃皆釋奠。釋奠有樂，無尸，而釋菜無樂，是二者之重輕，繫乎樂之有無也。今則襲用魏漢津所製大成之樂，乃先儒所謂亂世之音者也，其可乎哉？古者釋奠釋菜，各義雖存，其儀注皆不可知。唐開元禮彷彿儀禮饋食篇，節文爲詳。所謂三獻，各于獻後飲福，卽尸酢主人主婦及賓之義也。今憚其煩，惟初獻者得行之，其可乎哉？嗚呼！學校者，禮之所自出，猶河濱之宗瀛海也，猶山岳之祖崑崙也。今乃舛謬若是，則其他可知矣。禮固非士庶人之所敢議，有人心者孰能默然以自安乎？雖然，此固言其略可。若夫廟制之非宜，冕服之無章，器用則雜乎雅俗，升降則昧乎左右，如此類甚多，雖更僕不可盡也。或者曰：子之言，信辨矣。建安熊氏欲以伏羲爲道統之宗，神農、黃帝、堯、舜、禹、湯、文、武各以次而列焉。皋陶、伊尹、太公望、周公暨稷、契、夷、益，傳說、箕子，皆可與享于先王。天子公卿所官師式也，當以此秩祀天子之學。若孔子則

兼祖述憲章之任，其爲通祀，則自天子下達矣。苟如其言，則道統益尊，三皇不汨于暨師，太公不辱于武夫也，不識可乎？昔周有天下，立四代之學，其所謂先聖者，虞庠則以舜，夏學則以禹，殷學則以湯，東膠則以文王，復各取當時左右四聖成其德業者爲之先師，以配享焉。此固天子立學之法也，奚爲而不可也。

孔廟樂議

瞿九思

觀虞書受擊鳴球，搏拊琴瑟以詠三句，似韶樂堂上無編鐘，但有編磬、琴瑟歌工。觀下管箎鼓，合止祝敔，笙鏞以間，簫韶九成等句，似韶樂堂下無編磬，但有特鐘、鼓、簫管、笙等器。竊意韶樂之制，凡將舉樂時，必堂上先擊大鏞三聲，卽堂上玉磬琴瑟詩歌與堂下簫管一齊並奏。及樂奏已半，恐樂工或微有倦意，復播鼗數聲以召之，擊鼓三聲以振之，卽堂下之笙與琴瑟詩歌簫管一齊並奏。及其將終，則左擊祝，右擊敔以止之。故曰合止祝敔。合止祝敔者，謂東西相合而止之，非以祝起樂，以敔止樂。起樂已有鏞，又何待祝也？笙字從蕤賓，蕤字從生，字乃樂所由生，故擊鼓之後，笙必先作。觀周禮春官有笙師、無簫師、無管師、無篪師、無篴師，儀禮有笙、簫、篪、篴，無管、篴、篴，無篴、篴，及儀禮燕禮、鄉飲酒禮

鼓瑟而歌鹿鳴、四牡、皇華、有南陔、白華、華黍、由庚、崇丘、白儀、笙詩六章、無箏詩、無管詩、無篪詩、無箛詩、可見笙音與箏管篪遠邇然不同。前一半不與琴瑟並奏。磬先作是前一半。笙先作是後一半。是謂小間。故曰笙間。實是大鼓。觀大雅以鏞與黃鼓相對。可見鏞是大鐘。韶樂每成前一半先擊鏞。卽所謂鐘以立號。後一半先擊鼓。卽所謂鼓以立譌。及到第二成復先擊鏞以起樂。是爲大間。故曰鏞間。笙爲小間。鏞爲大間。是所謂笙鏞以間也。每成前一半用鐘起之。後一半用鼓振之。鐘與鼓是兩相對待底。大雅所謂於論鼓鐘。鏞鼓有數是也。擊鐘後磬卽先發聲。而衆樂卽隨之。擊鼓後笙卽先發聲。而衆樂卽隨之。磬與笙是兩相對待底。小雅所謂笙磬同音。頌所謂磬筚篥是也。由此言之。是韶樂制度雖與商周稍異。而總其大較。則亦未嘗不同。所不同者。特韶樂堂上無編鐘。第一成後一半以鼓振之。而以笙繼之。爲稍異耳。孟子說孔子集大成。以金聲爲始條理。以玉振爲終條理。則孔子之樂。又當與虞夏商周少別。釋奠樂似當于編鐘編磬外。更製特鐘一枚。特磬一枚。凡舉樂必堂上先擊特鐘數聲以聲之。卽堂上編鐘編磬先發聲。與琴瑟詩歌箏遠邇填篪一齊並奏。而每一句以小

鼓爲節。此所謂始條理。待樂奏已半。復堂上擊特磬數聲以振之。卽堂下笙先發聲。與編鐘編磬琴瑟詩歌箏遠邇填篪一齊並奏。而每一句亦以小鼓爲節。及其將終。遂左擊祝。右擊敔。東西相合而止之。是所謂終條理。前半後半雖脉絡原未間斷。而金聲之于始。玉振之于終。條理始終。判然分爲兩段。粲然明白。卽孔子所謂噉如。樂記所謂合同而化。每一成雖有前半後半。而脉絡全然未斷。卽孔子所謂釋如。樂記所謂流而不息。凡作孔廟樂章。前四句似當揚聲向外。合造化出機。以陰寓智之事也。之意。後四句似當收聲向內。合造化入機。以陰寓聖之事也。之意。必如是。方似孔子之樂。未知是否。





解

仲尼不歷聘解

唐李翱

學者多稱仲尼歷聘不遇。吾謂仲尼觀禮行道、不歷聘不遇也。夫二國交驩曰聘、以臣使于君亦曰聘。男輸財于女、國駕帛于士、皆曰聘。故無財與無君國之命、不曰聘也。當德、仲尼傷禮樂不起、是以學韶于齊、求師于周、將欲待以範國、張仁以羅俗、使明苛爲宗資也。且去魯適衛、蓋辭在于士矣。自宋之鄭、殆非臣矣。絕權于陳、蔡亦無財矣。官至司寇、果不爲士、安謂聘哉。吾聞夫子觀夏道則之杞、觀殷道則之宋、較是而言、雖他國可知也。安謂歷聘哉。

說

獲麟說

明王鏊

春秋何以終于獲麟。杜預之言曰：感麟而作，因以爲經也。予以爲不然。孟子曰：王者之迹熄而詩亡，詩亡然後春秋作。又曰：世衰道微，孔子懼，作春秋。孔子傷當世之亂，爲萬世法戒而作春秋也。豈獨爲一麟哉。假如麟不至，春秋將不作耶。鄭衆、賈逵、服虔謂孔子自衛反魯，修經已成，麟感而至。胡安國亦曰：蕭韶作而鳳凰儀，春秋作而麒麟至。余又以爲不然。孔子嘗曰：鳳鳥不至，河不出圖，吾已矣夫。傷不得致此瑞也。孔子刪詩定書，繫易正禮樂，功亦至矣。不聞有所謂瑞。獨春秋成而麟至乎。假如麟不至，春秋將何所終耶。且旣爲瑞矣，又見獲于鉏商，何哉。然則春秋曷爲以是終。吾以爲紀異也。春秋書災不書瑞，麟者，聖王之瑞也。時至春秋，亂臣賊子接跡于天下，日食星殞，地震山崩，水旱霜雹，六蠲退飛，鵠鶴來巢，多麋有蜮，史不絕書。斯時也，麟曷爲至哉。不當至而至焉，茲瑞也，所以爲異也。有年，大有年，祥也，非所有而有焉，則爲異。麟，祥也，非所至而至焉，則爲異。楚狂之歌曰：鳳兮鳳兮，何德之衰。茲其麟之衰乎。雖然，麟爲聖人出也，爲已出而傷焉。孔子其感乎吾道其終不行

乎、所謂吾已矣夫者、故以是終焉。

校記

①詩：《藝文類聚》卷六一、雍正《山東通志》卷三五之二作「師」。

②缺字，《文苑英華》卷一〇六、《歷代賦集》卷六三作「年」。

③于：當作「與」，見《名臣經濟錄》卷三〇、雍正《山東通志》卷一一之七。

④氣：當作「陽」，見《稗編》卷二八、《明文衡》卷九。

⑤樂：當作「學」，見《稗編》、《明文衡》。

⑥蠲：當作「鵠」，見《震澤集》卷三四。

闕里廣誌卷之十八

論

辯聖論

梁沈約

聖人蓋人中之含明盡照、精神凝立者。或三聖並時、或千載寂蔑。聖人遺情忘已、常以兼濟爲念。若不登九五之位、則其道不行。非以黃屋玉璽爲尊貴也。文王造周而未集、武王集之而未成。周公雖無王錄、而父兄二聖之烈不可以不終。若非表以聖功、制禮作樂、則太平之基不著。二聖之美不彰。孔子當無錄之運、值自晦之時、而云河不出圖、洛不出書、吾已矣夫。欲以聖道示天下、垂來世。當仲尼在世之時、世人不言爲聖人也。伐樹削迹于七十君、而不一值、或以爲東家丘、或以爲喪家犬。若不高嘆鳳鳥、稱夢周公、樂正雅頌各得其所、則當世安知其聖人乎。

孔子論

宋蘇軾

蘇子曰：此孔子之所以聖也。蓋田氏六卿不服、則齊晉無不亡之道。三桓不臣、則魯無可治之理。孔子之用于世、其政無急于此者矣。彼晏嬰者亦知之曰：田氏之僭、惟禮可以已之。在禮、家施不及國、大夫不收公利。齊景公曰：善哉！吾今而後知禮之可以爲國也。要能知之、而

莫能爲之。要非不賢也。其浩然之氣以直養而無害、塞乎天地之間者、不及孔孟也。孔子以羈旅之臣、得政三月、而能舉治世之禮、以律亡國之臣、墮名都、出莧甲、而三桓不疑其害已。此必有不言而信、不怒而威者矣。孔子之聖見于行事、至此爲無疑也。嬰之用于齊也、久于孔子、景公之信其臣也、愈于定公、而田氏之禍不少衰。吾是以知孔子之難。孔子以哀公十六年卒。十四年、陳恒弑其君、孔子沐浴而朝、告于哀公、請討之。吾是以知孔子之欲治列國之君臣、使如春秋之法者。至于老且疾而不忘也。或曰：孔子知哀公與三子之必不從而以禮告也歟？曰：否。孔子實欲伐齊。孔子既告公、公曰：魯爲齊弱久矣。子之伐之、將若之何？對曰：陳恒弑其君、民之不與者半。以魯之衆、加齊之半、可克也。此豈禮告而已哉。哀公患三桓之偏、嘗欲以越伐魯而去之。夫以蠻貊伐國民、不予也。早如出公之事、斷可見矣。豈若從孔子而伐齊乎？若從孔子而伐齊、則凡所以勝齊之道、孔子任之而有餘矣。既克田氏、則魯之公室自張。三桓不治而自服也。此孔子之志也。

闕里圖論

明陸錢

闕里吾夫子所居。按史記正義云：夫子生於魯、長於闕里。

阜、仍號闕里。括地志云：兗州曲阜西南三里，有闕里，中有孔子宅與廟。謂之闕里者何？考之酈道元水經註云：

孔廟東南五百步，有雙石闕，卽靈光之南闕。北百餘步，卽靈光殿基。又其東有兩觀闕，則闕里之名義其在茲乎。闕里之勝，環以洙泗，水源出陪尾山，水經所謂洙水出魯卞縣北山，山海經所謂洙水出魯東北者是也。韋昭曰：泗在魯城北。京璠曰：洙水在魯城北，南則泗水。夫子教于洙泗之間，今城北二水之中，卽夫子領徒之所也。從征記曰：洙泗二水交于魯城北十七里，闕里背洙泗四門，各有石闕，去洙水百餘步。惟郭緣生謂泗水在魯城南，則非矣。史記世家曰：孔子至魯城北泗上，弟子及魯人往從塚而家者百有餘室，命曰孔里。後楊奐東遊記謂：孔林東三里，講堂也。林與堂俱在洙北，泗南者是已。乃若孔壁金石之流響，講堂荆棘之自闕，素書懸甕之符契，千古之下，詫爲靈異，則吾夫子道德神化之妙遠而彌光，此又其驗也。自漢高帝過魯，以太牢祀孔子，明帝幸孔子宅，親御講堂說經，唐玄宗封禪迴幸孔子宅，親設奠祭，後歷代英君，誼詳報祀日崇，表章封護之典，有隆弗替，而闕里之名，遂與天地並其悠長矣。嗟乎！士君子幸而生于聖賢之邦，瞻依登拜，亦旣規其盛

矣。彼殊方異域之士，思宮室室家之美，而不得一履其庭者，斯闕里庶乎其考焉。

### 孔子墮三都論

王康

當定公時，三家專政久矣。昭公伐之，不克，出亡八年，竟薨于乾侯。三家之不可去也，孔子豈不知之？知其不可去，而爲大司寇，與之並立于朝，可謂智乎？吾知孔子之出仕也，不惟見用于定公，尤見信于三家，而三家聽孔子之行事也。不然，三家恐孔子之攻己，必沮孔子之進矣。何以知三家之聽孔子之行事也？吾見孔子行事而三家不疑，又使其徒季路爲之宰，而三家無間。孔子攝行相事，而三家又無沮意。由此而信之也。旣曰三家聽孔子之行事，則三都爲孔子之請而自墮也，詎不信乎？朱子以爲三家自墮之，必不然矣。蓋三家憤陪臣之據其私也，其欲墮之也，固三家之本心。又喜孔子以公義使已而墮之也，苟爲不然，孔子素知三家之擅政，不可以一日奪，惡能以司辰之權，遽奪其三都，而三家從之耶？是固勢不可行也。吾知孔子之爲是舉，其必有所恃矣。夫孔子以公議而使三家墮之者，非爲三家謀，爲魯謀也。魯墮三都，則三家弱而公室強矣。又何以知其非三家自墮之也？成叛十二月，公圍成，公至自圍成，信以



爲三家自墮之則三家自墮之矣。公何自墮之乎。而春秋又直以公聞公至自聞書之乎。吾于是益信墮三都之事爲孔子之謀也。非三家自墮之也明矣。宋子以爲三家挾公而國之。夫三家之勢至于挾公。則得微矣。有甚于受女樂而怠于政事者。受女樂怠于政事。他日孔子猶託以微罪行。而于挾公之日。乃不去之何哉。吾于是又益信非三家之挾公也明矣。夫三都墮。三家豈不知孔子之弱已。其意若曰。與其使陪臣之強爲已弱。孰若使公室之強以自贖哉。論至于此。而後知三家之從孔子之化矣。而後知三家之聽孔子之行事爲無疑也。公羊謂孔子行乎季孫三月不違是也。惜乎其蔽已深。如借禮樂者不能盡革之。矧孔子以司寇之任。視相爲輕也。孔子之仕魯而化。魯之君臣十得其一二焉。宜乎孔子之不久于魯也。抑墮邱書叔孫州仇。墮賈書季孫斯。仲孫何忌而不書公者。三家以公義師師謀出于公室。猶公之師也。十年再圍邱。亦然。孟孫不能墮成。及成叛公乃自圍之耳。圍之不克。不可謂孔子爲失計也。傳曰。戰不正勝是已。

闕里除荆棘論

王光宗

傳曰闕里聖廟無荆棘。謹按後漢書。詔永爲魯相。孔廟

講堂至里門荆棘無故自除。緣此觀之。則西漢以前固有荆棘矣。或問於光承曰。至聖之里。何荆棘之敢生。光承曰。孔子使之也。孔子歿後。楊墨塞路。經之以暴秦。燒經籍。漢興百年。始除秦禁。而遺書未出。九州內外。習聖言者。萬室之邑。不一二家。當是時。天下且不知孔子之詩書。又安知孔子之宅里。採薪芻者。往焉。逐雉兔者。往焉。樵夫牧豎。踰于冢墓之上。而莫可禁止。於是生荆棘以捍拒之。使不得闖入於其中。詩云。予曰有奔奏。予曰有禦侮。孔子曰。自吾得由。惡言不入于耳。豈非禦侮乎。然則荆棘者。亦聖人之禦侮也。及光武受命。尊儒重道。王莽更始之時。四方學士。懷抱經書。遁迹山藪者。皆雲集京師。建武五年。使大司空奉太牢祠孔子于闕里。道德一而天下同。百家熄而聖人尊矣。故于其明年。萬除荆棘。以示大道無外之意。其後顯宗嗣統。親祠孔子宅。登講堂。使太子諸王說經。而章帝復詣聖廟。大會群臣及孔氏子孫。行釋奠禮。奏六代之樂。十四年。闕里再屆萬乘。自此以後。荆棘不復生矣。鮑永不知大義。乃謂僚屬曰。今賊兵滿野。而闕里自開。此夫子欲太守行禮。助吾誅群盜也。夫荆棘之除。將爲天下萬世帝王師儒行禮之地耳。寧爲彭蠡虞休。么麼小醜。而掃除堂戶。

耶。何見之顯也。然則始之有荆棘也。天子周盛設卒。陛  
楫。持戟衛宮門也。其餘之也。去武備而修文事。歸焉  
華山之陽。放牛桃林之野。而虎賁之士脫劍也。可以生  
而生。可以去而去。故曰。孔子。聖之時者也。夫莫莢增損。  
歸于帝德。彼苗者。豈在仁后。豈有聖人堂下之草木。  
而不奉上命。自榮自落者哉。吾不信矣。

記

尼山孔子像記

元司居敬

設像祀神。非古也。其尸禮既廢之後乎。漢文翁立學宮。  
成都。蜀有文翁石室。設孔子坐像。其坐飲。膝向後。屈膝  
當前。上古以來。君臣及七十二弟子。繪事兩旁。晉王右  
軍。將簡牘守寫。做之。有宋嘉祐中。王公素。舉爲禮殿圖。  
此像之最古者。然皆漢衣冠也。居敬學制鄒邑。還學舍  
于城西。建孔子廟。時孔顏孟三氏。子孫教授。張頤習于  
禮者也。因問立像之制。曰。古人席地而坐。高臺隆。展。既  
已失之。見服之度。傳訛甚矣。關里行教。像顏子。從後者。  
顏愷之筆。杏壇小像。吳道子筆。及近司冠像。皆漢晉衣  
冠耳。禮記儒行篇。孔子自言。少居魯。衣縫掖之衣。長居  
宋。冠章甫之冠。此孔子衣冠也。縫掖。深衣是已。章甫。玄  
冠是已。深衣以布。身二幅。各四尺四寸。袂二幅。亦四尺  
四寸。殺其袂而闊至袂。爲尺有二寸。不殊裳。其裳十二  
幅。兩旁殺之。領緣袪皆緇。束以革帶。左右佩有殺。無鞶。  
加以大帶。紐約用組。黑屨。于是做文翁石室作石像。章  
甫縫掖危坐。謂孔子。維秀尼山。奉而居之神靈洞。乃問  
見之制。則曰。散在禮經注疏。雖互有得失。衆而求之。可  
以考見。顏頤者。不之究耳。古者見服有等。大要見升冠。



儒藏

三者而已。曰冕者，太古謂之緇布冠，加紃，緹纁旒，則後王之彌錦也。其冠古以布而緇之，周以純，其下爲武，謂國首者。武上有冠，以紃爲之，屈加于武。內卑有裳，積向左，或十二，或九，或七，或五，或三。武貫以衡，衡之兩旁有緹纁繫以瑱，懸以紃。冠之上加覆，謂之緹。緹旁有紃，貫之于衡前後，垂纁旒。加冠裳積之數，旒以玉，十二者五，玉，玄黃，朱，白，蒼，貫以五采，纁如玉之色，九旒七旒三旒，朱，白，蒼三采，五旒三旒二旒，朱，綠二采，纁如玉之色，固以紃，紃繚于衡之左端，加之緹上，復繚于衡之右端，繞于頤下，再繚而結之。結者謂之纁，委者謂之緹。紃，天子朱，卿大夫青，士緇，而加以采。次者弁，以皮韋，皆有會，會謂縫。緇會以玉，如冕旒之數，會之內以象爲之，卿無裳，積貫武以紃，統緹纁纁，皆冕之制。次者冠，玄冠是也。委貌章甫，其名雖殊，其制相類，如緇布，綌等，衰如弁之制，此其首服也。古人衣身皆四尺四寸，天子長袂，袂八尺八寸，公侯侈袂，袂六尺六寸。服冕者，衣以緇，其色玄，冕十二旒者，衣十二章，日、月、星辰、山、龍、華蟲，作會，宗彝、藻、火、粉、米、黼、黻、絺、繡，華蟲以上在衣，宗彝以下在裳。日在左，月在右，星辰宜畫北極在北，山之性止而靜，龍布升降，華蟲雉也。宗彝二，其一畫虎，其一畫雉，雉如蜺形，以

尾卷物納鼻中。火之性罔而不銳。白與黑謂之黼。如斧形。黑與青謂之黻。如兩已相背。九章。去日月星辰而登龍于山。龍有降無升。登藻于衣。七章。自華蟲以下。登火。五章。藻、火、粉、米在衣。裳黼、黻三章。衣唯粉、米而裳黼、黻七幅。前三後四。兩無殺縫。其色纁。束以革帶。帶之前垂。韠。韠如裳之色。紕以爵韠。紕謂兩遍純。以素。純謂下緣。十章。黼以龍。九章。火。七章。山。五章。三章。無飾。左右珥玉。有珩、璜、琕、瑁、衡、牙。貫以纁珠。藉以綬。綬有等。上加大帶。帶以素。十二章。朱裏。終辟。首卑。九章。素帶。終卑。七章。五章。素帶。辟垂。三章。率下辟。帶紐約用組。赤舄。服弁者祭服。以緇。謂之紕。衣裳帶韠。佩綬如冕之制。朝服以布。天子則素積。祭服朝服。長袂侈袂如冕。而服弁者。通服玄端焉。端身四尺四寸。袂亦四尺四寸。故有端之名。冠服則玄端。上士玄裳。中士黃裳。下士雜裳。前玄後黃曰雜。有韠如裳之色。帶佩有等。黑屨玄冠。深衣可也。圭薦之而已。既薦則拱手。非若後世執笏。然笏則摺于帶間。亦不執也。執笏自後周始。非古也。既又作子思像于中庸精舍。孟子像于孟子墓廬。以御魯聖人之居。四方于此覲禮。故刻之尼山。以候好禮者有取焉。

求遊記

楊  
真





皇慶壬子春三月十六日庚子東平行臺公宴于東園。是日衣冠畢集既而請謁關里迨丙午乃命監修官龍韓文獻德華上谷劉謂子中相其行丁未同德華子中監攝祀事孔蒨崇之梁山張字子淵汴人郭敏伯達出望岳門幕府諸君祖于東湖之上東行六十里宿汶上縣汶上古之中都也先聖舊治魯定公九年宰此縣署之思聖堂是也有杜子美望岳詩刻王彥章墳祠在西城外以斯人而仕于梁時可知矣戊申至兗州會州佐孟謙伯益教官張鉅振文話嶧山之勝爲甚詳子美所謂浮雲連海岱平步入青徐者登南樓詩也徐在南四百里青在東北七百里海在東北又不啻千里岱岳一百餘里吁二三千之遠今一舉而至與其終身拘拘儒儒于百里之內者不亦異乎已酉拉振文而東不四五里遇泗河地頗高敞南望冠繹諸峯出沒于烟蕪雲樹之表使人豁如也又一舍許達于苗孔村見曳而斷者其畧城與壘而合者其孔林與不覺喜色溢于眉睫遂入自歸德門魯門一十有二正南曰履左曰章右曰雩正北曰圭左曰齊右曰龍正東曰建春左曰始明右曰鹿正西曰史右曰麥歸德其左也當時天下學者多由是門入故魯人以此名族長德剛又率諸子弟來

迂于廟之西相與鞠躬趨大中門而東由廟宅過廟學自毓粹門之北入齋屬在金絲堂南燕申門之北堂取韓其王事也是日私忌不敢謁庚戌鐘鳴班杏壇之下痛廟貌焚燬北向鄆國夫人新殿設繪像修講而版祝如禮告先聖文宣王畢降階謁齊國公及魯國夫人之殿殿西而南向者尼山毓聖侯也次西而東向者五賢堂也謂孟荀揚王韓也碑孔中丞道輔文遂欽福于齋廳執事者族中子弟也進退揖讓禮貌可觀信乎遺澤之未涸也焉知教養之久明詔之下人物彬彬不有經學如安國政績如不疑者乎杏壇二字竹溪堂懷英書壇之北世傳子路担丁石蓋石之屬也壇南十步許真宗御贊殿也七十二賢并諸儒贊從臣所撰貞祐火餘物也手植榆三兩株在贊殿前一株在壇南業已焚燬好事者或爲聖像或爲符籙趙太學秉文麻徵君九疇有頌有詩世多傳頌之次南碑亭二東亭宋碑一呂蒙正撰白崇矩書太平興國八年十月建金碑一兗懷英撰并書篆西亭皆唐碑一碑崔行功撰孫師範書碑陰刻武德九年十二月詔又乾封元年二月祭廟文一碑江夏李邕撰范陽張庭珪書開元七年十月建次南奎文閣章宗時朔關之東偏門刻顏凱之行教吳道子小

影三像。東廡碑六，皆緯書。西廡碑八，隸書者四，餘皆唐宋碑也。是日，出北偏門，出襲封廟署，讀姓系碑文。又北行，由園巷觀顏井亭，亭廢矣。北出龍門，入孔林，徘徊思堂之上。山徑路而北，夾路石表二石，獸四，石人二，獸作仰號之狀，拜奠先聖墓如初禮。墓前有壇，石厚三尺許，方如之，其數四十有九。後漢永嘉元年，魯相韓叔節造。東連泗水，侯伯魚墓。南連沂國，公子思墓。世家云：相去十步而密邇若此，疑後人增築之也。然規制甚小，禮之所謂馬羣而封者是也。子思之西，石壇，始元二年二月造。有曰：上谷府卿者，有曰：觀其卿者。先聖墓西北，白鬼溝也。二石獸狀甚怪。林廣十餘里，竹木繁茂，未見其比。而楷木以文爲世所貴，無荆棘，無鳥巢。林東三里，講堂也。林與堂俱在洙北，泗南。按世家云：周敬王三十六年，孔子自衛反魯，刪詩書，定禮樂，繫易于此。硯臺井在其西，惜去秋爲水漫沒矣。辛亥，謁周公廟。廟居孔廟之東北三里，有真宗御贊碑。車欄井在正東，少南，水清白而甘，俗呼漿水井者是也。廟北雙石梁井，石上綬痕有深指許者，百步許得聖果寺，舊故宮也。殿之東北，大井，四徑六十尺，深二丈，水色墨如也。東過顏侍郎墓，林城之址，顏廟也。廟中孤檜高五丈許，由曲阜西復東北行一

里，入景靈廢宮，觀壽陵，陟避諱而改也。東北少昊塋所，宋時疊石而飾之，前有白石象，爲火爆裂，壇之石欄窮工極巧，殆鬼神所刻也。讀碑記，始知神粉于祥符，潤錦于政和，此亦人君貪侈之心，所以徵福也。福可求乎哉。大碑四，謬云萬人愁者是也。而二碑高二十有三尺，潤半之，厚四尺。龜趺高十有三尺，潤亦如之，厚四尺，龜趺高十有八尺，二碑高二十有四尺，潤半之，厚四尺。龜趺高十有八尺，潤十有六尺，厚四尺。龜趺十有九尺。一在城之外，一在城之內，無文字，意者垂成而金兵至也。陵曰壽陵者，誠何謂耶。入東門，復西南馳，觀漢之魯諸陵，大塚四十餘所，石獸四，石人三，人胸臆間篆刻不克盡識。有曰：有漢樂安太守廉君棠塚者，有曰：府君之某者。折而北，渡沂水，入大明禪院，觀蓮泉，水中石出如伏龍，怒翬，寺碑云魯之泉宮也。薄暮歸，白櫻門望兩觀，窅然以少正卯之奸雄，而七日之頃談笑剔去，則知舜刑四凶，使天下翕然服之明矣。登泮宮臺，臺下水自西而南，深丈許，而無源，其西靈光殿基也，破礎斷瓦，觸目悲涼。壬子，復由縣城東北行十里許，過陶樂村，南望修隴，蔓延不絕者，周之魯陵也。東南五里，連竹溝村，拜聖考齊國公墓，而林廣四十畝，墓前石刻，甲辰春五十一世孫

元指立石。濫津高翻書。清水在林之東北。入于泗。其南防山也。而山之峯東西五。禮云合葬于防者是也。林之北東蒙路也。自西峯而南。為顏子墓。石刻曰。先師交國公墓。大定甲辰三月。先聖五十代孫承直郎曲阜令襲封衍聖公孔總立石。太原王筠書。墓前一石僅二尺許。兩甲士背附而坐。一執斧。一執金吾。正北有小塚。不可考。顏氏子孫二房在少東上宋村。是日東南行。并戈山而西。由白村歷西魯原。達東魯原。癸丑穿林麓而東。約六里許。達尼山。五峯隱隱在霄漢間。而中峯特迥出。昔之所謂圻其頂者是也。廟廢雖久而規模猶可見。其西智源溪橋也。橋南即大成門。次北者即大成殿也。其東泗水侯殿。其西沂水侯殿也。大成之後。即國夫人殿也。其後齋所也。西有齊國魯國之殿。齊國之東而南向者。毓聖殿也。大成之東。齋廳也。兵餘猶存焉。正北中和堂也。廟之西南觀川亭也。瓦礫中得一斷石。蓋前進士浮陽劉聯夾蘆辨也。或曰夾驢劉惡其鄙俚。故辨正之。夾蘆峴在尼山西。由亭之東西旋而下。得坤靈洞。石角巖。不可入。族長云。廟戶皆用。吉成嘗持火曳綆而入。比入數丈。忽隙間有光。瞻一室。其廣兩楹許。中橫石牀。石枕皆天成也。而不可動。今五十年矣。以管與古。切而磨。

故可入。所言如此。同名劉聯之所刻也。因涉沂水。過顏母山下。觀文德林。以神木障翳。廟與聖井無所見。尋舊路。復達魯原。西南瀕嶠而下。出由桑家莊。歷峻山二十里。而近達四箕山。至鄒國公墓。墓在廟東北。有泰山孫復碑。孔中丞立石。其西大塚七。比正墓差小。無從考之。南有亞聖寺。行四五里。過黃莊村。又十里。由石經埠正南。少西行二十里。達鄒縣。四月甲寅。出南門二十五里。達嶧山之西北。絕澗亂石如屋。復西北行。遊太湖懸鐘二洞。東南行入燕子巖。僕以病足。坐巖下。諸君且示嶧山圖。蠟紙按圖指顧。若仙橋之巨石。七真之西軒下。賤紀侯之重城。漢相之故塚。一如眼底。如玉女峯千佛塔。尤號奇絕。所至流水修竹。雜花名果。殆若屏面。而容縱數載。迺夕陽下山。進還山西北而進。達于縣之南關。造鄒國公廟庭。奠乙卯。出西門。北行十里。入岡山寺。沿竹逕。渡橫橋。出山。東北行二十五里。達馬鞍山。謁孟母墓。北行十五里。達趙山莊。又十里許。達于魯城南。登郊臺。臺東西五十八步。南北四十步。魯之臺可見者。二是臺。與莊公臺。泮宮臺也。北涉沂水。由竹逕。登浮香亭。亭以梅得名。少北一石穴。茶泉也。亦竹溪書而不名。細思前輩風度。又有足徵也。丙辰丁巳。將訪。復相。固不果。戊午。



登西南角臺望射圃國在歸德門裏已未許先聖于杏壇之下。

孔履記

王惲

孔子沒千有八百餘歲小子僂復拜履禁于先進趙公學舍吁可敬也履制極古長尺有二寸其固以絛籍則以象爲之文作古方花角結駢羅絛緒如繭不可蠲倪厥首几几似圓而方狀若物勾勢欲上達循口有衣如繭可相掩覆仿綴繩紉長約數寸殆用拘縛以歛口吻環脣之周中貫總紉疊踵之后辨結方舒頓鼻穿微也若艾無光泉之縷疋者逮微絲之堅凝者不變也于是拂拭睇眄起敬起愛恍如升君子之堂仰高風攀逸駕而聆足音之足然也若夫履者禮也君子所履小人所視况我夫子踐履之物哉吾僂小人可不敬而視之且夫子相魯七日誅卯也于兩觀之下如由賜之徒尚愕然而驚况魯人乎然視其所履其詳可得而考也夾谷之會齊以萊兵劫公孔子履階而上不盡一等是履也凝然山立兵却魯張其無嚴諸侯之勇可得而見也然後退而閒居從容中道與三千之徒翩翻于洙泗之間接武于杏壇之上其素履之往坦坦幽人之貞可得而觀也俾後之君臣父子兄弟夫婦順而履之者昌捨而

違之者亡宜乎吾夫子萬世之下凝旒被袞履帝位而不疚其道光明者焉嗚呼當崇奉者聖人之功也當踐履者聖人之跡也苟知其功而不踐其迹與瞻古物爲耳目之玩者等矣是誠不可不知其所履也中統三年夏五月同宣撫徐世隆都司劉郁幽陵張著觀汲郡王惲拜手稽首而爲之記。

手植檜刻像記

趙秉文

天地否而復泰日月晦而復明聖人之道厄而復亨大籍厄于秦至漢而復興正道厄于晉宋齊梁陳隋之間至唐而復興此自然之理也貞祐初寇犯曲阜焚孔庭檜聖道之廢興固不係于一木之存亡新宮火三日哭重先祖之居也况聖師之手植乎衍聖公收其煨燼之餘李侯刻而像之知尊事矣若夫茂其德封而植之是聖道常在也豈特一木哉。

謁關里記

明喬宇

正德五年夏天子命予東祀畢將之沂山戊子渡汶河北至關里已丑晨衍聖公陪謁大成殿由大中門入左右皆國朝碑亭再入爲奎文閣閣甚宏麗上藏秘圖古典億萬卷左右列唐宋金元碑亭入大成門過杏壇杏壇二字乃金堯叟英書肅然至殿下成拜瞻仰宜聖配



哲聖像煥儼如在。歷觀古碑半已剝落。又觀先帝御製碑乃西涯翁奉命代告者。手植檜三株俱已焚燬。尚有枯根可二三丈。又謁啓聖公殿殿五楹中設神龕一位。覽金絲堂亦五楹。蓋取傳其王事以名。庚寅晨雨對南溪小山諸亭。南妍清爽風景佳甚。午後關里東謁顏子祠。其前爲恒巷有顏井亭。北山龍門入孔林有石人獸夾于路。拜宣聖墓前有塋石四十有九。造于後漢魯相韓叔節。泗水侯伯魚墓在東。沂國公子思墓在西南。相去甚密邇。四代白墓在西北。閻五代求墓在東北。閻六代箕墓在東南。閻七代穿墓在西南。自漢塚中與祖墓以下皆分列于外。林廣十餘里皆奇草怪木不可名狀。繁柯茂枝克蔽空日。且下無荆棘上無鳥巢。實宜聖在天之靈有不可誣者。泗水經于北洙水環于南。林跨石梁于上以通入林之路。梁之南爲古之魯城。又南謁周公廟。廟在孔廟東北三里有真宗御贊碑有車轡井。又西行至東莊觀城西竹林。林間乃舊沂水流帶。宛然有江南之景。歸過其家有巨石甚奇。予爲題曰瑞雲。辛卯起行。

謁關里記

舒芬

嘉靖三年閏月。芬舟抵濟寧。問道謁關里。得九川呂君

爲主。伍寒泉適以部事至。偕行。甲子。發濟寧。東趨東平驛六十里。又東趨四十里。乃至是夕。謁公館沐浴。明日早。具萊果。鵝麻姑泉入廟修釋菜禮。九川曰。此禮廢久矣。禮畢入寢殿。拜耶國夫人。入右殿。拜啓聖王。出觀杏壇。壇在正殿前。有新杏衍亭。出大成門。觀手植檜。孤幹古色。若虬旋起。未已。出奎文閣。至大中門。又至儀門。見兩扉柏陰。庭數十。皆黃色。乳而馴。却登奎文堂之北。南東皆山環抱。若人冠冕佩玉。執圭秉笏。端拱正揖。逡巡于三十里外。正南爲綱山。其外爲尼山。山之麓爲伏羲畫卦所。東南爲防山。其外爲尼山。尼山之南爲黃山。又其外爲顏母山。爲嶧山。爲三峯山。亦各車蓋二百里而遙。正東爲東山。其外爲九龍山。又其外爲鳳凰山。爲陪尾爲蒙山。山之南爲夾谷。蓋三百里而近。東北爲馬鞍山。山之夕陽爲夫子刪述所。其外爲臨樂山。爲昌平山。又其外爲龜山。蓋二百里而近。正北爲九峯山。其外爲龜山。爲杏山。又其外爲梁父。爲云云。爲亭亭。爲介丘。爲徂徠。至所聚嶺爲泰山。望之烟雲繚繞。蓋百里而遙。其西則廓然惟淺。龍平阜。依稀環抱若宮牆。若城郭。周遭數十界水曲曲可辨。其內爲沂。爲洙。爲泗。其外爲濇。爲洸。又其外爲汶。爲濟。大抵皆西南流。會于今之清河。乃

折而東，經徐以入于淮也。然沂水出于尼山，經關里之南，西流，匯于達泉，溢于濰水，行七十里，入于泗。非東出于岱麓之沂山，至于下邳，行六百里之沂也。洙水出臨樂山，西北流，浮孔林，入于泗，非出于兗城北之洙也。泗水出陪尾山，西流，經關里之北，百里強，折而南，會于沂，入于濟。非東出乘氏南，東流至睦陵，行千餘里入淮之泗也。汶水有仙臺，原山，寨村三源，皆西流，合于泰安之下。又西流六十里，合徂徠源之小汶河，乃注于洸，而南入于濟。惟良泉則仰出于黃山，北流，經東時羣峯之外，以入于泗，奇矣。九川曰：凡山皆發于崑崙，至爲都會，山必西峙，水必東流。關里之山，環北東南三面，而沂、汶、洙、泗又皆西逝，蓋逆矣。芥曰：地勢東南傾，而水流焉，氣斯盡也。中原地氣，此其障與？夫黃河非積石，入中國，衝潰突決，其患不啻。金元非岱岳，諸山東莫之，則青徐之境，與碭石俱淪矣。茲土山水俱逆，實啓中國元氣之運。故岱于五岳，得稱宗焉。而伏羲畫八卦，以始斯文，孔子作六經，以終斯文，皆于茲土，亦萬古人心之障也。九川曰：關里當奎分。漢書云：魯本婁之分，婁與奎天歌言角亢氏爲兗州之分，婁與奎天歌言衛文徙曹楚丘，仍占東壁。東壁衛分也。曹然則斯文楚丘，魯地也。在茲，與天地之交，元氣之會與。聖公曰：予今日始有聞。

矣。遂下，東登詩禮堂。堂舊名延賓，又入觀孔氏家廟，廟前爲舊金縷堂基，卽魯其王欲壞處。九川曰：事亦神哉。芥曰：不然。昔夫子厄于陳蔡，大夫而絃歌不衰，大夫乃感而去。共王壞室時，孔氏子孫無如之何，亦惟金石縷竹是修耳。其王果亦感而止。故君子貴自艾。聖公、寒泉皆躍然曰：子于處憂患之道幾矣已。乃訪聖公宅，與修士相見禮。公固讓，廢之。午，往拜顏廟。于階之東北有樂亭，于前儀門外有古井，其陋巷在廟之階東南。旣而出，城北四里所，拜孔林。自廟門入二百步餘，爲夫子墓。土封高丈餘，林木深秀，無禽鳥聲。洙水漾于前，綠淨可染。其西南有子貢舊塋，時有除草築室者。東南隧道，左有駐蹕亭，出享殿前，觀二石人，四石獸，其奇古。聖公曰：人則翁仲，獸則或以前二爲角端，然與芥曰：獸則外一爲神羊。即解內二爲駁馬。人則魏明帝鑄銅，列于司馬門外者，號翁仲。恐某前石人別有稱，或者方相之類與。上前門坐少頃，九川復引至刪述所，距孔林東北亦四里。因元有書院，九川增大之，且易書院名爲洙泗講壇。壇實據二水之勝，而馬鞍山又別委三峯，如筆架于前，果神秀哉。壇後爲聖公別墅，亦造焉。因與之別，而往拜周公廟于城之東北。其地隆鬱，益足俯瞻北南東三面之



奇也。公之後有東楚氏，殊零落。九川興新其垣廟，擇一人興修除事，爲月給米焉。明日返于昌平。九川曰：大遊大觀，不記不可。時九川方欲圖關里而未竟也。芬因與區別其山水向背而咸之，并書此行所觀見者于左。寒泉名餘福，爲吳人。九川爲關中人，名經。芬姓舒氏，世家江西梓溪之上。聖公爲先聖六十二代孫，聞韶云。

### 遊尼山記

畢 瑜

丁酉之春仲月十有六日，余自濟南謁翰林學士王公于曲阜。又明日，衍聖公偕學士游尼山，適風和日麗，一時欣然聯轡者，憲副張公珩、陳公相余及參議杜公鉉也。尼山居曲阜東六十里，出城十里，左右累然盡魯漢諸陵。去二十里，茂林蔥鬱，中有馬鬣封者，顏墓也。及二十里餘，遠近崗巒秀列，隱若龍虎蟠踞，環結而爲五峯，此卽尼山也。下有夫子廟，廟東有中和壑，南有觀川亭。亭下有智源溪，灑泉流爲川。川有坤靈洞，俯視之，深不可入。相傳中有石床石枕，諸公徘徊久之，相與嘆曰：天下之大，非無名山大川可觀，而千萬年斯文獨肇于此，得非天地五行精華之氣自開闢初已秘于此一且吾夫子應禱而生，有以獨得之，盡奪天下古今之秀爲人之至，又爲聖人之至也耶。

### 奎文閣題名記

胡正蒙

名者實之賓，實者名之主，名非實則妄，實非名則虛。創題名記之說，何謂也？名其者也。匪崇名也，而實亦未嘗不因之。名可于題，必實足以名。實基夫名，則名由名集。此所以諸司職掌作題名記，無愧于題，誠顯身軀世之盛典與。爰稽奎文閣籍，非夙學真緒莫之典。後官典籍者，舉世所推重，題名記之作也。夫豈過哉？我太祖高皇帝鑒前代羣籍遺秦烈燬，書亡四十篇，周雅魯頌各亡六篇，周禮六官亡其一，而在五。特建翰林院，國子監，分隸典籍官一員，以掌羣籍。尋念斯文根本，舍聖朝不是過。勅奎文閣一所，始于洪武初年，高廣規制，聳越闕里，瞻望匾匪侈觀，爲藏書計，亦隸以典籍官一員，總攝唐虞三代以前至夫子刪述大備著作全書，不殊翰林院國子監典籍官例，其責攸切。按此閣羣籍，道德理義之統會，心法肯綮，炳如日星，天下古今諸子百家之編次，管轄於茲。一或蠹剝淪于舛訛，是誰之過與？典籍籍者，所宜布竭誠懇，決膂力殫，心思俾夫子刪述著作一新如初。隋牛弘論悼經籍，自刪述之後，歷五厄：一厄于秦，燬六國墳典，掃地一厄于王莽末造，並縱煬燼一厄于獻帝徙都，西京燬蕩一厄于晉室劉石憑陵，從而散失。





摩滅一厄于侯景破梁、悉輸荊州、被周師入郢而焚之。外城無惑乎成周立國、設內史掌邦國之誌、設外史掌三皇五帝之書。其內外史官名載在周禮、而未載其人。夫亦盛時多賢、無事于名、以顯其身、嘯其世。然雖不盡倚于題、而間亦有題之者、在實副其名也。降自漢唐、宋、建藏書之策、出習見藏書之室、興漸至于修書以館、集書以院、崇文于館、秘書于省、各有職掌。凡此之例、猶我皇祖與翰林院國子監各設一官、以典籍意同。代有名人、遺芳後世、得非題而後彰耶。獨于聖廟未聞。是時知所以尊夫子、而不知所以尊夫子者、固在王祀無窮。又有要焉者、乃在剛進著作經籍、道德淵藪、心法蘊奧、諸凡羣言之舛、百家之訛、悉于是乎取徵。比之文淵閣貯、尤爲關鍵、典籍官責切于在京。我皇祖知之、而漢唐宋則未知。此所以未聞當時聖廟自王祀之外、何所貯、何所司、何人題其名耶。肆惟皇祖深念奎文閣典籍官、以整束振拂、考訂緝理、攸係必足于文藝、不靳心膺者、方克之。洪武丁巳、直隸王壩其人、由官生供是職、頗稱至永樂辛卯、右遷三氏學錄。迨正統年來、有克寧、陽人賈綱領、卿蒞蒞是官、稱職有聲。擢北京國子監助教。此其表表者與、名實相須者與。中亦有生員山儒士來腐

茲任、而或遷、或致政者、第以數置更易、不能盡稽其詳。夫亦不題名之故與。今方職司典籍、錢姓、汝芝、名字瑞、夫會稽越王世裔、禮部掄選儒士、學行才能、卓冠流輩、及非絕端雅、麟度疏遠、更爲不凡、軫恤奎文閣典籍官、向未題名、率成荒典、疑及前輩、輒光自珍、則善矣。其屬世風教以善及其相承者、則未也。況世變江河、俗尚漓巧、殆盡天下不肖聖賢其心、而未必盡非聖賢之心。觀題名記而感悟興起焉者、信亦有之。則此題名一記、不浮于實、所以表既往、開將來、閣籍世世有賴焉。記中少有不當意者、亦必以爲戒、徒義益力、可否皆爲後世師。不盡在于題名一記乎。錢子急于是舉、因具告于閣下翰林先達諸公、請一言以爲記。曰：門胡子毅然曰：余與錢有夙雅、亦嘗親炙奎文閣履歷、遂與之記。文成、質諸師相南渠李公、曰：唯。

手植檜記

孔 涇

重修祖庭記按祖檜前脩記、枯榮異常、因有感焉。蓋天地之否泰、日月之薄蝕、聖教之興衰、世道之理亂、今昔皆然。木之枯榮、春榮秋枯、四時之常理。雖韶童亦知其然。夫天之運化、晝夜之旋轉、雖老於推測、不能定其真。而况韶童乎。聖道之蘊奧、雖頗子之善形容、不過仰高

鑽堅、瞻前、忽後。及平牆之數仞，不得其門而入者，如探滄海之本源，莫知其涯際矣。手植之榆，歷周秦漢晉幾千歲，至懷帝永嘉三年己巳而枯。枯三百九年，子孫守之，不敢有毀。至隋恭帝義寧元年丁丑復生，生五十一年，至高宗乾封二年丁卯再枯。枯三百七十有四年，至宋仁宗康定元年庚辰再榮。至金宣宗貞祐二年甲戌，罹于兵燹，枝幹無遺。後八十一歲甲午，是爲元世祖至元三十一年，故根重發。至我朝洪武二十二年己巳，凡九十年，其高三丈有奇，圍僅四尺。根本枝葉，凌雲而盛，紋理復左旋，與故本無異。詳其理，似有關於世道之理。亂其始枯也，晉兆五之亂，其復生也，有唐貞觀之治。再枯于乾封丁卯，武后竊政之兆。自後玄宗幸蜀，亂亡相繼，以及五代，再榮于康定，有宋三百餘年，九儒之興，罹于貞祐之火，運將更重，發於至元甲午，七十四年，中原文物光開，是爲洪武之治。廟中古榆數多，翠色參天，惟此本異于尋常萬萬。聖人手澤，蓋有係於綱常名教，比覆斯文，既陶萬品，豈惟宗枝之盛哉？將見與天地國家同悠久無疆。予感導江張頌矢言之有相因以識之。

正德十五年奎文閣重置書籍記

熊相

聖賢之道，非言莫明，聖賢之言，非書莫載。天下之書亦多矣，雖偏正純駁，言人人殊，要之明道則一而已。闕里爲杏壇遺址，孔聖與諸賢傳道之所也。先在曲阜縣城外，舊有奎文閣，閣中之書，天下莫備焉。正德辛未，盜入山東，焚毀殆盡。守臣以聞，上乃命建縣于闕里，築城而并包之。又命禮部頒御書以賜，崇儒重道，可謂至矣。止于五經四書性理大全通鑑綱目者，取諸言之正且純者，其他不以與也。己卯，相廬卒，巡按首之闕里，謁焉。衍聖公孔公聞韶樂善好古道，之以徧視諸勝，卒登夫閣，書不盈架，問而知之，歸以告巡撫都御史永平王公瑄。同寅平陸劉公翀、餘姚陳公克宅、三公曰：是不可緩也。任其責者，非吾輩而誰？乃求其目于提學副使江君潮。凡若干冊，屬其費于叅議陳君贊、僉事陳君宏、黃君昭道、王君億。凡若干金，乃徵兗州府教授林馨市之于四方。以庚辰九月至，三氏學及縣學諸生皆動色相慶曰：而今後，吾無憂乎書，憂夫讀之者有未勤耳。知縣孔公統曰：春秋大事必記，茲非大事乎？敢乞一言，以垂諸後。使後之有是責者見之，敝不能以不新也，缺不能以不補也。有所而而博其聞見，究其義理，體之日用，庶斯道而杏壇而吾黨之幸甚。



大矣。子曰：「今天下之人知有君臣焉、父子焉、夫婦長幼朋友焉，而不至於昏焉、頑焉、嚚焉、貪焉、賊焉者，聖賢之力也。若仕者，則爲聖賢之徒，而食其力者尤多。今仕于聖賢之鄉，乃坐視其子孫之俊秀，罔知所以教之，不幾於忘本乎？是舉也，發之于予，和之諸公，不約而同，蓋理之在人心，有同然者，自不容已也。」或曰：「書籍，聖賢之糟粕耳。聖賢之後，自異于人，何待于誦法陳言，而後道可明耶？」曰：「孔子大聖，猶曰：『我非生而知之者，好古敏以求之者也。』聖人不常出，乃以是而責其後，不幾於誣乎？若以爲糟粕者，則聖賢之逝久矣，後之人有所持循，學聖賢焉而企之者，不求于書，將惡求哉？或又曰：『聖賢之道，經書備矣。』諸子百家果何爲者？乃求之以誤後生耶？曰：『譬之道路然，經書，大道也；諸子百家，特路之小者耳。然推其至，則皆有所通，于行者皆有所益。故裨官爾雅，古人亦所不廢。學者誠能博以求之，約以得之，篤以行之，則諸家之言，皆聖賢之羽翼也。聖賢之言，皆吾身之憑藉也。焉往而非益哉？此讀書之法也，亦取書者之意也。諸士子其勉之哉！以毋忝厥祖。」

孔林記

王思任

地自生孔孟，而鄒魯之鄉，遂賴朋友之義，千里登堂，予

于先生何分也，而可有過門之憾耶？則既登泰山，以望其氣矣。從山麓東行二百里，至曲阜，石俱骨走，渡泗水，忽數千頃，蒨蒨纓纓，至聖林耶。由棗路過洙水橋，有石人二，劍笏儼如石麟虎，四華表二，肅拜享殿之下，觀子貢所植楷，先爲子思墓，左伯魚，上則吾夫子之藏也。少吳氏雖墟于此，而奎婁之精，中和之脉，至仲尼而始會，泗水却流，黃玉提命，此事不可語瘞人。第鳥巢荆棘，非有目者可章章乎？平生事大聖賢，更切于英雄。夫子常敬觀人墓，卽延陵坎子，猶往觀之，以此知向離食異，環泗迎沐人之墓，聖人與抑聖人之墓，聖人也。吾見若堂者矣，而斬板封墓，不取修泰，尚夫子之志乎哉？右三楹，題子貢廬墓處，妄意泰山將頽，夫子獨語之子貢，而他日多學多能，諄諄然欲點紅爐之雪，必身後事，命子貢棄之。聖人亦有密教，不可得而聞耳。林木皆遠方弟子手植，至不可知名。而孔氏纍纍環墻垣之外，三千年不異處，堯舜無此盛美也。辭墓登樓，觀嶧山一點，正案東南，而顏母、尼山、啓聖、顏林，俱在顧盼間。從魯主門入，觀闕里，魯兩生引由額粹門，經金聲門，詣大成殿，瞻拜聖容，以文宣王冕旒，鐘鼎尊嚴，壁有行教像，顏子隨後者，是顧愷之畫，小影像，按几而坐者，是吳道子畫，恨不見



司馬朴所藏輞川筆定別有一種文氣道氣也。殿之後曰綏殿曰聖蹟殿。殿之前曰杏壇二字。堯懷英書。至中門。左右夫子所植檜文陽紐。枯而不朽。米元章贊殊可讀。徘徊奎文閣下。天風穆冷。古柏森然。碑自蔡中郎陳思王以下。不可勝計。左爲家廟。詩禮堂。古槐。槐石不知幾何歲月。右爲啓聖殿。金絲堂。則傳其王壤壁處也。彷彿有人聲。欸云。乃從壁水出。爲星門。而爲臺。臺圖五父。兩觀以大火正。酺不能悉記。止從陋巷。燒顏井。謁顏廟。規制禮樂。稍殺于夫子。而一竇夫人受此華報。斯亦好學之明效也。次日。從櫻門出。看郭外坦蕪如格。望舞雩臺。過九龍山。忽憶李文正之句。一方烟火無庵觀。三氏絃歌有子孫。真能話曲阜縣者矣。日午抵鄒。謁孟廟。古柏蔽芾。樂正子配焉。東祠孟母。傍有小石像。是孟子跽而受教者。面稍肥。似帶瘰癧。庭前有元祐時所植四大槐。或曰。孟母夢泰山神乘雲至。曙而墮。乃生孟子。由是觀之。孔孟之秀。皆秦岱所鍾者也。不三百里之內。而數聖比肩。與絕今古。予出胎以來。仰止夢寐。又以一日于役。得慰所私。虛往實歸。其視皓首牖下。汨沒塵中者。得失幸不幸。相去何似耶。時萬曆丁巳六月廿八日。紀此志榮。若夫實述詩歌。則旣遊聖人之門矣。以讓能者。

石刻孔子像記

徐渭

何氏餘冬錄載黃伯固曰。偶考夫子像。無異家廟小影爲真。又引孔叢子云。先君無鬚髯。此即氏七修稿亦云。吾夫子七十二表。形容盡矣。今衆夫子者多鬚。而彼表獨不須。須可疑也。意伯固所錄有據。然予讀家語。孔子適鄭。與弟子輩相失。獨立郭東門。鄭人謂子貢曰。東門有人。類似堯。項類皋陶。肩類子產。然腰以下不及禹三寸。累累若喪家之狗。子貢以告。孔子笑曰。形狀末也。而曰似喪家之狗。然哉。意吾夫子之然。殆傷已往往于諸國君。而往往不遇。終無所投止。四顧徘徊。如喪其家者然也。不遇。則何補于東周。此春秋所以作也。故曰。吾志在春秋。噫。徒志而已矣。東門人乃親見夫子。孔叢子。夫子後。而荀子書云。東門子。姑布子卿。則善相人者。並不髯夫子。則貌夫子者。宜不髯。韓昌黎肥而胡。韓熙雍而畧髯。兩人皆謚文公。姓又同。繪事者亦兩相誤。乃知人間事。誤不少。

謁闕里記

丁賓

賓髫年不知誦法孔子。想見闕里。思拜孔林。旣舉于鄉。固以不脩不講。用爲已憂。遂私淑諸人。力于講肄。已成進士。受邑爲令。深惟不負此授。則有學於人。足使親

見之行也。自此一進退、一隱見、所稱用行而舍藏也、莫不服膺聖訓、不敢尺寸失私、更簡點、徒義改過之未能、況于闕里孔林、南北輶傳、不知凡幾、拜謁之願、卒未能遂、乃于崇禎庚午、自思其年八十有八、景虞其疾、河寧侯清此而不辭、初心終負、于是銳然邁往、內外阻之、不得爰詰三月十有八日、齋盥整服、挈平頭三五、鼓棹雲陽、舍舟而陸、從金陵渡江、登頓千里、雖旅食星飢、謝遠輦血、日踰旬五、于首夏哉生、始抵曲阜、孔宰邀于行館、聖公亦復枉駕、見其春秋方富、而過庭有待、語以衛生、綿嗣之術、忻然契合、尋肅冠帶、晉謁闕里、規制雄偉、石棟龍紋、飛輦身翼、宮牆數仞、中啓三門、壯麗王居、洞開聖域、入其門、覺儀容之如在、顧禮樂之輝煌、飭躬瞻拜、心儼神注、不翅此身得尾三千之後、出登杏壇、見先聖手植之檜在殿庭東南、輪枯色古、相傳有王者起、此檜再榮、曾十勝國萌生、開我大明、本支百世、亦一異也、遙看衆山環繞、洙泗縈迴、蒼翠映几、席間遐想當年先聖唱鐸、羣賢和音時、真且暮千古、令人慨慕無已、少頃偕孔令循城北行三四里許、至于孔林、夾道多柏栢、蔽映雲日、入林、聖公已先佇候、乃相與北向謁先聖墓、其左爲伯魚墓、南隅爲子思墓、周遭五十步內、荆棘不生、鳥

雀不棲、尤異焉。以次交拜訖、起觀尼山之靈秀、古木陰森、俱合抱千霄、惟楷木一株、高四丈五尺、圍拱一丈、枯而不朽、端木片心與之共古、更憇子貢築室處、追思門人相嚮失聲、景象愀然以悲、昔人謂墟墓興哀、宗廟欽斯、人千載不磨心、有味乎其言之也、俛仰今昔、儒英勛傑、靡弗屈首師服、卽歷代帝王法創規守、尊崇恐後、非誠道弘德遠、配天地、冠古今、擅生民未有之盛者哉、竊當老年、幸偕聖裔、揖讓升降、抵掌晤言、雖不親炙我夫子之耿光、固已甚慰夙心、更是生平一大快事也、聖公留欸辭之、因贈我聖門闕林諸志并楷木二枝、遂別去、望泰山而發、黨天之碧、迎輿而前、次日、到泰安沐浴宿僧舍、明晨、禮東嶽泰山之神、俯度筋骨、無他請祈、但祝聖壽萬年、莫安四海而已、卽令驅車言還、道經顏孟、閔仲林廟、俱襲香瞻禮、帷中索枯、各有贊頌、舟歷淮徐、乘便進謁漕使、言民運不勝促、督運艘南下、隨還舟京、口兼程以歸、兒輩已候于途、是月十八侵曉、抵家、往來水陸道里三千期、僅一月、而數十年至聖廟林拜謁之願、幸于衰歲發大猛勇、一旦完慰、從此流光、不知有幾、尚思益勵初心、不愧後學、亦惟忘食忘憂、且忘年之衰老、庶免見聖弗克繇聖之謂云、援筆識之、因以自勗。

書

代曾參答同列書

宋歐陽修

參白諸足下。聞吾黨之士思夫子而莫得見也。以有子之貌似夫子。欲假設其位。以夫子師之。諸足下必其然乎否邪。吾試爲諸足下陳夫子之道。以爲斷。諸足下知天之有四時乎。春能生物。而不能長也。夏能長之。而不能成也。秋能有成。而不能斂也。斂之者。其在冬矣。自生民以來。有大聖德居大聖位。而作法以濟世者。類不過八九三皇。經始之。五帝續明之。禹湯文武該洽之。周公祖述之。經始之者。春也。續明之者。夏也。祖述之者。秋也。天恐斯文之中。未有以折衷。乃生吾夫子於衰亂之世。前聖之所未立者。俾夫子立之。前聖之所未作者。俾夫子作之。上規聖明。下救淪壞。垂之百王。而不變。稽之千古。而不疑。雖百周公百堯舜復出於世。亦無以過夫子也。是夫子於列聖有成歲之功也。是列聖不能斂。而夫子斂之也。吾以謂夫子之道。江漢以濯之。秋陽以暴之。皜皜乎不可尚已。吾與諸足下。奚所識知。幸而生於時。得以登其門。望其堂。而傳其道。以光榮其身。吾與諸足下。猶衆無名之星也。夫子猶日月之明也。以無名之星。代日月之明。雖積萬數。吾不見其可況一焉而

已乎。諸足下奈何。乃不察於是也。天則有一冬。而諸足下有二冬乎。苟有子升夫子之席。而吾與諸足下。趨進於左右。斂衣而立。負牆而請。當是時。有子能勿愧乎。吾有以知彼之必愧也。吾儕有所問。而不能答。有所辯。而不能斷。譁然而往。默然而來。鏗然而叩。寂然而應。當是時。有子能勿慚乎。吾又知彼之必慚也。昔者吾友子淵。實有聖人之德。不幸短命。前夫子而死。使子淵尚在。而設之於夫子之席。吾猶恐天下之不吾信也。諸足下以有子之道。義就與子淵。德明而仁備。就與子淵。夫子稱而嘆之。就與子淵。羣弟子服其爲人。就與子淵。達夫子之道。而鄰夫子之性。就與子淵。是數者。皆無一可。而獨以其容貌之似。而欲升師之席。竊師之位。不亦難乎。夫容貌之似者。非獨有子也。陽虎亦似矣。如欲其大似。則當以陽虎爲先。奚先於有子哉。諸足下果欲何邪。復欲睹夫子之容乎。復欲聞夫子之道乎。如止欲睹夫子之容。則闔之可也。木之可也。何必取弟子之似者。以僭其稱。而悖其位。如必欲聞夫子之道。不可以苟而已矣。且吾聞之。師其道。不必師其人。師其人。不必師其形。如欲師其道。則有夫子之六經在。詩可以見夫子之心。書可以知夫子之斷。禮可以明夫子之法。樂可以達夫子之



儒藏



德易可以察夫子之性、春秋可以存夫子之志。是之弗務、而假設以爲尚、此吾所以悼痛而不敢知也。且昔夫子果何師哉。師堯舜者也。師文王者也。師周公者也。惟曰師其道而已。未聞其假設而師之。則似堯舜者似文王者似周公者。終身而不得見矣。苟不見其人。則亦弗師其道乎。夫麟之於隱也。鳳之於鳥也。出乎其類而處乎長者也。不幸而麟以成。鳳以亡。則亦假設而爲之乎。諸足下盍姑止。不然吾恐萬世之後。元口者寡矣。然而無知則已。如有知。則子淵子路輩將瞑目流涕而有責於諸足下也。諸足下其思之。不宜參白。

序

崇恩堂序

明楊榮

堯舜禹湯文武之道著於治者。蓋一時之盛耳。孔子以六經之道爲教。而萬世之治繫焉。故大賢謂孔子賢於堯舜。豈虛語哉。繇是歷代以來。降其謚爵。通天下而祀之。可謂盛矣。然不特此也。又世封其後。以崇德象賢。其榮名厚祿。可以與天地相爲無窮者歟。我朝當文運亨嘉之會。六經之道大明。而於衍聖公尤爲眷厚。其祿秩二品。世襲爵邑。雖仍前代之舊。而褒崇禮遇。可謂超越前代矣。太宗文皇帝嘗躬詣太學。行釋菜禮。而仁宗昭皇帝卽位。衍聖公孔彥緒來朝。燕勞賜予。情文兩致。緼禮多儀。具著爲令。彥緒躬膺眷遇。以謝褒崇之盛。莫踰於今日。乃作堂於其家。而扁曰崇恩。魯王殿下親書大字以賜之。金縷雲章。照耀闕里。何其盛哉。夫孔子之道。生民至今永賴。凡冠章甫衣絰掖者。皆知尊尚而敬仰之。而况其子孫乎。况帝王於先師之胤乎。昔漢章帝東巡至魯。親祀孔廟。作大代之樂。大會孔氏子孫。謂孔信曰。今日之會。於卿族榮乎。信對曰。自古明王聖主。莫不尊師重道。今親屈萬乘。辱臨敝里。此乃崇禮先師。增輝聖德。非臣家之私榮也。章帝喜曰。非聖人子孫。焉有斯



言然則彥緒之所以名堂者其亦若傳之知所本乎。異時書諸金匱以傳萬世其爲仁廟聖德增輝豈小也哉。予故樂爲書之以系乎諸作之後。

衍聖公爵系表序

王世貞

昔唐虞三代之盛其子孫爲賓恪者久而或替獨孔子起韋布踐素王以筆札紹明聖人之統寔明寔圖稱萬世師爵則真王禮樂則天子其子孫亦以漸而降崇號爲上公秩乃六卿雖以<sup>①</sup>借慕之主不能有所裁損嗚呼休哉然孔子實成湯後論者不知其所自起余故因表衍聖公之爵系而傳識之明孔子非國家所得而封建也。

校記

①錄：當作「祿」，見《藝文類聚》卷二〇。下同。

②夕：疑衍。

③缺字，《圖書編》卷六一作「獫狁」。

④此句疑有誤。

⑤畺匪：疑倒。

⑥缺字，雍正《山東通志》卷一一之七作「寇」。

⑦同⑥。

⑧此句《弇山堂別集》卷三九作「雖以失德亂常之主」。



闕里廣誌卷之十九

四言古詩

謁孔聖林廟

元揭傒斯

峩峩尼山。蔽于魯邦。篤生聖人。維民之綱。尼山之下。有洙有泗。有蔚孔林。在泗之浹。維彼聖人。教之誘之。凡厥有民。則而效之。維彼聖人。覆之載之。凡厥有民。敬而愛之。既誦其言。亦讀其服。執秣其馬。于林之側。既誦其言。亦履其武。執秣其馬。于林之下。六轡既同。周侯之東。薦之侑之。聖人之宮。其音洋洋。其趨踰踰。其臨皇皇。聖人允臧。商公之圖。式昭其敬。載瞻載思。罔不繇聖。

新廟告成

明李東陽

巖巖岱岳。新廟有作。爰經爰度。惟舊規是若。載增載拓。以光于前畧。新廟既構。其輝孔昭。如輻斯輳。如機斯茂。若繪若繡。惟功之懋。厥有加于舊。唯天降災。警攸是崇。惟斯文之恫。惟帝降命。有嚴厥工。惟中丞之風。監司之功。廟祀伊假。帝命孔肅。曰此大事。我其可弗告。祭牲册祝。予輔臣是屬。臣拜稽首。臣曷敢弗恪。廟既新止。禮既殷止。聖靈降監。享吉蠲止。天右斯文。實亨厥屯。如貞斯元。如冬斯春。惟國有明祀。于千萬年。

謁聖廟

陶欽阜

煌煌者宮。濯濯者豆。載陳載贍。聖其予親。維宮煌煌。維豆濯濯。秉心則虔。神明斯若。聖人在天。其天其淵。降自何方。望之儼然。儼然來臨。樂此聖心。尸居尸堂。示我德音。聖不可知。神不可思。日月爲輪。驟而去之。往來有路。閭闔有戶。不忘若人。萬世之下。

黃克纘

謂山蓋高。其巔可陟。謂海蓋深。其淵可測。惟我夫子。莫究其極。際天蟠地。斯道克塞。爲萬世師。爲百王則。可名非名。大德不德。嗟我小子。實鮮知識。蚤歲誦法。垂老未息。如窺堂奧。尙阻于闕。茲來闕里。廟貌是式。稽首庭除。若見顏色。徘徊廊廡。有嚴有翼。禮匪能恭。而恭斯克。蒼蒼古木。挺然正直。神物呵護。歷歲千億。周人思召。甘棠封植。匪物之懷。惟德是憶。况我聖道。饑渴飲食。人之懷思。孰能去臆。我來自東。保證是職。有職不舉。厥罪安匿。明明聖訓。就列陳力。詩以責躬。莫之敢飾。

孔林

單恂

魯城峩峩。洙流瀾瀾。人之塋聖。亦云其里。言樹之木。木繁匪殺。言築之室。室居允獨。棘榛拔矣。蹕道兌矣。鳥雀亡矣。俾無聲矣。豈無帝寢。少昊在東。維草薶薶。

維石龍礎。春露既濡。秋霜既墜。孝孫履之。虔其祀事。  
祀事孔明。豐稷泰盛。潔爾大烹。享殿之祔。於萬斯年。  
莫之與京。

闕里

宋 際

奕奕東魯。聖人之居。弟子益進。狂狷斐如。維詩維禮。有  
琴有書。如有用者。視彼中都。暨乎攝相。七日行誅。夾谷  
之會。肆齊侏儒。宗邦幾興。阨於彼婦。遲遲國門。栖栖奔  
走。鳳兮興歌。麟遊不偶。兩楹夢踐。坐奠永久。帝者常師。  
公爾世守。道隆千祀。教浹九有。維天及聖。莫之能名。擬  
之議之。玉振金聲。唯焉斯里。杖履所經。中申天天。寂然  
無營。低回留之。寔勞我情。

五言古詩

謁孔子

隋劉 斌

性與雖天縱。主世乃無由。何言泰山毀。空驚逝水流。及  
門思往烈。入室想前修。寂寞荒階暮。摧殘古木秋。遺風  
暖如此。聊以慰蒸求。

送孔巢父還山

唐李 白

微客張兪且。不能掛龍虎。所以青雲人。高歌在巖戶。韓  
生信英彥。裴子含清真。孔侯復秀出。俱與雲霞親。咬節  
凌遠松。同衾卧磐石。斧冰嗽寒泉。三子同二展。時時或  
乘興。往往雲無心。出山揖牧伯。長嘯輕衣簪。昨宵夢裏  
還。雲弄竹溪月。今辰魯東門。暢飲與君別。雪崖滑去馬。  
蘿徑迷歸人。相思若烟草。歷亂無冬春。

魯郡途中

高 適

誰謂高禪客。遂經鄒魯鄉。前臨少昊墟。始覺東蒙長。獨  
行豈吾心。使古激中腸。聖人久已矣。游夏遙相望。徘徊  
野澤間。左右多悲傷。日出見闕里。川平知汶陽。弱冠負  
高節。十年思自強。終然不得意。去去任行藏。

謁孔林

宋吳 秘

高天之有文。星辰豔穹碧。厚地之有文。草木秀野色。草  
木既無辭。星辰亦難測。詎俾人之文。五經爲藝極。五經



儒藏

主者何、豈非至聖力。三才久虛位、待我先師宅。秘亦窮經者、自謂入闢闕。天地無逃數、世人猶自惑。代發文不殺、宜在弟子職。薰香達誠悃、滴酒瀝胸臆。聖然見威容、長休鮮墳側。

元張起巖

迢迢魯城陰、長林蔚秋色。修門員平岡、重墉屹玄宅。交柯蓋雲霄、文楷間蒼柏。翁仲儼儀衛、齋廳敞虛白。境土自清曠、密茂不容隙。巢居絕禽鳥、鬱茁無寸棘。苔蘚帶堅壘、草露濕寒碧。肅恭敷崇闕、屏氣前踖踖。高陵遂瞻仰、素願愜平昔。聖裔偕守長、聯翩來接跡。羅列儀雍容、莫拜助登陟。慨然渺深思、辭容宛如覿。徘徊凝睇久、景慕遂歎息。緬想萬世功、綱常賴扶植。林林區宇內、孰不沾聖澤。宜哉子孫枝、蕃衍挺珪璧。百代如一日、附隴守宗國。欲歸重躊躇、歷覽撫碑刻。崇文際皇元、新廟再修飭。風厲示多方、鐫銘有寧石。

謁闕里

王惲

庭訓墮渺茫、師授悻嚴戒。嗟予不惑年、行已得夷隘。今歲客東魯、似爲神所介。駕言逐秋風、得展闕里拜。遙遙魯殿餘、汶水走瀕瀕。憑軒望雲林、鬱鬱佳氣縹。齋莊趨兩楹、奠獻成孤酌。踴然三聖封、仰止高泰岱。恨生千載

後、今夕憐掃洒。披雲覩天日、太極開一畫。彼蒼詎能言、諄諄聖爲代。三綱與九法、範圍無內外。君臣以之定、乾坤以之泰。東周不可爲、述作萬古賴。耿耿狗鐸音、光化雷雨解。敬想燕居容、金聲鏗玉珮。當時七十子、授受嚴如待。以今鳴幾時、諸子沸秋籟。一朱亂紅紫、百谷茂稗稗。愚者甘下達、誕者樂語怪。韞藏寶康瓠、幹棄清廟寶。明倫得不泯、而有六經在。天高洗可階、一氣包厚載。茲遊固難言、默契心有會。胸中九雲夢、吞納失芥蒂。循循善誘詞、師也書諸帶。緬懷伯禽業、郁郁文獻昆。三桓張公室、勦功熾而休。一耆去無復、荒陵餘石獅。煌煌天乙孫、膚敏半冠蓋。德博慶自修、道大勢能邁。金泥買元精、泗波來遠派。汪濊一聖海、不隨梁木壞。歸侍金絲堂、持齋聞馨欬。恍如到帝所、鈞天廣樂僊。洗我兩耳聰、肉味忘一噉。詠歸寫遺音、風雅變鄙即。一簞老東家、吾知其樂大。遲遲不忍去、寒日下蒼檜。

謁林廟

汪澤民

巖巖泰山陽、湛湛洙泗水。鬱鬱楷樹林、行行瞻闕里。廟庭復展敬、德容斯仰止。當坐巖龍蹕、參前疑鳳峙。遙謁拜陵下、慨歎曷能已。六籍苟靡波、九法孰條理。宜哉百王師、萬國恒通祀。矧茲禮義邦、神化素漸被。分符謫愚

朽、鋒刀思彌砥。上答罔極恩、下不隳爲士。

### 謝尼山

明李東陽

迢迢魯城路、望望尼山峰。坤靈在其西、顏母在其東。周  
原敝宏址、中有文宣公。年深歲復改、上雨兼旁風。蒼黃  
設俎豆、俯仰思儀容。周旋入寢殿、棧棟半已空。丹青剝  
像貌、暴露炎埃中。因之起深竄、蹙額而蒼紅。荒苔臥石  
柱、隱隱雙雕龍。乃知前朝事、規制本穹窿。興替豈有時、  
闕里方尊崇。紛紛緇黃輩、各自傳其宗。珠林映貝闕、勢  
若爭雌雄。吾曹衣冠士、此涕誰無從。昨逢中臺彦、感舊  
傷遺踪。惜哉不共到、獨此心忡忡。他時按部後、爲我泗  
青驄。

### 謁宣聖林

吳寬

兩楹既夢奠、黜矣斯文光。鬼鬼魯城北、冠屨于焉藏。墓  
木不可辨、合抱十萬章。相傳門弟子、移植來遠方。惟昔  
治任日、相向哭且傷。孰知千載下、儒者猶心喪。愚生復  
何幸、瞻拜俄其旁。去我有周末、惻然親溫良。如陪遊與  
夏、執贊同升堂。惓惓東引領、夙願今始償。嶧山千仞高、  
泗水百里長。何必四尺封、天壤俱存亡。

### 宣聖手植楸

泮宮久矣壞、孔宅仍如新。悠悠二千載、手澤猶存。所

存匪他物、奇樹當高門。相傳藉文字、烈火經熾秦。而此  
獨萌蘖、挺然異其群。群木繞庭際、合抱如雲屯。尋常豈  
得似、隱然成旋文。端如入素綢、微纒依然分。米芾好奇  
士、于道未必聞。玩物有述作、意與石丈均。我來重謁拜、  
欲去凡幾巡。維魯多松栢、斷度見詩人。但徠與新甫、遂  
瞻失嶧峴。

### 和吳寬韻

李東陽

孔庭盡烈火、廟貌修更新。嗟哉古檜毀、僅見孤根存。槎  
牙挿高空、突兀撐重門。禮祀嘗及漢、官封未汙秦。所貴  
手親植、不與萬木群。翻令衆芳茂、蓊鬱紛成屯。枯荻發  
餘燼、往代有遺文。旦夕或可期、今古何當分。雷聲久絕  
響、五月始一聞。矧茲時雨降、遠邇皆覃均。仰高復好古、  
一日累數巡。發育豈無地、栽培方有人。何年重弭蓋、翹  
首青嶧峴。

喬宇

聖道炳日月、萬古常一新。植物匪觀美、自此手澤存。移  
株嶧山麓、垂陰闕里門。宮室不壞魯、然燔豈遭秦。孔林  
材實多、不與群卉群。盤挈作龍立、蒼翠如雲屯。閱歷數  
千載、尚有左紐文。傷哉鬱攸變、烈燄從何分。殿庭亦煨  
燼、異事駭見聞。萬物有代謝、盛衰理則均。靈根定不死、



元氣相周巡。一枯復一榮。天意豈在人。陳亥發新廟。岱嶽同嶙峋。

謁林廟

楊維

驚風飄寒雨。秋杪變重陰。徘徊魯故墟。榛莽成荒林。靈光亦已廢。闕宮詎及今。巍然夫子宅。殿廡何嶙峋。往昔講禮徒。易世猶來臨。斯文信在茲。墜緒誰復尋。履舄化既久。絲竹無遺音。仰瞻數仞墻。惕厲感我心。

謁聖林

林俊

魯阜盡陰翳。孔陵多景光。乃知泰岳下。中有元氣藏。不容道何病。世代餘衰章。滄桑互變滅。若斧居一方。玉書護林木。無採誰敢傷。兒孫麗千億。宿畢臨近喪。譬如天之樞。衆星拱其旁。精神感會聚。嗣述俱質良。整折禮讓素。金絲誰家堂。我生百代後。瞻奉茲始償。悲谷日已夕。執役心逾長。麟泣動宿憾。大雅傷詩亡。

張登

北上過濟州。望兗促行色。朝驅河上車。暮憩魯中宅。平明躋闕里。零雨洒岩柏。淙淙泉石清。噉噉霜木白。翁仲羅庭堦。桓欒蔭窓隙。山空淨祠壇。樹老斷荆棘。神路遠且長。享殿升以碧。拾級轉逶迤。飲衽還踟躕。游衍成壯觀。夢想白疇昔。山川殊精靈。典章豈陳迹。封樹何鬱鬱。

躋亭幾登陟。向來慕勝境。及此遂良觀。臨眺脰豈悵。展拜氣方息。還繞楷木林。雨露正培植。遙探洙河水。流渌乃潤澤。有如聽金絲。復若獲瑱璧。卓哉賢聖林。矧茲禮義國。世守良裔孫。詩成付新刻。徘徊恒顧瞻。鑽仰卽修飭。天地繪何能。泰山有玄石。

謁聖廟

邵經濟

王風久不競。斯文在宮墻。麟出一復遊。鳳鳴徒鏘鏘。顏其庶幾由也亦升堂。相將被章綬。登虞玄袞裳。道德日嶙嶙。江海時洋洋。百王輝尊稱。至聖肆所將。曰非尼山靈。天地終茫茫。

蔡經

太極隱混沌。陰陽闢元始。徑徑復慕慕。疇焉振人紀。緇維義黃間。此道平如砥。精一紹乃傳。周文率其軌。陵夷歷春秋。不絕如綫耳。尼山久鍾靈。天縱吾夫子。上以繼百王。下以開千祀。垂教在憲章。翼世遵倫理。日月並貞明。天地無窮已。巍然見宮墻。幸茲趨闕里。穆穆瞻聖儀。肅肅薦繁芷。斯文予何人。曷哉爾多士。

顧夢圭

尼丘孕元聖。宇宙番六籍。風移有淳洙。文在無淪歟。慶雲翼崇宮。芳藻羅故宅。絃誦誰則聞。吁嗟問遺迹。衆賢

修禮物、明禮報豐德。雖限郊西時、永無。

郭正域

太極判鴻濛、中天產玄德。當年不執政、今日奄魯國。石  
龍蟠兩楹、瑤階接前闕。古檜出雲根、生前親手植。麟  
儼帝居、丹壁紉兩翼。人間帝者師、世更幾萬億。上殿瞻  
周冕、猶見中巾色。壇上杏花紅、林前洙水黑。元氣何龍  
慈、百里無荆棘。吾道日月明、中天自不息。世若無六經、  
長夜渺難測。云胡獨披子、淫辭莽相蝕。不識造化心、欲  
毀萬古則。予來自辟雍、誦讀勉不惑。稽首望天階、思以  
酬罔極。

題闕里

連標

嵩穎青矜子、載雉效出疆。杖策謁聖主、繡斧昇君王。乘  
驄齊魯墟、何幸拜宮牆。杏壇遺舊址、異檜植中央。崇律  
瞻廟貌、昭格肅衣裳。追崇碑碣在、典墳樓閣藏。億昔七  
十子、儼若俱一堂。黃墳思性道、曳履講文章。祝史陳祖  
豆、洋洋如在傍。禮罷出北郊、匹馬過橋梁。數望泰天幹、  
驛驛遠相望。山川如拱護、鸞鳳獻翱翔。鵲巢俱屏迹、枳  
棘遠宗房。泰岱凝結構、洙泗落芳塘。禮樂千秋祀、皇王  
百代光。斯文邇本始、墟古再稱觴。

謁林廟

陳欽

逶迤出周道、迢遞度雲岑。聖門若天達、詎謂路可尋。幸  
茲俯桐氣、翩跹走修林。拜稽杏壇下、一寫平生心。登堂  
瞻展島、恍接警教音。俯瞻悼靈楸、手澤良已深。低徊不  
能去、感戀盈中襟。欲頌難爲言、題首發謳吟。

陪明府材葛郎中曠謁祖廟

孔貞棟

安肅與昌平、聖門兩弟子。垂髫讀孔書、結髮事明主。行  
役在泰山、連轡趨闕里。入郭謁宮牆、山郭拜陵趾。自幸  
千載下、展敬遂仰止。逕迴虛墓堂、懷賢曷能已。登閣望  
尼防、指點烟霞裏。道脉信如斯、泠泠洙泗水。別去兩無  
言、勉勉各自矢。

杏壇

王在晉

混兮沌兮、剖清寧始奠位。其中有至人、造物領玄秘。皇  
王久不作、夫子生叔季。瞻彼尼山陽、杏壇誕靈異。多賢  
既有斐、群居左右侍。狂簡欲取材、相期各言志。好古事  
刪述、博學乃多識。河洛皆成文、風雅正四始。典謨既足  
徵、禮樂亦咸脩。麟經紀筆削、爲年二百四。大道如日星、  
六經增鼓吹。空言維世道、一亂又一治。天不生仲尼、頹  
蒙盡昏寐。賢賢其美之、夫焉辨愚智。立德與立言、文武  
道不墜。周道不可幾、不仕愧無義。皇皇齊楚間、轍迹乃  
周至。丈人苦不返、晨門問奚自。舉世莫我知、擊磬譏荷





齊魯國有聖人。於焉攝相事。齊人歸我田。桓子投所忌。吾衰歎已甚。世亂所當避。禹稷急餓溺。堯舜病博施。聖人不同時。相逢可易地。行携叩聖壇。松柏參交翠。紅杏倚孤亭。猶存古唐宇。相從及門者。彬彬各居次。昭代正弘文。何須宋唐謚。太和在一堂。四時元氣萃。道範如可親。儀容儼然視。泰山豈云頽。崑嶠同仰止。望道若汪洋。彼岸在洙泗。

謁廟

黃哲

解組辭鄆郭。驅車循魯祠。前登闕里近。端仰素王靈。荷蘭遺芳藻。神檜鬱蔥青。時化洽千祀。奎光浮四溟。多儀殷廟享。斯民傳壁經。几筵猶設席。容秩儼克庭。所念迷途者。空瞻明德馨。因蒙今獲各。幽悱未遑寧。靡靡寒水至。塗塗朝露凝。遙回馳聖意。夙夜思儀刑。

謁林

林武

倚彼宣聖林。完完夏屋封。蕃卉烏辨天。沃澤光隆隆。外有聖王陵。崩毀瑱蒿蟲。惟靈浩浩睨。氤氲滋青蔥。群森享遐祀。徵材奚能窮。穹廣芬郁肅。時至游鳳龍。况永謝薦拜。優零雨露洪。豈彼灌樹然。卑化荆棘庸。結根但不迷。華實茂鴻濛。

杏壇

張若蕤

杏壇一席地。尼山百世師。大道久鴻濛。顯晦在此時。心齋而坐忘。于淵多沉思。忠恕本一貫。參也魯得之。中庸明性教。千載未可期。苟非私淑人。仁義將安施。淵源固有自。今古常若斯。所以能自信。抗言文在茲。

謁闕里

龔勉

風昔抱微志。夢寐見宮牆。場來入東魯。敬謁闕里堂。廟宇瞻遺像。萬古仰冠裳。杏壇垂教澤。金玉聲鏘鏘。手槍握元化。榮枯繫興亡。始信聖人道。實同天地長。五十塊無聞。對此徒望洋。敢不益努力。尙趨秉燭光。

謁聖廟

國朝施閏章

朝登泰山巔。手探金泥策。暮宿曲阜阿。側身洙泗席。宮廟煥以巍。俎豆爛有赫。中庭惟杏壇。檜柏參天碧。禮器陳鼎彝。圖書崇琮璧。懸非顏閔徒。勉旃思踐迹。斯文今未衰。靈爽炯不隔。肅雍視几筵。四壁響金石。再讀高山詩。詠言永無斂。

謁孔子廟堂

紀映鍾

羣山宗崑崙。祭海必先河。宮牆遍天下。曲阜尤巍峩。崇墉壯四極。飛閣出層阿。斑駁漢唐碣。挺拔凌霄柯。靈光白日闕。紺殿浮雲摩。王享未足異。秉禮誰復過。浩然觀氣象。秋肅而春和。穆穆袞冕儀。知非子所多。貞珉祝司

寇千禩安能磨。賤子東南愚。少即事弦歌。老生三十載。志氣成蹉跎。瞻拜淚隨下。大道良非他。

### 孔林

輦道何紆長。松檜接城陌。清曉謁行塵。隱見金碧額。萬木鬱晴空。卉草含香澤。魂與強難名。芝菌秀可摘。云是四方至。吳楚借形脉。秋聲起林端。憂擊錯金石。恍如弦誦聲。中夜恣由繹。尼山當戶牖。泗水環潮汐。何年造物根。毓此后世宅。保合無位人。永作生民辟。至人惡久生。麟傷鳳歛翮。勞勞七十年。狼藉輪蹄跡。庶幾一坏土。溫我不煖席。

### 子貢廬

墓防土聖室。傳是子貢廬。清陰覆苔瓦。細草蔓階除。端木通敏人。聞道在弗如。駟馬吳楚間。鮮復隨征車。泰山一朝頽。哀呼念羣居。築塲雖已晚。歲月良非虛。庶幾風雨夕。歸求師有餘。

### 闕里丁祭觀禮廟庭恭賦

宵雨淨齋壇。輦路平如砥。晨光四門闢。肅將嚴秋祀。江海朝其宗。禮樂惟魯始。皇皇太牢享。八佾舞庭祀。鐘鼓諧古音。金絲叶虞美。穆然元氣中。聲靈赫來只。七祀誠有孚。遠人歎觀止。

### 謁聖林

趙開雍

今之曲阜城。乃是古魯國。闕里在其南。洙水在其北。欲遡洙水。馳車度廣陌。遙見魯城陰。千林同一色。何樹恒不凋。老榆與蒼柏。方春發生時。茂密無寸隙。高門戴朱甍。重櫺護玄宅。下馬步入門。輦路蘇苔碧。陟橋俯清流。涓涓涵聖澤。當年馬鬣封。此日表穹石。傍有端木廬。築塲宛如覲。沂泗二公墓。相去僅咫尺。肅躬一再拜。素願慰平昔。

### 自鄉適闕里

金是瀛

借問何所適。馳驅春草叢。吾來鄒魯邦。愜然想遺風。少小讀其書。未足豁愚蒙。今游聖人居。如日入懷中。古檜存手澤。碑碣森崇墉。山川鍾靈巨。宮寢窈窕紅。窮神不可議。流化不可窮。大哉萬世師。天地長無終。

### 闕里卽事

宋際

巖巖見繹山。湯湯洙泗水。肅肅畏簡書。翼翼瞻闕里。自幸一草莽。宮牆得仰止。日月麗中天。世家傳太史。荷與帝王師。廟食三千祀。太牢不爲崇。宮縣不爲異。吁嗟霜雪繁。上公陳宗器。際也任樂承。鼓鐃有遺軌。金聲與玉振。始終成條理。非敢曰克諧。庶幾觀止矣。

### 登奎文閣

錢愷



儒藏

夫子集大成。刪述世無兩。魯壁出遺編。傑開樹宏範。憑  
高試遠望。春野何莽蒼。雲開雪未消。日射迴巒爽。拂窗  
松檜枝。黛色如仙掌。低徊去復留。聊以述景仰。

望闕里

宋慶遠

仲冬凜冰雪。驅車泰山阿。仰止合言近。魯道何逶迤。想  
象文宣宮。設教分四科。堂中陳俎豆。戶外聞絃歌。闕祭  
唐虞蕤。飭舒天地和。一蹴詎能至。致仍常兢兢。可望未  
可卽。嚮往竟如何。

七言古詩

懷魯

唐程嗣綸

曲阜國。尼丘山。周公逸難問。夫子猶啓關。履風雩兮若  
見。游夏興兮魯顏。天孫天孫。何爲今兮。學且難。負星明  
而游閑閑。

將歸操

孔子之趙問。  
殺寶鳴犢作。

韓愈

秋之水兮。其色幽幽。我將濟兮。不得其由。涉其淺兮。石  
齧我足。乘其深兮。龍入我舟。我濟而悔兮。將安歸九。歸  
乎歸乎。無與石關兮。無應龍求。

荷蘭操

孔子傷不  
逢時作。

蘭之荷荷。揚揚其香。不採而佩。於蘭何傷。今天之旋。其  
曷爲然。我行四方。以日以年。雪霜貿貿。薺麥之茂。子如  
不傷。我不爾觀。薺麥之茂。薺麥之有。君子之傷。君子之  
守。

龜山操

孔子以季桓子受齊女。  
樂諫不從。望龜山而作。

龜之氣兮。不能雲雨。龜之枋兮。不中梁柱。龜之大兮。祇  
以奄魯。知將瘞兮。哀莫余伍。周公有鬼兮。嗟余歸輔。

題擊蛇笏

元趙孟頫

以笏擊蛇有孔公。義與段公擊賊同。事之鉅細雖有異。  
正氣憤激生于中。偉哉孔公聖人裔。豈聽妖邪亂民志。

卽今槐木一尺強。氣象凜凜含風霜。千孫守之慎寶藏。  
絕勝象牙堆滿牀。

贈主事張清奉使闕里取衍聖公三氏子孫赴京觀幸學禮

明李東陽

漢家天子臨雍日。孔氏子孫應時出。關西俊士東曹郎。  
奉使南來馬行疾。長安雪後開新霽。炫晃山川豁衆密。  
經心道路遠遙遙。翹首殿亭高舉舉。百年盛典閱褒卹。  
萬古道經重刪述。極知禮樂超唐宋。見十二旒庭入僧。  
平生仰止在宮牆。真見升堂還入室。杏壇絃誦想三千。  
童冠舞雩思六七。頌祠孟廟皆我黨。近者數弓遙天驛。  
會陪主組導衿裾。歸向虞廷拜天秩。

謁尼山

喬宇

魯城東去多峰巒。川原縈繞蟠尼山。坤靈古洞懸高刻。  
危磴隱隱松蘿攀。宣聖宮牆久傾圯。雙龍石柱剝榛間。  
我來駿奔獲瞻拜。左右陪祀羅衣冠。傳聞往代事請禱。  
實生庠哲昭人寰。吁嗟此事亦茫昧。聖作自與造化關。  
唐虞世遠周轍除。淳朴既散無全完。斯文在茲我道幸。  
氣數否極終當還。泣麟悲鳳身已老。手取六籍親修刪。  
經書禮樂并覆載。堯倫叙矣民生安。素王食報固當耳。  
雲孫奕世真象賢。祇今廟貌就剝落。徒發欷歔清涕潸。

何當穿隆煥新製。萬古千秋崇聖賢。

謁聖林

李松

齋心展拜先師墓。森森夏木垂清陰。鳳凰有時集嘉樹。  
凡鳥不敢巢深林。千年想像獲麟操。三歎擊節倚蘭吟。  
果木賴今哲人萎。廬塚乃見師生心。我來弔古增感慨。  
聊賦短章留雲岑。

胡一化

魯城之陬夫子墓。萬木鬱鬱衝古路。防嶧諸巒盡拱參。  
五老嶙峋亦回顧。月明華表鶴歸歸。享堂畫靜雲閒飛。  
隧道掩映檜柏裏。衣冠來往皆由此。岱宗巖巖發脉長。  
洙流合泗同一水。靈山名水兩纏綿。元氣氤氳幾許年。  
天啓斯文紹道統。地留故宅會良緣。緬思周季王澤竭。  
亂賊炬光誰撲滅。維時尼父應禱生。日麗中天還皎潔。  
極知至人迥絕倫。更聞至德必有鄰。從遊被化三千士。  
速肖傳心七十人。駢駢周道不停轍。歸歟歸歟樂教育。  
獲麟西狩已矣夫。兩楹夢奠壞梁木。馬鬣其封形巋然。  
子爲昭兮孫右穆。駐蹕名亭紀幸遊。廬舍有基再修築。  
子孫振振復繩繩。蓬頭纓紫爭相族。以嗣以續雲初來。  
春雨秋霜禮祀肅。仰瞻遺澤謫芬馨。今古佳城稱最獨。  
嗚呼。聖人一去二千載。悲也迄今乃在茲。不見聖人見



其墓悠哉何已。羨瑤思。蹲峙德容昭陟降。此心儼若生  
存時。徘徊盛跡動長嘯。何事榛除易別枝。大道通行寄  
身後。異端及艾鳳來儀。道不朽兮地自若。魯陵幾見黍  
離離。

宣聖手植檜歌

鍾羽正

君不見。夏松殷柏杳不傳。豐鎬絳橫隨風烟。斯文一結  
天未墜。聖庭古檜獨岷然。憶昔我時初翦蔚。清標灑灑  
超群卉。香葉時籠縫掖衣。芳柯賡染芝蘭氣。我師曳杖  
杏壇東。韋編把向綠陰中。化雨秋陽陶勁質。回琴點瑟  
鳴春風。邇來二千四百載。老幹龍鍾羨猶在。水霜剝落  
操尤堅。雷電馮陵節不改。螺旋龍甲萬回策。昂藏砥柱  
仰孤撐。亭亭影對東山靜。脉脉津含泗水清。恍惚枯榮  
關氣數。興衰人代如朝暮。慈龍何論大夫松。婆娑誰數  
將軍樹。大造滋培歲月深。萬靈訶護向崇林。肯將婀娜  
媚俗目。祇以孤高表烈心。凭闌不敢輕拂拭。再拜彷徨  
歎其側。歸來古道滿眉睫。千蹊桃李無顏色。

趙玉森

孔庭老檜手澤長。肌理細潤骨節蒼。挺然孤幹高百尺。  
矯如神虬雲外驤。本不敷華復何朽。冰心鐵骨凌千霜。  
有時陡發一枝芳。萬邦作睹驚奇祥。造化靈秀靜則壽。

三千餘歲猶含章。一木能持天地藏。嗚呼。一木能持天  
地藏。

將歸操

明王世貞

美哉水洋洋兮。中有潛龍。變無方兮。餌欲蔽靈。黠行藏  
兮。鼉蜃伏窺。胡弗祥兮。盡歸乎來。惠吾黨兮。息魄虞淵。  
衆趨冥兮。加我數年。紹餘光兮。

倚蘭操

倚倚叢蘭。芬於幽阻。彼美蘅杜。風所揄吐。芄芃禾黍。罹  
此暑雨。稿實不恤。世有饑者。徘徊九方。靡卽寧處。君子  
悅心。不在爵土。嗟余已邁。歸從蘭所。

龜山操

龜之山吐雲。蔽龜山兮。彼龜不知。以雲藩兮。子望魯社。  
龜今間之。君臣交賢。誰今辨之矣。

擬龜山操

國朝魏裔介

望東魯兮。龜山蔽之。豈不懷歸。畏群婢之。我疑山之陰。  
其雨瀰瀰。父母之邦。實勞我思。龜山龜山。吾將移爾填  
滄海。

子貢手植楷

趙其隆

夫子林中老楷樹。傳是達人手培護。色比鐵石形比蚪。  
百尺槎枒筋骨露。歷年三十甲子餘。獨立亭亭神氣殊。

今時不見古時茂。古茂寧知今若枯。或曰此樹生春夏何不敷滋榮。或曰此樹枯周秦松柏已全無。惟此離奇吞雲霧。能與老檜同堅固。吁嗟聖賢之靈兮。世有知者終莫明其故。

杏壇

錢肅潤

尼山老布衣。位不階尺土。聊將一片石。立教垂千古。肅肅登壇衆所尊。三千七十出其門。回琴點瑟更番作。禮樂詩書共講論。壇前松檜何森列。別有紅杏番番發。春風一室暗相吹。元氣四時常不絕。于嗟壇高兮。上接夫唐虞三代傳心之席。

登洙水橋

邇河必先之崑崙。邇濟必先入王屋。洙水西同泗水流。北來分支結洙濱。此日洙源何處尋。登橋一望樹成林。莫嫌冬淺傷民力。却怪春秋浸不深。

題子貢手植楷

師在曾聞曳杖歌。興言梁木傷心多。一朝師歿歌聲遠。空林蕭瑟夫如何。弟子紛紛移土物。賜也裴徊有所植。植雖在手亦以心。天高地厚意何深。堅貞柏節松筠幹。凜然不受風霜侵。噫吁噫。同堂揮淚東西走。此木依然等儔偶。六年人去木猶存。千秋萬世齊不朽。

闕里懷古

周揚

乾坤氣鍾素王家。曲阜千秋萃物華。累朝帝輦曾駐蹕。紫烟繞處走龍車。自是扶桑一片日。明生終古照天涯。三綱九法開雲霧。稟稟大義綿周祚。共王壞宅啓金絲。麻政援碑飛白兔。最異從無鐵騎侵。至今故國金湯固。聖人非爲示神奇。至誠真與天地期。一時手澤存今古。文章允作帝王師。潺潺洙水流長在。奕奕尼山峙不卑。尼山洙水天悠久。毓靈豈同群聖偶。火吳故墟荆棘生。周公遺廟牛羊走。玉書化作五色雲。長與闕里相爲守。虬松神檜覆宮牆。琉璃直射斗牛光。黃金爲瓦玉爲柱。翡翠輝煌勝建章。穹碑古篆紛難識。字字蛟龍踞漢唐。嗟我淮南一小子。千里從親追杖履。去年觀海岱之巔。今復遶遊聖人里。試取三百誦高山。誰曰哲人其萎矣。宣聖手植檜歌

宋際

宣聖手植檜歌

猗歟夫子手植檜。閱世今經二千載。特立但有根株存。左紐自含生意在。每逢真人應期運。分枝布葉揚光采。却笑河圖與鳳鳥。偶然一出莫能再。我來瞻拜心悚然。禹腰堯顙如在前。山石可勸海可田。至聖德澤無變遷。杏壇歌

裴錢格

輓近世今小儒。仰杏壇兮踟躕。轍旣環兮歸稅。端四教



於群趨。以不至今麟出。道與吾其已夫。東西熄。今王迹。  
齊晉滅。今霸圖。懷智者之知聖。賢洵遠於唐虞。群山兮  
蒼蒼。泗水兮泱泱。亘遺蹤兮萬古。與日月兮齊光。

五言律詩

經鄒魯祭孔子而歎之

唐玄宗皇帝

夫子何爲者。棲棲一代中。地猶鄒氏邑。宅卽魯王宮。黹  
鳳嗟身否。傷麟泣道窮。今看兩楹奠。當與夢時同。

謁孔子廟應制

張說

孔聖家鄒魯。儒風藹典墳。龍驤過舊宅。鳳德詠餘芬。入  
室神如在。升堂樂自聞。懸知一王法。今日待明君。

張九齡

孔門泰山下。不見登封時。徒有先王法。今爲明主思。恩  
加萬乘幸。禮致一牢祠。舊宅千年外。光華今在茲。

送故人孔公歸魯

韓翃

魯客多歸興。居人悵別情。雨餘衫袖冷。風急馬蹄輕。秋  
草靈光殿。寒雲曲阜城。知君親省後。少婦下機迎。

謁宣聖廟

元謝彥賓

聖道遺宗主。干戈隔歲年。相傳周禮樂。曾是魯山川。日  
月靈光古。乾坤氣象全。東家典刑在。喬木翠參天。

楊惠

分符適東魯。喜到聖人門。洙泗清流遠。尼山紫氣屯。過  
庭遺訓在。入里古風存。治代極崇祀。承家有孝孫。

詩禮堂

明薛瑄



洙泗超庭日、相傳白世家。三千唯有敬、一語自無邪。弱木參天色、荷蘭繞砌花。遺風從此地、化雨被無涯。

謁聖林

李東陽

古木千年在林深、五月寒恩深。周雨露、儀識漢衣冠。駐蹕亭猶峙、巢枝鳥未安。斷碑叢樹裏、無路可尋看。

送孔上公助祭太學歸闕里

唐順之

國喜嘉賓至、人攀上客行。來觀周室禮、去入晉王城。新哀山龍炫、餘堂金石鳴。聖朝稽古意、待爾示諸生。

謁孔廟

李夢陽

端笏陪朝列、時裡謁聖林。戟門留石鼓、春殿靜珠琴。奎府星連切、璧池龍躍深。說說趨國子、早晚翠華臨。

謁聖廟

熊相

闕里環洙泗、新城喜屹如。今爲天子使、昔讀聖人書。文獻徵商後、圖陵訪魯餘。徘徊不能去、日暮強登車。

手植檜

夫子庭前檜、傳來夫子栽。霜皮皆左紐、野火漫餘灰。翠色滋壇杏、虬根上石苔。斯文應未喪、重發待時來。

遊魯泮宮

孔弘泰

雨餘無事日、情思正悠然。曲運連芳草、高臺鎖暮烟。幽芹香韻馥、皓月影懸懸。魯泮閒遊處、何須畫輶川。

謁聖廟

林俊

今古風雲會、乾坤僅此祠。直于堯舜上、自可帝王師。魯相席曾煖、齊田蹟許奇。筆誅餘亂賊、未謂不逢時。

五月五日陪衍聖公祭先師廟

張袞

鸞鳳趨踰地、笙鏞送奏時。千春王者祀、百世聖人師。黍稷昭芬苾、宮牆飭碧滋。上公詩禮在、纓帛映孫枝。

謁啓聖林

陳沂

路去防山外、林當泗水前。五衢知墓隧、四尺表封阡。植木風霜舊、題碑世代遷。降神周魯日、河嶽尚依然。

謁聖林

馬三才

野色敷春靜、松陰覆道舒。不緣尼父墓、誰過魯公墟。木雜周秦樹、碑殘漢魏書。有亭名駐蹕、日日候龍輿。

李蔭

暫稅風塵駕、來茲謁孔林。洙流尚清淺、楷木正蕭森。日月存吾道、蘋蘩薦此心。因之瞻泰岳、終古並嶽岑。

鄭芸

泰泗環神宅、萬年遺在茲。秦皇空逐兔、宋帝再生芝。楷檜連雲合、荆榛當穴無。蕭蕭風葉下、瞻拜有餘思。

王璜

悲秋再使節、展拜肅晨趨。雲日挂文岫、宮牆徹道樞。鳳



枝元謝棟、麟篆不侵蕪。泗上千年意、遙遙欲薦莩。

尹臺

罔極懷夫子、瞻思劇墓林。寢宮寒日閑、隧路古雲深。緬想奠楹夢、因悲曳杖吟。齊心共蘋藻、願以薦居歆。

世遠松楸換、神遊劍履藏。秋陽無改暴、梁木自興傷。報德崇千祀、修禋暨百王。載觀初楷植、遺慕省難忘。

謁聖廟

羅文瑞

久遊鄒魯邑、屢讀孔門碑。禮樂百王法、文章萬世師。庭懷趨鯉日、道憶泣麟時。四海崇儒教、清風長在斯。

畢懋康

百代斯文振、千秋吾道尊。精靈長不滅、爵土未須論。載在同君父、名非藉子孫。泱泱東海上、洙泗是真源。

李松

仰聖心殊切、今朝願始酬。宮牆高萬仞、洙泗會群流。嘉樹形如蓋、清雲夏已秋。停驂聊憩息、西北暮烟浮。

謁林廟

林俊

卽次虔分席、依光愜下堂。道風行有截、教思入無疆。繫易連三聖、爲邦脩一王。晚酬天獨縱、數仞見宮牆。

題擊蛇笏

孔承慶

傳家何所有、槐笏至今存。不假朱雲劍、能殲白帝魂。森

邪皆遠避、魑魅自驚奔。要識剛風在、須看漬淚痕。

手植柏

國朝施閏章

靈柏無枝葉、虬龍百尺長。何人見榮落、終古一青蒼。元氣收東岳、孤根接大荒。遂回思手澤、俯仰魄登堂。

子貢手植楷

不辨何年植、殘碑留至今。共看獨樹影、猶見古人心。閱歷風霜盡、蒼茫天地陰。經過築室處、千載一沾襟。

謁聖廟

劉芳聲

東魯余家近、浮沉豈素心。篆移蟲蝕、松老作龍吟。禮樂多存古、人文慨自今。停車仰止切、獨立午陰森。

夫子手植檜

岳宏譽

老檜無枝葉、亭亭幹獨留。生由周雨露、種自魯春秋。被綴終非刳、敷榮特兆休。千年一暢茂、真宰意難搜。

謁孔林

周龍甲

厚地蟠先澤、洪支育聖孫。藏無金盃富、儉有霸陵尊。俎豆千官肅、松楸百禩存。小臣職邦教、何以報淵源。

手植檜

陳叙

三千年古幹、枯菀卜興亡。天地通消息、神祇謹蓋藏。根分泗水潤、壽與嶧山長。爲問林中楷、孫枝敢抗行。

題墓道

聖殿千秋迴神靈未有遐橋邊洙水出隧外藥苗賒馬  
巖封三世龍源合萬家低徊留不去寒日下城斜

題子貢廬墓處

木葵山頽後天階不可尋升堂當日事廬墓至今心日  
月無時晦瞻依與世深千秋霜露感端木儼中林

闕里

金是瀛

不意清秋日旋登闕里門瞻宮惟有拜頌聖更無言歷  
代貞珉峙千年古木存陳王尚留碣剝落不堪論

謁聖林

古來寔安事陵寢幾銷亡獨與乾坤敵長留日月光泗  
河流不極惜木鬱相望少昊傳遺塚茫茫春草長

夫子手植樹

趙其隆

孤幹循階立相傳聖澤遺生全何藉葉道泰即萌枝左  
紐同天運南畝獲地儀當時樹木者無意此神奇

子貢手植樹

周惕

漫作尋常植亭然留到今一時師弟澤萬古聖賢心葉  
落悲風淚枝垂衆室陰六年情未已留此待深林

齊廬晚步

紀映鍾

季子觀中國諸生待上公松聲和玉聲秋色滿齊宮石  
柱雲龍古儀樽翡翠工樂歌猶未足徐步已融融

孔林

宋慶遠

莫倫存我道筆削首王正志在尊周室神猶傍魯城  
環非所願櫛莫倍傷情絕德師千古山高與水清

北泗衣冠地東山祖豆餘君王曾駐蹕弟子此居廬樹  
老周時樹碑殘漢代書徽音猶未遠髮髯杏壇初

手植樹

趙炎

劫火不成灰長留萬古材法天多左紐拔地少條枚豈  
藉鸞鳳集非關雨露栽退藏生意密聖澤轉悠哉

董俞

靈檜留孤幹亭亭峙古今根蟠洙泗遠氣歛雪霜深河  
護勞真宰栽培見聖心庭堦一瞻仰落日自陰森

杏壇

張育

習禮猶遺跡斯文亘古今興周徒有夢歸魯竟何心兩  
大惡維繫三千佩德音扶疎洙與泗司馬敢相侵

手植樹

聖植盤根固何須枝葉蕃微芽開曆數古幹信乾坤賜  
谷桑仍迥祇林樹失尊黜然形殿側手澤萬年存

奎文閣

張嗣

突兀奎文閣縹緗萬卷餘星辰栖戶牖雲日麗儲胥其  
漫悲秦火還看陋石渠何須藏複壁窈窕護遺書



孔林

宋 邵

皇陵與帝寢千古共消沉。不朽同天壤。子穉獨孔林。洙  
河流瀾瀾。楷樹影森森。慟哭辭同舍。三年築室心。

曲阜晚眺同劉中丞

朱彝尊

徑轉通油幙。林深護石苔。夕陽新雨過。春杏舊壇開。入  
廟車猶在。看碑日幾迴。東城寒食近。試上闕難臺。

聖廟

周 忱

聖廟滿天下。宗邦獨擅華。翠滋檜樹色。紅綻杏壇花。禮  
樂音容古。詩書惠澤賒。只今過闕里。猶說魯東家。

宣聖廟春祭前一日齋宿

宋慶長

廟貌乾坤久。烝嘗日月新。致齋當此夕。濡露及中春。大  
祀崇 昭代。微躬愧素臣。燎光兼珥響。顧影獨逡巡。

謁聖林

錢 愷

夾道虬枝秀。千章樹葉深。雪消洙水岸。雲起嶧山陰。聖  
德開天地。明禋自古今。么麼漸下士。瞻拜想徽音。

舞雩臺

錢澄之

舞雩猶可溯。俯仰惠風吹。聖蹟娛遊處。賢群侍從時。兼  
乘狂者興。好與暮春期。勝事宛如昨。悠悠後代思。

孔林

施埏量

陵寢皆蕪沒。乾坤一夜臺。林光交檜栢。山翠送徂徠。弟

子三年集。君王萬乘來。群靈常呵護。鳥雀亦何哉。

七言律詩

過關里

唐劉滄

行經關里自堪傷。曾歎東流逝水長。蘿蔓幾凋荒隴樹。  
莓苔多浸古宮牆。三千弟子標青史。萬代宗師仰素王。  
蕭索風高洙泗上。秋山明月夜蒼蒼。

謁先聖

宋邵雍

執卷何人不讀書。能知性者又何如。工居天下語言內。  
妙出世間繩墨餘。陶冶有無天事業。權衡治亂帝功夫。  
大哉贊易修經意。料得生民以後無。

謁聖林

金克懷英

魯國遺蹤墮渺茫。獨餘林廟壓城荒。梅梁分曙樓霞影。  
松牖回春駐月光。老檜曾沾周雨露。斷碑猶是漢文章。  
不須更問傳家遠。泰岱參天汶泗長。

題尼山毓聖侯祠

陳國瑞

巍巍雄鎮倚晴空。一抹烟嵐黛色濃。深谷半含金翡翠。  
層巒高插玉芙蓉。雲開虎洞清溪遠。雨臥龍碑碧藓封。  
三獻禮成閑竹立。手捫日月思從容。

謁聖廟

元楊奐

會見春風入杏壇。奎文閣上獨凭欄。淵源自古尊洙泗。  
祖述何人似孟韓。竹簡不隨秦火冷。楷林空倚魯城寒。

飄流踪跡千年後。無復東西老一簞。

次楊奐韻

韓文獻

萋萋野草半零囷。回首尼山一倚闌。空想文風復東魯。  
豈知俗學尚申韓。虛堂晝寐禽聲雜。高閣香深檜影寒。  
樂道猶憐紫陽子。忘情軒冕羨壺簫。

送衍聖公孔希學還關里

明貝瓊

星劍光芒萬丈騰。賜書連舸出金陵。鴈違青塚天將雪。  
馬渡黃河夜已冰。博士經存終漢出。上公爵重自唐升。  
喜聞手植庭中檜。翠接東蒙第幾層。

謁關里

錢溥

宦遊中外四旬多。老去今從關里過。三氏共存周典禮。  
諸生不廢魯絃歌。道行直與乾坤久。自絕其如日月何。  
一瓣心香知報處。六經遺訓耿難磨。

謁聖林

汪舜民

杏壇北去無多路。泰岳南來第幾岑。大地一朝收間氣。  
晴嵐千古鎖幽林。六年築室人何在。三世題碑迹可尋。  
獨幸遺經能載道。至今不朽淑斯人。

黃仲芳

路入洙橋一逕幽。素王高塚幾千秋。山連岱岳晴光迥。  
樹接青齊紫氣浮。華表鶴鳴來故宋。穹碑鳥篆本東周。



數生何幸躬瞻仰、薦罷蘋蘩愧自修。

徐源

廟庭曾拜學宮傍、今日真登闕里堂。六十代孫隆聖澤、三千年柏聳穹蒼。題名石刻多文字、駐蹕亭來幾帝王。渺渺乾坤誰共久、尼山顏色秀東方。

初至河上謁闕里

劉大夏

數仞宮牆聳大觀、古今人物及門難。自憐老去頻翹首、却喜東來一倚闕。棟宇巍峩高泰岱、江湖迢遞望長安。使臣不解平河術、敬把遺經仔細看。

謁聖林

范雯

鬱鬱佳氣晝沉沉、廿里如雲屬孔林。路接龍門連草色、塚封馬鬣護松陰。樹無垂棘連蒼漢、鳥不營巢送好音。千古神明鍾秀地、此生何幸一登臨。

陪幸太學釋奠賜宴

孔公恂

聖主崇儒幸辟雍、鑾輿曉出大明宮。千官侍從橋門下、三氏趨陪殿陛中。宴賜黃封人盡醉、衣頒文綺寵偏隆。我家世世承殊渥、祖澤君恩詎有窮。

謁聖林

李傑

玄宮開向魯城陰、秋色蕭然萬木森。雲氣尚疑悲曳杖、風聲猶似哭治任。周秦古刻碑文斷、洙泗清流世澤深。

輦道有亭名駐蹕、翠華何日更來臨。

曲阜記事

李東陽

天下衣冠仰聖門、舊邦風俗本來敦。一方烟火無庵觀、三氏絃歌有子孫。城郭已荒遺址在、書文半滅古碑存。憑誰更續東遊記、歸向中朝次第論。

謁聖廟

喬宇

碧松蒼桷素王庭、閣上奎文見六經。三日齋居嚴陟降、九重禮祀薦明馨。芹風影散清波滿、杏雨涼生渴夢醒。多少章縫歸禮樂、夜來芒屨麗繁星。

謁闕里

南沂西泗繞晴霞、北岱東萊擁翠華。萬里冠裳王者會、千年鄒魯聖人家。高林蔽日無巢鳥、古碣埋雲半土花。瞻望宮牆空仰俟、敢從滄海問津涯。

遊尼山

孟桂

尼山西望魯靈光、毓聖山川迥不常。虎洞窮深蟠地軸、鵲橋平遠接天梁。喜聞一邑絃歌響、敢躍三千弟子行。更有後來明遠事、仰高微意在穹蒼。

望闕里

程敏政

尼山東下鬱蒼蒼、去路無多百里長。何日禮文陳俎豆、一宵清夢繞宮牆。孔林豈用堪輿說、周禮應多掌故藏。

心口自慚還自語、進修何日敢升堂。

拜祖廟

孔公易

孔氏宗支一脉傳、派分兩地豈徒然。君臣大義扶持重、祖廟先塋守護堅。魯北已承宗子爵、江南難舍舊家園。百年有幸躬瞻赫、忠孝于今喜得全。

陪羅洗瑪、環謁祖廟

孔公璜

古木參天黛色新、祖庭深處迥無塵。千年道德猶宗聖、百世絃歌尙有人。花戰東風承化雨、樹留西日醉陽春。遙遙旌節躬瞻拜、幸接清朝老綰紳。

祖庭述事

一王端拱自唐封、天爲斯文祐聖宗。六十世長人行聖、二千年古樹蟠龍。祠增蓮豆新人物、像設衣冠舊禮容。遺跡尙留壇杏在、春深紅雨落花濃。

祭尼山

毓聖名山衆所宗、錫封作鎮獨稱雄。林深文德來鳴鳳、洞古坤靈起臥龍。種玉春耕紅雨地、採芝秋倚白雲峰。幾回廟祀躬瞻拜、庭燎輝煌接紫宮。

送衍聖公還闕里

李時

聖主臨雍出紫宸、上公承召促朱輪。衣冠兩度逢殊典、禮樂千年重大倫。聽講坐依龍衮近、拜恩歸賜錦袍新。

歌成振鬱情何限、東望尼山萬古春。

謁宣聖廟

陳鳳梧

孔庭佳氣曉氤氳、絲竹清音細細聞。木鐸當年施四教、經筵此日秘三墳。杏花香散壇前雨、檜樹光凌殿外雲。陟降從容瞻仰地、一尊玄酒薦新芹。

謁宣聖林

佳城十里擁岑樓、洙水環橋日夜浮。翁仲苔深蝕風雨、碑銘篆古結龍虬。休談尙記靈芝草、興事猶傳白兔溝。楷木有文應獨庇、兩間清氣此中收。

謁聖廟

李兆先

日色荒涼秋氣陰、斷碑遺火費追尋。空亭漫駐前朝躡、敗壁希聞太古音。道德祇應天作配、衣冠時有士如林。宮牆不逐飛烟滅、依舊瞻依萬仞心。

鄭大同

半生浪跡苦無成、不負初心是此行。得入宮牆瞻廟貌、兼于洙泗濯塵纓。壇空想見杏花色、壁古猶聞絲竹聲。讀遍殘碑雲雨霽、尼山東望眼分明。

林庭楊

曉漏疎星候啓關、翔雲晴日獨登壇。素王祠下頻稽首、洙泗橋邊更倚闌。龍輦路深苔蘚合、鶴巢松老露華寒。





青山玉匣知多少。陵谷桑田竟渺漫。

施萬臣

平生寄跡華山下。何幸乘槎泗水頭。天爲古壇留雨露。人從老櫓見春秋。西周不返東家在。喬木依然故國休。無數殘碑讀不盡。更將宣父問虛舟。

姚文照

浪跡十年心事違。宮牆此日慰瞻依。統壇紅杏垂垂發。依樹白雲冉冉飛。歷代典章存石刻。重樓經史動星輝。樞衣階下賢孫共。却似趨陪庭對時。

謁聖林

林茂桂

慈鬱崇阡秀色青。寧碑輦路接危亭。千章喬木封三塚。萬古斯文燦六經。築室年深苔自碧。浴沂人遠水空冷。松陰寂寂無鳴鳥。野渡滄浪或可聽。

謁聖廟

胡汝煥

岱宗南望卽尼山。引領宮牆未易攀。文物直窮天盡處。聖人只在殿中間。玉麟一去終何有。龍馬千秋且未還。但得手捫遺槍在。大年曾歷幾塵還。

題關里

戴金

洙泗源流此地尋。莫從鐘鼓問銷沈。遺壇櫓老空烟合。短巷人稀古路深。石壘千年成舊跡。韋編幾處覓傳心。

曾聞魯國生徒在。徒倚長風有舊林。

謁聖林

趙玉琳

連遼聯鑣渡北門。驚蹄潑水雪花翻。元舊賦詞空麗。元祀宗功典僅存。惟有松林連甍石。至今玉立似兒孫。蒼茫遙指雲深處。萬古春生泗水源。

陳言

荒徑縈紆徧秋蒿。滿天清嶺激松濤。碑封蒼蘚龍鱗老。墓對青山馬鬣高。道在乾坤昭日月。祀嚴今古潔牲牢。從容俯伏存誠久。披拂靈風動縹袍。

黃槐開

千章嘉樹不巢禽。萬古長春此聖林。梁木歌殘黃玉瘞。太牢祀啓翠華臨。川源不斷雲霞色。伏臘長懸雨露心。存順沒寧三世德。令人展拜意沉吟。

譚耀

萬古洪濛此日齊。橋門開草日萋萋。豐碑宇蝕苔常滿。古木雲封鳥不栖。石獸元從前代列。枿枝仍向舊廡低。百年禮樂憑今續。惆悵尼山客路迷。

畢懋康

洙泗濛濛兩派分。太山龍護素王墳。傳經已化三千士。執贄難逢七十君。室築空場生蔓草。樹連華表鎖寒雲。

高山仰止動聯拜敬向春風薦香芹。

題千貢築室獨居處

王在晉

松檜參天秀色侵雲烟高鬱素王林在三獨守如存義  
不二猶望事死心涕淚泉臺餘古木悲號日夕聽鳴琴  
而今獨恨知音少流水高山莫撫琴。

贈國里

李恪

魯城佳氣曉蒼蒼萬有千年夫子牆斑剝斷碑苔駢碧  
蔚蔚古木露凝香道高直與登天迥澤遠還同觀海長  
徙倚宮門空外望于今猶自媿升堂。

題宣聖手植檜

宋存獻

古檜栽培本素王青葱聳立杏壇傍春陽不競棠梨色  
歲暮還含雪月光劫火豈能摧手澤紐文終自異群芳  
秦松漢柏今何在相映惟餘海外桑。

尼山

張敏

不到尼山又八年重來風景尚依然智源水遠東還魯  
顏母山高上接天木落空林明晚照鴈衝寒雨下秋田  
偶因聖誕來瞻仰紅葉黃花處處鮮。

祭衍聖公

國朝魏裔魯

雲外驅車到壁宮行人錯認是花廳廟堂遣使隆遵豆  
闕里儲君紀卧弓一道香烟吹紫氣兩行玉樹灑清風。

鼓鐘鼎沸歌詩罷沐泗淵源萬載通。

題享堂

孔興贊

露祀聖坐禮未減因之沐上作嚴堂四時俎豆陳芳麗  
累世衣冠效濟蹕羽舞光分金紫燭絃歌聲繞玉爐香  
妥靈得地神呵護每致祥雲照四疆。

孔胤淳

享堂奕奕壯塋觀瑞地叨逢更覺難沐水前橫成帶絡  
防山斜映愛龍蟠春秋肅莫無愆口禮物殷陳有定盤  
曠世登階思剝響清風款款觸關干。

駐蹕亭

趙其隆

宋主當年駕六龍曾來林上奠璜琮孤亭尚霽雲霞色  
清蹕猶存日月蹤松檜參差環侍衛丹青輪奐想儀容  
此遊不爲登山出特禮先師馬鬣封。

謁聖林

楊雅建

魯王城畔接層林獨闢鴻濛萬象森靈氣尚鍾筮易草  
枯枝長發著書心尼山聳峙臨星漢泗水滌迴自古今  
只說神奇無雜羽不知吾道總高深。

奎文閣

紀映鍾

橫空傑閣勢凌雲聖代崇儒重典墳敦弼有虞繩祖武  
野分東魯盡奎文壇中虹玉應嘗見壁裏金絲豈再



未嘗蒞蒨臨眺阻。坐看松檜欲龍群。

宋慶長

岩堯傑開迥參天。窈窕丹青玉殿前。環照常然噴索秘。  
靈竅空翠羽陵編。千章柏栢窓間出。萬里星河檻外懸。  
獨上憑高聊極目。置身疑在碧雲邊。

孔林

何鏗

乾坤長與孔林存。楷木陰森鳥不喧。泗水烟光凝遠近。  
泰山雲氣擁晨昏。帝王百代祀彌重。弟十二年聲復吞。  
莫道夜臺無曉日。於今聖道若朝暉。

吳懋謙

孔林自古重山東。石馬蒼松輦路通。隧道春回芳草下。  
御碑雲護紫苔中。岱山佳氣搖晴楷。泗水靈源繞闕宮。  
千載明禋功不細。墓門瞻拜夕陽空。

衍聖公荷亭

施閔章

石檻茅亭處處幽。涼風六月坐驚秋。時看荷葉山根出。  
無數藤蘿水面浮。客有淮南思桂樹。人從花下繫蘭舟。  
登臨便作千年想。洙泗還應此地流。

闕里

季金端

闕里從來入夢思。千今書劍得栖遲。官牆自是高千仞。  
瞻拜何能贊一辭。檜樹敷榮留手澤。杏壇設教憶當時。

孔林

宋思玉

皇圖帝業終磨滅。日月雙懸萬世師。  
洙泗交流繞闕宮。百神呵護肅靈風。鸞旗玉帟留中道。  
駝紐銀章錫上公。楷木更含千歲綠。杏花猶發舊時紅。  
予鄉亦有衣冠墓。吳魯絃歌兩地通。

五言排律

夫子鼓琴得其人

唐白行簡

宣父窮玄奧。師襄授素琴。稍殊流水引。全辨聖人心。慕  
德辭過感。懷人意自深。泠泠傳妙手。泠泠振空林。促調  
清風至。操絃白日沉。曲終情不盡。千古仰知音。

宣聖手植樹

宋趙鼎

擢秀真儒宅。垂陰數仞牆。封培因聖力。茂悅得靈長。根  
踞龍蛇蟄。枝延鸞鶴翔。躬躬師匠履。蔓草雜韓莊。偃蹇  
明堂幹。蕭森岱岳陽。團欺漢武柏。愛掩召公棠。日月成  
塵劫。乾坤屢曠場。仁恩感樵木。忠厚及牛羊。不有神明  
護。寧逃剪伐傷。歲寒千古色。宜並子孫昌。

孔舜亮

聖人嘉異種。移對誦絃堂。雙本無今古。千年任雪霜。右  
旋符地順。左紐象乾綱。影覆詩書府。根盤禮義鄉。盛同  
文不朽。高與道相當。沐泗滋榮茂。龜蒙借鬱蒼。毓靈全  
水帝。鍾秀極勾芒。氣爽群居席。烟凝數仞牆。陰連槐市  
綠。子落杏壇香。布露周千尺。騰凌上百常。傍欵浮林小。  
遑笑暉桐黃。屹若樂天柱。森如出日桑。風中雕虎嘯。雲  
際老龍驤。直欲驚魘魅。端疑待鳳凰。麟差闕華甲。幹錯  
羽林鎗。大節忠臣槩。堅心志士方。魯宮侵不得。秦火縱

何傷。宣子休誇樹。姬人設愛棠。松卑虛視爵。花賤枉封  
王。誰念真儒迹。何當議寵章。

謁聖林

元王德修

東魯稱文獻。尼防毓聖賢。道開周宇宙。神照魯山川。翠  
合知林墓。聲飛識廟廡。殿庭千百載。風雨幾經年。爲收  
于茲久。修車愧不先。德如宣父在。裕及子孫綿。昭代猶  
加尚。明庭已降饒。棟楠會山積。棟宇見星連。禮樂從斯  
盛。蘋蘩且致虔。斯文應未墜。吾道日平平。

謁聖廟

周伯琦

闕里宣尼宅。儒林禮樂區。右文昭代盛。報德聖恩殊。天  
語頒中禁。星輶發上都。內庭香繞案。光祿酒浮壺。持節  
慈專對。于原慎載馳。秋陽晞疎棊。書路走槐榆。歷歷由  
汶濟。行行望泗洙。岱宗標近甸。魯殿沒荒蕪。不見三家  
采。惟餘五父衢。祠嚴柔日通。林近絕晨趨。廢堦依修阜。  
危臺記舞雩。廟宮參象緯。書閣壓城隅。反宇周阿峻。迴  
廊百步紆。蛟鱗蟠玉柱。螭首聳金鋪。庭迴櫓千尺。剝虛  
存數株。省牲新雨露。釋奠舊章敷。闔戶陳蓮豆。登歌應  
瑟竿。尊居玄聖饌。脩食列賢俱。興頌經珎珎。周旋顧履  
綢。祿將宸意達。祝告下誠孚。明燭輝雲陛。祥熏集寶爐。  
共觀周典禮。寧數漢規模。似續于今盛。欽崇自古無。縉



垣墉象觀。石時駢跼。萬卷牙籤。秩雙翠竹扶。山川  
光拱揖。泉井澤沾濡。推本尊師道。題名述廟謨。竹看  
垂。豈復歎乘桴。制作先東魯。朝廷用大儒。愚生亦多  
幸。歸上孔林圖。

明馬從謙

遠阜駢塵轍。孔門紀勝遊。岱雲封劍履。海日掛松楸。吾  
道歸東魯。天心愛晚周。杏綬猶帶雨。樹老却成虬。忽聽  
玄英起。遙凌紫翠浮。炎埃坐消歇。風落萬山秋。

奉命分祀孔廟作

唐順之

後聖禮先師。斯文端在茲。將陳百官富。詎止一牢祠。入  
室瞻遺器。圓橋展盛儀。樂堪三月聽。莫想兩楹時。執壇  
元公肅。捧璋髦士宜。鄙儒叨小相。端甫奉前規。

謁聖廟

梁紹辰

瞻拜儼儀形。春風滿殿庭。絃歌周禮樂。廟貌漢丹青。戶  
牖思遊息。宮牆識典型。崇禋留古樹。毀壁得遺經。帳肅  
千秋寢。碑封百代銘。空存浮柏檻。雲氣入松楸。暫息壇  
邊杏。還歸水上萍。深慙遠遊子。何以薦芳馨。

謁聖林

張國維

蹶屬辭青帝。旋車拜素王。高山抒向往。闕里幸翱翔。周  
典元存魯。兩楹未啓商。像遺瞻日月。壁在聽笙簧。燕怡

真留與。深壘欲吐香。晨曦問瓊豆。森柏蔭冠裳。繡闕皆  
千宿。雕梁漸委霜。靈光漫賦賦。墻仞可淪芳。鳥寂煙林  
語。松清鳴珮行。飈飈常五色。琪玉鬱千章。洞奏荷前  
尼。爲瑞鳳岡。鑒明黃幄貴。虛築普靈長。道德標終始。文  
明衍熾昌。今朝觀禮樂。身世在秋陽。

謁林廟

陳經邦

斯文天未墜。夫子起追尋。異質標河岳。鴻裁照古今。千  
年王祀報。六籍聖恩深。遙入歸隱里。還趨馬鬣林。藏書  
留故址。曳杖想遺音。穆士猶觀禮。門人昔治任。櫨存周  
季色。松結漢時陰。峻閣奎文在。孤亭御蹕臨。鈞衣寧有  
草。巢樹獨無禽。道脈過洙泗。宮牆並泰岑。緬懷大宗選。  
永歎哲人沉。莫怪低回久。猶懸仰止心。

戊寅九月十五日謁孔林越翼日謁孔廟恭述一百韻

錢謙益

魯甸千年國。尼丘萬代師。廟堂周制脩。秩祀漢官爲。林  
殿遙相並。宮牆儼在斯。乾坤三代後。日月大明時。舊里  
標歸德。新宮叶會期。駿奔如有事。仰止遂吾私。歷歷奎  
婁墊。行行濟汶涯。天門開泰岱。地脉道淄濰。誕膺星精  
降。徵符斗玉垂。佳城象緯合。玄宅鬼神治。丘隴猶堂斧。  
封塋並鯉思。室廬餘結構。駐蹕想旌旗。開闢歲元氣。衣



元用羽儀。石壇皆禮器。徒覺比宗。與植中梁木。殊名  
辨維離。案。室中樹以百數。有梓。護訶荆棘屏。恭敬鳥  
禽知。素飾金天肅。高林玉露滋。東瞻日觀近。南指帝車  
移。泗水秋風下。防山夕照馳。網紅雲變。綃草葳蕤。  
鳥集絃歌語。林傳治任悲。天香流灌莽。地籟响陵陂。展  
謁渾如夢。低徊詎忍辭。已上叙拜墓。已下叙謁廟。端門何處。泉魯道  
正逶迤。孔里今真到。斯文昔在茲。平生懷灑掃。一日拜  
壇墀。秘殿降婁直。中階七曜窺。周阿帶陵阜。飛閣壓城  
陴。藻井螭頭攫。虹梁鳥翼構。秋陽明象設。白道麗崇思。  
儼若龍蹲在。寧云鳳德衰。華冠章甫飾。象佩袞衣宜。玄  
聖今當宁。群賢舊攝齊。顏曾陪劍履。堯禹接鬚眉。法象  
新鈴吐。風雲準角摘。偶形閑揖讓。屋壁隱金絲。頌禮繆  
壇樹。義文錯院枝。槍身懸曲几。杏幹俯細帷。廊廡丹青  
剝。舳舻風雨欺。戟門徒矗立。奎閣半撐支。暗網榮秦籍。  
炎光燦漢碑。褒成元始母。蓮豆太牢祠。射影空亭井。尊  
雷亦戲嬉。高門猶女調。齊幕自優施。入邑朝歌劇。初筵  
屢舞僛。時有請以女樂行酒者。却之。及。賢明如有見。每  
事問于誰。几席頻獨拭。琴書獨歎噫。可能長夜旦。終感  
哲人萎。民絕登林議。恫惶曳杖辭。三家無甲第。六族有  
餘黎。麟野長蒼莽。龜山故蔽虧。頻宮蟠翠柏。射圃綻紅

梨。劫火青陽冢。輪風路寢基。駟車良怕愧。立馬重嗟咨。  
金鏡文奚喪。珠璣道漸衰。赤符符泰運。縹緲替洪規。漫  
憑三年學。榛蕪九達逵。師承謫亥豕。文字變侏離。玉策  
爭塗乙。金編互點咄。冥塗紛植植。鋼疾扇淫波。誦法宗  
無子。奔趨廟有尸。謀身庾金切。從政斗符危。兩觀疏刀  
鋸。三雍鼓鼓吹。介維私室闕。獲鴈野人嘻。重錦鄰爭覲。  
封方竊竊聞。飲羊群狡獪。穿狗並狐疑。網漏專車骨。詠  
深一足憂。陽街愆雨露。火歷過天司。組豆荒文事。封疆  
失死綬。幾年通肅慎。何計却萊蕪。釋甲公徒踞。扶任國  
俗漓。矢矜三寸激。弓傳六鈞奇。負載非無策。踰溝亦有  
詞。稷禾田賦盡。風草竹刑靡。復宇論嘗許。歸田數耶龜。  
作宮還頌闕。侑器請觀歌。南服包茅阻。東郊結馬疲。詎  
聞倖赤狄。忍見長橫池。去去傷宗國。悠悠泣路歧。修容  
過鄒魯。流涕問桓僖。皓首懷鉛槧。童年憶佩觿。韋編懸  
未絕。丹漆夢相隨。望海乘桴逸。開門曳練披。憂心殊悄悄。  
削跡正纍纍。雀語紛咽嘶。鵲歌獨涕洟。無才能擇木。  
有智不如葵。累紕吾窮矣。迷陽遂已而。人呼爲喪狗。自  
笑似蒙俱。桑落朋徒在。河流道路彌。楚弓亡可得。魯寶  
載安之。朽木容雕飾。殘生畏涅緇。詠歸聊點爾。學稼亦  
樊遲。詎敢偷懷璧。終然守誦圭。紀雲徵外史。問日比群

兒龍室藏誰守。時臺筆可追。龍亡綳最近。書亂玉杯遺。  
河能紆鉤機。瑛瑋許誦惟。九家陳篋衍。七略奏笙篳。原  
室惟環堵。頌賦可樂饌。願同齊隱士。齋宿拜書詩。

乙未歸里進謁先師廟翼日謁孔林時衍聖公暨曲阜令  
兄招茶紀五十韻

國朝孫自式

尼山崇魯甸。泗水帶平川。原廟隆王制。規模重帝纓。官  
牆高自若。林殿鬱相連。禮樂初明後。乾坤再造年。承風  
歸德迥。慕化講堂旋。灑掃深初願。瞻依遂夙緣。行行瞻  
濟汶。歷歷仰奎躔。泰岳天門啓。零沂地脉延。端門恢斗  
極。闕里疎層巔。肅體趨馳道。齊心拜曲旃。中階七曜俯。  
秘殿降雲聯。傑閣臨平野。周阿帶廣塵。虹梁番鳥翼。芬  
檄麗蛇蜒。函丈初仍地。豐規半隱天。風衰寧致歎。龍德  
寶巍然。章甫華冠飾。深衣象佩妍。當陽唯至聖。侍側列  
群賢。堯禹嶺眉接。顏曾創履虔。風雲生準角。日月逼雕  
軒。屋壁金絲隱。側形揖讓先。檜枝蟠古綺。杏幹綴重栢。  
曲几留遺像。細帷繪聖詮。千秋峙碑碣。六代脩宮懸。丹  
漆平生意。瑛瑋此日傳。質明如有覿。整履拜高阡。星緯  
佳城合。神明玄宅穿。鯉思封壘並。堂斧墓門驂。駐蹕旌  
旗在。栖廬結構全。衣冠藏遠古。開闢見深玄。篋篋珍焚  
鼎。粉難陋蕙荃。石壇存禮器。碧瓦貯雲烟。禽鳥仰恭敬。

荆榛盡棄捐。防山餘毀鑿。止水靜清漣。繡板光猶燦。墻  
垣制尚堅。石麟華表聳。玉笋古儀宣。並路遵周道。觀排  
倚泗淵。天香流沆瀣。地錦鬱潺湲。展謁渾疑夢。低徊  
泣馬。迴眸能夢衍。驂野豈推遷。負笈余生晚。歸田悵所  
便。淒涼秋九十。跋涉路三千。去去朝馳騎。遲遲暮扣舷。  
壯行懷未展。願學志彌專。齋肅容惟斂。瞻趨病欲痊。上  
公陳雅樂。明府列華筵。几席紛陳設。尊彝盡潔蠲。蕭陶  
如面命。感激賴詩篇。大道誰堪屬。聞知孰許肩。凌晨策  
驚馬。翹首岱宗前。

謁闕里

吳懋謙

東岱留元氣。青齊攬大荒。禮容陳俎豆。堂壁隱絲簧。次  
第春秋作。絃歌雅頌彰。幽幽琴操古。皞皞玉書祥。雙闕  
觀猶盛。韋編秘已揚。登方驗括矢。土木辨積羊。朗曜恒  
如此。嶙峋不易量。一麟傷踴躍。兩觀削披猖。豈但番千  
禩。兼之啓百王。几筵虔帝座。弟子列鵷行。紫氣通闕闕。  
青霄下鳳凰。風雲臨畫檻。日月麗雕梁。栢影參天出。松  
陰匝地涼。翠懸射朱碧。銅瓦雜丹黃。老憐風霜積。傳聞  
手澤長。根深蟠偃蹇。葉落兆興亡。主賡從高殿。聰珥峙  
兩廊。琪苓徵異瑞。靈草茁新芳。穆穆綽綽舊。斑斑鐘鼎  
光。土花銘積粟。金液潤精良。禮讓猶存俗。詩書在此邦。



穹碑驚赫。御筆倍輝煌。豈意趨踰後。欣逢盛典揚。精神仍可托。遺澤渺難忘。西苑開清禁。南樓帶夕陽。鶴鳴空海甸。鹿跡遍宮牆。曠代昭神祀。明燈奠玉觴。祇躬兼浴德。稽首頌明堂。

謁聖廟

宋際

穆穆宣尼廟。迢迢古魯城。奎婁分野燦。洙泗發源清。萬仞宮牆峻。雙懸日月明。岱雲飛畫棟。海旭射雕甍。閣自燕書富。堂由駐蹕成。杏花壇有色。絲竹壁無聲。曹植文章麗。鍾繇筆墨精。朱千用周樂。白杜法殷牲。禴祀神州遍。規模闕里宏。果朝宗謚號。弟子畫簪纓。夾道千松蔭。參天一檜榮。秋陽高巖相。春雨滿昌平。嗣續公孤秩。封茅帶礪盟。駿奔遶髦士。鵠立列慈珩。際也遊何晚。簡兮賦欲鳴。趨踰酬夙願。不必慕登瀛。

潘取臨

帝址金天開。侯圻禽父規。乾符昭瑞應。坤軸擅靈奇。考鼎銘傳德。尼山禱協期。龍光繞室久。麟綬繫書時。大道無終絕。斯文實在茲。藝常今古植。經義日星垂。何必天之子。允爲帝者師。逍遙歌未竟。遺懃誅旋悲。萬世素王廟。當年司冠居。常也六駟駕。累奉一牛祠。城護宮牆聳。橋臨壁水遙。威儀增列戟。文字表穹碑。元氣坊凌漢。太

中門向離。杏菴敷舊蔭。柏老闕新枝。傑閣連奎宿。崇階象陸螭。和風拂棟宇。旭日照梁思。殿殿龍蟠柱。筵鋪鳳展帷。及門窺美富。入戶想容儀。四海瞻營目。三英尚夢思。步趨誰恐後。聞見屬能知。哲配分昭穆。賢儒共派支。一堂誠不忝。兩廡詎云卑。獨日觀明薦。肅心致祝禱。香豐重簋。芬苾潔尊漿。鐘鼓皇皇奏。衣冠肅肅隨。登歌原有節。廢徹敢言遲。彷彿約天降。依稀組豆嬉。退居存燕寢。勅蹟紀施爲。詩禮趨庭處。金絲啓聖基。千秋邇木本。奕葉重弓箕。予切葵塲慕。欣瞻桑梓遺。大哉徒永歎。至矣更何辭。

謁聖林

太極剖鴻濛。斯文啓在東。經天奎壁麗。絡地岱瀛通。帝里鍾祥異。仙源毓秀洪。玉書吐瑞色。木鐸振群聾。萬古夜長旦。諸邦輟已窮。兩楹徵夢奠。三版闕幽宮。嶽嶽龍蹲進。巍巍馬鬣崇。經封惟卜氏。留宅自元公。銘出人君誄。揚推弟子衷。尼遷峰嶺盡。泗失水融融。隧裏瘞黃玉。橋邊降赤虹。祖孫三世列。述作一堂同。卉集殊方木。碑鐫異代工。無鳥敢繞樹。有鳳或棲桐。封植千齡古。明禋曠典隆。陳牢思漢祖。褒號美唐宗。樵牧無人到。掃除置戶充。蒼龍夾路轉。白兔躍溝空。趙宋風常在。蔚秦氣喪



雄靈根深不測。真宰實堪馮。不有神奇跡。庸知阿護功。  
嗟斯汲家策。笑彼鼎湖弓。祇作封狐窟。空餘灌莽叢。何  
如茲兆域。奕世更穹窿。小子生何晚。來瞻日正曉。驚心  
兼駭目。釋滯更開蒙。儼起思堂上。哀生享殿中。薦陳之  
詞藻。讚頌等秋蟲。盼想通微息。羹牆見俯躬。洪爐歸冶  
大。地應此磅礴。延佇同瞻洛。虛冲肅拜峒。但期元化同。  
長與乾坤終。

聖廟

錢肅潤

東土開文教。中天運日昌。靡來圖獻瑞。虹降玉呈祥。生  
已師百世。歿隨享萬方。邦家咸俎豆。祝史競鋪揚。故里  
尤思慕。何年大表章。魯哀初立廟。漢祖始升堂。釋奠儀  
成魏。加封號進唐。累朝隆祭獻。奕葉嗣芬芳。赫赫文章  
府。巍巍道德坊。重門增壯麗。層閣佐輝煌。穹石碑銘古。  
橫樹壁水香。松深滋雨露。桮老飽風霜。綺殿雲攢簇。迴  
廊翼糾繡。蛟螭蟠繡柱。翡翠綴雕梁。闔闔開還掩。累恩  
捲復張。烟霞浮紫碧。日月映丹黃。憑主神如在。垂統貌  
更莊。日猶營海內。心儼對君王。圭璧原依舊。尊彝自信  
常。四賢環左右。十哲儼冠裳。諸子終顏哈。群儒首左盲。  
東西分次第。先後判低昂。整肅瞻昭穆。雍容飭紀綱。子  
非先父食。弟不抗師行。偉矣几筵祀。遐哉禮器藏。一王

番制度六代集宮商。共說文題興。相傳現在牀。焚書曾  
莫損。治室詎能戕。宅奏金絲響。壁生蝌蚪光。斯文天未  
喪。遺訓世難忘。彷彿趨庭處。依稀問道旁。講壇雖寂寂。  
絃誦正洋洋。小子才誠鄙。生來質不良。未遑窺道岸。早  
自外宮牆。偶造三齊境。因遊東魯鄉。過都嘗踴躍。入室  
轉彷徨。觀海將何極。升天未易量。泰山同鞏固。泗水任  
悠長。廟貌崇今古。明禋格祚嘗。瞻依徒白切。拜手愧無  
將。

癸丑春王二日謁聖廟。越一日謁聖林恭記

張翼

今古斯文在。尼山誕聖人。著書存筆削。載贊老車輪。道  
大原無貶。天高豈易臻。漢唐崇祀典。鄉魯想陶甄。位列  
公侯上。祠傳駐蹕頻。至今闕里側。古廟峙嶙峋。碧瓦千  
霄出。宗彝傍砌陳。杏壇增畫棟。槐樹儼龍鱗。洙水環爲  
墓。防山北作隣。林深虛鳥雀。苔古覆麒麟。陵寢何如此。  
詩書若有神。楷枯忘日月。著苗少荆榛。享殿豆遺秩。基  
廡風雨屯。昔賢碑碣滿。昭代祝釐新。世受楹間奠。孫  
爲王者賓。何人不仰止。小子更逡巡。勿作升天夢。常思  
入廟辰。宮牆欣得路。德業愧迷津。相率來稽首。無由附  
後塵。低徊不能去。寤寐自相親。

家裁脩簡臣重脩闕里誌成喜述

宋慶遠

鑑聖由洙泗遺文載簡篇昔稽三氏誌初纂一家言東  
祀新爲錄西涯舊有編字訛疑亥豕銛久漸磨鐫最尋  
曾重訂原書愈失詮無緣束置閣有待筆如椽聖緒原  
殷裔予宗亦象賢兩昆同奉職萬舞並隨肩暇日搜殘  
帙公餘割半還見羨圖聖像揭管探星淵紀事分條目  
徵詞列後先魯宮存殿宇沂水誌山川歷代褒崇異承  
家世系綿豐碑標御製古樂著宮懸法在詳仍簡書成  
欽者全聚梨工未畢首荷條還捐虹玉難呈瑞麟經不  
嗣傳誰能羅武庫於此見文宣玉友懷棠棣金絲捧豆  
筵詞葩飛五鳳講席躍三鱣茲里有何關先猷幸不愆  
瞻容方惕若展卷更離然蹟已垂今古鄉寧限幅幘斯  
編在東魯如日麗中天

曲阜懷古

徐仝

東魯分茅處元公啓土年泰山維作鎮泗水是流泉國  
政尊親報民風禮樂宣宗周既衰矣至德實生焉遂有  
春秋作嘗操筆削權時君于七十弟子進三千言志瑟  
鏗爾懷歸章斐然乾坤祗此地家室盡鳴絃寥落川原  
古遼巡歲月遷謁林留漢蹕藏壁護素烟知者非阿聖  
生民未有賢宮牆開萬域長仰日中天

謁聖廟

宋慶長

廣殿同天闕虹橋象辟雍岱雲連睥睨奎宿映芙蓉古  
檜凌霄出喬松積雪濃雕欄栖舞鶴繡柱起蟠龍閣峻  
書盈帙壇高級幾重三千難辨族七十盡膺封瓊瑤  
張伯鏗鏘駘與共碑鐫天子詔碣示聖人容禮樂蒸嘗  
條衣冠翊穆從明禮萬世肅至道百王宗洙泗源常繞  
防尼秀所鍾霜飛寒碧瓦漏靜澈金鐘景行當年志趨  
踰此日逢微官原帝簡拜手暫辭農

宜聖手植檜

宋思玉

帝子思嘉樹嘗聞紀永謠秦松非驥貴隋柳總先凋孰  
似宮牆峻猶存柯幹喬蟠根如偃月勁節自凌霄風具  
歲寒操率因却火焦天心鍾瑞氣聖手植貞條疊相儀  
容凜尼山別望迢有紋盤龍能無葉華陽鵲鯉伋孫枝  
挺頽曾福蔭遙靈旗千丈合仙冠四時調楷木初爭發  
豐碑字半銷甲申同正廟肅肅候環橋欲識檜莖秀應  
勞淨絹描復榮終有待慈翠漸舒苗



儒藏

七言排律

謁聖林

明李右諫

雲烟榆柏鬱蒼闕。域弘開宅素王。七十三年梁木壞。  
億千萬世玉書藏。奎塋掩映垂乾象。洙泗榮潤出震方。  
馬鬣崇隆增魯重。元游隱沒禦秦狂。水精光在渾無色。  
草木蒙生別有香。帝寢皇陵知幾許。一杯清酒與誰芳。

五言絕句

題手植榆

明夏言

崔魏俯殿阿。旋轉左支多。豈乏霜風剪。靈根自不磨。

王烈

洙泗雙流合。宮牆未可攀。低徊設教處。萬古魯城間。

計南陽

峩峩曲阜城。鬱鬱杏林樹。泰山時出雲。來作林中雨。

手植榆

金是崑

黃河濁可清。古榆復敷榮。不覩聖人澤。焉知天地情。

聖廟

沈浩然

萬古宮牆峻。當年道路窮。溫溫無所試。七十二君公。

北宮絕句

題金絲堂

宋孔道輔

秦火自焚軍害聖金絲堂歷國家書。典墳啓發皆天意。非謂共王好治居。

婆尼山

無名氏

三家堂廟春花老。五父衛荒秋草深。惟有尼山蒼翠在。出雲飛雨助登臨。

謁聖林

靈光殿古生秋草。曲阜城荒噪晚鴉。唯有孔林殘照裡。至今猶屬仲尼家。

謁關里

高詡

六經不幸火于秦。日月曾何礙片雲。用舍從來關治亂。皇天本不喪斯文。

登奎文閣

元陳祐

聖道如天不可階。聖門良爲後人開。他時點檢平生樂。首憶奎文閣上來。

遣祭酒孔克堅代祀關里回京

明太祖皇帝

孔氏曾孫祭祖回。但言農務野荒開。我知蓋世民容喜。必解春風每歲來。

謁孔林

夏寅

墳窆千年樹百尋。烟雲無際鳥飛沉。雖然弟子當時植。不是恩深不到今。

謁廟

雷鏗

茫茫大宇秋千頃。耿耿初心月一彎。拜罷祠前賦歸去。海濱鄉魯武夷山。

謁林廟

徐應徵

千年文木似雲心。百代龍章表道尊。帝寢王陵桑海變。孔林綿邈並乾坤。

三都城郭靈光殿。幾度豪華付水流。惟有素王庭闕在。萬年禮樂仰春秋。

咏手植檜

王在晉

古檜凌霄自手移。露華高揭幹雕奇。秦皇漢武留松柏。未許文壇借一枝。

咏楷樹

李恪

神物護今淑氣滋。鐵柯偃蓋老龍枝。風霜歷盡幾千載。疑似當年廬墓時。

謁聖林

方遠宜

祭天樹見心喪日。駢草亭知駐蹕年。千載蒸嘗又寒食。願分新火讀遺編。

詠魯壁

孔貞懷



解蚪出從古壁中。至今大地書文同。秦人遺下六經火。

三月咸陽焰尚紅。漢唐共王好土木。斷雲樹霧平山谷。金絲萬古有高堂。

寂寂遠光秋草宿。

謁聖廟

國朝劉芳瑞

雙圓苔紋綴古錢。元和鐵象至今傳。婆娑更覽中庭樹。

直想盤根結石泉。

謁聖林

楷木苞蕃各萬條。真源洙泗路非遙。蟲魚幾處碑仍在。

羊虎千年氣不驕。

兄中丞鍾勉巡警

錢芳標

宣尼闕里有遺容。迴望蒼蒼是岱宗。入廟先瞻手植樹。

駟車不問大夫松。

謁聖廟

董俞

宮牆再拜立斜暉。古樹常樓恭岱雲。身是勾吳老綈掖。

經年辛苦爲斯文。

校記

①泗：當作「迴」，見《懷麓堂集》卷九六。

②磬：當作「磬」。

③誰：疑當作「惟」。

君諱宙字季將孔子十九世之孫也。天姿醇淑，齊聖達道。少習家訓，治嚴氏春秋。緝熙之業既就，所闡闢之行允恭。德音孔昭，遂舉孝廉。除郎中，都昌長。祇傳五教，尊賢養老，躬忠恕，及人兼禹湯之學已。故能興朴闕二彫幣，濟弘功於易簡。三載考績，遷元城令。是時東嶽黔首滑夏不闕三祠兵，道畔未寧，乃擢君無貳。飢文循之旬月之間，莫不解甲服罪。闕四二甿田畯喜于農圃，商旅交爭險路，會鹿鳴于樂崩，復長幼於酬酢。闕三稔會遭篤病，告困致休，得從所好。年六十一，延熹六年正月乙未，闕三疾，責速朽之反真，慕淳儉之遺訓，宅夕不華，明器不設。凡百闕三述，于是故吏門人乃共饒名山，采嘉石，勒銘示後。闕五有漢式，其辭曰：於顯我君，懿德惟光。紹聖作儒，身立名彰。貢登主室，闕七是虔。夙夜闕二在公。明明乃綏，二縣勦儀。飢康於无時，應闕茲岱方。帥彼幽人，覆俾闕一南畝。孔儲山有闕行。豐年多乘，稱彼先航。帝賴其勲，民斯是皇。疾闕三乃委其榮。忠告殷勤，屢省乃聽。恭儉自綏，重蓋不撤。生播高舉，歿永今矣。永六不

博陵太守孔彪碑

君諱彪字元上。孔子十九世之孫。潁川君之元子也。君少履天姿。自然之正。師禮不爽。好惡不愆。孝中度喪。修身踐言。龍德而學。不至於鰲浮游塵埃之外。嚼焉泥而不俗。郡將嘉其所履。前後聘召。蓋不得已。乃翻爾束帶。弘論窮理。直道事人。仁必有勇。可以託六。授命如毛。諾則不宿。美之至也。莫不歸服。舉孝廉。除郎中。傳昌長。疾病坐宿。闕遷闕京府丞。未出京師。遭大君憂。泣踰阜魚。喪過于哀。謹畏舊章。服竟還署。試拜尚書侍郎。無偏無黨。遵王之素。薦可黜否。出闕二字度日恪位。佇所在祇庸。拜治書御史。膺皇陶之兼恕。闕二字參之闕五字律祇用既平。博一太守。郡阻山。闕三字以饑饉。斯多草竊。罔不闕賊劉寧、張丙等。白日攻剽。坐家不命。君下車之初。闕五教以博。闕削四兩以勝殘。乃闕三字爰尙桓桓。折馬鑑害。醜類以殫。路不拾遺。斯民以安。發號施憲。每合天心。闕之所惡。不以強人。義之所欲。不以闕二字姓樂政。而歸于德。望如父母。順如流水。遷下邳相。河東太守。舉此闕三字子風也。未怒而懼。不令而從。雲行雨施。闕二字太和、海山。歸公卿之任矣。勞而不伐。有實若虛。固執謙需。以病



官去位。闕以孝竭。餘暇，從僕彈琴學啓。闕二之味。

而不改其靜。上帝崇謨，天秩未究，將據師輔之紀。闕

疾彌流，乃殞。闕二冊九。其年七月辛未。闕三

哀哉。魂神超邁，遠今冥冥，孤初絕于嗟想形。闕二哀

遠，念不欲生。群臣號咷，靡所復逞。夫逝往不可追，今功

闕三識。惟君之軌迹，今如列宿之錯置。易建八卦，揆各

殷辭，述而不作。彭祖賦詩，皆續所見。于時頌。闕二是

吏崔。闕王沛等，伏信好古，敢詠頌。闕乃刊斯石，欽銘洪

基，昭示後昆。申錫鑒思。其辭曰：穆穆我君，大聖之胄。悼

懿允元，顧其玄秀。惟嶽降精，誕生忠良。奉應都貢，亮彼

我。闕克明王道，辯物居方。周。闕四也正名，朝無秕政。直

哉惟清，出統華夏。化以冀成。闕惜珍進賢，倚。闕庭帝重

乃助。自。闕二征所臨如神。闕六之翰，先民是程。宜乎三

事，金鉉利貞。而潔白駒，俾世憤惻。當享眉壽，莫非爾極。

大字。闕三邀矣不意。于嗟悲兮。闕三息。海濤庶幾復焉所

力。容乎不朽，沒而德存。伊尹之休，格于皇天。惟我君績

表于丹青，永永無泯。與日月并。于嗟。闕二于以慰靈。

孔謙碣

孔謙，字德讓者，宣尼公廿世孫都尉君之子也。幼體蘭石自然之姿，長膺清妙孝友之行。禮述家業，修春秋經。

升堂講誦，深究聖指。弱冠而仕，歷郡諸曹史。年廿四，永興二年七月，遭疾不祿。按孔融別傳云：由有七子，融之繼三人，數之各見史最確。按天下碑錄：孔基之碑，凡八碑，詳有其三矣。趙氏有元年乙未，孔君融亦不知爲何人也。如司空孔扶河東太守孔宏，御史孔翼，從事孔君德，博士孔志五碑，皆世所未見也。唐正議大夫尚書左丞孔公墓誌銘

吏部侍郎韓愈撰

孔子之後，三十八世有孫曰幾，字君嚴。事唐爲尚書左丞。年七十三，三上書去官。天子以爲禮部尚書，祿之終身，而不敢煩以政。吏部侍郎韓愈常賢其能，謂曰：公尚壯，上三留，奚去之果。曰：吾敢要君。吾年至七十，一宜去。吾爲左丞，不能進退郎官，唯相之爲二宜去。愈又曰：古之老於鄉者，將自佚，非自苦。閭井田宅俱在，親戚之不仕與倦而歸者，不在東阡，在南陌，可杖履往來也。今異於是，公誰與居。且公雖貴，而無留資，何恃而歸。曰：吾負二宜去。尚奚顧子言。愈面歎曰：公於是乎賢遠於人。明日，奏疏曰：臣與孔幾同在南省，數與相見，幾爲人守節清苦，論議正平。年纔七十，筋力耳目未覺衰老，憂國忘家用意至到。如幾輩在朝，不過三數人。陛下不宜苟順其求，不留自助也。不報。明年，長慶四年正月己未，公年七十四，告薨於家。贈兵部尚書。公始以進士佐三府，官



至殿中侍御史。元和元年，以大理正徵，累遷江州刺史、  
 諫議大夫。事有害於正者，無所不言。加聖太子侍讀，改  
 給事中。言京兆尹阿縱罪人，詔奪京兆尹三月之俸。權  
 知尚書右丞。明年，拜右丞，改華州刺史。明州歲貢海蟲  
 淡菜蛤蜊可食之屬，自海抵京師，道路水陸，遞夫積功，  
 歲爲四十三萬六千人。奏疏罷之。下却令管外按小兒，  
 繫御史獄。公上疏理之，詔釋下却令，而以華州刺史爲  
 大理卿。十二年，自國子祭酒拜御史大夫，嶺南節度使，  
 使約以取足境內諸州負錢至二百萬，悉放不收。蕃船  
 之至，泊步有下碇之稅，始至有闕貨之燕，犀珠磊落，賄  
 及僕隸，公皆罷之。絕海之商有死於吾地者，官藏其貨，  
 滿三月，無妻子之請者，盡沒之。公曰：海道以年計往  
 復，何月之拘？苟有驗者，悉推與之，無筭遠近。厚守半俸，  
 而嚴其法。嶺南以口爲貨，其荒阻處，父子相縛爲奴，公  
 一禁之。有隨公吏得無名兒，蓄不言官，有訟者，公召殺  
 之。山谷諸黃世自聚爲黨，親吏厚薄緩急，或叛或從，容  
 桂二管利其虜掠，請合兵討之。冀一有功，有所指取。當  
 是時，天子以武定淮西，河南北用事者以破諸黃爲類，  
 向意助之。公屢言：遠人急之，則惜性命，相屯聚爲寇，殺  
 之則自相怨恨而散。此禽獸耳，但可自計利害，不足與

論是非。天子入先言，遂徵其江、西、岳、鄂、湖南、嶺南，會容  
 桂之吏以討之。被露露毒，相枕藉死，百無一還。安南衆  
 勢殺都護李象古。桂將裴行立、容將楊旻皆無功，數月  
 自死。嶺南默然。祠部歲下廣州祭南海廟，廟入海口，爲  
 州者皆憚之，不自奉事。常劇疾，命從事自代。唯公歲常  
 自行，官吏刻石爲詩美之。十五年，遷尚書吏部侍郎。公  
 之北歸，不載南物，奴婢之籍不增一人。長慶元年，改左  
 散騎常侍。二年，而爲尚書左丞。曾祖諱務本，滄州東光  
 令。祖諱如珪，海州司戶參軍。贈尚書工部郎中。皇考諱  
 岑父，秘書省著作佐郎。贈尚書左僕射。公夫人京兆韋  
 氏，父种，大理評事。有四子，長曰溫質，四門博士。遵儒，遵  
 憲，溫裕，皆明經。女子，長嫁中書舍人平陽路隋，其季者  
 幼，公之昆弟五人，載戰戰。公於次爲第二。公之薨，戰  
 自湖南入爲少府監。其年八月甲申，戰與公子薨。公子  
 河南河陰廣武原先公僕射墓之左。銘曰：孔世兆八，吾  
 兄其孫。白而長身，寡笑與言。其尙類也，莫與之倫。德則  
 多有，請考于文。

朝散大夫贈司勳員外郎孔君墓誌銘

吏部侍郎韓愈撰

昭義節度盧從史有賢佐曰孔君諱徽字君勝從史爲

不法。君陰爭不從。則於會肆言以折之。從史羞。面頰發赤。抑首伏氣。不敢出一語以對。立爲君更令改章辭者。前後累數十。坐則與從史說古今。君臣父子道。順則受成福。逆輒危辱誅死。曰。公當爲彼。不得爲此。從史常聲聽喘汗。居五六歲。益驕。有悖語。君爭。無改悔色。則悉引從事。空一府往爭之。從史雖羞。退益甚。君泣語其徒曰。吾所爲止於是。不能以有加矣。遂以疾辭去。臥東都之城東。酒食伎樂之燕不與。當是時。天下以爲賢。論士之宜在天子左右者。皆曰。孔君孔君云。會宰相李公鎮揚州。首奏趨君。君猶臥不應。從史讀詔曰。是故舍我而從人邪。卽誣奏君前在軍有某事。上曰。吾知之矣。奏三上。乃除君衛尉丞。分司東都。詔始下。門下給事中呂元膺封還詔書。上使謂呂君曰。吾豈不知哉也。行用之矣。明年元和五年正月。將浴臨汝之湯泉。壬子。至其縣。食遂卒。年五十七。公卿大夫士相弔於朝。處士相弔於家。君卒之九十六日。詔轉從史送闕下。數以違命。流于日南。遂詔贈君尚書司勳員外郎。蓋用嘗欲以命君者信其志。其年八月甲申。從葬河南河陰之廣武原。君於爲義。若嗜欲。勇不顧前後。於利與祿則畏避退處。如怯夫然。始舉進士第。自金吾衛錄事爲大理評事。佐昭義軍。軍

帥死。從史自其軍諸將代爲帥。請君曰。從史起此軍行伍中。凡在幕府。唯公無分寸私。公苟留。唯公之所欲爲。君不得已。留一歲。再奏。自監察御史至殿中侍御史。從史初聽用其言。得不敗。後不聽信。惡益聞。君棄去。遂敗。祖某。某官。贈某官。父某。某官。贈某官。君始娶弘農楊氏女。卒。又娶其舅宋州刺史京兆韋岷女。皆有婦道。凡生一男四女。皆幼。前夫人從葬舅姑。兆次。卜人曰。今茲歲未可以祔。從卜人言。不祔。君母兄姪。尚書兵部員外郎。母弟戢。殿中侍御史。以文行稱朝廷。將葬。以韋夫人之弟前進士楚材之狀授愈曰。請爲銘。銘曰。允義孔君。茲惟其藏。更千萬年。無取壞傷。

宋贈金紫光祿大夫尚書兵部侍郎孔公墓誌銘

參知政事王安石撰

宋故朝請大夫給事中知鄆州軍州事兼管河內堤勸農同群牧使上護軍魯郡開國侯食邑一千六百戶食實封二百戶賜紫金魚袋孔公者。尚書工部侍郎。贈尚書吏部侍郎諱易之子。兗州曲阜縣令。襲封文宣公。贈兵部尚書諱仁玉之孫。兗州泗水縣主簿諱光嗣之曾孫。而孔子之四十五世孫也。其仕宦今天子天聖寶元之間。以剛毅諒直。名聞天下。嘗知諫院矣。上書請明肅

太后歸政天子。而廷奏樞密使曹利用。尚御藥羅崇勳罪狀。當是時。崇勳操權利。與士大夫爲市。而利用悍強不遜。內外憚之。嘗爲御史中丞矣。皇后郭氏廢。引諫官御史伏閣以爭。又求見上。皆不許。而固爭之。得罪然後已。蓋公事君之大節如此。此其所以名聞天下。而士大夫多以公不終於大位。爲天下惜者也。公諱道輔。字原魯。初以進士釋褐。補寧州軍事推官。年少耳。然斷獄議事。已能使老吏慄驚。遂遷大理寺丞。知兗州仙源縣事。又有能名。其後嘗直史館。待制龍圖閣。判三司理欠憑由司。登聞檢院。吏部流內銓。糾察在京刑獄。知許徐兗鄆泰五州。留守南京。而兗鄆御史中丞皆再至。所至官治。數以平職不阿。或絀或遷。而公持一節以終身。蓋未嘗自詘也。其在兗州也。近臣有獻詩百篇者。執政請除龍圖閣直學士。上曰。是詩雖多。不如孔道輔一言。乃以公爲龍圖閣直學士。於是人度公爲上所思。且不久於外矣。未幾果復召以爲中丞。而宰相使人說公稍折節以待遷。公乃告以不能。於是人又度公且不得久居中。而公果出。初。開封府吏馮士元坐獄。語連大臣數人。故移其獄御史。御史劾士元罪。止於杖。又多更赦。公見上。上固怪士元以小吏與大臣交私。汙朝廷。而所坐如此。

而執政又以謂公爲大臣道地。故出知鄆州。公以寶元二年如鄆。道得疾。以十二月壬申卒於滑州之韋城驛。享年五十四。其後詔追復郭皇后位號。而近臣有爲上言公明肅太后時事者。上亦記公平生所爲。故特贈公尚書工部侍郎。公夫人金成郡君尚氏。尚書都官員外郎諱賓之女。生二男子。曰洵。今爲尚書屯田員外郎。曰宗翰。今爲太常博士。皆有行治。世其家。累贈公金紫光祿大夫。尚書兵部侍郎。而以嘉祐七年十月壬寅。葬公孔子墓之西南百步。公廉於財。樂振施。遇故人子。恩厚尤篤。而尤不好鬼神機祥事。在寧州。道士治真武像。有蛇穿其前。數出近人。人傳以爲神。州將欲視驗以聞。故率其屬往拜之。而蛇果出。公卽舉笏擊蛇。殺之。自州將以下皆大驚。已而又皆大服。公由此始知名。然余觀公數處朝廷大議。禍福無所擇。其智勇有過人者。勝一蛇之妖。何足道哉。世多以此稱公者。故余亦不得而略也。銘曰。展也孔公。維志之求。行有險夷。不改其輟。權強所忌。謠誦所譽。考終厥位。寵祿優優。維皇好直。是錫公休。序行納銘。爲識諸幽。

宋御史中丞贈太尉孔公後碑

工部郎中張守益撰



公諱道輔，字原魯，孔子四十五代孫。其世系之詳，史冊記于國，封爵傳其家，各教所宗，海內胥仰。公天性英異，在耆年，則舉止端重，言不妄發。咸平中，舉鄉進士，爲兗州首冠。明年春，御前擢進士第，時祥符五年也。釋褐彭原幕。時年二十七。州守初易之後，郡獄屢處駁議，老吏嗟服。彭原秩滿，祥符九年，詔擢爲大理寺丞，宰曲阜，主祠事，不以私恩害公義。故武樞姜公爲本道廉訪使，行部過邑，問公稅廩，公不對，但高談皇王大略。姜怒，按其邑，一一修舉，姜不能責。辭邑，遷殿省丞，入朝。上章陳祖廟制度卑陋，不稱，乞加修崇。優詔可其請，命公躬主役事，不日而成。乾興元年，遷太常博士。天聖元年，詔入爲左正言，知諫院。公不避權倖，在諫院七年，封章論事，軒陛盡規，忠言密啓，無所隱避。章奏隨減。天聖八年春，內出雙頭牡丹，詔兩制館閣賦詩以進。公作古賦奏，御引曰：「臣非館閣，不得預。」於諫道正辭，臣之職也。大旨陳君臣正道，箴補當時。上覽之，嘉賞。翌日有詔，直史館。又判三司理司。尋爲北蕃國信使，舊名延魯，至是改今諱焉。至木葉山，主命宴，遣臣就席，侑公酒以小玉琖。公辭以不飲，侑者旣傳君旨，又曰：「飲此則氣和。」公曰：「不和無害，但天性不飲耳。」君臣皆相顧，使還，以功除左

司諫，克龍圖閣待制。朝廷見語錄對，主有不和無害之說，言事者繼進，以謂正觸機會，彼當有辭。陛見時，上問之。公曰：「契丹爲黑水所破，勢甚衰，但每日見朝使臣，俾館候者預構語言，挑探強弱，使臣一不敢對，臣恐以此輕中國，上大悅。由是群謗不能進。判流內詮，勢利絕私請，孤寒得善地，爲當時所稱。天聖九年，出典汝陽，以貳卿在單父也。亭侯密過，奉二親甚懼，朝野榮之。汝陽庶務澄肅，奸猾去境。一日，兵隸繫千餘輩，云私渡黃河，公亟命釋之。公自判奏曰：「頃者河決南燕，分流及鄆，有司剋渡，利於誅求。今水復故道，號爲乾河，夫蒙之田，限以南北，民情自便，官禁未除，實非聖意。優詔從之。九年，復判流內詮，旋命公使北庭，賀冊禮。復命轉兵部員外郎，在職。天聖十年，出知許州。主田素厚，過期而後赴。明道二年四月，就移知應天府，兼南京留守司。是年，管內蟲饑，公慮濟之無及，亟發倉以貸，然後上聞。父子室家相保者，惟南都焉。纔十一月，召入權御史中丞，朝論肅清，權勢引避。是年，皇后郭氏將出爲金庭，公主公亟率諫官御史十人，袖疏伏閣請對。時后已有成命，上命內侍近臣就東上閣門，引公等赴中書，俾丞相宣諭。公曰：「某等外聞中官動搖，未詳德音，願面見陛下。」

上已歸禁中、不得已見政事堂。時丞相與公對立堂上。丞相曰：禁中事，中丞不得知。或不便於聖人，臣子非所安。公曰：人臣視天子與后，猶子之事父母也。父母不和，可以諫止。未聞爲人子者，順父出母。禁中事不當知。丞相又曰：漢唐以來，亦嘗有廢后。公對曰：方今太平，天下待丞相如舉夔，日望致君如堯舜。漢唐廢后，何足取法。丞相不能對。公拂袖引諫官御史出。明日晨謁，將至右義門，有吏持勅赴馬前，已除諫議大夫、知泰州、臺吏押行出都門。時諫官、御史十人皆一時名輩。范仲淹嘗謂所知曰：孔公方正名天下，所共知。昨當櫻麟之際，事在不測，觀其容止愈端重，顏色不沮喪。附中臣之對，答丞相之語，應若宿構，言有條理。此過於前所聞矣。景祐二年四月，移知兗州。公佩本郡符，歸故鄉，專以鎮靜敦厚風俗爲務。八月，有詔就拜龍圖閣直學士，給事中。初，近臣有進百首詩者，時相奏可。與直學士上曰：此百首詩，不如孔道輔一言。故有是命。時貳卿新改秘書監，夫人進封仁壽郡君。公自府解請曲阜，一舍之間，旌旗鼓吹，迎引後先，耆幼懽呼，遮擁行路。至則爲壽，燕樂于私第。榮遇之盛，則有徂來石守道先生恩慶堂記具焉。又以孟荀、楊、王、韓五子排邪說，翼大道，像設於祖堂西偏。公

爲之記。觀其文，亦足以見公之心。至寶元年，黨項逆節，朝廷思得體貌大臣端本澄源，拜公御史中丞。公拜命受職，知無不言，無所回避。奸邪側目矣。上已許大用，素忌公者畏其同列，一小事變，且以治獄有附會。明日，罷御史中丞，知鄆州。二年十一月，道輔自中丞出，知鄆州。初，開封府吏馮士元以贓敗，辭連知樞密節度參知政事程琳。宰相張自遷以素惡琳，而疾道輔不附已，將併逐之。謂道輔曰：上顧程公厚，今爲小人所誣，宜爲辨之。道輔入對，言琳罪薄不足治。上怒，以道輔附附大臣，故併出之。公盡瘁厥病，行至滑之韋城驛，以不起聞。諸孤扶輿旅櫬，歸葬于祖林祖墓西南偏。公娶尚氏，淑令有文，進封鄆國夫人。子二人：曰絳亮，曰宗翰，並中進士第。女三人：長適殿中丞李黃中，封壽光縣君。次適王氏，次適張氏，皆早卒。孫七人：若升、若谷、若古、若恢、若恆、若仕、若鳴。公平生以忠孝節義自任，介然卓立天地間。一旦被譴，謫佞奸，纖音相慰勞，茫茫蒼天，無言而默識。賢如楊震，滿堂之猶不免當時謗。公犯群邪衆惡，雖遇仁主，猶不得安其位，行其道，終於隤下，復何恨焉。辭陳公之說，折節待遷，手斷妖蛇，不足爲公道者。此不復書。公在位時，諸子尚幼，故平生風迹不能盡記。惟宗益知之實。





詳然常恨世無直筆。天下銘撰皆爲勢利所屈。不惟欺人耳目。抑亦自欺肺肝。幽有鬼神。安得無過。今所論人。直欲贊諸高厚。表於方來。燭勢利以傳信。謹爲銘曰。聖人之後。不必皆賢。唐虞舜。嗣緒頤然。君子之德。未必俱全。子游子路。科等分焉。偉哉孔公。賢德咸備。自性達物。以誠求志。剛粹同天。靜方宣地。節義不回。忠孝自達。長於圖治。勇在除奸。文能靖國。武可摧山。視□於掌。憂國在頭。孰知天意。使去人間。謂天生賢。爲宋左右。胡其多難。跋前踖後。謂天祚聖。爲孔裔胄。胡其不延。摧英隕秀。人謂至難。公獨爲易。美□可誅。麟鳳可致。志今在泉。功不見世。神明共知。良史勿記。史筆是非。人情好惡。在昔難平。于今孰保。公墓祖林。神物來護。忠骨英聲。長耀千古。

金贈正奉大夫襲封衍聖公孔公墓表

翰林學士克懷英撰

至聖文宣王五十一代孫諱懋字元會。曾祖諱若蒙襲封奉聖公。贈朝奉郎。伯祖諱端友。朝奉郎。直秘閣。襲封衍聖公。宋建炎二年冬。祀大禮。赴揚州陪位。值兵火隔絕。其弟端操之子璠已襲封訖。長子拯。皇統二年三月補文林郎。襲封衍聖公。無嗣。其弟懋。大定三年七月補文

林郎。襲封衍聖公。管勾先聖祀事。公三歲而孤。幼穉警悟。及長。力學自強。通春秋左氏。尤喜韓愈詩文。談論簡尺。多引二書。先輩多稱譽之。公職在嚴奉林廟草木。諸人無敢輒犯。宗族之間。少長有禮。人敬其勤。復畏且愛。一日。顧瞻耶國夫人殿。私自言曰。生爲人子孫。而謬當其職。使之監陋如此。寧不媿於心乎。乃親率佃戶。携斧斤。入東之蒙山。躬親指畫。採伐中椽楠者。旬有餘日。連車接輦以歸。起西廟。尼山廟兩處。耶國夫人殿及大中門。家廟。齋廳。祭祀庫。計五十餘楹。彩飾圖繪畢備。朝廷聞公召赴闕。欲留隨朝任用。公力辭職事。祀事不宜妨職任之不專。則特授曲阜縣令。未到任。歲大旱。既到任。甘雨三日而止。稼穡益茂。歲仍大熟。公精勤吏事。縣署至所居往返十餘里。及晚治縣。無一日稍闕。差科甚均。詞訟無滯。親族有訟。卽移佐官。無少長。皆向意。諸村當首人。舊驗物力差當。公預令定奪相次。明以公文告示。比至。其人已自承認交替。不復更至庭下。每歲夏。稍凡丈尺小戶。舊合併全疋輪納。隨村首目。皆自斂掠。公止令依市價積算和買。使併起納。盡革舊弊。縣城摧壞。官計工修築。公戒董役者曰。慎勿拆廬舍。壞塚墓。若廬舍有礙。當隨地築之。塚墓有壞。當以已俸完之。二



者既安、我心亦安矣。其有不成、葬穴無主、暴露枯骨、常遣使厚塋之。有碑曰：穀塚邑人春冬祀之。塋畢，是夜夢衆人來謝，內一人稱前云：嗟哉，暮雲之弗及，既寤，遣人搜求，又得十餘副。復夢來謝，公年四十，得數子，皆不育。一日夜夢異人衣冠偉然，告曰：今此非爾子，後五年庚子月丁日所生，真爾子矣。嘗名元措，公儉於奉己，厚于賓客，周惠困窮，不問家之有無，娶泗水孫氏，宋副樞密孫傅之女孫，後封魯郡太夫人。又娶泗水侯氏，二子，長卽元措，今襲封衍聖公。次元紘，舉進士，女一人，適兗州宣武韓曷。公享年五十三，終奉直大夫，以子貴，贈正奉大夫。嗚呼，孔子之澤，及於無窮，國家褒崇之恩，方自此始，又豈止此而已哉。

元贈中議大夫襲封衍聖公孔公神道碑記

翰林學士國子祭酒蔡文淵撰

朝列大夫濮州尹致政孔思誠，以書幣緘父祖二世德業之狀，命文淵文於石，以著其不墜厥緒之寔。文淵謹按：素王世紀，思誠宣聖五十四代孫也。公之曾祖諱元用，字俊卿，當金季政亂，播越南遷，幾二十餘年。時天兵壓境，公以林廟爲重，乃率孔族暨庶姓以降。其大帥太師國王承制封拜，以公世襲曲阜縣令。公有文武才，復

拜其子之全，仍令其邑授公兵柄，故取益都，果有勝捷，沒於王事。曾祖妣孫氏封宜人，婦德爲宗族楷範。一子卽之全，字工叔，金已前襲封公。元措來歸，同謁武惠嚴侯，公因讓曰：以賢以長，責在吾叔。元措乃許曰：子父子保全林廟，當世其邑。武惠允之，仍居邑宰二十餘年。公先考諱治，字世安，一字先已，孝友仁厚，公謹廉明，文章政事爲一時稱首。弱冠從翰林長鹿庵游，同門李孟、閻徐恒以斯文相諮議。年登二十，襲尹鄉邑，雞鳴而起，坐以待旦，勤於庶務，聲達朝廷。其待同僚愛百姓，咸盡其道。時濟甯楊君師表于魯，公退食執弟子禮，得知親之益，損齋揚公繼之，復從遊，盡仕優則學之道。處士任公嘉其才德，以女妻之。其內助居多，壽四十一，先公卒，贈東平郡君。再娶畢氏，一子一女，皆任氏出。子卽朝列公也。女適長垣尹張執中，封恭人。公於二弟甚相友愛，中統四年，公始權祀事，嚴潔典禮，惠睦宗族，待炊之家，百室之半。至元三年，公謂權祀之職匪事功，何以塞繼述之責。聞於上，賜白金五十兩，重修啓聖王殿，葺書閣，枌環廊，以石易木，殿楹再親築垣圍廟，百堵皆作。至元六年，罷灑掃戶，凡廟庭大祭，維豐維潔，咸備于已。三十餘年，給國家南征之役，以才幹聞。年五十三，告老，以男思誠



關里廣誌

卷二〇

襲世尹、陞公奉訓大夫、知單州事。將行、戒其子曰：無妄怒、輕晉楚。邑人長者如汝之父兄、幼者如汝之子弟、可不慎乎？其知單州也、興學校、延名士、以成士風。時憲府貴公按問、有倫有要、人自以爲不克。至元二十八年、擢公奉直大夫、知密州事。首勸儒學、三皇廟正龔倫、明禮法、建賢藥、濟斯民、扶仁壽。江張公泊損齋楊公碑刻悉焉。元真改元、公見成宗皇帝於上都。時大臣奏至、聖文宣王、孔夫子之嫡孫、其祖元用以軍功沒於王事、寔開國立功之臣。治權奉祀事三十餘年、有德有文、可襲封爵。上可其奏、仍賜坐、慰勞甚厚。特授中議大夫、衍聖公、以祖庭儀等之制、飛章於朝、賜尙珍畧田五十頃、復給麗掃戶、重修祖殿。從公請也。作堂私第、名以詩禮、示不忘過庭之教也。辛泉楊公大書之。紫山胡公記焉。大德十一年冬十一月九日、公薨于私第之正寢、享年七袞有二。冬十二月望日、葬公于宣聖墓西北、任氏祔焉。濮州尹朝列公由鄉縣以師表國學、復授安慶推官、尋知息州。丁內憂、不赴。繼拜僉江南湖北道肅政廉訪司事、以朝列大夫、濮州尹致仕。公之所處、皆有能名。其忠孝廉勤、皆先公教誨之力也。公娶翰林應奉任君之女、振文處士公子也。再娶畢氏、牛氏、馮氏、封伯郡君。孫男

三人、長曰克欽、牛氏出。授從仕郎、承襲世尹、權奉祀事。娶東野嘉議公女孫。女孫五、長適廣東廉使楊倬、次適本縣儒士呂格、次適蘄州路府判馬侃子元魯、次適主簿馬克仁、次適禮部尙書李廷賢孫士良。其子孫端業繩蠶如此。我公德業益茂矣。文淵謹考世紀、自子思子叙正傳、漢唐以下、安國、頴達而已。我朝隆盛、天生數公者、赫然聲烈、著于兩間、保林廟以佑鄉民、好學不倦、以承道統、力陳大義、以新廟庭。近能迂續累世之忠孝、遠能紹述先聖之心法、以欽承有國右文之典。故爲之銘、昭示後世、彰我聖人溥嗣之恩、渥於無極云。銘曰：天生夫子、師表百王。慶流萬古、奕葉隆昌。天朝受命、休有烈光。素王之裔、帝錫純良。扶文拱武、以保魯疆。象賢世邑、以死勤王。猗歟乃祖、公爵是承。孝思維則、天子來寧。嗟若先考、聿新聖宮。濟人利物、以孝移忠。繼述祖道、朝覲帝容。帝若曰噫、汝襲祖封。賜田復戶、命爵上公。文宣之澤、萬類含春。永遵心蹟、拱視北辰。天清地肅、正我奕倫。續茲譜牒、以貽後人。

元故襲封衍聖公贈中奉大夫河南江北等處行中書省參知政事護軍追封魯郡公諡文肅孔公神道碑

翰林學士危素撰

公諱思晦，字明道，孔子五十四世孫也。曾祖元孝，祖之厚，贈亞中大夫、濟寧路總管、輕車都尉、魯郡侯。父浣，贈通議大夫、禮部尚書、上輕車都尉、魯郡侯。母李氏，追封魯郡夫人。公生，至元四年七月，天姿穎秀，得貫讀書，已識大義。導江張先生，綴爲三氏教授，公受業焉。講求義理，博詞章，尊德行。家貧躬耕，雖劇寒暑，不懈於學。先生深器重之。甫年十有七，禮部公棄世，喪葬以禮，奉母以孝聞。大德七年，遊京師，國子祭酒耶律公有尚，謀薦辟之以親老，固辭。至大元年，太夫人臥病，躬進藥餌，衣不解帶。及居喪，勺水不入口者五日。三年喪畢，三氏教授舉茂才，授范縣儒學教諭。延祐二年，調寧陽學。先是兩邑校官率以廩薄，不能受職，公儉約自將，教養有法。比代，皆挽留不忍舍。三年，族人合議，以公嫡長且賢，宜襲封爵主祀。事上政府，未決。平章政事李韓公借禮部力主之。會仁宗皇帝問孔子之裔，追今幾世，襲封爲誰。李公具以對。仁宗親閱譜，若曰：「以嫡應襲者，思晦也。復奚疑。」且以前襲封秩卑俸薄，遂授中議大夫，襲封衍聖公。月俸自百緡加至五百緡，鑄印四品。泰定三年，山東廉訪副使王鵬南言：「襲封上公，而秩正四品，於格弗稱。」且失尊崇意。明年，陞嘉議大夫。至順三年，改鑄三品印。公

自以宗祀責重，恒懼弗稱。蒞事之際，必敬且慎。初，廟燬於兵，後雖苟全，而樓角圍牆未備。乃竭力營度，率復舊規。金絲堂壞，儲時祀餘貲葺新之，不足補以已俸。繪飾從祀塑像，補完祭器禮服，請于中書置江南郡縣書籍。尼山，統聖之地，廟毀而碑存，居民冒耕祭田且百年矣。稽諸典故，言於部使者，命鄒縣長沐陽令往覈之。復田百五十畝，歲入粟四十有八石，因請置尼山書院。三氏學田三千畝，在沛縣之刁陽，爲豪民所據。徽州與沛縣歸侵疆，州官受賕，敗其事。公往復辯議，再歲克定。鄒縣子思書院舊有錢百緡，貸於民，取子錢供祀祭，久則并負其本。移憲司徵之，前代封聖父齊國、母魯國，公言于朝，宣聖封王，而父爵猶公，願加褒崇。有旨：「加聖父啓聖王，母王夫人，公府初止設掌書一人，書籍音樂無司之者，金穀無任出納者。」以是爲言，遂置典籍司、樂管勾，凡三人分掌之。祿秩視國子監，且給管勾印，掌書祿視寺監。五季時，孔末之後方盛，欲以僞滅真，衆亂害宣聖子孫幾盡。其後欲冒稱，公以爲不早辯，則真僞久益莫究。彼於我不共戴天，乃共拜殿庭而列于族，可乎。遂會族人稽典故，斥絕之。家譜石刻既燬，因纂究考廣記諸書重刻焉。元統元年，寢疾。閏月乙巳，薨于寢。異香滿室，群



鶴百餘翔于上。又見神光自東南照于舍北云。已酉、塋祖塋西二百步。娶張氏。封魯郡夫人。子男一人克堅。爵嘉議大夫。襲封衍聖公。女四人。適李德明、孫大用、喬元善、馬元用。孫男九人。希學、嗣爵中奉大夫。襲封衍聖公。希說、希範、希進、希麟、希鳳、希順、希尹。皆國子生。希贊、其季也。孫女二人。曾孫男五人。女四人。公端重簡默。動容不苟。嗜學誨人。本乎真誠。於宗族尤隆恩義。嘗曰。吾家祖宗遺澤。殊流同源。可不念諸。或不自給者。周之于弟。皆籍于學。教養不息。女兄適裴氏。而貧。迎養甚謹。女弟永疾且不慧。起居必待於人。每親爲頽沐。性尚清素。疎財好義。嘗市物。隨所需直酬之。或謂彼市道之人。胡不議其值而後償。公曰。我以誠心待人。其忍欺予哉。所居就襲封舊廨。不改作。終不構私室。其薨也。家無尺寸之遺。公暮年多疾。未嘗廢書。作字端楷可法。故三氏子孫與凡四方受業仕而有聞於時者。多公造就。薨之日。莫不哀之。會塋者以千計。後十有七年。贈中奉大夫。河南江北等處行中書省參知政事。護軍。追封魯郡公。謚文肅。克堅以江浙行省左右丞。汪公澤民守兗州時所述行狀。屬林廟學正夏以忠來。俾素論撰先德。兼銘神道之碑。素不敢以固陋辭。則序而爲之銘。銘曰。微子之留。

篤生聖師。歷聘侯國。式扶民彝。維文肅公。五十四世。克昌其家。宏廓廣厲。學江張氏。學探本源。授業三氏。遊道之園。有聚群經。山自屋壁。及闢蕪穢。以俾秦塞。漢有范縣。克之寧陽。教行下邑。絃誦琅琅。瞻茲大宗。猶秉周禮。襲封上公。明斷天啓。超進華秩。匪公之榮。右文貴德。天下化成。公在魯邦。士有標準。胡不遐後。者碩斯隕。聚于暨孫。丕承寵光。節惠易名。錫命焯焯。爰述始終。刻名闕里。與國咸休。宜受多祉。

明故國子祭酒孔公墓誌銘

翰林學士兼太子贊善大夫宋 濂撰

公諱克堅。字璟夫。世家魯之曲阜。孔子五十五代孫也。曾祖曰之厚。贈濟寧路總管。輕車都尉。祖曰浣。累贈通議大夫。禮部尚書。上輕車都尉。皆追封魯郡侯。父曰思晦。嘉議大夫。襲封衍聖公。累贈通奉大夫。河南江北等處行中書省參知政事。護軍。追封魯郡公。謚文肅。曾祖妣女真氏。祖妣李氏。妣張氏。皆追封魯郡夫人。公少廓達通敏。日誦千餘言。學極博精。尤善春秋左氏傳。文肅公薨。襲封衍聖公。元重紀至元之年。上疏請修飾廟像。順帝可其奏。賜山東曆日錢之半給其費。命監察御史族人思立持楮幣二萬五千緡。勒石以紀成績。至正六



年中書謂公爵與階不稱奏陞之制授中奉大夫賜二品銀章十五年平章政事達世帖木兒薦公明習禮學徵爲同知太常禮儀院事以子希學襲公爵是年冬帝親郊公攝太常事盛服襜然登降有容觀者以爲達禮御史大夫雪雪言公材宜近侍左右拜中書臺治書侍御史公辭歸明年拜山東道肅政廉訪使既受詔復辭會山東兵亂公率家人北行次蔡城丞相賀太平奏召公集賢直學士希學爲秘書卿遣使卽蔡城起之公至燕都劇盜毛貴犯畿甸且迫廷議棄燕遷關中公曰天子當與社稷宗廟俱爲存亡焉可棄而他之今勤王之兵頗衆與之決戰盜可平也如公言盜果敗去十九年遷禮部尙書知貢舉時四方之士避亂多集郡邑公請設流寓科以取之是年冬擢陝西行臺侍御史李思齊及察罕帖木兒二軍爭秦隴相攻朝廷不能制陝西行省丞相帖里木兒納思齊降將命張良弼禦之公及中丞袁洪諍曰不可二軍不敢舉兵犯奉元豈其力不足哉特以無名耳今納其叛將而出兵禦之是引虎使噬也丞相不從洪亦被劾去公怒曰謀之不善亂且至矣遂自劾而歸月餘二軍及良弼戰于鹿臺奉元果陷二十二年除國子祭酒帝賜上尊太子書大成殿額以賜

公以世亂不樂居位、竟謝病歸闕里、營別業城南以居。後起公爲資善大夫、集賢學士、不就。復以公爲山東廉訪使、卒不起。二十八年、天兵取中原、皇上手詔起公入朝、待以賓禮、而不名、賜廩祿、不煩以職、郊社必致膳肉、撫勞甚至。洪武三年春、以疾告、遣中使存問。疾篤、詔遣公于家、給驛以行、賜白金百兩、文綺八端。他錢物稱是。三月二十八日、還至下邳新安驛、薨于舟中、壽五十有五。希學奉喪歸、以六月十三日葬於孔林、去孔子墓二百餘步。公寬厚樂易、事親極孝、遇族人有恩、與人交不爲掩覆之計、一以誠信。豐下美鬻、容止甚都。順帝以福人稱之。公娶張氏、濟寧路總管子仁女、封魯郡太夫人。子九人、長卽希學、次希說、希範、希進、希麟、希鳳、希順、希尹、皆元國子生。希賢其季也。女二人。孫男十九人。長曰訥。次曰謙、詢、譚、誠、謙、諒、諤、曾、諷、訓、評、諶、謨、譽、證、訥、詮。曾孫男四人。長曰鑑。次曰鐸。曰鈞。曰鏜。曾孫女四人。希學、今資善大夫、襲封衍聖公。每歲朝正於京師、上寵賜之甚厚。以袁渙狀來請曰、先君歿今十年、而墓道之石無文、以刻、恐休德不聞於後世、人其謂何。濂嘗獲識公、且與希學善、雖老矣、其忍不銘。銘曰、天生大聖、爲萬世師。廓幽昭潛、雨施日輝。功如堯舜、位則不有。敘其惠澤、

昌厥後。歷年二千。有興有亡。五十餘世。封君相望。自侯而公。愈遠彌貴。桓圭衮衣。肅將祀事。惟公紹家。敦大且文。人曰休哉。聖師之孫。入爲秩宗。左禮右樂。格於幽明。上下允若。曰亂越遷。宗社歲薦。君臣合謀。察而西遷。公曰不然。君死社稷。以正伐亂。勝不以力。王師焯焯。如虎如貔。盜遁南甌。公實啓之。關陝之間。將驕將噬。彼謀不臧。以水止漬。公謂元戎。世方興亂。無失厥防。以速其叛。言臧不從。不臧是爲。禍將逮身。云何弗歸。聖書迎拜。俾掌邦教。大訓宏敷。聖人之道。土宇日曠。位其可居。退修於家。琴瑟詩書。皇明御極。取聖爲則。陟降帝庭。禮儀有翼。生享其榮。死篤其誠。云誰致然。聖澤休明。惟聖之澤。如山如川。有址有源。以永厥傳。繼聖惟賢。守位惟德。昭續垂聲。後嗣是式。

資善大夫襲封衍聖公孔公神道碑

朝列大夫國子監祭酒同修國史宋 訥撰

洪武十四年秋九月二十日。宣聖五十六代孫。資善大夫。襲封衍聖公。以疾終于正寢。越三年。爲洪武甲子春正月。其子訥以服闋入覲。禮官引見華蓋殿。上問以宗族蕃衍。子姓賢否。訥奏對。動合禮度。卽命館于太學。翼日。召嗣襲封衍聖公。御製誥詞以賜。既受封之五日。出

前左司員外郎王翼誌其先公墓誌銘示予。曰。不肖孤負荷先德。忝嗣厥世。聖天子不以訥無所肖似。俾襲顯封。位列公爵。惟是先考之卒。雖紀其歲月。納諸壙中。墓道碑石。尙未有刻。先生職司文衡。舍先生。其誰託哉。敢固以誦。旣遷之四月。復以書來速。遂卽其世系。封爵。卒墓月日。以著之。按公諱希學。字士行。宣聖五十六代孫。曾祖沅。贈通議大夫。禮部尙書。上輕車都尉。追封魯郡侯。曾祖妣李氏。追封魯郡夫人。祖思晦。襲封衍聖公。贈通奉大夫。河南江北等處行中書省參知政事。護軍。追封魯郡公。謚文肅。祖妣張氏。追封魯郡夫人。考克堅。嘉議大夫。襲封衍聖公。累陞中奉大夫。陝西諸道御史臺侍御史。妣張氏。封魯郡太夫人。公賦性明敏。好學。尤嗜漢隸。甫冠。卽有成人志。二十一歲。侍御公始起。同知太常禮儀院事。以公襲封。公克自樹立。於經籍。子史靡不研究。問學優贍。文詞典雅。每賓客燕集。談笑揮灑。輒以成章。皆出人意表。觀者奇之。四方好事者。多求公書。隸得之。則什襲珍藏。元季。兵起青齊。憂及闕里。公誓不汙於亂。卽問道走燕城。得賜見。拜秘書卿。仍襲封爵。歲戊申秋。皇明初華元命。海宇以次平治。朝謁行在。上清問下民。公卽以歷代治亂條對。從容有序。甚嘉納之。自後





儒藏

關里廣誌

卷二〇

歲入覲于京師。賜予綢疊。恩禮益隆。每正旦。上受萬國朝賀。特命公班亞上相。始至。中使慰勞館領。下及童隸。無不霑給。蓋其誠意所動。宸衷特加異數也。祖庭自兵後。日就圯壞。所費浩穰。公從容措置。期以歲月。卒就成功。復祭田侵于豪民者五十頃。禮器禮服。樂舞儀式。以次備舉。睍然一新。卒復舊規。年四十七。卒。遠邇大夫士

聞者。莫不悼其不克于壽也。計開朝廷遣使禮祭。是年十一月初六日。塋于孔林之西。公凡再娶。先配董氏。中州功臣世家。贈魯郡夫人。繼室孫氏。前進士遼陽行省平章彥明女。卒皆祔塋。子男二人。長曰訥。董氏出也。次曰譔。孫氏出也。女二人。長適淑南衛楊鎮撫子楊思。次在室。孫男一人。曰稱。尚幼。公昆弟八人。在公爲長。次希說。希範。希進。希麟。希鳳。希順。希尹。希贊。皆有文學。家庭雍睦。爲東魯家法。余記弱冠遊太學。師事助教陳仲舉先生。而公之父侍御公寔同齋舍者有年。情好日洽。後幾二十年。當元季兵起。公間道歸朝。時侍御公主太常公侍左右。神采迥異。信其名門子也。余於今獲領太學。而公之子訥已襲封號。則知公者。莫余若也。請銘。笑致辭。銘曰。聖澤汪洋。厚德流芳。公承其慶。奕世稱昌。才壘乎中。鑑其琳琅。脫略芳葩。惟德是將。皇明啓運。奄有萬

方。崇文右教。盛際虞唐。適修盛典。先我素王。公襲其封。世奉蒸嘗。惟聖子孫。表表昂昂。歲時來朝。禮錫孔彰。報効未伸。蚤夜匪康。祖庭百儀。適復其常。魯山蒼蒼。泗水湯湯。鬱然孔林。爲公之藏。有子才良。蚤服寵章。製誥維新。雲漢輝煌。存歿有光。樹碑道傍。千載不忘。

五十七世孫襲封衍聖公神道碑銘

朝議大夫國子監祭酒兼翰林院侍講胡 儼撰

公諱訥。字言伯。姓孔氏。世家魯曲阜。前資善大夫襲封衍聖公希學之子。元中奉大夫襲封衍聖公。國子祭酒克堅之孫。嘉議大夫襲封衍聖公。累贈通奉大夫。河南江北等處行中書省參知政事。護軍。魯郡文肅公思晦之曾孫。寔宜聖五十七世孫也。公魁梧厚重。寡言笑。篤學恭謹。不以貴胄驕人。士大夫喜與之遊。樂善好施。遇孤寡不克婚塋者。雖傾資濟之。無難色。又能詩。工篆法。人得之者。皆傳誦誇美。相貴重。華聞益彰。洪武癸亥。居父憂。以國哀赴京。祭孝陵。既竣。事入見。天眷甚隆。願謂廷臣曰。孔訥真聖人子孫。遂賜膳光祿。命禮官館于太學。遣尙書劉仲賢勞問。日給庖廩。復賜衣物鈔錠。充館舍。將俾襲爵。以居喪乃止。服除。丙寅正月。朝京師。既見。上大喜。卽命禮官卜日受爵。於是以二月二日拜襲



封之命、受諸大廷、百僚班列、仍勅禮官以教坊樂導送。至太學、學官率諸生二千餘人迎于成賢街、觀者莫不贊歎光榮。明日入謝、復賜襲衣、宴于禮部。又明日、釋奠于學廟、以拜命告、恩禮之加、古未有也。初行誥詞、吏部奏用資善階、聖諭曰、既得公、勿事故官、但誥以縉文王軸爲異耳。遂爲故事。每歲入覲、得給符乘傳、班序列文臣首、厚其廩餼、下及侍從。此又古未有也。公天性仁孝、待宗族克盡禮意、奉祭祀極其嚴敬。至于廟庭修作、朝夕程督、竭其心力、不以爲勞。洪武庚辰九月十六日、竟以疾終、得年四十有三。以本年十月二十六日塋祖林、附考墓也。夫人陳氏、繼商氏、王氏、子男四人、公鑑、公鐸、公鈞、公鑑。公鑑襲封衍聖公、後公二年卒。女五人、俱適賢士。公鑑之子彥縉、今襲封衍聖公、公之冢孫也。曾孫一人曰永慶。公歿後二十年、墓無文、彥縉將樹碑墓道、以昭先德、來請銘。其詞曰、維道之高、維德之厚、金聲玉振、以昌厥後。歷世五十、而又七葉、偉矣開孫、克紹先業。宇量恢恢、威儀帖帖、明詩習禮、光華煜燁、天之所與、族之所宗。保佑申錫、格于宸衷、榮名尊爵、超軼顯融。寵恩異數、維聖之崇、佩仁服義、如守憲律。終始惟一、靡有愆忒。由來龍蛇、賢人之嗟、渣爾長逝、德音孔遐、祖林之原、

楷木蒼蒼。若斧若堂、昭穆相望。維公之兆、附考宅幽。既封且固、世德作求。延昇後昆、變澤斯流。刻詞樹碑、永昭厥休。

五十八代襲封衍聖公孔公墓表

榮祿大夫少傅兵部尚書兼華蓋殿大學士楊士奇撰

公諱公鑑、字昭文、姓孔氏、宣聖五十八代孫、而世爲嫡。自高祖考至考、皆襲封衍聖公。考諱訥、妣夫人陳氏。子男三人、公其長也。生而岐嶷、稍長、端厚簡重、不妄言笑、而嗜學問、讀書窮理、日進月益、其器識宏遠、儕輩莫及也。持身以禮、而事親至孝、親歿哀毀、屢絕復蘇、終喪不一踰于禮度。歲時薦祭、竭誠敬如生養者。既襲封衍聖公、益慎儀則、恂恂下鄉里。襲封之又明年、以疾終、壬午四月五日也。年纔二十有三。遠近聞者無不識、咸共悼惜。太宗皇帝初臨御、遣使賜祭。公娶胡氏、三氏教授進士初復性之女、有婦道。二子、彥縉、襲封衍聖公。彥縉與余同朝久、閒泣謂余曰、惟先公之行、實不愧古人、而棄代于今二十有六年、墓石未有刻詞、願遺惠執事、庶貽不朽。嗟夫、孔子明先聖之道、立教萬世、而禮爲大防、天下之人、其言與行、有一弗迪于禮、不可以名世、矧

爲孔子之後者哉。聖人將謂其子不學禮、無以立。如公者、真不忝孔子之後哉。惜乎年之不永、而世莫睹其所至也。故撮其行之可以範俗者、表諸墓道。

襲封衍聖公孔公神道碑

光祿大夫少傅兼太子太師吏部尚書王 直撰

公孔氏諱彥縉字朝紳其各與字皆仁宗皇帝所命也。我朝治天下所以綏萬邦和兆民者不用他術惟宣聖之道是用尊其道而及其子孫是以若是其厚也。公世家曲阜公早孤母胡夫人教育之天性孝友不妄言笑未嘗慢戲佚遊人有忤言不與校或言相媚悅亦不爲異屹然端重如成人焉。甫十歲太宗皇帝召使襲爵觀其言動進退從容詳雅喜謂侍臣曰真神明之裔也。館之太學禮待甚厚既歸日取宣聖之書讀之而尤篤志於論語凡嘉言善行所以修己治人者不少忘於心。曲阜知縣公鎰者公之季父也公於事無巨細皆咨決焉。由是才識益高聞見益廣度量甚寬而有容不可以毀譽動而亦無愛惡於人人以爲有長者風輕財重義出於自然親黨有吉凶事而禮不能備公爲相成之孤女及時而未行者則備資裝相攸使有歸今監察御史張子初劉安順天尹王賢兵部侍郎王偉皆其所擇壻而

人以爲宜室家者凡其所行合於誼多類此。是以上自朝廷公卿大夫以及士庶人皆敬愛公其入覲得乘傳班列文臣首洪熙中賜第于東安門北宣德正統以來禮之尤厚景皇帝視學特召公觀禮賜冠帶錦衣越三年來朝復賜三臺銀印玉帶衣織金麒麟文視一品皆異數也。公受恩而歸卽上表謝告宣聖廟而大會宗姻以彰殊遇宴享未終得風疾而卒景泰乙亥十月二十一日也距其生洪武辛巳三月十二日壬子年五十五計開上深嗟悼命禮部治喪工部治墳塋而厚賻卹焉。公配夏氏子曰承慶皆先卒江氏子曰承吉亦先卒郭氏子曰承澤牙氏子曰承源女三長適山東都指揮使吳助之長子越次適兗州護衛指揮鮑均之長子克恭其一幼未行孫二弘緒弘泰長子承慶既卒孫弘緒當立即驛召來京俾襲封衍聖公而恩禮篤至所以錫賚者一不異于公昔時弘緒歸將奉塋于祖林先考墓次謂神道之碑宜有銘而以請于余余又何以彰公之美哉然不可辭也乃爲序而銘之銘曰文教之興大聖以生天實相之後有孫曾自周以來綿綿其胄既公之世五十有九於昭聖神煥乎文章日月有恒道德之光惟我皇明實賴于治疏爵襲封列聖之制位秩之高章服



之華。厚德殊恩。乃錫乃加。公之俛俛。克念舊武。胡不百年。以篤斯祐。魯林之原。封樹在焉。雨露潤之。鬱其蔥芊。神道有碑。負以龜趾。刻詩勒銘。燦耀無已。贈襲封衍聖公孔君神道碑

光祿大夫少保戶部尚書文淵閣大學士陳 循撰  
君諱承慶。姓孔氏。宣聖六十代孫。以嫡派世家曲阜縣之闕里。自其父彥縉。祖公鑑。曾祖訥以上。俱以宣聖恩襲封衍聖公。配皆夫人。景泰六年。君之父卒。訥聞于朝。君雖冢嗣。而先五年卒矣。詔卽日驛召其長子弘緒至京。襲爲衍聖公。時冠帶秩視一品。并贈君襲封衍聖公。配王氏。封太夫人。亦自弘緒推恩也。旣而弘緒痛惟先德。無以表示後世。乃奉工科左給事中同郡孫昱所狀君平生。求書于神道碑。君母夫人夏氏。江西布政使司參政濟之女也。君生自幼端重。敏于問學。年甫十一。遭母夫人之喪。秉禮疑如成人。而孝以奉父暨諸母。皆能得其惟心。遇諸弟妹。無問母之同異。一以友愛爲務。至於敬長慈幼。賑貧恤孤。施於族姻鄉黨。無不各盡其情。稱之者。殆所謂人不問於其父母昆弟之言矣。至于自奉儉約。自處謙下。則又有非他人所能及者。於書無所不欲講求其義。尤銳志於壁經。嘗從前教授清江裴侃。

學錄從祖克晏及今教授徽州江永清授業。朝夕淬礪。雖盛寒暑不廢。勤于進取者不能過也。宣聖嘗稱顏回者好學。不幸短命死矣。今也則亡。以君好學。而年又幾於顏以卒如此。安知不復見歟。於其祖於地下也。哉。君喜吟咏。所作多有新意。集若干卷。名曰禮庭吟藁。先是君父欲因衰老上請以君襲封如已。會君祖母太夫人喪。不果。至是。乃蒙贈典益加厚云。享年三十有一。其配則今順天府尹寧陽王君賢女也。子男二人。弘緒以卒之年十二月。墓君祖林之側。銘曰。巍巍孔宗。儒道所寄。肇自宣聖。四方仰止。功在六經。澤被萬世。世承有自。爵襲無替。由昔至今。爲代凡幾。臻爲六十。彥縉之嗣。生稟不群。資性淳美。志重族姻。行先孝悌。博學多才。人稱無異。璠璣魯玉。瑚璉夏器。昔重當時。今見闕里。爲國之珍。爲家之瑞。天畀胡厚。神奪孰厲。壽比于顏。少其一歲。古今殊時。死生常理。不泯者存。君其何媿。祖林之原。山水清麗。况有依歸。安其何既。煌煌美爵。及於賢子。於乎孔君。死猶不死。

前衍聖公南溪孔先生墓誌銘

榮祿大夫太子太保戶部尚書兼謹身殿大學士李  
東陽撰

南溪孔公之病也。其子聞韶馳書京師，請致醫藥。予爲延醫遣价兼程以往。比至，已弗療。越月而訃至矣。初，公以聞韶讓婚於予，東莊公寔代行之。東莊之喪，公以銘見屬。甫八閱月，而聞韶以公銘請。嗚呼！予何能爲情哉。公諱弘緒，字以敬，南溪其所自號。宣聖六十一代長孫也。父承慶早卒，鞠于母王夫人。景泰乙亥，祖衍聖公彥縉卒，公時方八歲，景皇帝遣使驛召之。陛見之日，賜冠服於東角門，俾襲封爵。公進止應對如老成人。帝見公垂髫，命中官卽廡下榻之，俾歸遺其母。親賜玉帶，以其軀尙小，去其二鎊授之，俾藏焉。又賜金圖書印，其文曰：「謹禮崇德。復念公幼穉，特勅其族祖少詹事公恂共治。」蓋事仍降旨戒其族人共加保護。如有恃強挾長，肆爲凌害者，許具實以聞。令懸之公堂，永爲法守。又命吏部特簡教授一人誨之，皆異數也。天順丁丑，英廟復祚，公入覲，上召見便殿，親握其手，置膝上，與語久之，賜白金五十兩，綵幣四襲。自是每歲入賀萬壽聖節，上聞公賜第泮隘，以大第易之。凡南城賞花、西苑較獵，皆從。親祀郊壇，亦預分獻。成化乙酉，憲廟視學，賜坐藝倫堂聽講。退率三氏子孫表謝，復賜宴及冠服。親耕籍田，亦預宴焉。公在官十七年，奏給三氏教授印，開生員歲貢格，蠲

孔氏田租十之七，皆前所未有者。庚寅，公坐事失爵，下庭臣議以爲世嫡相傳，古今通義，乃據宋若蒙若虛故事以請命，其後仍歸其子。弘治戊午，遷按山東御史，一言奏公還善修行，宜加杖拭，請復其舊爵。今天子命以冠服家居，已未，宣聖廟災，會東莊在朝，公躬率徒衆奔走拯護，素服廟哭，蔬食百日，如居喪儀。及朝廷命官修建，公雖不預經費，與其弟贊畫爲多。工且就而東莊卒，公哀痛頓劇。凡喪事舉爲綜治，始以憂忤致疾。比聞韶承召襲爵，時新廟已成，既禮奠歸，陳所賜勅及縣服玉帶、金幣諸物于庭。公曰：「此吾祖之澤，聖天子之賜也。汝慎守之。」巡撫都御史而下皆來會，公力疾迎款，乃益劇。比終不亂。公孝敬天至，太夫人疾，必跪進湯藥。居喪骨立。與東莊友愛殊篤，凡田廬財穀，未嘗以盈虧介意。東莊間語歸爵，輒曰：「吾以少爲群下所誤，今吾子未壯，安可遽及此。」人兩賢之。家居三十餘年，每對客談詠，略不及功利事。其爲人內朗外達，抱謙秉直，見者無不意滿。睦處宗族，厚遇鄰里，子雖甚愛，不廢譴訶。聞韶始受命，公卿大夫士皆稱其靜重簡默，足承世澤。方規事公府，卽減佃夫廬戶額外供億，及代耕牛種，請免孔氏墾貨官通議積穀以贍族之貧者，皆公教也。於是族里懽動，



益翁然稱其爲賢而公遽不幸以歿。噫！天何厄之人而伸之未竟，且速其奪如此哉！聞韶以訃請於朝，上遣官賜祭，命有司治葬事。以閏四月朔日，啓李夫人之殯而合葬焉。李公之元配太師文達公女也。繼熊氏，兗州護衛百戶禎之孫。再繼袁氏，山東按察司副使端之女。其次室江氏，爲濟寧衛指揮僉事耘之孫。子七，聞韶其長。次聞禮、聞善、聞義、聞政、聞忠、聞孝。女五，長適濟寧衛指揮鄆王之子祐，次適贈太保尹恭簡公之孫中書舍人繼祖。銘曰：維嶽在東，聖靈所鍾。國有元祀，家有大宗。越在先朝，茂膺顯封。我冠長裾，綽有祖風。中更事端，遵晦養蒙。優游桑榆，命服在躬。胄子既爵，新廟既宮。物虛則盈，數變則通。周旋其間，善始令終。林以是姓，墓以穆從。龜筮既吉，子孫其逢。於昭恤恩，一代兩公。我銘雖殊，於義則同。死者可作，生無怍容。後百千禎，庶其知公。

節婦孔媛傳誌

進士劉子鍾撰

孔氏媛名，德卿其字，世爲曲阜人。宿州分教諭之仲女，宣聖五十八世孫也。生而性姿聰麗，女工經史，無所不通。年十八，爲之擇婿，得同邑王綸歸之。入其門，孝敬和順，內外親屬稱譽之無間。前二載，未有出而綸忽感時

疫，沉綿危殆。乃謂媛曰：「吾死不恨，第汝年幼無依，吾且不能瞑於地下。媛曰：生則同室，死則同穴，君無吾恨，我必不負於君也。」已而綸歿，媛抱綸尸一號，痛頓絕。起而再甦，復自縊於綸所。姑最愛媛，見而急持救之，得不死。泣謂之曰：「吾兒之死，病不獲已，吾痛之已不可忍，汝何苦欲往從之，俾我痛復加痛。汝何不念我之衰老，至是叩媛哽咽而訴云：妾已許之，豈可食言。默知其求死不能，無可奈何，卽不飲食語言，昏昏然如醉如夢，以待盡。既數月，亦不能卽死。姑密令家人輩更相防守，且多方開慰勸誘之。媛計莫遂，乃飲食語言如常。綸葬有日，媛亦經營當爲事。家人輩謂其心悔，無事於防守也。明日常發引，其夕媛經於室。比曉，有事者各職其事，姑訝媛不在側，呼亦不應。語家人輩扶尸而視之，死已久矣。其貌猶如生。姑親裝歛之，與綸同殯以葬焉。時年二十一。成化癸巳秋七月之十一日也。嗚呼！自藝倫之不明，人皆不知死節者之可尙，而有識者無不爲之憤扼而健羨也。會媛之族叔說者，知媛之始末爲甚詳，將撫實容啓於邑大夫，轉而聞於朝，俟其旌表宅里，爲世楷範，以厲風俗，垂芳於無窮。則是媛之死，雖一世之短，乃萬世之長也。嗚呼媛乎，媛不負於天，天肯負於媛乎。嗚呼媛

乎。

襲封衍聖公成庵孔公墓誌銘

特進光祿大夫柱國少師兼太子太師吏部尚書謹  
身殿大學士嚴 嵩撰

先聖孔子修明帝王之道以詔後世。由漢以來世主既  
崇祀之又爵其裔孫一人使主祀事曰褒成奉聖文宣  
代然其稱至宋始封衍聖公然猶兼領他職或止署爲  
郎其秩祿上公品高位重專宅闕里以恭奉廟祀惟我  
朝之制爲然其所以崇寵之者視前代爲至弘治末衍  
聖公弘緒以疾請代於是成庵公以世嫡承襲公諱聞  
韶字知德宣聖六十二代孫也年弱冠召至闕下美風  
儀孝宗皇帝而賜玉帶麒麟服人咸榮之時少傅西涯  
李公名重海內登公于門歸以其子一時傾動朝宇有  
冰玉之稱焉正德改元視學召公爲分奠官命坐焚倫  
堂聽講賜茶仍賜宴禮部賜衣帶寶鑑丁卯入賀賜御  
製題文詩庚午復入賀屬疾命醫診視命中官頒賜上  
尊珍饌夫人以歸寧卒於京邸詔遣官諭祭驛歸其喪  
賻給甚厚皇上兩視學皆驛召公觀禮而常暇外加賜  
金織麒麟緋服一襲及冠帶各一以示優異公每值萬  
壽聖節則奉表入賀比歲患疾艱于拜起然尤力勉以

來甲辰復來上親旨慰之免其朝賀踰年疾遂殆卒于  
家嘉靖丙午之二月十一日也訃聞詔賜祭葬如例公  
生成化壬寅八月十八日享年六十有五元配李故相  
文正公之女繼配衛宣城伯璋之女封皆夫人男子二  
人長曰貞幹今襲封衍聖公次貞寧五經博士女子一  
人許聘尚書李公延相子孝元孫男一尙賢孫女二公  
性質敦重不苟言笑識達世故施于有政厥績爲多常  
請蠲孔氏祭田租詔從之尼山洙泗二書院各設學錄  
一員典教事鄉故有子思子祠特授公弟聞禮爲翰林  
院五經博士世其職使主祀事皆從公之請也闕里故  
有志殘缺請于文正公幃之以成鉅典流賊之多疏請  
城闕里而遷曲阜縣創義倉以歲給三氏子孫之貧者  
事繼母袁夫人及生母江以孝稱居喪一準禮制而友  
愛其五弟尤至弟皆先卒撫其孤如子敬禮士大夫來  
謁闕里者皆款接盡權焉將以明年四月三日葬孔林  
家塾之次貞幹等屬子銘銘曰維孔有家寔肇洙泗聖  
有遺澤施于世世崇德象賢繼祖攸嗣爵之上公粵我  
明制洵美成公宗聖主祀溫溫其恭淑慎爾止歲朝京  
師固有愆禮享有牲醴居有賜第都人來觀宣聖之裔  
曷不復來蓋云其逝皇有具恩軫卹彌至焯德贊休刻





銘以誌。

衍聖公可亭孔公墓誌銘

特進光祿大夫柱國少師兼太子太師吏部尚書華蓋殿大學士嚴嵩撰

嘉靖丙辰、衍聖公以入賀萬壽來京師。先是已遭疾、久未愈。時秋暑蘊隆、或勸之可疏勿行。公曰、其可愛身而忘君乎。乃携其家嗣尚賢以隨、力疾前進。至則未及拜慶、疾增劇。以八月八日卒于賜第正寢。上聞驚悼、詔問政疾何由、殯何亟也。命禮卿臨祭、凡祭九壇。卽命尚賢嗣其爵、給驛扶柩以還。遣行人何燧護送。尚賢年方稱、勅山東撫按諭孔氏族人善視之、否治罪。皇上崇念聖裔、恩禮優至如此。公先師孔子六十三世孫、諱貞幹、字用濟、可亭其號也。祖諱弘緒、考諱聞韶、俱襲封衍聖公。祖妣李氏、太師文達公女。前妣李氏、太師文正公女。今母衛氏、宣城伯璋之女。俱封夫人。公歷世外內、賢矩相成、茂哲夙就、動容率禮。頃上疏言族屬繁、家範日弛、往往違度于紀、無以仰稱朝廷崇重至意。上特賜勅、命公督率族長管束、而重戒其不率者。君子謂公得正家之法、平居慎默而和易、遇賢士大夫、執禮恭甚。雖被爵上公、循循如儒生、可謂不忝于大聖之後者矣。生正德

已卯十一月七日得年僅三十有八。元配張夫人先卒。茲葬與公合。子男一，卽尙賢，聘吾子之長女。女一，許聘翰林檢討梁紹儒子。卜以明年二月十八日葬公于孔林祖塋之次。尙賢以梁君所爲狀，來請予銘。予與先成庵公及公兩世雅相契好，以子求婚，遂許聘焉。成庵之葬，予旣銘之矣。茲甫數年，而銘其兩世，能無悲乎。然奚忍弗銘。銘曰：恭以致其身，匪忝乎臣義，以正其家人。匪曜乎親，胡弗永其齡。嗟乎可亭，其生也順事而沒以寧。諡贈太子太傅襲封衍聖公龍字孔公暨配張氏合葬墓誌

詹事府少詹事兼翰林院侍讀學士姚希孟撰  
山頽木壞而後趨庭之教爰及文孫。迨子上子高子順  
子魚之屬抱厥心矩守而弗替。所謂洙泗之間斷斷如  
也。漢高帝封子魚之弟騰爲奉祀君。其子忠爲褒成侯。  
然以博士世不世侯。至孔次儒以大中大夫授太子經。  
爵關內侯。侯關內三世。仍褒成。後復爲褒亭。至奉聖。崇  
聖。紹聖。褒聖。代有互更。周大象二年。稱鄴國公。唐玄宗  
仍其公號。而彖曰文宣。其稱衍聖公。則宋至和二年封  
宗愿始也。繇宋迄今無改。其世爵而賢者。漢有均。六朝  
有鮮有秉。六季有仁玉。宋有宜。金元有總。有思。勝。岡。





有克堅、歷官禁近、至國子祭酒。我高皇帝待以三恪禮、子希學首朝京師、蒙顧問、自希學入傳而至公、先聖六十四世孫也、諱尚賢、字象之、別號龍宇、父貞幹、母張氏、感異夢生公、生即敏慧、沈覽經史、輒成誦、於昏定省、準內則行之世廟三十五年、襲公爵、居恒自矢、遠不負祖訓、上不負國恩、下不負所學、累朝祿賜擬於微侯、而違違屏去聲色、澹若寒燠、與人交、推誠待之、情恕理遣、多長者之風、事三朝、兩遇臨雍盛典、皆以特召至、領奉璋裘、錢之班、神宗嘗諭侍臣曰、此聖人後也、當賓禮遇之、命坐賜茶、纓紳交美焉、留京師賜第、不聽、歸、惟杜門讀書而已、腹笥該洽、叩之若鏘鐘、朝章國憲、當事者時一取衷焉、研思聖學、以明明德為宗、每語人曰、心體本自湛然、習氣蒙之、憧憧四出、惟以明還明、明若初體、則學之能事畢矣、外而事業、千流萬派、總發源於此、暢其旨者、惟王文成、其曰無善無惡、心之體、本無不明也、有善有惡、意之動、明或流於不明也、知善知惡是良知、明自常明也、為善去惡是格物、以明還明也、聞者為之憬悟、於戲、此豈徒衣租食稅、守先世丞官、而於見聞之統、茫無津梁者哉、余考先聖之後、以旁系元宗者、風概有文舉、淹雅有德璋、至唐之憲公、為貞觀名臣、圖像凌門

國學士正色立朝、人主嘉其忠、一則因乘輿幸學、講孝經、上釋奠頌、一則治亮三年、化被齊魯、斯文未喪、職在後人、皆能發五德之光、壯兩楹之色、若慕効貂冠、蟬翼、與五侯七貴、豪侈相高、出而驕夸踴躍、擊鮮陳伎、居然魏其平陽也、入而驕夸組豆、問誰氏之子孫、有不局然汗浹、愧入地之無從哉、如公者、其於美疇室與、未知何如、然能讀其遺書、尋瞻光隙采、以仰承中天之照、則凡聖德遐蔭、天寵昭衷、庶幾富之無慙乎、公以天啓元年十一月二十四日、歿於邸第、距其生為嘉靖甲辰年七月初二日、得壽七十有八、訃聞、上予祭九壇、益以闕喪一壇、遣禮部尚書蒞事、中書舍人護靈輜、行人董鼎域、榮哀備焉、公始娶嚴氏、繼張氏、子二人、皆張氏出、長胤、積欽、賜冠帶、未幾爵而卒、聘殷氏、次胤、桂、翰林院五經博士、亦先卒、聘王氏、今以從弟之子胤、植為後、襲封衍聖公、女二人、長適泰興王長子、次適東原王長子、襲公爵者、卜以崇禎四年六月十二日、奉張夫人柩、與公合葬於孔林之次、而走書屬銘、余為銘曰、聖道輝輝、麗日月、子孫千姓、紛羅列、何必一氏、稱後哲、統成先世、稽宗祏、明種代、守欽、獨製、以茲累代、其來接、三恪不與、群工、頌、簪裾、罔敢相踰越、更老之、席芳醴、設爰恩、得姓、區

類別。至聖苗裔尊無垓。獨有真性洪濤結。此情直與三才揭。魄藏旁髣成焉幾。棺槨陰森護丹穴。神何遊今朝。帝闕更有紹庭宜降陟。

贈衍聖公震寰孔公墓誌銘

吏科給事中宋鳴梧撰

謹按狀公諱胤椿字懋齡。震寰別號也。至聖六十五世玄孫。父龍字翁。襲封衍聖公。母張氏。封夫人。公兄弟二人。公居長。次公早逝。公生時。龍翁甫弱冠。公生而岐嶷。顧視非常。龍翁眷愛特異。時驚掌上之珍。幼卽日爲天下士。稍長。遂恒置之膝下。耳提面命。無異當年過庭訓也。以是一超一步。居然孔氏家法。雖產神明世曹家。而統緒中曾不異菴萊寒素。抑且神情朗朗。晉大夫百間屋。刷次汪汪。黃叔度萬頃波。居常不苟言笑。一遇文人墨士。可與語者。遂鼓頰而前。刺刺不休。真是語言妙天下。世罕儔匹。公及壯。而龍翁已期頤矣。翁以歲觀聖壽。仰于跋涉。適會朝命欽留。因居都下。不克歸。于是鳴公恪守廟林。清修祀事。公一一是遵。不疎毫髮。禴祀承嘗。無弗舉。舉之而下。吉卜滋種。不違舊式。亦卽以龍翁之所以事先者而事之。而倍加忠慎。豈非詩之所謂君子有孝子。孝子不置者乎。龍翁愛其類已。因比當朝賦

咏。奏請欽依冠服長子。騎袍犀帶。親攝族屬。公念龍翁遠仕京師。日日差人省候。曾不旋踵。蓋不異家庭間視時也。四時供飲弗缺。禮盛特異。蓋不異家庭服養時也。此亦豈故備之也哉。而純孝是其天性云。時遭龍翁督過。不變憂栗。愈加恪慎。乃先聖所謂勞而不怨者。非乎。族中有冠者。緝者。喪不能舉者。公一一資助。不遺餘力。族人賴之。舉火無慮數十家。而河間何喬九里哉。其弟博士公早逝。尙遺弱息二人。公撫摩鞠育。愛如已出。及笄。爲之相攸。幾遍齊魯。尋乃一字泰興王長子。一字東原王長子。辦治裝資。各踰萬金。且于弟之長逝時。飲血數斗。痛不欲生。而友愛之篤。有如此者。後于萬曆四十七年。省親京師。承顏怡志。朝夕靡寧。卒至奄奄成病。抱病歸里。行到直隸青縣官署中。瀝瀝朝露。嗚呼痛哉。公生于隆慶五年八月初八日。卒于萬曆四十七年十月初九日。享年四十九歲。元配武英殿大學士殷公士儻女。無山。天啓五年。太子太傅襲封衍聖公孔胤植以兄早卒。未襲公爵。奏請蒙嘉宗皇帝勅。贈衍聖公。殷氏誥封衍聖公夫人。公居闕里。余居蘭陵。雞犬相望。雖相接也。余且少侍公函丈。時聆聲咳。其弟對賓公。又與余同拜丹墀。共伏青蒲。數載矣。然亦何啻累世通家乎。知

公詳乃借為誌而銘之。銘曰：斯文蔡蕪，千有餘言。公繼聖裔，克紹厥傳。心體躬行，立德立言。哲人再作，有光杏壇。洋洋泆水，鬱鬱尼山。佳城永奠，實此玄泉。

皇清光緒大夫少保兼太子太保襲封衍聖公輔垣孔公墓誌銘

賜進士出身光祿大夫太子太保工部尚書內弘文院大學士李 蔚撰

上御極之八載，肇舉臨雍之典。先是，命禮部遣行人司

陳諱調元秉傳，召今嗣封衍聖公率四氏族觀禮來京。師涓吉四月之望，駕幸國子監擇奠先師。禮成，

上顧嗣公韶年秀發，召近御輟詢家世，奏對稱旨。退

而宴勞錫賚，視故事加等。嗣公既感荷異數，益思彰顯

先德，仰繩祖武。以尊考輔垣公之未塋也，手狀行事，介

其嫺家學士繡紫張君甸銘于予，因謝不獲命，乃括其

概而誌之曰：公諱興燮，字調五，輔垣其別號也。先師六

十六代孫。考曰對寰公，母曰陶夫人。公生十二齡而孤，

以順治五年襲封衍聖公。以順治七年加太子太保，以

順治八年加少保，兼太子太保。以順治十三年，遇

恩授階光祿大夫，錫誥如制。以康熙六年丁未十一

月十四日卒，距生丙子二月十一日，得壽三十有二。當

順治中。

世祖章皇帝崇儒重道，恒以表章聖賢為念。而於其後人尤隆眷注。故公每入覲，必荷召見，燕從容，俾獲展



儒藏

對揚之蓋。復飭秩宗凡典例所載宴享餽牽之儀俾所司供之必豐潔以爲常。又溫綸時下期以提躬率族循禮急公爲聖牒華胄光所以獎訓而風厲之者甚厚。公亦克自勵以承恩眷。當時治尚精明綱舉目張群下惴惴而公以小心謹畏聞終帝之世寵靈無替良有以也。

今上卽位公歲時入賀蒙優禮如曩時。無何嬰疾不起計聞天子軫悼敕宗伯議卹典遣官諭祭造葬一准彝章遠邇榮之。狀稱公幼而穎敏不凡稍長受經學不以世胄自驕貴有磨礱深湛之志執對宸公喪易戚中禮事陶太夫人曲盡色養睦族敦倫振乏絕造人才戒休董威井井有緒飭宗文東藏獲身以恭儉先之威範於軌物率由祖訓而加詳焉蓋其素履之善如此嗚呼公以聖胄著賢聲中道不祿殄瘁之嘆豈惟士林哉公元配一品夫人馮氏爲原任太保兼太子太師中和殿內秘書院大學士涿鹿公諱銓長男荊州總兵官都督同知諱源淮女繼呂氏待封一品太夫人爲故明工部左侍郎諱鳴珂之孫大理寺卿諱邦耀姪女官廕諱邦燭女子三長饒圻襲封衍聖公轉故總督直隸山東河南等處兵部尚書兼右副都御史張公諱銓女。


次毓均應襲內弘文院五經博士未聘俱呂出。次毓埏應襲大常寺博士未聘別室張出。女三一字內國史院學士張公諱士甄男光緒一字禮部尚書沙公諱澄男汝洛俱呂出。一幼未字張出。卜以康熙八年九月初三日薨于祖塋之兆次。銘曰君恩如天聖澤如淵以拓以綿幾閱千春堂構彌新績成維人輔垣承之躬遇昌期天休日滋恩以宣猷孝以無憂百祿是道五等旣崇弘化法宮物望攸同嘉謨布敷方壯而殂士失楷模朝典煒煌榮哀雋彰下賁幽藏大行大名埋石佳城以永厥聲。

關里廣誌跋

關里有志自明學憲陳錦始。康熙癸丑，樂承典籍兩宋君重修，凡二十卷。書成示予，予以作志之由。李文正公詳言之，修志之功，諸先生又序之矣。予將何言乎？雖然，追維先聖刪訂六經，憲章祖述，皆以往行見之躬修，非徒記錄舊事云爾也。夫栴栴笏履，見者或生愾歎。詩歌書詔，聞者或至感泣。況至聖遺言，神明舊蹟，宗祊格降，朝夕在前，而可不震動格共，動懷趾武乎？首列圖像，使見者莫不肅然起敬。夫祖孫一氣，精神感通，試就論語所云溫而厲，威而不猛，恭而安，中中如天，天如也，而思其居處笑語，飲食嗜好，衣冠劍佩，動靜聲容，且暮凝注，心目顛頓，則明禋拜起之際，必有彷彿于見聞者。緩我思成，聖經所載，必有勝于圖像者也。家世之美，開闢以來，惟關里矣。夫以契之聖，而成湯復起焉，以成湯之聖，而夫子復起焉，各殫厥心，不踐故轍，天地精英，罔聽人自取爾。至聖之德，良難企及，然如安國、穎達之經學，雍融、果父之風節，道輔、文仲之伉直，照耀國史，卓然自立，遠條萬計，聽教必多。縱不敢望聖人，而學爲安國、穎達，諸君子亦人事之可至者也。若夫禮樂之感，土田之，爵位之崇，錫賚之渥，淵源遠流，則恩何以報祖宗。

蒼庶書核，則思何以報國恩。展誌而讀之，掩卷而思之，如向父冊書，銘于几席，無恤簡策，出自懷袖，而後至聖著述之義明，修誌之舉爲可貴也。若以謂閱之崇高，識果朝之成典，規矚耳目，昭示遐邇，則百夫之長亦紀功次，一命之吏亦有誥詞，詎謂大聖之後，而所尙止此歟，必不然矣。

康熙癸丑清和月，內閣中書舍人雲間錢芳標拜題於京邸之紅藥軒。



校記

①缺字，雍正《山東通志》卷三五之二〇作「素于」。

②缺字及「祠」字，右引作「不共覺鼓戰」。

③無：右引作「典」，是。

④缺字，右引作「載芟載」。

⑤缺字，右引作「叩高德音摩」。

⑥缺字，右引作「俾」。

⑦缺字，右引作「聞」。

⑧缺字，右引作「匪懈」。

⑨缺字，右引作「撫」。

⑩缺字，右引作「夷」。

⑪缺字，右引作「疾不復」。

⑫穀：《隸釋》卷八、《金薤琳琅》卷四、《東漢文紀》

卷二九諸書均作「穀」。

⑬傳：《金薤琳琅》卷四作「博」。

⑭一：《孔氏祖庭廣記》卷一二作「陵」。

⑮需：《祖庭廣記》作「懦」。

⑯使：當衍，見《五百家注昌黎文集》卷三三。

⑰自其：當衍，見《昌黎文集》。

⑱河內：當倒，見《臨川文集》卷九一。

⑲詮：當作「銓」。下同。

⑳親：當作「新」。

㉑正：疑當作「止」。

㉒製：當作「制」。

㉓言：當作「年」。

# 闕里文獻考

清乾隆刻本

清·孔繼汾撰



《闕里文獻考》一百卷，清孔繼汾撰，清乾隆刻本。繼汾（一七二一——一七八六）字體儀，號止堂，山東曲阜人，孔子六十九代孫，衍聖公孔傳鐸第四子。自幼博聞強記，淹通經史。乾隆三年貢生，十二年舉人。十三年，乾隆皇帝初幸曲阜祭孔，繼汾引駕，并講《中庸》稱旨，授內閣中書舍人。後任軍機處行走，戶部主事。十九年，被命隨軍籌餉。不久告假。繼汾通悉歷朝掌故及典章制度，於乾隆二十七年撰成《闕里文獻考》一百卷。同年又編《孔氏家儀》，因所述服制與《大清會典》不符，被人告發，發往伊犁充當苦差。經次子孔廣森多方營救，中途赦還。因不願家居，南游杭州，客居友人梁同書家。乾隆五十一年卒。著作尚有《樂舞全譜》二卷，《劄儀糾繆集》三卷，《行餘詩草》（附詞）二卷，《喪祭儀節》、《嫡系小譜》十卷，校刻《文獻通考序》一卷。

孔氏家乘，前有《孔叢》、《家語》諸書，後有《孔子實錄》、《孔庭纂要》、《素王事紀》、《世家譜》、《東家雜記》、《祖庭廣記》、《聖門志》、《孔門僉載》等書，記錄闕里故實。然或缺佚而不傳，或蕪雜而不精。明弘治年間，陳鎬始哀集舊聞，著為《闕里志》，綱舉目張，事迹粗備。然考據不精，去取失當。其後雖有增輯，但止綴述恩蔭，更雜以簿書文章，而於前人紕繆繁漏之失，未有匡正。康熙中，曾別纂新志，一變舊志體例，頗有所增益。但蕪雜附會，所失更多。乾隆九年春，孔氏大修譜牒，繼汾參與其事。故事：修譜畢，即增輯志書。而繼汾在苒宦途，未成厥事。後告假家居，方整理舊稿，剪蕪穢，刊謬誤，增加近年諸典制，歷時十六年，於乾隆二十六年秋始克成書。

書分十六門，共一百卷。《世系考》述姓源、世系、年譜，《林廟考》述曲阜孔廟聖林、聖廟及書院，《祀典考》述漢唐以來封謚、配享以及祭典，《世爵職官考》述孔廟奉祀職事，《禮考》、《樂考》則備述祭祀禮樂儀式，《戶田考》則考述孔廟戶役、祭田沿革，《學校考》述闕里建學沿革，《城邑山川考》述闕里周圍山川形勝，《宗譜考》述孔氏族譜，《孔氏著述考》、《藝文考》述孔氏子孫著述文章，《聖門弟子考》、《從祀賢儒考》述孔門弟子及先賢先儒事蹟，《子孫著聞者考》則考述孔氏子孫有聞於世者之事蹟，後列《叙考》一門，撮述著書緣由及全書內容。該書體制嚴整，內容翔實，於孔氏家族志中堪稱上乘之作。對孔氏家族人物、世系、林廟沿革、祀典變遷、孔廟禮樂、孔氏著述以及從祀、配享人物皆羅列詳盡，類別門分，剔繁辨誤，考訂精核。言不越七十萬，而二千三百餘年之事，粲然大備。其資料得自孔氏家藏，又加辨析考覈者甚多，可補正其他史志之闕誤。

闕里文獻考序

余每讀家乘至孔嚴通鑑之篇未嘗不廢書而歎也先聖文章道德備於六經散見於百家傳記而論次於史記世家載籍極博固無事我一家之私述爲也惟歷世久遠上下子家而下顧瞻不常至如敦尙儒術代有褒崇而史志詳略異裁非貫串而會通之亦曷見典章之因革則是志乘之作又當與史兼行而不可忽者我家自連葉而後述者罕聞迄南宋時東家雜記之書始出然而已略廣記愈載又病其繁厥後有新舊兩志復祖廣記考據尤失精核且舊志作于前明新志成於康熙丁丑如我

世宗憲皇帝之事新纂廟謚我皇上之履降乘輿未經恭述余竊懼焉不遑宣處久欲就書訂正而益

以

國朝之洋洋美典用備故實貽來者顧年渾學疎因循未逮近得叔祖止堂公闕里文獻考書成類別門分雖繁辨謬言不越六十萬而二千三百餘年之事燦然大備不曰志而曰考要之志亦不外文獻卽馬氏之體裁補龍門之闕佚於以成一家言追蹤二遺貢有賴焉爰亟請付之剞劂以公海內食

聖駕南巡

回駐闕里入遺祠觀禮器

垂詢夫子墓及履所在謹按發藏丹書本出謠緯之說且相傳已埋瘞至孔子履於晉咸康中燬於武庫然水經注云孔子廟藏素所乘車及几席創履其於何時遂入武庫抑卽此履與否書缺有間竟不知所對因念前之人有隨時筆之於書如是編者則遺物雖湮寧至漫無記憶若此益以見是編之不可少也爰裝潢進呈御覽凡敷奏所未悉者皆藉以稍塞厥咎并序於篇首俾後之子孫幸勿銷槩無忘紹續卽以此書示之權輿也夫

乾隆二十七年歲次壬午仲夏上澣孔子七十一代孫光祿大夫襲封衍聖公昭煥謹序



儒藏

進書摺子

襲封衍聖公臣孔昭煥謹

奏為恭進家乘仰祈

睿鑒事竊惟我

朝重道尊師邁越千古恭遇我

皇上翠華屢幸典禮聿昭異數殊榮有加無已

鉅製鴻儀臣家均宜紀述伏查闕里舊志成自前明記載未能詳備近

經臣叔祖原任戶部主事臣孔繼汾纂輯闕里文獻考一百卷分列

條目採綴成編凡我

列聖洎我

皇上彪炳古今之典昭回雲漢之文敬謹備錄垂示萬年而於舊志訛

舛之處亦略為訂正見已成書謹裝演進呈

御覽伏乞

睿裁訓示謹

奏乾隆二十七年五月十六日

奏進奉

旨聞覽欽此

關里文獻考卷首

勅授承德郎原任戶部廣西清吏司主事孔士六十九代孫繼汾敬述

目錄

卷一

世系考第一之一

至聖先師孔子姓源

卷二

世系考第一之二

至聖先師孔子年譜

卷三

世系考第一之三

二代及三代

卷四

世系考第一之四

四代至八代 附九代至十代以下諸宋公之墓

卷五

世系考第一之五

九代至二十六代

卷六

世系考第一之六

二十七代至四十二代

卷七

世系考第一之七

四十三代至四十七代

卷八

世系考第一之八

卷九

世系考第一之九

五十四代至六十四代

卷十

世系考第一之十

六十五代至七十一代

卷十一

林廟考第二之一

至聖林

卷十二

林廟考第二之二

至聖廟

卷十三

林廟考第二之三

尼山書院

聖澤書院

卷十四

祀典考第三之一

歷代洎我

朝褒崇先聖及諸賢之典

卷十五

祀典考第三之二

誦學之典

卷十六

祀典考第三之三

四十八代至五十三代

洙泗書院  
中庸書院

啓聖林



幸傳之典

卷十七

祀典考第三之四

遺告之典

卷十八

世爵職官考第四

衍聖公

太常寺博士

國子監學正

四氏學學錄

世襲六品官

林廟舉事

奎文閣典籍

守衛林廟百戶

掌書

奏差

附奉祀生

卷十九

禮考第五之一

闕里祭儀

卷二十

禮考第五之二

皇帝親祭還祭諸儀

卷二十一

禮考第五之三

釋奠舊儀

卷二十二

禮考第五之四

禮器

卷二十三

樂考第六之一

樂章

卷二十四

樂考第六之二

樂譜

卷二十五

樂考第六之三

樂器

卷二十六

戶田考第七

祀田

卷二十七

學校考第八之一

四氏學建置始末

卷二十八

學校考第八之二

徵辟

進士

副榜貢生

優貢生

歲貢生

卷二十九

林廟書院選掃各戶

隋以前科目

舉人

拔貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生

陪祀恩貢生



關里

文獻考

卷首

城邑山川考第九

曲阜縣形勢沿革

顏母山

尼山

防山

昌平山

洙水

泗水

卷三十

宗譜考第十

譜系源流

卷三十一

孔氏著述考第十一

經

子

集

卷三十二

藝文考第十二之一

聖製

卷三十三

藝文考第十二之二

碑文

卷三十四

藝文考第十二之三

記

卷三十五

藝文考第十二之四

序

卷三十六

藝文考第十二之五

跋

論

解

卷三十七

藝文考第十二之六

頌

卷三十八

藝文考第十二之七

贊

卷三十九

藝文考第十二之八

祭文

卷四十

藝文考第十二之九

賦

卷四十一

藝文考第十二之十

詩

卷四十二

聖門弟子考第十三

顏子回

冉子耕

宰子子

冉子求

言子偃

顓孫子師

澹臺子滅明

辯

考

冉子雍

端木子賜

仲子由

卜子商

曾子參

高子柴

閔子損

冉子雍

端木子賜

仲子由

卜子商

曾子參

高子柴

閔子損

冉子雍

端木子賜

仲子由

卜子商

曾子參

高子柴

閔子損

冉子雍

端木子賜

宓子不齊	樊子須
有子若	公西子赤
原子憲	公冶子長
南宮子适	公哲子哀
曾子點	顏子無繇
商子瞿	漆雕子開
公良子孺	秦子商
顏子高	司馬子耕
巫馬子施	梁子鱣
琴子牢	冉子孺
顏子辛	伯子虔
公孫子龍	曹子卬
陳子亢	叔仲子會
秦子祖	奚容子戚
公祖子句茲	廉子潔
公西子與如	平父子黑
公西子戚	壤駟子赤
冉子季	鄭子國
后子處	縣子亶
左人子郢	狄子黑
商子澤	任子不齊
榮子旂	顏子會
原子亢	公肩子定
秦子非	漆雕子徒父
燕子伋	公夏子首
句井子疆	步叔子乘

石作子蜀	邾子興
施子之常	申子根
樂子秋	顏子之僕
孔子忠	漆雕子步
縣子成	顏子祖
秦子冉	鄭子卑
顏子何	牧子皮
卷四十三	
從祀賢儒考第十四之二	
蓮子瑗	林子放
卷四十四	
從祀賢儒考第十四之三	
左邱子明	公羊子高
穀梁子赤	
卷四十五	
從祀賢儒考第十四之三	
孟子軻	樂正子克
公都子	萬子章
公孫子丑	
卷四十六	
從祀賢儒考第十四之四	
高堂生	伏子勝
毛子真	后子蒼
杜子子春	
卷四十七	
從祀賢儒考第十四之五	





董子仲舒

卷四十八

從祀賢儒考第十四之六

鄭子康成

卷四十九

從祀賢儒考第十四之七

諸葛子亮

卷五十

從祀賢儒考第十四之八

范子甯

卷五十一

從祀賢儒考第十四之九

王子通

卷五十二

從祀賢儒考第十四之十

韓子愈

卷五十三

從祀賢儒考第十四之十一

范子仲淹

卷五十四

從祀賢儒考第十四之十二

胡子瑗

邵子雍

卷五十五

從祀賢儒考第十四之十三

周子敦頤

卷五十六

從祀賢儒考第十四之十四

歐陽子修

卷五十七

從祀賢儒考第十四之十五

司馬子光

卷五十八

從祀賢儒考第十四之十六

程子珦

程子顥

程子頤

尹子淳

楊子時

羅子從彥

李子侗

卷五十九

從祀賢儒考第十四之十七

張子載

卷六十

從祀賢儒考第十四之十八

胡子安國

張子栻

卷六十一

從祀賢儒考第十四之十九

朱子松

朱子熹

蔡子元定

蔡子沆

黃子幹

陳子淳

何子基

王子柏

金子履祥

許子謙

卷六十二

從祀賢儒考第十四之二十

呂子祖謙

卷六十三

從祀賢儒考第十四之三十一

陸子九淵

卷六十四

從祀賢儒考第十四之三十二

真子德秀

魏子了翁

卷六十五

從祀賢儒考第十四之三十三

陳子結

卷六十六

從祀賢儒考第十四之三十四

趙子復

許子衡

卷六十七

從祀賢儒考第十四之三十五

吳子澄

卷六十八

從祀賢儒考第十四之三十六

薛子瑄

卷六十九

從祀賢儒考第十四之三十七

陳子獻章

蔡子清

王子守仁

卷七十

從祀賢儒考第十四之三十八

胡子居仁

羅子欽順

卷七十一

從祀賢儒考第十四之三十九

陸子隴其

卷七十二

從祀賢儒考第十四之四十

荀子况

劉子向

戴子聖

楊子雄

鄭子眾

賈子達

馬子融

盧子植

何子休

服子虔

王子肅

王子弼

杜子預

卷七十三

子孫著聞者考第十五之一

聞禮

毓堃

傅鈺

彥繩

承寅

卷七十四

子孫著聞者考第十五之二

蕭

元龍

涇

思楷

詮

卷七十五

子孫著聞者考第十五之三

助

宗翰

思逮

克欽



關里

關里文獻考 卷首

克仲	克中	希範	希永	譔	變	公鑑	公珏	承夏	宏復	閻簡	貞堪	貞叢	尙愉	卷七十六	子孫著聞者考第十五之四	克晏	克晏	論	公瑱	貞燦	卷七十七	子孫著聞者考第十五之五	信	尙任	卷七十八	子孫著聞者考第十五之六	安國	子孫著聞者考第十五之六	奇	豐	長彥	穎達	卷七十九	子孫著聞者考第十五之七	光	扶	緯	貞運	卷八十	子孫著聞者考第十五之八
----	----	----	----	---	---	----	----	----	----	----	----	----	----	------	-------------	----	----	---	----	----	------	-------------	---	----	------	-------------	----	-------------	---	---	----	----	------	-------------	---	---	---	----	-----	-------------

興	馱	敏行	文仲	思立	卷八十一	子孫著聞者考第十五之九	休源	玳	卷八十二	子孫著聞者考第十五之十	融	卷八十三	子孫著聞者考第十五之十一	愉	汪	國	卷八十四	子孫著聞者考第十五之十二	坦	嚴	卷八十五	子孫著聞者考第十五之十三	琳	現	卷八十六	子孫著聞者考第十五之十四	巢父	勛	卷八十七
---	---	----	----	----	------	-------------	----	---	------	-------------	---	------	--------------	---	---	---	------	--------------	---	---	------	--------------	---	---	------	--------------	----	---	------

子孫著聞者考第十五之十五

承恭 公恂

卷八十八

子孫著聞者考第十五之十六

奮父子孫 奕子孫 昌子孫

賢 括

端隱 克慧

元敬 闕定

彥祿 尙斌

貞瑄 尙惇

尙銑 興詢

與詢

卷八十九

子孫著聞者考第十五之十七

宙子孫著聞者

卷九十

子孫著聞者考第十五之十八

靖 靈符

秀之 延之

傳 公才

彥綸 尙則

卷九十一

子孫著聞者考第十五之十九

德紹 宗旦

文甫 檜

承浦 闕籍

貞璞子尙和尙

衍儔

卷九十二

子孫著聞者考第十五之二十

褒 蘊

彥輔子漢英 聖聰

旼 士份

貞稔 衍劭

衍樟 衍球

衍佳 興永

卷九十三

子孫著聞者考第十五之二十一

祇 公怡

宏蘊 聞舉

聞阜 貞璠

尙果

卷九十四

子孫著聞者考第十五之二十二

衍宗人夷吾 稚珪父靈

紹安弟紹新 季翊

若思弟若仲 至

武仲 平仲

滋從弟滋源宗人伯元伯連伯元子 端甫

之載子均 思齋

諤 公恪

彥倅五世祖恩友 承侗父志遠從弟承份承份子承楚



關里

關里文獻考

卷首

宏韻

聞詩

貞時

尙耳

衍斌

卷九十五

子孫著聞者考第十五之二十三

立

元

建

昱

羣

述審

卷九十六

子孫著聞者考第十五之二十四

淳之

沉

昭

道微

元演

公鞠

貞灼

貞時

卷九十七

子孫著聞者考第十五之二十五

熙先

範

卷九十八

子孫著聞者考第十五之二十六

孔氏在仕籍者

卷九十九

子孫著聞者考第十五之二十七

孔氏列女

卷一百

敘考第十六

自敘

卷末

附識

辨論

關里文獻考卷首終

關里文獻考卷一

世系第一之一

至聖先師孔子諱丘字仲尼本姓子氏殷之裔也昔黃帝二十五子其得姓者十四人元覽得姓已氏元覽及子蟠極皆不得在位至孫帝嚳承顓頊有天下是為高辛氏契帝嚳子也佐禹治水有功舜命為司徒敷五教封於商賜姓子氏契卒子昭明立昭明卒子相土立相土卒子昌若立昌若卒子曹國立曹國卒子冥立冥卒子振立振卒子微立微字上甲其母以甲日生故也商家生子以日為字蓋自微始微卒子報丁立報丁卒子報乙立報乙卒子報丙立報丙卒子主壬立主壬卒子主癸立主癸卒子天乙立天乙名履伐夏有天下國號商是為成湯湯太子太丁之子太甲克修祖德廟號太宗太甲生太庚太庚生太戊太戊廟號中宗生河亶甲河亶甲生祖乙祖乙生祖辛祖辛生祖丁祖丁生小乙小乙生武丁武丁廟號高宗生祖甲祖甲生庚丁庚丁生武乙武乙生太丁太丁生帝乙帝乙子微子啓次子微仲衍一名泄皆以母賤不得嗣少子帝辛名受母正后也於是帝乙崩帝辛立帝辛暴虐無道天下謂之曰紂為周所滅武王既克商封紂子武庚以續殷祀使管叔蔡叔霍叔監之成王之世管叔以武庚畔周公誅之乃命微子代殷後奉其先祀國於宋初太庚之立本繼兄沃丁太戊則繼兄小甲雍已河亶甲則繼兄仲丁外壬小乙則繼兄陽甲盤庚小辛祖甲則繼兄祖庚庚丁則繼兄廩辛祖辛之崩實立其弟沃甲沃甲崩乃立祖丁而祖丁之崩則又立沃甲之子南庚迨南庚崩乃立陽甲蓋兄弟相及殷之禮也是以微子嫡子死亦舍其孫膺而立微仲微仲卒子宋公稽立宋公稽卒子丁公申立丁公申卒子湣公共立湣公共卒弟煬公熙立煬公即位湣公子鮒祀之以讓兄弗父何弗父湣公嫡子也辭弗受鮒祀乃自立是為厲公弗父生周周生世父勝世父生正考父世為宋大夫考

父歷佐戴武宣三公以恭著稱初宋為周恪統承先王得用商家禮樂其後政衰商之禮樂日以放失戴公時考父得商頌十二篇於周大師歸以祀其先王焉考父生孔父嘉自弗父至孔父五世親盡當別為公族乃以字為孔氏宣公有太子與夷及病讓其弟和曰父死子繼兄死弟及天下通義也我其立和和亦三讓而受之宣公卒和立為穆公於是孔父為大司馬穆公疾召孔父曰先君舍與夷而立寡人寡人弗敢忘若以大夫之靈得保首領以沒先君若問與夷其將何辭以對請子奉之以主社稷寡人雖死亦無悔焉孔父曰羣臣願奉焉也穆公曰不可先君以寡人為賢使主社稷若棄德不讓是廢先君之舉豈曰能賢光昭先君之令德可不務乎吾子其無廢先君之功使公子馮出居於鄭穆公卒與夷立是為殤公其後諸侯數來侵宋殤公在位十年而十一戰民不堪命太宰華督謀害孔父因民之不堪命先宣言曰司馬則然已乃殺孔父而弑殤公迎馮於鄭而立之孔父生木金父木金父生墨夷父或作祈父其子防叔畏華氏之逼而奔魯故孔氏為魯人防叔名字不可考嘗為魯防邑大夫後世因號防叔防叔生伯夏伯夏生叔梁紇叔梁紇魯為鄆邑大夫有勇力魯襄公十年魯人從晉伐偃陽偃陽人啓門諸侯之士門焉縣門發叔梁紇之以出門者孟獻子曰詩所謂有力如虎者也叔梁先娶於魯之施氏生女九人無男其妾生孟皮病足不任繼嗣叔梁曰雖有九女而無嫡是無子也乃求昏於顏氏顏氏有三女幼曰徵在顏父問三女曰鄰大夫雖父祖為卿士然先聖王之裔也今其身長九尺武力絕倫吾甚貪之雖年長性嚴不足為疑三子孰能為之妻二女莫對徵在進曰從父所制將何問焉父曰即爾能矣遂以妻之顏氏禱於尼邱之山生孔子孔子生而首上圩頂故因以命名及字云

述曰按祖庭廣記載顏氏禱於尼山升之谷草木之葉皆上起降之

谷草木之葉皆下垂。王子年拾遺記載孔子未生之先有麟吐玉書於闕里其文曰水精之子繼衰周而爲素王。顏氏異之以繡紱繫麟之角信宿而去。廣記又載先聖誕生之夕有二龍繞室五老降庭顏氏之房聞鈞天之樂空中有聲云天感生聖子故降以和樂之音夢珍巢又載徵在夜夢二蒼龍自天而下因生夫子有二神女擎香露於空中而來以沐浴之天帝下奏鈞天之樂列於顏氏之房空中有聲言天感生聖子故降以和樂笙鏞之音異於世俗夫怪異之說言不雅馴儒者所弗道然先聖殷人也殷之先元鳥降祥列在歌頌麟遊草附之事理或有之若夫吐玉書降五老奏天樂又感生聖子言出神人則愈出而愈怪荒誕不經其爲後人傳會無疑矣。

闕里文獻考卷一終



儒藏



闕里文獻考卷二

世系第一之二

至聖先師孔子魯襄公二十一年己酉冬十月二十一日庚子生蓋周靈王之二十年也。

三歲父叔梁紇葬魯防山之陰。

六歲爲兒嬉戲常陳俎豆設禮容。

八歲魯王崩子景王立。

十一歲魯襄公薨子野立立一月卒弟稠立是爲昭公。

十九歲娶於宋元官氏。

二十歲仕魯爲委吏子鯉生。

二十一歲爲乘田吏。

二十四歲母顏氏卒先聖曰古不耐葬爲不忍先死者之復見也然詩有云死則同穴周公以來已耐葬矣故衛人之耐離之以有間焉

魯人之耐也合之矣吾從魯吾聞古者墓而不墳今口東西南北之人也不可以弗識吾見封之若堂者矣見若坊者矣見若覆夏屋

者矣見若斧形者矣吾從斧形者焉於是封之崇四尺。

二十八歲鄭子來朝於魯叔孫昭子問焉曰少皞氏鳥名官何故也

鄭子曰吾祖也我知之昔者黃帝氏以雲紀故爲雲師而雲名炎帝

氏以火紀故爲火師而火名共工氏以水紀故爲水師而水名太皞

氏以龍紀故爲龍師而龍名我高祖少皞擊之立也鳳鳥適至故紀

於鳥爲鳥師而鳥名鳳鳥氏歷正也元鳥氏司分者也伯趙氏司至

者也青鳥氏司啓者也丹鳥氏司閉者也祝鳩氏司徒也鵙鳩氏司

馬也鴈鳩氏司空也爽鳩氏司寇也鵙鳩氏司事也五鳩鳩民者也

五雉爲五工正利器用正度量夷民者也九扈爲九農正扈民無淫

者也自顓頊以來不能紀遠乃紀於近爲民師而命以民事則不能

故也先聖聞之見於鄭子而學之既而告人曰吾聞之天子失官學

在四夷猶信先聖之鄉遭程子於塗傾蓋而語終日甚相親顧謂子路曰取束帛以贈先生子路屑然對曰由聞之士不中閒見女嫁無媒君子不以交禮也有聞又顧謂子路子路又對如初子曰由詩不云乎有美一人清揚婉兮邂逅相遇適我願兮今程子天下賢士也於斯不贈則終身不能見也小子行之

二十九歲學琴於師襄子十日不進師襄子曰可以益矣先聖曰口先聖已習其曲矣未得其數也有閒曰已習其數可以益矣曰先聖未得其志也有閒曰已習其志可以益矣曰先聖未得其爲人也有所穆然深思焉有所怡然高望而遠志焉曰先聖得其爲人黯然而黑幾然而長眼如望羊心如王四國非文王其誰能爲此也師襄子辟席再拜曰師蓋云文王操也

三十一歲鄭子產卒先聖聞之出涕曰古之遺愛也

三十三歲景王崩子猛立是爲悼王是冬又崩子匄立是爲敬王

三十五歲魯孟僖子卒初楚靈王成章華之臺願與諸侯落之昭公

如楚鄭伯勞於師之梁孟僖子爲介不能相儀及楚不能答郊勞僖

子病焉乃講學之苟能禮者從之至是將死召其大夫曰禮人之幹

也無禮無以立吾聞將有達者曰孔口先聖聖人之後也而滅於宋其

祖弗父何以有宋而授厲公及正考父佐戴武宣三命茲益恭故其

鼎銘云一命而僇再命而懼三命而俯循牆而走亦莫余敢侮饒於

是粥於是以致餽余口其恭也如是臧孫紇有言曰聖人有明德者若

不當世其後必有達人今其將在孔口先聖乎我若獲沒必屬說與何

忌於夫子使事之而學禮焉以定其位故孟懿子與南宮敬叔師事

先聖先聖曰能補過君子也詩曰君子是則是倣孟僖子可則倣已

矣他日欲適周見老聃南宮敬叔言於魯君曰臣受先臣之命師孔

子今孔子將適周觀先王之遺制考禮樂之所極斯大業也君盍以

乘資之臣請與往公曰諾與先聖車一乘馬二疋暨子侍御敬叔與



俱至周問禮於老聃。訪樂於苴弘。弘語劉文公曰：吾觀孔仲尼有聖人之表，河目而隆額，黃帝之形貌也。修肱而龜背，長九尺有六寸，成湯之容體也。言稱先王，躬履謙讓，洽聞強記，博物不窮，抑亦聖人之興者乎？文公曰：方今周室衰微，諸侯力爭，孔口口口。布衣聖將安施？弘曰：堯舜文武之道，或弛而墜，禮樂崩喪，亦正其統紀而已。既而先聖聞之曰：吾豈敢哉？亦好禮樂者也。觀乎明堂，睹四門墉，有堯舜之容，桀紂之象，而各有善惡之狀，與廢之誠焉。又有周公相成王，抱之負斧扆，南面以朝，諸侯之圖焉。先聖徘徊望之，謂從者曰：此周之所以盛也。夫明鏡所以察形，往古所以知今。今人主不務襲跡於其所以安存，而忽忽所以危亡，是猶卻步而求及前人也。豈不惑哉！入后稷之廟，廟右階之前有金人焉，三緘其口，而銘其背曰：古之慎言人也。戒之哉！戒之哉！無多言，多言多敗；無多事，多事多害。安樂必戒，無行所悔，勿謂何傷，其禍將長；勿謂何害，其禍將大；勿謂何殘，其禍將然。勿謂不聞，神將伺人；焰焰不滅，災若何；涓涓不壅，終為江河；綿綿不絕，或成網羅。毫末不扎，將尋斧柯。誠能慎之，福之根也；曰是何傷，禍之門也。強梁者不得其死，好勝者必遇其敵。盜憎主人，民怨其上。君子知天下之不可上也，故下之；知眾人之不可先也，故後之。溫恭慎德，使人慕之；執雌持下，人莫踰之。人皆趨彼，我獨守此，人皆惑之，我獨不徙；內藏我智，不示人技，我雖尊高，人弗我害。誰能如此？江河雖左，長於百川，以其卑也；天道無親，而能下人。戒之哉！先聖讀斯文也，顧謂弟子曰：小子識之，此言實而中情，而信，行身如此，豈以口過思哉？先聖既歷郊社之所，考明堂之則，察廟朝之度，於是喟然歎曰：吾今乃知周公之聖與周之所以王也。及去周，老子送之曰：吾聞富貴者送人以財，仁者送人以言。吾雖不能富貴，而竊仁者之號，請送子以言乎。凡當今之士，聰明深察而近於死者，好譏議人者也；博辯宏達而危其身者，好發人之惡者也；為人子者，毋以有己為人臣者。

毋以惡己。先聖曰：敬奉教，自周反魯，弟子稍益進焉。三十六歲，魯季平子得罪昭公，公帥師伐季氏。平子與孟氏叔孫氏三家共攻公，公奔齊。魯國大亂，先聖遂適齊。齊景公讓登先聖降一等，景公三辭然後登。既坐，曰：夫子降德辱臨寡人，寡人以爲榮也。而降階以遠，自絕於寡人，未知所以爲罪。對曰：君惠顧外臣，君之賜也。然以匹夫敵國君，非所敢行也。雖君私之，其若義何？有頃，左右白曰：周使適至。言先王廟災，公問曰：何王之廟也？先聖曰：此必釐王之廟。詩云：皇皇上天，其命不忒。天之與人，必報其德，禍亦如之。夫釐王變文武之制，而作元黃華靡之飾，宮室崇峻，輿馬奢侈，而弗可振。故天殃所宜加其廟焉。公曰：天何不殃其身，而加罰其廟也？對曰：蓋以文武故也。若殃其身，則文武之祀無乃殄乎？使人問之果釐王之廟，公驚起再拜曰：善哉！聖人之智過人遠矣。齊大旱，春饑，景公問曰：如之何？對曰：凶年則力役不興，馳道不修，所以幣玉祭祀，不懸祀以下牲。此賢君自貶以救民之道也。既又與景公論政，公大悅，將封以尼谿之田。晏嬰不可而止。吳季札適齊於其反也，其長子死，葬於贏博之間。先聖曰：延陵季子，吳之習於禮者也。往而觀其葬焉，其坎深不至於泉，其斂以時服，既葬而封，廣輪揜坎，其高可隱也。既封，左袒而還其封，且號者三，曰：骨肉歸復於土，命也；若魂氣則無不之也，無不之也。而遂行。先聖曰：延陵季子之於禮也，其合矣乎？居齊數年，景公終不能用，遂反魯。四十三歲，魯昭公薨於乾侯，弟定公立。四十六歲，邾隱公即位，將冠使大夫因孟懿子問禮於先聖。先聖曰：其禮如世子之冠，冠於阼階，以著代也。醮於客位，加其有成。三加彌尊，導喻其志。冠而字之，敬其名也。行冠事，必於祖廟，以裸享之禮，將之以金石之樂，節之所以自卑而尊先祖，示不敢擅也。懿子曰：天子未冠即位，長亦冠乎？先聖曰：古者王世子雖幼，其即位則尊爲人君。

以爲成人之事者也何冠之有。懿子曰然則諸侯之冠異天子與先聖曰君薨而世子主喪是冠也與人君無殊也。懿子曰今邾君之冠非禮也先聖曰諸侯之有冠禮也夏之末造也有自來矣今無譏焉天子冠者武王崩成王年十三而嗣立周公攝政以治天下冠成王而朝於祖以見於諸侯周公使祝雍作頌命之曰祝王辭達而勿多也祝雍辭曰使王近於民遠於佞嚮於時惠於財親賢而任能其頌曰令月吉日王始加元服去王幼志服衰職欽若昊天六合是式率爾祖考永承無極此周公之制也懿子曰三王之冠其具何也先聖曰周弁殷舄夏收一也三王共皮弁素綬委貌周道也章甫殷道也母追夏后氏之道也先聖觀於魯桓公之廟有敝器焉問守廟者曰此何器對曰此爲宥坐之器先聖曰吾聞宥坐之器虛則欬中則正滿則覆明君以爲至誠故常置於坐側顧謂弟子曰試注水焉注之水中則正滿則覆乃喟然歎曰嗚呼夫物惡有滿而不覆者哉子路曰敢問持滿有道乎先聖曰持滿之道挹而損之子路曰損之有道乎先聖曰聰明睿智守之以愚功被天下守之以讓勇力振世守之以怯富有四海守之以儉此所謂損之又損之道也。

四十八歲季平子卒桓子嗣立桓子嬖臣曰梁仲懷者與陽虎有隙陽虎欲逐懷公山不狃止之其秋懷益驕陽虎執懷桓子怒陽虎因囚桓子與盟而釋之陽虎由此益輕季氏季氏亦僭於公室陪臣執國政魯自大夫以下皆僭離於正道故先聖不仕退而修詩書禮樂弟子自遠方至者益衆。

五十一歲公山不狃不得意於季氏因陽虎爲亂欲去三桓之適更立其庶孽弗克陽虎入謹陽關以叛公山不狃亦以費叛召先聖先聖欲往後卒不行。

五十二歲魯人伐陽虎陽虎奔齊齊人執之已而逃奔宋復奔晉適趙氏先聖曰趙氏其世有亂乎子路曰權本不在焉豈能爲亂先聖

曰非汝所知夫陽虎親富而不親仁有寵於季孫又欲殺之不克而奔求容於齊齊人囚之乃亡歸晉是齊魯二國已去其疾趙簡子好利而多信必溺其說而從其謀禍敗所終非止一世可知也是時先聖爲中都宰制爲養生送死之節長幼異食強弱異任男女別塗路無拾遺器不雕僞市不貳價爲四寸之棺五寸之槨因邱陵爲墳不封不樹行之一年西方之諸侯則焉定公謂先聖曰學子此法以治魯國何如對曰雖天下可乎何但魯國而已哉。

五十三歲爲魯司空別五土之性而物其所生之宜咸得厥所尋爲司寇有父子訟者同往執之三月不別其父請止赦之季孫聞之不悅曰司寇欺余曩告余曰爲國家必先以孝今戮一不孝以教民孝不亦可乎而又赦之何哉冉子以告先聖喟然歎曰嗚呼上失其道而殺其下非禮也不教以孝而聽其獄是殺不辜也三軍大敗不可斬也獄犴不治不可刑也何者上教之不行罪不在民故也夫慢令謹誅賊也徵斂無時暴也不誠責成虐也政無此三者然後刑可即也書云義刑義殺勿庸以即汝心惟曰未有遜事言必教而後刑也故先王旣陳道德以先服之而猶不可尙賢以勸之又不可卽廢之又不可而後以威懾之若是三年而百姓正矣其有邪民不從化者然後待之以刑則民咸知罪矣詩曰尹氏太師維周之氏秉國之均四方是維天子是毗俾民不迷是以威厲而不試刑措而不用今之世則不然亂其教繁其刑使民迷惑而陷焉又從而制之是以刑彌繁而邪不勝也三尺之岸而虛車不能登也百仞之山重載陟焉陵遲故也數仞之牆而民不踰也百仞之山豎子馮而游焉陵遲故也今世之陵遲亦久矣而能使民勿踰乎詩曰周道如砥其直如矢君子所履小人所視眷焉顧之潛焉出涕豈不哀哉由是法設而不用無奸民初季平子葬昭公於墓道南先聖溝而合諸墓焉謂桓子曰貶君以彰己罪非禮也今合之所以揜夫子之不臣夏定公與齊侯





會於夾谷。先聖相犂彌言於齊景公曰：「孔丘知禮而無勇，若使萊人以兵劫魯侯，必得志焉。」景公從之。先聖亦言於定公曰：「臣聞有文事者必有武備，有武事者必有文備。古者諸侯出疆必具官以從，請具左右司馬。」公從之。至會所，為壇位土階三等，以遇禮相見，揖讓而登，獻酢既畢，齊使萊人以兵鼓噪劫定公。先聖趨進，歷階而登，不盡一等，以公退曰：「士兵之兩君好合，而裔夷之俘以兵亂之，非齊君所以命諸侯也。裔不謀夏，夷不亂華，俘不干盟，兵不逼好，於神為不祥。於德為怨義。於人為失禮。君必不然。」齊侯心忤，麾而去之。有頃，齊奏宮中之樂，俳優侏儒戲於前。先聖趨進，歷階而上，不盡一等，曰：「匹夫榮或諸侯者，罪應誅。」請右司馬速加刑焉。於是斬侏儒。齊侯懼，有慚色。將盟，齊人加載書曰：「齊師出境，而不以甲車三百乘從我者，有如此盟。」先聖使茲無還揖對曰：「而不返我汶陽之田，吾以供命者亦如之。」齊侯將設享禮，先聖謂梁邱據曰：「齊魯之故，吾子何不聞焉？事既成矣，而又享之，是勤執事也。且犧象不出門，嘉樂不野合。享而既具，是棄禮也。若其不具，是用秕稗也。用秕稗君辱棄禮，名惡子盍圖之。夫享所以昭德也，不昭不如其已。乃不果享。齊侯歸責其羣臣曰：「魯以君子之道輔其君子，獨以夷狄之道教寡人，使得罪於是，乃歸所侵魯之鄆、郛、陰之田以謝過。」

五十五歲。先聖言於定公曰：「家不藏甲，邑無百雉之城。今三家過制，請皆損之。」而叔孫季孫亦以宰吏數叛患之，以問先聖。先聖曰：「陪臣執國命，采長數叛者，坐邑有城池之固，家有甲兵之藏故也。乃使子路為季氏宰，將墮三都。於是叔孫氏先墮郕，季氏將墮費。公山不狃、叔孫輒率費人以襲魯公與三子入於季氏之宮，登武子之臺，費人攻之弗克入，及公側先聖命申句須、樂頎下伐之。費人北，國人追之，敗諸姑蔑。不狃與輒奔齊。遂墮費，將墮成。公欲處父，謂孟孫曰：「墮成敗諸姑蔑，不狃與輒奔齊，遂墮費，將墮成。公欲處父，謂孟孫曰：「墮成齊人必至於北門，且成孟氏之保障也，無成是無孟氏也。」子偽不知我將不墮。公圍成，弗克。」

五十六歲。去魯適衛。先聖之初為司寇也，國人謗之曰：「靡裘而犂投之，無戾。」韓之麋裘投之，無郵。及是，國人誦之曰：「衰衣章甫，實獲我所。」章甫衰衣，惠我無私。齊人聞而懼曰：「孔子為政，必霸霸則吾地近焉。我之為先并矣，盍致地焉？」犁鉏曰：「請先嘗沮之，沮之而不可則致地，庸遲乎？」於是選齊國中女子好者八十人，皆衣文衣而舞康樂，文馬三十駟，遺魯君。陳女樂文馬於魯城南高門外。季桓子微服往觀，再三將受，乃語魯君為周道游，往觀終日，怠於政事。子路曰：「夫子可以行矣。」先聖曰：「魯君且郊，如致膳乎？」大夫則吾猶可以止。季桓子卒受女樂，三日不聽政。郊又不致膳，俎於大夫。先聖遂行，宿乎屯。師已送曰：「夫子則非罪。」先聖曰：「吾歌可夫。」歌曰：「彼婦之口，可以出走。彼婦之謂可以死敗，蓋優哉游哉，維以卒歲。」師已反以告桓子，桓子喟然歎曰：「夫子罪我，以羣婢故也。」夫先聖適衛，主於顏雝由家。衛靈公聞先聖在魯，奉粟六萬，亦致粟六萬。

五十七歲。先聖去衛適陳，過匡，顏刻為僕，以其策指曰：「昔我入此，由彼缺也。」陽虎嘗暴匡人，先聖狀類虎，匡人聞之，以為魯之陽虎，遂止先聖。子路怒奮戟將與之戰，先聖止之曰：「惡有修仁義而不免世俗之惡者乎？」夫詩書之不講，禮樂之不習，是口實也。之過也。若以述先王好古法而為咎者，則非口實之罪也。命也夫。由歌子和女，子路彈琴而歌，先聖和之，曲三終，匡人解甲而罷，乃得去。過蒲，月餘，反乎衛，主遷伯玉家。

五十八歲。居衛。衛靈公夫人南子使人謂先聖曰：「四方之君子不辱欲與寡君為兄弟者，必見寡小君。寡小君願見，先聖辭謝不得已而見之。子路不悅，先聖矢之，居衛月餘，靈公與夫人同車，宦者雍渠參乘，出使先聖為次，乘招搖市過之。先聖醜之，去衛過曹。又去曹適宋，見宋司馬桓魋，自為石槨三年而不成，工匠皆病，愀然曰：「若是其靡。」

也死不如速朽之愈也。冉子曰：禮，凶事不豫，此何謂也？曰：既死而議，諡，諡定而下葬，既葬而立廟，皆臣子之事，非所豫屬也。况自爲之哉？先聖與弟子習禮大樹下，桓魋欲殺先聖，拔其樹。先聖遂去，宋適鄭。與弟子相失，獨立郭東門。鄭人或謂子貢曰：東門有人，其類似堯，其項類皋陶，其肩類子產，然自腰以下不及禹三寸，舉臯如喪家之狗。子貢以告，先聖欣然笑曰：形狀末也，而似喪家之狗，然哉！然哉！遂至陳，主司城貞子家。有隼集於陳廷而死，楷矢貫之，石斲矢長尺有咫。陳湣公使使問先聖，先聖曰：隼來遠矣，此肅慎之矢也。昔武王克商，通道九夷百蠻，使各以其方賄來貢，使無忘職業，於是肅慎貢楷矢，石斲矢，長尺有咫。先王欲昭其令德，以肅慎矢，分大姬配虞胡公，而封諸陳，分同姓以珍玉，展親分異姓以遠方，職使無忘服，故分陳以肅慎矢。試求之，故府果得之。是年魯定公薨，子哀公立。

五十九歲去。陳過蒲，會公叔以蒲叛，蒲人止先聖。弟子有公良孺者，以私車五乘從，與鬬甚疾。蒲人懼，謂先聖曰：苟毋適衛，吾出子。與之盟，出先聖東門。先聖遂適衛。子貢曰：盟可負邪？先聖曰：要盟也，神不聽。靈公老怠於政，不用先聖。先聖自衛入晉，至河，聞趙簡子殺欒黶，鳴犢及舜華乃臨河而歎曰：美哉水洋洋乎！（先聖）之不濟此命也。夫子貢趨而進曰：敢問何謂也？先聖曰：欒黶鳴犢，舜華晉國之賢大夫也。趙簡子未得志之時，須此兩人而後從政，及其得志而殺之，吾聞剝胎殺夭，則麒麟不至其郊，竭澤而漁，則蛟龍不處其淵，覆巢破卵，則鳳凰不翔其邑，何則？諱傷其類也。夫鳥獸之於不義也，尚知避之，而况乎口舌哉？乃還息於陬鄉，作爲陬操，以哀之，而反乎衛。主蓬伯玉家。是年吳入越，墮會稽，得骨節專車。吳使使問先聖骨何者最大？先聖曰：禹致羣神於會稽山，防風氏後至，禹殺而戮之，其節專車，此爲大矣。吳客曰：誰爲神？先聖曰：山川之神，足以綱紀天下，其守爲神，社稷爲公侯，皆屬於王者。客曰：防風何守？先聖曰：汪罔氏之君，守封

禺之山，爲釐姓。在虞夏商爲汪罔，於周爲長翟，今謂之大人。客曰：人長幾何？先聖曰：僬僂氏三尺，短之至也；長者不過十之數，之極也。於是吳客曰：善哉聖人。

六十歲在衛。衛靈公問陳，先聖不對。明日，靈公與先聖語，見蜚雁，仰視之色不在先聖。先聖遂如陳。是年夏，靈公薨，子蒯聵先以得罪亡，衛人立蒯聵之子出公輒。

六十一歲在陳。夏，魯桓僖宮災，陳侯就先聖燕遊焉。行路之人曰：魯司鐸災及宗廟，先聖曰：所及者其桓僖之廟乎？禮祖有功而宗有德，故不毀其廟。今桓僖之親盡矣，又功德不足以存其廟，而不毀，是以天災之。三日，魯使至問焉，則桓僖也。陳侯謂子貢曰：吾乃今知聖人之可貴。對曰：君今知之可矣。未若專其道而行其化之善也。秋季，桓子卒，桓子之病也，輦而見魯城，喟然歎曰：昔此國幾與矣，吾獲罪孔子，故不興也。顧謂其嗣康子曰：我死若必相魯，相魯必召仲尼。後康子立，欲召先聖，公之魚曰：昔我先君用之不終，爲諸侯笑。今又用之，不能終，是再爲諸侯笑。康子曰：則誰召而可？曰：必召冉求。於是使使召冉求。是年，晉趙簡子攻范中行氏，圍朝歌，佛肸以中牟畔，召先聖。先聖欲往，卒不果。

六十三歲自陳還蔡。

六十四歲如葉。與葉公論政。復還蔡，遇長沮桀溺及丈人。吳伐陳，楚昭王救陳，軍於城父，聞先聖在陳，蔡間使人聘先聖。先聖將往，楚拜禮，陳蔡大夫相與謀曰：孔子聖賢，其所刺譏，皆中諸侯之病，今者久留陳蔡之間，諸大夫所設行，皆非仲尼之意。今楚大國也，來聘孔子，孔子用於楚，則陳蔡用事大夫危矣。於是乃相與發徒役，圍先聖於野，不得行。絕糧七日，從者病，莫能興。先聖講誦絃歌不衰。時子路有愠色，先聖召而問曰：詩云：匪兕匪虎，率彼曠野。吾道非邪？吾何爲於此？子路曰：意者吾未仁邪？人之不我信也，吾未智邪？人之不我行也。



九聖曰有是乎由譬使仁者而必信安有伯夷叔齊使智者而必行安有王子比干子路出子貢入見先聖曰賜詩云匪兕匪虎率彼曠野吾道非邪吾何爲於此子貢曰夫子之道至大故天下莫能容夫子蓋少貶焉先聖曰賜良農能稼而不能爲穡良工能巧而不能爲順君子能修其道綱而紀之統而理之而不能爲容今爾不修爾道而求爲容賜而志不遠矣子貢出顏回入見先聖曰回詩云匪兕匪虎率彼曠野吾道非邪吾何爲於此顏回曰夫子之道至大故天下莫能容雖然夫子推而行之不容何病不容然後見君子夫道之不修也是吾醜也夫道既已大修而不用是有國者之醜也不容何病不容然後見君子先聖欣然笑曰有是哉顏氏之子使爾多財吾爲爾宰於是使子貢至楚楚昭王與師迎先聖然後得免昭王將以書社地七百里封先聖令尹子西曰王之使使諸侯有如子貢者乎曰無有王之輔相有如顏回者乎曰無有王之將率有如子路者乎曰無有王之官尹有如宰予者乎曰無有且楚之祖封於周號爲子男五十里今孔子述三王之法明周召之業王若用之則楚安得世世堂堂方數千里乎夫文王在豐武王在鎬百里之君卒王天下今孔子得據土壤賢弟子爲佐非楚之福也昭王乃止是歲有雲如衆赤鳥夾日以飛三日昭王使問諸周太史太史曰其當王身乎若祭之可移於令尹司馬昭王曰除腹心之疾而實諸股肱何益不穀不有大過天其天諸有罪受罰又焉移之遂弗祭昭王有疾卜曰河爲祟王弗祭大夫請祭諸郊王曰三代命祀祭不越望江漢雎漳楚之望也禍福之至不是過也不穀雖不德河非所獲罪也遂弗祭先聖曰楚昭王知大道矣其不失國也宜哉夏書曰惟彼陶唐帥彼天常有此冀方今失其行亂其紀綱乃滅而亡又曰允出茲在茲由已率常可矣其秋楚昭王卒於城父先聖乃自楚反衛遇楚狂接輿至衛衛出公使人問先聖曰寡人之任臣無大小一一自言問觀之

猶復失人何故先聖曰如君之言此乃所以失之也人既難知非言問所及觀察所盡且人君之慮者多多慮則意不精以不精之意察難知之人宜其有失也君未之聞乎昔者舜臣堯官才任士堯一從之左右曰人君用士當自任耳目而取信於人無乃不可乎堯曰吾之舉舜已耳目之矣今舜所舉人吾又耳目之是則耳目終無已也君苟付可付則已不勞而賢才不失矣是時衛君輒父不得立在外諸侯數以爲讓而先聖弟子多仕於衛衛君欲先聖爲政先聖以正名爲先故卒不果

六十七歲夫人元官氏卒

六十九歲齊國書師師伐魯及清冉有爲季氏宰說季氏禦之於是孟孺子洩帥右師冉有爲季孫帥左師及齊人戰於郊左師入齊軍右師奔公爲與其嬖僮汪錡皆死焉魯人欲勿殯僮汪錡問於先聖先聖曰能執干戈以衛社稷雖欲勿殯也不亦可乎是役也冉有用矛於齊師故能入其軍季康子曰子之於軍旅學之乎性之乎冉有曰學之於孔子康子曰孔子何如人哉對曰用之有名播之百姓質諸鬼神而無憾求之至於此道雖累千社夫子不利也康子曰吾欲召之可乎對曰欲召之則毋以小人閔之則可矣衛孔文子將攻太叔問策於先聖先聖辭不知退而命載而行曰鳥能擇木木豈能擇鳥乎文子固止會季康子逐公賓公賓公林以幣迎先聖遂歸魯先聖之去魯凡十四年而反季氏欲以田賦使冉有訪諸先聖先聖不對而私於冉有曰君子之行也度於禮施取其厚事舉其中斂從其薄如是則以邱亦足矣若不度於禮而貪冒無厭則雖以田賦將又不足且子季孫若欲行而法則周公之典在若欲苟而行又何訪焉弗聽當是時周室微而禮樂廢詩書缺魯終不能用先聖先聖亦不求仕乃追跡三代之禮序書傳上紀唐虞之際下至秦繆編次其事古者詩三千餘篇去其重取其可施於禮義者三百五篇皆絃歌之



以求合韶武雅頌之音。禮樂自此可得而述。九喜易序象繫象說卦文。言讀之至。韋編三絕。凡所教誨。束脩以上。蓋三千餘人。是年子鯉卒。葬之。有棺而無槨。

七十歲。魯昭公夫人卒。先聖與弔。適季氏。季氏不絕。放經而拜。子游問曰。禮與。先聖曰。主人未成服。則弔者不經焉。禮也。

七十二歲。春。魯人西狩於大野。獲獸。麕身而肉角。以爲不祥。賜虞人。先聖往觀之。曰。麟也。胡爲來哉。胡爲來哉。反袂拭面。涕泣沾襟。子貢問曰。夫子何泣爾。先聖曰。麟之至。爲明王也。出非其時。而見害吾是以傷焉。子游問曰。飛者宗鳳。走者宗麟。爲其難致也。敢問。今見其誰應之。先聖曰。天子布德。將致太平。則麟鳳龜龍先爲之祥。今周宗將滅。天下無主。孰爲來哉。遂泣。曰。予之於人。猶麟之於獸也。麟出而死。吾道窮矣。乃因魯史記作春秋。夏。齊陳恒弑其君簡公。先聖三日齋。請伐齊。三哀公曰。魯爲齊弱久矣。子之伐之。將若之何。對曰。陳恒弑其君。民之不與者半。以魯之衆。加齊之半。可克也。公使告三子。三子不可。乃止。是年顏淵死。

七十三歲。衛人內蒯聵。逐出公。輒。先聖聞衛亂。曰。蒯也。其來由也死矣。既而衛使者至。曰。子路死焉。先聖哭於中庭。有人弔者。先聖拜之。已哭。進使而問。故使者曰。醢之矣。遂令覆醢。

七十四歲。夏四月。先聖蚤作。負手曳杖。逍遙於門。歌曰。泰山其頽乎。梁木其壞乎。哲人其萎乎。既歌而入。當戶而坐。子貢聞之。曰。泰山其頽則吾將安仰。梁木其壞則吾將安仗。哲人其萎則吾將安放。夫子殆將病也。遂趨而入。先聖曰。賜。汝來何遲也。子嚙昔之夜。夢坐奠於兩楹之間。夏后氏殯於東階之上。則猶在阼也。殷人殯於兩楹之間。則與賓主夾之也。周人殯於西階之上。則猶賓之也。而曰。先聖也。殷人也。夫明王不興。而天下其孰能宗予。予殆將死也。蓋寢疾七日而終。時周敬王四十四年四月己丑也。哀公諫曰。昊天不弔。不慈遺一老俾。

屏余一人。以在位。號繁余在疚。嗚呼哀哉。尼父無自律。子貢曰。君其不沒於魯乎。夫子之言曰。禮失則昏。名失則慙。失智爲昏。失所爲慙。生不能用死而誅之。非禮也。稱余一人。非名也。君兩失之。先聖之喪。公西赤掌葬焉。吟以蔬米三具。裹衣十有一稱。加朝服一冠。章甫之冠。佩象環徑五寸。而綦組纓。桐棺四寸。柏槨五寸。飾桐。膚置髮設披。周也。設崇殿也。綢練設旒。夏也。兼用三王之禮。所以尊師且備古也。與夫人合葬。魯城北泗上。弟子皆服心喪三年。畢相訣而去。哭盡哀。或復留。惟子貢廬於墓。凡六年。然後去。自後羣弟子及魯人往從墓而家者。百有餘室。因名曰孔里焉。子一經。

述曰。司馬遷作史記。列孔子於世家。其尊聖也至矣。故後世言孔子者。多本史記。顧遷去春秋既遠。戰國秦漢之間。百家並起。卮言稗說。人各異辭。而遷據羣書。述往迹。擇焉不精。遂不免有舛錯誣譖之處。如娶顏氏而曰野合。於父墓而曰母諱之。於適齊而曰爲高昭子家。臣以通乎景公。凡此皆不經之大者。蓋叔梁求昏於顏氏。顏父擇女而使行。作配禮宗。於理必無野合之事。聖人人倫之至也。豈有既長不求父墓。母沒復殯於衛。致等於野死者。史遷以母諱傳會稽弓索。隱又以顏氏不及送葬。遂失墳處之說。傳會史記展轉牽合。其謬益深。昔孟子以主癰疽與寺人瘠環。謂爲無義無命。若欲因高氏以求通景公。亦主癰疽寺人之類耳。寧孔子而顧出此。此皆大節所關。不可不辨也。又孟僖子卒於魯昭公二十四年。而世家以爲孔子年十七歲事。春秋凡與國朝聘。必書昭公二十年。並無齊侯來魯事。而世家載景公與晏嬰來論秦穆諸語。定公五年。於越入吳。至哀公元年。吳始入越。樓句踐於會稽。今敘骨節專車之對。於定公五年。擊磬襄魯官也。不應在衛。墮三都。春秋在定公十一年。而曰十三年。甯武子乃僖公時人去。孔子畏匡時已百有餘年。而曰使從者爲甯武子臣。於衛然後得去。其他序次錯亂之處。更不可枚舉。夫聖人之言論行。



事散見於六經羣籍有非年譜所能盡列者而商羊泮實之對又不  
過聖人多能之一端卽使略而弗書亦無害於聖體之大茲考專以  
春秋左傳爲本而參以他傳記之確有可據者前後舛亂悉爲訂正  
苟有疑焉卽不敢錄也至先聖之生公羊傳爲魯襄公二十一年冬  
十一月庚子穀梁傳則云冬十月史記又云三十二年竊謂徵史不  
如徵傳而襄公二十一年十一月實無庚子故斷以穀梁爲是得年  
七十四歲云

闕里文獻考卷二終



藏書

關里文獻考卷三

世系第一之三

二代鯉字伯魚生時魯昭公以鯉賜先聖榮君之貶因名曰鯉蓋昭公九年也哀公嘗以幣召稱疾不行年五十卒葬聖墓東子一俊三代伋字子思逮事先聖而受業於曾子於道統之傳獨得其宗方幼時先聖閒居喟然而歎子思再拜請曰意子孫不修將亦祖乎羨堯舜之道恨不及乎先聖曰爾孺子安知吾志對曰伋聞夫子之教其父析薪其子弗克負荷是謂不肖伋每思之所以大恐而不解也先聖欣然笑曰然乎吾無憂矣世不廢業其克昌乎年十六適宋宋大夫樂朔與之言學焉朔曰尚書虞夏數四篇善也下此以訖於秦書效堯舜之言耳殊不如也子思曰事變有極正自當爾假令周公堯舜不更時具處其書同矣朔曰凡書之作欲以喻民也簡易爲上而乃故作難知之詞不亦繁乎曰書之意兼複深奧訓詁成義古人所以爲典雅也昔魯委巷亦有似君之言者伋答之曰道爲知者傳苟非其人道不傳矣今君何似之甚也樂朔不悅而退曰孺子辱吾其徒請攻之遂圍子思宋君聞之駕而救子思子思既免曰文王困於羑里作周易祖君屈於陳蔡作春秋吾困於宋可無作乎於是撰中庸之書四十九篇子思居貧其友有饋之粟者受二車焉或獻樽酒束脩子思弗受或曰子取人粟而辭吾酒脯是辭少而取多也於義則無名於分則不全而子行之何也曰然伋不幸而貧於財至於困乏將恐絕先人之祀夫所以受粟爲周乏也酒脯所以飲宴也方乏於食而乃飲宴非義也吾豈以爲分哉度義而行也或者擔其酒脯以歸子思嘗曰吾之富貴甚易而人猶弗能夫不取於人謂之富不辱於人謂之貴不取不辱其於富貴庶矣哉曾子謂子思曰昔者吾從夫子遊於諸侯夫子未嘗失人臣之禮而猶聖道不行今吾觀子有傲世主之心無乃不容乎對曰時移世異各有宜也當吾先

君周制雖毀君臣固位上下相持若一體然夫欲行其道不執禮以求之則不能入也今天下諸侯方欲力爭競招英雄以自輔翼此乃得士則昌失士則亡之秋也伋於此時不自高人將下吾不自貴人將賤吾舜禹揖讓湯武用師非故相詭乃各時也胡毋豹謂子思曰子好大世莫能容也蓋亦隨時乎子思曰大非所病所病不大也凡所以求容於世爲行道也毀道以求容道何行焉大不見容命也毀大而求容罪也吾弗改矣於是往來於齊魯宋衛之間而所如卒不合其在魯也穆公訪焉曰寡人不德嗣先君之業三年矣未知所以爲令名者且欲掩先君之惡以揚先君之善使談者有述焉爲之若何願先生教之也對曰以伋所聞舜禹之於其父非勿欲掩也以爲私情之細不如公義之大故弗敢私之焉耳責以虛飾之教又非伋所得言公曰思之可以利民者對曰願有惠百姓之心則莫如一切除非法之事也毀不居之室以賜窮民奪嬖寵之祿以振困匱無令人有悲怨而後世有聞見抑亦可乎公曰諾又問曰吾國可興乎對曰可公曰爲之奈何對曰苟君與大夫慕周公伯禽之治行其政化開公家之惠杜私門之利結恩百姓修禮鄰國其興也勃矣又問曰立太子有常乎對曰有之在周公之典公曰昔文王舍適而立其大微子舍孫而立其弟是何法也對曰般人質而尊其尊故立弟周人文而親其親故立子文質不同其禮則異文王舍適立其次權也公曰苟得行權豈唯聖人唯賢與愛立也對曰聖人不以權教故立制垂法順之爲貴若必欲犯何有於異公曰舍賢立聖舍愚立賢何如對曰唯聖立聖其文王乎不及文王者則各賢其所愛不殊於適何以限之必不能審賢愚之分請父兄羣臣卜於祖廟亦權之可也魯人有公儀休者砥節勵行樂道好古恬於榮利不事諸侯子思與之友穆公因子思欲以爲相謂子思曰公儀子必輔寡人參分魯國而與之一子其言之對曰如君之言則公儀子愈所以不至也君若飢



渴待賢納用其謀雖蔬食水飲亦願在下風今徒以高官厚祿鉤餌君子無信用之意公儀子之智若魚鳥可也然則彼將終身不歸乎君之庭矣且臣不佞又不任爲君操竿下釣以傷守節之士也閭邱溫見田氏將必危齊欲以其邑叛而適魯穆公聞之謂子思曰子能懷之則寡人割邑如其邑以饋子對曰彼雖能之義所不爲也公曰何對曰彼爲人臣君將顛弗能扶而叛之逆臣制國弗能以其衆死而逃之此罪誅之人也彼縱不能討而又要利以召茲弗忍行也穆公謂子思曰子之書所記夫子之言或者以爲子之辭也對曰臣所記臣祖之言或親聞之者有聞之於人者雖非其正辭然猶不失其意焉且君之所疑者何公曰於事無非對曰無非所以得臣祖之意也就如君言以爲臣之辭臣之辭無非則亦所宜貴矣事既不然又何疑焉穆公既亟見子思欲以爲相子思不願將去公曰天下之主亦猶寡人也去將安之對曰蓋聞君子猶鳳也疑之則擊今君既疑矣又以已限天下之君臣竊謂君之言過矣居衛言苟變於衛君曰其材可將五百乘君任軍旅率得此人則無敵於天下矣衛君曰吾知其材可將然變也嘗爲吏賦於民而食人二雞子以故弗用也對曰夫聖人之官人猶大匠之用木也取其所長棄其所短故杞梓連抱而有數尺之朽良工不棄何也知其所妨者細也卒成不貴之器今君處戰國之世選爪牙之士而以二卵焉棄千城之將此不可使聞於鄰國者也魯穆公卒縣子使平衛聞喪而服謂子思曰子雖未臣魯父母之國也先君宗廟在焉奈何弗服子思曰吾豈愛乎禮不得也縣子曰請聞之曰臣而去國君不掃其宗廟則不爲之服寓乎是國而爲國服吾既無列於魯而祭其宗廟則不爲之服所寄之君則舊君無服明不二君之義也衛君言計非是而羣臣和者如出一口子思曰以吾觀衛所謂君不君臣不臣者也公邱懿子曰何乃若是曰人主自臧則衆謀不進事是而臧之猶卻衆謀况和

非以長惡乎夫不察事之是非而悅人之讚己聞莫甚焉不度理之所在而阿諛求容諂莫甚焉君聞臣諂以居百姓之上民弗與也若此不已國無賴矣又謂衛君曰君之國事將日非矣曰何故曰有山然焉君出言皆自以爲是而卿大夫莫敢矯其非卿大夫出言亦皆自以爲是而士庶人莫敢矯其非君臣既自賢矣羣下同驕賢之賢之則順而有福矯之則逆而有禍如此則善安從生詩云其曰子聖誰知烏之雌雄抑亦似衛之君臣乎衛君嘗問曰寡人之政何如對曰無非君曰寡人不知其不肖亦望其如此也對曰希言容嬖則君親之中正弼非則君疏之夫能使人富貴貧賤者君也在朝之士孰肯舍所以見親而取其所以見疏乎是故競求射君之心而莫有非君之非者此臣所以爲無非也君曰然乎寡人之過也今知改矣曰君弗能焉口順而心不慚者臨其事必疚君雖有命臣未敢受也子思遊齊陳莊伯問聖帝明王巡狩之禮可得聞乎曰古者天子將巡狩必先告於祖廟命史告羣廟及社稷圻內名山大川告者七日而徧親告用牲史告用幣申命冢宰而後清道而出或以遷廟之主行載於齊車每舍奠焉及所經五岳四瀆皆有牲幣歲二月東巡狩至於岱宗崇於上帝望秩於山川所過諸侯各待於境天子先問百年者所在而親見之然後觀方岳之諸侯有功德者則發爵賜服以順陽義無功者則削黜貶退以順陰義命史採民詩謠以觀其風命市納賈察民之所好惡以知其志命典禮正制度均量衡考衣服之等協時月日辰入其疆土地荒穢遺老失賢捨克在位則君免山川社稷有不親舉者則貶秩削土土荒民遊爲無教無教者則君退民淫僭上爲無法無法者則君罪入其疆土地壅辟養老尊賢俊傑在位則君有慶遂南巡五月至於南岳又西巡八月至於西岳又北巡十一月至於北岳其禮皆如岱宗歸反舍於外次三日齊親告於祖廟用特命有司告羣廟社稷及圻內名山大川而後入聽朝此古者

明王巡狩之禮也。陳子曰：諸侯朝乎天子，盟會霸王，則亦告宗廟山川乎？曰：告哉。陳子曰：王者巡狩，不及四岳，諸侯盟會，不越鄰國，則其禮同乎異乎？曰：天子封圻千里，公侯百里，伯七十里，子男五十里，虞夏殷周之常制也。其或出此封者，則其禮與巡狩朝會無變，其不越於封境，雖行如在國。陳子曰：旨哉古之義也。吾今而後知不學者淺之爲人也。齊王謂子思曰：今天下擾擾，諸侯無伯，吾國大人衆，圖帝何如？對曰：不可也。君不能去君貪利之心，王曰：何害？曰：夫水之性清而土壤汨之，人之性安而嗜慾亂之，故能有天下者，必無以天下爲者也。能有名譽者，必無以名譽爲者也。達此則其利心外矣。齊王戮其臣不辜，謂子思曰：吾知其不辜，而適觸吾忿，故戮之，以爲不足傷義也。對曰：文王葬朽骨，而天下知仁；商紂斲朝涉，而天下稱暴。夫義者不必徧利天下也，暴者不必盡虐海內也，以其所施而觀其意，民乃去就焉。今君因心之忿，遷戮不辜，以爲無傷於義，此非臣之所敢知也。王曰：寡人實過，乃今聞命，請改之。齊王又謂子思曰：先生名高於海內，吐言則天下之士莫不屬耳目。今寡人欲相梁起，起也名少，願先生談說之也。對曰：天下之士所以屬耳目者，以彼之言是非當也。今君使使虛談於起，則天下之士必改耳目矣。耳目既改，又無益於起，是兩喪之也。故不敢承命。王曰：起之不善，何也？曰：君豈未之知乎？厚於財色，必薄於德，自然之道也。今起以貪成富，聞於諸侯，而無救施之惠焉，以好色聞於齊國，而無男女之別焉，有一於此，猶受其咎，而起二之能無累乎？王曰：寡人之言實過，願先生赦焉。齊尹文子生子不類，怒而杖之，告子思曰：此非吾子也。吾妻殆不婦，吾將黜之。子思曰：若子之言，則堯舜之妃復可疑也。此二帝聖者之英，而丹朱商均不及匹夫，以是推之，豈可類乎？然舉其多者，有此父，斯有此子，人道之常也。若夫賢父之有愚子，此由天道自然，非子之妻之罪也。尹文子曰：先生止之，願無言，文聞妻矣。自齊反衛，衛君館而問曰：先

生魯國之士，然不以衛之褊小，猶步玉趾而慰存之，願有賜於寡人也。對曰：臣羈旅於此，而辱君之威尊，亟臨華門，其榮多矣。欲報君以財幣，則君之府藏已盈，而後又貧，欲報君以善言，恐未合君志，而徒言不聽也。願未有可以報君者，唯達賢爾。曰：賢則固寡人之所願也。曰：未審君之願將何以為？曰：必用以治政。曰：君弗能也。曰：何故？曰：衛國非無賢才之士，而君未有善政，是賢才不見用故也。曰：雖然，願聞先生所以爲賢者。曰：君將以名取士邪？以實取士邪？曰：必以實。曰：衛之東境有李音者，賢而有實者也。曰：其父祖何也？曰：世農夫也。君乃盧胡大笑曰：寡人不好農，農夫之子，無所用之。且世臣之子，未悉官之。曰：臣稱李音，稱其賢才也。周公大聖，康叔大賢，今魯衛之君，未必皆同其祖考。李音父祖雖善農，則音亦未必與之同也。君言世臣之子，未悉官之，則臣所謂有賢才而不見用，果信矣。臣之問君，固疑取士不以實也。今君不問李音之所以爲賢才，而問其世農夫，因笑而不受，則君取士，果信名而不由實者也。衛君屈而無辭，又曰：夫道大而難明，非吾所能也。今欲學術何如？曰：君無然也。體道者逸而不窮，任術者勞而無功。古之篤道君子，生不足以喜，死之利何足以動之？死不足以禁之，害何足以懼之？故明於死生之分，通於利害之變，雖以天下易其脛毛，無所繫於志矣。是以與聖人居，使窮士忘其貧賤，使王公簡其富貴，君無然也。衛公子交見於子思，曰：先生聖人之後，執清高之操，天下之君子莫不服先生之大名也。交雖不敏，竊慕下風，願師先生之行，幸顧卹之。子思曰：公子不宜也。夫清高之節，不以私自累，不以利煩意，擇天下之至道，行天下之正路，今公子紹康叔之緒，處戰伐之世，當務收英雄，保其疆土，非所以明否臧，立規檢修匹夫之行之時也。交饋馬四乘於子思，曰：交不敢以此求先生之歡，而辱先生之潔也。先生久降於鄙土，蓋爲賓主之饋焉。子思曰：彼寄命以來，度身以服衛之衣，量腹以食衛之粟矣。且又朝夕受酒脯及祭

膳之賜衣食已優意氣已定以無行志未敢當車馬之賜禮雖有爵賜人不踰父兄今重違公子之盛旨則有誼禮之愆焉若之何公子曰交已言於君矣曰不可爲人子者三賜不及車馬公子曰我未之聞也謹受教於是在衛貧甚嘗糲袍無裏二旬九食田子方遺以狐白裘不受已而反魯教授其徒數百人而道卒傳於孟子孟子之受業也子思嘗語之曰自大而不修其所以大不大矣自異而不修其所以異不異矣故君子高其行則人莫能偕也遠其志則人莫能及也禮接於人人不敢慢辭交於人人不敢侮其唯高遠乎孟子問曰堯舜文武之道可力而致乎子思曰彼人也我也稱其言履其行夜思之晝行之滋滋焉汲汲焉如農之赴時商之趨利惡有不至者乎又問牧民何先子思曰先利之曰君子之所以教民亦有仁義而已矣何必曰利子思曰仁義固所以利之也上不仁則下不得其所上不義則下樂爲亂也此爲不利大矣故易曰利者義之和也又曰利用安身以崇德也此皆利之大者也年六十二卒葬先聖墓南子

白

述曰史記稱子思年六十二歲今考先聖卒於魯哀公十六年又六十九年而穆公始立子思生於先聖未卒之先而受敬禮於穆公卽位之後核之年歲殊不相合或以六十二爲八十二之誤意者其或然乎。

闕里文獻考卷三終



儒藏



關里文獻考卷四

世系第一之四

四代白字子上。雅所習請於子思。子思曰：先人有訓焉，學必由聖，所以致其材也。屬必由砥，所以致其刃也。故夫子之教，必始於詩書，而終於禮樂。雜說不與焉。又何請？又謂之曰：白乎？吾嘗深有思而莫之得也。於學則寤焉，吾嘗企有望而莫之見也。登高則瞻焉，是故雖有本性而加之以學，則無惑矣。又曰：有可以為公侯之尊而富貴人眾，不與焉者，惟志乎？成其志者，惟無欲乎？夫錦繡紛華，所服不過溫體，三牲太牢，所食不過充腹，知以身取節者，則知足矣。苟知足，則不累其志矣。子思在魯，使以書如衛，問于子上。子上北面再拜，受書伏讀。然後與使者宴。遂為復書返中庭。北面再拜，以授使者。既受書，然後退。使者還魯，問子思曰：吾子堂上南面，立授臣書，事畢，送臣于上中庭，拜授臣書而不送，何也？子思曰：拜而不送，敬也；使人而送之，賓也。齊威王兩召為相，不受。年四十七卒，或云四十九歲葬祖墓西北。子一求。

五代求字子家。楚王召，不赴。年四十五卒，葬祖墓東北。子一箕。

六代箕字子京。為魏相。年四十六卒，葬祖墓東南。子一穿。

七代穿字子高。公孫龍者，平原君之客也。好刑名，以白馬為非白馬。或謂子高曰：此人小辨而毀大道。子蓋往正諸子。高曰：大道之悖，天下之交往也。吾何病焉？或曰：雖然，子為天下故往也。子高適趙，與龍會平原。君家謂之曰：僕居魯，遂聞下風，而高先生之行也，願受業之日久矣。然所不取於先生者，獨不取先生以白馬為非白馬爾。誠去非白馬之學，則寧請為弟子。龍曰：先生之言悖也。龍之學正以白馬為非白馬者也。今使龍去之，則龍無以教矣。龍無以教而乃學於龍，不亦悖乎？且夫學於龍者，以智與學不逮也。今教龍去白馬，非白馬是先教也。先教而後師之，不可也。先生之所教龍者，似齊王之問尹

文也。齊王曰：寡人甚好士，而齊國無士。尹文曰：今有人於此，事君則忠，事親則孝，交友則信，處鄉則順，有此四行者，可謂士乎？王曰：善。是眞吾所謂士者也。尹文曰：王得此人，肯以為臣乎？王曰：所願不可得也。尹文曰：使此人於廣庭大眾之中，見侮而不敢鬪，王將以為臣乎？王曰：夫士也，見侮而不敢鬪，是辱也。寡人不以為臣矣。尹文曰：雖見侮而不鬪，是未失所以為士也。然而王不以為臣，則鄉所謂士者，乃非士乎？大王之令殺人者死，傷人者刑，民有畏王令，故見侮終不敢鬪，是全王之法也。而王不以為臣，是罰之也。且王以不敢鬪為辱，必以敢鬪為榮，是王之所賞，吏之所罰也。上之所是，法之所非也。賞罰是非，相與曲謬。雖十黃帝固所不能治也。齊王無以應，且白馬非白馬者，乃子先君仲尼之所取也。龍聞楚王張繁弱之弓，載忘歸之矢，以射蛟兕於雲夢之圃，反而喪其弓。左右請求之，王曰：止也。楚人遺弓，楚人得之，又何求乎？仲尼聞之，曰：楚王仁義而未遂，亦曰人得之而已矣。何必楚乎？若是者，仲尼異楚人於所謂人也。夫是仲尼之異楚人於所謂人，而非龍之異白馬於所謂馬悖也。先生好儒術，而非仲尼之所取也。欲學而使龍去，所以教雖百龍之智，固不能當其前也。子高不答退，而告人曰：言非而博巧而不理，此固吾所不答也。異日平原君會眾賓，而延子高曰：先生聖人之後也，不遠千里來顧臨之，欲去夫公孫子白馬之學，今是非未分，而先生翻然欲高逝可乎？子高曰：理之至精者，則自明之，豈在穿之退哉？平原君曰：至精之說，可得聞乎？曰：其說皆取之經傳，不敢以意。春秋記六鷁退飛，睹之則六察之則鷁。鷁猶馬也。六猶白也。睹之則見其白，察之則知其馬。色以名別，內由外顯，謂之白馬，名實當矣。若以絲麻加之，女工為縹，素青黃色名雖殊，其質則一。是以詩有素絲，不曰絲，素禮有縹布，不曰縹，纁牛元武，此類甚眾。先舉其色，後名其質，萬物之所同，聖賢之所常也。君子之論貴當物理，不貴繁辭。若尹文之折齊王之所言與



其法錯故也。穿之所說於公孫子高其智悅其行也。去白馬之說智行固存。是則穿未失其所師者也。稱此云云。沒其理矣。是楚王之言。楚人亡弓。楚人得之。先君夫子探其本意。欲以示廣其寬狹之故。曰不如亦曰人得之而已也。是則異楚王之所謂楚。非異楚王之所謂人也。以此爲喻。乃相擊切矣。凡言人之者。總謂人也。亦猶言馬者。總謂馬也。楚自國也。白自色也。欲廣其人。宜在去楚。欲正名色。不宜去白。誠察此理。則公孫之辨破矣。平原君曰。先生之言。於理善矣。因顧謂眾賓曰。公孫子能答此乎。燕客史由對曰。辭則有焉。理則否矣。龍又與子高泛論於平原君所。辨理至於臧三耳。龍言臧之三耳。甚辨析。子高弗應。俄而辭出。明日復見平原君。平原君曰。嚙昔公孫之言。信辨也。先生實以爲何如。曰。然。幾能臧三耳矣。雖然。實難。僕願得又問於君。今爲臧三耳。甚難。而實非也。謂臧兩耳。甚易。而實是也。不知君將從易而是者乎。抑從其難而非者乎。平原君弗能應。明日謂龍曰。公無復與孔子高辨事也。其人理勝於辭。公辭勝於理。辭勝於理。終必受絀。子高曳長裾振袂。袖方展。龍笑。平原君曰。吾子亦儒服乎。子高曰。此布衣之服。非儒服也。儒服非一也。平原君曰。請吾子言之。曰。夫儒者。居位行道。則有袞冕之服。統御師旅。則有介冑之服。從容徒步。則有若穿之服。故曰非一也。平原君曰。儒之爲名。何取爾。曰。取包眾美。兼六藝。動靜不失中道耳。平原君與子高飲。強之酒。曰。昔有遺談。堯舜千鍾。孔子百觚。子路噓噓。尚飲十榼。古之賢聖。無不能飲也。吾子何辭焉。子高曰。以穿所聞。賢聖以道德兼人。未聞以飲食也。平原君曰。卽如先生所言。則此言何生。曰。生於嗜酒者。蓋其勸厲獎戲之辭。非實然也。平原君欣然曰。吾不戲子。無所聞此雅言也。又謂子高曰。吾聞子之先君親見衛夫人南子。又云南遊過子阿谷。而交辭於漂女。信有之乎。答曰。士之相保。聞流言而不信者。何哉。以其所行之事。占之也。昔先君在衛。衛君問軍旅焉。拒而不告。色不在已。攝

駕而去。衛君請見。猶不能終。何夫人之能觀乎。古者大饗夫人與焉。於時禮儀雖廢。猶有行之者。意衛君夫人饗夫子。則夫子亦弗獲已矣。若夫阿谷之言。起於近世。殆是假其類以行其心者之爲也。李實言曹良於平原君。欲仕之。平原君以問子高。子高曰。不識也。平原君曰。良嘗得見於先生矣。故敢問。曰。世人多自稱上用。我則國無患。夫用智莫若觀其身。其身且猶不免於患。國用之亦惡得無患乎。平原君曰。良之有患。時不明也。居家理治。可移於官。良能殖貨。故欲仕之。曰。未可知也。今有人於此。身修計明。而貧者志不存也。身不修。會計聞而富者。非盜無所得之也。子高適魏。會秦兵將至。信陵君懼。造子高之館。而問所勝之禮焉。子高曰。命勇謀之。將以禦敵。先使之迎於敵所從來之方。爲壇祈克。乎五帝。衣服從其方色。執事人數從其方之數。牲則用其方之牲。祝史告於社。漢宗廟邦域之內。名山大川。君親素服。誓衆於太廟。曰。某人不道。侵伐大國。二三子尙皆用心。比力各死而守。將帥稽首再拜受命。既誓。將帥勒士卒。陳於廟之右。君立太廟之庭。祝史立於社。百官各警其事。御於君以待命。乃大鼓於廟門。詔將帥命卒習射。三發擊刺。三行告廟。用兵於敵也。五兵備效。乃鼓而出。以卽敵。此古諸侯應敵之禮也。信陵君曰。古者軍旅賞人之必於祖。戮人之必於社。其義何也。曰。賞功於祖。告分之均。示弗敢專也。戮罪於社。告中於土。示聽之當也。子高謂魏王曰。臣入魏國。見君之二計臣焉。張叔謀有餘。范威智不逮。然其功一也。王曰。叔也有餘威也。不逮何同乎。曰。驚驥同轅。伯樂爲之咨嗟。玉石相糅。卞氏爲之歎息。故賢愚共貫。則能士匿謀。眞僞相錯。則正士結舌。叔雖有餘威。威不逮也。王問人主所以爲忠。對曰。建大臣而不與謀。發倖者言。用則知士以疎。自疑孽臣以遇。微幸者內。則射合主心。外則挺主之非。此最人主之大患也。又問如何可謂大臣。曰。大臣則必取衆人之選。能犯顏諫爭。公正無私者。計陳事成。主裁其賞。事敗。臣執其咎。主任



之而無疑臣當之而弗避君總其契臣行其義然則君不猜於臣臣不隱於君故動無過計舉無敗事是以臣主並各有得也信陵君問曰古之善爲國至於無訟其道何由曰由乎政善也上下勤德而無私德無不化俗無不移衆之所譽政之所是也衆之所毀政之所非也毀譽是非與政相應所以無訟也子高見齊王王問誰可爲臨淄宰稱管穆焉王曰穆容貌陋民不敬也曰夫見敬在德且臣所稱稱其材也君王聞晏子趙文子乎晏子長不過三尺而狀醜惡齊國上下莫不宗焉趙文子其身如不勝衣其言如不出口非但體陋辭氣又訥訥然其相晉國晉國以寧諸侯敬服皆有德故也以穆軀形方之二子猶悉賢之昔臣嘗行臨淄市見屠商焉身修八尺鬚髯如戟面正紅白市之男女未有敬之者無德故也王曰是所謂祖龍始者也誠如先生之言於是乃以穆爲臨淄宰子高任司馬又爲將於齊與燕戰而敗齊王曰以子賢明故信子也曰王知穿孰若周公齊王曰周公聖人而子賢者弗如也曰然臣固弗如周公也以臣之知父孰若周公之知其弟齊王曰兄弟審於他人曰王之言是也夫以周公之聖兄弟相知之審而近失於管蔡明人難知也臣與父相見觀其材志察其所履齊國之士弗能過也尙書曰知人則哲惟帝難之穿何慙焉且曹子爲魯三與齊戰三敗失地然後以勇敢之節奮三尺之劍要桓公管仲於盟壇卒收其所喪夫君子之敗如日月之蝕人各有能父庸可棄乎今燕以詐破父是父不能於詐也臣之稱父稱其武勇材藝不稱其詐也父雖敗臣固未失其所稱焉齊王辭屈而不黜司馬父齊王行車裂之刑羣臣諍之弗聽子高見齊王曰聞君行車裂之刑無道之刑也而王行之臣竊以爲下吏過也王曰寡人爾以民多犯法爲法之輕也曰然此誠王之盛意也夫人含五常之性有哀樂喜怒哀樂喜怒無過其節節過則毀於義民多犯法以法之重無所措手足也今天下悠悠士亡定處有德則住無德則去

欲規霸王之業與諸大國爲難而行酷刑以懼遠近國內之民將畔四方之士不至此乃亡國之道王之下吏不具以聞徒恐逆主意以爲憂不慮不諫之危亡其所矜者小所喪者大故曰下吏之過也臣觀之又非徒不諫而已也心知此事之爲不可將有非議在後則因曰君忿意實然我諫諍必有龍逢比干之禍是爲虛自居於忠正之地而闢推君主使同於桀紂也且夫爲人臣見主非而不諫以陷主於危亡罪之大者也王曰謹聞命遂除車裂之法焉子高游齊趙魏聞楚忠感之大者也王曰謹聞命遂除車裂之法焉子高游齊趙魏聞楚趙魏三國交聘之皆不就著書十二篇名曰諷言年五十一卒葬祖墓南子一諫

八代謙或作武後名斌史記作慎子子順相魏安釐王封文信君初魏王遣使者奉黃金束帛聘子順爲相子順謂使者曰若王信能用吾道雖蔬食水飲吾猶爲之若徒欲制服吾身委以重祿吾猶一夫爾則魏王不少於一夫子度魏王之心以告我使者曰魏國狹小乏於聖賢寡君久聞下風願委國先生親受教訓如肯降節豈惟魏國君臣是賴其亦社稷之神祇實永受慶於是乃之魏魏王郊迎謂子順曰寡人不肖嗣先君之業先生聖人之後道德懿劭幸見顧臨願圖國政對曰臣驕旅之臣慕君高義是以屏此君辱賜之而問以政事敢不敬受君之明命既相魏改變寵之官以事賢才奪無任之祿以賜有功諸喪職秩者皆不悅乃造謗言文容以告且曰夫不害前政而有成孰與變之而起謗哉子順曰民之不可與慮始久矣古之善爲政者其初不能無謗子產相鄭三年而後謗止吾先君之相魯三月而後謗止今吾爲政日新雖不能及聖賢庸知謗止獨無時乎魏王問子順曰今秦負強以無道陵天下天下莫不患寡人欲割國之半以親諸侯求從事於秦可乎對曰以臣觀之殆無益也今天下諸侯畏秦之日久矣數被其毒無欲復之之志心無所計委國於遊



說之士遊說之士挾強素以爲資其國以收利又手服從會不能制如君之謀未獲其利而祇以爲名適足以速秦之首誅不如守常以須其變也王曰秦其遂有天下乎曰必然雖然取不以義得不以道自古以來未有能終之者秦王得西戎利刀以之割玉如割水焉以示東方諸侯魏王問子順曰古亦有之乎對曰昔周穆王大征西戎西戎獻銀鍔之劍火浣之布其劍長尺有咫鍊鋼赤刃用之切玉如切泥焉是則古亦有也王曰火浣之布若何對曰周書火浣布必投諸火布則火色垢乃灰色出火振之皜然疑乎雪焉王曰今何以獨無對曰秦貪而多求欲無厭是故西戎閉而不致此以素防絕之也然則人主貪欲乃異物所以不至不可不慎也魏王曰吾聞道士登華山則長不死意亦願之對曰古無是道非所願也王曰吾聞之信對曰未審君之所聞親聞之於不死者邪聞之於傳聞者邪若聞之於傳聞者妄也若聞之於不死者今安在在者君學之勿疑不在者君勿學無疑魏王問天下之高士對曰世無其人也抑可以爲次其魯仲連乎王曰魯仲連強作之者非體自然也曰人皆作之作之不止乃成君子文武欲作堯舜而至焉昔我先君天子欲作文武而至焉作之不變習與體成習與體成則自然矣王又謂子順曰吾欲致天下之士奈何對曰昔周穆王問祭公謀父曰吾欲得天下賢才對曰去其帝王之色則幾乎得賢才矣今臣亦請君去其尊貴之色而已王曰吾欲得無欲之士爲臣何如曰人之可使以有欲也故欲多者其所得用亦多欲少者其所得用亦少矣夫夷齊無欲雖文武不能制君安得而臣之宮佐見子順曰佗因於貧賤將欲自託富貴之門庶克免乎子順曰夫富而可以託貧貴而可以寄賤者天下寡矣非信義君子明識窮達則不可今子所欲託者誰也佗曰將適趙公子曰非其人矣雖好義士自奉而已終弗能稱也佗曰將適燕相國曰彼徒兄弟甥舅各濟其私無求賢之志不足歸也佗

曰將適齊田氏曰齊大國也其士大夫皆有自多之心不能容子也佗曰然則何趨而可曰吾弗識也佗曰唯先生知人願告所擇將往庇焉曰濟子之欲則宜若邱成子也昔邱成子自魯聘晉過乎衛右宰穀臣止而觴之陳樂而不作送以寶璧反過而不辭其僕曰曰者右宰之觴吾子甚歡也今過而不辭何也成子曰夫止而觴我與我歡也陳樂而不作告我哀也送我以璧寄之我也若由此觀之衛其有亂乎過衛三十里聞甯喜作難右宰死之還車而臨三舉而歸反命於君乃使人迎其妻子隔宅而居之分祿而食之其子長而反其璧夫子聞之曰智可與徵謀仁可與託孤廉可以寄財者其邱成子之謂乎今子求若人之比庇焉可也佗曰循先生之言舍先生將安之請從執事子順辭不得已乃言之魏王而升諸朝魏王問子順曰馬回之爲人雖少才文梗梗亮直有大丈夫之節吾欲以爲相可乎對曰知臣莫若君何有不可至於亮直之節臣未明也王曰何故曰聞諸孫卿云其爲人也長目而承視者必體方而心圓每以其法相人千百不失臣見回非不偉其體幹也然甚疑其目王卒用之三月果以諂得罪魏王朝羣臣問理國之所先季文對曰惟在知人王未之應子順進曰知人則哲帝堯所病故四凶在朝鯀任無功夫豈樂然哉人難知故也今文之對不稱吾君之所能行而乃欲強吾君以聖人所難此不可行之說也王曰先生言之對曰當今所急任修仁尚義崇德敦禮以接鄰國而已昔舜命眾官羣臣競讓德禮之致也苟使朝臣皆有推賢之心主雖不知人則臣位必當若皆以知人爲治則人主宜未過堯且其目所不見者亦必漏矣王曰善魏王問子順曰寡人聞昔者上天神異后稷而爲之下嘉穀周以遂興往者中山之地無故有穀非人所爲云天雨之反亡國何謂也曰天雖至神自古及今未聞下穀與人也詩美后稷能大教民種嘉穀以利天下故詩曰誕降嘉種猶書所謂稷降播種農殖嘉穀皆說種之其義一

也。若中山之穀、妖怪之事，非所謂天祥也。李由之母少寡，與李音竊相好而生由。由有才藝，仕於魏，魏王甚愛之。或曰：李由母蓋不知其父不足貴也。王以告由，且曰：吾不以此賤子也。雖然，古之賢聖，豈有似子者乎？吾將舉以折毀子者。李由對曰：今人不通於遠，在臣欲言誰爾？且孔子少孤，則亦不知其父者也。孔子母死，殯於五父之衢，人見之皆以為葬問鄰。曼父之母得合葬於防，此則聖人與臣同者也。王笑曰：善。子順聞之，問魏王曰：李由安得斯言？王曰：假以自顯，無傷也。對曰：虛造謗言，以誣聖人，非無傷也。且夫明主之於臣，唯德所在，不以小疵妨大行也。昔闔子文生於淫，而不害其為令尹。今李由可則寵之，何患於人之言？而使橫生不然之說，若欺有知，則有知不受。若欺凡人，則凡人疑之，必亦問臣，則臣亦不為君之故，誣祖以顯由也。如此，則羣臣更知由惡，此惡必聚矣。所謂求自潔而益其垢，猶抱石以救溺，愈不濟矣。五國約而誅秦，子順會之，秦未入境而還，諸侯聞兵於成臯，子順謂市邱子曰：此師楚為之主，今兵罷而不散，殆有異意。君其備諸。市邱子曰：先生幸而教之，願以國寄先生。子順許諾。遂見楚王曰：王約五國而西伐秦，事既不集，又久師於市邱，誘君者或以君欲攻市邱以償兵費，天下之士且以是輕君而重秦，且又不義。君之為矣，王何不卜交乎？楚王曰：奈何？子順曰：王今出令，使五國勿攻市邱，五國重王則聽王之令矣。不重王則且反王之令而攻市邱。以此卜五國交王之輕重，必明矣。楚王敬諾，而五國散。秦兵攻趙，魏大夫以為於魏便，子順曰：何謂？曰：勝趙則吾因而服焉，不勝趙則吾乘弊而擊之。子順曰：不然。秦自孝公以來，戰未嘗屈，今皆良將，何弊之乘？大夫曰：縱其勝趙於我何損？鄰之不修國之福也。曰：秦貪暴之國也，勝趙必復他求，吾恐於時受其師也。先人有言：燕雀處屋，子母相哺，煦煦焉其相樂也，自以為安矣。鼯鼠決上棟宇，將焚燕雀，顏色不變，不知禍之將及已也。今子不悟趙破，患將及已，可以人而同

於燕雀乎？魏王使子順修好於鄰國，遂連和於趙。趙王既賓之，而燕問子順曰：今寡人欲來北狄，不知其所以然。曰：誘之以其所利，而與之通市，則自至矣。王曰：寡人欲因而弱之，若與交市，分我國貨散於夷狄，是強之也可乎？曰：夫欲與之市者，將以我無用之貨，取其有用之物，是故所以弱之之術也。王曰：何謂我之無用彼之有用？曰：衣服之物，則有珠玉五采，飲食之物，則有酒醪五熟，此即我之所有而彼所利者也。夷狄之物，惟牛馬旃裘弓矢之器，是其所饒而輕以與人者也。以吾所有易彼所饒，如斯不已，則夷狄之用將糜於衣食矣。殆可舉捶而驅之，豈徒弱之而已乎？齊攻趙，圍廩丘。趙使孔青帥五萬擊之，克齊軍，獲尸三萬。趙王詔勿歸其尸，將以困之。子順問王曰：不歸尸，其困何也？曰：其父兄子弟，悲苦無已，廢其產也。子順曰：非所以窮之也。死一也，歸尸與不歸，悲苦何異焉？以臣愚計，貧齊之術，乃宜歸尸。王曰：何謂？對曰：使其家遠來迎尸，不得事農一費也。歸所葬，使其送死終事二費也。一年之中，喪卒三萬，三費也。欲無困貧，不能得已。既而齊大夫聞子順之謀，曰：君子之謀，其利溥哉。趙孝成王問曰：昔伊尹為臣而放其君，其君不怨，何可而得乎？此也。子順曰：伊尹執人臣之節，而弼其君以禮，亦行此道而已矣。王曰：尹以放君為名，而先生稱禮何也？曰：其在商書太甲，嗣立而于冢宰之政，伊尹曰：惟王舊行不義，習與性成，予不狎于不順。王姑即桐，邇于先王，其訓罔以後人迷。王往居憂，允思厥祖之明德，是言太甲在喪，不明乎人子之道，而欲知政。伊尹使之居桐，近湯之墓，處憂哀之地，放之不得知政。三年服竟，然後反之，即所以奉禮執節，事太甲者也。率其君以義強其君，以孝道未有行，此見怨也。王曰：善哉，我未之聞也。他日又謂曰：寡人聞孔氏之世，自正考父以來，儒林相繼，仲尼重之以大聖，自茲以降，世業不替。天下諸侯咸賓禮焉。先生作二國師，從古及今，載德流聲，未有若先生之家者也。先生之嗣，率由前訓，將與天地相敵矣。





曰若先祖父並稟聖人之性如君王之言也。至如臣者學行不敏奇食於趙祿仕於魏幸遇二國之君寬以容之。若乃師也未敢承命。假令賴君之福願後世克祚不忝前人不浪祖業豈徒一家之賜哉。亦天下之慶也。邯鄲之民以正月之旦獻雀於趙王而綴之以五綵趙王大悅申叔以告子順子順曰王何以爲也。曰正旦放之示有生也子順曰此委巷之鄙事爾非先王之法也。且又不令申叔曰敢問何謂不令。曰夫雀者取其名焉則宜受之於上不宜取之於下。人非所得制爵也而王悅此殆非吉祥矣。昔號公祈神神賜之上田是失國而更受田之祥也。今以一國之王受民之爵將何悅哉。趙聞魏將以求親於秦子順謂趙王曰此君之下吏計過也。比目之魚所以不見得於人者以耦視而俱走也。今秦有兼吞天下之志日夜伺隙不忘於側息趙魏與之鄰接而強弱不敵秦所以不敢圖并趙魏者徒以二國并目周旋者也。今無故自離以資強秦天下拙謀無過此者故臣曰君之下吏計過也。夫連雞不能上樓亦猶二國構難不能自免於秦也。願王熟慮之。趙王問相於平原君平原君曰鄒文可王曰其行如何平原君曰夫孔子高天下之高士也取友以行交遊以道文與之遊稱曰好義王其用之王卒不用後以平原君言問子順且曰先生知之乎子順曰先父之所交也何敢不知王曰寡人雖失之在前猶願聞其行於先生也。曰行不苟合雖賤不渝君子人也王遂禮之固以老辭申叔問子順曰禮爲人臣三諫不從可以稱其君之非乎子順曰禮所不得也。曰叔也昔者遠事有道先生問此義焉而告叔曰得稱其非者所以使天下人君不敢遂其非也子順曰然吾亦聞之是亡考起時之言非禮意也。禮受放之臣不說人以無罪先君夫子曰事君欲諫不欲陳言不欲顯君之非也申叔曰然則晏子叔向皆非禮也。曰此二大夫相與私燕言及國事未爲非禮也。晏子既陳屢賤而踊貴於君其君爲之省刑然後以及叔向叔向聽晏子

之私又承其問所宜亦答以其事也。申叔又問曰犬馬之名皆因其形色而名焉惟韓盧宋鵠獨否何也。曰盧黑色鵠白黑色非色而何與卿者書名曰春秋魏齊曰子無然也春秋孔聖所以名經也。今子之書大抵談說而已亦以爲名何虞卿曰經者取其事常也可常則爲經矣。且不爲孔子其無經乎。齊問子順子順曰無傷也。魯之史記曰春秋經因以爲名焉。又晏子之書亦曰春秋吾聞泰山之上封禪者七十二君其見稱述數不盈十所謂貴賤不嫌同名也。韓與魏有隙子順謂韓王曰昭釐侯一世之明君也申不害一世之賢相也韓與魏敵俾肩國而昭釐執圭見梁君者非好卑而惡尊慮過而計失也與嚴敵爲鄰而動有滅亡之變獨勁不能支二難故降心以相從屈己以求存也申不害慮事而言忠臣也魏王聽而行之明君也。今韓弱於始之韓魏弱於始之魏秦強於始之秦而皆先人之舊好以區區之累居二敵之間非良策也。齊楚遠而難恃秦魏呼吸而至舍近而求遠是以虛名自累而不免近敵之困者也。爲王計者莫如除小忿全大好也。吳越之人同舟濟江中流遇風波其相救如左右手者所患同也。今不恤所同之患是不如吳越之舟人也。子順相魏凡九月陳大計輒不用乃喟然曰不見用是吾言之不當也。言不當於主而居人之官食人之祿是尸利也。尸利素餐吾罪深矣退而以病致事魏王遣使入其館謝曰寡人昧於政事不顯明是非以啓罪於先生今知改矣願先生爲百姓故幸起而教之。辭曰臣有大馬之疾不任國事苟得從四民之列子弟供魏國之征乃君惠也。敢辱君命以連刑書人謂子順曰王不用子其行乎。曰吾將行如之山東則山東之國將并於秦秦爲不義義所不入遂寢於家。新垣固謂子順曰賢者所在必興化致治。今子相魏未聞興政而卽自退其有志不得乎何去之速也。曰以無異政所以自退也。且死病無良醫今秦有吞食天下之心以義事之固不獲安救亡不暇何化之興。昔伊摯在夏

呂望在商而二國不理豈伊呂之不欲哉勢不可也今山東之國弊而不振三晉割地以求安二周折節而入秦燕齊宋楚已屈服矣以此觀之不出二十年天下盡爲秦乎魏公子無忌死韓君將親弔焉其子榮之以告子順子順曰必辭之禮鄰國君弔君爲之主今君不命子則子無所受韓君也其子辭韓君乃止季節見於子順子順賜之酒辭問其故對曰今日家之忌日也故不敢飲子順曰飲也禮雖服衰麻見於君及先生與之梁肉無辭所以敬尊長而不敢遂其私也忌日方於有服則輕矣枚產謂子順曰臣匱於財聞猗頓善殖貨欲學之先生同國也當知其術願以告我曰然知之猗頓魯之窮士也耕則常飢桑則常寒聞陶朱公富往而問術焉朱公告之曰子欲速富當畜五牸於是乃適河西大畜牛羊於猗氏之南十年之間其孽息不可計貨擬王公名馳天下以富貴於猗氏故曰猗頓且夫爲富者非惟一術今子徒問猗頓何也枚產曰亦將問之於先生也曰吾貧而子問以富術是不可用之術也昔人有言能得長生者道士聞而欲學之比往言者死矣道士高蹈而恨夫所欲學學不死也其人已死而猶恨之是不知所以爲學也今子欲求殖貨而問術於我我且自貧安能教子以富乎子之此問有似道士之學不死也初子高以爲趙平原君有霸相之才惜不遇其時也而子順以爲衰世之好事公子無霸相之才也申叔問曰子之家公有道先生既論之矣今子易之是非焉在曰言貴盡心亦各有所見也若是非則明智者裁之年五十七卒子三鮒騰樹騰自爲傳樹之孫臧爲漢太常嗣襲侯亦有傳鮒一名鮒甲字子魚或謂之子鮒或稱孔甲秦始皇并天下子魚謂其徒叔孫通曰子之學可矣蓋仕乎對曰臣所學於先生者不用於今不可仕也子魚曰子之材能見時變今爲不用之學殆非子情也叔孫通遂辭去以法仕秦而子魚不仕尹曾謂子魚曰子之誦讀先王之書將奚以爲曰爲治也世治則助之行道世亂則

獨治其身始皇三十四年李斯議焚書陳餘謂子魚曰秦將滅先王之籍而子爲書籍之主其危矣子魚曰吾不爲有用之學知吾者惟友秦非吾友吾何危哉然願有可懼者必或求天下之書焚之書不出則有禍吾將先藏之以待其求至無患矣乃與弟子襄藏家語論語何書孝經於祖堂舊壁中自隱於嵩山教弟子百餘人與張耳陳餘善耳餘魏之名士也秦滅魏求耳餘耳餘懼走會陳涉吳廣起兵於陳欲以誅秦耳餘乃往謁涉餘謂涉曰今必欲定天下取王侯者其道莫若師賢而友智孔子之孫今在魏居亂世能正其行修其祖業不爲時變其父相魏以聖道輔戰國見利不易操名稱諸侯世有家法其人通材足以幹天下博智足以慮未形必宗此人天下無敵矣涉人悅遣使者齎千金加束帛以車三乘聘焉耳餘又使謂子魚曰天下之事已可見矣今陳王興義兵討不義子宜速來以集其事王又聞子賢欲諮良謀虛意相望也子魚遂往涉郊迎而執其手議世務子魚以霸王之業勸之涉悅其言遂尊以爲博士太師諸度焉曰寡人不德爲諸侯羣賢所推南面稱孤其幸多矣今既賴二三君子且又欲規久長之圖何施而可子魚曰信王之言萬世之福也敢稱古以對昔周代殷乃興滅繼絕以爲政首今誠法之則六國定不攜抑久長之本也涉曰周存二代又有一格其事云何曰封夏殷之後以爲二代紹虞帝之隆備爲三格格敬也禮之如賓客也非謂特有一代別有三格也凡所以立二代者備王道通三統也涉曰三統者何曰各自用其正朔二代與周是謂三統涉曰六國之後君君不能封也遠世之王於我何有吾自度不及於周又安能純法之乎涉當問行軍之禮子魚曰天下有道禮樂征伐自天子出自天子出必以歲之孟秋賞軍師武人於朝簡練俊傑任用有功命將選士以誅不義於是孟冬以級授軍司徒指北而誓之誓於社以習其事先期五日太史筮於祖廟擇吉日齋戒告於郊社稷宗廟既筮則



獻兆於天子。天子使有司以特牲告社，告以所征之事而受命焉。舍奠於帝學，以受成。然後乃類上帝，崇於郊，以出。以齊車載遷廟之主，及社主，行大司馬職，奉之。無遷廟主，則以幣帛皮圭告於祖禰。謂之主命，亦載齊車。凡行，主皮圭幣帛皆每舍奠焉。而後就館，主車止於中門之外，外門之內。廟主居於道左，社主居於道右。其所經名山大川，皆祭告焉。及至敵所，將戰，太史卜戰日，卜右御。先期三日，有司明以敵人罪狀告之。史定誓命，戰日將帥陳列車甲卒伍於軍門之前。有司讀告誓，使周走三令五申，既畢，遂禱戰所，克於上帝。然後即敵。將士戰還，已克敵，史擇吉日復禱於所征之地，崇於上帝，祭社奠祖，以告克者。不頓兵傷士也。戰不克，則不告也。凡類禱皆用甲丙戊庚壬之剛日。有司簡功行賞，不稽於時。其用命者，則加爵受賜於祖。奠之前，其奔北犯令者，則加刑罰戮於社主之前。然後鳴金振旅，有司徧告捷於時所有事之山川。既至舍於國外，三日齋，以特牛親格於祖禰。然後入設奠，以反主。若主命則卒，奠斂玉埋之於廟兩階間。反社主如初迎之禮。舍奠於帝學，以訊誠告人，享於羣吏，用備樂饗。有功於祖廟，舍策勳焉。謂之飲至。天子親征之禮也。涉曰：其命將出征，則如之何？曰：古者大將受命而出，則忘其國，即戎帥陣，則忘其家。故天子命將出征，親潔齋盛服，舍奠於祖，以詔之。大將先入軍吏畢從，皆北面再拜稽首而受。天子當階南面，命授之節鉞。大將受，天子乃東面。而揖之，示弗御也。然後告大社，家宰執鬯宜於社之右。南面授大將。大將北面稽首再拜而受之。承所頒賜於軍吏，其出不類其克，不禱戰之所在。有大山川，則祈焉。禱克於五帝，捷則報之。振旅復命，簡其功勳，親告廟告社，而後適朝禮也。涉曰：將居軍中之禮，勝敗之變，則如之何？曰：將帥向左，士卒向右。出國先鋒入國後刃介冑在身，執銳在列。雖君王不拜，若不幸軍敗，則驛騎赴告於天子。載囊輶，天子素服哭於庫門之外。三日，大夫素服哭於社，亦如之。亡

將失城，則皆哭七日。天子使使迎於軍，命將帥無請罪。然後將帥結草自縛，袒右肩而入，蓋喪禮也。涉曰：行古禮如何？曰：古之禮固為於今也。有其人行其禮，則可無其人行其禮，則民弗與也。時陳涉既立為王，其妻之父兄往焉。涉以眾賓待之，長揖不拜，無加禮。其妻之父怒曰：怙亂僭號而傲長者，不能久矣。不辭而去。涉跪謝不顧。涉心慙焉，遂適子魚之館。而言曰：子雖丈夫哉，然塞於禮義，以啓於姻姬，惟先生幸訓誨之，使免於戾。曰：王所問者善也，敢固無辭而對乎。今以禮言，邪則禮無不拜。且宗族婚媾，又與眾賓異敬者也。敬而加親自古以然也。涉曰：雖已失之於前，庶欲收之於後也。願先生修明其事，必奉遵焉。曰：昔唐堯內親九族，外協萬邦，禮以婚為昆弟，妻之父母為外舅，姑由是明之，則拜之可知。夫婚親之義，非宗賢之類也。雖自已臣，莫敢不敬。昔魏信陵君當以此質臣之父臣之父曰：於諸母之昆弟，妻之諸父，則以親配德，年齊以上雖拜之可也。幼於己者，揖之可也。此出於人情，而可常者也。涉又問：同姓而服不及者，其制何邪？曰：先王制禮，雖國君有合族之道，宗人掌其列，繼之以姓，而無別醜之以食，而無殊各隨本屬之隆殺，屬近則死為之免，屬遠則弔之而已。禮之正也。是故臣之家哭子氏之別姓於弗父之廟，哭孔氏則於夫子之廟。此有據而然也。周之道雖百世婚姻不通，重先世之同體也。涉跪曰：先生之言，厥義博哉。寡人雖固，敢不盡心。涉讀國語言申生事，顧子魚曰：始余信聖賢之道，乃今知其不誠也。曰：王何謂哉？涉曰：書載驪姬夜泣，而公以信入其言。人之夫婦夜處幽室之中，莫能知其私焉。雖黔首猶然，況國君乎？子是以知其不信，乃好事者為之辭，將欲成其說，以誣愚俗也。故使子并疑於聖人也。曰：不然也。古者人君外朝則有國史，內朝則有女史。舉則左史書之言，則右史書之。以無諱。示後世善以為式，惡以為戒，廢而不記，史失其官。故凡若晉侯驪姬牀第之私，房中之事，不得掩焉。若夫設教之言，驅羣俗使人



入道而不知其所以者也。今此書皆實事，累累若貫珠，可無疑矣。陳人武臣謂子魚曰：夫聖人者，誠高材美稱也。吾謂聖人之智必見未形之前，功垂於身沒之後，立教而戾夫弗犯，吐言而辨士不破也。子之先君，可謂當之矣。然韓子立法，其所以異夫子之論者，紛如也。子每探其意而校其事，持八歷遠，過姦勸善，韓氏未必非，孔氏未必得也。吾今而後乃知聖人無世不有，則聖後聖，法制固不一也。若韓非者，亦當世之聖人也。子以爲笑。若子魚曰：子信之爲然，是故未免凡俗也。今世人有言高者必以極大爲稱，言下者必以深淵爲名，是資世之談而無其實者也。好事而穿鑿者，必言經以自輔，援聖以自賢，欲以取信於羣愚而度其說也。若諸子之書，其義皆然。吾先君之所自志也。請略說一隅而吾子審其信否焉。乃者趙韓魏共并知氏，趙襄子之行賞先加具臣而後有功，韓非書云：夫子善之，引以張本。然後難之，豈有不似哉。然實詐也。何以明其然。昔我先君以春秋哀公十六年四月己丑卒，至二十七年，荀瑤與韓趙魏伐鄭，過東垣而還。是時夫子卒已十一年矣。而晉四卿皆在也。後悼公十四年，知氏乃亡。此先後甚遠，而韓非公稱之，曾無作意，則世多好事之徒，皆非之罪也。故吾以是默口於小道，塞耳於諸子久矣。而子立尺表以度天，直寸指以測淵，豫大道而不悟，信誣說以疑聖，殆非所望也。武臣又手跪謝，施施而退。遂告人曰：吾自以爲學之博矣，而屈於孔氏，方知學不在多，要在精之也。陳涉使周章爲將，西入關，將以入秦。秦使將章即距之，涉以秦國之亂也，有輕之之意，勢若有餘，而不設敵備。子魚諫曰：章即秦之名將，周章非其敵也。今王使章需然自得而不設備，臣竊惑焉。夫雖天之所命，其禍福吉凶，大者在天，小者由人。今王不修人利以應天祥，若跌而不振，悔之無及也。涉弗聽。又諫曰：臣聞兵法無恃敵之不我攻，恃吾之不可攻也。今恃敵而不自恃，非良計也。涉曰：先生所言計策深妙，吾不識也。先生休矣。已而告人曰：儒者

可與守成，難與進取。信哉。子魚他日復諫曰：臣聞國大兵眾，無備難恃。一人善射，百夫決拾。章即秦將，卒皆死士也。周章弱懦，使彼席捲來前，莫有當其鋒者。涉曰：先生所稱寡人昧昧焉，願以人聞近事。喻之曰：流俗之事，臣所不忍也。今王命之，敢不盡情。願王察之也。臣昔在梁，梁人有陽由者，其力扛鼎，伎巧過人，骨騰肉飛，手搏躡獸，國人懼之。然無治室之訓，禮教不立，妻不異悍，浸相媒濟，方乃積怒，妻坐於牀，答焉由乃左手建杖，右手制其頭，妻亦奮恚，因受以背，使杖擊之，而自操其陰。由乃仆地氣絕，而不能興。鄰人聞其洵洵也，窺而見之，趣而救之。妻愈恚，莫肯舍旃，或發其裳然後乃放。夫以無敵之伎力而劣於女子之手者，何以輕之無備故也。今王與秦角，強弱非若由之夫妻也。而輕秦過甚，臣是以懼。故區區之心，欲王備慮之也。涉終弗聽。周章果敗而無後救，邯鄲進兵，擊陳涉，師大敗。子魚爲博士，凡六旬，言既不用，託目疾老於陳。著書二十一篇，論集先聖子思子上子高子順及己之行，事名之曰孔叢子。而詰墨在焉。詰墨語多不載。曹明問子魚曰：觀子詰墨者之辭，事義相反，墨者妄矣。假使墨者復起，對之乎。曰：苟得其理，雖百墨吾亦明白焉。失其正，雖一人猶不能當前也。墨子之所引者，矯稱墨子。墨子之善，吾先君吾先君之善，墨子其事庸盡乎。曹明曰：可得聞諸。曰：昔齊景公問墨子曰：吾欲善治，可以霸諸侯乎。對曰：官未具也。臣竊以聞而君未肯然也。臣聞孔子聖人，然猶居處勸懲，廉隅不修，則原憲季羔侍，血氣不休，志意不通，則仲由卜商侍。德不盛行，不勤則顏閔冉雍侍。今君之朝臣萬人，兵車千乘，不善之政，加於下民者眾矣。未能以聞者，臣故曰官未備也。此又墨子之善，孔子者也。子曰：晏平仲善與人交，久而敬之。此又孔子之貴，墨子者也。曹明曰：吾始謂墨子可疑，今則決矣。不疑矣。子魚生於戰國之世，長於兵戎之間，然獨樂先王之道，講習不倦。季則謂子魚曰：大丈夫不生則已，生則有云爲於世者也。今先生淡泊





世務修無用之業當身不蒙其榮百姓不獲其利竊為先生不取也。子魚曰不如子之言也。武者可以進取文者可與守成。今天下將撥亂焉終必有所定。子修武以助之取吾修文以助之守不亦可乎。且吾不才無軍旅之任徒能保其祖業優游以卒歲者也。年五十七卒。將沒戒弟子襄曰魯天下有仁義之國也。戰國之時講誦不衰且先君之廟在焉。吾謂叔孫通處濁世而清其身學儒術而知權變是今師也。宗於有道必有令圖歸必事焉。鮒生隨隨字子元或云元路隨之子及孫曾皆失考其元孫名吉漢元帝時尊周子南君為周承休侯位大諸侯王使諸大夫博士求殷後分散為十餘姓郡國往往得其大家推求子孫絕不能紀時匡衡議以為王者存二王後所以尊其先王而通三統也。其犯誅絕之罪者則更封他親為始封君上承其王者之始祖春秋之義諸侯不能守其社稷者絕今宋國已不守其統而失國矣則宜更立殷後為始封君而上承湯統非當繼宋之絕侯也宜明得殷後而已。今之故宋推求其嫡久遠不可得雖得其嫡嫡之先已絕不當得立禮記孔子曰先王殷人也先師所共傳宜以孔子世為湯後帝以其語不經遂見寢至成帝時久亡繼嗣梅福復上書曰臣聞存人所以自立也聖人所以自塞也善惡之報各如其事昔者秦滅二周夷六國隱士不顯伏民不舉絕三統滅天道是以身危子殺厥孫不嗣所謂墮人以自塞者也故武王克殷未下車存五帝之後封殷於宋紹夏於杞明著三統示不獨有也是以姬姓半天下遷廟之主流出於戶所謂存人以自立者也。今成湯不祀殷人亡後陛下繼嗣久微殆為此也。春秋經曰宋殺其大夫穀梁傳曰其不稱名姓以其在祖位尊之也。此言孔子故殷後也雖不正統封其子孫以為殷後禮亦宜之何者諸侯尊宗聖庶奪適傳曰賢者子孫宜有土而况聖人又殷之後哉。昔成王以諸侯禮葬周公而皇天動威雷風著災今仲尼之廟不出關里孔氏子孫不免編戶以聖人

而歆匹夫之祀非皇天之意也。今陛下誠能據仲尼之素功以封其子孫則國家必獲其福又陛下之名與天亡極何者追聖人素功封其子孫未有法也後聖必以為則不滅之名可不勉哉。綏和元年正月癸丑詔曰蓋聞王者必存二王之後所以通三統也昔成湯受命列為三代而祭祀廢絕考求其後莫正孔吉其封吉為殷紹嘉侯食邑千六百七十戶三月進爵為公地百里國於沛哀帝建平二年益戶九百三十二平帝元始二年更封為宋公子一何齊嗣封何齊子一安先聖至安十六代矣光武帝建武五年二月封為殷紹嘉公十三年復封為宋公後無嗣罷封子順三子長子之後承殷統中子之後率先聖祀焉。

述曰汾讀孔叢子文章議論駸駸乎有戰國之習矣豈風會所趨賢者不免與然以視縱橫捭闔立說而取卿相竊勢位富貴以為宗族交游光寵者相去奚啻霄壤則先聖之教猶有存者所如不合卒老於行固無足怪至若弗父以有宋讓厲公歷二十有四世至裔孫吉而卒承殷統賓於漢家蓋有天焉非偶然也考家譜敘吉子名何齊孫名安而漢書王莽傳云更封殷後宋公孔弘為章昭侯位為恪與譜不合并識於此。

關里文獻考卷四終

校記

①白馬爲非白馬：按此段文字出《孔叢子·公孫龍》，所引文無誤。「白馬」語原本《公孫龍子》。檢《公孫龍子·白馬論》作「白馬爲非馬」，無後一「白」字。

關里文獻考卷五

世系第一之五

九代騰字子襄身長九尺六寸。漢高帝十二年過魯以太牢祠孔子封騰爲奉祠君。惠帝時徵爲博士遷長沙太傅。年五十七卒。子一忠。十代忠字子貞該通六藝有高尙之志。文帝時徵爲博士。年五十七卒。子二武安國。

十一代武字子威爲文帝博士。子一延年。

十二代延年博覽羣書武帝時爲博士轉太傅遷大將軍。年七十一卒葬祖墓北。子一霸。

十三代霸字次孺幼有奇才從夏侯勝治尙書。昭帝徵爲博士宣帝時以大中大夫授太子經遷詹事出爲高密相元帝卽位拜太師賜爵關內侯食邑八百戶號褒成君給事中賜黃金二百斤宅一區徙名數於長安次孺爲人謙退嘗稱位祿太過何德以堪之帝欲致之相位自御史大夫貢禹卒及薛廣德免輒欲拜次孺陳讓至三帝察其誠乃止上書求奉先聖祀詔以所食邑祀孔子還其長子名數於魯年七十二卒帝素服臨弔者再賜東園秘器錢帛册贈列侯諡曰列君。子四福捷喜光。

十四代福成帝時襲封關內侯。年六十三卒葬祖墓北。子一房。

十五代房哀帝時襲封關內侯。子一均。

十六代均字長平本名莽避王莽名改均敦篤好學襲封關內侯徵拜尙書郎平帝元始元年六月晉封褒成侯食邑二千戶奉孔子祀五年王莽篡漢拜太尉三上書辭疾卒不就還魯遂失爵。年八十一卒。子一志。

十七代志光武時拜大司馬建武十四年夏四月仍襲褒成侯食邑如故中元元年春二月帝東巡狩至於岱宗崇望秩於山川班於羣臣遂觀東后褒成侯序在東后卒諡元成子三損謝恢。

十八代損字君益明帝永平十五年襲封褒成侯章帝元和二年春二月帝巡狩岱宗崇望山川告祠明堂褒成侯助祭焉三月帝幸魯祠孔子賜褒成侯及諸孔男女帛和帝永元四年徙封褒亭侯食邑一千戶。子二曜旭。

十九代曜字君曜襲封褒亭侯。子二完讚。

二十代完襲封褒亭侯邑百戶早卒無子魏文帝以其弟讚之子羨紹封。

二十一代羨字子餘父讚字元賓守廟百石卒史子餘魏文帝時拜議郎黃初二年春正月詔曰昔仲尼資大聖之才懷帝王之器當衰周之末而無受命之運乃退考五代之禮修素王之事因魯史而制春秋就太師而正雅頌俾千載之後莫不采其文以述作仰其聖以成謀茲可謂命世大聖億載之師表者已遭天下大亂百祀墮壞舊居之廟毀而不修褒成之後絕而莫繼闕里不聞講誦之聲四時不睹蒸嘗之位斯豈所謂崇化報功盛德百世必祀者哉嗟乎朕甚憫焉其以議郎孔羨爲宗聖侯邑百戶奉孔子祀令魯郡修起舊廟置百石吏卒以守衛之又於其外廣爲屋宇以居學者卒葬祖墓南。子一震。

二十二代震字伯起襲封宗聖侯晉武帝泰始三年冬十二月改封奉聖亭侯拜太常卿黃門侍郎食邑二百戶。年七十五卒。子一疑。

二十三代疑字成功襲封奉聖亭侯。年五十七卒。子一撫。

二十四代撫舉孝廉辟太尉掾爲豫章太守襲封奉聖亭侯。子一懿。

二十五代懿東晉襲封奉聖亭侯兼從事中郎卒葬祖墓西。子一鮮。

二十六代鮮字鮮之恢廓大度好學善教宋文帝元嘉十九年襲封奉聖亭侯改封崇聖侯。子一乘。

述曰汾讀家譜及關里志至二十二代迄二十六代之閒竊不能無惑焉考晉書孝武本紀載太元十一年秋八月庚午封孔靖之爲奉



聖亭侯奉宣尼祀。又宋書載晉明帝太寧三年詔給奉聖亭侯孔亭四時祀孔子祭直如泰始故事。亭五代孫繼之博塞無度嘗以祭直顧進替慢不祀。宋文帝元嘉八年有司奏奪爵。至十九年又授孔隱之兄子熙先謀逆又失爵。二十八年更以孔惠雲爲奉聖侯。後有重疾失爵。孝武大明二年又以孔邁爲奉聖侯。邁卒子泰嗣有罪失爵。此東晉至宋繼襲之次序也。國史撰述必有考徵而言之鑿鑿如是斷非毫無證據者。今譜內並無靖之亭繼之隱之惠雲諸人之系可疑者。譜載二十二代震於晉武帝泰始三年改封奉聖亭侯。二十六代鮮於宋文帝元嘉十九年襲爵奉聖亭侯。若果家嫡相承不應相距一百七十餘年。所傳祇有四世可疑者。元嘉十九年封奉聖亭侯者正史所載孔隱之也。家譜所載孔鮮也。事同一年名則迥異可疑者三。奉聖之名始於典午沿及宋齊梁陳迄未有改。其後魯郡折入元魏至魏孝文帝太和十九年車駕過魯詔選諸孔宗子一人以奉聖祀遂得二十八代孫靈珍封爲奉聖侯。此奉聖侯之號所自始而靈珍實始封之人也。今譜內載二十六代鮮襲封奉聖亭侯又改封崇聖侯以南北朝之號而混於南以孫之封而加於祖可疑者四。今汾以臆度之亭與靖之繼之三人或係二十二代震之家嫡至隱之惠雲適蔡等或以大宗無人遂取旁支代襲後因鼎祚屢移子孫不嗣家乘失傳始由於此。至靈珍崛起北朝大約由於支別自溯祖父以接大宗如懿如鮮未必盡曾主祀其所封爵或係追崇第唐書宰相世系表所載世次名字官爵皆與譜志脗合是以未敢妄改。又十七代志譜志皆云光武時拜大司馬建武十四年四月仍封襲成侯。考光武紀建武元年七月壬午以大將軍吳漢爲大司馬至二十年五月辛亥漢始薨乃以中郎將劉隆代行大司馬事。二十七年改大司馬爲太尉而隆亦即日罷終光武之世拜大司馬者止二人未聞更有孔志也。又本紀載十四年夏四月辛巳封孔子後志爲

襲成侯下注引古今志云志時爲密令則其非大司馬更爲確證。第譜志本於唐表或別有據抑當爲其據屬中有漏文未可臆斷故並仍舊譜所載而辨其疑者於篇亦先聖闕文之義。至九代子襲譜志皆從史記作長沙太守考長沙是時爲封國不應有大守之官及稽之漢書孔光傳及唐書宰相世系表皆作太傅其爲訛舛無疑不得以妄改太史公爲嫌也。唐書宰相世系表卷二十七孔氏世系表以素爲誤與譜不合考文獻考卷五終

關里文獻考卷五終

關里文獻考卷六

世系第一之六

二十七代乘字敬山博學有才元魏孝文帝時舉孝廉延興三年夏四月詔以乘爲崇聖大夫食邑五百戶給十戶以供酒掃子二靈珍景進

二十八代靈珍仕魏爲祕書郎孝文帝太和十九年夏四月帝幸魯親祠孔子廟詔選諸孔宗子一人封爵世襲奉孔子祀有司以爲莫靈珍宜乃封爲崇聖侯食邑一百戶子二文泰文傳

二十九代文泰襲封崇聖侯年五十八卒葬祖墓南子一渠

三十代渠襲封崇聖侯子一長孫

三十一代長孫襲封崇聖侯北齊文宣帝天保元年夏六月辛巳改封恭聖侯食邑一百戶後周宣帝大象二年春三月詔追封孔子爲鄒國公遂詔長孫承襲鄒國公邑數準舊語在祀典考年六十四卒葬祖墓西子一嗣慈

三十二代嗣慈隋文帝時應制登科授涇州司兵參軍遷太子通事舍人煬帝大業四年冬十月詔曰先師尼父聖德在躬誕發天縱之姿憲章文武之道命世膺期藹茲素王而頽山之歎忽踰於千祀盛德之美不存於百代永惟懿範宜有優崇可立孔子後爲紹聖侯有司求其苗裔錄以申上乃封嗣慈爲紹聖侯食邑百戶年七十卒葬祖墓西子一德倫

三十三代德倫唐高祖武德九年詔曰宣尼以大聖之德天縱多能王道藉以裁成人倫資其教義故孟軻稱自生民以來一人而已自漢氏馭歷魏室分區爰及晉朝暨於隋代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲紹聖侯以隋故紹聖侯孔嗣慈嫡子德倫爲嗣太宗貞觀十一年詔褒聖侯朝會位同三品食邑百戶中宗嗣聖七年賜勅書及

時服年七十一卒子二崇基子歎

三十四代崇基中宗嗣聖十二年襲封崇聖侯神龍元年夏五月授朝散大夫陪祭朝會年五十六卒子一璵之

三十五代璵之字藏暉元宗開元五年襲封崇聖侯授國子四門博士邠王府文學蔡州長史二十七年詔諡孔子曰文宣王以其嗣爲文宣公任州長史代代勿絕於是進封璵之爲文宣公兼兗州長史制曰朕永維聖道思闡儒風故尊崇先聖所以弘至教褒獎後嗣所以美前烈文宣王三十五代孫通直郎邠王府文學襲聖侯孔璵之襲承睿哲克復中庸三命益恭敦素懇於祖業百代必祀光寵被於朝恩積慶之餘既開於土宇盛德不朽宜傳於帶礪可襲文宣公尋遷都水使者天寶之亂寄居寧陵卒遂葬於寧陵子孫家焉子一萱

三十六代萱襲封文宣公兼兗州泗水令子一齊卿

三十七代齊卿德宗建中三年襲封文宣公兼兗州功曹轉青州司兵參軍時遭叛亂陷於東平子三惟晤惟助惟時

三十八代惟晤初居寧陵後兵解歸魯畱幼弟惟時居寧陵守先人墓憲宗元和十三年襲封文宣公授兗州參軍年六十五卒葬祖墓東子一策

三十九代策明經及第授曲阜縣尉武宗會昌元年歷少府監主簿國子監丞遷尚書博士二年襲封文宣公宣宗大中元年宰相白敏中奏歲給封戶絹百疋春秋充享祀年五十七卒葬祖墓西南子三振拯郁

四十代振字國文懿宗咸通四年進士第一人及第除祕書省校書郎歷兗州觀察判官監察御史左補闕水部員外郎襲封文宣公年七十四卒葬祖墓北子一昭儉

四十一代昭儉任南陵尉授廣文館博士兗州司馬賜緋除祕書郎



關里文獻考

卷六

四五七

襲封文宣公兼曲阜令。年六十卒。葬祖墓西北。子一光嗣。  
四十二代光嗣昭宗天祐二年。以齊郡授泗水主簿。遭世叛亂。遂失  
封爵。初宋元嘉間。鄒魯郡民孔景等五戶。供孔子廟洒掃役。其裔孫  
末見孔氏子孫。單承門祚衰弱。又多流寓他所。乘時不綱。謀冒聖  
裔。竊世爵。遂計害公。卒年四十二。梁末帝乾化三年也。子一仁玉。  
述曰。關里志及家譜載三十代渠初襲崇聖侯。北齊文宣帝天保元  
年。改封恭聖侯。後周靜帝大象二年。又進爵鄒國公。子長孫。後周武  
帝宣政元年。襲封鄒國公。按宣政在大象之前。先封其子。後封其父。  
斷無此理。且宣政年間。尚未有鄒國名號。所云長孫襲鄒國公。於宣  
政元年者。誤也。再考北史齊文宣本紀。天保元年六月辛巳。詔改封  
崇聖侯孔長為恭聖侯。孔長譜內既無其名。其為長孫之誤無疑。是  
初襲崇聖。改封恭聖。進爵鄒國公者。乃三十一代之長孫。而非三十  
代之渠也。又關里志載長孫二子。英。慈。嗣慈。英。慈。封奉聖侯。無子。嗣  
慈。襲封。按長孫既襲爵於北。其子斷無再受南封之理。且英。慈。之封。  
在陳廢帝光大元年歲次丁亥。後十四年庚子。始為周宣帝大象二  
年。其父受封。乃在其子既襲爵十數年之後。亦事之所必無者。蓋英  
慈自是江左一派。志因命名與嗣慈相同。遂訛為長孫之子。其實非  
也。兄家譜及唐書宰相世系表。並不言長孫有二子。更為可證。再譜  
志又云。三十二代嗣慈初襲鄒國公。後改封紹聖侯。考鄒國之封。改  
於後周大象二年。不踰年而周即亡。其封亦遂絕。至隋煬帝始求孔  
子苗裔。封嗣慈為紹聖侯。初封鄒國公。譜志似皆有誤。今既有依據。  
悉從更正。不敢以訛傳訛。啓後人之惑也。

關里文獻考卷六終



闕里文獻考卷七

世系第一之七

四十三代仁玉字溫如梁太祖乾化二年五月二十九日生孔末之亂生甫九月母張抱匿於外家既長身長七尺姿貌雄偉通六藝尤精春秋為人嚴整臨事有果斷後唐明宗長興元年魯人愬於官曰曲阜令宋非聖人後光嗣有子仁玉育於張氏今十九歲矣事聞於朝乃誅宋以公主孔子祀授曲阜主簿三年遷龔邱令封文宣公晉高祖天福五年改曲阜令後周太祖廣順二年六月帝平慕容彥超幸曲阜謁林廟召對賜五品服及銀器雜綵詔以曲阜令兼監察御史年四十五卒贈兵部尚書葬祖墓東北夫人裴氏附繼李氏封龍西郡夫人葬祖墓西後世以孔氏幾絕復興號中興廟復歲時祭其外祖張溫之墓為置祭田立奉祀生請蠲其徭役以報之子四宜憲冕助

四十四代宜字不疑自幼穎悟十歲能屬文以孝聞舉進士不第宋太祖乾德四年詣闕上書述其家世詔以為曲阜主簿歷黃州軍事推官時吳越初定黃州扼江鄂咽喉公佐理戎務宣力實多太宗即位召見遷司農寺丞掌星子鎮市征上言江左始平庶務不綱星子當江湖之會商賈所集請建為軍朝議以戶口少陞為縣就命知縣事後以為南康軍太平興國三年秋滿代還轉運使王明薦公言忠行篤守法奉公乞擢居朝列委以事機入觀獻所著文賦數十篇帝覽而嘉之召見問孔氏世數具以對帝謂左右曰家世之遠有如此者乎乃下詔曰素王之道百代所宗傳祚襲封抑存典制文宣王四十四代孫孔宜服勤素業砥礪廉隅承歷官聯洽聞政績聖人之後世德不衰俾登朝倫以光儒賈可擢太子右贊善大夫襲封文宣公初歷代以孔氏聖人之後不預庸調後周顯德中遣使均田遂抑為編戶至是公以為言帝特命復其家尋通判密州八年詔修曲阜孔

子廟公貢方物為謝批答曰素王之教歷代所宗當子治定之初特展修崇之典汝襲封闕里就列周行虔備貢輸慶茲輪奐省闕嘉獎不忘於懷遷殿中丞雍熙三年曹彬等北征契丹公受詔督餉溺拒馬河卒年四十六子三延世延澤延渥

四十五代延世字茂先以父死事賜學究出身授曲阜主簿歷知間長葛二縣至道三年真宗即位諭侍臣訪直聖裔呂端以公奏召見九月戊寅詔曰叔敖陰德尚繼絕於楚邦滅孫立言猶有後於魯國豈聖人之後可獨遠於陵廟乎許州長葛令孔延世鍾裔孫之慶仕文理之朝能敦素風其有政術宜任桑梓之地以奉蒸嘗之儀可特授曲阜令襲封文宣公帝復勉曰宜精心典祖廟祀母稍懈也賜帛五十疋銀器五十兩及太宗御書并九經咸平三年詔本道轉運使及州長吏待以賓禮見勿庭趨年三十八卒子一聖佑

四十六代聖佑年九歲授同學究出身大中祥符元年真宗東封泰山公年十一賜衣緣陪位綴京官班後帝還幸曲阜謁孔子林廟改曲阜為仙源縣授公太常寺奉禮郎後改大理評事掌本縣錢穀天禧五年襲封文宣公以光祿寺丞知仙源縣事遷贊善大夫終太子中舍年三十五卒無嗣以從弟宗愿襲爵

宗愿字子莊父延澤贈諫議大夫仁宗天聖中公以從父道輔蔭補太廟齋郎寶元二年授國子監主簿襲封文宣公知仙源縣事至和二年直集賢院祖無擇建言臣竊觀前史孔子之後襲封者在漢魏則曰褒成襄聖宗聖在晉宋曰奉聖後魏曰崇聖北齊曰恭聖後周及隋封以鄒國唐初亦曰褒聖或為君或為侯為公為大夫使奉祭祀至開元二十七年追謚孔子為文宣王始以其後為文宣公是以祖之美謚而加後嗣生而謚之不經甚矣乞明詔有司詳求古制或封以小國或取尊儒褒聖之義別定美號加以封爵著於令式使千古之下無以加於我朝之盛典也奏上帝下兩制議集賢殿學士劉



儒藏



徽言臣等謹按漢元帝初元元年以師孔霸為關內侯食邑八百戶號褒成君霸卒子福嗣福卒子房嗣房卒子莽嗣皆稱褒成君至平帝元始元年始更以二千戶封莽為褒成侯而追諡孔子曰褒成宣尼公以此觀之則褒成者國也宣尼者諡也公者爵也褒成宣尼公猶曰河間獻王云耳蓋推宣尼以為褒成祖非用褒成以為宣尼諡也唐世不深察此義而以褒成為夫子之諡因疑霸等號封褒成皆襲其祖之舊耳故遂封夫子文宣王而爵其後文宣公考核本末甚失事理先帝既封泰山親祠闕里又加文宣以至聖之號則人倫之極致盛德之顯名盡在此矣尤非其子孫所宜襲處而稱之者也臣等以為無擇議是可用其文宣王四十七代孫宗愿伏乞改賜爵名若褒成奉聖之此上足以尊顯先聖有不可階之勢下不失優孔氏使得守繼世之業改唐之失法漢之舊傳曰必也正名又曰正稽古立事可以永年此之謂也詔曰孔子之後以爵號褒顯世世不絕其來遠矣自漢元帝封為褒成君以奉其祀至平帝時改為褒成侯始追諡孔子為褒成宣尼公褒成其國也宣尼其諡也公侯其爵也後之子孫雖更改不一而不失其義至唐開元中始追諡孔子為文宣而尊以王爵封其嗣褒聖侯為文宣公孔氏子孫去國名而襲諡號禮之失也蓋由此始朕稽考前訓博採羣議皆謂宜法漢之舊革唐之失稽古正名於義為當朕念先帝崇尚儒術親祠闕里而始加至聖之號務極尊顯之意肆朕纂臨繼奉先志尊儒重道不敢失墜而正其後裔嗣爵之號不其重與宜改至聖文宣王四十六代孫宗愿為衍聖公尋遷尚書比部員外郎通判濰州卒於官葬祖墓西子四若蒙若虛若愚若拙

四十七代若蒙字公明神宗熙寧元年二月襲封衍聖公為仙源縣主簿哲宗元祐元年授承奉郎用族叔知兗州宗翰議改封奉聖公專主祀事不預他職遇郊祀大禮赴闕陪位元符元年坐事廢以弟

若虛襲子二端友端操。

若虛字公實襲封奉聖公徽宗崇寧中卒子一端本復改奉聖公為衍聖公仍以若蒙之子端友紹封。

述曰中興祖去今未三十世子孫繁衍已二萬餘人乃其先一夫肆逆九族崩頽孔氏之危不絕如髮蓋緣唐室陵遲鎮藩跋扈兵戈擾攘民不聊生重以黃巢朱李之亂戶口日益凋喪而士大夫之仕於外者又多輕去其鄉不歸井里以致門祚衰弱禍起家奴雖曰天數抑亦人事之過也使當日聚族而居其勢有以相維而力又足以相敵雖百孔末亦奚為哉詩云宗子維城信矣夫。

闕里文獻考卷七終

闕里文獻考卷八

世系第一之八

四十八代端友字子交。宋徽宗崇寧三年，襲封衍聖公。制曰：自書契以還，爵於朝者多矣，未有傳世四十而不絕者也。惟爾文宣王之後，次當承襲，宜錫文階，並示寵渥。往加恪慎，務保厥榮。宣和三年，轉通直郎，除直秘閣，賜緋章服，仍許就任開陞。高宗南遷，建炎二年，冬，祀赴揚州陪位，不克歸，遂寓於三衢，終柳州知州卒。無子，以弟端操之幼子玠嗣。

四十九代玠字錫老。宋高宗紹興二年，嗣世父襲封衍聖公。制曰：夫子踰於堯舜，澤及萬世，靡有所窮。欽崇碩報，邦有彝典。肆予命爾紹於世封，惟欽惟恭，則無墜命。子一摺。

璠字文老。父端操，四十七代奉聖公次子也。紹興三年，偽齊劉豫授爲通功郎，襲封衍聖公。管勾祀事，劉豫廢封絕。金熙宗天眷三年，詔求孔子後，十一月乃以璠爲承奉郎，襲封衍聖公。卒年三十八，贈榮祿大夫，葬祖墓西。子三：拯、摠、摠。

五十代摠字季紳。宋高宗紹興二十四年，授右承奉郎，襲封衍聖公。制曰：仲尼之道，垂休萬世，自生民以來，未有盛於此者。襲封奉祀，宜及後昆，以爾重厚，深醇世系，可考選共，乃事是遵典常。命以京秩，昇以公圭，非特爲爾身榮，實所以尊聖也。往其懋哉。子一文遠。

拯字元濟。金熙宗皇統二年春正月，授文林郎，襲封衍聖公。時年八歲。廢帝天德二年，定衍聖公降格，加於常品，尋晉承直郎。世宗大定元年，年二十六卒，葬祖墓西南。無子，以弟摠襲封。

摠字元會。少穎悟，三歲而孤，及長，能力學，自強，通左氏春秋。金世宗大定三年，授文林郎，襲封衍聖公。嚴潔祭祀，敦睦族黨。時兵燹後，廟傾圮，公愀然曰：生爲聖人，後而繆當其職，坐視隘陋如此，寧不愧於心乎？乃親率佃戶，東之蒙山，伐取材木，增修寢殿及尼防殿，宇廊廡

五十餘楹。二十年冬十二月，召至京師，帝欲官之，尚書省言摠主先聖祀事，若加任使，守奉有闕，乃授曲阜縣令。未任時，歲方大旱，既下車，甘雨三日，歲大熟，勤於吏事，案無留牘。舊夏絹凡丈尺，小戶合併全足，輸納吏胥悉爲奸利，公止令依市價積，輸納舊弊盡革。縣城壞，官計修築，戒董者曰：慎勿拆廬舍，壞家墓，有礙者當隨地築之。其死而無主，枯骨暴露者，盡以已俸收葬，碑曰：叢家。後終奉直大夫，年五十三卒，贈光祿大夫，子二元，摠、元紘。

五十一代文遠字紹先。宋光宗紹熙四年，授承奉郎，襲封衍聖公。制曰：孔子之後，自漢以來，世俾襲爵，國家崇儒重道，又過前代。於是衍聖公之封，爾於世次，實當紹繼，其務恪恭，以承祭祀。子一萬春。元措字夢得。初，父摠年已四十，生數子，皆不育。及宰曲阜，收葬枯骨，夜夢衆人來謝，一人稍前曰：差哉，魯雲之弗及，既寤，又搜得十餘骸，并葬之。已復夢其人來謝曰：今子非爾子，後丑年庚月丁日所生，眞爾子矣。當名元措。已果得子，因即以名之。而字夢得。金章宗明昌二年四月，襲封衍聖公。制曰：聖謨之大，儀範百王，德祚所傳，垂光千祀。蓋直道以經世，宜承家之有人。文宣王五十一代孫孔元措，秀阜衍祥，清洙流潤，芝蘭異稟，蔚爲宗黨之英，詩書舊聞，蚤服父兄之訓。語年雖妙，論德已成，肆疏世爵之封，乃煥章身之數。非獨增華於爾族，固將振耀乎斯文。勉嗣前修，用光新命。又詔衍聖公視四品階止，八品不稱，超授中議大夫，著爲令。承安元年冬十一月，帝行郊祀禮，召赴闕侍祠，位在終獻之次。二年，詔兼曲阜令，仍世襲。貞祐二年，宣宗徙都汴，公赴行在。時丁母憂，遙授東平府通判，詔以來春赴任。後宣宗念東平土寇竊發，欲保全之，令與隨朝職事，乃改授太常博士。與定四年，改行太常丞。元光元年，授同知集賢院兼行太常丞。哀宗正大二年，授知集賢院兼太常丞。天興元年，遙授泰定軍節度使，兗州管內觀察使，兼行太常少卿。二年，遷光祿大夫，尋晉太常卿。時元兵



儒藏

伐金汴京失守。元太宗命公還東平。仍襲封衍聖公。主奉祀事。歲年金亡。公上言於太宗曰。兵興以來。禮樂散失。燕京南京等處亡金太常故臣及禮樂器多有存者。乞降旨收錄。太宗可其奏。詔各處管民官如有亡金知禮樂舊人。可并其家屬徙赴東平。令元措領之。於本路稅課所給其食。十一年。公奉詔至燕京。得金掌樂許政掌禮王節及樂工翟剛等九十二人。夏四月。肄登歌樂於曲阜宣聖廟。就東平造樂器。製冠冕法服鐘磬箏笛儀物。後禮樂肄習既成。召樂人至日月山試奏於帝前。遂用以祀上帝。元朝一代禮樂公實始創之。卒無子。以弟元紘之孫演嗣爵。

五十二代萬春字耆年。宋理宗寶慶二年襲封衍聖公。制曰。朕聞盛德百世必祀。孔詩書仁義之澤。潤浸生民。炳然至今者乎。爾承休聖門端有傳緒。屬當大補。仍續世封。恪共蒸嘗。當勉家業。東魯文獻於此有考焉。不亦善乎。子一洙。

五十三代洙字景清。宋理宗紹定四年襲封衍聖公。通判吉州。宋亡歸元。元世祖議孔氏子孫當立者。或言孔氏子孫當衛者。乃其宗子。至元十九年冬十一月。召至闕。勞問洙遜於居曲阜者。帝嘉之。曰。事運榮而不違。親真聖人後也。遂命為國子祭酒。承務郎兼提舉浙東學校事。與護持林廟聖書勅給俸祿。秩滿再授。奉訓大夫儒學提舉。年六十一卒。無嗣。自端友至洙襲封於衛者蓋六世云。

洙字昭度。祖元紘幼孤。不好遊戲。及長。敦厚慎默。不談人之非。粗衣糲食。一無所擇。仕金至安遠大將軍。武昌節度判官。父之固洙於元憲宗元年襲封衍聖公。喜較獵。日事鷹犬。不修祖祀。明年曲阜管民長官治率族人等以不事儒雅攻之。且言洙非孔氏子。遂奪爵。洙本之固庶子。嫡母任其嫡道。其生母洙時甫生。隨母配。驅口李氏長遂。姓李。世大父元措育為嗣。因得襲爵。然已有名在。驅口籍故族人羣訟其為驅口李氏子。既奪爵。其母任氏悔之。為上疏辨雪。不報。後知

濰州。無子。世爵在北者中絕。絕四十三年至成宗即位。以治紹封。

治字世安。六世祖若愚字公直。四十六代衍聖公宗愿第三子也。五世祖端立字子植。金時權主祀事。高祖號字西老。曾祖拂字文通。並授進義校尉。祖元用字俊卿。金宣宗貞祐二年歲在甲戌。衍聖公元措赴汴。以元用代攝祀事。壬午年。宋收復京東西路。甲申年。乃授元用為通直郎。乙酉年。宋新復諸州。復入於元。丙戌年。元郡王帶孫攻益都。以元用有將略。授以兵使。隨征。丁亥年。卒於軍。父之全字工叔。元用之隨征也。之全以迪功郎為曲阜縣尹。權主祀事。癸巳年。元克金。汴都取元措還。乃罷主祀事。專尹曲阜縣。治於元憲宗二年。充曲阜管民長官。世祖中統元年襲世職。縣尹四年。權主祀事。至元十三年授承事郎。時廟庭罷洒掃。戶祭不用公家錢。治每遇祀事。桑盛牲醴。必以豐潔。辛曲阜二十餘年。內撫百姓。外給軍旅。以才幹著聞。二十二年授奉訓大夫。單州防禦使。以其子思誠代為曲阜尹。將行戒其子曰。毋妄怒。輕笞楚人。邑中長者視之如父兄。幼者撫之如子弟。以無負乃父訓。及至單州。與學校正風俗。聽訟平允。人自不冤。二十九年遷奉直大夫。知密州。成宗元貞元年。赴闕。大臣言治孔子裔孫。其祖元用有軍功。沒於王事。治權奉祀事三十餘年。襲封爵莫宜治。詔從之。授中議大夫。襲封衍聖公。卒年七十二。子一思誠。以世襲縣尹嗣公爵。尋以非嫡罷封。止世襲縣尹。遷國子監丞。安慶路推官。陞知恩州。丁內艱。不赴。繼拜江南湖北道肅政廉訪司僉事。皆不赴。以朝列大夫知濮州致仕。清勤奉職。所至皆有名。子克欽。世襲曲阜尹。別有傳。

右南北宗衍聖公皆四十六代公宗愿之裔也。宗愿長子若蒙。生端友。端操。端友無子。以端操幼子玠嗣。至洙六世。是為南宗。自洙無嗣而南宗者絕。北宗端操生璠。璠生拯。拯生元措。元紘。元紘生之固。之固生洙。洙生元泰。元讓。與生活。括生元衡。宗愿次子若虛。生



述曰不有遷者誰共社稷不有居者誰奉蒸嘗衍聖公在宋金元之交南北各受其封是也然於四郊多壘之際而能守其傳器弗墜厥宗則居者視遷者爲尤苦况世爵原爲奉嗣匪僅榮我孫子洙之能讓可謂深知大義者至洙宜有後於闕里乃世絕不爲立嗣致啓異日有以弟爲子之說然後從而辨駁之則亦前人之過也再宗子或以故他出因命其子弟代主祀事故有權攝之名而金元之間又率由省臣劄委並非實膺世爵今家譜內於代攝祀事者皆曰權襲封衍聖公蓋盡失其實也又志載五十一代元用於寶慶元年宋克山東時權襲衍聖公仙源令二年改濟州通判及元太師國王木華黎兵至承制封拜又權授襲封衍聖公乙酉年從太師征益都考宋元二史宋寧宗嘉定十五年歲在壬午大名忠義彭義斌復京東州縣越三年乙酉是爲宋理宗寶慶元年京東州縣已盡陷於元矣今云寶慶元年復山東二年判濟州者皆誤也又元太師國王木華黎死於癸未三月至寶慶二年沒已四載不應尙能統兵拜爵考攻益都者乃木華黎之弟郡王帶孫也又其事在丙戌並不在乙酉所云乙酉太師攻益都者亦非也且南宋之時有南宗衍聖公文遠在收復山東或以元用爲仙源令理似有之若封以世爵則置在衢者於何地此事之所必無者况寧宗本紀十七年甲申止有授孔元用爲通

直郎並無權襲封衍聖公語此尤信而可徵者也。蓋緣南北紛爭間見異說家乘所記雜取後人追述之碑志是以不無舛錯。今悉據正史更正如左而疑者則仍闕焉以俟後之博覽者。



闕里文獻考卷九

世系第一之九

五十四代思晦字明道高祖拂進義校尉曾祖元孝祖之厚贈亞中大夫濟寧路總管輕車都尉魯郡侯父浣字日新贈通議大夫禮部尚書輕車都尉魯郡侯公生而端重簡默童稚時讀書已識大義導江張頌教授三氏學公受業焉講求義理不爲詞章學雖劇寒暑不廢業家貧躬耕侍養遠近爭師之元大德中游京師祭酒耶律有尚欲薦之以母老辭歸母寢疾衣不解帶居喪勺水不入口者五日至大中舉孝廉爲范陽儒學教諭延祐初調寧陽在職以儉約自厲教養有法比離任諸生皆不忍舍去當是時衍聖公思誠以支庶襲爵爲族人所不服而公於序爲嫡長且賢於是族之人請於朝願以公嗣襲政府未決會仁宗雅尚儒術一日問儒臣曰孔子之裔以世次應襲爵者爲誰元明善以公名對帝復取譜牒考之乃罷思誠而以公爲中議大夫襲封衍聖公給四品印月俸自百緡加至五百緡蓋延祐三年六月也泰定四年山東廉訪副使王鵬南言衍聖公爵上公而階止四品於格弗稱且失尊崇意詔陞嘉議大夫至順三年少監歐陽元又言衍聖公爵最五等秩登三品而用四品銅印不稱詔改給三品銀印公以宗祀貴重恒懼弗勝每遇祭祀必敬必慎初廟燬於兵火後雖苟且完葺而垣牆角樓未備公竭力營度頓復舊制金絲堂壞又新之祭器禮服悉加整飭又以尼山乃毓聖之地故有廟久毀民冒耕祭田且百年公復其田里請置書院立學官時廷議未決後卒從之三氏學舊有田三千畝在沛縣之刁陽久爲豪民所占官利其賂庇之子思書院舊有營運錢萬緡貸於民取子息以供祭祀久之民不輸息并負其本公皆理而復之又爲先聖考妣請加封王號奏設司樂管勾典籍等官廟庭規制悉復承平之舊初孔末之作禍也我先世僅有存者至是其裔復冒稱先聖後人欲以亂我

宗譜公曰是賊與吾宗爲世讎不辨將益肆於是大會族人斥之復刻宗譜於石以垂永久焉順帝元統元年春三月卒年六十七諡文肅卒之日有鶴百餘鳴舍上神光自東南降於舍北至正中贈通奉大夫河南江北等處行中書省參知政事護軍追封魯郡公葬祖墓西配張氏封魯郡夫人子一克堅五十五代克堅字璟夫少廓達通敏日誦千餘言通左氏春秋又工爲樂府順帝至元六年冬十一月授嘉議大夫襲封衍聖公請修飾廟像詔賜山東歷日錢之半給其費復令監察御史思立持楮幣二萬五千緡勒碑以紀成績至正八年四月乙亥帝幸太學中書謂公爵與階不稱詔晉中奉大夫賜二品銀章十五年平章政事達世帖木爾薦公明習禮樂徵爲同知太常禮儀院事以子希學襲爵是年冬帝親郊以公攝太常卿御史大夫雪雪言公材宜侍從拜中臺治書侍御史辭歸明年拜山東道肅政廉訪使復辭會山東兵亂公北行大棗城帝以丞相太平薦遣使就起爲集賢直學士十八年毛貴犯畿甸詔徵四方兵入衛廷議棄燕遷關中公曰天子當與社稷共存亡豈可他徙今勤王兵頗衆與決戰盜可平也後盜果敗去如公言十九年遷禮部尚書知貢舉時四方士多避亂京師公請設流寓科以取之是年冬擢陝西行臺侍御史二十一年李思齊及察罕帖木爾軍相攻隴蜀間朝廷不能制陝西行省丞相帖里帖木爾納思齊降將命張良弼禦之公與中丞袁煥固爭不可且曰二軍不敢舉兵犯奉元者豈其力不足哉以無名耳今納其叛將而出兵禦之是引虎使噬也不聽煥被劾去公歎曰謀之不臧亂且至矣亦自劾而歸月餘二軍攻良弼戰於鹿臺奉元果陷二十二年除國子祭酒謝病歸起集賢直學士不就又以爲山東廉訪使亦不拜明太祖洪武元年徐達下濟寧公抱病命子希學入覲尋復力疾赴京師行次淮安會帝亦以手詔趣之曰爾祖宗垂教萬世子孫賓職王家代有崇



榮非獨今日。吾奉天命安中夏。雖起庶民。然古人由民而稱帝者。漢之高祖是也。聞爾辭疾。未知實否。若無疾。稱疾以慢吾國。不可也。諭至思之。公奉詔惶恐兼程進。召見。諱身殿問。以年對曰。臣五十三。帝曰。爾年齒未邁。而病嬰之。今不煩爾以官。爾家先聖後子孫。不可不學。爾子溫厚。尙勵以克勤先業。公頓首謝。即日賜宅一區。馬一匹。米二十石。又賜田一頃。明日復召見。命以訓率族人。因顧侍臣曰。養以祿而不任以事。以先聖後特優禮之也。居二年。慰勞時至。郊社必致膳肉。三年春。以疾請歸。遣中使日存問。詔乘傳還里。賜白金文綺三月。丁巳卒於下邳新安驛舟中。年五十五。葬祖墓西。配張氏。封魯郡太夫人。子九。希學。希說。希範。希進。希麟。希鳳。希順。希尹。希贊。五十六代希學。字士行。性明敏好學。年二十一。以父徵同知太常禮儀院事。乃襲封衍聖公。益自樹立。於經籍子史之書。靡不研究。文詞爾雅。每賓客談笑。揮灑爛然。可觀。善隸法。四方求得者。皆什襲藏之。元季之亂。隨父北行。至薊城。拜秘書卿。封爵如故。明太祖洪武元年。入覲南都。召對敷陳。歷代治亂。甚悉。帝嘉納之。詔衍聖公及世襲知縣官屬。並如舊制。仍免子孫徭役。又進衍聖公秩二品。階資善大夫。賜之誥曰。古之聖人。自羲農至於文武。法天治民。明並日月。德化之盛。莫有加焉。然皆隨時制宜。世有因革。至於孔子。雖不得其位。會前聖之道而通之。以垂教萬世。爲帝者師。其孫子思。又能傳述而名言之。以極其盛。有國家者。求其統緒。尊其爵號。蓋所以崇德而報功也。歷代以來。膺襲封者。或不能繩其祖武。朕甚愍焉。當臨御之初。訪其世襲者。得五十六代孫孔希學。大宗是紹。爰行典禮。以致褒崇。爾其勤敏。以進學恭儉。以成德。庶領袖世儒。益展聖道之用。於當世。以副朕之至望。豈不偉與。復手勅中書省。下所司。優其廩給。下逮僕從。勿使有乏。又賜襲衣冠帶正旦朝賀命班亞丞相。其後歲覲。屢降手勅慰勞。給符乘傳。恩禮倍至。公在位適當兵戎之後。廟庭廊廡。圯

壞。祭器樂器。法服不備。祀田荒穢。而責通賦者孔亟。公上言。乞命有司。修治且減免賦役。並從之。七年。又詔免本戶稅糧三十頃。十四年。秋九月己丑卒。年四十七。帝爲悲悼。親製祭文。遣行人張濟民致祭。配董氏。贈魯郡夫人。繼配孫都思氏。子一。訥。五十七代訥。字言伯。魁梧厚重。寡言笑。篤學恭謹。不以貴驕人。尤工篆法。洪武十六年。孝慈皇后崩。入臨葬。孝陵畢。召見。帝顧謂廷臣曰。孔訥。眞聖人子孫也。賜膳光祿館於太學。遣尙書劉仲質。勞問將俾襲爵。公以居喪辭。乃止。服除。十七年正月。朝京師。帝命禮官卜日受爵。適以二月庚午受封。是日。百僚班列。勅禮官以教坊樂。導送至太學。學官率諸生二千餘人。迎成賢街觀者如堵。明日入謝。復賜襲衣。宴於禮部。又明日。釋奠於太學。以拜命告。恩禮之加。古未有也。帝既革丞相官。令衍聖公班文臣首。時吏部以故事。請用資善階。帝曰。既爵公。勿事散官。賜誥以織文玉軸。與一品同。遂爲故事。建文二年。秋九月戊寅卒。年四十三。配陳氏。繼配商氏。王氏。子四。公鑑。公鏞。公鈞。公鏞。五十八代公鑑。字昭文。生而岐嶷。長益端厚。簡重。事親尤以孝聞。建文二年。襲封衍聖公。四年。年二十三。夏四月乙亥。以疾卒。八月丙寅。帝遣行人左誠諭祭。葬祖墓西。配胡氏。子一。彥緒。五十九代彥緒。字朝紳。名與字皆仁。宗在潛邸時所命也。幼孤。母胡太夫人教育之。屹然端重。如成人。永樂八年。年十歲。襲封衍聖公。召見時。言動進退。從容詳雅。帝喜曰。眞聖人裔也。公既襲爵。篤志讀書。才識益高。廣度量。寬而有容。人或以非禮至者。不與校。一時公卿士庶咸敬而愛之。洪熙元年。仁宗語侍臣曰。外藩貢使。皆有公館。衍聖公假館民閒。非崇儒重道意。乃賜第於東安門北。宣德四年。公將遣使市書。福建咨禮部。部臣以聞。帝命市與之。尋奏關里雅樂及樂舞冠服。敕壞詔命所司修治。正統元年。母胡太夫人卒。朝廷遣行人李

源。祭九年奏請三氏學設生員報可。十四年祖母王太夫人卒。遣行人邊永諭祭。景泰元年帝視學。公應召率三氏子孫赴京觀禮。三年朝覲。改賜三臺銀印。玉帶織金麒麟衣。六年爲族人克煦等所訐。帝不直。克煦等置弗問。冬十月癸亥卒。年五十五。命禮部治喪。工部治墳塋。葬祖墓西。配夏氏。洪熙元年封夫人。子四承慶承吉承澤承源。

六十代承慶字永祚。幼端敏。有至性。年十一遭母夏夫人憂。居喪秉禮。有成人所不及者。既長。刻苦自厲。從新安江湜。清江裴侃及族祖克晏學。通尙書。性耽吟咏。著有禮庭吟藁傳世。景泰元年。年三十一。未襲爵卒。六年以子襲爵。追贈衍聖公。配王氏。封夫人。子二宏緒宏泰。

六十一代宏緒字以敬。幼失怙。甫八歲祖又卒。族人因其幼弱。肆爲侵侮。祖妾江訴諸朝。詔遣禮部郎治喪。而命公族父少詹事公恂理家事。冬十二月驛召至京。襲封衍聖公。陛見之日。帝見其尙垂髫。命宮人卽撫下。剔之。俾歸。遣其母親賜玉帶以軀尙小。去二銙授之。又賜金章曰謹禮崇德。簡教授一人課其學。又降旨戒族人共加保護。敢有挾長恃強。欺陵侵害者。許具實以聞。復特封其庶祖母江爲夫人。英宗復辟。入賀。朝見。便殿。帝握其手。置膝上。語良久。時公甫十歲。進止有度。帝甚悅。賜白金文綺。帝聞其賜第。湫隘以大第易之。凡郊祭大典及南城賞花。西苑較射。皆與焉。成化元年春三月。帝幸太學。應召陪祀。分獻沂國公。五年夫人李氏卒。遣官諭祭賜葬。公在位多所興建。請給三氏學印。開族人歲貢格。錫族人田租十之七。皆得旨報可。然少貴多過舉。五年以宮室踰制被劾奪爵。下廷臣議宜襲者。僉言世嫡相傳。古今通義。乃據宋若蒙若虛故事。以請命其弟宏泰代襲。而後仍歸其子。弘治十一年從按臣請復其冠帶。明年六月。祖廟災。弟方在朝。公率子弟奔救。素服哭廟。蔬食百日。如居喪禮。十七

年春二月癸巳卒。年五十七。遣布政使司參政冒政諭祭。賜葬祖墓西。配李氏。繼配熊氏。袁氏。皆封夫人。子二閻韶閻禮。

宏泰字以和。美丰儀。善議論。成化六年代兄襲爵。帝命曰。惟學可以希聖。惟德可以繩先。爾尙進學修德。統率族人。毋忝聖裔。以副朕懷。十七年母夫人王氏卒。帝遣行人汪舜民諭祭賜葬。弘治元年春三月。帝幸太學。應召分獻。充國公。十二年入朝。聞祖廟災。奔歸。引咎乞罷。弗許。十四年累以疾請休。又弗許。公生八月而孤。事母極孝。襲世爵。與兄友愛無間言。十六年夏五月庚辰卒。年五十四。事聞。帝遣行人諭祭者五命。有司營葬事。贈賻有加。特廕其子五經博士。配孫氏。成化十二年封夫人。子一聞詩。

六十二代閻韶字知德。弘治十六年冬十月襲封衍聖公。公弱冠嗣封儀度秀整。恩遇優隆。榮動朝野。一時紳士咸贈言以送其行。彙刻成集。名曰振鷺。正德三年。上言孔氏稅糧。在成化間曾以五十六代孫克煦奏請恩免三分之一。今聖裔貧困者甚多。乞盡賜蠲免。詔從之。四年曲阜世職知縣缺。公循例選舉族人承章。承周等奏計。公選舉有私。帝以承章等所奏多虛。量加譴責。而世尹竟不用所舉者。已而承章等猶欲奏辨。帝怒責成廣西。乃加賜璽書。令約束族人。勅曰。我太祖高皇帝崇重爾祖之道。卽位之初。首命訪求大宗之裔。襲封衍聖公。既又擇其支裔之良者。授曲阜縣知縣。世守其職。著在令典。累朝遵行。茲惟我國家之盛事。非獨爾一家之榮也。近者曲阜缺知縣。爾及族長舉事人等。遵故事共舉一人。而族人孔承章承周乃懷挾私讎。越關赴京。連名奏計。該吏部參酌覆奏。別用一人。以承章等所奏多虛。薄示罪責。顧潛住京師。復謀奏擾緝事。衙門發其事。遂命錦衣衛鎮撫司究問。本當照依榜例處治。但念先聖子孫。免枷號決打。俱發戍廣西邊衛。夫先聖之道。垂憲萬世。朝廷用之以爲治天下之法。在爾輩守之。則爲治家之法。承章等首開訟端。毀誣宗子。以朝





廷名爵為私家爭奪之具。是先聖不肖子孫也。遷發遠方小德大戒。正用先師家法為之教。不肖子孫耳。先聖嘗言其身正。不令而行。爾聞韶尚佩服家訓。進學修德。與族長舉事。管理族人。讀書循禮。以稱朝廷崇重至意。今後再有恃強挾長。朋謀脅制。不守家法。為聖門之玷者。爾即指名具奏。國典具存。必不輕恕。六年。勦盜劉六劉七起。侵犯關里殘毀聖廟。寇退。公悼焉。明年白巡撫趙璜欲城關里會僉事潘珍別有奏得遷縣城衛廟。八年春三月。帝幸太學。使召公陪祀。命分獻沂國公。公以禪服解乃止。嘉靖元年。十二年兩次幸學。皆應召陪祀。分獻四配。生母江繼母袁卒。並賜祭葬如禮。二十五年春二月。戊戌卒。年六十五。帝遣行人劉祿諭祭者。九賜葬祖墓西。配李氏繼配衛氏俱封夫人。子二。貞幹。貞寧。

六十三代貞幹字用濟。嘉靖二十五年襲封衍聖公。三十五年入朝。秋七月有疾。帝遣御醫徐燁來視。八月甲午卒於京邸。年三十有八。遣禮部侍郎袁煒諭祭。行人何燦護喪歸里。贈卹祭葬悉如先公禮。葬祖墓西。配張氏封夫人。子一。尚賢。

六十四代尚賢字象之。嘉靖三十五年襲封衍聖公。時年十四歲。巡撫丁以忠上言。尚賢中年宜如宏緒例肄業國學。詔從之。四十一年公上疏言。族屬繁衍。家範日弛。往往違度干紀。無以仰稱朝廷崇重至意。秋九月。帝賜勅曰。惟我祖宗列聖。稽古右文。崇儒重道。於先師孔子特隆象賢之典。其大宗之裔。錫爵嗣封。承奉祀事。統攝宗人。其支庶之眾。亦加優遇。肆朕率循舊章。恩禮益至。顧族屬既繁。哲愚非一。往往干犯國憲。有玷聖門。茲特賜爾勅諭。令爾尚賢督率族長。舉事管束。族眾俾各遵守禮法。以稱朝廷嘉念至意。爾宜修德謹行。以身先之。如有恃強挾長。朋謀為非。不守家法者。聽爾同族長查照家範發落。重則指名具奏。依法治罪。爾其欽承之。隆慶元年秋八月。帝幸太學。應召陪祀。命分獻。三年。又賜勅諭。令公約束族人。保舉賢德。

而繩其不率者。萬歷四年秋八月。帝幸太學。遣行人召取入京。時公正居祖母衛太夫人憂。以服辭乃止。七年。詔衍聖公。朕以賓禮待之。今後自賀萬壽節。外母常朝。二十二年。命公長子衍椿為公世子。賜二品冠服。天啓元年冬十一月辛酉。以疾卒於京師。賜諡。年七十八。明年夏五月。遣禮部尚書孫慎行諭祭。行人盧時泰護喪歸葬。命工部造墳葬祖墓西。崇禎元年。追贈太子太保。配嚴氏封夫人。公遂於學嘗語人曰。人之心體。本自湛然。習氣蒙之。憧擾四出。惟以明還明。期若初體。則學之能事畢矣。外而事業。千流萬派。總發源於此。聞者為之憬悟。子二。長即衍椿。次衍桂。襲五經博士。皆早卒。無子。乃育從弟尚坦。子衍植為嗣。及卒。以衍植紹世爵焉。

述曰。五十四代公始正嫡封。適承大亂之後。於祖廟禮樂之事。興復為多。五十五代公紹修家學。憲譔朝端。政績風規。卓乎偉矣。自明祖優禮聖公。待以上賓。而不煩以庶政。故後之紹封者。自修明祀事。而外舉無他事。可紀述。然率祖攸行。即可動無過舉。詩云。在彼無惡。在此無讟。庶幾夙夜。以永終譽。蓋貴夫能永終譽者也。

關里文獻考卷九終

校記

①「九」下疑脫「壇」字。按明代喪制，凡一品官亡歿賜祭設九壇，參《明史》卷六〇《禮志》。

闕里文獻考卷十

世系第一之十

六十五代行植字懋甲祖貞寧字用致明嘉靖二十五年襲五經博士父向坦字安之監生承襲歲而孤事母以孝聞既壯依廓大度儼有志節萬歷四十七年襲五經博士天啓元年六十四代公入覲京師寢疾賜第念二子皆不祿太宗不可無嗣遂召公往立爲子及卒乃以公襲世爵公既拜命益自謹惕虔其廟祀輯睦宗族下至林廟屯佃戶屬皆休養矜恤一務厚大向家譜惟有抄本公始刊諸木俾支派井然而觀冒者無敢竄入孔氏子命名舊有一定輩次以序宗派辨昭穆公至是增定六十六代以下輩次十字曰興毓傳繼廣昭憲慶繁祥五年春三月嘉宗幸太學應召陪祀疏請贈本生祖父母帝從之又以兄行椿爲大宗嫡長早世無嗣不獲承祧亦請贈如其爵破例得報皆前此未有也七年三殿告成加太子太保崇禎三年晉太子太傅十三年山左大饑疫癘繼作公奏請蠲糧稅復出己資糴穀以濟活者數千人是歲姚賊倡亂率眾數萬圍闕里公登城曉以忠義諭以利害羣盜感泣羅拜而去莊烈帝初即位視學十四年復臨雍兩次皆入京陪祀甲申我

朝定鼎山東撫臣方大猷奏言先師孔子爲萬世道統之宗

本朝開國之初一代綱常培植於此禮應

勅官崇祀復衍聖公并四氏翰博等之封可卜國脈靈長人文蔚起謹詳列歷朝恩例以備採攷而行一孔子嫡孫歷代封爵不一悉載史冊至宋仁宗始封爲衍聖公至明賜正一品服色麟袍玉帶三臺銀印列文臣班首歷傳至今一衍聖公長子至十五歲欽授二品服色至崇禎年間加玉帶一行聖公長子則承大爵次子至十五歲則授以世襲翰林院五經博士以主子思子祀事三子則襲太常寺博士主汶上縣聖澤書院祀事每隨一代公爵遞爲更授一天下州縣皆

用流官獨曲阜用孔氏世職以宰此邑者蓋以大聖之子孫不使他入統攝之也其官先由衍聖公保舉賢能孔氏任事後改考選應生員德行兼優者以授此職五年任滿照例考選陞轉一四氏學獨用學錄者蓋以此隆國學亦以聖賢之子孫不與他學同也其官亦自孔姓生員中德行兼懋者由衍聖公咨部授職一尼山乃孔子發祥之地設學錄一員主其祀其官係衍聖公弟姪中選德行兼異者咨部授職一洙泗書院乃孔子闡教之地亦設學錄一員主其祀其官於孔氏中選舉德行秀異者由衍聖公咨部授職一行聖公屬官員役明洪武元年欽設管勾一員司五屯錢糧司樂一員司樂舞生典籍一員司禮生書籍掌書一員司文移書寫一員司繕寫知印一員司印務奏差一名司差遣以上俱由衍聖公保舉堪用人數咨部銓用一孔廟祀田歷代各有欽賜至明洪武二年欽賜祭田二千大頃坐落兗屬二十七處載在闕里志可考一五屯佃戶係洪武二年欽撥民間身家無過俊秀五百戶湊人二千丁見丁百畝佃種五屯祭田辦納籽粒以供本廟祭祀等項支用其民間一應雜差役俱行蠲免一孔廟戶丁歷代欽撥不一自明洪武二年撥民間俊秀子弟一百一十五戶以供本廟洒掃至今或死於荒或死於盜十存一二至於洒掃寥寥無人此又不可不加意者也一孔廟每年四時祭祀樂用六份額設樂舞生二百四十名於兗屬二十七州縣遴選民間俊秀子弟以授斯役其本生一應差徭與廩膳生員事例一體優免仍免本戶人二丁以供本生往返盤費一孔廟禮生每月朔望及四時祭祀在本廟引贊禮儀額設禮生六十名於曲阜縣選用民間俊秀子弟以供本廟奔走其優免例與樂舞生同以上各條皆天下所仰爲盛典後世傳之以爲美治者也奏上

世祖章皇帝曰先聖爲萬世道統之宗禮當崇祀昭朝廷尊師重道至意本內所開各款俱應相沿期於優渥以成盛典經禮臣議覆得



儒藏

旨允行。公乘傳入覲。

上遣官迎勞於邸第給餼廩。

陛見班列閣臣上。

賜茶及宴恩禮有加。四年冬十二月辛巳卒於家。

遣布政使司官諭祭凡九。

諭工部給價造墳葬祖墓北配侯氏繼配全氏並封夫人。子一與變。

六十六代興慶字起昌順治五年三月襲封衍聖公。七年晉太子少

保。八年又晉少保兼太子太保九年十七年。

世祖兩臨辟雍皆應。

召率族人陪祀。

錫賚優渥。康熙六年冬十一月甲子卒年三十二。

遣官賜祭葬如例。公襲爵時年十三已能重能自立臨事剛果有氣識。

闕里經明季寇亂禮樂不修百事廢墜幸遇。

興朝重道尊師超越前古而六十五代公感激。

新恩竭力修復功緒未竟旋即告終。公既承世爵日夜以繼志為事凡

祖庭之圯壞者禮樂之殘缺者以及百事之頽廢者悉細舉而目張

之彬彬乎頓復舊制。公早孤生母陶教育之既長事陶盡孝事必稟

而後行嘗語人曰人子當養母吾今尚為母養也。配馮氏繼配呂氏

皆封夫人。子二毓圻毓庭。

六十七代毓圻字鍾在康熙六年襲封衍聖公初入興。

召見瀛臺進退禮度悉如成人及奏對復稱

旨。上為嘉悅時公年甫十一耳。八年夏四月。

聖祖幸太學公應

召陪祀禮成。

昭聖太皇太后召見宮中。

賜之坐。

垂問家世及父變得病之由公具以對。

命宮人授茶及克食辭出。

懿旨命內臣送至宮門外諭從官善輔翼之。

上嘗御殿公隨諸大臣朝參及退。

特命由御道行公遂巡辭

上敦諭乃趨出。

兩宮眷顧之隆實古今所未有也。十四年晉太子少師二十三年

聖駕東巡狩還過曲阜行釋奠禮復展謁聖林周覽遺蹟公因以擴林

地置守衛上請蒙

特賜地十一頃有奇除其租賦設百戶一員秩視衛守備公以

車駕幸魯隆恩異數曠古所無思編勒成書以垂不朽乃延請名流輯

幸魯盛典一書上之。二十八年公以祖廟建自前明弘治間歷今二百

餘載漸就毀敝乃奏請重修時部臣以多故為辭請俟異日。

上特允所請即發帑興工有隙舊制曲阜本彈丸邑自聖賢裔外居民

無多人而地介兩河夫役之征當與他邑等棄耒耜而親耨鋤民甚

苦之公為白於撫臣河臣得奏准寬免公生際承平遭逢

聖主凡有敷奏皆見施行而

錫予優渥更不可以殫述用是感激

殊恩益自警惕嘗謂人曰某以弱齡承緒先澤荷

朝廷格外褒崇不責以有司之事而使養尊處優以悠游在此位者雖

萬死不足以報稱故自少至老敦率禮義倡明教學日以風俗人心

為己任冀上答

聖天子右儒備術之盛心而下亦不致廢墮祖宗遺澤為大戾蓋其夙

夜敬慎不敢居盛滿而稍自放軼者五十餘年如一日也。雍正元年

特典追封孔子五代王爵公時年六十七矣。冬十月入

朝謝得疾臥邸第。

上遣御醫劉聲芳診視并

賜參餌十一月丁亥卒。

上為震悼。

遣內大臣奠茶酒。

諭大學士會同禮臣優議卹典又

命三品以上漢官會弔會送輓歸之日。

特命皇三子及莊親王率內大臣四員侍衛二十員至第再奠茶酒送

殯子傳鐸力辭。

皇三子曰。

上命也卒叩奠成禮乃復

命仍

遣行人司司正李據護送乘傳歸里葬祖墓東北諡曰恭愍。

御製碑文曰朕惟國家禮重尊師必顯庸夫後裔誼隆舊舊宜誕沛乎

殊榮稽彝典以易名樹豐碑以示卹所以廣皇仁彰聖教也爾孔毓

圻族高東魯系本素王秉性樸誠荷天家之雨露持身謙謹奉闕里

之蒸嘗勤職守於五十餘年承統緒於六十七世朕誕膺寶祚篤念

前徽晉五代之王封昭千秋之祀典爾感恩入謝忽遽沉疴奄逝遽

聞良深軫惻既厚飭終之禮復加諭定之名素履允符曰恭曰愍於

戲溯泗水之淵源天章永煥望嵩山之峻峙雪碣常新爰示寵施垂

於無斁不亦休哉復

命於葬日立碑日再加祭二次皆異數也公為人純篤質實溫良樂易

未嘗有疾言遽色見於顏面為學尚實行不喜聲華文譽所作詩文

輒焚削其藁工學兼書兼通繪事性愛蘭因自號蘭堂所點染惟蘭

最多筆墨秀勁識者珍藏之配張氏繼葉氏黃氏皆封夫人子四傳

鐸傳鐸傳鉉傳鐸傳鐸出為弟毓堃嗣。

六十八代傳鐸字振路生而恭謹和厚無圭校及遇事當斷復剛果

不可奪於讀書工文詞尤究心濂洛關閩之學康熙四十年授二

品冠服恭愍公晚年多疾遇祀事輒命公代攝而於興建諸大務所

勩贊尤多公精於三禮凡廟中一器一物無不詳加訂正又以審樂

尤難於考禮乃博求律呂之書冥搜默契至忘寢食久之始有所得

恍然曰鍾律正則無不正而欲正鍾律在得其中聲而已此即人心

喜怒哀樂未發之中然求於空虛則無憑用以私智則近鑿泥於器

物則失真與牛而下多求之金石梁隋以後多徵之柶黍至王朴則

專於柶黍而不復考之金石夫金石有古今而柶黍有長短皆不可

盡信惟用蔡氏更造淺深之法以理合數以數合器以器求聲而黃

鍾可得大樂可成所謂中為大本由心而生也雍正元年襲封衍聖

公二年

世宗諸學

遣行人顧持禮召取入京陪祀時公年五十二患足疾。

上軫念步履艱難

命其次子繼溥代替行禮是年六月癸巳祖廟災公素服三日哭引咎

自責疏入

上遣禮部侍郎王景會來闕里祭告傳

旨慰問尋大發帑金

命禮部侍郎雷保山東巡撫岳濬前巡撫陳世倌率屬興建而以公共

董其事又

諭廟中有應添設者可直言無隱公因奏增樂器庫值房諸處皆得

旨允允明年

賜御書欽承聖緒四字七年

賜

世祖御製人臣儆心錄



儒藏



聖祖御製文集詩經春秋傳說彙纂周易折衷性理精義朱子全書資治通鑑綱目古今圖書集成歷代紀事年表四朝詩全唐詩律歷淵源音韻圖微萬言廣訓及

御製朋黨論周易本義周易義例啓蒙附論日講四書易經書經解義性理大全淵鑑古文康熙字典淵鑑類函釋史佩文韻府凡二十七種俾藏闕里八年廟工成率族人入

朝謝

頒賜稱慶明年

詔修孔林仍

命公同陳世倌監理時公疾以沉疴難起上疏乞休蒙

恩予告而以長孫廣榮襲世爵然公感激

國恩尚力疾從事閱歲工竣復開館纂修闕里盛典一書以紀

朝廷重道崇儒之至意十三年夏四月癸亥卒年六十三

賜祭葬如故事葬祖墓東北配王氏繼配李氏徐氏王李皆贈夫人徐

封太夫人子六繼漢繼溥繼洞繼汾繼凍繼澍繼澍出嗣弟傳鏞

六十九代繼漢字體和好讀書能強記席豐履厚處以謙冲克守先

聖持滿之訓年二十三而卒康熙五十八年也雍正十三年贈衍聖

公配王氏封太夫人子二廣榮廣祚

七十代廣榮字京立雍正二年年十二以衍聖公嫡長孫授二品冠

服好經術嫺禮儀歲時慶賀皆隨祖父入覲九年襲封衍聖公明年

秋八月以林工告竣率族人入謝

世宗以廣榮嗣封至是始陞見

詔大學士會同禮臣議

召見儀欽天監諏日以是月甲戌

上御圓明園正大光明殿禮部堂官引廣榮由出入賢良左門入

命坐

賜茶

諭曰至聖先師後裔當存聖賢之心行聖賢之事一切秉禮守義以驕奢為戒且爾年齒尚少尤宜勤學讀書敦品勵行不但爾一人凡爾同族之人皆當共相勸戒共相砥礪為端人正士爾等果能遵朕訓諭學問日進品行純謹不墜家聲即所以報國矣廣榮頓首謝出

賜御銘松花石硯一方蟒錦緞七疋仍依故事宴於禮部廣榮既祇承聖訓歸益勵志於學自名所居堂曰念典與諸名士日夕講貫其中十

三年夏四月祖父卒居喪哀感盡禮秋八月

世宗憲皇帝升遐入都哭臨我

皇上召見圓明園

恩禮備至是歲以

尊恩得贈父繼漢如其爵乾隆二年赴都恭送

世宗梓宮入泰陵三年春

皇上臨雍應

召入京上言元聖後裔東野氏既蒙列於五經博士而周公實先師之

所誦法其後人不得與觀禮之列殊所未安乞請一體陪祀

報可時

皇上初行耕藉禮成上

親耕藉田頒

視學大禮慶成賦各一篇

上嘉覽焉四年秋入賀

萬壽會開

經筵

特令入班聽講明年秋再預

經筵因奏請著為令

詔從之六年以曲阜知縣毓琚不職列狀上旨毓琚亦許以敦

上命大臣同巡撫會勘勸者微不得實有異辭。

詔原勿問而毓琨抵罪如議。八年春正月辛酉卒。

賜卹典如故事。廣榮性本伉爽英毅後更事既熟漸純粹謹密篤於孝

友與人交不設城府尤勇從善下至臧獲輩有以讞言進者皆虛已

聽受卽不當亦弗罪也。所著述甚富惜不享年而卒年僅三十一耳。

配何氏封夫人。子一昭煥。

七十一代昭煥字顯明乾隆九年襲封衍聖公。

述曰汾自幼時從父兄後於高曾以下諸先公之懿德盡耳熟焉及

長得交當世名公卿嘗與先世通書接者益復問無異詞而學問短

淺不獲稱述萬一又以諸先公立身本末具載

國史及海內學士大夫之文章固不待汾而傳茲謹敘

聖朝恩遇之隆而諸先公之

君臣一德亦從可窺見是則小子區區之意也。

關里文獻考卷十終

校記

①「九」下疑脫「壇」。參卷九校記。





闕里文獻考卷十一

林廟第二之一

先聖之沒也弟子葬於魯城北泗上既葬後世子孫即所居之堂爲廟世祀之然塋不過百畝封不過三版祠宇不過三間歷代嗣加恢擴日就宏麗至我

朝而無可復加矣抑考汶上縣卽古之中都先聖嘗幸其邑而尼山爲先聖誕生之地洙泗乃先聖設教之區今並有世官奉書院享祀而防北舊林乃先聖考妣合葬處鄒縣中庸書院實子思子傳道授受之堂爰悉述其規模制度與夫興建增葺之由列載於篇

至聖先師孔子墓在今曲阜縣城北二里許面洙背泗封如馬鬣冢高一丈五尺南北廣十步東西廣十三步冢前石碑二一爲宋宣和舊碑其一則五十九代衍聖公所立也舊石祠壇唐時造四面有前人題名歲久漫滅不可讀初祠壇方六尺門弟子以篋篋爲之漢韓

勅修墓時始易以石石方三尺厚如之縱橫各七唐更以封禪石易之今衍聖公昭煥又以其迫隘前廣新石五尺其西南爲廬墓處室三間東向內祀端木子聖墓東十步許爲伯魚子墓墓前樹石碑二

聖墓南十步許爲子思子墓亦樹二碑前有翁仲二宋宣和舊物伯魚子墓東南爲宋眞宗駐蹕亭其又南爲我

聖祖仁皇帝駐蹕亭皆南向又南爲楷亭西向子貢手植楷在焉又前爲享殿五間循享殿而北四圍繚以周垣方一里以衛聖墓直享殿而南爲甬道中峙石鼎旁列石翁仲二左執笏右按劍元豹二角

端二華表二製極精巧雍正十年奉

勅造甬道南墓門三間其東偏爲思堂三間左右廂各三間門一開衍聖公及眾子孫更衣享餼處

今皇帝幸魯於此

駐蹕其東爲土地祠又東爲神廚祭孤壇在其後墓門外爲洙水橋橋

南建石坊坊左右有下馬牌折而東爲輦路輦路南爲觀樓觀樓者卽林牆門樓也林牆周十餘里高丈許厚半之觀樓外東西列垣夾甬道其南爲至聖林門門外有坊坊左右守林人戶聚族而居卽史記所稱孔里者也又南爲萬古長春石坊左右有碑亭又南有橋曰文津橋又南卽曲阜縣城北門自縣城北門至林夾神道皆古柏森茂葱鬱其直如矢而林中古樹相傳爲諸弟子手植或云異木以百數魯人莫能識也今林中楷木居多上無鳥巢下不生荆棘及刺人草考聖林規模其初僅廣一頃子孫皆附葬焉雖魯人世以歲時奉祀孔子家而規製守衛尙未具也至東漢桓帝永壽三年魯相韓勅修孔子墓墓前造神門一間東南造齋廳三間易舊祠壇以石復民吳初輩若干戶以給掃除而其制漸備宋文帝元嘉十九年冬十二月丙申詔曰昔之賢哲及一介之善猶或衛其土壠禁其芻牧况尼父德表生民功被百代而墳塋荒蕪荆棘勿剪可蠲墓側數戶以掌洒掃種松柏六百株元魏孝文帝太和十九年夏四月帝幸魯親祠孔子詔兗州爲孔子起園栽柏修飾墳壠更建碑銘褒揚聖德唐元宗開元十三年冬十一月帝幸孔子宅給復近墓五戶長供掃除周太祖廣順二年夏六月帝幸曲阜親拜孔子墓勅禁樵採宋眞宗景德四年增給守冢二十戶大中祥符元年帝東封過曲阜謁孔林又給近便十戶奉塋域徽宗大觀元年詔先聖墓直貢錢十貫給告捉樵採林木者宣和元年有司請於朝命工鑄造石儀五年成峙於墓所高宗建炎二年冬十月金粘沒喝陷襲慶府兵至闕里軍士有欲發孔子墓者粘沒喝問通事高慶裔曰孔子何人曰古之大聖人粘沒喝曰大聖人墓安可發得軍士發泗水侯及刑部侍郎宗翰墓者十二人悉斬之元文宗至順二年五十四代孫曲阜尹思凱以樵牧難禁始作週垣建重門明太祖洪武十年魯民居文約等以地五十畝增廣林田成祖永樂二年五十九代衍聖公思忠堂基制狹小



當金元間權主祀事五十代孫孫維經補葺而未改其舊因更加恢  
擴又作墓門三間二十一年林垣以歲久傾塌五十五代孫曲阜知  
縣克中復修葺而增拓之周十餘里建舖舍以居巡衛者英宗正統  
八年五十九代衍聖公又增樹文宣王及泗水侯沂國公墓碑各一  
孝宗弘治七年六十一代代襲衍聖公宏泰重修驛驛亭及享殿林  
牆門樓建泮水左右二橋植檜柏數百株世宗嘉靖二年御史陳鳳  
梧重修泮水橋建石坊及廡墓堂神宗萬曆二十二年巡按連標巡  
撫鄭汝璧葺享殿齊室樹石闕五楹題曰萬古長春立碑亭二枚神  
道柏數百株莊烈帝崇禎七年兗東兵備道敘事李一鼐十六年六  
十五代衍聖公先後復加修築

國朝康熙二十三年冬十一月

聖祖仁皇帝幸魯酌酒聖林

特命擴地十一頃一十四畝九分除其租賦初林地本十八頃有奇至  
是共二十九頃四十一畝九分六十八代衍聖公拓新垣周之雍正  
八年

皇五子奉

命致祭闕里還奏孔林享堂牆垣間有傾圮冬十二月

世宗憲皇帝諭內閣曰皇五子致祭闕里文廟典禮告成回京奏稱恭  
謁孔林周視規制見享堂牆垣間有年久傾圮之處朕尊崇先師夙  
夜罔懈今廟貌已經鼎新林園允宜修葺著欽天監選員前往會同  
衍聖公孔傳鐸相度方位宜於何時營治詳慎定議屆期朕命大臣  
前赴曲阜令衍聖公孔傳鐸協同敬謹修理務令崇闕堅固光垂永  
久以昭朕尊禮先師之至意欽天監五官掣壺正李廷耀來魯相度  
奏以來年七月丙子興工九年夏五月奉

旨孔林工程仍著修理闕里廟工之陳世倌張體仁等會同衍聖公孔  
傳鐸敬謹監修其估計之處著會同該撫岳清定議具奏岳清陳世

官會估奏上并請享殿瓦色依廟工寢殿之制

詔從之明年九月工成計用帑銀二萬五千三百三兩有奇

啓聖王林即先聖父母合葬處在今曲阜縣城東三十里南對防山  
北阻泗水其東南數武聖兄孟皮墓也宋以前規制不可考金章宗  
明昌五年五十二代衍聖公元措始立墓碣石儀表神道明成祖永  
樂間五十六代孫曲阜知縣希範重修并立聖兄墓碑

國朝康熙十年六十七代衍聖公建享殿及墓門牆垣乾隆二十年  
今衍聖公昭煥改建享殿三間林門三間華櫺承檣覆以碧瓦一如  
崇聖祠之制

述曰按志載林內外古蹟尙有家壁白兔溝及丹書坊其說謂先聖  
墓北有虛墓五間皆石爲之先聖沒戒子弟爲虛墓後果遭秦始皇  
發掘得石壁文云後世一男子自稱秦始皇上我堂躍我牀飲我酒  
漿顛倒我衣裳至沙邱而亡時有白兔自墓中出始皇逐之至曲阜  
西十八里溝而沒魯人因呼其溝曰白兔溝丹書坊者漢魯相鍾離  
意出私錢付戶曹孔詵修夫子車身入廟拭几席劔履令男子張伯  
除堂下草草中得玉璧七枚伯懷其一以六枚白意意令主簿安置  
几前其堂下牀首有懸壺意召詵問答曰夫子甕也肯有丹書人莫  
敢發意曰夫子所以遺壺欲以垂後人因發之得素書文曰後世修  
吾書董仲舒護吾車拭吾履發吾箭會稽鍾離意壁有七張伯懷其  
一即召問伯果服焉後埋丹書爲坊以識之其址在城北門外事皆  
妄誕不經大都出緯書之傳會耳茲故盡削之

關里文獻考卷十一終

闕里文獻考卷十二

林廟第二之二

至聖先師孔子廟在曲阜縣正南門內。正南門名曰仰聖門。額有萬仞宮牆四字。明胡纘宗題。

今皇帝御書易之。門外夾道植柏為神路。門內為金聲玉振坊。坊北為石橋。橋又北為櫺星門。門外左右列下馬碑。又北為太和元氣坊。其左側為德侔天地坊。右側為道冠古今坊。又直北為至聖廟坊。又北為聖時門。五間。三洞門。內為璧水橋。三座。橋左側為快睹門。右側為仰高門。各三間。橋直北曰引道門。五間。又北曰大中門。五間。二門左右皆有角門。又北曰同文門。制如大中。漢魏隋唐諸碑在其下。門左右不設垣甬道。旁列前明四御碑。又北為奎文閣。七間。敬藏賜書。

墨寶於其上。奎文閣名金明昌五年章宗所命也。閣左右掖皆有門。門左右值房各五間。為廟庭有司齊所。其東南舊為衍聖公齊所。恭遇皇帝三幸闕里。皆駐蹕於此。門西向內。正齋五間。敬設寶座。左右廂各三間。進奎文閣而北。東出有門曰毓粹。其西出門曰觀德。各三間。閣後碑亭十有三座。一為

聖祖仁皇帝御製孔子廟碑一為  
御製重修孔子廟碑一為

世宗憲皇帝御製重修孔子廟碑一為  
道皇五子祭告孔子文碑一為

今皇帝御製孔子廟碑其四為我  
朝遣官祭告孔子文又其四則唐宋金元諸碑也。直北為大成門。五

間。列戟二十四。中楹懸  
世宗憲皇帝御書對聯曰先覺先知為萬古倫常立極至誠至聖與兩

開功化同流兩掖門左曰金聲右曰玉振進大成門左側為先聖手

植檜。考手植檜本三株。宋時大成門內有御贊殿。二檜在殿前。高大丈餘。圍一丈四尺。在左者文左紐。在右者文右紐。一在杏壇東南隅。高五丈餘。圍一丈三尺。枝蟠屈如龍形。世謂之再生檜。晉懷帝永嘉三年枯死。隋恭帝義寧元年復生。唐高宗乾封二年又枯死。宋仁宗康定元年復生。金宣宗貞祐二年春正月廟燬於兵火。三檜無復子遺。元世祖至元三十一年復萌。身生東廡殿址隙間。三氏學教授張頤移植故處。明孝宗弘治十三年廟災復燬於火。

國朝雍正十年廟工告竣。復生新條。今高一丈許矣。又北為杏壇。考杏壇在宋以前本為廟殿舊址。宋天禧間四十五代孫道輔監修。祖廟移殿於北。不欲毀其故蹟。因莊子有孔子遊乎緇帷之林。坐休乎杏壇之上。語乃除地為壇。環植以杏。名曰杏壇。石刻杏壇二字。金完懷英篆。又北為大成殿。九間。殿中奉至聖先師像。執鎮圭。冕十二旒。服十二章。南向。左右列四配十二哲先賢像。執躬圭。冕九旒。服九章。東西向。皆元衣纁裳。正位前陳法琅供器五。雍正十年

欽賜。又漢陶大尊一。銅犧尊象尊山尊雷尊各一。漢章帝元和二年物也。殿枋上懸額四。一為

聖祖仁皇帝御書曰萬世師表一為  
世宗憲皇帝御書曰生民未有二為

今皇帝御書曰與天地參曰時中立極兩楹懸對聯三  
世宗憲皇帝御書曰德冠生民溯地闢天開咸尊首出道隆聖統金

聲玉振共仰大成二為  
今皇帝御書曰氣備四時與天地鬼神日月合其德教垂萬世繼堯舜

禹湯文武作之師曰覺世牖民詩書易象春秋永垂道法出類拔萃  
河海泰山麟鳳莫喻聖人殿東西兩廡列從祀先賢先儒皆木主。兩

廡中間各闢翼門。左通崇聖祠。右通啓聖祠。大成殿後為寢殿。七間。奉至聖先師孔子夫人主殿。左右掖有門。各一間。左達神庖及后土



祠右達神廟及廡所。寢殿後為聖蹟殿門一間進為聖蹟殿五間。藏聖像及聖蹟圖諸石刻。內行教像首顧愷之畫。宋太祖及其宗實四十七代孫傳記曰。家廟所藏衣燕居服顏子從行謂之小影。於像最真。唐劉禹錫新州廟碑謂。堯頭禹耳。華冠象佩。取之自鄒魯者。即小影也。又凭几像。唐吳道子畫贊同前。四十六代孫宗壽記曰。家藏唐吳道子畫先君夫子按几而坐。從以十弟子者。亦謂之小影。其立而顏淵侍者。謂之行教。行教已有石本。小影但摩傳之。慮久而訛。今亦刻之。堅珉庶久。不失其真也。又司寇像。二皆摩吳道子畫。又燕居像。二。吳道子畫。宋米芾贊一。失名。明陳鳳梧贊。又乘輅像一。先聖服司寇服。乘安車。一人執輿。一人策馬。十弟子從行。又聖蹟圖百二十幅。無款。聖蹟殿東南為后土祠。門一間。祠三間。又東北為神庖。門一間。正室五間。東西廂各五間。聖蹟殿西南為廡所。門一間。內廡坎如正位配位及從祀各壇之位。又西北為神廚。制如神庖。出大成門外。循金聲門而東。為承聖門三間。進為詩禮堂五間。中懸

今皇帝御書額曰。則古稱先聯曰。紹緒仰斯文識大識小。趨庭傳至教。學禮學詩。堂東廡為禮器庫。庭中有唐槐樹一。宋銀杏樹一。按詩禮堂本孔子舊宅。宋真宗幸魯。嘗御此堂。回次兗州。仍賜本家為齊廟。今毓粹門外。尚有故宅門舊蹟。詩禮堂後為孔子故井。井西為魯壁舊址。昔魯共王壞壁。聞金石絲竹之音。後即其地為堂。名曰金絲。前明闕東廡始移金絲堂於啓聖祠前。而此其故基也。其北為學聖祠五間。祀肇裕。詔昌。啓五王及從祀先賢先儒。東階下有孔氏世系碑。又北為家廟五間。中祀始祖考妣。左祀二世祖考妣。右祀三世祖考妣。又左祀中興祖考妣。大成門外。循玉振門而西。為啓聖門三間。進為金絲堂五間。堂西廡為樂器庫。堂北為啓聖殿五間。中奉啓聖王像。執躬圭。冕九旒。服九章。又北為寢殿三間。奉啓聖王夫人。主廟四圍皆周以崇垣。四隅各起角樓。以垣為址。廟中碑碣如林。擇其尤雅

者。載藝文考中。樹木蓊鬱。老幹參天。多漢唐舊植。舊有古柏二十四株。經歷漢晉。其大數十圍。宋江夏王劉義恭。恐道人伐取之。不願樹最古者。檜多而柏少。大成殿及大成門。並覆黃瓦。廊廡綠瓦。黃脊崇聖啓聖祠。杏壇詩禮堂。金絲堂。奎文閣。聖蹟殿。悉綠瓦。皆華橫石柱。飾以金碧。大成殿榜大成門榜皆

世宗憲皇帝御書。而聖時弘道二門名又

世宗憲皇帝所命。其聖時弘道大中同文四門。詩禮金絲二堂奎文閣杏壇諸榜皆

今皇帝御書也。考廟之始。本因孔子舊宅。周末時。即孔子所居之堂為廟。廟屋三間。孔子在西。間東向。顏母在中。間南向。夫人隔東一間。東向。牀前有石硯一枚。孔子平生時物。廟又藏素所乘車及几席。劔履。漢明帝永平中。魯相鍾離意。嘗出私錢萬三千。付戶曹孔詡。治夫子車。獻帝時。遇火被焚。魏文帝黃初二年春正月。詔魯郡修起舊廟。置百石吏卒以守衛之。西晉之亂。闕里被寇。廟貌荒殘。晉孝武時。清河李遼上表曰。臣聞教者治化之本人倫之始。所以誘達羣方。進德與仁。譬諸土石。陶冶成器。雖復百王。殊禮質文。參差至於斯道。其用不爽。自中華湮沒。闕里荒毀。先王之澤。寢聖賢之風絕。自此迄今。將及百年。造化有靈。否終以泰。河濟夷徙。海岱清通。黎庶蒙蘇。覺藻舊化。而典訓弗敷。雅頌寂蔑。久周之俗。大弊未改。非演迪斯文。緝熙宏猷。將何以光贊時雍。克隆盛化哉。事有如賒而實急者。此之謂也。亡父先臣回。綏集邦邑。歸誠本朝。以太元十年。遣臣奉表。路經闕里。過觀孔廟。庭宇傾頓。軌式頽弛。萬世宗匠。忽焉淪廢。仰瞻俯慨。不覺涕流。既達京輦。表求興復。聖祀修建。講學。至十四年十一月十七日。奉被明詔。采臣鄒議。勅下兗州魯郡。準舊營飾。故尚書令謝石。令臣所須列上。又出家布。補助興立。故鎮北將軍譙王恬。版臣行北魯縣令。賜許供道。二臣薨。徂成規不遂。陛下體唐堯文思之美。訪魯尼善誘之



勤於荒餘之涸味。愍聲教之未浹。思謂可重符兗州刺史。遂成舊願。獨復數戶。以供洒掃。并賜給六經。講立庠序。延請宿學。廣集後進。使油然入道。發剖琢之功。運仁義以征伐。敷道德以服遠。何招而不懷。何柔而不從。所爲者微。所弘者大。乞以臣表付外。參議。帝不宣宋文。帝元嘉十九年冬十二月。詔修先聖廟。魏孝靜帝興和三年。兗州刺史李瑒命工雕素聖容。旁侍十子。北齊文宣帝天保元年夏六月。詔魯郡以時修治孔子廟。宇務盡崇煥。隋煬帝大業七年。曲阜令陳叔毅修孔子廟。唐太宗貞觀十一年。下兗州作宣父廟。高宗乾封元年。詔兗州都督霍王元軌大修文宣公廟。元宗開元七年。兗州刺史韋元圭同三十五代嗣襲成侯又修。代宗大歷八年。兗州刺史孟休鑒修廟門。懿宗咸通十年。天平軍節度使濮鄆曹等州觀察使三十九代孫溫裕上言。伏以禮樂儒學。教化根本。百王取則。千古傳風。國朝宏闡文明。尊尚祀典。不違古制。大振皇猷。今曲阜乃魯國故都。文宣王廟卽素王之故宅。與儒之地。孕聖之邦。所宜廟宇精嚴。禮物俱舉。近者以兗州頻年災歉。都廢修營。徒瞻數仞之牆。纔識兩楹之位。雖春秋無闕於釋奠。而揖讓頗紊於彝章。遂使金石之音。靡聞於肝鬲。俎豆之設。當列於荒蕪。聖域儒門。豈宜墮墜。臣忝爲遠裔。叨領重藩。咫尺家鄉。拘限戎鎮。望闕里而無由展敬。瞻廟貌而有願興功。臣今差人齎持料錢。就兗州據廟宇毀頽處。悉令修葺。皆自支費。不擾州縣。所需獲遂。幽懇克伸。私誠伏緣。兗州非臣本界。須有申奏。伏乞天恩。允臣所請。報可。宋太宗太平興國八年。帝御便殿。顧謂近臣曰。朕嗣位以來。咸秩無文。徧修羣祀。惟魯之夫子廟堂。未加營葺。闕孰甚焉。乃詔大將作庀材鳩工。復命內侍二人董其役。眞宗大中祥符元年冬十一月。東巡過魯。勅修飾祠宇。天禧二年。四十五代孫道輔上章言。祖廟卑陋。不稱請加修崇。詔轉運使以官錢葺孔子廟。卽命道輔監督工役。五年。道輔又請得封禪行殿餘材。乃大擴舊制。廟門三重。

次書樓。次唐宋碑亭各一。次儀門。次御贊殿。次杏壇壇後乃正殿。又後爲鄆國夫人殿。殿東廡爲泗水侯殿。西廡爲沂水侯殿。正殿西廡門外爲齊國公殿。其後爲魯國太夫人殿。正殿東廡門外曰燕申門。其內曰齊廳。廳後曰金絲堂。堂後則家廟。左則神廚。山齊廳而東南爲客館。直北曰襲封視事廳。廳後爲恩慶堂。其東北隅曰雙桂堂。凡增廣殿庭廡廡三百十六間。仁宗景祐五年。道輔又建五賢堂於齊國公殿前。祀孟子及荀卿揚雄王通韓愈五子。嘉祐六年。賜御書飛白體殿榜。神宗元豐元年冬十月。詔兗州以省錢修葺宣聖祠廟。五年冬十一月。賜度牒三十本。差本路兵士工匠令四十七代孫新泰令若升監修。哲宗紹聖三年。勅轉運使以省錢三千貫。又加修葺四十七代衍聖公若蒙監工。徽宗政和四年。頒御書大成殿額。金熙宗皇統二年。勅行臺撥錢萬四千貫。委曲阜主簿四十九代孫環修葺聖殿。禁官私侵占聖廟地者。四年。再於行省撥錢萬四千五百貫。發南京八作見材。助工役。至九年。正殿始成。廢帝正隆二年。又以羨錢修兩廡及齊國公殿。世宗大定十九年。五十一代衍聖公摠親率族人至蒙山伐材。有司出羨錢重建鄆國夫人殿。章宗明昌元年。帝曰。昔夫子設教洙泗。有天下者所當取法。今遺祠久不加葺。且隘陋不足。以稱聖師。乃降錢七萬六千四百緡。修孔子廟。命幹臣領其役。以二年春興工。五年秋告成。後金末喪亂。廟貌又復殘毀。元太宗九年。命五十一代衍聖公元措重修。官給其費。屬軍興。旁午僅復後殿。奉先聖及十哲像。世祖至元四年。又恢復奎文閣。十九年。同知濟寧路總管劉用募民築廟垣。植松檜一千本。成宗大德元年。濟寧路達魯花赤按檀不花行部至曲阜。睹祠宇荒涼。上言。願自出資修葺。御史臺言。曲阜林廟。非他處比。修理盛事。當出朝廷。不可使臣下獨專其美。不許所請。四年。工部上言。本路已收鈔兩木石。若不修葺。恐日久消費。不能成就。合依已擬開架起蓋。有不敷者。官爲給降錢物。遂於



秋八月興工冬十二月詔罷不急之役因而中止明年檁不花以奉詔書時工役已及八分仍請修建又明年九月落成殿宇廊廡凡百二十有六楹費十萬貫有奇文宗大歷二年以關里聖廟歲久漸壞勅濟寧路出官錢五萬二千緡修葺至順二年五十四代衍聖公請依前朝故事四隅建角樓倣王宮之制詔從之出山東鹽課及江西浙江學租添建順帝至元二年落成至正元年樹碑以記其事元季聖廟復就壞明太祖洪武七年五十六代衍聖公奏請修治詔從之於十年鳩工十一年落成公又補塑聖像二十年帝諭工部侍郎秦遂曰春秋時人紀廢壞孔子以至聖之資刪述六經使先王之道晦而復明萬世永賴功莫大焉夫食粟則思樹藝之先衣帛則思蠶織之始皆重其所從出也孔子之功與天地並立故朕命天下通祀以致崇報之意而關里先師降神之地廟宇廢而不修將何以安神靈昭來世爾工部其即為修理以副朕懷成祖永樂九年五十九代衍聖公又奏請重修工部請發囚徒二百三十名遣行人雷迅監督興葺十二年春正月召回雷迅更令法司撥囚一千名交孔氏子孫自督修葺其年冬十二月帝諭工部曰孔廟至敬之所因徒作踐不便令山東布政使司官一員率民匠三千人往修務期堅固因徒仍聽役於外十五年夏五月畢工御製碑文紀成二十年五十九代衍聖公又改建齋廳宣宗宣德九年工部侍郎周忱以公務經曲阜捐俸修金絲堂又於廟外西南隅構堂三間為更衣所英宗天順四年冬十月六十一代衍聖公重修聖王寢殿八年詔巡撫山東副都御史賈銓重修關里先聖廟成化元年落成二年憲宗御製碑文紀成五年巡按御史林誠捐造諸賢木主十六年帝從六十一代代襲衍聖公宏泰之請發帑增廣廟制廣正殿為九間餘皆更新二十三年工成孝宗弘治十二年夏六月甲辰廟火詔巡撫都御史何鑑親詣相度發帑銀十五萬二千六百有奇重建正殿九間寢殿七

間大成門家廟啓聖殿金絲堂詩禮堂各五間移金絲堂於啓聖殿前收奎文閣為七間改大門及大中門為五間增快睹仰高二門遷尼山神毓聖侯祠於尼山書院以其祠為土地祠經始於十三年春二月落成於十七年夏五月帝親製碑文紀成功先時曲阜縣治在廟東相距八里武宗正德七年春正月流賊劉七等犯關里毀壞聖廟賊退按察使司僉事潘珍疏請即廟為城移縣附之詔可司出罰鍰並募輸助得銀三萬五千八百餘兩秋七月興工世宗嘉靖元年春三月工竣穆宗隆慶三年巡撫都御史姜廷頤等以香稅及罰鍰又重修二十年巡按御史何出光創建聖蹟殿於內立石刻聖蹟百二十圖二十二年巡按御史連標與巡撫都御史鄭汝璧以香稅罰鍰及庫羨銀三千兩重修孔廟二十九年巡撫都御史黃克績倡藩臬捐銀二千兩又重修三十六年濟寧兵巡副使王國楨等捐銀三百兩修西廡關里廟堂自弘治鼎建後歷代間有營葺而工大力微僅支罅漏遺萬歷荒祲益就傾圯四十四年四氏學生孔尚孝等言於巡按御史畢懋康懋康遂疏於朝且言向來估計僅需十萬五千兩有奇後此日甚一日所費將至鉅萬竊見胡良巨馬梵宇神宮無不莊嚴而金碧之今議修孔廟視佞佛而施檀越利涉而成與梁者其輕重緩急何如昔漢高過魯以太牢祀孔子識者謂劉氏四百年基業其精神命脈蓋在於此然則皇上何惜此區區者倘慨渙德音亟發帑金而一新之則皇上之所以培千萬世精神命脈者在此舉矣疏入報聞而事竟不行天啓六年曹州州同某捐修大中門國朝順治十二年山東巡撫御史王秉乾出銀二千兩並勸所屬公捐修奎文閣而提學僉事戴京會施閔章等先後又略為補葺康熙二年分守東兗道參議張弘俊等重修聖蹟殿奎文閣及廟門碑亭角樓十六年六十七代衍聖公續修詩禮堂金絲堂及諸門坊橋欄

二十八年上疏請重修祖廟格於部議奉

聖祖仁皇帝特旨闕里聖廟崇奉先師萬代瞻仰今既日漸毀敝理宜修葺著差工部內務府官員前往確估秋九月內務府廣儲司郎中皂保工部營繕司郎中壽鼎赴闕里估勘等

命皂保同工部虞衡司郎中阿爾禪監修於三十年夏四月興工三十二年秋八月告成凡修大成等殿五十四間大成等門六十一間兩廡八十八間櫺星門一牌坊二用帑銀八萬六千五百兩有奇

聖祖仁皇帝御製重修孔子廟碑雍正二年夏六月癸巳廟災

世宗憲皇帝遣署工部侍郎馬臘會同山東巡撫陳世倌布政使博爾多相度重修秋七月少詹事錢以垵奏闕里文廟應令內外儒臣捐資營建

諭曰前聞孔廟被災卽降旨遣大臣前往作速估計動支正項錢糧日興工務期規制復舊廟貌重新覽錢以垵所奏內外大小臣工勛業詩書仰承聖澤各宜捐資修建等語雖爲當理今有自己令動支錢糧不必再令臣工捐資但朕亦不必阻儒士之私情今直省府州縣文廟學宮或有應修者本籍科甲出身見任之員及居家進士舉人生員平日讀聖人之書理宜飲水思源不忘所自如有情願不無限以數目量力捐出修理各該地方文廟學宮並祭器等項其不願者不必強勒既而馬臘罷

詔巡撫陳世倌同藩臬監修以三年秋八月興工七年春正月諭曰闕里文廟工程朕屢降諭旨令該督撫等遴選賢員敬謹修造務期堅固輝煌計日告竣其所以未遣專官監督者蓋恐京員到彼又多日用僕從之費擾累於地方也乃原任巡撫陳世倌委用不得其人於前而塞榜額又復因循怠忽於後以致工程遲緩未能卽速告成頃據巡撫岳濬奏稱祇因購求大木一時難得是以工作稍遲等語著通政使隨保前往曲阜督率在事人員盡心竭力敬謹辦理尅

期竣事以慰朕懷二月

命署山東巡撫岳濬會同舊保督催其原任山東巡撫陳世倌仍回山東率從前承修遲悞之知府州縣分別解任在工辦理其督催遲悞之各上司交留保查明交部議處又奉

旨此次修理文廟工程務期巍煥崇闡堅緻壯麗纖悉完備燦然一新著岳濬會同衍聖公詳加相度倘舊制之外有應行添設者有應加修整者俱著估計奏聞添發帑銀其理丹雘總期經理周密毫髮無憾工成之日朕當親往瞻謁以展尊禮先師至誠至敬之意又諭闕里文廟正殿正門用黃琉璃瓦兩廡則用綠琉璃瓦而以黃瓦簷砌屋脊供奉聖像選內務府匠人到東用脫胎之法敬謹裝塑冬十一月戊戌正殿將上梁前二日丙申卿雲見於闕里歷午未申三時不散廷臣請宣付史館以昭天人感應之慶

諭曰朕平素尊奉先師至誠至敬雍正二年闕里文廟不戒於火比時廷臣援明代弘治前事爲言而朕心悚懼不寧引過自責親謁大學文廟虔申祭告特發帑金命大臣等督工修建凡殿廡制度規模以至祭器儀物皆令繪圖呈覽朕親爲指授遴選良工凡材興造虔恪之心數年以來無時稍間今大成殿上梁前二日卿雲見於曲阜卿等歸美朕躬之詞朕不克當或者

上帝先師鑒朕悚惕誠敬之心見茲雲物昭示瑞應朕不敢矜言祥瑞但能功過相抵朕之幸也應擇日躬詣太學文廟祭告以申感慶之衷一切禮儀着該部速議具奏八年秋八月工成

御製重修孔子廟碑紀成是役也凡用帑金十五萬七千六百兩有奇乾隆十九年今衍聖公昭煥重修櫺星門易以石

述曰天下文廟之制上自太學下及各直省州衛郡邑莫不易以木主而闕里尙用塑像或曰塑像非古也古者廟則有主以依神祭則有尸以象神無所謂像設也自尸事廢而像事興蓋自佛氏入中國



始以旦端之教而上施於聖人不經莫其焉其說誠似矣顧猶有疑者考佛之入中國始於漢明帝而文翁石室已先有孔子坐像又國語云越王命工以良金寫范蠡之像而朝禮之宋玉招魂云像設君室靜安聞些則是周時已有此制不始於西來白馬也今闕里廟之有像或云起自東魏李瑋考顧藹吉隸辨引漢韓勅後碑有改畫聖像如古圖語又水經注云闕里夫子舊廟有夫子像列二弟子執卷立侍穆穆有詢仰之容又云西北二里有顏母廟廟像猶嚴蓋瑋之前已先有畫像至瑋而更設塑像耳夫禮有其舉之不敢廢也兄闕里爲孔氏家廟影堂之制亦先儒所不棄使後之子孫入室出戶有以睹形容而致其愾聞優見之誠亦聖人祭如在之義也又按祖庭廣記云先聖生有異質凡四十九表反首注面月角日準河目海口龍顏蚪眉昌頤均頤輔喉駢齒龍形龜脊虎掌駢脇修肱參膺圩頂山臍林背翼臂注頭阜腴堤眉地足谷竅雷聲澤腹脰上趣下末僕後耳面如蒙俱手垂過膝耳垂珠庭肩有一十二彩目有六十四理立如鳳峙坐如龍蹲手握天文足履度字望之如仆就之如升視若營四海躬履謙讓胸有文曰制作定世符身長九尺六寸腰大十圍語出諸子似多傳會但載入家乘已久姑問爲考古之助又家見藏紙本像三絹本像五紙本者一爲燕居像失名一爲唐吳道子畫司寇像一爲明蜀惠王朱申鑿摹吳道子司寇像絹本者一爲宋人摹吳道子司寇像有明神宗書宋高宗贊一爲杏壇講禮像石壁下老松盤曲文杏雜列先聖執如意凭几講授弟子拱立受教者一人執香鑪立者一人拱手侍者二人羣聚請業者十有六人內一人抱琴三人執卷餘或拱手或斂袖或曳杖或行相問答凡弟子在列者二十人宋李唐畫一爲觀鼓瑟像明郭翽畫一爲行教像從二弟子衣褶書論語半部一爲冕服像皆失名

闕里文獻考卷十二終



儒藏

關里文獻考卷十三

林廟第二之三

尼山書院在尼山東麓緣以周垣環植檜柏正南為大成門三間中為大成殿三間祀先聖及四配像左右廡各五間祀十一哲及七十二賢木主殿東西各有側門左右各有掖門由掖門達殿後為寢殿三間祀先聖夫人主兩廡各三間祀二世祖三世祖出西側門為毓聖侯祠門一間祠一間又西為啓聖祠門三間正殿三間祀啓聖王主寢殿三間祀啓聖王夫人主出東側門為講堂三間後為土地祠一間大成門外東南隅有觀川亭西南有石橋跨智源溪上考周太祖顯德中克守趙某以尼山為孔子發祥之地始創廟祀宋仁宗慶歷三年四十六代文宣公始即廟為學立學舍置祭田後毀於兵火元文宗至順三年五十四代衍聖公用林廟管勾簡實理言請復尼山祠廟薦彭璠為官師奉祠疏下禮部奎章閣大學士康理懷慶方主之議上中書不果行順帝至元二年復以中書左丞王懋德言置尼山書院以璠為山長三年璠以私錢章創堂宇而山東東西道肅政廉訪使分司楊訥會同六十五代衍聖公倡率所屬及齊魯士大夫共成之乃作大成殿大成門神廚明倫堂及東西齋塾毓聖侯祠觀川亭塑聖像造禮樂器以四年春二月經始秋八月告成至十四年鄒縣達魯花赤馬哈麻復塑四配像三十一年鄒縣尹司居敬改造孔子石像於坤靈洞中章甫達掖如古禮明成祖永樂十五年五十九代衍聖公率族人重修增建啓聖殿及寢殿於西偏孝宗弘治七年六十一代代襲衍聖公宏泰五十八代孫三氏學錄公璜以修文廟餘資重葺。

國朝康熙十三年六十七代衍聖公又加修飾易圍牆以磚石雍正二年六十八代衍聖公以歲久漸圯更為鼎新乾隆二十年今衍聖公昭煥復率族人出資重修。

洙泗書院在曲阜城東北八里洙水經其北洙水帶其南廟制大成殿五間祀先聖四配十二哲東西廡各三間前為講堂三間又前為書院門三間四周緣以重垣考書院乃孔子故講堂也舊亦名學堂漢時諸弟子房舍并舍猶存建武五年光武帝擊破車憲於昌慮還過魯坐孔子講堂顧指子路室謂左右曰此吾太僕之室也其後學廢遺址存焉元順帝至元間五十五代孫曲阜縣尹克欽始因舊址創書院設山長一人奉祠明孝宗弘治七年六十一代代襲衍聖公宏泰同學錄公璜重葺世宗嘉靖三年巡按御史李獻指資重建熹宗天啓七年六十二代孫曲阜知縣聞簡重修。

國朝順治八年六十六代衍聖公復加補葺十三年六十五代孫曲阜知縣行淳康熙三十八年六十六代孫曲阜知縣興認皆捐俸重修。

聖澤書院在汶上縣城中大成門三間大成殿三間祀先聖像配以顏子及曾子像兩廡各三間祀十一哲七十二賢及諸先儒木主書院舊在縣城西南五里湖之側始建於元魏明帝孝昌元年唐吳道子畫宣聖及兗國公像其中徐浩題額顏真卿撰記宋哲宗元祐四年縣令周師中重修元都水少監馬之貞建大成殿塑先聖及十哲像堂室門廡庖庫池井咸備明世宗嘉靖二年巡撫山東都御史陳鳳梧檄知縣吳瀛移建城中穆宗隆慶元年知縣趙可懷神宗萬歷元年知縣張惟誠二十八年知縣尚瓚先後重修。

國朝康熙五十一年六十八代衍聖公為世子時又重修。

中庸書院在鄒縣城外東南隅曝書臺之東廟門三間正殿三間中祀述聖子思子左配以亞聖孟子右安述聖遺像石刻殿懸

世宗憲皇帝御書性天述祖額東西廡各三間神道中有碑亭樹

今上御製子思贊石刻廟四面環以周垣考書院本于思講堂遺址也元成宗元貞初鄒尹司居敬始即其址構堂四楹名曰中庸精舍設

思孟像春秋祀之。武宗大德間尹宋璋擴為書院。廟殿曰誠明後堂。曰率性書院。堂曰景賢。齋曰慎獨。順帝至正中尹劉彥禮孔之威相繼修之。明成祖永樂中知縣朱瑤英宗正統四年知縣房岳世宗嘉靖中知縣章時鸞神宗萬歷九年知縣許守恩二十六年知縣王一楨三十六年知縣胡繼先又先後重修。熹宗天啓二年燬於兵火。五年兗州知府孫朝薦更建祠宇。

國朝乾隆二十年七十一代行聖公昭煥重修。

述曰書院者本為春秋講學而設也。今廟祀雖肅而絃誦之聲無聞。反厥旨矣。顧名思義是所望於主壇者。

關里文獻考卷十三終



儒藏

闕里文獻考卷十四

祀典第三之一

文王世子曰凡始立學者必釋奠於先聖先師又曰凡學春官釋奠於其先師秋冬亦如之又曰始立學者既興器用幣然後釋菜王制曰出征執有罪反釋奠于學以訊誠告學記曰大學始教皮弁祭菜示敬道也周官大司樂凡有道有德者使教焉死則以爲樂祖祭於瞽宗大胥春入學舍菜合舞秋頒學合聲歷稽古禮凡釋奠之事有六釋菜之事有三雖制有輕重詳略之具而學必有祭以祀其始爲設教之人而不忘所自其義一也周室衰微禮樂崩壞延及暴秦益滅棄先王之法漢興未暇復古至成帝時始詔立辟雍於國南而其精未竟光武中興乃大營太學車駕親自臨幸彬彬乎稱盛舉矣然其時所祭之先聖先師史缺有聞而孔子之祀尙未出於闕里明帝永平間益修明養老習射之禮令郡縣道學校皆祀聖師周公孔子於是孔子始祀於庠序焉第或聖或師升降不一迄於唐初尙無定論貞觀中慨然釐正祀典專以孔子爲先聖然尙循康成禮有高堂生樂有制氏之說乃取左穀以下二十二人專門訓詁之儒爲先師而傳道受業高弟子自顏子外皆不得與於配食之列猶不無可議者嗣自兩宋元明代有更革而尊崇之盛極於

國朝類而紀之亦考鏡得失之林也按周敬王四十二年魯哀公誅孔子稱曰哀哉尼父鄭康成謂尼父者因其字以爲諡也後世遂以爲諡孔子之始考禮有誄而諡者如貞惠文子是也有誄而不諡者如縣賁父是也諡必兼誄而誄不必諡故吳草廬曰誄者述其功行以哀之之詞如後世祭文之類非諡也况諡法無尼字康成之說恐未足爲據漢高帝十二年冬十一月自淮南過魯以太牢祭孔子此後世帝王祀孔子之始元帝時詔褒成侯霸以所食邑祀孔子此世爵奉祠之始平帝元始元年夏六月追諡孔子爲褒成宣尼公蓋孔

子之有諡實始於此東漢明帝永平二年冬十月養三老五更於辟雍令郡縣道行鄉飲酒禮於學校皆祀周公孔子牲以大此國學郡縣祀孔子之始十五年帝東巡過魯祀仲尼及七十二弟子此弟子從祀之始桓帝元嘉三年春三月魯相乙瑛請爲孔子廟置百石卒史一人典主守廟春秋享禮出王家錢給大酒直制曰可靈帝建寧二年春三月魯相史晨請依社稷出王家穀春秋行禮以供祀詔從之光和元年立鴻都門學置孔子及七十二弟子像魏明帝景初間魯相上言宗聖侯未有命祀之禮宜給牲牢長吏奉祀尊爲貴神制下三府議司空崔林議曰宗聖侯亦以王命祀不爲未有命也孔子以大夫之後特受無疆之祀可謂崇明報德矣無復重祀於非族也齊王芳正始二年春二月帝講論語通五年夏五月講尚書通七年冬十二月講禮記通並使太常釋奠以太牢祭孔子於辟雍以顏淵配此國學釋奠以弟子配享之始晉宋以後釋奠皆採正始故事以顏淵配焉晉武帝泰始三年冬十一月詔太學及魯國四時備三牲祀孔子七年皇太子講孝經通親以太牢祀孔子此太子釋奠之始自是皇太子每通一經必親釋奠於太學而歷朝亦並舉其禮東晉時孔子裔孫襲封奉聖亭侯於江左明帝泰寧三年詔給奉聖亭侯亭四時祠祭直如泰始故事宋文帝元嘉十九年冬十二月丙申詔曰胄子始集學業方興自微言泯絕將千祀感事思人意有慨然奉聖之蔭可速議繼襲於先廟地特爲營造依舊給祠直令四時饗祀二十二年皇太子釋奠於太學樂用登歌此釋奠用樂之始孝武帝孝建元年冬十月戊寅詔曰仲尼體天降德維周興漢經緯三極冠冕百王爰自前代咸加褒述典司失人用缺宗祀先朝遠存遺範有詔繕立世故妨道事未克就國難頻深忠勇奮勵實憑聖義大教所敷永惟兼懷無忘待旦可開建廟制同諸侯之禮詳擇爽塏厚給祭秩南齊武帝永明三年秋詔集有司議釋奠釋菜當行何禮用



何樂及禮器。尙書令王儉議曰。中朝以來。釋菜禮廢。今之所行。釋奠而已。金石俎豆。皆無明文。方之七廟。則輕比之五祀。則重。陸納車蔭。謂宣尼廟宜依享侯之爵。范甯欲依周公之廟。用王者儀。范甯謂宣其爲師。則不臣之釋奠。日備帝王禮樂。此則車陸失於過輕。二范傷於太重。皇朝屈尊。引教待以師資。引同上。公卽事惟允。元嘉立學。裴松之議。應舞六佾。以郊樂未具。故權奏登歌。今金石已備。宜設軒縣之樂。六佾之舞。牲牢器用。悉依上公。詔從之。此釋奠用舞之始。七年春二月己丑。詔曰。宣尼誕敷文德。峻極自天。發揮七代。陶鈞萬品。英風獨舉。素王誰匹。功隱於當年。道深於日月。感麟厭世。緬邇千祀。川竭谷虛。邱夷淵塞。非但洙泗渾淪。至乃鸞堂之主。前王敬仰。崇修寢廟。歲月亟流。鞠爲茂草。今學校興立。實稟洪規。撫事懷人。彌增欽慕。可改築宗祔。務在爽塏。量給祭秩。禮同諸侯。奉聖之爵。以時紹繼。明帝永泰元年春三月戊申。詔曰。仲尼明聖在躬。允光上哲。宏厥雅道。大訓生民。師範百王。軌儀千載。世人斯仰。忠孝攸出。元功潛被。至德彌闡。雖反袂遐曠。而祇薦靡缺。時祭舊品。秩比諸侯。頃歲以來。祀典陵替。俎豆寂寥。牲牢莫舉。豈所以克昭盛烈。永隆風教者哉。可式循舊典。詳復祭秩。使牢餼備禮。欽饗兼申。梁武帝天監四年夏六月庚戌。詔建孔子廟。八年秋九月。皇太子親釋奠。周捨以爲先師在堂。義所當敬。皇太子宜登阼階。以明從師之義。從之。敬帝太平二年春正月壬寅。詔曰。夫子降靈體誌。經仁緯義。允光素王。載闡元功。仰之者彌高。誨之者不倦。立忠立孝。德被蒸民。制禮作樂。道冠羣后。雖泰山頽峻。一簣不遺。而泗水餘瀾。千載猶在。自皇圖屯阻。祇薦不修。奉聖之門。似續殲滅。敬神之寢。簠簋寂寥。永言聲烈。實兼欽愴。可搜舉魯國之族。以爲奉聖侯。并繕廟堂。供備祀典。四時薦秩。一皆遵舊。陳後主至德三年冬十一月己未。詔曰。宣尼誕膺上哲。體資至聖。祖述憲章之典。並天地而合德。樂正雅頌之奧。與日月而偕明。垂後昆之訓。

範開生民之耳目。梁季湮微。靈寢亡處。鞠爲茂草。三十餘年。敬仰如在。永惟愴息。今雅道雍熙。由庚得所。斷琴故履。零落不追。閱篋開書。無因循復。可詳之禮典。改築舊廟。惠房桂棟。咸使維新。芳馨潔滌。以時饗奠。拓跋魏道武帝天興四年春二月丁亥。命樂師入學。習舞。釋菜於先聖先師。太武帝始光三年春二月。詔起太學於城東。祀孔子以顏淵配。初。晉宋之際。五胡雲擾。闕里祀典久廢。不修。後魯郡折入北朝。孝文帝延興二年春二月乙巳。詔曰。尼父稟達聖之資。體生知量。窮理盡性。道光四海。頃者徐淮未賓。廟隔非所。致令祠典頓寢。禮章殄滅。遂使女巫妖覲。淫進非禮。殺生鼓舞。倡優媒狎。豈所以尊明師。敬聖道者也。自今以後。有祭孔子廟。制用酒脯而已。不聽婦女合雜。以祈非望之福。犯者以違制論。其公家有事。自如常禮。犧牲黍盛。務盡豐潔。臨事致敬。令肅如也。牧司之官。明糾不法。使禁令必行。太和十三年秋七月。詔立孔子廟於京師。十六年春二月癸丑。詔改諡宣尼曰文聖尼父。帝臨宣文堂。引儀曹尙書劉昶。鴻臚卿游明根。行儀曹事李韶。授策詣廟告諡。北齊之制。將講於天子。先定經於孔廟。講畢。以一太牢釋奠。尼父配以顏回。列軒縣樂。六佾舞行三獻禮。皇太子每通一經。及新立學。必釋奠。每歲春秋二仲。常行其禮。每月且祭酒。領博士以下及諸生。拜孔揖顏。郡學則於坊內立孔顏廟。博士以下亦每月朝。按此爲後世春秋釋奠及朔日行禮之始。北周武帝天和元年秋七月。詔釋奠者。學成之祭。自今。胄子入學。不勞釋奠。宣帝大象二年春三月丁亥。詔曰。盛德之後。是稱不絕。功施於民。義昭祀典。孔子德惟藏往。道實生知。以大聖之才。屬千古之運。載弘儒業。式敘彝倫。至如參贊天人之理。裁成禮樂之務。故以作範百王。垂風萬葉。朕欽承寶歷。服膺教義。眷言洙泗懷道滋深。而褒成啓號。雖彰故實。旌崇聖績。猶有關如。可追封爲鄒國公。邑數準舊。并立後承襲。別於京師。置廟以時祭享。隋制國子寺每歲以四仲月上丁釋奠。



先聖先師州郡學則以春秋仲月釋奠唐高祖武德二年夏六月戊戌詔曰盛德必祀義存方冊達人命世流慶後昆爰始姬旦匡翊周邦創設禮經大明典憲啓生民之耳目窮法度之本源粵若宣尼天姿睿哲四科之教歷代不刊三千之徒風流無斁惟茲二聖道濟生民尊禮不修孰明褒尚宜命有司立周公孔子廟各一所四時致祭仍博求其後具以名聞詳考所宜當加爵土七年詔以周公爲先聖孔子配享太宗貞觀二年左僕射房元齡博士朱子奢建言周公尼父俱稱聖人庠序釋奠本緣夫子故晉宋梁陳及隋大業以前皆以孔子爲先聖顏回爲先師歷代所行古今通允伏請停祭周公升孔子爲先聖配以顏回詔從之四年詔州縣學皆作孔子廟十一年秋七月尊孔子爲宣父二十一年詔以左邱明卜子夏公羊高穀梁赤伏勝高堂生戴聖毛萇孔安國劉向鄭眾賈逵杜子春馬融盧植鄭康成服虔何休王肅王弼杜預范甯二十二人代用其書垂於國書自今有事於太學可並配饗宣父廟堂此先儒配孔子之始初國學釋奠以儒官爲祭主直書博士姓名至是中書侍郎許敬宗等奏按禮學官釋奠於其先師鄭氏謂詩書禮樂之官也四時之學將習其道故儒官釋奠各於其師既非國家行禮所以不及先聖至於春秋合樂則天子視學命有司興秩節釋祭先聖先師焉秦漢釋奠無文魏則使太常行事自晉宋以降時有親行而學官爲主全無故實且名稱國學樂用軒縣樽俎威儀並皆官備在於臣下理不合專凡在小神猶皆遣使行禮釋奠既準中祀據理必須稟命今請國學釋奠令國子祭酒爲初獻祝詞稱皇帝謹遣仍令司業爲亞獻博士爲終獻其諸州刺史爲初獻上佐爲亞獻博士爲終獻縣學令爲初獻丞爲亞獻博士爲終獻請主簿若尉爲終獻州縣釋奠既請遣刺史縣令親爲祭主望請準祭社給明衣國學祭以太牢樂用軒縣六佾之舞並登歌一部與大祭祀遇改用中丁州縣常用上下無樂祭以

少牢詔從之此後世國學遣官釋奠之始而直省以長官主祭亦始於此會皇太子釋奠自爲初獻遂以祭酒司業爲亞終獻高宗永徽中復以周公爲先聖孔子爲先師顏回左邱明以下皆從祀顯慶二年太尉長孫無忌等言謹按禮記云凡學春官釋奠於其先師鄭康成注曰官謂詩書禮樂之官先師者若禮有高堂生樂有制氏詩有毛公書有伏生可以爲師者又禮記曰始立學釋奠於先聖鄭康成注曰若周公孔子也據禮爲定昭然自別聖則非周卽孔則偏善一經漢魏以來取捨各異顏回夫子互作先師宣父周公迭爲先聖求其節文遞有得失所以貞觀之末親降綸言依禮記之明文酌康成之輿說正夫子爲先聖加眾儒爲先師永垂制於後昆草往代之紕繆而今新令不詳制旨輒事刊改遂違明詔但成王幼年周公踐極制禮作樂功比帝王所以禹湯文武成王周公爲六君子又說明王孝道乃述周公嚴配此卽姬旦鳩業合同王者祀之儒官就享實貶其功仲尼生衰周之末拯文喪之弊祖述堯舜憲章文武弘聖教於六經闡儒風於千古故孟軻稱生民以來一人而已胡可降茲上哲俯入先師且邱明之徒見行其學貶爲從祀亦無故事今請改令從詔於義爲允其周公仍依別禮配享武王詔從之乾封元年春正月辛卯詔曰朕聞德契機神盛烈光於後代化成天地元功被於庶物魯大司寇宣尼父孔子先聖資大聖之材屬衰周之末思欲屈己濟俗弘道佐時應聘周流莫能見用想乘桴以咏歎因獲麟而興感於是垂素王之雅則正魯史之繁文播鴻業於一時昭景化於千祀朕躬膺寶歷祇奉睿圖憲章前王規矩先聖崇至公於海內行大道於天下遂得八表乂安兩儀交泰功成化洽禮盛樂和展采東巡迴輿西土途經茲境撫事興懷駐蹕荒區願爲師友瞻望幽墓思承格言雖燕寢荒蕪餘基尚在靈廟虛寂微烈猶存孟軻曰自生民以來未有若孔子者也微禹之歎既深褒崇之道宜峻可追贈太師庶年代



雖遠式範令圖、具業維新、儀型茂實。其廟宇制度卑陋、宜更加修造。仍令三品一人以少牢致祭。褒聖侯德倫既承陰緒、有異常流其子孫、並宜免賦役。總章元年夏四月乙卯、詔曰：皇太子弘近因釋菜、齒胃上庠、祗事先師、馳心近侍。仰崇山而景行、眷養哲以勤懷。顯顏曾之特高、揚仁義之雙美。請申褒贈、載甄芳烈。朕嘉其進德、冀以思齊。訓誘之方、莫斯為尚。顏回可贈太子少師、曾參可贈太子少保、並配享。咸亨元年夏五月、詔曰：諸州縣孔子廟堂有破壞、並先來未造者、遂使先師缺奠祭之儀、久致飄零、深非敬本。宜令有司速事營造。中宗嗣聖七年冬十月、封孔子為隆道公。神龍元年、詔以鄒魯百戶為隆道公采邑、收其租稅用供薦享。睿宗太極元年春二月丁巳、皇太子釋奠帝親製孔子贊、加贈顏回太子太師、曾參太子太保。元宗開元七年冬十一月乙亥、皇太子入學、齒胄謁先聖。初、詔以宋璟為亞獻、蘇頌為終獻。臨享、帝思齒胄義乃、詔三獻皆用胄子。祀先聖如釋奠。八年、國子司業李元瓘奏言：先聖廟以顏子配、則配像當坐。今乃立侍、準禮授坐、不立授立、不跪。况顏子道亞生知才、光入室、既當配享、合從坐侍。又四科弟子、閔子騫等並服膺儒術、親承聖教、雖復列像廟堂、不參享祀。謹按祠令、何休等二十二賢、猶從祀祀豈有升堂入室之子、獨不霑春秋配享之餘。請春秋釋奠、列在二十二賢之上。七十子者、則文翁之壁、尚不缺如豈有國庠、遂無圖繪。請命有司、圖形於壁、兼為立贊。庶敦勸儒風、光崇聖烈。曾參孝道、可崇獨受經於夫子、望準二十二賢從享。詔從之。乃以十哲為坐像、悉與祀。曾參特為之像、坐亞之圖。七十子及二十一賢於廟壁。帝以顏子亞聖、親為製贊書於石。仍令當朝文士分為之贊、題其壁焉。此十哲配祀之始。十一年、詔春秋二時釋奠。諸州縣宜依舊用牲牢。其屬縣用酒脯。十九年、停牲牢、仍用酒脯。二十年、開元禮成、定皇太子及諸州釋奠儀。二十六年、勅鄉貢謁先師者為例。二十七年秋八月、詔曰：弘我王化、

在乎儒術。能發揮此道、啓迪含靈、則生人以來、未有如夫子者也。所謂自天攸縱、將聖多能、德配乾坤、身揭日月、故能立天下之大本、成天下之大經、美教政、移風俗、君君臣臣、父父子子。人到於今、受其賜、不其猶歟。於戲、楚王莫封魯公、不用俾夫大聖才列陪臣、棲遲旅人、固可知矣。年祀寔遠、光靈益彰。雖代有褒稱、而未為崇峻、不副於實。人其謂何。朕以薄德、祗膺寶命、思闡文明、光被華夏。時則異於古今、情每重於師資。既行其教、合旌厥德。爰申盛禮、載表徽猷。夫子既稱先聖、可追諡為文宣王。宜令三公持節冊命。至如辨方正位、著自禮經、苟非得所、何以示則。昔緣周公南面、夫子西坐。今位既有殊、坐豈宜依舊。宜補其墜典、永作成式。自今以後、兩京國子監夫子皆南面坐。十哲等東西列侍。天下諸州亦準此。且門人三千、見稱十哲。包夫眾美、實越等夷。賜元聖之風規、發人倫之耳目。並宜褒贈、以寵賢明。顏子既云亞聖、須優其秩。可贈兗公。閔子騫可贈費侯。冉伯牛可贈鄆侯。冉仲弓可贈薛侯。冉子有可贈徐侯。仲子路可贈衛侯。宰子我可贈齊侯。端木子貢可贈黎侯。言子游可贈吳侯。卜子夏可贈魏侯。又孔子格言、參也稱魯。雖居七十之數、不載四科之目。頃雖參於十哲、終未殊於等倫。久稽先旨、俾循舊位。庶乎禮得其序、人焉式瞻。又詔曰：道可褒崇、豈限今古。追贈之典、旌德存焉。夫子十哲之外、曾參等六十七人、同升孔門、博習儒術。子之四教、爾實行之。親授教言、式揚大義。是稱達者、不其盛歟。欽若古風、載崇元聖。至於十哲、亦被寵章。而子與之倫、未有稱謂。宜亞四科之士、以疏五等之封。俾與先師咸膺盛禮。乃贈曾參成伯、顏孫師陳伯、澹臺滅明江伯、宓子賤單伯、原憲原伯、公冶長莒伯、南宮适郊伯、公皙哀郎伯、曾點宿伯、顏路杞伯、商瞿蒙伯、高柴共伯、漆雕開滕伯、公伯寮任伯、司馬牛向伯、樊遲樊伯、有若下伯、公西赤邵伯、巫馬期鄭伯、梁鱣梁伯、顏柳蕭伯、冉孺卻伯、曹卬豐伯、伯虔鄒伯、公孫龍黃伯、冉季產東平伯、秦子南少梁



伯漆雕敘武城伯顏子驕張邪伯漆雕徒父須句伯壤駟赤北微伯  
商澤睢陽伯石作蜀郕伯任不齊任城伯公夏首元父伯公良孺  
東牟伯后處營邱伯秦開彭衙伯奚容蒧下邳伯公肩定新田伯顏  
襄臨沂伯鄒單銅鞮伯句井疆淇陽伯罕父黑乘邱伯秦商上洛伯  
申黨召陵伯公祖子之期思伯榮子旗零婁伯縣成鉅野伯左人鄆  
臨淄伯燕伋漁陽伯鄭子徒榮陽伯秦非汧陽伯施常乘氏伯顏瞻  
朱虛伯步叔乘淳于伯顏之僕東武伯原亢籍萊蕪伯樂欽昌平伯  
廉潔莒父伯顏何開陽伯叔仲會瑕邱伯狄黑臨濟伯邾異平陸伯  
孔忠汶陽伯公西與如重邱伯公西蒧祝阿伯遺尙書左丞相裴耀  
卿就國子廟行冊禮又遣太子少保崔琳就東都行禮又勅兩京及  
兗州舊宅廟皆改冕服且諸州縣廟宇既小但移南面不須改衣服  
兩京牲用太牢樂宮縣舞六佾州縣則牲以少牢而無樂右諸賢封  
爵考新唐書及唐會要所載除十哲外祇六十七人而杜氏通典則  
多衛伯遺瑛清河伯林放顏伯陳亢魯伯申根伯琴牟南陵伯琴  
張六人兩處互異並錄於此二十八年詔春秋二仲上丁以三公攝  
行事肅宗上元年以歲早罷中小祀而文宣王廟祭不廢代宗永  
泰二年修國學祠堂成始釋奠設宮縣自復二京惟正會之樂用宮  
縣郊廟之享登歌而已文武二舞亦不具至是魚朝恩典監事乃奏  
宮縣於論堂而雜以教坊工伎初釋奠祝版御署訖北面而揖十五  
年膳部郎中歸崇敬以爲其禮太重請準武王受丹書於師尙父東  
面行禮詔從之後唐明宗長興三年國子博士蔡同文奏伏見每年  
春秋二仲月上丁釋奠文宣王以兗公顏子配坐以閔子騫等爲十  
哲排祭奠其七十二賢圖形於四壁面前皆無酒脯自今後請各設  
一豆一爵祠饗下中書帖太常禮院檢討禮例禮院檢討錄稱文  
宣王從祀諸座各邊二實以栗黃牛脯豆二實以葵菹鹿醢簋簠各  
一實以黍稷飯酒爵一禮文所設祭器無一豆一爵之儀者奉勅文

宣王廟四壁英賢自此每釋奠宜準郊祀錄各陳脯醢等以祭周太  
祖顯德二年詔營國子監遣太祖神冊三年夏五月帝問侍臣曰受  
命之君當事天敬神有大功德者朕欲祀之何先皆以佛對帝曰佛  
非中國教太子偕曰孔子大聖萬世所尊宜先帝大悅卽命建孔子  
廟詔皇太子春秋釋奠道宗清寧六年夏六月命以時祭先聖先師  
宋太祖建隆元年春二月帝幸國子監詔增修祠宇繪先聖先賢先  
儒之象親撰先聖亞聖贊十哲以下命文臣分贊之二年詔貢舉人  
就國子監謁先師著爲令三年詔祭文宣王用一品禮立十六戟於  
廟門眞宗景德三年從資政殿大學士王欽若請令諸道修葺文宣  
王廟禁不得殘毀四年太常禮院李維奏諸州釋奠長吏不親行禮  
非尊師重教意乃頒釋奠儀於天下大中祥符元年冬十一月戊午  
詔曰王者順考古道懋建大猷崇四術以化民昭宣教本總百王而  
致治丕變人文方啓迪於素風思不揚於鴻烈先聖文宣王道膺上  
聖體自生知以天縱之多能實人倫之先覺元功侔於簡易景鑠配  
乎貞明惟列辟以尊崇爲億載之師表肆朕寡昧欽承命歷曷嘗不  
遵守彝訓保乂中區屬以祗若元符告成喬嶽觀風廣魯之地飭駕  
數仞之牆躬謁遺祠緬懷遐躅仰明靈之如在肅冀獻以惟寅是用  
攷簡冊之文昭聰獻之德事舉追崇之禮庶申嚴奉之心備物典章  
垂之不朽謹告多士昭示朕懷宜追謚曰宣聖文宣王遣吏部尙  
書張齊賢祭告初帝欲追封孔子爲帝或曰宣父周之陪臣周止稱  
王不當加帝號故第增美號而已又詔曰朕以祗陟岱宗新巡魯甸  
永懷先聖之德躬造闕里之庭奠獻周旋欽崇備至惟降靈之所自  
亦錫美之有初像設具存名稱斯闕宜加追命以燦典章叔梁紇可  
追封齊國公顏氏可追封魯國太夫人遣都官員外郎王勵精虔祭  
告又詔曰朕時巡魯郡躬詣孔堂顧風教之所尊舉典章而旣渥眷  
惟令淑作合聖靈載稽簡冊之文尙闕封崇之數屬茲歲秩特示追



榮垂厥方來式昭遺範。元官氏可追封耶國夫人。仍令兗州遺官諸曲阜廟祭告。二年春三月頒曲阜廟桓圭一加冕九旒服九章從上公之制。夏五月乙卯詔追封孔子弟子顏回魯國公。閔損瑕。郭公冉耕。東平公冉雍。下邳公宰予。臨淄公端木賜。陽公冉求。彭城公仲由。河內公言偃。丹陽公卜商。河東公曾參。瑕丘侯顏繇。孫師。苑邱侯澹臺滅明。金鄉侯宓不齊。單父侯原憲。任城侯公冶長。高密侯南宮适。豐邱侯公皙哀。北海侯曾點。萊蕪侯顏無繇。曲阜侯商瞿。須昌侯高柴。共城侯漆雕開。平輿侯公伯寮。壽張侯司馬耕。楚邱侯樊須。谷都侯公西赤。鉅野侯有若。平陰侯巫馬施。東阿侯陳亢。南頓侯梁纘。千乘侯顏辛。陽穀侯冉孺。臨沂侯冉季。諸城侯伯虔。沐陽侯公孫龍。枝江侯秦冉。新息侯秦祖。鄆城侯漆雕哆。濮陽侯顏高。雷澤侯漆雕徒父。高苑侯壤駟赤。上邽侯林放。長山侯商澤。鄒平侯石作。局成紀侯任不齊。當陽侯申枨。文登侯公良孺。牟平侯曹卬。上蔡侯奚容蒧。濟陽侯句井疆。滄陽侯申黨。淄川侯公祖。句茲。即墨侯榮旂。厭次侯縣成。武城侯左人。鄆南華侯燕伋。沂源侯鄆國。胸山侯秦非。華亭侯施之。常臨濮侯顏增。濟陰侯步叔乘。博昌侯顏之僕。宛句侯蓬瑗。內黃侯叔仲會。博平侯顏何。堂邑侯狄黑。林慮侯邾異。高堂侯孔忠。鄆城侯公西輿。如臨侯公西點。徐城侯琴張。頓邱侯。七月戊寅又詔封左邱明。瑕丘伯。公羊高。臨淄伯穀梁赤。襄邱伯伏勝。乘氏伯高堂生。萊蕪伯戴聖。楚邱伯毛萇。樂壽伯孔安國。曲阜伯劉向。彭城伯鄭眾。中牟伯杜子春。緱氏伯馬融。扶風伯盧植。良鄉伯鄭康成。高密伯服虔。滎陽伯賈逵。岐陽伯何休。任城伯王弼。偃師伯范甯。新野伯至王肅。生前已封蘭陵亭侯。加贈為司空。杜預生前已封當陽侯。加贈為司徒。又詔曰。朕乃者封禪社昭列聖之鴻勳。崇德報功。廣百王之彝制。洎言旋於闕里。遂躬謁於魯堂。瞻河海之委。聆容穆若出洙泗之上。高風凜然。舉盛典之有加。期斯文之益振。由是推恩世胄。併錫

其寵章。祇事祠庭。廣增其奉邑。復念性與天道德冠生民。議茲聖之名。冀廣嚴師之道。兼朕親為製贊。以表崇儒。至於四科鉅賢。並超五等七十達者。俱贈列侯。伊彼先儒。皆傳聖道。咸加贈典。俾耀素風。仍命寮案。分紀遺烈。式晉褒揚之旨。庶資善誘之方。中書樞密三司兩制丞郎待制館閣直館校理等分撰贊成。命刻石國學及曲阜廟中。三年以判國子監孫奭言。國學丁祭差太尉太常光祿卿充三獻官。又頒釋奠儀注及祭器圖於諸路。四年夏五月癸巳詔州城置孔子廟。五年冬十二月壬申以國諱改諡孔子曰至聖文宣王。七年從宰相王旦請以先天節禮畢詣文宣王廟行禮。仁宗明道元年秋八月戊午詔國子監重修七十二賢堂。左邱明而下二十一人悉以本品衣冠圖之。景祐元年詔釋奠用登歌。神宗熙寧五年罷貢舉人釋奠。七年判國子監常秩等請立孟軻揚雄像於廟庭。兼賜爵號。又請追尊孔子以帝號。下兩制禮官詳定以為非是而止。京兆府學教授蔣夔請以顏回為兗國公。母稱先師而祭不讀祝儀物一切降殺而進。閔子騫九人亦載祀典。禮官以孔子稱號歷代各有據依難輒更改。儀物獻祝亦難降殺。所請九人已在祀典。熙寧祀儀十哲皆為從祀。惟州縣釋奠未載。請自今二京及諸州春秋釋奠並準熙寧祀儀。八年國子監新廟成。常秩等又曰。宣聖神像舊用冕服九旒七十二賢二十一先儒並用朝服。檢會唐開元中尊孔子為文宣王。內出王者袞冕之服以衣之。詳此則孔子之冕宜用天子之制。十二旒。孔子既用冕旒則七十二賢二十一先儒當各依本爵用冕服。欲乞改正。下太常禮院詳定。禮院檢會文宣王廟自建隆二年詔廟門準儀制令立戟十六枝。用正一品之禮。大中祥符二年賜曲阜文宣王廟桓圭一從上公之制。春秋釋奠則用中祠皆今朝之制也。其兗國公顏子等皆以本朝郡國縣封爵。緣古今禮制不一難以追周之冕服。宜如舊制依官品衣服。今文宣王冕用九旒顏子已下各依郡

國縣侯伯正一品至正四品冠服制度庶合禮令。從之。元豐六年冬十月吏部尚書曾孝寬言孟軻祠廟在鄒未加爵命。詔曰自孔子沒先王之道不明發揮微言以紹三聖功歸孟氏萬世所宗厥惟舊邦實有祠宇追加爵號以示褒崇可封鄒國公。七年夏五月晉州教授陸長愈奏言朝廷封孟軻爲鄒國公爵位既加則禮宜從祀乞今後春秋釋奠並以兗鄒二公配享。時太常寺詳議以孟子異代非及門弟子不允所請而禮部侍郎林希言唐貞觀二十一年以伏勝高堂生之徒與顏子俱配享至今從祀豈必同時孟子於孔門當在顏子之列又荀况揚雄韓愈發明先聖之道有益學者久未配食誠爲缺典請自今春秋釋奠以鄒國公配享設位於兗國公之次荀况揚雄韓愈並加封爵以世次先後從祀於左邱明等二十一賢之間自國子監及天下文廟皆塑鄒國公像其冠服同兗國公畫荀况等像於從祀之列冠服各從封爵。詔從之。以鄒國公孟子配享封荀况蘭陵伯揚雄成都伯韓愈昌黎伯並從祀廟庭。令學士院撰贊文。又詔修四孟釋菜儀。哲宗元祐元年從禮官請定奉聖公家祭冕服等制度。頒賜五年四十七代奉聖公若蒙請加孔子之子及孫封爵。諫議大夫朱光庭議云孔鯉雖孔子之子德未著而早世惟子思學於曾子著中庸一書垂之萬世孟子師之然後得其傳固非荀揚韓之可及謂宜獨加子思封爵。議久未定至徽宗崇寧元年春二月庚戌詔曰孔子之道萬世所尊鯉實嗣之親聞詩禮傳堂從祀厥有舊祠疏以爵封以示褒顯可特封泗水侯。又詔曰孔伋聖人之後孟氏之師作爲中庸萬世宗仰眷惟魯郡實有舊祠追加爵封以示褒典可特封沂水侯。秋八月甲戌建外學於國南詔曰古者立學必祭先師况都城近郊大闢黉舍聚四方之士多且數千宜建文宣王廟以便薦獻三年太常寺言國朝祀儀諸壇祠祭正位居中南面配位在正位之東南西向若兩位亦爲一列以北爲上其從祀之位又在其後。今國

子監顏子孟子配享之位卽與閔子騫等從祀之位同作一列雖坐次少上而在文宣王帳座之後於配食之禮未正請改正位次爲圖頒示天下。從之。夏六月癸酉詔以王安石配享孔子廟位鄒國公之次國子監丞趙子櫟言唐封孔子爲文宣王其廟像內出王者袞冕衣之今乃循五代故制服上公之服七十二子皆周人而衣冠率用漢制非是詔孔子仍舊七十二子易以周之冕服。又詔文宣王殿以大成爲名四年秋八月國子司業蔣靜言先聖與門人通被冕服無別配享從祀之人當從所封爵服周之服公之袞冕九章侯伯之鷩冕七章袁公服也達於上鄭氏謂公袞無升龍誤矣考之周官司服所掌則公之冕與王同弁師所掌則公之冕與王異今既考正配享從祀之服亦宜考正先聖之冕服其執圭立戟乞並從王者制度詔從之。於是增文宣王冕爲十二旒服十二章執鎮圭廟門立二十四戟並如王者之制。又頒祭服制度於州縣令皆以法服行禮。大觀元年定貢士入學釋菜之儀二年從通事郎侯孟諱繪子思像從祀於左邱明二十四賢之間四年議禮局言史記弟子傳曰受業身通六藝者七十有七人家語曰七十二弟子皆升堂入室者按唐會要七十七人而開元禮止七十二人又復去取不一本朝議臣斷以七十二子之說取琴張等五人而去公夏首等十人今以家語史記參定公夏首后處公肩定顏祖鄒單罕父黑秦商原亢樂欬廉潔唐會要開元禮亦互見之皆有伯爵載於祀典請追贈侯爵使與祭享詔封公夏首鉅平侯后處膠東侯公肩定梁父侯顏祖富陽侯鄒單聊城侯罕父黑祈鄉侯秦商馮翊侯原亢樂平侯樂欬建成侯廉潔昨城侯政和元年夏六月太常寺言孔子高弟子所封侯爵與宣聖名同失弟子尊師之禮乃詔改封曾參武城侯顓孫師潁川侯南宮适汝陽侯司馬耕睢陽侯琴張陽平侯左邱明中都伯穀梁赤睢陵伯載聖考城伯三年春正月癸酉詔封王安石爲舒王又封其子雱爲臨





川伯從祀五年詔鄒縣孟子廟以樂正子配享公孫丑以下從祀封樂正子克利國侯公孫丑壽光伯萬章博興伯告子不害東阿伯孟仲子新泰伯陳臻逢萊伯充虞昌樂伯屋廬運奉符伯徐辟仙源伯陳代沂水伯彭更雷澤伯公都子平陰伯咸邱蒙須城伯高子泗水伯桃應膠水伯盆成括萊陽伯季孫豐城伯子叔承陽伯欽宗靖康元年夏五月戊辰以右諫議大夫楊時言王安石學術之謬乞追奪王爵明詔中外毀去配享之像使邪說淫辭不爲學者之惑詔降王安石依鄭康成例從祀兩廡高宗紹興八年夏六月以衍聖公孔玠渡江隔絕林廟詔衢州於官田內撥給五頃以奉先聖祀事十年秋七月從王普之請詔改京師釋奠文宣王爲大祀祀前受誓戒加籩豆十二其禮如社稷州縣仍爲中祀孝宗乾道八年令有司討論釋奠及皇太子入學儀淳熙三年洪邁言孟子配食與顏子並其師子思子思之師曾子皆在其下於禮儀實爲未然乞改正又趙粹中請削去王安石從祀皆不報四年秋七月乙酉始詔去王雱從祀畫像時祕閣修撰權禮部侍郎李燾論釋奠從祀孔子當升范仲淹歐陽修司馬光蘇軾黜王安石父子衆議不叶止黜王雱而已七年禮官請依國子監位數爵號姓名及祭器頒於州縣從之寧宗慶元元年仍定文宣王爲中祀理宗寶慶三年春正月己巳詔曰朕觀朱熹集註大學論語孟子中庸發揮聖賢蘊奧有補治道朕勵志學問編懷典型可特贈太師追封信國公紹定三年改封徽國公端平二年春正月甲寅詔升子思於十哲又下廷臣議胡瑗孫明復邵雍歐陽修周敦頤司馬光蘇軾張載程頤程頤等十人從祀議久未決淳祐元年春正月帝將祀太學甲辰降御札曰朕惟孔子之道自孟軻後不得其傳至我朝周敦頤程頤張載真見力踐深探聖域千載絕學始有指歸中興以來又得朱熹精思明辨表裏融渾使中庸大學語孟之書本末洞徹孔子之道益以大明於世朕每讀五臣論著啓

沃良多今視學有日宜令學官列諸從祀以副朕崇獎儒先之意乃封敦頤汝南伯頤河南伯頤伊陽伯載鄆伯尋以王安石謂天命不足畏祖宗不足法人言不足恤爲萬世罪人豈宜從祀孔子廟庭黜之景定二年春正月皇太子將釋奠詔曰虎關齒胃太子事也此禮廢久矣如釋奠釋菜之事我朝未嘗廢也然尊師敬道又不可拘舊制可令太子謁拜焉丁丑皇太子禮既釋奠還奏曰先聖之道至我朝盛時運際文明眞儒迭起而後有以續夫孟氏之傳然其時諸說並駕未知統一迨乾淳間文公臣朱熹與宣公臣張栻成公臣呂祖謙志同道合切磋講磨如義利之辨如近思錄之書擇精語詳開牖後學誠有功於聖門中閒邪說又幾晦蝕陛下聖德奮興罷斥詖邪表章正學然後人心一正聖道大明天下學士得沿淵源而邇洙泗實萬世無疆之休今熹已秩從祀而栻祖謙尙未奉明詔臣竊望焉於是詔追封張栻華陽伯呂祖謙開封伯並從祀度宗咸淳三年春正月帝將臨太學降御札曰邵雍天挺人豪英雄蓋世司馬光有德有言有功有烈朱熹贊其與周程張俱雍述經世書發先天之奧旨而內聖外王之學實關吾道光著通鑑貽後世治法而眞履實踐之爲時儒宗茲豈前代諸儒或以章句文詞得祀於學者比朕將臨辟雍因思朱熹所贊已祀其四而尙遺雍光非缺典與其令學官列諸從祀以示崇獎又特封雍新安伯又詔曰孔子獨稱顏回好學固非三千之徒所同也而其學不傳得聖傳者獨曾子曾子傳子思子思傳孟軻忠恕兩語深契一貫之旨中庸一書不闢前世之蘊而孔子之道益著尙非顏曾思孟相繼演繹著書垂訓中更管商楊墨佛老幾何其不遂泯哉今大成惟顏孟有食曾思不預尙爲闕典先皇帝述道統之傳自伏羲以來著十三贊孔子而下顏曾思孟昭然具在其非以遺我後人乎其令禮官議可升曾思侑食並議可升十哲者以聞是年春二月封曾參鄆國公子思沂國公與顏孟並配享封顏

孫師爲陳公升於十哲。更封閔損爲費公。冉耕爲郈公。冉雍爲薛公。宰予爲齊公。端木賜爲黎公。冉求爲徐公。仲由爲衛公。言偃爲吳公。卜商爲魏公。又詔曰。泗水侯孔鯉。以先聖爲之父。以子思爲之子。而聞詩聞禮。周南召南之學。其在魯論。著明如此。郈城侯孔忠。其昆也。亦在從祀之列。伯魚可列於郈城侯之次。金天會十五年。熙宗新卽位。詔立孔子廟於上京。世宗大定十四年。從國子監言。定釋奠儀禮。行三獻樂。用登歌。其儀節多取開元禮。又考周制。冕服加聖像。冕十二旒。服十二章。初。孟子以燕服在後。寢至是。遷於正殿。與顏子對。二賢冕服。並用九章。九旒。章宗明昌二年。夏五月戊辰。詔諸郡邑文宣王廟。廢者復之。三年冬十一月丙子。詔臣庶名犯古今帝王而姓復同者。禁之。周公孔子之名。亦令迴避。承安二年春。丁帝親釋奠。勅先賢先儒舊封公者。升爲國公。侯者升爲國侯。卿伯以下。皆封侯。泰和四年春二月癸丑。詔刺吏州郡無宣聖廟學者。並增修之。五年春三月。諭有司。進士名有犯孔子諱者。避之。著爲令。元太祖初平燕京。從宣撫王楫請。以金樞密院爲宣聖廟。太宗五年冬十二月。勅修孔子廟。八年春三月。復修孔子廟。世祖中統二年夏六月乙卯。詔宣聖廟及管內書院。有司歲時致祭。月朔釋奠。禁諸官員使臣軍馬母得侵擾。襲漬。秋八月丁酉。命開平守臣釋奠於宣聖廟。至元四年夏五月丁亥。勅上都重建孔子廟。十年御史中丞兼領侍儀司上言。至聖文宣王用王者禮樂。御王者衣冠。南面當坐。天子供祠具。萬世之絕尊。千載之通祀者。莫如吾夫子也。竊見外路官員提學教授。每遇春秋二丁。不變常服。以供執事。於禮未宜。於是詔春秋二丁執事官員各依品序。公服陪位。諸儒襴衫唐巾行禮。二十三年。命雲南諸路皆建學祀先聖。三十一年。成宗卽位。秋七月壬戌。詔以孔子之道垂憲萬世。有國家者所當崇奉。凡廟學書院諸官員使臣軍馬。不得侵擾襲漬。其贍學土地。毋許侵奪。專以供祭祀。贍師生修廟宇。大德六年

夏六月甲子。詔建文宣王廟於京師。先是京師未有孔子廟。而國學寓於他署。至是左丞相哈剌哈孫乃始奏建。十年秋八月丁巳。文宣王廟成。行釋奠禮。牲用太牢。樂用登歌。十一年武宗卽位。秋七月辛巳。詔曰。蓋聞先孔子而聖者。非孔子無以明。後孔子而聖者。非孔子無以法。所謂祖述堯舜。憲章文武。儀範百王。師表萬世者也。朕纂承不緒。敬仰休風。循治古之良規。舉追封之盛典。加號大成至聖文宣王。遣使闕里祀以太牢。於戲。父子之親。君臣之義。永惟聖教之尊。天地之大。日月之明。奚罄名言之妙。尙資神化。祐我皇元。仁宗皇慶二年夏六月甲申。詔以宋儒周敦頤程頤張載邵雍司馬光朱熹張栻呂祖謙及故中書左丞許衡從祀孔子廟庭。初。曾子子思於南宋咸淳間。雖躋配位。而元人未用其制。延祐三年秋七月。以御史中丞趙世延言。南北祭禮不宜有異。乃詔春秋釋奠。以顏曾思孟配享。又詔封孟子父激爲邾國公。母仉氏爲邾國宣獻夫人。六年冬十二月壬戌。追封周敦頤爲道國公。又封遼瑗爲內黃侯。從祀。至順元年閏七月戊申。詔曰。闕里有家。系出神明之胄。尼山請禱。天啓聖人之生。朕率觀人文。敷求往哲。維孔氏之有作。集羣聖之大成。原道統則堯授舜傳。至周文王論世家。則契之湯下逮正考父。其明德也遠矣。故生知者出焉。有開必先克昌厥後。如太極之生天地。如滄海之有本源。雲仍既襲於上公之封。考妣宜眎夫素王之爵。於戲。君子之道。考而不謬。建而不悖。於以敦典。而敍倫宗。廟之禮愛。其所親敬。其所尊於以報功而崇德。尙篤其慶。以相斯文。齊國公叔梁紇。可加封爲啓聖王。魯國太夫人顏氏。可加封爲啓聖王太夫人。又詔曰。昔曾子得聖人之傳。而子思克承厥緒。稽夫中庸之一書。實開聖學於千載。朕自臨御以來。每以加惠斯文爲念。萬幾之暇。覽睹載籍。至於致中和而天地位。萬物育。雅爾意焉。夫爵秩之崇。旣隆於升配。景行之懿。可後於襲嘉。於戲。有仲尼作於前。孰儷世家之盛。得孟子振其後。益



昌斯道之傳。歷命其承。茂隆丕緒。可加封沂國述聖公。時並封顏子  
 亮國復聖公。曾子郕國宗聖公。孟子鄒國亞聖公。程顥豫國公。程頤  
 洛國公。冬十二月己酉。詔以董仲舒從祀孔子廟。位列七十子下。三  
 年春正月壬午。詔曰。我國家尊典禮以彌文。本闔門而成教。乃瞻素  
 王之廟。尙虛元勳之封。有其舉之斯爲盛矣。大成至聖文宣王妻元  
 官氏。來嬪聖室。垂裕世家。鑾豆大房。自流風於殷禮。琴瑟在御。存燕  
 樂於魯堂。功言邈若於遺聞。儀範儼乎其合德。作爾禕衣之像。稱其  
 命鼎之名。噫。秩秩彝倫。吾欲廣闢雝雝。巢之化。皇皇文治。天其興河  
 圖鳳鳥之祥。可特封大成至聖文宣王夫人。五月加封顏子父無繇  
 爲杞國公。諡文裕。母姜氏爲杞國端獻夫人。妻戴氏爲兗國貞素夫  
 人。順帝元統元年。命江浙行省范銅造和寧宣聖廟祭器。凡百三十  
 有五事。至元五年。以闕里上丁在邇。特遣御史從事高元肅驛致尙  
 書。供禮酌之用。至十九年秋八月。江浙行省照磨胡瑜言於行省  
 曰。我朝既已加封先聖大成之號。又追崇宋儒周敦頤等封爵。俾從  
 祀廟庭。報功示勸之道。可謂至矣。然有司討論未盡。尙遺先儒楊時  
 等五人。未列從祀。遂使盛明之世。猶有闕典。惟故宋龍圖閣直學士  
 楊時。親得程門道統之傳。排王氏經義之謬。南渡後朱張呂氏之學  
 其源委脈絡皆出於時。處士李侗傳河洛之學。以授朱熹。凡集註所  
 引師說。卽其講論之旨。中書舍人胡安國闡道伊洛。志在春秋纂爲  
 集傳。羽翼正經。明天理而扶世教。有功於聖人之門。贈太師榮國公  
 蔡沉。從學朱子。親承指授。著書集傳。發明先儒之未及。翰林學士參  
 知政事真德秀。博學窮經。踐履篤實。當時立爲學之禁。以錮善類。德  
 秀晚出。獨以斯文爲己任。講習躬行。此五人者。學問接道統之傳。著  
 述發先儒之祕。其功甚大。况科舉取士。已將胡安國春秋蔡沉尙書  
 集傳表章而尊用之。真德秀大學衍義亦備經筵講讀。俱應追錫名  
 爵。從祀先聖廟庭。可以敦厚儒風。激勸後學。行有以聞。下廷臣議。乃

允其封爵之請。二十二年秋八月。封楊時吳國公。李侗越國公。胡安  
 國楚國公。蔡沉建國公。真德秀福國公。俱贈太師而從祀之。議竟寢。  
 冬十二月。追諡朱熹父松曰靖獻。改封熹爲齊國公。明太祖洪武元  
 年。詔復孔顏孟三氏子孫徭役。定制每歲春秋上丁釋奠。前祀一日。  
 皇帝皮弁服。御奉天殿。降香傳制遣官。以丞相初獻。翰林學士國子  
 祭酒亞終獻。牲用太牢。樂六奏。文舞六佾。司府州縣衛學各提調官  
 行事。用少年禮。如太學樂不能備。則已。京府及附府縣行釋菜禮。時  
 江西崇仁縣訓導羅恢上疏云。孔廟從祀當以道學論。論語記有若  
 言行者四。皆有裨世教。記宰子言行者四。皆見責聖人。宜以有若居  
 十哲。而宰子居兩廡。公伯寮阻壞聖門。不宜從祀。遽伯玉孔子故人  
 行年六十而化。今在兩廡六十位次之下。未當宜升聖殿。不報。三年  
 夏六月戊午。詔曰。自有元失馭。羣雄鼎沸。土宇分裂。聲教不同。朕奮  
 起布衣。以安民爲念。訓將練兵。平定華夷。大統以正。永惟爲治之道  
 必本於禮。考諸祀典。知五嶽五鎮四海四瀆之封。起自唐世。崇名美  
 號。歷代有加。在朕思之。則有不然。夫嶽鎮海瀆皆高山廣水。自天地  
 開闢。以至於今。英靈之氣萃而爲神。必皆受命於上帝。幽微莫測。豈  
 國家封號之所可加。瀆禮不經。莫此爲甚。至如忠臣烈士。雖可加以  
 封號。亦惟當時爲宜。夫禮所以明神人。正名分。不可僭差。今合依古  
 定制。凡嶽鎮海瀆。並去其前代所封名號。止以山水本名稱其神。郡  
 縣城隍神號一體改正。歷代忠臣烈士。亦依當時初封以爲實號。後  
 世溢美之稱。皆與革去。其孔子善明先王之要道。爲天下師。以濟後  
 世。非有功於一方一時者可比。所有封爵宜仍其舊。庶幾神人之際  
 名正言順。於禮爲當。用稱朕以禮祀神之意。又命曲阜廟庭歲官給  
 牲幣。俾衍聖公供祀事。四年。令進士釋褐詣國學行釋菜禮。更定祭  
 器禮物。樂舞改八籩豆爲十籩豆。簠簋登銅。悉易以瓷。牲用熟。各置  
 高案。樂舞生擇監生及文武大臣子弟在學者預教習之。時國子司



業宋濂與考祀孔子之禮上議曰世之言禮者咸法孔子然不以禮祀孔子是褻祀也褻祀不敬不敬無福古者將祭主人朝服卽位於阼階東西面祝告利成主人立於阼階上西面戶出入主人降立於阼階東西面此皆主人之正位也卒醑祝盥手洗升自西階主人盥升自東階祝先入南面主人從戶內西向祝酌奠主人西面再拜稽首皆爲几筵之在西也戶升筵主人西面立於戶內拜安戶戶酢主人主人西面奠爵拜皆爲戶之在西也漢章帝幸魯祀孔子帝升廟西向是猶有古意也今襲開元二十七年之制遷神於南面而行禮者北面已非神道尙右之義矣古者造木主以棲神天子諸侯廟皆有主大夫東帛士結茅爲藪無設像之事今因開元八年之制博土而肖像焉則失神而明之之義矣古者灌鬯燔蕭求神於陰陽也今用薰簫代之古者郊廟祭享皆設庭燎示嚴敬也今以秉炬當之古之有道有德者使教焉死則以爲樂祖祭於瞽宗謂之先師若漢禮有高堂生樂有制氏詩有毛公書有伏生之類也凡始立學者必釋奠於先聖先師非其師弗學也非其樂弗祭也學校既廢天下莫知所師開元禮以孔子集羣聖之大成顏回曾參孔伋孟軻實得孔子之道尊之以爲先聖先師而七十二子俱得通祀於天下固宜今也雜糅而妄列甚至荀况之言生惡揚雄之事王莽之宗老莊賈逵之忽細行杜預之建短喪馬融之附權勢亦廁其中古者立學專以明倫子雖齊聖不先父食故禹不先鯀湯不先契文武不先不佞宋祖帝乙鄭祖厲王猶尙祖也今一切實而不講顏回曾參孔伋子也配享堂上顏路曾點孔鯉父也列祀廡間張載則二程之表叔也乃坐其下顛倒彝倫莫此爲甚古者士之見師以茶爲贊故始入學者必釋菜以禮其先師其學官四時之祭乃皆釋奠今專用春秋亦非禮意釋奠有樂無尸而釋菜無樂是二者之輕重係乎樂之有無也今則襲用魏漢津所製大晟之樂乃先儒所謂亂世之音古者釋

奠釋菜名義雖存而儀注皆不可考唐開元禮彷彿儀禮饋食篇節文爲詳所謂三獻各於獻後飲福卽尸酢主人主婦賓之義也今憚其煩惟於初獻行之若夫廟制之非宜冕服之無章器用雜乎雅俗升降昧乎左右如此類甚多雖更僕不可盡也育者建安熊氏欲以伏羲爲道統之宗神農黃帝堯舜禹湯文武各以次而列焉皇陶伊尹太公周公暨契稷禹益傳說箕子皆天子公卿之師式宜秩視天子之學若孔子實兼祖述憲章之任其爲通祀則自天子下達苟如其言則道益尊三皇不汨於醫師太公不辱於武夫矣昔周有天下立四代之學學有先聖虞庠以舜夏學以禹殷學以湯東膠以文王復取當時左右四聖贊成其德業者爲之先師以配享焉此固天子立學之法也議上帝不悅責其議不以時上謫安遠知縣議亦不果行五年帝覽孟子章句冠讎語謂非人臣所宜言詔罷配享有諫者以大不敬論刑部尙書錢唐抗疏入諫曰臣爲孟子死死有餘榮時廷臣無不爲唐危帝鑒其誠懇不之罪踰年帝尋悟乃下詔曰孟子辨異端闢邪說以發明孔子之道宜配享如故十五年春三月丙戌帝諭禮部尙書劉仲質曰孔子明帝王之道以教後世使君臣臣父子綱常以正彝倫攸其功參乎天地今天下郡縣廟學並建而報祀之禮止行京師豈非闕典卿與諸臣其定釋奠禮儀以聞於是始詔天下儒學每歲春秋仲月通祀孔子頒釋奠儀注凡府州縣學鑊豆以八器物牲牢皆殺於國學其祭以正官行之初洪武二年詔春秋釋奠止行於曲阜天下不必通祀錢唐伏闕上疏言孔子垂教萬世天下共尊其教故天下得通祀孔子報本之禮不可廢刑部侍郎徐程亦疏言古今祀典獨社稷三皇與孔子通祀天下民非社稷三皇則無以生非孔子之道則無以立堯舜禹湯文武周公皆聖人也然發揮三綱五常之道載之於經儀範百王師表萬世使世愈降而人極不墜者孔子力也孔子以道設教天下祀之非祀其





人祀其教也。祀其道也。今使天下之人讀其書。山其教。行其道。而不得舉其祀。非所以維人心。扶世教也。疏入皆不報。至是乃用其言。夏五月。南京新建太學成。去塑像。設木主。帝遣官以太牢祭。告。十七年。孟氏子孫有以罪輸作京師者。二人。帝曰。大賢之後。雖有罪。亦當屈法宥之。即命遣還。又諭工部曰。孟子傳道有功。名教歷年。既久。子孫甚微。近有以罪輸作者。朕聞即命釋之。假令朕不知。及或致死。亡則賢者之後。浸以衰滅。豈禮先賢之意哉。爾等宜加詢問。凡有聖賢之後。在輸作者。依例釋之。二十六年。頒大成樂於天下。郡縣之學。於是始皆用樂。二十九年。行人司司副楊砥言。漢揚雄仕莽為大夫。劇秦美新。取譏萬世。董仲舒三策及正誼明道之言。足以扶翼世教。請退雄進仲舒。從之。追封仲舒為江都伯。三十年。以國學孔子廟監命工部擴其制。成祖永樂元年。秋八月。建北京國子監新廟。八年。正文廟繪塑衣冠。令合古制。十九年。北京國子監既定。其南監春祭。命祭酒行禮。稱皇帝謹遣。宣宗宣德三年。以四川萬縣訓導李謬言。命禮部考正從祀先賢名位。頒示天下。英宗正統元年。詔免凡聖賢子孫差役。選周程張朱諸儒子孫聰明俊秀。可教養者。不拘名數。送所在儒學讀書。仍給廩餼。二年。從大學士楊士奇言。以宋儒胡安國蔡沉真德秀從祀。三年。禁天下祀孔子於釋老宮。時有繪佛老子三像名三聖祠者。四川永川訓導諸華疏言。之勅。禮部通行禁革。孔顏孟三氏教授裴侃疏言。天下文廟。惟論傳道以列位次。關里家廟。宜正父子以敘彝倫。顏子曾子子思子也。配享殿庭。無繇子哲伯魚父也。從祀廊廡。非惟名分不正。抑恐神不自安。况叔梁紇元已追封啓聖王。創殿於大成殿。西崇祀而顏孟之父俱封公。惟伯魚子哲仍封侯。乞追封公爵。偕顏孟父俱配啓聖王殿。帝下禮部行之。仍議加封伯魚子哲封號。八年。湖廣慈利教諭蔣明請祀元儒吳澄於孔廟。大學士楊士奇等復以為官乃追封臨川郡公。從祀。九年。詔遷寧陵孔子廟。

於儀封。十三年。詔改故元孔子像之左社者。景泰二年。詔以顏子後希惠孟子後希文並為翰林院五經博士。世襲承祀。此先賢後裔置博士之始。六年春二月。以兩廡祭品儉薄。特增豕隻及黍稷果脯之數。秋九月壬寅。詔以周敦頤後冕程頤後克仁朱熹後居闕者。擬並為世襲五經博士。英宗天順元年冬十二月。奉先師像於文淵閣。憲宗成化二年。以大學士商輅言。改封董仲舒廣川伯。胡安國建寧伯。蔡沉崇安伯。真德秀浦城伯。十二年。祭酒周洪謨請加孔子美諡。或封帝號。或易大成至聖為聖神廣運。既用天子冠服。亦當用天子禮樂。增饗豆為十二。舞佾為八。下禮部議。尚書鄒幹等言。聖神廣運。伯益贊堯之詞。不若大成至聖出於孟子中庸。塑像冕十二旒。衣十二章。蓋因前元之舊。非本朝之制。且諡號器數之加否。不足為孔子輕重。仍舊為宜。既而洪謨又言。自古帝王有天下。莫不因所當因。革所當革。太祖高皇帝正祀典。革百王封號。惟孔子仍存舊封。天下郡縣皆有二皇廟像。以民閒不可褻瀆。亦皆革去。孔子塑像。惟南京太學易神主外。餘悉仍舊。所因所革。皆以定一代之規。垂萬世之法。豈可謂所革者為本朝制。所因者非本朝制乎。又孔子之道。不外乎禮樂。欲體孔子之道。亦莫先乎禮樂。今冕服既用。天子之禮。而佾舞則用諸侯之樂。以禮論樂。則樂不備。以樂論禮。則禮為僭。若因循不加釐正。後世必見非笑。乞勅內閣大臣并六部三法司六科十三道等官集議。首正其封號。表明孔子周人。當用周制。所封乃當時天王之王。非後世國王之王。次增其器數。為十二饗豆。舞八佾。則禮不僭樂不缺。可以格神靈。厚風化。補前代缺略之典。備聖朝尊崇之制。誠為便益。於是詔增饗豆為十二。樂用八佾。十六年春二月辛酉。命所在過孔門者皆下馬。孝宗弘治九年。以大學士徐溥等建言。追封楊時將樂伯。從祀位。列司馬光之次。武宗正德元年夏六月。命南宗孔彥縉為世襲五經博士。奉衢州孔子廟祀。二年冬十一月。以北宗孔

開禮爲世襲五經博士主子思子中庸書院祀十六年詔改建孔子家廟之在衢者世宗嘉靖二年以給事中戴銑等言命朱熹後裔居徽者墅爲世襲五經博士初議者欲改定文廟從祀諸賢及七十二子之祀禮部侍郎倪岳言馬融王弼之徒其立身不無可貶然秦漢以來六經出煨燼賴諸儒抱遺經專門講授經以復存唐之注疏咸祖其言而今之經傳引用尙多其說何可盡廢七十二子名字自馬遷以來相沿已久今生千百年後安敢臆定於是悉仍其舊後少詹程敏政又請黜馬融等八人之祀而祭酒謝鐸又請黜吳澄之祀給事中張九功并請罷荀况公伯寮蘧瑗等而進后蒼王通胡瑗時爲禮部尙書周洪謨傅瀚等所卻而止先是裴侃有請以顏曾思三子父列配啓聖之議但行之闕里未推於國學及天下郡縣學官南京國學易像爲主北京猶未之改至是大學士張璁方以議禮得進九年冬十月乃緣帝意更定一切祀儀因疏請正文廟祀典曰夫子聖人生不得位沒而以南面之禮尊之似矣然王君之號也夫子人臣也生非王爵死而諡之可乎哉蓋名者實之著也無其實有其名謂之淫名夫子生不獲有尺寸之土今而以有天下之號歸之曾謂無實之稱足以榮聖人乎哉書天降下民作之君作之師古者治教之職不分君卽師也二帝三王盡君師之責者也若夫子則不得君而師者也師也者君之所不得而臣者也故曰雖詔於天子無北面所以尊師也彼以王爵之貴爲隆於稱師者習俗之見也且歷代帝王所以尊孔子者尊其道也道之所在師之所在也故以天子而尊匹夫不嫌於屈使孔子無其道雖王天下豈足當萬代之祀稱帝稱王豈若稱先聖先師之合禮乎又有若曰自生民以來未有盛於孔子者也豈一言一行之善而可以節惠立諡文之爲言諡法有所謂經天緯地者孔子亦曰文王既沒文不在茲乎以諡固亦幾矣若夫宣之爲言論法美者不過聖善周聞而已豈足以盡聖人之大德哉又

朱熹曰先聖本不當設像春秋祭時只設主可也邱濬曰塑像之設中國無之自佛教入中國始有也姚燠有言北史敢有造泥銅人者門誅則泥人固非中土爲主以祀聖人法也後世莫覺其非亦化其道而爲之郡縣縣殊不一其狀長短豐瘠老少美惡惟其工之巧拙是隨就使盡善亦豈其生時盛德之容甚非神而明之無聲無臭之道也夫國學廟貌非但師生瞻仰之所天子視學實於是乎致禮焉聖人百世之師坐而不起猶之可也若夫從祀諸儒皆前代搢紳或當代臣子君拜於下臣坐於上竊恐聖賢在天之靈亦有所不安也臣惟文廟之在南京者固已行聖祖之制今天下郡邑恐於勞民無俟改革惟國學乃天子臨視之所乞如聖祖之制又八佾十二簋豆天子之禮所以用於郊廟者也古之諸侯惟杞宋得用先代禮樂他雖周公有大功魯用天子禮樂孔子亦不欲觀以其僭也况今各府州縣可僭天子禮樂乎推孔子敬天之心肯安然享之而同於天子乎推孔子敬君之心又肯安然享之而同於天子乎又宋洪邁曰自唐以來以孔門高弟顏淵至子夏爲十哲坐祀於堂上其後升顏子配享則進曾子於堂顏子之父路曾子之父點乃在廡下從祀之列子處父上神靈有知何以自安姚燠曰由孟子而視子思師也由子思而視曾子又師也子思孔子孫也弟子於師孫於祖坐而語道者有之非可並南面况又祀無繇點鯉於庭夫學宮將以明人倫於天下而倒施錯置如此奚以爲訓能未曰宜別設一室以齊國公叔梁紇居中南面顏路曾點孔鯉孟孫氏侑食東西向春秋二祀當先聖酌獻之時以齒德之尊者爲分獻官行禮於齊國公之前其配位亦如之如此則亦可以示有尊而教民孝矣臣愚乞下有司於各處廟學別立一祠如未說庶不失以禮尊奉聖賢之意臣又竊觀聖學失傳千五百年至程朱出而後孟氏之統始續則程朱之先亦不可缺况程子之父珦首識濂溪周子於屬掾之中薦以自代而又使二子從



遊朱子之父松臨沒之時以朱子託其友籍溪胡氏而得程氏之學  
响以不附王安石新法退居於洛松以不附秦檜和議奉祠於閩其  
歷官行已俱有足稱述臣愚乞將响松從祀啓聖王使學者知道學  
之傳有開必先明人倫之義不爲虛文矣又謹按程敏政奏曰唐貞  
觀二十一年始以左邱明等二十二人從祀孔子廟庭當時聖學不  
明議者無識拘於舊注釋奠先師如詩有毛公禮有高堂生書有伏  
生之類遂以專門訓詁之學爲得聖道之傳而並及馬融等行之至  
今臣考歷代正史馬融初應鄧騭之召爲校書郎中歷官南郡太守  
以貪濁免官髡徙朔方自刺不除又不拘儒者之節前授生徒後列  
女樂爲梁冀草奏殺忠臣李固作西第頌以美冀爲正直所羞五經  
掃地劉向初以獻賦進喜誦神仙方術嘗上言黃金可成鑄作不驗  
下吏當死其兄陽城侯救之獲免所著洪範五行傳最爲舛駁使箕  
子經世微言流爲陰陽術家之小技賈逵以獻頌爲郎不修小節專  
以傳會圖讖以致貴顯蓋左道亂政之人也王弼與何晏俱爲清談  
所注易專祖老莊范甯追死晉室之亂以爲王何之罪深於桀紂何  
休春秋解詁一書黜周王魯又注風角等書班之於孝經論語蓋異  
端邪說之流也戴聖爲九江太守治行多不法懼何武劾之而自免  
後爲博士毀武於朝及子賓客爲盜繫獄而武平心決之得不死則  
又造謝不慚先儒謂聖禮家之宗而身爲賊吏子爲賊徒可爲世鑒  
王肅在魏以女適司馬昭當時昭篡魏之勢已成肅爲世臣封蘭陵  
侯官至中領軍乃坐視成敗及母邱儉文欽起兵討賊肅又爲司馬  
師畫策以濟其惡若好人佞已乃過之小者杜預所著止有左氏經  
傳集解其大節亦無可稱如守襄陽則數饋遺洛中貴要語人曰懼  
其爲害耳非以求益也伐吳之際因斫壞之譏盡殺江陵之人以吏  
則不廉以將則不義凡此諸人其於名教得罪非小而議者謂能守  
其遺經轉相授受以待後之學者不爲無功臣竊以爲不然夫守其

遺經若左邱明公羊高穀梁赤之於春秋伏勝孔安國之於書毛萇  
之於詩高堂生之於儀禮后蒼之於禮記杜子春之於周禮可以當  
之蓋秦火之後惟易以卜筮僅存餘經非此九人則幾乎熄矣此其  
功之不可泯者以之從祀可也若融等不過訓詁此九人所傳者耳  
况其書行於唐故唐姑以備經師之數祀之今當理學大明之後易  
用程朱詩用朱子書用蔡氏春秋用胡氏又何取於漢魏以來駁而  
不正之人使安享天下之祀哉夫所以祀之者非徒使學者誦其詩  
讀其書亦將識其人而使之尙友也臣恐學者習其訓詁之文於身  
心未必有補而考其奸諂淫邪貪墨怪妄之迹將自甘於效尤之地  
曰先賢亦若此哉其禍儒害道將有不可勝言者矣至於鄭康成盧  
鄭康成服虔范甯五人雖若無過然其所行亦未能以窺聖門所著  
亦未能以發聖學若五人者得預從祀則漢唐以來當預者尙多臣  
愚乞將戴聖劉向賈逵馬融何休王肅王弼杜預八人祇爵罷祀鄭  
眾盧植鄭康成服虔范甯五人各祀於其鄉后蒼在漢初說禮數萬  
言號后氏曲臺記戴聖等皆受其業蓋今禮記之書非后氏則不復  
傳於世矣乞加封爵與左邱明等一體從祀又孔子弟子見於家語  
自顏回而下七十六人家語之書出於孔氏當得其實而司馬遷史  
記所載多公伯寮秦冉顏何三人文翁成都廟壁所畫又多蘧瑗林  
放申枨三人先儒謂後人以所見增益殆未可據臣考宋邢昺論語  
注疏申枨孔子弟子在家語作申續史記作申黨其實一也今廟庭  
從祀申枨封文登侯在東廡申黨封淄川侯在西廡重複無稽一至  
於此且公伯寮惡子路以沮孔子乃聖門之蠱蠱而孔子稱瑗爲夫  
子決非及門之士林放雖嘗問禮然家語史記邢昺注疏朱子集注  
俱不載諸弟子之列秦冉顏何疑亦爲字書相近之誤如申枨申黨  
者但不可考耳臣愚以爲申枨申黨位號宜存其一公伯寮秦冉顏  
何蘧瑗林放五人既不載於家語七十子之數宜罷其祀若瑗放二



人不可無祀則乞祀瑗於衛祀放於魯或附祭於本處鄉賢祠仍其舊爵以見優崇賢者之意亦庶乎名實相符而不舛於禮也又洪武二十九年行人司司副楊砥建議請黜揚雄進董仲舒太祖高皇帝嘉納其言而行之主張斯道以淑人心可謂大矣然荀况揚雄實相伯仲而况以性為惡以禮為偽以子思孟子為亂天下以子張子夏子游為賤儒故程子有荀卿過多揚雄過少之說今言者欲並黜其祀宜然也臣竊以為漢儒莫如董仲舒唐儒莫如韓愈而尚有可議者一人文中子王通是也通之言行先儒之論已多大約以為僭經而不得比於董韓云爾臣請斷之以程朱之說程子曰王通隱德君子也論其粹處殆非荀揚所及若續經之類皆非其作然則程子豈私於通哉正因其言之粹者而知其非僭經之人耳朱子曰文中子論治體處高似仲舒而本領不及爽似仲舒而純不及又曰韓子原道諸篇若非通所及者然終不免文士之習利達之求若覽觀古今之變措諸事業恐未若通之精到懇惻而有條理也至於河汾師道之立出於魏晉佛老之餘迨今人以為盛則通固豪傑之士也又宋儒自周子以下九人同列從祀而尚有可議者一人安定胡瑗是也瑗之言行先儒之論已詳大約以為少著述而不比於濂洛云爾臣亦請斷以程子之說程子看詳學制曰宜建尊賢堂以延天下道德之士如胡瑗張載邵雍使學者得以矜式朱子小學書亦備載瑗事以為百世之法臣以為自秦漢以來師道之立未有過瑗者若以為瑗無著述之功則元之許衡亦無著述但其身教之懿與瑗相望誠有不可偏廢者臣考之禮有道有德者使教焉死則以為樂祖祭於賢宗若通瑗兩人之師道百世如新得加封爵使與衡同祀於學宮最得禮意謝鐸奏曰孔廟從祀之賢實萬世瞻仰所係若臨川郡公吳澄著述雖不為不多行檢則不無可議生長於淳祐貢舉於咸淳受宋之恩者已如此之久為國子司業為翰林學士歷元之官者乃

如彼其榮處中國而居然夷狄忘君親而不恥仇虜昔人謂其專務聖賢之學卓然進退之際不識聖賢之於進退果如是否乎如是而猶在從祀之列臣固不能以無惑舉人桂尊議曰嘗讀宋史朱熹疏釋四書及易詩傳通鑑綱目皆與元定參訂啓蒙一書則元定之棄又曰元定平生學問皆寓朱子書集又曰朱子論易推本圖書往往與元定往復而有發焉更復考其所著成書有律呂新書皇極指要洪範解大衍詳說等篇昔我太宗編集性理全書指要新書固已摺錄至於範數雖止入其子沉之所著沉蓋受於元定不由師傳而自得之也先王制祀以死勤事則祀之竊以元定蓋亦勤斯道而竄死與古以死勤事者同所宜從祀臣謹詳敏政所奏多正論可採弘治初禮部照例會官議率為沮格不行及按孝宗實錄云鐸議吳澄不當從祀尙書傅瀚力詆鐸言為謬又力稱前人之請為有見不可遽易侍郎焦芳曰所謂前人者蓋楊士奇也今天下方議其當柄用之際雖從祀大事猶能私庇其鄉人可又襲其非邪瀚竟引禮所謂凡祭有其舉之莫敢廢詩書所謂率由舊章監於成憲以文其說而於澄忘宋事元之大節略不及澄遂仍舊從祀而鐸議皆寢論者謂士奇之以澄欺宣廟非特私其鄉人而措意亦有在瀚不悟此則惟溺鄉里之私而不顧君臣之大倫正道統之攸繫乃據為舊章成憲再不可議然則楊時奏黜王安石之配享當時安石豈無朝命而配享哉特其命雖出自朝廷而事實由臣下阿私所親以誤朝命而非天下之公議所以議之後世竟不以為過也臣又按歐陽修乃有宋一代人物未與從祀嘗觀其所著本論實有翊衛聖道之功蘇軾曰自漢以來道術不出於孔氏而亂天下者多矣五百餘年而後得韓愈學者以配孟氏蓋庶幾焉愈之後三百有餘年而後得歐陽子其學推韓愈孟子以達於孔氏故天下翕然師尊之曰歐陽子今之韓愈也夫韓愈既已從祀歐陽修豈可闕哉帝下其疏命禮部會翰林諸



臣議明日聰再疏陳孔子諡號之不可不正帝乃御製正孔子祀典說及申記聰又作正孔子廟祀典或問奏之并下禮部勅速議更正時翰林編修張賡徐階給事中王汝梅等極言其不可帝皆指為繆論錄說記示之謫階延平府推官而御史黎貫等言周公成文武之德追王太王王季聖祖登極追崇德懿熙仁四祖皆為皇帝是亦周人推本之意不以位論也至臣子如徐達等身沒之後追爵為王或及其祖考是皆未有王號沒而追尊之也且初正祀典嶽瀆諸神皆去其號惟孔子如故良有深意存焉陛下疑孔子之祀上擬祀天之禮夫子之不可及也猶天之不可階而升也雖擬諸天似不為過充其未也今必欲去王號以極尊崇之實減籩豆樂舞以別郊祀之禮夫有王號而後享王祀居王居若云先師則如高堂生毛公伏生之流非惟八佾十二籩豆為僭六佾十籩豆亦為僭矣非惟像當毀復屋重簷亦當毀矣自唐尊孔子為文宣王已用天子禮樂宋真宗嘗欲封孔子為帝或言周止稱王不當加以帝號而羅從彥之論謂襲其舊可也帝王亦可也周敦頤謂萬世無窮王祀夫子邵雍謂仲尼以萬世為士邵伯溫謂亘古今窮天地一人而已周洪謨亦謂以孔子周人不必稱帝猶之可也若謂陪臣非崇德報功之意其謂孔子不當稱王者止吳澄一人而已伏望博採羣言務求至當上不失聖祖之初意下不致天下之驚疑中不致禮意軒輊臣等幸甚疏上帝怒其指斥追尊事謂為奸逆下法司按治祝官職為民於是禮部會同內閣翰詹諸臣上言孔子享祭學宮本緣尊以先師之故自唐加王號而先師之名遂泯人以聖人為至聖人以孔子為至宋真宗稱孔子為至聖其義已備今宜令兩京國子監及天下學校於孔子神位題稱至聖先師孔子去王號及大成文宣之稱改大成殿為先師廟大成門為廟門四配稱復聖顏子宗聖曾子述聖子思子亞聖孟子十哲以下凡及門弟子皆稱先賢某子左邱明以下皆稱先儒某

子去公侯伯爵依南京國子監規制製木主仍擬大小尺寸著為定式其塑像國子監責祭酒等官學校責提學等盡行屏撤以別釋氏之教春秋祭祀遵舊制國學用十籩豆天下八籩豆以別郊廟之祀樂舞止用六佾凡學別立啓聖祠中祀叔梁題啓聖公孔氏神位以顏無繇曾點孔鯉孟孫氏配俱稱先賢某氏兩廡以程頤朱松蔡元定從祀俱稱先儒祭祀與文廟同日籩豆牲帛視四配東西配位視十哲從祀先儒視兩廡國學以祭酒主祭南京則以司業從祀申黨卽申根宜存申根去申黨公伯寮秦冉顏何荀况戴聖劉向賈逵馬融何休王肅王弼杜預吳澄十三人俱宜如所論罷祀林放蘧瑗鄭眾盧植鄭康成服虔范甯七人俱宜如所論各祀於鄉后蒼王通歐陽修胡瑗四人俱宜如所論增入從祀十一月奏上詔悉如議行帝乃親製祭文遣官告孔子曰自昔混沌之初天命羲農軒聖創世開物至堯舜禹湯文武周公以及先師列聖相繼奉天行道立教誨人肆我聖祖再造區宇化行天下我聖祖崇禮於先師者御製有文典冊俱在予惟寡昧之人仰遵祖憲去前元褻慢之偶像如祖制尊崇之聖謨號稱核實俎豆究本以遵禮典兼體先師至意予實不聰賴先師默鑒及良輔洪儒所贊之也爰擇令辰特命大臣奉安先師神位以及配從之人於此惟先師鑒知永依陟降大運神化教我君民俾予性理蚤開而無負皇天付托之眷命暨士庶學業咸正而無違傳道之至情予實有望焉惟先師覺之又以行人薛侃言增陸九淵從祀是年初祀聖師於文華殿東間其制伏義神農黃帝堯舜禹湯文武皆南面周公孔子東西相向經筵前一日帝親致祭服皮弁行釋奠禮每月朔望具果酒帝服黃袍行禮間遣輔臣及大臣代十年國子監啓聖祠成十四年冬十一月庚辰置世襲國子學正奉儀封孔子廟祀以孔承寅承襲十八年春二月以曾子後質粹世襲五經博士穆宗隆慶五年給事中韓楫等十三道御史馬三樂等交章請

以故禮部侍郎薛瑄從祀而先時給事中趙軌御史周弘祖亦以爲言御史耿定向則以薛瑄及王守仁二人請給事中魏時亮又以瑄及陳獻章王守仁三人請俱下禮部會廷臣議是時議者頗詆王氏學而陳獻章亦間有不與者獨於瑄則無異詞僉曰薛瑄幼年一見濂洛諸書即歎曰此道學正脈也遂棄去詞賦專心於是其學以復性爲的以居敬窮理爲功以反躬踐履爲實潛心體究至老彌精充養之純超然自得平生言動舉止悉合於矩辭受取與一揆諸義居家則孝友無間與人則樂易可親中正足以矯枉闢邪剛直足以廉頑立懦所有讀書錄河汾集雖不專以述作爲事而隻簡片言皆可師法徵詞奧義悉合聖謨至今學者莫不尊信而誦習之至於立朝行己之際不折節於權門不謝恩於私室不屈法於貴近不露志於臨刑榮辱無以關其心死生無以易其操故一時從學者有河東夫子之稱一代真儒之許至今無異議焉間有疑其著述之實者不知學貴心得道在躬行矧瑄所著書且十餘萬言不爲不多於從祀爲宜議上於是詔以薛瑄從祀列於先儒呂祖謙之下命祭酒馬自強行釋奠禮以從祀告於先師孔子通行天下神宗萬歷間中外臣工又有以陳獻章王守仁及胡居仁蔡清羅倫章懋黃仲昭陳真晟吳與弼呂柟羅欽順鄭守益諸人請者下禮官及廷臣會議議久不決十二年禮部尙書沈鯉以胡居仁淵源孔孟純粹篤實請獨祀居仁而議者又謂守仁言致知出大學良知出孟子獻章博而能約誠足動人不可謂禪並宜崇祀一以明真儒之有用一以明實學之自得於是詔檢討陳獻章布衣胡居仁新建伯王守仁並從祀二十三年以湖廣巡撫郭惟賢等言詔以宋儒周敦頤之父輔成從祀啓聖祠又定每歲仲春秋上丁日御殿傳制遣大臣祭先師及配位其十哲以翰林官兩廡以國子監官各二員分獻初兩京國學先師廟皆用青瓦二十八年從司業傅新德請易以綠琉璃瓦四十四年巡按

山東御史畢懋康具疏請修曲阜孔子廟因附奏曰子思之不稱孔子避先聖也今西廡如忠如安國乃俱稱曰孔子不幾冒先聖之稱乎改忠爲先賢子蔑子安國爲先儒子國子皆以字行似爲妥當孟廡從祀有季孫子叔疑因趙岐注二子皆孟子門人故誤與從祀之列今既遵紫陽解則其爲引言而非門人明甚况所謂季孫子叔疑恐亦當時執政之儔且不知其爲人祀之門牆甚無謂也益成括亦非孟子門人况見議於孟子此三人者似當依公伯寮秦冉之例罷之嘉靖時輔臣張璁題正祀典世廟嘉納其言孔門弟子及諸從祀者並罷封爵乃孟子廟主尙稱鄒國亞聖公樂正子以下稱侯伯夫子孔子已易王者之號而孟子猶號鄒公孟子主在配享者已定亞聖之稱而弟子猶稱侯伯諸賢真其之中必有不妥且非所以一王制而安神靈請倣孔廟近例改其稱號則舛謬正而祀典益光矣疏入雖得報聞然竟不果行四十七年從福建巡撫丁繼宗請以宋儒羅從彥李侗從祀熹宗天啓二年詔以張載後文運爲世襲五經博士莊烈帝崇禎三年河南巡撫李日宣上言孔廟從祀兩程並列今二程已有世爵而大程獨無訪其嫡裔竟無可考請以二程之後名接道者繼大程爲嗣子以世爵使奉祠廟詔從之乃以接道爲世襲五經博士又以河南巡按吳姓請詔以邵雍後繼祖爲世襲五經博士十四年秋八月帝諭禮部曰朕覽我聖祖命儒臣纂輯五經四書大全其中傳注引證惟宋儒周子二程子朱子張子邵子爲多可見理學大明於宋而周程張朱子大有功於聖門也今與周秦漢唐諸儒並稱先儒竊爲不安茲欲特加崇隆是否可行著禮部翰林院國子監禮科等衙門會同詳議時廷議周程六子宜稱先賢並請漢儒董仲舒隋儒王通亦稱先賢且宋從祀至十八人今止四人爲太少宜以吳與弼羅倫蔡清陳真晟陳琛呂柟王良章懋羅洪先鄧元錫顧憲成等從祀議上帝令候旨行十五年詔以左邱明親受經於聖人



改稱先賢并改周程張朱邵六子並稱先賢位七十子下漢唐諸儒上十六年詔以仲子後于陞爲世襲五經博士。

國朝崇德元年

遣官祭孔子廟五年定春秋二仲上丁行釋奠禮順治元年定月朔及進士釋褐釋菜禮月望行香儀二年春正月國子監祭酒李若琳奏言臣聞備古今之至德者宜享古今之隆稱昔孔子之贊乾坤曰大哉乾元至哉坤元曰大成曰至聖洵非孔子之德配乾坤者莫能當之今稱至聖而遺大成得母乾坤之義未備乎又諡法經天緯地曰文聖善周聞曰宣洵非孔子之德兼君師者莫能當之今止稱先師而遺諡號然則古今之英君諡辟止曰某君某王而去聖神文武之諡可乎惟稱曰大成至聖文宣先師孔子庶至德隆名

昭代倍爲闡揚祀典於焉有光矣疏下禮臣議禮科都給事中龔鼎孳又言李若琳所請誠至當不易之論無俟臣言至尙舞益而八簋豆益而十二雖曰天子禮樂然既素王奉之矣德足配天則不可以位限況聖功大於堯舜者哉且成均天子釋菜尊師之地以天子自尊其師而用天子禮樂誰曰不宜大成殿額更爲先師廟意存簡朴匪由舊章幾令峻極之宮牆不得與梵寺琳宮比美紳衿之士入駿奔而出瞻仰能不色沮心慙乎矧廟者統詞殿則棲身之所也譬之堂焉室焉各有其處安得渙之故大成殿之名不可不復宋元以來人品醇疵了然在人耳目嘉靖中登歐陽修而遺范仲淹仲淹力振綱常首扶神器兼於戎馬倥傯之際以中庸誨引張載俾成大儒彬彬乎歐陽子之右矣乃不得分芹藻之末光不平孰甚乞下臣章令諸臣一併博議奉

世祖章皇帝聖旨加稱大成至聖文宣先師孔子既監科考訂會同在如議行一應禮儀還照明朝舊例不必更改十四年仍改號至聖先師孔子是年行經筵禮

親祭先師孔子以文華殿未成暫於弘德殿設位致祭康熙二十三年聖祖仁皇帝幸魯

御書萬世師表四字懸大成殿明年

頒天下學宮二十五年文華殿告成設孔子神位於傳心殿三十九年置闕氏端木氏世襲五經博士以其裔孫闕衍樞端木謙爲之四十九年

詔直省同城大小武職照文職一體入聖廟行禮五十一年以先賢朱子發明聖道軌於至正奉

旨特升配大成殿十哲之次又置言氏世襲五經博士以其裔孫德堅爲之五十四年從江南學政余正健請以宋儒范仲淹從祀文廟五十九年從山東巡撫李樹德請以小子後尊賢爲世襲五經博士雍正元年春三月甲午

世宗憲皇帝諭內閣禮部曰至聖先師孔子道冠古今德參天地樹百王之模範立萬世之宗師其爲功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁紇於宋真宗時追封啓聖公自宋以後歷代遵循而叔梁紇以上則向來未加封號亦未奉祀祠庭朕仰體

皇考崇儒重道之盛心敬修崇德報功之典禮意欲追封五代並享蒸嘗用伸景仰之誠庶慰羹牆之慕內閣禮部可會同確議具奏夏四月丁亥廷臣以孔子先世五代應俱封公爵議上

上諭曰五倫爲百行之本天地君親師人所宜重而天地君親之義又賴師教以明自古師道無過於孔子誠首出之聖也我

皇考崇儒重道超軼千古凡尊崇孔子典禮無不備至朕蒙皇考教育自幼讀書心切景仰欲再加尊崇更無可增之處故勅部追封孔子先世五代今部議封公上考歷代帝王皆有尊崇之典唐明



儒藏



皇封孔子爲文宣王宋真宗加封至聖文宣王封孔子父叔梁紇爲齊國公元加封孔子爲大成至聖文宣王加封齊國公爲啓聖王至明嘉靖時猶以王係臣爵改稱爲至聖先師孔子改啓聖王爲啓聖公王公雖同屬尊稱朕意以爲王爵較尊孔子五代應否封王之處著問諸大臣具奏廷臣遵

旨更以追封王爵議上

詔追封木金父公爲肇聖王祈父公爲裕聖王防叔公爲詒聖王伯夏公爲昌聖王叔梁公爲啓聖王

還禮部尙書張伯行詣闕里祭告行

冊封禮

冊曰右文稽古思統緒之相承重道尊師溯淵源於自遠舉千秋之曠典蘋藻維馨超五等之崇封絲綸式煥緬維先師孔子之五世祖木金父公系本殷朝居從魯國治惟尙質傳樸素之舊風貴而彌恭守謙和之家法積功累行聿弘統聖之基貽慶鍾祥遂極生民之盛朕初登大寶欽想前規欲伸景仰之誠用議顯揚之制特追封爲肇聖王錫之冊命於戲克昌厥後永立人倫之宗有開必先並膺素王之號服茲嘉命垂示無窮又曰道高聖域宜推師表之源恩浹儒宗用廣尊崇之典擬王封而晉秩禮軼古今定編號而加稱榮增涿泗緬維先師孔子之高祖祈父公系出嫡宗望隆宋國姓分公族爲孔氏之再傳瑞啓聖人逮宣尼而開出溯淵源於累葉知德盛而世昌鍾靈秀於一人實教尊而功溥朕冀牆至聖瘡痍前微思敬禮之加隆必恩綸之及遠特追封爲裕聖王錫之冊命於戲袞袞端冕視躬桓蒲穀而彌尊春禴秋嘗與鳧繹龜蒙而並久膺茲寵命永荷鴻休又曰聖人覺世道有開而必先王者尊師禮必隆於所自備顯揚之典用煥千秋申嚮往之誠特超五瑞緬維先師孔子之曾祖防叔公殷朝賢裔魯國儒宗潛德彌彰守高曾之矩矱詒謀自遠繼詩禮之淵

源車開天縱之能四科立教爰啓時中之聖一貫傳心朕寶歷初膺前徽是式溯儀型而景仰加名號以褒崇特追封爲詒聖王錫之冊命於戲俎豆常新峻秩與尼山並峙絲綸誕育恩光與泗水常流永荷崇嘉昭垂無斁又曰化民善俗道首賴乎師資累行積功諒應推夫祖德闡再傳而誕聖垂裕貽謀超五等而加封創典盛典緬維先師孔子之祖伯夏公東山毓秀泗水鍾靈生秉禮守義之邦漸摩既久奉崇信尊賢之訓彌迪尤深集慶在躬早兆四科之教克昌厥後遂開萬世之蒙朕寶歷初膺景行彌切推降祥之有自念顯號之宜加特追封爲昌聖王錫之冊命於戲湖尼山之世澤茂績不昭崇闕里之家聲斯文益振服茲嘉命永式光榮又曰達天盡性溯道統之攸傳崇德報功體孝思之不置惟誕生夫睿哲遂永樹乎師模用賁徽章時升峻秩緬維先師孔子之父叔梁公望重魯邦業傳鄰邑秉委勇毅垂史傳之盛名精慶悠長衍家庭之令緒感殊祥於闕里兆啓素王微靈應於尼山運鍾至聖粵從前代願贈上公當茲續緒之初更議推恩之典特追封爲啓聖王錫之冊命於戲澤惟裕後聿弘作述之規善則歸親宜極尊榮之禮儀型如在嘉命是承二年春三月乙亥朔

諭禮部等衙門曰治天下之要以崇儒重道廣勵學宮爲先務朕親詣太學釋奠先師禮畢進諸生於彝倫堂講經論學凡以明道德崇化源非徒飾園橋之觀聽也維孔子道高德厚萬世奉爲師表其附饗廟庭諸賢皆有羽翼聖經扶持名教之功然歷朝進退不一而賢儒代不乏人或先罷而今宜復有舊缺而今宜增其從祀崇聖祠諸賢周程朱蔡外孰應升堂附饗者並先賢先儒之後孰當增置五經博士以明崇報均關大典九卿翰林國子監詹事科道會同詳考定議以聞時廷臣議改祀於鄉之林放蘧瑗鄭康成鄭眾盧植服虔范甯及罷祀之秦冉顏何戴聖何休凡十一人應復祀孟門弟子樂正



克公都子萬章公孫丑漢諸葛亮唐陸贄宋韓琦尹焞黃幹陳淳何基王柏元金履祥許謙陳皓明羅欽順蔡清

本朝陸隴其凡十八人應增祀宋張載之父迪應增祀崇聖祠伯牛仲弓冉求宰子子張有若六人應增置世襲五經博士奏上辛酉

諭曰先儒從祀文廟關係學術人心典至重也宜復宜增必詳加考證折衷盡善庶使萬世遵守永無異議爾等所議復祀諸儒雖皆有功經學然戴聖何休未為純儒鄭眾盧植服虔范滂謹守一家言轉相傳述視鄭康成之淳質深通似乎有間至若唐之陸贄宋之韓琦勳業昭垂史冊自是千古名臣然於孔孟心傳果有授受而能表彰羽翼乎其他諸儒是否允協以及宰子冉有增置博士之處著再公同確議務期至當不易具奏廷臣再議戴聖何休鄭眾盧植服虔陸贄韓琦無庸增祀復祀宰子冉有無庸增置博士餘如前議又請將孔子弟子縣夏牧皮宋儒魏了翁元儒趙復一併增入從祀奏上

制曰可三年秋八月癸酉

諭內閣九卿等曰古有諱名之禮所以昭誠敬致尊崇也朕臨御以來恐臣民過於拘謹屢降諭旨凡與御名聲音相同字樣不必迴避近者各省地方以音同而改易者頗多朕為天下主而四海臣民竭誠盡敬如此况孔子德高千古道冠百王正彝倫端風化為往聖繼絕學為萬世開太平自天子以至於庶人皆受師資之益而直省郡邑之名有聖諱字在內者今古相沿未改朕心深為不安爾等會議凡直省地名有同聖諱者或改讀果音或另易他字至於常用之際於此字作何迴避一併詳議具奏大學士九卿會議

圖丘字應如故府州縣名交內閣擬字進呈山川鎮市交督撫更易報部至姓氏按通考太公之後以食采謝邱得姓今擬作邱至常用宜從古體作丘為允奏上

報可冬十二月庚辰又

諭內閣曰朕細思今文出於古文若改用正字是仍未嘗迴避也此字本有期音查毛詩及古文作期音者甚多嗣後除四書五經外凡遇此字並加乃為邱地名亦不必改易但加乃旁讀作期音庶乎允協足副尊崇先師至聖之意是年

詔郡縣丁祭用大年四年

諭內閣曰三月十八日為

皇考聖祖仁皇帝萬壽聖節舊例於是日虔誠齋肅禁屠宰今應永遠遵行至聖先師孔子師表萬世查八月二十七日為聖誕之期亦應虔肅致敬朕惟

君師功德恩被億載普天率土尊親之戴永承不忘而於誕日尤當加謹以展恪恭思慕之忱非以佛誕為比擬也著內閣九卿會同確議具奏欽此

聖諭恭值至聖誕辰內外文武各官及軍民人等致齊一日不理刑名禁止屠宰永著為令又定制省會之區凡遇丁祭督撫學政皆親詣行禮毋得先行祭內荷簡從事七年春二月重修闕里文廟將成新塑聖賢像聖像冕十二旒服十二章啓聖及先賢冕九旒服九章悉如舊制從通政使雷保請推原先聖從周之義用元衣纁裳頒發鎮圭十一年夏六月辛未

諭內閣曰國家祀典最宜慎重至於文廟春秋祭儀尤宜備物盡誠以申敬禮聞外省州縣中有因除荒而裁減祭祀公費者朕思銀數若少難於措辦或致祭品簡略或恐派累民閒二者均未可定著各省督撫查明所屬若有除荒減費之州縣即於存公銀內撥補以足原額務令案盛豐潔以展朕肅將禮祀之誠乾隆二年秋九月 我皇上諭工部曰至聖先師孔子天縱聖神師表萬世尊崇之典至我朝而極盛

皇考世宗憲皇帝尊師重道禮敬尤隆闕里文廟、特命易黃瓦鴻儀煥煥超越前模朕祇紹先猷冀膺念切思國子監爲首善觀瞻之地辟雖規制宜加崇飾大成門大成殿著用黃瓦崇聖祠著用綠瓦以昭展敬至意冬十一月兵部尚書甘汝來奏准復祀元儒吳澄又從河南巡撫尹會一請以韓愈後法祖爲世襲五經博士三年春三月尙書銜徐元夢請升有子於大成殿東哲位卜子之次。

詔從之是年

頒御書與天地參額於國學闕里及天下文廟九年秋七月河南學政林枝春奏稱河南州縣有三教堂佛居中老子孔子互相左右或緇羽奉祀或女僧住持穢褻不經宜加禁止但聖像既成付之椎鑿銷燬理亦未安請移奉書院義學始爲相宜其祠宇如向屬公地管領無人者卽其地改爲書院義學且不特河南爲然北省如此者所在多有又道流建醮輒以天尊之號謬加聖人請一體嚴禁得旨允行二十一年今衍聖公昭煥奏請罷黜孟廟告子等從祀及改正配享神主封號經九卿議稱告子不害之從祀雖見於宋史然考欽定古今圖書集成及孟氏三遷志皆作浩生不害其改於何代雖不可稽而見在所祀係浩生不害並非告子卽請定爲浩生不害以屬允當又孟子已易上公之號其徒尙存侯伯之名誠於禮制未協應如所奏將樂正子公孫丑萬章公都子四人改書先賢某子陳臻以下至韓愈十五人改書先儒某氏至孔道輔有倡立孟廟之功且考之宋史素行亦屬表表請亦書先儒某氏以昭畫一議上

報可我朝釋奠之制國學及天下文廟皆用大半十簋豆舞六佾三獻行三跪九叩頭禮

皇帝詣學親釋奠行兩跪六叩頭禮

幸魯親釋奠特行三跪九叩頭禮文廟大成殿中祀至聖先師孔子南向配以復聖顏子宗聖曾子述聖子思子亞聖孟子皆旁列東西向又次東列先賢關子損冉子雍端木子賜仲子由卜子商有子若西列先賢冉子耕宰子子冉子求言子偃顓孫子師朱子熹爲十二哲東廡祀先賢蘧瑗澹臺滅明原憲南宮适商瞿漆雕開司馬耕梁鱣冉孺伯虔冉季漆雕徒父漆雕哆公西赤任不齊公良孺公肩定鄒單父父黑衆旂左人鄆鄭國原元廉潔叔仲會公西與如邾邾陳亢琴張步叔乘泰非顏會顏何縣夏樂正克萬章周敦頤程顥邵雍凡三十九人先儒穀梁赤伏勝后蒼董仲舒杜子春范甯韓愈范仲淹胡瑗楊時羅從彥李侗張栻黃榦真德秀何基趙復吳澄許謙王守仁薛瑄羅欽順陸隴其凡二十三人西廡祀先賢林放宓不齊公冶長公皙哀高柴樊須商澤巫馬施顏幸曹卣公孫龍秦商顏高壤駟伋樂狄狄黑孔忠公西蒧顏之僕施之常申根左邱明秦冉牧皮公都子公孫丑張載程頤凡三十八人先儒公羊高孔安國毛萇高堂生鄭康成諸葛亮王通司馬光歐陽修胡安國尹焞呂祖謙蔡沆陸九淵陳淳魏了翁王柏許衡金履祥陳澧陳獻章胡居仁蔡清凡二十三人崇聖祠中祀肇聖王左裕聖王右裕聖王大左昌聖王大右啓聖王皆南面以先賢顏氏無繇曾氏點孔氏伯魚孟孫氏激配東西相向從祀東列先儒周輔成程珦蔡元定凡三人西列先儒張迪朱松凡二人闕里啓聖舊祠祀先賢先儒皆以木主啓聖王獨有塑像迨崇聖祠既建遷先賢先儒木主於其中而啓聖王舊像遂仍於啓聖殿祀焉至啓聖大成兩殿後皆有寢殿祀顏夫人及元官夫人此皆以闕里乃孔氏之家廟有異於國學及天下郡縣者也述曰昔者夫子沒哀公誅之子貢以爲非禮蓋夫子之所以尊崇於萬世者以道也德也功也而非以爵位名號也且以生民未有之一

人而欲以一言一行之美陰概之又豈足以盡我夫子者張惣之議  
誠不爲無見或曰惣本以議禮得幸因大更祀典欲以掩永陵追崇  
與獻之失耳豈真知傳夫子者哉然而君子終不以人廢言也  
闕里文獻考卷十四終



儒藏



關里文獻考卷十五

祀典第三之二

月令仲春之月上丁命樂正習舞釋菜天子乃帥三公九卿親往視之。又文王世子天子視學大昕鼓徵乃命有司行事興秩節祭先聖先師焉。蓋古者天子無歲不有事於學而視學又無不有祭三代以上習爲故常無足異也。秦漢以下此禮久絕間一行之遂爲盛典。今謹就史冊之可紀者錄而序之。考晉成帝咸康元年春二月甲子帝講詩經通親釋奠此爲天子親祭國學之始。穆帝升平元年春三月壬申帝講孝經通親釋奠於中堂祠孔子以顏回配時以太學在水南懸遠有司議權以中堂爲大學孝武帝寧康三年亦釋奠於中堂北魏孝文帝太和十六年春二月癸丑改謚孔子曰文聖尼父遣官就廟行冊禮帝復齊中書省親拜祭於廟孝明帝正光元年春正月乙酉詔曰建國緯民立教爲本尊師崇道茲典自昔來歲仲陽節和氣潤釋奠孔顏乃其時也有司可豫繕國學圖飾聖賢置官備牲擇吉備禮明年春三月庚午帝幸國學祠孔子以顏淵配出帝永熙三年春二月丙子帝親釋奠禮先師詔延公卿學官於顯陽殿勅祭酒劉歊講孝經黃門李郁講禮記中書舍人盧景宣解大戴禮夏小正篇廣招儒學引令預聽周宣帝大象二年春二月丁巳帝幸露門學行釋奠禮唐高祖武德七年春二月詔曰釋奠之禮致敬先師鼓篋之義以明遜志比多缺略更宜詳備仲春釋奠朕將親覽所司具爲條式以時宣下是月丁巳帝幸國子學親釋奠太宗貞觀十四年春二月丁丑帝親釋奠於國學詔祭酒孔穎達講孝經遠太祖神冊四年帝謁孔子廟宋太祖建隆元年春正月帝幸國子監終太祖之世凡三幸學太宗端拱元年秋八月庚辰帝幸太學謁文宣王禮畢升輦將出西門顧見講座左右官博士李覺方聚徒講書帝因降輦命有司張帟幕設別座召覺講周易之泰卦賜覺帛百疋詔繪三禮器

物制度於國學講論堂木壁五年冬十一月丙寅再幸太學謁孔子命直講孫奭講尚書賜以束帛緋魚服淳化元年又幸太學謁孔子眞宗咸平二年秋七月甲辰帝幸太學謁孔子命直講崔偁講尚書大禹謨賜祭酒以下器幣仁宗天聖二年秋八月己卯帝幸太學謁孔子有司言舊儀止肅揖帝特再拜退閱七十二賢贊觀東序及禮器慶歷四年夏五月壬申再幸太學謁孔子仍再拜賜直講孫復五品服哲宗元祐六年冬十月庚午帝幸太學親釋奠一獻再拜退御敦化堂命侍講吳安詩執經祭酒豐稷講尚書無逸篇賜稷三品服學官等賜帛有差徽宗崇寧三年冬十一月甲戌帝幸太學謁孔子再拜行酌獻禮遣官分奠兗國公而下官諭定之士十六人賜司業吳綱蔣靜四品服學官推恩有差宣和四年春三月辛酉又幸太學食謁如崇寧儀親製孔子像贊賜祭酒韋萬隆司業權邦彥章服學官諸生恩錫有差高宗紹興十三年秋七月國學大成殿告成奉安聖像明年春三月己巳帝幸太學止輦大成殿門外升東階跪上香執爵三祭酒再拜遣官分奠從祀如常儀退御崇化堂命禮部侍郎秦熈執經司業高閔講易之泰卦賜閔三品服學官遷秩諸生授官免舉賜帛有差御製先聖及七十二子贊冠以序文親自書之五月揭之大成殿及兩廡孝宗淳熙四年春二月乙亥帝幸太學謁先聖退御敦化堂命禮部侍郎李燾執經祭酒林光朝講中庸章句嘉泰三年春正月戊戌帝幸太學謁孔子退御化原堂命祭酒李寅仲講尚書周官篇學官進秩諸生賜帛有差理宗淳祐元年春正月戊申帝幸太學謁孔子退御崇化堂命祭酒曹觴講禮記大學篇賜監學官生爵帛如嘉泰故事製道統十三贊就賜國子監宣示諸生度宗咸淳三年春正月戊申帝幸太學行舍菜禮畢命禮部尚書陳宗禮執經祭酒陳宜中講中庸賜宜中章服監學官生進秩推恩有差金熙宗皇統元年春二月戊午帝親祭孔子廟北面再拜退謂侍臣



儒藏

曰朕幼年游佚不知志學歲月逾邁深以為悔孔子雖無位其道可尊使萬世景仰大凡為善不可不勉章宗明昌四年秋八月丁未帝親釋奠先期諭宣徽院曰明日親釋奠有司議肅揖朕以宣聖萬世帝王之師可備拜祠朕將拜焉釋奠日帝北面再拜親王百僚及六學生員陪拜詔從官分奠七十二弟子金故事帝親謁孔子不用牲牢於是禮官言釋奠既係中祀若止用一簋二豆禮太疎簡未稱乃更用十簋十豆儀物始備承安二年春丁帝親祀孔子以親王攝亞終獻皇族陪祀文武羣臣助奠親製贊文更加從祀封爵哀宗天興元年秋八月丁巳帝親奠孔子元順帝至正八年夏四月乙亥帝幸國子學明太祖洪武元年春二月帝親祀孔子於國子學十五年作文廟成帝將視學釋菜謂禮部尚書劉仲質曰國學新成朕將釋菜令諸儒議禮議者曰孔子雖聖人臣也禮宜一奠再拜朕以為孔子明道德以教後世豈可以職位論哉昔周太祖入孔子祠將拜左右曰孔子陪臣不宜拜周太祖曰孔子百世帝王師何敢不拜遂再拜朕深嘉其明斷不惑於左右之言今朕有天下敬禮百神於先師之禮宜加尊重仲質乃與儒臣定議帝服皮弁服執圭詣先師位前再拜獻爵後又再拜制曰可夏五月乙丑帝幸國子監釋菜禮成易服御彝倫堂侍臣列坐東西祭酒吳頤等以次進講講畢帝曰中正之道無踰於儒上古聖人不以儒名而德行實儒後世儒之名立雖有儒名或無其實孔子生於周末身儒道行儒教率天下後世之人皆欲得其中正惜乎魯國君臣無能用之者當時獨一公父文伯之母知其賢責其子之不能從則一國君臣可愧矣卿等為師表正當以孔子之道為教使諸生咸趨乎正則朝廷得人矣復命取尚書大禹臯陶謨洪範親為講說反覆開諭遂賜宴竟日而還丙寅祭酒吳頤率博士龔敷上表謝各賜羅衣二襲官民生許恆等四百三十人各賜春夏布衣十七年冬十二月復幸學二十九年帝又幸

太學行釋菜禮惠帝建文元年春三月帝釋奠於孔子成祖永樂四年春諭禮部曰朕惟孔子帝王之師帝王為生民之主孔子立生民之道三綱五常之理治天下之大經大法皆孔子明之以教萬世天下不可一日無生民生民不可一日無孔子之道朕皇考太祖高皇帝膺君師億兆之任正中夏文明之統復衣冠禮樂之舊渡江之初首建學校祀孔子御經筵講書守帝王之心法繼聖賢之道學集其大成以臻至治朕承鴻業惟皇考之成憲是遵今春時和躬詣太學如皇考故事稱朕崇儒重道治安天下之意爾禮部擇日舉行其合行禮儀詳議以聞禮部尚書鄭賜言宋制謁孔子服緋袍再拜上曰見先師孔子禮不可簡必服皮弁行四拜禮三月辛卯朔帝親行釋菜禮畢御彝倫堂命祭酒胡儼坐講尚書堯典司業張智坐講易泰卦大臣及翰林院詞官皆賜坐講畢宣諭勉勵師生命光祿寺賜百官茶次日祭酒胡儼等上表箋稱謝賜祭酒以下學官監生宴仍賜儼等絲羅衣各二襲學官王峻等三十五人紵絲衣各一襲監生朱瑄等三千七十四人鈔各五錠帝親為製文立碑太學英宗正統九年太學新成春三月辛亥朔帝幸學釋菜御彝倫堂命祭酒李時勉坐講大學克明峻德章何書益稷謨帝庸作歌一節司業趙琬坐講周易文言講畢宣諭宴賓如故事景泰二年春二月辛未帝幸學謁廟先期命行人官召取行聖公孔彥縉並三氏子孫赴京觀禮遂定為今後凡幸學必先期遣官召取焉帝祭畢御彝倫堂命祭酒蕭鎡講書經臯陶謨天聰明一節司業趙琬講周易泰卦象辭禮成賜行聖公等宴講官並學官諸生增賜鈔帛冠帶有差憲宗成化元年春三月丁巳帝幸太學始設牲用樂命衍聖公孔宏緒分獻沂國公禮成宴賓如故事孝宗弘治元年春三月癸酉駕幸太學釋奠先師用吏部尚書王恕言詔先師位加幣用太牢改分獻為分奠餘如永樂故事命衍聖公孔宏泰分奠竟國公祭畢御彝倫堂命祭酒

贊聞講說命惟天聰明一節司業劉震講乾卦大人與天地合德一節武宗正德元年春三月甲申帝親學謁孔子命衍聖公孔聞部分奠沂國公聞部以禪服辭命吏部右侍郎梁儲代世宗嘉靖元年春三月甲寅帝幸太學釋奠先師至樞星門外即降輦步入禮畢仍步出樞星門外升龍御舞倫堂命祭酒趙永講尚書帝曰俞允若茲一節司業吳惠講易乾卦時乘六龍一節九年釐正祀典明年冬禮臣奏請幸學詔於十二年春三月舉行至是年三月丙辰復幸太學釋奠先師命衍聖公孔聞部分奠亞聖孟子祭畢帝御舞倫堂命祭酒林文俊講尚書益稷謨司業馬汝驥講周易頤卦穆宗隆慶元年秋八月癸未帝幸太學釋奠先師命衍聖公孔尚賢分奠加賜尚書羊酒鈔錠又賜觀禮族長孔談冠帶神宗萬曆四年秋八月壬戌帝幸太學釋奠先師命尚賢分奠尚賢以祖母喪辭更命協理京營尚書劉應節代祭畢帝御舞倫堂命祭酒孫應龍講尚書畢陶謨司業沈淵講周易離卦熹宗天啓四年春三月甲寅帝幸太學釋奠先師觀禮族人職者予冠帶生員送監讀書遂爲例時中書孔聞詩行人孔聞諫亦奏請觀禮以特恩未俸滿桂考選莊烈帝崇禎二年春正月丙子帝幸太學釋奠先師祭畢御舞倫堂命祭酒孔貞運講尚書大禹謨司業倪嘉善講周易泰卦五年春三月癸卯帝又幸太學釋奠十四年重建太學成秋八月辛酉復釋奠先師命衍聖公孔衍植分奠宗聖曾子祭畢帝御舞倫堂命祭酒講畢陶謨司業講周易咸卦講畢帝入舞倫堂後殿一亭觀世宗所立程子四箴諸碑又令將廟內各碑及石鼓俱摹搨進寶時有旨幸學典禮定爲三年一舉行國朝順治九年秋九月辛卯世祖章皇帝幸學行釋奠禮先期遣行人張九徵召取衍聖公孔興燮及五氏博士並族人赴京觀禮釋奠日行三獻兩跪六叩頭禮

命大臣分獻四配十哲兩廡畢御舞倫堂王等入堂內陪祀各官在堂下東西侍立衍聖公率博士族人祭酒司業率學官諸生各序立行三跪九叩頭禮賜坐王公文武各官皆坐祭酒姑爾馬叫李與棠就案坐講易經司業馬杰就案坐講書經講畢禮部堂官奏傳制祭酒司業率學官諸生皆跪聽宣畢祭酒以下行三跪九叩頭禮賜王以下各官茶駕還宮次日御太和殿衍聖公及祭酒等上表謝賜衍聖公內院翰林官祭酒司業學官五經博士五氏子孫及禮部太常寺光祿寺鴻臚寺執事各官宴於禮部又賜衍聖公蟒緞朝服一領貂帽一頂祭酒司業學官五經博士五氏子孫及監生等各賞給品服銀兩有差其陪祀生員孔尚燮等十五人俱准作恩貢送監讀書十七年復以修葺文廟成臨雍親祭如九年儀康熙八年夏四月丁丑聖祖仁皇帝幸學行釋奠禮御舞倫堂命祭酒賈祿宋德宜講易經司業講書經先期遣行人司司正陳調元召取衍聖公孔毓圻率各博士族人等赴京陪祀時內國史院中書舍人顏光敏四氏學錄孔貞燦候補運同孔貞來候選縣丞孔尚義監生孔衍璐均得請隨班觀禮禮成錄顏光敏以應陞缺用孔貞燦加一級孔貞來孔尚義以應得缺先用孔衍璐俟考定職銜遇缺即用陪祀恩貢俱如順治九年故事雍正元年冬十一月丁酉世宗憲皇帝諭禮部曰孔子道冠古今爲萬世師表溥海內外無不俎豆尊崇國學乃四方表率其制尤重





聖祖仁皇帝臨雍釋奠典禮優隆。朕繼承大統景仰先型、夔臚如見。念國學為造士之地、聖教所被莫先於此。恐歷歲既久、有應加修葺之處。爾部會同工部詳加閱視、凡文廟殿宇廊廡及講學堂舍務須整理。周備俾廟貌聿新、以申景慕。朕將親詣焉。明年春二月辛酉、又諭帝王臨雍大典、所以尊師重道、為教化之本。朕覽史冊所載多稱幸學而近日奏章儀注相沿未改、此臣下尊君之詞、朕心有所未安。今釋菜伊邇、朕將親詣行禮。以後一應奏章記注稱幸、非宜應改為詣字。時禮部照例題請差官行取衍聖公及博士族人赴京、特旨衍聖公身有弱疾、且在制中、令於子弟中遴選一人代替行禮。衍聖公孔傳鐸奏以次子候襲五經博士繼溥代、禮部議令列左翼一品班末得旨、仍列衍聖公原班。三月乙亥朔、詣學行釋奠禮、祭畢、御彝倫堂、命祭酒塞榜額王傳講大學聖經第五節、司業博禮彭維新講大禹謨、人心惟危一節、禮成宴賓優敘如故事。召見衍聖公及各博士并廩生孔傳鉉、候襲博士孔繼溥、知縣孔興誥、孔傳中、顏肇維、奉旨孔興誥以知府即用、孔傳中以知州即用。賜衍聖公孔傳鐸御書喜雨詩一章及貂皮珍墨、下逮博士族人等、宴賞各有差、陪祀恩貢如故事。是年夏六月戊戌、曲阜孔廟災。上具素服親詣國子監文廟行祭告禮、陪祀諸王大臣官員皆常服從事。駕由東華門出、不設鹵簿、不鳴鐘、不陪祀。王大臣官員亦不迎送。四年秋八月丁卯、

王親詣文廟釋奠、凡進爵帛皆跪獻禮畢、諭禮部侍郎三泰、太常寺卿孫柱曰、儀注內開獻帛進酒皆不跪、今跪獻非誤也。若立獻於先師之前、朕心有所不安、將此諭眾知之。爾衙門可記檔案、以後照此遵行。七年、以闕里慶雲見、冬十二月辛酉、上親詣文廟祭告、乾隆三年春三月甲寅、今皇帝詣學行釋奠禮、先期遣官召取衍聖公孔廣榮、率十三氏博士族人等赴京陪祀、祭畢、御彝倫堂、命祭酒國理孫嘉淦講中庸首節、司業塞爾登李文銳講尚書首節、次日衍聖公率諸博士族人入朝謝、皆賜宴於內廷。又召見衍聖公各博士及至聖嫡裔廩生孔傳鉉、孔繼河、孔廣祚、候選州同四品執事官孔繼浩、監生臣繼汾於乾清宮西暖閣、賜衍聖公御製樂善堂文集一部、貂皮四張、墨二匣、其十三氏博士及臣等俱賜樂善堂文集、貂皮墨各有差。又錄孔繼河以員外郎即用、孔繼浩以州同即用、仍用四品頂帶陪祀。族人孔繼袞等三十一人俱准作恩貢、觀禮。副榜顏懋璣、監生孔傳澄等八人准以應考之職銜聖籤註冊。廩生孔繼炯等四人准作貢生、增生仲宏、文附生孔毓昉等八人俱准作監生。其餘隨班行禮之見任候補官翰林院檢討永檀等三十六人各紀錄一次、聽講之族人九十二名各賞銀一兩、仍照例各賞衣一襲、宴於禮部。五年秋八月丁巳、上釋奠於太學。九年春二月丁巳、上釋奠於太學。十八年秋七月壬申、上諭太常曰、春秋釋奠例應遣官朕自往歲恭詣孔廟行禮後、已閱五年、仰止宮牆心殷景慕、此次親詣行禮、崇聖祠遺史貽直行禮。八月

丁亥、

上釋奠於太學。故事。郎中以上方陪祭。時臣繼汾以戶部主事得請亦與陪祭。遂爲例。二十一年春二月丁未、

上釋奠於太學。

述曰古者幸學皆命有司行事。天子親往視之而已。自東晉以下始有親行奠祭之禮。茲考專以祀典爲重。故於漢光武之幸太學。明帝之臨辟雍。槩從刪節焉。  
關里文獻考卷十五終

校記

①內院翰林：當作「內翰林院」。

闕里文獻考卷十六

祀典第三之三

闕里爲先聖篤生之地。車服禮器。賢士大夫實深仰止。而天子之尊。亦每躬臨展謁焉。考漢高帝十二年冬。自淮南還。過魯。躬謁孔子祠。以太牢。明帝永平十五年春二月。東巡狩。三月幸孔子宅祠孔子及七十二弟子。帝升廟西向立。羣臣中庭北面皆再拜。帝進爵而後坐。親御講堂。命皇太子諸王說經。章帝元和二年春二月。東巡狩。三月已丑。進幸魯。庚寅祠孔子及七十二弟子。作六代之樂。命儒生講論。帝升廟。進爵如永平儀。大會孔氏男子年二十以上者六十三人。令以儒者巾服見。賜褒成侯損及諸孔氏男女錢帛有差。帝還。留祭器於廟。又以十九代孫僖奏對稱旨。拜郎中。令從還京師。語在傳家傳中。安帝延光三年春二月。帝東巡狩。三月戊戌祠孔子及七十二弟子於闕里。自魯相令丞尉及孔氏親屬婦女諸生悉會。賜褒成侯以下帛各有差。元魏孝文帝太和十九年夏四月庚申。帝行幸魯城。親祠孔子廟。辛酉詔拜孔氏四人。顏氏一人官。唐高宗乾封元年春正月封禪泰山。辛卯幸曲阜。贈孔子太師。元宗開元十三年冬十一月封禪泰山。丙申幸孔子宅。親釋奠。又遣禮部尚書蘇頌以太牢祭孔子墓。詔曰。孔宣父誕聖自天。垂範百代。作王者之師。表開生民之耳目。朕增封岱岳。迴鑾泗濱。思闕里之風想。雲壤之咏。邈矣遺烈。慨然永懷。式遵祀典。用申誠敬。宜令禮部尚書蘇頌以太牢致祭。仍令州縣以時祠享。復近墓五戶。長供掃除。周太祖廣順二年夏五月。帝克慕容彥超於兗州。六月朔乙酉。遂幸曲阜。親祠孔子。再拜。從臣言。天子不當拜異代陪臣。帝曰。夫子聖人也。百王取則。安得不拜。至墓復拜。畱所奠金花銀鑪十數。事於廟。勅兗州墓所祠宇禁樵採。宋眞宗大中祥符元年冬十月。帝封禪泰山。里詔曰。朕以紀號。崇宗觀風。廣轡懷先聖。實主斯文。矧尼邱毓粹之區。光靈可挹。而曲阜奉

祀之地。廟貌攸存。將申款謁之儀。用表欽崇之志。宜取十一月朔日幸曲阜。縣備禮躬謁。謹將朕意。仍付所司。十一月朔戊午。帝幸曲阜。謁孔子廟。內外設黃旄。仗文宣公宗屬並陪位。帝華袍再拜。行酌獻禮。命翰林學士右諫議大夫晁迥奠孔子父母。刑部尚書溫仲舒冠準分奠。十哲翰林學士左司諫楊億尚書戶部侍郎趙昌言給事中張秉右正言周起王和尙書司封郎中錢惟演分奠七十二弟子及從饗先儒。初有司定儀。肅揖帝特展拜。幸叔梁父堂。又幸孔林。以樹嚳道有司將期伐帝不許降輦乘馬至墓設奠再拜。憩息墓左者久之。越三日辛酉追謚孔子爲口。聖文宣王。追封聖考妣及夫人。仍令有司以時修葺祠宇。給近便十戶奉坐廟。親製文宣王贊。命廷臣分撰顏子以下諸贊刻石廟中。又命以御香一盒并銀鑪及親奠祭器皆畱於廟。授四十六代孫聖佑奉禮郎。聖佑及近屬賜出身者六人。仍賜孔氏家錢三十萬帛三百疋。又賜孔氏廟經史勅曰。國家尊宗師。道啓迪化。源眷惟鄒魯之邦。是曰詩書之國。尼山在望。靈宇增嚴。朕以登岱告成。迴鑾款謁。期清風之益振。舉緼禮以有加。式資誨誘之方。更肅闡揚之旨。宜以所賜太宗皇帝御製御書與九經書并正義釋文及器用等。並置於廟中書樓上。收掌委本州長吏職官與本縣令佐等同共檢校。在廟如有講說釋奠並須以時出納。勿令損汙。又給廟守兵四十人。

聖祖仁皇帝東巡岱宗。遂幸江南。冬十一月戊寅還幸闕里。已卯。

親釋奠孔子。祭文曰。仰惟先師德侔元化。聖集大成。開萬世之文明。樹百王之儀範。永言光烈。罔不欽崇。朕不御鴻圖。緬懷至道。憲章往哲。矩矱前模。夕惕朝乾。覃精思於六籍。居今稽古。期雅化於萬方。繫惟典訓之功。實睹乂安之效。茲者巡省方國。至於岱宗。瞻望魯邦。爰來



闕里空堂至止。恍聞絲竹之聲。舊展徘徊。喜動宮牆之色。車服整齊。宛然三代遺風。几杖冊書。變矣千秋盛蹟。氣明靈之儼在。文治遐昌。肅禋祀以惟虔。精忱庶格。時禮官議儀注。兩跪六拜。如釋奠太學儀。不用樂奉。

旨尊禮先師應行三跪九叩頭禮用樂。

命內閣學士麻爾圖翰林院學士常書都察院副都御史孫果翰林院掌院學士孫在豐內閣侍讀學士徐廷璽翰林院侍讀學士朱瑪泰太僕寺少卿楊舒欽天監監正安泰分獻四配十哲及兩廡從祀先賢先儒巡撫張鵬率司道府等衍聖公孔毓圻率各博士及族人等皆陪位同日。

遣國子監祭酒阿瑚祭告啓聖祠。祝文曰。惟公系本神靈。生稱環堵。勇力聞於魯國。皆道德所發。皇政事紀於鄰邦。悉文章所宣。著篤生聖子代爲帝師。宸宇崇歲祀之儀。不先父食古今奉斯文之統。共指家傳。茲值東巡。特臨曲阜。溯三千年之教澤。孰非厚德燕諒。垂七十世之孫謀。如見明神降。用修彝祭之典。代以扈從之臣。泗水環流。知發源之有自。防山聳峙。占積慶之無疆。牲醴式陳。尙其歆格。祭畢。御詩禮堂講筵。隨從諸臣巡撫司道府聖公及各博士族人皆入堂聽講。班班定傳。

特旨兗州府知府張鵬翮爲官清正。亦准聽講。監生孔尙任進講聖經首節舉人孔尙鉉進講易繫辭首節講畢。

勅大學士王熙宣。

諭衍聖公孔毓圻等曰。至聖之道與日月並明。與天地同運。萬世帝王咸所師法。下逮公卿士庶罔不率由。爾等遠承聖澤。世守家傳。務期型仁講義。履中蹈和。存忠恕以立心。敦孝弟以修行。斯須弗去以奉先訓。以稱朕懷。爾等其祇遵母替。宣畢。上諭大學士曰。孔尙任等陳書講說。克副朕懷。著不拘定例用。又。

諭曰。朕初至闕里。祀典既成。意欲徧覽先聖遺蹟。著衍聖公孔毓圻山東巡撫張鵬翮。北道孔興洪。講書官孔尙任孔尙鉉引駕。

上復至大成殿。召孔氏子孫入。

諭曰。至聖之德與天地日月同其高明廣大。無可指稱。朕向來研求經義。體思至道。欲加贊頌。莫能名言。特書萬世師表四字。懸額殿中。非云闡揚聖教。亦以垂示將來。歷代帝王致祀闕里。或留金銀器皿。朕今親詣行禮。務極尊崇。異於前代。所有曲柄黃蓋。畱之廟中。以示朕尊聖之意。

覽先聖手植樹。

御製古檜賦又賦詩一章。

覽漢元嘉始置白石卒史碑。尙任奏白石卒史卽今守廟百戶官也。毓圻因奏典籍司樂管勾等官皆奉朝選。惟百戶止由臣劄委。乞一體題授。

詔許之。登詩禮堂以。

御製過闕里詩。

賜毓圻等旋。

駕幸孔林。詣先聖墓。行一跪三叩頭禮。酌酒畢。

覽林中古蹟徘徊久之。問林周幾許。毓圻具以對。尋以開擴請得。

旨報可。是日。

賜衍聖公五經博士及族人等書籍。貂蟒銀幣各有差。又敘錄陪祀觀禮人員。生員孔衍溥等十五人。准作恩貢。送監讀書。見任官口北道孔興洪以應陞之缺。先用。候補候選官廕生孔興滋等二十三人。舉人孔興連等六人。並以應得之缺。先用。貢生顏光岳等十一人。俟者定職銜先用。其世襲官員各加一級。二十五年。

御製幸魯碑文及孔子顏曾思孟四子贊。勒石於闕里。乾隆十二年夏六月朔庚申奉。

上諭朕幼誦簡編心儀先聖一言一動無不奉聖訓為法程御極以來  
覺世厲民式型至道願學之切如見羹牆辟雍鐘鼓躬親殷薦而未  
登闕里之堂觀車服禮器心甚歉焉仰惟

皇祖聖祖仁皇帝巡幸東魯親奠孔林盛典傳於奕禩

皇考世宗憲皇帝崇聖加封重新廟貌嘗遣朕弟和親王恭代展祀未

以命朕意者其或有待歟朕寅紹丕基撫茲熙洽思以來年孟春月

東巡狩因溯洙泗陟杏壇瞻仰宮牆申景行之夙志復奉

聖母皇太后懿旨泰山靈巖坤德貢生近在魯邦宜崇報享朕不敢違

爰遵

慈訓親奉

樂輿秩於岱宗用答鴻貺旋蹕青齊觀風布澤以昭聖法

祖教孝省方鉅典所有應行典禮大學士會同該部稽考舊章詳悉具

議以聞其應預備之各衙門查察事宜先期請旨至行在一切所需

悉出公帑無得指稱供頓儲侍絲毫貽累閭閻羽林衛士內府人役

等各該大臣嚴行稽查約束並令扈蹕文武臣僚嚴飭僕從毋或侵

踐田疇致妨宿麥如有騷擾地方指名需索者立即參奏從重治罪

通行曉諭知之明年春二月戊午

皇上起鑾戊寅

駕至曲阜是日先

詣廟拈香山東巡撫阿里衮濟東泰武道明德衍聖公孔昭煥舉人臣

孔繼汾恭導

聖駕至奎文閣前降輦步入大成門

皇上升階盥手入殿中上香行三跪九叩頭禮畢

周覽廟中古跡

還行宮翼日己卯

皇上親釋奠祭文曰仰惟先師道備中和德兼聖智贊修刪定敷教化

於六經祖述憲章紹心傳於羣聖樹百王之軌範開萬世之太平為  
今古所尊崇與天地無終極昔

皇祖駕臨曲阜既肅將於廟貌復祗謁於學林穹碑

聖製之文

御蓋

天章之錫輝煌闕里照耀杏壇展慕道之隆情迴遠往代備崇儒之極

則度越前規朕不續鴻圖敬承

祖烈誦遺言於典籍夙懷向往之心驗至道於敷施式冀治平之效茲

者巡行東國泣止聖居欣瞻萬仞之宮瞻喜睹千秋之禮器陟堂階

而景仰恍親道範於琴書依殿壁以徘徊似聽元音於金石謹齊心

而上格期靈爽之來歆鑒此微忱翊予雅化三獻九拜如康熙二十

三年儀四配十二哲及兩廡從祀先賢先儒

命左都御史劉統勳吏部左侍郎德齡刑部左侍郎錢陳羣工部左侍郎

耶索柱內閣學士德爾格詹事府詹事裘曰修少詹事世貴鴻臚寺

卿吳應枚等各分獻崇聖祠

遺誠親王允祕行禮祝文曰惟王系本商家代為公姓生聖人之後華

胄迢遙行明德之傳令名昭著自孔父別族為得姓受氏之宗逮防

叔來歸稱適魯始遷之祖視躬迪德數傳而緒業彌昌保世凡宗奕

世而詒謀愈遠惟善仁之積累乃神聖之篤生早開文教之先宜食

燕詒之報我

皇考特加恩命並錫榮封合五代以同尊曠千秋而獨盛備極崇儒之

禮允隆報德之文茲以時巡緬懷前蹟仰褒綸之赫奕式昭佑啓之

功瞻爵號之輝煌倍切景行之慕虔申祀事特遣專官惟其神靈尚

其歆格崇聖祠先賢先儒

命侍讀吳爾泰贊善武極理給事中宗室同寶馬宏琦各分獻祭畢

御詩禮堂講筵臣孔繼汾進講中庸凡為天下國家有九經一節優貢





生孔繼陳進講周易卦象辭隨從諸臣巡撫司道衍聖公各博士及十三氏子孫皆入詩禮堂聽講畢

勅大學士傅恆宣

諭衍聖公孔昭煥等曰至聖之道參天地贊化育立人極爲萬世師表

凡茲後裔派衍支繁尤當永念先型以期無忝昔我

皇祖東巡時邁闕里特頒

聖諭炳若日星朕仰紹

前徽虔修展謁之禮念爾等令緒相承淵源勿替載申誥諭用示訓行

其務學道敦倫修身慎行克稟先師之彝訓祇遵

聖祖之誨言弗愧爲聖者子孫朕實嘉予之其欽承母忘宣畢遂

幸孔林酌酒行一跪三叩頭禮旋

詣少昊陵致祭周公廟拈香

上還行宮

賜十三氏子孫宴

御書門榜聯額懸大成殿詩禮堂及各門又

諭內閣曰康熙二十三年恭遇

皇祖幸魯尊崇至聖曾將曲柄黃蓋留供大成殿今朕親詣闕里釋奠

先師敬紹

前徽具遵成例其以曲柄黃蓋留於廟中永光秩祀

詔東省本年錢糧見已普免曲阜泰安歷城爲鑾輿駐蹕之所將次年

地丁錢糧全行蠲免廣山東通省入學額數大學三名中學二名小

學一名又

諭學臣拔十三氏子孫有文學可觀讀書立品者貢入成均以示鼓勵

授臣孔繼汾內閣中書舍人

賜孔昭煥紹裘蟒服表裏經史

錫賚聖賢後裔如康熙二十三年故事凡十三氏子孫有職者皆加一

級進士舉人各增賞銀十兩貢監生員各銀五兩又

特諭昭煥曰先師修道立教天下萬世之人服習聖訓咸有以自善其

身况爲其子孫者乎卿以宗裔奉祀紹封列爵既優崇矣當思淵源

何自夙夜敬勉親師向學以植始基慎行謹言以培德器循循詩禮

之教異日卓然有所成就允孚令望表率族黨傳當世知聖人之後

能守家傳於勿替匪徒章服之榮已也豈不休哉其祇遵罔敷先是

太常寺卿李世倬奏曲阜有顏子專祠應否遣官致祭至是

上諭內閣曰朕東巡謁闕里致祭先師顏曾思孟四賢作配殿庭雖

從與享但聞其故里各有專廟應分遣大臣恭奉香帛前往祭獻以

展誠敬朕向在書齋曾製四賢贊景仰之忱積有日矣其勒石廟中

致朕崇重先賢之意乃

遣禮部左侍郎鄧鍾岳祭顏子曰惟復聖顏子質秉深潛學精純粹處

屢空之境樂著不移受終日之傳誦稱足發三月之操存無閒克復

歸仁四代之禮樂兼該行藏與共踐履祇爭一閒入聖域以非遙行

能首冠諸科紹心傳於不墜追崇允合昭報攸宜朕稽古東巡至於

東魯慕前型而不遠用企清修瞻遺廟以猶存式懷令範虔修祀事

敬遣專官惟冀神靈尙其歆格

遣裘曰修祭曾子曰惟宗聖曾子秀毓武城業宗泗水三省勤於夙夜

允稱篤實之功一貫悟於須臾彌徵真積之久獨受孝經之訓用迪

臨深履薄之修永綿大學之規式啓明德新民之要衍薪傳於勿替

以魯得之開絕學於無窮其功大矣追崇允合昭報攸宜朕稽古東

巡至於東魯念先型之未遠心切溯洄瞻故里之非遙情深仰止虔

修祀事敬遣專官惟冀神靈尙其歆格

遣光祿寺卿沈起元祭子思子曰惟述聖子思子早迪躬修懋承家訓

肩聖人之遺緒無慙繩武之文孫紹賢父之芳踪不忝克家之旨子

嬰城固守式昭貞靖之操仰餽森嚴想見剛方之概闡尼山之絕學

衍道統於無窮。啓鄒嶧之先聲。荷薪傳於勿替。追崇允合。昭報攸宜。朕稽古東巡。至於東魯。仰瞻故里。緬道範之猶存。式念前修。幸儀型之未遠。乃修秩祀。用遣專官。惟冀神靈。尙其歆格。

遣吳應枚祭孟子曰。惟亞聖孟子。靈鍾鄒嶧。道贊尼山。母教三遷。德業夙成。於早歲師傳。一綫淵源。私淑諸其人。闡性善養氣之精。擴聖人之所未發。述唐虞三代之治。爲奕世之所共由。衛正學而闢異端。功豈在於禹下。傳王綱而踐霸術。教實秉於孔門。洵宜昭報於千秋。允合尊崇於億載。朕省方時邁。至於魯邦。欽廟貌以非遙。恍瞻氣象。遣專官而將事。式薦馨香。惟冀神靈。尙其歆格。二十年。平定伊犁。俘達瓦齊。大告武成。夏六月己酉奉

上諭曰。平定準噶爾捷聞。以數十年逋寇。迅就廓清。荒服牧寧。中外蒙福。乃我國家無疆之休。緬惟

皇祖聖祖仁皇帝。削平三孽。於康熙二十三年。諏吉東巡。

親祭闕里。武功文德彪炳簡冊。朕仰承

先烈。集此大勳。保泰持盈。彌深兢業。親告成功於

太廟。

郊社。嶽瀆諸祀。次第遣官。敬謹舉行。以昭懋典。先師孔子闕里。理應恪循成憲。躬詣行禮。用申誠敬。且自瞻謁林泉。已逾六載。仰止之思。時切於懷。擬於明歲春月。敬奉

皇太后。安輿自京起鑾。恭詣曲阜。翠華所經。亦以體察吏治。清問閭閻。行慶施惠。以稱朕法。

祖尊師之至意。所有應行預備事宜。該部詳議以聞。二十一年春二月辛亥。

皇上自京起鑾。三月己巳朔。

駕至曲阜先

詣聖廟拈香。翼日庚午。

皇上親釋奠。祭文曰。朕惟治統道統。理本同源。作君作師。義歸一致。先師功高。堯舜德炳。乾坤集羣。聖之大成。金聲玉振。開六經之正學。觀海登山。百代奉爲楷模。萬年光於俎豆。緬

皇祖親臨。岱嶽特隆。北面之文。洎朕躬祗謁尼山。卽在東巡之歲。式觀車服。時已閱乎七年。景仰宮牆。心彌殷於再至。惟尊師之典。與法祖俱長。亦望道之誠。共省方益切。幸文治興崇之會。正遠人率服之年。稽典禮於王雱。聿修時邁。本治平於聖訓。上印心傳。載薦明禋。敬申昭報。聆金絲而嚮往。警欬非遙。溯詩禮以趨跲。儀型若接。鑒茲誠意。尙克來歆。翊我鴻圖。庶幾受福。

命禮部尙書楊錫綬。兵部尙書傅森。工部尙書汪由敦。理藩院尙書那延泰。吏部左侍郎郎歸宣光。戶部右侍郎郎五福。刑部左侍郎郎勒爾森。工部右侍郎郎夢麟。內閣學士富德。錢維城。分獻十二哲。及從祀先賢先儒。同日。

遣大學士陳世倌。祭告崇聖祠。曰。惟王迪德。承家累仁。毓聖。自子姓別族之始。式訓傳恭。迄鄉黨從政。以還在師。致果。六百載神明後裔。美克著乎象賢。萬億年文教常開。功自歸於燕翼。褒封載錫。仰綸綍之垂光。歲祀維虔。薦苾芬而致敬。事隆恆典。禮紹前規。茲以諏吉東巡。告成闕里。棧楹在望。彌嚮往以追崇。俎豆斯陳。載緬懷於佑啓。用申彝祭。特遣專官。惟冀神靈。尙其歆享。崇聖祠先賢先儒。

命鴻臚寺卿儲麟趾。通政使司參議那瀚。翰林院侍讀索爾遜。中允德昌。各分獻。祭畢。

駕詣孔林。親酌酒。如十三年儀。辛未。

回鑾幸泉林。道經啓聖墓。

命大學士陳世倌。詣墓前奠酒。又

遣歸宣光。祭顏子曰。惟復聖顏子。泗水鍾英。杏壇希聖。四科首選。德行

五

五

五

五

五

五

五

五

五

五

五

五

五

五

五

五

五

五

五

五



冠夫諸賢三月無違克復徵於一日。證行藏之合常屢空而晏如集  
禮樂之成堪王佐而不愧好學之懿修弗替廟庭之配典常崇茲以  
時巡載臨舊里。有尊疊於廣殿已致虔恭申奠醑於專官更陳秋祭  
靈其來格享此清芬。

遣勒爾森祭曾子曰惟宗聖曾子秀毓武城學宗泗水懋修於篤實  
三省勤夙夜之功崇真積於躬行一貫悟精微之旨端治國齊家之  
本大人之學昭垂示至德要道之原教孝之經永著衍孔門之聖脈  
以魯得之啓孟氏之師傳其功大矣尊崇允協報享攸宜朕以禮時  
巡端臨魯甸情深仰止瞻故里之非遙心慕典型念德輝之如在虔  
申祀祀敬遣專官惟冀神靈庶其歆格。

遣富德祭述聖子思子曰惟述聖子思子派衍尼山教原泗水繩其祖  
武性天本自家傳慎厥身修詩禮紹夫庭訓道尊不友抗顏魯費之  
庭義重爲臣仗節衛齊之境紹曾傳於忠恕三十三章啓孟淑於見  
問百有餘歲追崇自昔昭報於今朕載謁孔林重臨魯國千秋俎豆  
欽述作於一家數仞宮墻念後先之同揆爰修明祀特遣專官靈爽  
式憑尙其歆格。

遣饒維城祭亞聖孟子曰惟亞聖孟子靈鍾鄒嶧學本尼山溯私淑之  
淵源道實承夫三聖紹見知之統緒辭大備於七篇幼學壯行既躬  
履夫仁義知言養氣亦明析其精微衛正學而闢異端惟道性善尊  
王政而賤霸術聿正人心教悉稟於孔門功不在於禹下朕時巡東  
土蒞止魯邦欽廟宇之非遙如親道範勅專官而將事肅薦馨香惟  
冀神靈尙其來格二十二年春正月

皇上南巡江浙二月甲申奉

上諭朕擬於回鑾渡淮後由順河集前往徐州取道至山東之曲阜展  
謁孔林用申仰止之忱

皇太后鑒與仍由順河集先至泰安之靈巖山駐蹕所有尖營道路務

從簡約但取足供行走頓宿而已不必過求齊備夏四月己巳  
上過鄒縣

親幸孟廟拈香行一跪三叩頭禮是日

駕至曲阜

詣聖廟拈香行三跪九叩頭禮翼日庚午

幸孔林酌酒乃

回鑾

述曰歷稽幸魯之事惟漢四見唐再見元魏後周及宋祇一見下逮  
元明更絕無可紀者又其間皆以便道展謁或仍遣官代祀其儀節  
亦無足稱焉若夫

特下德音專修謁奠禮明樂備至再至三則自古以來惟我

皇上一人而已書之於冊使知由孔子而來二千三百餘年而獲睹尊

崇之極軌者則自我

皇上始

闕里文獻考卷十六終



關里文獻考卷十七

祀典第三之四

國家有大典大慶若

鼎革若

登極改元若

時巡若

升祔若上

徵號若慶

聖節若武功告成若禱祀百神以及贈諡更封增損祭秩必

遣官詣關里祭告焉而稽之前代亦多有可紀者考漢光武帝建元五

年冬十月帝征遼過魯使大司空以太牢祠孔子拓拔魏太武帝

太平真君十一年冬十一月南伐至魯郡使使者以太牢祠孔子獻

文帝皇興二年以青徐平遣中書令高允兼太常至兗州以太牢祀

孔子北齊文宣帝天保元年夏六月以受禪遣使詣魯郡致祭孔父

唐高宗乾封元年春正月贈孔子太師遣司祿卿秋餘隆以少牢致

祭曰惟神玉鉤陳賦靈開四時之源金匱流禎慶傳三命之範神寶

越誕授山嶽以騰英天縱攸高臨河海而標狀折衷六藝宣利九流

睿乃生知靈非外獎於是考三古衷一言刊典謨定風什莊敬之容

畢備鐘鼓之音載和父子爰親君臣以穆鴻乎煥乎樂正雅頌各得

其所可不謂至聖矣夫朕以涼德嗣膺神器式崇祇配展義享感

周禮之尚存悲素王之獨往杼軸洙泗如挹清瀾醑連舞等似開金

奏昌門曳練徒有生芻之疑漢曲移舟非復祥萍之實慨然不已爰

贈太師望宇卑陋仍命修造襲聖子孫合門勿事庶能不遺百代助

損益之可知永鑑千年同此肩而為友聿陳非贊用旌無朽梅嶺霞

梁松春月曠德音暢而無斂形神忽其將久倘弗殊於生前亦知榮

於身後二月己亥成禮後周太祖廣順二年夏五月遣端明殿學士

顏行詣曲阜祀文宣王廟宋真宗大中祥符元年冬十一月加諡孔

子口聖文宣王遣行吏部尚書清河郡開國公張齊賢祭告曰朕

以有事岱宗畢告成之盛禮緬懷關里欽設教之素風躬謁奠於嚴

祠特褒崇於懿號仍令舊相載達精誠昭薦吉蠲用遵典禮以充公

顏子等配是月辛酉成禮又追封孔子父叔梁齊國公母顏氏魯國

太夫人遣都官員外郎王勵祭告又追封聖配元官氏鄆國夫人令

兗州遣官詣曲阜祭告又以王欽若言祭文宣王詣墳致奠得芝五

本詔遣楊懷玉祭謝仁宗嘉祐六年頒御書飛白殿榜遣兗州通判

田洵祭告曰惟王淵聖難名誠明異稟敷厥雅道大闡斯文生民以

來至德莫二教行萬世儀比三王闕里之居祠宇惟煥遐瞻瞻切邀

遡門屏衛於飛梁之蹤新茲標榜之制命工庀事推策涓辰敢議形

祭肅中崇奉仰惟降格遙冀鑒觀春三月壬寅成禮金章宗明昌六

年以曲阜新廟告成遣兗州節度使孫康致祭曰國家禮崇儒術道

尊聖師闕里廟貌于以新之雅樂具舉法服彰之庶幾聲格永集繁

禮秋八月己未成禮元大德十一年武宗即位加號孔子為大成至

聖文宣王明年改元至大遣集賢學士王德淵齎銀幣詣關里祭告

曰惟王秉德生知垂教不朽聖之時者天何言哉由百世之後莫能

違自生民以來未之有特加封號大展祭儀仍命臣僚往祀林廟以

尊國公鄒國公配秋七月丁卯成禮四年仁宗即位遣國子祭酒劉

府齋銀幣雜綵詣關里祭告孔子曰天以神器畀付朕躬受命維新

若稽舊典肇修禮類編于羣神仰惟聖人模範百世功隆德盛宜極

欽崇爰命儒臣恭謁關里侑茲儀物牲用太牢昭薦厥誠尚祈鑒格

以兗國公鄒國公配冬十月辛未成禮延祐七年英宗即位遣說書

王存義齎金幣詣關里以太牢祭告孔子曰惟王天縱至聖集厥大

成儀範百王賢於堯舜嗣服伊始始祀告虔尚冀格思永昌文治夏

五月丁亥成禮遣存義時帝手以香如額授之至治三年泰定帝即

位冬十一月遣使詣闕里以太牢祀孔子。文宗天歷二年春二月遣翰林侍講學士曹元用捧金幣詣闕里祭孔子。順帝至元年遣翰林修撰王思誠詣闕里以太牢祭孔子。五年以重修曲阜孔子廟成遣五十四代孫監察御史思立樹碑紀績以太牢祭告曰伏以列聖右文宮牆既葺立言成績貞石著辭裔孫承休作我司憲俾致嘉告以祚無疆謹以香酒太牢乘盛制幣式陳明薦。秋八月己酉成禮。六年遣翰林修撰周伯琦奉香酒詣闕里致祭孔子。秋八月丁亥成禮。至正二年冬十月遣集賢直學士郭孝基致祭孔子。孝基奉香酒詣闕里以十二月丁巳致祭曰惟王宗主名教表正彝倫並日月明同天地仁晝萬古之夜人四海之民惟中國之爲中國實有賴於斯文欽惟皇上念闕里爲毓聖之地故特祭遣一介之臣香承手錫酒分上尊惟中書欽若休明用敬助相禮之錢緒牲牢既設簋簠斯陳神之格思歆此明禋以亮國復聖公邱國宗聖公沂國述聖公鄒國亞聖公配按歷代遣官祭告闕里皆欽頒祭文獨此使官自致辭乃創格非故事也。八年秋七月遣宣文閣授經郎董立奉香酒乾羊詣闕里致祭孔子。八月庚辰成禮。十六年春二月遣集賢直學士楊俊民詣闕里致祭孔子。明太祖洪武元年春二月遣使詣闕里致祭孔子。臨行帝諭使者曰仲尼之道廣大悠久與天地相並有天下者莫不虔修祀事朕爲天下主期大明教化以行先聖之道今旣釋奠成均仍遣爾修祀事於闕里爾其敬之。二年出內府香幣白金遣五十五代衍聖公國子祭酒克堅祀孔子於闕里命通贊舍人張漢英爲副帝諭克堅曰先師孔子萬世帝王之師爾先師子孫祭必歆饗宜致誠潔以副朕懷克堅奉命恭詣闕里祭告曰惟神昔生周天王之國實居魯邦聖德天成繼述前王治世之法雖當時列國鼎峙其道未行垂教於後以至於今凡有國家大有德焉自漢之下以神通祀海內朕代前王統率庶民目書檢點忽睹神之訓言非其鬼而祭

之諂也敬鬼神而遠之祭之以禮此非聖賢明言他何能道故不敢通祀暴殄天物以累神之聖德茲以香幣牲齊乘盛庶品式陳明薦惟神鑒焉冬十二月癸巳成禮成祖永樂十四年修曲阜孔子廟成遣官祭告闕里宣宗宣德元年遣五十五代孫太常寺寺丞克準詣闕里祭告孔子曰仰惟先聖丕隆道德表正綱常集羣聖之大成爲百王之儀範茲余嗣位之初謹用祭告永資聖化翼我治平春二月乙亥成禮時自先師而下四配十哲兩廡凡九壇均用太牢。英宗正統元年遣國子司業趙琬詣闕里祭告景帝景泰元年遣翰林侍講吳節詣闕里祭告孔子曰仰惟先師丕明古昔帝王之道以正綱常垂憲萬世功高德厚與天地同予嗣承大統祗嚴祀事用祈神化祐我治平春閏正月庚申成禮。英宗復辟天順元年遣工科左給事中孫昱詣闕里祭告天順八年憲宗即位秋七月遣官詣闕里祭孔林明年改元成化又遣吏部侍郎尹旻詣闕里祭告孔子曰惟王以天縱之聖爲文教之宗萬世之下綱常正而世道隆實有賴焉茲予嗣位之初景仰維深特申祭告永資聖化翊我皇猷春三月壬午成禮十三年以加籩豆侑舞之數遣翰林學士王獻詣闕里祭告孔子曰惟王生知之資天縱之聖道德配於二儀教法昭於萬世緬懷功烈宜極褒揚願冕服之章數雖隆而祀享之儀物弗稱爰考彝章參合輿論增樂舞爲八佾加籩豆爲十二蓋用祭天享地之禮樂庶副尊師重道之本意也特遣儒臣遠詣闕里用伸祭告王其鑒知春閏二月丁巳成禮。孝宗即位弘治元年遣太常寺少卿田景賢詣闕里祭告孔子文與宣德元年同十二年以闕里廟災秋七月遣太常寺少卿李傑詣闕里慰祭孔子曰惟王道德高厚教化無窮廟貌尊嚴古今崇奉比遭回祿煨燼靡遺斯文在茲胡天弗弔肆維統緒承傳在子修復舊規所不敢後特申祭告奉慰聖靈洋洋在天尙其歆饗九月庚午成禮十七年重修闕里廟成勅大學士李東陽曰比因闕里



文廟燬於回祿爰命有司重建厥功既成茲遣卿往彼祭告夫先師道德萬世所宗鼎新廟庭一代之盛典以故禮告之禮特不輔廟之臣卿其精白一心寅恭將事務期聖靈昭格以副朕隆師重道之懷東陽承命奉香祝詣關里祭告曰惟我先師代天立教禮嚴報祀四海攸同嶽降在茲廟貌自古頌懽災變實警予衷爰勅有司命工重建越暨五載厥功告成棟宇畢新器物咸備光昭儒道用安聖靈特遣輔臣遠將祭告尙祈歆鑒永享明禋夏閏四月丁亥成禮武宗正德元年春二月遣官詣關里祭告孔子八年以討平劉七等遣山東巡撫趙瑄詣關里祭告孔子曰比歲盜起北方肆行東郡屢經關里侵犯廟庭蓋嘗申命將官分兵守護聖靈昭布竟保安全逆亂既平儀文斯舉聿嚴祀事兼飭有司洒掃汗萊修葺損壞式遵舊制仰慰明神尙祈鑒歆永祐邦國春正月壬午成禮世宗嘉靖元年遣吏部尙書石瑄詣關里祭告孔子文與成化元年同春三月丁卯成禮穆宗隆慶元年遣尙書寺卿劉奮庸詣關里祭告孔子曰追維先師道兼羣聖教備六經歷代帝王是宗是式茲于踐祚之始良深景慕之懷特遣廷臣用申祭告伏冀昭垂訓迪永祚皇猷秋九月己卯成禮神宗萬曆元年遣尙書寺丞張孟男詣關里祭告孔子文與隆慶元年同夏四月庚戌朔成禮熹宗天啓元年遣順天府丞姚士慎詣關里祭告孔子曰惟我先師生民未有百代莫前凡在斯文實均仰戴茲子肇位景慕良深特遣廷臣虔申祭告尙祈神化永祚皇明秋七月丁未成禮莊烈帝崇禎元年遣太僕寺少卿郭興言詣關里祭告孔子文與隆慶元年同夏五月癸未成禮

世祖章皇帝遣右副都御史劉昌詣關里祭告孔子曰朕惟治統緒道統而益隆作君與作師而並重先師孔子無其位而有其德開來繼往歷代帝王未有不率由之而能治安天下者也朕奉

天明命紹續丕基高山景行每思彰明師道以光敷至教而祀典未修曷以表敬事之誠登嘉平之理茲遣專官虔祀關里儀惟備物誠乃居歆伏惟格思尙冀鑒鑒夏四月癸丑成禮康熙七年聖祖仁皇帝遣光祿寺卿楊永寧詣關里祭告孔子文與順治八年同夏四月丁亥成禮十四年冬十二月

冊立皇太子

遣宗人府府丞馬汝驥詣關里祭告孔子曰朕惟治統緒道統而益隆作君與作師而並重先師孔子德侔天地教範古今歷代帝王咸宗道法用臻治安朕奉

天眷命紹續丕基懋建元儲以崇國本景行至聖肅舉明禋茲遣專官虔申殷薦伏惟鑒格尙冀居歆明年春二月己未成禮二十年冬十二月以前平吳三桂等

遣右副都御史宋文運詣關里祭告孔子曰朕惟治統緒道統而益隆作君與作師而並重先師孔子德侔天地教範古今歷代帝王咸宗道法用臻治安朕奉

天眷命紹續丕基翦除兇殘父安海宇告功至聖肅舉明禋茲遣專官虔申殷薦伏惟鑒格尙冀居歆明年春三月甲子成禮二十七年冬十月恭奉

孝莊文皇后升祔

太廟禮成

遣內閣學士彭孫通詣關里祭告孔子十二月丙辰成禮三十二年冬十月以重修關里孔子廟成

遣皇三子詣關里祭告孔子曰朕惟道統與治統相維作君與作師並重先師孔子德由天縱學集大成綜千聖之心傳為萬世之師表故廟久遠垂於無窮朕御寓以來立綱陳紀彰教敷治咸奉至聖為法程凡典禮追崇竭誠致敬自京師下逮郡邑辟離泮水建廟釋奠罔



不修舉。况茲闕里乃聖人鍾毓之鄉。車服禮器於斯藏守。曩者東巡。展拜之餘。仰觀廟貌。因多歷年所。漸有頽敝深廬於求。用是命官董理。重加修葺。棟宇維新。以妥聖靈。茲當告成。特遣皇子允祉致祭。俎豆肅陳。恍乎接至聖之音容。以將朕儼恪欽崇之至意。陟降在茲。尚祈歆享。

詔皇四子皇八子陪祀。十一月乙巳成禮。三十四年冬十二月。以畿輔災傷疊告。山西平陽地震。

遣右通政使吳涵詣闕里致祭。孔子曰。仰惟先師。道隆參贊。德冠古今。集聖哲之大成。樹人倫之極則。朕欽崇至教。勤恤民依。永期殷阜。邇年以來。郡縣水旱。閒告年穀。歉登。蚤在孜孜深切軫念。用是專官秩祀。為民祈福。冀靈爽之默贊。溥樂利於羣生。尚鑒精忱。俯垂歆格。明年春正月甲申成禮。三十六年秋七月。以平珍厄。魯特鳴爾丹。

遣翰林侍講學士史夔詣闕里祭告孔子。曰。朕服膺聖訓。殫究遺文。凡茲六籍。所垂惟以安民為要。臨御以來。孜孜圖治。綏又烝生。遠邇中外。視同一體。乃有厄魯特。噶爾丹。荒陬狡寇。肆虐蹂躪。梁擾邊方。稔惡已極。朕親統六師。三臨絕塞。宏張捷伐。克奏膚功。逆孽就俘。兇渠殄滅。遐荒番部。罔不歸誠。自茲永靖。邊塵咸安。生業惟是至聖先師。默相啓佑。特遣專官。敬申禋祀。祇告成功。伏惟昭鑒。八月庚戌成禮。四十二年春三月。恭遇。

聖祖仁皇帝五旬聖壽。遣詹事徐秉義詣闕里祭告孔子。夏四月乙酉成禮。四十八年。

皇太子復立。遣翰林侍講學士梅之珩詣闕里祭告孔子。曰。惟先師孔子。聖由天縱。德集大成。闡明六經。師表萬世。永立人倫之極。式端道統之原。朕仰荷。

天庥。俯臨海宇。建立元良。歷三十餘載。不意忽見暴戾狂易之疾。深惟。

祖宗洪業及萬邦民生。所繫至重。不得已而有退廢之舉。嗣後漸次體驗。當有此大事。時性生奸惡之徒。各庇邪黨。借端搆毀。朕覺其日後必成亂階。隨不時究察。窮其始末。因而確知病原。皆由鎮厭。亟為除治。幸賴。

上天鑒佑。平復如初。朕皆因此事耗損心神。致成劇疾。皇太子晨夕左右。憂形於色。藥餌必親。寢膳必視。惟誠惟謹。歷久不渝。令德益昭。不基克荷。用是復正儲位。永固國本。特遣專官。敬申殷薦。尚祈歆格。夏五月庚辰成禮。五十二年春三月。恭遇。

聖祖仁皇帝六旬聖壽。

遣戶部侍郎廖騰輝詣闕里祭告孔子。五十七年冬十二月。恭奉。

孝惠章皇后升祔。

太廟禮成。

遣內閣學士張廷玉詣闕里祭告孔子。曰。仰維先師。德冠古今。道隆參贊。贊作人倫之儀。表集羣聖之大成。永仰高山。欽崇至教。朕仰紹祖宗。繼承大統。殫精思於六籍。期雅化於萬方。矩矱前型。朝乾夕惕。茲者。

皇妣孝惠仁憲端懿純德順天翼聖章皇后神主升祔。

太廟禮成。遙深松栢之思。爰切奠牆之慕。特將牲幣。用遣專官。降鑒在茲。尚其歆格。明年春二月庚申成禮。六十一年冬十一月。

世宗憲皇帝登極。

遣右通政使楊汝穀詣闕里祭告孔子。曰。仰惟先師。道冠古今。教垂萬世。自生民而未有集羣聖之大成。朕自冲齡。即勤向往。念。

皇考親承道統。既先聖後聖之同符。暨躬仰契心。傳知作君作師之一致。茲當嗣位之始。宜隆祀享之儀。特遣專官。虔申昭告。惟冀時和歲稔。物阜民安。淳風徧洽。平壤區文。治承光夫。前緒。尚其歆格。鑒此精誠。雍正元年春正月己酉成禮。冬十一月。恭奉。

聖祖仁皇帝配享

園丘禮成

遣禮部侍郎胡煦詣闕里祭告孔子曰仰惟先師德參兩大教洽羣倫紹千聖之心傳備百王之道法朕遙瞻闕里念切景行茲於雍正元年十一月二十五日恭奉

聖祖合天弘運文武睿哲恭儉寬裕孝敬誠信功德大成仁皇帝配享園丘禮成特遣專官虔申昭告惟冀永著皇風之沕穆益昭文治之光華庶鑒精誠尚其歆格二年春二月丁卯成禮是年夏四月

冊封孔子五代爲王

遣禮部尚書張伯行詣闕里祭告孔子曰道尊往聖宜錫類以推恩膜溯前徽乃緣情而制禮絲綸畢貢俎豆維新仰惟先師孔子撰合乾坤名高日月纂修刪定煥六籍之文明祖述憲章樹百王之儀範朕夙承

庭訓嚮往實深誕紹丕基欽崇彌切惟德全而業盛知積厚而流光爰命廷臣式稽譜系詒謀式穀洵篤慶於一門毓秀鍾靈宜上追於五世並躋祀典特晉王封體

皇考敬師之心弘先聖顯親之孝金聲玉振集今古之大成木本水源享蒸嘗之美報靈其不昧尙克來歆是月戊寅成禮翼日己卯行冊封禮祭告肇聖王裕聖王詒聖王昌聖王啓聖王曰欽崇至道爰思毓聖之基特創隆規用沛推恩之典馨香攸薦譜牒增輝惟王系本

商宗文分魯邑公族傳爲著姓溯盛德之淵源聖人功在羣倫綿斯文之統緒朕情殷仰止禮極褒崇晉五世之王封絲綸誕貴垂千秋之祀事廟貌常新顯親慰至聖之心錫類廣與朝之澤恩覃闕里報

式穀於前徹慶溢膠宮蔚光華於奕禩尙其歆格鑒此殊榮六月闕里孔子廟災

遣禮部右侍郎王景會詣闕里慰祭孔子曰仰惟先師道高千古業著

六經集聖學之大成樹人倫之標準朕紹承丕緒仰止師範溯譜系以追封入成均而釋奠不謂杏壇之地忽生回祿之災雖像位幸存而櫨楹俱燼具聞奏報實切兢惶豈成殿有時竟莫爭於定數恐尊崇未至祇難釋於中懷卽遣所司協同大吏飭工材而備豫占時日以經營將式煥夫宮牆期重新於丹雘辟雍伊邇已親詣以昭虔闕里云遙用專官而展祭慰安靈爽瞻望格歆秋七月癸丑成禮八年

秋八月重修闕里孔子廟裝塑聖像成

遣翰林編修開泰齊捧香帛

命督修之通政使雷保祭告孔子曰金聲玉振開宇宙之文明日角珠庭垂聖神之儀範肅數筵几聿薦靈瀕仰惟先師孔子學綜圖疇統承堯舜道超萬類輸河海泰嶽之崇深德服羣賢比江漢秋陽之皎潔溫良恭讓之度邦國共欽齊莊中正之容簡編備載新嘗廟貌虔製豆蓬竭誠敬之心思極尊嚴之規制乃者歲逢庚戌序屬仲秋上

溯周朝近當今日推之長歷卽尼山降誕之時下以良辰是闕里增輝之會用稽徽典適協貞符於戲棟宇恢宏已慶重霞之糾縷堂極端儼重瞻日月之光華神鑒孔昭茲芬歆享是月癸亥成禮冬十月又以新廟告成

遣皇五子詣闕里祭告孔子曰達天盡性樹萬世之師模重道尊經煥千秋之廟貌肅將嘉祀用告成功仰惟先師孔子得聖之時由天所縱纂修刪定啓宇宙之文明祖述憲章綜帝王之統緒升堂入室弘

施樂育之恩學禮誦詩永作義方之矩比高懸之日月亘古莫踰喻出類之鳳麟生民未有奉遺編而欽企儀典務極其推崇循舊址而鼎新經營必盡其誠敬頒夫國帑重以大臣每繪式以先呈乃按圖

而指授榱桷栝柏求大木於名山簞簠樽彝選良工於內府鼎彝黃瓦準制度於宸居瓊琤玉圭儼威容於聖座懸標題之巨榜灑翰親書建屹峙之豐碑摘文恭紀工程累歲時深嚴恪之心棟宇宏規益



儒藏



備觀瞻之美。華橫雕柱，增輝講道之壇。璽金鑲，重振大成之殿。數仞之宮牆逾峻，兩楹之俎豆虔陳。特遣皇五子親詣几筵，敬行告祭。於戲，卿雲紉纓，已開丹牖之祥。古柏貞堅，佇望青蒼之色。惟祈鑒格，式享茲馨。十二月乙巳成禮。同日又

遣多羅淳郡王弘曠祭告崇聖祠，不讀文，行三獻禮。十三年秋八月，今皇帝登極。

遣太常寺少卿納爾泰詣闕里祭告孔子曰：仰惟先師垂經立教，勸學明倫。天地金聲玉振，集千聖之大成。韶舞夏時，開百王之至治。我

皇考隆師重道，禮儀備極。夫尊崇予小子典學，研經誦法，恆深夫嚮往。茲屬膺圖之始，宜修展祀之儀。敬遣專官虔申昭告，惟道德文章之要，作君兼懋。夫作師念修齊平治之規，後聖實承夫先聖。仰祈昭鑒，啓牖文明，祇薦明禋，尚惟歆格。冬十二月庚辰成禮。乾隆二年夏四月恭奉

世宗憲皇帝配享

闕里禮成

遣左副都御史陳世倌詣闕里祭告孔子曰：仰惟先聖德合乾坤，光昭日月。樹百王之宏範，集千聖之大成。朕欽崇至道，嚮往維殷。茲於乾隆二年四月十六日恭奉

世宗敬天昌運建中表正文武英明寬仁信毅大孝至誠憲皇帝配享闕里禮成。特遣專官虔申昭告，惟冀丕煥文明之盛，永臻熙皞之風。鑒此精誠，庶其歆格。十四年春二月以討大金川平定

今皇后攝六宮事恭上

皇太后徽號

遣太僕寺卿阿爾泰詣闕里祭告孔子曰：惟先師垂經教孝，備武修文。立道綏和，合南北東西而思無不服。聖神美大，比高明博厚而德更難名。瞻萬仞之宮牆，特崇典禮。肅千年之俎豆，敬展明禋。茲以邊徼

救重中宮攝位

慈寧宮號慶洽神人，爰遣專官用申殷薦。仰惟歆格，永錫鴻禧。夏六月癸未成禮。十五年秋八月

皇后正位中宮恭上

皇太后徽號

遣鴻臚寺卿吳應枚詣闕里祭告孔子曰：惟先師垂經立教，勸學明倫。立道綏和，比堯舜而功為益遠。聖神美大，配天地而德更難名。瞻萬仞之宮牆，特崇典禮。肅千年之俎豆，敬展明禋。茲以正位中宮，鴻儀

懋舉

慈寧宮號慶洽神人，特遣專官用申殷薦。仰惟歆格，永錫鴻禧。冬十月壬申成禮。十六年春正月

皇上南巡經山東

遣通政使富森以是月丁卯致祭孔子曰：仰惟先師時中運世，先覺騰民。集羣聖之大成，等百王而未有。朕欽崇至道，仰止遺風。希聖之情，戰勞瘁。茲以觀風吳會，道出魯邦。仰數仞之宮牆，杏壇在望。瞻兩楹之俎豆，闕里非遙。特遣具官虔修祀事，庶幾靈鑒，尚克來歆。冬十一月恭奉

皇太后六旬聖壽恭上

徽號

遣鴻臚寺卿儲麟趾祭告孔子曰：惟先師垂經立教，勸學明倫。立道綏和，比堯舜而功為益遠。聖神美大，配天地而德更難名。峻萬仞之宮牆，肅千年之俎豆。茲以

慈寧萬壽懋舉鴻儀敬晉

徽稱，神人慶洽。爰申殷薦，特遣專官。冀鑒慈忱，永綏多福。明年春正月丙子成禮。二十二年春正月癸卯

皇上南巡道經山東



關里

遣協辦大學士戶部尚書蔣溥祭告孔子曰惟先師德備時中功參化育紹心源於往代祖述憲章傳道統於後人贊修刪定金聲玉振集羣聖之大成觀海登山爲生民所未有儀型萬古若日月之莫可踰秩祀千秋與乾坤而俱不朽朕言循東魯再蒞南邦釋奠而謁杏壇屈指甫週乎一載揚旌而瞻闕里抒誠用遣乎專官敬薦明禋式遵舊典宮牆遙望彌深仰止之情俎豆常新永啓右文之治神其鑒格庶克來歆是月丁巳成禮二十四年冬十一月西師克捷回部蕩平遣通政使圖爾泰詣闕里祭告孔子曰惟先師德備中和功參位育覆帡幪而仰止景行時切高山湖洙泗之淵源誦法有同觀海茲以西師克捷回部蕩平擴一統之車書絕徼遠傳夫凱奏肅千秋之俎豆明禋敬展乎杏壇特遣專官用將殷禮伏維昭鑒來格馨香十二月丙申成禮

述曰自東漢建武之歲訖今閱一千七百餘年祭告之典凡六十有九事而我

朝百有餘年實居二十六焉以

聖人而尊禮聖人蓋實有度越前古者然此六十九事中闕其文者二十有三佚其目者二十有一失其使臣姓氏者九并佚其官者又八則甚矣文獻之無徵也嗚呼求徵於前已不可及矣欲傳於後及今猶可爲也然則茲考之作又奚容緩諸

關里文獻考卷十七終

校記

①「兗」下當有「國」字。

關里文獻考卷十八

世爵職官第四

汾既敘祀典考備述我

朝襄崇先聖諸盛典及歷代尊禮之制矣。竊又念宗子世爵所以主祀事者也。支子及諸賢裔皆世官所以分承祀事者也。其同異姓百執事之駿奔在廟者則又罔非襄茲祀事者也。故繼祀典而詳考其建置之由因革之制。按孔氏世嫡自漢高帝過魯封九代孫騰爲奉祀君始創推恩之例而尚未有世爵。元帝卽位賜十三代孫霸爵關內侯號褒成君詔以所食邑祀孔子子孫世襲。於是始有世爵主祀者矣。平帝元始元年加封霸曾孫均爲褒成侯。東漢和帝永元四年改封均孫損爲褒亭侯。損孫漢魏文帝黃初二年封宗聖侯。晉武帝泰始三年改封羨子震爲奉聖亭侯。江左因之。後魏既并魯郡孝文帝延興三年以羨六代孫乘爲崇聖大夫。太和十九年封乘子靈珍爲崇聖侯。襲三世至長孫北齊文宣帝天保元年改封恭聖侯。周宣帝大象二年又晉爵鄒國公。隋煬帝大業四年封長孫子嗣哲爲紹聖侯。唐高祖武德九年封嗣哲子德倫爲襲聖侯。再襲至孫璵之元宗開元二十七年追謚孔子爲文宣王遂加封璵之爲文宣公。傳至四十六代孫宗愿凡襲封者十二世。宋仁宗至和二年以直集賢院祖無擇言不宜以祖之美謚加其後嗣乞別定封號於是詔改封宗愿爲衍聖公。子若蒙襲爵。哲宗元祐元年改封奉聖公。徽宗崇寧三年復改衍聖公。歷金元明以迄

二品文官下。後周太祖廣順二年賜五品服。宋元祐間改衍聖公爲奉聖公。遇郊祀大禮赴闕陪位在寺監長官之下別作一班。金熙宗皇統二年授衍聖公階文林郎章宗明昌二年特令視四品。晉階中議大夫。六年講定禮儀衍聖公陪位在寺監長官下。元太祖二十年給四品印。世祖時改五品。階奉訓大夫。仁宗延祐三年仍復中議大夫給四品印。泰定帝四年以山東廉訪使王鵬南言陞爲三品。階嘉議大夫。文宗至順三年少監歐陽元又言衍聖公爵最五等秩登三品而用四品銅印不稱因改給三品印。順帝至正八年朝議又以公爵與階不稱晉中奉大夫秩從二品改給二品銀印。明太祖洪武元年初授正二品資善大夫班亞丞相後革丞相令班列文臣之首。十七年又詔既爵公勿事散官給誥用織文玉軸同一品。景帝景泰三年改給三品銀印如正一品。賜玉帶織金麒麟袍。遂爲例。朝服公服常服皆同一品冠八梁帶珮與綬俱用玉笏用象牙。嘉宗天啓二年始晉公孤等銜。

國朝順治元年題准封爵一如前朝階正一品班列尚書上。二年改賜三臺銀印。十三年依例授光祿大夫。十六年又改給清漢文三臺銀印。乾隆十三年清篆文成更百官印章。十四年改給衍聖公清漢篆文一品三臺銀印。其祿漢關內侯食邑八百戶。襲成侯食邑二千戶。襲亭侯食邑千戶。魏宗聖侯食邑百戶。晉奉聖亭侯食邑二百戶。後魏崇聖大夫食邑五百戶。崇聖侯北齊恭聖侯周鄒國公隋紹聖侯唐襲聖侯文宣公皆食邑一百戶。宣宗大中元年歲給封戶絹百疋。宋金各有食邑又依品秩及兼職給祿。元成宗大德四年依四品官俸月給中統鈔二錠。仁宗延祐三年增給月俸至五百緡。明太祖洪武元年賜給祭田二千大頃供祭祀以其羨餘存爲廩祿不復更給。月俸衍聖公世子明神宗萬曆二十二年題准服麒麟袍犀帶。莊烈帝崇禎二年加玉帶。

國朝順治二年題准嫡長子至十五歲授二品冠服。衍聖公任子始於唐時。唐元和十三年。穆宗即位。恩詔予文宣公一子官。武宗會昌五年。大中元年。僖宗乾符二年。並以郊祀推恩。文宣公廕一子出身至

國朝有大慶典。衍聖公並蒙

錫廕。初公階正一品。而廕子則仍依正二品。康熙六十一年。始視正一品。大臣廕一子五品。官著爲例。衍聖公之屬有翰林院五經博士。太常寺博士。國子監學錄。學正。四氏學教授。學錄。至聖廟執事官。六品官。族長舉事典。籍司樂。屯田管勾。守衛林廟百戶。知印。掌書書寫。奏差伴官等員。

翰林院五經博士十五員。正八品。孔氏北宗一員。奉中庸書院祀。南宗一員。奉衢州孔子廟祀。先賢顏子曾子孟子閔子冉子伯牛冉子仲弓端木子仲子言子卜子顓孫子有子後裔各一員。奉諸賢祀。東野氏一員。奉元聖周公廟祀。考博士之設。仿於前明。景帝泰二年。命禮部召取顏孟子孫長而賢者各一人。至京師。官之。明年以顏希惠孟希文爲五經博士。此博士之所由始也。武宗正德五年。用衢州知府沈杰言。授孔彥繩五經博士。主衢州孔子廟祀事。於是南宗始有博士矣。二年五十八代孫三氏學錄公璜奏言。鄒縣城南。與隅古有子思書院。實子思子講道之所。孟母徙舍學官之旁。遺址也。前代設山長。類多孔氏子孫爲之。元季始廢。每遇歲時。朔望薦享。無聞乞依顏孟程朱恩典。擇孔氏次嫡之賢者。授以世職。帝允其請。而述聖又有博士矣。世宗嘉靖十二年。學士顧鼎臣奏稱。孝宗時。官顏孟子孫各奉祀事。可謂盛舉。而曾子之後。獨不沾一命之榮。亦古今缺典。乃詔求曾子後人。得曾質粹於江西。十八年。授爲五經博士。令遷山東之嘉祥縣。奉曾子廟祀。而宗聖裔又有博士矣。莊烈帝崇禎十六年。以六十五代衍聖公奏。詔授先賢仲子嫡裔仲子陞爲五經

博士。而仲氏又有博士矣。

國朝康熙二十三年

聖祖仁皇帝幸魯。周公七十三代孫東野沛然上言。顏曾孟仲得聖道之傳。皆有世襲博士以優其後。臣祖周公以元聖之德。制作經緯。固與孔子並列久矣。而今祠宇頽壞。拜謁寂寥。主祀僅以青衿祭田。不及百畝。不惟不能並尊於孔子。且不得比於顏曾孟仲。乞念傳道之功。稍加優隆。奏上。下禮部議。部臣以無故事具覆。

詔曰。周公承接道統。繼往開來。功德昭著。其子孫應否給與職銜。著九卿詹事科道會同確議具奏。九卿詹事科道等議曰。周公後裔古雖無給有官職者。恭遇我

皇上崇文重道之時。宜授官職。擬給祀田。修葺廟宇。以彰殊恩。曠典。於是以前東野沛然爲五經博士。三十九年又

詔置閔氏端木氏五經博士各一員。五十一年又

詔置言氏五經博士一員。五十九年又

詔置卜氏五經博士一員。雍正二年

世宗憲皇帝視學。諭禮部等衙門。議先賢先儒之後。當增置五經博士者。是臣以伯牛仲弓再求宰子。子張有若六人請。

上命廷臣再議。乃去宰子。冉求。而伯牛仲弓子張之裔皆以次授五經博士。惟有子之後。訪求嫡裔尚未得。右五經博士獨孔氏北宗以衍聖公次子承襲。餘皆以嫡長。無嫡長方以次子。無嫡子方以庶子。雍正三年。禮部侍郎王景曾奏。准嗣後應襲職者。十五歲以上。送禮部考試。乃准襲。不堪襲者。令回再肄業三年。然後襲職。此外先儒周程張朱邵韓之裔。亦皆置有五經博士。以非衍聖公所屬。故不載。太常寺博士一員。正七品。奉聖澤書院祀。未審建置之始。國朝順治元年。山東巡撫方大猷題准。依前明舊制。以衍聖公第三



儒藏



子承襲。

國子監學錄二員正八品乾隆元年改一奉尼山書院之祀一奉洙泗書院之祀。元順帝至元二年初設山長以異姓碩儒任後令衍聖公保舉族人之賢者為之明武宗正德二年改名學錄秩從九品。

國朝順治元年山東巡撫方大猷題准照舊舉用。

國子監學正一員正八品乾隆元年改奉儀封聖廟祀考唐天寶間文宣公避亂遷居寧陵者數世遂於其地建立聖廟後以子孫流寓寧陵者主其祀事會河圯遷居儀封明英宗正統九年詔即於儀封立廟世宗嘉靖十四年始置官以孔承實為學正秩正九品令世襲。

國朝順治八年學正員缺六十六代衍聖公奏准世襲如故。

孔顏曾孟四氏學教授一員正七品乾隆元年改掌訓課四氏生徒四氏學初名廟學宋真宗時楊光輔以講書轉奉禮郎猶未專設官也至哲宗元祐元年始置廟學教授一員於舉到文官內差或委本路監司

舉有義行者為之後又增入顏孟三氏子孫金章宗明昌元年勅於

四舉五舉終場進士出身人內選博學經史眾所推服者充秩正八

品元世祖因之改秩為九品仁宗延祐六年議准三氏子孫學官初

本不以常例拘之後來有司不體優待聖賢之意將聽除人一概注

授遂使學校廢弛已後注用人員必聽衍聖公遴選以為定制明太

祖洪武元年改名三氏子孫教授司秩從九品憲宗成化元年始頒

給印信稱三氏學神宗萬曆間增入曾氏又改名四氏學。

國朝康熙四十一年六十七代衍聖公奏准陞轉與各府衛教授同

雍正十二年七十代衍聖公廣榮題准本學生亦得一例揀選保用

乾隆二十六年覆准山東布政使崔應階條奏令衍聖公將揀選應

用人員移送撫臣驗看再送部具題并定為四氏學學錄陞階嗣後

缺出如孔氏見任學錄內有文行兼優已歷俸六年堪勝保送之員

准一體揀選陞補。

孔顏曾孟四氏學學錄一員正八品乾隆十三年改掌訓教授訓迪生徒而教公之胄子。宋元祐四年始置考當時尚有學正一員與學錄同以孔氏充而令教授自署金元間用異姓正錄秩皆九品明太祖洪武七年裁學正止設學錄一員秩未入流宣宗宣德元年定以聖裔任而令衍聖公保舉孔氏生員年德俱尊學問優長者咨部除授。

國朝順治元年巡撫方大猷題准照舊舉用。乾隆二十六年覆准山東布政使崔應階條奏於孔氏歲貢廩生捐貢及廩生內揀選照教授見例令衍聖公將揀選應用人員移送撫臣驗看再送部具題。

聖廟執事官四十員三品二員四品四員五品六員七品八員八品

十員九品十員凡祭祀掌分獻及爵帛香祝之執事雍正八年

世宗憲皇帝諭曰惟至聖先師孔子道冠百王功高萬世朕景仰企慕

寢寐弗諼備舉崇奉之儀用申報享之願查世襲官爵歷代俱有成

規而聖廟執事人向來未加爵秩所當廣置官僚以光祀典今欲特

設聖廟執事官三品者二員四品者四員五品者六員七品者八員

八品九品各十員各按品級給與章服每逢聖廟祭祀之時虔設冠

裳駿奔趨事凡此人員著衍聖公於孔氏子孫內選擇人品端方威

儀嫺雅者報部充補彙奏以聞每年各給俸祿銀二十兩其孔氏子

孫內有情願充補之人或曾經出仕而退休在籍者或身有職銜而

未曾出仕者以及貢監生童等皆可入選若屆鄉試之期有情願入

場者准以監生入場應試朕意如此著大學士等會同該部定議具

奏部議俸祿於山東藩庫支領所設各官內如有就選中式及丁憂

等項事故所遺之缺令衍聖公另行揀選擬補報部彙奏乾隆三年

七十代衍聖公廣榮請給封典得

旨依請而監察御史陶正靖上言曲阜之祀衍聖公主之與太學釋奠

不同準之古禮宜從公侯之制通議等階未免踰越又孔氏原有傳

士典籍管勾等官足供簞豆其品官宜姑仍舊貫遇有事故停止充



補經部議稱執事各官雖分品級止屬虛銜若照伊等品級得封於名器不甚允協但既經奏准給封應照本身實在職銜酌量分別給以應得封典其原無職銜之貢監生童等援照五經博士之例俱以八品給封至此等官原係

世宗憲皇帝特旨增設以明重道尊師之至意不便遽行停止嗣後缺出應令衍聖公會同山東學臣於孔氏族人內秉公揀選務必人品威儀堪膺駿奔之選者報部充補如有徇濫察出照例分別查議世襲六品官一員單分獻崇聖口田世職知縣改置考孔氏子孫之為曲阜縣令仿於唐懿宗咸通間四十四代孫續至後唐始以文宣公兼之宋真宗大中祥符元年改曲阜為仙源縣特令四十四代孫勛以太常博士知縣事仁宗皇祐三年詔兗州仙源縣自國朝以來世以孔氏子孫知縣事使奉承廟祀近歲廢而不行非所以尊先聖也今後宜復以孔氏子弟充選英宗治平元年京東提刑王綱乞慎長民之官詔勿以孔氏知仙源縣其襲封人如無親屬在鄉里令常任近便官不得遠去家廟徽宗崇寧三年勅文宣王之後常聽一人注仙源縣官令承傳尉無定職金熙宗皇統間仍改仙源為曲阜章宗承安二年勅衍聖公年及十七許兼曲阜令不得別行差占元仁宗延祐三年衍聖公兼曲阜事思誠以非嫡罷封爵專尹曲阜其子克欽孫希大皆世襲縣尹至明太祖洪武七年希大坐事罷職因改世襲為世職令衍聖公保舉族人之賢者送部選授領勅赴任宣宗宣德九年停止給勅英宗天順間世職知縣年滿考績准加銜仍管縣事世宗嘉靖四十五年改令衍聖公選舉二人送撫按考試題授穆宗隆慶四年監察御史趙可懷以舉用非人民受其殃奏請世職知縣止支俸給專管林廟縣務以兗州府清軍同知駐縣管理五年六十四代衍聖公奏旨林廟自有衍聖公主奉祀事又有管勾等官分理庶務世職知縣孔承厚當以冗員裁令致仕部議報可六年六月

神宗即位詔復祖宗成法萬歷元年山東巡撫傅希聖巡按吳從憲等因奏言曲阜世職知縣乃國家世報先師之盛意邇緣舉用非人盡行裁革直有因咽廢食之病須復世職知縣方不違祖宗舊制但收弊補偏必酌定畫一之法方可經久以後選授先行提學道將三氏學廩膳生員考取四人送院院覆考取二人送部部再考取一人注授住劄舊城專管縣事不許干涉林廟有能誠心愛民才守俱優者照依流官一體陞擢若貪酷不職者聽撫按參劾既不管林廟與公府原無干涉不得徑自參論其同知革管縣務仍駐新城專司巡捕部議曲阜世職知縣乃國家優崇先聖之典止當慎擇其人不當并棄其法其請復世職及考選之法應如議行至同知駐劄新城帶管巡捕揆之體統殊有滯礙應令仍舊回府專管清軍事得旨允行四年從巡撫李世達巡按麻永吉請同流官一體朝覲嘉宗天啓六年撫按等言世職以孔氏廩生考選不便陞遷請改於舉監內考選莊烈帝崇禎元年六十五代衍聖公又言世職用舉監不便仍照舊例於孔氏廩生內考選二年六十二代孫給事中聞詩奏准將部考選下之一人貢入國學著為例國朝順治元年山東巡撫方大猷題准照舊考選部議令衍聖公保舉題授雍正二年定議曲阜知縣缺出令衍聖公會同山東巡撫於孔氏合族中揀選才品優長堪任邑令者擬定正陪二人保送引見補授遇大計年分令衍聖公會同巡撫考核具題如有不職一例處分乾隆六年復議曲阜知縣缺出令衍聖公於孔氏合族中進士舉貢生員擇其讀書立品素為族黨推重者不拘人數咨送山東巡撫覆加考試聽該撫揀選正陪保送引見補授並令該撫與所屬州縣一體稽察二十一年署巡撫白鍾山奏曲阜知縣一缺向由衍聖公保舉每多瞻顧營私若其人懦弱即聽挾制若其人才幹則諸事阻撓如近日庇護廟佃等事其明徵也臣



請

皇上特頒諭旨將曲阜知縣一缺在外揀選調補不必拘用孔氏族人未始非玉成聖裔之一助奏上部議准行其見任知縣孔傳松令赴部以外省知縣另補奉

旨吏部議覆白鍾山所奏曲阜縣知縣改為題缺一本闕里為毓聖之鄉自唐宋以來率以聖裔領縣事夫大宗主宅既已爵列上公而知縣一官專以民事為職奉法令則以裁制傷恩厚族黨則以偏私廢事甚至因緣為奸簞簞不飭者有之且亦非古人易地而官之道我國家尊崇先聖遠邁前朝延恩後葉有加無已豈於此而有靳焉但與其循舊制而致瘼官有乖政體何如通變宜民俾吏舉其職民安其治於邑中黎庶孔氏族人均有裨益著照該部所議行其見任世職知縣既已謝事若歸部改銓不過恩及其身而止於朕心猶有未愜著加恩授為世襲六品官仍令揀選充補用副朕重道崇儒至意復經部議世襲六品官歲給俸銀及遇有缺出揀選題補悉照執事官之例其由進士舉人充補者應選之年按原班銓選由貢生生員充補者准一體鄉試

孔庭族長一員掌申明家範表率宗族凡子弟有不率不若者教治之宋徽宗崇寧二年詔文宣王家選親族一人判司簿尉事即以家長承襲此家長授官之始也後孔庭族長並授通功郎明太祖洪武元年以翰林檢閱官孔涇齒行俱尊特令還鄉里為孔氏族長面賜籐杖一枝令世守主領宗族事其後衍聖公擇年長行尊有德者為之無品秩也至我

朝至聖廟設執事官族長率兼執事官

林廟舉事一員掌提領監修林廟佐家長之事宋真宗天禧五年詔於夫子後選差朝官一人監督孔廟工役時道輔以知仙源縣事充元時由省臣擇孔氏中廉幹者一人委充提領監修官依族長授八

品冠帶明初改稱孔庭族舉提領林廟事俱由衍聖公選委無品秩今亦如族長兼聖廟執事官

司樂一員正七品掌樂章樂器而教肄樂生元仁宗延祐六年五十四代衍聖公思晦請置明因之

國朝順治元年巡撫方大猷題准照舊由衍聖公保舉堪用生員咨部銓用

奎文閣典籍一員正七品掌奎文閣書籍及禮生元武宗至大二年五十四代衍聖公思晦以賜書甚多請照國子監例設典籍一員掌之經中書議准歷明迄

國朝俱由衍聖公保舉堪用人員同司樂一例題補

屯田管勾一員正七品掌祀田錢穀之出入祭祀則供其牲牷案盛

治膳饌醴醢之屬置設除授同典籍其屬有屯官八員鉅野鄆城平

陽三屯各二員東阿獨山二屯各一員分掌五屯以供祀事初名屯

長由衍聖公揀選劄委後改屯官由衍聖公揀選各領部劄任事

守衛林廟百戶一員秩比衛守備掌林廟之戶籍供其洒掃戶役之

事主守禮器祭祀則司滌濯掌犧牲之宰割在漢魏即百石卒史之

職也漢桓帝元嘉三年魯相乙瑛嘗以孔子廟有禮器無人掌領請

置百石卒史一人掌之後世以其管轄洒掃百戶其官遂為百戶又

以職司巡徼有武備焉合典籍司樂管勾等三員為兵農禮樂四司

始用孔氏後以生員明孝宗弘治間始以洒掃戶才德兼優者充之

止由衍聖公委用不由部銓注

國朝康熙二十三年六十七代衍聖公奏准與司樂典籍管勾等官

一體咨部題授食衛守備俸

知印一員掌書一員書寫一員並正七品掌公府文書印信掌書設

自元成宗元貞二年知印書寫並明太祖洪武二年建皆由衍聖公

保舉堪用人員咨部題補



國朝順治元年巡撫方大猷題准照舊銓用。

奏差一員正七品掌衛衙聖公表箋章奏置設銓除同知印等官。

隨朝伴官六員正七品凡朝覲則隨從辦事明太祖洪武十七年設

選補如奏差等官初無常員遇朝覲輒除二人咨部給銜。

國朝乾隆十五年經部咨查始額定六員遇缺乃補。

述曰封建之制所以存王者後也昔武王下車而封先代之蔭故神

農氏之後封於焦黃帝氏之後封於蓊堯之後封於祝舜之後封於

陳夏之後封於杞殷之後封於宋降及漢唐興滅繼絕之典亦間有

行者然而遠者千餘年近者或數十百載神明之胄越在草莽至今

日而問古帝王遺封蓋鮮有存焉者矣孔子無尺寸之土而龍旂承

祀作賓王家宗廟之美百官之富迄於今不廢於戲至盛矣。

附考奉祀生司廟中奔走執事及先賢先儒祠墓之祭祀弘治十二

年六十一代代襲行聖公宏泰始揀選聖賢後裔俊秀者充補奉祀

生給以衣巾移提學註冊未定名額。

國朝雍正四年禮部侍郎巴泰條奏始有定額其見有之奉祀生部

議令衍聖公會同該撫學臣查明果係聖賢嫡裔地方實有祠宇報

部換給印照嗣後遇有設立之奉祀生關衍聖公者令會同該撫學

臣查核其人實係聖賢嫡裔地方實有祠宇各部給照方准奉祀時

查明聖賢後裔奉祀生孔氏一百六十五名顏子裔三十六名曾子

裔十八名孟子裔二十三名閔子裔十二名端木子裔十一名仲子

裔二十名冉子耕裔二名冉子雍裔三名季子裔一名林子裔二名

高子裔一名樊子裔一名曹子裔一名任子裔一名鄭子裔一名榮

子裔一名周子裔二名張子載裔一名張子斌裔一名薛子裔一名

胡子居仁裔一名周公裔東野氏十三名嗣於雍正八年增置南宮

子裔奉祀生一名榮子裔一名九年增置言子裔奉祀生二名陳子

亢裔卜子裔各一名十二年增置孔氏奉祀生一名曾子裔二名孟

子裔一名十三年增置孔氏奉祀生六名東野氏一名乾隆元年增

置冉子耕裔奉祀生四名鄭子裔萬子裔各一名二年增置高子裔

奉祀生二名東野氏三名三年增置孟子裔朱子裔奉祀生各二名

閔子裔言子裔卜子裔任子裔公孫子裔各一名冉子雍裔三名東

野氏六名四年增置孔氏奉祀生三名冉子雍裔二名司馬子裔薛

子裔各一名六年增置孟子裔奉祀生八名有子裔詹子裔樊子

裔各一名七年增置孟子裔奉祀生七名八年增置燕子裔奉祀生

一名九年增置東野氏奉祀生六名十年增置冉子耕裔奉祀生三

名東野氏二名十二年增置曾子裔奉祀生一名冉子耕裔言子裔

各三名十三年增置孟子裔奉祀生二名十五年又增置三名十七

年又增置二名又增置卜子裔奉祀生一名十八年增置曾子裔奉

祀生一名孟子裔二名十九年又增置二名又增置左邱子裔奉祀

生一名二十一年增置孟子裔奉祀生四名卜子裔東野氏各一名

二十三年增置孔氏奉祀生一名孟子裔二名二十四年又增置二

名二十五年增置東野氏奉祀生二名已上奉祀生新舊額共四百

三十六名。

述曰奉祀生之設始不過由衍聖公及地方大吏揀選充補給冠服

奉祠墓而已自改用部照遂有定員而當日彙冊之際尙漏張溫奉

祀一人張溫者四十三代文宣公之外祖當孔末造亂之時微張氏

則孔氏幾斷矣倘得白於部無廢舊典亦旌善酬恩之舉也。

關里文獻考卷十八終

闕里文獻考卷十九

禮第五之一

郊特牲曰禮之所尊尊其義也失其義陳其數祝史之事也故其數可陳也其義難知也荀卿亦曰不知其義謹守其數不敢損益父子相傳以持王公是官人百吏所以取祿秩也然則言禮而第求之器數之間抑亦未矣顧禮緣義起而情以文宣實本親用兩者相合而先王之禮制行焉則籩豆之事亦不得盡委諸有司之職也况意本同原而制隨世變因革增損代有不同故當其用之時典守者有其官行習者親其事其義或不及知而器數之末類能言之及時移世易數千百年以後往往義之難知者學士大夫或可稽典籍而得之而登降周旋之節儀章度數之繁蓋有沈湮漸滅而終不可復舉者禮之亡也器數先之此古人所為悼歎於無窮也闕里為秉禮之國聖澤雖微而儀章未泯王者資禮樂焉昔太史公作史記云適魯觀仲尼廟堂車服禮器諸生以時習禮其家漢高帝采古禮起朝儀亦嘗使叔孫通徵魯諸生為之今雖士不古若抱殘守闕習其儀而未盡通其意者蓋誠有之然往者伏睹我

皇十三年春時巡東土

駐駕廟庭周覽古物慨有更革禮器之意遂於

迴鑾之日

命工繪式製造而

郊

廟壇墀籩豆尊彝簠簋之制悉復古初禮失而求諸野則闕里亦後世徵文獻之所也乃舊志所載除封諡章服祀典樂章外雖有禮器樂器二圖不過略指其名義而已儀注未登象數多缺恐非所以布方策昭來許也今封諡祀典已另為一帙而於器數儀文復徵之往古驗之今時作為禮樂二考以俟愛素好古者採擇焉按禮之宜考者

一曰儀注二曰祭品三曰祭器儀注之目有八一曰四仲釋奠儀二曰月朔釋菜儀三曰歲時常祭儀四曰月望行香儀五曰告祭儀六曰祭中興祖儀七曰書院釋奠儀八曰春秋掃墓儀

皇帝釋奠及

遣告諸儀不常舉者則另見焉考釋奠之禮古有行於山川者有行於廟社者有行於學者周禮太祝大會同造於廟宜於社過大山川則用事焉反行舍奠旬祝舍奠於祖廟廟亦如之此行於山川廟社者也王制反釋奠於學及文王世子之所云釋奠皆行於學者也但山川廟社舉無常時故賈公彥曰非時而祭曰奠又曰奠之為言俛仰饌具而已鄭氏亦謂釋奠設薦饌酌奠無迎尸以下事若學之釋奠自始立學及訊餼外則舉有常期又其制有牲幣有合樂有獻酬必三者具而其禮斯備鄭氏以王制之釋奠為釋菜奠幣以文王世子之釋奠者必有合謂與鄰國合其說皆非也秦漢以降其制無聞至唐宋而釋奠之名遂專施於學其禮亦備舉焉今闕里釋奠用四仲上丁前期三日書寫官恭繕祝版陳衍聖公視事廳正中大成殿祝文曰維乾隆年月日幾十幾代孫襲封衍聖公某等敢致祭於至聖先師曰惟祖德配天地道冠古今刪述六經垂憲萬年茲惟仲夏謹以牲帛醴齊粢盛庶品式陳明薦配以復聖顏子宗聖曾子述聖三世祖亞聖孟子向饗崇聖祠祝文曰維乾隆年月日主祀裔孫襲封衍聖公某等敢致祭於肇聖王裕聖王詒聖王昌聖王啓聖王曰惟王誕生至聖為萬世王者師功德顯著茲惟仲夏謹以庶品之儀致祭配以先賢顏氏先賢曾氏先賢二世祖先賢孟孫氏向饗啓聖祠祝文曰維乾隆年月日主祀裔孫襲封衍聖公某等敢致祭於啓聖王曰茲遇仲夏式遵舊章用薦祀事向饗家廟祝文曰維乾隆年月日幾十幾代孫襲封衍聖公某等敢致祭於始祖考妣二世祖考妣三世祖考妣中興祖考妣曰茲遇仲夏式遵舊章用薦祀事向饗卓



午衍聖公具公服北向恭閱訖書寫官捧安亭內同香帛由快睹門送入廟恭安奎文閣下遂分署執事榜於廟庭大成殿至聖先師及四配位前衍聖公主恩履殿分獻官一員十二哲分獻官二員東西廡從祀先賢先儒分獻官六員監祭官二員太祝官一員太史官一員司香官五員司帛官五員司爵官五員司尊官一員糾儀官二員兩階領班官二員典儀官一員典樂官一員掌宰官一員司膳官一員司蠲官一員巡綽官二員崇聖祠攝獻官一員從祀分獻官二員監祭官一員糾儀官一員啓聖祠攝獻官一員寢殿分獻官一員監祭官一員糾儀官一員家廟攝獻官一員監祭官一員糾儀官一員后土祠主祭官一員崇聖祠攝獻官一員監祭官一員糾儀官一員以管勾典儀以典籍典樂以司樂司蠲巡綽皆以伴官其餘分獻及各執事皆以廟庭執事官及教職等又進奉祀生執事樂舞生及四氏學生而分其執事十二哲司香二人司帛二人司爵二人司尊二人兩廡司香六人司帛六人司爵六人司尊六人寢殿司香一人司帛一人司爵一人司尊一人崇聖祠太祝一人太史一人司香十一人司帛十一人司爵十一人司尊十一人啓聖祠太祝一人太史一人司香一人司帛一人司爵一人司尊一人啓聖寢殿司香一人司帛一人司爵一人司尊一人家廟太祝一人太史一人司香四人司帛四人司爵四人司尊一人后土祠司香一人司帛一人司爵一人司尊一人凡一百三十八人典籍召集禮生而分其執事大成殿鳴贊二人衍聖公引贊一人對引一人分獻各官引贊八人相禮十八人陳設八人寢殿鳴贊一人引贊一人對引一人相禮二人陳設一人崇聖祠鳴贊一人引贊三人對引一人相禮六人陳設一人啓聖祠鳴贊一人引贊一人對引一人相禮二人陳設一人啓聖寢殿鳴贊一人引贊一人對引一人相禮二人陳設一人家廟鳴贊一人引贊一人對引一人相禮二人陳設一人后土祠鳴贊一人引贊一人對引一人

人相禮二人陳設一人凡八十人司樂召集樂舞生而分其執事二八歌六八琴六八瑟四人笙六八洞簫六八笛六八鳳簫二八埙二八篴四人編鐘一人副一人編磬一人副一人楹鼓一人副一人足鼓一人副一人搏拊二人鼗鼓二人相鼓二人祝一人敔一人旌二人文舞三十六人領班二人鐘鼓六人引導樂十四人凡百二十人灑掃陳設守衛百戶供其戶丁庖丁廚役取辦於管勾分署執事既定凡官員學生及宗族人等無執事者皆陪祭乃戒誓設戒誓牌同文門下南向衍聖公率攝獻分獻官執事官生陪祭官生宗族人等具公服入快睹門揖至同文門前鳴贊唱排班班齊唱跪叩興衍聖公以下行一跪三叩禮興鳴贊唱讀戒詞鳴鐘鼓戒誓生恭捧戒牌西向讀曰欽遵

皇帝令典於某月某日丁某祇行釋奠禮於至聖先師孔子廟庭官員師生宗族執事人等自今日為始沐浴更衣散齋一日各宿別室不飲酒不茹葷不弔喪不問疾不聽音樂不理刑名致齊一日同宿齋所思神飲食思神居處思神笑語思神志意思神所樂思神所嗜各宜精白乃心益加敬謹戒之哉讀畢捧牌安原處鳴贊唱讀誓詞戒誓生恭捧誓牌西向讀曰

國有常憲明神鑒焉讀畢捧牌安原處鳴贊唱懸戒牌戒誓生捧牌恭懸同文門下鳴贊唱給齊牌凡與祭官生領齊牌訖鳴贊唱設誓牌戒誓生捧牌置案拜起引導樂作鳴鐘鼓設誓牌大中門下正中製日當祭之前期二日衍聖公致齊於齊宿所典籍集禮生於詩禮堂守衛百戶出禮器禮生滌濯之陳於堂上司樂集樂舞生於金絲堂出樂器樂舞生拂拭之陳於堂上行聖公率攝獻分獻及執事各官具公服恭詣觀禮聽樂祭前一日質明管勾官陳泰盛快睹門外陳犧牲仰高門外衍聖公率攝獻分獻及執事各官具公服迎泰盛歸神廚迎犧牲歸神庖引導皆用樂是日設至聖先師四配十二哲



虛位於奎文閣東廡三壇西廡三壇在同文門左右東西相向陳尊彝盥洗樂懸綴兆如祭儀寢殿虛位設奎文閣後崇聖祠虛位設同文門東家廟虛位在其後啓聖祠虛位設同文門西寢殿虛位在其後后土祠虛位設奎文閣後之左亦各陳尊俎如祭儀衍聖公具公服率攝獻分獻官及執事官生陪祭官生宗族人等就位習儀既畢少憩恭詣神庖省牲掌宰官取血骨率各壇陳設禮生捧毛血盤恭安各祭案上行聖公以下遂詣神廚視膳司膳官率各壇陳設禮生捧饌盤恭安各祭案左引導皆有樂是時乘盛既豐牲牷告備禮樂諸生咸集乃陳設大成殿至聖先師孔子位前獻爵三帛篚一香盒一毛血盤一饌盤一盞一釧二簋二籩十豆十牛一羊一豕一共俎犬尊一犧尊一象尊一山尊一雷尊一著尊三彝一罍一茅沙池一香鼎一燭臺四花瓶四香盤一香盒一福爵一胙盤一罍一洗一燔爐一四配位各獻爵三帛篚一香盒一毛血盤一饌盤一釧二簋二籩八豆八羊一豕一兩俎香鼎一燭臺二東哲六位各供爵一釧一簋一籩一簋四豆四共獻爵三帛篚一香盒一毛血盤一饌盤一羊一豕一兩俎壺尊一香鼎一燭臺二罍一洗一西哲同兩廡共五十六壇各供爵一簋一籩一簋四豆四香鼎一燭臺二分獻六處各獻爵三帛篚一香盒一毛血盤一饌盤一羊一豕一兩俎壺尊一香鼎一罍一洗一寢殿至聖先師孔子夫人位前獻爵三帛篚一香盒一毛血盤一饌盤一釧二簋二籩八豆八羊一豕一兩俎香鼎一燭臺二共壺尊一彝一罍一洗一崇聖祠肇聖王裕聖王詒聖王昌聖王啓聖王位前各獻爵三帛篚一香盒一毛血盤一饌盤一釧二簋二籩八豆八羊一豕一兩俎香鼎一燭臺二共壺尊一彝一罍一茅沙池一福爵一胙盤一罍一洗一燔爐一東配二位各獻爵三帛篚一香盒一釧一簋一籩一簋四豆四香鼎一共毛血盤一饌盤一羊一豕一兩俎燭臺二西配同從祀左右各一壇各獻爵三

帛篚一、香盒一、毛血盤一、饌盤一、簋一、簋一、籩四、豆四、羊三體、豕三體、兩俎、壺尊一、香鼎一、燭臺二、鬯一洗。啓聖祠啓聖王位前獻爵三帛篚一、香盒一、毛血盤一、饌盤一、釧二、簋二、簋二、籩八、豆八、羊一、豕一、兩俎、壺尊一、香鼎一、燭臺二、鬯一洗。家廟始祖考妣位前獻爵二、香盒一、毛血盤一、饌盤一、釧一、簋二、簋二、籩十、豆十、羊一、豕一、兩俎、香鼎一、燭臺二。世祖考妣位前各供爵二、獻爵三、帛篚一、香盒一、毛血盤一、饌盤一、釧二、簋二、簋二、籩八、豆八、羊一、豕一、兩俎、香鼎一、燭臺二。中興祖考妣位前供爵三、獻爵三、帛篚一、香盒一、毛血盤一、饌盤一、釧一、簋一、簋一、籩四、豆四、羊一、豕一、兩俎、香鼎一、燭臺二。四壇共壺尊一、福爵一、昨盤一、鬯一洗。后土祠獻爵三、帛篚一、香盒一、毛血盤一、饌盤一、簋一、簋一、籩四、豆四、豕首一、壺尊一、香鼎一、燭臺二、鬯一洗。右祭器之數凡供爵七十七、獻爵九十六、篚三十二、登一、釧四十九、簋一百有八、簋一百有八、籩四百三十六、豆四百三十六、饌盤三十、毛血盤三十、俎五十七、香鼎八十八、香盒三十三、香盤一、花瓶四、燭臺一百六十二、太尊一、犧尊一、象尊一、山尊一、雷尊一、著尊三、壺尊十六、彝三、罍三、茅沙池三、燔爐三、福爵四、昨盤四、鬯十七洗、十七巾、十七祭案七十八、祝案四、福昨案四。凡登銅簠簋籩豆皆陳於祭案。登在中、釧次之、簋在釧左、簋在釧右、籩又在簋之左、豆又在簋之右。大成殿香鼎、燭臺、花瓶、太尊、犧尊、象尊、山尊、雷尊、陳設如常。張曲柄黃蓋於殿門外兩楹間。祝案陳祭案西南。福昨案、陳祭案東南。牲俎、陳祭案前。三著尊共案在殿門外左西向。兩壺尊分案在殿東西兩牖外相向。燔爐設大成殿簷下正中。畢陳杏壇南香盤前有几茅沙池在几前。彝在東偏亦有几。



洗在東階下陸之南直東饋分獻東哲疊洗次之西哲疊洗在西階下直西饋洗有架轎有案獻爵帛簠陳焉兩廡各在其廡門外之左東廡北向西廡南向爵簠疊洗在其階下中和韶樂陳露臺上引導樂陳大成門外鼓鼓鑄鐘在杏壇上植庭燎夾兩階間衍聖公拜位在彝尊前寢殿分獻官東西哲分獻官兩廡分獻官各拜位次之陪祭官員族人拜位列兩階下監祭官立殿門內東西相向典儀典樂官立露臺上西向司膳掌宰官立露臺上東向糾儀官立兩班上東西相向鳴贊在露臺午階上西向崇聖啓聖兩祠大成啓聖兩寢及家廟堂上堂下設尊俎疊洗及攝獻分獻監祭糾儀各官之位亦略如大成殿之儀詩禮堂正中設祝案四皆南向東設署名案一西向鼓初嚴太祝官生恭捧祝版詣詩禮堂安案上鼓鼓三嚴衍聖公具朝服恭詣詩禮堂以次署名訖太祝官生恭捧分詣各壇安祝案上衍聖公以下皆序揖引贊贊請行禮導引衍聖公出詩禮堂入金聲門至拜位旁立鳴贊唱啓戶掃除凡殿上執事各官皆趨簷下不鳴贊行一跪三叩頭禮與各就位立樂舞生各執羽籥簫管拱立兩階下鳴贊唱樂舞生就位樂舞生夾兩階升各就位擊鼓鼓爲節鳴贊唱執事者各司其事陪祭官就位分獻官就位正獻官就位引贊引衍聖公就拜位北面立鳴贊唱瘞毛血掌宰官詣至聖先師位前一叩頭興恭捧毛血盤由殿中門出配位以下陳設生亦各詣位前一叩頭興恭捧毛血盤出瘞於瘞所鳴贊唱迎神祝史降詣杏壇前祿所取畢酌酒衍聖公跪受聖灌地奠行一叩頭禮興祝史出大成門外引導樂作入大成門杏壇鳴鐘鼓衍聖公以下皆退立階東西向跪迎候過復位引導樂止鳴贊唱參神廡生唱樂奏昭平之章樂作鳴贊唱跪叩興衍聖公以下行三跪九叩頭禮興樂闌鳴贊唱奠帛行初獻禮廡生唱樂奏宣平之章樂作有舞引贊贊詣盥洗所盥手相禮生進洗衍聖公盥手引贊贊進巾相禮生進巾衍聖

公拭手引贊贊洗爵捧爵官進爵衍聖公洗爵引贊贊進巾相禮生進巾衍聖公拭爵引贊贊詣酒尊所司尊者舉爵酌酒司尊官酌訖引贊贊詣始祖至聖先師神位前帛爵由殿中門入捧帛官立案前左捧爵官立案側左四配帛爵各在供案南北向神位立衍聖公由殿左門入立香案前引贊贊進香司香官跪進香引贊贊上香衍聖公受香恭執鑪內引贊贊跪叩興衍聖公行一叩頭禮興引贊贊進帛捧帛官跪進帛引贊贊奠帛衍聖公受帛恭奠案前正中引贊贊進爵司爵官跪進爵引贊贊獻爵衍聖公受爵恭獻案上正中站上就案左不贊行一叩頭禮興引贊贊詣讀祝位跪衍聖公跪鳴贊唱皆跪分獻官以下皆跪廡生偃麾樂止文舞生皆跪引贊贊讀祝太祝官詣祝案前跪三叩頭捧祝版恭讀畢捧祝版興恭安至聖先師位前簠內就案右三叩頭退文舞生與廡生舉麾樂作引贊贊叩興衍聖公行三叩頭禮興鳴贊唱叩興分獻官以下隨行三叩頭禮興引贊引衍聖公詣復聖顏子宗聖曾子述聖三世祖亞聖孟子各位前上香獻帛爵並如正位儀既讀祝後鳴贊唱行分獻禮引贊引寢殿分獻官詣寢殿行禮三獻既畢乃復原位餘引贊引東西哲兩廡分獻官各盥手洗爵升壇上香獻帛爵如前儀並俟衍聖公獻亞聖孟子時同分獻獻畢引贊贊復位衍聖公率分獻官至殿右門內兩廡分獻官各在其廡門內皆一揖出降階復位樂闌鳴贊唱行亞獻禮廡生唱樂奏秋平之章樂作有舞引贊贊詣盥洗所洗爵相禮生進洗捧爵官進爵衍聖公洗爵引贊贊進巾相禮生進巾衍聖公拭爵引贊贊詣酒尊所司尊者舉爵酌酒司尊官酌訖引贊贊詣始祖至聖先師神位前跪叩興衍聖公行一叩頭禮興引贊贊進爵捧爵官跪進爵引贊贊獻爵衍聖公受爵恭奠案左站上就案左不贊行一叩頭禮興引贊引衍聖公詣復聖顏子宗聖曾子述聖三世祖亞聖孟子各位前獻爵如正位儀既獻正位鳴贊唱行分獻禮引贊贊



引分獻官各洗爵登獻如初獻儀獻畢引贊贊復位衍聖公率分獻官揖出復位樂闋鳴贊唱行終獻禮慶生唱樂奏終平之章樂作有舞引贊引衍聖公及分獻官洗爵登獻如亞獻儀爵奠案右玷上獻畢復位樂闋旌生引舞生退立樂闋外鳴贊唱飲福受胙引贊引衍聖公升殿贊詣福胙位跪衍聖公跪鳴贊唱皆跪分獻官以下皆跪時寢殿分獻官已歸班行禮引贊贊飲福太祝官跪授福爵衍聖公受爵三飲以虛爵授太祝官太祝官受與復於玷引贊贊受福胙陳設生跪授胙衍聖公受胙仍授陳設生陳設生受與捧出俟禮畢歸肸引贊贊叩興衍聖公行三叩頭禮興鳴贊唱叩興分獻官以下隨行三叩頭禮興引贊贊復位衍聖公揖出復位鳴贊唱跪叩興衍聖公以下行三跪九叩頭禮興鳴贊唱徹饌慶生唱樂奏終平之章樂作司膳官詣至聖先師位前一叩頭興恭捧饌盤由殿中門出配位以下陳設生亦各詣位前一叩頭興恭捧饌盤出瘞於瘞所鳴贊唱送神慶生唱樂奏德平之章樂作鳴贊唱跪叩興衍聖公以下行三跪九叩頭禮興樂闋大成殿簷下引導樂作由中階降杏壇鳴鐘鼓衍聖公以下退立階西東向跪送候出大成門復位鳴贊唱讀祝者捧祝進帛者捧帛恭詣燎位樂疊奏德平之章慶生不唱樂作太祝官捧帛官及捧帛生各詣案前三叩頭興捧祝帛並由殿中門出恭送詣燎所引贊贊詣望燎位引衍聖公率分獻官詣望燎位引贊贊望燎祝帛焚畢引贊贊復位衍聖公率分獻官復位樂闋鳴贊唱禮畢杏壇鳴鐘衍聖公以下皆退樂舞生捲班仍應杏壇鼓節禮生樂生合列杏壇前行一跪三叩頭禮退且日乃頒昨散福寢殿儀引贊引分獻官至拜位前北向立鳴贊唱啓戶掃除瘞毛血陳設生詣神案前一叩頭興捧毛血盤由殿中門出瘞於瘞所鳴贊唱迎神跪叩興分獻官行二跪六叩頭禮興鳴贊唱奠帛行初獻禮引贊贊詣盥洗所盥洗手相禮生進洗分獻官盥手引贊贊進巾相禮生進巾分獻

官拭手引贊贊洗爵捧爵生進爵分獻官洗爵引贊贊進巾相禮生進巾分獻官拭爵引贊贊詣酒尊所司尊者舉樽酌酒司尊生酌訖引贊贊詣始祖妣夫人神位前跪叩興分獻官行一叩頭禮興引贊贊進爵捧爵生跪進爵引贊贊獻爵分獻官受爵恭奠案前正中引贊贊進爵捧爵生跪進爵引贊贊奠帛分獻官肸引贊贊恭獻案上正中玷上就案左不贊行一叩頭禮興引贊贊復位分獻官至殿右門向上揖出復位鳴贊唱行亞獻禮引贊贊詣盥洗所洗爵相禮生進洗捧爵生進爵分獻官洗爵引贊贊進巾相禮生進巾分獻官拭爵引贊贊詣酒尊所司尊者舉樽酌酒司尊生酌訖引贊贊詣始祖妣夫人神位前跪叩興分獻官行一叩頭禮興引贊贊進爵捧爵生跪進爵引贊贊獻爵分獻官受爵恭奠案左玷上就案左不贊行一叩頭禮興引贊贊復位分獻官揖出復位鳴贊唱行終獻禮引贊引分獻官洗爵登獻如亞獻儀爵奠案右玷上三獻畢鳴贊唱徹饌陳設生詣案前一叩頭興恭捧饌盤由殿中門出瘞於瘞所鳴贊唱送神跪叩興分獻官行二跪六叩頭禮興鳴贊唱禮畢引贊贊復位分獻官復大成殿前原位隨班行禮俟大成殿焚帛時司帛生詣位前一叩頭興恭捧帛由殿中門出隨詣燎位分獻官隨衍聖公後詣燎所望燎崇聖祠儀大成殿釋奠時攝獻官同分獻官恭詣崇聖祠拜位前立鳴贊唱啓戶掃除分獻官就位攝獻官就位攝獻分獻官各就位立鳴贊唱瘞毛血各陳設生詣各神案前一叩頭興捧毛血盤由殿中門出瘞於瘞所鳴贊唱迎神祝史降階詣神所取爵酌酒攝獻官跪受畢灌地奠畢行一叩頭禮興鳴贊唱參神跪叩興攝獻官等行二跪六叩頭禮興鳴贊唱奠帛行初獻禮引贊贊詣盥洗所盥洗手相禮生進洗攝獻官盥手引贊贊進巾相禮生



進巾攝獻官拭手。引贊贊洗爵。捧爵生進爵。攝獻官洗爵。引贊贊進巾。相禮生進巾。攝獻官拭爵。引贊贊詣酒尊所。司尊者舉爵酌酒。司尊者酌訖。引贊贊詣聖王神位前。帛爵由殿中門入。捧帛生立各案前。左捧爵生立。各案側左。攝獻官由殿左門入。立香案前。引贊贊進香。司香生跪進香。引贊贊上香。攝獻官受香。恭焚爐內。引贊贊跪叩。興。攝獻官行一叩頭禮。興。引贊贊進帛。捧帛生跪進帛。引贊贊奠帛。攝獻官受帛。恭奠案前正中。引贊贊進爵。捧爵生跪進爵。引贊贊獻爵。攝獻官受爵。恭奠案上正中。就案左。不贊行一叩頭禮。興。引贊引攝獻官詣聖王神位前。次詣詣聖王昌聖王啓聖王各神位前。上香。奠帛爵。如聖王儀。引贊贊詣讀祝位跪。攝獻官跪。鳴贊唱皆跪。分獻官皆跪。引贊贊讀祝。太祝生詣祝案前跪。三叩頭。捧祝版。恭讀畢。捧祝版。興。恭安正位。簾內三叩頭。退。引贊贊叩。興。攝獻官行三叩頭禮。興。鳴贊唱叩。興。分獻官隨行三叩頭禮。興。引贊引攝獻官詣先賢顏氏先賢曾氏先賢二世祖先賢孟孫氏各位前。並上香。奠帛爵。如前儀。既讀祝後。鳴贊唱行分獻禮。引贊引左右從祀分獻官盥手。洗爵。升殿。上香。奠帛爵。如攝獻官儀。並俟攝獻官獻先賢孟孫氏時。同分獻獻畢。引贊贊復位。攝獻官分獻官至殿右門揖出。降階復位。鳴贊唱行亞獻禮。引贊贊詣盥洗所洗爵。相禮生進洗。捧爵生進爵。攝獻官洗爵。引贊贊進巾。相禮生進巾。攝獻官拭爵。引贊贊詣酒尊所。司尊者舉爵酌酒。司尊者酌訖。引贊贊詣聖王神位前。跪叩。興。攝獻官行一叩頭禮。興。引贊贊進爵。捧爵生跪進爵。引贊贊獻爵。攝獻官受爵。恭奠案左。就案左。不贊行一叩頭禮。興。引贊贊詣聖王神位前。次詣詣聖王昌聖王啓聖王及先賢顏氏先賢曾氏先賢二世祖先賢孟孫氏各位前。並獻爵。如聖王儀。王位前儀。獻五王畢。鳴贊唱行分獻禮。引贊引左右從祀分獻官洗爵。登獻。如前儀。獻畢。揖出復位。鳴贊唱行終獻禮。引贊引攝獻官分獻官洗爵。登

獻。如亞獻儀。爵奠案右。站三。獻畢。鳴贊唱飲福受胙。引贊引攝獻官升殿。贊詣福胙位跪。攝獻官跪。鳴贊唱皆跪。分獻官皆跪。引贊贊飲福酒。太祝生跪授福爵。攝獻官受爵。三飲。以虛爵授太祝生。太祝生受。興。復於站。引贊贊受福胙。陳設生跪授胙。攝獻官受胙。仍授陳設生。陳設生受。興。捧出俟禮畢。歸胙。引贊贊叩。興。攝獻官行三叩頭禮。興。鳴贊唱叩。興。分獻官隨行三叩頭禮。興。引贊贊復位。攝獻官指出復位。鳴贊唱跪叩。興。攝獻官等行三叩頭禮。興。引贊贊復位。陳設生詣各案前。一叩頭。興。恭捧饌盤。由殿中門出。瘞於瘞所。鳴贊唱送神。跪叩。興。攝獻官行二跪六叩頭禮。興。鳴贊唱讀祝。捧祝帛者捧帛。恭詣瘞位。太祝生捧帛。生各詣案前。三叩頭。興。捧祝帛。由殿中門出。恭送詣瘞所。引贊贊詣望燎位。攝獻官分獻官詣望燎位。引贊贊望燎。祝帛焚畢。引贊贊復位。攝獻官等復位。鳴贊唱禮畢。攝獻官等皆退。啓聖祠儀。大成殿釋奠時。攝獻官同分獻官恭詣啓聖祠拜位前立。鳴贊唱啓聖祠掃除。分獻官就位。攝獻官就位。攝獻官各就位立。鳴贊唱瘞毛血。陳設生詣神案前。一叩頭。興。捧毛血盤。由殿中門出。瘞於瘞所。鳴贊唱迎神。祝史降階。詣神所取畢酌酒。攝獻官跪受。畢。灌地。奠畢。行一叩頭禮。興。鳴贊唱參神跪叩。興。攝獻官等行二跪六叩頭禮。興。鳴贊唱奠帛。行初獻禮。引贊贊詣盥洗所盥手。相禮生進洗。攝獻官盥手。引贊贊進巾。相禮生進巾。攝獻官拭手。引贊贊洗爵。捧爵生進爵。攝獻官洗爵。引贊贊進巾。相禮生進巾。攝獻官拭爵。引贊贊詣酒尊所。司尊者舉爵酌酒。司尊者酌訖。引贊贊詣聖王神位前。帛爵由殿中門入。捧帛生立案前。左捧爵生立案。側左。攝獻官由殿左門入。立香案前。引贊贊進香。司香生跪進香。引贊贊上香。攝獻官受香。恭焚爐內。引贊贊跪叩。興。攝獻官行一叩頭禮。興。引贊贊進帛。捧帛生跪進帛。引贊贊奠帛。攝獻官受帛。恭奠案前正中。引贊贊進爵。捧爵生跪進爵。引贊贊獻爵。攝獻官受爵。恭奠

案上正中站。就上就案左。不贊行。一叩頭。禮興。引贊贊詣讀祝位。跪。攝  
獻官跪。鳴贊唱。跪。分獻官跪。引贊贊詣讀祝。太祝生詣祝案前。跪。三叩  
頭。捧祝版。恭讀畢。捧祝版。興。恭安。罷。內三叩頭。退。引贊贊叩興。攝獻  
官行三叩頭。禮興。鳴贊唱。叩興。分獻官隨行三叩頭。禮興。鳴贊唱。行  
分獻禮。引贊引分獻官詣寢殿。行禮。引贊贊復位。攝獻官至殿右門  
指出復位。鳴贊唱。行亞獻禮。引贊贊詣盥洗所。洗爵。相禮生進。洗。捧  
爵生進。爵。攝獻官洗爵。引贊贊進中。相禮生進。巾。攝獻官拭爵。引贊  
贊詣酒尊所。司尊者舉。舉酌酒。司尊者酌訖。引贊贊詣啓聖王神位  
前。跪。叩興。攝獻官行一叩頭。禮興。引贊贊進爵。捧爵生跪進爵。引贊  
贊獻爵。攝獻官受爵。恭奠案左。站上。就案左。不贊行。一叩頭。禮興。引  
贊贊復位。攝獻官指出復位。鳴贊唱。行終獻禮。引贊引攝獻官洗爵。  
登獻如亞獻儀。爵。奠案右。站上。三獻畢。鳴贊唱。飲福。受酢。引贊引攝  
獻官升殿。贊詣福酢位。跪。攝獻官跪。引贊贊飲福酒。太祝生跪。授福  
爵。攝獻官受爵。三飲。以虛爵授太祝生。太祝生受。興。復於站。引贊贊  
受福酢。陳設生跪。授酢。攝獻官受酢。仍授陳設生。陳設生受。興。捧出  
俛禮畢。歸酢。引贊贊叩興。攝獻官行三叩頭。禮興。引贊贊復位。攝獻  
官指出復位。鳴贊唱。叩興。攝獻官行二跪六叩頭。禮興。鳴贊唱。徹  
饌。陳設生詣案前。一叩頭。興。恭捧饌盤。由殿中門出。瘞於瘞所。鳴贊  
唱。送神。跪。叩興。攝獻官行二跪六叩頭。禮興。鳴贊唱。讀祝。捧祝進  
帛者。捧帛。恭詣燎位。太祝生捧帛。生各詣案前。三叩頭。興。捧祝。帛由  
殿中門出。恭送詣燎所。引贊贊詣望燎位。攝獻官詣望燎位。引贊贊  
望燎。祝帛焚畢。引贊贊復位。攝獻官復位。鳴贊唱。禮畢。乃退。啓聖寢  
殿。儀引贊引分獻官至拜位前。北向立。鳴贊唱。啓戶。掃除瘞毛血。陳  
設生詣神案前。一叩頭。興。捧毛血盤。由殿中門出。瘞於瘞所。鳴贊唱  
迎神。跪。叩興。分獻官行二跪六叩頭。禮興。鳴贊唱。奠帛。行初獻禮。引  
贊贊詣盥洗所。盥手。相禮生進。洗。分獻官盥手。引贊贊進中。相禮生

進中。分獻官拭手。引贊贊洗爵。捧爵生進爵。分獻官洗爵。引贊贊進  
巾。相禮生進巾。分獻官拭爵。引贊贊詣酒尊所。司尊者舉。舉酌酒。司  
尊者酌訖。引贊贊詣啓聖王夫人神位前。帛爵。由殿中門入。捧帛生  
立案前。左。捧爵生立案前。左。分獻官由殿左門入。引贊贊進香。司香  
生跪進香。引贊贊上香。分獻官受香。恭熱。爐內。引贊贊跪。叩興。分獻  
官行一叩頭。禮興。引贊贊進帛。捧帛生跪進帛。引贊贊奠帛。分獻官  
受帛。恭奠案前。正中。引贊贊進爵。捧爵生跪進爵。引贊贊獻爵。分獻  
官受爵。恭奠案上。正中。站上。就案左。不贊行。一叩頭。禮興。引贊贊復  
位。分獻官至殿右門。指出復位。鳴贊唱。行亞獻禮。引贊贊詣盥洗所  
洗爵。相禮生進。洗。捧爵生進。分獻官洗爵。引贊贊進中。相禮生進  
巾。分獻官拭爵。引贊贊詣酒尊所。司尊者舉。舉酌酒。司尊者酌訖。引  
贊贊詣啓聖王夫人神位前。跪。叩興。分獻官行一叩頭。禮興。引贊贊  
進爵。捧爵生跪進爵。引贊贊獻爵。分獻官受爵。恭奠案左。站上。就案  
左。不贊行。一叩頭。禮興。引贊贊復位。分獻官指出復位。鳴贊唱。行終  
獻禮。引贊引分獻官洗爵。登獻如亞獻儀。爵。奠案右。站上。三獻畢。鳴  
贊唱。徹饌。陳設生詣案前。一叩頭。興。恭捧饌盤。由殿中門出。瘞於瘞  
所。鳴贊唱。送神。跪。叩興。分獻官行二跪六叩頭。禮興。鳴贊唱。進帛者  
捧帛。恭詣燎所。捧帛生詣案前。一叩頭。興。捧帛。由殿中門出。恭送詣  
燎所。引贊贊詣望燎位。分獻官詣望燎位。引贊贊望燎。帛。焚畢。引贊  
贊復位。分獻官復位。鳴贊唱。禮畢。乃退。舊儀。禮畢。當殿三獻後。分  
獻官仍歸原班。隨行禮。如大成寢殿。分獻官儀。今既遷四配。及從祀  
神主於崇聖祠前。殿禮簡。早畢。寢殿分獻官。不復歸原班。家廟儀。大  
成殿。釋奠時。攝獻官恭詣家廟。拜位前。立。鳴贊唱。啓戶。掃除瘞毛血。  
陳設生詣各神案前。一叩頭。興。捧毛血盤。由祠堂中門出。瘞於瘞所。  
引贊贊升壇。攝獻官升階。引贊贊詣始祖考妣神位前。攝獻官由祠  
堂左門入。立香案前。引贊贊跪。攝獻官跪。引贊贊啓。橫出主。陳設生





儒藏

啓壇出主。引贊贊進香。司香生跪進香。引贊贊上香。攝獻官受香。恭  
 熱鑪內。引贊贊叩興。攝獻官行一叩頭。禮畢。引贊引攝獻官以次詣  
 二世祖考妣。三世祖考妣。中興祖考妣。各神位前。並啓壇上香。如始  
 祖考妣位前儀。引贊贊復位。攝獻官至祠堂右門。揖出復位。鳴贊唱  
 迎神。跪叩興。攝獻官行三跪九叩。頭禮畢。鳴贊贊唱。贊贊進香。引  
 贊贊詣盥洗所。盥洗手。相禮生進香。攝獻官盥洗手。引贊贊進香。相禮生  
 進香。攝獻官拭手。引贊贊進香。攝獻官進香。攝獻官進香。攝獻官進香。  
 巾。相禮生進香。攝獻官拭手。引贊贊進香。攝獻官進香。攝獻官進香。  
 尊生酌訖。引贊贊詣始祖考妣神位前。帛爵由祠堂中門入。捧帛生  
 捧爵生。以次立案前左攝獻官。由祠堂左門入。立香案前。引贊贊跪  
 攝獻官跪。引贊贊進香。捧帛生跪。攝獻官受帛。拱  
 舉授捧帛生。捧帛生受。與恭奠案前正中。引贊贊進香。捧帛生跪進  
 爵。引贊贊獻爵。攝獻官受爵。拱舉授捧爵生。捧爵生受。與恭奠案上  
 正中站。上。引贊贊叩興。攝獻官行一叩頭。禮畢。引贊引攝獻官以次  
 詣二世祖考妣。三世祖考妣。中興祖考妣。各神位前。並奠帛爵。如正  
 位儀。獻畢。引贊贊詣讀祝位。跪。攝獻官跪。引贊贊讀祝。太祝生詣祝  
 案前跪。三叩頭。捧祝版。恭讀。祝版與恭奠案前正中。引贊贊跪。攝  
 引贊贊叩興。攝獻官行三叩頭。禮畢。引贊贊復位。攝獻官揖出復位。  
 鳴贊唱。行亞獻禮。引贊贊詣盥洗所。盥洗手。相禮生進香。攝獻官盥  
 攝獻官洗爵。引贊贊進香。相禮生進香。攝獻官進香。攝獻官進香。攝獻官進香。  
 所。司尊者舉爵酌酒。司尊生酌訖。引贊贊詣始祖考妣神位前。跪。攝  
 獻官跪。引贊贊進香。捧帛生跪進香。攝獻官受帛。拱舉授捧帛生。捧  
 爵生受。與恭奠案左站。上。引贊贊叩興。攝獻官行一叩頭。禮畢。引贊  
 引攝獻官以次詣二世祖考妣。三世祖考妣。中興祖考妣。各神位前。  
 並獻爵。如正位儀。獻畢。引贊贊復位。攝獻官揖出復位。鳴贊唱。行終  
 獻禮。引贊引攝獻官洗爵。登獻如亞獻儀。爵奠案右站。上。三獻畢。鳴

贊唱飲福受胙。引贊引攝獻官升階。贊詣福胙位。跪。攝獻官跪。引贊  
 贊飲福酒。太祝生跪授福胙。攝獻官受胙。三飲。以虛爵授太祝生。太  
 祝生受。與復於站。引贊贊受福胙。陳設生跪授胙。攝獻官受胙。仍授  
 陳設生。陳設生受。與捧出俎。歸昨。引贊贊叩興。攝獻官行三叩  
 頭。禮畢。引贊贊復位。攝獻官揖出復位。鳴贊贊唱。贊贊進香。引  
 九叩頭。禮畢。鳴贊贊唱。徹饌。陳設生詣案前。一叩頭。興。恭捧饌盤。由祠  
 堂中門出。座於座所。鳴贊贊唱。送神。跪叩興。攝獻官行三跪九叩頭。禮  
 興。鳴贊贊讀祝。捧祝進香。捧帛生捧帛。詣始祖考妣神位前。跪。攝  
 案前。三叩頭。興。捧祝帛。由祠堂中門出。恭送詣燎所。引贊贊詣望燎  
 位。攝獻官詣望燎位。引贊贊望燎。祝帛焚畢。引贊贊復位。攝獻官復  
 位。引贊引攝獻官升階。贊詣始祖考妣神位前。跪。攝獻官跪。引贊贊  
 奉主入櫝。陳設生捧主入櫝。引贊贊叩興。攝獻官行一叩頭。禮畢。引  
 贊引攝獻官以次詣二世祖考妣。三世祖考妣。中興祖考妣。各神位  
 前。藏主如始祖考妣位前。藏主畢。引贊贊復位。攝獻官揖出復位。  
 鳴贊唱。禮畢。乃退。后土祠同釋奠。日行禮。其儀三獻前後各行一跪  
 三叩頭。禮考釋菜之禮。朱子曰。猶贊也。婦見舅姑。其贊果脯脩。若  
 廟見。則釋菜。弟子見師。其贊束脩。若禮於先師。則釋菜。其禮比釋菜  
 爲最簡。不酌。也不列饌。不作樂。不授器。又按五禮新儀。釋菜每位左  
 一簋。實鹿脯。右一豆。實芹。荀。菁。韭。之。道。犧尊一。以實汎齊。今關里釋  
 菜。以每月朔。每增陳二簋二豆。實以果。道設尊。爵。盥洗。如釋奠儀。是  
 日。質明。行聖公率官員族人詣廟。行禮。大成殿及家廟。衍聖公主獻  
 行一獻。三跪九叩頭。禮畢。崇聖祠。啓聖祠。大成啓聖兩寢殿。及兩哲兩  
 廡。崇聖祠。從祀分獻。攝獻行事。崇聖啓聖兩祠。皆一獻。行二跪六叩  
 頭。禮歲時常祭之禮。其舉有七。元旦。一上元。一端午。一中秋。一重  
 陽。一冬至。一歲除。其儀設饌。豆。爵。洗。如釋菜儀。家廟。衍聖公主祭。不  
 灌。匱。不奠。帛。讀祝。上香。三獻。陳饌。徹饌。迎神。送神。行三跪九叩頭。禮

崇聖祠攝獻從祀分獻儀並上香三獻迎送神行二跪六叩頭禮月  
望行齊儀每月望日行聖公率官員族人詣大成殿家廟行三跪九  
叩頭禮崇聖祠啓聖祠行二跪六叩頭禮凡行聖公家有舉則奉祝  
文告於家廟其儀如歲時常祭之儀五月二十九日爲中興祖誕辰  
預設祭案牲俎於詩禮堂壹尊一在東楹疊洗在階下東南直東榮  
設燎鑪於西階下行聖公拜位在中階上陪祭官員族人各按昭穆  
品級之次祭用銅一簋一簋一簋四豆四豆是日贊明行聖公率官員  
族人詣家廟拜位前立鳴贊唱排班班齊唱跪叩興行聖公以下行  
一跪三叩頭禮興引贊贊升壇引行聖公升壇引贊贊詣始祖考妣  
神位前跪行聖公跪鳴贊唱皆跪陪祭官員族人皆跪引贊贊進香  
上香叩興行聖公上香行一叩頭禮興鳴贊唱叩興官員族人皆隨  
行一叩頭禮興引贊贊詣二世祖考妣三世祖考妣神位前並上香  
如正位儀官員族人皆隨行禮引贊贊詣中興祖考妣神位前跪行  
聖公跪鳴贊唱皆跪陪祭官員族人皆跪引贊贊啓櫺出主叩興行  
聖公行一叩頭禮興鳴贊唱叩興皆行一叩頭禮興引贊贊請主執  
事者奉三主出由中階降恭安詩禮堂行聖公由東階降率官員族  
人出東旁門詣詩禮堂引贊引行聖公就拜位前立鳴贊唱執事者  
各司其事排班班齊座毛血迎神跪叩興行聖公以下行二跪六叩  
頭禮興鳴贊唱奠帛行初獻禮引贊贊升壇詣盥洗所盥手進巾洗  
爵進巾詣酒尊所司尊者舉爵酌酒詣神位前跪叩興行聖公行一  
叩頭禮興鳴贊唱皆跪叩興官員族人皆隨行一叩頭禮興引贊贊  
進帛捧帛者跪進帛贊獻帛行聖公獻帛贊進爵捧爵者跪進爵贊  
獻爵行聖公獻爵不贊行一叩頭禮興引贊贊詣讀祝位跪行聖公  
跪鳴贊唱皆跪官員族人皆跪引贊贊讀祝太祝生至祝案前跪三  
叩頭捧祝文讀曰維年月日幾十幾代孫襲封行聖公某等敢致祭  
於中興祖文宣公神位前曰惟祖溯厥初生適逢家難似續一綫天

祐克延明德惟馨繁衍後裔子孫永保弗替引之茲遇誕辰謹以牲  
帛醴齊黍盛庶品式陳明薦尚饗讀畢興安龕內三叩頭退引贊贊  
叩興行聖公行三叩頭禮興鳴贊唱叩興官員族人皆行三叩頭禮  
興引贊贊復位行聖公復位鳴贊唱行亞獻禮行終獻禮皆如初獻  
儀三獻畢鳴贊唱飲福受胙引贊贊升壇詣福胙位跪行聖公跪鳴  
贊唱皆跪官員族人皆跪引贊贊飲福酒受福胙叩興行聖公飲酒  
受胙行三叩頭禮興鳴贊唱叩興官員族人皆行三叩頭禮興引贊  
贊復位行聖公復位鳴贊唱徹饌送神跪叩興行聖公以下行二跪  
六叩頭禮興鳴贊唱讀祝者捧祝進帛者捧帛恭詣燎位引贊贊詣  
望燎位行聖公詣望燎位引贊贊望燎祝帛焚畢引贊贊復位鳴贊  
唱奉神主人家廟執事者奉三主入家廟安龕內行聖公隨神主至  
位前引贊贊跪行聖公跪鳴贊唱皆跪官員族人皆跪引贊贊奉主  
入櫺叩興行聖公行一叩頭禮興鳴贊唱叩興官員族人皆行一叩  
頭禮興引贊贊復位行聖公復位鳴贊唱跪叩興行聖公以下行一  
跪三叩頭禮興鳴贊唱禮畢皆退尼山書院以至聖先師誕辰忌日  
釋奠洙泗書院聖澤書院並以春秋次丁釋奠各以其書院之博士  
學錄主祭儀注祭品悉如大成殿釋奠之儀尼山書院釋奠時同日  
致祭其書院之啓聖祠二世祖祠三世祖祠祭品行禮皆準祖廟釋  
奠啓聖祠家廟附位之儀尼山神廟聖侯祠準祖廟后土祠儀尼山  
書院祝文曰惟祖坤靈毓粹尼阜降祥篤生我祖扶植綱常萬世永  
賴子孫其昌茲遇誕辰謹以牲帛醴齊黍盛庶品式陳明薦以復聖  
顏子宗聖曾子述聖三世祖亞聖孟子配尚饗洙泗書院祝文曰惟  
祖聖毓尼防教開洙泗六經闡道萬世爲師茲惟仲春謹以牲帛醴  
齊黍盛庶品式陳明薦以復聖顏子宗聖曾子述聖三世祖亞聖孟  
子配尚饗聖澤書院祝文曰惟祖大行有光出宰中都治惟一年澤  
留萬世茲惟仲春謹以牲帛醴齊黍盛庶品式陳明薦以復聖顏子



宗聖曾子配。何饗。中庸書院春秋上丁。世襲五經博士主祭正位配位皆八簋八豆。設尊俎。盥洗如祖廟儀。其日博士具朝服。鳴贊唱就位。瘞毛血。迎神。跪叩。興。博士行三跪六叩頭禮。興。鳴贊唱奠帛。行初獻禮。引贊贊升壇。詣盥洗所。盥手。進巾。洗爵。進巾。詣酒尊所。司尊者舉爵酌酒。詣聖前。跪。行聖公跪。鳴贊唱皆跪。族人皆跪。引贊贊進帛。獻帛。進爵。獻爵。叩興。行聖公獻帛。爵行一叩頭禮。興。鳴贊唱叩興。族人皆行一叩頭禮。興。引贊贊復位。行聖公復位。鳴贊唱跪叩興。行聖公以下行一跪三叩頭禮。興。禮畢。次詣二世祖墓。三世祖墓。廬墓堂中。與祖以下至衍聖公之高曾祖。肅諸墓。次祭掃奠帛。酌獻。皆如前儀。是日孔庭族長分詣啓

聖林祭掃如前儀。

述曰。三代之禮久廢。其所存者特千百之什一耳。今考關里諸儀。若灌鬯若炳蕭。若祝史迎神。門外若三獻洗爵。而後登皆駸駸乎有古之遺焉。然尙有可議者數端。大成釋奠。

朝廷之命祀也。家廟時薦子孫之私享也。崇聖祠既建。而啓聖祠舊像具瞻。有其舉之。雖不可廢。亦當別設吉日。以遠煩瀆。或如書院改用次丁。皆可。今至聖述聖既祀於大成殿。啓聖伯魚既祀於崇聖祠。而啓聖祠及家廟復同日並舉。有重祭之嫌。一也。洗而後獻。所以致其潔也。乃祿獨不洗。異於古禮之每酌必洗二也。少牢饋食禮有主人北面酌酒之文。唐宋釋奠猶司尊者舉羣主獻官受爵親酌。所以昭其虔也。今三獻雖親洗而不親酌三也。古者吉祭主人就阼階無由西階者。今太學之儀。主祭官升降亦皆由東階。獨關里釋奠升則東階而降。則西階四也。禮尸命祝祝嘏主人。所謂工祝致告也。故唐宋儀。福胙皆受自祝。今則略其儀。而受胙於執事者。而不復假祝五也。釋奠用中和韶樂。而迎神送神則以教坊樂。引導雅鄭雜陳。疑嫌於襲六也。宋元時升殿降殿酌獻配位。皆別有樂章。自明至今。樂祇用六成儀節。煩而樂章短。奏者每遲其聲。以俟之音節。頗近囉緩。若於酌畢將獻時。然後起樂。獻畢出殿。樂亦隨止。不必俟復位而後闋。可變囉緩之音。應中和之節七也。天下文廟皆四配十二哲。獨三書院哲位猶未改舊制。且聖澤書院祇配顏曾。而不及思孟。又學宮皆立崇聖祠。而書院猶未立八也。分學膚識淺。何敢妄議禮樂。然於茲數者。竊謂未安。不敢自隱。用綴篇末。以備主盟者之採擇云爾。

關里文獻考卷十九終



關里文獻考卷二十

禮第五之二

歷代帝王過魯祠孔子或進爵再拜或行酌獻禮及遣官祭告降香諸儀前籍略之皆不可得而詳矣今惟錄本朝儀注於左

皇帝釋奠儀先期太常寺官恭設

皇帝拜位於殿門內正中設祝版案於供案右南向尊案於殿內東南隅西向分獻東配東哲尊次之西配西哲尊在西南隅東向兩廡獻尊各在其門內左東廡北向西廡南向燎爐在殿階下西南東向牲牢簋豆如四時上丁釋奠之數是日禮部太常寺堂官奏請皇帝躬詣行禮扈從王等內大臣侍衛文武官三品以上地方文官知府武官副將以上衍聖公及五氏有頂帶官員俱陪祀其餘扈從及地方文武各官俱於

行宮兩旁排班候駕出跪送

皇帝具補服陞轎儀仗全設進曲阜南門至奎文閣前降轎贊引官對

引官恭導

皇帝由甬道中行至大成殿拜位前立典儀唱樂舞生就位執事官各司其事贊引官奏就位

皇帝就拜位立典儀唱迎神協律郎唱舉迎神樂奏咸平之章樂作贊引官奏跪叩興

皇帝行三跪九叩頭禮興王以下陪祀各官及分獻官俱隨行禮畢樂止典儀唱奠帛行初獻禮捧帛官捧爵官前進向西立協律郎唱舉初獻樂奏咸平之章樂作捧帛官跪進帛於

皇帝右贊引官奏獻帛

皇帝受帛拱舉仍授捧帛官捧帛官跪接捧至先師位前跪奠畢三叩

頭退捧爵官跪進爵於

皇帝右贊引官奏獻爵

皇帝受爵拱舉仍授捧爵官捧爵官跪接捧至先師位前跪獻畢退太讀祝官至祝版案前三叩頭捧祝文於案左祗俟樂止贊引官奏跪皇帝跪王以下陪祀各官及分獻官讀祝官俱跪贊引官贊讀祝祝官讀畢捧祝版至先師位前跪安帛匣內三叩頭退樂作贊引官奏叩興

皇帝行一跪三叩頭禮興王以下陪祀各官及分獻官俱隨行禮其分獻各官依序引至四配十一哲兩廡各神位前立獻帛爵畢各復位樂止典儀唱行亞獻禮捧爵官前進向西立協律郎唱舉亞獻樂奏安平之章樂作捧爵官跪進爵於

皇帝右贊引官奏獻爵

皇帝受爵拱舉仍授捧爵官捧爵官跪接獻爵於左退分獻官各獻爵如初獻儀獻畢樂止典儀唱行終獻禮捧爵官前進向東立協律郎唱舉終獻樂奏景平之章樂作捧爵官跪進爵於

皇帝左贊引官奏獻爵

皇帝受爵拱舉仍授捧爵官捧爵官跪接獻爵於右退分獻官各獻爵如初獻儀獻畢樂止樂舞生引退典儀唱徹饌協律郎唱舉徹饌樂奏咸平之章樂作樂止典儀唱送神協律郎唱舉送神樂奏咸平之章樂作贊引官奏跪叩興

皇帝行三跪九叩頭禮興王以下陪祀各官及分獻官俱隨行禮畢典儀唱捧祝帛饌恭詣燎位

皇帝轉立東旁捧祝官捧帛官前進三叩頭捧祝帛起捧饌官跪不叩捧饌起依次出中門恭詣燎位

皇帝還位立祝帛焚半贊引官奏禮畢

皇帝出至奎文閣前陞轎作樂

行宮不陪祀。扈從官及地方文武各官於行宮兩旁跪迎候。

駕過各退。此康熙二十三年儀注也。乾隆年間儀注惟改立獻為跪獻。改十一哲為十二哲。改舊樂用新樂。餘悉同。又舊於同日。

遣官祭啓聖祠今

遣官祭崇聖祠。其儀贊引官對引官引承祭官入崇聖祠左門至盥洗處盥手畢。典儀唱執事官各司其事。贊引官贊就位。承祭官就位立。典儀唱迎神。贊引官贊跪叩。與承祭官行三跪九叩頭禮。典儀唱奠帛。行初獻禮。贊引官贊升壇。承祭官入殿左門。贊詣聖王位前。承祭官詣位前立。贊跪。承祭官行一跪一叩頭禮。贊奠帛。捧帛官跪進。承祭官受帛。拱舉立。獻畢。贊獻爵。捧爵官跪進。承祭官受爵。拱舉立。獻畢。行一跪一叩頭禮。贊引官以次贊詣裕聖王。詣聖王。昌聖王。啓聖王。各位前奠帛。獻爵。如前儀。贊引官贊詣讀祝位。承祭官詣讀祝位立。讀祝官至祝版案前三叩頭。捧祝版立於案左。贊跪。承祭官讀祝。祝官俱跪。贊讀祝。祝官讀畢。捧祝版跪安正位。案上帛匣內三叩頭。退。贊叩。與承祭官行一跪三叩頭禮。贊引官贊詣先賢顏氏位前。承祭官詣位前立。贊跪。承祭官行一跪一叩頭禮。贊奠帛。捧帛官跪進。承祭官受帛。拱舉立。獻畢。贊獻爵。捧爵官跪進。承祭官受爵。拱舉立。獻畢。行一跪一叩頭禮。贊引官以次贊詣先賢曾氏。先賢孔氏。先賢孟孫氏。各位前奠帛。獻爵。如前儀。贊引官贊復位。承祭官復位立。典儀唱行亞獻禮。獻爵於左。如初獻儀。典儀唱行終獻禮。獻爵於右。如亞獻儀。典儀唱徹饌。唱送神。贊引官贊跪叩。與承祭官行三跪九叩頭禮。典儀唱捧饌。各恭詣燎位。捧祝帛官至各位前三叩頭。捧祝帛起。捧饌官跪不叩。捧饌起。依次送至燎位。承祭官退至西旁立。候祝帛過。仍復位立。典儀唱望燎。贊引官贊詣望燎位。承祭官至燎位立。焚祝帛。贊禮畢退。

皇帝御詩禮堂講書儀。鴻臚寺會同衍聖公預設。

御座於詩禮堂正中。設經案於御座東南西向。

勅諭案在經案之南。西向。講書案在前楹內東偏北向。內閣中書恭捧勅諭翰林院官捧講章各陳於案。釋奠禮畢。

皇帝憩幄內。應聽講各官至詩禮堂序立。衍聖公率講書官及各博士觀禮。族人序立。承聖門外道右候。

皇帝出幄步入詩禮堂。衍聖公等跪接。

皇帝陞座。衍聖公以下由承聖左門入。至詩禮堂階下序立。贊禮郎唱排班。鴻臚寺官引衍聖公以下排班。贊禮郎唱跪叩。與衍聖公等行三跪九叩頭禮。贊禮郎唱講書。執事官恭設經案於御前。講書官出班升階至詩禮堂階下行一跪三叩頭禮。退立楹前。

西向序立。講四書官先至案前講畢。退原立處。講經官次至案前講畢。退原立處。同降階復位。贊禮郎唱宣。

勅諭大學士恭詣案前捧。

勅諭降至庭中。西向立。衍聖公以下皆跪。大學士恭宣。

勅諭畢。贊禮郎唱跪叩。與衍聖公以下行三跪九叩頭禮。退出候送駕禮畢。

皇帝還行宮。

皇帝詣聖墓前酌酒儀是日。

皇帝御常服詣孔林。隨行禮之王公大臣官員等預往聖林門外下馬。進至墓門前候。

駕光祿寺堂官將爵案奠池設月臺正中。武備院官設拜褥。隨從大臣侍衛官員至聖林門外下馬。

皇帝過泮水橋至墓門降輿。禮部堂官前導。由中門入。鴻臚寺官引王公以下三品文武大臣侍衛官員隨入在享堂外兩傍排立。

皇帝陞月臺前拜褥跪。眾皆跪。執事官酌酒。大臣跪進爵。

皇帝酌酒三爵。每爵行一叩頭禮。眾皆隨行禮。禮畢。王公大臣等先出。

禮部堂官前導。

皇帝由中門出。陞輿還。

行宮。

遣皇子祭告儀祭日辰時。

皇子具蟒袍補服至聖廟大門外下馬。贊引官對引官引。

皇子由東門入至盥手處。贊引官贊盥手。盥手畢引。

皇子至殿外月臺上拜褥前立。典儀官唱樂舞生就位。執事官各司其事。贊引官贊就位。

皇子升拜褥上立。典儀官唱迎神。典樂官唱迎神樂。奏咸平之章。樂作。贊引官贊跪叩興。

皇子行三跪九叩頭禮。興。樂止。典儀官唱奠帛。行初獻禮。捧香帛官詣案前左。捧爵官詣案側左。皆北向立。典樂官唱初獻樂。奏寧平之章。樂作。贊引官贊升壇。

皇子由殿左門入至香案前。贊引官贊跪。

皇子跪。贊上香。捧香官跪進香。

皇子接香盒拱舉授捧香官。

皇子興。上炷香。次上三瓣香。贊引官贊跪。

皇子跪行一叩頭禮。興。贊引官贊奠帛。捧帛官跪進帛。

皇子接舉立。獻案前正中。贊引官贊獻爵。捧爵官跪進爵。

皇子接爵拱舉立。獻案上正中。站上行一叩頭禮。興。贊引官贊詣讀祝位。

皇子就讀祝位立。讀祝官就祝案前。三叩頭。捧祝文立案左。樂止。贊引官贊跪。

皇子跪。贊引官贊讀祝。讀祝官跪。讀祝畢。恭捧祝文至位前跪。安案。

上簷內。三叩頭。退。樂作。贊引官贊叩興。

皇子行三叩頭禮。興。贊引官贊復位。

皇子復位。樂止。典儀官唱行亞獻禮。捧爵官捧爵。詣案側左。北向立。典樂官唱亞獻樂。奏安平之章。樂作。贊引官贊升壇。

皇子由殿左門入詣神位前。贊引官贊跪。

皇子跪行一叩頭禮。興。贊引官贊獻爵。捧爵官跪進爵。

皇子接爵拱舉立。獻於左。站上行一叩頭禮。興。贊引官贊復位。

皇子復位。樂止。典儀官唱行終獻禮。捧爵官捧爵。詣案側右。北向立。典樂官唱終獻樂。奏寧平之章。樂作。贊引官贊升壇。

皇子由殿左門入詣神位前。贊引官贊跪。

皇子跪行一叩頭禮。興。贊引官贊獻爵。捧爵官跪進爵。

皇子接爵拱舉立。獻於右。站上行一叩頭禮。興。贊引官贊復位。

皇子復位。樂止。典儀官唱徹饌。典樂官唱徹饌樂。奏咸平之章。樂作。樂止。典儀官唱送神。典樂官唱送神樂。奏咸平之章。樂作。贊引官贊跪叩興。

皇子行三跪九叩頭禮。興。樂止。典儀官唱恭捧祝帛。詣案前左。捧祝帛官前進。三叩頭。捧祝帛起。捧香饌官不叩。跪捧香饌起。以次由殿中門出。送詣燎位。

皇子退至西旁立。俟祝帛香饌過。

皇子復位立。焚祝帛。半贊引官贊禮畢引。

皇子由東門出。此雍正八年儀注。故仍用舊樂。是日。

遣郡王祭告崇聖祠。其儀與

皇帝幸闕里。

遣官祭崇聖祠。儀同。惟不獻配位為異。

遣官祭告儀祭日黎明。陪祭各官俱穿朝服。在櫺星門列班。候接祭文。由中門入。承祭官隨入。陪祭各官由左右門入。引贊贊盥手。承祭



官盥手畢引贊引至拜位前立。鳴贊唱樂舞生就位。執事者各司其事。陪祭官就位。承祭官就位。瘞毛血迎神。典樂唱樂奏昭平之章。鳴贊唱跪叩。興。承祭官陪祭官俱行三跪九叩頭禮。興。樂止。鳴贊唱奠帛。行初獻禮。捧香帛官詣案前。左捧爵官詣案側。左皆北向立。典樂唱樂奏宣平之章。引贊贊升壇。詣先師孔子神位前。承祭官由東階上進殿左門至拜所立。引贊贊上香跪。鳴贊唱眾官皆跪。引贊贊進帛獻帛。進爵獻爵。承祭官跪上香獻帛爵訖。樂止。引贊贊讀祝。讀祝官三叩頭。捧祝版讀畢。興跪安篚內。引贊贊叩興。承祭官行一跪三叩頭禮。興。陪祭官亦行一跪三叩頭禮。興。引贊贊復位。承祭官復位。鳴贊唱行亞獻禮。典樂唱樂奏秋平之章。引贊引承祭官升壇獻爵如初獻儀。樂止。鳴贊唱行終獻禮。典樂唱樂奏絃平之章。引贊引承祭官升壇獻爵如初獻儀。樂止。鳴贊唱飲福受胙。引贊引承祭官詣福胙位跪。鳴贊唱眾官皆跪。引贊贊飲福酒受福胙。承祭官飲福受胙訖。行一跪三叩頭禮。興。陪祭官亦行一跪三叩頭禮。興。引贊贊復位。鳴贊唱跪叩。興。承祭官陪祭官俱行三跪九叩頭禮。興。鳴贊唱徹饌。典樂唱樂奏懿平之章。樂作。樂止。鳴贊唱送神。典樂唱樂奏德平之章。鳴贊唱跪叩。興。承祭官陪祭官俱行三跪九叩頭禮。興。鳴贊唱恭捧祝帛詣燎位。引贊引承祭官詣望燎位焚祝帛畢復位。鳴贊唱禮畢。退。還官詣啓聖王墓前酌酒儀。先期。朝廷執事官陳奠池於啓聖王墓前。陳拜位於奠池前。陳尊一爵三於墓東南有案。是日酌酒官至。由墓左門入。至拜位前北向立。衍聖公陪位。捧爵官酌酒以次至酌酒官右西向立。酌酒官跪。捧爵官跪進爵。酌酒官受爵。酌酒以虛爵授捧爵官。捧爵官受爵。興退。酌酒官叩頭。凡三酌酒。三叩頭。興。禮畢。退由原門出。

述曰

皇帝詣學禮止三獻六拜。康熙二十三年恭遇聖祖仁皇帝親釋奠於闕里。禮官以國學儀注上奏奉旨特改爲三跪九叩。而我皇上三幸曲阜。禮官仍議禮如初。皇上皆不允所請。今且載之會典。垂爲令式。尊師重道。實依古以來所未有也。

闕里文獻考卷二十終



闕里文獻考卷二十一

禮第五之三

古者釋奠有樂無尸本禮之簡者釋菜則并無樂又其簡者也釋菜儀久絕不傳而釋奠之文古亦無考自唐開元禮始有國學郡縣釋奠之制宋開寶禮全采用之政和新儀其中本書自多抵牾將祀者又怠不能習朱子病之重依開元禮定儀注條上且請下他州爲式元導江張頌來魯教授三氏子孫以闕里自羅兵革宮室荆榛牲殺器皿衣服不備者垂三十年慨然欲修復舊儀乃取朱子所考訂自儀禮開元禮而下哀爲一書俾孔氏子孫世習之今考祖庭廣記尙存此儀而闕里舊志竟闕而弗錄汾其憾焉按唐宋之制國學以祭酒司業博士充三獻官州則以刺史上佐博士縣則以令丞簿尉闕里舊儀本以衍聖公爲初獻家尊族長爲亞終獻是獻官有具升降拜跪之儀則一也茲考於唐取開元禮凡稱刺史州佐博士者皆易爲初亞終獻官於宋元則述朱子及張教授所定以備往代釋奠之儀注至明時闕里儀注視今惟少崇聖祠而今見行儀注惟并食帛於初獻改四拜爲三跪九叩頭其他多沿舊式祭文亦與相同故不復載云唐釋奠儀先聖先師通八豆八簋二簋三從祀通豆皆二簋一簋一俎一犧尊實醴齊象尊實盞齊山尊實酒皆二前享三日前獻官散齊於別寢二日致齊於廳事一日亞獻以下應享之官散齊二日各於正寢致齊一日於享所前享二日所司掃除內外又爲盛埽於院內堂之玉地深取足容物南出階所司設初獻以下次於門外隨地之宜前享一日哺後所司帥其屬守門設三獻位於東階東南每等具位俱西面設掌事位於三獻東南西北上設望塵位於堂上之東北當盛埽西向設贊唱者位於三獻西南西面北上又設贊唱位於盛埽東北南向東上設三獻門外位於道東每等具位俱西面掌事位於終獻之後北上掌事者以尊站升設於堂上前

楹間北向先聖之尊在西先師之尊在東俱西上皆加勺糝先聖爵一配座爵一各置於玷設幣簋於尊所設洗直東榮南北以堂深疊水在洗東加勺糝簋在西南肆實爵三巾二於簋加糝執尊疊洗簋者各位於尊疊洗簋之後享日未明烹牲於廚夙興掌饌者實祭器質明諸享官各服祭服所司帥掌事者入實尊疊及幣每座尊二一實元酒爲上一實醴齊次之禮神之幣用白各長丈八尺祝版各置於玷贊唱者先入就位祝二人與執尊疊簋者入立於庭重行北面西上立定贊唱者再拜祝以下皆再拜執尊疊簋者各就位祝升自東階行掃除訖降自東階各還齊所初獻官將至贊禮者引享官以下俱就門外位初獻官至贊禮者引次之贊唱者先入就位祝入升自東階各立於尊後初獻官停於次少頃服祭服出次贊禮者引初獻官入就位西向立贊禮者退位立於左贊禮者引享官以下次入就位凡導引者每曲一逡巡立定贊唱者曰再拜初獻官以下皆再拜贊禮者少進初獻官之左北面白請行事退復位祝俱跪取幣於簋與各立於尊所凡取物者皆跪伏取以興奠則奠就俛伏而後與所司帥執饌者奉饌陳於門外贊禮者引初獻官升自東階進先聖神座前西向立祝以幣北向授初獻官初獻官受幣贊禮者引初獻官進西向跪奠於先聖神座前與少退西向再拜訖贊禮者引初獻官當先師神座前北向立祝又以幣西向授初獻官初獻官受幣贊禮者引初獻官進北向跪奠於先師神座前與少退北向再拜訖贊禮者引初獻官降復位所司引饌入升自東階祝迎引於階上各設於神座前邊豆蕞簋先徹乃升簋簋既奠卻其蓋於下邊居右豆居左簋簋居其間羊豕二俎橫而重於右腊特陳於左壁設訖所司與執饌者降出祝還尊所贊禮者引初獻官詣疊執饌者酌水執洗者跪取盤興承水初獻官盥手執饌者跪取巾於簋興進初獻官執手訖執饌者受巾跪奠於簋遂取爵興以進初獻官初獻官受爵執饌



者酌水初獻官洗爵執篚者又跪取巾於篚興進初獻官拭爵受巾跪奠於篚奉盤者跪奠盤興贊禮者引初獻官升自東階詣先聖酒尊所執尊者舉簋初獻官酌醴齊贊禮者引初獻官詣先聖神座前西向跪奠爵興少退西向立祝持版進於神座之右北面跪讀祝文曰維年月日曾孫某敢昭告於先聖宣父惟夫子固天攸縱誕降生知經緯禮樂闡揚文教餘烈遺風千載是仰俾茲末學依仁游藝謹以制幣犧齊粢盛庶品祇奉舊章式陳明薦以先師顏子配向贊禮者引初獻官詣先師神座前北向跪奠爵興少退北向立祝持版進於神座之左西向跪讀祝文曰具官某敢昭告於先師顏子爰以仲春某季遵故實敬修釋奠於先師顏子惟子庶幾其體德冠四科服道聖門實臻靈奧謹以制幣犧齊粢盛庶品式陳明獻從祀配神尚饗祝興初獻官再拜贊禮者引祝進跪奠版於神座興還尊所初獻官拜訖贊禮者引初獻官詣東序西向立祝各以爵酌福酒合置一爵一太祝持一爵進初獻官之左北向立初獻官再拜受爵跪啐酒奠爵俛伏興祝各率執饌者進俎跪減先聖先師神座前肱肉各取前脚第一二骨共置一俎又以籩取黍稷飯共置一籩興祝先以飯進初獻官初獻官受以授執饌者又以籩進初獻官初獻官受以授執饌者初獻官跪取爵遂飲卒爵祝進受爵復於坫初獻官興再拜贊禮者引初獻官降復位初獻官將畢贊禮者引初獻官詣盥洗盥洗升獻飲福如初獻官之儀唯不讀祝文亦不受酢訖降復位亞獻將畢贊禮者引初獻官詣盥洗盥洗升獻如亞獻官之儀訖復位諸祝各進神座前跪徹豆興還尊所贊唱者曰賜酢再拜非飲福受酢者皆再拜贊唱者又曰再拜初獻官以下皆再拜贊禮者詣就望座位引初獻官就望座位西向立祝於神前取幣及血出降自西階置於坫贊唱者曰可瘞埋東西向各一

人置土半坎贊禮者曰禮畢遂引初獻官以下出還次諸祝及執尊者降復掌事位贊唱者曰再拜祝以下皆再拜以出其祝版燔於齊所宋釋奠前五日應行事官執事官散齊三日治事如故宿於正寢不弔喪問疾作樂書判刑殺文書決罰罪人及與穢惡致齊二日一日於廳事其一曰贊明赴祠所宿齊惟釋奠事得行餘悉禁前三日所司設行事執事官次於廟門外隨地之宜前二日所司率牲詣祠所前一日釋奠官率其屬常服閱饌物祝牲充脂詣廚視滌滌訖各還齊所哺後掌廟者掃除廟之內外設登歌之樂於殿上稍南北向釋奠日丑前五刻執事者陳幣篚各於神位之左祝版各於神位之右置於坫幣以白絹長一丈八尺祝版長尺二寸廣八寸次設祭器掌饌者實之正配三位每位各左十邊為三行以右為上第一行乾棗在前乾棗形鹽魚鱸次之第二行鹿脯在前榛實乾桃次之第三行菱在前芡栗次之右十豆為三行以左為上第一行芹菹在前荀菹葵菹菁菹次之第二行韭菹在前魚醢兔醢次之第三行豚拍在前鹿醢醢醢次之俎二一在邊前實以羊腥七體兩肱兩肩兩脅并脊兩脾在兩端兩肱兩脅次之脊在中一在豆前實以豕腥七體其載如羊又俎六在豆右為三重以北為上第一重一實以羊腥腸胃肺離肺一在上端肱肺三次之腸三胃三又次之一實以豕腥膚九橫載第二重一實以羊熟腸胃肺一實以豕熟膚其載如腥第三重一實以羊熟十一體有臂膊肱肺正脊一直脊一橫脊一長脊一短脊一代皆皆二骨以並肩臂膊在上端肱肺在下端脊脊在中一實以豕熟十一體其載如羊皆羊在左豕在右肱二體二在邊豆外二俎間置在左豕在右肱實以稻梁梁在稻前肱實以黍稷稷在黍前設饌尊四象尊四為二重在殿上東南隅北向西上配位即於正位酌尊之東犧尊在前皆有坫加勺尊為酌尊犧尊一實明水為上尊餘實汎齊初獻酌之象尊一實明水為上尊餘實醴齊亞終獻







稍卻贊禮曰揖。獻官揖，不出聲。掌樂俟獻官詣廟南門外畢，曰：「奏迎神。」疑安之樂。三成畢，贊禮曰：「祝下殿就席位，請三獻官詣殿下席位立定。」贊禮曰：「再拜。」獻官以下皆再拜平身。樂止。贊禮曰：「請監祭官上殿，引贊引監祭官詣殿上席位，在西東向立。」俟引贊復位畢，贊禮曰：「執事者各祇乃事。」執事者各依資次接踵而行。贊禮曰：「請初獻官行禮。」掌樂曰：「奏升殿同安之樂。」引贊請初獻官詣盥洗位，搢笏，盥手，悅手，出笏，將升階。俟樂止，引初獻官詣文宣王神位前，北向立。掌樂曰：「奏奠幣明安之樂。」初獻官搢笏，跪。執事者以幣授祝，祝捧幣授初獻官。初獻官受幣，獻幣。奠幣出，笏俛伏興，再拜興，平身。次詣兗國公、鄆國公、沂國公、鄒國公神位前，各如正位奠幣儀畢。樂止。引初獻官降殿。掌樂曰：「奏降殿同安之樂。」俟初獻官下殿復位樂止。贊禮曰：「請初獻官行禮。」引贊引初獻官詣盥洗位，北向立。掌樂曰：「奏升殿同安之樂。」初獻官搢笏，盥手，悅手，出笏，詣爵洗位，搢笏，執事者進爵執爵，盥爵。爵所南向立。引贊曰：「舉爵。」初獻官搢笏，跪。執事者進爵，執爵酌。爵之汎齊以爵授執事者。凡五出笏平身。詣文宣王神位前，掌樂曰：「奏酌獻成安之樂。」初獻官搢笏，跪。三上香。執事者進爵，執爵三祭酒。奠爵出，笏俛伏興，再拜興，就跪。樂止。讀祝讀畢，就拜興，平身。詣兗國公神位前，掌樂曰：「奏酌獻成安之樂。」餘如正位儀。次詣鄆國公、沂國公、鄒國公神位前，酌獻奏樂如兗國公儀。樂止。復位。掌樂曰：「奏降殿同安之樂。」俟初獻官下殿復位樂止。贊禮曰：「請亞獻官行禮。」引贊引亞獻官詣盥洗位，北向立。掌樂曰：「奏升殿同安之樂。」亞獻官搢笏，盥手，悅手，出笏，詣爵洗位，搢笏，執事者進爵，執爵酌。爵所南向立。引贊曰：「舉爵。」亞獻官搢笏，跪。執事者進爵，執爵酌。象尊之禮齊以爵授執事者。凡五出笏平身。詣文宣王神位前，掌樂曰：「奏酌獻文安之樂。」亞獻官

揖笏跪三上香。執事者進爵執爵三祭酒奠爵出笏俛伏興拜與再  
拜興平身。次詣兗國公鄒國公沂國公鄒國公神位前並如正位酌  
獻儀樂止請復位贊禮曰請終獻官行禮引贊引終獻官詣盥洗位  
北向立掌樂曰奏升殿同安之樂終獻官揖笏盥洗手出笏詣爵  
洗位揖笏執事者進爵執爵盥爵酌爵以爵授執事者凡五出笏將  
升階俟樂止引終獻官詣酌爵所南向立引贊曰舉爵終獻官揖笏  
跪執事者進爵執爵酌象尊之醴齊以爵授執事者凡五出笏平身  
詣文宣王神位前掌樂曰奏酌獻成安之樂終獻官揖笏跪三上香  
執事者進爵執爵三祭酒奠爵出笏俛伏興拜與再拜興平身。次詣  
兗國公鄒國公沂國公鄒國公神位前並如正位酌獻儀樂止請復  
位當終獻官詣正位時贊禮曰引分獻十哲從祀並依次位行禮各  
引贊引分獻官詣盥洗位揖笏盥洗手出笏詣爵洗位揖笏執事  
者進爵執爵盥爵酌爵以爵授執事者升階詣酌爵所舉爵分獻官  
各揖笏跪執事者進爵執爵酌象尊之醴齊以爵授執事者出笏平  
身分引至十哲神位前兩廡神位前掌樂曰奏分獻成安之樂分獻  
官揖笏跪三上香執事者進爵執爵三祭酒奠爵出笏俛伏興拜與  
再拜興平身復位樂止贊禮曰執事者合俎豆直爵四人上殿  
執爵者別以爵取正配位福酒合置一爵執豆者以豆取黍稷飯合  
置一豆執饌者以俎減正配位昨肉合置一俎執爵者執豆者執俎  
者分立飲福受昨位兩邊贊禮曰請初獻官詣飲福受昨位引贊引  
初獻官升階詣東序西向立鞠躬拜興再拜興平身揖笏跪賜福初  
獻官受爵祭酒啐酒奠爵賜豆初獻官受豆以豆授執事者賜昨初  
獻官受昨以昨授執事者執爵者再以爵進初獻官飲卒爵執事者  
受虛爵復於坫初獻官出笏俛伏興拜與再拜興平身復位贊禮曰  
執事者各復位俟立定糾彈檢察贊禮攝殿上殿下掌儀降殿於殿  
下席位先拜兩拜再升殿立贊禮曰賜昨再拜在位者皆再拜已飲

福受昨者不拜贊禮曰祝取幣祝俟祝升殿贊禮曰徹祭饌掌樂曰  
奏徹豆娛安之樂祝下殿樂止贊禮曰執事者率幣祝實壇坎降自  
西階詣三獻官詣盥洗位自東階降自西階掌樂曰奏送神寧安  
之樂引贊曰可舉真土生坎贊禮曰闔戶請三獻官詣廟南門外揖  
引贊引三獻官詣廟南門外揖位立如前儀樂止贊禮曰掌樂以樂  
生出俟樂生出贊禮曰禮畢揖退捲班  
述曰古者尸席在西主人及祝西面安尸神道尚右也主人初獻主  
婦亞獻賓長終獻三獻酌尸戶亦各酢主人主婦及賓神惠示均也  
今述開元禮匪惟備制亦取其近古者多焉  
闕里文獻考卷二十一終

闕里祭品牲用大牢。少牢二等。四仲上丁釋奠。至聖先師孔子位前。用大牢。他及常祭皆用少牢。牛色黝。帛包素。籩豆自十至四。凡三等。其器承牲以俎。承帛以篚。而書祝文則用版。裸獻之器曰爵。曰盥。縮酒之器曰茅沙池。盛酒醴之器曰太尊。曰犧尊。曰象尊。曰山尊。曰雷尊。曰著尊。曰壺尊。曰觶。盛粢盛之器曰登。曰餗。曰簠。曰簋。曰籩。曰豆。用以熟香者曰香鼎。曰提鑪。用以炳蕭脂者曰燔鑪。用以然照者曰燭。榮曰庭燎。用以滌濯盥洗者曰盥。曰洗。用以度祭器者曰案。曰几。而筐筥錡釜之屬不與焉。昔後漢章帝元和二年。過魯。留太尊。犧尊。象尊。山尊。雷尊。明水瓶各一。周太祖廣順二年。幸魯。留所奠酒器銀鑪各二。於廟。宋真宗大中祥符元年。幸闕里。賜銀器八百兩。天禧二年。賜文宣公家祭冕服。徽宗政和六年五月。頒壺一洗。一有勺。一有杓。各一。銅鼎三。有蓋。柶簋十。有鬯豆十。有蓋爵三。有坫三。獻祭服一副。金章宗明昌五年六月。禮官議曲阜縣夫子廟修葺。蓋已畢。自來祭。享行三獻禮。衍聖公止用公服陪位。學官各用儒服。宋政和間。曾賜三獻官祭服。今衍聖公特授中議大夫。爵視四品。更新廟貌。所費鉅萬。而三獻並用常服。恐未相稱。衍聖公初獻法服。當依四品。用四梁冠。亞終獻七品。用三梁冠。奏司明年。賜衍聖公以下三獻法服一副。元世祖至元三十一年。五十三代孫江南行臺照磨淑以曲阜祖廟祭器未備。請於臺。往句吳製造。中丞韙之。同僚助成其事。江東廉訪副使廉希貢贈以漢釜一。凡四閱月。而祭器成。得太尊二。山尊四。著尊四。壺尊六。犧尊面者八。體者五。象尊面者十二。體者十。尊皆有鬯。龍勺三十。爵一百三十五。坫五十。簋十。壺一洗。三。說四。豆二百三十。五簠一百五十三。簋一百六十四。籩二百五十。簋皆有巾。榮燎一百

二十。御史完顏貞又益以俎一百七十四。明太祖洪武七年。賜闕里祭服一副。內元端一纁裳一。皂褙白中單一。赤黻一。大帶二。犀角革帶一。七梁冠一。方心曲領一。二色帶二。銅鉤藥玉珠佩一。三色彩結犀角雙環綬一。皂履二。白襪二。又賜磁祭器一副。酒盞一百二十五。酒尊五。有蓋毛血盤一十五。疊四。和羹盤四。籩豆楪四百八十。爵二十。武宗正德六年。流賊劉七之亂。闕里禮器殘毀。十五年。兗州知府羅鳳補造完整。終明之世。山東撫按屢經增置。而數皆失考。我朝雍正十年。

世宗憲皇帝欽頒法琅銅香鼎一燭臺二花瓶二內安松竹梅花二樹  
香盒一金龍朱漆几五帛篋七銅爵二十六登一銅六簠二十一簋  
二十一鑊八十六豆八十六皆有蓋乾隆六年

欽頒銅十二箇一簋一簋四豆四俱有蓋十二年又

欽頒爵七。此歷代祭器之可紀者也。爰綜其形制而考之。祝版書祝文之版也。儀禮少牢饋食禮。祝在左。主人再拜稽首祝曰。孝孫某敢用柔毛。剛鬣嘉薦。普淖用薦。歲事于皇祖伯某。以某妃配某氏。尚饗。卽今之所謂祝文也。祝者所宜以告於神之辭。讀之又切。惟工祝大祝之官。讀本字。今概讀本字。非也。版以素木爲之。高七寸五分。廣八寸二分。厚五分。有座。廣一尺三寸。高三寸。後有背。廣七寸五分。通背高九寸。朱漆金飾。祝案高二尺六寸。長二尺八寸。廣一尺九寸。髹以朱漆。黃紵爲圍。篚所以承帛者也。書曰。厥篚織文。又曰。厥篚元黃。詩序曰。實幣帛篚。篚以將其厚意。皆是器也。然考士冠禮燕禮鄉射禮少牢禮。有上篚下篚。膳篚勺篚爵篚。則古者玉幣飲食之具皆實於篚。今乃專以承帛耳。制方長。有座。高二寸八分。長一尺九寸。廣五寸六分。座長廣各增五分。內深二寸三分。編竹絲爲之。邊座皆朱漆。彝裸以盛酒之器也。周禮小宗伯辨六彝之名物。以待裸將。又鬱人凡祭祀賓客之裸事。和鬱鬯以實彝而陳之。今其制雋緣素腹兩耳作



甕形似商父丁彝。銅質無耳。高六寸七分。口圓徑七寸九分。深五寸一分。腹圓徑八寸一分。底圓徑七寸。足高一寸五分。耳長四寸。重十七斤。有勺。勺所以斟酒者也。周禮梓人爲飲器。勺一升。儀禮鄉飲酒禮加二勺于兩壺。禮記明堂位夏后氏以龍勺。殷以疏勺。周以蒲勺。今彝與圓徑二寸深八分。外周刻星。水文柄長八寸。柄端與街勻處皆刻龍首。銅質重十二兩。彝尊彝之中也。周禮彝人以疏布。八尊以畫布。六彝蓋疏布。尙質畫布尙文。今彝尊則用黃紵爲之。繪以雲氣。方二尺四寸。四角有押。置彝之几。紵以朱漆。高一尺二寸五分。長二尺七寸。廣一尺九寸。畢酌以灌地。降神之器也。詩大雅曰。洗爵奠斚。禮記明堂位曰。爵夏后氏以琖。殷以斚。鄭氏注云。畢讀爲秣。畫禾稼以爲飾也。又殷之灌尊亦名畢。蓋卽六彝中之畢。彝是尊之屬。而非爵之屬也。今畢制純素無文。兩耳如戟。銅質。高三寸三分。口圓徑五寸一分。深二寸三分。底圓徑三寸一分。足高七分。耳長一寸九分。重四斤。凡與彝同。茅沙池。裸以縮酒之器。周禮甸師祭祀共蕭茅。鄭氏注云。蕭或爲茜。茜讀爲縮。束茅立之。祭前沃酒其上。酒滲下。若神飲之。故謂之縮。禮記郊特牲灌用鬯。鬯合粢與酒。陰達於淵泉。致陰氣也。今用銅池中。實以沙。爲茅束立沙上。置池畢。前裸則沃酒其上。池長方形。高五寸五分。長一尺七寸。廣四寸八分。深三寸二分。足高二寸。重三十斤。尊獻以盛酒器也。制有七。一大尊。一犧尊。一象尊。一山尊。一雷尊。一著尊。一壺尊。周禮小宗伯辨六尊之名。物以待祭祀。又司尊彝春祠夏禴。其朝踐用兩獻尊。其再獻用兩象尊。皆有鬯。諸臣之所昨也。秋嘗冬烝。其朝獻用兩著尊。其饋獻用兩壺尊。皆有鬯。諸臣之所昨也。凡四時之間祀。追享朝享。其朝踐用兩大尊。其再獻用兩山尊。皆有鬯。諸臣之所昨也。鄭氏注云。獻讀爲犧。飾以翡翠。象尊以象鳳凰。或以象骨飾尊。著尊者。著略尊也。或曰著尊者。地無足。壺者以壺爲尊。大尊。大古之瓦尊。山尊。山髹也。昨讀爲酢。王

肅云。犧尊爲犧牛之形。象尊爲象之形。皆鑿其背以爲尊。夫犧尊取犧牲食享之義。又以示其性順而任重。與稼穡而致民功。象尊感雷而文生。方時天氣下降。地氣上騰。文明盛大。又爲南越之獸。於以見昭德柔遠之意。王肅之說。於古人制器尙象之意。或者其有合焉。又禮記明堂位泰有虞氏之尊也。山尊夏后氏之尊也。著尊殷尊也。犧尊周尊也。今廟庭備四代之器。大尊山尊著尊象尊皆如鄭說。犧尊象尊皆如王說。獨雷尊則古未聞此器。考孔穎達禮記疏云。壺猶雷也。今之雷尊。或卽諸臣所昨之壺與。第古文從回。今所存漢器。有刻爲雷師之形。實不知何據。又燕禮壺尊重方而輕圓。今祭用圓壺。而無方壺。則與周制又異。大尊之制。高七寸。口圓徑一寸六分。腹圓徑五寸九分。深六寸三分。底圓徑四寸八分。足高一分。以陶爲之。素質。犧尊制爲犧形。穴背受酒。通蓋高一尺四寸八分。蓋連頂高三寸三分。口圓徑五寸二分。內深二寸二分。尊身長一尺一寸五分。犧身長二尺三分。廣七寸。口圓徑四寸。深六寸九分。重五十斤。象尊制爲象形。穴背受酒。通蓋高一尺四寸五分。蓋連頂高三寸三分。口圓徑五寸二分。內深二寸四分。尊身長一尺一寸二分。象身長二尺。廣七寸。口圓徑三寸九分。深六寸六分。重五十斤。山尊刻爲山雲之形。通蓋高一尺七寸七分。蓋連頂高二寸九分。口圓徑九寸六分。內深一寸五分。尊身長一尺四寸九分。口圓徑九寸三分。腹圓徑九寸五分。深一尺一寸一分。底圓徑七寸八分。足高三寸六分。重四十七斤。雷尊刻爲雷師雲氣之形。通蓋高一尺六寸六分。蓋連頂高四寸二分。口圓徑八寸五分。內深二寸五分。尊身長一尺二寸八分。口圓徑五寸八分。腹圓徑一尺一寸二分。深一尺一寸六分。底圓徑七寸六分。足高九分。重四十斤。以上四尊皆銅質。有篆文。識漢元和二年鑄。與大尊共爲一案。陳而不用。不加勺。壺。案連座高三尺八寸。長五尺九寸。廣三尺七寸。四周有欄。高一尺五寸五分。下有座。高八寸。雕刻雲花飾以金



朱五彩。著尊亦銅質。飾饗饗雷文。高八寸九分。口圓徑八寸四分。腹圓徑一尺一寸。底圓徑七寸深八寸八分。重十七斤。惟酌獻至聖先師位前用之。有勺。勺圓徑二寸五分。深一寸。外周刻星雷文。柄長一尺。柄端刻龍首。銅質。重一斤四兩。與彝同。案高二尺六寸。長三尺六寸。廣一尺九寸。面刻三四以承三尊。縣以朱漆黃紆爲闌。重尊亦銅質。狀如瓜。壺飾同著尊。高七寸三分。口圓徑四寸。腹圓徑六寸六分。深七寸一分。底圓徑三寸五分。重七斤四兩。勺圓徑二寸三分。深八分。柄長八寸。制如著尊。銅質。重十二兩。縣以紅紆。制如彝。案高二尺六寸。長二尺八寸。廣一尺九寸。面有孔以承尊。朱漆紅紆圍。飲器之象。爵者。前若囁。後若尾。足修而銳。兩柱爲耳。以牛首爲釐。有雷紋。雲氣饗饗蟠夔之飾。周禮大宰。祀五帝。贊玉幣爵之事。鄭氏注曰。爵所以獻齊酒。鬱人大祭。祀與量人受舉。舉之卒爵而飲之。鄭氏注曰。舉受福之聲。聲之誤也。王酌尸。尸假王此其卒爵也。然則大宰職所贊者。即今之所謂獻爵。鬱人職之卒爵。即今之所謂福爵也。而今則又有預奠於神位前之供爵。又古者爵或用玉。或用木。或用匏。今則皆以銅爲之。供爵獻爵。通柱高八寸三分。深三寸三分。口徑長六寸一分。廣二寸八分。兩柱高一寸九分。三足高三寸一分。鑿廣八分。高一寸五分。重二斤四兩。福爵通柱高七寸七分。深三寸五分。口徑長五寸六分。廣三寸二分。兩柱高一寸四分。三足高四寸。鑿廣八分。高一寸八分。重二斤十三兩。皆有玷。考玷所以置爵。亦以承尊與圭。禮記疏謂樂土爲之。在兩楹間。鄭氏云。似豆而卑。斷木爲之。口圓微侈。今惟置爵用玷。有銅有木。銅玷方七寸八分。中繫圓凹。深一分。徑五寸七分。高一寸二分。其半爲足。重二斤九兩。本玷制同。登。盛太羹之器也。儀禮公食大夫禮。太羹。清不和。實于簋。爾雅。瓦豆謂之登。登用瓦。古人之質也。今範銅爲之。飾以雲雷饗饗通蓋高八寸二分。蓋連提高二寸三分。口圓徑五寸。內深一寸六分。身連足高六寸一

分。腹口圓徑五寸二分。深二寸。足徑四寸七分。重五斤十二兩。惟至聖先師位前用之。銅盛和羹之器也。儀禮聘禮。六銅繼之。牛以西羊豕豕南牛。以東羊豕。又公食大夫禮。宰夫設銅四于豆。西東上牛。以西羊豕南牛。豕以東牛。又少牢饋食禮。上佐食饌兩銅。取一羊銅于房中。下佐食又取一豕銅于房中。以從。皆有柄。考古者六銅則牛二豕二羊二。四銅則牛二豕一羊一。兩銅則有羊豕而無牛。今廟庭用兩銅。是以無牛和羹。第不用柄。與古少異耳。其制範銅爲之。三足兩耳。蓋施三紐。皆鏤以饗饗雷文。通蓋高八寸。蓋連紐高二寸七分。口圓徑五寸。內深一寸七分。腹連足高四寸七分。口圓徑五寸。深三寸八分。兩耳圓一寸七分。重七斤十二兩。簋盛饗饗加膳之器。簋盛常膳之器也。周禮舍人。凡祭祀供饗簋實之陳之。鄭氏注云。方曰簋。圓曰簠。盛黍稷稻粱器。儀禮聘禮。八簋繼之。黍其南稷。錯兩簋繼之。梁在北。蓋古者以黍稷爲常膳。實以簋以梁稻爲加膳。實以簠而黍稷梁稻之中。又上黍與稻。故以先梁稷。則祭品用一簋者。宜去稷用一簠者。宜去梁矣。然自開元以來。祭用一簋一簠者。皆去稻粱。登黍稷不復因常膳加膳而別其用焉。又古者或以瓦。或以木。或飾以金玉。而今制則皆以銅。三禮圖謂外方內圓曰簋。內方外圓曰簠。今簋方簠圓。內外同形。則如鄭說。皆四翅兩耳。鏤以饗饗雷文。簋通蓋高六寸。蓋連提高二寸五分。口長八寸三分。廣六寸四分。內深一寸五分。翅高九分。兩方耳圓八分。厚二分。身連足高三寸七分。口長八寸三分。廣六寸四分。深一寸九分。足高一寸六分。長六寸五分。廣五寸二分。分兩獸耳圓一寸一分。厚五分。重十三斤二兩。簠通蓋高七寸二分。蓋連提高二寸八分。口徑長七寸三分。廣五寸六分。內深一寸四分。翅高一寸三分。身連足高四寸六分。口徑長七寸三分。廣五寸六分。深二寸一分。足高二寸四分。徑長六寸一分。廣四寸六分。兩獸耳圓一寸九分。厚六分。重十二斤八兩。邊豆。所以薦庶餼者也。禮記郊特



牲曰邊豆之薦水土之品也。又曰恒豆之漬水草之和氣也。其醢醢產之物也。加豆陸產也。其醢醢水物也。周禮邊豆入掌四簋之實。朝事之邊其實。饋養白黑形鹽鮑魚鱸。饋食之邊其實。棗栗桃乾棗榛實。加邊之實。葵芡栗脯羞邊之實。糗餌粉養醢人掌四豆之實。朝事之豆其實。韭菹醢昌本麋。菁菹鹿。藟菹。饋食之豆其實。葵豆。羶醢脾析。羶醢。蜃醢。豚拍魚醢。加豆之實。芹菹兔醢。筍菹魚醢。稻菹雁醢。筍菹魚醢。羞豆之實。醢食糝食。蓋古者天子祭祀宗廟有九獻之禮。一獻王裸。二獻后裸。三獻王薦腥。四獻后亞獻。於是薦朝事之邊豆各八。五獻王薦熟。六獻后亞獻。於是薦饋食之邊豆各八。七獻王醑尸。八獻后醑尸。於是薦加事之邊豆各八。既醑尸畢。又獻羞邊羞豆各二。而諸臣進以醑尸焉。故天子所用邊豆各二十六。諸公則十有六。諸侯十有二。上大夫八。下大夫六。所謂貴多品而制亦有等殺也。今釋奠用十邊豆。無羞邊羞豆之實。白餅黑餅形鹽醢魚朝事之邊也。棗栗榛實饋食之邊也。葵芡鹿脯加邊之實也。韭菹醢醢菁菹鹿醢朝事之豆也。脾析豚拍饋食之豆也。芹菹兔醢筍菹魚醢加豆之實也。其降用八邊者。去白餅黑餅。用四邊者。又去榛葵芡。又爾雅云。竹豆謂之籩。木豆謂之豆。而明堂位則云。夏后氏以楬豆。商士豆。周獻豆。然則籩之為竹器。古今無異制。而豆則或瓦或木或玉。而復易以銅也。固隨世為變與。今籩通蓋高七寸五分。蓋連頂高二寸八分。口圓徑四寸六分。內深二寸。身連足高四寸七分。腹口圓徑四寸六分。深一寸四分。足高三寸二分。圓徑三寸九分。竹質朱漆裏金邊足裏黑漆。豆通蓋高八寸二分。蓋連提高二寸四分。口圓徑五寸。內深一寸六分。身連足高五寸八分。腹口圓徑五寸。深一寸六分。足高四寸一分。圓徑四寸六分。銅質刻魚鱗。又重七斤。案所以陳祭品者也。周禮掌次王大旅上帝則張鼂案。朝日祀五帝則張大次。

小次設重布重案。鄭氏注云。張鼂案以鼂為牀於帳中。重案布席也。又玉人案十有二寸。鼂案十有二列。注云。玉飾案也。鼂案實於器。乃加於案。是古者牀及陳食之器皆名曰案。三代而下則惟食案書案始名之曰案焉。今供案高五尺。長一丈九尺。廣五尺。其次高一尺六寸。長一丈四尺五寸。廣五尺。又次高四尺二寸。長一丈二尺八寸。廣三尺九寸。又次高四尺三寸。長一丈二寸。廣三尺六寸。又次高四尺一寸。長一丈四寸。廣三尺八寸。又次高三尺八寸。長八尺一寸。廣三尺六寸。又次高四尺長七尺九寸。廣二尺一寸。又次高三尺七寸。長六尺。廣三尺。又次高三尺七寸。長八尺一寸。廣三尺五寸。又次高三尺四寸。長六尺一寸。廣二尺八寸。又次高三尺六寸。長六尺。廣三尺。皆兩端施檔。四足圓捲。髹以朱漆。刻為雲龍香草飾。以金碧饌盤。古無此器。儀禮特牲饋食禮曰。祝命佐食徹所俎。降設于堂下。阼階南。俎為所俎。又少年饋食禮曰。祝命佐食徹所俎。降設于堂下。阼階南。考所俎異於眾俎。尸入也。主人親羞之。尸所舉者。每物皆加於所利。成之後。即先徹此。命有司受歸之。今釋奠無迎尸歸俎之事故。取簠簋邊豆之實。每品各置少許於盤。名為饌盤。或即所俎之遺意與。第古者徹於送尸之後。而後世則徹於送神之前。為不同耳。盤之制。朱漆口方一尺四寸。底方一尺二寸。高二寸。俎載牲之器。周禮膳夫。王日一舉。鼎十有二。物皆有俎。儀禮特牲饋食禮。贊者錯俎加匕。少牢饋食禮。司士合執二俎以從。禮記明堂位。俎有虞氏以梳。夏后氏以楬。殷以棋。周以房俎。今其制似房俎。木質朱漆。太牢俎長七尺。廣四尺。高三尺四寸五分。少牢俎長三尺。廣一尺五寸。高二尺六寸。毛血盤盛毛血之器也。詩小雅。執其鸞刀以啓其毛。取其血。禮記禮器。血毛詔於室。禮運薦其毛血。蓋啓其毛以告純。取其血以告殺也。盤銅質。高一寸三分。口圓徑五寸五分。深一寸一分。重一斤六兩。昨盤承福胙器也。周禮膳夫。凡王祭祀則徹王之胙豆。蓋古者主人醑尸。



尸酢主人於是有胙俎。祭畢則受而歸之。又儀禮特牲饋食禮曰。佐食搏黍授祝。祝授尸。尸受以苴豆。執以親嘏主人。主人再拜稽首受。復位。詩懷之實于左袂。出寫于房。祝以饗受。是古人受福又以啻爲重矣。今祭將徹主祭者飲福酒卒爵受福。胙以盤載牲一體。是即古者胙俎之遺意。但不受黍稷爲與古異耳。其制木質。朱漆圓徑二尺。高一寸五分。置胙盤及福爵有案。制與祝案同。燔鑪焚蕭脂之器也。詩大雅曰。取蕭祭脂。禮記郊特牲曰。蕭合黍稷。臭陽達於牆屋。故既奠然後炳蕭合蕭。蕭蓋周人尙臭。所以求諸陽也。今制以鐵三足圓徑一尺二寸。足高六寸。重三十斤。香鼎。熟香器也。考三代以上祭無上香事。自漢始有香鑪之名。然祇用以薰衣服備儀衛而已。後世遂因以祀神焉。又鼎之爲物。古人所以烹飪。自取以熟香而烹飪之用。遂廢。亦今古所由異尚也。今廟中

欽頒法琅香鼎。高一尺五寸八分。口圓徑一尺一寸四分。腹圓徑一尺四寸六分。耳高八寸五分。廣三寸二分。厚一寸三分。足高六寸。圓徑二寸。黃色。資質銅胎。采繪花卉。几高二尺九寸八分。圓徑一尺五寸。朱漆金飾。舊存銅鼎大小凡三等。皆飾饗龍文。大者方形。通耳高一尺三寸五分。腹長一尺一寸。廣八寸五分。深六寸。耳高三寸。廣二寸五分。厚六分。足高四寸四分。圓徑一寸五分。重三十七斤。次者圓形。通耳高一尺六寸一分。口圓徑八寸四分。腹圓徑一尺一寸。深八寸七分。耳高四寸五分。廣一寸九分。厚六分。足高三寸八分。圓徑一寸五分。重二十三斤。又次者方形。通耳高九寸八分。腹長八寸四分。廣六寸一分。深五寸九分。耳高一寸。廣一寸九分。厚二分。足高二寸七分。圓徑一寸六分。重十二斤。二兩。鐵鼎凡二等。皆素質圓形。大者通耳高一尺九寸八分。口圓徑一尺。腹圓徑一尺一寸。深六寸。耳高八寸五分。廣三寸。厚五分。足高五寸三分。圓徑二寸。重五十七斤。次者通耳高一尺一寸二分。口圓徑九寸五分。腹圓徑一尺七分。深

三寸。耳高七寸二分。廣三寸。厚五分。足高四寸四分。圓徑二寸。重四十八斤。几大者高四尺。長五尺四寸五分。廣三尺三寸。飾以五采雲龍山水。上有欄高一尺。次者高二尺二寸五分。長二尺七寸。廣一尺九寸。四足有跗。朱漆無飾。小几與彝屏之几同。香盒。盛香之器。法琅盒。通蓋高四寸三分。圓徑六寸。質如香鼎。朱漆盒。通蓋高二寸五分。圓徑六寸。香盤。亦焚香器。以銅爲之。六角。兩端有龍鈕。徑七寸五分。高一寸六分。重六斤。承以石座。高四尺七寸三分。雕刻蟠龍雲氣。製極工巧。金明昌開造。提鑪焚香器之有提者。通蓋高四寸六分。蓋高一寸八分。口圓徑四寸。腹圓徑四寸七分。深二寸二分。三足。高六分。銅質。維以絲線。干長三尺。朱漆金龍首。燭臺。擊燭器也。周禮司烜氏以夫遂取明火於日。以其祭祀之明。盥明燭。凡邦之大事。供墳燭。注故書墳爲蕢。鄭司農云。麻燭也。後世以膏爲之。今法琅燭臺。高二尺三分。上盤圓徑四寸。中盤圓徑一尺四寸。座圓徑九寸。几高二尺九寸八分。圓徑一尺三寸二分。燭臺及几。並如香鼎。香几之制。舊存銅燭臺。凡二等。大者高二尺四寸五分。上盤圓徑四寸七分。中盤圓徑九寸八分。座圓徑一尺一寸。重三十七斤。飾以饗龍文。次者高一尺六寸。上盤圓徑四寸七分。中盤圓徑六寸七分。座圓徑八寸五分。重三十一斤。素質。鐵燭臺。凡五等。大者高一尺七寸。盤圓徑一尺。座圓徑八寸七分。重五十斤。次者高一尺二寸六分。盤圓徑七寸五分。座圓徑六寸七分。重四十八斤。又次高一尺七寸。盤圓徑九寸二分。座圓徑八寸九分。重四十六斤。又次高一尺三寸七分。盤圓徑七寸。座圓徑七寸三分。重二十二斤。又次高一尺三寸。盤座各圓徑六寸七分。重二十斤。並素質。花瓶。亦供器。非古制也。法琅瓶。高一尺八寸九分。口圓徑七寸五分。腹圓徑六寸六分。底圓徑八寸五分。中安法琅花一樹。高二尺。圓徑一尺。松花一百八十朵。竹葉六十片。梅花一百二十朵。質如香鼎之制。几與燭臺同。舊存銅瓶。凡二等。大者高二尺四

五分口圓徑一尺二寸腹圓徑五寸二分底圓徑八寸八分重六  
二斤次者高一尺三寸口圓徑六寸七分腹圓徑六寸八分底圓  
徑六寸三分重十三斤並飾以雲雷花草中安靈芝庭燎陛中然以  
著也詩小雅庭燎之光孔穎達疏云庭燎者樹之於庭燎之爲明  
燭之大者公蓋五十侯伯子男皆三十天子用百以物百枚并而  
策之用松葦竹灌以脂膏今制用鐵如籠高五寸圓徑三寸五分  
長五尺四寸植於陛間實以松明然之疊貯水器也儀禮少牢饋  
食禮司宮設疊水于洗東有枓鄭氏注云枓水器也凡設水用疊  
盥用枓承沃盥之棄水則用洗三禮圖謂之洗疊蓋以別於尊疊  
今制腹以上似壺尊而侈其足連足高六寸五分口圓徑五寸三  
分腹圓徑六寸一分深四寸七分足高一寸七分圓徑四寸七分銅  
重八斤八兩枓形如算盤口圓徑二寸二分深九分柄長八寸重  
四兩案如壺尊之案面有凹以承疊洗盥手及承棄水之器儀禮  
飲酒禮主人坐取爵興適洗南面坐奠于篚下盥洗鄭氏注云已  
乃洗爵致潔敬也又少牢饋食禮祝盥于洗升自西階主人盥升  
自阼階又宗人奉槃一宗人奉匱水一宗人奉篋巾乃沃尸盥于槃  
蓋古者主人及百執事就盥於洗惟尸尊不就洗則具槃匱以盥  
廟中洗之制其形如槃銅質飾以雷文花藻連足高四寸七分面  
徑一尺二寸五分深二寸二分足高二寸四分底徑六寸七分重十  
斤八兩承洗之架朱漆六足高一尺九寸通背高三尺四寸巾拭  
之悅也禮記內則盥卒接巾儀禮少牢饋食禮卒盥坐奠篋取巾  
用布廣幅長三尺燎又焚燎時擎帛者也又長一尺五寸以鐵爲  
柄長二尺六寸禮生明初照太常寺人樂舞生內洪武七年始專  
孔廟相禮生於附近州縣選取年幼俊秀子弟六十名不妨農學  
廟演習禮儀供贊相之職嘉靖三十五年奎文閣典籍錢汝芝奏  
禮生照舊執帖人免二丁

國朝順治元年山東巡撫方大猷題准照前朝舊例設禮生六十名  
雍正元年加封五代王建立崇聖祠又各准添設二十名共八十名  
其中庸書院禮生二十四名不在此內  
述曰六尊之等辨於周官或用以禴祠烝嘗或用以追享朝享此器  
之辨以地者也王與后敵體故酌獻及酢皆同尊諸臣不敢與君后  
並故酢獨以疊此器之辨以人者也漢章帝過魯留五尊於廟庭其  
用無聞惟考開元禮皇太子釋奠先聖先師用犧尊二象尊二山疊  
二在前楹閒犧尊皇太子初獻之所酌也象尊山疊祭酒司業亞終  
獻之所酌也朱子因開寶政和禮定釋奠儀亦設犧尊四象尊四在  
殿東南隅北向西上爲酌尊犧尊一實明水爲上尊餘實汎齊初獻  
酌之象尊一實明水爲上尊餘實醴齊亞終獻酌之又設太尊二山  
尊二在神位前者尊二犧尊二象尊二壺尊六在殿下皆北向西上  
實五齊三酒設而不酌然則唐宋酌尊猶因人異用而供尊亦皆有  
所實也今三獻官之禮既廢於是三獻統酌一尊惟先聖用著尊先  
賢先儒用壺尊則稍以示殺焉至元和五尊設而不實相沿已久蓋  
不知始於何時矣

闕里文獻考卷二十二終

校記

①此段文字出《儀禮·有司徹》，原文爲「祝命佐食徹尸俎，佐食乃出尸俎於廟門外」。「佐」下當脫「食」字。

②據《儀禮·鄉飲酒禮》，「奠」下當脫「爵」字。



東京大学蔵

闕里文獻考卷二十三

樂第六之一

古先聖王治定功成而作樂以合天地之性類萬物之情用以致鬼神示而和邦國而釋奠之必有合樂尤載於禮經我孔子德備羣聖功覺生民爲萬世制作之宗歷代以來並隆報祀笙鏞羽籥有秩有倫務盡揚圻竭形容以昭聖師功德於無極猗歟盛矣考闕里舊志言祀孔子用樂始於漢章帝時竊以爲當春秋之際魯猶備六代之樂先聖自衛反魯與師摯共相考訂以傳諸及門弟子其後世守而弗失或以時肄於廟庭章帝過魯不過因其舊存者而大合之以仿周禮春入學合舞秋頒學合聲之遺意未可卽以爲祀孔子用樂之始也劉宋元嘉間從裴松之議釋奠用八佾之舞旋以郊樂未具權奏登歌後世釋奠孔子用樂實起於此南齊武帝永明三年尙書令王儉奉詔斟酌眾議設軒縣舞六佾北齊後周並同此制而歌章舞節史概闕焉隋文帝仁壽元年以太子廣言詔吏部尙書牛弘太子洗馬柳彧言祕書丞許善心內史舍人虞世基禮部侍郎蔡徵等更詳故實創製雅樂歌辭其釋奠先聖先師奏誠夏今存者惟登歌一章辭曰經國立訓學重教先三墳肇冊五典舊篇開鑿禮著陶鑄功宣東膠西序春誦夏絃芳塵載仰祀典無驚唐初沿用隋樂高祖武德九年始詔太常少卿祖孝孫協律郎竇璡等定大唐雅樂以大樂與天地同和者也乃製十二和以法天之成數而和人神貞觀中協律郎張文收復以十二和之制未備奉詔與起居郎呂才考正律呂叶其聲音其用於釋奠者降神奏永和文舞三成送神一成奠幣登歌奏肅和入俎及徹豆奏雍和送文舞出迎武舞入奏舒和獨未詳酌獻樂者當時凡祭祀酌獻皆奏壽和或者其亦以壽和與迎神送神辭曰聖道日用神機不測金石以陳絃歌載陳爰釋其菜匪馨於稷來顧來享是宗是極奠幣辭曰粵惟上聖有縱自天傍周萬物俯

應千年舊章允著嘉賓孔虔王化茲首儒風是宣迎俎辭曰堂獻瑤匱庭敷瓊縣禮備其容樂和其變肅肅親享雍雍執奠明德惟馨蘋繁可薦出入二舞辭曰律集龜開昭聖烈龍騰鳳峙肅神儀尊儒敬業宏圖闡緯武經文盛德施武舞歌凱安辭曰昔在炎運終中華亂無象鄧郊赤烏見卽山黑雲上大賁下周車禁暴開殷網幽明同叶贊鼎祚齊天壤開元中又增三和爲十五和釋奠用宣和改迎神辭曰通吳表聖問老探真三千弟子五百賢人億齡規法萬載祠禮潔誠以祭奏樂迎神送神辭曰醴溢犧象羞陳俎豆魯壁類聞泗川如觀里校覃福胃筵承祐雅樂清音送神具奏五代漢改唐十一和爲十二成廢後增三和而易宣和爲師雅以祀孔子周又改十二成爲十二順去師雅而奏禮順以釋奠其樂章今並缺佚宋太祖建隆元年用兼判太常寺翰林學士竇儼言取治世之音安以樂之義改十二順爲十二安祭文宣王廟用永安然當時惟天地感生帝宗廟用樂親祀用宮縣有司攝事止登歌而已仁宗景祐二年帝親製郊廟樂章財成頌體告於神明乃詔宰臣呂夷簡等分造樂詞參施羣祀文宣王廟迎神奏發安辭曰大哉至聖文教之宗紀綱王化丕變民風常祀有秩備物有容神其格思是仰是崇升殿降階並奏同安辭曰右文興化憲古師今明祀有典吉日惟丁豐犧在俎雅奏來庭周旋陟降福祉是膺奠幣奏明安辭曰一王垂法千古作程有儀可仰無德而名齊以滌志幣以達誠禮容合度黍稷非馨酌獻奏成安辭曰自天生聖垂範百王恪恭明祀陟降上庠酌彼醇旨薦此令芳三獻成禮率由舊章飲福奏綏安辭曰犧象在前豆籩在列以享以薦既芬既潔禮成樂備人和神悅祭則受福率遵無越送神奏凝安辭曰肅肅庠序祀事惟明大哉宣父將聖多能歆馨肝饗迴馭凌兢祭容斯畢百福是膺哲宗時增僉國公配位酌獻樂奏成安辭曰無疆之祀配有可宗事舉以類與享其從嘉粟旨酒登薦惟恭降此遐福





令儀肅雍。徽宗崇寧四年，專置大晟府，典律呂。大觀三年，樂成。迎神奏，凝安辭曰：仰之彌高，鑽之彌堅。於昭斯文，被於萬年。我我膠庠，神其來止。思報無窮，敢忘於始。升降奏同安辭曰：生民以來，道莫與京。溫良恭儉，惟神惟明。我澤尊魯，陳茲芹藻。言升言旋，式崇斯教。奠幣奏明安辭曰：於論鼓鐘，于茲西雍。乘盛肥碩，有顯其容。其容洋洋，咸瞻像設。幣以達誠，飲我明潔。酌獻奏成安，正位辭曰：道德淵源，斯文之宗。功名糠粃，素王之風。碩兮斯牲，芬兮斯酒。綏我無疆，與天爲久。竟國公辭曰：仁由三月，名高四科。容莊而坐，時麗以歌。旅陳惟嘉，祇薦無煩。宣尼之侍，爾其誰過。鄒國公辭曰：踧踖周道，狂瀾倒深。躬承辭闢，高俾禹功。世興隆文，盛典惟崇。清濁嘉粟，式陳儀容。亞終獻，亦奏成安辭曰：疊設於東，黃流其中。觴盡三把，歌還一終。彼屯而窮，今泰而通。子與斯文，同壘之風。送神奏凝安辭曰：肅莊神綏，吉蠲牲犧。於皇明祀，薦登惟時。神之來兮，盥饗之隨。神之去兮，休嘉之貽。六年，頒降闕里。又闕里新志載：宋時樂曲內於升降奠幣各多一章，不知何時所更易，亦未識頒於何年。附識於此。其升降辭曰：賢於唐虞，飛騰粹英。玩成義易，刊定麟經。宗周尊王，炎劉推明。時予命祀，登降惟誠。其奠幣辭曰：晨幾飛霜，聲初諸商。事先陳幣，恭宜承箱。由階載升，於位肅將。周旋無譁，如在洋洋。金初取汴，就用北宋之樂。世宗大定十四年，始取大樂與天地同和之義，名之曰太和而定樂曲。以聖名釋奠，迎神奏來寧辭曰：上都隆化，廟堂作新。神之來格，威儀具陳。穆穆凝旒，巍然聖真。斯文伊始，羣方所親。盥洗奏靜寧辭曰：偉矣素王，風猷至粹。垂二千年，斯文不墜。涓辰惟良，爰修祀事。沃盥於庭，嚴禋禮備。升殿奏肅寧辭曰：巍乎聖師，道全德豐。修明五常，垂教無窮。增崇儒宮，追遠遺風。嚴祀申虔，登降有容。奠幣初獻奏和寧辭曰：天生聖人，賢於堯舜。仰之彌高，磨而不磷。新廟告成，宮牆數仞。遣使陳祠，斯文復振。降階奏安寧辭曰：稟靈尼丘，垂芳闕里。生民以來，就

如夫子。新祠歸然，四方所視。酌觴告成，祇循典禮。竟國公酌獻奏，凝安辭曰：聖師之門，惟顏居上。其殆庶幾，是宜配享。桓圭衰衣，有嚴儀象。載之神祠，增光吾黨。鄒國公酌獻奏，凝安辭曰：有周之衰，王綱既墜。是生真儒，宏才命世。言而爲經，醇乎仁義。力扶聖功，同垂萬世。亞終獻奏，成寧辭曰：於昭聖能，與天立極。有承其流，皇仁帝德。豈伊立言，訓經王國。煥我文明，典祀千億。送神奏來寧辭曰：吉蠲爲饗，孔惠孔時。正辭嘉言，神之格思。是饗是宜，神保聿歸。惟時肇祀，太平極微。以上樂章，皆國學釋奠辭也。闕里之特頒樂章，自金章宗明昌六年始。其樂章，迎神奏來寧辭曰：有功者祀，德厚流光。猗歟將聖，三綱五常。百代之師，久而愈芳。靈宮對越，神其鑒焉。盥洗奏靜寧辭曰：楚祀儀，昕微奠醑。爰清其持，斟元枚悅。匪持之清，精誠是况。神之來思，是欽嘉降。升降奏肅寧辭曰：衣冠襲封，元王之宗。春秋陳祀，元王之宮。清洙或涸，東山或童。此封此祀，承承無窮。奠幣奏肅寧辭曰：仰惟聖猷，宏賜尊顯。宿燎設縣，展誠致奠。旅幣申申，於粢洗腆。崇報孔明，不墜敬典。酌獻奏德寧，正位辭曰：巍巍堂堂，道德孰儷。屈於一時，伸於萬世。王號尊榮，公封相繼。有辰之良，嚴潔以祭。配位竟國，公辭曰：好學潛心，簞瓢樂內。具體而微，我進人退。洙泗之鄉，神之所在。其從聖師，廟食作配。鄒國公辭曰：醇乎其醑，優入聖域。祖述堯舜，力排楊墨。思濟斯民，果行其德。祀爲上公，宜茲配食。亞獻終獻辭曰：法施於人，修經式誨。如明開旨，如聲破曉。栖遲衰周，光華昭代。儼然南面，門人列配。送神奏肅寧辭曰：簞豆有嘉，威儀孔惠。三獻備舉，四方所視。神保是饗，永光闕里。神之聿歸，貽穀孫子。元取簞韶九成之義，樂名曰大成。其初時釋奠，猶襲用金樂。至成宗大德十年，令廷臣新撰釋奠樂章，而當時翰林乃全取宋大晟樂府擬撰，未用之詞錄而奏之。惟增撰鄒國公沂國公酌獻樂二章而已。餘雖撰擬，而未經施用。其迎神奏凝安辭曰：大哉宣聖，道德尊崇。維持王化，斯文是宗。典祀有



常精純並隆。神其來格。於昭盛容。又曰。生而知之。有教無私。成均之祀。威儀孔時。惟茲初丁。潔我盛潔。永言其道。萬世之師。又曰。巍巍堂堂。其道如天。清明之象。應物而然。時維上丁。備物薦誠。維新禮典。樂諧中聲。又曰。聖王生知。闡乃儒規。詩書文教。萬世昭垂。良日惟丁。靈承不爽。揭此精虔。神其來享。盥洗及升。降並奏同安。盥洗辭曰。右文興化。憲古師今。明祀有典。吉日惟丁。豐犧在俎。雅奏在庭。周旋陟降。福祉是膺。升降辭曰。誕與斯文。經天緯地。功加於民。實千萬世。笙鏞和鳴。桑盛豐備。肅肅降登。歆茲秩祀。奠幣奏明安辭曰。自生民來。誰底其盛。惟王神明。度越前聖。黍稷具成。禮容斯稱。黍稷非馨。惟神之聽。奉俎奏豐安辭曰。道同乎天。人倫之至。有享無窮。其與萬世。既潔斯牲。采明酌旨。不懈於忱。神之來暨。酌獻奏成安。正位辭曰。大哉聖王。實天生德。作樂以崇。時祀無斁。清醑惟馨。嘉牲孔碩。薦羞神明。庶幾昭格。竟國公辭曰。庶幾屢空。淵源深矣。亞聖宣猷。百世宜祀。吉蠲斯辰。昭陳尊簋。旨酒欣欣。神其來止。廊國公辭曰。心傳忠恕。一以貫之。爰述大學。萬世訓彝。惠我光明。尊聞行知。繼聖迪後。是享是宜。沂國公辭曰。公傳自曾。孟傳自公。有嫡緒承。允得其宗。提綱開蘊。乃作中庸。有於元聖。億載是崇。鄒國公辭曰。道之由興。於皇宣聖。維公之傳。人知趨正。與饗在堂。情文斯稱。萬年承休。假哉天命。亞獻奏文安辭曰。道德淵源。斯文之宗。功名棟宇。素王之風。芬兮斯牲。芳兮斯酒。綏我無疆。與天同久。終獻及分。獻並奏成安。終獻辭曰。百王宗師。生民物軌。瞻之洋洋。神其寧止。酌彼金醴。惟清且旨。登獻惟三。於嘻成禮。分獻十哲。辭曰。於昭哲人。賢德之淳。儒風光揚。輔世安仁。椒漿斯旨。蘭醑既陳。于酌于獻。福禧皆臻。從祀辭曰。儼然冠纓。崇然廟庭。百王承祀。洞辰惟丁。于牲于醑。其從與享。申之樂歌。式昭師仰。飲福受胙。與盥洗同。徹豆奏娛安辭曰。犧象在前。豆籩在列。以享以薦。既芬既潔。禮成樂備。人和神悅。祭則受福。率遵無越。送神奏凝安辭曰。有

嚴學宮。四方來宗。恪恭祀事。威儀雍雍。歆茲惟馨。神馭旋復。明禋斯畢。咸膺百福。望望與盥。洗同其擬。而未用之辭。迎神奏文明曰。天縱之聖。集厥大成。立言垂教。萬世準程。廟庭孔碩。俎豆既盈。神之格思。景福來并。盥洗奏昭明曰。神既寧止。有孚順若。疊洗在庭。載盥載濯。匪惟潔修。亦新厥德。對越在茲。敬恭惟則。升殿降階。並奏景明曰。大哉聖功。薄海內外。禮隆秩宗。光垂昭代。陟降在庭。攝齊委佩。莫不肅雍。洋洋如在。奠幣奏德明曰。圭衰尊崇。佩紳列侑。籩豆有楚。樂具和奏。式陳量幣。駿奔左右。天瞻斯文。繫神之祐。酌獻奏誠明正位辭曰。惟聖鑒格。享於克誠。有樂在縣。有碩斯牲。奉醴以告。嘉薦維馨。綏以多福。永底隆平。竟國公辭曰。潛心好學。不違如愚。用舍行藏。乃與聖俱。千載景行。企厥步趨。廟食作配。祀典弗渝。鄒國公辭曰。洙泗之傳。學窮性命。力距楊墨。以承三聖。遺時之季。孰識其正。高風仰止。莫不肅敬。亞終獻並奏靈明曰。廟成奕奕。祭祀孔時。三爵具舉。是饗是宜。於昭聖訓。示我民彝。紀德報功。配於兩儀。送神奏慶明曰。禮成樂備。靈取其旋。濟濟多士。不懈益虔。文教茲首。儒風是宣。佑我

國朝定鼎。我聖祖仁皇帝。建中和之極。作中和韶樂。康熙六年。詔名樂曲曰。平。國。學。釋奠迎神。奏咸平。辭曰。大哉至聖。峻德弘功。敷文衍化。百王是崇。典則有常。昭茲辟雍。有虔蠶簋。有嚴鼓鐘。初獻奠帛。

奉準平辭曰。覺我生民陶鑄前聖。巍巍泰山。實予景行。禮備樂和。夏  
籥惟靜。既述六經。爰斟三正。亞獻奏安平辭曰。至哉聖師。天授明德。  
木鐸萬世。式是羣辟。清酒維醕。言觀秉耜。太和常流。英才斯植。終獻  
奏景平辭曰。猗歟素王。示子物軌。瞻之在前。神其寧止。酌彼金罍。惟  
清且旨。登獻既終。弗遐有喜。徹饌奏咸平辭曰。璧水淵淵。崇牙業業。  
既飲宣聖。亦儀十哲。聲金振玉。告茲將徹。醴假有成。羹牆靡揭。送神  
望瘞並奏咸平辭曰。煌煌學宮。四方來宗。甄陶胄子。暨予微躬。思皇  
多士。膺奏厥功。佐予永清。三五是隆。至闕里釋奠。則猶因明之舊樂。  
未遑制作也。恭遇我

皇上聖神御宇。久道化成始

命廷臣增撰郡縣及闕里春秋四時旋宮之樂。乾隆八年  
頒下闕里迎神奏昭平辭曰。大哉孔子。先覺先知。與天地參。萬世之師。

祥徵麟紱。韻答金絲。日月既揭。乾坤清夷。初獻奠帛。奏宣平辭曰。子  
懷明德。玉振金聲。生民未有。展也大成。俎豆千古。春秋上丁。清酒既  
載。其香始升。亞獻奏秩平辭曰。式禮莫愆。升堂再獻。響協簫鏞。誠孚  
疊獻。肅肅雍雍。舉髦斯彥。禮陶樂淑。相觀而善。終獻奏絃平辭曰。自  
古在昔。先民有作。皮弁祭菜。於論思樂。惟天牖民。惟聖時若。彝倫攸  
敘。至今木鐸。徹饌奏懿平辭曰。先師有言。祭則受福。四海嚮宮。嚮敢  
不肅。禮成告徹。毋疏毋瀆。樂所自生。中原有教。送神望燎。奏德平辭  
曰。既釋我絃。洙泗洋洋。景行行止。流澤無疆。畢昭祀事。祀事孔明。化  
我蒸民。育我膠庠。

述曰。闕里立廟。本以聖居。宗子修其命祀。而享聖祖。自與國學有司  
攝事不同。金世特賜樂章是也。不然。西雍上庠之句。夫奚取於闕里  
之堂。又古者舞以象功。文武異用。乃唐人以摠干山立之容。而設於  
鼓篋。修文之地。無謂孰甚焉。  
闕里文獻考卷二十三終

校記

①闕字，《元史》卷六九作「皇家億載萬年」。



闕里文獻考卷二十四

周禮大司樂以樂德樂語樂舞教國子。記曰：凡學，春夏學干戈，秋冬學羽籥。又曰：君子無故不徹琴瑟。故樂也者，學者童而習之，長而知其故，歌詩必類，聽音亦各有所契也。三代而下，制不立於學官，學者類以爲無益而不習，欲習者又無師傳，於是守其器者惟是一二伶工而已。又其人率皆疲癯殘老，坐部立部伎所不堪者，方入雅部，僅能紀其鏗鏘鼓舞之末節，而不復能明言其義，筆之於書，樂隨世變，譜亦盡亡。其詩章幸有存者，而終不可作良足歎也。漢興，去古未遠，三百篇之詩猶有能被之管絃者。陵遲至於季世，蕩然無存。曹操平劉表，得雅樂郎杜夔，夔老久不肄習，所記者惟鹿鳴、騶虞、伐檀、文王四篇。大和之末，又失其三。左延年所得止鹿鳴一譜。至晉代，則并鹿鳴而盡亡焉。豈非傳之者無其人，而紀之者無其籍之過與？闕里舊備六代之樂，漢章帝時猶大合於廟庭。至魏晉後，遂鮮有言及者，蓋其亡也久矣。而歷代釋奠樂章，補闕搜殘，今尙存其六七。至於樂譜，則闕里志止有明代之制。祖庭廣記幸及元朝上溯宋金，又從缺佚，今固如此。更數百年之後，不且與雲咸韶濩同歸泯沒矣乎？故彙而存之，都爲一冊，略備往代之制焉。考闕里之頒樂，實始於宋稽之宋史，並未詳宮調所主。金釋奠樂，惟升殿奏南呂宮，餘皆奏姑洗宮。元成宗大德十年，頒大成樂於闕里。史載迎神奏擬安黃鍾宮三成大呂角二成大簇徵二成應鍾羽二成，盥洗奏同安一成，姑洗宮。升降奏同安一成，奠幣奏明安一成，皆南呂宮。奉俎奏豐安一成，姑洗宮。酌獻正配位奏成安五成，並南呂宮。亞獻奏文安一成，姑洗宮。終獻同飲福受胙奏同安一成，與盥洗同。徹豆奏娛安一成，南呂宮。送神奏擬安一成，黃鍾宮。望座奏同安一成，與盥洗同。今稽之祖庭廣記，迎神無大呂大簇應鍾等成，亦無盥洗飲福望座之同安及奉俎

之豐安等成而多分獻十哲及從祀成安各一成其迎神送神之禮安各一成並黃鍾爲宮黃鍾起調升降之同安一成奠幣之明安一成初獻及酌獻四配位之成安各一成徹豆之娛安一成並南呂爲宮南呂起調終獻之成安一成姑洗爲宮姑洗起調皆與史所載宮律相合而分獻十哲之成安一成亦以南呂爲宮南呂起調惟亞獻之文安一成則太簇起調用太簇姑洗蕤賓夷則南呂應鍾大呂七律分獻從祀之成安一成亦然而於亞獻一成下注云大呂宮按大呂爲宮則應夾鍾爲商仲呂爲角林鍾爲變徵夷則爲徵無射爲羽黃鍾爲變宮矣如以大呂爲南呂之調則南呂爲宮又應以應鍾爲商大呂爲角夾鍾爲變徵姑洗爲徵蕤賓爲羽夷則爲變宮矣今細按廣記所載此二成樂譜不用夾鍾則知非南呂之宮并不用仲呂林鍾無射黃鍾等律則知亦非大呂之宮矣惟以太簇立宮則商用姑洗角用蕤賓變徵用夷則徵用南呂羽用應鍾變宮用大呂方爲合律然則廣記所云大呂其殆太簇之誤與其譜迎神奏凝安曰黃南林姑太姑林南應南蕤姑南林黃太清黃南太清黃應南黃姑太清黃南林南姑太黃升降奏同安曰南應大應應南姑蕤夷蕤大應南應姑蕤夾大應南南蕤應南姑蕤夷應南蕤應南奠幣奏明安曰南應南蕤大蕤應南夾大應南蕤夷應南應南姑蕤姑蕤應南蕤南大應南蕤應南初獻奏成安曰南應姑蕤夷蕤應南夾大蕤南應姑應南南應夷蕤蕤姑應南姑蕤夷應姑蕤應南酌獻亮國公奏成安曰南應姑蕤南蕤應南蕤南夾大夷蕤應南南蕤大應應南蕤姑姑蕤大應南蕤應南酌獻鄒國公奏成安曰南應夷蕤大應蕤南南姑蕤應南南姑蕤應南酌獻沂國公奏成安曰南應姑蕤姑蕤夷應大應蕤南姑蕤應南姑大蕤姑夾大應南姑蕤應南大應蕤南酌獻鄒國公奏成安曰南應夷蕤南蕤應南夾大應南夷蕤應南南應姑蕤大應南蕤應南蕤夾南蕤應南



南林仲林仲黃太。饒奏寧和曰：太仲林仲太黃仲太南林仲太黃太仲太仲林黃太林仲太南清黃林南林仲太初獻奏安和曰：太仲黃太南林仲太仲太仲林仲太林仲清黃南仲仲林仲黃太南清黃林南林仲太亞終獻。疊奏景和曰：仲南林仲林仲太黃清黃南林仲林仲太黃太黃林仲南林太仲仲太林仲清黃南林仲。徵饒奏咸和曰：仲太仲林太仲黃太太南林仲仲林太仲黃太仲太南林仲太黃太仲林清黃南林仲。送神望塵。疊奏咸和曰：太南林仲黃太仲太清黃南林仲南林仲太仲林南林仲太林仲清黃南林仲南林仲太明時樂器增用洞簫其譜與塤箎同。凡合樂每闕先擊祝者三。以起樂末擊散首者三。操散背者三。以止樂。每字先以編鐘發其聲。次以編磬收其韻。每句終擊楹鼓三。以節之。擊足鼓三。以應之。搏拊及鼗皆隨楹鼓。明樂譜自末。

頒新樂以前闕里樂生四時猶肄習之。而諸舊樂器已敝。鐘磬存者又不諧於律。難以施用。所用者乃康熙五十八年。

欽頒新器。舊樂用清黃鍾新器無四清鍾。而有四倍鍾。又笙笛合字簫塤箎尺字。今制與倍應鍾應而不應。黃鍾較舊樂實隔一律。俗師不解。勉強奏之。遇清黃鍾則不得已而以正黃鍾代之。律已齟齬。欲其和平依磐也難矣。乾隆八年。

欽頒新譜。依聖祖御製律呂正義旋宮起調之法。以黃鍾爲宮聲。大呂爲清宮聲。以次太簇夾鍾爲商姑洗仲呂爲角蕤賓林鍾爲變徵夷則南呂爲徵。無射應鍾爲羽半黃鍾半大呂當變宮之音。去四清聲。加四倍聲。而以倍無射倍應鍾爲變宮。倍夷則倍南呂爲下羽五正二變。陽律從陽陰呂從陰。各成一均。其法以月律立宮。下羽主調。宮商角羽皆起調。正徵及變宮徵皆不起調。調皆用五正音。二變音不入調。倍夷則於簫爲上字。於笛爲凡字。倍南呂於簫爲仕字。於笛爲凡字。倍無射







為移足左右加為交足反履向上為蹈足步之容二前為進步縮為退步禮之容十屈身手向下為授屈身手上承為受拱手退為辭拱手向左右為讓俯首屈身為謙平手齊心為揖手至地為拜膝至地為跪叩首為頓首手左右讓足左右蹈為舞此新志所載舞者之容節也按之新舊二舞其容尚有未備者分間嘗竊以己意增之曰樹簫翟曰植簫簫直向前曰舒平擊簫曰橫翟簫相近處曰並橫翟於上以簫拄之曰支豎持簫翟於腋間曰掖荷簫翟於肩曰肩并簫翟舒於臂曰抱兩手向臂相抱曰抱手拜首至手曰拜手舊舞合樂時舞生先秉簫翟夾午階立將舞乃就位為六佾左手執簫右手秉翟向上合執之聽堂上歌鐘為節第一成初向內出翟垂簫點右足於後次轉向外點左足於後次合執簫翟向上躡次向外植翟舒簫點左足於後次合執簫翟相對躡次轉向上躬身側首拱手點左足於後次躬身段次平身執簫翟次相對平身合執簫翟次向上植簫舒翟點左足於後次相對平身合執簫翟次向上平身植翟三合簫次向內出翟垂簫點右足於後次轉向外點左足於後次向上躬身合執簫翟內側首點左足於後次退步外側首點右足於後次合執簫翟次起躬身拱簫翟外側首點右足於後次拜次平身執簫翟次掖翟舒簫相對點右足於後次合執簫翟向上躡次起轉向外掖翟舒簫點左足於後次向上平身合執簫翟次植翟舒簫點左足於後次合執簫翟向上躡次平身垂手開簫翟次向內植翟舒簫點右足於後次向內抱手植簫翟出左足次轉向外抱手植簫翟出右足次合簫翟向上拜次植起翟拜手第二成初垂簫出翟微向外垂出右足次轉翟微向內垂出左足次掖簫翟於外次平身合執簫翟次合執簫翟次向內植翟舒簫點右足於後次轉向外點左足於後次合執簫翟次向上躬身合執簫翟外側首點右足於後次相對平身合執簫翟次垂手開簫翟中二佾相對如故左右四佾並轉身向上次向內垂手

植簫翟近地次并簫翟拱次向內出翟垂簫點右足於後次轉向外點左足於後次向上合執簫翟躬身外側首點右足於後次舞蹈向內躬身上側首出左足次向上植翟橫簫點左足次轉向外次向上合執簫翟平身立次舉簫翟次掖簫翟於外次合簫翟拜次謙次起辭平身執簫翟次落翟舉簫躬身內側首次落簫翟躬身外側首次仍落簫翟舉躬身內側首次合簫翟拜次并簫翟舞蹈微向外躬身抱簫翟出右足次舞蹈微向內出左足次仍舞蹈微向外出右足次合簫翟拜手第三成初合執簫翟平身向內讓次向外讓次平身合執簫翟次屈左足跪次相對躬身受次向上合執簫翟躡次平身合執簫翟於內次平身合執簫翟次向內掖翟出手舒簫點右足於後次轉向外點左足於後次向上植翟橫簫平身立次平身合執簫翟次并抱簫翟躬身向內讓次向外讓次向上平身并執簫翟立次并植簫翟拜手次向內植翟舒簫點右足於後次轉向外點左足於後次向上平身合執簫翟次拜次向內躬身開簫翟次轉向外次向上平身合執簫翟次拜手次向內掖翟出手舒簫至地屈右足跪次轉向外屈左足跪次合簫翟向上拜次植起翟拜手次平身掖簫翟於外次掖簫翟於內次合簫翟拜次轉向南躬身受右譜但載左佾其右佾皆相對如蹈左足者則為蹈右足餘皆倣是此譜向頒新樂後樂生不復肄習教師張廷謨尚能紀其容節因與校正為譜識之并校新舞譜第一成初向上垂簫出翟出右足次微向外合簫翟次轉向內次向上掖翟呈簫平身立次植簫橫翟初並簫次向外垂簫出翟出右足次起手開簫翟次向上合簫翟次向內躬身開簫翟次向上合簫翟躬身受次平身植簫橫翟於簫末次向內合簫翟躬身受次向上平身出簫翟於外次向外合簫翟躬身受次向上開簫翟次向內合簫翟次向上合簫翟次點左足於前植簫橫落翟加於膝次大開簫翟次合舉簫翟次簫支翟次向外衛合



簫翟。次向上平身。出簫翟於內。次躬身。右植翟。左橫落簫。至地相並。  
 次平身。直交簫翟。次向內。衡合簫翟。次出簫翟於南。次向上。合舉簫  
 翟。次合簫翟。躬身受。次橫落翟。植簫於上。次合執簫翟。跪。次頓首。第  
 二成初。向上植翟。橫簫。次向外。掖翟。舒簫。並肩。出右足。次橫落簫。植  
 翟於上。次向上。開簫翟。次合簫翟。舞蹈向內。躬身。南讓。次舞蹈。北讓。  
 次向上。平身。抱手。開簫翟。次合簫翟。躬身受。次向內。肩翟。垂簫。躬身。  
 出右足。次肩簫。垂翟。出左足。次向上。植簫。橫翟。羽並簫。次向內。合簫  
 翟。拜。次向上。合舉簫翟。次向外。合簫翟。拜。次向上。垂簫。出翟。出右足。  
 次開簫翟。次合簫翟。平身。內讓。次外讓。次向外。合簫翟。拜。次向上。衡  
 合簫翟。次躬身。垂簫。肩翟於內。出左足。次斜落簫。斜植翟於簫末。次  
 舉簫。懷翟。次點左足於前。植簫。橫落翟。加於膝。次向內。掖翟。舒簫。並  
 肩。出左足。次向上。出簫翟於外。次向內。橫落簫。植翟於上。次開簫翟。  
 次向上。掖翟。出手。垂簫。次向內。衡合簫翟。次合執簫翟。跪。次頓首。第  
 三成初。掖翟。平身。側首。向上。呈簫。並耳。點左足於後。次植簫。橫舉翟  
 於簫末。次合舉簫翟。次向內。掖簫。垂翟。次向上。橫落簫。植翟於上。次  
 橫交簫翟。次向外。合簫翟。躬身受。次向上。平身。植簫。橫翟。柄末並簫。  
 次躬身。衡簫。出翟。次向外。掖翟。舒簫。並肩。出右足。次向上。合簫翟。拜。  
 次向內。出簫翟於南。次向上。開簫翟。交足。立。次合簫翟。內讓。次外讓。  
 次合落簫翟。至地。躬身。外俯首。出右足。次合簫翟。躬身受。次微向內。  
 舉簫翟。次向上。植簫。橫翟。羽並簫。次向外。衡合簫翟。次向上。開簫翟。  
 次合簫翟。拜。次肩簫於內。垂翟。躬身。蹲。次肩翟於外。垂簫。躬身。蹲。次  
 開簫翟於外。次開簫翟於內。次斜落簫。斜植翟於末。次大開簫翟。次  
 出簫翟於內。次出簫翟於外。次合執簫翟。跪。次頓首。右新譜。舞節與  
 舊舞同。惟先成。列於樂縣之間。三成舞畢。司旌生引舞生退。與舊爲  
 異。樂舞生就位。舊有轉班鼓節。以齊其步武。凡十三節。而各就位。退  
 班亦如之。其譜初三節。先二節。每節先擊鼓。邊二次。擊鼓心一次。後一

節先擊鼓邊二。次擊鼓心二。次三節每節擊鼓心二。又次三節每節擊鼓心三。又次三節每節擊鼓心五。末一節擊鼓心二。共四十二擊。又引導樂有迎鳳輦一曲。送祝版迎犧牲粢盛省牲視膳用之。朝元歌一曲。迎神送神用之。不知仿於何時。新志以爲明初冷謙作。亦未審所據。蓋教坊之樂。非雅聲也。故其譜不載。

述曰昔師己語子貢曰歌者上如抗下如墜曲如折止如槁木倨中矩句中鉤纍纍乎端如貫珠故歌之爲言也長言之也說之故言之言之不足故長言之長言之不足故嗟歎之嗟歎之不足故不知手之舞之足之蹈之也又古之善歌者有言當使聲中無字字中有聲蓋字有喉唇舌齒等音不同須字字皆輕圓融入聲中今轉換處無磊塊此謂聲中無字如宮聲字而曲合用商音能轉宮爲商歌之此謂字中有聲其間義蘊無窮微妙難得恐非樂工之所能精亦非汾下識之所能辨也若汾者所謂僅志其鏗鏘鼓舞之末者也

關里文獻考卷二十四終

闕里文獻考卷二十五

樂第六之三

樂之有聲假器從律。樂之有容假器成文。器也者樂之所以成也。書命與樂必曰克諧詩頌和平必曰依磐而考工制度各有專官器之係於樂也重矣。摠器之凡厥有八音曰金石絲竹匏土革木。鐘磬鏗鏘以立號石聲磬磬以立辨絲聲哀哀以立廉竹聲濫濫以立會鼓聲之聲謹謹以立動堂上之樂貴人聲不欲以他樂亂而琴瑟乃君子所常御故以絲音爲之主堂下之樂貴人氣故以匏竹爲之主而聲之以金振之以玉節之以木焉。粗而言之竅爲簫管合爲笙簧皆裁竹而成空圓廣狹驟難齊度琴瑟之絃以緩急易音琴瑟之體以燥濕變質故有絲不如竹竹不如肉之論。論其精者則匏之音於卦爲艮其方東北其風條立春之氣也竹之音於卦爲震其方東其風明庶春分之氣也木之音於卦爲巽其方東南其風清明立夏之氣也絲之音於卦爲離其方南其風景夏至之氣也土之音於卦爲坤其方西南其風涼立秋之氣也金之音於卦爲兌其方西其風闐闐秋分之氣也石之音於卦爲乾其方西北其風不周立冬之氣也革之音於卦爲坎其方北其風廣莫冬至之氣也夫八音者所以達四時之氣宣八方之風故奏之能和人神人無鳥獸易寒暑召風雲皆此器也。闕里自宋徽宗大觀六年賜正聲大樂器一副於是始備太常制度其陳設之位堂上編鐘一處在東編磬一處在西俱北向。祝一在編鐘北稍西。散一在編磬北稍東。搏拊二又在祝散北俱相向。一絃三絃五絃七絃九絃琴各一。瑟一在編鐘之南西上。編磬之南亦如之。東上堂下午階之東設簾簾各一爲一列。西上和笙一在簾南巢笙一在簾南簫一在壘南午階之西亦如之。東上鐘磬祝散搏拊琴瑟工各坐於堂上壘簾笙笛簫工並立於午階東西歌工四人在祝散東西俱相向。執麾挾仗色掌事一人在樂處之西東向金制

登歌鐘磬各一處歌工四人簫壘簾笙巢笙和笙簫各二七星匏九曜匏壘餘匏各一搏拊二祝散各一麾一絃三絃五絃七絃九絃琴各二瑟四章宗明昌五年勅賜曲阜夫子廟登歌樂一部將太常所餘鐘磬笙竽等項修整降下元制登歌巢笙和笙皆增二爲四餘如金制武宗至大三年五十四代孫左三部照磨思達以闕里久缺登歌樂器言於中書省移文江浙行省製造冬十月運赴闕里用之明闕里舊樂堂上編鐘一處在東編磬一處在西楹鼓一在編鐘之東足鼓一在編磬之西瑟四在鐘磬之北琴六在瑟北皆北向歌工六人在琴北搏拊二鼗鼓二在歌工北皆東西相向引樂麾一又在北西向堂下東階笙洞簫笛各三壘簾排簫各一皆北向以三人爲列凡四列西階亦如之祝一在匏竹東散一在匏竹西相向文舞六佾三十六人秉羽籥在匏竹之南執旌引舞者二人在文舞北夾午階立太祖洪武七年用五十六代衍聖公言頒樂器於闕里鐘磬各一處琴十瑟四鳳簫洞簫壘簾笙各四搏拊二祝散麾各一十四年賜樂舞生緋紅葵花袍皂靴黑角冠黑介幘錦臂鞞各一百一十羽籥各四十八旌節二應鼓一仍令舞生陳慶等十二人赴京師肄習初文舞在匏竹上憲宗成化十二年祭酒周洪謨上言古者鳴球琴瑟堂上之樂笙鏞祝散堂下之樂而干羽舞兩階今羽舞居上而樂器居下非古制也宜令典樂改正下禮官議從之又闕里舊有引導樂笙笛洞簫頭管提鼓拍板各二凡十二人

欽頒中和韶樂器一副祝一散一編鐘十六編磬十六琴六瑟四笙六

簫六笛六壘二篪四排簫二闕里陳設樂器初沿舊制猶分堂上堂下至乾隆十二年教習新樂成始遵今制陳樂器於露臺上舞佾之外編鐘在東編磬在西壘一簾二排簫一爲一列在編鐘之北西上笛三一在壘北一在簾北一在排簫北洞簫三在笛北瑟二在洞



儒藏

簫北琴三在瑟北編磬之北亦如之。東上楹鼓一在編鐘之東皆北向。歌工東三人在琴東北西三人在琴西北。笙六在歌工後搏拊二在歌工北。東祝一西祝一在搏拊北。麾二在祝故北。皆東西相向。文舞生六伶三十六人在樂縣之中。旌二在舞佾之北相向。初闕里樂有足鼓鼗鼓又庫存有相鼓不知製於何時。十三年春

皇上幸魯和碩莊親王兼樂部前期詣廟視樂器見之奏准並施於樂以足鼓與楹鼓同節設編磬之西北向。鼓相與搏拊同節設搏拊之下東西相向焉。此歷代樂器之數也。按今器之不同於往代者笙不巢和並用琴無一三五九等絃之別而已。其餘大抵皆沿古制。爰取見前陳奏者緣器考義著之於篇。金之屬一曰編鐘即歌鐘也。昔黃帝命伶倫鑄十二鐘以和五音此編鐘之始。周禮小胥凡縣鐘磬半爲堵全爲肆。鄭氏注云鐘磬者編縣之二八十六枚而在一處謂之堵。鐘一堵磬一堵謂之肆。縣必以十六者蓋取十二律正聲及四清聲也。漢服虔以十二鐘當十二辰更加七律一縣爲十九鐘。晉及宋齊縣皆十六。梁武帝取五音二變三倍縣之爲二十一鐘。後魏公孫崇合律呂正倍參縣之爲二十四鐘。北周長孫紹遠援國語書傳七律七始之制合七正七倍縣之爲十四鐘。隋復縣十六鐘。至唐分大小二架兼用十六二十四枚之法。宋初承唐制鐘磬以十六枚爲一虞而四清聲相承不擊。仁宗景祐二年集賢校理李照建言十二律聲已備四清聲乃鄭衛之樂請廢之。時學士馮元等駁之曰鐘磬十六皆本周漢諸儒之說及唐家典法所載宜仍如舊制。帝令權用十二枚爲一格詔有司訪知音能考者以聞。神宗元豐三年祕書監劉几奏復用四清聲。哲宗元祐間禮部侍郎范鎮復言四清鐘不見於經舊置而弗用至劉几用之與鄭衛無異。知禮院楊傑作元祐樂議以破之曰編鐘編磬十六其來遠矣豈獨見於周小胥之注哉。漢成帝時犍爲郡於水濱得古鐘十六枚帝因是陳禮樂雅頌之聲以風

化天下。其事載於禮樂志不爲不詳。豈因劉几然後用哉。王朴樂律聲太高歌者難逐故四清聲置而不用。及神宗朝下二律則四清聲皆用而諧協矣。今鐘磬必十六管是四清聲已在其間。自古無十二管之篇豈蕭韶九成之樂卽有鄭衛之聲乎。時禮部太常亦言鎮樂法自係一家之言難以參用而樂如故制。金元明皆承舊縣十六枚謂清黃鍾之鐘與黃鍾鐘相應我

聖祖仁皇帝考定鐘律始以清黃鍾不應正聲實應倍無射乃去四清聲之鐘加四倍聲之鐘以倍無射倍應鍾當變宮之位而以倍夷則倍南呂當下羽之位與無射應鍾相應焉。鐘體之制按周禮考工記六分其金而錫居其一謂之鐘鼎之齊。又鳧氏爲鐘兩樂謂之鈺鈺謂之于于上謂之鼓鼓上謂之鈺鈺上謂之舞舞上謂之甬甬上謂之衡衡縣謂之旋旋蟲謂之幹幹帶謂之篆篆間謂之枚枚謂之景于上之桴桴謂之陸十分其鈺去二以爲鈺以其鈺爲之鈺間去二分以爲之鼓間以其鼓間爲之舞修去二分以爲舞廣以其鈺之長爲之甬長以其甬長爲之圍參分其圍去一以爲衡圍參分其甬長二在上一下在下以設其旋薄厚之所震動清濁之所由出修身之所由與有說鐘已厚則石已薄則播修則杵杵則響長甬則震是故大鐘十分其鼓間以其一爲之厚小鐘十分其鈺間以其一爲之厚大而短則其聲疾而短聞鐘小而長則其聲舒而遠聞爲陰六分其厚以其一爲之深而圓之其制扁而不圓側縣於虞唐殷周孫五代王朴猶皆遵用其法。至宋李照胡瑗始改正其紐使下垂我

聖祖仁皇帝考定鐘聲以鐘體圓則周擊之而其聲皆同體扁則大面聲必下小面聲必高且兩樂下垂口徑不平不能得渾厚中正之韻乃更爲橢圓上下俱平之制又以鐘之取聲高下在於輕重厚薄之實體及中空容積之度分乃本黃鍾之律先定其中空容積之度分次考其實體之厚薄與夫鈞兩之重輕其法黃鍾鐘取黃鍾之俞以



八八重倍之得六十四俞。再八倍之得五百一十二俞。以五百一十二俞之實積今尺二百二十寸三百九十九分二百一十一釐五百二十毫爲中容數。以六十四俞之實積二十七寸五百四十九分九百一釐四百四十毫爲體積。數得重十三斤八兩厚一分五釐九毫。外形除鈕高七寸四分四釐九毫。中徑七寸一分四釐六毫。上下各徑五寸三釐九毫。雙龍爲鈕。枚帶之間以八卦爲文。十六鐘外形皆同。自大呂以下遞減其容積而增其體積。大呂鐘厚一分六釐八毫。重十四斤三兩五錢。中容二百一十八寸九百二十五分三百四十八釐四百八十毫。太簇鐘厚一分七釐七毫。重十四斤十五兩七錢。中容二百一十七寸三百七十二分六百三十六釐八百毫。夾鍾鐘厚一分八釐九毫。重十六斤。中容二百一十五寸二百九十七分三百七十七釐九百二十毫。姑洗鐘厚一分九釐九毫。重十六斤十三兩六錢。中容二百一十三寸五百五十分五百七十七釐二百八十毫。仲呂鐘厚二分一釐三毫。重一十八斤。中容二百一十一寸二百一十五分九百一十一釐四十毫。蕤賓鐘厚二分二釐四毫。重一十八斤十五兩四錢。中容二百九寸二百五十分七百六十釐三百二十毫。林鍾鐘厚二分三釐三毫。重十九斤十一兩三錢。中容二百七寸七百二十九分二百八釐八百八十八毫。夷則鐘厚二分三釐六毫。重十九斤十五兩六錢。中容二百七寸一百八十分四百七十八釐八十毫。南呂鐘厚二分五釐二毫。重二十一斤五兩三錢。中容二百四十四分一百一十三分四百六十六釐二百四十毫。無射鐘厚二分六釐六毫。重二十二斤七兩五錢。中容二百二十八分四百三十九釐七百二十毫。應鍾鐘厚二分八釐四毫。重二十四斤。中容一百九十八寸九百七十一分五百一十釐四百毫。四倍律鐘則遞增其容積而減其體積。倍夷則鐘厚一分三釐三毫。重十一斤三兩七錢。中容二百二十五寸一十六分七百五十五釐八百四十毫。倍南

呂鐘厚一分四釐二毫。重一十二斤。中容二百二十三寸四百六十分三百一十一釐六百八十毫。倍無射鐘厚一分四釐九毫。重一十二斤十兩二錢。中容二百二十二寸一百五十分二百一十一釐二百毫。倍應鍾鐘厚一分五釐七毫。重十三斤五兩。中容二百二十寸七百七十分二十三釐四十毫。今之在縣者是也。外有庫存舊鐘聲奔鬱而不揚。其年代尺度輕重之原皆不可考。徵之祖庭廣記載鐘制云。黃鍾鐘重八斤六兩。身高七寸五分。旋高二寸一分。頂橫闊五寸七分。直闊四寸八分。口橫闊六寸二分。直闊五寸一分。大呂鐘重七斤七兩。太簇鐘重七斤十二兩。夾鍾鐘重八斤七兩。姑洗鐘重九斤十兩。仲呂鐘重九斤十五兩。蕤賓鐘重九斤十兩。林鍾鐘重八斤十一兩。夷則鐘重八斤十一兩。南呂鐘重十斤十三兩。無射鐘重九斤十三兩。應鍾鐘重十一斤八兩。清黃鍾鐘重十一斤三兩。清大呂鐘重十二斤。清太簇鐘重十三斤十二兩。清夾鍾鐘重十二斤十二兩。體製並同黃鍾。鐘不言其爲何代之制。以見存舊鐘驗之輕重。悉不相合。且其所載斤兩忽重忽輕。不依本律之高下爲損益。亦未可據以爲準也。編縣之制舊以四清鐘附於十二正聲之次。今以四倍鐘列於十二正聲之前。皆以陽律置上層。陰呂置下層。自東而西。縣之懸鐘者曰筓。虞周禮梓人爲筓。虞天下之大獸。五脂者。膏者。羴者。羽者。鱗者。宗廟之事。脂者。膏者。以爲牲。羴者。羽者。鱗者。以爲筓。虞外骨內骨。卻行。人。行。連。行。紆。行。以。脰。鳴。者。以。注。鳴。者。以。旁。鳴。者。以。翼。鳴。者。以。股。鳴。者。以。胛。鳴。者。謂之小蟲之屬。以爲雕琢。厚唇。弁口。出目。短耳。大胃。燂後。大體。短脰。若是者。謂之羴。羴恆有力。而不能走。其聲大而宏。有力而不能走。則於任重宜。大聲而宏。則於鐘宜。若是者。以爲鐘。廣是。故擊其所懸。而由其處鳴。銳喙。決吻。數目。顯脰。小體。羴腹。若是者。謂之羽。羴恆無力。而輕。其聲清揚。而遠聞。無力而輕。則於任輕宜。其聲清揚。而遠聞。則於磬宜。若是者。以爲磬。虞故擊其所懸。而由其



虞鳴。小首而長。搏身而鴻。若是者。謂之鱗屬。以爲筍。凡攬網援簪之類。必深其爪。出其目。作其鱗之而深其爪。出其目。作其鱗之。而則於眦。必撥爾而怒。苟撥爾而怒。則於任重宜。且其匪色。必似鳴矣。爪不深目。不出鱗之。而不作。則必積爾如委矣。苟積爾如委。則加任焉。則必如將廢。指其匪色。必似不鳴矣。故今縣編鐘。猶以鱗屬飾筍。屬承虞縣鐘於筍。筍上刻業如鋸齒。上置崇牙。飾飛隼。采羽。繽紛流蘇。騷殺詩所謂設業設虞崇牙樹羽者也。古者以兩堅不能相和。故撞鐘之具。必以濡木。海中有魚曰鯨。有獸曰蒲牢。蒲牢素憚鯨魚。擊則鳴。後世因作蒲牢於鐘上。而削桐爲魚形以擊之。元時用茱萸木擊鐘。未詳其形制。今依太常製檀木爲椎形以叩鐘。又古者受擊之地。爲隧。其狀深凹。今則於鼓間獨高起。以受擊。亦今古之不相襲者也。二曰鑪。尙書笙鑪以閒商。頌庸鼓有鞀。爾雅大鐘謂之鑪。朱子曰。鐘有編縣者。有特縣者。其特縣者。器大而聲宏。雜奏於八音之間。則絲竹之音。皆爲其所掩。而不可聽。故但擊之以爲作止之節。卽鑪是也。又鄭康成注尙書云。鑪亦名鑪。而陳暘據韋昭杜預之說以駁之。謂鐘之小者爲鑪。不得與鑪比。且云。鑪之爲用。其實編鐘也。編鐘之用。其實歌鐘也。一器而二異其名耳。考儀禮大射禮西階之西。頌磬東面。其南鐘。其南鑪。是鑪與編鐘明是二器。陳氏之說固不可訓。而鑪配特磬。鑪配鼗鼓。其制又各不同。鄭氏併而一之。亦非也。今廟庭鑪鐘與鼗鼓對設杏壇上。未詳何時所造。螭鈕無樂平縣於虞。與考工之制殊異。惟上狹下廣。體扁有三十六枚。枚間有帶稍與古合。體高一尺六寸。鈕高四寸。厚八分。銑間修一尺五寸五分。廣一尺二寸六分。舞修一尺二寸九分。廣一尺六分。體厚一寸。叩之聲近今之倍應鐘。而微下。今律比舊律實高一律。揆以古律。蓋黃鍾聲也。筍虞純朱無飾。石之屬曰編磬。卽歌磬也。或謂黃帝使伶倫爲之。或謂堯使母勾氏爲之。廣雅云。母勾氏磬十六枚。黃氏云。母勾叔之別名。卽禮

記明堂位叔之離磬是也。歷代編縣損益因革之制，大概與鐘同。其材以泗濱爲最，蓋取其土少水多，聲和潤也。然爲物出於天成，非若鐘之有齊，故和平爲最難。周禮磬氏爲磬，倨句一矩有半，其博爲一，股爲二，鼓爲三。參分其股，博去一，以爲鼓博。參分其鼓博，以其一爲之厚。已上則摩其旁，已下則摩其端。然則大小厚薄，必以律呂遞損益之，而後足以協衆器而無奪倫之病。宋阮逸胡瑗作特磬尺度，議者又或非之。今廟庭所存舊磬十六枚，祖庭廣記載其尺度云：黃鍾磬，股長一尺，博五寸，鼓長一尺四寸七分，博三寸七分，厚一寸一分。大呂磬，股長一尺，博五寸二分，鼓長一尺四寸四分，博三寸七分，厚九分。太簇磬，股長一尺，博五寸，鼓長一尺七寸五分，博四寸五分，厚一寸一分。夾鍾磬，股長九寸七分，博五寸，鼓長一尺四寸九分，博三寸五分，厚一寸二分。姑洗磬，股長一尺，博四寸九分，鼓長一尺四寸八分，博三寸五分，厚一寸三分。仲呂磬，股長一尺，博四寸九分，鼓長一尺四寸七分，博三寸六分，厚一寸四分。蕤賓磬，股長九寸八分，博五寸一分，鼓長一尺四寸八分，博三寸五分，厚一寸四分。林鍾磬，股長九寸七分，博五寸，鼓長一尺四寸五分，博三寸八分，厚一寸四分。夷則磬，股長一尺，博四寸八分，鼓長一尺四寸八分，博三寸五分，厚一寸六分。南呂磬，股長一尺，博五寸，鼓長一尺四寸八分，博三寸五分，厚一寸八分。無射磬，股長一尺，博五寸，鼓長一尺四寸八分，博三寸六分，厚一寸八分。應鍾磬，股長一尺，博五寸，鼓長一尺四寸九分，博三寸五分，厚二寸。清黃鍾磬，股長九寸八分，博五寸，鼓長一尺四寸，博三寸五分，厚一寸八分。清大呂磬，股長一尺，博五寸二分，鼓長一尺四寸四分，博三寸七分，厚一寸。清太簇磬，股長一尺，博五寸二分，鼓長一尺四寸七分，博三寸七分，厚二寸三分。清夾鍾磬，股長九寸八分，博五寸，鼓長一尺四寸八分，博三寸七分，厚二寸五分。十六



所較之損益尺寸宜其一如舊編鐘之參差而不應律也。今

欽頒新磬取考工記博一鼓二鼓三之說以黃鍾爲本使各磬大小一制按律呂上下相生之法而爲之厚薄又酌取范鎮黃鍾股九寸之說而折以今之尺度得股七寸二分九釐博五寸四分六釐七毫鼓一尺九分三釐五毫博三寸六分四釐五毫乃十分其股修以其一得七分二釐九毫爲黃鍾磬之厚餘十五枚以次增損大呂磬厚七分六釐八毫太簇磬厚八分九毫夾鍾磬厚八分六釐四毫姑洗磬厚九分一釐仲呂磬厚九分七釐二毫蕤賓磬厚一寸二釐四毫林鍾磬厚一寸六釐四毫夷則磬厚一寸七釐八毫南呂磬厚一寸一分五釐二毫無射磬厚一寸二分一釐三毫應鍾磬厚一寸二分九釐六毫倍夷則磬厚六分六毫倍南呂磬厚六分四釐八毫倍無射磬厚六分八釐二毫倍應鍾磬厚七分一釐九毫倍蕤賓以羽屬崇牙從業樹羽垂縹之飾及新舊編鐘之次並與編鐘同附磬之具古以濡木後世亦以桐魚元以角今依太常式以檀木爲之若鐘椎而小絲之屬一曰琴白虎通曰琴者禁也禁邪以正人心也昔神農氏始制桐爲琴虞舜揮之以歌南風其時止有宮商角徵羽五絃至周文武又各增一絃爲少宮少商因有七絃琴之制宋太宗仿蔡邕之舊更加二絃爲九絃名曰君臣文武禮樂正民心仁宗時又制兩儀琴十二絃琴十絃琴九絃琴同施於郊祀雅樂徽宗造大晟樂器更置一絃三絃之琴歷代以來制度不一考禮記明堂位古者有大琴中琴之別故爾雅大琴謂之離郭璞注爲二十七絃又韓詩外傳謂伏羲琴長七尺二寸史記謂古者琴長八尺一寸又有十三絃者十五絃者二十絃者此皆所謂大琴也若七絃九絃十絃十二絃於制爲中琴而其中惟七絃者今古因而不廢七絃琴體之制廣雅云長三尺六寸六分通考載孔子琴長三尺六寸四分釋之者曰七絃者應七始也長三尺六寸有奇象期之日也腰廣四寸象四時也首廣

六寸象六合也。嶽闕三分象三才也。額長二寸四分象二十四氣也。前廣後狹象尊卑。上圓下方象天地也。徽十有三象十二律餘一以象閏也。其形象鳳而朱鳥南方之禽樂之主也。五分其身以三爲上二爲下參天兩地之義也。上曰池言其平。下曰濱言其服也。今

欽頒七絃琴自嶽山至焦尾絃度用四倍黃鍾之分準以今尺得長二尺九寸一分六釐乃九十分黃鍾之度以其三爲嶽山之厚以其二爲腰廣尾廣亦如之。設雁足於絃度四分之一立第七徽於絃度之半謂之中徽。再各半之立第四徽及第十徽於第四徽至嶽山之半立第一徽第十徽至焦尾之半立第十三徽復三分其絃度於其一分立第五徽二分立第九徽於第五徽至嶽山之半立第二徽第九徽至焦尾之半立第十二徽復五分其絃度於其一分立第三徽二分立第六徽三分立第八徽四分立第十一徽此製琴之式也。至於取聲定調之法唐人先以管色合字定宮絃乃以宮絃下生徵徵上生商上下相生終於少商下生者隔二絃上生者隔一絃朱子深取其說以爲絲聲不易之法宋人之制絃有三節聲自焦尾至中徽爲濁聲又上至四徽爲中聲又上至一徽爲清聲樂工指法按中徽一絃爲黃鍾按上爲大呂二絃爲太簇按上爲夾鍾三絃爲姑洗按上爲仲呂四絃爲蕤賓單彈五絃爲林鍾按上爲夷則六絃爲南呂按上爲無射七絃爲應鍾按上爲清黃鍾各隨鍾律彈之咸應仲呂之商又宋七絃琴圖謂黃鍾大呂並用慢角調故於大絃十一徽應三絃散聲太簇夾鍾並用清商調故於二絃十徽應四絃散聲姑洗仲呂蕤賓並用宮調故於三絃十一徽應五絃散聲林鍾夷則並用慢宮調故於四絃十徽應六絃散聲南呂無射應鍾並用蕤賓調故於五絃十徽應七絃散聲今制則以三絃立宮四絃以下爲商角徵羽一絃二絃則爲倍徵倍羽樂工指法四絃以上用散勾五絃以下用



散挑琴之絃以十二絲爲一絃宮絃用八十一絃商絃用七十二絃角絃用六十四絃徵絃用五十四絃羽絃用四十八絃倍徵絃用一百八絃倍羽絃用九十六絃若夫旋宮換調

御製律呂正義備載其定聲之位而太常樂工則仍倣唐人吹管定絃之法故四時雖各奏月調而琴不更譜焉二曰瑟陳陽云瑟者閉也所以懲忿窒欲正人之德也前其柱則清卻其柱則濁音者庖犧氏作瑟本五十絃黃帝使素女鼓之哀不自勝乃破爲二十五絃考禮記明堂位古者原有大瑟小瑟之別故爾雅曰大瑟謂之灑又三禮圖云大瑟長八尺一寸廣一尺八寸二十三絃用十九絃其餘四絃謂之番番灑也頌瑟長七尺二寸廣一尺八寸二十五絃然則今所用者蓋頌瑟也考宋大晟樂之瑟長七尺二寸以桐爲背以梓爲腹而漆其壁與首尾練絲熟而朱之又於首尾之下爲兩孔使其聲條達蓋卽記所謂清廟之瑟朱絃而疏越者是也設絃二十五絃各一柱以第一絃至十二絃爲十二律中聲以十四絃至二十五絃爲十二律清聲中清相應雙彈之今瑟用黃鍾之度得七寸二分九釐爲首長倍之爲尾長六倍之爲絃度九倍之爲通長又以倍黃鍾之度爲首廣二十分其首廣去三以爲尾廣去二以爲後腰廣去一以爲前腰廣其前首以黃鍾之度爲通高十分之一以爲前後梁之高廣以其六爲前首之額厚以其八爲後尾之通高以其五爲尾厚首自邊至足用黃鍾三分之二尾自邊至足用黃鍾之半而以黃鍾四分之一爲邊厚二十五絃並三倍黃鍾之數用絲二百四十三絃中一絃用黃餘以朱其定聲取調之法以黃鍾正宮之下徵定中絃散聲復以中絃全度四分之三設柱以和之以上十二絃爲濁音一均之分散聲皆和以黃鍾宮之徵音下十二絃爲清音一均之分散聲皆和以大呂宮之徵音取徵音者以絲音尙徵也此二均已定乃隨各宮調設柱以別度分之遠近依次遞遷而旋相爲用焉如一絃定

某律而六絃十一絃亦取某律某聲而爲某字二絃定某律其七絃十絃亦取某律某聲而爲某字三絃以下準此移柱改絃旋宮轉調而七調無不可通律呂無不爲用矣竹之屬一曰排簫劉熙逸雅云簫者肅也聲肅肅而清也昔舜作十管簫長二尺其形參差如鳳翼音如鳳聲故世謂之鳳簫詩周頌簫管備舉禮記月令均簫管周禮小師掌教簫笙師掌敎簫爾雅大簫謂之言小者謂之箛郭璞注云編二十三管長一尺四寸曰言十六管長一尺二寸曰箛又名簫今排簫十六管蓋所謂筊也蔡邕曰簫編竹有底大者二十三管小者十六管長則濁短則清以蜜蠟實其底而增減之則和陳陽曰管無底而善應故謂之言有底而交鳴故謂之箛有底無底其說不同今之排簫編如鳳翼左律右呂十二正聲四倍聲凡十六管皆無底同徑二分七釐四毫合黃鍾之徑度而十六管之長則各依其本律左以倍夷則爲第一管長今尺九寸一分二毫次倍無射長八寸九釐次黃鍾長七寸二分九釐次太簇長六寸四分八釐次姑洗長五寸七分六釐次蕤賓長五寸一分二釐次夷則長四寸五分五釐一毫次無射長四寸四釐五毫右以倍南呂爲第一管長八寸六分四釐次倍應鍾長七寸六分八釐次大呂長六寸八分二釐次夾鍾長六寸六釐八毫次仲呂長五寸三分九釐三毫次林鍾長四寸八分六釐次南呂長四寸三分二釐次應鍾長三寸八分四釐載以木檀通槽高一尺一寸五分橫如之縣以朱漆描金爲飾二曰洞簫漢邱仲作唐人謂之尺八截紫竹爲之宋元以前雅樂皆無此器所稱簫者皆排簫也明始以洞簫隸樂官今制用四倍黃鍾之管爲體定徑爲四分三釐五毫得黃鍾之分一尺一寸五分七釐二毫大呂之分一尺八分三釐六毫太簇之分一尺二分八釐六毫夾鍾之分九寸六分三釐二毫姑洗之分九寸一分四釐三毫仲呂之分八寸五分六釐二毫蕤賓之分八寸一分二釐七毫林鍾之分七寸七分一



釐四毫夷則之分七寸二分二釐四毫南呂之分六寸八分五釐七毫無射之分六寸四分二釐一毫應鍾之分六寸九釐五毫乃以姑洗仲呂之分相併得一尺七寸七分五毫聲應下羽上字爲通長以蕤賓林鍾之分相併得一尺五寸八分四釐二毫聲應宮尺字爲出音孔以夷則南呂之分相併得一尺四寸八釐一毫聲應宮聲工字爲第一孔以無射應鍾之分相併得一尺二寸五分一釐七毫聲應商聲凡字爲第二孔以黃鍾大呂之分相併折中得一尺一寸二分四毫聲應角聲六字爲第三孔以太簇夾鍾之分相併折中得九寸九分五釐九毫聲應徵五字爲第四孔以夷則南呂太簇夾鍾四律之分相併折中再半之得八寸五分聲應徵聲乙字爲第五孔以夷則南呂之分相併折中得七寸四分聲應變宮尺字爲後出孔而與出音孔同聲相應焉再以六字孔與高尺字孔之分相併得一尺八寸二分四釐五毫適合本管倍姑洗之分以取低上字又以高工字高凡字相併折中之分五寸九分三釐與乙字孔八寸五分之分相併而折中之得七寸二分一釐五毫適合本管夷則之分以取高上字諸孔內無高工字凡字孔則以工字代高工以凡字代高凡而合乙字以取之三曰笛風俗通曰笛條也蕤賓邪志納之雅正也周禮笙師掌教吹簫杜子春謂如今時所吹五孔竹簫然古簫本四孔漢京房加一孔以應商聲故五孔耳蔡邕曰形長尺圍寸無底有穴又發房邑及晉荀勗樂武帝諸笛制皆以合聲爲角音孔亦皆五宋太常笛則六孔依編架黃鍾爲合聲兼二變而吹之以從下而上第一穴爲太簇半竅爲大呂次上穴爲姑洗半竅爲夾鍾又次上穴爲仲呂又次上穴爲林鍾半竅爲蕤賓又次上穴爲南呂半竅爲夷則變聲爲應鍾謂用黃鍾清與仲呂雙發謂之變聲半竅爲無射後一穴爲黃鍾清不以橫吹而有後穴大抵如今洞簫之制也又宋李宗諤樂器云橫笛小篪也有簫者謂之義簫笛今之笛皆橫吹而

無義簫是或篪之變制乎其制用四倍黃鍾之管爲體定徑四分三釐五毫與簫徑同第簫之體長得本管律呂之倍與正笛之體短得本管律呂之正與半短則聲高故尺字應簫之五字而工字應簫之乙字焉其開孔自吹口至末通長一尺二寸五分一釐七毫得無射應鍾相併之分爲乙字聲應商聲自笛末至出音孔間其中有二孔最下一孔爲黃鍾之分得一尺一寸五分七釐二毫其上一孔爲大呂之分得一尺八分三釐六毫同爲上字聲應角聲又次則出音孔爲低尺字得太簇夾鍾相併折中之分九寸九分五釐九毫聲應徵出音孔之上其第一孔爲工字則姑洗仲呂相併折中之分得八寸八分五釐二毫聲應徵聲第二孔爲凡字則蕤賓林鍾相併折中之分得七寸九分二釐一毫聲應羽聲第三孔爲六字則夷則南呂相併折中之分得七寸四分聲應變宮第四孔爲五字則無射應鍾相併折中之分得六寸二分五釐八毫爲通長之半聲應宮聲第五孔則以無射應鍾相併折中之分與姑洗仲呂相併折中之分之半相併又折中取之得五寸三分四釐二毫與通長同爲乙字同應商聲最上第六孔則以姑洗仲呂相併折中之分半之得四寸四分二釐六毫適合第一孔之半與出音孔同爲尺字同應變徵再以尺字孔與六字孔之分相併得一尺一寸四分六釐六毫適合本管黃鍾之分以取低上字又以高工字高凡字相併折中之分三寸七分四釐與乙字孔五寸三分四釐二毫之分併而折中之得四寸五分凡字則以工字代高工凡字代高凡而合乙字取之連吹口以上共管長一尺八寸五分以金飾爲龍首尾故又謂之龍笛焉四曰篪者噤也聲從孔出如嬰兒啼也世本云暴辛公造爾雅曰大篪謂之沂郭璞注以竹爲之長尺四寸圍三寸一孔上出寸三分名翹橫吹之小者尺二寸但其制有十孔九孔八孔七孔六孔之異言十孔者

陳氏樂書引先儒之說也。言九孔者，賈公彥之說也。言八孔者，廣雅之說也。言七孔者，鄭眾之說也。言六孔者，蔡邕之說也。而宋旒之制也，蓋崇義獨以八孔為是。陳陽則兼收眾說，曰六孔六律之正聲也。八孔八音之正聲也。十孔五聲五倍之聲也。獨以鄭氏七孔之注為失。考邢昺疏云：鄭司農注周禮云：箛七孔，蓋不數其上出者，故七也。則鄭氏與廣雅蓋同一制矣。今制內開一孔，外開五孔，末開二出音小孔，連吹孔及底孔共為十焉。其法用三十二倍黃鍾之管為體，得八分七釐以為箛之徑。又定半太簇半夾鍾相和之分為九寸九分五釐九毫半姑洗半仲呂相和之分為八寸八分五釐二毫半蕤賓半林鍾相和之分為七寸九分二釐一毫半夷則半南呂相和之分為七寸四釐半無射半應鍾相和之分為六寸二分五釐八毫半黃鍾半大呂相和之分為五寸六分二毫。故自吹口至管末用半太簇半夾鍾相和之分得九寸九分五釐九毫。於管末設底開一孔為工字應宮聲，與箛之工字笛之五字合用。半姑洗半仲呂相和之分與半蕤賓半林鍾相和之分相併折中，得八寸三分八釐六毫。開出音二小孔為低六字聲應角聲。大用半夷則半南呂相和之分得七寸四分釐開向外第一孔為五字聲應變徵。大用半無射半應鍾相和之分與半黃鍾半大呂相和之分之半相併折中，得五寸九分三釐開向外第二孔為乙字聲應徵聲。大用半太簇半夾鍾相和之分之半得四寸九分七釐九毫。乃通體之半，開向外第三孔為上字聲應羽聲。大用半蕤賓半林鍾相和之分之半得三寸九分六釐開向外第四孔為工字聲應宮聲，與底孔相應。大用半無射半應鍾相和之分之半與半黃鍾半大呂相和之分之四分之一相併折中，得二寸九分六釐五毫。開向外第五孔為凡字聲應商聲。大用半太簇半夾鍾相和之分之四分之一得二寸四分八釐九毫。開向內一孔為高六字聲應角聲，與出音孔相應。至尺字孔本應取於半姑洗半仲呂相和

之分之半，因其位適與工字孔近，難於設孔，故於乙工二字孔合取之。猶箛笛之合尺六二孔取上字也。五曰管，昔女媧氏命娥陵氏始為都良管，以一天下之音為箛管，以合日月星辰之會。帝高辛氏又為展管，商頌曰：嘒嘒管聲。周頌曰：簫管備舉。樂記曰：從以簫管。周官小師掌鼓之管，陳寧播之笙師掌教吹之。則管為樂器之尚也久矣。第古者之管，其制不傳。考鄭氏注周禮云：管如箛六孔，如笛而小，併兩而吹之。與今之前後九孔，借哨取聲者特異。而唐人有雙鳳太平諸管，宋又有拱宸管，前籍載其制度而器亦並亡。今世之用惟頭管而已。俗樂取之，雅樂不尚焉。按御製律呂正義云：頭管之制以黃鍾為體，徑得今尺二分七釐四毫。其長則用姑洗之分除哨口得五寸七分六釐為合字，設以上字哨乃應笛之合字。自此以上定五寸三分九釐三毫為仲呂之分，五寸一分二釐為蕤賓之分，四寸八分六釐為林鍾之分，四寸五分五釐一毫為夷則之分，四寸三分二釐為南呂之分，四寸四分釐五毫為無射之分，三寸八分四釐為應鍾之分，三寸六分四釐為半黃鍾之分，三寸四分一釐三毫為半大呂之分，三寸二分四釐為半太簇之分，三寸三釐四毫為半夾鍾之分。用蕤賓林鍾之分相併折中，得四寸九分九釐為第一四字孔應宮聲。大用夷則南呂之分相併折中，得四寸四分三釐五毫為第二乙字孔應商聲。大用半黃鍾半大呂相併折中之分與無射應鍾相併折中之分再併而折中，得三寸七分三釐五毫為第三上字孔應角聲。大用半蕤賓半大呂相併折中之分得三寸五分二釐九毫為第四後出之孔應清角變徵之開於笛應高上低尺之間所謂勾字也。大用半太簇半夾鍾相併折中之分得三寸一分三釐七毫為第五尺字孔應變徵。大用四字孔之分之半得二寸四分九釐五毫。適當半蕤賓半林鍾相併折中之分為第六工字孔應徵聲。大用尺字孔之分之半得一寸五分六釐八毫。適





當半大簇半夾鍾相和之分之四分之一爲第七六字孔應變宮。次用乙字孔之分之四分之一得一寸一分八毫適當夷則南呂相併折中之分之二分之一爲第八後出之五字孔應宮。次用六字孔之分之半得七分八釐四毫適當半大簇半夾鍾相和之分之八分之一爲最上第九孔高乙字應商。而凡字則合工六二孔取之高上字則帶於高乙字中焉。此黃鍾大管之制也。又有半黃鍾小管八孔取音九。今引導樂用九孔大管故第詳大管之制。又蕭笛簫皆有姑洗仲呂之別。姑洗簫笛皆四倍黃鍾之積。簫則又八之爲三十二倍。仲呂簫笛皆三倍半黃鍾之積。簫則又八之爲二十八倍。所以備陰陽二均也。今

欽頒樂器惟有陽律一均故不並詳仲呂管之度而匏土之音亦惟載黃鍾一均焉。匏之屬曰笙。劉熙逸雅云笙生也。象物之貫地而生也。女媧氏始制爾雅大笙謂之巢。小笙謂之和。郭璞注云列管竽中施簧管端大者十九簧小者十三簧。又三十六簧曰笙。宋制第一管爲頭子應鍾清聲。第二管爲中音管黃鍾正聲應中音子。第三爲第三管應鍾正聲應頭子。第四爲第四管南呂正聲應第五子。第五爲中呂管無射正聲無應。第六爲大托管蕤賓濁聲應托聲。第七爲大五管大呂正聲無應。第八爲大韻管姑洗濁聲有應。第九爲第五子南呂清聲應第四管。第十爲中音子黃鍾清聲應中音。第十一爲托聲管蕤賓正聲應大托。第十二爲著聲管姑洗正聲應大韻。第十三爲仙呂管夾鍾正聲無應。第十四爲商聲管太簇正聲。第十五爲平調子林鍾清聲。第十六爲平調管林鍾正聲。第十七爲後韻太簇濁聲應商聲。第十八爲義聲管夷則正聲無應。第十九爲托聲管中呂正聲無應。蓋所謂巢笙也。今制損去二簧凡十七簧通匏高一尺六寸五分。匏高二寸三分。圓徑二寸五分。三釐吹高一寸二分。五釐。十七管皆徑一分六釐五毫。其出音孔至簧之長短則以三十二分黃

鍾管之七爲體定黃鍾之分爲四寸三分九釐二毫大呂之分爲四寸一分一釐三毫太簇之分爲三寸九分四毫夾鍾之分爲三寸六分五釐六毫姑洗之分爲三寸四分七釐仲呂之分爲三寸二分五釐蕤賓之分爲三寸八釐四毫林鍾之分爲二寸九分二釐八毫夷則之分爲二寸七分四釐二毫南呂之分爲二寸六分二毫無射之分爲二寸四分三釐七毫應鍾之分爲二寸三分一釐三毫以黃鍾之分與大呂之分相併折中得四寸二分五釐二毫聲應姑洗之律爲低上字管倍之得八寸五分五毫聲應蕤賓之律爲低凡字管倍之得七寸五分六釐聲應夷則之律爲低工字管以姑洗仲呂之分相併折中得三寸三分六釐聲亦應夷則爲高工字管倍之得六寸七分二釐聲應無射之律爲低凡字管以蕤賓林鍾之分相併折中得三寸六毫聲亦應無射爲高凡字管倍之得六寸一釐二毫聲應半黃鍾之律爲低六字管以夷則南呂之分相併折中得二寸六分七釐二毫聲亦應半黃鍾爲高六字管倍之得五寸三分四釐四毫聲應黃鍾之律爲低五字管以無射應鍾之分相併折中得二寸三分七釐五毫聲亦應黃鍾爲高五字管倍之得四寸七分五釐聲應太簇之律爲低乙字管以黃鍾大呂相和之分與太簇夾鍾相和之分相併折中得四寸一釐六毫聲在姑洗蕤賓之間爲勾字管高上字管之分與低上同最低工字乙字管之分與低工低乙同而高凡字亦有二管各管字皆與笛相應其施簧之法自上字以下諸管聲遞低則漸長而輒以上諸管聲遞高則漸短而硬攢管之法以上字列首二管大低乙字大低五字大低凡字大低尺字大低工字大高五字大勾字大高凡字大高工字大高尺字大高六字大低六字大低尺字大低乙字而以高凡字管列第十七焉。土之屬曰壎。白虎通曰壎之爲言重也。重蒸而萌也。王子年拾遺記云庖羲氏造詩

小雅伯氏吹壎。爾雅大壎謂之隰郭璞注云灼土爲之大如鵝子。銳上平底形如稱鍾。又作壎。周禮小師教之。晉轅播之。笙師吹之。陳陽曰壎之爲器平底六孔水之數也。中虛上銳火之形也。以水火相合而後成器。亦以水火相合而後成聲。又有雅壎。壎之別焉。馬端臨云古雅壎如雁子。頌壎如雞子。宋初無頌壎。至皇祐中始制頌壎。前下一穴爲太簇。上二穴右爲姑洗。啓下一穴爲仲呂。左雙啓爲林鍾。後二穴一啓爲南呂。雙啓爲應鍾。合聲爲黃鍾。頌壎雅壎對而吹之。今制用八倍黃鍾之管爲體。而以半夷則半南呂相併折中之分得二寸二分一釐七毫爲內高。其腹內徑則一寸七分二釐二毫。其底內徑則一寸一分四釐八毫。其定字以頂孔應黃鍾之律爲工字。以半無射半應鍾相併折中之分得一寸九分七釐一毫。應姑洗者爲前面居中第一孔六字半之得九分八釐五毫。應應半黃鍾者爲後面偏右之第五孔尺字。以黃鍾大呂相併折中之四分之一得一寸七分六釐四毫。應應蕤賓者爲前面偏左之第二孔五字。以太簇夾鍾相併折中之四分之一得一寸五分六釐八毫。應夷則者爲前面偏右之第三孔乙字。以姑洗仲呂相併折中之四分之一與蕤賓林鍾相併折中之四分之一相併而折中之得一寸三分二釐爲後面偏左之第四孔上字。六孔中獨無凡字。則以工字孔代之。古壎徹黑。雖取義水德實於律呂無與。今則與洞簫篪笛皆繫之以朱。而以金繪爲雲龍之飾焉。革之屬一曰鼗鼓。周禮鼓人以鼗鼓鼓軍事。又鞀人爲鞀陶長八尺。鼓四尺。中圍加三之一。謂之鼗鼓。又作鞀。爾雅曰大鼓謂之鞀。卽詩云鞀鼓維鏞是也。又名縣鼓。卽禮器云縣鼓在西是也。今制面徑四尺五分。腹徑五尺。長三尺三寸。續以雲龍五采。鼓腰有四環平縣於架。架四柱。柱高七尺二寸。縱橫各五尺三寸。二曰楹鼓。禮記明堂位殷楹鼓。鄭氏注云楹謂之柱。貫中上出也。又名建鼓。儀禮大射禮建鼓在阼階西南。鄭氏注云建猶樹也。以木貫

而載之。樹之附也。魏晉以降。復商制而植之。隋唐又棲翔鸞於上。宋更設重斗方蓋。蒙以朱網。張以絳紫繡羅。飾以五采羽。今制面徑二尺七寸。腹徑三尺。長三尺二寸。中貫以柱。下設獸跗。上覆黃蓋。頂置翔鸞四旁。垂五采流蘇。三曰足鼓。禮記明堂位夏后氏之鼓足。鄭氏注云足謂四足也。曹氏曰足鼓以趺承之。卽左傳楚伯棼射王鼓跗是也。又考隋書音樂志云革之屬五。一曰建鼓。夏后氏加四足。謂之足鼓。殷人柱貫之。謂之楹鼓。周人縣之。謂之縣鼓。然則足也。楹也。建也。鼓也。縣也。蓋名異而實則一耳。今制面徑二尺八寸五分。腹徑三尺四寸。長一尺六寸。下承以足。高三尺六寸。跗如十字縱橫二尺二寸。高六寸五分。四曰搏拊。周禮太師大祭祀帥瞽登歌。令奏擊拊。鄭康成云拊形如鼓。以韋爲表。著之以糠。亦以節樂。又禮記明堂位作拊搏。今制面徑六寸二分。腹徑一尺七寸。長一尺一寸五分。中實以糠。維以紅絲絛樂作則挂於頸。以手拍之。闕則臥於架上。架高一尺五寸。橫九寸。座廣一尺六寸。五曰相鼓。禮記樂記云治亂以相。鄭氏注曰相以節樂。卽拊也。按上文旣云會守拊鼓。下又曰治亂以相。則明屬一物。其非拊也。審矣。又孫炎曰整其亂行節之以相。赴敵迅疾趣之以雅。是相與雅同爲節武舞之器。故唐人於武舞中用之。但孔穎達云相所以輔相於樂。亂理也。而方慤亦云治亂而使之理。乃所以助樂之和。故曰治亂以相。則相又不專用於武舞矣。今制面徑四寸三分。腹徑如之。長一尺二寸。臥置於架。以桴擊之。架同搏拊。六曰鼗鼓。尙書下管鼗鼓。周禮小師掌教鼗鼓。瞽矇掌播鼗。儀禮大射禮發矇於頌磬西。鄭氏注云鼗如鼓而小。持其柄搖之。旁耳還自擊。又爾雅大鼗謂之麻。小者謂之料。又作鞀。禮記月令修鞀。鞀又作鞀。詩商頌置我鞀鼓。劉熙逸雅鞀。鞀也。所以導樂作也。今制面徑五寸九分。腹徑七寸八分。長六寸五分。植柄於腹兩旁。有耳。維以紅絲繩架高一尺九寸。橫九寸。七曰提鼓。周禮大司馬帥執提。鄭衆云提



謂馬上鼓有曲木提持鼓立馬髦上者故謂之提按此則提鼓乃軍中之節今引導樂所用之提鼓纖腰廣首維以紅絲絛蓋即宋蕭思所謂細腰鼓耳是胡部樂器非雅樂器也其制面徑五寸八分腹徑五寸長七寸五分有環繫繩以便提挈禮記曰鼓無當於五聲五聲弗得不和故革之屬獨不用鍾律木之屬一曰祝二曰敔又作圉尙書合止祝敔詩頌鼓磬祝敔周禮小師掌教祝敔禮記樂記有柷敔明堂位有指擊先儒皆注爲柷圉蓋祝敔以柷爲體柷敔以指擊爲用樂之始作擊柷以合之樂之將終操敔以止之也柷之制前代皆形如漆桶正方二尺四寸深一尺八寸中容十鬴內有椎柄連底桐之令左右擊唐制則旁開一孔納手於內擊之以舉樂宋仁宗乾道間又從禮官議東方圖以青隱爲青龍南方圖以赤隱爲丹鳳西方圖以白隱爲鸞虞北方圖以黑隱爲龜龜中央圖以黃隱爲神麟陳陽曰陰始於二四終於八十陰數四八而以陽一主之用以作樂居宮縣之東所以象春物之成始也今制折以今尺用二倍黃鍾之度得深一尺四寸五分八釐復改正方者爲斗狀上廣下狹仍以十鬴之積均之得上方二尺一寸八分七釐下方一尺六寸九分四釐鼓柷者謂之止形如椎柄長二尺四寸敔之制古者狀如伏虎背刻二十七齟齬以木長尺攔之唐制用竹長二尺四寸析爲十二莖先擊其首次三變齟齬宋仍其制亦碎竹以擊其首而逆夏之以止樂陳陽曰伏虎西方之陰物也二十七齟齬三九之數也攔之長尺十之數也陽成三變於九而以陰十勝之用以止樂居宮縣之西所以象秋物之成終也今制亦刻木爲伏虎用黃鍾之數高七寸土分九釐三倍之得長二尺一寸八分七釐二十七齟齬皆高一寸九分長六寸三分座高六寸四分長九寸二分廣二尺鼓敔者謂之籤其制度及受法皆仍唐宋之舊三曰拍板所以代拊而節樂蓋古者春牘之遺意也創於唐時胡部樂中用之其制長闊如手厚寸餘以韋連

之大者九版小者六版宋亦用六版長寸上銳薄而下圓厚以檀若桑木爲之今長二尺六寸六分闊二寸四分厚五分削木爲兩連以絲繩引導樂用以爲節文舞之器一曰簫二曰翟詩衛風左手執簫右手秉翟禮記文王世子秋冬學羽簫周禮簫師掌教國子舞羽飲簫祭祀則鼓羽簫之舞考簫之制古有六孔者用以吹簫章所飲之簫是也三孔者用以舞即舞人所執之簫也鄭康成以爲文舞有持羽吹簫者其說恐誤翟析白羽爲之詩所謂無冬無夏值其鸞羽是也又劉濂云凡執簫秉翟皆左手簫右手翟未開舞時簫在內翟在外簫橫而翟縱蓋左手屬陽右手屬陰陽主於聲陰主於容故左簫而右翟和順積中英華發外故簫內而翟外簫象衡運準平翟象表端繩直故簫橫而翟縱也爾雅大簫謂之產其中謂之仲小者謂之箛今制竹簫長一尺四寸圓徑一寸開三孔朱漆翟以木爲柄長一尺七寸朱漆金龍首上植雉尾引樂之器曰麾麾所以指麾也周禮巾車建大麾以田以封藩國鄭氏注云以色則黑夏后氏之所建也後世以纁帛爲之繪升龍其上執之以令樂工樂作則舉止則偃宋仁宗景祐五年改作小篆承以雙龍錯采爲信麾字樣元制亦繪金雙龍明用紅羅長七尺兩面繪雲龍一升一降上下有金彩花板上繪雲下繪山水木干長一丈飾以朱漆銅龍頭鉤自明以前麾止用一今則增爲二長七尺闊一尺身用朱紵絲首則以青篆書中和二字通體繪金升龍朱干長九尺上飾龍首承麾其上架高一尺七寸五分廣二尺引舞之器曰節節旄也周禮有旄人鄭氏注云旄旄牛尾舞者所持以指揮又爾雅和樂謂之節蓋樂之聲鼓以節之舞之容節以節之今制引舞節二亦以旄牛尾爲赤色凡九就有蓋朱干長九尺金爲曲首以維節架高二尺二寸廣二尺歌生所執有笏笏者忽也備忽忘也一名手版禮玉藻笏天子以象玉諸侯以象大夫以魚須文竹士以竹本象可也笏度二尺有六寸其中博二



寸其殺六分而去一。凡有指畫於君前用笏造受命於君則書於笏。明制四品以上用象牙五品以下用木而未詳樂舞生之用。

本朝太常儀制凡歌生皆執手版闕里自更定冠服後亦增用焉。其制木質粉飾長一尺三寸五分下寬二寸五分上殺三分通厚三分。

樂舞生冠服宋釋奠文宣王登歌樂執麾挾仗色掌事平巾幘樂工黑介幘並緋繡襦袍白絹抹帶元宣聖廟樂工黑漆冠綠羅生色胄

背花袍皂靴明文廟樂生服緋袍展角幘頭革帶皂靴文舞生冠服同今制文廟樂舞生服紅緞葵花補袍綠袖帶銅裏金起焰金校帽

頂皂靴執事生服青絹袍帽頂同先是闕里樂舞生冠服猶沿用前明舊制雍正二年禮部侍郎王景曾始奏定一如國子監之制樂舞

生宋金皆孔氏子弟肄習供祀元世祖中統三年正月修宣聖廟成閏九月東平路總管嚴忠範請補廟學樂工始用他姓明太祖洪武

七年勅宣聖廟四時祭祀所用樂舞生於府州縣儒學生員內或於民間俊秀子弟內選舉登在廟習演樂舞照廩膳生員事例除本身

優免外仍免供給人二丁是年於濟寧曲阜等處選到張濬陳慶等一百二十名神宗萬曆四十年山東提學道奏准樂舞諸生准令讀

書與儒童一體考試取中文理優通者發兗州府學充附不拘額數大澤文理粗通者四名給以衣巾暫寄曲阜縣學在廟領班。

國朝順治元年山東巡撫方大猷題准額設樂舞生二百四十名優免之例俱如前朝十三年部議入學名數准照大學例取三十六名

送府學充附領班衣巾四名送縣學充附雍正五年山東學政王世燾奏准樂舞生照會典止設一百五十四名每於考試擇其文理優

長者酌取四名入曲阜縣學充附其撥兗州府學充附之三十六名俱行裁革。

述曰嗚呼聲音之道亦難言矣哉必稽古今考傳記效氣物和心理耳默會乎先王制作之本原而精通乎天地萬物之故乃可得而言也

昔在成周樂備六代琴瑟羽籥皆肆成均故上自王朝下及侯國如師曠師乙伶州鳩者流類能契精微習器數用以傳子孫而著氏族秦漢以來此道崩壞制氏之業久絕不傳後世言樂者若荀勗阮咸牛弘何妥萬寶常裴知古王朴和峴范鎮胡瑗阮逸李照楊傑劉几魏漢津蔡元定陳旸張龜李元察朱載堉之屬各以一家言紛紜聚訟就中惟咸稱神解寶常知古雅號知音元定深究理數之奧其他沾沾者不過較長短於累黍之縱橫定正哇於聲調之高下更或求之斷爛殘闕之簡篇蝕沒銷沉之尺量其誣之甚者至請人君指度荷荷一時而欲以協神人垂萬世難已蓋古者以律管起尺度由母生子也後世以尺度定律管以子證母矣差之毫釐謬以千里然則非好學深思而別具宿悟神契者又烏足以與於斯邪。

闕里文獻考卷二十五終

校記

①乾道：疑作「乾興」。按，「乾道」爲南宋孝宗年號，而非仁宗。



藏書

闕里文獻考卷二十六

戶田第七

汾嘗讀楚茨之首章曰我黍與與我稷翼翼我倉既盈我庾維億以爲酒食以饗以祀以妥以侑以介景福蓋田事成而品物備品物備而祀事明未嘗不歎先王之制田祿以惠臣下而使公卿世世得以力農事而奉宗廟祭祀者其義至深且遠也闕里之有廟祀始自周更歷二千二百餘年子孫四時入廟潔奉蒸嘗所以報明德而薦馨香者迄於今不廢然則稽田祿述古今以無忘所自亦小雅詩人之意也考自秦以前魯人以歲時奉祀孔子其主墾之人圭田之制弗可得詳已漢初始以宗子奉祀事元帝時始有封戶平帝時始有國邑而春秋薦享亦間有出王家穀者魏晉以降有封爵而無胙土其所食戶亦隨時升降唐末喪亂百官俸給往往不繼而文宣公猶歲賜百縑以充牢醴宋初襲封者常兼他職食俸亦以階爲轉運至大中祥符間始專有祀田沿及金元代多增給明洪武時定給祭田二千大頃歲收其租入以供廟祀餘悉爲衍聖公廩祿

國朝因之蓋依然周制公卿有田祿以奉宗廟之遺意矣今謹詳歷代因革損益之制於左

土田之制自漢元帝初元元年詔關內侯霸以食邑八百戶祀孔子始嗣後爵爲列侯又晉上公其封戶或加至一千戶二千戶或減至五百戶二百戶一百戶並以子孫之歲入充宗廟之祭祀至唐中宗神龍元年始詔以鄒魯百戶爲隆道公采邑尋以唐季喪亂廩給不時宣宗大中元年從宰相白敏中奏給文宣公歲絹百疋以充享祀而采邑復廢迨宋真宗大中祥符元年始專賜祭田百頃哲宗元祐元年增賜田一百大頃八年三月勅將舊賜田一百頃均給族人新賜田一百頃以二十頃廟學膳生員二十頃充歲時祭祀十頃置殿庭簾幕五十頃歲收出租修葺祠宇是年又賜田一百大頃金章宗

明昌元年以兵革後舊賜田二百大頃內失地四十八頃八十六畝戶部劄於徐州豐縣地內撥補五年續給地六十五頃房屋四百間泰和元年詔撥給廟東南泮宮地六十四畝有奇助釋貧費元成宗大德五年濟寧路達魯花赤按禮不花以修廟餘資置任城縣田二十頃九年賜尙珍署官田五十頃順帝元統元年以鄆城之籍沒田八頃八十九畝屋二十七間賜孔氏明太祖洪武元年賜祭田二千大頃分爲五屯四廩十八官莊撥佃戶承種供廟祭及屬官廩給餘者爲衍聖公祿俸七年以歲久田荒詔添撥佃戶承種成祖永樂五年二月又賜贈廟田七十三大頃英宗正統四年秋八月戶部奏准存佃戶五百戶湊人二千丁專以辦納籽粒以供祭祀

國朝順治元年秋九月山東巡撫方大猷題准仍沿舊制又明時衍聖公有湯沐地大畝八十二頃有奇在順天府屬東安等五縣未詳爲何年所賜

國初圈入旗地七十大頃畧下東安縣地十二頃有奇順治十年詔以山東德魯二藩莊地照數補給此歷代及我

朝頒賜祀田之大凡也今析而數之凡爲屯者五曰鄆城曰鉅野曰平陽曰東阿曰獨山爲廩者四附於各屯而關東阿爲官莊十有八在曲阜者十二曰張羊莊曰城西大莊曰春亭莊曰紅廟莊曰齊王莊曰南池莊曰安基莊曰齊王坡曰顏孟莊曰馬草坡曰下地屯曰胡二窩在泗水者四曰西岩莊曰安寧莊曰魏莊曰戈山廩在鄒縣者二曰魯源莊曰黃家莊鄆城原額屯廩地六百二頃鉅野原額屯廩地五百九頃平陽原額屯廩地四百四十八頃東阿原額屯地七十六頃獨山原額屯廩地二百二十頃四十三畝六分二釐四毫四絲七忽曲阜原額官莊地六十四頃五十五畝泗水原額官莊地六十二頃八十畝二分七釐五毫五絲三忽鄒縣原額官莊地十七頃二十一畝一分通計五屯四廩及十八官莊原額地共二千大頃但



見在地畝統計荒熟鄭城存屯地三百六十七頃一十五畝五分八釐二毫六絲三忽厥地五十四頃七十二畝五分六釐四毫銀野存屯地一百八十六頃二十四畝一分七釐厥地三十頃三十畝三分四釐平陽存屯地二百三十一頃一十畝九分四釐一毫七絲厥地十二頃七畝四釐六毫東阿存屯地三十二頃六分一釐四毫七絲獨山存屯地六十一頃七十五畝五分四釐厥地二頃七十四畝七分二釐曲阜十二官莊存地六十頃五十六畝九分五毫四絲四忽泗水四官莊存地五十一頃七十三畝八分一釐三絲鄒縣二官莊存地六頃五十四畝二分二釐三毫七絲通計五屯四厥十八官莊共見存荒熟地一千九十六頃九十六畝四分五釐八毫四絲七忽較二千原額缺地九百三頃三畝五分四釐一毫五絲三忽此外又有洸河屯地七十三大頃在滋陽縣袁家莊者五十頃顏村店者二頃故縣村者一頃在濟寧州杏林莊者二十頃即永樂五年續賜之地也有東平厥地大畝二十三頃滋陽厥地二十七頃九十一畝四分七釐曲阜厥地十九頃六畝五分三釐即順治十年撥補之地也又鄒縣有尼山書院祭田一十三頃五十畝曲阜有明洪武初賜五十五代衍聖公地一大頃通前共見存地一千二百五十六頃七十八畝有奇較之會典所載衍聖公祭田二千一百五十七頃五十畝尚不及十分之六焉

會典又載孔氏廟宅基三頃二十七畝五分今並見存五屯額賦每一大畝徵銀六分又米折銀二分四釐共徵銀八分四釐其寄莊戶不供林廟差役者又每大畝加銀六釐共徵銀九分官莊厥地則視地之肥磽歲之豐歉以上下其賦故稅額向無定數佃戶五百戶有在五屯者有在官莊者每丁俱徵銀八分初無定額康熙五十二年

恩詔直省丁銀以康熙五十年為額續生人丁永不加賦時佃戶在五屯者存四千一百二十丁共徵銀三百二十九兩六錢在官莊者存八百九十四丁共徵銀七十一兩五錢二分遂為定額雍正四年詔直省丁銀皆攤入地畝而關里以有廟戶佃戶二等官莊佃戶又租無常額故一切尚循舊制迨乾隆七年始奉部議廟戶及書院官莊佃戶皆如故通隸守衛百戶徵收其五屯佃戶丁銀盡攤入地畝通計每大畝攤入銀四釐六絲三忽五微二十五年編審五屯存戶二百四十丁八千六百有三官莊存戶七十三丁一千六百四十又五屯舊有集稅銀一百六十兩六錢一分雍正八年六十八代衍聖公奏明奉

旨著各州縣徵收解交曲阜縣以為歲修書院林廟之用續因集場有停廢之處節次裁減今尚存銀一百一十九兩八錢一分又乾隆六年九卿議准監察御史陶正靖條奏添設中庸書院祭銀四十兩於鄒縣正項錢糧內支給亦附志於此

廟戶之役起於南宋考文帝元嘉十九年冬十二月詔免近孔子墓民孔景等五戶課役以掌洒掃後魏孝文帝延興三年夏四月又給孔廟洒掃十戶唐太宗貞觀十一年秋七月詔給兗州宣父廟戶二十睿宗太極元年詔下兗州取側近孔廟三十戶供洒掃元宗開元十三年冬十一月幸孔子宅給復近墓五戶二十七年詔文宣陵并舊宅立廟量加人洒掃憲宗元和十三年復置五十戶懿宗咸通四年又給五十戶後周太祖廣順二年夏六月幸曲阜給復廟側十戶為洒掃戶宋真宗景德四年夏五月詔兗州舊以七戶守孔子墳宜增至二十戶大中祥符元年冬十一月帝幸曲阜給近便十戶奉安城仁宗慶歷四年勅差本縣中等人戶五十人充本廟洒掃時梁適知兗州乞以廂兵代廟戶並請裁減人數時宰章德象欲如其請參知政事范仲淹不可曰此事與尋常利害不同自是朝廷崇奉先師

美事仁義可息則此人數可減吾輩雖行他人必復之乃已神宗熙寧中王安石新法行裁減廟戶存三十人林戶存三人哲宗元祐元年司馬光奏罷新法五年依四十六代孫鴻臚卿宗翰請仍復舊制差廟戶五十人林戶五人元太宗九年給復守廟一百戶世祖至元二年尚書省以括戶之故盡罷爲民太常少卿王磐爭之言林廟戶百家歲賦鈔不過六百貫僅比一六品官終年俸耳聖朝疆域萬里財賦歲億萬計豈愛一六品官俸不以待孔子哉且於府庫所省無多其損國體甚大以格於時議而止至成宗大德九年以五十三代衍聖公治奏請始給復二十八戶明太祖洪武元年特置酒掃戶一百一十五戶在廟者百在林者七在書院者八今於曲阜等州縣選民間俊秀無過子弟充當雜差役一概蠲免

國朝順治元年秋九月巡撫方大猷題准仍依舊制其丁賦每丁徵銀一錢其丁額亦照康熙五十二年之例額丁一千九百一十五共徵銀一百九十一兩五錢乾隆二十五年編審林廟尼山共見存戶一百有三丁四千八百五十又乾隆六年九卿議准御史陶正靖條奏中書書院添設門子二名每名工食銀六兩兩縣支給

述曰闕里舊志載魯哀公十七年立廟於舊宅置守坐廟百戶及漢靈帝建寧中給守廟百戶二事考家語孔子葬魯城北泗水上羣弟子及魯人往從而家者百有餘室因名曰孔里焉太史公作世家仍其舊說且曰子適魯觀仲尼廟堂車服禮器諸生以時習禮其家是當日之守衛林廟者實魯諸儒並非如後世官爲給掃除之役也至建寧二年魯相晨祀孔子廟二碑具在亦無給守廟百戶之事率引傳會殊屬無稽又舊志載漢桓帝元嘉二年詔孔子廟置百戶卒史一人而魏文帝黃初元年又云置百戶卒史以守衛之考漢元嘉三年碑魯相乙瑛請爲孔子廟置百戶卒史一人掌主禮器魏黃初碑亦云置百戶卒史蓋卒史吏卒者其官而百戶者其秩也漢制固是

如此今舊志既誤石爲戶而新志即據以爲建置百戶之由可謂以訛傳訛其失益甚者矣又新舊二志俱載北魏賜田以養孔氏子孫考此田在懷州夫子廟基上祖庭廣記云有碑記可據實與曲阜無涉又舊志於廟戶中載魏孝文帝太和十九年給邑一百戶稽之前史乃崇聖侯食邑並非酒掃戶又新志載元成宗大德九年給曲阜林廟戶一百一十五戶按大德九年中書省行下舊牒載在廣記所給復者止有二十八戶而一百一十五戶之額實定於明初亦非元事也又洪武元年頒賜祭田二千大頃今通計五屯四廩十八官莊方與二千頃原額相符而新舊二志祇云分爲五屯漏卻官莊四廩是皆前人之謬誤不可不辨者至衍聖公祭田外尚有孔氏免糧地輕糧地二種雖不關祀典而列代及我

朝加惠聖裔之恩例亦不可不識也故附記總數於末以備考曲阜縣孔氏免糧地共三百六十九頃六十八畝七分七釐八毫三絲明成化元年先蠲免稅糧三分之一至正德二年始盡行豁免既不徵糧故今曲阜縣賦役全書遂不載入輕糧地共四千二百二十二頃五十一畝九分一釐九毫五絲八忽坐落曲阜鄒滕三縣在曲阜者孔氏上地五百三十頃六十八畝六分五釐五毫二絲六忽每畝徵銀二分四釐七毫三絲二忽中地二千四百一十五頃五十四畝六分七釐四毫三絲二忽內增擴孔林案內開除三頃八十畝四分九釐九毫五絲五忽見在地二千四百一十一頃七十四畝一分七釐四毫七絲七忽每畝徵銀二分一釐三毫三絲二忽下地二百二十六頃九十四畝每畝徵銀一分八釐四毫七絲二忽在鄒縣者與孟氏合稱例地內分二等有稱孔孟聖府地者計中地一百五十六頃一十畝每畝徵銀一分三釐七毫五絲七忽下地三十五頃每畝徵銀五釐四毫五絲六忽有稱孔孟氏地者計中地三百八十九頃二十九畝四分每畝徵銀二分二釐一毫五絲六忽下地四百三頃

五十一畝九分每畝徵銀一分一釐五絲六忽。在滕縣者不分等則孔氏例地六十五頃四十三畝二分九釐每畝徵銀九釐三毫以上三縣地惟米與民開常賦同所徵正雜銀數皆視常賦特輕。又曲阜縣治本闕里舊基前明建城衛廟其所圍地畝內除孔氏廟宅基三頃二十七畝五分顏氏廟宅基九十二畝五分原無稅糧者其餘盡屬附廟官莊祀田及孔氏免糧地故城內並無基地之徵。

闕里文獻考卷二十六終



儒藏



關里文獻考卷二十七

學校第八之一

古者國有學術有序。黨有庠。家有塾。今孔顏曾孟四氏學官。爲置師比於郡國。其實孔氏之家塾也。昔者孔子沒。子孫卽宅爲廟。藏車服禮器。世以家學相承。自爲師友。而魯之諸生亦以時習禮其家。魏文帝黃初二年。詔魯郡修起孔子廟。復於廟外廣建屋宇。以居學者。此孔氏家學所由仿也。西晉之亂。百度廢弛。數百年中。無復講誦。宋文帝元嘉十九年。詔下魯郡復學舍。召生徒。而尋經荒亂。旋復廢墜。沿及隋唐。無可紀述者。宋真宗大中祥符三年。四十四代孫勛知縣事。奏請於家學舊址重建講堂。延師教授。得旨報可。而廟學之名始起。乾興元年。孫奭知兗州。又如修葺。哲宗元祐元年十月。改建學於廟之東南。置教授一員。令教諭本家子弟。其鄉鄰願入學者聽。尋添入顏孟二氏子孫。又撥近尼山田二十頃。充廟學生員膳賜。經史書各一部。四年添置學正錄各一員。教奉聖公胄子。金章宗明昌元年。詔修廟學。勅孔氏子孫已習詞賦經義。准備應試。人依兗州府養士例。每人月支官錢二貫。米三斗。小生減半支給。如兗州管下進士願從學者聽。曾得府薦者。試補終場。舉人免試入學。仍限二十人爲額。元世祖中統三年。詔曰。孔氏顏孟之家。皆聖賢之後也。自兵亂以來。往往失學。甘爲庸鄙。朕甚憫焉。今以進士楊庸教授孔氏顏孟子弟。務嚴加訓誨。精通經術。以繼聖賢之業。至元三十一年。又撥曲阜地九大頃五十畝。沛縣地五十大頃。作生徒學田。文宗至順間。沛縣學田爲豪民所占。五十四代衍聖公理而復之。又墾關宋元祐時所給尼山學田荒地一頃五十畝。歲入粟四十八石。以贍師生。其後陸續開墾。至明時始復二十頃舊額。明太祖洪武元年。改廟學名三氏子孫教授司。七年。裁學正。十年。重修學宮。英宗正統九年。五十九代衍聖公奏言。三氏子孫初止在學讀書。習禮未定。生員名額。今學徒

日盛。有以京闈領薦者。有以府學領薦者。有以儒士領薦者。請照郡縣學例。置立生員聽提學官考選。應山東布政使司鄉試。詔從之。憲宗成化元年。六十一代衍聖公奏。准頒給三氏學官印。又以子孫在學讀書者不下二三百名。止由科目一途進取。不無淹滯。乞依各府儒學事例。設歲貢。部議令三歲貢一人。以曾經科舉及考試通習經書素行有止者充選。孝宗弘治十一年。兗州知府龔弘請於撫按重修三氏學。視舊制有加。武宗正德四年。生員顏重禮及本學教授先後具疏。並以貢舉不均爲言。禮部議令貢孔氏三名。之後。其年同貢顏氏一名。孔氏又貢三名。之後。其年同貢孟氏一名。著爲例。世宗嘉靖六年。山東巡撫劉節奏稱。三氏學生員歲貢。向來惟以入學爲序。並無考選例。是以學者無所勸懲。請定爲考選之法。凡在學生員。先立廩膳。增廣附學之名。廩增或照府學各四十名。或照州學各三十名。附學不限名數。俱令提學官考校。以上等者爲廩膳。次等者爲增廣。餘爲附學。廩膳有缺。增廣收補。增廣有缺。附學收補。至於歲貢。不論入學淺深。惟照廩膳名第爲定。不許撓越。部議照州學例。設廩膳各三十名。以廩膳名次起貢。每三年貢二人。十九年始給生員廩米。二十年山東巡撫李中奏。准於泗水縣涇府故絕祿米內。歲給三百六十石。爲三氏學廩膳。二十三年。又以泗水道遠支給不便。改將曲阜縣應納魯府祿米三百七十三石。支給神宗萬歷十年。六十一代孫世職知縣宏復。以學舍界於公府。藩臬行署湫隘。抑塞規制。不備乃遷於按察司之東。十五年。從巡按御史毛在請。添入曾氏改名四氏學。二十八年。巡鹽御史吳達可於城北蔡莊置學田三頃。有奇。又於泗水縣城西臨泗兩莊置學田四頃五十四畝。有奇。爲科貢盤費。三十七年。巡鹽御史畢懋康於城西北春亭莊置學田三頃二十六畝。有奇。四十年。兗州知府陳良材於城北賀莊置學田五十八畝。有奇。是年提學道陳瑛言於撫按曰。四氏學官有教授學錄。視國學則



少殺視郡學則較隆。其廩增額數自當比視郡學。向因人材未盛故舊額僅三十人。今後裔蕃衍入學者已三百有餘而廩額如故非所以重聖賢之裔也。應將四氏學廩生加十名。如府學數增廩生員亦如之。廩餼在學田內支領。儒童歲科兩試入學四十名。歲貢每年貢一人。撫按據以上請報可。四十二年六十三代孫世職知縣員叢遷建四氏學於廟西觀德門外。即今之學宮是也。中爲明倫堂三間。左右廂各五間。東曰啓蒙齋。西曰養正齋。後爲尊經閣。左爲教授署。右爲學錄署。外開重門。門外爲泮池。跨以橋。橋前爲狀元坊。四十五年兗州知府張銓於城北大廟莊捐置學田五十畝。嘉宗天啓元年雲南道御史李日宣請將孔氏後裔於山東省額中式外。每科加舉二人。貢之闕下。以光新政。禮部議准。孔氏後裔另編耳字號於填榜時。總查各經房。如孔氏無中式者。通取孔氏試卷。當堂公閱。取中一名。加於東省原額之外。但不必拘定一人。以滋多礙。凡歷五科皆取中二名。後於崇禎七年魯宗學分去一名。遂止中一名。

國朝因之。順治十四年提學道施閏章言於山東巡撫繆正心。題准將舊額二名歸還四氏。不拘孔顏曾孟。憑文取中。雍正二年復增一名。共正額三名。恭遇我

皇上登極。乾隆元年恩科廣額於三名外得廣一名。儒童入學之數。順治初裁爲十五名。尋又增五名。今定爲二十名。武生之設。始於康熙四年。每遇歲試考取十五名。永爲定例。學官俸祿。明時於贍廟田土內支給。額定每月各支俸米五石。節次裁減。歲支銀二十四兩。

國朝定百官品俸。令於曲阜縣正項錢糧內歲給教授學錄俸銀五十六兩九錢六分。齋薪銀各十二兩。馬草銀各十二兩。而歲貢袍帽傘蓋銀十三兩九錢七分。及齋夫門斗各役工食。亦准於縣中正項內開銷。又舊廩三十名。每名給米十二石。閏月加一石。在曲阜縣存留粟米內支領。後添廩十名。應加米一百一十五石。在本學學田籽

粒內取給。尋改米爲銀。折廩銀三百七十五兩。尋又裁去三分之一。乾隆二年乃復舊額。學宮歲久不修。漸就頹圯。乾隆二十四年提督學政內閣學士謝溶生倡議捐俸重修。

述曰。先民有言曰。學校者帝王所以儲才育賢之地也。學校之有衰盛。卽國家之治亂因之。誠哉是言歟。明里家學蓋二千年而每隨國故爲興替。君子觀此。亦可以識世運矣。書院之制。古人亦附諸庠序。今尼山洙泗聖澤中。庸四書院止奉禮祀。而不設生徒。故茲考不敘別入林廟考中。

關里文獻考卷二十七終

闕里文獻考卷二十八

學校第八之二

周禮大司徒以鄉三物教萬民而賓興之鄉大夫三年則大比考其德行道藝而興賢者能者州長各掌其州之教治政令之法三年大比則大考州里以贊鄉大夫廢興大司樂掌成均之法以治建國之學政大胥掌學士之版春合舞秋合聲於其合舞則頒次其所學而辨異之諸子掌國子之倅春合諸學秋合諸射以考其藝而進退之夫鄉之考察也如彼學之考察也如此所掌非一人所積非一日此所以人皆鼓舞奮興天下之士可得而官使也兩漢取士之法猶爲近古約其大指不出徵辟科目兩途其特詔徵拜公府辟召大臣薦舉者皆徵辟也其賢良方正孝廉茂才博士弟子諸科皆科目也魏晉以降立九品中正其規制猶循兩漢然其弊也重門閥而賤孤寒至於三公之子傲九棘之家黃散之孫蔑令長之室甚非古人興賢舉能之意矣至隋始設進士一變而專重科目唐宋元明相沿不改名臣碩士亦多出乎其中於是徵辟之道浸益衰微其間因事設名科亦不一而最貴者則爲制科然不常置上之所向下之所趨則惟以進士爲重雖明經一科久而不廢而貴賤迥不侔矣亦偏重之勢使然也明及

國朝凡舉於鄉及貢於學者皆得仕宦爲吏其中人材亦往往多傑出者今區徵辟科目爲二而科目中又各分其類如左學以四氏稱故顏曾孟子孫並得紀錄云

徵辟孔騰漢惠帝時徵拜博士孔忠孔武文帝時徵拜博士孔安國孔延年武帝時徵拜博士孔霸昭帝時徵拜博士孔衍成帝時徵拜博士孔均哀帝時徵拜尚書郎孔驩西漢時徵拜博士年次不可考孔奮光武帝建武五年貢融辟爲議曹掾孔豐明帝時辟司空府孔融章帝時辟爲百石卒史孔扶順帝時徵拜博士孔融桓帝時辟司

徒府孔昱靈帝時徵拜議郎孔震晉武帝時徵拜太常卿孔衍孔愉惠帝時先後皆辟安東將軍參軍孔坦西晉時辟爲晉王世子文學孔琳之東晉時辟常侍輕車尉年代皆不可考孔璣之唐元宗時徵拜國子四門博士孔巢父代宗時辟爲江淮宣撫使參軍孔述睿代宗時徵拜太常協律郎孔收宋徽爲祕書省校書郎孔宗旦宋穆爲

邕州司戶參軍孔肅元薦辟爲開封縣尹

國朝雍正五年孔傳權以賢良方正薦授五河知縣科目之選自兩漢以來其名不一以賢良方正舉者漢元帝時有孔光以博士弟子舉者西漢有孔卬東漢章帝時有孔僖以文學舉者東漢有孔仁以孝廉舉者東漢有孔宙孔翊孔彪晉有孔撫孔靖齊有孔琇之北魏孝文帝時有孔乘以秀才舉者宋有孔凱南齊明帝時有孔休源孔稚珪梁有孔奐以明經高第舉者隋煬帝時有孔穎達以制科舉者隋文帝開皇中有孔嗣恭唐中宗嗣聖六年有孔季瑒其無年代者史皆失考自隋大業中始設進士科於是科目專以進士爲貴矣

進士唐高祖武德中有孔慎太宗貞觀中有孔昌胤德宗時有孔戡孔戣貞元二十七年有孔戢憲宗元和五年孔敏行以第一人及第穆宗長慶元年孔溫業以第二人及第宣宗大中十三年孔緯以第一人及第懿宗咸通二年有孔絢孔綸四年孔振以第一人及第七年有孔奐孔紆僖宗中和三年孔拯以第一人及第昭宗乾寧元年有孔昌胤三年有孔邈光化三年有孔昌明而唐世第進士者尙有孔溫裕孔溫資孔溫諒孔昌弼孔昌厚後五代晉時有孔莊南唐有孔瑄孔瓊孔玳其年代皆不可考宋太祖建隆初有孔憲太宗太平興國二年孔世基以鄉貢十舉以上賜同本出身雍熙二年有孔勛真宗大中祥符五年有孔道輔仁宗慶歷三年有孔延之嘉祐四年有孔舜亮六年有孔文仲孔武仲英宗治平二年有孔平仲哲宗



元祐三年有孔濂孔淑紹聖元年有孔源孔海徽宗崇寧三年有孔宗哲宣和四年孔端木初名端朝以幸學恩特賜出身高宗紹興八年有孔復又有孔端隱孝宗淳熙五年有孔邦翰寧宗慶元二年有孔焯嘉定三年有孔伯元孔伯迪理宗寶慶二年有孔元善嘉熙二年孔應得以幸學恩賜同進士出身淳祐七年孔應選援世基例賜同本科出身十年有孔運發寶祐元年有孔宗武孔文樸度宗咸淳三年孔景行以幸學恩用應得例賜同進士出身而宋世成進士者尚有孔信孔俸孔札孔安仁孔宗翰孔延澤孔若拙孔若初孔和仲孔汝孔清年皆不可考金世宗大定二十二年有孔攬章宗明昌四年孔端甫以年德俱高特賜進士及第宣宗貞祐二年有孔璿又有孔擊以終場賜及第元至正十年有孔克任又有孔沂孔涇孔士倫孔俞立年代皆不可考至唐宋金元凡明經科亦稱進士唐懿宗咸通十年孔纁以明經第一人及第十二年有孔晦此外又有孔若思孔載孔策孔遵孺孔遵憲孔維乾皆以明經登科宋之以明經得第者大中祥符間有孔渭賜同三傳出身孔延世孔延渥孔延祐孔延齡孔聖佑皆賜同學究出身理宗景定三年有孔夢斗又有孔玠孔儒孔溫其孔碩孔從孔衡孔衡年代皆不可考金之以明經得第者有孔琇孔樞並識於此明之進士景帝景泰五年甲戌科孔公恂神宗萬曆三十五年丁未科孔宏頤熹宗天啓二年壬戌科孔聞謨孔聞詩五年乙丑科孔聞籍莊烈帝崇禎四年辛未科顏衍紹十年丁丑科孔衍圭十三年庚辰科孔尚則

國朝康熙六年丁未科顏光敏九年庚戌科孔興鈺十二年癸丑科顏光猷二十七年戊辰科顏光敷四十八年己丑科孔衍治顏紹標五十二年癸巳科顏紹緒雍正二年甲辰科孔傳堂乾隆四年己未科孔傳炯

舉人明成祖永樂六年戊子科有孔謬孔信九年辛卯科孔公璽

宗宣德元年丙午科顏繼十年乙卯科孔公禮英宗正統九年甲子科孔公恂景帝景泰元年庚午科孔公錫四年癸酉科孔論七年丙子科孔讓孔彥麒天順三年己卯科孔公怡憲宗成化四年戊子科孔彥祿十三年丁酉科孔訖孔彥仕十九年癸卯科孔公才孝宗弘治十一年戊午科孔承震世宗嘉靖四十年辛酉科孔聞誥神宗萬曆四十六年戊午科孔聞檀孔聞詩孔貞綬熹宗天啓元年辛酉科孔聞籍孔聞謨四年甲子科孔衍圭孔尚鉞七年丁卯科孔聞謙孔尚則莊烈帝崇禎三年庚午科顏衍紹顏伯軌六年癸酉科孔貞璠孔貞珩九年丙子科孔貞煥十二年己卯科孔興岩十五年壬午科孔衍檜

國朝順治二年乙酉科孔貞權三年丙戌科孔貞良五年戊子科孔聞典八年辛卯科孔貞亮十一年甲午科孔衍陞十四年丁酉科孔興煥十七年庚子科孔貞瑄孔貞璠康熙二年癸卯科顏光敏孔衍炳五年丙午科孔貞育孔興鈺八年己酉科顏光猷孔興言十一年壬子科孔尚鉞孔毓衡十四年乙卯科顏光猷是孔興璉十七年戊午科孔毓德孔尚倬二十年辛酉科孔毓榮孔興璉二十三年甲子科顏光敷孔興祥二十六年丁卯科孔衍弼顏光潛二十九年庚午科孔尚欽孟尚琰三十二年癸酉科孔尚巖孔衍基三十五年丙子科孔貞意孔毓洙三十八年己卯科孔尚鑑孔衍治四十一年壬午科顏紹標孔衍楠四十四年乙酉科孔興振顏紹標四十七年戊子科顏紹緒孔尚溥五十年辛卯科顏光謀孔興增五十二年癸巳科孔繼雷孔貞珣五十三年甲午科孔衍偉孔傳篤五十六年丁酉科孔衍濬孟衍祉五十九年庚子科孔尚釗孔衍樟雍正元年癸卯科孔傳堂孔繼風二年甲辰科孔傳桂孔興湯孔毓昌四年丙午科顏慶禧孔傳梅孔傳炯七年己酉科孔毓普孔衍樸顏懋寅十年壬子科顏紹贊孔毓洵曾治孔傳松十三年乙卯科顏崇榘顏紹漢孔傳



煒。乾隆元年丙辰科孔傳炳孔傳贊孔毓達孔毓達三年戊午科顏  
懋恕顏懋懋孔傳是六年辛酉科孔衍瀾孔傳榮孔毓麟九年甲子  
科顏崇湘孔興禮孔傳科十二年丁卯科孟毓燦孔興輝而繼汾亦  
於是科應本省鄉試中式十五年庚午科孔傳綸孔興輝孔傳渭十  
七年壬申科孔衍訥孔毓銘孔廣祥十八年癸酉科孔毓森孔繼灼  
孔衍清二十一年丙子科孔傳沂孔廣奮孟尚洪二十四年己卯科  
孔繼睿孟興錦孔毓湘二十五年庚辰科孔繼涵顏崇檢孔繼宋  
副榜貢生明天啓元年辛酉科有孔尚標崇禎十二年己卯科有孔  
尚儒

國朝順治十四年丁酉科有顏光敏康熙二十年辛酉科有孔興祥  
顏光岳五十二年癸巳科有顏紹賢尙有孟尚序顏光昌年皆不可  
考雍正十年壬子科有孔衍泗乾隆元年丙辰科有顏懋璞三年戊  
午科有孔衍瀾十八年癸酉科有孔傳沂

拔貢生明正德十二年有孔承瑞嘉靖八年有孔彥確十年有孔彥  
碩十一年有孔宏鑄三十七年有孔宏盛隆慶間有孔承佩萬歷間  
有孔宏衍孔開定泰昌間有孔開諤天啓間有孔宏頤崇禎間有顏  
伯華

國朝順治十二年有孔興朝康熙十一年有孔尙鉉顏光昌三十七  
年有顏紹禧孔興治尙有孔貞興孔尙基顏伯倬顏九易孔貞培年  
皆不可考雍正元年有孔傳松顏崇湘七年有孔繼儒顏懋倫十三  
年有孔衍沂顏懋价乾隆六年有孔興樞孔興挹十三年有孔繼沂  
孔傳沂孔毓炳孟傳銳顏懋企曾衍糖十八年有孔傳瀾孔繼睿  
優貢生乾隆九年有孔繼深

陪祀恩貢生始於明熹宗時以後凡幸學召取陪祀者生監奉祀生  
皆以恩例准貢今類而志之天啓四年有孔開範孔開謨孔貞祚孟  
貞時曾承祐崇禎二年有孔開俊孔貞芳孔尙鵬孔尙遜顏伯忠顏

伯偉孟開政孟開熙十四年有孔貞恒孔宏化孔貞來孔興訓

國朝順治九年有孔尙燃孔衍洪孔衍劭孔尙瑀孔興義孔貞旨孔  
尙經顏伯潤顏光秀曾聞道曾引任孟開芳孟開真仲應敏仲應甲  
康熙八年有孔興詢孔尙詰孔興謨孔尙銓孔毓珍孔興燦孔興範  
顏紹徽顏伯珣曾聞迪曾聞進孟貞琬孟衍蘭仲承烈仲繼緒二十  
三年有孔毓珣孔毓璋孔毓玠孔衍珩孔毓基孔衍溥孔毓培顏懋  
修顏光枚曾貞震曾尙溥孟貞儒孟開和仲秉恭仲承述雍正二年  
有孔毓錫孔傳商孔毓銘孔傳派孔興樞孔衍派孔衍涵顏懋齡顏  
懷禪曾衍樞曾尙淇孟衍岳孟衍淑仲繼鏞仲繼鏡乾隆三年有孔  
繼衰孔廣棣孔興抒孔傳淮孔傳鉞孔傳洙顏崇啓顏懷祖曾尙淳  
曾尙渭孟尙珣孟興錚仲繼鈺仲繼耀仲繼開克標開克岐冉上進冉天  
瑞下美下連言如泗言錫冉繼先冉寶霖端木濂端木長太顯孫融  
道顯孫世德東野崇銘東野崇鉉而繼汾亦於此大陪祀蒙

恩准貢至

國家遇大慶典學校亦有恩貢則以生員應正貢者充之故仍入歲  
貢中

歲貢生明成化年間有孔希承孔承樸孔公仲孔公森孔公潤孔彥  
儲孔彥組孔公華孔彥禮弘治年間有孔承夏孔公玘孔彥鵬孔彥  
雲孔彥珣孔承緒正德年間有孔承詔孔彥健孔公杰孔彥珩嘉靖  
年間有孔彥珩孔公鉉孔彥倬孟希達孔彥生孔承諭顏重禮孔彥  
衡孔公戡顏重清孔宏川孔宏毅顏重文孔承亮孔彥嗣孟彥詩孔  
彥章孔彥隆孔宏中孔承鏐孟承禮孔承深孔彥珮孔承學孔承尹  
孔承蒲孔宏廊孔彥訥孔承前孔宏申孟承相孔彥厚孔宏綿隆慶  
年間有孔宏煦孔開炳孔承先孔彥滂孔承茹萬歷年間有顏從舜  
孔彥津顏宏乾孔宏景孔貞樛孔開德孔承珪孔開耀孔貞成孔開  
敦孔宏昇孔開秀孔宏鼎孔承季孔承仍孔宏典孔開仕孔承儵孔



貞棟孔宏慕。天啓崇禎年間有孔宏猷孔承紀孔宏森孔闓上孔闓  
舉孔宏賓孔闓諒孔貞明孔闓誨孔闓古孔宏頤孔闓振孔尚文孔  
貞志孔尚璉孔闓祉孔尚暉孔宏顯孔貞成孔尚孝孔闓諱孔貞所  
孔宏侃孔闓謹孔闓悅孔尚炳孔闓賀孔闓武孔貞璞孔尚象孔承  
鏞孔貞俊孔尚達孔宏轉孔闓有孔貞範孔闓課孔闓諱孔闓庸孔  
闓廣孔貞敬孔闓嗣。  
國朝順治年間有孔衍琦孔貞燦孔衍標孔衍植孔尚科孔貞鑑孔  
宏存孔伯秀孔貞楷孔尚賓孔衍毅孔尚行孔貞瑄孔興誘孔貞起  
康熙年間有孔衍葵孔尚平孔貞指孔貞範孔貞耿孔貞瓊孔興珩  
孔衍茂孔興鉢孔衍鑄孔衍嘉孔尚讓孔興偉孔興侗孔尚瑄孔興  
明孔衍璽孔毓炫孔衍焜孔衍選孔興慶孔貞湛孔尚潔孔興信孔  
毓儒孔尚瑄孔尚懋孔興紹孔興傳中孔興釗孔尚登孔衍菱  
顏伯榮顏光瑄孔貞綸孔興浩孔貞璐孔尚典孔衍錫孔衍璣孔衍  
楷孔尚謙孔衍拭孔尚湘顏光先孔衍枚孔興詔孔衍棧孔毓晉孔  
衍籍顏紹滋顏光紱顏紹樞孔興偉顏懋顯孟衍鶴孔興詩曾貞蒙  
孔尚鍵孔興烘孔尚銑孔衍法雍正年間有孔尚順孔毓理孔毓懿  
顏光復孔尚翰孟尚瑄孔貞志孔毓金孔傳業孔興海孔毓沂孔興  
健孔興倫顏紹炳顏紹煥乾隆年間有孔毓梓顏懋愷孔興榛孔興  
炯孔毓鉉顏懋僑孟澤厚顏光敷孔興教顏崇義顏紹緘孔衍舉孔  
傳心孟尚昆孔毓鈺孔衍楷曾貞任孔興浚孔毓信顏懋燁孔尚懋  
顏紹海孔傳組顏懋樞孔衍鑑顏懋炳孟興一顏懋儀顏光宴孔傳  
緯顏光相孔傳庸。

述曰按關里志兼載流寓諸孔今自設學定額以來凡非入本學者  
皆不載其舉人有溢額者以慶典廣額或由京兆領薦也歲拔貢有  
不符額者以歲久失其名也陪祀恩澤編及賢裔故亦因事彙記焉  
至武舉之制仿自唐朝宋復增置武學省試廷對亦賜及第出身而

孔氏以此進者有元字元圭二人第其時或不專授軍職銓選注攝  
開換文資自明太祖定鄉會貢舉法文武始截分為兩途而四氏學  
武生之設則起於  
國朝康熙四年其有登鄉薦者康熙八年己酉科孔衍江十一年壬  
子科孔興濤十七年戊午科孔興祉二十六年丁卯科孔傳斌三十  
八年己卯科孔尚寬五十二年癸巳科孔毓銘五十六年丁酉科孔  
繼恭五十九年庚子科孔毓鑄雍正元年癸卯科孔毓鑑二年甲辰  
科孔傳業四年丙午科孔尚芳七年己酉科孔廣攷十三年乙卯科  
孔傳榜乾隆元年丙辰科孔繼鏗而孔興祉於康熙三十年辛未會  
試成進士孔廣攷於雍正十一年癸丑會試成進士今附列於篇末  
云。

關里文獻考卷二十八終



關里文獻考卷二十九

城邑山川第九

曲阜古帝都也。爾雅曰：大陵曰阜。應劭曰：魯城東有阜，委曲長七八里，故名曲阜。星野分降婁之次，在禹貢爲徐州地。按左傳：魯有大庭之庫。孔穎達曰：大庭氏，古天子之國。魯城內有大庭氏之虛，於其上作庫。又史記云：神農氏都陳，遷於曲阜。又帝王世紀云：少皞自窮桑登帝位，徙都曲阜。崩葬雪陽山，在殷爲奄，在周爲魯。戰國時，魯爲楚所滅，地遂入楚。秦并天下，置郡縣，魯屬薛郡。劉項共起，誅秦項羽自立爲西楚霸王。王梁楚，并有魯地。漢王五年，破羽垓下，略定楚地，魯爲楚堅守不下。漢王引諸侯兵北，示魯父老項羽頭，魯乃降。考史記：漢王以魯公禮葬羽於穀城，在今東阿縣。而曲阜城東北漢下村有古冢，俗呼霸王頭，相傳爲葬羽首處。云漢初置魯縣，屬豫州部。呂后時封張敖爲魯元王，即以魯縣爲國治。尋廢，景帝三年又徙封子淮陽王，餘於此是爲魯共王。其王好治宮室，作靈光殿。遭王莽之亂，國除而靈光殿獨存。光武初改屬任城郡。建武十九年廢太子疆爲東海王，令因靈光之遺仍都於魯。魏晉廢國置魯郡，即以魯縣爲郡治。宋徙魯郡治鄒縣，以魯縣爲屬邑。改隸兗州部。後魏仍以魯縣爲魯郡治。北齊改魯郡爲任城郡。隋文帝開皇三年廢任城郡，縣屬兗州。四年改縣名汶陽。十六年又改名曲阜。煬帝大業二年復魯郡，改隸徐州部。而曲阜仍屬魯郡。唐太宗貞觀元年，縣省入兗州。仍屬兗州魯郡，隸河南道。宋真宗大中祥符五年，以軒轅黃帝降於延恩殿，考帝王世紀云：黃帝生壽邱，即今曲阜地。乃於曲阜作景靈宮，以奉之。改縣名仙源縣，屬京東西路襲慶府。金太宗天會七年復改仙源爲曲阜。世宗大定十九年改襲慶府爲泰安軍，隸山東西路。元世祖至元十六年改泰安軍爲兗州，隸山東東西道濟寧路總管。府明太祖洪武十八年陞兗州爲府，隸山東布政使司。而曲阜仍屬

屬。國朝因之。縣境廣五十五里，袤七十五里。縣治東至啓聖林三十里，接泗水縣界。西至金口壩二十五里，接滋陽縣界。南至馬鞍山二十五里，接鄒縣界。北至歇馬亭五十里，接寧陽縣界。考古魯國城相傳其門有十二：正南曰稷門，水經注云：沂水北對稷門。春秋僖公二十一年新作南門。杜預注曰：本名稷門，僖公更高大之，故名高門。又名阜門。史記齊人以女樂遺魯，陳之魯城南阜門之外，是也。南左曰章門，南右曰雩門。左傳莊公十年：公子偃請擊宋師，自雩門竊出，蒙皐比而先犯之。大敗宋師於乘邱，即此也。正北曰圭門，北左曰齊門，北右曰龍門。正東曰建春門。國語曰：海鳥曰爰居，止於魯城東門之外。三曰疑卽此。東左曰始明門，又曰上東門。左傳定公八年：公斂處父帥成人自上東門入，與陽氏戰於南門之內，是也。東右曰鹿門。左傳襄公二十三年：臧孫紇斬鹿門之關以出，奔邾，是也。正西曰史門。西左曰歸德門。西右曰麥門。今郭外迤邐環繞，巨阜相屬，或云卽古魯城遺址。而水經注亦云：沂水逕魯縣故城南，縣卽曲阜之地。阜上有季氏宅，宅有武子臺，臺西北二里有周公臺。臺南四里許，則孔廟卽夫子之故宅也。又寰宇記載：闕里在曲阜縣西南三里，孔林在縣西北六里。以今考之，古縣當在城東二里許，古城村間寰宇記作於宋太宗時。意宋以前曾建治於其地歟。大中祥符間改縣爲仙源，徙治壽邱。在今城東八里，卽所謂舊縣者是也。歷金元明至武宗正德七年，流寇劉七犯闕里。明年按察使司僉事潘珍疏請改建，今城城周八里三十六步，高二丈厚半之，池深一丈，廣稱之。凡五門：正南曰仰聖門，東南曰崇信門，東曰秉禮門，西曰宗魯門，北曰延恩門。至聖廟在城中，廟之基卽古闕里。水經注：孔廟東南五百步有雙石闕，故名闕里。考春秋定公二年：雉門及兩觀災。注：兩觀闕也。又史記魯世家：場公築茅闕門。蓋闕里者闕下之里也。又論語有闕黨，而荀子曰：仲

尼居闕黨然則闕里闕黨本一也。今廟東南仰高門外有闕里坊坊北爲鐘樓鐘爲明嘉靖元年山東巡撫陳鳳梧造。鐘樓北直故宅門故宅之東爲衍聖公府第明洪武十年勅建孝宗弘治十六年勅重修。又東爲鼓樓出鼓樓折而北爲陋巷街顏子廟在其北。闕里坊東南爲學使校士館又東爲南池或云靈光殿遺址或云卽魯僖公泮宮也。六十一代衍聖公營爲別墅積石成山植蓮於沼暇卽遊憩其間因自號曰南溪。乾隆二十年今衍聖公昭煥白於署撫臣白鍾山因其故址改建。

行宮我

皇上翠華屢幸皆於此

駐蹕爲聖廟之西爲四氏學宮學宮東南爲雙相圃圃西爲曲阜縣儒學又西爲曲阜縣署出縣北門二里卽聖林林東北爲洙泗書院城之東北里許爲周公廟或云魯太廟故基也。又東北七里爲少昊陵陵在舊縣城北門外至舊志所載窮桑城甯里舞雩壇闕里諸古蹟甚多大都荒蕪難稽聞出傳會茲故不錄惟取尼防洙泗諸山川列之於篇。

尼山在縣東南六十里本名尼邱山以避聖諱去一字卽顏母所禱也。山五峰連峙名五老峰書院在中峰之麓下有坤靈洞北爲中和壑其流爲智源溪溪卽沂水之源宋仁宗皇祐二年以尼山爲孔子誕生之地封山神爲毓聖侯。

顏母山在尼山東三里中隔沂水上有顏母井及祠堂遺址。

昌平山在尼山南五里下有魯源村卽史記所云昌平鄉也。

防山在縣東三十里山之陰十里爲啓聖王墓。

泗水在聖林後去縣北門八里國語宣公夏于泗淵里革斷魯棄之韋昭云在魯城北是也。源出泗水縣陪尾山四泉並發彙爲一渠復納諸泉西北流出卞橋與洙水會合而北入曲阜境又西流繞聖

林後又西南至兗州府城東黑風口分支入郡城東墻貫城西出逕平政橋至二十里舖入濟寧州界。又西南流逕杏林間至楊家壩折而西北流逕林家橋會洙水入馬場湖其經流逕郡城東金口壩沂水從東來會之。又南逕泗水橋入鄒縣之許家村至安上口復入滋陽縣界至柳溝村入濟寧州界。又西南會白馬河由魯橋入運河按水經云泗水出魯下縣北山西南逕魯縣北又西過瑕丘縣東屈從縣東南流泗水從東來注之。又南過平陽縣西又南過高平縣西洙水從北西來流注之。又南過方輿縣東荷水從西來注之。又屈東南過湖陸縣南有涓水從東北來流注之。又南過沛縣東又東逕山陽郡又東南過彭城縣東北又東南過呂縣南又東南過下邳縣西又東南入于淮。此蓋泗之故道自黃河南徙泗之不入淮久矣。

洙水源在城東北五里地名五泉莊西流入林東牆水關逕聖墓前出西牆水關又西流折而遶城西南入於沂以達泗。按此非古洙水也。考水經云洙水出泰山蓋縣臨樂山西南至卞縣入于泗而山東通志則辨之云蓋縣在沂水縣西北八十里距卞不下三百餘里重山疊嶂其道難通而今洙水之源實在泗水縣東北關山關山乃費縣蒙山之麓費北境有漢華縣故址意蓋字乃華字之訛。又泗水縣志云泗源在南洙源在北其說似爲得之。又水經注云洙水西南流盜泉水注之。又西南流于卞城西西南泗水亂流西南至魯縣東北又分爲二水水側有故城兩水之分會也。洙水西北流逕孔里此是謂洙泗之閒矣。洙水又西南枝津出焉又南逕瑕丘城東而南入石門又西南逕南平陽縣之顯閭亭西又南洙水注之。又南至高平南入于泗細繹水經注是漢時洙水逕卞縣故城北泗水逕其城南會合於下城之西今則泗水北出卞橋卽與洙水會蓋已在故下城之東矣。至洙水在下城以北其流尚湯湯不匱而既合之後遂不復分所謂至魯縣東北又分爲二水逕孔里至高平入于泗者其故道久絕。



乾隆八年，繼汾同弟繼凍欲尋洙水經流古蹟至五泉莊北，得古碑一有浚復洙河四大字，無年月款識，即其地掘之，得源泉混混，然後知古人曾有修復之者，而故道終不可得，遂潛此泉以當之耳。今歲久仍就淤塞，乃具畚鍤聚徒，循舊迹而深浚之，引逕聖林，由沂以入於泗，即今之洙水也。而古時故道終不可復識云。

沂水發源於尼山之智源溪，西北流逕縣城南，又西流至堯州府城東，入於泗。按沂水有二，此非水經所稱出蓋縣艾山之沂水，蓋郛道元所謂出尼邱山西北流逕魯縣故城南北對稷門，又西逕圖丘北，又西右注泗水者是也。

述曰：記有之，廣谷大川異制，民生其間，異俗，况闕里爲古帝王都會，山川靈秀，聖哲迭興，沐教澤而被遺風者，其俗固宜與他處異。嘗考之古之論魯俗者，明堂位曰：魯君臣未嘗相弑也，禮樂刑法政俗未嘗相變也。天下以爲有道之國，是故天下責禮樂焉。漢地理志曰：周以少昊之墟曲阜，封伯禽爲魯侯，其民有聖人之教化，故孔子曰：齊一變至於魯，魯一變至於道。言近正也。潁洙泗之水，其民涉度幼者扶老而代其任，俗既益薄，長老不自安，與幼少相讓，故曰魯道衰，洙泗之間斷斷如也。孔子閔王道將廢，乃修六經以述唐虞三代之道，弟子受業而通者七十有七人，是以其民好學上禮義重廉恥。今去聖久遠，周公遺化銷微，孔氏庠序衰壞，地陋民衆，頗有桑麻之業，亡林澤之饒，俗儉嗇愛財，趨商賈好營多巧，爲喪祭之禮，文備實寡，然其好學猶愈於他俗。漢興以來，魯東海多至卿相。隋地理志曰：齊魯之所尚，無不賤商賈，務稼穡，尊儒慕學，得洙泗之俗焉。唐李白曰：民有聖人之教化，尚禮義重廉恥，有桑麻之業，君子以材雄自高，小人則鄙野難治。宋地理志曰：大率東人皆朴魯鈍直，甚者失之滯固，然專經之傳爲多。馬端臨通考曰：徐方鄉魯，魯國漢興猶有儒風，元方輿勝覽曰：魯郡家顏閔人由求，綜斯衆說，可以見先代禮樂之風。

終古未衰於闕里也。今日者去先聖二千二百餘年，遺蘊流風幾不可復見矣。而其君子敦禮教而事詩書，其小人樂畎畝而重犯法，入其里者欣欣然猶有古遺風焉。謂非聖人之鄉而能若是乎？然抱殘守故，家自爲師，不能恢廓見聞以適於世用，蓋寡陋而近於固者有之。守其舊模而益以宏通，是所望於有志者矣。又闕里物產多與他處同，其異者有蒼草，出先聖冢上，旣凋復青，莖有八棱，象八卦，葉有五出，象五行，以一叢五十莖者爲貴，然不可得以採者衆也。林中產芝或黃或紅或紫，絢若文錦，蓋林中舊古木故多蒸蘊而出。宋王欽若採獻以爲瑞，則貢諛矣。林山藥堅細長，嫩形如地黃，以入藥勝河南懷慶者。林中多楷樹，文理堅細，或削爲杖，或製爲棊枰，或刻其節爲飲器。其葉初生時，採製如焙茶法，清香可以烹瀹。林中有草曰文草，葉細而蔓生，冬夏不凋，深秋結實，具五色五味，有蟲曰文蟲，似蟬而小，二三月卽鳴，樹杪若琴瑟笙簧之奏焉。

闕里文獻考卷二十九終

聖裔大宗世系考敘之詳矣。若小宗支庶則具載於孔子世家譜焉。譜之作仿於四十六代孫宗翰。蓋前此家乘止載承襲一人。茲乃大合族屬而並譜之。所以昭親親也。嗣後踵是增輯。遂定爲三十年小修。六十年大修之例。而子姓蕃衍枝遠益分。始而紀以五位。繼復別以二十派。繼又分爲五十七戶。再增而爲六十戶。今在譜者已不下二萬人。而流寓他處及干犯名義流入異端廝役者不與焉。嗚呼。聖澤之流衍至今日。亦可謂極盛矣。五位源皆出於四十三代文宣公。公生四子曰。宜曰憲曰冕曰勛。冕一傳絕。憲再傳絕。有傳者止宜勛二人。宜爲家嫡。至孫宗愿皆襲封世爵。故稱宗愿曰襲封位。勛生五子。道輔良輔彥輔延濟延範。延濟延範無嗣。道輔生二子。長舜亮爲中散大夫。稱中散位。次宗翰爲刑部侍郎。稱侍郎位。良輔生二子。宗壽宗哲。宗哲五傳絕。宗壽爲太子中舍。稱中舍位。彥輔生二子。漢英宗毅。漢英一傳絕。宗毅爲國子博士。稱博士位。此四十六代之所分也。至五十三代兄弟共六十有一。有傳者僅二十人。曰浣曰沂曰澐曰洸曰澄曰濟曰淙曰洳曰演曰淑曰泗曰濱曰滋曰浩曰淋曰滄曰洵曰汭曰涇曰濊。卽從五位中所分出之二十派也。今再析而言之。襲封位下分六派二十五戶。蓋自襲封衍聖公宗愿四傳至五十代進義校尉拂有子三。長元直。次元孝。次通直郎元用。元直無嗣。元孝生贈魯郡侯之厚。子三。長贈魯郡侯浣。次進士沂。次鉅野尹濊。浣爲第一派。至孫國子祭酒衍聖公克堅。有子九人。長希學。次希說。次曲阜知縣希範。次希進。次希麟。次希鳳。次希順。次希尹。次希贊。希贊無後。其八人希學以嫡長襲封衍聖公。爲大宗戶第一。乾隆甲子修譜計見丁一千六百九人。以下各以所居名戶。希說居臨沂村。爲臨沂戶第二。四百五十五人。希範子三。詢誠。閻詢爲孟村戶第三。

九百七十三人。誠爲道溝戶第四四百一十六人。間爲滕陽戶第五五百七十一人。希進爲舊縣戶第六八百二十九人。希麟爲終吉戶第七一千二百七十二人。希鳳爲蔡莊戶第八五百四十四人。希順爲戴莊戶第九三百五十三人。希尹爲栗園戶第十二百八十九人。右第一派凡十戶。沂爲第二派子二。長權主祀事。思進次提領。監修林廟。思義思義無嗣。思進子二。克謹克勉。克謹爲時莊戶第十一四百六十一人。克勉爲泗北戶第十二三百四十一人。右第二派凡二戶。潞爲第三派子三。長汝寧府推官思友次曹州景山書院山長思古次盤陽路教授思本。思本流寓定陶別有譜。思友爲店北戶第十三三十九人。思古爲西郭戶第十四九十六人。右第三派凡二戶。元用生曲阜縣尹之全之全子三。長知密州襲封衍聖公治次監修林廟。澄次曲阜縣尹濟治爲第四派生衍聖公改曲阜縣尹思誠。思誠生曲阜縣尹克欽。克欽子二。長曲阜知縣希大次曲阜縣尹希章。希大子三。詩詰詒詩爲仙源戶第十五二百一十四人。詰爲泉南戶第十六六十四人。詒爲齊王戶第十七五百八十二人。希章爲盛果戶第十八四百六十五人。右第四派凡四戶。澄爲第五派子五。長思忠次濟寧同知思恭次思謙次穰縣主簿思履次思智。思忠思恭思謙思智皆一傳絕。思履生曲阜知縣克伸。克伸子三。希祚希武希緒。希祚爲苗孔戶第十九三百一十五人。希武爲文獻戶第二十六十五人。希緒爲沂北戶第二十一五百四十九人。右第五派凡三戶。濟爲第六派子四。長曲阜縣尹思凱次思庸次思直次太常寺太祝思善。思庸思善皆一傳絕。思凱生肥城主簿克義。克義子三。希臯希巖希雲。希臯爲貴門戶第二十二九十一人。希巖爲石村戶第二十三一百六十三人。希雲爲魯賢戶第二十四一百二十九人。思直爲沂陽戶第二十五九十二人。右第六派凡四戶。中散位下分三派四戶。中散生子三。長新泰令若升次仙源丞若谷次仙源尉若古。若谷無嗣。



若古後改名傳流寓衢州別有譜若升子五長直祿開京東轉運司  
管勾公事端節次端夫次端義次太學博士端朝次端臣端義無嗣  
端夫傳三世絕端朝流寓衢州別有譜端節子五長曲阜主簿環今  
譜端環次曲阜主簿瑞次沂州同知琰次曲阜尉玖次知和州瓚環  
四傳絕瑞一傳絕琰二傳絕瓚流寓衢州別有譜玖生掖掖生元連  
元連生之將之將子三淙淙汜汜無嗣淙為第七派子三思思思靜  
思敬思思思敬皆一傳絕思靜生洽州路教授克諒克諒生濟寧路  
教授希英希英子二誨誨為孔村戶第二十六四百三十三人謀  
為王堂戶第二十七五十一人右第七派凡二戶淙為第八派稱小  
莊戶第二十八六十九人右第八派凡一戶端臣子二長穀四傳絕  
次琰子二長博一傳絕次接生權主祀事元讓元讓生權主祀事之  
深之深子二長源無嗣次權主祀事演為第九派稱宮端戶第二十  
九一百四人右第九派凡一戶侍郎位下分三派十二戶侍郎生子  
四長奉直大夫恢次朝散大夫悼次儒林郎忱次奉議郎惇四傳  
絕忱生仙源承璫璫生族長瑄瑄流寓衢州別有譜恢生泰寧軍節  
度判官松松生班班子二長提領監修祖廟揮次摘摘無嗣揮生提  
領監修祖廟元石元石生權主祀事之文之文子二長注無嗣次朝  
城尹淑為第十派子七長嘉祥尹思遵次河中府判思通次太常禮  
儀院判思逮次同知禮儀院使思迪次東平路同知思永次內臺管  
勾思禮次中書省參政思立思立無嗣思通思逮皆一傳絕思遵為  
華店戶第三十八百二十一人思迪生曲阜縣令克昌克昌子二長  
米脂知縣希毅為古城戶第三十一六百四十二人次希或希或子  
三訥訥言訥為岡山戶第三十二一百三十五人訥為魯城戶第三  
十三一百七十八人言為孔屯戶第三十四八十一人思永為西城  
戶第三十五八十三人思禮為舊城戶第三十六一百五十八人右  
第十派凡七戶恂子二鎬鎬鎬二傳絕鎬子四琦琦琦無嗣站

一傳絕瑞四傳絕瑞生樞樞生元恩元恩子二之英之榮之榮無嗣  
之英子四長泗次濬次洙泗書院山長漢大渠濬無嗣洙為第十  
一派稱呂官戶第三十七八十八人右第十一派凡一戶瀨為第十二  
派子三長聖澤書院山長思範次虞城教諭思政次思常思常無嗣  
思範為林前戶第三十八三百五十四人思政子三長克淵次克一  
次曲阜知縣克中克淵為防西戶第三十九二百一十九人克一為  
林門戶第四十二二百二十三人克中為官莊戶第四十一五百九十  
六人右第十二派凡四戶中含位下分一派一戶中含生子四若涉  
若涉若涉若涉若涉無嗣若涉一傳絕若涉三傳絕若涉水生端端  
樞生權主祀事瑞瑞子二長拭無嗣次廟學教授摯摯生廟學教授  
元量元量子二長翰林國史院編修之柔次之著之著一傳絕之柔  
生聖澤書院山長滋為第十三派稱大薛戶第四十二一百一十四  
人右第十三派凡一戶博士位下分七派十八戶博士生子六長族  
長仙源主簿若鑑次進士若初次若師次若符次壽張令若鼎次若  
鈞若初若符皆三傳絕若師二傳絕若鈞一傳絕若鑑生端端熙熙  
子二長招遠主簿瑞次瑞瑞無嗣瑞子二長族長撫一傳絕次修武  
尉撫生提領監修祖廟元質元質子三長提領監修祖廟之容次提  
領監修祖廟之進次竟州同知之明之進之明皆一傳絕之容子五  
長河次津次汴皆無嗣次鉅野尹浩次鄒縣醫學教諭淋浩為第十  
四派稱廣文戶第四十三一百八十八人右第十四派凡一戶淋為第十  
五派稱小薛戶第四十四二百一十八人右第十五派凡一戶若鼎  
生進義校尉族長端修端修子二長珣一傳絕次提領監修祖廟瑞  
生濟竟單三州宣課使權主祀事肅肅子五長承事即元正次濟陽  
主簿元裕次興化路經歷元敬次元冲次須城主簿元伸元正元冲  
皆二傳絕元裕子二長之寧一傳絕次之安子三滄滄渡滄渡無嗣  
滄為第十六派子二長容城教諭思宣次思盛思盛無嗣思宣生克



慈克子二長希儒次族長希韶希儒爲陶樂戶第四十五七百四十七人希韶爲北公戶第四十六一百七十九人右第十六派凡二戶元敬子四長雲夢尹之熙次青陽稅使之敏次太常博士之載次深澤教諭之謹之敏一傳絕之熙子三長東平路教授洵次渙次渾渙皆無嗣洵爲第十七派子二長思權次盤陽路教授思衍思權生克清克清子三希壽希壽子四傳絕希壽爲紙坊戶第四十七一百六十四人希壽爲董莊戶第四十八六十五人思衍生曲阜知縣克營克營子八希從希從子希幹希善希恆希豫希節希濟希從爲防上戶第四十九六十九人希讓爲高莊戶第五十一一百八十一人希幹爲南公戶第五十一一百六十八人希善爲星村戶第五十二一百五十三人希恆爲古柳戶第五十三六十九人希豫爲吳孫戶第五十四三百三十九人希節爲東村戶第五十五八十八人希濟爲磨莊戶第五十六二百九十九人右第十七派凡十戶之載子二長澤無嗣次江南行臺都事洵爲第十八派稱張曲戶第五十七二百四十八人右第十八派凡一戶之謹生翰林國史院檢閱族長涇爲第十九派稱息鄉戶第五十八七百六十三人右第十九派凡一戶元仲子三長大寧路學正之肅次泰安州判之嚴次費縣尹之威之嚴之威皆一傳絕之肅子二長膠西主簿漸次澈澈無嗣漸爲第二十派漸子二長權主祀事思度次思實思實無嗣思度子二克佐克弼克佐爲西林戶第五十九四百二十五人克弼爲林西戶第六十三三百七十八人右第二十派凡二戶以上乾隆甲子修譜共計見丁一萬九千八百四十九人此孔氏族譜六十戶支系之大凡也若夫流寓他地確有可考者有第三派潯之少子思本徙居定陶一支又四十八代衍聖公端友之從宋高宗南渡也四十七代孫傳與四十八代孫端朝四十九代孫瓚瓚隨焉端友傳玠玠生摺摺生文遠文遠生萬春萬春生洙自端友至洙凡六世皆於南宋時襲衍聖公後洙歸元

讓世爵於北宗卒後無子而南渡之大宗遂絕傳子端問爲奉新縣丞端問子壽漳州錄事參軍壽子璵銅陵主簿璵子應發武寧縣令應發子言兗州府同知言子津津子思許思許子克忠福清學正克忠子希路福州岳山書院山長希路子議議子公誠公誠子彥繩彥繩之後世襲五經博士與端朝瓚瓚之裔共居衢州是爲南宗又三十九代文宣公之第三子太子舍人郁郁子述述子檜檜五代之亂徙家溫州之平陽又三十五代文宣公璵之唐明皇時避亂寄居寧陵及曾孫嗣公惟旺世平歸魯留幼弟兗州都督工曹惟時居寧陵守墓遂家焉又三十三代襲聖侯次子子歎生深州刺史賢亦同寓寧陵今儀封世襲學正即其裔也又二十七代崇聖大夫次子工曹掾景進景進子國子博士靈龜靈龜子南臺丞碩碩子青州法曹參軍安齊安齊子國子祭酒穎達穎達子中書舍人志亮志亮子珪珪子東光令務本務本子海州司戶參軍如珪如珪子祕書省著作郎岑父岑父長子尚書左丞殘殘長子四門博士溫質溫質長子絢爲丹陽令遂家於丹陽又殘次子華陰丞遵遵孺長子宰相緯緯子散騎常侍昌弼唐末朱溫之亂隨節度徐彥若之嶺南避地南雄又岑父第三子衛尉丞分司東都載載子太子少傅溫資溫資子萊州刺史照照子虞部郎中昌庶昌庶子莊爲晉右諫議大夫居河南又岑父第四子京兆尹兼御史大夫戢戢子進士第溫諒溫諒子續唐僖宗時爲吉州軍事推官因家於臨江又八代文信君第三子樹樹子將軍夢侯聚聚子太常卿臧臧子諸史琳琳子豫州從事黃子孫失名其曾孫鉅鹿太守尚子陳相嚆嚆子賢賢子河東太守彪彪子鴻臚父父長子征南軍司統統子廣陵太守衍衍子廬陵太守啓啓子尚書祠部郎悛悛子繁繁子淳之宋文帝元嘉間徵散騎常侍不就避地上虞又父第三子冀州刺史郁郁子太子少傅潛潛子豫章太守竺竺子湘東太守恬恬子餘不亭侯愉愉子建安太守闡闡



子侍中靖靖子著作郎靈運靈運子吳興太守琇之琇之子尚書三公郎臻臻子無錫令幼孫幼孫子宏範官衛尉丞與子祕書監紹安紹安子蘇州長史楨楨子季淵唐時爲左補闕流寓華亭凡此皆班班可考者也至再遷屢遷如南宗之遷於句容遷於嘉魚則不可勝書亦不能盡辨矣故不具錄

述曰吾宗族姓肇自孔父考春秋時以字孔爲族者尙多如鄭穆公之子十三人宋子生公子嘉字子孔圭嬀生公子志字士子孔其後皆以字爲孔氏孔張卽嘉之孫也此外鄭又有孔叔孔將鉏與陳之孔寧孔貳衛之孔達齊之孔應孔距心皆非出自子氏而衛孔炁則達之孫焉則炁鉏之孫則焉之子而慄又焉之子也凡此數族近世並不著聞而列史所載往往有在吾家譜系之外者雖吾宗失傳者固多然安知其非出諸孔之後乎自唐季陵遲氏族道廢遂有乘閒肆凶冒冒平之蔭如孔末者然則溯源流慎派別亦所以鋤非種而辨眞冒也至孔氏子孫流寓他處者各以小宗立譜凡譜成必詣闕里請鈐宗主之印曲阜舊譜有流寓一卷載其初遷之祖所以紀始分略其以下之系葉所以闕疑而存信立法亦綦周密矣乾隆甲子修譜同事者爲寧遠母濫之說請於宗主創此一卷紛爭之不得然於心竊有所未安也故於茲考仍表而出之並敘其支派所自分以補譜之所闕

闕里文獻考卷三十終

關里文獻考卷三十一

孔氏著述第十一

自先聖刪述六經以垂教萬世而後代之言六藝者必折衷於孔氏。遭暴秦之厄篇帙散亡漢興羣儒區區修補然後六經傳記之書始大顯於天下。後之子孫守而弗失凡有著作類不敢驚隱怪而背遺經家乘所傳章章可考也。顧守道之儒抱經術博雅之士尙文章志趣既殊著作亦異而要以不詭於聖人之訓而止。茲仿隋經籍志四部之例各以類別並著於篇後之覽者亦庶幾知淵源之有自焉。昔伏羲氏始畫八卦以通神明之德以類萬物之情蓋因而重之爲六十四卦及周文王作卦辭周公作文辭謂之周易先聖爲象象繫辭文言序卦說卦雜卦之屬十篇謂之十翼以授弟子商瞿漢初田何傳之其後有施孟梁邱之學又有京氏學宣元之世列於學官而行於民間者別有費高二家之說然惟費氏經與古文同馬融鄭康成荀爽王肅王弼之徒皆有傳注至隋諸說凌微惟王弼之注盛行唐太宗貞觀中三十二代孫國子祭酒顏師古等奉詔作正義十六卷唐書志云六十四代孫明荆王長史承侑有易經代言唐書志云先聖討論墳典爰夷煩亂斷自唐虞以下訖於秦凡百篇而爲之序還秦燔書禁學挾書者畏秦法噤志皆藏書屋壁中漢興伏生家藏者亡失止求得二十八篇以其上古之書謂之尙書百篇之義世莫得聞已傳其學者有大小夏侯歐陽三家而漢書藝文志大小夏侯解故云二十九篇者合以武帝時所出偽泰誓一篇也及孔壁全經出始知伏生所授舜典合於堯典益稷合於皋陶謨盤庚三篇合爲一康王之誥合於顧命其實蓋三十三篇也當時科斗書廢已久無能知者十一代孫侍中安國奉詔作傳以所聞伏生之書考論文義定其可知者以隸寫古才增多伏生二十五篇復出舜典以下五篇得五十八篇并序一篇爲傳十三卷宋書志云其餘錯亂磨滅弗可復知

者悉上送官藏之秘府。又作古文尙書音五卷以正蟲事起未列學官晉永壽之亂今文尙書並亡而古文尙書始大顯唐貞觀中三十二代孫穎達與顏師古等奉詔撰義訓因梁費彪之書作尙書正義二十卷四十七代孫宋禮部侍郎武仲有書說十三卷五十二代孫宋慶元府通判夢斗有尙書解宋書志云今代孫承侑有書經代言宋書志云古者有采詩之官王者所以觀風俗知得失自考正也其詩本三千餘篇先聖刪之純取周詩上采殷下取魯去其重取其可施於禮義者凡三百五篇以授子夏六經遭秦火後獨詩以諷誦得全毛萇之學出於子夏源流最真漢時詩有齊魯韓三家皆列學官毛詩獨未得立晚乃有毛詩鄭箋唐貞觀中三十二代孫穎達據劉炫劉焯疏本刪煩增簡奉詔作毛詩正義四十卷四十七代孫武仲有詩說二十卷六十四代孫承侑有詩經代言唐書志云

春秋魯史也東周之世世衰道微臣弑其君者有之子弑其父者有之先聖懼焉以魯周公之國禮文備物史官有法故與左邱明觀其史記據行事仍人道因興以立功就敗以行罰假日月以定歷數藉朝聘以正禮樂有所褒諱貶損不可以書見口授弟子弟子退而異言邱明恐弟子各安其意以失其真故論本事而作傳及口說行又有公羊穀梁之傳左氏親受經先聖而公穀實子夏弟子授受相承皆有端緒故傳說雖有不同要皆依附聖經非由臆說漢興諸儒各守師傳互相攻擊或立或否遞爲盛衰十三代孫漢弘農太守驥有公羊訓詁穀梁訓詁唐書志云十六代孫處士奇撰左氏義詁未畢而沒宗人子通爲校其篇目并序答問凡三十一卷十七代孫漢城門校尉嘉有左氏說一卷二十代孫漢少府卿有春秋雜議難五卷二十二代孫晉廣陵太守衍有左氏訓注十三卷公羊集解十四卷穀梁訓注十四卷唐書志云二十六代孫宋廣州刺史獻之有穀梁注一卷唐貞觀中三十二代孫穎達奉詔作左傳正義三十卷唐書志云又公羊疏



三十卷。六十八代衍聖公有三傳合纂十二卷。

儀禮古之儀注所謂禮儀三百威儀三千者也。漢初高堂生傳士禮十七篇。後孔氏壁中出古文儀禮五十六篇。內十七篇與今文相似。外多三十九篇。而古經出魯淹中者亦五十六篇。河間獻王得而獻之。當時無敢傳者。惟十七篇與高堂生所傳不殊。學者傳之。二十五代孫晉黃門郎倫集注喪服經傳一卷。又二十二代孫衍亦有凶禮一卷。今亡不可見。疑非古經也。

初河間獻王得先聖弟子及後學者之所記二百三十一篇。獻之劉向。考校經籍益爲二百十四篇。而戴德之書則刪煩重合爲八十五篇。謂之大戴記。至戴聖又刪大戴之書爲四十六篇。謂之小戴記。馬融又足以月令一篇明堂位一篇樂記一篇合四十九篇。唐貞觀中三十二代孫穎達奉詔作正義七十卷。至宋朱子又析大學中庸別爲章句獨行。今祇四十七篇。六十八代衍聖公行禮記摘錄一卷。

昔先聖爲曾子陳孝道。曾子退而與門人記之。是爲孝經。凡十八章。漢時長孫氏江翁后蒼翼奉張禹皆名其學。其後孔壁古文出。庶人章分爲二。敢問章分爲三。又多一章爲二十二章。十一代孫安國作傳一卷。十四代孫漢太師博山侯光作注一卷。三十二代孫穎達作孝經義疏佚。

論語者先聖應答弟子時人及弟子相與言而接聞於先聖之語也。當時弟子各有所記。先聖既卒。門人相與輯而論纂之。故謂之論語。漢時有齊魯之說。魯論二十篇。齊論多問王知道二篇。爲二十二篇。後孔壁古文出。章句繁省與魯論不異。惟分堯曰篇子張問從政以下別爲從政篇爲二十一篇。十一代孫安國爲之傳佚。四十七代孫武仲著論語說十卷。五十代孫宋餘干主簿元龍爲柯山精舍山長有柯山論語講義佚。四書之名起於朱子。蓋析禮記中大學中庸二篇與論語孟子並行。

號爲四子書。後代遂首用以取士。五十七代孫明按察僉事諱有中庸補注三卷。六十代孫承嗣有中庸孔庭續問一卷。四書代言佚。六十四代孫尚殷有學庸正解佚。六十六代孫進士與治有四書講義六卷。

孔子家語皆當時公卿大夫及弟子之所諮訪交相對問言語也。既而諸弟子各自記其所聞焉。與論語孝經並時。弟子取其正實而切事者別爲論語。其餘則都集錄之。蓋四十四篇。名曰孔子家語。秦始皇焚書時家語與諸子並列。故不見滅。多古文字。十一代孫安國既爲尚書孝經論語改今文。讀而訓傳其義。又撰次孔子家語會佚。盡事起遂各廢不行於時。戴聖嘗雜取其書以足禮記。漢成帝時劉向考校經籍見其已在禮記者則便除家語之本篇止錄二十七篇。十三代孫博士行以爲是滅其原而存其末也。言之成帝會帝崩不行其說。後王肅得家語四十四篇。古本於二十一代孫猛家注之。乃行於世。肅家語作二十二代孫猛家語今所存家語二卷亦四十四篇。然非王肅所得古本矣。

樂者先王所以致神祇和邦國諧萬姓安賓客悅遠人故記曰移風易俗莫善於樂也。周道衰微樂章崩壞及秦而頓滅。漢初制氏雖在樂官第能紀其鏗鏘鼓舞而不能言其義。蓋古樂之亡也久矣。前史相承禮樂並列乃取後代樂府及言樂之書置於孝經之前。復雜殊甚。陳氏書錄斥之是已。但列於諸子之後。雜藝之閒亦未爲得。昔馬賁與曰樂者國家之大典。古人以與禮並稱。雖後世之樂不可以擬古。然既以樂名書則非止於技藝之末而已。况先儒釋經之書其反禮說道爲前賢所擯斥者亦沿經之名得以入於經類。豈後世之樂書盡不足與言樂乎。故通考著錄與職緯並列於經解之後。子史之前。似爲允當。今孔氏知樂者二十二代孫衍有琴操引佚。五十代孫元太常禮儀院判思遠有大元樂書佚。六十三代孫大姚知



關里文獻考

卷三一

縣貞瑄有大成樂律全書一卷、操縵新說一卷、貞遇有琴譜一卷、右經錄易二部、書六部、詩三部、春秋十二部、儀禮二部、禮記二部、孝經三部、論語三部、四書五部、家語一部、樂五部、共四十四部、十二部卷佚餘得三百八十七卷。

古者史官之職，左史記事，右史記言。春秋言為尚書，故後世史家多襲尚書春秋之目。班氏七略無史門，以古來及秦漢之史附於春秋之末。自荀勗分為經史子集四部，後世志藝文者因之。馬貴與作通考，遂削去班志春秋略內世本以下入史門是也。今考孔氏修正史者三十二代，孫頴達有隋史八十五卷，志三十卷，三十三代孫唐祕書監紹安撰梁史若干卷，未成。

凡所紀皆帝王之事，而體制不經，不可列於正史及編年者。前志謂之雜史。二十二代孫衍有春秋時國語十卷，又春秋後國語十卷，漢尚書十卷，漢春秋九卷，漢魏春秋九卷，國志歷五卷，長歷十四卷，千年歷二卷。

春秋傳曰：君舉必書，書而不法，後嗣何觀？周官內史掌王之命，遂書其副而藏之，是其職也。六十三代孫明東閣大學士貞運有皇明詔制全書。

古者朝廷之政令，百司奉之，藏於官府，各修其職，守而弗忘。春秋傳曰：吾視諸故府，則其事也。二十五代孫晉餘不亭侯愉有晉建武咸和咸康故事四卷，四十七代孫武仲有金華講義十三卷。

漢書百官表列眾職之事，記在位之次第，書其總而未及其細也。是以王隆應劭等復作漢官儀、漢官解詁等書。其後或述職掌，或記沿革，書始繁矣。六十三代孫貞運有詞林典故。

自漢阮倉始作列仙圖，劉向典校經籍，作列仙傳。由是志奇好異之士往往推其本源，作為傳記。前史謂之雜傳，蓋亦史官之末事也。二

十九代孫齊散騎常侍稚珪有陸先生傳一卷。

古者天子建德，因生以賜姓，諸侯建家，因氏以命族。周官小史定繫世辨昭穆，譜系亦柱下之職也。秦并天下，刻除舊跡，公侯子孫失其本繫。漢興，稍稍別之，延及魏晉，譜系之書漸廣。迨西晉喪亂，百宗蕩析，冠冕與隸混為一區，不可遽知。是以周齊而還，譜牒之學益貴。於世三十三代孫志約，唐時為禮部郎中，能明其學，嘗與許敬宗等撰姓氏譜二百卷。三十六代孫唐著作郎至有姓氏雜錄一卷，又與韋述等撰百家類例三卷。至孔子系葉傳，始於唐黃恭之，然止於承襲一人，殊多疎略。宋元豐中，四十六代孫刑部侍郎宗翰病之上，自孔子下止四十九代作孔子世家譜。四十八代孫宋國子博士端朝四十九代孫金曲阜主簿瓊五十一代孫元濟亮單三州宣課提領重五十一代孫元衍聖公元措，宋諫議大夫，應得五十三代孫元參知政事淑翰，翰林院檢閱，涇吳江州判，濤五十四代衍聖公及處士思敬六十一代孫明處士承懿皆相繼續修。厥後時有增輯，然書祇抄錄，未有刻本。明天啓間六十五代衍聖公始重修，鈐板。此後小修則書之大修則刊之，皆以三十年為限。

國朝順治甲午，六十六代衍聖公康熙甲子，六十七代衍聖公皆舉其事。順治甲午重修譜二十三卷，康熙甲子重修譜二十四卷。乾隆甲子，今衍聖公復經增修為書二十三卷。六十七代孫毓楨摘其大凡為家譜纂要一卷。

志者所以述典故，紀盛軌，徵軼聞，考地理，備風俗也。自班史作十志，後世作者多祖之。二十八代孫宋贈金紫光祿大夫靈符撰會稽記，宋著作郎靈運撰地志。自四十七代孫宋知撫州傅始撰東家雜記二卷，關里祖庭記三卷。其後四十九代孫環廣其書為祖庭廣記元行臺都事權主祀事環續之。五十三代孫涇又加增續為書二十卷。此外五十一代孫元興化路經歷元敬有素王世紀十二卷。



六十一代孫明魯王府審理宏幹有孔門會載四十卷明弘治間學使陳錦纂述歷代追崇聖賢之典及林廟古跡與夫舊事遺文成關里志十三卷長沙李東陽爲作凡例其後孔氏子孫屢有續輯皆因是成書而附益之增至二十四卷是所謂關里舊志者也六十四代孫戶部員外郎尚任始別撰新志二十四卷又采曲阜民俗撰節序同風錄十二卷四氏學錄尙析又輯聖門禮志一卷樂志一卷六十五代孫衍珩有廟庭禮樂典故六十七代衍聖公毓圻有恭紀聖祖幸魯盛典四十卷六十八代衍聖公傳鐸有恭紀世宗修廟盛典五十卷又六十三代孫貞瑄有演記一卷對記一卷泰山紀勝一卷縮地歌一卷

右史錄正史三部雜史十二部詔令一部故事二部職官一部雜傳記一部譜牒二十部志二十一部共六十一部二十一部卷佚餘得七百四十六卷

昔劉歆校書秘閣序爲七略六藝之外繼以諸子而諸子之內又分九流孔氏服膺先聖之訓無不游心六經講求仁義故其著書立言大都不敢背乎儒者之道今綜其著者有子思子七卷七代孫子高有蘭言十二篇九代孫陳涉博士鮒有孔叢子二十一篇後世又附以連叢子二篇共爲七卷十一代孫漢太常參議侯斌著書十篇四十七代孫傳有孔子編纂三卷五十一代孫元龍有洙泗言學一卷拱有習經三卷讀史三卷五十五代孫元浙江行省參議克慈有歷官紀歸田錄六十六代孫承侗有日言一卷四事請教錄一卷荆藩輔政錄一卷天人直指圖一卷天理說一卷三教指迷一卷六十三代孫四氏學錄貞燦有家政一卷六十八代衍聖公有讀古偶志一卷

凡事不拘乎一類而言不衷於一途者前史列之於雜家二十二代孫衍有說林五卷四十七代孫朱金部郎中平仲有良史事證一卷

卷

傳載輿人之誦詩美詢于芻蕘然則街談巷語亦聖人所借以考鑑也四十七代孫平仲有野史一卷又釋碑一卷續世說十二卷雜說一卷新瑣新論一卷六十一代孫宏幹有談柄一卷六十四代孫尙任有會心錄四卷六十七代孫五經博士毓圻有拾遺餘聞一卷老農老圃聖人弗爲然物土宜而勤樹藝亦民生衣食之本也四十七代孫武仲有芍藥譜一卷

兵者所以禁暴止邪也寓之於農行之以義用以克敵致果而安百姓卽仁者亦有所不廢焉二十二代孫衍有兵林六卷

昔子產鑄刑書叔向非之子產曰吾以救世也然則畫衣冠而民弗犯其不可再見於三代下也審矣明刑以弼教使愚民知所避而巧吏亦不敢弄法以爲奸亦救世扶衰之一道也齊永明中二十九代孫稚珪奉勅與公卿共刪注律文二十卷錄一卷

類書起於劉宋何承天并合皇覽後作者屢累唐書遂立一門白居易有六帖四十七代孫傳續後六帖三十卷

小道可觀精於其事雖技藝亦可傳也二十六代孫晉都督父廣二州諸軍事廣州刺史汪有雜藥方二十九卷三十三代孫志約有本草音義二十卷六十六代孫承侗有夢解六十五代孫衍杖有畫訣一卷續畫訣一卷

右子錄儒家十九部雜家二部小說家八部農家一部兵家一部刑家一部類書一部術藝五部共三十八部六部卷佚餘得一百六十八卷

古者無集之名也蓋均以降作者日眾而志尙不同風流殊別於是萃而錄之名爲別集班氏創其體而隋志始列其目焉孔氏別集有十一代孫承集二卷二十代孫融集九卷二十五代孫晉御史中丞羣奏議二十二卷二十六代孫汪集十卷晉廷尉坦集十七



關里文獻考

卷三一

卷三十一 晉吳興太守盛季五卷。二十七代孫晉廷尉府集  
十一卷。二十八代孫宋祠部尚書琳之集十卷。二十九代孫稚珪  
集十卷。三十一代孫梁宣惠將軍揚州刺史休源集十五卷。三十二  
代孫穎達集五卷。陳散騎常侍與集十五卷。彈文四卷。三十三代孫  
紹安集五十卷。三十七代孫唐贈左僕射集十卷。四十六代孫  
宋尚書司封郎中延之集二十卷。四十七代孫傅彬溪集十卷。宋中  
書舍人文仲集五十卷。武仲集奏議二卷。平仲集。清江三孔集。大府  
詩戲一卷。四十九代孫瑛集一卷。族長璞景集十卷。五  
十代孫元龍魯樵集。拱錫山草堂集五卷。村居雜興三卷。五十一  
代孫元演明德集十卷。五十二代孫夢斗愚齋文集。五十三代孫  
元行臺都事內集五卷。五十五代衍聖公遺集二卷。樂府一卷。明三  
氏學錄克晏集。愚集一卷。克慧德集。五十六代孫明儀希恭  
章菴詩集一卷。五十七代孫謬舞雩春詠集二十卷。五十八代孫明  
曲阜知縣公鏗沂雪散人集一卷。公杰哈齋集一卷。明詹事公恂集  
二十卷。明三氏學錄公璜北牕夏集一卷。公翰元和景象集一卷  
南坡豪一卷。泗漁樂府一卷。公琅東村耕隱集一卷。五十九代孫彥  
臣秋塘樂府一卷。六十代贈衍聖公禮庭吟豪三卷。承懿南坡集一  
卷。橋梓聯編五卷。六十一代孫宏幹孔氏一家言一卷。明高陽知縣  
宏頤北遊詠一卷。西山雅詠一卷。唱酬集一卷。六十二代孫明河南  
糧儲道聞詩給事中時奏議一卷。六十三代孫貞瑄聊園文集一卷  
聊園詩略十三卷。詩續集一卷。貞燦西園詩一卷。明翰林檢討貞時  
在魯齋文集。貞運敬事草行餘草。六十四代孫尚任岸塘文集  
六卷。湖海集十三卷。六十五代孫衍欽溫泉集一卷。行杖題畫詩一  
卷。江南丹陽主簿衍譜小岸詩一卷。六十六代孫雲南糧儲道與詔  
道遊集一卷。與治詩鈔一卷。六十七代衍聖公蘭堂遺集一卷。五經  
博士毓璣遠秀堂集八卷。順天昌平州判毓璣水木山房詩一卷。曲

阜知縣毓璣紅杏山房詩一卷。六十八代衍聖公安懷堂文集二卷。  
申椒詩集二卷。繪心集二卷。盟鷗草一卷。紅蕖詞二卷。炊香詞三卷。  
五經博士傳銑補開集二卷。清濤詞二卷。聖廟三品官傳銑炊經堂  
詩集四卷。傳銑芥園遺詩一卷。六十九代贈衍聖公繼復純齋遺草  
一卷。聖廟五品官繼汗五泉莊擬古樂府一卷。七十代衍聖公廣榮  
敏求齋文集八卷。詩集四卷。外集一卷。  
建安以來辭賦轉繁眾家之集日以滋廣。晉華虞合而編之。謂爲文  
章流別。此總集之所仿也。六十一代孫宏幹有闕里文獻集四卷。六  
十八代衍聖公有古文源二卷。  
右集錄別集八十六部。總集二部。共八十八部。八部卷佚餘得四百  
七十三卷。  
凡經之類四十四部。史之類六十一部。子之類三十八部。集之類八  
十八部。總二百三十一部。佚其卷者四十七部。其一百八十四部得一  
千七百七十四卷。  
述曰：語云：作之難，傳之更難。儒者閉戶著書，頗欲藏名山而垂後世。  
而兵燹風霜，開遭浩劫，千秋難卜。古人所爲，悼歎於無窮也。茲第取  
家之所藏及前籍所載者，著於錄，而卷帙之閒，已多遺脫。其他凋零  
磨滅，湮沒而不可見者，更可勝道耶！嗚呼！  
闕里文獻考卷三十一終



校記

①此處所引爲節文。《周禮·春官·小史》云：「小史掌邦國之志，奠繫世，辨昭穆。」

闕里文獻考卷三十二

藝文第十二之一

粵自班史志藝文後之作志乘者競取則焉。顧或博採羣搜。矜尙華富。辭不衷於體要。甚無謂也。闕里爲六藝之宗。天下之大文備焉。遊於聖人之門者。難爲言。而小言詹詹。弗典弗則。詎足以紀盛德美形。容乎哉。

朝

列聖相承。崇儒重道。文謨不顯。德音孔昭。彪炳日星。亶乎尙矣。下自漢唐以降。迄乎今茲。代有表章。闕里多述作。刪繁削穢。擬拾於篇。亦可以備考。据之大凡。徵斯文之彬郁矣。首

聖製

宸章也。次碑記。次序跋。次論辨。次頌贊。次祭文。而以辭賦詩歌終焉。至制詔章疏。文以事著。已散見於諸考中。茲不更刻云。

聖製

聖祖御製闕里孔子廟碑 朕惟道原於天。弘之者聖。自庖羲氏觀圖畫象。闡乾坤之秘。堯舜理析危微。厥中允執。禹親受其傳。湯與文武周公。遞承其統。靡不奉若天道。建極綏猷。亶乎尙矣。孔子生周之季。率布以老。非若伏羲堯舜之聖焉。而帝禹湯文武之聖焉。而王周公之聖焉。而相也。巋然以師道作。則與及門賢哲。紹明絕業。教思所及。陶成萬世。是伏羲堯舜禹湯文武周公之統。惟孔子繼續而光大之矣。閒嘗誦習詩書之所。刪述大易之所。演繫春秋之所。筆削禮樂之所。修明本末一貫。根柢萬有。殆與覆載合其德。日月並其明。四時寒暑。協其序焉。故曰仲尼之道。一天道也。朕敬法至聖。景仰宮牆。嚮往之誠。弗釋寤寐。歲甲子十一月時。適東魯躬詣曲阜。展修祀事。復謁聖墓。循撫松栢。儀型在望。優乎至德之親人也。朕忝作君。啓牖下民。深惟夫子師道所建。百王治理備焉。合是而圖。邇隆曷所依據哉。

因勒文於石。彰朕尊崇聖教。以承天治民之意。永以辭曰遐哉三五維辟之式。於皇尼山。師道允植。天畀木鐸。覺彼羣生。百行以正。六籍以明。賢道唐虞。聖則河洛。綏和動來。文博禮約。鳳衰雖歎。麟德感祥。學昌洙泗。統歸素王。炎漢崇儒。少牢用享。厥後賢君。高山是仰。子懷至聖。洎彼東方。音微云。魏道德。彌光。鬱鬱華林。我我祠殿。企慕安窮。冀牆如見。泰岱匪高。東海匪深。敬仰懿軌。終古式欽。

御製重修闕里孔子廟碑

朕惟大道昭垂。堯舜啓中天之聖。禹湯文武。紹危微精一之傳。治功以成。道法斯著。至孔子雖不得位。而贊修刪定。闡精義於六經。祖述憲章。會眾理於一貫。爲往聖繼絕學。爲萬世正人心。使堯舜禹湯文武之道。燦然不著於宇宙。與天地無終極焉。誠哉先賢所稱。自生民以來。未有盛於孔子者也。往歲甲子。朕巡省東方。躬詣闕里。登聖人之堂。祇將祀事。睹其車服。禮器金石。絃歌蓋徘徊久之。不能去焉。顧聖廟多歷年所。丹雘改色。榱桷漸圯。用是恫然於心。特發內帑。專官往董其役。鳩工庀材。重加葺治。經始於辛未之夏。事竣於壬申之秋。廟貌一新。觀瞻以肅。蓋深惟孔子之道。垂範今古。朕願率之志。時切於懷。每考天人性道之原。修齊治平之要。思以遠紹前緒。牖迪生民。凡所以尊崇褒顯者。靡不隆禮竭誠。以將景行仰止之意。而況廟庭之地。尤爲聖人神明所憑依者哉。今者登堂而陳俎豆。入室而習禮儀。管構既堅。采章彌煥。庶幾於朕心深有感焉。用是特遣皇子允祉。敬展禋祀。以告落成。凡我臣民。瞻仰宮牆。倍增嚴翼。尙益思敦崇德義。砥礪倫常。以不負朕尊師重道之意。豈不休歟。因勒貞石。系以辭曰。麟書啓瑞。素王挺生。上律下襲。玉振金聲。範圍百代。陶甄萬類。道備中和。德參天地。立型垂訓。師道昭宣。象懸七曜。海納百川。曩巡東魯。臨河登岱。我我尼山。美牆斯在。虔恭展謁。至德是欽。宗風溥博。教澤闡深。洙泗之陽。殿寢翼翼。上棟下宇。神靈安宅。冬官特飭。締造維新。宏規大啓。肅奉明禋。聖人之居。永以觀



儒藏

德千載傳心四方式則。

御製幸魯盛典序 朕惟自古帝王聲教初洽風俗茂美莫不由於崇儒重道典學右文用能發詩書之潤澤宣道德之閭奧推厥淵源皆本洙泗以故追崇之典歷代相仍或躬詣闕里修謁奠之儀潔志肅容盡誠備物其間禮數隨世損益至於希風服教百代式型異世同揆莫之或之猗歟盛矣朕臨御以來垂三十載溯危微之統緒念生安之聖哲恆慮涼薄未克祇承用是夙夜宵心孜孜不倦惟我至聖先師孔子配天地參陰陽模範百王師表萬禩朕每研搜至道涵泳六經覺憲章祖述刪定贊修之功日星揭而江河流私心嚮往竊有願學之志焉乃者東巡踰泰岱涉泗沂途過闕里親行釋奠得瞻廟貌仰聖容以為德盛功隆欽崇宜極凡厥典禮有加前代又親製文辭手寫以樹之貞石務用導揚至教風示來茲夫緬懷曩哲繼踵前賢猶思睹其物采接其居處况先師遺風餘烈久而彌新重以朕之寤寐藝牆儼乎如見及過杏壇相圃之間山川儼然檜楫如故彷彿金石絃誦之聲聞於千載而上流運往復不能自己也衍聖公孔毓圻上疏陳謝且以禮儀隆重非直一家榮遇請修幸魯盛典一書朕既可其奏久之書成復請敘言以冠其端朕萬幾餘暇勉弗違實欲默契先師尊聞行知於以阜物誠民風同道一庶幾躋世運於唐虞登治術於三古是書也豈徒使天下後世知朕於先師欽慕無已如此且愈以見聖人之道覆幬羣倫苞毓萬象卽凡車服禮器之遺皆足令人感發而興起也故賜之序。

御製孔子贊并序 蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽舜禹湯又武達而在上兼君師之寄行道之聖人也孔子不得位窮而在下秉刪述之權明道之聖人也行道有勲業炳於一朝明道有教思周於百世

堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摘筆而爲之贊曰清濁有氣剛柔有質聖人參之人極以立行著習察含道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰莫牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勸哉令圖溯源洙泗景躋唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱精高萬仞夫子之堂孰窺其藩孰窺其徑道不遠人克念作聖。

御製顏子贊 聖道蚤聞天資獨粹約禮博文不遷不貳善服膺萬德來萃能化而齊其樂一致禮樂四代治法兼備用行舍藏王佐之器。

御製曾子贊 洙泗之傳魯以得之貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭。

御製子思子贊 於穆天命道之大原靜養動察庸德庸言以育萬物以贊乾坤九經三大法是有篤恭慎獨成德之門卷之藏密擴之無垠。

御製孟子贊 哲人既萎揚墨昌熾子與闢之曰仁曰義性善獨闢知言養氣道稱堯舜學屏功利煌煌七篇並垂六藝孔學攸傳禹功作配。

御製古槍賦并序 孔子手植槍在杏壇之側金貞祐閒無復存矣元



至元三十年再故處。明弘治間又燬於火。今所遺者不枯不榮。屹立霜露而秀色獨異。撫摩久之乃作賦曰。維棧柯之靈質。實鈞化之所鍾。標扶輿之奇峙。峙先聖之故宮。涵元氣以不朽。與至道而俱崇。爾其繁幹蒼蒼。孤柯濯濯。鶴骨初扶。霜鱗未作。儼茁茁以方舒。類鴻荒之忽鑿。謝縹采於春華。完淳風於太樸。天矯拂勃。星臨露滴。枝無取於樛樛。葉全稀於振振。夕陽度兮。弗驚朝旭。烘分如滌。伊開氣之潛滋。惟神爽之咸集。徘徊宛轉。斷連蟠屈。分若偕羽之在列。從削兮。若簞虛之待懸。則有築以崇封。沃以膏壤。方以周闕角以文。臻足縮心。獻目給神。賞難煙。奪翠松。竊失響。於是楷因之而擢。穎奮感之而抽。華爭歲。蕤於絃誦之里。齊扶疎於禮樂之庭。朝菌慚兮。一旦大椿讓兮。千齡。上訴真宰之功。遠契無爲之代。均雲行兮。雨施等乾。始兮坤載。嚙則出混茫之中。而居耳目之外。與三才以並植。綿歷其長在。亦有扶桑海表。若木山巔。東瀛西極。揭日摩天。迹雖誇於神異。植非出於文宣。宜嗟乎其後矣。邈無得而稱焉。

御製過闕里詩 鑾輅來東魯。先登夫子堂。兩楹陳俎豆。數仞見宮牆。

道統唐虞接。儒風洙泗長。入門撫松柏。瞻拜肅冠裳。

御製闕里古檜詩 餘登朱甍外。根蟠碧殿阿。奇文成左紐。元氣挺孤柯。

瑞與龜龍並。傳來歲月多。徘徊看手澤。不共劫灰磨。

御製闕里重修思欲一往以天氣日暑急奉

燕輿北歸未得瞻視紀詩八韻 廣殿丹青煥。飛甍黼黻新。思排仙馭往。卻奉

翠輿辰。仰慕尼山側。興懷泗水濱。存心惟志道。勉力事依仁。望斗知非

遠。升堂念每惇。麻松應歲長。階楹益苦。過魯時逢夏。歸帆罷問津。

迢迢曲阜路。沿沂幾勞神。

世宗御製重修闕里孔子廟碑 朕惟

上帝垂祐。蒸民篤生。至聖先師孔子。以仁義道德啓迪萬世之人心。而

三綱以正。五倫以明。後之繼天御宇。兼君師之任者。有所則效。以敷政立教。企及乎唐虞三代之隆。大矣哉。聖人之道。其爲福於羣黎也。甚溥。而爲益於帝王也。更宏。宜乎尊崇之典。與天地同其悠久也。曲阜廟庭爲孔子里宅。號聖鍾靈之地。神爽式憑。明禋祗肅。廟貌崇闕。由周而來。久且加盛。我

皇考聖祖仁皇帝。德符元化。悟徹性天。自羲農堯舜禹湯文武周公之道。集成於孔子者。一一體於身心。宜爲政治。聖統在上。應運而承。康熙甲子。東巡狩。

臨幸闕里。謁奠廟林。殷禮隆儀。漢唐莫及。朕恭膺丕緒。志切羹牆。卽位之初。加封先師五代王爵。詣雍釋菜。題額歌詩。佩德報功之願。夙夜罔釋。於懷。雍正二年。闕里聖廟不戒於火。有司奏告。朕悚惕靡寧。詣廟致祭。旋發帑興修。命大臣專董厥役。殿廡規模。悉准宮闕。製器備物。亦令繪圖呈式。裁酌協宜。數年來。諄諭執事臣寮。經營周至。纖毫無憾。始慨朕衷。七年冬。有司具奏。大成殿上梁。前二日。慶雲見於曲阜。合詞稱瑞。朕以天人感應。理固不爽。而誠敬微忱。詎能邀

上帝先師之垂鑑。用是祇將祀事。倍增試額。俾普天率土。被聖人之德化者。同心感慶。庶足以廣教澤。而答嘉庥。而撫躬警勉。恆朝夕凜凜焉。朕嘗謂帝王之尊聖。尊其道也。尊其道。貴行其道。居行道之位。而能擴充光大。達之政令。修齊治平。得其要紀。綱法度。合其宜。禮樂文章。備其盛舉。凡聖道之未行於當時者。悉行於後世。雖去聖久遠。而心源相接。不啻親授於一堂之上。默證於千載之前。如是而欽崇褒顯。悉由於中心之誠服。而治化日盛。聖道斯尊。且夫聖人之道。一天道也。天以膺民之責。屬之聖人。刪定贊修。代天宣教。彝倫序敘。禮法彰明。後之帝王奉其道以治世。師承罔敷。資益良多。然則尊天尊聖。理原合一。今茲之崇禮至聖。正所以欽若昊天。而於修建廟庭之重典。有不至誠至敬者哉。朕勤求上理。宵旰孜孜。

我其以仰述

皇考之鴻謨丕揚先師之厚澤爰敬推

上天篤生聖人與聖人承天立教垂憲奕世之意勒文碑石以昭示臣民於無極而系以辭曰

天心覺世聖治承天治法道法聖聖相傳三五之隆以道致治峻德弘昭豐功遠被聞知續統至聖挺生中天復旦文教昌明經緯三才陶鑄萬象體具中和功伴參兩表揚六籍程式五常如會滄海若揭秋陽惟我

皇考聰明睿知苞蘊圖書匯宗洙泗德與聖合禮爲道崇升堂容肅過里恩隆緒續朕躬勳圖紹述至訓煌煌箴銘宥密維皇建極惟聖時中古今雖遞心理攸同作帝王師與天地配開闢一人神靈如在奕奕新廟輝映尼陽金絲在御車服盈堂煥乎天文五雲示慶錫祐者天承庥者聖敢云瑞應鑑厥微誠普祈洪貺永福編氓文治光華日昇晶麗木鐸揚聲垂億萬世

御製論語論 朕惟孔子以天縱之至德集羣聖之大成堯舜禹湯文武相傳之道具於經籍者賴孔子纂述修明之而魯論一書尤切於人生日用之實使萬世之倫紀以明萬世之名分以辨萬世之人心以正風俗以端若無孔子之教則人將忽於天秩天敘之經昧於民彝物則之理勢必以小加大以少陵長以賤妨貴尊卑倒置上下無等干名犯分越禮悖義所謂君不君臣不臣父不父子不子雖有粟吾得而食諸其爲世道人心之害可勝言哉惟有孔子之教而人道之大經彝倫之至理昭然如日月之麗天江河之行地歷世愈久其道彌彰統智愚賢不肖之儔無有能越其範圍者綱維既立而人無踰閑蕩檢之事在君上尤受其益易曰君子以辨上下定民志禮運曰禮達而分定使非孔子立教垂訓則上下何以辨禮制何以達此孔子所以治萬世之天下而爲生民以來所未有也使爲君者不知

尊崇孔子亦何以建極於上而表正萬邦乎人第知孔子之教在明倫紀辨名分正人心端風俗亦知倫紀既明名分既辨人心既正風俗既端而受其益者之尤在君上也哉朕故表而出之以見孔子之禮之大而孔子之功之隆也

御製祭文廟詩 扶植綱常百代陳天將夫子覺斯民帝王師法成隆治兆庶遵由臻至淳道統常垂今與古文明共仰聖而神功能邇自生民後地闢天開第一人

今上御製闕里孔子廟碑 朕惟至聖先師孔子天縱聖仁躬備至德修明六籍垂訓萬世自古聖帝明王繼天立極覺世牖民道法之精蘊至孔子而集其大成後之爲治者有以知三綱之所由以立五典之所由以敘八政之所由以措九經之所由以舉五禮六樂之所由以昭宣布列於天地之間遵而循之以仰溯乎古昔雖堯舜禹湯文武之盛弗可及已而治法賴以常存人道賴以不泯詎不由聖人之教哉往代表章尊禮隆重亦越我朝備極其盛當

皇祖聖祖仁皇帝甲子之歲東巡闕里躬謁殿庭盛典商皇垂於冊府皇考世宗憲皇帝追晉王封鼎新廟貌崇敬誠切瑞應章顯實由心源孚契先後同揆惟

聖人能知聖人所由躋海宇於蕩平仁壽之域也朕自養德書齋服膺聖教高山景行之慕寤寐弗釋於懷嗣統以來仰荷

天庥海宇乂安用舉時巡之典道畿甸歷齊魯登夫子廟堂躬親盟獻瞻仰辟儀展敬林墓徘徊杏壇循撫古檜穆然想見盛德之形容愾乎若接夫聞聖人之風誦其詩讀其書皆足以觀感興起况親陟降其庭觀車服禮器得見宗廟百官之美富有不益增其嚮慕悅焉而弗能自己者歟朕撫臨方夏惟日兢兢期與斯世臣民率由至道敷敦澤於無疆顧德弗類於衷歉焉恭禱

兩朝碑刻之文益以知道德政治體用一源顯微無間慕聖人之德而





祖尊師固無二道用勒石中唐志鑽仰服習之有素思以繼述

人是申立人之極曰義與仁建治之統曰明與新聖謨洋洋祖述憲

章東每歲歲宗公進聖憲壽具昭崇。萬平聖力壽具土產。首二川  
章配天廣運應地無疆。四時遊嬉日月貞明。灌以江漢暴以秋陽。決

治彌皇風仰稽令辟展敬尊師。過舊祀年。災作開基。宮闈翼翼。善

壁金絲蒼檜鬱鬱殷楹鼎彝。

聖智達天探脈道要乎契心源豐碑中護巨榜榜爲上繼三五

中允傳  
顧惟寡昧  
仰紹先型  
時適自東  
祗謁廟庭  
洋洋盈耳  
玉振金聲

既位上親見時子訴見聖則難由聖見難弗克由聖執圖治安亦

御製平定金川紀功碑  
乾隆十三年冬十一月經略大學士忠勇公

傳恆奉

命出征金川逆酋明年春二月凱旋夏四月樹碑太學并

分門古今類事卷之二十一 學宮

天界我皇清握乾符俯坤軸函括萬邦悉主悉臣。

五后繼承創守佑啓亦惟是二三蓋臣布德宣力予曰有先後予曰有

羅拜者。西蜀。桃園。以什。東。草。所。甲。金。川。一。願。可。合。生。王。尋。之。

符檄與諸土司齒。顧恃其險遠。夜郎自大。構買鄰番。各土司申訴。封

遷吏吏曰夢之不圖豈其視爲駭脫乃請兵籌餉期掃其穴而司其

學者或怯縮以老師或儼校以董志軍無適從事用弗集予心憫然

休戚毅然請肩斯任乃命以經略印益厚集諸路軍芻粟相繼閭閻

不驚。言於戊辰十一月三日。禮牙以指所征。朕親御武帳。賜經

之巨幕至也乃歷燕晉驅秦隴越劔關絕川亘凌桃關之巖經天討

之峻。又日討軍實而教訓拊循之。均其渴飲飢食。同其曉行夜眠。至

於密贊機務親草奏章則又經略獨勤其勞而諸武臣有所不知有

弗能共者恩威既明士用益勵度番落如尸庭過剖伍於衽席奸會

堅而番首驟脫象首請降經路亞以坡罪重惡極窮而乞生人

或渝且借焉慮不允所請朕惟

天地之德在好生彼蟻潰而鼠駭者毋寧赦而有之且求降而盡殲之

不可謂武矧不足以汚我斧也於是經略宣朕明旨登壇受降己巳

二月之望日金川平定捷童至京是役也衆入數千里秦凱未七旬而振旅之師奏有版圖中矣未記其用者青戎力已竭口皇武之二

定公孫江陵之降李勢皆在版圖之內無足比數廷臣舉

祖朔漢

考青海成例請勒碑成均以示來許夫秉丹誠而運籌決勝不靖荒

得者繼略大學士之力也商可石於帷幄徙石矢於行陣者參贊大

元之德集佳兵之戒保大定功安民和眾庶幾可以垂則乎乃系之

以辭曰惟

人生人類聚羣分。凡茲林林。孰非我民。有羈而縻。有誨而諄。豈伊異視。

遠近殊倫。守四夷。稽左。名。言。無己。用之。寓義於仁。奮彼金甌。恃其

匪紆仇之故我張我戢  
匪紆仇之故我張我戢



相持懼誅自支。兩易舉暑。枚功稍積。賊益以狂。怒臂當車。罪臣既誅。以徇我師。朕咨於恆。汝往視之。朕咨於恆。惟汝同德。惟我庶士。亦久於役。將茲旗兵。羽林神策。其勇熊羆。其心金石。何敵不摧。何攻不克。濟以汝忠。奏捷頃刻。恆拜稽首。臣敢弗獲。既禱既宜。師出於京。師出於京。時惟一陽。未逾五旬。乃壓其疆。前旌獵獵。有節煌煌。羣番迎驚。謂自天降。惟彼攸恃。曰良爾吉。以偵以謀。如鬼如域。其恃矣誅。其類股。保紀律。是明戎兵。是詰鑄。破攻彌其守。以失。惟是懼誅。潛弗敢出。其潛弗出。乃旦久延。將齊我軍。披其中堅。大轅大膊。期目之前。彼乃窮蹙。乞降。悚虔。惟命是從。六事永遵。除道築壇。肉袒羊牽。赴赴鍾琪。乃度之。想車抵賊巢。開誠以諭。攜其二酋。軍門親赴。悔罪歸誠。車塵馬足。順斯撫之。昭我王度。昔也雷霆。今也雨露。七縱諸葛。單騎汾陽。曰我相臣。於前有光。晉爵錫服。輔龍章。速歸黃閣。左右贊襄。休養生息。惠鮮蜀邦。我武旣揚。無疆惟慶。

御製闕里盛典序 自京師以至郡邑。薄海內外。莫不廟祀孔子。而曲阜闕里。爲聖人之居。靈爽之所。式憑崇德。報功於斯。爲歷代以來。罔不祇肅。洪惟我

聖祖仁皇帝親謁廟堂。有幸魯盛典一書。至我皇考世宗憲皇帝重道尊師。弗懈益虔。雍正二年。闕里廟殿不戒於火。命官督治。悉復其舊。宏敞有加焉。屋用黃瓦。圭壝俎豆尊罍之屬。頒自上方。

親灑宸翰。懸諸大成殿門。堂哉皇哉。不可殫述。精誠平格。爰有慶雲。見曲阜之祥。凡閱七載。廟工落成。諸臣請勒成闕里盛典一書。垂之久遠。乾隆三年。是書告竣。蓋自漢唐而後。紀載所傳。未有若斯之隆也。朕恭承丕緒。景行先師。寤寐縉緇。紹休前烈。深惟聖帝明王。莫不講明先王之法。行聖賢之道。爲萬世計。至深且遠。董子曰。天不變。道亦不變。夫聖人之道。如日星行。而江河流。則聖人之居。與乾坤同其永。

入者皆教澤之垂於無窮也。然非有王者作。先後同揆。則尊崇之典。或缺焉。而不備備矣。而未極其盛。惟我

皇考接洙泗之心。源觀人文。以化成天下。明王道。重儒術。以聖契聖。是以盡志盡物。煥乎其文。巍巍煌煌。至於此極。披覽是編。如登聖人之堂。觀車服禮器之輝煌。見宗廟百官之美富。聆金聲玉振之始終。條理有不穆然而遐思。肅然而起敬者哉。昭示來茲。既以見孔子師表萬世明德馨香宜隆於鍾秀鍾靈之地。又見我國家

聖聖相承。右文嚮道。逾邁前古。且俾孔氏子孫繼繼承承。知廟貌維新。修其禮物。其末有自焉。爰因衍聖公孔廣森請而序之。

御製闕里慶雲頌 巍巍宣聖。上律下襲。祖述憲章。斯文烏矣。我皇膺命。心契聖時。以養以教。作君作師。爰新闕里慶雲式煥。紉兮纓纓。那兮爛爛。迺映杏壇。迺覆檜輪。金枝蒼鬱。玉葉璫璫。惟帝之誠致雲之卿。以彰我文明。以責我太平。

御製四賢贊并序 聖門弟子三千。其賢者七十有二人。史記家語各爲紀其姓氏。考其事迹。以垂之後世。而能契夫子之心。傳得道統之正脈者。則惟顏曾思孟四人。顏子得克己復禮之說。曾子與聞一貫之傳。親炙一堂。若堯舜禹之相授受。曾子尙矣。子思師事曾子。發明中庸之道。而歸其功於爲己。謹獨孟子。子當戰國橫流之時。私淑于思。距楊墨。闡聖道。而養氣之論。爲前聖所未發。昌黎韓子以爲其功不在禹下。有以也。庚戌秋。偶閱有宋諸儒傳。因思宋儒所宗者孔子之道也。孔子之道。賴顏曾思孟而傳。今聖廟祀典。四子升配。堂上爲百代之楷模。因各係以贊。用誌景行之私云爾。復聖贊曰。貧也者。吾不知其所惡。壽也者。吾不知其所慕。德以潤身。孰謂其貧。心以傳道。孰謂難老。簞瓢陋巷。至樂不移。仰高鑽堅。三月無違。夫子有言。克己成性。用致其功。允成復聖。宗聖贊曰。宣聖轍環在陳。與歎孰是。中行授鞶一貫。曾子孜孜。惟聖依歸。唯而不疑。以魯得之。會友輔仁。任道重

遠十傳釋經超商軼倭念彼先子沂水春風淵源益粹篤實容臨  
深履薄得正以終三千雖多獨得其宗述聖贊曰天地儲精川嶽萃  
靈是生仲尼玉振金聲世德作求孝孫維則師曾傳孟誠身是力春  
茲後學示我中庸位天育物致和致中夫子道法堯舜文武紹乃家  
聲述乃文祖亞聖贊曰戰國春秋又異其世陷溺人心豈惟功利時  
君爭雄處士橫議爲我兼愛鼓樹幟魯連高風陳仲康士所謂英  
賢不過若是於此有人入孝出弟一髮千鈞道脈永繫能不動心知  
言養氣治世之略堯舜仁義愛君澤民惓惓餘意欲入孔門非孟何  
自孟丁其難顏丁其易語默故殊道無二致卓哉亞聖功在天地  
御製萬仞宮牆贊 堯子自幼被服聖言明德新民知易行難顯有素  
誠瞻謁尼山亦既泣止敢云得門

御製奎文閣贊 奎垂象綫在魯東夫子之文天地並隆煌煌  
御書充牣其中先聖

後聖其揆則同

御製手植檜贊 文欄肥壤厥有檜株先聖攸植繫手澤餘幾經枯榮

左紐右紆造物憑護孫枝扶疎

御製杏壇贊 憶昔緇帷詩書授受與有榮焉軼桃欒柳博厚高明亦

曰悠久萬世受治杏林何有

御製聖蹟殿贊 明王不與夫孰能宗豈無宗者邈矣莫從鐫勒名華

景仰遺踪七十三年雲中見龍

御製詩禮堂贊 昔者趨庭詩禮垂訓維言與立伊誰不奮九仞一簣

願勉乎進御堂聽講景仰

聖舜

御製金絲堂贊 禮樂詩書金絲萬古豈殷鑒恭廣宅斯舉在左移西

亦惟其所懸懸乃神夫子不語

御製禮器贊 祗謁先師載觀禮器儀象象尊伊古之制有道存焉儀

型攸繫申命太常記子初祭

御製故井贊 疏食飲水曲肱樂之既清且潔汲繩到茲我取一勺以

飲以思嗚呼宣聖實我之師

御製故宅門贊 居廟之左厥門斯故藻績不施意存後素徘徊仰瞻

心焉學步告爾後人由茲義路

御製重修闕里文廟告成賦 丕鏤惟清

聖祖神宗既承顯之式敷允精一而執中欽明文思克讓允恭洋溢瀟

沕萬國來同

皇上御極是法是則煥天下於文明登九有於衽席重道而先聖是欽

崇儒而素王惟式天鑑孔昭佑我一人謂闕里之經營既久斯尼山

之廟貌宜新藉締造於昭代貽制作於聖君

天子乃命司空勅匠作爾經爾營乃量乃度走羣靈而驅八神鳩工徒

而諮眾略刷無閭不注之嶠巖伐泰嶠嵩高之參錯良材川委大木

神輪授模定式審方辨隅陶埴鍛厲之俱備丹青坊治之咸臚凡工

倕與匠石莫不奏技而待須爾乃日嘉時良爰動鑿聲鋪徒奮力攢

人充盈既陟陬而臺薨亦登登而馮馮大治耀兮金煙霏屑噴兮瓊

英斧斤丁丁兮觀揀度之胥法繩墨綿綿兮看約榘之咸平矯枉兮

既直削腐兮用貞曉春臺臺畫杆旬旬俄而碩輝玉碣采煥雲楣豐

融曼衍揭業陸離祕殿聳兮盤鳳傑閣轟兮臥螭何巨麗之方建乃

卿喬之呈奇曜藻流光兮鬱蒼而承日麗懸華曳紫兮紉纓以布天

垂斯固天文與人文並燦聖居與聖澤偕丕者也若乃級層階於東

西拱修廡於左右大成殿大成門實

御筆之親書聖時門弘道門更

睿思之口授圭瓚俎豆之式新犧牲幣帛之加舊添配祀之羣賢增執

事之奔走色瓦頌自上方

御碑摹以重鐫丹楹列乎環材采栴揭乎纖繡則其爲狀也邈穹隆以



宏壯巨碑礪而窅冥。殖殖今其庭。噲噲今其正。宏卓燦以輝赫。今若燭龍蜿蜒而舉。紛紛攢羅以歲。魄兮若巨龍。轟轟而崢嶸。斯翼斯棘。今屬閣道之駸駸。如松如竹。今衛鉤陳之縱橫。傲巖廊而布象。準魏關以爲程。磧磧既堅。知爲高之基。下綺疏交映。悟立誠之牖。明至夫既落既成。乃祭乃饗。

命皇子而徂征。昭一人之敬仰。性怪肥臚。黍稷豐穰。衣冠肅恭。進退雍容。邊豆既旅。樽壘斯崇。以間兮笙鏞於論兮鼓鐘。神既安兮和冲降多福兮隆隆。蓋尊聖之典。無以尙統前後。而莫有或同者也。於是爲之歌曰。堂堂靈宇。

天子是新。既輪既奐。乃瑞乃璘。杏壇鬱鬱。檜幹繽紛。宣聖是安。佑我後人。歷億萬禩。不煥斯文。

御製闕里慶雲詩 化洽文明世。風登熙皞時。車書九有共。禮樂萬方

綏。至治乾坤應。仁恩草木知。崇儒欽往聖。重道禮先師。特舉

臨雍典。頻行釋奠儀。宮牆新棟宇。殿廡整梁思。軒爽盤青鳳。觚稜臥赤

蟠。確成輝玉碣。宋立煥松楸。上瑞方呈日。卿雲恰應期。非烟籠紫閣。

似霧匝丹墀。挾藻流光遍。懸華曳曜奇。鬱蒼承日麗。紉縵布天垂。文

運重離炳。嘉祥眾目矚。守臣封表進。大吏露章隨。喜氣三宮滿。歡聲

九陌馳。龍墀煥大號。

鳳詔凜如絲。

聖德誠光被。

宸衷益慎持。命期勤

翠輦下日展

驚旂。

詣學行殊典。弘文答景禧。因加登選額。用勵作新思。藝苑薰風普。膠庠

膏雨滋。唐虞風更洽。洙泗道逾彌。玉燭綿

帝基。萬年綏福履。端拱樂無爲。

御製闕里祭器 代啓文明炳。崇儒聖道光。

皇心欽日月。禮器備宮牆。舊譜稽成式。新圖發尙方。斑斕紛有耀。簠簋

列成行。

頒示來三殿。傳觀徧兩庠。涵光呈玉質。絢彩燦金相。萬國同文軌。千秋

肅典常。從茲先後聖。一揆頌吾皇。

御製庚申仲秋丁祭先師孔子 法

祖恢文德崇儒禮。素王晨光開肇略。露氣浥旂常。寅祀心恒慕。丁辰日

正陽。皇皇陳禮樂。肅肅對宮牆。言念百王後。身登夫子堂。君師誠有

愧仰止志方長。

御製盛京文廟詩并序 我

太宗文皇帝初定大業。卽尊儒重道。釋奠孔子。以四子配。並立文館。譯

書史於翔鳳閣。實肇國家萬年有道之長也。辟雍時尙屬鞮。臺過魯

空傳祀太牢。更步故宮翔鳳閣。彬彬羣彥想分曹。

御製甲子二月上丁釋奠先師孔子 靈春惟仲月。吉日值丁辰。禮樂

遵先進。詩書淑兆民。宮牆增慕永。俎豆薦馨新。敢謂百王後。能傳一

脈真。承筐將素幣。獻爵列儒臣。試問得門者。誰爲不愧人。

御製幸翰林院謁至聖祠因示諸臣 蘭臺移法駕。柏殿禮先師。重道

非徒重斯文。固在斯千秋垂法則。一室儼金絲。景仰高山近。休辜浴

鳳池。

御製丙寅秋仲丁祭日詣上書房至聖前行禮 萬古生民首。千秋祭

典光。攝儀專國學。展禮詣書堂。言念承

宗社。何曾致治康。徘徊講筵側。惟覺愧宮牆。

御製戊辰仲春東巡祭闕里秩代宗初四日自京奉 皇太后啓程得詩八韻 幼服先師訓。宮牆念在茲。兼懷岱宗麓。堂阜

訝何其二月言旋魯六龍始飛還鴻猷思

聖祖鳥養奉

徽慈麗日瞻瞻暖祥風左右披千官紛祖餞萬騎擁旌旗武備由來赫民艱藉以咨景行終待仰齊澤豈稽施

御製衍聖公孔昭煥率所屬職事官並博士子弟來謁詩以示之和風融日麗前旌近止尼山慰素誠道左追隨賢後裔心殷瞻就魯諸生宮牆乍可窺魏煥邊豆從知備潔清豈為卿家榮幸獨崇儒雅化示寶源

御製恭依

皇祖過闕里詩元韻素王遺故宅實實復堂堂道望惟驚若心慚向而牆詩書千載煥禮樂百年長

御製黃雲擁闕里詩元韻文明仰

舜裳

御製闕里祭先師禮成因成八韻禮原尼父定文是素王垂用以將欽若因希尚鑑茲一貫天道性萬古帝王師過魯緇

皇祖思齊奉

聖慈泰實陳俎豆升降式威儀教澤常胎在心傳竟屬誰具行稍此遂

御製向難窺三子希踪後安能贊一辭

御製賦得手植檜靈根欣得地茂葉想參天老匪仙方駐名因聖植傳肉蒲今豈在散木信虛焉見說榮枯屢宛看左右纏不棲凡鳥雀常拂瑞雲煙遠謝大椿樹春秋徒八千

御製杏壇奎文閣後殿前垂杏壇遺蹟傳緇帷當時侍者想聞佩弦歌鼓琴敦書詩我來景仰慰素志恍見教澤長聞胎春風晨暮緋英枝在彼在此還堪思舞雩曾點聖所與吾亦因之將詠歸

御製汲故井水飲之一脈清源直到今轉輸古甃刻痕深无喪无得

汔來往往在餅在疊隨酌斟曲肱有樂思聖蹟勿幕元吉復我心綆短

汲長合引戒津逮在茲取次尋

御製詩禮堂進講八韻昔日趨庭處熙春進講時淵源應有自法則近於茲禮並文華舉典因

聖祖垂章經既魚雅冠帶亦追隨瑞旭唐槐影卿雲漢石滋芸編陳御

案廣厦列經帷道堯期深造言詮未易窺所希明正學致治化無為

御製謁孔林酌酒宮牆親釋奠林墓此重來地關天開處泗南洙北

隈春鳴仙樂鳥冬綠石碑苔教澤垂千古泰山終未頽

御製子貢手植楷駐蹕亭前有嘉植亭亭特立學高賢一株為想干

雲霧數劫那隨變海田遠勝移根從異國

御製賜衍聖公孔昭煥歷代崇階首百僚欣看弱冠著清標學詩適

合趨庭訓

沿長不絕尼山景仰近非遙聖言廣大求親切守貴由來在不驕

御製洙泗書院鸞音辭闕里欲去更遲遲泗水瞻書院春風想聖師

自從傳鳳閣誰敢設皋比

御製辛未春正行聖公孔昭煥來迎詩以賜之聖族郊迎踴躍成

人見汝忽三年

御製癸酉秋丁釋奠先師孔子高居詎恃九重尊丁祭親承奉駿奔

山海從來欽出類宮牆何有得其門樂音六奏非鐘鼓禮器千年復

簋饗經席昨臨今釋奠躬行未逮敢他論

御製丙子仲春釋奠先師經筵昨甫過釋奠此親臨寧僅崇文典惟

殷望道心衣冠集魚雅殿幕仰深沉道法參天地神依貫古今千年

餘後裔

聖漢光相

御製衍聖公孔昭煥來接詩以賜之春風二月又巡東釋奠今年為

獻功詎止榮卿一家獨可知尊聖百王同攜來四氏齊迎駱接上千





年盡號公。故是尼山餘蔭永勛哉。何以慎居豐。

御製度泗水橋 遙源出陪尾。蟬蛸臥波橫。露浥花光潤。煙低柳意輕。  
民風勝前度。時節欲清明。瞻仰宮牆近。曷勝望道情。

御製洙河祥流知自孔林來萬古儒風此溯洄釋奠據誠猶未已椒漿應再酌金罍。

御製至曲阜二首 鳴梢重至聖人鄉 雨霽青郊正豳陽 元氣閭閻復

前度儒風經史表他方八年歲月駒令電萬戶恬熙耕與桑溢止即  
瞻伸積愆素王牧澤並天長彩煥金聲玉振坊辭興肅步意存莊

真朝自式秋宗禮此日虔申占鼎香撫踵遵教每事問致思食不

堯

舜額欽瞻處尊聖吾朝典益章

御製續資先師禮成述事 莅止重瞻禮器遺龕如既備協金絲星雲  
倏隔八年序日月同昭萬載師片藻獻功

皇祖述宮牆煥道素王垂可封此尸吾恒願教養均關惡自知  
御製再依

皇祖過闕里詩元韻 箕弗遵

堯軌攝齊升孔堂家鄉自鄉魯廟貌儼門牆  
眞心傳接千秋德澤長

御製賦得手植檜疊舊作韻  
松身還柏葉拔地復擎天  
龍角均無見  
鴻名獨尙傳  
直稱卓立爾  
那藉屈蟠焉  
新幹仍連理  
太清空左躔  
重

看承瑞雲會得拂祥煙。遙憶綢帷映敦書勵已千。

明終占眷熙。

御製詩禮堂六韻 書堂殿左廡進講憶於茲。乃反講聖廟殿。以立應惟禮。於此御講是處。爲言必在詩。義因陳亢發。名自伯魚垂。益切重來慕。還教欲去遲。唐

槐宋銀杏今日昔斯時望道吾何見徒存景仰思

御製故升改邑不改養無窮心慎王明教鳳同可謂當年飲水處曲肱樂亦在其中。

御製營壁 故井前頭緯楔碑傳開營壁金絲經天緯地存千古  
係恭王壞宅時

御製孔林酌酒  
一老名和魯兩極夢殷聖惟知有命天豈喪斯  
文六尺存甌瓠千秋鬱梓枌壠前欽下拜景仰寸心勤

御製字貢廬墓處 性天不可得聞廬墓心喪六載勤楷樹至今枯  
不朽應同植者意堅云。

御製丁丑正月賜衍聖公孔昭煥驛路趨迎領門詩書教澤泗洙源卿來處阜予心往大禮方行不欲煩去春親覽典闕果公以南巡循例遣官致祭故云。

御製孟夏回轡過闕里 去歲躬親負素王廻程重謁廟堂皇誰知獻  
誠翻成僞去歲以上率平定伊製義告闕里居時適得獲盜遂致餘氛更搆殃去歲以上率平定伊製義告闕里居時適得獲盜

既果就戮嚴質驗證見其無辜乃釋。豈礙告成斯定局曰惟聲罪不庭方等復與楊而庵多爾濟糾結爲亂。

關里文獻考卷三十一終

---

---

---

---

---

---

---

\_\_\_\_\_

闕里文獻考卷三十三  
藝文第十二之二

漢魯相乙瑛請置百石卒史碑 司徒臣雄司空臣戒稽首言魯前  
相瑛書言詔書崇聖道勉六藝孔子作春秋制孝經刪述五經演易  
繫辭經緯天地幽贊神明故特立廟褒成侯四時來祠事已即去廟  
有禮器無常人掌領請置百石卒史一人典主守廟春秋饗禮財出  
王家錢給大酒直須報謹問太常祠曹掾馮牟卒史郭元辭對故事辟  
雍禮未行祠先聖師侍祠者孔子子孫太宰太祝令各一人皆備爵  
太常丞監祠河南尹給牛羊豕雞各一大司農給米祠臣愚以  
爲如瑛言孔子大聖則象乾坤爲漢制作先世所尊祠用眾牲長吏  
備爵今欲加寵子孫敬恭明祀傳於罔極可許臣請魯相爲孔子廟  
置百石卒史一人掌領禮器出王家錢給大酒直他如故事臣雄臣  
戒愚誠慙誠恐頓首頓首死罪死罪臣稽首以聞制曰可元嘉三  
年三月廿七日壬寅奏准陽呂元嘉三年三月丙子朔廿七日壬寅  
司徒雄司空戒下魯相承書從事下當用者選其年卅以上經通一  
藝雜試通利能奉引先聖之禮爲宗所歸者如詔書書到言永興元  
年六月甲辰朔十八日辛酉魯相平行長史事下守長擅叩頭死罪  
敢言之司徒司空府主實詔書爲孔子廟置百石卒史一人掌主禮  
器選年卅以上經通一藝雜試能奉引先聖之禮爲宗所歸者平叩  
頭叩頭死罪死罪謹案文書守文學掾魯孔師孔憲戶曹史孔覽  
等雜試修春秋嚴氏經通高第事親至孝能奉先聖之禮爲宗所  
歸除餘補名狀如牒平惶恐叩頭死罪死罪上司空府讀曰魏魏大  
聖赫赫彌章相乙瑛字少卿平原高唐人令鮑豐字文公上黨屯留  
人政教稽古若重規矩乙君察舉守宅除吏孔子十九世孫麟廉請  
置百石卒史一人鮑君造作百石吏舍功垂無窮於是始 司徒公

河南原武吳雄字季高 司空公蜀郡成都趙戒字意伯 後蜀郡志載  
可秋漢如河從臣雄作司徒臣雄後兩碑字皆作雄可秋漢如河從臣雄作司徒臣雄後兩碑字皆作雄  
其作魏六朝碑字卒史作百石卒史後四石字皆作百石卒史後四石字皆作百石卒史後四石字皆作百石卒史  
作夫行祠給牛羊豕雞各一大酒直他如故事臣雄臣戒愚誠慙誠恐頓首頓首死罪死罪臣稽首以聞制曰可元嘉三  
年三月廿七日壬寅奏准陽呂元嘉三年三月丙子朔廿七日壬寅司徒雄司空戒下魯相承書從事下當用者選其年卅以上經通一  
藝雜試通利能奉引先聖之禮爲宗所歸者如詔書書到言永興元年六月甲辰朔十八日辛酉魯相平行長史事下守長擅叩頭死罪  
敢言之司徒司空府主實詔書爲孔子廟置百石卒史一人掌主禮器選年卅以上經通一藝雜試能奉引先聖之禮爲宗所歸者平叩  
頭叩頭死罪死罪謹案文書守文學掾魯孔師孔憲戶曹史孔覽等雜試修春秋嚴氏經通高第事親至孝能奉先聖之禮爲宗所  
歸除餘補名狀如牒平惶恐叩頭死罪死罪上司空府讀曰魏魏大聖赫赫彌章相乙瑛字少卿平原高唐人令鮑豐字文公上黨屯留  
人政教稽古若重規矩乙君察舉守宅除吏孔子十九世孫麟廉請置百石卒史一人鮑君造作百石吏舍功垂無窮於是始 司徒公

魯相韓勅復顏氏元官氏絲發及修禮器碑 惟永壽二年青龍在  
潛歎霜月之靈皇極之日魯相河南京韓君追惟太古華胥生皇雄  
至於初學莫不馳思歎仰師鏡顏氏聖賢家居魯親里元官聖妃在  
安樂里聖族之親禮所宜異復顏氏元官氏邑中絲發以尊孔心念  
聖歷世禮樂陵遲秦項作亂不尊圖書倍道畔德離敗聖典食糧亡  
於少邱君於是建立禮器樂之音符鐘磬瑟鼓雷洗觴觚爵鹿相桓  
遷校禁壺修飾宅廟更作二輿朝車威靈宣并元汙以注水流法舊  
不煩備而不奢上合紫臺稽之中和下合聖制事得禮儀於是四方  
士仁聞君風耀敬咏其德尊琦大人之意追彌之思乃共立表石紀  
傳億載其文曰皇戲統華胥承天畫卦顏育空桑孔制元孝俱祖紫  
宮太一所授前圖九頭以斗百教後制百王獲麟來吐制不空作承  
天之語乾元以來三九之載八皇三代至孔乃備聖人不世期五百  
載三陽吐圖二陰出讖制作之義以俟知與於穆韓君獨見天意復  
聖之族卓越紀思修造禮樂胡輦器用存古舊宇懸勅宅廟朝車威  
靈出誠造更漆不水解工不爭賈深除元汙水通注禮器升堂天  
雨降澍百姓祈和舉國蒙慶神靈祐誠竭敬之報天與厥福永享年  
壽上極旁伎皇代刊石表銘與乾元長期蕩蕩於盛復授赫  
赫罔窮聲垂億載 韓明府名勅字叔節 後蜀郡志載此碑作於永壽二年









二代三恪之禮兼紹宣尼褒成之後以魯縣百戶命孔子廿一世孫議郎孔羨爲宗聖侯以奉孔子之祀制詔三公曰昔仲尼姿大聖之才懷帝王之器當衰周之末而無受命之運平魯衛之朝教化乎洙泗之上栖栖焉皇皇焉欲屈己以存道貶身以救世於是王公終莫能用乃退考五代之禮修素王之事因魯史而制春秋就太師而正雅頌俾千載之後莫不采其文以述作仰其聖以成謀咨可謂命世大聖億載之師表者已遭天下大亂百祀墮壞舊居之廟毀而不修褒成之後絕而莫繼闕里不聞講誦之聲四時不睹蒸嘗之位斯豈所謂崇化報功盛德百世必祀者哉嗟乎朕甚憫焉其以議郎孔羨爲宗聖侯邑百戶奉孔子之祀令魯郡修起舊廟置百石吏卒以守衛之又於其外廣爲屋宇以居學者於是魯之父老諸生遊士睹廟堂之始復觀俎豆之初設嘉聖靈於髣髴想貞祥之來集乃慨然而歎曰大道衰廢禮學滅絕卅餘年皇上懷仁聖之懿德兼二儀之化育廣大苞於無方恩淪於不測故自受命以來天人咸和神氣烟煴嘉瑞踵武休徵屢臻殊俗解編髮而慕義遐夷越險阻而來賓雖太皓遊龍以君世虞氏儀鳳以臨民伯禹命元宮而爲夏后西伯由岐社而爲周文尙何足稱於大魏哉若乃紹繼微絕興修廢官嚮咨稽古崇配乾坤允神明之所福祚宇內之所歡欣已豈徒魯邦而已哉爾乃感殷人路寢之義嘉先民泮宮之事以爲高宗儔公蓋嗣世之王諸侯之國耳猶著德於頌騰聲乎千載况今聖皇肇造區夏創業垂統受命之日曾未下輿而褒美大聖隆化如此能無頌乎乃作頌曰煌煌大魏受命溥將體黃虞含夏苞商降釐下土清三光羣祀咸秩靡事不綱嘉彼元聖有遯其靈遭世霧亂莫顯其榮褒成既絕寢廟斯傾闕里蕭條靡歆靡馨我皇悼之尋其世武乃建宗聖以紹厥後修復舊堂豐其莞宇莘莘學徒爰居爰處王教旣新羣小遄沮魯道以興永作憲矩洪聲登假神祇來和休徵雜遯瑞

我邦家內光區域外被荒遐殊方慕義搏拊揚歌於赫四聖運世應期仲尼既沒文亦在茲彬彬我后而五之於億載如山之基按此碑記

文與魏志小異而關里傳志引魏志以歟碑文致多訛舛其他脫佚者亦復不少如他在二代三格之碑兼細讀成宣尼之後作追存三代之禮藏相宜尼之後合孔子廿一世孫作命孔子二十一世孫自是王公大夫之材皆仲尼負大聖之才也子魯衛之朝作在乎魯衛之朝於是見三公其能用作者百戶卒史其餘年用之莫不采其文以述作其不宗其文以作爲禁化報功作樂繼無功百石吏卒已作况神明之所稱祥字宙之所觀欣色騰舞乎千載作樂於千載之神明之所稱祥字宙之所歡欣慶唐包夏金漢洪整登假作洪鑒豈假內光區域作內光城區皆對碑細爲更正文碑末銘

果魏晉孔子廟碑 粵若稽古睿后欽明文思衡宰邁德丕顯九功咸事故能庸勳親賢官方式敘惟大魏徙鄴之五載皇帝興和之元年天吞寅賓出日實惟濟岱宣風敷化義屬英良以君理思優敏實惟舊德升朝牧民物望斯允必能絃歌柳營克振斯文制冊拜我君公使持節都督兗州諸軍事車騎大將軍當州大都督兗州刺史君姓李字仲璇趙國柏仁人也其先帝高陽之柱史之蔭左車之綰緒瑤光休彩赫奕於上齡若水嘉祥扶疎於季葉君以資解褐奉朝請俄除定州平北府法曹參軍仍歷充郡功曹諮議參軍事定相離三州長史東郡汲郡恆農二郡太守司徒左長史中散太中大大營構都將雖亮二州刺史所任恩道訓在民夫松桂易地而貞馥不移君鳳舉雲翔風期如一斯實天懷直置妙與神同惓然不樂思仁未深刑平惠和詎爲淳階資寵之榮奕葉重光之貴氣韻優峻之奇政績緝熙之美旣備於史傳與清頌故不復詳載焉君神懷疎爽風度絕人學業源並深趣操松俱秀故其埭亮部也嘗未浹旬言覲孔廟肅恭致敬敬神如在遂軼車曲阜飲馬沂流周遊眺覽尙想伊人慨然有之功之意乃命工人修建容像孔子曰從我於陳蔡者皆不得及門也因歷敍其才以爲四科之目生旣見從沒侍故顏氏於易辭起予耆商紛綸於文誥是則聖人之道須輔佐而成故曰吾有由也惡言不聞於耳所以雕素十千其側今於奉進儒冠於

諸徒亦青衿青領雖逝者如斯風霜驟謝而淪姿舊訓曖似還新至如廟宇凝靜靈姿嚴麗之無以踰七之房不能出夫道繫於人人亡則道隱斯大義以之而非微言以之而絕今聖容肅穆二五成行丹素陸離光微笑而言左右若承顏而受業是以睹之者莫不忻忻焉有入室登堂之想斯亦化一隅也天誕聖哲作民師風闕里播洙泗至於歎鳳鳥之寂寥傷河圖之莫出屢應聘而不遇知道德之不行乃正雅頌修春秋刊理六經懸諸日月載之莫不遵義以述作服其訓以成身茲可謂開闢之儒聖無窮之文宗者矣此地古號曲阜是惟魯都雖宮觀荒毀臺池然其廟庭也蔚林於九冬置修柯於百仞類神枯之侵漢同梧宮之巨圍至夫鴻隨秋下則月秀霜枝燕逐春來亦風開翠葉既觀亦足以安樂聖靈是以無代不加修繕謠億載以寧神君清明在躬精思入微功被人神德貴幽顯豈惟營飾宣質經創如虔修岱像崇奉元宗敦素尊華與存廢絕視民如傷之仁壽體亡懷以幽任萬物以爲心直靈津孤灑虛光獨散者夫一月之明可影百川一人之鑒縱橫萬趣爰自刺舉未或斯同然丹青所以圖盛迹金石所以刊不朽不鏤珉瑤焉述府州佐令士民等略序義目樹碑廟庭俾後來君子知功業之若斯焉乃作頌曰二儀肇判人倫攸舉邈邈元王誕茲聖緒祖習堯舜憲章文武聲溢九天化覃八字祖習窮神盡妙化覃伊何存教同麗景搏天孤照無異岱宗巖巖特峭重山隱寶深霞秘暉在哀之葉自衛言歸德生於予文實在茲彝倫禮樂克敘書詩驚異灰管流氣良木其摧細踰千祀以存恕亡允諸靈意不有伊人孰云修置惟君體道布政優優白鳩巢至赤雀棲樓禮罔不備知器冠後哲風邁前修既繕孔像復立十賢誠兼岱宇勲蓋重元仰聖儀之煥爛嘉鴻業之嫺聯長無絕兮終古永

萬億兮斯年北齊書卷之四此碑乃唐高祖武德中作也其碑文云

作姓李諱挺字仲瑛脫一字添二字其先帝高祖之

之左車之編其脫四字所在思通訓在民天松桂功地作所在思通訓在民

之樂作樂增食鹽之樂史傳與清頌作史傳於清頌皆不得及門也作皆不及門也

侍作生既見從汝若之何侍於其廟作侍於其廟碑本無四多空一字按似還新作變以還

之無以論七之房不能出作世代之隔然以崇七百之遠房不能出折折焉作折折然斯亦化

一問也作斯亦化行一陽也脫一字作民節風闕里播

闕里播深淵縣諸日月載之莫不遵義以述作作縣諸日月載之則猶莫不得其意以述

作縣諸春米亦風開聖業作縣諸春米而風開聖業體仁懷以幽作儲古按以幽直蒙洋孤

虛光獨飲者直字上皆字下碑俱有一字今皆脫去疑茲聖緒作疑茲聖口疑聖緒作祖述

北齊書卷之四同是製作存同是製作存同是製作存

北齊夫子廟碑

齊乾明元年歲

月

響引自

者其由

平衛大

魏安

州再

長

可

高公會

來游

久

命工人重為鑄

是以

論景行

以終其

海

載

者更

東郭之

祠堂

二十日

功

此碑法在唐碑

上十九行

刊

隋仲孝俊撰修孔子廟碑

若夫惟道惟德或仁或義既漸散於英

十四字今可辨者才百有二字耳闕里志不載其文而和庭廣記

亦云刻落不可考惜古碑消缺依取其猶可識者節錄於後

公道昭之第

之

南

鎮北將軍祕書監

忠帝

不具論

高

去盜

既

諸

三

戡雖

女

馭節

羣

廢

而

曰豈

更

摠七

載

祠堂

東郭之

以終其

論景行

是以

命工人重為鑄

久

來游

高公會

可

州再

長

魏安

者其由

平衛大

響引自

齊乾明元年歲

月

德所以歷

字

人

北齊夫子廟碑

齊乾明元年歲

月

響引自

者其由

平衛大

魏安

州再

長

可

高公會

來游

久

命工人重為鑄

是以

論景行

以終其

海

載

者更

東郭之

祠堂

二十日

功

此碑法在唐碑

上十九行

刊

隋仲孝俊撰修孔子廟碑

若夫惟道惟德或仁或義既漸散於英

十四字今可辨者才百有二字耳闕里志不載其文而和庭廣記

亦云刻落不可考惜古碑消缺依取其猶可識者節錄於後





德行之以政用此一心能和百姓子還名賈見多字鄭好雄竄伏  
役平均心居儉素志守清貧篤生入金雀瑞來臻寢廟孔碩靈祠赫  
奕圓淵方井綺窗畫壁因頌成功遂歌美績共弊穹壤永固金石德  
志載此碑遠屬淹於膠樂作遊廟推於禮樂僕伯修文作僕武修文委之臣幸於此作委之幸臣是此  
自爲百王之則作自爲百王之憲禮儀舊俗作禮樂舊俗亦既繫於墳墓作亦既懸於鴻臚廟宗孝宣  
帝之子作高宗宣帝之子代歷五朝作代歷王朝歷五朝刻銘金作玉條作金科玉條一見  
仍知作一見乃知馬牛不繫作牛馬不繫教訓明神作教訓神明可謂神之所臣作可謂誠之所至誠  
百代之嘉聲作振百代之家聲導之以德行  
之以政作懷之以德導之以政今並爲改正

唐崔行功撰贈大師魯國孔宣公碑 臣聞形氣肇分宗匠之途遂廣性情已著名教之理攸興是故雕刻爲妙物之先粉澤成眞宰之用若其聃語棄智則聖非攘臂之端莊寄齊諧禮必因心之範雖九流爭長百家競逐而宗旨所歸典墳取俊夫軒義已謝子妙迭微步驟殊方質文異轍及流滌起諫寘服傳託憲章板蕩風雅淪喪然而千齡接聖崇朝可期五百見賢伐柯未遠粵惟上哲降生圯運理接化先德充造物裁成教義彌綸之跡已周組織心靈範圍之功且峻利仁以濟幽顯垂訓以霑動植自歎起臨川道窮反袂西峰琰玉幾燼蒼山東野柔桑多塵碧海屬混元再造休明一期雅頌之音復聞郊禋之禮還緝跨巢宵之逸軌邁龍鳥之遐風瞻白雲而升介邱翼蒼螭而過沂上而令千祀之外典冊遂隆九泉之下哀榮方緝斯乃命爲罕說道不預謀豈如箕山之魂空成寂寞信陵之墓徒復經過將知龍蛇之蟄潛契於天壤聖智所遊高懸於日月言之不可極其惟孔太師乎太師諱口先聖字仲尼魯國鄒人有殷之苗裔也分於宋則孔父嘉爲大司馬弗父何以國讓其弟厲公正考父佐戴武宣而受三命居於魯則有防叔伯夏叔梁紇紇生太師若夫天命元鳥玉管隆其濬哲瑞起白狼瑤臺繁其錫類武王覆夏仍遷象物之金有客在周復奏桑林之樂茲恭喻尸臣之鼎高讓挹延吳之風令緒昌源煥乎已遠至如象緯凝質則傳說巫咸嵩華降神而申伯吉甫在於郊臨巨跡鬱符中野之祥水帶邱阿遙均反宇之慶蘊乾坤之精

粹陶陰陽之淑靈。度九圍十河。目海口。放勳文命。有喻於儀形。子產  
皇陶微詳於具體。孟孫言其將聖。太宰辨其多能。神關繫表性與道  
合。時初撰履。已訓魯卿。年未裘裳。先窺周室。猶且學期上達。業遵下  
問。龍如藏史。或訪禮經。碧準良弘。言詢易象。曲臺相國。廣陳揖讓之  
容。師摯師襄。屢辨興亡之極。網羅六藝。經緯十倫。加以思入無方。情  
該至蹟。陳庭矢集。懸驗遠飛。季井泉開。冥占幽怪。新莽泛日。能對於  
楚賓。舊骨淪風。旋訓於越。使藏往知來之際。微妙元通之旨。不可以  
龜策求。不可以筮蹄得。及其譽聞曲阜。南宮展師。資之敬。應務中都。  
西鄰化諸侯之法。冬官效職。五土得其攸宜。秋令克宣。兩觀展其刑  
政。溝疏墓道。且抑季桓。田歸汶陽。遂陵齊景。尊君卑臣之訓。自家刑  
國之術。每惆悵於與周。亦留連於韶管。然而高曼不惠。彼日浸微。起  
哀怨於王風。絕歸飛於鳴鳥。是邦可化。斯道欲行。暖席興憂。問津匪  
倦。俎豆嘗說。空及三軍之容。季孟有言。不接雙雞之膳。晏平推士。尚  
或相排。子西讓王。終成見拒。亦有宋朝司馬。喬木難休。衛國匡人。逆  
旅焚次。荷蕢微者。翻嗟擊磬之心。儀封細人。潛明木鐸之意。既而在  
斯。興感用輟。棲遑狂簡。斐然彌嗟。穿鑿旋駢。舊館掃庭。闕里杏壇。居  
寂緇林。地幽知十。稽微得二。承妙科斗。所載方闊。舊文雖鳩。在篇偏  
詳。雅什河漢。執鼓鏗鏘之響。復傳宗廟。衣裳升降之儀。還序博約。無  
倦誘喻多方。后稷躬耕。近關屬物。伯夷餓死。猶可激貪。周公其人。則  
神交於夢想。管仲小器。歎微之於征伐。信立德立言。太上謂之不朽。  
曰仁與義。前哲以之周旋。覆篋為山。喻天階而不陟。讀易無過。假日  
蝕以鳴謙。茨嶺桐山。寄言於獨善。情風御未涉。於通莊。妙臻數極。  
作俾易簡。是知逢掖乃兼濟之途。華袞非為政之要。及其愚智齊泝。  
椿菌如一。南楚狂狷。舊辨鳳衰。東魯陪臣。奄成麟幾。晨興負杖。知命  
發於話言。夕寐奠楹。將萎傷其盛慮。崇山谷下。而無由殞石。  
沉星架大梁。而何有。門人議服。俱纏至極之哀。國史制詞。永錫愁遺。

之謀。及埏深夏。屋樹列遠方。五勝迭遷。六籍無準。席閒初閱。已舛微  
言。入室且分。過乖大義。秦人哇沸。遺燼翳然。漢代龍驤。挾書未翦。元  
封有述。殘缺載陳。甘露嗣踪。搜揚復起。春陵受命。先訪於膠庠。譙郡  
膺符。多招於文學。逮江馬南渡。泉鵝北飛。鴉入環林。鯨衝聖海。有隋  
交喪。中原翦覆。東序南雍。鞠為茂草。六樂五禮。皆從燬室。欽若皇唐。  
肇膺明命。祖武宗文之業。天成地平之勳。圖書因樂。推重干戈。由寧  
亂集。剗舟剗浮。芹藻之詩。先遠戎衣。初卷羽箭之節。旋興皇上。以聖  
敬而撫璇圖。文明而膺寶曆。夏啓挹其光。兆姬誦讓其惟清。化入龍  
沙。風移鯁海。金邱展青瓊田薦琛。潛馬飾黃芝之封。浮龜吐綠文之  
籀。虞庠殷塾。廣賓龐叟。蓬嶺石渠。朋延敦誨。垂衣裳而凝想。虛旒纘  
以永懷。至於大道浸微。小康遂往。虞議紫微。踐云阿。劉風白金。徒  
遵高里。黃初正始。時多閒然。建武永平。業非盡善。而乃作樂崇德。殷  
薦之禮。畢陳有孚。載願觀下之訓。齊設肆。類羣望。孝享之義。益隆。歸  
功三后。母祖之誠。愈切。詔寰中而徵萬玉。譯荒外以召百靈。一茅分  
茹。雙鵝共羽。翠華遠昇。結席虛位。上帝儲祉。泰乙有暉。山祇傳聲。海  
神會氣。九皇之沉榮。可嗣三代之闕典。還屬乃使朱鳥。詳曰蒼威。戒  
路七萃。騰景八鸞。鉞風過大庭。以省方。掩洙上而觀藝。宴居莫辨。祠  
堂歸然。見馬鬣於荒墳。識櫬檀於古塚。歎重泉之可作。聞盛德而必  
祀。言敷典訓。廣命杆材。贈以太師式旌。幽壤改制。神宇是光。令德於  
時。皇唐之御天下。四十有九載。即乾封之元年也。攝提歲。句芒獻  
節。兗州都督霍王元軌。大啓藩維。肅承綸誥。庀徒揆日。疏閑雜遠。接  
泮林之舊壇。削靈光之前殿。徂徠新甫。伐喬木而韻流。嚶岱。賦泗濱  
採怪石而喧浮磬。頽紫施絢。黜繁飛文。沓拱重櫺。春窗秋幌。陰欄積  
霧。復閣懷煙。几仍度室。席遵函丈。壽宮潛然。睟容有穆。至如襄城有  
訪。七聖接其駢。汾水言遊。四子冥其衡軌。將謂布衣黃屋。名器則  
殊。卷領素王。感召宜一。顏子侍側。似發農山之談。季路承閒。如興浮



敬期用禱神無異作稱無異具厥荷論噴在惠南治頭振錫冥廟作振聲宜廟局亦遂往作昌邑等  
往縣原碑誌誠多然體神終不可受改也又此碑之陰刻武德九年封三十三代神孫論聖侯侯  
封元年贈先聖太師昭遠可稱卿秩餘隨祭告文及德宗元年皇太子以請樹碑表諸臣祭文載世宗  
祀典考中其表曰臣聞周師東道而問延降軌之榮漢車西旋有門致招國之想元並歸贊頌歌以  
芬芬瑞應於昌辰餘殊榮於窮壤者伏惟皇帝陛下青靈應極樂祥祉福乃聖乃神體聖恩而不幸  
爲無事均雨露之真私六府薦而泰階平百寶臻而天祚永垂登所以雁伯延開由於皆向樹德  
焉猶名於萬古與之權經緯受軌於千齡大哉哉茂實聲靈無得而稱矣日者封於岱嶽會王業隆  
命重臣中其其經廟堂阜臨重遣修營聖域俾倫子孫咸歸賦役臣思均恩從從無軍官到聖廟  
躬蒞瞻瞻聖壇相國欣願聞又昔歲承恩謝自建德歷觀軒屏具到門徒想仁孝於鎮宮滿深崇景  
採風猷於竹葉異芬頌歌所以輕取陳闕庶加裏瞻天慈下濟無隔異時咸登師保式光泉夜敢以  
聖恩茲千載竊謂聖尼之廟重開規模桂蘭蓋永傳於古崇班聖廟式貢幽提而翠瑛莫如首飲  
聖廟諸故實有所未周且將聖主大惟幾應微拯人倫於已聖致禮樂於既傾祖述勳華三千屬其  
仰章章文武德祀是具其用豈可使汾川通靈獨擅於無佛無佛無佛文孤德於隨感伏見前件孔廟  
構事尚毀所增修事資刊勒敬希鴻澤分樹一碑但恐海清光九無微於山東聖帝時臨恆歲元聖  
舊刊尚毀所增修事資刊勒敬希鴻澤分樹一碑但恐海清光九無微於山東聖帝時臨恆歲元聖  
聖廟諸故實有所未周且將聖主大惟幾應微拯人倫於已聖致禮樂於既傾祖述勳華三千屬其

李邕撰重修孔子廟碑 嘗觀元化陰藏上帝元造雖道遠不際而  
運行有符揚摧大抵宣考神用建人統之可復補天秩之將頹其揆  
一也昔者蚩尤怙賊厥弟驕兵巨力多徒合緒連禍則黃帝與聖首  
出羣龍推下濟以君人儆勤略以戡亂逮至橫流方割包山其咨轉  
死爲魚蠡食不粒則堯禹並跡扶振隱憂道百川康四國粵若殷禮  
缺周德微宋公用節楚子問鼎則夫子卓立燦然成章闢邦家之正  
門播今昔之彝憲此天所以不言而成化聖所以有開而必先其若  
是也故夫子之道消息乎兩儀夫子之德經營乎三代豈徒小說蓋  
有異聞夫亭之者莫如天藉之者莫如地教之者莫如夫子且沐其  
亭而不識其道則不如勿生荷其藉而不由其德則不如勿運固曰  
消息乎兩儀者也夫博之者莫如文約之者莫如禮行之者莫如夫  
子且會其文而不揚其業則不如勿傳經其禮而不啓其致則不如  
勿學上代有以焯序中代有以宗師後代有以丕訓固曰經營乎三  
代者也意虞舜之美不必至是贊而大者進聖君也夏桀之惡不必  
至是擠而毀者激庸主也伊尹之忠不必至是演而數者勉誠節也  
趙盾之逆不必至是抑而書者誅賊臣也至若論慈廣孝輔仁寵義  
噉此之由於是君臣之位序父子之道明友朋之事興夫婦之倫得



雖期日開覺膏雨潤黷和風清屬安足喻哉。借如九皇繼統而政醇七聖同年而道合。雖事業廣運。偕理濟一時。未有薄遊大夫僻居下國。德數既往。言滿方來。廟食列邦。不假手於後。續君長萬葉。必歸心於素王。若此之盛。是以騰跨百辟。孤絕一人。曷成名可稱。取與爲大者已。我國家儒教。浹寓文思。戾天伸吏曹。以追尊逮禮官。以崇祀侯。褒聖於人爵。尸奠享於國庠。是用大起學流。錫類孝行。敦悅施於方國。光覆彌於蔭宗。三十五代孫嗣。褒聖侯璩之字。藏輝洎族賢元亨等。或專門碩儒。罔墜於緒。或餘波明準。克揚厥聲。乃相與合而謀曰。夫墟墓之地。禮曰自哀。聽訟之樹。詩云勿剪。一則遇事遺愛。一則感物允懷。矧乎大聖烈風。吾祖鴻美。故國封井。舊居川嶽。歟。宜其悚神馳魄。膝行膜拜。陳齊祭首。嚴祠樹繚垣。以設防。刊豐石以爲表。兖州牧京兆韋君元圭字。王國周親。人才懿德。明啓風績。休有名教。長史河南源晉賓字光國。賢操孤興。清節相遠。納人以禮。成俗於師。司馬天水狄光昭字子亮。相門克開。雅道踵武。聞義必立。從事可行。錄事參軍東海徐仲連。功曹成陽蓋寔。疑倉曹太原王道淳。弘農楊萬石。戶曹博陵崔少連。弘農楊履元。兵曹太原王光超。范陽張博。望法曹安定皇甫恮。東海于光彥。主曹滎陽鄭璋。參軍事博陵崔調。扶風竇光。訓河東裴璿。隴西李紹烈。鴈門田公儀。博士南陽樊利貞。曲阜縣令鴈門田思昭。丞河間劉思廉。主簿吳興施文尉。清河晏弘楷等。宦序通德。儒林秀士。升堂睹奧。遊聖欽風。僉同演成。乃經始其詞曰。元天陰騭。大明虛鏡。神不利淫。物將與正。凡曰投艱。在此逢聖。吞沙薦虐。軒皇底定。襄陵兆災。夏禹文命。周道失序。天子應聘。刪詩述史。盛禮張樂。雅頌穆清。訓詞昭灼。片言一字。勸美懲惡。誘進後人。啓明先覺。六順勃興。四維偕作。元功濟古。至道納來。首出列聖。席捲羣才。大名震曜。廣學天開。蒸嘗叩宇。誦習窮垓。帝念居室。以光壽宮。建侯於嗣。環封厥中。孫謀不泯。祖德斯崇。乃刊聖烈。克廣休風。

此碑其挾一也。作其報一也。黃帝與聖作黃帝與聖聖所以有國而必先作聖人。所以有國而必先則不如勿傳作則不如勿傳。禮記節也。作聖人節也。及聖之事與作朋友之事與。若夫萬葉作君若萬葉取與爲大者已作聖取與爲大者也。儒教流寓作儒教流寓知乎大聖作於乎大聖相門克問作相門問解問義必立作問義必正功曹成陽王義綏作工曹成陽王義綏弘農楊萬石作司馬楊萬石爲南陽侯作皇甫金鄉侯作鄭玄序通德儒林秀主作官序通德儒林秀主石少卿虎作石少卿虎作石少卿虎作天子應聘作天子應聘大名震耀作大明震耀漢書作漢書而高恭爲侯恭改正。

宋呂蒙正撰重修孔子廟碑 聖人之興也能成天下之務能通天下之志然亦不能免窮通否泰之數是故有其位則聖人之道泰無其位則聖人之道否大哉夫堯舜禹湯其有位之聖人乎我先師夫子其無位之聖人與昔者大道既隱真風漸漓有爲之跡雖彰禪代之風未替由是堯舜禹湯苞至聖之德有其位故德澤及於兆民逮乎周室衰微諸侯強盛干戈靡戢黔首疇依由是仲尼有至聖之德無其位所以道屈於季孟嗚呼夫子以天生之德智足以周乎萬物道足以濟乎天下而栖皇列國卒不見用得非其道至大而天下莫能容乎復乃當時之生民不幸乎向使有其位用其道又何止夾谷之會沮彼齊侯兩觀之下誅其正卯殯羊辨土木之祆枯矢驗蠻夷之貢必將恢聖人之道功濟乎宇宙澤及於黎庶矣奚一中都宰大司寇可伸其聖道哉嗟夫文王沒而斯文未喪時命屯而吾道不行可爲長太息矣泊乎河圖不出鳳德云衰爰困蔡以厄陳遂自衛以反魯於是刪詩書贊易象因史記作春秋大旨尊王者而黜霸道威亂臣而懼賊子然後損益三代之禮樂褒貶百王之善惡蕪而穢者芟而夷之紊而亂者綱而紀之建末俗之郭郭垂萬祀之楷則遂使君臣父子咸知揖讓之儀貴賤親疎皆識等夷之數功均造物德被生人昭昭焉蕩蕩焉與日月高懸天壤不朽者夫子之道乎故曰自生民以來未有如夫子者也非夫道尊德貴惟幾不測孰能與於此乎故天下奉其教尊其像祠廟相望者豈徒然哉自唐季而下晉漢以還中原倣擾宇縣分裂四郊多壘鞠爲戰鬪之場五嶽飛塵競以干戈爲務周雖經營四方日不暇給故我素王之道將墜於地光闡儒風屬在昌運我應運統天睿文英武大聖至明廣孝皇帝續寶位



也以狗齊之德兼養哲之明摠攬英雄之心包括夷夏之地皇明有  
赫聖政日新解網泣辜示至仁於天下悔亡取亂清大慙於域中復  
浙右之土疆眞王匍匐而聽命伐并汾之堅壘兇豎倒戈而繫頸戎  
車一駕掃千里之妖氛泰壇再步展三代之緝禮拯亂則弔伐非所  
以佳兵也懲惡則止殺蓋所以遵法也然後修禮以檢民跡播樂以  
和民心禮修樂舉刑清俗阜尙猶日慎一日躬決萬幾近甸絕禽荒  
之娛後庭無遊宴之溺遂得羣生躋豐但樂於天時萬彙熙熙不知  
乎帝力信可以高視千古躋轡百王謂皇道既以平華戎又以寧爾  
乃凝神太素端拱穆清闡希夷之風詮眞如之理閒則披皇墳而稽  
帝典奮睿藻以抒宸章哲王之能事備矣太平之鴻業成矣居一日  
乃御便殿謂侍臣曰朕嗣位以來咸秩無文遍修羣祀金田之列利  
崇矣神仙之靈宇修矣惟魯之夫子廟堂未加營葺關孰甚焉况像  
設庫而不度堂廡陋而毀頽觸目荒涼荆榛勿剪階序有妨於函丈  
屋壁不可以藏書既非大壯之規但有巋然之勢傾圯侵久民何所  
觀上乃鼎新規舊制遣使星而嚴事募梓匠以倣功經之營之厥  
功告就觀夫綵垣雲矗飛簷翼張重門呀其洞開層闕鬱其特起綺  
疏瞰野朱檻凌虛耽耽之邃宇來風獻獻之雕甍拂漢迴廊復殿一  
變維新升其堂則藻火黼黻昭其度也登其庭則豆蓬簠簋潔其器  
也春秋二仲上丁佳辰半醴在庭金石在列先民賢以配以伯稷  
然生氣瞻之如在時或龜山雨霽岱嶽雲敷則重櫨疊拱丹青見日  
月之光龍梅雲楣金碧煜烟霞之色輪奐之制振古莫儔營繕之功  
於今爲盛由是公卿庶尹鴻儒碩生相與而言曰凡明君之作事也  
不爲無益害有益必乃除千古之患興萬世之利然後納華夷於軌  
物致黔首於仁壽夫子無位立教化人以文行忠信敦俗以冠婚喪  
祭爲民立防與世垂範是以上達君下至民用之則昌不用則亡我  
后膺千年而出震奄六合以爲家一之日二之日訪蒸黎之疾苦三

之日四之日辨官材之淑慝爾乃修武備崇文教輕徭薄賦興廢繼  
絕於是瞻我先師嚴其廟像棟宇宏壯近罕倫比遂使槐市杏壇之  
子競鼓篋以知歸褒衣博帶之儒識橫經之有所矧乃不蠹民財不  
耗民力時以農隙人以悅使向謂興萬世之利者斯之謂與與夫秦  
修阿房惟矜土木之麗楚築章華但營耳目之玩可同年而語邪將  
勒貞珉合資鴻筆臣詞慙體要學謝大成彤庭猥廁於英翹內署謬  
司於綸誥頌聖君之德業雖效遊揚仰夫子之文章誠慚狂簡恭承  
睿旨謹抒銘曰周室衰微兮諸侯擅權魯道有蕩兮禮樂缺然神降  
尼邱兮德鍾於天挺生夫子兮喪亂之年秀帝堯之姿兮類子產之  
肩苞聖人之德兮稟生知之賢刪詩定禮兮糾繆繩愆知冥造化兮  
功被陶甄下學上達兮仁命罕言將聖多能兮名事正焉道比四瀆  
兮日月高懸仰之彌高兮鑽之彌堅歷聘諸國兮陳蔡之閒時不用  
兮吾道遠邇麟見非應兮反袂連連梁木其壞兮歎彼近川王爵疏  
封兮褒冕聯翩百世嗣襲兮慶及賞延明明我后兮化浹無邊崇彼  
廟貌兮其功曲全高門有闕兮虛堂八筵吉日釋菜兮陳彼豆籩雕  
甍畫戟兮日暮含煙海日一照兮金翠相鮮帝將東封兮求福上元  
千乘萬騎兮轟轟闐闐謁我新廟兮周覽踟躕肆觀羣后兮岱宗之  
前  
金堂懷英撰重修至聖文宣王廟碑 皇朝誕受天命累聖相繼平  
遼舉宋合天下爲一家深仁厚澤以福斯民粵自太祖暨於世宗撫  
養生息八十有餘年庶且富矣又將教化而粹美之主上紹休祖宗  
以潤色洪業爲務卽位以來畱神政機革其所當革興其所當興飭  
官厲俗建學養士詳刑法議禮樂舉遺修舊新美百爲期與萬方同  
歸文明之治以爲興化致理必本於尊師重道於是食謁先師以身  
先之嘗謂侍臣曰昔者夫子立教於洙泗之上有天下者所當取法  
乃今遺祠久不加葺且其隘陋不足以稱聖師之居其有以大作新

之有司承詔度材庀工計所當費爲錢七萬四百六十餘千詔并賜之仍命選擇幹臣典領其役役取於軍匠備於民不責並成而責以可久不期示侈而期於有制凡爲殿堂廊廡門亭齋廚贊舍合三百六十餘楹位絃有次像設有儀表以傑閣周以崇垣至於樞座欄楯簾橫梁思之屬隨所宜設莫不嚴具三分其役因舊以完葺者才居其一而增創者倍之蓋經始於明昌二年之春踰年而土木基構成越明年而髹漆彩繪成先是羣弟子及先儒像畫於兩廡既又以捏塑易之又明年而眾功皆畢罔有遺制焉上既加恩闕里則又澤及嗣人以其雖襲公爵而官職未稱與夫祭祀之儀不備特命自五十祭樂爲賜遣使策祝并以崇盛之意告之方役之興也有芝生於林域及尼山廟與孔氏家園凡九本典役者采圖以聞且言瑞芝之生所以表聖德之致廟成之日宜有刊紀敢請并書於石又廟有層閣以備度書願得賜名揭諸其上以觀示四方詔以奎文名之而命臣懷英記其事臣魯人也杏壇舊宅猶能想見其處今幸以諸生備職藝苑其可飾固陋之辭繫楹計工謹諸歲月而已乎敢竊敘上之所以褒崇之實備論而書之而後系之以銘臣嘗謂唐虞三代致治之君皆相授以道至周末世不得其傳而夫子載諸六經以俟後聖降周訖漢異端並起儒墨道德名法陰陽分而名家而以六藝爲經傳章句之學歸之儒流不知六藝者夫子所以傳唐虞三代之道眾流之所從出而儒爲之源也後世偏尚曲聽沿其流而莫達其本用其偏而不得其醇自是歷代治蹟常與時政高下洪惟聖上以天縱之能典學稽古游心於唐虞三代之隆故凡立功建事必本六經爲正而取信於夫子之言夫惟信之者篤則其尊奉之禮宜其厚與臣觀漢魏以來雖奉祠有封灑掃有戶給賜有田禮則修矣未有如今日之備也初廟傍得魯廢池發取石甃以爲柱礎鉅砌之用浚井得銅

以爲鋪首浮漚諸飾由是省所費錢以千計者萬四千有奇方復規畫爲他日緒治無窮之利然則非獨今日之新蓋將愈久而無弊也銘曰惟古治時以道相繼不得其傳粵自周季天生將聖遭世不綱垂統六經以俟後王六經維何爲世立道有王者興是惟治要於鑠我皇聖性自天玩意稽古傳所不傳建學弘文崇明儒雅躬禮聖師率先天下乃瞻闕里祠宇弗治矧其舊制既隘且卑乃詔有司乃疏泉府揆材庀工眾役具舉梓人獻技役夫效功隘者以闕卑者以崇崇焉有制闕焉惟法卽舊以新增其十八殖殖其正翼翼其嚴魯人來思歎息仰瞻魯人有言惟今非昔豈伊魯人四方是式瞻彼尼山及其林園有芝煌煌表我聖恩聖恩之隆施於世嗣顯秩峻階視舊加異廟樂以雅祭服有章錫爾奉祠名教是光有貞斯石有銘斯勒揚厲鴻休以詔無極

元閣復撰重建至聖文宣王廟碑 聖上嗣服之初祗述祖考之成訓典學養士嚴祀先聖自曲阜始制詔若曰孔子之道垂憲萬世有國家者所當崇奉中外聞之咸曰大哉王言拭目太平文明之治粵明年元貞改元先聖五十三代孫密州尹治入朝璽書錫命議大夫襲封衍聖公月俸百千秩視四品孔氏世爵弗傳者久至是乃復申命有司制考辟雍作廟於京由是四方嚮風崇建廟學惟恐居後闕里祠宇毀於金季之亂閣號奎文若大中門闕存者無幾右轄嚴公忠濟保魯嘗假清臺頒歷錢佐營繕之費歲戊申始復鄆國後寢以寓先聖顏孟十哲像至元丁卯衍聖公治尹曲阜主祀事將圖起廢奎文杏壇齋廳贊舍卽其舊而新之禮殿則未遑也國初封建宗室書濟登單三州爲魯國大長公主駙馬濟寧王分地置濟寧總管府屬縣十六曲阜其一也濟寧守臣按檀不花恭承詔旨會府尹僚佐鄉長者謀曰方今聖天子守成尙文此鄉風化之源禮義之所從出爲守臣者敢不對揚休命以廟役爲任首出泉幣萬緡衆翕然助





之備工雇力市木於河、輦石於山、掄材於野、采棟樑、櫨檣、礎之屬、悉具、又得泗水渠堰、積石數百、石堅稱是、露階、砌、成、足、用、焉、郡政之暇、躬爲督視、甄陶、鍛冶、丹雘、髹漆、以至工師、糜積、各有司存、經始於大德二年之春、屬歲祲、中止、歲事於五年之秋、不期年而告成、殿、重、層、元、以、層、基、緒、以、修、廊、大成、有、門、配、侑、諸、賢、有、所、泗、沂、二、公、有、位、輔、座、既、遷、更、聖、鄆、國、像、於、後、寢、締、構、堅、貞、規、模、壯、麗、大、小、以、楹、計、者、百、二、十、有、六、貨、用、以、緝、計、者、十、萬、有、奇、落、成、之、旦、遠、近、助、祭、者、衣、冠、輻、輳、眾、庶、瞻、順、千、禩、祖、庭、頓、還、舊、觀、於、是、衍、聖、公、治、道、其、子、曲、阜、令、思、誠、奉、表、以、聞、且、以、廟、碑、爲、請、會、博、選、賢、子、入、學、擢、思、誠、國、子、監、丞、特、勅、中、書、賜、田、五、千、畝、以、供、泰、盛、復、戶、二、千、八、以、應、灑、掃、仍、下、輪、林、書、其、事、於、石、臣、復、承、命、跋、蹕、既、述、興、造、始、末、竊、惟、聖、人、之、道、與、天、地、並、聖、人、之、祀、與、天、地、無、極、堯、舜、湯、文、之、君、不、作、而、道、在、洙、泗、立、言、垂、教、推、明、堯、舜、湯、文、致、治、之、由、模、範、百、王、仁、極、天、下、後、世、願、治、之、主、莫、不、宗、之、廟、貌、相、望、達、於、四、海、聖、人、之、道、固、無、係、於、祀、禮、之、隆、殺、夫、尊、其、道、而、益、其、祀、蓋、治、古、之、恆、規、王、政、之、所、先、也、洪、惟、聖、元、神、武、造、邦、天、兵、傳、汴、戎、事、方、殷、不、忘、存、敬、先、聖、之、祀、乃、詔、求、五、十、一、代、衍、聖、公、元、指、歸、魯、哀、集、奉、常、禮、樂、於、兵、燼、之、餘、燕、翼、之、謀、肇、於、此、矣、世、祖、聖、德、神、功、文、武、皇、帝、仁、霽、義、洽、九、域、混、同、文、物、煥、然、可、觀、內、立、國、學、外、置、郡、邑、學、官、而、於、先、聖、之、後、尤、所、注、意、遴、選、師、儒、訓、迪、作、成、需、賢、以、嗣、封、爵、茲、志、未、究、皇、上、繼、而、成、之、故、自、紹、膺、景、命、以、敦、化、厲、俗、爲、先、務、至、於、博、施、濟、衆、敷、文、來、遠、哀、矜、庶、獄、惠、鮮、鰥、寡、由、天、縱、之、聖、見、於、設、施、皆、堯、舜、湯、文、之、舉、揆、諸、聖、經、之、言、若、合、符、契、用、能、張、皇、教、本、光、昭、先、業、以、致、魯、國、臣、民、思、樂、泮、水、如、附、靈、臺、子、來、之、眾、至、矣、哉、觀、文、化、下、必、世、後、仁、之、效、豈、特、震、曜、一、時、實、宗、社、無、疆、之、福、也、銘、曰、道、之、大、原、實、出、於、天、天、何、言、哉、乃、以、聖、傳、傳、道、維、何、唐、虞、三、代、儀、範、百、王、萬、世、永、賴、聖、人、之、功、與、天、比、隆、聖、人、之、祀、垂、之、無、窮、皇、元、肇、基、撥、亂

右武、天兵趨汴、周禮在魯、恭哉世皇、載整乾綱、始定終綏、遂臣萬方、肅肅魯庭、祠封有典、德音孔昭、聖謨丕顯、王者之作、必世後仁、繼序不忘、成於孝孫、適觀厥成、是訓是則、思樂泮水、作廟翼翼、如矢斯棘、如簪斯飛、邊豆靜嘉、陟降有儀、祀事孔嚴、世爵以延、汎播有尸、泰盛有田、聖政肇新、希蹤治古、僉曰皇明、登三咸五、泰山巖巖、聖祀綿綿、與國無疆、於萬斯年、考元世祖至元二年蓋縣林廟擴充至成宗大德九年始給復二十八戶今碑云復戶二千八百蓋刊勒之誤也李謙關里宅廟落成後碑 元聖之德大如天地、昭如日月、蕩蕩乎無能名、皜皜乎不可尚已、歷代有國之君、崇尙其教、廟而祀之、幾徧天下、關里聖人鄉邑、自漢祖過魯、祀以太牢、由是以降、其廟制因仍、損益見於圖志、可考者在宋金爲最盛、貞祐一燬、久而未復、我元列聖尊道勸學之心、未嘗不切特以志在混一、狃於金革、有所未暇、逮大德守成始克、成二祖三宗之盛意、殿而無之位、而像之沉沉奕奕、有恤有嚴、數百年闕規偉觀、一旦而復、視舊蓋加隆焉、而又紹衍聖世享之封、主四仲家庭之祀、無以供泰盛也、則胙之土、無以給涓潔也、則復其戶、塋林則樵採有禁、子孫則教導有師、詔旨諄復、訓諭切至、且命翰林書之石、猗歟偉哉、初太中大夫監蒞濟寧路總管府事按禮不花以魯居治境、乃懿戚封邑、祗承朝廷德意、開諭寮屬、勉勸士庶、先己而爲之倡、前役而爲之備、國無費財、民不知勞、卒成一代之盛事、總管馬嘉議、詢實左右之、既卒、役狀其本末、遺經歷、張格知兗州馬奉訓、禮請記其成、竊嘗一拜林廟、伏讀漢隸數碑、見其請立百石卒史典領禮器及用辟雍禮、出王家錢給大酒、直則乙瑛也、選試孔繇補卒史、則後相平也、韓勅則修飾宅廟、造立禮器、史晨則乞依社稷、出王家穀以供春秋禋祀、是數人者、皆東都前後魯相、以所請上之三公府、公府以聞、乃可其請、事皆魯相發之、數人者、名不著見於史、徒以上章爲聖廟有所陳請、勒名貞石、閱世千數百年、至於今、不朽、矧太中、生當盛代、遵奉明詔、振舉盛典、潤色太平、茲特隆化

美俗勇於爲善之一端爾。若其表率一道廉勤奉公恤隱除害善政及民者尙多自當載名信史傳休無窮豈東都魯相所可並日而談哉。

歐陽元撰勅修曲阜宣聖廟碑 今上皇帝臨御之七年歲在己卯春三月戊辰御史大夫臣別里怯不花臣脫脫等言天歷二年十月文宗皇帝在御奎章閣學士院臣沙臘班等列奏曲阜宣聖廟自漢唐宋金凡有壞廢必奉勅繕修功成則勒之石衍聖公以舊廟將壞飭書奉圖屬學士院以聞時文宗覽圖諭旨省臣趣修之事竣則立碑以詔方來今新廟既完而成績未紀懼無以稱塞先詔御史章上臣等僉議請勅翰林侍講學士臣元爲文奎章閣學士院大學士臣變慶爲書前侍御史臣起巖爲篆以臺儲中統緒幣二萬五千緡爲立石之貲制皆允乃命宣聖五十四代孫御史思立傳勅臣元俾書其事元拜手稽首言曰天佑下民作之君作之師昔者伏羲神農黃帝堯舜禹湯文武數聖人者作君師之道備於一人用能左右上帝克綏厥猷吾夫子出天獨異以師道凡天敘天秩天命天討之事夫子明禮樂刪詩定書贊易道修春秋而品節之以爲百王法於後世儀封人曰天將以夫子爲木鐸子貢曰固天縱之將聖夫子自論斯文之任上以屬於天下以屬於己使得位設教即前數聖人所爲繼天立極者也。是故天欲興一代之治則吾夫子之道必大昭明於時歷千萬世如出一轍皇元龍興朔方太祖皇帝聖智天授經營四方太宗皇帝平金初年歲在丁酉首詔孔元措襲封衍聖公復孔顏孟三氏子孫世世無所與增給廟戶皆復其家。是歲歷日銀諸路以其半益都東平以其全給修宣聖廟尋詔元措括金人禮樂官師及前代典冊辭章鐘磬等器以數來上仍命於曲阜閱習禮樂以備時用又詔諸路設學遣官分道程試儒業世祖皇帝初在藩邸多士景從及其卽位大召名儒開廣庠序命御史臺以勉勵教官國子監學以

訓誨胄子大司農以興舉社學興文署以板行海內書籍提舉教授以主領外路儒生宿衛子弟咸遣入學輔弼大臣居多俊乂內廷獻納能明夫子之道者言必稱旨。在位三十五年之間取士之法興學之條日討論之規撫益宏遠矣裕宗皇帝時在東宮贊成崇儒之美成宗皇帝克繼祖武銳意文治踐祚之初詔曰孔子之道垂萬世有國家者所當崇奉既而新作國學增廣舍數百區胄子教養之法始備武宗皇帝增興制作加號孔子爲大成至聖文宣王遣使祠以太牢仁宗皇帝述世祖之事弘列聖之規尊五經黜百家登崇俊良以張治具我朝用儒於斯爲盛英宗皇帝鋪張鉅典廓開彌文明宗皇帝凝情經史愛禮儒士文宗皇帝緝熙聖學加號宣聖皇考爲啓聖王皇妣爲啓聖王夫人改鑄衍聖公三品印章賜山東鹽轉運司歲課及江西江浙兩省學田歲入中統緒幣三十一萬四千四百緡昇濟寧路俾修曲阜廟庭文宗賓天太皇太后有旨重其成功今上皇帝入繼丕圖儒學之詔方頒闕里之役鼎盛山東憲司洎濟寧總管張仲仁曲阜縣尹孔克欽蒞事共恪以元統二年四月十一日鳩工至元二年十月初吉落成宮室之壯以寧神棲樓閣之崇以度實訓周垣繚廡重門層觀丹碧黝聖制俾王居申命詞臣揚厲丕緒於是內聖外王之道君治師教之誼大備於今時猗歟盛哉皇元有國百餘年以來繕修宣聖廟者再丁酉之初以開同文之運天歷之際以彰承平之風東冒日出西踰崑崙南盡火維北際冰天聖道王化廣大悠久相爲無窮端本實在茲矣臣元奉命撰述有詔御史思立奉祝幣牲齊馳驛往祭告厥成功臣元既序願末請系以詩詞曰厥初生民倥傯顛蒙三五繼作大道爲功風氣日開民習日滿道統絕續孰綱孰維少昊之墟東魯之土挺生聖人以淑萬古聖人既生代天以言立我民極與天並存惟皇建極尊用其道百王軌範於以順考三光以全稟暑以平俊民用章時乃逐衡天子垂拱大臣承弼

體信達順鳳麟時出皇元之興厚集大命太宗興文首法元聖世祖  
龍飛髦士屬心恢弘文治濬發德音世及三紀仁漸義摩建學立師  
善人用多溫文裕宗祗荷貽燕成廟崇儒迪若天顯武皇英毅入繼  
離明載崇徽號玉振金聲潛哲仁皇文德繼世誕揚祖訓顯俊尊帝  
爰及英宗禮樂孔殷穆穆明考舊德懿文文宗續緒聖聖克肖乃開  
奎府乃飭孔廟今上嗣位丕式大猷勒石新廟宏賁鴻休新廟奕奕  
泰山具瞻衡紱紘紼袞衣禮備維宋維金遺刻具在於赫我元冠冕  
百代我元聲教極彼堪輿贊舍萬里誦詩讀書維茲曲阜斯道之靈  
如水有源如木有本皇鑒在上知我道樞相我熙朝躋民唐虞瞻言  
臺臣職是風紀昭宣睿謨是用歸美聖道王化如日麗天儒臣詠歌  
億載萬年

郭孝基撰致奠曲阜孔子廟碑 有元至正二年十月壬戌皇帝御  
威寧殿勅中書具僉都司酒命集賢直學士臣郭孝基乘驛致奠於  
曲阜先聖大成至聖文宣王之廟中書助祭元寶二千五百緡嗣衍  
聖公臣克堅爰擇十二月丁巳之吉釋奠如章禮成臣孝基等拜手  
稽首謹言皇帝欽崇聖教建宣文之閣崇文之監日御經筵講德唐  
虞辨章三代日夕乾乾遜志時敏式惟先聖孔子昭垂六籍不覺萬  
世惟聖知聖是用啓自天衷特致殊禮希世盛德其可泯而弗宣刻  
之金石光示永久禮實宜之臣孝基聞聖人之道執一常御萬變君  
君臣臣父子子大綱一正萬目畢舉故曰王者中心無為以守至  
正人心服於下天理應於上樹之風聲東以禮義不動聲色靡然於  
變協風時雨諸福之物罔不畢至漢祖致祀天下歸心唐宋升祀永  
錫陰祚用此道也皇帝天縱元德加以聖學垂衣論道天下泰寧心  
悅神孚獨得淵衷有非臣下所能窺測者小臣職筆敬用作銘銘曰  
皇帝若曰惟天惟聖揭乾之明握坤以正惟禮惟樂惟刑惟政文以  
經緯武以戡定立我邦家功斯為盛皇帝若曰宣文在中乃諸辟雍

乃流泮宮有庠有序八表攸同巍巍素王簞豆鼓鐘於論曲阜局不  
加隆皇帝若曰有典有則春秋上下庚子之吉四享厥家常祀不忒  
誕昭予敬致奠惟特子鄉予酒於聖之宅皇帝若曰子嗣歷服惴惴  
小心如臨於谷君君臣臣惟聖子福於時處處敢忘嘉告聖經是式  
我祀匪黷皇帝若曰子聖時欽惟汝臣鄰惟汝王林汝子汝孫士庶  
時忱服聖之言精白爾心勤相予家爾玉爾金

臣思誠撰加封啓聖王碑 維至正八年四月上在興聖宮御宣文  
閣中書右丞相臣朵兒只等入奏曰孔子父叔梁紇加封啓聖王未  
有刊述昭示久遠請以中書左丞相臣呂思誠爲文山中統鈔五千  
貫下襲封府具攻石之用制若曰可臣思誠承命惶悚大恐弗任乃  
拜手颺言曰惟我國家崇重聖德宣昭聖道與王化合并太祖皇帝  
肇基洪業太宗皇帝在潛行釋奠禮祀孔子於日月山世祖龍飛車  
書混一自上都大都及天下郡邑立廟學曲阜林廟尤加修崇於是  
定襲封之嗣除孔氏一人尹曲阜縣恩至渥也成宗皇帝廟於國子  
監武宗皇帝加諡大成於至聖文宣王上仁宗皇帝詔立碑天歷初  
制加封啓聖王顏氏曰啓聖王夫人曠典也今襲封衍聖公克堅既  
進官中奉大夫階二品換印章用銀爲啓聖王碑得請聖眷隆厚曷  
以報稱臣謹按春秋公羊氏穀梁氏依經書孔子生左氏隨經書孔  
子卒史記作殷本紀帝嚳妃簡狄生契十三遷而至天乙始有天下  
是爲成湯書契者原其初也微子開國亦曰帝乙之長子明其本也  
孔子世家曰其先宋人曰防叔生伯夏言有承也又書僖以下直至  
漢時復列傳諸弟子七十二人宋儒邵雍曰天子以四海爲家孔子  
以萬世爲家殆以是夫惟文公朱熹刪定世家序論語前曰魯襄公  
二十二年冬十一月庚子父叔梁紇母顏氏生孔子於魯昌平鄉陬  
邑又曰孔子生鯉字伯魚鯉生伋字子思作中庸厥有旨哉夫惟元  
鳥之降玉篚之覆金行啓運汁光垂精爲五百年之昌期千萬世之





嘉會者實由天生。顏淵曰：仰之彌高，鑽之彌堅，瞻之在前，忽焉在後。子貢曰：立之斯立，道之斯行，綏之斯來，動之斯和。其生也榮，其死也哀。子思曰：仲尼祖述堯舜，憲章文武，上律天時，下襲水土。孟軻氏曰：自生民以來，未有盛於孔子者也。賢於堯舜遠矣。太史公曰：自天子王侯，言六藝者，折衷於夫子，可謂至聖矣。揚雄曰：天之道不在仲尼乎？王文中子曰：大哉乎！君君臣臣，父父子子，兄弟夫婦，夫婦夫婦，夫子之力也。其與太極合德，神道並行乎？韓愈曰：社稷以功，夫子以德。程子謂賢於堯舜者，以事功蓋金聲玉振，集羣聖之大成，實由天縱。若夫尼山請禱，精誠昭揭，而其表相殊異，曰似堯，曰似舜，曰似禹，曰似子產，曰似河目海口，黃帝之形貌也。曰修肱而龜背，成湯之容體也。惟此身體髮膚之所從毓，靈誕聖之所自，不在茲乎？漢時聖舅顏氏居魯，親里聖妃元官氏居安樂里，復其絲發。宋時有齊國公之封，又有魯國太夫人鄆國夫人之號，其爵邑又若不因夫子者？今茲峻其徽章，名與情稱，百世不能改也。於戲盛哉！伏惟聖人，人倫之至也。繫周易刪詩書，定禮樂，垂憲萬世，師表百王者，蔑有加矣。獨於春秋曰：志在焉。孝經曰：行在焉。春秋天子之事也。三綱九法，望於周也。故曰：如有用我者，吾其爲東周乎？孝經開五孝之用，自天子至於庶人，各有終始。其曰至德要道，其曰天經地義，其尊親之心，顯親之念，曾子所謂一貫，孟子所謂一本也。不然是謂悖德悖禮矣。洪惟今上皇帝，接太祖皇帝、世祖皇帝之聖緒，嗣守列聖以來之成規，聖治之敷，孝治之洽，所謂通於神明，光於四海者，於春秋孝經有嘉焉。碑之闕里，光昭休烈，於無窮。若江漢之濯秋陽之景，隔隔乎不可尙已。臣思誠頓首，誠惶誠恐，復獻頌曰：於鑠皇元，赫赫明明，翕闔乾坤，資始資生。太祖肇基，風霆流行。世祖混一，覆載生成。列聖嗣服，時靡有爭。今上繼緒，品式法程。聖治丕顯，孝治丕平。嘉崇孔子，綽興鴻名。尼山有禱，汁光垂精。表相之異，至道之凝。曰：惟天縱玉振金聲，孰與道生本立。

枝承王爵之崇，啓聖之榮，義符於情，名與實徵。五父之殯，緩乎其行，防墓之崩，泣然涕零。志在春秋，行在孝經。愛親敬長，春秋權衡。尊親顯親，五孝重經。今茲有茲誕聖毓靈，子孫有行，是服是膺。尼山嶢嶢，泗水不盈，蔚彼孔林，卓彼魯庭。有豐斯碑，光昭日星。同我父子，無忝所生。闡我皇風，四海永清。

明成祖御製重修孔子廟碑 道原於天，而昇於聖人。聖人者，繼天立極，而統承乎斯道者也。若伏羲神農黃帝堯舜禹湯文武周公，聖聖相傳，一道而已。周公沒，又五百餘年而生孔子，所以繼往聖開來學，其功賢於堯舜，故曰：自生民以來，未有盛於孔子者也。夫四時流行，化生萬物，而高下散殊，咸遂其性者，天之道也。孔子參天地贊化育，明王道，正彝倫，使君君臣臣，父父子子，夫婦夫婦，各得以盡其分，與天道誠無間焉。爾故其徒曰：夫子之不可及也，猶天之不可階而升也。又曰：仲尼日月也，無得而踰焉。在當時之論如此，亘萬世無敢有異辭焉。於乎！此孔子之道所以爲盛也。天下後世之蒙其澤者，皆與天地同其久遠矣。自孔子沒於今千八百餘年，其間道之隆替，與時升降，遇大有爲之君，克表章之，則其政治有足稱者。若漢唐宋致治之君，可見矣。朕皇考太祖高皇帝天命聖祖爲天下君，武功告成，卽興文教，大明孔子之道。自京師以達天下，並建廟學，偏賜經籍，作養士類儀文之備，超乎往昔。封孔氏子孫世襲衍聖公，秩視一品，世擇一人爲曲阜令，立學官以教孔顏孟三氏子孫，常幸太學釋奠孔子，竭其嚴敬，尊崇孔子之道，未有如斯之盛者也。朕繼承大統，丕法成憲，尙惟孔子之道，皇考之所以表章之者，若此，其可忽乎？乃曲阜闕里在焉，道統之系實由於茲，而廟宇歷久漸見頽敝，弗稱瞻仰。往命有司撤其舊而新之，今年夏畢工，宏遠壯觀，庶稱朕敬仰之意。俾凡觀於斯者，有所興起，致力於聖賢之學，敦其本而去其末，將見天下之士皆有可用之材，以贊夫太平悠久之治，以震耀孔子之道。朕



於是深有所望焉。遂書勒碑樹之於廟。並系以詩曰。巍巍元聖。古今之師。垂世立言。生民是資。天將木鐸。以教是異。謂欲無言。示之者至。惟天爲高。惟道與參。惟地爲厚。惟德與合。生民以來。實曰未有。出類拔萃。難乎先後。示則不遠。日用攸趨。敦序有彝。遵於聖模。仰惟皇者。聖道實崇。禮樂治平。身底厥功。曰子祗述。詎敢或懈。聖緒丕承。儀靈永賴。巖巖泰山。魯邦所瞻。新廟奕奕。飭祀有嚴。鼓鐘鏜鏜。馨馨憂馨。八音相宣。聖情怡懌。作我士類。世有才賢。左我大明。於斯萬年。

憲宗御製重修孔子廟碑 朕惟孔子之道。天下。一日不可無焉。何也有孔子之道。則綱常正而倫理明。萬物各得其所矣。不然。則異端橫起。邪說紛作。綱常何自而正。倫理何自而明。天下萬物。又豈能各得其所哉。是以生民之休戚。係焉國家之治亂。關焉。有天下者。誠不可一日無孔子之道也。蓋孔子之道。即堯舜禹湯文武之道。載於大經者。是已。孔子則從而明之。以詔後世耳。故曰。天將以夫子爲木鐸。使天不生孔子。則堯舜禹湯文武之道。後世何從而知之。將必昏昏冥冥。無異於夢中。所謂萬古如長夜也。由此觀之。則天生孔子。實所以爲天地立心。爲生民立命。爲往聖繼絕學。爲萬世開太平者也。其功用之大。不但同乎天地而已。噫。盛矣哉。誠生民以來之所未有者。宜乎弟子形容其聖。不一而足。至於中庸一書。而發明之無餘蘊矣。自孔子以後。有天下者。無慮十餘代。其君雖有賢否。智愚之不同。孰不賴孔子之道。以爲治。其尊崇之禮。愈久而愈彰。愈遠而愈盛。觀於漢魏以來。褒贈加封。可見矣。迨我祖宗。益興學校。益隆祀典。自京師以達於天下。郡邑無處無之。而在關里者。尤加之意焉。故太祖高皇帝登極之初。卽遣官致祭。爲文以著其盛。而立碑焉。太宗文皇帝重修廟宇。而一新之。亦爲文以紀其實。而立碑焉。朕嗣位之日。躬詣太學。釋奠孔子。復因關里之廟。歲久漸敝。而重修之。至是畢工。有司以聞。朕慰朕懷。嗚呼。孔子之道。在天下。如布帛菽粟。民生日用。不可

暫闕。其深仁厚澤。所以流被於天下後世者。信無窮也。爲生民之主者。將何以報之哉。故新其廟貌。而尊崇之。尊崇之者。豈徒然哉。冀其道之存焉爾。使孔子之道。常存而不泯。則綱常無不正。倫理無不明。而萬物亦無有不得其所者。行將措斯世於雍熙大和之域。而無異於唐虞三代之盛也。久安長治之術。端在於斯。用是爲文。勒石樹於廟庭。以昭我朝崇儒重道之意焉。系以詩曰。天生孔子。縱之爲聖。生知安行。仁義中正。師道興起。從遊三千。往聖是繼。道統流傳。六經既明。以詔後世。三綱五常。昭然不替。道德高厚。教化無窮。人極斯立。天地同功。生民以來。卓乎獨盛。允集大成。實天所命。有天下者。是尊是崇。曰惟聖道。曷敢弗宗。顧予眇躬。承此大業。惟聖之謨。於心乃懷。用之爲治。以康兆民。聖澤流被。萬事聿新。報典之隆。尤在關里。廟宇巍巍。於茲重美。文諸貞石。以光於前。木鐸道響。餘千萬年。

孝宗御製重建孔子廟碑 朕惟古之聖賢功德及人。天下後世立廟以祀者多矣。然內而京師。外而郡邑。及其故鄉。靡不有廟。自天子至於郡邑。長吏通得祀之。而致其嚴且敬。則惟孔子爲然。蓋孔子天縱之聖。生當周季。聖賢道否之日。而不得其位。以行乃歷考上古以來聖人之居天下者。曰堯曰舜禹湯文武。已行之迹。並其至言要論。定爲六經。以垂法後世。自是凡有天下之君。遵之則治。違之則否。蓋有不能易者。真萬世帝王之師也。故自漢祖過魯。之祀之後。多爲之立廟。沿及唐宋。英明願治之君。屢作益尊。而信之孔子之廟。遂徧天下。爵號王公。禮視諸侯。而加隆焉。雖金元入主中國。綱常掃地之時。亦未嘗或廢。蓋天理民彝。之在人。有不能自泯也。我聖祖高皇帝以至神大聖。迅掃胡元。植綱常於淪敗之餘。武功方戢。卽遣人詣關里祀孔子。風示天下。規度可謂宏遠矣。列聖相承。益嚴祀事。先後一軌。暨我皇考憲宗純皇帝。詔增廟之舞。份爲八。邊豆十二。禮樂盡同於天子。褒崇之典。至是蓋無以加。我國家百有餘年之太平。端有自哉。

闕里有廟建自前代規制尤盛弘治己未六月燬於火朕聞之惕然特勅山東巡撫巡按暨布政按察司官聚材庀工爲之重建越五年甲子正月工畢巡撫右副都御史徐源巡按監察御史陳璘以其狀來上宏深壯麗視舊規有加朕懷乃慰既遣內閣輔臣太子太保戶部尙書兼護身殿大學士李東陽往告復具顛末爲文俾勒之廟碑用昭我祖宗以來尊師重道之意並繫之詩曰聖人之生天豈偶然命之大君俾贊化權二帝三王君焉克聖繼天立極道形於政大化既治至治斯成巍巍蕩蕩渾乎難名周政不綱道隨時墜孔子聖人而不得位乃稽羣聖乃定六經萬世之師於焉足徵自漢而下數千餘歲褒典代加有隆無替於皇我祖居正體元六經是師卓爾化原列聖相承先後一揆逮及朕躬思弘前軌廟貌載崇祀事孔禮經言典訓彌謹彌敦俗化治成日升川至斯道之光允垂萬世

張敏撰尼山新廟碑 洙泗涵道體之本源尼山毓天地之間氣聖人者又所以鍾天地山川之間氣以生者也其知先知其覺先覺出乎類拔乎萃自生民以來實未有也然天之所以厚於聖人者夫豈無其故哉蓋自周室衰微諸侯放恣三綱淪九法斁中國將入於夷狄生民漸儕乎物類使天不生聖人則天下賢質焉莫知所之人欲肆而天理滅矣天於是而生聖人焉聖人者繼天立極拯溺亨屯爲天地立心爲生民立命爲萬世開太平者也所謂其生也有自來其逝也有所爲宰我曰以予觀於夫子賢於堯舜遠矣且堯舜之道尙賴夫子而明是天以是道而昇之聖人必欲聖人以是道而傳諸後世此聖人所以有功於天地也惟聖人有功於天地故天下通祀乎聖人矧茲尼山尤爲所生之地廟貌尊崇歷代所尙奈何元運既去毀於兵燹故址頽基鞠爲茂草春秋祭祀掃地而行觸目荒涼誠爲可歎五十九代孫襲封衍聖公彥縉五十五代孫曲阜世尹克中五十四代孫族長思楷舉事希韶曾闔門族屬諭之曰闕里廟貌我太

宗文皇帝撤舊更新既以美矣惟茲尼山乃聖祖誕育之地荒涼若是而不爲究心吾子孫寧不有愧焉乎由是眾發一心鼎新重建正殿三間高廣如制其西則爲毓聖侯殿其西北則爲啓聖王殿又其北則爲啓聖王夫人殿也神門三間齊廳五間庖湑有廡祭器有庫繚垣雲蓋如矢斯棘嗚呼休哉首事於永樂丁酉之春落成於戊戌之夏輪奐之美視昔有加構治之規於今爲盛仰瞻俯視生氣若存時或嶧山雨霽顏母雲收丹青見日月之光金碧焜煙霞之色重櫺疊拱簷牙高啄坤靈五老環繞上下其壯觀爲可知矣茲者刻石以勵其後謂余當筆不敢以蕪陋辭謹述始末並系以言曰周室衰微諸侯擅權下陵上替綱紀頽然風氣日偷倫理日墜往聖既遠其孰能繼尼山降神毓秀含真靈應既啓生我聖人惟聖有作天將木鐸以繼往聖以開來學綱常既正倫理日昭尊卑上下井井有條惟聖斯蹟光明烜赫其報伊何萬代血食緬惟尼山古廟巍巍毀於兵燹蕩然無遺觸目荒涼見者歎息聖公起念世尹贊書經之營之乃定其規新廟既成金碧相輝神其戾止既安且喜報以介福施於孫子殷士儋撰闕里重修孔子廟碑 隆慶己巳春山東巡撫都御史姜公廷頤親詣闕里瞻孔廟頽敝擬議營葺維時河道都御史翁公大立巡按御史周公詠咸相成之因斥金若干檄下所司鳩工庀材以繕厥事經始於閏六月二十二日至十一月告成諸殿寢門廡堂閣齊亭燭然改觀其杏壇舊制則撤而更新增置石楹重簷櫺星門之外稍拓地紆迴其道以遠衢市蓋廟之制壯麗博敞稱完美矣眾謂宜有詞勒石以記成功而屬之於余謹拜手稽首言曰粵自鴻蒙肇判聖跡挺生義軒而降洎乎姬公作者非一人矣乃孔子獨歸然爲帝者師萬世無改豈直以其道德仁義包舉羣聖金聲而玉振之哉蓋羣聖選於四海能以身建太平之烈然欲令萬世太平猶一日則不能也孔子雖屈於素王之位而六經刪定炳炳麟麟凡羣聖相繼





治天下之大經大法咸舉而筆之於書使後聖有作皆可遵用其言以康又宇內蓋自獲麟迄今二千年而三綱常明九法常紱華不沉溺於夷人不淪墜於物是孔子澤流後裔無窮極也故孔子者萬世斯道之宗主也皇皇哉立言闡教之功與日月俱懸天壤其散矣漢興以後世主咸知秩祀孔子而遵用其言以爲治者豈故孔子之道其行於時有顯有晦而王化相與爲升降焉國家稽古立極於崇奉孔子之典基隆大備爰自九重之尊下逮里巷無不師事之又近而京都遠而蠻貊海徼無不有廟以隆其祀南面儼然埒於王者春秋有事則饗簠樽俎之儀象勾千簠之器秩秩焉雖離焉光耀無前是自昔事師之盛未有禮具樂和如斯者也抑非徒尊之而已我祖宗開基續運咸表彰聖經褒獎儒雅以文太平凡廟堂所以經緯大猷公卿大夫所以襄贊懿議以至閭閻族師之所教訓蕃夷武卒之所授習一惟聖人之言是崇是重當此之時上無疵制下無私學斌斌焉中正之軌立純白之化流習夷風不得而雜乎其間是孔子之道行於時亦未有昭融朗徹如斯者也故在前代治僅小康而一再傳後亂弊輒生今我朝聖聖相承休德宣洩純熙勿穆彌久彌敦二百年來君有垂衣治理之逸臣有奉公守法之誼士有崇質尚善之美民有含哺鼓腹之歡緇黃之飲微於螢燭夷夏之限嚴於冠履元風丕洽雅頌聿興和氣醞釀瑞福交應偉哉煥乎萬世不刊之鴻業在焉三代以還莫得而髣髴矣微夫崇道右儒爲世儀則以登大化不亦難乎恭惟我皇上嗣膺寶歷首幸辟雍士林生色而又帷幄聽講大廷敷治游心儲思一以孔子爲極其精神意氣風動景馳雖在遐方僻壤亦皆敬應不暇况乎闕里爲孔子誕毓之鄉禮義教化所自出也而廟貌弗飭觀望缺然其曷以祗若主上之明德且非所以爲天下倡始也今諸公有事東土乃諷諭焉以作新爲任工不閤歲而輪奐增資神靈攸安士儒衣儒冠揖讓其中升其階序恍乎如聞

金石絲竹之音雖指紳先生之徒來自遠方者亦就其家而覽觀祭器至於低徊不能去信乎盛世之榮觀鴻士之令績也繼今聖教日廣帝載日融揆厥所元實自魯國開之則今日孔廟之修豈惟推衍主上文明之治以率先海內其於國家崇道右儒之盛將益光顯而太平駿烈永永不替矣於戲休哉余不佞謹記之以示方來云是役也山東巡撫都御史梁公夢龍巡按御史羅公鳳翔張公士佩暨布政使姚一元王宗沐陳瓚陳絳參政吳承霖劉孝龍光參議潘允端宋守約按察使周世遠吳文華副使羅良鄒善黃澄周鑑李汶僉事蹇達郭天祿徐炳葉憲高克謙謝東陽兗州府知府張文淵朱泰同知何其賢劉岸通判許際可包大權推官景嵩滋陽知縣王璇寧陽知縣秦吉士汶上知縣趙可懷皆與有勞於法得並書爰系以詩曰昊穹生民厥有聖神體陰法陽宗主羣倫於鑠宣尼道隆德博金玉其成時維木鐸六經刪定典訓華然譬彼日月朗而行天流澤鴻龐以覺來裔萬祀宗之血食弗替巍巍詰王勃其有典迪茲令模大猷允升皇明御寓維聖是式薄海之內廟貌有翼聖道欽只皇風載昌文恬武嬉休有烈光瞻彼闕里孔子之宮崇墉廣舍靈氣鬱蔥歷年滋多材朽朽蝕撫臣曰嗟惡可弗飭爰度爰咨爰興締構羣工畢藝不日而就肆肆其筵奕奕其楹丹雘黼黻既穆且貞爰入其門爰躋其堂百官具陳金絲琅琅厥篚維何豆簠簋神之來臨既安且喜章甫異綬逢掖翩跹威儀有楚載歌載絃人亦至止顧瞻徘徊於帝報功焯乎大哉元靈永輝萬年有造人文不熾贊我皇道岱宗蠡蠡泗水湯湯琢辭貞珉並垂無疆

于慎行撰闕里重修孔子廟碑 粵萬歷改元天子嗣大歷服道使奉圭幣祝詞告於闕里越四年丙子天子乃御皮弁釋奠太學以率天下邇聞述聽彬彬向風矣又越二年戊寅巡撫山東都御史趙公賢以行部至曲阜展謁廟庭見其堂序齊室多所墮敝因與監司守

長計之以爲朝廷崇禮先師尊無與亢而聖跡所興廟貌弗飾非所以奉揚休德而昭示來遠也乃謀於巡按御史錢公岱其圖營葺而前巡按御史王公藻亦嘗肇謀於先至是兩臺議定乃下計所司摧材計程庀徒揆日羣吏稟式小大率從經始於本年九月十五日凡四月而竣云夫管窺乾象無以究其崇卑圭測坤維不足明其近遠何者氣冒於形則形之所不運道周於器則器之所難名也况乎德冠生民智包羣品立三才之樞紐垂萬世之儀型者哉故子貢以爲終身戴天不知天之高也終身踐地不知地之厚也至矣哉擬議不得其形容隨迎不盡其終始上智之所難晰能言之所罕譬矣夫所謂聖而不可知者其在是哉雖然天不可窺而日月懸其像故仰觀者有則地不可度而河山麗其體故俯察者有儀聖不可知而六經傳其蘊故彰往察來者有準也蓋求聖人之蘊則於其燦然者矣無其所謂可得而聞者歟是故二帝三王用六經之實以陶埴天下而夫子著六經之文以垂憲方來三千餘年之間上而英君道辟以之總理人羣下而哲佐貞臣以之彌綸丕造近而經生法士談誦於聲名文物之場遠而夷裔荒遊衍於禮樂衣冠之俗其顯而可聞者如日月山河輝朗照耀靡不宣臻而其隱而不可知者如一元之氣布濩周浹而無有涯涘故曰夫子之道大矣然諦觀三代以降其大經大法固釐然列於六藝而華言小辯猶雜然出於百家妄意儒者之學以爲博而寡要勞而少功至於道德名法陰陽列而爲六故其耳目心志不能陶於醇一之源而其政教風俗無以鏡於粹精之理此三王靡企而五帝罔幾也然則六經之效其有所未盡白而夫子之道其有所未盡用與我祖宗紹天立極握符御宇以規萬億於天下郡邑廣建學宮頒布經籍爲士程訓要以統一聖道屏斥異說抱冊而遊黌序則不敢讀非聖之書操觚而謁有司則不敢奏違方之語論學則士苴九流談治則糠粃霸略是以政教熙明風俗粹美湛

恩鴻龐浸潭上下吏緣儒術民樂絃誦方內一軌殊域回面爰逮我皇上儲精垂神執經講藝以宰制六合坎其萬類於樂哉至治之徵蓋將與二帝三王之盛合符而較烈矣是何也以其純用六經之教而百家之說不存也夫德侔太上則謝施之義雖微而潤洽羣生則返始之禮有在夫子之道其昭融流行莫有盛於今日則尊崇之禮宜其綦隆大備而超軼往牒矣况水木本源之地又惡可弗重乎且是邦也左則滄溟浩瀚百谷之所朝宗後則泰岱穹崇羣山之所環拱而闕宮巍闕從而雄峙其中與帝者之居比隆而埒麗固宇內之盛觀也今又從而鼎新之丹雘炯見棟宇煒煌車器畢陳金絲可聽士而揖讓其中有不低徊靈跡慕懷道蘊思以接聖神之令緒而宣昭代之洪輝者哉乃若中丞公保釐綏靖文教覃敷待御公振飭激揚風聲不樹固將與是舉同不朽矣至其贊襄於內則有若左右布政使王公宮用張公士佩楊公一魁參政余公立陶公大順按察使楊公正副使郭公天祿周公之屏以規畫於始則有若分守參議查公志立分巡僉事栗公在庭沂州兵備僉事劉公應元而兗州知府周公標實任之以督課於終則有若分守參議南公軒分巡僉事詹公沂而兗州知府朱公文科實成之其會計財力則有若沂州知府李尊鄒縣知縣馮中州泗水縣主簿王誥而專董工程者則兗州府同知尹言濟寧州知州寧曲阜縣事孔宏復及曲阜縣縣丞馬慎勳勞勩雖有大小總之效力於盛典者云事成衍聖公尚賢受之以春秋共祀而郡侯朱公命史于生記之夫崇文章軌部使之績也言時稱伐史氏之職也敢序其始末以不揚鴻烈著之有永而余之詩曰厥初生民混元載闢亦有神聖承天立極王風遐暢帝典弘敷道隨代遠化與世徂大哉素王降而應運用集厥成以彰丕訓不訓伊何曰惟六經昭晰宇宙如彼日星功高列辟澤流中古配乾象坤實維化主蒸嘗九寓肅習窮堦師之宗之於千萬年於赫我明紹圖闡



繹。崇禮聖師有加在昔。我皇繼歷。實克繩武。鋪衍文明。肆於下土。百家屏黜。聖統昭明。道之未墜。於是大行。矧時闕里。實鍾光嶽。厥有寢廟。神靈所托。有偉中丞。觀風下邑。翹勤宏宇。載懷典寶。昭哉柱史。詢謀攸同。則有司存。作於闕宮。鳩材庀徒。工成不日。美矣美輪。非雕非飾。玉彫彤庭。丹楹畫棟。壁似藏書。堂疑閨閣。不改厥制。而煥厥文。煌煌圭組。於焉駸奔。東控海門。北倚泰岱。與此而三。爲域中大道。與天地與國無疆。維此朱公。休有烈光。况我魯人有不夷憚。敢勒鴻名。摘之無斂。

又撰闕里重修林廟碑。聖上膺圖總御二十有二祀。歲在甲午。山東巡按御史顧川連公。標奉命省方。至於闕里。祇謁孔廟。拜於杏壇之下。仰視者三。繼謁孔林。拜於洙水之陽。環視者三。進諸大夫而誦曰。惟天子祇若典訓。經緯八埏。用志祀於先師孔子。我二三執事者。磨簡書以來。敷化於東土。茲惟聖作之邑。亦越廟庭。林域自弘。治鼎新以迄於今。歷載滋久。無乃有所頽敝。以失大觀。若在元聖周公。弘啓國宇。以開厥緒。若在復聖顏子。潛心道奧。以衍厥傳。咸有蒸嘗。以祠何可弗飭。時惟我二三執事之責。乃白於巡撫都御史括蒼鄧公。汝璧。鄧公曰。吾時惟予責。中丞奉上明命。撫有大東。罔不惟肅。若神靈翊贊。文化是圖。曷敢曰執事之不聞。以須異日。乃相與下計。所司使相厥工。計當用金三千。以兩臺之贖。銀當三之一。以嶽祠之香稅。與將作之餘。當三之一。筦庫之羨金。當三之一。於是策日。揆景。庀徒鳩材。以其十之三。營於孔廟。乃新殿閣。乃飾廊廡。乃立重城。阜門以象朝闕。楹案甃甃之有朽者。易之丹雘者。漆之有墜者。塗之煌煌如也。耽耽如也。以其十之五。營於孔林。乃恢享祠。乃勅齊室。乃立石闕。六楹以廣神路。綠垣十里。墻垣千步。有版築焉。嶢嶢如也。鬱鬱如也。則以其一。營於周廟。坊諸闕。榜曰元聖。則以其一。營於顏廟。坊諸其間。榜曰陋巷。嶢嶢如也。翼翼如也。經始於四月二十六日。至十一月

三日。厥功告成。霞駭雲蔚。鼎立星羅。埒如鈞天之宮。帝者之宇。於都哉。覺釋之。若增而峻。洙泗之流。若濬而深矣。宗子三公三姓之裔。春秋執豆蓬於斯。魯之父老諸生。瞻仰絃歌於斯。四方之學士大夫。躡屣停軌。展禮於斯。咸曰。偉哉聖里之榮觀。以流耀四方。是惟二公之績。亦曰鑠哉熙朝之盛典。以昭垂萬禩。亦惟二公之績。二公不自居也。曰。不腆司工之役。賴諸大夫之成。何勞之與。有諸大夫乃礪石闕里。使魯人于慎行爲記。辭不獲命。爰拜手稽首。而稱曰。粵自昊穹之初。肇之人紀。聖神代作。咸克左右上帝。綏猷兆人以逮我先師孔子。乘百王之運。闢六藝之塗。用能集厥大成。以陶鑄萬世。與天無極。厥後英君。誼辟罔不尊用其道。以建化原。亦罔不恪修厥廟。以報本始。皇綱帝紘之不墜。至於今是賴。於歲盛哉。其惟聖朝受命。尊師重道。圖臻上理。褒崇之典。有加在昔。用致重熙累洽之休。以及我聖上儲精三五。潤色大業。亦惟先師之道。是訓是行。罔敢軼於成憲。矧茲聖作之邑。風教所先。廟貌寢園。肅焉如在。而使棲櫛之屬。一有或闕。以弗稱昭代精禋之禮。安可曰執事之不聞。以須異日也。二公祇承大命。照臨魯國。已綏輯氓隸。防遏疆圉。庶政畢舉。彝文咸秩。又儼然景仰聖哲。以崇大此役也。允可謂帝臣之上。積人文之景運矣。於戲懋哉。蓋孔子之道。得統於周公。而顏氏之子。能發其蘊。以教萬世。惟魯建國。實終始三聖賢之迹。以有遺烈於此也。自漢永平以來。典制代更。或奉周公爲先聖。孔子爲先師。亦或奉孔子爲先聖。顏子爲先師。靡不邇厥源流。以昭統緒。而揆之秩敘。亦少數焉。我朝參稽前代。更正典禮。既薦聖師之號。以尊孔子。首配享之位。以宗顏氏。復以二帝三王。並稱先聖。周公孔子。並稱先師。而別祀於文華之左室。於是道統益明。倫敘不紊。而聖師之所從授與所由傳。可考而陳矣。今是役也。新廟貌。以致嚴飾。寢園。以妥祀。因而標廣魯之圖。揚紹聖之懿。使天下萬世。明於斯道之授受。而求諸六經之緒。以永太平之烈。所



以恢弘聖迹而對揚天子之不赫命。實惟萬世無疆之休。於戲。遠哉。役之興也。度支經費。則左布政使中山王公藻。右布政使晉陽田公。噲。總理工程。則分守參政四明楊公德。政。攝守參議貴陽邵公。以仁。分巡副使汝南趙公壽祖。而河道參政梅公淳。分巡僉事李公天植。兵備僉事戴公堪。咸樂觀其成。而立石焉。至於贊襄謀畫。則兗州府知府盧侯學禮。專董工役。則兗州府通判王侯夷吉。而署曲阜縣事。運司同知孔宏復。泗水縣知縣尤應魯。會計於先。鄒縣縣丞張東陽。滋陽縣典史儲明善。分督於下。法皆得書。既紀其歲月。因系之詞曰。泰山巖巖。嶽所宗。河彼流水。亦朝於東。海岱之壤。會爲魯國。迺降。元聖。此惟與宅。運乘五百道。行三千。江河行地。日月麗天。列辟是師。萬世爲主。有廟有林。於焉終古。我明御天。興化崇文。昭假聖祀。越前。闕廟有祖。筵林有規。觀熙洽相承。式增輪奐。胡成弗虧。胡久弗渝。不有鼎構。曷奠神居。惟殿中丞保釐東夏。侍御省方。亦宣文化。乃協素志。乃稽僉謀。經之營之。昇諸大夫。費不及官力。不及役。五材雲會。羣工霧集。乃作於廟百堵。千楹。重關洞啓。屹彼高墉。乃作於林爲堂。爲室。樹之華表。石闕。是闕。遐哉。元聖。實國於東。爲極。爲極。有值。閉宮。卓爾大賢。羣子相望。匪離匪飾。華彼陋巷。敝者以新。隘者以宏。或翼或拱。有師有宗。金絲既穆。重簋孔飭。璧之格思。終安且擇。神明之裔。小大駁奔。悉遵庶士。罔或不欣。既聞儒風。亦揚帝烈。肅肅二公。德聲有暉。泰山若礪。滄海成田。皇國聖迹。於千萬年。魯生不敏。敢勒貞石。匪以爲觀。永示爾極。

關里文獻考卷三十三終

校記

①雄□□育□寶：《東漢文紀》卷二八引作「惟顏誕育至寶」。

②□：右引作「流」。

③□□：右引作「華紫」。

④□：右引作「運」。

⑤□：唐李邕《北海集》卷三《兗州曲阜縣孔子廟碑》作「共」。

關里文獻考卷三十四  
藝文第十二之三

唐裴孝智撰文宣王廟門記 成域中之大歸天下之往曰王王者  
應歷以宰物酌時以觀化威聲雷震號令風雨不嚴人理合自然之  
運不行家至契如神之速德叶協於幽明道徜徉於古始無爲無事  
其大矣哉泊乎澆淳既變仁義斯起偃息庠序棲遲洙泗意章萬物  
之首馳騁百王之末清類波於幽屬屬儒術於殷周故春秋作而賊  
亂懼風興刪而廉恥生美韶濩而德澤之音息行揖讓而莊敬之心  
勸夫子聖者與名與日月周流業與乾坤終始隱焉而光闇然而章  
命服衰裳累代稱王曲阜聖人之鄉也先是闕宮霞敞正殿宏立綴  
以環堵遂其臺門巍若化造疑如動允所謂淹中之勝槩關里之  
全模刺史孟公休鑒德潤尊師道希聖研精百氏淫羣言夜火  
非官曹之燭春桑絕附枝之詠判官郡功曹盧暉以文發身以清檢  
物博通數四科惟此祠廟厥初層構朱戶半傾雕甍中落難  
名之閭與造次可遊如在之易睹將何以克恭過位加敬  
及庭於是孟公首之盧公翊之因命縣大夫兼太  
新其南門書時也公名有象育元含莫廣學攻文始登甲科吏於舒  
舒是乃程具乃役不斬仲山之石償以日而給功不  
時而就大屋橫巨雙扉洞開丹楹繡栢膠葛固  
飛檐駢逼而棲霧局鏤既固草獻畢修官吏唯肅清之謹邑人無褻  
公之化不行非盧公之不成三事叶同同底於  
善孝智不敏儒家之流徒春秋舍菜之禮  
不腆之文俾刊永貞之石時大歷八年十二月一日也

賈防撰修新廟記 皇帝御寓之十年歲在己丑夫子三十九代孫  
魯國公節鎮汝陽之三載秋霜共禦冬日均和里閭無桴鼓之聲耆  
艾有袴襦之詠道已清矣政已成矣於是瞻故鄉以徘徊想廟貌而  
惆悵乃謂僚佐曰伊予聖祖實號儒宗英靈始謝於衰周德教方隆  
於大漢爰因舊宅是構靈祠粵自國朝屢加崇飾文楹繡栢雖畱藻  
繪之功日往月來頗有傾摧之勢故老動凄涼之思諸生興嗟歎之  
音今泰鎮東平幸適鄉里雖無由展敬而敢忘修營既而飛章上陳  
請以私俸葺飾由是命工庀事飾舊加新浹旬之間其功乃就門連  
歸德先分數仞之形殿接靈光重見獨存之狀辟容穆若更表溫恭  
列侍儼然如將請益丹楹對聳還疑夢奠之時素壁高標宛是藏書  
之後槐影疎而市晚杏枝暗而壇孤不假大夫幽蘭自滿無煩太守  
刺草全除稷門之舊業俄興闕里之清風再起既可以傳芳萬古亦  
可以作範一時且開闢以來霸王之道言其德也莫踰於湯武語其  
功也無尚於桓文墳土未乾而邱隴已平子孫縱存而丞嘗悉絕夫  
子無尺寸之地微一旅之眾修仁義者取爲規矩肆強梁者莫不欽  
崇生有厄於棲遲沒居尊於南面而樵蘇莫採廟貌長存道德相承  
舊裾不絕則夫子之道既可彰於積善魯公之德實無愧於重修防  
目睹靈踪躬尋盛績仰聖姿而如在歎休烈而難名承命紀功讓不  
獲已刻諸貞石深愧非才謹記

宋孔道輔重建五賢堂記 五星所以緯天五嶽所以鎮地五賢所  
以輔聖萬象雖列非五星之運不能成歲功眾山雖廣非五嶽之大  
不能成厚德諸子雖博非五賢之文不能成正道由是三才之理具  
萬物之情得故聖人與天地並高卑設位道在其中矣所以尊君德  
安國紀治天物立人極皆斯道也然天地有否閉日月有薄蝕聖人  
之道有屯蹇若天地否則聖人建大中之道以開泰之苟聖人之道  
墜則五賢迭起而輔導之先聖生當戰伐之世法令機祥巫祝之弊



亨楊墨之迂誕莊列之恢詭窮聖汨常三騶孫田術勝於時則我聖  
人大道為異端破之不容於世也而孟荀繼作乃述唐虞之業序仁  
義道德之源俾諸子變怪不軌之勢息聖人之教復振其功甚大矣  
後至漢室圯缺揚子惡諸子以知舛詆訾聖人獨能懷二帝三王之  
迹以譏時著書以尊大聖使古道昭昭不泯者揚之力也兩漢之後  
皇綱弛紊六代喪亂文章散靡妖狂之風蕩然無革文中子澄其源  
肇興王之運韓文公治其末廣尊道之旨致聖教益光顯夷夏歸正  
道雖諸子譏諛憤惑欲攘其法戕其教榛其塗蕪其說弗可得已然  
賢者違世矯俗能去難者蓋寡矣孟不免齊梁之困臧倉之毀荀不  
免齊人之讒楚國之廢揚不免劉歆之侮投閣之患王不免隋氏之  
抑羣公之沮韓不免潮陽之竄皇甫之譖其閒或譏其作經或短其  
修史彼徒能毀之弗顧己之弗逮也達者以爵位為虛器太過者人  
猶嫉之况抱道德富仁義立終古之名寧無惡乎天地雖否無傷於  
體日月雖食無傷於明聖賢雖困無損於道得其時則堯舜禹湯之  
為君皐皐伊呂之為臣功濟當世也非其時則孔聖之無位五賢之  
不遇道行於後世矣亦猶歲旱則澤之益甘夕暗則燭之益明世亂  
則賢者益固歷代以斯為難也孔聖之道否則五賢振起之今五賢  
湮蔽振起之者無聞焉道輔道不及前哲而以中正于帝王幸不見  
黜而與進翼以賢者必輔於時躋於古以茲為勝矣方事親守故國  
為儒者榮嘗謂伏生之徒徒以訓詁傳功像設於祖堂東西序而五  
賢立言排邪說翊大道非諸子所能跂及反不及配關孰甚焉因建  
堂事收五賢所著書圖其儀紋先儒之時薦庶幾識者登是堂觀是  
像覽是書肅然改容知聖賢之道盡在此矣

金党懷英撰重建鄆國夫人殿記 先聖之夫人曰亓官氏子孫祠  
於寢宮舊矣宋祥符初既封鄆國始增大其殿像宋末燬焉國家皇  
統九年始以公錢修復正殿後八年又營兩廡而積羨錢二百萬將

以為鄆國殿之用而未給也大定間天子留意儒術建學養士以風  
四方舉遺禮興廢墜曠然欲以文治太平襲封公撫躍然喜曰祖庭  
之復此其時乎乃以殿之規模自司而有司吝於出納乃更破廣  
為狹刻崇為卑由是別得故時羨錢為殿費襲封公蹴然曰是規模  
者豈能稱前殿為王寢乎吾獨以奉祀事守林廟為職顧不得以專  
達雖然我豈敢不力與乃與族長端修親率廟丁載斤斧走東蒙深  
入數百里歷巖險冒風雨與役者同其勞得其松中椽棟者以千數  
又與族兄播市材於費凡焚植棋枰之屬皆取足焉會祖林大槐數  
十一且皆樞死適可為楹棟之材而二百萬者止足以充瓦壁聖賢  
與夫梓匠傭直而已時劉公璋為節度副使實董其役趙公天倪為  
判官二公廉直而幹吏不敢擾以私而襲封公得以盡其力越十九  
年冬殿成奉安之日士庶咸會願首聚觀邦人族戚更贊迭助父老  
嗟歎至或感泣以為復見太平之舉也於是襲封公以書走京師屬  
懷英為之記懷英懶惰多故未暇作也居逾年襲封公被召至闕下  
未幾得以舊爵宰鄉邑將歸固索鄙文則序其修廟本末而為說曰  
嗚呼聖人之道極中和而與天地並有天地而夫婦之道立道立而  
父子君臣之教達於天下古先哲王所以御家邦風動教化皆由此  
始吾夫子出著述六經實綱而紀之以垂憲百代故後世推尊以為  
人倫之首而闕里舊宅四方於是觀禮然則所謂作合聖靈者其奉  
事之禮安可以不稱今夫浮屠無夫婦絕父子廢人倫其空言幻惑  
且不足以為教然貪得而畏死者奔走敬事至傾其家貲非有命令  
賦之也而其雄樓傑閣窮極侈靡僭越制度耗蠹齊民有司者不以  
禁而吾夫子之宮化教所從出有司乃以為不急一殿之建至於身  
履勤苦然猶積年而僅成何其難也嗟乎夫子萬世之師也今休明  
之代不思其不崇吾獨惡夫悖人倫者方起而害名教故因是殿之  
役有以發是言也君歸其並刻之庶幾貪畏而惑於異端者知所復



焉。

元楊奐東遊闕里記 壬子春三月十六日庚子東平行臺公宴於東園是日衣冠畢集既而請謁闕里迨丙午乃命監修官盧龍韓文獻德華上谷劉詡子中相其行丁未同德華子中暨攝祀事孔拱器之梁山張字子淵汴人郭敏伯達出望嶽門幕府諸君若曹南商挺夢卿范陽盧武賢叔賢毫社李楨周卿江陵勾龍瀛英瑞信都李簡仲敬濟陰江紱孝卿梁園李紱綬卿華亭段弼輔之祖於東湖之上既別自西徂東行六十里宿汶上縣劉令之客廳汶上古之中都也先聖之舊治魯定公九年宰於此縣署之思聖堂是也有杜子美望嶽詩刻王彥章墳祠在西城外以斯人而仕於梁時可知矣戊申晨起器之從閒道先往是日至兗州會州佐孟謙伯益教官張鐸振文振文話嶧山之勝為甚詳子美所謂浮雲連海岱平野入青徐者登南樓詩也徐在南四百里青在東北七百里海在東北又不啻千里岱嶽二百餘里吁二千里之遠今一舉而止與終其身拘拘儒儒於百里之內者不亦異乎己酉拉振文而東不四五里過泗河地頗高敞南望嶧嶺峰出沒於烟無雲樹之表使人豁如也又一舍許達於苗孔村見曳而斷者其魯城與鬱而合者其孔林與不覺喜色津津溢於眉睫也未幾器之輩躍馬出迓遂入自歸德門魯門一十有二正南曰稷左曰章右曰雩正北曰圭左曰齊右曰龍正東曰建春左曰始明右曰鹿正西曰史右曰麥歸德其左也當時天下學者多由是門入故魯人以此名之族長德剛又率諸子弟姪迓於廟之西相與御馬鞠躬趨大中門而東由廟宅過廟學自毓粹門之北入齊廳在金絲堂南燕申門之北堂取魯恭王事也是日私忌不敢謁庚戌鐘鳴班杏壇之下痛廟貌焚燬北向鄆國夫人新殿設繪像修謁而版祝如禮告先聖文宣王曰嗟乎聖人造物也七十子造物之物也於問答之際見之矣問仁者七而答之者七問孝者四而答之

者四問政者九問君子者三所以答之者無一似焉不唯不違其所長而亦不強其所不能故大以成其大小以成其小造物奚閒焉垂世立教百王所仰未有由之而不治舍之而不亂者也春秋諸國孰弱於魯降千八百年而知有魯者吾聖人之力也吁生而不見用沒而賴之以聞何負於魯也後之有國有家者獨不思之邪今日何日匍匐庭下死無憾矣羈旅悠悠禮物弗備敢薦以誠告先師兗國公曰夫子君子之學原於治心聖門三千徒孰非學也曰好之者獨公為然無事業見於當時無文章見於後世考之傳記一再問而止察之日用一簞瓢而止綿亘百世之下自天子達於庶人無敢擬議者將從無欲始乎抑非也不可得而知也適謁林廟獲瞻井里輒祭以告告先師鄆國公曰子之於聖人其猶天而地之日而月之與學出於詩書道兼乎仁義至於知易而不言易知中庸而不言中庸此又人之所難能也湯武則待子而義匡章則待子而孝紛紛楊墨之徒待子而後黜其為功用鴻且著矣夫豈好辨者哉與等去聖人彌遠欲學無師而復執志不勇惟神其相之降階謁齊國公及魯國夫人之殿殿西而南向者尼山毓聖侯也大西而東向者五賢堂也謂孟也荀揚也王與韓也碑孔中丞道輔文中丞篤於信道者也於家法無愧矣途飲福於廳事賓主凡二十有五人酒三行而起執事者族中子弟也進退揖讓禮貌可觀信乎遺澤之未涸也焉知教養之久明詔之下人物彬彬不有經學如安國政績如不疑者乎杏壇二字竹谿覺懷英書壇之北世傳子路捨丁石蓋石之厝也夫所謂勇於義而已豈區區若是邪一有率爾之對而不免流俗之口蓋亦慎諸壇南十步許真宗御贊殿也七十一賢並諸儒贊從臣所撰貞祐火餘物也手植檜三兩株在贊殿之前一株在壇之南焚燬無復子遺好事者或為聖像或為簪笏而香氣特異趙太學秉文麻徵君九疇有頌有詩世多傳頌之次南碑亭二東亭宋碑一呂蒙正撰白崇矩



書太平興國八年十月建金碑一、党懷英撰并書篆。西亭皆唐碑也。一碑崔行功撰、孫師範書、碑陰刻武德九年十二月詔文、乾封元年二月祭廟文。一碑江夏李邕撰、范陽張庭珪書、開元七年十月建。次南奎文、開章宗時、創明昌二年八月也。開州刺史高德裔監修、閣之東偏門刻顧愷之行教、吳道子小影三像、東廡碑六、皆隸書、而魯郡太守張府君碑非也。西廡之碑八、隸書者四、餘皆唐宋碑。是日宴罷、并出北偏門、由襲封廨署、讀姓系碑文。又北行、由西巷觀顏并亭、亭廢矣。北出龍門、入孔林、徘徊思堂之上。由輦路而北、夾路石表二石、獸四、石人二、獸作仰號之狀、拜奠先聖墓如初禮。前有壇、石厚三尺、許方如之、其數四十、有九、後漢永壽元年魯相韓叔節造。東連泗水、侯伯魚墓、南連沂國公子思墓。世家云、相去十步耳。而密邇若此、後人增築之也。然規制甚小、禮之所謂馬鬣封者是也。子思之西石壇、居攝元年二月造。有曰上谷府卿者、有曰祝其卿者、先聖墓西北白兔溝也。二石獸狀甚怪、林廣十餘里、竹木繁茂、未見其比。而楷木以文爲世所貴、無荆棘、無鳥巢、將吾道終不可無、沒而鳳鳥有時而至。與林東三里講堂也。林與堂俱在洙北、泗南。按世家云、周敬王三十八年、孔子自衛反魯、刪詩書、定禮樂、繫易於此、硯臺井在其西、惜去秋爲水漫沒矣。辛亥謁周公廟、廟居孔廟之東北二里有真宗御贊碑、車輞井在正東、少南、水清白而甘、俗呼漿水井者是也。廟北雙石梁、井石上綆痕有深指許者、百步許得勝果寺、魯故宮也。殿之東北大井、圓徑六十尺、深二丈、水色墨如也。東過顏侍郎墓、林城之址、顏廟也。廟中孤檜高五丈餘、由曲阜西復東北行一里、入景靈廢宮、觀壽陵、陵避諱而改也。東北少昊葬所、宋時疊石而飾之也。前有白石象爲火爆裂、壇之石欄、窮工極巧、殆鬼刻也。讀碑記始知草創於祥符、潤飾於正和、而大定中因之而不毀也。此亦人君治平之久、徃於貪侈之心之所微也。福苟可求、則二帝三王必先衆而爲之矣。福可

求乎哉。大碑四、諺云萬人愁者是也。而二碑廣二十有三尺、闊半之厚四尺、最屬高十有三尺、闊如之厚四尺、龜趺十有八尺。二碑廣二十有四尺、闊半之厚四尺、最屬高十有八尺、闊十有六尺、厚四尺、龜趺十有九尺。一在城之外、一在城之內、無文字、意者垂成而金兵至也。陵曰壽陵者、誠何謂邪。入東門、飯器之家、復西南馳、觀漢之魯諸陵、大家四十餘所、石獸四、石人三人、胸臆間篆刻、不克盡識。有曰有漢樂安太守、家者、有曰府門之某者、折而北、渡零水、入大明禪院、觀達泉水、中石出如伏龍怒、寺碑云魯之泉宮也。薄暮歸、自稷門望兩觀穹然、以少正卯之姦雄、而七日之頃、談笑剔去、則知舜刑四凶、使天下翕然服之明矣。孰謂聖人而有兩心哉。後世如操如懿、得全首領於牖下、不爲不幸矣。登泮宮臺、臺之下水自西而南、深丈許、而無源、吁、僖公一諸侯、能興學、養士如此、三詠采芣之章、而後下、其西靈光殿基也、破礎斷瓦、觸目悲涼、而王延壽所謂俯仰顧瞻、東西周章者、今安在哉。王子復由縣城東北行十里許、過陶樂村、南望修隴、蔓延不絕者、周之魯陵也。東南五里達腸溝村、拜聖考齊國公墓、而林廣四十畝、墓前石刻甲辰春二月望、五十一世孫元措立石、溢津高翻書、溝水在林之東北、入於泗、其南防山也。而山之峰東西三禮云、合葬於防是也。林之北東蒙路也。自西峰而南、謁顏子墓、石刻曰先師克國公、大定甲辰三月、先聖五十一代孫承直郎曲阜令襲封衍聖公孔摠立石、太原王筠書、墓前一石、僅二尺許、兩甲士背附而坐、一執斧、一執金吾、正北有小冢、不可考。顏氏子孫二房、在少東上宋村。是日東南行、並戈山而西、由白村歷西魯原、達東魯原、館房氏家、泗川公古具雞黍以待。古孔氏婿也。問之、不知爲公孫公西也。地多虎狼牧者爲之懼、比曉幸無所苦。癸丑穿林麓而東、約六里許、達尼山、五峰隱隱在霄漢間、而中峰迥出、昔之所謂圩其頂者是也。廟廢雖久而規模猶可見。其西智源溪橋也、端南卽大成門、次北者卽



大成殿也。其東泗水侯殿。其西沂水侯殿也。大成之後。鄆國夫人殿也。其後齊所也。西有齊國魯國之殿。齊國之東而南向者。毓聖侯殿也。大成之東。齊廟也。兵餘獨存焉。正北中和殿也。廟之西南。觀川亭也。瓦礫中得一斷石。蓋前進士浮陽劉暉夾蘆辨也。或曰夾蘆劉惡其鄙俚。故辨正之。夾蘆峴在尼山西。由亭之東西旋而下。得坤靈洞。石角濺濺。不可入。族長云。廟戶管用吉成。嘗持火曳繩而入。比三數丈。忽隙開。有光。睹一室。口廣兩楹。許中橫石牀。石枕皆天成也。而不可動。今五十年矣。以管與吉幼而瘠。故可入也。所言如此。洞名劉暉之所刻也。因涉雪水過頭母山下。觀文德林。以草木障翳。廟與聖井無所見。尋舊路。復達魯原。飯已。西南傾喝而下。出由桑家莊。歷峻山二十里。而近達四基山。遇兵士傅正。徐州人。導至鄒國公墓。墓在廟之東北。有泰山孫復碑。孔中丞立石。其西大家七比。正墓差小。無從考之。南有寺曰亞聖寺。有碑。傍有古墓三。行四五里。過黃注村。又十里。由石經埠正南。少西行二十里。達鄒縣。彭令之宅。四月甲寅朔。飯後出南門二十五里。達嶧山。循山之西北。絕澗亂石如屋。既而遇道者李志端。爲之前導。復西北行。遊大湖。懸鐘二洞。東南行入燕子巖。侯以病足。與德華巖下坐待諸君之還。哺時。子中輩踵至。國祥且示嶧山圖。蠟紙按圖指顧。若仙橋之巨石。七真之西軒。下瞰紀侯之重城。漢相之故冢。一如眼底。如玉女峰。千佛塔。尤號奇絕。所至流水修竹。雜花名果。殆若屏面。而容縷數哉。過夕陽下山。遙遷由西北而進。達於縣之南關。報孟氏諸孫迎於道左。卽造鄒國公廟庭。食已。入縣復宴於舊館。父老請見。爲歡飲竟夕。乙卯。出西門北行十里。入岡山寺。而孟氏諸孫復攜酒至。沿竹徑渡橫橋。休於僧寺之靜室。良久。出山東北行二十五里。達馬鞍山。謁孟母墓。北行十五里。達趙山莊。飯孔族家。又十里許。達於魯城之南登郊臺。臺東西五十八步。南北四十步。魯之臺可見者三。是臺與泮宮臺莊公臺也。不知書雲物者。

何所也。容考之。北涉雪水。由竹徑登浮香亭。亭以梅得名。少北一石穴。茶泉也。亦竹溪書而不名。緬思前輩風度。又有足徵也。丙辰。曲阜官佐至。以私忌不敢飲。丁巳。將訪豐相。圃會公叔遣其子治同諸官佐具酒饌。復至不果。時公叔抱樂正子之疾。戊午。從德剛子中登西南角臺。望射圃。圃在歸德門裏。道側積土。隱起草中。或其所也。臺泰和四年七月六日。故人夢得之所築也。竊有感於懷。夢得元措之字也。是夕。孔族設祖席於齊廟。已未。辭先聖於杏壇之下。族長德剛率族人別於歸德門外。國祥暨德剛之子立之。護至兗州西。嗚呼。讀聖人之書。遊聖人之里。幸之幸者也。然有位者多以事奪。而無位者或苦力之不足也。况以鄧錫之西望。鄒魯之遠。與南北海之所謂不相及者。何異焉。流離頓挫中。有今日之遇。伯達既繪爲圖。且屬予記之。敢以衰朽辭。勉強應命。將告未知者。

楊桓撰修關里廟垣記 關里廟制周三里而弱。崇垣四護。皆坊以粉塗。底以瓦木。與夫殿閣門廊等。餘五百架。皆金明昌役也。存經喪亂。表裏凋敝。中更灑掃。百戶暫停。主祀財單力薄。扶傾綴朽。聯缺續聖所成者。不償其所壞。朝廷頻年議加修復。屢將本路撥度工費。以軍國庶務方殷。而事未及措也。曩者山東東西道憲司諸公。自陳節齋以下。近及俞司學屯公。皆嘗督諭本部。爲救廢之舉。迨夫奉議大夫同知濟寧路總管府事劉侯用。至元壬午。秋七月。繼謁祠下。奠拜既畢。周覽嗟惜。而言曰。夫州縣長佐之吏。考績於三載。必曰文廟有無增葺。况予爲方面之倅。廟庭在境。而曾未過省。何以處承流宣化之任乎。今朝廷方富布文教。善風俗。以爲致治之本。而於吾聖人祠宇。切於垂意。輦石伐木。築基定礎。期在旦夕矣。今廟貌雖殘。所餘者往往猶真宇傑觀。而周垣圯剝。外連於荒莽。脫有野燒緣逸於其中。不亦愈重朝廷之經費乎。此事吾儕不得不任其責。以今竊計。莫若規撫舊跡。先起垣於四周。庶或可以扞蔽他虞也。凡茲所舉。有涉公







辟九章素帶終辟七章五章素帶辟垂三章率下辟并紐約用組赤  
鳥服弁者祭服以緇謂之紵衣裳帶鞶佩綬如冕之制朝服以布天  
子則素積祭服朝服長袂侈袂如冕而服弁者通服元端焉端身四  
尺四寸袂亦四尺四寸故有端之名冠服則元端上士元裳中士黃  
裳下士雜裳前元後黃曰雜有鞶如裳之色帶佩有等黑履元冠深  
衣可也圭薦之而已既薦則共首非若後世執笏然笏則指於帶間  
亦不執也執笏自後周始非古也既又作子思像於中庸精舍孟子  
像於孟子墓廬以鄒魯聖人之居四方於此觀禮故刻之尼山以俟  
好禮者有取焉

張頤中庸精舍記 鄒人相傳孟子故宅在縣東隅其一前臨因利  
溝南揖文賢岡河川掩抱好事者築曝書臺其間則昔日固有廬舍  
又縣治東隙地今爲淫祠者舊名子思講堂謂孟子傳道於此按孟  
母三徙自墓而市自市而學宮旁此地母所徙邪孟子他日歸邪受  
學固當在魯豈子思子時至鄒邪歷世滋久文字不完傳信傳疑人  
心所鄉何如耳今千六百餘年矣邑人猶曰此故宅也此講堂也洞  
洞屬屬如將見之可不因人心所鄉以存其跡乎東陽司居敬來尹  
茲邑暨達魯花赤木忽難主簿兼尉趙國祥元貞元年復故宅遺址  
闢門修垣以表之爰寄講堂於曝書臺勝曰中庸精舍子思子南面  
孟子西鄉侍皆章甫元端危坐儼然昔日授受之容謂頤曰思孟往  
矣相傳之旨具在方冊子盍揭以示人副鄒人鄉慕之志頤謝曰何  
足以知之然當聞之先哲曾子事孔子於洙泗之間問答纖悉若禮  
記曾子問者多矣其爲學篤實切己惜乎嘉言善行不盡傳也孔子  
曰吾道一以貫之乃聖人傳心之要曾子一唯授之子思子思述之  
作中庸一篇首曰天命謂性即曾子所聞一貫者其書舉孔子誠者  
天之道之言以指全體自謂君子之道費而隱之言兼指體用子思  
親切爲人之意獨孟子得之其曰性善子思天命之謂其曰思誠子

思誠之之謂其曰萬物皆備於我反身而誠強恕而行則體用兼該  
至誠有誠之效與無息致曲者無以異授受之旨若合符契至於人  
心入路安宅正路四端四體乃其神會心得而知言養氣又身親實  
用其力者於是盡心知性以造其理存心養性以履其事知天而不  
以殀壽貳其心事天而能修身以俟死造詣於知之盡仁之至其用  
極於過化存神之妙故辨禹稷顏子曾子子思迹異而道同承禹抑  
洪水周公兼夷狄驅猛獸孔子成春秋繼名世者平治天下而不得  
辭也學者沉潛反覆於焉有得子思孟子言論常體諸身聖門之學  
未墜於地不能無望於今之升斯堂者或曰聖人之道乃夫人日用  
所當行如君臣父子夫婦長幼朋友是已今而高談性命乃淪於  
空虛而無實用邪是不然性者天賦於人物之理而誠則天理在我  
之實然者自得於天者言之則渾然一理及其散於萬事則物物一  
理人能窮是理知其皆本於天則知物物各有其則不容一毫之私  
閒乎其間是則子思之誠之孟子之思誠三綱五常之道胥此焉出  
豈釋老空談比邪周元公接孟子之傳通書四十章始之以誠繼而  
曰誠神幾自發微不可見以至於充周不可窮皆寂然不動者基之  
其旨微矣易曰窮理盡性以至於命斯道也伏羲以來聖聖相傳其  
在人心固無古今之殊也嗟夫子思孟子不可作也故宅講堂遺跡  
僅存縣學既建又立精舍以明斯道之所自有德於鄒人甚厚亦非  
私於鄒也千載之下必有來哲聞風興起如孟子稱百世之師而企  
慕乎親炙之者故因其迹而敘傳心之要云

又廟學記 孔子舊宅因廟建學昉於魏之黃初其間興廢不常有  
宋大中祥符三年殿中丞公自牧奏就廟側創學帝曰講學道義貴  
近廟庭當許於齊廡內說書乾興元年孫宣公守兗州於廟建學請  
以楊光輔爲講書奉禮郎始賜學田元祐四年尹復臻以文潞公存  
爲教授給田二十頃以贍生員選任教導其重如此要必以講六經

之道傳聖人心法爲職而小學之教節目纖悉宜有分任其事者考之碑刻則學正錄皆孔氏子孫爲之蓋當時乃教授自署毋亦選擇而使以寓激勵與抑因其親愛俾幼帥幼而入學者與金氏因之廩賜教育有加無替兵革以來他物未遑汲汲爲孔顏孟三氏擇師可謂知所本者而庶事將創規模未立暨予承乏謹復齊廳說書之舊夙興講經不敢一日廢而小學之教未有所託正錄既非所署懷微來者率皆受徒自養於分其任固不暇予幸逃源曠去任城楊君繼之而衍聖公始嗣世職司業楊君首以爲言五十四世思逮適得以孔氏子孫爲學正衍聖公遂付以入學之教凡席具器用廩食鹽無不畢給專一人掌之於是八歲以上者皆有教養得肆其業屬予在鄆思逮實來請記其事且問所以教之方古人有言在蚤喻教又曰少成若天性習貫如自然是故能言能食卽示以禮蓋幼稚之時其心未放則教易入筋骸易束德性易養也奈何爲人父者慮不及此慈以畜之不知養桐梓於拱把及其既長習與性成間有能稟志自立亦復扞格不勝勤苦難成論者常有今日乏材之歎豈天之降材爾殊也邪弟子職一篇猶存古者小學之意顧貴介子弟豈無僕役而必俾親其事非給事事而已持敬之方固從此入是以子夏以爲先傳程子亦曰灑掃應對是其然必有所以然又曰灑掃應對便是形而上者一本故也夫子教伯魚以學詩學禮欲其事理通達而心氣平和品節詳明而德性堅定抑子夏所謂孰後倦焉者是謂學之有成然行遠自邇登高自卑子夏所以分本末爲兩事蓋望學者合始卒而一致聖人之教不外乎此子思既沒二千年間能言能立世不乏人求其造詣蓋未見之入斯學者誠能從事於子夏之教伯魚之學以達乎子思廣大高明之極致庶有以慰衍聖公之望二君之所期亦予之喜談而樂道者也教授名演司業名桓衍聖公名治是爲五十三世孫也

王思誠子思書院學田記 鄒之中庸精舍卽沂國公授受故址而爲之者也元貞初邑尹司居敬始之大德間宋尹彰終之宋尹又首率好事者鳩楮幣二萬緡敷於邑大姓收其子以給祭若延師費延祐改元劉尹遵禮慮學無田非久長計始割楮幣一萬五百二十三緡買田一百八十五畝七分二年朝廷改爲子思書院設山長以司訓導曹尹彬又割楮幣七千四百二十五緡買田二百九十七畝募民耕佃之歲收其入以廩師生仍刻田之疆畔頃畝於石陰是後山長曹德輝卜習吉又相繼買田十有六券計八頃一十畝有奇泰定丙寅宣聖五十四代孫孔君思本來爲山長課講之暇召典者稽覈學費若田租之數悉名存實亡率爲豪右之所假貸洎黠民之所通負卽條列其主名復於有司上於襲慶府府移文憲司憲司符知滕州事曹鐸嚴督鄒之官吏立期以徵時監縣帖哥洎尹王思明簿鄭惟良典史岳珪相與協力辦集未幾追已完君又買田三券計一頃八十有九畝仍改募佃者以革其弊先是春秋祭沂國公割楮幣三百緡君以爲不足以備庶品迺援孟氏祠鄒國公例比十殺其二請春秋祭割楮幣八百緡朔望禮二百四十緡上於省部從之由是牲幣豐腆儀物畢備又慮其楮緡田畝久將湮昧也乃件其數之大總將勒諸石俾來者有所稽介友人泗水教諭李之質以記來請噲學之有田尙矣洪惟我國朝尊禮先聖先師崇學育才自京師至於郡邑莫不有學而學莫不有田皆爲奉祭祀廩師生也况鄒乃聖賢之鄉茲書院又淵源之地苟無田以贍給之可乎良令長既相繼築臺構室而崇修之賢士大夫復鳩貲買田以廩贍之孔君又前坵浣弊而更新之作非一人成者非一日厥惟艱哉抑繼自今凡宰邑者以司宋創始之志爲志庠序安有不興者邪職教者以孔君圖終之心爲心實業安有不殖者邪若乃侵假欺貸並緣爲市又豈望於後人者邪子既爲之記復書此於末俾來者知所警云





歐陽元撰勅賜曲阜孔廟田宅記 元統元年十二月二十五日。御史中丞臣亦憐真班臣祖常治書侍御史臣普化言於上曰臣等及御史大夫臣脫別台臣唐其勢議江南行臺接問江西僉憲任忙古台以墨坐沒入其私田八頃八十九畝屋二十有七間家奴若干人在鄆境者實邇曲阜孔子林廟方今聖天子師法孔子設經筵崇儒術我御史臺以興學宣化為職事顧孔廟歲入視前代猶儉春秋釋奠師生既稟時或不給請以今沒入產界孔氏襲封世業之其家奴俾籍於有司居所沒入居田所沒入田世服役孔氏為灑掃戶而輸其租制可明日臣唐其勢又自率其同列臣亦憐真班臣祖常臣普化等導意於內侍臣禿滿迭爾以啓皇太后於宮中出諭旨曰善一如皇帝制行之於是所司以產歸孔氏明年孔氏具牘來屬元文諸石仰惟皇元初得宋金郡邑校官田產無算悉以供其祭祀食其師生繕修其廟學其校官無田則以縣官緡錢充其用無禁有司不奉命則御史部使者察之其為尊崇孔聖之道非獨今日蓋嘗考之郢人書社七百里之事有無不必知尼谿之田齊遂以封一變而止魯哉此於世道有關聖人無與也今上富於春秋政事參決東朝居今之臣能言附益孔氏者皆引君當道之事也臺臣首陳經筵次表儒術豈有他哉兩宮俞旨聖志一揆兆足行矣漢初六經甫脫羸難高祖過魯之祠天下駭駭然望斯文之治史乃稱文景不右儒術以資后故咎豈在是哉濯絳東陽侯之屬有一人者如今臺臣謀豈必金石絲竹之音作而後不壞孔子宅以書還孔氏邪漢之諸臣功烈卑矣元故著之使來者知臺臣之意在是是議也侍御史臣朶列坦治書侍御史臣彝咸欣成之奏之日經歷臣禿滿都事臣張臣李臣李實從元統二年 月中順大夫簽太常禮儀院事臣歐陽元拜手稽首記。

周伯琦撰釋奠宣聖廟記 皇帝總宏綱新文治任賢使能發政施

仁率由成憲迺至元六年青龍庚辰夏五月幸上都百官分署以繼七月庚申太師中書右丞相監修國史知經筵事臣馬扎兒台平章政事知經筵事臣李羅臣汪家奴臣沙臘班中書參知政事知經筵事臣阿魯參議中書省事兼經筵參贊官臣李羅臣何廷蘭中書左司員外郎兼經筵參贊官臣悟良哈台左司都事兼經筵參贊官臣蠻子臣孔思立右司都事兼經筵參贊官臣蠻子等奏言曲阜林廟宣聖所生之地非他廟學比今議遣翰林修撰臣周伯琦馳驛奉香酒釋奠仲秋上丁甚稱崇報之意臣等謹以聞制可越四日癸亥上御龍光殿太府進香上手致敬大官出上尊四伯琦欽承以行八月乙酉至曲阜縣明日奉香酒至宣聖廟又明日丁亥祀用太平奏大成樂行三獻禮伯琦初獻同知濟寧路事家奴亞獻兗州知州馬從義終獻皆冠進賢冠服法服時宣聖五十五代孫曲阜縣尹克欽主祀事適秋亢旱省牲之夕陰雲四合甘澤沛若將事之晨天氣清朗月星明曜俎豆列禮備樂和祝官致告執事具虔薦饌興類悉中儀式竣事合孔顏孟三氏宗族弟子員暨郡邑官僚燕於東室咸北向載拜序飲上尊酒盡歡而罷竊惟吾夫子之道悠久無疆與天地同大日月並明故覆載無所不至照臨無所不及雖生不逢辰用不得位然明六藝作春秋以傳道統以建人極使彝倫敘品物亨政教明千萬世如一日者蓋自生民以來未有能肖之者矣是故有國有家者必以建學立師為先大用其道則大治小用其道則小康具在方策粲然可考惟闕里為聖人鄉國光嶽之靈冲和攸萃廟貌林墓在焉宗姓支裔守焉歷代報德報功之慎且重也宜矣皇元自受命以來廣養舍崇教育世封其大宗為衍聖公以奉祀事世任其小宗為曲阜尹以治其地置守廟戶復其家世祖成宗重初廟官武宗加號大成仁廟以來即位必遣使祭告厚有賜頒今上皇帝踐祚八年之中凡四遣使始命文臣以即位告又命五十四代孫監

察御史思立致祭以樹碑告且頒中統鈔二萬五千貫爲樹碑費而去年春及今年秋又兩致香酒釋奠上丁其欽崇美報之典於斯爲盛洙泗之間歲承天寵薄海內外咸知所向夫子之道將大用於今日聖君賢相都俞吁咈登三邁五黎民於變時雍顧不在茲乎猗歎隆哉伯琦弱冠嘗侍先君謁拜二十有三年矣乃今獲奉德音誕舉盛典何幸如之謹識其歲月以刻諸廟門之石

虞集撰尼山創建書院記 尼山去曲阜東南六十里今屬滕州縣在滕北百里鄉東六十里其山五峯列峙中峯則所謂尼邱啓聖王夫人顏氏所禱而生聖人者也山皆石其巔多蒼柏諸小木皆巨葉霜露既降絢如渥丹升降各途升之谷草木之葉皆上起降之谷草木之葉皆下垂無或交戾反刺者其東崖有洞曰坤靈之洞中有夫子石像臨水與顏母山對其北則防山夫子合葬其父母處也今書院在其中前有智源之溪後有中和之壑往昔奉尼山之神而祠曰毓聖侯其左有夫子之宮焉故宋慶歷癸未孔子四十六代孫襲文宣公知兗州仙源縣宗愿作新宮廟有殿有寢有講堂有學舍有祭田自是歷宋金至於今蓋三百餘年矣宮不知何年廢我國家奄有中夏尙崇孔子之道歲月浸久典禮斯備至順三年歲壬申五十四代孫襲封衍聖公思晦用林廟管勾簡實理言請復尼山祠廟置官師奉祠薦彭璠可用事聞中書送禮部議全章閣大學士康理公嚶慶時爲尙書力言事當行議上至元二年丙子中書左丞王公懋德率同列執政者白丞相置尼山書院以璠爲山長三年六月至官爰舍山中營場私築具羊豕爲酒告山之神召近鄉父老受神賜告以興廢之故明日鄉父老各以其人至遂除荆棘徹瓦礫得殿及門之故基諸舍之所在次第而見將告諸郡縣而經營之山東東西道肅政廉訪司寧夏楊公文言訥行部率其吏翟迪趙士恆郭敏趙茲山留璠舍一日顧瞻徘徊以其事爲己任命同知滕州事郝寶寶聞

價之首出俸以爲之先而監州李彥博鄒縣尹張士謙與郡邑之屬暨宗子孔克堅襲曲阜令克欽宗族子孫凡齊魯之境賢卿大夫士民之好事者出錢而勤成之擇木於山陶甃於野傭僦致遠牽車牛服力役連畛載途飲餉相望役大而民不知勞又得古殿遺構之成材於魯之故家尤稱巨麗不數月而大殿成殿門成毓聖侯之祠成學宮在廟之西倣國子監制也作觀川亭於坤靈洞之上相傳夫子之在川上蓋在此云繼以塑繪聖賢之象成樂器祭器以次第成置子弟員以凡民之子弟俊秀者充之皆復其身役乃以明年之上丁用太牢致祠告成噫其功可謂敏矣夫朝廷議定於上部使者有司宣力於下以克有成聖明在上文運宣通於斯可徵焉嗚呼古初開物天作茲山太和網緼元氣融結流形降神篤生夫子以立三極位天地育萬物與日月四時貫通於無窮若夫徂徠龜蒙至於岱宗兩露風霆往來復前瞻後際邈然高深詎可測哉運會有時事集新宇不日而成豈偶然與璠也得以前從事於茲日可謂榮矣集老且病舊學荒落僅克識其梗概如此若夫播爲聲詩歌頌功德式薦明廷勒之金石則有待於當今儒學之君子也哉

潘迪子思書院新廟記 宣聖五十三代孫子思書院山長渙持前國子生今嘉議大夫襲封衍聖公克堅書謂曩在膠庠獲親函丈比者有司新崇吾三葉祖沂國公廟煥然一新黼黻其事匪鉅筆恐弗稱敢載拜請迪固不肖然又以儒業長以儒行老以儒師孔氏徒也矧衍聖昔嘗執經成均安敢以不敏辭謹按渙狀鄒邑郭南之異隅舊宿傳疑爲沂國之故地或云邑東隙地乃子思講堂故基卽孟子幼被母訓三徙其側就學遺址元貞改元鄒尹司居敬卽其址構堂四楹曰中庸精舍扁以淵源中肖思孟燕居授容春秋朔望祀之大德閒宋尹彭因擴爲書院請額設官朝廷允之許立子思書院置山長一員職視大庠校官然地卑堂隘前弗盈再筵復濱因利溝歲



夏秋屢厄於水沮如弗能垣分憲按治至鄒睹其湫隘每命改築有司狃卑恬陋因循迄今東昌鄒彥禮由集賢掾來尹是邑以興學毓士爲急乃屬耆儒曰夫子之道微公其孰承孟子之學微公其孰啓三綱五常萬世弗紊公之德也率性修道首原天命公之功也前代爵以上公聖朝猶爲未稱爰加美號以旌厥實蓋不如是豈足以報德報功乎今祀遺像於陋室其爲弗欽莫大焉嘗尹與鄒之諸儒責查改築是圖僉曰尹有是志孰不悅從遂東舊堂十步當校官廳事南其地爽塏視故基崇五尺許尹乃首捐俸金大崇新廟輦土成基采石爲垣尹既倡首士民樂施者或輸幣帛或給菽粟藝者獻技力者效功凡木石瓦甃與夫工傭之僦直估加於時而人莫不競售爭趨惟恐後每溫言役民民忘厥勞間有惰功弗忍刑而人莫不忍服其爲廟三間簷四阿東西廣爲尺者二十有八南北深爲尺者二十有一崇視深有加資以丹碧輪奐炳耀中位沂國公以正南面師席左侍鄒國亞聖公端冕正笏儼然若生又建神門爲楹者四制與殿稱外樹櫺星以壯神宮宮牆之東南築堤防夾左以步計者六十有奇其廣六之一崇三尺五寸植柳以衛其岸自是泉水患息西起甬道六百步逮邑之南門通衢夏秋潦水民不病涉凡書院齋舍庖廚府藏頽圯弗支者悉撤而新之以正堂爲講所翼東西廂爲左右齋以故講堂泊兩齋館校官大集弟子肄業其中是役也經始於至正三年八月朔落成於是年十一月望甫及十旬大役迄工若匪鄒尹尊師重道廢寢忘食留意於斯奚克致此况其廉正有守朴實無華爲政而能急於所先以轉移風俗之機其過人遠矣苟不紀諸琬琰何以見書院興建顛末旌我賢尹拳拳息役之心乎迺既諾衍聖之請而又嘉山長克紹祖風鄒尹能舉其職可以述所聞以爲鄒人告嗚呼思孟距今殆將二千年矣遺址所在或遠或邇雖弗可必要之不出於鄒鄒人因遺跡而思其人思其人而慕其道屋而祀之

又請立學設官以淑其子弟豈非時雖有古今而道之在人心者初無古今邪道無古今敢以思孟之所以爲思孟者期於鄒人之子弟可乎近代立四大書院如白鹿嶽麓嵩陽睢陽者本欲講明道義使之通諸心有諸身迨其末流率皆徇乎俗學發策決科爲業殆失立書院之始計故先儒記之者每寓其譏惟我聖朝各處書院設置最廣若從祀十儒濂溪橫渠等以正學開羣蒙固無可疑如海津之類莫不援例設官雖增廣學校之美事然視是書院蓋不同科矣矧吾夫子之道如大明中天萬世攸仰子思子實得其家學而孟子又得其傳觀中庸孟子書則其道統紹前聖啓後學之功豈迪妄議所能軒輊哉學者苟能自下學之事龜勉弗怠以造上達之域則自戒懼慎獨以至於位育自盡心知性以至於知天不外是矣學者必欲扣其詳自有大賢之全書在又何俟迪言之贅今以往大夫士暨鄒之心亦知鄒尹能副聖朝褒崇之意以慰輿舉之心矣渙居師席丕隆祖業能馨厥德以淑諸生安知異日無傳道之人復見於傳道之邑乎若夫衍文藻志功名恐非迪之所冀衍聖能知愚志不遠數百里以斯文見屬是皆宜書

明張敏孔氏報本酬恩記 水之千流萬派也其出必有其源木之千柯萬葉也其生必有其本論水不求其源則無以知其流之所從來論木不求其本則無以知其幹之所從發故人之生也亦猶水之有其源木之有其本也苟不窮其源而推究之則何以知其宗派族屬之所來乎五十九代襲封衍聖公彥縉五十五代曲阜尹克中五十四代族長思楷一日同謂敏曰吾先世祖宗昭穆族屬甚衆傳至四十二代有祖諱光嗣者其室張氏世爲曲阜張陽里人時值五代四方弗靖有僞孔氏孔末者因世亂心生奸計意欲以僞繼真將吾孔氏子孫戕滅幾盡時光嗣祖任泗水令生四十三代祖仁玉在襁



祿中難興之日、光嗣被害、祖母張氏抱子仁玉逃依母氏、得免其難。孔氏之不絕者、如一髮千鈞、紅爐片雪、幾何而不為僞孔有也。吾祖仁玉母子雖脫巨害、向非外祖張溫保護、養安全其何有。今日乎。茲傳五十九代子孫族屬之盛、繩繩蟄蟄、皆吾外祖張氏之所賜也。何敢一日而忘耶。張氏子孫家在張陽者、至今猶稱為張溫焉。今雖優待其家、恐後世子孫或有遺忘、不能以禮相待、甚非報本酬恩之意。茲欲立石於張氏之塋、俾吾子子孫孫世加存撫、子蓋為我文之走也。幼讀聖人之書、老為聖門之教、意欲報本其道、無由曷敢以蕪陋辭。乃為之言曰：萬物本乎天、而人本乎祖、不有其先、孰開厥後。今聖公世尹族長、念水木本源之意、於外遠祖張氏之後、既以優加眷顧、而又憂後世或有遺忘、欲立石以紀其事、真可謂用意忠厚而不忘其本矣。世有借父糶鋤、慮有德色、母取箕帚、立而辭語、甚者視至親無異於路人。嗚呼豺獺、皆知報本、可以人而不如物乎。斯人睹此、寧不為之厚顏、刻之貞石、俾張氏世知二姓骨肉之親。

裴侃撰重建金絲堂記 闕庭有堂名金絲者、舊相傳也。按孔氏祖庭廣記載、圖經誌於大金世重修、闕庭始有其制、略無明文可考。堂在齊廳之北、家廟之南、廟庭之東、歷世更變、歲久傾圯、僅存遺址。宣德甲寅冬、工部亞卿江右吉之文、江周公忱以公務道經東魯、躬謁林廟、每事懇懇、致問禮也。因斯堂之未立、歉然為缺典、遂召匠計之、捐已俸資、資材於江南、得大木而喜、使人相地、廣袤是斷、是度、是尋、是尺、修之治之、水運以舟、陸輓以車、時議克合力相成之者、蘇州知府況侯鍾、通判邵侯謹也。材木既具、越明年季夏壬寅、日宣聖五十九代孫襲封衍聖公孔彥縉召役事興、工經營圖為安排、布置畢、以法落成。是年秋八月庚子朔也。堂高二尋、有二尺、由是制度宏雅、廉隅峻整、輪奐一新、卓越舊觀。會議復於櫺星門外西南隅、構屋三間、計十有二楹、為祇謁更衣所、名曰更衣亭。其用心可謂勤矣。嗟乎、

遵軌而修事、謂之址美、修事而有成、謂之合功、古之道也。今能址美矣、合功矣、是宜誌之。愚嘗聞載籍、當漢景帝時、魯共王好治宮室、毀孔子舊宅而欲廣之、升堂聞金石絲竹之聲、遂不敢壞。意今之家廟、即其舊宅歟。斯堂即共王聞金石絲竹之所歟。舉金絲而言、則八音在其中可知矣。且天地假風霆以彰厥威、聖人托音樂以著其靈。天地變態無常、而四時成其序、聖人神明不測、而萬世蒙其教。天地風雨霜露之類、無非教也。聖人禮樂刑政之屬、得非教乎。矧樂者又所以移風易俗、比物飾節、崇和順而親附於民、所以蕩滌邪穢、消融查滓、莫善於是。故聖人雖沒、而有不沒之神存焉。何也。道德也。禮樂也。與天地相為始終、為萬世生民之所仰賴焉。名堂之義、意有在也。後之登斯堂者、不金石而金石、不絲竹而絲竹、想聖人之靈而景仰於千萬載之下、斯堂亦與有助焉。

許彬子思書院記 魯之鄒邑孟子故宅之側、舊有子思書院、即當時思孟傳道之所。豈子思之鄒時所建邪。歷歲滋久、遺址僅存。貞元初、邑大夫司居敬徙置於孟子曝書臺西、與孟母斷機祠鄰。至正中、邑尹鄧彥禮孔之威復相繼修之。永樂初、邑令朱珪又徙置曝書臺東、與斷機祠相直。距今三十餘年、寢用圯壞。今邑者得滑臺房侯昂慨然有志乎聖賢之事、而以興舉廢墜為心、乃率僚屬出俸金、購材僦工、經營弗懈。木斷而已、不加雕牆、巧而已、不加飾、城階以石、霽窗以紙衣冠像設、儼然授受之容。其所以啓發乎後學者多矣。是工也、蓋經始乎正統己未之春、而落成乎明年之夏。噫、若侯者、其用心亦勤矣哉。工既成、會余以省親還寧陽、拜謁闕里、宣聖五十九代孫襲封衍聖公彥縉、五十八代孫曲阜知縣公鏗、五十五代孫三氏學錄克晏、謂余官翰林、以文字為職業、命紀其事、刻石以彰侯功。余惟崇儒重道、與廢補敝、乃長民者之首務。近時有司、迫於簿書期會、奔走奉承、且不暇、又孰能畱意於此哉。此侯之所以崇尚前賢、嘉惠後學、

異乎世之爲邑者遠矣。雖然思子道統之傳功德在天下燦若日星與天地相爲悠久其配享廟庭血食萬世固不係乎茲堂之成否而君子之爲政輕重緩急不忘所自者於此乎見矣。余故特書之將以愧夫世之仕者讀聖賢之書而忘其所自者也。重諸公之命書以傳焉。

劉健撰重修三氏學記 闕里三氏學建於宣聖廟之東南以教孔顏孟三氏子孫蓋因廟而設也。廟之建其來遠矣學則自宋大中祥符間始。考厥初止以教孔氏子孫其益以顏孟二氏蓋自元祐間始。我皇明有天下崇重文教洪武初始定學名爲孔顏孟三氏子孫教授司設教授學錄各一員學錄卽以孔氏子孫爲之然各子孫但令其讀書習禮不委以勾當公事。歷永樂洪熙宣德學徒日盛正統甲子始從其宗子之請命聽山東提學官考驗入試成化改元又命每三年擇其有學者一人貢入太學其優待先聖先賢之後良法美意至是無以加矣。然學之建也歲久不能無廢墜洪武永樂正統間屢加修葺由正統迄今爲歲既久頽廢日甚。兗州知府龔君弘以修舉之事告之巡撫山東副都御史何公鑑暨巡按監察御史劉公紳僉以爲然於是聚材庀工又擇屬官之勤敏者鮑恭幹祝簡俾董其役以次新之中爲明倫堂堂之後爲講堂讀書室其前爲東西齋齋之後爲諸生肄習之號舍學門故西向今易之南向復作中門又爲便門以通廟教授學錄各爲公廡講堂後之左右以楹計凡一百一十有奇外緣以崇垣規制煥然視其舊有加焉。龔君既以復於何公乃狀其事請予爲記。予惟天下之學自京師以及四方皆立廟以祀宣聖及其高第弟子自顏孟而下蓋因學而祀先聖先賢禮也。闕里先聖之故鄉有廟以祀而復因以設學教其子孫余於是知有天下國家者之心其所因雖不同而所欲以斯道造就人材則一而已矣。宣聖身斯道之寄而不得君師之位於當時故刪定六經垂示方

來實萬世斯道之宗主也。天下之士苟有聞道之念者孰不企而慕之。况爲之子孫生於其鄉猶有風流餘韻之可薰炙者乎。然欲企而慕之蓋有道焉。孔門之論學其言非一要其歸不過欲人明善以誠身修德以凝道爲其子孫者誠於是用力而有所不得不思不大過人矣。其或不此之務而第以文辭謀利祿若俗學然豈惟非余輩之所望竊恐世之英君誼主因廟設學之意亦不在乎此也。凡學之爲師與其諸生宜慎其所向哉。是爲記。

熊相奎文閣置書籍記 聖賢之道非言莫明聖賢之言非書莫載。天下之書亦多矣雖偏正純駁言人人殊要之明道則一而已。闕里爲杏壇遺址孔聖與諸賢傳道之所也。先在曲阜縣城外舊有奎文閣閣中之書天下莫備焉。正德辛未盜入山東焚毀殆盡守臣以聞上乃命遷縣於闕里築城而并包之又命禮部頒御書以賜崇儒重道可謂至矣。止於五經四書性理大全通鑑綱目者取諸言之正且純者其他不以與也。己卯相繼巡按首之闕里謁焉。衍聖孔公聞韶樂善好古導之以徧視諸勝卒登夫閣書不盈架問而知之歸以告巡撫都御史永平王公珣同寅平陸劉公紳餘姚陳公克宅三公曰是不可緩也任其責者非吾輩而誰乃求其目於提學副使江君潮凡若干冊屬其費於參議陳君黃僉事錢君宏黃君昭道王君億凡若干金。乃檄兗州府教授林馨市之於四方以庚辰九月至三氏學及縣學諸生皆動色相慶曰今而後吾無憂乎書憂夫讀之者有朱動耳知縣孔公統曰春秋大事必記茲非大事乎敢乞一言以垂諸後使後之有是責者見之儆不能以不新也缺不能以不補也使諸生常有所誦誦而玩索之於以博其聞見究其義理體之日用庶斯道常明於杏壇而吾黨之幸益大矣。予曰今天下之人知有君臣無父子焉夫婦長幼朋友焉而不至於昏焉瞶焉夷狄焉禽獸焉者聖賢之力也。若仕者爲聖賢之徒而食其力者尤多。今仕於聖賢之



鄉乃坐視其子孫之優秀罔知所以教之。不幾於忘本乎。是舉也。發之於子和之諸公。不約而同。蓋理之在人心。有同然者。自不容已也。或曰。書籍聖賢之糟粕耳。聖賢之後。自異於人。何待於誦法陳言。而後道可明邪。曰。孔子大聖。猶曰。我非生而知之者。好古敏以求之者。也。聖人不常出。乃以是而責其後。不幾於誣乎。若以爲糟粕者。則聖賢之逝久矣。後之人。有所持循。學聖賢焉。而企之者。不求於書。將惡求哉。或又曰。聖賢之道。經書備矣。諸子百家。果何爲者。乃求之以誤後生邪。曰。譬之道路。然經書大道也。諸子百家。特路之小者耳。然推其至。則皆有所通於行者。皆有所益。故裨官爾雅。古人亦所不廢。學者誠能博以求之。約以得之。篤以行之。則諸家之言。皆聖賢之羽翼也。聖賢之言。皆吾身之憑藉也。焉往而非益哉。此讀書之法也。亦聚書者之意也。諸士子其勉之哉。以無忝厥祖。

費宏城闕里記 新築闕里城。成衍聖公知德。謂茲舉爲國家盛事。不可使無聞於後也。以書來屬宏爲記。闕里與曲阜相去十里。故皆無城。而闕里尤爲孤曠。守望無所恃焉。正德辛未。盜入。竟以二月二十七日。破曲阜。焚官寺民居數百。虐殺所及。不崇朝。縣治爲墟。是夕移營犯闕里。秣馬於庭。汙書於池。雖廟宇林藪。幸而無虞。然族屬散走。神人震恐。岌岌乎危亦其矣。監司議遣兵四百來戍。賊眾我寡。又望風輒潰。於防禦固無濟也。維時。今按察使潘君珍。方以僉事按行東兗。謂縣廟必相須以守。盍卽廟爲城。而移縣附之。旬甫浹。遂疏於朝。會科道紀功茲土者。亦以爲請。下之司徒。司徒曰。是舉一而兩得。宜亟圖之。下之撫按。撫按合藩臬咸曰。境內之事。孰有重於是者。其何可緩。羣議既協。詔從之。爰命司空庀工。而令役焉。其基周八里三十六步。而益以負郭之田。其版築用丁夫萬人。而取諸農務之隙。其材用爲銀三萬五千八百餘兩。多出於諸司。罰鍰而復募高資好義者助之。經始於癸酉之秋七月。訖工於嘉靖壬午之春三月。視其外

則高墉深溝。與泰山沬泗映帶。而繁迴視其內。則廟貌公府。伉然中居。而縣治儒校行臺分司。以及市廛門巷。布環列雅足。以增宮牆之重。前此千百年之缺典。乃今始克舉之。後此千百年。而或有外侮焉。於是乎庶幾無患矣。夫恃而不備。君子以爲莠罪。故勇夫重閉。王公設險。概有不容已焉者也。而春秋書城築數十傳。乃謂凡志皆譏。蓋養民在愛其力。非時與制而輕用之。聖人於此。誠不能無慮焉。然事有至重且急。而關於天下之故。不可以勞民而但已者。故虎牢之城。以夷夏之防所當嚴也。則許之成周之城。以君臣之分所當正也。則善之。至若闕宮之復泮宮之修。以宗廟學校爲有國者所當先務。則又錄而不棄。是可以測聖人之深意矣。萬世而下。三綱敍正。而諸夏又安實惟夫子之道焉。是賴顧茲闕里。以廟則通祀之宗也。以學則立教之首也。因盜警而慎未然之防。卽城築以致尊崇之意。在今日惡得而緩。此諸臣之議。天子之詔。所以無悖於聖人之訓。而遂成千百年創建之功也。宏不佞。無能爲役。幸執筆從史氏後。於國之大事得述焉。故不辭而記之。當是時。與其議者。司徒則孫君文。司空則李君鏐。紀功則給事中柴君奇。御史吳君堂。巡撫都御史則今司空趙君璜。巡按御史則李君璣。在藩臬爲布政使。則今司徒秦君金。及按察使吳君學。參政孫君頌。副使王君金。參議閔君楷。僉事盛君儀。蔡君之。董其役者。則知府童旭。同知李鉞。知縣孔承夏。於法皆率聯得書者也。

殷士僖撰重修闕里林廟記 按闕里志。國朝詔修孔廟者屢矣。皆司空經畫。內帑給費。綱紀於撫臣。而董役者藩臬大夫也。役竣或遣輔臣來釋奠。告成事。御製碑記。昭示永久云。今天子中興。議禮制度尤重。先聖祀典。考定位號。更易像設。本隆啓毓。禮嚴配食。累代沿襲未安者。一朝咸正。罔缺倚與偉矣。顧曲阜林廟。距弘治修建且五十年。所入漸圯。敝弗稱瞻仰。屬國計未裕。有司不敢以聞。嘉靖壬子。御





史馮公薦命按東省首詣謁即慨然歎曰省方設教天子命御史意也矧茲地實教本邪御史於諸廢置得一切便宜從事至隆師重道之舉不知身任其責及時修飾而曰必廩縣官惡在宣德意也遂檄濟南府同知林君悅兗州府通判張君承敘推官盧君翰暨曲阜世尹孔君承業相與督視出貲贖羨戒徒農隙庀材鳩工興頤易板自殿寢樓廡齊開門宇垣屋碑亭及家廟祖林計三十有七所經始其年十月越癸丑六月訖工籌斷必堅丹堊有赫燦然就緒而馮公受代去矣明年御史雍公焯繼至樂踵前猷更議增飾凡昔之有待而未暇者畢力修舉罔不大備蓋自我皇上釐正祀典以來廟貌崇嚴林域改觀足稱維新之典實自茲始而不煩朝命不妨庶職役不告勞費不告侈倡始圖終後先相望皆前此未有也曩歲士儋奉使過濟南時林君爲余道之因借諸君子來徵文紀其事會余北上諾之未及爲也至是兗州守朱君應奎同知王君三接貽書京師復述後功申致前請夫御史代天子行郡國能仰承聖化敦崇教本郡邑庶僚又皆叶采勸功翕附恐後均之知務矣雖聖賢道德不視此加損而國家褒德右文之澤聖天子表章率作之效不益徵千載一時哉則夫由必世之仁適變道之會衍盛治無疆之休端在茲矣昔史遷適魯觀孔氏廟堂車服禮器諸生習禮其家低徊久之不能去獨以言六藝者所折衷也迺今道學大明丕隆文治刪述垂憲者不徒託諸空言遷誠躬睹斯盛當復何如哉余不敏謬從史氏後愧無以揚厲聖朝之化而闡明諸君子之功也聊爲大序其事以識歲月云李春芳撰重修先師廟記 隆慶三年闕里重修先師孔子廟成於時有事茲役者以書幣走京師請記於麗牲之碑先是嘉靖癸亥衍聖公尙賢以廟圯告撫臺張公鑑業行相度以財訖而止既巡撫姜公廷頤梁公夢龍巡按羅君鳳翔周君詠張君士佩與藩臬諸君協謀捐楮祠之香稅與司之贖銀得一千六百金其人役則用州縣過

更之卒而以兗州府通判許君際可董其役知府張君文淵時督視之經始已巳仲夏歲盡而訖工輪奐規撫視昔若增左布政姚君一元左參政吳君承燾副使吳君文華參議馮君謙皆協贊其成者也維先師生於尼山講學於泗上沒而葬於此先聖之沒弟子廬其冢上而不忍去魯人從而家者百餘室而魯世世相傳以歲時奉祠諸儒講禮鄉飲大射於其間漢高祖自淮南還過魯以太牢祠其後人主登封巡狩無不過而拜祠我太祖高皇帝龍興海內干戈未戢亟命遣祭紹封子孫修葺其祠宇列聖承統世世增修今天子踐祚之元年傳制遣官告祭車駕臨幸太學親釋奠命儒臣坐講賜行聖公及三氏子孫衣幣有差海內慕學之士喁喁向風孔子之道益以光大則今茲之舉固所以虔奉先師亦以宣明聖天子之德意誠不可以無紀夫今孔子之學徧天下而深山窮嶺皆知誦習其書其在天之靈無所不之也然孟子曰近聖人之居若此其甚荀子曰學莫便乎近其人蓋孔子沒千有餘年矣學者至觀其廟宇車服禮器諸生習禮其家有低徊而不能去者固以想像於遠不若景慕於近之爲切也諸君子宦於其鄉知飾其廟虔奉之矣其尙知所以學其道乎夫子之道非有遠於人也故其教人恆稱庸言庸德而性與天道子貢亦不可得而聞今之學者乃高談性命闊略躬行務虛名而鮮實際臨民立朝動多疵累遂致誹議叢興斥逐相繼甚之學士大夫且以學爲諱焉大學也者所以爲天地立心爲生民立命爲往聖繼絕學爲萬世開太平者也人不知學則施於喜怒哀樂必有不得其正而天地塞生民否絕學無由繼太平不可致矣可使之壞亂而不修哉鄒魯之士固習聞先聖之訓而吾黨莫不重而誦其詩讀其書乃或忽而不察游心高遠索之幽眇虛元反之於身或背而馳此豈特宮牆外望不幾操戈入室乎士誠不可不亟反之也予不佞請以是復諸君而因以告四方學者云

邵以仁聖蹟殿記 傳曰德厚者流光德薄者流卑余觀於孔子蓋厚德之至云固宜流光萬世與天地相無窮也然究其所以無窮者心也非迹也人之心以天地萬物爲體以生生不息爲用引之無始要之無終放之無涯卷之無倪廓微圓通靈明虛湛實生人之本千聖之基也顧其體至妙其用至神操而存之爲智爲賢舍而忘之爲愚爲不肖此危微精一之訓開萬世道統之源而孔子得統於堯舜以心也顏之克復曾之忠恕子思之慎獨孟子之求放心皆是也是孔子之所以法當時而傳後世者也如以迹而已耳則五老之降素王之稱近乎語神矣商羊指水萍實許霸近乎語怪矣乘田委吏不爲卑司寇攝相不爲尊誅少正卯墮邱費溝昭墓不爲專化中都卻萊夷歸三田不爲功行可於桓際可於靈公養於孝不爲細伐樹於宋見圍於匡絕糧於陳不爲困適齊適楚如衛如陳不爲徇見南子之公山往中牟不爲辱孔子何庸心於其間故善觀子者當識其所謂仁所謂一而孔子之聖在是求之克復忠恕慎獨求放心而學孔子在是舍是則迹矣夫孔子之迹孰有大於贊周易刪詩書修春秋定禮樂乎今觀易之時詩之性情書之中禮之敬樂之和春秋之經世固在吾心而出乎象數文辭之外也不求諸吾心六經何莫非迹邪孔身之經歷與其所不語者邪莊周之言曰孔子見老聃而陳六經聃曰先王之陳迹也子之所言猶迹也迹者履之所出迹豈履哉以迹觀孔子者可繹思已雖然孔子之迹可遂泯乎世惟豪傑之士無文王而興中人以下恆感發而動也以及門之賢如子貢之敏猶以言語求聖人况後世乎余不佞產於黔距孔子之邦八千餘里恨未由睹其宮牆辛卯冬奉簡命備兵東魯乃登杏壇涉洙泗徧觀宗廟之美願學之心寢寢然倍往昔今聖圖殿之建也無亦感發後人之意乎是舉也始於侍御何公出光成於縣尹孔君宏復余慮夫睹斯圖者執其迹而不思其所以迹也故因其徵文而作是說以予之

語云眾言淆亂折諸聖孔子曰遊於聖門難爲言余非有言也折諸孔子云爾

國朝俞允曾聖廟通記 至聖先師孔子廟在曲阜縣城中央即古闕里也殿九間高七丈八尺闊十有三丈五尺深八丈四尺宋徽宗崇寧元年詔名大成明弘治十六年重修前柱以石皆盤龍旁及後簷則石柱而鏤花中俱用楠木承塵四百八十有六俱錯金裝龍內外枋樑斗拱扉欄五色間金炳煥奪目瓦用綠琉璃而甃砌之石色與之同前爲露臺四繞石欄凡兩層左右及中陛各十二級夫子南面冕十二旒袞服十二章執鎮圭顏子曾子子思子孟子東西向十哲侍坐在四配之後俱九旒九章其塑像乃東魏興和二年兗州刺史李瑒所建而司寇石像則吳道子畫也神龕凡七西偏置今上所圍曲柄殿寢殿七間祀夫人元官氏高六丈四尺闊九丈五尺深五丈又後爲聖蹟殿七間規制如之壁上盡石刻凡百有二十歲

久多磨滅其猶著明者行教小影爲黎公端木子追寫晉顧愷之重摹宋孔瑀粉石凭几像一亦愷之作西向燕居像一吳道子筆東向像一宋米芾筆有贊詞最古渾正殿之前爲杏壇即講堂遺址漢明帝東巡過孔子宅御此說經後世因以爲壇重簷八角朱檻兩層祭時拜於其下左右爲兩廡連廊共百間東三十七間祀澹臺滅明以下先賢四十八位西三十七間祀宓不齊以下先賢四十八位其餘作神庫極北便門各一通焚帛所前大成門五間高二丈八尺闊六丈五尺深三丈五尺旁有掖門左曰金聲

皇上御製碑亭在其前右曰玉振金聲之左曰燕申門內爲詩禮堂五間孔氏諸儒習禮之所高二丈八尺闊七丈五尺深四丈二尺庭前有唐槐一株歲甲子

聖駕臨幸進講其中御書萬世師表及



親製五言律詩石刻存焉。東偏禮器庫後爲魯壁乃夫子故居即魯恭王聞樂處。古建堂於此名金絲明弘治開重修遷而西故井猶存泓然可愛。再後爲家廟五開高三丈闊七丈二尺深三丈六尺祀先聖二世三世及中興祖考妣一積如家禮制又其後爲神庖祭時宰犧牲之所。玉振之右曰啓聖門內爲金絲堂高廣與東同樂器貯焉祭前三日亦於此演樂。今開館纂修。

幸魯盛典後爲啓聖殿五開制若家廟祀啓聖公有像以杞國公萊蕪侯泗水侯邾國公配永年伯程氏齊國公朱氏蔡氏周氏從祀。再後爲寢殿三開祀夫人顏氏又其後爲神廚祭時潔粢盛之所。大成門之前列唐宋金元碑亭四我。

朝道祭碑亭二舊有居仁由義二門今圯東向者曰毓粹門傍有面南小門則夫子故宅門也。西向者曰觀德門前爲奎文閣七開三簾高七丈四尺闊九丈深五丈藏古書史設典籍一員司之。閣傍掖門各三開東樹洪武成化碑亭又東爲衍聖公齊宿所西樹永樂弘治碑亭又西爲有司齊宿所圯前爲參同門五開漢魏齊隋唐碑在焉。又前爲大中門五開高二丈四尺闊六丈四尺東西掖門各一又前爲二門五開高一丈七尺闊五丈四尺深二丈八尺東西掖門亦各一門之前石橋三跨壁水繞以石欄東向門三開曰快睹西向門三開曰仰高大門五開皆圓洞如城門石坊二在其外一刻宣聖廟一刻太和元氣四字。左德侔天地坊東向右道冠古今坊西向。前爲橋星門左右立下馬牌凡有壇壝而無宮室則設橋星門以爲闕義取乎疏通也。聖廟亦設是者所以尊夫子同天地也。統廟之址南北四百四十步東西七十七步其題額則大成殿爲宋政和元年御書大中門乃仁宗所頒飛白體惟萬世師表四字尙皇典麗燦若日星我皇上親灑宸翰而行聖公孔毓圻既勒諸石復鉤摹而懸於殿端誠千古之巨觀也。康熙二十六年夏六月謹記。

六十八代衍聖公重修宰子墓記 嘗考仙源舊志齊公宰子我有墓在東關外歲久荒蕪莫可得而指也。其後人遷居齊河祭掃闕焉余嘗閱其家譜曰防西志者所述生卒葬地頗詳核之與邑志無異云今出東關二里許舊城之西有家冢然無碑碣姓氏人莫敢定爲公墓相傳明季賊蹂魯境盜發此冢未及擴陰火大出賊皆驚怖卻走不十步首謀者殲焉嗣後莫之敢動嗚呼秦漢以後貴官畸人生有聞於世者坏土所在其精神皆能自爲護持以傳不朽况聖門之彥乎草竊荏苒安得而窺其寢室也。然猶未敢定爲公墓又數十年耕人得斷碣於土中題曰齊公宰子墓而後乃知真公墓矣。余惟賢哲所在百世景行孟子稱公智足以知聖人其靈必能以待後世而一家之外皆爲耕犁樵斧所侵而莫禁非所以崇先賢表古跡也謹倡議擴其傍地若干畝爲之塋域外又置若干畝以供春秋牲醴之資永除租賦立石以表識焉又爲置墓戶二丁田繼英田繼先除其役以專守焉嗟乎公位登十哲爵列土茅墓田所在與聖林密邇然數千載若信若疑荆棘不剪而必有待於今日者亦足徵歷久彌光抑吾道顯晦之有時也已。是爲記。

陳邦彥撰重浚洙水記 記浚洙嘉復古也。古者史官於城郭川渠之興築必謹書之而能復前績使無墮廢尤尙其功往往以爲美談東漢時復鴻卻陂晉復南陽陂唐丹陽刺史復練湖長安復樊惠渠皆志在簡牒播乎碑頌班然可考至今猶傳焉洙爲水著名春秋今之曲阜禹貢徐州也書稱沂泗未嘗及洙然曾子語子夏事夫子於洙泗之間傳又言孔子葬魯城北泗水上洙濱帶其旁則靈源無窮宜與天地共長久矣。自孔子去今時幾二千三百餘載洙之經流屢亦改開舊有浚而復之者其遺碑尙存而文字荒涼半就磨滅蓋欲稽其歲月而歎其不可復識也。乾隆八年冬孔子之裔孫有繼汾繼洙者起而慨然規復其舊於是鳩工徒具畚鍤率作興事經營具周



載疏載導長流遂通泱泱瀾瀾浮碧含秀映列楮之廣林抱藏璜之  
阜壤合沂入泗故道是循功既成則以書來告子曰洙之濬於前而  
復墮於後不知幾何時惟是先聖生平之所遊彈琴講道朝夕乎是  
不敢聽其圯閉以湮鬱於廢陸也幸得修而復之思有以示後來者  
俾無墜其事則請爲文以記之夫古今貿遷無常而川流之移徙尤  
甚方在漢時去古未遠耳然九河已失其處或且逸其名禹所治三  
江前宋元嘉中早就壅塞而卒不可復洙之爲水不與淄濰汶泗稱  
望青徐間然學士大夫羣相仰而知其所則非以孔子之故邪其壅  
而當復復之而欲其終古如此也雖不必孔子之世人且願爲之而  
况其爲孔氏之子孫者邪爲孔氏之子孫復之斯有嘉績焉抑吾聞  
汾與洙之爲之也本以其太夫人之申命則又其賢也乃書之使刻  
於石以示永久是役也計金三千有奇其所濬長徑八里廣深各三  
丈云。

闕里文獻考卷三十四終

闕里文獻考卷三十五  
藝文第十二之四

序

宋宋咸注孔叢子序 孔叢子者乃孔子八世孫鮒字子魚仕陳勝爲博士以言不見用託目疾而退論集先君仲尼子思子上子高子順之言及己之事凡二十一篇爲六卷名之曰孔叢子蓋言有善而叢聚之也至漢孝武朝太常孔臧又以其所爲賦與書謂之連叢上下篇爲一卷附之於末然士大夫號藏書者所得本皆亥魚魯不堪其讀臣凡百購求以損益補竄近始完集然有語或淺固弗極於道疑後人增益乃悉誅去義例繁猥隨亦刪定因念彼鬼谷尉繚康桑靈真浮夸江洋之說尙且命氏於世矧是書所載皆先聖之言三代之術六藝之要在焉非諸子之流也又可泯而不稱邪故敢具所以然注而示諸學者云

四十六代孫宗翰家譜序 家譜之法世敍承襲封一人而已疎略之弊識者痛之蓋先聖之沒於今千五百餘年宗族賢俊苟非見於史冊卽後世泯然不聞是可痛也如太常諱誠臨淮太守諱安國丞相諱光北海相諱融蘭臺令史諱偉議郎諱昱纔十數人非見漢史者不復知矣魏晉而下逮於隋唐見紀者止百餘人按議郎本傳云自霸至昱七世之內爵位相係卿相收守五十三人列侯七人今考於傳記乃知所遺之多也宗翰假守豫章恩除魯郡將歸之日遽以舊譜命工鏤板用廣流傳或須講求以俟他日

四十七代孫傳祖庭雜記序 先聖沒逮今一千五百餘年傳世五十或問其姓則內求而不得或審其家則舌舉而不下爲之後者得無媿乎傳竊嘗推原譜牒參考載籍則知鄭有孔張出於子孔衛有孔達出於姬姓蓋本非子氏之後而徙居於魯者皆非吾族若乃歷代褒崇之典累朝班賚之恩不可枚舉以至驗祖塋之遺書訪闕里

之陳迹荒墟廢址淪沒於春蕪秋草之中魯尙多有故老世世傳之將使聞見之所未嘗及者如接於耳目之近於是纂其軼事綴所舊聞題曰孔氏祖庭雜記好古君子得以觀覽焉

元張頌釋奠儀注序 禮曰皮弁祭菜示敬道也禮書殘缺釋奠釋菜名義徒存儀文無可考者唐開元禮彷彿儀禮饋食篇節文爲詳朱文公謂政和新儀差錯獨於開元禮有取申明至於再三竟格不下身沒之後郡邑倣而行之能通其義者少矣中原文物肇開四方取則舍魯奚適闕里昔惟兵革宮室荆榛蓋三十年牲殺器皿衣服不備勢使然也而儀章度數固多可議者象設非古也開元禮猶云設席是無象也高臺巍坐而席地之禮不可見帶劍秦漢冠服之飾也開元禮朝會猶有解劍之席冕服挾劍未之有聞二者之失所從來久矣神位西坐東向戶位也配位東坐西向主人位也自尸禮廢禮家謂自內出者無匹不行自外至者無主不止故立神以配而爲主焉開元以後遷神位南面配位猶故也進顏孟南向參列如浮屠老子之宮者孔氏祖庭廣記謂金大定十四年所行何所稽乎楹間兩階五齊三酒以四代之器爲備物之享也列數瓦缶果何爲說尸尊不就洗禮也登饗爵於牀洗者以尸尊自居犧象不錯諸地主人逐不坐賓爵亦其矣幣之未薦賓諸神位之左示不敢褻陳之階凡與主人俱升則不嚴矣蓋事由草創未之講也予典教於茲思有以正之顧不學雜服不能安禮而雖善無徵無徵不信乃取宋文公所考訂自儀禮開元禮而下裒爲一編命學徒肄習且與講說義數使之入耳著心既知義理之安將不期改而自改并附社稷風雲雷雨之祀庶幾好禮者有取焉抑禮有本有文是書所載文也習禮之士因文而究其本知交於神明者不徒籩豆之事微之顯誠之不可掩也如此則可謂知禮矣若夫器樂冠服之度則又博採諸家之說從其是者訂其失者與此編并藏俾孔氏後來之文獻有足徵云



儒藏

明李東陽重修闕里廟圖序 闕里孔廟之重建也其經費所出爲竹木之稅舟船之稅麥絲之稅及公帑之藏其名物之籍木則市之楚蜀諸境石則取之鄒泗諸山槓斲鉛鐵則官爲之陶冶丹堊髹綵則集之於商賈削擗雕琢繪飾之工則徵之京畿及藩府之良者而夫役則雇之民閒而官與之直若食焉巡撫之官始則都御史何公鑑巡按若御史高君崇熙布政若王君沂按察則陳君璧督工之官則參議程君愈僉事李君宗泗其後皆更代不恆至都御史徐公源御史陳君燾僉事黃君繡而以成告廟之制中爲大成殿十楹崇八丈遂有奇廣倍其半爲左右廡百餘楹後爲寢殿八楹前爲杏壇又前爲奎文閣楹視寢殿崇略與殿等又前爲門四重中爲橋三殿之左爲家廟後爲神廚前爲詩禮堂爲神庫又前爲燕申門殿之右爲啓聖王殿後爲寢前爲金絲堂又前爲啓聖門前左右爲齋室室之外爲快睹仰高二門與觀德毓粹二門而四又左右爲鐘鼓樓與角樓而六閣之前後爲碑亭各四前四亭則本朝御製而祝勅諸文皆附焉惟壇及樓及中門仍舊自餘或創或益並從新制材幹堅厚構締完整象設端偉繪飾華煥悉臻其極蓋一代之盛典天下之大觀皆備於此是李君所經畫而黃君實成之工始於弘治庚申之二月落成於甲子之正月始建之命衍聖公宏泰入謝於朝而不及其落成之告今衍聖公聞韶已嗣爵御史陸君偁盧君翊及布政曹君元接察戈君瑄等皆來會齊祭既畢達觀於新廟東陽乃前揖徐公曰是惟都憲之賢令行事集以成此功也又揖黃君而前曰是惟僉憲之達於政勤於所事夙夜匪懈以有此功也皆遜弗敢居又揖衍聖公而進之曰此惟先師道德之深澤聖天子崇儒重道之盛心更新闢遠方始自今日而式克承之尙慎守祗奉以無負於吾君無忝於爾所生也聞韶曰敢不於斯言是圖東陽既紀祀事黃君將爲圖圖別勒於石以示久遠因復爲序之而藩憲郡縣及凡有事於廟

者則書其名氏於後云  
又闕里志序 闕里志闕里也闕里者吾孔子所居之地道德政教之所從出文獻之所在其志之也固宜古者有列國之史而又有四方之志九邱之籍至周猶存爲外史所掌孔子述職方以除之者大抵皆是物也封建既廢史惟朝廷有之至漢而備其法有帝紀有世家年表有傳有志事分而代輯及東漢南陽撰作風俗之後郡縣始各自爲志則兼地理人物文章制度而有之而史之法略具蓋雖窮陬僻壤或不能無况吾孔子以教爲政司馬遷之史特著世家商於有國歷代帝王褒崇封諡愈久愈隆其鍾靈毓聖之地非一郡一縣比也宋元閒族人宗翰輩閒有紀述久而弗傳國朝成化末今山東布政使張君泰知鄒縣嘗輯孔顏孟三氏志其傳未廣也弘治甲子重建闕里孔廟成東陽奉勅代告周覽遐慕欲爲一書巡撫都御史徐公源及衍聖公聞韶力贊其議比歸至德州巡按御史陸君偁盧君翊及布政使曹君元等各以書請適聞提學副使陳君鎬有事於此因舉以屬之取所凡例稍加潤飾且以孔氏實錄孔庭纂要素王事紀世家補鈔本致之以備採擇陳君乃參閱孔氏所藏祖庭廣記與凡遺碑斷刻諸書所載踰年而後成其法以闕里爲主附顏孟諸弟子之名氏事行而體統尊羣先聖肖像及地形廟制而圖像著述世家宗派特爲世表而譜系明敘禮樂制度之沿革損益而典式具若詔誥勅祝之頒布章牘箋表文移之出納往復罔不備載而闕疑訂舛芟煩別僞惟其所當凡爲卷十有三爲目十有四爲文累千萬言於我國朝之尊師重道度越千古者燦然大明於世亦孔氏之家史也蓋有此地必有此書關於二千年而成於一旦不可謂不難矣天下之學聖人者讀其書法其道想像其儀容而不可得見至其宅里林廟必惕然感之乎心雖殊方而產限地以遊固有終老而莫自遂者冀瞻見堯河洛思禹得是書而觀之景行希聖之念不油然而



而興乎。嗟夫金石雖堅不免磨滅斷裂之患。板鐫楮印遞相禪續則可以至於無窮。由今日以至於無窮者必自是書始。故以徐公之意爲序。適僉事黃君繡歸自京師。因畀之俾刻於關里。置於所謂奎文閣者。御史金君洪繼按其地。於是書有力焉。故并書之。而徐黃修建之蹟具在志中。茲不復列云。

錢啓忠謁文廟序 錢子按竟入曲阜親炙關里謁聖畢瞻忭有加於曩時。四氏子矜威集進講君子三樂章。暨時習章顏氏子簞瓢章。錢子曰。三書皆以樂著。義淺深亦有辯乎。諸子曰。未辯有淺深也。錢子曰。然。雖然。諸子習其器矣。殆未得其數乎。夫比竹成樂。響一而音殊。函鼎成調。味齊而饌異。請稽其方。夫朋來之樂。雅不改之樂。超君子之樂。暢何以言之。朋友者。吾人之性命也。斯文千古知己一堂。攝以威儀。令德來教。似此之樂。不亦雅乎。簞瓢陋巷。亦非離境。亦非卽境。分明香在梅花上。尋到梅花香。又無似此之樂。不亦超乎。父母兄弟其樂也。天教育英才。其樂也。人君子不愧不作之身。俯仰於閒融融焉。洩焉。上下與天地同流。似此云樂。不己暢乎。於是諸子嗒然相視而樂。錢子曰。若既得其數矣。亦更遇其神乎。夫能以朋來樂者。能不改其樂者也。故曰。人不知而不愠。窮居不改其樂者。大行不增其樂也。故王天下不與存焉。子有言。吾道一以貫之。曾子曰。唯然則顏氏之子。其殆庶幾乎。曾氏之子。其殆庶幾乎。子思之作中庸。孟子之撰七篇。其揆一也。其樂一也。於是諸子樂其節詩而誦之。其辭曰。君子至止。爲龍爲光。德音不忘。其樂未央。錢子曰。可以志樂。援筆而書之。仍賦關雎而退。

國朝六十七代孫毓廷述聖圖序 惟千聖之道大備於我聖祖。而我三世述聖祖。因以中庸之書闡性教發誠明。由夫婦造端。以底至誠至聖功。極乎位育參贊道。歸於無聲無臭。使聖祖未發之旨如揭日月而行江河。豈非聖聖繼承相得益彰哉。是以歷代崇儒重道之

君特建元公以主杏壇之嚮。復設博士以主中庸書院之祀。至我朝而優禮有加。薪傳勿替。煌哉鉅典。誠子孫世世永賴者也。堪以己未歲襲五經博士自顧幼冲學識未廣夙夜兢兢惟恐墜前人之業。每於披覽墳籍時取述聖圖一冊薰置上座亦謂對越祖先則非聖之書不敢讀。非聖之言不敢言。庶幾乎克念吾祖而無忘也。然此圖始於我先宮傳對賓公迄今五十餘年矣。黎齋蠹蝕筆書漫漶賢親之謂何其聽之也。用是重選妙手依舊臨摹而授之梓人。雖不敢謂報祖功而酬宗德者卽在乎是。但我三世祖闡揚中道之蹟燦若日星。子小子遠繼近求之私。或借此以告一端云爾。

宋歐陽修後漢魯相置孔子廟卒史碑跋 右漢魯相置孔子廟卒史碑。云司徒臣雄司空臣戒稽首言。魯前相瑛書言。詔書崇聖道孔子作春秋制孝經演易繫辭經緯天地故特立廟。褒成侯四時來祠事已卽去。廟有禮器無常人掌領。請置百石卒史一人典主守廟。謹問太常祠曹掾馮牟。史郭元辭對故事。辟雍祠先聖太宰太祝各一人備爵太常丞監祠河南尹給牛羊豕犬司農給米。臣愚以爲如瑛言可許。臣雄臣戒愚戇誠惶誠恐頓首頓首。死罪死罪。臣稽首以聞。制曰可。按漢書元嘉元年吳雄爲司徒二年趙戒爲司空卽此云臣雄臣戒是也。魯相瑛者據碑言姓乙字仲卿。漢碑在者多磨滅此幸完可讀。錄之以見漢制三公奏事如此。與羣臣上尙書者小異也。又見漢祠孔子其禮如此。

又後漢修孔子廟器碑跋 右漢韓明府修孔子廟器碑云。永壽二年青龍在涪灘霜月之靈皇極之日。永壽桓帝年號也。按爾雅云歲在申曰涪灘。桓帝永興三年正月戊申大赦改元永壽。明年丙申曰歲在涪灘是矣。云霜月之靈皇極之日莫曉其義疑是九月五日。前漢文章之盛庶幾三代之純深自建武以後頓爾衰薄。崔蔡之徒擅



名當世。然其筆力辭氣非出自自然。與夫揚馬之言醇醜異味矣。及其末也。不勝其弊。霜月皇極。是何等語。韓明府者。名勅。字叔節。前世見於史傳。未有名勅者。豈是余學之不博乎。春秋左氏傳載古人命名之說。不以爲名者頗多。故以勅爲名者少也。

又後漢魯相晨孔子廟碑跋 右漢魯相上尚書章其略云。建寧二年三月癸卯朔七日己酉。魯相臣晨長史臣謙頓首死罪。上尚書。臣晨頓首頓首死罪死罪。臣以元年到官。行秋饗飲酒。泮宮復禮。孔子宅而無公出酒脯之祠。臣輒依社稷山王家穀春秋行禮。建寧靈帝年號也。於此見漢制天子之尊。其辭稱頓首死罪。而不敢斥至尊。因尚書以致達而已。余家集錄漢碑頗多。亦有奏章。患其磨滅。獨斯碑首尾完備。可見當時之制也。又云。孔子乾坤所挺。西狩獲麟。爲漢制作。故孝經援神契曰。元口先聖制命帝卯行。又尚書考靈耀曰。口先聖生蒼際。屬期稽度。爲赤制。雖緯不經。不待論而可知。甚矣漢儒之狹陋也。孔子作春秋。豈區區爲漢而已哉。

又魯孔子廟碑跋 右魯孔子廟碑。後魏北齊時書。多若此筆畫。不甚佳。然亦不俗。而往往相類。疑其一時所尚。當自有法。又其點畫多異。故錄之以備廣覽。

又泰山都尉孔君碑跋 右漢泰山都尉孔君碑。云君諱宙。字季將。孔子十九世之孫也。年六十一。延熹四年正月乙未。以疾卒。其序官閱甚簡。又或殘滅不完。但見其舉孝廉爲郎。遷元城令。遂爲泰山都尉。爾其辭有云。躬忠恕以及人。兼禹湯之罪己。宙人臣而引禹湯以爲比。在今人於文爲不類。蓋漢世近古。質猶如此也。

又碑陰題名跋 右漢孔宙碑陰題名。漢世公卿多自教授聚徒。常數百人。其親授業者爲弟子。轉相傳授者爲門生。今宙碑殘缺。其姓名邑里僅可見者。纔六十二人。其稱弟子者十八人。門生者四十三人。故吏者八人。故民者一人。宙孔子十九世孫爲泰山都尉。自有錄。

又孔德讓碑跋 右漢孔德讓碑。蓋其名已磨滅。但云字德讓者。宣尼公二十世孫都尉君之子也。仕歷郡諸曹史。年卅四。永興二年七月。遭疾不祿。碑在今兗州孔子墓林中。永興孝桓帝年號也。其人早卒。無事蹟可考。余集錄所藏孔林中漢碑。最後得此。遂無遺者。蓋以其文字簡少。無事實。故世人遺而不取。獨余家有之也。按碑陰有孔氏世系。與都尉碑同在。廟中同文。門下。有刻碑。雖殘缺。文猶可辨。曰。附錄於此。傳本此碑。磨滅不存。一字幸得。此碑猶知其歷代生卒之大略也。

趙明誠漢博陵太守孔彪碑跋 右漢博陵太守孔彪碑。歐陽公集古錄云。孔君碑者。其名字磨滅不可見。而世次官闕粗可考。云孔子十九代孫。潁川君之元子也。舉孝廉。除郎中。博昌長。拜尚書侍郎。治書御史。博陵太守。遷下邳。相河東太守。建寧四年十月卒。其終始略可見。惟其名字皆亡。爲可惜也。今此碑雖殘缺。而名字尙完。可識云君諱彪。字元上。又韓府君孔子廟碑陰載當時出錢人名。亦有尙書侍郎孔彪。元上。與此書正同。惟孔君自博陵再遷爲河東太守。而碑額題故博陵太守孔府君碑。漢人多如此。然莫曉其何謂也。

洪适魏梁鵠書修孔子廟碑跋 右魯孔子廟之碑。篆額嘉祐中郡守張稚圭按圖經題曰。魏陳思王曹植詞梁鵠書。魏志黃初二年正月。詔以議郎孔羨爲宗聖侯。奉孔子祀。令魯郡修起舊廟。置吏卒守衛。碑云元年而史作二年。誤也。後漢孔僖傳注以羨爲宗聖侯。亦誤也。文帝履位之初。首能尊崇先聖。刊寫琬琰。知所本矣。使其味素王之言。行六經之道。則豈止鼎峙之業而已哉。魏隸可珍者四碑。此爲之冠。甚有石經論語筆法。大體蓋不相遠。若繁昌兩碑。則自是一家。亦有以爲鵠書。非也。

明楊士奇百石卒史碑跋 右漢魯相置孔子廟堂禮器卒史碑。順帝時所立。在曲阜。余得之陳思孝堂禮器卒史。必選四十以上。經通一藝。雜試能奉引先聖之禮。爲宗所歸者。見古人慎重如此也。王世貞唐張庭珪書夫子廟碑跋 夫子廟碑。爲渝州刺史李邕撰。

宋州刺史張庭珪書。豈語亦似知尊夫子者。第任書可耳。不當還任文也。庭珪官至太子詹事。著直聲家藏二王墨蹟甚夥。書小史謂。豈所撰碑碣。必請庭珪書。此亦其證也。第所謂古木崩沙。間花映竹者。尚未盡其致耳。

國朝朱彝尊百石卒史碑跋。魯相乙瑛以孔子廟在闕里。襄成侯四時來祠。事已即去。廟有禮器。無常人掌領。請置百石卒史一人。典主守廟。元嘉三年。司徒吳雄司空趙瑗聞於朝。詔如瑛言。選年四十以上。經通一藝者。乃舉文學掾孔穌任之。按漢書儒林傳。郡國置五經百石卒史。臣瓚以爲卒史秩百石者。劉昭注續漢書百官志。引應劭漢官儀。河南尹百石卒史二百五十人。黃霸傳補左馮翊二百石卒史。蓋秩有不同。故舉石之多寡別之。今本杜佑通典乃謂百石卒史爲百戶吏卒。我聞在昔有釋戰國策音義者。更雞口作雞尸。貽笑藝苑。以百石爲百戶。是雞尸之類也。

又孔宙碑跋。漢泰山都尉孔宙碑在曲阜縣孔子廟庭。太中大夫融之父也。裴松之注魏志引司馬彪續漢書亦作宙。又韓勅碑陰出私錢數列郎中魯孔宙。季將干當以碑爲據。而後漢書融列傳作仲。考宙卒於靈帝熹平四年。而由於獻帝初平元年拜豫州刺史。籍本陳留字公緒。別是一人。竊疑范史不應紕繆若是。或發雕時爲妄人所更。後學遂信而不疑也。

又孔彪碑跋。右漢博陵太守孔彪碑。曲阜石闕多置孔子廟庭。獨此碑在林中。歐陽子集古錄第云。孔君碑。惜其名字皆亡。趙明誠以爲碑雖殘缺。名字可識。諱彪。字元上。證以韓勅史晨二碑。率錢人姓名。是本義見之。於宛平孫侍郎宅。文愈斷爛。諱及字形模尙存。乃引治中修闕里志。改彪爲震。都少卿穆遂謂撰志者遺之。不知震卽彪字之誤也。孫氏所藏漢隸約三十餘種。尙有張表衡方夏承王純侯成戚伯著諸碑。皆宋時拓本。今盡散佚。睹此如覩故人。又絕類郃陽。

令曹全筆法。此正永叔所云碑石不完者。則其字尤佳。旨哉言也。又封宗聖侯碑跋。右魏封孔羨碑。在今闕里孔子廟庭。相傳其文爲陳思王植所作。而梁鵠書之。著於圖經。假有好事者采之。入思王集。其誰曰不宜。鄱陽洪氏以是碑文稱黃初元年。而魏志作二年正月。詔以議郎孔羨爲宗聖侯。奉孔子祀。謂誤在史。考魏王受禪在漢延康元年十一月。旣升壇卽作事。訖改延康爲黃初。而碑辭敘黃初元年。大魏受命。應歷數以改物。秩羣祀於無文。旣乃緝熙聖緒。昭顯上世。追存二代三恪之禮。兼紹宣尼褒成之後。以縣百戶。命孔子廿一世孫漢爲宗聖侯。制詔三公云云。原受禪之始。歲且將終。碑有旣乃之文。則下詔在明年正月。史未必誤。若章懷太子注孔僖傳以宗聖爲崇聖。斯則誤矣。

闕里文獻考卷三十五終





校記

①嘉祐：宋洪适《隸釋》卷一九《魏修孔子廟碑》亦作「嘉祐」。按，曹魏年號無作「嘉祐」者，疑誤。

關里文獻考卷三十六

藝文第十二之五

論

宋蘇軾孔子論 魯定公十三年孔子言於公曰臣無藏甲大夫無百雉之城使仲由爲季氏宰將墮三都於是叔孫氏先墮邱季氏將墮費公山弗狃叔孫輒率費人襲公公與三子入於季氏之宮孔子命申句須繁頃下伐之費人北二子奔齊遂墮費將墮成公欲處父以成叛公圍成弗克或曰殆哉孔子之爲政也亦危而難成矣孔融曰古者王畿千里寰內不以封建諸侯曹操疑其論建漸廣遂殺融融特言之耳安能爲哉操以爲天子有千里之畿將不利已故殺之不旋踵季氏親逐昭公公死於外從公者皆不敢入雖子家驥亦亡季氏之忌克忤害如此雖地勢不及曹氏然君臣相猜蓋不減操也孔子安能以是時墮其名都而出其藏甲也哉考於春秋方是時三桓雖若不悅然莫能違孔子也爲孔子用事於魯得政與民而三桓畏之歟則季桓子之受女樂也孔子不能卻之矣彼婦之口可以出走是孔子畏季氏季氏不畏孔子也夫孔子蓋姑修其政刑以俟三桓之隙也哉蘇子曰此孔子之所以聖也蓋田氏六卿不服則齊晉無不亡之道三桓不臣則魯無可治之理孔子之用於世其政無急於此者矣彼晏嬰者亦知之曰田氏之僭惟禮可以己之在禮家施不及國大夫不收公利齊景公曰善哉吾今而後知禮之可以爲國也嬰能知之而莫能爲之嬰非不賢也其浩然之氣以直養而無害塞乎天地之間者不及孔孟也孔子以羈旅之臣得政期月而能舉治世之禮以律亡國之臣墮名都出藏甲而三桓不疑其害已此必有不言之信不怒而威者矣孔子之聖見於行事至此爲無疑也嬰之用於齊也久於孔子景公之信其臣也愈於定公而田氏之禍不少衰吾是以知孔子之難也孔子以哀公十六年卒十四年陳桓

弑其君孔子沐浴而朝告於哀公請討之吾是以知孔子之欲治列國之君臣使如春秋之法者至於老且死而不忘也或曰孔子知哀公與三子之必不從而以禮告也歟曰否孔子實欲伐齊孔子既告公公曰魯爲齊弱久矣子之伐之將若之何對曰陳恆弑其君民之不子者半以魯之眾加齊之半可克也此豈禮告而已哉哀公患三桓之偏常欲以越伐魯而去之夫以蠻夷伐國民不予也臯如出公之事斷可見矣豈若從孔子而伐齊乎若從孔子而伐齊則凡所以勝齊之道孔子任之有餘矣既克田氏則魯之公室自張三桓不治而自服也此孔子之志也

又子思論 昔者夫子之文章非有意於爲文是以未嘗立論也所得而言者唯其歸於至當斯以爲聖人而已矣夫子之道可由而不可知可言而不可議此其不爭爲區區之論以開是非之端是以獨得不廢以與天下後世爲仁義禮樂之主夫子既沒諸子之欲爲書以傳於後世者其意皆存乎爲文汲汲乎惟恐其汨沒而莫吾知也是故皆喜立論論立而爭起自孟子之後至於荀卿揚雄皆務爲相攻之說其餘不足數者紛紜於天下嗟夫夫子之道不幸而有老聃莊周楊朱墨翟田駢慎到申不害韓非之徒各持其私說以攻乎其外天下方將惑之而未知其所適從奈何其弟子門人又內自相攻而不決千載之後學者愈衆而夫子之道益晦而不明者由此之故歟昔三子之爭起於孟子孟子曰人之性善是以荀子曰人之性惡而揚子又曰人之性善惡混孟子既已據其善是故荀子不得不出於惡人之性有善惡而已二子既已據之是以揚子亦不得不出於善惡混也爲論不求其精而務以爲異於人則紛紛之說未可以知其所止且夫夫子未嘗言性也蓋亦嘗言之矣而未必有必然之論也孟子之所謂性善者皆出於其師子思之書子思之書皆聖人之微言篤論孟子得之而不善用之能言其道而不知其所以爲言之



儒藏

名舉天下之大而必之以性善之論昭昭乎自以為的於天下使天下之過者莫不欲援弓而射之故夫二子之為異論者皆孟子之過也若夫子思之論則不然曰夫婦之愚可以與知焉及其至也雖聖人亦有所不知焉夫婦之不肖可以能行焉及其至也雖聖人亦有所不能焉聖人之道造端乎夫婦之所能行而極乎聖人之所不能知造端乎夫婦之所能行是以天下無不可學而極乎聖人之所不能知是以學者不知其所窮夫如是則惻隱足以為仁而仁不止於惻隱羞惡足以為義而義不止於羞惡此不亦孟子之所以為性善之論歟子思論聖人之道出於天下之所能行而孟子論天下之人皆可以行聖人之道此無以異者而子思取必於聖人之道孟子取必於天下之人故夫後世之異議皆出於孟子而子思之論天下同是而莫或非焉然後知子思之善為論也

司馬光晏嬰子西沮封孔子論 晏嬰忠信而有禮愛君而樂善於晉悅叔向於鄭悅子皮於吳悅季札豈於孔子獨不知而毀之乎子西楚國賢令尹也楚國賴之亡而復存危而復安其志猶晏嬰也其言豈容鄙淺之如是哉

明席書孔子夾谷之會論上 孔子相夾谷之會仲由毀疆僭之都眾皆頌之而有識者疑焉夫經有不俟傳而可考者夾谷之會邠費之墮是也兩書平會之後而繼以齊來歸田則齊田之歸歸以平也不平則不會不會則不歸也兩書邠費之後而繼以墮邠及費則邠費之墮墮以叛也二邑不叛二氏二氏亦將資為保障而不墮也三傳乃謂夾谷之會孔子相齊人悔過懼歸魯田仲由為季氏宰將墮三都於是叔孫墮邠及費謂茲二舉皆出孔子仲由之謀也是果然哉大凡兵生於怨怨生於所不平也齊既平矣胡自復有萊兵之劫哉古之君子固有從容談笑之間折衝千里之外者傳載夾谷之會齊出萊兵孔子歷階而升不盡一等視歸平齊侯說以十數餘言且

曰而不反我汶陽田罷享禮誅侏儒目動神怒殆類曹劌齊柯之盟樊噲鴻門之會於聖人氣象大不侔也自左氏作之公穀附之儒者從而爭頌之曰仲尼一語威重三軍信非大聖人不能也是豈惟聖人哉其在春秋戰國藺相如申包胥鄭子產蘇秦張儀李左車酈食其之徒皆足以優為之矣豈惟聖人哉二氏欲墮二邑移辰墮之孟氏不欲墮或公圖之而不克也以此見進退不在公而在三家也而謂由孔子哉邠費克而成不能克何孔子長於邠費短於謀成也臣舉之則易君舉之則難孔子仕魯豈事君而臣是助乎三家季氏最強孟氏最順未見行於強者斯易行於順者卻難若曰有能有不能聖人之化未足神也所謂聖人者固將異於人也墮邠費而至於命將帥師策已下矣費人入及公側計已疎矣仲尼命申句須樂頎下伐之而僅免功亦卑矣斯亦無異於人也天子嘗謂遠人不服則修文德以來之聖人若果用魯成人不服固將明分義以諭之也諭而不來將鳴其罪以討之乎將輕千乘之主犯矢石以圍之乎既圍矣天子曾不出一奇策擒處父而誅於兩觀之下至無功而還威亦衰矣後之人見圍成無功諉之公也向使成叛孟氏孟氏帥師墮成必不重勞魯公之圖也後之人追見圍成之事不以歸孟氏而以歸仲尼多見其因成敗以附人也且曰墮曰圍皆非有道時事也苟以墮都為功夫子同於用魯之年既專墮邠之功當服圍成之咎儒者不究所從功則歸於仲尼過則歸於魯定設令仲尼再生必不誣功於己假曰圍成之時孔子去魯其與史記所載孔子十四年為魯司寇季桓子歸女樂而後行其事未合可盡信哉其諸好事者見夫子備帝王之德不得一日小試其政故借夾谷之會以神孔子之功而不知所以尊夫子之道也或曰夾谷無孔子墮都無仲由乎曰謂有孔子可謂出孔由不可曰孔子之仕如斯而已乎曰此正不必出孔子也事不出於孔子奚害為孔子仕哉今天濟人者舟也非天也有欲



誦天之功者曰天也非舟也。以夾谷之功歸大孔子之聖。奚異指舟之功爲天之功哉。正唯不知天也。

又夾谷之會論下 自有夾谷之會。尊孔氏者皆曰孔子拒強齊。伐叛費。文事武備。於此見之。魏乎大哉。是豈知孔子哉。孔子所以師萬世者。豈惟此哉。立言者將曰孔子悲鳳麟之不至。作文教以弔天下。後世之人懼天下後世謂我夫子周於文德。缺於武事。不足以絕古今。重尊仰也。故爲斯言。使凡人知我夫子具文武之全材。誠帝王之師範也。不知孔子之大。豈惟此哉。今天日星之布其文也。雷電之威其武也。天之大。豈惟此哉。其在聖人武固一藝。文亦一藝。孔子聖人也。非文人也。譽孔氏以文武。將以孔子爲文人乎。子貢曰。固天縱之將聖。又多能也。所謂多能。已非孔子之極者。况以其一而狀之哉。居孔氏之門。以好勇名世者。曰子路。以文學名科者。曰子游。子夏。設以武人而目子路。以文人而目子游。夏三子者。固將怫然不屈矣。而謂孔子居之乎。今必以文武而贊孔氏。欲尊之。反卑之。欲大之。反小之也。尊孔子者。以道。孔子之道。堯舜禹湯文武周公之道也。道在舜禹揖遜傳受。道在湯武牧野鳴條。易地皆然。夫豈二哉。道即太極。太極卽萬變而無外。孔子太極也。所謂文武者。固將一以貫之矣。孔子曰。天之將喪斯文也。所謂文者。道德之文也。非文武之文也。後世呂孔二祀。文武兩途。且謂孔廟曰文廟。正以所謂文武者。當之矣。道之不明。其有自矣。文武果足以名聖。秦漢而下。英傑之君。固有武戡禍亂。文致太平。其臣之出將入相者。往往有之矣。豈必孔氏哉。斯議也。作於左氏。附於漢儒。後人因而尊大之也。左傳附載。誣姪福福家語。儒行諸篇。皆語孟所不道者。以彼之謬。質此之疑。不可一二盡信之矣。設或有焉。愚既陳於前矣。固不足以盡聖人也。左氏公穀數君子者。未聞聖人之大道。其所侈大之言。則亦不足試也已。

王錫爵孔子論 所以曉天下者存乎聖。所以命聖人者存乎天。夫

天生孔子。若有意矣。而且窮之。噫。非天之窮聖人也。窮聖人者。所以神天下也。是意也。惟儀封人知之。故發諸歎曰。天將以夫子爲木鐸。使當時而君焉。不過文焉。武焉而已。使當時而相焉。不過陶焉。鑄焉而已。六經未必作。四教未必陳。轍之未必環。漸之未必接。天下之耳。猶無聞也。天下之目。猶無見也。故天厚其德而薄其位。多其能而阻其勢。使之近聘於衛。鄒之國遠。歷於齊楚之邦。雖賤而鄙。夫得以領兩端之教。頑而互鄉。得以接大成之傳。故曰。天之所以窮聖人者。正所以神天下也。人以其爲天子之不遇。爲夫子之不幸。子以爲夫子之不遇。乃斯民之大幸也。

國朝姜宸英史記孔子世家論 太史公於孔子何爲而世家哉。余觀其自序。每一國則必挈其事之至重者而著其所以作述之意。如於晉則曰。嘉文公錫圭。宅作晉世家第七。於越則曰。嘉句踐滅吳。以尊周室。作越句踐世家第十二。於鄭則曰。嘉厲公納惠王。於趙則曰。嘉鞅討周亂。於韓則曰。嘉厥輔晉匡周。於陳則曰。嘉威宣能撥濁世。而尊周然後知其世家乎。孔子者。同之於列國之諸侯也。其同之諸侯奈何。曰。以其同尊周也。遷序孔子曰。周室既衰。諸侯恣行。仲尼悼禮廢樂崩。追修經術。以達王道。匡亂世。反之於正。云云。作孔子世家第十七。其意以諸侯之得世其家者。以其知有天子而能匡亂反正。以天子之權歸之於周者。莫如孔子之功最大。故附孔子於世家者。非尊孔子也。推孔子之心。以明其始終爲周之意。曰。春秋非孔子。則周道幾乎熄矣。以孔子爲尊周而尊周者。諸侯之事也。故上不得比乎本紀而下亦不得夷爲列傳也。或謂稱世家爲尊孔子而兩失者是。未識遷之意者也。

宋洪邁孔子正名辯 子路曰。衛君待子而爲政。子將奚先。子曰。必也正名乎。子路曰。子之迂也。奚其正。夫子責數之以爲野。蓋是時夫



子在衛當輒爲君之際。爾連最久。以其拒父而竊位。故欲正之。此意明白。然子欲適晉。聞其殺鳴犢。臨河而還。謂其無罪而殺士也。里名勝母。曾子不入。邑稱朝歌。墨子回車。邑里之名不善。兩賢去之。安有命世聖人而肯居無父之國。事不孝之君哉。是可知已。天子所過者。化不令而行。不言而信。衛輒待以爲政。當非下愚而不移者。苟其用。我必將導之以天理。而趣反其真。所謂命駕虛左而迎其父。不難也。則其有補於名義。豈不大哉。爲是故。不忍亟去。以須之。既不吾用於是。慨然反魯。則輒之冥頑悖亂。無所逃於天地之間矣。子路曾不能詳味聖言。執迷不悟。竟於身死。其難惜哉。

又孔子欲討齊。陳成子弑齊簡公。孔子告於魯哀公。請討之。公曰。告夫三子者。三子告不可。左傳曰。孔子請伐齊。公曰。魯爲齊弱久矣。子之伐之。將若之何。對曰。陳常弑其君。民之不與者。牛以魯之衆。加齊之牛。可伐也。說者以爲孔子豈較力之強弱。但明其義而已。能順人心而行天討。何患不克。使魯君從之。孔子其使於周。請命乎天子。正名其罪。至其所以勝齊者。孔子之餘事也。子以爲魯之不能伐齊。三子之不欲伐齊。周之不能討齊。通國知之矣。孔子爲此舉。豈真欲以魯之牛力敵之哉。蓋是時三子無君。與陳氏等。孔子上欲悟哀公。下欲警三子。使哀公悟其意。必察三臣之擅國。思有以制之。起孔子而付以政。其正君君臣臣之分。不難也。使三子者。警必將曰。魯小於齊。齊臣弑君。而欲致討。吾三臣或如是。彼齊晉大國。肯置而不問乎。惜其君臣皆不識聖人之深旨。自是二年。孔子亡。又十一年。哀公竟偏於三子。而孫於越比之簡公。僅全其身爾。

又有若辯。史記有若傳云。孔子沒。弟子以若狀似孔子。立以爲師。他日進問曰。昔夫子嘗行。使弟子持雨具。已而果雨。弟子問何以知之。夫子曰。詩不云乎。月離于畢。俾滂沱矣。昨暮月不宿畢乎。他日月宿畢。竟不雨。商瞿年長無子。孔子曰。瞿年四十後。當有五丈夫子。已

而果然。敢問何以知此。有若無以應。弟子起曰。有子避之。此非子之座也。子謂此兩事。殆近於星歷卜祝之學。何足以爲聖人。而謂孔子言之乎。有若不能知何所加損。而弟子遽以是斥退之乎。孟子稱子夏子張子游。以有若似聖人。欲以所事孔子事之。曾子不可。但言江漢秋陽。不可尙而已。未嘗深詆也。論語記諸善言。以有若之言爲第二章。在曾子之前。使有避座之事。弟子肯如是哉。檀弓載有子聞曾子喪。欲速貧。死欲速朽。兩語以爲非君子之言。又以爲夫子有爲言之。子游曰。甚哉。有子之言似夫子也。則其爲門弟子所敬久矣。太史公之書。於是爲失矣。且門人所傳者。道也。豈應以狀貌之似而師之邪。世所圖七十二賢畫像。其畫有若。遂與孔子略等。此又可笑也。明宋濂孔子生卒辯。或有問於濂者曰。孔子之生。傳記所載歲月不同。公羊氏云。魯襄公二十一年冬十一月庚子。孔子生。穀梁氏之說。年之與日同於公羊。而謂冬十月孔子生。則與公羊實差一月。月固差矣。至賈逵註二十一年。經云。此年仲尼生。昭公二十四年。服虔賈逵。諸云。仲尼時年三十五。則皆以孔子爲二十一年生也。司馬遷著孔子世家云。生於襄公二十二年。則與公羊穀梁實差一歲。日則雖與公羊同。而月復與穀梁異。杜預主司馬遷。以註左氏傳。謂二十二年生。司馬貞主公羊穀梁。以證史記。謂二十一年生。遷誤爲二十二年者。蓋以周正十一月屬之明年也。孔若古主。公羊穀梁。謂爲不易之論。胡舜陟主司馬遷。謂如公羊穀梁所書。則孔子出處之年。與經史諸子皆不合。孔宗翰亦主司馬遷。羅泌之議。略與宗翰同。洪興祖主穀梁。而謂周家改月。十月二十一日庚子。即夏之八月二十一日。馮去疾見傳記異辭。則造爲調人之言曰。襄公二十一年。實己酉之歲也。是歲八月置閏。以歷法積之。則大雪節當在十月十七日。或十八日。是爲十一月朔氣。又三四日。方爲庚子。是孔子之生。已在十一月之節矣。既在十一月。則是二十二年庚戌歲。首無疑。公羊書

爲十一月似誤而非誤也。司馬遷書爲二十二年，而又謂孔子之年七十三以卒，亦未嘗誤也。穀梁於年於月皆據實，而書公羊於年亦據實，而書於月則以節書，謂有日可以表見也。司馬遷於年則以節書，總而論之三者皆非誤也。若是衆言之不齊，固各有見乎。濂應之曰：公羊穀梁二氏傳經之家也，傳經之家當有講師以次相授，且去孔子時又爲甚近，其言必有所據依。司馬遷固良史，則後於穀梁公羊者也。吾則無徵乎爾。孔子所生之年，吾當從公羊氏穀梁氏，然以春秋長歷考之，二十一年已酉十一月無庚子，庚子乃在十月之二十一日。孔子所生之月，吾當從穀梁氏。註家謂己酉爲己卯，卯酉之文相近，故誤書也。曰：孔子周流諸國之年，世家所紀多可考據。宋之大儒或取之，若如子言無不遲一歲者，遷尙不足信乎。曰：衛靈之時，孔子適衛，又適陳，匡人以爲陽虎而拘之。世家謂孔子使從者爲甯武臣於衛，然後得解圍而去。按武子仕於成公之朝，至穆公末，武子之子相己與孫良夫將兵侵齊，則武子年當耄矣。復歷定獻二公，凡三十七年至靈公三十八年，而孔子至衛，使武子猶在其年，將一百五十有餘歲矣。武子之事然也，孔子之年乃獨可信乎。非惟此也，孔子去魯世家謂定公十四年，年表則又謂十二年，以年表爲是，則世家爲非，以世家爲是，則年表爲非。一書之中，自相矛盾若此，他蓋不足深論。皇王大紀曰：遷載孔子言行，不得其真者尤多。夫言行且不得其真者居多，而況於年乎。曰：洪興祖謂周之十月卽夏之八月者，然乎。曰：非也。三代雖異建，而月則未嘗改也。殷營建丑，亥書則曰：惟元祀十有二月。漢書建亥矣。史則曰：元年冬十月。舉前後以例之，則周制可知矣。孔子作春秋行夏之時爲萬世法，不過載子丑二月於前歲之終耳，月固不之改也。否則春入於夏，夏入於秋，錯亂而不成歲矣。曰：焉去疾謂十月庚子在大雪後卽爲十一月者，可乎。曰：亦非也。世之星史歷生以六物占人休祥，當氣會之交，固有生於己酉而

以庚戌歲推之者，孰云吾儒乃有是邪。此野人之語，舍之勿以汗齒牙可也。曰：孔子之生，予既聞命矣。其卒之時，亦有一定之說乎。曰：左氏云：魯哀公十六年夏四月己丑，孔子卒。司馬遷遵之，諸儒又從而遵之，理之所在，孰得違之。故孔子所卒之年，吾當從左氏。然十六年乃壬戌之歲，也是歲四月戊申朔有乙丑，而無己丑。己丑乃在五月初二日，己與乙文亦相近，故誤書也。所謂乙丑，則四月十八日謂當夏正二月十八日者，非也。謂十一年爲辛酉，己丑日爲戊戌者，亦非也。自壬戌歲上溯己酉，孔子之年乃七十四，謂七十三，尤非也。曰：近代王應麟博極羣書者也，頗致疑於是，而謂今不可考矣。予乃質言之何邪。曰：衆言紛沓者，當折衷以經。經無明載當索之於傳。索之於傳，不猶愈於史乎。謂今不可考者，過矣。曰：子之言辯則辯矣，夏周二正千古難決之疑也，何言之若易易邪。曰：是非爾所知也。雖魯徂徠之松以爲煤，盡剡溪之藤以爲楮，未能竭吾喙也。他日當爲受春秋者詳焉。

國朝顧炎武闕里辯 闕里志引漢晉春秋曰：魯有二石闕，曰闕里，又以爲後儒尊崇夫子之稱。其說自相牴牾。按史記魯世家：煬公築茅闕門。春秋定公二年夏五月壬辰，雉門及兩觀災。冬十月，新作雉門及兩觀。注：雉門，公宮之南門。兩觀，闕也。孔子宅至漢魯恭王時尙存。漢晉春秋之云二石闕，必有所據。石闕之下，其里卽名闕里，而夫子之宅在焉，遂以爲名。魯論有闕黨童子，五百家爲黨，闕黨是闕下之黨。左傳鄭伯享王於闕，西辟是闕之西偏。漢書儒林傳有鄒人闕門慶忌，注云：姓闕，門名慶忌。蓋亦如東門北宮之類，以居爲氏者也。

解 國朝汪琬孔子祥琴解 孔子既祥五日，彈琴而不成聲。汪琬曰：此記禮者之誣也。祥而縞是月，禮從月樂。祥禋之同月，異月吾姑不暇辯，然必俟徙月而後用樂，則已審矣。顧孔子之彈琴也，獨不當俟諸



踰月之外乎。按琴瑟之爲物，雖君子無故不徹者。然考之於經，皆燕饗樂器也。其在鹿鳴之詩曰：我有嘉賓，鼓瑟鼓琴，和樂且湛。是宜從從月之例，無惑也。况當大祥之時，其服則猶麻也，其寢則猶未牀也。雖使稍加緩焉，以訖於踰月，何不可者？而孔子必欲彈之以干非禮乎？與其不成聲，不如其勿彈。與其彈於既祥之後，不如彈之於既禫之後也。魯人朝祥而暮歌，則孔子薄言其失。孟獻子禫而不樂，則稱其加於人一等。孰謂孔子者，禮教之所從出，而反不如獻子乃僅僅與魯人爭五日之先後乎？使孔子果琴之彈也，必不賢獻子而諷魯人。孔子既已賢獻子而諷魯人矣，決不身自彈琴以干非禮之誚也。曾子問曰：廢喪服，可以與於饋食之事乎？孔子曰：脫衰與奠，非禮也。說者以爲大祥除服，不得與他人饋食之事。夫饋食且不得與，如之何可以彈琴乎哉？吾故曰：誣孔子也。蓋記禮者本非一人，故即禮已一篇，往往彼此相悖謬如此。

考

明五十八代孫公璜嫡裔考 宗法古禮也。三代以降，存者鮮矣。惟我闕里孔氏世受封爵，主奉祀事，一嫡相承，其直如矢。至四十三代祖仁玉遭五季之亂，僅存子身生四子，長曰宜幼，曰勛，宜爲宗子。宋聖封文宣公，生三子，長延世，次延澤，延世襲封生聖佑，聖佑襲封無嗣，以延澤子宗愿襲封。宗愿生子四，長若蒙，次若虛，三若愚，若蒙襲封衍聖公，生子二，長端友，次端操。後若蒙坐事廢爵，以弟若虛襲封。奉聖公若虛卒，仍以若蒙長子端友襲封衍聖公。端友於建炎三年，偕助之元孫傳扈從高宗南渡，寓衢因家焉。謂之南宗。端操留守廟林，金命權襲封衍聖公，主祀事。謂之北宗。南宗端友無子，以端操之子介繼。介生捐，捐生文遠，文遠生萬春，萬春生洙，俱襲封衍聖公。於洙無子，遂罷封。北宗端操生璠，璠生子三，長曰拯，次曰摠，拯無子，摠繼襲。摠生子二，長元措，次元絃。元措無子，以元絃之孫漬爲嗣。俱

權襲封衍聖公於魯。漬又無子，而宗愿長子若蒙之嗣絕矣。若虛生端本，端本生璠，璠生子二，長曰拯，次曰摠。拯生元隆，挺生元錫，俱無子。而宗愿次子若虛之嗣絕矣。若愚生端立，端立生琥，琥生拂，拂生子三，長元孝，次元用，元孝生之厚，之厚生浣，浣生思晦，元延祐三年，以思晦世次嫡長，遂命襲封衍聖公。思晦生克堅，襲封。克堅生子八，長希學，襲封。太祖洪武元年，詔克堅父子入覲，待克堅以賓禮，仍命其子希學襲封衍聖公。希學生訥，訥生子四，長公鑑，公鑑生彥縉，彥縉生子四，長承慶，承慶未襲，卒生子二，長宏緒，次宏泰。宏緒以事失爵，弟宏泰襲封。宏泰卒，仍以宏緒長子聞韶襲封。聞韶生子二，長貞幹，貞幹生尙賢。此北宗宗子襲封之世次也。今南宗彥縉出孔傳之後，傳父舜亮，祖道輔，曾祖勛，傳長子端問，端問生璠，璠生璠，璠生應發，應發生言，言生津津，生思許，思許無子，以兄思俊三子克忠爲後。克忠生希路，希路生議，議生公誠，公誠生彥縉，彥縉於弘治九年授世襲翰林院五經博士，生承美，此南宗庶支從出之源也。舊譜據實正書，係思許爲津之次子。今彥縉於弘治十一年刊行家譜，乃擅移宗祧，將身及子承美等列南渡宗子之後，以繼孔洙，而北宗若愚子孫世次嫡長反附孔傳裔孫之下，既不祖孔傳，而又僭承端友以疎開親以庶奪嫡。推此一端，奚所不至？昔聖祖爲政，正名爲先，彥縉敗祖宗之成法，負朝廷之恩，意已移牒浙藩，改正僞譜，立石儒學，猶恐吾宗後人不辨南北嫡庶絕續之由，故詳述於右以正之。

闕里文獻考卷三十六終

關里文獻考卷三十七

藝文第十二之六

頌

漢張超尼父頌 巖巖孔聖異世稱傑。量合乾坤明參日月。德被八荒名充遐外。終於獲麟遺歌魯衛。

魏曹植孔子頌并序 自五帝典絕三皇禮廢應期命世齊賢等聖者莫高孔子也。故有若曰出乎類拔乎萃誠所謂性與天道不可得而聞矣。頌曰由也務學名在前志。宰予晝寢糞土作誠過庭子弟詩禮明記歌以詠言文以聘志。予今不述后賢曷識於錄尼父生民之傑性與天成該聖備藝德倫三五配皇作烈元鏡獨鑑神明昭晰仁塞宇宙志凌雲霄學者三千莫不俊久惟仁是憑惟道足恃鑽仰彌高請益不已。

晉孫楚尼父頌 皇矣尼父聖哲之傑。德比天地明齊日月。周室陵遲大道蕪穢禮樂崩阻姦雄罔世。乃養門徒廣延俊乂垂訓列國頌聲魯衛威震夾谷義厭陳蔡德之休明幽而彌泰超美三代風馳雲邁。

國朝陳廷敬

大駕幸關里頌并序 康熙歲甲子

皇帝臨位二十有三年海寓寧和黔黎輯乂仁聲布流旁暢域外肅肅雍雍咸稱

聖意於時三事大夫賜言曰昔者刻玉遊河披圖巡徭襄野之駕塗山之會皆能焜耀簡籍垂於方來仰惟

皇上當位作聖首出建極君師之統千禩一時乃猶屈己求賢虛懷訪道廣廈細旃之上誦吟冊書潛神討研宵旦不輟勤踰儒素遐稽統緒嚮往孔子思致殊禮肇盛典者久矣。今茲萬國既同文化懋典宜遂以時宣省風教展義魯邦下塞眾望。

皇上凝睿思延廷問久之迺

詔曰事先師禮重且嚴惟茲二三輔弼暨廷臣之嫻於制者采擇古義以聞又

詔曰汝廷敬實惟予舊講臣其與議所宜行臣從諸臣後議具上

皇帝曰俞朕慕聖道敬因東巡特詣先師宅里其母重煩吾民供億於是肆赦軫農放稅已責引敷愷澤於天下然後乃歷吉日協靈辰野廬警路宮正設蹕玉輿曉升帷殿夕御前驅朱旗屬車日羽以臨乎岱宗是時未臻乎關里也飛旆淮江觀民設教月屆黃鍾旋軫南陸聿來聖居覽觀林廟圖書器物之盛嚴恭將事樂奏禮行光景盱眙聖歆如答臣廷敬向以儒學猥蒙擢任又特被

勅旨議禮恭睹禮成不勝歡忭震躍伏而思曰前代之崇禮者可紀矣太平特祀肇自西京褒成祿將爰及東漢貞觀定朝會之儀開元錫文宣之號器物之賜渥於廣順陪位之班詔始祥符至和加衍聖之稱承安世曲阜之令皆名為崇儒重道而備物致誠忘勢而希至德惟我

皇上為列辟稱首臣以淺識窺較萬世師表之稱則與乾坤同其悠久也六經表章之澤則與日月並其光華也雷鳳蓋於戟門車服禮器所未備也頌龍章於鄉校普天率土所共瞻也而商皇皇莫與京矣臣謹拜手稽首而獻頌曰惟聖體道生民拔萃德踰位兮惟

帝則聖統壹萬類位斯配兮

龍飛於天周覽八極嘉鳳德兮聖作物睹垂祀萬億視魯國兮

帝開明堂于葵于牆坐則見兮

帝會方岳東西南朔來殷薦兮

鑾車戾止鏘鏘穆穆金絲肅兮

駐蹕古亭雲霞委屬清泉洩兮上公稽首籩豆奔走昭世守兮暨四姓後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷

後博士童荷



恩滂厚兮。賜所過祖。歌騰於遠。惠我人兮。惟

帝福我。我神其安。戴

大君兮。華華髦士。百爾濟濟。頌聲起兮。於赫

帝功。與天比崇。無終窮兮。

彭孫道

皇帝釋奠於闕里頌并序

臣聞三才懋建。作極者惟皇。六位時成。置  
聰者惟后。故有禮樂刑政。以爲宰世之權。有中正仁義。以爲綏猷之  
準。自河洛苞符。以後暨帝皇。禪繼之年。莫不兼作君師。總司治教。龍  
章觀象。卽開道法之宗。鳳晨當陽。迭啓見聞之緒。皇皇乎。郁郁乎。斯  
無得而喻也。周德既衰。典章攸數。夏正歸藏之學。溯二代而無徵。緝  
無執競之心。歷數傳而寢晦。於是玉麟授簡。洩天瑞於素王。珠緯儲  
精。吐靈徵於元聖。秉覺民之木鐸。握定世之珍符。繫易象而作春秋。  
刪詩書而正禮樂。王事備天德。明軌則咸昭。彝倫式敘。蓋九皇之軌  
獨獨萃平鄉七聖之源流。同歸泗水矣。兩楹告夢。諸子雜興。正學衰  
微。羣言淆亂。非無英君。誼辟恢大業於方新。學士大夫。探微言於將  
墜。而道風猶鬱。治化未醇。然則代閱千年。緒分百氏。而欲六五帝四  
三王闢。虬圖攬鳳德。使景星慶雲。輝麗於中天。玉節金聲。鏗鏘於終  
古。自非

聖人而在

天子之位。其道無由也。

皇帝纂述丕基。撫定方域。聰明睿智。質稟於生。知文武聖神德。全乎廣  
運。天策內。據而八紘風動。威弧外。指而六合雲行。備幄澄懷。則宸鏡  
徹圖書之蘊。彤泥發檢。則奎章揭日月之華。經瑟而協氣同流。垂裳  
而兆人自理。大猷升矣。皇風穆焉。然後憑軾南巡。結旌東邁。  
躬臨闕里。謁祀尼山。詔萬乘之尊。修嚴師之敬。威儀允秩。典禮有加。  
咨漢。鋪宣大文。炳煜。褒衣博帶之士。踴躍而趨。風瞻雲就。日之民咨嗟。

而觀化。臣以謹劣。備職禁林。適會休明。宜有宣述。敬拜手稽首而獻  
頌曰。璇樞啓泰。瓊英迎長。三階有謚。七曜重光。丹雘集陞。紫蘭生房。  
道洽政治。洪惟

聖皇。上繪下紉。左于右羽。舊章禮園。翺翔書府。衛室採風。明堂稽古。萬

彙順成。百昌蕃庶。至仁普澤。淳化庇鴻。受球冀北。鳴鸞竟東。泛瀛紉  
廣。踐嶽倬崇。謁祠宣聖。展禮茲共。乃戒乃儆。乃洗乃盥。廣樂在懸。黃  
流在瓊。薦號几筵。登歌絃管。俎豆之容。愉愉衍衍。越若邃古。儀象初  
垂。以治以教。作君作師。義軒首出。勳華代推。禹湯文武。羣聖同規。嶽  
嶽尼山。洋洋泗水。祖述先型。憲章往軌。斯理未泯。百世以俟。道統攸  
歸在今

天子。河珍剖韞。洛寶開鍵。道貺靜契。德符動宣。光闡經術。寵賁儒先。聲

漸教被民。陶物甄貞。觀者天貞。明者日炳。炳炳

皇猷。巍巍

聖德。臣則禁廬丹鉛。是職稽首。頌颺式示無極。

徐元正

聖駕幸闕里頌并序

皇帝御極之二十有三年。甲子壽域遐開。仁風丕暢。民俗和樂。農穀殷  
昌。薄海內外。罔不臣順。賓贊稽首來庭。文德漸被。訖於遐邇。巡喬由  
翕。百神懷柔。

皇帝念至治休明。衷乎聖道。道統之盛。生民迄今。莫孔子若。神京去曲

阜。千有餘里。緬惟風教。薰德若鄰。必秩隆儀。修殊典。乃可以光四表

而型百辟。於時霜野穫雪。稼登爰

命鑾輅。發自燕郊。從官衛士。後先肅伍。龍旂鳥旟。飛揚掩謁。山岷田畯。

咸得迎觀。清光懽懽。率舞於道。既詣闕里。

皇帝將有事於廟堂。望見奎文閣。卽下輦。步入大成殿。行釋奠禮。豆籩

靜嘉。饌酒旨潔。薦裸降登。卽事益虔。祀畢敬題萬世師表四字。以垂

示永永。又撤園簿中御蓋。俾藏諸廟。旋

駕幸聖林。祇拜如謁廟。加周公裔孫博士。復曲阜田租一歲。於是東魯

父老睹斯盛者。莫不欣踴。歎嗟食稱。

聖天子重道崇師。推恩及物。曠古未有。此治與道偕隆。君與師兼作。蓋

非孔氏一家之私榮。直邦家之慶而史冊之光也。臣元正遭逢

聖世。父子並列禁近。臣父倬又當承乏西離。習睹

皇上尊師重道之盛。遂不自揣其詞之猥瑣。而系之以頌。曰於爍景運

元會。維新黃鍾迴律。

大輅東巡。瞻言泰岱。孕靈降神。揭揭宣尼。秉道師尊。廟貌闕里。星拱北

辰。止輦升堂。

睿容肅溫。

至尊北面。而拜哲人。釋奠有恪。崇奉肅雍。璇題藻句。皆探本真。

聖克知聖。匪直以文。遂瀛辰星。爛若星雲。詣謁林墓。徒御星奔。靈響載

馳。古楷輪菌。撫茲卉植。手澤未溲。崇祀弘澤。延及後昆。錫租賜復。式

道推仁。周魯故國。姬宗麟振。子以世秩。實創厥恩。舉其大者。卓於千

春。士走相告。幸違休明。

聖作於上。愚敢不承。敷於四海。至治蒸蒸。式昭盛典。萬禩準繩。

六十八代行聖公傳鐸

御書生民未有。匾額頌大哉孔子大莫與京。聖由天縱。道集大成。我

皇建極。惟一惟精。爰頒

宸翰。用表式衡。四言包舉。萬象恢宏。形模肅穆。體格崢嶸。先聖後聖。揆

合光明。民瞻民仰。萬邦章程。

闕里文獻考卷三十七終



儒藏



闕里文獻考卷三十八

藝文第十二之七

贊

魏王粲正考父贊 恂恂正父應德孔盛。身為國卿族則公姓。年在耆童。三葉聞政。誰能不忘。茲約敬。饋粥子口。俾便受命。名書金鼎。祚及後聖。

晉華虞孔子贊

仲尼大聖。遭時昏荒。河圖沉影。鳳鳥幽藏。爰整禮樂。以綜三綱。因史立法。是謂素王。

唐睿宗宣聖贊

倚歟夫子。實有聖德。其道可傳。其儀不貳。刪詩定禮。百王取則。吾豈匏瓜。東西南北。

宋太祖宣聖贊

王澤下衰。文武將墜。尼父誕生。河海揚異。祖述堯舜。有德無位。哲人其萎。鳳鳥不至。

又顏子贊

生值衰周。爵不及魯。一簞飲水。陋巷環堵。德冠四科。名垂千古。沒表萬邦。遂封東土。

真宗宣聖贊并序

若夫檢玉介邱。迴輿闕里。緬懷於先聖躬。講於嚴祠。以為易俗化民。既仰師於舞訓。崇儒尊道。宜益峻於徽章。增薦崇名。事陳明祀。思形容於盛德。爰刻鐘於斯文。贊曰。立言不朽。垂教無疆。昭然令德。偉哉素王。人倫之表。帝道之綱。厥功茂實。其用允臧。升中既畢。盛典載揚。洪名有赫。懿範彌彰。

徽宗宣聖贊

厥初生民。自天有造。百世之師。立人之道。有彝有倫。垂世立教。爰集大成。千古永昭。乃立斯所。乃瞻斯宮。瞻彼德谷。云孰不崇。

高宗聖賢贊并序

朕自睦鄰息兵。首開學校。教養多士。以遂忠良。躬幸太學。延見諸生。濟濟在庭。意甚嘉之。因作文宣王贊。機政餘閒。歷取顏回而下七十二人。亦為製贊。用廣列聖。崇儒右文之盛。復知師弟之間。纓弁森森。覃精繹之訓。其於治道。心庶幾焉。宣聖贊曰。大

哉宣王斯文在茲。帝王之式。古今之師。志在春秋。道由忠恕。贊於襄舜。日月其喻。惟時載雅。敢此武功。肅昭盛儀。海寓事崇。顏回贊曰。德行首科。顯冠學徒。不遷不貳。樂道以居。食飲甚惡。在陋自如。宜稱贊哉。豈止不愚。曾參贊曰。大孝要道。用訓羣生。以綱百行。以通神明。因子侍師。答問成經。事親之實。代為儀刑。子思贊曰。閒居請廣世業。克昌可離。非道孜孜力行。發揮中庸。體固有常。入德樞要。治道權衡。孟子贊曰。道術分裂。諸子為書。既極而合。篤生真儒。詆訶楊墨。皇極是扶。較功論德。三聖之徒。閱損贊曰。天經地義。孝哉閔騫。父母弟昆。莫聞其言。汚君不仕。志氣軒軒。復我汶上。出處休焉。冉耕贊曰。德以充性。行以澡身。二事在躬。日躋而新。並驅賢科。得顏與鄰。不幸斯疾。命也莫伸。冉雍贊曰。懿德賢行。有一則尊。子也履之。成性存存。駉角有用。犁牛莫論。刑政之言。惠施元元。宰予贊曰。辨以飾詐。言以致文。苟弗執禮。宜莫釋紛。朽木糞牆。道不足云。言語之科。雖然有聞。端木賜贊曰。謙德知二。器實瑚璉。動心幾先。孰並其辨。一使存魯。五國有變。終相其主。譽處悠遠。冉求贊曰。循良之要在於有政。可使為宰。千室百乘。師門育材。治心扶性。退則進之。琢磨之柄。仲由贊曰。升堂惟先。千乘惟權。陵暴知非。委質可賢。折獄言簡。結縵禮全。惡言不耳。仲尼賴焉。言偃贊曰。道義正己。文學擅科。為宰武城。聊以絃歌。割雞之試。牛刀謂何。前言戲耳。博約則多。卜商贊曰。文學之目。名重一時。為君子儒。作魏侯師。後禮始可言詩。假蓋小嫌。聖亦不疵。顏孫師贊曰。念昔顏頤。徐商德為鄰。學以干祿。問以書紳。參前倚衡。忠信是遵。色取行違。作戒後人。澹臺滅明贊曰。惟子有道。天與異容。狀雖云惡。德則其豐。南止江沱。學者雲從。取士自茲。貌或非公。宓不齊贊曰。君子若人。單父之政。引肘寤君。放魚粟令。傅郭勿獲。遂能制命。百代理邑。用規觀聽。原憲贊曰。賦彼窮閭。達士所賓。邦無道數。進退孰倫。敝衣非病。無財乃貧。賜雖不憚。清節照人。公冶長贊曰。子長公度。高出倫



雖在縲絏。知非其罪。純德備行。夫子所采。以子妻之。尤知英槩。南宮縚贊曰。先覺既位。簪履並馳。尚德君子。爾乃兼之。羿羿可慚。禹稷可師。三復此道。載觀白圭。公哲哀贊曰。周衰偽隆。政在羣公。廉恥道微。家臣卑崇。不為屈節。搗默自容。子於是時。凜然清風。曾點贊曰。惟時義方。有子誠孝。怡怡聖域。俱膺是道。暮春舞雩。詠歌至教。師故與之和悅。宜召。顏無繇贊曰。人誰無子。爾嗣標奇。行為世範。學為人師。請車誠非。顧匪其私。千載之下。足以示慈。商瞿贊曰。易之為書。彌綸天地。五十乃學。師訓有是。子能受授。洗心傳世。知幾其神。宜被厥祀。高柴贊曰。婉彼子羔。受業先聖。宗廟之間。一出乎正。克篤於孝。非愚乃令。師知其生。有輝賢行。漆雕開贊曰。仕進之道。要在究習。具臣而居。咎欲誰執。斯未能信。謙以有立。關里說之多士。莫及。公伯寮贊曰。人有賢否。道有廢興。子如命何。營營震驚。季孫雖惑。景伯莫平。師資一言。秩祀亦懲。司馬耕贊曰。手足甚親。志異出處。離將為亂。子乃脫去。在汚能潔。危而有慮。內省若斯。何憂何懼。樊須贊曰。養材以道。聖人兼濟。始謂非仁。問辯良喜。萬志農圃。似啖仁義。學稼之辭。豈姑舍是有。若贊曰。人稟秀德。氣貌或同。而子儼然溫溫。其容兩端。發問未答。機鋒以禮。節和斯言。可宗。公西赤贊曰。學者行道。敝糲亦稱。使齊光華。偶為肥輕。周急之言。君子所令。答問允嚴。理皆先經。巫馬施贊曰。天清日明。密雲何有。師命持蓋。子亦善叩。惟夫子博三才。允究學者之樂。所得遂茂。梁鱣贊曰。室家壯年。無子則逐。見於信史。全齊之俗。原本厥初。師言可復。以學則知。揆之宜篤。顏幸贊曰。孰封于蕭。曾惟子柳。夙飭格言。克遵善誘。明德斯馨。賢業所就。以有於儒。傳芳逾茂。冉孺贊曰。紀伯子魯。聖學是務。勵已斯約。好問乃裕。周旋中規。容止可度。允矣昔賢。後世所慕。曹卨贊曰。肅肅曹伯。王室之裔。稽習樂道。切磋明義。惟善則主。爾德是類。史筆有煥。令名永紀。伯虔贊曰。有懷子哲。全魯之彥。儒行既名。卿伯乃建。就就受道。奕奕我弁。懿選嘉

封世尊。譽薦公孫龍贊曰。黃伯著祀。公孫是云。彌縫中道。協輔斯文。藏修方異。漸漬甚勤。史記不忘。播為清芬。冉季贊曰。東平子產。姓著盛時。奉師於塾。講道之微。答問成敏。淵妙以思。升降廉陸。尚想英姿。秦商贊曰。孔父秦父。相尚以德。俱生賢嗣。相與維則。是父是子。致詰偉克。會升儒林。令名無極。漆雕哆贊曰。子敏受封。爰居武城。魯豐其聞。翩翩其英。握衣時習。願學日明。誕敷孔教。爵里疏榮。顏高贊曰。琅邪之伯。其惟子驥。微言既彰。德音孔昭。已觀書舞。同聽齊韶。歷千百視。跂想高標。漆雕徒父。贊曰。遐想子期。挾策聖帷。涉道是嗜。微爵可縻。在德既賢。在名乃垂。洋洋之風。逮今四馳。壤駟赤贊曰。式是壤伯。昭乎聖徒。執經請益。載道若無。詩書規矩。問學楷模。得時而駕。領袖諸儒。商牟贊曰。邈矣子季。睢陽是伯。屏息受業。延教登席。未踐四科。固涉六籍。祀典載之。好是正直。石作蜀贊曰。昔在石邑。能知所尊。懋依有德。克述無言。鼓篋槐市。揚名里門。此道久逝。彼美長存。任不齊贊曰。任城建伯。其表曰選。淑問雅馳。才華清遠。競辰力行。愛日勉勵。孔教崇崇。令緒顯顯。公夏首贊曰。堂堂子乘。洙泗之英。握衣唯諾。致力知行。淵源其學。赫奕其名。慶封錫壤。侯于鉅平。公良孺贊曰。陳有子正。為世所重。制行維賢。義理之勇。學不自滿。才堪大用。羊平其封。式彰光寵。后處贊曰。溫溫子里。入聞至聖。攬道之華。秉德之極。深造闢域。不乖言行。全齊之封。竹素榮盛。秦冉贊曰。彭衙高士。經籍是親。贊成德業。協於彝倫。底績聖學。期肖素臣。優哉游哉。學以致身。奚容點贊曰。雍容子哲。已望堂室。幼則有造。成則祖述。文采日化。儒風力弼。永觀厥成。德音秩秩。公肩定贊曰。公氏子忠。聖門之俊。修行文學。恒存忠信。道究一中。瞻依數仞。梁父受封。榮名益振。顏祖贊曰。關里始教。羣弟皇皇。好學不倦。時維子襄。疏封錫命。侯于富陽。於萬斯年。名譽益彰。鄭單贊曰。杏壇受教。子家其英。握衣侍立。善訓思明。學業益進。德譽斯馨。宜崇厥祀。寵爵聯城。句井疆贊曰。孔徒三千。升堂七



十子於其間有業學習。駿造聖功。歸然獨立。茂陟嘉封。鴻名緝績。罕父黑贊曰。循循子素。從游關里。分席杏壇。飲波泗水。四教克遵。百行均美。錫壤祈禱。式崇厥祀。秦祖贊曰。秦有子南。贊述作。守道之淵。成德之博。範若妙金。契猶發藥。歷世明祀。少梁龍爵。申黨贊曰。先先申周。四科與儀。逸駕文圃。鼓柁儒流。冠佩既燕。言動允休。邵陵得封。可想清修。公祖句茲贊曰。惟彼子之。錫伯期思。與賢並進。得聖而師。彬彬雅道。翼翼令儀。至言廟食。不勝榮期。贊曰。伯茲雪妻。務學實著。三千之徒。七十是豫。匪善莫行。惟德乃據。紀于前書。式章厥譽。縣成贊曰。至聖立教。子祺安雅。擅譽魯邦。啓祚鉅野。輝矣風猷。時哉用舍。出倫離類。後學是假。左人鄂贊曰。伯彼臨淄。德行稱賢。希蹤十哲。秀穎三千。心悅誠服。家至戶傳。樂只君子。文聲益宣。燕伋贊曰。師席高振。大成是集。至道克傳。賢達斯執。善教云褒。儒風可立。漁陽之士。得跋而及。鄭國贊曰。伯夫樂陽。實惟令德。優入聖門。過不畱跡。道以目傳。妙則心識。倚歟偉歟。後代之則。顏之僕贊曰。賢行顏叔。親承尼父。志銳所期。道尊是輔。泥在鈞陶。木就規矩。終縻好爵。揚名東武。原元贊曰。原氏子籍。從尼父遊。潛心墳典。其業允修。出言可式。入聖則優。樂平寵襲。克振儒流。樂欽贊曰。樂氏子聲。錫爵昌平。信道之篤。見善乃明。引領高節。載惟思誠。先賢畢集。出爲時英。廉潔贊曰。兄弟之邦。士有廉庸。涵泳素教。表揭儒宗。杏壇探蹟。洙泗從容。作興一時。莒父其封。顏何贊曰。叔仲會贊曰。瑕邱作邑。子期是爲。親訓有日。廣業於時。四教允隆。五常以持。比肩俊傑。聞望斯垂。狄黑贊曰。仰止秋哲。抱負淵通。游泳德化。揚厲素風。偉識既異。持教乃隆。厥志茂焉。崇祀無窮。邾巽贊曰。彼美邾子。先聖是承。牆仞已及。堂陛將升。良玉斯琢。寒水必冰。錫壤平陸。茂實昭騰。孔忠贊曰。維子挺生。道德之門。佩服至論。鯉則弟昆。三得三已。所問殊溫。君子歸服。義不掩恩。公西與如贊曰。杏壇啓教。高弟如雲。賢哉子上。敬業樂羣。居仁由義。崇禮修

文。臨胸錫爵。永播清芬。公西點贊曰。倚爾子上。魯邦之望。以德則貴。惟道是唱。師聰師明。友直友諒。伯於祝阿。儒風斯暢。蓬瑗贊曰。有衛伯玉。夫子與居。寡過未能。薦贊使乎。以屍諫君。友則史魚。果能進賢。燦然簡書。施之常贊曰。開國乘氏。有德斯彰。參稽百行。贊理三綱。自拔。榮名甚光。在史謫謫。歷久彌芳。林放贊曰。禮之有本。子能啓問。大哉斯言。光昭明訓。德輝泰山。誣祭能奮。崇茲祀典。盡永令問。秦非贊曰。樂善哲士。伯於沂陽。傳道克正。垂名允臧。執德以宏。用心必剛。表廣業履。式贊素王。陳亢贊曰。惟禽之問。過庭其鯉。求以異聞。詩書云爾。問一得三。誠退而喜。且知時聖。不私其子。申枏贊曰。剛毅近仁。志操莫渝。性匪祝鮀。面豈子都。有一於此。剛名可圖。云慾則柔。蓋生之徒。琴張贊曰。多能鄙事。聖人曲藝。惟其知之。是以不試。宗魯雖友。弔必以義。尚師嘉言。祀亦罔替。顏喻贊曰。褒錫朱虛。在器輪輿。儒室振領。聖門曳裾。賢業素蘊。美材以摠。百世不刊。載觀成書。步叔乘贊曰。勉勉子車。封邑淳于。親炙席席。唯諾趨隅。發微既博。雅道是扶。抑可尚也。不亦美乎。伯魚贊曰。東魯門中。嘉此名胄。有爲之先。更爲之後。既勤析薪。且克荷負。兩聖一身。終古誰偶。理宗聖賢贊。宣聖贊曰。聖哉尼父。秉德在躬。歷聘列國。道大莫容。六藝既作。文教聿崇。古今日月。萬代所宗。顏子贊曰。學冠孔門。德行科首。聞一知十。若虛實有。樂道簞瓢。不易所守。步趨聖人。瞻若其後。大中祥符二年。廷臣奉勅。分撰諸賢贊。中書侍郎兼刑部尚書同中書門下平章事。集賢殿大學士兼修國史王旦撰顏回贊曰。賢哉子淵。惟仁是好。如愚。屢空臨幾。睹與用行。舍藏與聖同道。封岱丁辰。益茲榮號。閱損贊曰。子騫達者。閭閻成性。德貫四科。孝先百行。人無閒言。道亦希聖。公衮增封。均乃天慶。禮部尚書知樞密院事修國史王欽若撰冉耕贊曰。聖門建耆。德行爲先。洙泗來學。顏閔差肩。天封



儒藏

展禮公衰衰賢生則命寡沒而道宜再雍贊曰不佞之仁具體之賢登彼堂與用之山川代逢偃革禮畢升煙錫以三壤賁茲九泉尚書左丞參知政事馮拯撰宰子贊曰倬彼宰子服膺宣父學洞堂與名揚鄒魯再期設問五常垂矩遇我慶成增封茅土端木賜贊曰賜之望回獨云知二器稱瑚璉在禮斯貴服道稱師名垂萬世公爵追崇時惟肆類行尚書左丞知樞密院事修國史陳堯叟撰冉求贊曰謙謙令德少著嘉聞敏於從政治以斯文垂鴻報本適遇明君永錫徽稱載揚清芬仲由贊曰猗歟魯哲義勇無儔獨立不懼從政惟優欽屬仁聖勒封介邱褒賢進號載顯英猷守尚書工部侍郎參知政事修國史趙安仁撰言偃贊曰魯堂登科睹奧將聖武城之小可以觀政澹臺之舉行不由徑追建上公素風逾盛卜商贊曰詩動天地起予者商溫柔立教文學升堂雅頌得所治亂攸彰慶成嘉賁其道彌芳尚書右僕射張齊賢撰曾參贊曰孝乎惟孝曾子稱焉唐虞比德洙泗推賢服膺授旨終身拳拳封爵飾贈永耀青編顧孫師贊曰堂堂張也商德與鄰尊賢容衆崇德依仁入趨函丈退而書紳升中優贈道與名新行戶部尚書溫仲舒撰澹臺誠明贊曰不由徑行其直可貴不私見人其公可畏擊蛟既勇毀壁且義紀號益封旌厥賢士密不齊贊曰天生良材爲魯君子堂上琴作邑中民治伍人致逸受教成美展禮崇賢疏曾育煒行戶部尚書寇準撰南宮紹贊曰南宮君子尚德聖門有道不廢危行遜言白圭三復執慎思存慶成旌善昨壤佳藩公哲哀贊曰賢哉季次履潔居貞卷懷不仕家臣是輕素王攸嘆式昭令名封爵均慶侯社疏榮給事中三司使丁謂撰曾點贊曰侍坐魯堂各言其志舍瑟而對超乎冉季治沂舞雩詠歌道義遇我慶成錫壤進位顏無繇贊曰素王將聖實爲我師顏子殆庶趨庭學詩請車無愧陋巷安卑追榮侯服達此上儀守給事中知制誥同修國史晁迥撰商瞿贊曰易之爲書窮理盡性聖也親受抗心希

聖畢編靡釋素風允競展禮封侯千載輝映高柴贊曰猗歟子羔孝小篤矣慎終銜恤未嘗見齒難能而能君子知已考古褒崇於斯爲美行尚書工部郎中知制誥李宗諤撰漆雕開贊曰闕里之堂邈矣難造猗歟子若實睹其奧學優當仕非乃攸好明祀益封式稽古道公伯寮贊曰孔門達者服膺聖域函丈振衣其儀不忒顯允君子有典有則禮洽慶成爵封侯國行尚書兵部員外郎知制誥同修國史判史館事楊億撰司馬耕贊曰仁遠乎哉其言也訥虛往實歸耽思旁訊違難迷邦奚虞悔吝疏曾丁辰寵名以峻獎須贊曰學優乃仕齒于家陪戎車爲右誓衆靡回贊疑辨問仁智既該建侯追榮垂裕方來行御史中丞兼尚書工部侍郎王嗣宗撰公西赤贊曰翔聖賢者徂徠之英謙言小相終成大名立朝儒雅出使光榮佐佑禮法諸侯作程有若贊曰魯國高士克念烝民殊類聖人信義是陳龜鑑羣臣行尚書右丞向敏中撰原憲贊曰賢哉子思介然清淨貧惟固學道乃非病衣冠忘傲草澤遂性升中進秩垂芳尤盛公治長贊曰德行貞純公治敦倫本非其罪枉拘厥身魯堂推善孔門配姻俾侯之貴久而彌新行尚書吏部侍郎趙昌言撰巫馬施贊曰英英子施受天和氣名登魯堂位沉周季猶勤藏星庇民爲治讓德進封垂芳永世陳亢贊曰於美子禽服膺尼父問一得三垂訓千古名由實實德以位序運屬封爵爵崇分土行尚書金部員外郎知制誥判集賢院事周起撰梁纘贊曰元聖舊邦森然精爽於惟子魚式瞻遺像紀號停鑾侯封錫壤儒道有光百王所仰顏辛贊曰增封雲嶺詔踵魯堂顯允君子令儀有章英槩如挹德音不忘橫亘千古淳風載揚尚書戶部郎中知制誥李維撰冉雍贊曰聖人之道一以貫之充矣子魯堂奧斯窺惟帝登岱克陳上儀追封侯社沂水之淵冉季贊曰冉子挺生便是純粹游聖之門切摩道義時邁升中禮成肆類錫壤諸城式昭遺範行尚書比部員外郎知制

詔同知通進銀臺司兼門下封駁事王曾撰伯虔贊曰肅肅魯堂先  
先闕里伯氏達者克肖夫子運偶慶成禮崇追美後學式瞻高山仰  
止公孫龍贊曰子石鉅賢探微博古稟粹荆衡從師鄒魯令聞不已  
儀型斯睹展義疏封遂荒故土行右諫議大夫知制誥錢惟演撰秦  
冉贊曰惟聖享天陟於神房惟帝遵道升茲魯堂允矣君子死兮清  
揚式貢先烈錫諸章章秦祖贊曰

之輔

穆章甫

圖閣待制集賢殿修撰咸綸撰漆雕贊曰闕里稱賢多也其一學  
以適道名參入室昔為達者今逢盛日俾侯漢陽膺茲寵秩顏高贊  
曰魯國諸生顏氏為盛達者升堂是亦希聖龍章載加侯服輝映名  
著遺編人師往行尚書工部郎中龍圖閣待制集賢殿修撰同修起  
居注陳彭年撰壤駟赤贊曰荷與壤駟信而好古騷駕咸秦握衣鄉  
魯言必成文動不踰矩成禮介邱追榮社土漆雕徒父贊曰受教聖  
人服勤墳籍如彼時術故能日益元封慶成介圭追錫圖形繪素鏤  
美金石尚書工部郎中直昭文館陳充撰石作蜀贊曰宣尼日月無  
得而踰粵有哲士嘗為學徒登封偶聖至德崇儒以地進爵斯文乃  
殊任不齊贊曰荆衡誕粹賢生其中服膺數仞誠明感通地邇長坂  
爵嘉素風虔遵祀典列在儒宮尚書主客郎中直祕閣刁衍撰林放  
贊曰子邱明哲道洽素風問禮之本為儒所宗東嶽稱美長山表封  
云亭告畢慶澤薦隆商澤贊曰子季從師服膺儒雅闕里垂名同於  
達者昔寵睢陽今旌鄒野運偶登封薦臻純嘏行右司諫直史館張  
知白撰申棖贊曰洙泗之秀橫經魯堂名亞十哲道尊五常時巡駐  
蹕闕里增光封侯錫命永代流芳公良孺贊曰子幼真賢從師宣父  
服膺大猷配享終古運屬聖神時巡鄒魯五等疏封三綱式敘尚書  
兵部員外郎直史館楊紳撰曹卬贊曰三千孔徒七十賢者子循服  
道聖門之下笙簧經籍輔翼儒雅爵為蔡侯名器匪假奚容藏贊曰

雍谷子哲服勤儒墨闕里橫經魯堂師德昔從漢聘今逢檢勅皇鑑  
信圭洙泗攸色行尚書刑部員外郎直史館查道撰句并題贊曰荷  
之君子達者比肩服勤鼓篋學慕章編升中覃慶儒術攸先徹侯疏  
爵闕里之賢申黨贊曰荷與子思繼蒙垂裕昔參八九今逢三暮  
川錫壤儒風載路檢玉旌賢昭我王度行尚書祠部員外郎直集賢  
院石中立撰縣成贊曰異能之士孔徒實繁悅服至德祖述微言富  
稟天爵游乎聖門追崇之典昨以侯藩左人郭贊曰循循善誘從師  
奉聖義修道隆終古斯盛與儒建侯休命  
行尚書祠部員外郎直集賢院梅詢撰公祖句茲贊曰子之生魯從  
師尼父恂恂闕里我我章甫非聖勿言惟道是與千古而下俾侯齊  
士榮旂贊曰聖人之門學者先侯彼美子祺行修志淳異端茲害微  
言服勤格于我宋侯封是斯行太常博士直史館同修起居注崔遵  
度撰顏之僕贊曰洙水悠悠子叔優優及肩等賜升堂並由元后時  
邁禮成介邱旌此達者爵為列侯遠褒贊曰達哉君子外寬內正好  
禮直躬衛風斯競瑞命昭錫元符報慶俾執信圭千齡遇聖太常博  
士充集賢校理張象中撰顏喻贊曰回也庶幾諸顏近之洙泗授業  
汶上從師輔翊儒道經營德基俾侯於濟君子攸宜步叔乘贊曰聖  
人之門子車服勤學以時習道益日新數仞爰處函丈是親追封達  
烈旌美儒臣行太常博士直史館劉錯撰叔仲會贊曰斯文有宗吾  
道不窮執筆迭待惟賢比崇少成習員函丈順風東巡駐蹕肅肅  
宮顏何贊曰木鐸興教英賢輔翼荷與子冉恢章文德孝悌承風詩  
禮是則千歲丁辰始開侯國行太常博士直史館姜夔撰狄黑贊曰  
矯矯子哲來學有方依仁游藝擢齊升堂羽儀先聖物色上庠林慮  
錫壤百世之光行太常博士直史館陳知微撰燕伋贊曰八九之徒  
俱傳大義賢哉子思道本無媿鍾靈咸錫浴德洙泗增封汧源皇澤  
斯被鄒國贊曰懿彼子徒挺生闕里日遊聖門躬授微旨德音孔昭





令聞不已。疏爵胸山。式旌遺美。行太常博士。直史館。王隨撰奏。非贊曰。七十之賢。皆傳聖道。彼美子之學。臻堂與。珍席珪璋。儒宮黼藻。列爵華亭。令名長保。施之常贊曰。懿彼施常。學深儒雅。魯國上賢。孔堂達者。跡晦名彰。德高言寡。侯封是邦。昭錫純嘏。守太常丞。直集賢院。撰孔忠贊曰。賢哉先生。接踪夫子。道貴希聖。勤斯行已。關里服膺。國庠從祀。載享侯封。式昭德美。守太常丞。直史館。陳撰。邦異贊曰。展矣子斂。孔門高弟。模範將聖。博約六藝。斯謂達者。顯於當世。追封列侯。流芳永裔。守直集賢院。范撰。公西與如贊曰。鍾美齊疆。從師魯國。展矣斯人。道臻聖域。禮墨金繩。慶敷文德。薦享侯封。永光廟食。大理寺丞。祕閣校理。劉筠撰。公西成贊曰。魯多學者。服勤游聖。祝羸惟肖。成性純有。餘裕是亦為政。追侯於徐。用均天慶。大理寺丞。集賢校理。宋綬撰。琴張贊曰。反魯之始。從師去里。不試故藝。善言攸紀。非義罷弔。崇仁為美。銘嶽益封。用旌君子。丁謂又撰左邱明贊曰。倚與左氏。聞道素王。依經作傳。微旨用彰。詞有餘韻。人希末光。慶封錫壤。廣魯之疆。晁迥又撰。公羊高贊曰。高也解經。辨裁咸服。學官所傳。齊名左穀。追獎肇封。宸心允屬。闕典彌逢。時文載郁。李宗諤又撰。穀梁赤贊曰。仲尼修經。咸麟絕筆。赤也發揮。與義斯出。立學名家。道隆盛日。列爵疏封。式崇儒術。楊億又撰。伏勝贊曰。伏生明經。為秦博士。祖習微言。流離秦齒。壁藏其文。口授厥旨。建號旌儒。錫封仁里。周起又撰。高堂生贊曰。秦歷告窮。炎靈啓祚。篤生令人。允貞王度。名教斯宗。禮文有素。勒封告成。式昭餘裕。李維又撰。戴聖贊曰。安上治民。惟禮為急。賴君大儒。發揮講習。傳授實繁。其學遂立。均慶疏封。寵章斯及。王曾又撰。毛萇贊曰。孔徒受業。商也言詩。研精詰訓。誰其嗣之。毛公興學。永代師資。疏封錫命。禮治頌朝。錢惟演又撰。孔安國贊曰。顯顯臨淮。聖人之系。訓傳遺文。克示永世。繪像廟庭。事彰吾繼。東巡受封。是為褒異。戚綸又撰。劉向贊曰。漢宣之世。穀梁興學。

子政大儒。煥乎先覺。道業光顯。風流遐邇。展采逢辰。寵章優渥。陳彭年又撰。鄭眾贊曰。經禮三百。垂世作程。仲師為訓。其義昭明。周官先覺。漢室名卿。元封班慶。茂爵追榮。查道又撰。杜子春贊曰。三川二室。英靈所鍾。學窮周制。譽滿儒宗。杏壇闕里。差有比蹤。一命作伯。慶我天封。崔遵度又撰。馬融贊曰。季長博洽。為世通儒。名立訓傳。善誘生徒。東觀文炳。南國化孚。躬圭之贈。明我升符。行太常博士。直史館。路振撰。盧植贊曰。堂堂子幹。學洞今古。業紹師聞。聘交四府。登朝抗議。排戈赴主。吉禮告成。遂聯圭組。鄭康成贊曰。漢德云季。藝文乖舛。實生純儒。克明大典。學徒既盛。師道益顯。疏爵昌辰。允彰積善。服虔贊曰。子慎清介。文采詳練。博通經史。爰作訓傳。百世之下。皇明乃瞻。登岱錫封。永昭廟奠。行太常博士。王曙撰。賈逵贊曰。猗與景伯。為世通儒。發明左氏。富而不誣。禮成大報。澤浹中區。躬圭褒異。垂勸生徒。何休贊曰。何侯博達。含章履溫。作為墨守。是謂專門。仙閣接統。驚見推恩。思樂膠序。儒風益尊。王肅贊曰。子雍秉彝。凜然正色。達學多聞。能窮先識。益厚增高。崇儒尚德。介圭追榮。丹青載飾。守太常丞。直史館。陳撰。王弼贊曰。易之為教。潔靜精微。卓哉輔嗣。極慮研幾。天才逸辨。元理發揮。慶成疏爵。用峻等威。大理寺丞。元祐閣校理。撰。杜預贊曰。博學多聞。昔稱傳癖。釋例既詳。異論斯斥。逮我慶成。布昭純錫。追寵公台。增封疏秩。宋綬又撰。范甯贊曰。豫章篤學。通覽墳籍。研講清婉。沉精善釋。準裁羣疑。敷陳至蹟。運偶慶成。疏封霑澤。尹復臻。孔子小影贊。夫子之像。其初孰傳。得於其家。幾二千年。仰聖人之容色。瞻古人之衣冠。信所謂溫而厲。威而不猛。恭而安。若夫其道如神。其德如天。則自生民以來。未有如夫子者。蓋無得而名焉。蘇軾。孔北海贊并序。文舉以英偉冠世之資。師表海內。意所予奪。天下從之。此人中龍也。而曹操陰賊險狠。特鬼蜮之雄者耳。其勢決不兩立。非公誅操。則操害公。此理之常。而前史乃謂公負其高氣。志

在靖難而才疎意廣訖無成功此蓋當時奴婢小人論公之語公之無成天也使夫未欲亡漢公誅操如殺狐兔何足道哉世之稱人豪者才氣各有高卑然皆以臨難不懼談笑就死爲雄操以病亡子孫滿前而啜羹涕泣流連妾婦分香賣履區區衣物平生委爲死見真性世以成敗論人物故操得在英雄之列而公見謂才疎意廣豈不悲哉操平生畏劉備而備以公知天下有己爲喜天若昨漢公使備誅操無難也子讀公所作楊四公贊歎曰方操害公復有魯國一男子慨然爭之公庶幾不死乃作北海贊曰晉有羯奴盜賊之孽欺孤如操又竭所恥我書春秋與齊豹齒文舉在天雖亡不死我宗若人尙友千祀視公如龍視操如鬼

米芾孔子贊 孔子孔子大哉孔子孔子以前既無孔子孔子以後更無孔子孔子孔子大哉孔子

又手植檜贊 煒東皇養白日御元氣昭道一動化機此檜植煒龍怪挺雄質二千年敵金石乳治亂如一昔自代下陰圭璧

元元明善檜像贊并序 乙丑冬十二月拜林廟還得手植檜把握許就刻之爲宣聖顏孟十哲像且以文楷爲像像出於手檜爲難其得於煨燼之餘又爲難合爲二難宜爲儒家世寶乃百拜而爲贊云

體則微理則全望之儼然就之溫然見其參於前手所植焉形所寓焉數之管窺浩浩其天是倚以爲甘棠之堅邪抑與夏鼎殷盤而傳也

明趙伯善孔祭酒贊 德音渾涵兮手神秀整才學內宏兮文辭外聘爵世上公兮敷歷臺省瀛洲辟雍兮斯文主領勇退歸來兮尙華晚景沒而不朽兮名垂久永丹青莫狀兮靈臺炯炯於以仰聖人之後兮彷彿又得見乎小影

黃晉擊蛇笏贊 於烈孔公碩大且方麟鳳在郊百怪斂藏爾蟲何

知乃罔畏忌恍彼蜚蜚改聽易視維是手版猶古壁圭千鈞則重鼠則微憤激於中有弗遑計寧使妖血狼籍沾清展也先覺俾民不迷九原真作物是人非人之非兮鱗鱗之舞尙其聞孫曰子禦侮

陳鳳梧聖賢贊 孔子贊曰道冠古今德配天地刪述六經垂憲萬世統承義皇源啓洙泗報德報功百王崇祀顏子贊曰天稟純粹一元之春精金美玉和風慶雲博文約禮超入聖門百王治法萬世歸仁曾子贊曰守約而博學恕以忠聖門之傳獨得其宗一貫之旨三省之功格致誠正萬世所宗子思贊曰精一之傳誠明之學聖門嫡派斯道有託發育洋洋焉飛魚躍慎獨之訓示我先覺孟子贊曰哲人既萎亞聖斯作距詖闢邪正論諄諄堯舜之性仁義之學烈日秋霜泰山喬嶽

胡續宗夫子贊 一以貫之金聲玉振是謂大成賢於堯舜教在六經道該羣聖生民以來未有其盛

李夢陽夫子贊 鳳鳥不至人莫之知行廢知命獲麟竟悲已訃道信萬世攸師願學謂何小子敬思

曹子沐手植檜贊 尼聖植教萬古長存尼聖植檜與教並存教之興替世運攸係檜之榮枯與教並係教係於世是可知也檜係於世不可知也惟不可知斯爲聖神

王公弼靈檜贊 讚神聖者功德彌隆四時符序兩儀合明化及草木雨露滋榮瑞根元植秉粹含靈繁枝脫盡獨挺孤踪爰蒼其色爰貞其形望而叩之玉振金聲不陋漢柏遠邁秦松以立士節以式臣忠與天地老會日月精撐扶世教應運其興千秋萬祀瞻仰斯同

銘

宋王禹偁魯壁銘并序 在天成象壁星主文聖人藏書所以順乎天也意乾坤不可以久否故交之以泰日月不可以久晦又繼之以明文籍不可以久廢亦受之以興我夫子當周之衰則否屬魯之亂

則晦及秦之暴則廢漢之王則興其廢也賴斯壁而藏之其興也自斯壁而發之矧乎三墳言大道也述於君則堯舜禹湯文武之業備矣述於臣則皋繇稷契伊呂之功盡矣濟乎世則六府修矣化乎人則五教立矣向使不藏魯壁盡委秦坑焰飛聖言灰燼帝道則後之為君者不問堯舜禮讓之德禹湯征伐之功文武憲章之典將欲化民不亦難乎後之為臣者又不聞皋繇之述九德稷之諧八音稷之播百穀契之遜五品伊之翊贊呂之征伐復欲致君不亦難乎世不知六府則無火食之人卉服之眾與夷狄攸同矣人不知五教則忘父子之慈孝兄弟之友恭與鳥獸無別矣欲見熙熙之國政平平之王道不亦遠乎嗚呼金有藏玉有積防之以關鍵固之以絨縻必有竊而求之者蓋重利也斯壁藏君臣之道父子之教人無求而行之者蓋輕義也天恐壞斯壁毀斯文命其主以壞之伏生以誦之使天下皎然知上古之道其大矣哉銘曰據山高兮秦城鑿池深兮為秦坑城之高兮胡先壞池之深兮胡先平伊斯壁兮藏家書歷秦亂兮猶不傾壞之者共王誦之者伏生發典諷訓誥之義振金石絲竹之聲如天地兮否而復泰如日月兮晦而復明秦之焚兮未盡我不為燼秦之坑兮未得爾滅其國江海涸竭乾坤傾側唯斯文兮用之不息

石介擊蛇笏銘并序 天地至大有邪氣出於其間為凶暴為殘賊聽其肆行如天地卵育之而莫禦也人生最靈或異類出於其表為妖怪信其異端如人蔽覆之而莫露也祥符年間寧明天慶觀有蛇妖怪怪異郡刺史日兩至於其廟朝焉人以為龍舉州人內外遠近罔不駭奔於門以觀恭莊肅祇無敢怠者今龍圖侍御孔公時佐幕在是邦亦隨郡刺史於其庭公曰明則有禮樂幽則有鬼神是蛇不亦誣乎感吾民亂吾俗殺無赦以手版擊其首遂斃於前則蛇無異焉郡刺史暨州內外遠近庶民昭然若發矇見青天睹白日故不能

肆其凶殘而成其妖惑易曰是故知鬼神之情狀公之謂乎夫天地間有純剛至正之氣或鍾於物或鍾於人人有死物有靈此氣不滅烈烈然彌亘億萬世而長在在堯時為指佞草在魯為孔子誅少正卯刃在齊在晉為董史筆在漢武朝為東方朔戟在成帝朝為朱雲劍在東漢為張綱輪在唐為韓愈論佛骨表逐鱷魚文為段太尉擊朱泚笏今為公擊蛇笏故佞人去堯德聰少正誅孔法舉罪趙盾晉人懼辟趙盾子齊刑明距董偃斬張尚彈梁冀漢室又佛老微聖德行鱷魚徒朝思息朱泚傷唐朝振怪蛇死妖氣散噫天地鍾至正之氣在公之笏豈徒斃一蛇而已軒陛之下有罔上欺民先意順旨者公以此笏指之廟堂之上有蔽賢蒙恩違法亂紀者公以此笏麾之朝廷之內有諛容佞色附邪有正者公以此笏擊之夫如是則軒陛之下不仁者去廟堂之上無佞臣朝廷之內無佞人則笏之功也豈止在一蛇公以笏為任笏得公而用公方為朝廷正人笏方為公之良器敢稱德於公作笏銘曰至正之氣天地則有笏惟靈物笏乃能受笏之為物純剛正直公惟正人公乃能得笏之在公能破淫妖公之在朝廷人乃消靈氣未竭斯笏不折正道未忘斯笏不藏惟公實之烈烈其光

米市手植榆銘 乃根子哉乃枝子哉子哉子哉子哉子乃父乃子乃子乃日子子乃月子子乃

金高德裔杏壇銘 周室下衰王綱解紐非大聖人狂瀾莫救天挺夫子生民未有立言絕世木舌金口三千之徒義由此受我瞻遺壇實為教首萬代護持天長地久

元張頌榆銘 茲榆之幹高參於天茲榆之根深及於泉是為手植自古有傳去聖伊何曰歲二千氣芳而達色殷而堅誰謂崑岡良玉以真誰謂斧斯美茹以連嘉種嚴行有芽其卷由乎變閱東廡之偏乃徙故處全其天然孔氏以興矢言有焉粵若三祀慈慈莘莘聖道



以續聖澤以延。胞肫其仁。淵淵其淵。自今以始。於億萬年。

明李東陽詩禮堂銘。惟孔有庭。聖訓攸在。父立子過。其徒是賴。其訓維何。維詩及禮。手所刪定。教自家始。聖不可作。庭名固存。萬世是師。矧惟子孫。新廟既闢。新堂亦遷。有來繩繩。世守勿愆。

又金絲堂銘。惟孔有宅。曰惟聖門。魯共何人。欲壞更存。惟壁有書。四代之文。維堂有聲。八音是聞。此事茫昧。書則真有。有堂載新。宅固其舊。聞樂知德。斯言已久。金絲在焉。名不可朽。昔堂在東。今堂則西。欲究厥初。視我銘詩。

陳鳳梧闕里鐘銘并序。維闕里有廟。實先聖降神之地。而設教於茲。杏壇固在焉。歷代尊崇。規制寢備。至於我朝。益加隆重。孝皇鼎新。宮牆極其宏麗。皇上龍飛。改元鳳梧。適承之巡撫。祇謁廟庭。偕衍聖公。聞韶達觀。厥營時。按察副使錢宏在陪位。謂廟宜有大鑄。以宣金聲。而舊鑄以鐵。厥音弗聰。鳳梧題之。乃檄兗州知府陳談籍官銅。若干鈞。卜日範型。鼓鑄惟良。爰稽禮塗。鑒懸於闕里之鐘樓。晨昏考擊。聲振洙泗。僉曰。盛哉。不可無紀。敢僭爲之銘。曰。夫子之道。集厥大成。始終條理。玉振金聲。闕里翼翼。四方是式。絲竹餘音。環宅可即。矧於昭代。廟制益崇。乃模乃冶。成茲巨鑄。實大聲宏。鼓中聞外。覺我未覺。啓厥聾聵。聖謨洋洋。德音孔彰。如聽警欬。曰和而莊。瞻仰杏壇。禮樂斯備。肅然起敬。王祀萬世。

袁禧如孔檜銘。蔽芾甘棠。德也勿忘。矧茲手植。道脈潛藏。了無枝葉。不露文章。苞孕千古。吐納陰陽。其靜也專。其動也直。其動也闢。其靜也翕。猶如觀之一貫。體立。亦曰太極一部完易。

闕里文獻考卷三十八終

闕里文獻考卷三十九  
藝文第十二之八

祭文

宋四十四代孫助祭先聖文 惟王體膺上聖道尊綿古歷帝師登羣倫宗主兩曜麗天四瀆橫萬爰念羣軀叨承世譜刻意弱齡伏膺遺矩筮仕聖朝策名藝圃無德以居惟聖是佑言茲縣封躬持脩脯自解銅章逮塵金組涉歲滋深之官旁午雖有子孫嗣守邦土恨遠衰華徒瞻首賴既涉郎臺更直帝宇觀荷隆構少望丹府紹慶門閤授之道輔主上續臨官崇遺補言路是開德音斯普召備諫垣日親殿廡操履且嚴發揮有睹上贊皇猷下幹父蠱忠孝克孚鄉校不侮內閣進班端闥布武得請天宸試才汝濬惟助抗章再臨單父同別縣堤俱分銅虎輝耀鴻都歸還故轡林近五衢春融九屬景物熙熙原田靡廛式仰威靈奚勝鼓舞集是慶榮蓋承訓詁乃竭精誠用潔魯饗虔祭吉辰丕昭多祐勉惕之心弗窮願樓

四十五代孫道輔祭先聖文 道輔早持邦憲黜典淮城方數月聞遷守徐城大君之惠樂諫旌忠亦以祖聖慶餘能守直道不置於法儒者進則事君退則事親忠孝之道祖教之本後嗣弗能守其孰能行之昔曾子耕山無祿能事父母今道輔位為大夫權任方面嚴父慈母不能歸養豈聖意乎因西鄉拜章天從其欲詔守故魯對揚休命且厚於親者薄於位深於道者淺於利修其身者尊其祖明於禮者光於祀道輔不佞敢不事親守道恭祖致祀將無忝祖聖之慶夫日月之運天地之久不言之化也贊日月之明合天地之功言成其化者聖祖之教也明天子北面事之如親弟子禮固不假後昆辭而尊之然後為貴也今授魯之政至治之初洒掃祠壇燭照牲帛粢盛庶品祈享厥誠惟福流於親益永其齡

元祿縣佳台祭孔子文 於戲天地吾知其大也料數莫逃乎管注

江河吾知其廣也游泳不過乎航章吾夫子之德出乎其類拔乎其萃自生民以來未之有也不江不河潤則有餘非日非月光無不及微夫子則不知其所以始微夫子則不知其所以終儀範百王憲章後世祀典常奉歷代有之孔林茂密子孫保之釋奠廟貌神其歆之于欽祭先聖文 惟王德同太極道伴元氣集厥大成垂憲萬世於赫事功拔聖之萃王祀萬年魯廟有歸泰山可頌魯宮巍巍河海可竭魯墳業業望魯有年今始魯遊春風沂水瑟音悠悠登降有嚴洋洋珮環敢不肅恭以承神休

明林榮祭先聖文 天地至大也然西北或傾東南或缺則大者有時而窮日月至明也然既中必昃既盈必食則明者有時而晦山嶽至高也然高岸為谷深谷為陵則高者有時而卑河海至深也然瓊隄之決桑田之變則深者有時而竭若夫至大而無窮至明而不晦高矣而不可卑深矣而不可竭其惟我夫子之道乎夫子之道何人倫日用之當行者是耳前乎千萬世之既往後乎千萬世之方來為君臣父子長幼夫婦朋友者而不悖乎是焉則君仁臣忠父慈子孝長幼有序夫婦有別朋友有信人而謂之人國而謂之國一或悖焉則君不君臣不臣父不父子不子長幼無序夫婦無別朋友無信人將近於禽獸中國淪胥於夷狄矣然則夫子之道可得而窮可得而晦可得而卑可得而竭也哉今距夫子之生已二千年歷代之君追王而師尊之通祀徧於天下封後人以上公之爵立官以教其子孫凡天下之人能誦夫子之言而明其道者咸委用之夫大者論道經邦小者分理庶務布列於中外我朝因之有加無已其崇德象賢尊儒重道之意可謂至矣然非以是足報稱於夫子也蓋將以闡明世教而壽國脈也榮自有識莊誦夫子之言其於夫子之道譬猶以蠅窺天未能見其萬一徒叨清秩而竊祿於朝碌碌無補於人國恒以孤夫子之澤是懼茲者謬承上命來按山東道夫子之故鄉值歲事云



尊是用吉。謂祀事祇謁廟庭。且敬陳斯道功用之大。凡使相禮者。聞而告之。人人庶幾風教之一助。

李東陽祭尼山夫子廟文 聖人之生。必當貞元之會。粟川嶽之精。尼山之麓。有洞曰坤靈者。實吾夫子之所生也。仰惟德合元化。道存六經。集羣聖之條理。開萬世之太平。實吾人所賴以有成者也。薦享之禮。報答之義。達上下遠邇而無間者。天下之同情也。瞻我闕里有嚴廟庭。屬重建之舉。為代祀之行。蓋統於專命。而不敢以附託為私榮也。故踰三日之祭。而不遠數千里之程。辨香之獻。少牢之薦。亦惟以致愚誠也。若乃幼而學。壯而行。為子而孝。為臣而忠。嚴出處之分。慎始終之節。以質於幽明。方竊有志焉。而懼未之能也。冀聖靈之如在。乎上在乎左右者。其幸鑒之。庶幾無負於心盟也。

六十一代衍聖公祭中興外祖墓文 五季之衰。偽孔乘勢。暴如虎狼。戕殺聖裔。噍類靡遺。林廟誰主。世方草昧。狐狸中處。天祐斯文。有祖勃興。生才九月。上應奎星。慈母抱持。遐跡張氏。乃復舊物。以存宗祀。元啓運。再造家門。綿綿瓜瓞。裕及後昆。昭穆相承。二十一代。悠久無疆。萬世永賴。如木有本。如水有源。彼蒼垂鑒。吾族仰思。欲報之幸。際明時。式修醵豆。寫我心思。

童旭告孔子廟文 於赫闕里。素王鍾英。彼兇干紀。震動廟庭。孰吏茲土。殫心經營。天子曰。都兗議。遂行。乃遷舊邑。乃築新城。既保族姓。亦安聖靈。秋孟之吉。奮鋪肇興。庶民百工。子來不驚。尚祈神貺。默相厥成。

又新城工成告廟文 邇者流賊竊發。越入魯境。曲阜為邑。地僻城卑。不足防禦。民既奔潰。賊肆兇悖。焚略廬室。突犯廟庭。有司深以為懼。寇平得請於朝。遷築縣治。依衛宮牆。俾適居之民。與神明之族。胥匡助望。永建厥家。工報僇功。運用綦盛。牲醴用伸。虔告。

陳鳳梧祭先聖文 文武之道。傳之周公。封於魯邦。禮樂昭融。奕奕

尼山。源源洙泗。靈秀所鍾。貞元間氣。五百昌期。生吾夫子。繼天立極。上承姚姒。道高德厚。教化無窮。六經炳耀。如日方中。瞻茲闕里宮殿。有翼百王。所尊與天無極。譬則泰嶽萬山。攸宗譬則東海萬水。攸同貌惟小子。質愚而鈍。方其髫髻。已知敬信。朝夕在齋。百拜稽顙。如見聖容。洋洋在上。乃設繪像。配以四賢。春秋釋菜。必恭必虔。講習之餘。瞻容慕德。夢寐或見。恍然侍側。及叨一第。歷官中外。奉像以隨。致嚴母忌。幸典文教。晉楚兩邦。推明正學。以淑俊良。家有精舍。極其崇祀。朝夕展肅。傳之世世。顧惟聖鄉。未遂瞻拜。積此愚忱。三十餘載。敬趨杏壇。沐浴齊莊。陟降左右。道德之光。如登泰山。天下小矣。如觀於海。難乎為水。觀於聖門。實難為言。仰瞻瞻忽。若後若前。四時行焉。百物生焉。天何言哉。聖道則然。尚冀聖靈。佑啓小子。不墜其傳。深探本始。祇謁之初。薦此蘋蘩。斯文萬古。天壤俱存。

羅鳳告孔子文 惟闕里實道化之攸始。廟庭聳天下之具瞻。報祀孔殷。禮樂夙備。曩因流寇披攘。毒延東土。致將彝器殘毀。有司因循。未之修舉。積有歲年。鳳承乏守郡。訟此墜典。實瞻於懷。乃稽按載籍。發汶上之藏。錢市羣材。以從事實。以儀譜各從品式。今者百物咸具。八音亦完。謹涓吉日。奉安敢以牲醴用伸虔告。

趙賢祭孔子文 惟師上律下襲祖述憲章。六經垂教。萬世無疆。蓋賢深懼不能學焉。而來巡乃幸遊於聖人之鄉。至魯至道。嘉言孔彰。將必有所以為注措之方。杏壇故跡。瞻戀傍徨。無亦惻然念賢。以及桑梓之邦。為之陰佑而默相。俾賢慰生平仰止之思。而亦庶幾無玷於宮牆。

闕里文獻考卷三十九終

賦

唐王嵩摹孔子石硯賦 昔夫子有石硯焉。遊觀器用。宛無雕鏤。古石猶在今人。尚傳從歎。鳳兮何世。至獲麟兮。幾年。世歷近王。近霸。年止幾徂。幾遷。任往迴於几席。垂翰墨於韋編。時亦遠矣。物仍在焉。非聖人之休祐。安得茲而不捐。洎乎俗遠。聖賢教遺。齊魯列廟。以居先師。攸主上。熒熒以光。澈旁兼。兼以色固。介爾貞堅。確乎規矩。昔諸侯立政。周道無聞。嗟禮樂之仍缺。歎詩書而未分。聖人乃啓。以褒貶垂以典墳。必藉茲器。用成斯文。蓋石固而人往。亦事存乎硯云。至乃方質圓形。銅模龜首。雕飾爲用。陶甄可久。橫彩煙而不絕。添綠水而常有。豈如石焉。斯爲不朽。昔偶宣父。厥容伊何。旁積垂露。中含偃波。時代遷移。去游夏而彌遠。日月逾邁。變炎涼之已多。別有逢掖書生。獻策東京。仰希先哲。攻文後成。叨秉筆以當問。愧含毫而頌聲。

王起宣尼宅聞金石賦 魯共王益宮於孔氏。壞宅於闕里。聞金石絲竹之聲。有六律五音之美。清冷始奏。異洞庭之載張。寂寞而來。非鈞天之可視。或管或磬。以禮以祀。徒在廟而見聽。豈升堂之足擬。當其攝齊而進。拾級而前。遠近猶惑。鏗鏘始傳。式感王心。聘國無勞。乎七十克諧。聖域攝衣。若化乎三千。信不擊而不考。實元之而又元。惟金也振春容。而無闕惟竹也象吹噓。而未歇。惜惜擊石如荷。費之初聞。杳杳揮絲。疑孺悲之來謁。所以表正聲之感。所以同古樂之發。遐想乎反魯之年。追思乎在齊之月。迴環棟宇。繚繞庭除。惟恍惟惚。如繹如心。方啓乃樂。可依於固。將極天而蟠地。豈徒舞獸而躍魚。疾徐有則。清濁不忒。非審以知政。非作以崇德。藏書之壁。時繹而難分。夢奠之楹。乍洋洋而未測。響雜乎鴻鵠。韻調乎宮羽。絲管不形。篋篋無睹。固可掩歌鐘於二四。配莖英於三五。及夫鏗爾樂闕。油然而思。

深睹與且驚夫盈耳。廣居由是而革心。豈不以感上聖之旨。聞至德之音哉。皇家始崇儒禮。莫先褒聖尊素王之號。廣舊宅之敬。儼逸韻之再聞。播乎樂府之盛。

許康佐宣尼宅聞金石絲竹之聲賦 嗶嗶樂聲。瞻言闕里。視之不見。聽之盈耳。宮牆如在。可配於鏗鏘。德音不忘。曷聞於年祀。猗歟原至樂之作。具凡音之起。靜而疑深。絕而復尋。繹如迭奏。譬若同音。豈幽通於元造。異中出於人心。聆其節奏。相天擊拊。發和鳴於閭域。應流韻於墀廡。既嗟乎可得而聞。又思乎其所不睹。疑一唱之歎。且至於三。比眾音之和。不容於五。莫不動心而駭耳。感今而懷古。鏘若在懸。哀如在絃。荀簋無形。異和戎之二。四聲詩合雅。同鼓篋於三千。事寧同於想像。理實闕於言筌。爾其融洩克諧。肅雍清越。通明洞幽。變化翕忽。激數仞以徐來。觸兩楹而靜發。憑合莫以方奏。流元聞而未闕。故能動心導和。響皆順正。德有符於解慍。教實倍於施令。式彰乎不測之神。以見乎多能之聖。俾恭王之是驚。聞斯行諸稽太師之所謂。始作翕如。且遺音於棟宇。寧假手於元虛。於是辨清濁。節疾徐。知笙簧之迭和。訝鐘鼓之相於。其變無方。其來不極。靜好交至。激揚未息。簡子夢中之遇。其志則流。靈公濮上之音。其聲多應。曷若舒嘽緩。遵肆直。俾夫音聲之道。感通咸聽。此而知德。

蔣凝瑞宅得書賦 孔氏之居中。藏古書。當霸魯壞墮之日。見亡秦焚滅之餘。卜數仞爲繚垣。時之潛矣。定四科於竹簡。世以傳諸。當其漢偃兵戈。魯修宮掖。將窮下國之修。遂去前賢之籍。并吞一畝。方取地以崇居。摧折兩楹。遂得書於暗壁。悲夫。其宅也。人亡道窮。削跡於中。瓦礫而昨階。缺裂塵飛。而環堵空濠。鯉也必趨之庭。將爲蠶路。仲由未入之室。欲創離宮。其書也。藏書廢久。坑儒之後。蟲侵而鳥跡微。於土蝕而韋編欲朽。虞夏不刊之典。出彼巧壤。殷周將喪之文。存於培塿。於是升彼堂矣。棄諸簡焉。信遺址兮。必取寧古文兮。何傳將卜。





樓臺刻棟無而屹若。俄聞金石扣寂。實以鏗然。王乃凝思。潛聽追跡。輟作存其宅兮。不壞。知其書兮。可學。悔賤古而榮今。庶立禮而成樂。門庭猶在。存聖者之規模。蟲篆難詳。是古人之質樸。倚伏相推。於焉有之。不廣其居。則斯文永墮。不聞其樂。則往蹟全賸。信乎君子所居。亦廢興而有數。聖人大道。當用舍而隨時。今皇家修典。墳崇闕闕。開儒館以待士。設文教以濟國。千秋萬歲。知此道之無窮。四海九州。信將來之有得。

呂牧子擊磬賦 大哉將聖。樂天知命。憲章文武。昭宣孝敬。遊道藝之門。觀魯衛之政。知禮文之述。作繁王道之衰。盛將有托於知音。故先擊其浮磬。翕如始奏。冷然激揚。旁達草木。獨調宮商。律中乃節。而信清引而越以長。何一氣之立。則若五色而成章。羽可以振振。獸可以踰踰。神人以和。舍此奚取。樂懸之位。斯焉是將。請協於國風。本一於心。始將此易俗。非爲悅己。作於朝而君臣同和。聽於家而少長咸喜。不達情者。莫究其理。不賞音者。莫知其旨。非有爲而作焉。豈苟樂而爲爾。噫。斯道之行。如磬之聲。合於制度。發於清英。應小大以隨。擊拊原始。終不可將。迎伊物情之滯隔。莫不由此而發明。謂爲藝以吾不試。語之道而知。吾志固非繫而不食。豈止垂之如墜。曾見訪於長弘。反受嗤於荷蕢。彼往而不返。欲潔其身。如樂之無節。則可奪。倫義有味。於反舌耳。無聞於日新。何沒於隱者。亦徑徑於小人。必也審音。居然大辨。動應而溥暢。虛中而獨善。使石聲無定。則我心可轉。初未明乎弛張。庸詎議乎深淺。一雅一變。正聲久遺。子擊此者。亦屢歎之。唯聖有作。闡敎命。夔乃知樂。正雅頌復在於明時。

薛勝之孔子彈文王操賦 文王有聲。惟聖能審。初彈雅操。知德音而有懷。稍奏遺音。覺儀形之可慕。雖然之狀已究。銷然之響可尋。述而不作。載好其音。德必不孤。諒前聖合於後聖。道乃無二。誠此心達於彼心。其神也邈。迨相遇。其慮也罔。或不欽則知。掩四方而氣正。加

一絃而義深。曲引烝哉。調吟皇矣。穆穆乎順帝之則。洋洋乎令聞不已。同聲相應。雖千古而會徵音異日。而論猶萬邦。而聆遺美。所以聖賢不遠古今一揆。且將合於心。豈獨盈乎耳。既而溫故知新。若聖與仁。千里同風。自宜契於風韻。千年一聖。當開出於聖人。玉指迴軫。朱絃應律。運八風而吹萬。迭五音而不一。既而文德在茲。以寧王道。宥密斯操也。必俟後賢。吾無閒然。陟降因我。而著昭穆。因我而宣符。蓋微之言。無毫釐乖於是。叶同音之理。豈合度差於前。是謂惟神所受。繼聖之後。自得於心。匪傳於口。稽帝謂之意。勤止豈無。非天縱之才。生知何有。無音不合。無德不宜。翼翼之心。因心而會。疊疊之善。盡善而知。師襄於是作。而言曰。子聖人也。與文王而同規。

無名氏聞韶賦 韶則盡美。聽何可忘。况至德之斯過。聆奇音之孔揚。天縱多能。信以嘉乎。擊拊神資。博學知具。美於典章。用而不匱。樂亦無荒。若充乎四門之術。不離乎數仞之牆。驗則足徵。用之可貴。聖者妙而合道。志者仰而自慰。悅五音而肆直。孰謂其聲致六府之和。不自忘於味。省風而八風叶暢。觀德而九德昭宣。季子慙遊於魯。地穆公徒饗於鈞天。曷若觀率舞。聆薰絃。變態無已。周流自然。可以深骨髓。而期富壽。豈徒資視聽。而娛聖賢。至若清聲虛徐。朱絃疏越。鼓以之迭奏。笙鏞於焉閒發。以感陰陽。於宇宙。耀光明於日月。自表虞德之不衰。豈效文王之既沒。是知武也未善。漢也有慙。鈞化歸於二八。讓德明乎再三。所以其道不窮。厥監斯在。駉率舞於百獸。想同和於四海。如其樂正。非關自衛。而來儻俟。風移有異。從周而改。惜惜不極。杳杳乍迷。俄將復矣。抑又揚兮。夢周公而不見。想聖德而思齊。聞斯行諸。厥不踰矩。感心駉目。是何其睹。悠然而往。三歎如在。夫寥天滌爾。而施萬籟。已吟於九土。詎忘味於三月。諒永懷於千古。幸賦韶樂之遺音。美哉尼父。

又齊人歸女樂賦 昔齊人饋魯。傾城者八十人。瑰豔絕代。綺羅嬌



春洞橫波於慢臉。迴流風於嬌身。蓋以仲尼定魯禮樂。制齊君臣。斬  
倡優於夾谷之會。復土田於汶水之濱。故遏雲與迴雪。實內圖而外  
親。將敗魯之政。弱齊之鄰。魯君臣果不端操迷。不先覺聞。進淫哇之  
聲。皆忘聖人之學。城南於是考雷鼓。默雲帷。結齊魯之歡。受鄭衛之  
樂。感煩音之愆。懣成。正聲之踏駁。夫子則不可救其失。復其迷。望龜  
山以命操。觀鳳凰而銜悽痛。王綱之蕩。蕩順天命之栖。栖魯侯若盛  
德是樹。古道是稽。抑麗靡而不納。見聖性以思齊。知季孫之僭。惟仲  
尼是與。足以受無疆之休。定以振將墜之緒。何敵國之敢抗。良霸功  
之可佇。悲夫。任權臣之傾國。納文馬與美女。薦神祇之所歆。誘耳目  
而不拒。荒笑語之啞啞。溺衣裳之楚楚。由是齊日以長。魯日以微。見  
鄰國之侵地。聞志士之沾衣。雖代祀則遠。而德音不遠。往者不可諫  
來者猶可追。若監魯道之有蕩。放鄭衛而不歸。則可以得域中之大  
致。天下之肥者矣。

宋王禹偁仲尼爲素王賦 鳳鳥不至兮。河不出圖。聖人無位兮。立  
教崇儒。道之將行。但棲遲而歷聘。民受其賜。猶南面以稱孤。有以見  
同乎王者。孰云乎蓋。出司徒者也。原其運屬。陵遲力興。儒素道將。俾  
於皇極。化實被於黔庶。文行忠信。設萬世之紀綱。禮樂詩書。崇百王  
之法度。於時也。魯道有蕩。周德下衰。言念萬國。將同四夷。不有聖也  
誰其救之。我所以行教化。序尊卑。造次顛沛。兮於是。東西南北。兮忘  
疲。用能定君臣父子之道。述皇帝霸之基。夫如是。則土無二。以並  
矣。位通三分。俾而異夫。振乃素風。齊諸大寶。贊易象兮。奉人時。修春  
秋兮。行天討。講於洙水。初彰化下之功。登彼泰山。宛契升中之道。自  
然其教斯廣。其號彌尊。豈止同明於日月。亦將比德於乾坤。居無求  
安。四載之勤勞。是效。弋不射宿。三驅之田獵。斯存。蓋由宅一畝。以卑  
宮。佩五常而克己。其位也。困於陪臣。其道也。齊乎天子。列四科而升  
十哲。元凱何殊。誅正卯而斬俳優。四凶竊比。聖德洋洋。同諸帝王。行

東脩而陳玉帛。端逢掖而垂衣裳。夢見周公。求傅巖而允理。問於老  
子。師尙父而彌光。大哉道濟古今。教流華夏。瞻不泯之廟貌。若無疆  
之宗社。悲夫。商辛夏癸。兮號獨夫。又安得比於儒者。

元郝經擊蛇笏賦并序 孔公原魯。孔子之裔孫也。仕宋祥符間。嘗  
以笏擊妖蛇。其事其節。則有臨川之誌。徂徠之銘。王偁之傳在。其笏  
則歸於今。張文彥遠。經晚進曲學。固不足贅於諸公之末。然義激於  
中。而有不能已焉者。謹賦而廣之。昔仲尼之得政也。兵裔夷。尸姦元。  
藏甲出。大都圯。魯宴而齊沮。王道之端。於是乎啓。奈之何。天不假命。  
遽行而遽止。其餘威遺烈。鉞於筆而鈇於禮。誅十二公之亂臣。二百  
四十二年之賊子。壓之以大經。束之以大法。莫敢瀆彝倫。而擾天紀。  
孰意其逆魄。扭而不散。逆靈。締而不弭。蟠結乎大塊之阿。囚鎖乎九  
原之底。乃卵。狼而孕。戾。不矜廉而厲恥。每開治而爲亂。輒張惡而掩  
嫩。代謝屈伸。閱越千祀。以及於宋。化妖蛇而陸起。窟宅乎廟堂。馮附  
乎神鬼。蛻蛻蜺蜺。曳曳類類。伸腹偃脊。呀口侈噬。呈露怪狀。愕目奪  
視。侈大澤之運動。常山之勢。愚更蚩蚩。崩角蹶趾。醺酒血牲。備爾祈  
祀。若新莽盜國。而無知之民。共稱符瑞。狂巫顛視。踴躍驚喜。稱爲神  
龍。因緣爲市。若賊操竊權。而嗜利之士。爭爲役使。妖聲異聞。鼓舌轟  
耳。囁詭唱和。譁嗽叫噪。震一郡而駭千里。莫之敢詰。亦莫之敢訛。聖  
有賢孫。釋褐於是。端笏而前。山立顧指。著銳俟發。輻鋒卒起。若子房  
之脫秦始。奮笏而擊。賴折身弛。妖死於心。毒搖於尾。若太尉之擊朱  
泚。於是惑民雨解。義士風靡。天子是嘉。用爲御史。司國之直。致國於  
理。而諫中宮之廢。折遼主之請。邁節特操。凜乎清霜。皦乎白日。雲高  
而山疑。是仲尼之以直道貽厥子孫。俾萬世如矢者。不屈不撓。拔邪  
樹正。賞善誅惡。無時而已也。則是笏也。與誅卯刃。修經筆。兵萊人戈。  
叩原壤杖。墮三都鋪異時而同跡。仲尼爲不死矣。嗚呼。叔世而下。蛇  
龍混蟄。春雷瘖而不鳴。直道質而不植。已利方而爲圓。又枉尋而直。



尺誣誦誕偽異態百出。有滿俗惑眾、乘高而為好、若茲穴廟之蛇。有巧發毒伺中人而不可測、若含沙之蜮者。有之、勿也。無之、人也。孰為之擊也。

楊維禎正考父鼎賦 客有孔林子問於鐵崖先生曰：人知三代傳鼎定於郊，郭以下世而亦知吾聖祖仲尼氏之有世鼎乎？先生曰：未也。客曰：自夏后氏之明德也，鑄金九鼎以象九州，協於上下，以承天休。桀有昏德，鼎遷弗畱，殷紂弗率，繼遷於周。孰知吾聖人之後也，而有孔口？雖祚滅於宋，而祖廟有鼎，實重於遷洛而見非於義士之流者也。當弗父何之嗣國也，曰既嫡而且賢，輕千乘於一芥，分授之弟而弗傳。及我正考父，又佐戴與武宣，位極人臣，讓德益虔。廟有重器，金耳玉鉉，於是而鑄，於是而饗，寶其儉以愈力，恐祿食之過儻。既儻而益俯，走循牆而若蹊。銘斯文以不墜，實貽謀於萬年。有明德者，必達符臧紇之知言。吾猶惜魯人之善知而不善用，使必達之效僅見於夾谷之歸田。他日，邵大鼎之納廟，又徒以寄忠憤於魯軌之編，豈非天乎？先生愀然曰：傷哉！離能知孔鼎者，知其一而猶未知其二也。余聞鼎之於易也，其時義大矣哉。車既變而法立，志有在也。革既變而無制，亂之待也。考父氏之知革也，故制器立法以成乎志也。饗於於是者，若不足以餉余口，而達明德於後者，實足以騶上帝也。滅於宋而奔魯者，若不足以容一時，而師於魯以準天下者，實足以開萬代也。是其鼎也，大其大而與天同，其涵重其重而與地同。其載也，故九鼎乎？百王者可軒而可舁也。楚子旅之所不能問，而鬼與區之所不能對也。辨其名於周漢者，不得以入其佞。託萬子孫於山甫者，不得以襲其詭也。茲孔氏之世鼎若是，而又何必仲尼之當世也？客乃意而起，為之頌曰：周客續殷尹，我東土。禮物既修，文獻攸聚。聖人七祖曰：正考父，傷禮之衰，追道高武。商頌既作，刪詩特取。惟茲有銘，重鼎大呂。一命再命，曰：僕曰偃，以餉余口，亦莫余侮。作藝何人，覆

饒公所染指染頤，甘蹈鐘斧。維祖之孫，有達在下。萬帝王師，光鼎於祖。予小子某，學禮於祖，載希奚斯式頌於魯。

又符麟賦并序 獲麟之說，諸家不同。或謂秦西漢之瑞，或謂漢受命之符，或謂夫子將沒之徵，或謂夫子經成之祥。修母致子之說，蓋陋矣。近代傳經者，遂比於韶成之鳳。夫以麟為應經而出，是麟之靈也。出而見獲，靈何在焉？故公羊以為異，而杜氏謂春秋感麟而作經，因為終其理為長。吾夫子固嘗歎鳳鳥不至，蓋歎道之窮而帝王之瑞不出也。大野之麟，胡為乎來哉？因獵而獲，則是麟混於羣獸而為虞人之所擒耳。獲之云者，悼之之辭也。悼之者，悼其出非時而為虞人之所擒也。故聖人感之作春秋絕筆於獲麟之句，所感而作，因為終。故獲麟後二歲而孔子卒矣。何瑞之足云乎？王通氏謂以天道終者，即此意也。故今亦不能外是說而為賦。昔素王之作經也，其感乎麟之瑞乎？且天之未喪斯文，兮鳳鳥已不至也。天之將喪斯文，兮麟又胡為而出也？吁！嗟麟兮，祥乎異也。吾聞元楊之精，首四之靈，抱至仁之性，拔不類之形。心兮好生，趾兮不踴，角兮不觸，額兮不抵，音純美兮協律呂，步周旋兮中規矩。出惟應期兮居必擇所，不犯獲狎兮不羅網罟。稽之在古，或遊於苑，或爭於囿，或出於郊，或在於數。匪家所畜，不世而有。仁主在位，靈獸來擾，繫王風之下，降彼潛形，其已久。嗟嗟元聖，衰姬紉麟負一角，而因世蹇蹇，躡於風塵，削跡於衛。兮伐木於宋，接淅於齊，兮絕糧於陳，雖龜不出兮，儀鳥不至，周公無夢兮，亞聖殞身。驗天道兮如彼，察人事兮如此，道不行兮吾其已矣。仁哉麟哉，胡為來哉？生不逢聖，虛其應，出非其時，失其歸。西狩之獲，世所疑反袂拭面，涕沾衣。春秋制作，豈在茲彼，以為底文成之祥兮，何見踣於鉏耨也？以為悼將沒之徵兮，豈樂天之稱聖也？聖達乎其位兮，麟實瑞乎后皇，聖出非其時兮，麟遂異乎素王。彼大野之所獲兮，又何異夫犬羊？詳曰：時之治，麟為瑞，吁！嗟麟兮，時之否，麟為異，吁！



嗟麟兮為春秋之所起為春秋之所止吁嗟麟兮

汪克寬夫子之牆賦 敏學主人與博古先生遊於尼山之麓曲阜之墟造孔林之闕里瞻至聖之攸居橫楠連雲而蒼鬱檜柏參天而扶疎蹕亭嵯峨而倚空杏壇甃甃而荒蕪列櫺星之層構峙鉅殿之中歸屹崇門之突兀繚周垣之迴紆主人喟然而歎曰端木子所謂數仞之牆其在茲乎吾子衣冠隨之逢掖冠崔嵬之章甫塗抹丹鉛畢寫今古行式淵濤言稱求路蓋為我拙思逞辭飭章繪句鋪張弘麗之規緣飾高廣之度極詞人之炫耀亟援筆而為賦先生曰嘻夫子之牆豈今之所謂牆哉粵自二龍繞空五星降庭萃大塊之清淑會元氣之晶英續聖神之華胄集條理之大成拓天下之廣居開億代之文明夫是以覆秦宇以為欄立人極而為柱存至誠而為基凝至道以為土文章為之華節德業為之培累貫一理以為棟崇萬善而為堵仁義中正乃其板載之方詩書禮樂乃其舂鏞之具不思不

分開萬葉以流芳根詩書之正脈兮表吾道之昌長昔關里之微言分稱後凋之松柏惟若木之柏葉松身兮固手之而不能釋諒因材而栽培兮在人物以如一元氣會乎其根兮集條理而大成日月拂乎其枝兮揭文明而上行映尼山之正色兮紛蒼翠之會敷承泗波之餘澤兮潤滲漉而不枯雲風歛霍而經庭兮差芳氣之襲予八音曾吟以殫殫兮忽升堂而驚顧鳳飄飄以銜圖兮遙千載以來下麒麟有時而出兮或遲茲而游豫彼春秋之風雨兮超震凌以自揭後七雄之斬艾兮曾不足動其一髮金石規乎其堅剛兮縱百秦而何焚神左右以扶持兮知未喪於斯文吾聞孔壇之杏兮配斯文以承久何茲檜之鼎峙兮亦茲杏之不朽信聖人之於萬物兮無一物而不仁荀仁心一有所寓兮自當與天地而長春建深根而不拔兮屹儒家之柱石今將指天地為期兮壽皇圖於箕翼北極建杓而秉持分奎壁燦然而成行扶桑昭晰以警暉兮條風發乎震方皇覽乎六聖之芳澤兮熙文運以再昌錄孔氏之子孫兮攬庭秀而不敢忘訪故家而愛其木兮當百倍乎甘棠命青陽使發敷兮起朱融使樹聖戒顯收以來殺兮警神冥以孽養謂英材之並育兮待棟梁以為用矧先聖之親植兮誠有土之所重嗟七十子面承聖提兮各抱材而有施何梁木之既壞兮余乃不得與茲檜而同時幸壁藏之亡恙兮瞻牆仞以有基託餘陰以延佇兮結芳條而遐思衣前後之禮如兮恍洋洋而在斯雖朽質之莫離兮亦求柯而為則喜斯道之有依兮遂游歌而不息歌曰檜之根兮輪囷檜之節兮嶙峋自周及元吾不知其幾春檜之古今有神檜之今分有靈維元繼周益將開千萬億載之文明

明李東陽奎文閣賦并序 關里宣聖廟舊有奎文閣以貯古今圖書在大成殿之前杏壇之南金章宗重建規制頗精國朝置衍聖公府其屬有奎文閣典籍一人凡朝廷有事於廟則禮廷香幣虔於閣

中以俟行事。弘治己未，廟災而閣存。工既就緒，殿廡闕麗，皆加於舊。按祭飭事，黃君繡謂閣弗稱，欲撤而新之。眾議譁然，以為故物不可廢。黃執之益力，巡撫都御史徐公源實主之。閣成，高八丈，有奇。略與殿等，棟宇相埒，金碧交映。向之譁者，始翕然歸之稱全功焉。東陽奉勅祭告，乃登於茲閣，欲賦其事，未暇也。徐公既購書數百卷，付衍聖公閱，詔令典籍孫世忠守之。四方藩郡聞而致者，日益富。徐公使告於予曰：閣不可負也。乃為賦之曰：偉新廟兮既宮，突高閣兮麗空。海之右兮山之東，極瀕海兮爭提龍。納沉瀝兮超鴻濛，表日觀兮來天風。忽秋兮始肅，見奎星兮正中。初徙倚兮欄前，暫徘徊兮戶外。殿庭兮巍我與茲閣兮相對，亭碑矗兮林立。壇屋隱兮如蓋，昔金源兮始構。幾歲序兮更代，歎軒楹兮未燼。紛瓦礫兮浮塹，及輪奐兮鼎成。謁冠裳兮咸萃，覽舊跡兮無餘。撫孤根兮一檜，吁嗟乎。靡麗兮嫿嫿，彼齊雲兮落星。恨望兮恆營，或籌邊兮見京。夫豈若睹羹牆兮故宅，誦典則兮遺經。宛科斗兮孔壁，恍金絲兮魯聲。感春秋兮絕筆，禮詩禮兮趨庭。存奇文兮簡史，脫虐箴兮秦坑。藉神鬼兮呵護，闢山川兮精英。乃有章編兮竹簡，石墨兮溪藤。汗牛充棟兮不可以數計，又奚問兮何名。幽并兮青兗，渺宮牆兮在眼。景行兮高山，每為感兮不淺。金書兮玉簡，幸吾生兮未晚。迺秋霄兮愈浹，恨夏日兮猶短。仰聖道兮彌高，思古風兮漸遠。閱千載兮一時，曾一慨兮不滿。瞻逸駕兮可攀，尚積波兮在挽。噫嚅嚅嚅，靈有地兮傑有人。賢有象兮國有賓，下厚土兮上高旻。軼倒景兮離塵紛，博典冊兮窮皇墳。厲夕惕兮求朝聞，豈徒析蟲魚兮隱義。辨亥亥兮疑真，訝雨粟兮天半。降青藜兮夜分，蓋方舞千羽兮七旬。徧絃歌兮八垠，占聚緯兮周鼎。聽圓橋兮成均，殆將興兮吾道。庶不朽兮斯文，幾乎高哉。勢不可以極，茲閣之名兮並列宿而俱存。

又南溪賦并序 南溪者，故衍聖公以敬所居而因以為號者也。余

過而賦之，以遺其子。今衍聖公閱韶，其辭曰：西涯子寓於南溪之上，公事既竣，賓客盡散，清曉徐來，旭日始旦。春服漸減，烏紗微岸。方眾景之駢列，忽羣憂之一泮。沿堤而步，則蒼蘚繡地，丹樓燒林，野食呦鹿，園鳴鸞禽。繁華曜其陽，叢蔭蔭其陰。松移徂徠之峰，石出太湖之潯。境已曠而復幽，路將窮而轉深。乘舟而泛，則泓碧長曳，汰痕圓暈。虛亭倒影，下入無朕。菱穿荇繞，倏遠疑近。飛羽來翔，游鱗作陣。俯空鑑以窺明，激輕濤而拂潤。雖非浮海之大觀，亦得風雲之真韻。登城而眺，則面引冕繹，背負岱宗。左拱尼阜之巉巖，右瞻文廟之寵從。古泗北枕，清沂南帶。達泉出乎其側，汶水縈乎其外。深池曲竇，下與溪會。復有平曠萬區，大澤千里。高原隱伏，廣路長逵。天幕幕以四布，雲飛飛其如駛。思兩儀之既闢，見萬象之流峙。乾坤泚其無際，靈氣宛兮攸止。不然，則一溪兮幾何，吾寧獨羨乎此。偶遇孔氏之父老過而問曰：美哉溪乎，其源可得而知乎。父老曰：此周封之遺墟，漢國之故池也。其前則兩觀之門，其後則靈光之基也。地以人勝，事隨代更。速我故公而南溪是名，滌滌汗濁，澄渟清冷。寒者疏而為通，涸者瀦而為盈。坊危有堤，臨深有凭。培舊植以為堅，綴新葩以為榮。斯溪也，乃冠裳之所咸集，軒騎之所必經。詞林侈以為盛事，海內想望其風聲。矧伯仲之具美，與東莊而並稱。余嘗覽前游燕橋，吳纓楚忽，使軺之東邁，再余節兮鄒魯。魯之山兮嶽嶠，魯之水兮漣漪。匪王事之在躬，余何為兮此溪。窺聖途之浩蕩，望學海之津涯。歎時乎之不再，觀逝者之如斯。惟德澤之汪濊，配宮牆之崔巍。家與國而咸休，名與牒而俱垂。吾固知金石之足恃，託文章以為期。於是衍聖公揖而進曰：嗚呼！此先君子之志也。先生幸為我賦之。余曰：嘻，有是哉！乃呼墨援筆，書於堂壁。徘徊日夕，蓋三宿而後出也。

國朝徐倬孔檜賦 昌平之里，鬱葱聖域。獨產神著，不生荆棘。女貞扶荔，粉榆檉柏。奇卉嘉樹，五方所集。惟茲神檜，文宣手植。葉削芳蕤，





木落枝條獨留孤幹亭亭巋巋。風霜閱歷時代殷遙。非桓魋之可伐。豈秦火之能燒。其爲色也不涅而淄。不黔而墨。如齊室之深衣。如陽臺之晞髮。其爲狀也。斑龍脫角。馴象摧牙。如梅冶之留根。如河上之浮槎。其爲質也。砥礪鐵屈。幹古銅鏗。如泗濱之響石。如瀨水之精金。羅時瓊霄。孤撐玉府。嚴風撼頓而不驚。奔電礪突而彌固。偕日內之扶桑。窮羿投弓。同月中之丹桂。吳剛罷斧。未受大夫之封。不號將軍之樹。長與杏壇爲鄰。相無窮於終古。若夫梓隱青牛。松形白鹿。金谷鳥標。蘭亭修竹。小山之叢桂。飄香唐昌之仙蕊。飛玉雖芳。馥於當年。不崇朝而委身於樵牧。卽如石紐空桑。南國甘棠。虞廷抽其屈軼。禹襄駕平梅梁。然亦隨時序爲榮落。未聞傑立於千霜。至於賴鄉之苦李。身毒之婆羅。漆園靈椿之悠逸。金塘桃核之磊砢。此又岐枝之槎枿。不比正學之靈柯。安能並日月而照曜。隨天地而不磨於焉。屈乘輿臨闕宮。摩挲勞乎。

御覽顧勝入於重瞳。歎先聖之手澤。羨儒囿之芳風。龍衣藻冕。殷勤披拂。金支翠帽。延佇從容。一作師而一作。

君將後先之揆。同禾指乾而挂坤。歷萬古今何窮。

朱彝尊謁孔林賦 粵以屠維作噩之年。我來自東。至於仙源。斯時也。壇杏花繁。庭楸甲坼。元和之犧象畢陳。闕里之榛蕪盡闢。既釋菜於廟堂。旋探書於屋壁。乃有白石卒史。導我周行。牽車魯城之北。縹馬洙泗之陽。卽大庭之遺庫。循端木之故場。驕孫耐兮。居前聖子藏。兮在左。自黃玉之封緘。闕幽宮而密鎖。隕長鯨兮。不驚。懾祖龍兮。遠禍。除荆棘之叢生。罕翔禽之飛墮。雨露旣濡。遲景東隅。整衣裳之肅肅。正顏色之愉愉。展謁方終。誕尋往蹟。超白兔之深溝。撫青羊之臥石。爰有草也。苞著其名。守之以龜。一本百草。我求其德。洵圖且靈。爰有木也。題之以楮。非柏非樅。靡癭靡瘿。歷千禩而長新。貫四時而不

改。惟先師之遺澤。道莫著乎六經。配光華於日月。若迭奏之琴箏。降而後儒。各事采獲。中文古文之書。先天後天之易。目鄭衛以淫邪。誣春秋以深刻。藐往哲之嘉謨。恆末師之是則。滔滔天下。後死其悲。安得起素王於泉壤。操筆削而正之。我思古人。恥同汚俗。或六聘而收身。或三詔而逃祿。或依李充之山。或就張超之谷。潛戶壁於服虔。變姓名於梅福。入源水兮。栽桃隱丹霞。今種竹。詎如此地。桑海不遷。可游可息。有歌有絃。耳不聞僧尼之魚板。目不睹旗鼓之樓船。樂土樂土。速營一廬。願爲林戶。躬耕墓田。庶幾近聖人之居。讀聖人之書。將不得爲聖人之徒也與。

張英

大駕幸闕里賦并序

皇帝御極二十有三載。重熙累洽。區宇乂安。文德覃敷。聲教四訖。乃稽古時邁。肇事岱宗。謁祠闕里。典禮崇重。恩澤優渥。臣庶懽欣。遠邇嘉歎。大元和盛年。咸平昌世。僅奏六代之樂。修再拜之文。猶垂式簡。編流耀今古。詎有遠。

御六龍親謁萬乘。展隆儀於稽拜。施殊敬於儒先。

聖德顯隆。如今日者焉。洵足以超軼往牒。燿前紀也。臣幸際昌時。得瞻鉅典。雖固陋謏劣。不足以發揮鴻藻。然珥筆承明。職茲紀載。頌揚休歟。敢曠司存。謹拜手稽首而獻賦。曰於爍惟。

皇繼序纂光。本仁祖義。昭憲考章。奠玉衡於神軸。握金鏡於天闕。調四氣以通正。欽八風而協祥。於是西踰細柳。東跨扶桑。交河北徼。比景南鄉。靡不丹梯走傳。碧海浮航。輪琛太府。隸名職方。耀幽遐以日月。

襲鱗介而衣裳。越萬里以入贊。重九譯而來王。是以化洽太和。道隆邃古。納九垓之管籥。總堪輿之局戶。參天地之清寧。儼貞明之作。瞻文軌合而諸俗同。跋屐恬而草木無。軼埃壘而苞混茫。駕羲軒而凌三五。

天子乃高拱垂裳中央運斗容與義林優游書牖探珠淵之秘筌涉玉山之高阜德蕩蕩以無名治熙熙而何有既則冲然永念穆然深思曰儀象肇啓道法昭垂淺明寢熾惟君惟師羣聖一揆六經同歸王澤下竭頌聲式微孕星鈐於上瑞錫麟紱於昌期毓龍躋之至德挺鳳峙之殊姿集大成於千古開絕學於來茲溯平鄉之懿躋景闕里之崇規庶幾哉聞見可接義牆在斯舉時巡之盛典秩釋奠之隆儀爾乃乘大輅控金鑣牽翠羽捎文虹屬車按節繁吹鳴笛七萃鱗附千官景從馳道則五里十里旌門則一重再重集於泗水之上幸於尼山之宮斯時也清羽司音初陽應律葭管煙霏芸房露茁氣不慄以時寒序將周而朔易撫景物之澄鮮攬風雲之明瑟旌旗捲而廣野回春帳殿開而暮山凝色遂乃肇舉吉祀肅奉精禋春卿贊采祠官祇牲朱火西蘊元酒東陳嘉遯廣豆豐潔潔振羽籥之六舞合威英之九成薦祝號之明信導神絃之降迎穆穆宸容應應天綽殊禮展謁隆文錫賚觀靈爽之長存儼哲人之如在感神契以潛孚體道真而昭對洋洋乎使僕平與殊庭月角授受於千載之閒玉節金鑰酬答於一堂之內也威儀告竣禮度有嚴登堂入與規周矩還瞻聖里之帆岬憩廣庭之靜便布兩楹以翼贊時雙闕以星懸藉杏壇之修蔭挹碧池之素漣偃息於道德之府溯泳於圖書之淵於是芝蓋重葩龍旂曲柄貴侯一人尊伴萬乘述素王之嘉贊發五言之

睿詠海嶽遜其高深星雲竝其輝映斯則聖天子蘊道之淳風崇儒之殊敬也簪纓陪位衿佩圍橋長裾霧會仙組雲影始橫經以警問旋拊石而吹匏誦遺言於姬孔沐雅化於唐姚禮讓之容咸近光於黎獻愷悌之澤庶作人於譽髦斯則聖天子風聲之四訖文治之不昭也曲阜名區魯原舊聚陪敦土田復除餘賦增講肄之常員沛匪頒之異數推恩則徧及師儒錫爵則旁

流支庶五經博士不遺凡將之封九命上公奚啻褒成之昨斯則聖天子崇德之盛心興賢之弘務也於是采甸侯衛公卿大夫期門式道執戟荷戈文學掌故之士垂髫戴白之徒縱觀典禮瞻濟天衢涵濡化澤屬厭道腴既雀躍而抃舞亦鳬藻而歡愉萬人一口聲滿公車惟我

后之東巡修百王之令式答珍貺於三靈聽謠謠於百室卻瓊儉以勿祈屏銀繩而詎飾騶從清嚴儀文簡質吏不譏訶民無供億協時正律增虞氏之省方納賈陳詩儷姬王之述職既陟山以哀對還翁河而問俗採哲陽之舊歌聽榮光之新燭朝宗匯江漢之波玉帛奉塗山之錄非漢日之奉焚乃堯年之刻玉若乃慶惠殷流湛恩四周給租賜帛省刑釋囚虛衷清問博延廣詢如天光之下霽亦露濃之上浮始汪濊於五土旋齋淪於九州今又茂明至道導揚正學虎炳龍章金追玉琢浴我以詩書弘我以禮樂盛德登閣大猷輝卓慎六合而破英蕤鼓八紘而排氛濁誠振古之隆規開天之偉略也

天子方且回輿京室倚佩軒墀道岸先陟德契自持庀政考業基命勅幾辨色以臨黼展視夜而啓彤帷定仁義中正之極稽因革損益之宜不解冰淵之念彌勤鞫繹之思所以泰階順軌乾策迎禧上理隆洽茂化雍熙治方伴於砥屬俗已進於循蜚四海壽康恬於鶉居之代萬年鼎祚肇於盤極之儀

高士奇

幸闕里賦并序 隆古之世作君作師理同事壹三代以還君師之統分矣夫祖述堯舜憲章文武聖人之學本師帝王貴貴賢賢彼此迭尚君師之理何嘗不同條共貫哉漢自高祖迄於建武永平元和延光之世唐則乾封開元宋則大中祥符皆降萬乘之尊折節羣布議者謂或儉於德或歉於時元明遣官祭告修舉具文而已上以底定之餘緝熙勤學詩書之澤燕於穹壤乃復



躬祀關里昭茲隆軌。今古希邁儒生幸焉。臣以陋劣。珥筆從六轡之後。獲觀盛典。使闕而不書。無以昭我

皇上右文之治。臣滋愧矣。爰拜手稽首而作賦曰。歲紀開逢。月臨黃鍾。三辰協極。四野告豐。勞農息力。索靖報功。嗟將迴乎春谷。霜不殺乎寒叢。

天子既飛旂於江淮之表。旋軫於濟河之封。顧瞻魯邑。聖然其宮。伊素王之舊宅。接青帝之崇墉。森百峙兮南北。錯相瞰兮西東。爰乃蒼翠鳳翼。蒼龍邊修陸。昇遐踪。絡繹乎其奔會者。若趨蹌之亞。亞疾徐乎其進止者。若俎豆之雍雍。詎探奇於嶠嶠。類問道於崆峒。時則風伯敏。威雨師。收麗。碧華承輪。丹楓蔭駟。日華於林霞。綺於陌。天地爲之而登宇。山川因之而絢色。折衝伏飛之旅。執戈而荷戈。出警人。蹕之臣吟鞭而頌策。畢罕遙舒。翳翳競集。目泝分洙泗之靈源。心游分金絲之奧室。東成之後。夾書輔以拱立。四氏之徒。羅芳徑以通籍。結羽葆兮開重闔。導鳴鸞兮入聖域。陋叔孫之禮儀。嗤諸儒之故實。啓帳殿以齊居。進行帷而盥食。於是乎籌人戒旦。表人視明。祝人潔幣。宰人刑牲。必芬兮和。屯匡敷兮泰盛。將車服兮在望。既履綬兮畢呈。規燭兮碧甃。灼燦兮朱楹。藹藹乎三楹之植。赫赫乎七壁之銘。歷階而進焉。矩步而行焉。盥洗以致乃敬焉。釋奠以告乃成焉。其禮器則有山雷象勺。蓬寶銅匱。合蕭揚。煥髮髯兮神明。其樂舞則有朱干玉戚。鼗鼓匏笙。登歌。閒詠。洋洋兮韶英。

乃紆睿慮之乾乾。湛宸容之穆穆。九流仰鏡。萬古欽矚。銀鉤鐵畫。揭藻彩於日星。珠榜璇題。登峭屹於家廟。交窗之樞。彩爭對。霄之簾。輝欲落。蕭蕭周廊。重檻闌。倚兮如。擊。俯兮若。啄。晝徐徐兮杳。夕夕。暖暖兮松。幌。迴二氣之慘舒。駐千年之晦朔。言想乎詩禮之堂。載升乎奎文之閣。几策并陳。絃誦可作。莫不開龍顏之一。肅。歎鳳德之猶昨。既徘徊以容與。復諏謀而詢度。迨於緩瑟。轡迴玉軫。坐講堂。聯席。

尹念儒林之繁會。矧聖里之標準。詔子弟以修鼓篋之儀。儼膠庠而播道。鐸之警。羣編並啓。壁書無隱。闢大義兮方昭。續微言兮未泯。現環兮天語。若鐘鏞之初叩。聲聲兮經生若函丈之羣。請周旋中規。進退惟謹。若夫嶧山之傍。尼山之畛。望五老之峰。而迴車訪坤靈之洞。而結制。或起或伏。或遠或近。撫往蹟以雷連。覲遺徽於夢寢。於是乎出自北門。瞻彼中林。想衣冠於馬鬣。之道數封植於苑。滿之。澤。岱。撤壤以培其厚。海飛沫以環其深。氣阡阡而奕奕。景鬱鬱而沉沉。其石則有龜趺。距丈。麟。碑。摩挲。翕仲秉笏。華表棲禽。其木則有文楷。攢。繡。蒼柏。接陰。檟。檀。布。戟。粉。柞。抽。簪。綴。樊。垣。以爲衛。戒。採。拾。而靡。侵。荆。不芟兮。自。剪。草。皆。茁。茁兮。成。琛。恍。精。誠。之。有。格。式。憑。眺。之。常。欽。伊。神。符。而道合斯豁。目而暢心。是日也。巽風匝地。解澤彌天。屯膏勿壅。渙號勤。官既省耕。而省斂。亦議恤而議蠲。帝王之轍迴矣。聖人之澤存焉。爰及苗裔。世守土田。戶復於籍。丁免於廛。攬謠俗兮周知。平疾苦歷郡。縣兮弗改。乎。賢。遷。懸。寬。租。於。令。甲。戒。索。賦。於。窮。壤。更。乃。收。白。虎。之。幡。樹。金。雞。之。竿。振。鳩。鷺。之。武。騰。蒼。赤。之。歡。照。耀。兮。廣。輪。之。曦。旭。霽。霽兮。率土之珍。瓊。蕩。蕩兮。德。乃。至。魏。魏兮。功。始。全。粵。稽。一。元。肇。分。三。才。爰立。上。下。定。位。尊。卑。別。秩。惟。取。世。之。弘。綱。與。覺。民。之。懿。蹟。理。並。符。乎。禮。載。數。相。爐。乎。翕。關。緬。古。皇。圖。咸。崇。儒。術。或。創。緒。於。兵。戈。或。蒙。安。於。宗。祏。或。希。心。於。汰。侈。或。邀。譽。於。潤。色。縱。陟。降。之。在。庭。未。炳。蔚。乎。史。冊。伊。昭。代。之。授。錄。兮。踵。禹。範。與。義。畫。維。我。

徐嘉炎

大駕南巡賦 粵我

皇清之總三才而襲氣母兮歷

三聖而冠百王惟

聖主之首出乎庶物兮鼓囊箠而播陰陽。管甲子青龍之元會兮赫景



命而召禎祥。誕五德之純精。今開萬禎而輝煌。耕獵道德而為苑囿。分馳騁仁義以為津梁。光無幽而不燭。今澤無往而不彰。紹解義而代嬗。分孕苞符而統混茫。既四海之寧壹。分乃兆人之如傷。作雷雨之解而在宥。分象風地之觀而省方。爾乃建覽旌張。鳳旒雲罕。日旂虹幢。羽蓋萬騎。繽紛千乘。繁會乃先。沛膏雨於垓垓。集羣生於覆載。傲天之乙之弛。羅儀鎬京之大賚。蜀南國之倉箱。望東州而賑貸。推恩數於羣臣。實化育於無外。於時背秋涉冬。寒氣始升。焦溪漸涸。湯谷將凝。水澤之腹既堅。不周之風斯興。木脫葉而童童。草解節而稜稜。吾

皇於是駕雲龍之飛輅。張秋隼之華旗。飾軍容於七萃。申武衛於三驅。隆隆記里之鼓。駢駢相風之車。散轡於滎陽之野。校戎於龍苑之墟。則有屏翳清塵。望舒懸象。飭馳道之離宮。闢修途之榛莽。有轍轡之鑾躋。非眈眈之弘敞。眷北顧而逶迤。憑南雲而下。值三農之休暇。惟六龍之是望。極九有之神功。爰告成於岱宗。嘆齊桓之望瑞。陋漢武之乾封。為民儲祉。秩敘傳庸。望天孫而至。仰日觀而雍容。爰祗誠而徒步。乃獨致夫虔恭。乘輿屏其勿御。騶虞卻而罔從。懸崖垂二分之足。絕壁俯萬尋之松。似捫參以歷井。若凌虛而御風。狂天門而排闥。闔闔經千樹而瞰三宮。胼胝均勤乎大禹。焦勞重見乎神農。時則衛士嚴裝。從臣啓路。簾室傲晨。齊宮戒暮。慶成乎答天之禮。敷告乎勤民之故。神人允協。其休和。臣張式遵天矩度。鳴車東振。闔閭南翔。渡沂沭而行。邁涉汶泗。而飛揚。巡河濱而周歷。思激水之溝防。玩璿珠於漆澤。屯機石於宣房。招河伯以效靈。顧海若而望洋。南際邗溝。北始汜光。嗟泛濫之愁人。致汚萊之卒荒。經營乎潰決之陂。驅理乎橫流之塢。必鑿海而歸壚。斯我田之既臧。何水衡之足惜。為當救此一方。駕餘艘之乘舟。杭一葦而南浮。任長風之破浪。亦沿波而沂游。蕩日青龍之艦。排雲飛燕之樓。組練耀昆明之浦。帆檣聯彭蠡之洲。

兩宮之暫離途

六龍之旋返。植梧鳳於岡陵。斯修蛇於墳衍。馳延屬之紆途。陟別苑之峻坂。麗

宸章於妙高。登浮玉而遐覽。黃童穉負而待澤。黎庶謳吟而送遠。觀乎人文。久道化成。景終古之牧澤。過關里而式憑大猷。是經先民是程。尊元公而開元聖。由素王以及素臣。仰帝師而下拜。志重道以弘文。嘶機檀離離之木。辨雞彝龍勺之銘。鑒古槍之菁葱。撫楷模之輪囷。湯湯乎洙泗之流。屹屹乎防阜之城。結山河之兩戒。鍾地脈於百靈。於是世胄諄諄。諸生肅肅。倣累朝之賓監。榮先聖之雪。仍制既隆。於紹嘉恩。更喜乎褒成盛三雍之上儀。崇百代之休稱。是日也。

天子考五經之統紀。思六藝之折衷。爰披圖而誌蹟。論報德而酬庸。邊豆舞佾之繁。銀鏤琬琰之隆。是未足以光天德。贊聖功。乃既曲蓋之凝嚴。軼葩瑤之龍從。屬祇寅乎禮祀。紛肝鬢而豐融。廣錫類之孝思。弘論說之儒風。歷漢元以迄今茲。誰尊聖之克同。爰乃迴駕。旋軫。飛輪整旆。鳳轡玲瓏。麟毫琴瑟。麗張廣樂於洞庭。舞咸池於北冀。千鈞之虞力。洪萬石之鐘音。備賦忠厚於行章。歌太平於既醉。千疆霽赴。萬里星奔。東橫滄海。西耀玉門。箕斗辰於皇極。布星宿於崑崙。日南則威加窮髮。漠北則武震烏孫。重舌緩耳之國。靡題黑齒之氓。莫不來

王而慕義稽首而稱臣。

皇帝猶顧時雍之速屆俾風動之遄臻乃下

明詔勵羣臣崇學校飭儒紳道德文章濟濟振振遐陬密壤過化存神

是以敷天之下率土之濱含文抱質履素懷真歌風舞雅蹈德詠仁

沐浴乎詩書之澤翱翔乎禮樂之英郊畿父老遐望屬車千官紛會

雁列鳬趨懷銀黃及璽綬佩玉虎與金魚頌省耕省斂之舉上豐年

大有之書猗歟盛哉皇帝王三嬪之運唐虞夏遞降之餘我

皇之至德亘萬古而難踰頌曰煌煌

聖祖創維艱兮洎我

章皇開八埏兮

皇帝聖德宏先業兮既觀文光揚武烈兮三孽既殄毒痛除兮海不揚

波同車書兮殊方貢琛入質子兮震疊懷柔百神慰兮思我蒸民際

太平兮或虞幽隱墜上聞兮省方陳風觀我生兮登岱祈天志憂勤

兮經綸參贊遵先聖兮道一風同克永命兮有虞五載巡狩徧兮亦

越姬周十二年兮我

皇法古純不已兮時邁其邦昊天予兮小臣獻頌介景福兮聖子神孫

承天祿兮

七十代衍聖公廣榮慶雲賦歲在作噩律中黃鍾太和翔洽佳氣

冲融應飛灰於葭管表集雀於璇宮合陽氣而潛起觸膚石以旁通

爾乃英英云云亭亭霽霽風氣絡繹榮華霽對香兮畢蒼兮微幾

儼鸞止而麟遊儵峰迴而水匯於是太史登臺而書之曰異哉初

歷於赤泉遂飛揚於碧落香浮空而蔽野乍截巖而橫廓其散也

貝錦於秋江其聚也舞霓裳於春閣其疾也若騏驎之絕塵其徐也

若鷗鷺之恬漠映日則金碧交官因風則芒穎相錯丹霞失麗紫電

無文銀漢揜章珠斗迷昕迫而察之是曰慶雲原夫慶雲之興也上

有山龍藻火之光華下有舟楫鹽梅之德讓明良作合神人交暢

裊紛其若縹變幻蔚其難狀天孫莫撫其巧公輸幾窮其量王母之

所不能誦八伯之所不能況於是乎文明啓而廣化敷焉於是乎道

德崇而高賢愉焉矧迺岱嶽梁父之鎮洙源泗水之區千聖百王之

冠律時襲土之殊際尊師之

聖主溯翼運之權輿作廟翼贊番曲渠渠鸞虹梁而上躋翔陽鳥以正

中是日也天澂碧山穹窿泮宮鑑檜無風金絲西庸鼓東徵儒業畢

農功爛兮曜羣瞻目爛兮紛眾來同愕眙太息燿燿溶溶色則忽明

忽媚澄鮮叢彩勝丹青之績工形則或悠或揚宛轉曼繞婉象簡之

舞容爾其為瑞也合璧之日不足摘其藻也抱珥之月不足名其寶

也泰階之符不足著其好也甘露之濡不足喻其道也豈若斯雲有

定無定無情有情龍躍則九光畢照鳳儀則六象俱形折若木之華

金枝玉葉時汾陰之鼎鵬翼魚鱗高觀層樓非黜聖之所能飾絳車

華蓋豈輪匠之所能成是則七璧之報祇以彰先聖之靈而五雲之

生尤足表天庥之徵也歌曰太虛何有道氣充兮和則為祥順為隆

分續紛蕭索曰從龍兮

聖學遜敏師則崇兮輝煌廟貌日方中兮五色比象雲何工兮光華復

旦四方同風兮載賡曰起封中兮彌八方號瑞霽兮集休祥齊如馬

兮超龍驤絢瓊璫兮舒其光歛赫曦兮映棟梁蒼梧來兮符

聖王何以卜之斯文昌

辭

宋鮮于侁告孔子辭曲阜分遺墟先師分闢里神髣髴兮如在涕

潺湲兮不已窮天地兮一人揭日月而照臨生無萬乘之位兮三千

之徒心服而四來嗟愚陋之不明兮乃商賜之為疑羌紛紛其妄作

兮悖道違義而弗自知顧六藝之折衷兮取舍縱橫而協於道後世

苟輕肆於臆臆兮必致貽於詬病三綱立而五教明兮實治世之宏

矩履厚地而戴高天兮胡一日之可捨且萬齡之廟貌兮春秋不乏



儒藏

闕里文獻考

卷四〇

其時祀合仁義以爲冠兮結忠信而爲佩集道德以爲裳兮服文章而爲帶列籩豆以爲左右兮蘋藻牲牢而潔肥酌玉醴以爲酒兮錯瓊瑤而爲漿升堂而北面兮望冕旒之巍巍惟神明之降鑒兮洞精神其來歆

明李傑弔檜辭并序 弘治己未歲六月十六日闕里孔子廟災先聖手植檜燬焉京師士大夫聞之罔不驚惋且曰廟貌修復我皇上崇儒右文諒不容緩但茲檜不可復得惜哉予考之志書手植檜枯於晉復榮於隋又枯於唐復榮於宋元初於陽楊吳東遊記中云金貞祐兵火焚檜無復子遺好事者或爲聖像或爲簪笏而香氣特異是則宋時復榮之檜至是不復存矣後八十一歲爲至元三十一年復生於故處教授張頌爲銘以識之今所燬者卽此檜也然則他日之復生其可必也乃爲辭以弔之辭曰維茲之檜兮鬱乎參天蒼色屹立兮廟門之前右枝符坤兮左幹象乾膚文隱起兮一如糾纏迴柯偃蹇兮蛟龍屈盤蔽虧日月兮凌厲風煙嘉種特異兮良材孔堅根蟠厚土兮下入九泉尼山培根兮泗水滋源鍾靈孕秀兮餘二千年是惟先聖之所手植兮夫豈凡木之可比肩載枯載榮兮凡幾生意常存兮不死日月光食兮重明甲子數窮兮復起嗟茲檜之被燬兮元氣鬱而蘊精迨靈雨之旣零兮萌蘖勃兮其奮興惟聖道之光大兮與天地而同久冀茲檜之復生兮歷萬年而不朽

喬宇孔林辭并序 正德庚午歲宇以戶部左侍郎奉命禱雨於山東境內山川道經曲阜瞻望聖林感而賦此辭曰鬱鬱喬林上蔽空兮環抱數里靈秀叢兮於惟先聖歸故宮兮千秋萬歲神遊其中兮蔭庇後人澤無窮兮我塞以通曠以聰兮扶世立教伊誰之功兮闕里文獻考卷四十終

校記

①分：當爲「兮」之誤。

[General Information]

书名=儒藏 史部 孔孟史志二

作者=郭齐，李文泽主编

页数=686

SS号=12315540

出版日期=2005.05

出版社=四川大学出版社

ISBN=7-5614-3051-5

SSLIB-JPG=<http://image2.5read.com/image/ss2jpg.dll?did=n21&pid=1780FC2B9DB671360E47FD991BC354BD00458C02D7DDEB83EF074C16BD3CB8631B09A632F2A53C9785A0E7D2480509FA2F109261E205367A4FAEC4CC2A091ABD9E893CAAC5E36CDE51A3267A8FA8B9723F1A7D4E2DF781D637042DF5&jid=/>

PDG=